


Yesu Kerisoné So  
Whi Tao Sere Kisi  
Fo Wisi



The New Testament in the Folopa Language of Papua New Guinea

**Yesu Kerisoné So Whi Tao Sere Kisi Fo Wisi**  
**The New Testament in the Folopa Language of Papua New Guinea**  
**Nupela Testamen long tokples Folopa long Niugini**

copyright © 2005 Wycliffe Bible Translators, Inc.

Language: Folopa

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

---

PDF generated using Haiola and XeLaTeX on 11 Nov 2022 from source files dated 9 Oct 2020  
4e9b4b04-0b47-5583-9c4d-fb82cfdd65c2

## Contents

FRT . . . . .	1
Matyu . . . . .	2
Mark . . . . .	67
Luk . . . . .	105
Jon . . . . .	168
Aposel . . . . .	216
Rom . . . . .	277
1 Korin . . . . .	306
2 Korin . . . . .	333
Kalesia . . . . .	350
Efesus . . . . .	361
Filipai . . . . .	371
Kolosi . . . . .	378
1 Tesalonaika . . . . .	385
2 Tesalonaika . . . . .	391
1 Timoti . . . . .	395
2 Timoti . . . . .	404
Taitus . . . . .	410
Filimon . . . . .	414
Hibru . . . . .	416
Jems . . . . .	436
1 Pita . . . . .	444
2 Pita . . . . .	452
1 Jon . . . . .	457
2 Jon . . . . .	464
3 Jon . . . . .	465
Jud . . . . .	466
Hakearaletai . . . . .	469
Bible reading . . . . .	500

**Yesu Kerisoné So Wh̄j  
Tao Sere Kisi Fo Wisi  
The New Testament in  
the Folopa language of  
Papua New Guinea  
Nupela Testamen long  
tokples Folopa long  
Niugini**

*Yesu Kerisoné So Wh̄j Tao Sere Kisi  
Fo Wisi*

The New Testament in the Folopa  
language of Papua New Guinea  
[ppo]

Translation by Wycliffe Bible  
Translators

© 2005 Wycliffe Bible Translators,  
Inc.

Print publication, 2005 by Wycliffe  
Bible Translators

Web version  
2014, Wycliffe Bible Translators, Inc.  
<http://www.Wycliffe.org>

<http://pngscriptures.org>

<http://www.ScriptureEarth.org>

This translation is made available  
to you under the terms of the Cre-  
ative Commons license (Attribution-  
No Derivative Works).

<https://creativecommons.org/licenses/by-nd/4.0/>

**Your are free to share** — to copy,  
distribute and transmit the text  
under the following conditions:

- **Attribution.** You must attribute  
the work to *Wycliffe Bible Trans-  
lators* (but not in any way that  
suggests that they endorse you  
or your use of the work).

- **No Derivative Works.** You may  
not alter, transform, or build  
upon this work.
- **In addition,** you have permis-  
sion to port the text to different  
file formats, as long as you don't  
change any of the text or punc-  
tuation of the Bible.

**Notice** — For any reuse or distribu-  
tion, you must make clear to others  
the license terms of this work.

**Tok Orait**

Dispela Buk Baibel i kam wan-  
taim tok orait na lo bilong Creative  
Commons Attribution-No Derivative  
Works license. Em i tok olsem  
**yu ken givim kopi long narepela  
manmeri.** Yu ken wokim kopi na  
givim long husat i laikim. Tasol, yu  
mas tok klia dispela samting i kam  
long <http://tokplesbaibel.org>. Na tu,  
**yu no ken senisim Tok.**

Ol piksa i kam wantim ol Baibel na  
narapela buk i stap long dispela sait  
i gat tok orait long usim wantaim  
dispela samting tasol. Sapos yu laik  
narapela tok orait, yu mas askim  
husat i papa bilong copyright long  
dispela ol piksa.

Sapos yu laik stretim samting i no  
orait long dispela tok orait, stretim  
tok, salim Buk Baibel, o tainim Tok  
bilong God long nupela tok ples, yu  
ken **askim mipela.**

Olgeta tok orait na lo long tok  
ples English i stap long [http://cre-  
ativecommons.org/licenses/by-nd/4.0/  
legalcode](http://creativecommons.org/licenses/by-nd/4.0/legalcode).

Sapos yu gat askim long dispela, **plis  
askim mipela.**

**I Buk Tuamó moletei**

## Matyu

<sup>1</sup> Ita, Yesu Keriso deyaairaaalu, deté wale wh̄rapené doirape aseyóló muló beterapó. Abraham-né deale naalené mepaae wh̄j deté fóló, Depit dealepó. Depit-né deale naalené mepaae wh̄j deté fóló, Yesu Keriso dealepó. <sup>2</sup> Ai wh̄rapené doirapeta i ape.

Abraham-né Aisak dealepó. Aisak-né Jekop dealepó. Jekop-né ti Judaró ama nomarapetamo dealepó.

<sup>3</sup> Judané Peres-ró Seratamo dealepó. Atimaamoné hamata, Tamar-pó. Kale wh̄j Peres-né Hesron dealepó. Hesron-né Ram dealepó.

<sup>4</sup> Ram-né Aminadab dealepó. Aminadab-né Nason dealepó. Nason-né Salmon dealepó.

<sup>5</sup> Salmon-né Boas dealepó. Boas-né ama hamata, Rahab-pó. Boas-né Obed dealepó. Obed-né ama hama ti Rut-pó. Obed-né Jesi dealepó.

<sup>6</sup> Jesiné ti kale t̄teróló kaae tare doasi topo wh̄j Depit dealepó. Depit-né Solomon dealepó. Solomon-né hamata, Uria-né dokale so wulia betepa, kale doasi topo wh̄j Depit-né dokalepó.

<sup>7</sup> Solomon-né Rehoboam dealepó. Rehoboam-né Abaija dealepó. Abaijané Asa dealepó.

<sup>8</sup> Asané Jehosapat dealepó. Jehosapat-né Joram dealepó. Joram-né Usia dealepó.

<sup>9</sup> Usiané Jotam dealepó. Jotam-né Ahas dealepó. Ahas-né Hesehia dealepó.

<sup>10</sup> Hesekiané Manase dealepó. Manasené Amon dealepó. Amon-né Josaia dealepó.

<sup>11</sup> Josaiané Jekoniaró ama nomarapetamo dealepó. Ai wh̄rapeta, kale Israel fake so wh̄j b́e

wh̄rapené Babilon hae kwia-paae wae sóró faaitere alimó dealepó. <sup>12</sup> Atéró, atima u Babilon hae kwia-paae wae sóró fele sisópaae

Jekoniané Sealtiel dealepó. Sealtiel-né Serubabel dealepó.

<sup>13</sup> Serubabel-né Abiud dealepó. Abiud-né Eliakim dealepó. Eliakim-né Asor dealepó.

<sup>14</sup> Asor-né Sadok dealepó. Sadok-né Akim dealepó. Akim-né Eliud dealepó.

<sup>15</sup> Eliud-né Eliasar dealepó. Eliasar-né Matan dealepó. Matan-né Jekop dealepó.

<sup>16</sup> Jekop-né Maria dokale wh̄j Josep dealepó. Mariané ti Yesu dealepó. Ai sek̄ta, so wh̄j feané Kerisopó du betere wh̄pó.

<sup>17</sup> Atéró, i doi mole wh̄rape deté wale wh̄j Abraham-mó kaae sóró bitiré wóló, Depit betale alimó sókó wale wh̄rapené doirape fea touróturaalu, <sup>14</sup> wh̄rapepó. Téró, Depit betale alimó kaae sóró bitiré wóló, kale b́e wh̄rapené atima u Babilon hae kwia-paae wae sóró bitiré fele alimó sókó wale wh̄rapené doirape fea touróturaalu, <sup>14</sup> wh̄rapepó. Téró, u kale Babilon hae kwia-paae wae sóró fele alimó kaae sóró bitiré wóló, Kótóné so wh̄j t̄teróló kaae tan̄póló, sóró beteró betere wh̄j Keriso betale alimó sókó wale wh̄rapené doirape fea touróturaalu, <sup>14</sup> wh̄rapepó.

*Yesu Keriso deale fo*

*(Luk 2:1-7)*

<sup>18</sup> Yesu Keriso etéró dealepó. Ama hama Maria ̄ dokaai tukóló beteró betere wh̄j Josep-tamo kuni h̄le betepatei, D̄j Kepe Wisiné naale eró betepa kelalepó. <sup>19</sup> Atépa, kale so dokaai yale wh̄j Josep ̄ me dowi alakélé ini, mo donoi wh̄j wisinaale betereiteiné so wh̄j feané erateremó, kale so ̄ hale yaqsóró, kikitiki tokó daalaaiki kisi pa mualepó.

<sup>20</sup> Atei kisi pa mutu betepa, noke-narótei Talené *ensel*-né Josep-paae

duraalu, “Depit-né deté wale whjné naalema Josep-ó, Mariané ai ere naaleta, kale Dęi Kepe Wisinétei eró betepa ya haleni, naao sopa dokaai dapesó fae. <sup>21</sup> Ama ai ere naale detepata, ti so whj feané du betere dowi alamó saaire kwia tokóló kemeróló tao saalopóló, ama doi Yesu mulae,” yalepó.

<sup>22</sup> Ai alarape feata, hęle kaayóló ini, Talené fo eratere kóló whjné mo taketi aseýóló muló betere fo dokonóturaalu, yalepó. <sup>23</sup> Ai fo i ape. “Betę so seimale whj metamo kuni-patei, naale yaalopó.

Ai naale deyóló betepa so whj feané ę kilituraalu, ita Emanuel-pó yaalo ai ape,” erapó.

Ai fo bete feteyóló Kótó dętamo betepó.

<sup>24</sup> Atéró, kale whj Josep ę turukó horóló, Talené *ensel*-né nokenaró ępaae yae yale alatóró sya fóló, kale so Maria dokaai ama bepaae dape salepó. <sup>25</sup> Téyaleteti, ama somatamo kotere ala ini, hęle bitiré fóló kale so naale detepa, Josep-né ai naalené doi Yesu mulalepó. Atéyale kęlipaae ti atimaamo kwęalepó.

## 2

### *Suka hoterepaae betere whjrapenę Yesu deóló betere kelale fo*

<sup>1-2</sup> Judia hae kwiamó tęne Betelehem be huluamó, Yesu deyale kęlipaae etéyalepó. Jerusalem bemó Herot ę doasi topo whj betale sukamó, kale hęrené dere ala bete kisipare whjrape atima suka hotereró wóló, ai be huluamó betó mole so whjpaee woseturaalu, “Kale Juda fake so whj tęteróló kaae tawaaire topo whj-a, momó deyóló betere? Ti noatepae, dę suka hotereró bitu, ę deyóló betereitei kisipa yópóló, ó sęmó daale hęre dę yó tapa kolóló, ę aqmó bitu ama doi hale sóró horaai dę i wale ape,” yalepó.

<sup>3</sup> Tétepa, doasi topo whj Herot-né ai fo woseturaalu, ama kisipa

feléni, ę doasi whaaliatu betalepó. Atétepa, kale Jerusalem be huluamó betó mole so whjkélé ama mutere kisipa kaaetóró mutu betalepó. <sup>4</sup> Kale doasi topo whj Herot-né so whjmó Talepaae momaratere topo whjraperó Moses-né yóló muló betere fo yó matere whjrapetamopaae ape yóló woseturaalu, “Kótóné so whj fea tęteróló kaae tanópóló, sóró beteró betere doasi topo whj Keriso-a, mé bemó deyaalopóló aseýmó yóló muló betere?” yalepó. <sup>5</sup> Ti fo depa, atimané tokó mótu duraalu, Judia hae kwiamó tęne Betelehem be huluamó deyaalopóló, mo taketi Kótóné ama kóló whjné aseýóló muló betere fo i ape.

<sup>6</sup> “Juda haemó tęne Betelehem be huluamó betó mole so whj diaaę kisipané-a, Juda fake so whj tęteróló kaae tare topo whjrape kuamó, dękó doi munipó fo du bitu de? Meipó.

Kótóné so whj tęteróló kaae tawaaire topo whj betę dię tuęmótei, sókó waalo ai ape.

Ai sekęné amata, *sipsip* hupurape tęteróló kaae taru dere kaae, yęlo Israel fake so whj tęteróló kaae tawaalopó erapó,” yalepó.

<sup>7</sup> Téró, Herot-né kale hęrené dere ala bete kolóló kisipare whjrapepaae ape, fo kikiti yó faralepó. Atéró kale whjrape wapa, atimasisi bitu duraalu, “Diaaę kelalepó dere hęre-a, noa sukamó kelaleé?” yóló wosetepa, atimané ępaae mo i be dęmótóróti kelalepóló, yalepó.

<sup>8</sup> Ama atima Betelehem be hulua-paae dotonaai duraalu, “Kale naale momó sóró betereró kelaasepóló, mo wisiyóló kekęe. Atéró kekenalemó, sóró betere tiki keletepa, ti mo hapale tętítóró ępaae ene ape. Ti ękélé ę aqmó sinóló bitu, ama doi hale sóró horaairaaalu, fenęrapó,” yalepó.

<sup>9</sup> Atéró, kale doasi topo whj Herot-

né atimapaee yae yale fotóró wosóló, atima faai wale tikipaae furaalu, atima take suka hotereró bitu kelale horetóró ó sámó hãle fu betepa kelalepó. Atétepa, atimakélé ai hõre foletéi kelené kaae sóró felemó, kale naale deyóló betere tikimótóro kejyóló daane felepó. <sup>10</sup> Ai hõrené dere ala kilituraalu, atimakélé mo doasi hõkesené sinalepó. <sup>11</sup> Atima ai bemó sókó felemó, kale naaleró hama Mariatamo betepa kólóló, atima bukutiri teyaró bitu, Doa Tale-ó yóló, ą hale sóró horalepó. Atéró, atimané kale naalemó hãle melaairaalu sóró wale wisi wisi ɔlarape *kold kapakélé*, si keletómó bilitepa, felé kɛlaa wale ɔlakélé, *mur wel* weikélé, teyóló melalepó. <sup>12</sup> Tale Kótóné kale whjrapepaae nokenaró atimané hae kwiapaae momó fesaae furaalu, Herot betereró faõse yale fo kisiparu, Herot betere tũró feni kae tũmó felepó.

*Josep-ró Mariatamoné Yesu Isip hae kwiapaae dapesó fele fo*

<sup>13</sup> Atéró, atima fi sisópaae Talené *ensel* Josep noke firepaae wóló, nokenarótei duraalu, “Herot-né ai naale daairaalu kekãalo ai ape. Térapa, yãlo yãpaae ape dere alimó waasepóló, yã turukó holóló ai naaleró hamatamo dape sóró u Isip hae kwiapaae botokó fae,” yalepó.

<sup>14</sup> Ai fo woseturaalu, kale whj ą mo dikitamotei turukó holóló, kale naaleró hamatamo dapesó u Isip hae kwiapaae faairaalu, felepó.

<sup>15</sup> Atéró, kale whj Herot sukj tikimó waairaalu, atimaamo u Isip hae kwiamó bitiré felepó. Mo take Talené ama kóló whjné aseýóló muló betere foné duraalu,

“Yãlo naale u Isip hae kwiamó betepa, ai hae kwia taaróló ape,” yalepó.

Ai fo dokonóturaalu, motóró yalepó.

<sup>16</sup> Kale topo whj Herot-né ama yaaire ala kikití hiróló kale hõrené dere ala kisipare whjrape dilikãletei, atimané kilirapóló ą mo doakale

fopaae bualepó. Tétu, ama dikí tare whjrapepaae yóló mulótu duraalu, Betelehem be huluaró ai hae kwiamó tey mole ipu betamomó mióti teó sóró betó mole naalerapemó kaae sóró dilé fóló, ba fo tamo kemeyóló betó mole naalerapekélé mo fea dóló kemerae yóló doteyalepó. Ti aita hãle meipó. Kale hõrené dere ala bete kisipare whjrapepaae wosetepa, atimané ąpaae yó melale be de tuę muluraalu, atéró dóló kemerae yóló doteyalepó. <sup>17</sup> Ti aita hãle tuãmó kaayóló inipó. Kótóné ama kóló whj Jeremaiané i fo aseýóló muló beterapó.

<sup>18</sup> “Rama bemó betere so Resel-né dekené sukj moló doasi du betepa, mepaae so whjné ą kisipa felératere fo yalemó, mo wosenipó.

Ti noatepae, ama naale senaale fea sisiraae feleteinépó.”

Ti ai naalerape dele alata, kale yóló muló betere fo mo dokonóturaalu yalepó.

*Nasaret be huluapaae momó fesaae fele fo*

<sup>19</sup> Téró eteyalepó. Kale doasi topo whj Herot sukj tikimó, kale whj Josep Isip hae kwiamó betepa, nokenaró Talené *ensel*-né duraalu, “Josep-ó, ai kale naale daairaalu du betale whjrapeta, ai sukãle ape.

<sup>20</sup> Térapa, yã turukó horóló, ai naaleró hamatamo dape sóró u Israel hae kwiapaae tokó fae,” yalepó.

<sup>21</sup> Tétepa, Josep ą turukó horóló, kale naaleró hamatamo dapesó Israel hae kwiapaae felepó. <sup>22</sup> Atéró Josep ą Judia hae kwiapaae bitj faai yaletéi, ai hae kwia kale doasi topo whj Herot betale sirimó, naalema Akelausiné teýteróló kaae tarapó dere fo wosóló, witepa taaralepó. Talené ąpaae nokenaró Judia hae kwiapaae bitj faõse yale fo kisipa iruraalu, Kaleli hae kwiamó teýne Nasaret be huluapaae tokó felepó. <sup>23</sup> Atéró



feleteita, mo taketi Kótóné ama kóló whīrapené ašemó duraalu,  
 “So whī feané ą Nasaret be hulua  
 whīkópó yaalo ai ape,”  
 ere fo mo dokonóturaalu, atima  
 Nasaret be huluapaae tokó felepó.

### 3

*Jon-né Yesu waaire tų alerótu be-  
 tale fo*

*(Mak 1:2-8, Luk 3:1-18, Jon 1:19-  
 28)*

<sup>1-2</sup> Atéró bitiré wóló etéyalepó. Kale wēi tópuratere whīkó Jon ą Ju-  
 dia hae kwia tuąmó so whīkélé bi-  
 tini, hąle kópu kąae fi tikimó sókó  
 wóló beterepó. ą aimó betepa,  
 mepaae ą beterepaae wuatere so  
 whīpaae Kótóné fo wisi yó mótu  
 duraalu, “Tale Kótóné ama hepen  
 bemó teteróló kaae tare ala mió mo  
 felekemó walapa, diąné du betere  
 dowi ala taaróló, kisipa tiki feteyóló  
 betae,” du betalepó. <sup>3</sup> Ti ąta, me kae  
 mei, mo take Kótóné ama kóló whī  
 Aisaiané waalopóló, bope du betale  
 whīpó. Aisaiané ama aseyóló muló  
 betere fo i ape.

“So whī bitini hąle kópu kąae fi  
 tikimó, betą whī wóló daalu,  
 fo fakeyóló duraalu,  
 ‘Tale waaire tų donoróló  
 aleyae,’ ” erapó.

<sup>4</sup> Jon-né ama derótua yale ku-  
 tita, *kamel* hupu nikiné aleyale kuti  
 derótua yóo, ama sua yale tokélé  
 hupu sekaşné aleale to sua yóo,  
 yalepó. Ama nukua yale ąlakélé  
 meke wēiró ero nusutamo maaté  
 nukua yalepó. <sup>5</sup> Jerusalem be hulua  
 taaróló wua yale so whīkélé, Judia  
 hae kwiamó betó mole so whīkélé,  
 kale Jordan wēi felekemó betó mole  
 so whīkélé, mo fea ą beterepaae  
 wua yalepó. <sup>6</sup> Atimané dowi ala  
 fea hąkeamó yó mótua depa, Jon-né  
 atima Jordan fole wēimó tópurótua  
 yalepó.

<sup>7</sup> Téyaletei, Farisi whīraperó  
 Sadyusi whīrapetamo so whī wēi  
 tópurótu betere tikipaae wua depa,

ama atimapaae duraalu, “Dią dowi  
 wuli kaae so whī dilikitu betere  
 whīrape-ó, Kótóné diątamo fopaae  
 buturaalu kwia melaşsóró, botokó  
 fae fo né yaleé? <sup>8</sup> Diaaą ai du  
 betere dowi ala taaróló, motóró  
 kisipa feteyóló wapa, ti diaaą  
 du betere alakélé mo kisipa tiki  
 fetere whīné dere ala kaaetóró yae.  
<sup>9</sup> Diąta, Abraham-né deté wale naale  
 senaale betereiné diąpaae me ala  
 eraalomeipóló kisipa muaşsé. Yąlo  
 diąpaae mo i dere ape. I muó  
 mole kaporapetei, Kótóné ama mo  
 şumó Abraham-né naale senaale  
 aleyóló beteranérápó. <sup>10</sup> Mepaae  
 nirapetamo naaire du wisi olenitepa,  
 ti diyóló si duku betere dolopaae taae  
 deraalopó. Atéyaairaaalu, kutó talené  
 ai ni baalemó kąwei ai bukó tare ape.

<sup>11</sup> Yąlo dią wēi tópurótu betereitea,  
 diaaą dere dowi ala taaróló, kisipa  
 feteyóló wópoló tópurótu betera-  
 pó. Tétu betepatei, yąlo kılıpaae waaire  
 whī betąta ę kaae meipó. ą mo  
 doasi fotokó bole whī betepa, ę  
 naale belekąamale kaae, ą aomó  
 betera- pó. ą atei kaae doasi fotokó  
 bole whī bitu, dią wēi tópuróturaalu,  
 ti kale Dęi Kepe Wisiró sitamoné  
 tópuraalopó. <sup>12</sup> Ama naasené ti  
 kale *whit* o fumi beséné só fópóló,  
 kąayóló taae fótua dere ekepé fake  
 tarapó. Kale *whit* duné fumirape  
 ama fuóló taae faróló, mo *whit* ke  
 maaté ti mulótua dere be dolopaae  
 mulaalopó. Atéró fumirapeta, ti  
 sukókélé feni hąle dótóró tare si  
 dolopaae fesekée deraalo ai ape,”  
 yalepó.

*Yesu wēi tópurale fo*

*(Mak 1:9-11, Luk 3:21-22)*

<sup>13</sup> Téró, Yesu ą Jordan wēimó Jon-  
 né wēi tópurópóló, Kaleli hae kwia  
 taaróló, Jon beterepaae walepó.  
<sup>14</sup> Tétepa, Jon-né Yesupaae yą wēi  
 tópuraalo meipóló seséyóló duraalu,  
 “Naao ępaae yą wēi tópurae dere-  
 a, ę whī wisi betepa yą tópuraró  
 de? Naotei ę wēi tópuraasepólópo,”  
 yalepó.



15 Ai fo depa, Yesuné ɔpaae duraalu, “Aita mo deretei, mió ɔamoné i dere alané Talené ama so whi dono-raaitere ala mo dokonópólópa, naao ɛ wɛi tópurae,” depa, Jon-né wisir-apóló ɔ wɛi tópuralepó.

16 Atéró, Yesu ɔ wɛi tópuóló tétitóró hae taopaae taae hotepa kelalemó, ó hepen be tu tukwɛ fóló, Kótóné Dɛi Kepe Wisi ba hókósere kaae, ama tikimó bitɛ dorowalepó. 17 Atéró, ó hepen bemó fo tekerótu duraalu, “Ata, yało yaala sókó fóló mo hosaa mole Naale ai ape. Ama dere ala fea yało kilitu, ɛ mo doasi hɛkesené sinitu beterapó,” yalepó.

#### 4

*Yesu dée nópóló Satan-né sɔ sale ala*

*(Mak 1:12-13, Luk 4:1-13)*

1 Téro etéyalepó. Satan-né Yesu ɔ sɔ sóró dée nalópóló, so whikélé bitini kópu kaae fi tikipaae Dɛi Kepe wisinétei ɔlisóró felepó. 2 ɔ aimó be ɔtereró dikiteretamo whi siki tamo bitu, ɔla mo sawakélé néni wote siri hɛle betaletikimó, ɔ mo wotené sinalepó. 3 Atéró betepa, dowi ala yópóló sɔ sóró dée nalatere seké wóló ɔpaae duraalu, “Yɔtamo Kótóné Naalemapata, ti i kanrapepaae *bred* o alée fae yae,” yalepó.

4 Ai fo depa, Yesuné ɔpaae tokó mótu duraalu, “I fo aseýóló muló beterapó.

‘Whi betere beteta, mo ɔla noko-leteiné maaté bitini,

Kótóné ama dere fo fea wose-turaalu bitiré fenérápó,’” yalepó.

5 Téro, kale dowi Satan-né Yesu ɔ Kótóné mo kae tɛnó betere doasi be huluapaae dapesó fóló, aimó tɛne momatere be mo ó huluá tómó daalalepó. 6 Atéró daaróló ɔpaae duraalu, “Yɔtamo Kótóné Naalemapata, ti naaotei ya haepaae tɛwó derepae. Ti i fo aseýóló muló beterapó.

‘Ya a haepaae muni durupuraalu, kaponé kotóo sóró doalé yaósóró,

Kótóné ama *ensel*-rapené naase tómó muni dorowópóló, ya tao sae yaalopó,’” yalepó.

7 Ai fo depa, Yesuné ɔpaae tokó mótu duraalu, “Ti i fokélé aseýóló muló beterapó.

‘Betɔ whinékélé ɔ tɛteróló kaae tare Tale Kótóné noa alakó déro kaae kelaai ɔpóló sɔ saɔse,’ erapó,” yalepó.

8-9 Atéró kale dere kaae, momó dowi Satan-né ɔ mo doasi sokore hasi fosópaae dapesó holóló, i hae kwia feamó kae kae doasi whirapené tɛteróló kaae tare alaraperó ai ala tuámó mole mepaae doasi wisi wisi alarapetamo yó mótu duraalu, “Yało i dere fotamo naao mo betɔ wosóló, ya ɛ aɔmó bukutiri tɛɔró bitu, doa whi-ó yóló ɔpaae moma depa, ti ai ɔla ɔla fea naao tɛteróló kaae tanópóló, yało yaɔpaae melaalopó,” yalepó.

10 Ti fo depa, Yesuné ɔpaae duraalu, “Satan-ó, ya ɛ taaróló fae. Ti i aseýóló muló betere fo wosae.

‘Naao Tale Kótópaae betɔ doasi-ó, yóló ɔ aɔmó bitu, ama alatóró erótu betae,’” yalepó.

11 Atétepa, kale dowi Satan-né Yesu taaróló foletamo, Kótóné ama *ensel*-rape wóló, ɔ tao salepó.

*Yesuné fo yó melaai kaae sale fo*

*(Mak 1:14-15, Luk 4:14-15)*

12 Atéró Jon *dipula* beteralepó dere fo Yesuné ama wosóló, ɔ Kaleli hae kwiapaae momó fesaayóló felepó.

13 Atéró ɔ betere Nasaret be huluá taaróló, Kaleli wɛi kɛla felekemó tɛne Kapeneam be huluapaae tokó fóló betalepó. Ai be huluata, Sepulun hae kwiaró Naptali hae kwiatamo tuámó tɛnapó. 14 Atéyaleteita, Kótóné ama kóló whi Aisaiané yóló muló betere fo dokonóturaalu yalepó.

15 Ai fo i ape.

“Sepulun fakeró Naptali faketamoné hae tikita, u kale Jordan fole wɛiró Kaleli wɛi kɛlatamo molepaae eróló erapó. Ai

hae tikita, Sepulun fakeró Naptali faketamoné haetei, Juda meire fake tokó fóló, atimané hae aleróló betó molepó.

<sup>16</sup> Ai hae tikimó betó mole so whi atima diliki dolomó beteretei, mió mo doasi dę wisinaale kolóló betó mulapó. Mepaae so whi,ta, sinitere alané dilikiró betepatei, mo dęi suka sókó huturaalu dęró betepa, ai dę tuamó betó mulapó,” fo asęyóló muló beterapó.

<sup>17</sup> Atęyale sukamó kaae sóró, Yesuné ama fo so whi feapaae hękeamó yó mótu duraalu, “Kótóné hepen bemó tęteróló kaae tare ala mió mo felekemó ai walapa, diaaę dowi ala taaróló kisipa tiki feteyae,” yalepó.

*Yesuné yó matere whirape kaae sóró saletei*

*(Mak 1:16-20, Luk 5:1-11)*

<sup>18</sup> Atéró, Yesu ę kale Kaleli węi kęla fóku seseķę durupu bitu kęlalemó, Saimon doi mupatei, Pitapó du betere whiró ama noma Andrutamo hęleke wa węi kulu tuapaae derótu beterepó. Ti atimaamota, ya siré kotere whi tamopó. <sup>19</sup> Tętu betepa, Yesuné atimaamopaae duraalu, “Diaamo ai ya su dere kaae, so whi atéró siré kweyaasepóló, dę fea betamó kuturaalu, yęlo diaamopaae yó melaalopa ę sya ape,” yalepó.

<sup>20</sup> Ai fo depa, atimaamoné hęleke warape mulópoló taaróló, mo hapale tętítóró ę sya felepó.

<sup>21-22</sup> Atéró ę tumó fu betalemó, me whiró nomatamokélé daapa kelalepó. Ai whi tamota, Sebediné naalema Jems-ró Jon-tamopó. Atimaamoné alimakélé atima fea węi nukumó bituraalu, atimané hęleke warape tukó faletei, wisi wisiyóló numutu betepa kelalepó. Atętu betepa, Yesuné atimaamopaae duraalu, “Diaamokélé ę sya ape,” depa, kale whi tamo mo hapale tętítóró turukó holóló, atimaamoné

węi nukukélé, alimakélé betepatei taaróló, ę sya felepó.

*Yesuné kisi daae mole so whi wisir-ale fo*

*(Luk 6:17-19)*

<sup>23</sup> Atéró, Yesu ę ai Kaleli hae kwia tuamó kuturaalu, Kótóné tęteróló kaae tare aęmó mole kisi fo wisi so whi feané wosópoló, atimané fo wosetere be dokę yó maté kweyalepó. Atęturaalu, ai so whi kuamó dowi hepo daae mole so whiró mepaae tiki momaare so whitamokélé wisiraté kutu betalepó.

<sup>24</sup> Ama so whi fea atéró wisirótu beterapó deté kotere fo Siria hae kwiamó betó mole so whiné woseturaalu, kae kae dowi kisi daae so whikélé, doasi dele su betere so whikélé, dowi kepe tepeyóló betó mole so whikélé, mepaae kae kae kisiné kele olopa olopa yóló sinaaitu betere so whikélé, mepaae momaayóló betere so whikélé, mo fea ę beterepaae dapesó wua depa, ama wisirótua yalepó. <sup>25</sup> Atéró, kale Kaleli hae kwia taaróló wale so whikélé, Dekapolis hae kwia taaróló wale so whikélé, Jerusalem be hulua taaróló wale so whikélé, Judia hae kwiaró, Jordan węi fóku uté tęró betó mole so fea ę beterepaae wóló, ama dere ala kelaai dapóló Yesutamo touyóló kutu betalepó.

## 5

*Du sokoremó Yesuné so whipaae yó mótu betale fo*

*(Luk 6:20-23)*

<sup>1-2</sup> Téro Yesuné kelalemó, so whi mo hęle ęla kaae wóló touró betepa, ę sokore du aępaae holóló beterepó. Atéró beteremó, ama yó matere whirape ę beterepaae walepó. Atéró wóló betó mupa, ama atimapaae yó mótu duraalu,

<sup>3</sup> “Mepaae so whi dené yęlo kepe bete tuamó me wisi alakélé muni, mo yęyęrapó du betepa, ti Kótóné wisiró beterapóló hajiné sukutu betae.

- Ti noatepa meipó. Ai so wh̄jta, Kótóné hepen bemó t̄eteróló kaae tare ala sóró ai tare ape.
- 4 Mepaae atima dekené sukutu wole du betere so wh̄jta, Kótóné wisiró beterapóló hajné sukutu betae.  
Ti noatepa meipó. Mió dekené sukóló wole du beteretei, take Kótóné atima tué tiki feléraalo ai ape.
- 5 Mepaae naame yóló mo dua betere so wh̄j ti Kótóné wisiró beterapóló, hajné sinitu betae.  
Ti noatepa meipó. Kótóné hae tiki mo turó atimamó matepa saalopó.
- 6 Mepaae so wh̄j de woteró w̄j nokoletamo du dere kaae, Kótóné mo donoi ala wisi eraairaalu ek̄le du betepa, ti Kótóné wisiró beterapóló hajné sukutu betae.  
Ti noatepae, atétere so wh̄jpaeta Talené ama donoi ala mo ti s̄uraalo ai ape.
- 7 Mepaae so wh̄j denétamo mené ̄paae me dowi ala eratepa me ̄la meipóló h̄le kemeróo, me wh̄j sek̄i ala tūmó betepa k̄lené sukutu tao sóo du betepa,  
ti atétere so wh̄j Kótóné k̄lené sukutu tao sóró, atimané dowi alakélé ama kemeró beterapa, hajné sukutu beterópóló yae.
- 8 Mepaae so wh̄j atimané hosaa tūmó me alatamo hosek̄ni, mo wisi alatóró erótu betepa, ti hajné sukutu betae.  
Ti noatepae, atétere so wh̄jné ti Kótó mo kelaalopó.
- 9 H̄le sere ala ó b̄e dele ala taalae yóló, filitere so wh̄jta ti Kótóné wisiró beterapóló hajné sukutu betae.  
Ti noatepae, atétere so wh̄j kilituraalu, ita Kótóné ama naale senaale beterapó yaalo ai ape.
- 10 Mepaae so wh̄jta mo Kótóné mo donoi alamaaté erótu beteremó, kae kae sek̄i

alané só derótu betepa, ti Kótóné wisiró beterapóló hajné sukutu betae.

Ti atétere so wh̄jné Kótóné hepen bemó t̄eteróló kaae tare ala sóró ai tare ape.

- 11 Dīa ȳalo ala erótu beteremó, mepaae so wh̄jné dīpaae kae kae sek̄i ala eratepa, ó so wh̄j feané keletómó kapala fo yóló faletepa, ó kae kae eratere fo yóló dīa só deratepakélé, Kótóné wisiró beterapóló hajné sukutu betae.
- 12 Ti noatepa meipó. Take Kótóné ama k̄ló wh̄jrapepaaekélé mió dīpaae ai erótu betere sek̄i ala kaae, erótu bitipakalepó.  
Atérapa ó hepen bemó mole doasi dupu saaireteimó, mo k̄e yóló hajné sukutu betae,”

*Keriso so wh̄j i haemó kóró d̄etamo kaae beterapóló yale fo (Mak 9:50, Luk 14:34-35)*

13 “Dīta, i haemó betó mole so wh̄jta mo kó felé kaae yóló ai betere ape. Téretei, kóné felé kemetepa, ti momó kae netéró felé bulaaloé? Mo meipó. Atéró felé initere kó me ala enénipó. Atétere kó taae faróló hae tikimó beseké yóló mupa, so wh̄jné t̄iya t̄iya yaalo ai ape.

14 Dīta, i haemó betó mole so wh̄jta mo d̄e kaae beterapó. Doasi sokore hae du tómó mo h̄keamó t̄e mole be hulua b̄e wh̄jné kelaqsóro, me ̄lané kinanénipó. 15 Atére kaae, mepaae wh̄jné *lamp* s̄a d̄eróló doasi ni fake āmó kinóló mulótimipó. Ti noa ȳpóló meipó. Be tūmó betó mole so wh̄j fea d̄emó beterópóló k̄sipa mutu, s̄a d̄eróló mulatere ni fake tómótóro h̄keamó mulótua dapó. 16 Atétu dere kaae, dīa tūmó ere d̄e so wh̄j feané kolópóló, h̄keamó d̄eró betae. Atépa, so wh̄jné kilituraalu, ó hepen bemó betere diaā Ayané doi sóró horótu

beterópóló, wisi ala hakeamó erótu betae.”

*Kótóné tukóló muló betere foné erae ere ala dokonale fo*

<sup>17</sup> “E waleteita, Moses-né yóló muló betere foró Kótóné ama kóló whirapené yó melale fotamo tokóló aluraai wénitei, ai asemó yóló muló betere fo dokonaairaaalu wóló i betere ape. <sup>18</sup> Yalo diapaae mo i dere ape. Ó şaró i haetamo kemeyai teópa, Moses-né yóló muló betere fo kwia mo sawakélé aluyaalomeipó. Atéyaalopóló muló betere fo fea hşsóko feni, dokonóló motóróti eraalo ai ape. <sup>19</sup> Whi me dené i aşyóló muló betere fo mo sawakélétamo tikitepa, ó me whipaaekélé ai ala tukóló yae yóló yó matepa, ti atétere so whi Kótóné tetéróló kaae tare hepen be tuşmó doikélé mo muaalomeipó. Téyaalotei, mepaae so whi dené kale yae yóló muló betere fo wosóló eróo, mepaae so whipaaekélé i fo sya fóló erae yóló yó melóo, du betere so whita, hepen bemó Kótóné tetéróló kaae tare aşmó doasi doi muaalo ai ape. <sup>20</sup> Yalo diapaae mo i dere ape. Dişné dere mo donoi ala wisinaalené kale Moses-né asemó ere fo yó mótu betere whiraperó, Farisi whirapetamoné du betere donoi ala tetéro bitinipa, ti ó hepen bemó betere Kótóné tetéróló kaae tare aşmó mo sókókélé faalomeipó.”

*Dei tuş muóló fopaae buturaalu whi daşse yale fo*  
(Luk 12:57-59)

<sup>21</sup> “Mo take diaaş noutererapepaae yóló mulale fo i ape. Me whi mo ti dóló sukunaşse. Atétepa, ti ai whi aş kwia moleteiné taleyóló só deraalo ai ape. <sup>22</sup> Atépatei, yalo diapaae dere fo i ape. Whi me dené ama no hamomatamo me bete munipatei, hşle fopaae depa, ti atétere whi aş kwia moleteiné taleyóló só deraalopó. Atétere kaae, whi me dené me whi hamoma er- atere fo depa, ti atétere whi fo

taletere whirape beterepaae dapesó faalopó. Téyaalotei, whi me dené ama no hamomapaae duraalu, yş topo doyóló kisipa tikikélé okokoi-ó depa, ti atétere so whi doasi kwia moleteiné mo hşle dótóro tare dowi sipaae faai ai du betere ape.

<sup>23-24</sup> Térapa, naao me ęla Kótópaae hşle melaai dapóló, kale mo- matere tikipaae sóro fenalemótamo, naao noné yştamó sekerapó depa, ti Kótópaae hşle melaaire ęla melaaitei folosóro, naao notamo mole sekepi teraayóló wisirae. Atéro nalo ti naao hşle melaaire ęla Kótópaae melae.

<sup>25</sup> Whi me dené yştamó fo tokótamo yaai yş dapesó fupa, ti diaamo tu tuşmó furaalutei aş kisipa wisi mulóló, hapale donorae. Até initepa, ti yş taletere whi beterepaae dapesó fóló, fo tokótamo yóló, ai whinémó *dipula* be tetéróló kaae tare whirapené doasi topo whiné naase tuşmó mulaalopó. Ai whiné amamo yş *dipula* beteraşsóro kisipa mutu dapó. <sup>26</sup> Yalo diapaae mo i dere ape. Yş *dipula* betereitei sokópóló, dşle mulale kwia belekşamale sonaa *monikélé* mo turó kemeróló menitepa, ti yş *dipula* hşle bitiré fóló, kemeróló duputere sukamó sokaalo ai ape. Meitepa, ti yş *dipula* hşle betó tawaalopó.”

*Nópu naşse yale fo*

<sup>27</sup> “I dere fota, diaaş taketi woseté wou beteraşsó. ‘So ó whi nópu naşse,’ erapó. <sup>28</sup> Ai fo epatei, yalo diapaae mo i dere ape. Whi me denétamo me so kelené kolóló kisipa tikiné au nukupa, ti atétere whiné ama hosaa tuşmó nópu mo ai nale ape. <sup>29</sup> Naao turu kelenétamo yş dowi ala yópóló dée nalatepa, ti atétere kele sokóló taae falae. Ti noatepae, naao tiki turó dowi si duku beterepaae faşsóro, yş atéro dée nalatere tiki kwia tukóló taae faróló, wisi tikipaae fupa mo wisirapó. <sup>30</sup> Naao turu naasenétamo yş dowi ala yópóló dée nalatepa, ti ai naase tukóló taae



falatepa mo wisirapó. Ti noatepae, ya dée nalatere naase tukóló taae farénitepa, naao tiki turó dowi si duku beterepaae faqsóró dapó.”

*Whiné so tokó fateremó yale fo*  
(Mat 19:9, Mak 10:11-12, Luk 16:18)

<sup>31</sup> “Upulé i fo aseýóló muló beteretei diaaḡ ai tuére ape. ‘Whi me dené ama sotamo tokó falaai depa, ti tokó fatere ase sóró fópóló sopaae melae,’ erapó. <sup>32</sup> Ai fota mo epatei, yaḡo diḡpaae i dere ape. Whi me dené ama so me whitamo nópu nénipatei haḡe tokó fatepa, ti soma amatei nópu nalatapó. Atéro tokó fatere so me whinémo dokotepa, ti ai whi ḡkélé nópu nukulapó.”

*Talené doi yóló malo yaḡse yale fo*

<sup>33</sup> Yesuné atimapaee duraalu, “Take bitiré wale so whipaae yóló mulale fo me i ape. ‘Naao Talepaae i ala mo yaalopóló, malo yale fo tikini, motóró eró tawae,’ erapó. <sup>34</sup> Tépatei, yaḡo diḡpaae mo dirii fo i dapa wosae. Malo dere alakélé momókó yaḡse. Naao dere fo diriróturaalu, hepen be doi yóló malo momókó yaḡse. Ti noatepae, ó hepen beta, fea ala fea teteróló kaae tare Kótó betere tikipó. <sup>35</sup> Ó diaaḡ dere fo diriróturaalu, i haekélé doi yóló malo momókó yaḡse. Ti i haeta, Kótóné ama hó dée daaló betere tiki ai ape. Jerusalem be hulua doi yólókélé momókó malo yaḡse. Ti noatepae, ai be huluata, fea ala fea teteróló kaae tare doasi topo whi betere tikipó. <sup>36</sup> Diaaḡ dere fo diriróturaalu, naase horóló kutiri teketerere alakélé momókó yaḡse. Ti noatepae, naao topo niki mo betḡkélé de niki ó diliki niki biliranénipó. <sup>37</sup> Diḡné me ala mo ipa, ti épó yalepótóró yae. Inipa, ti mo inipótóró yae. Naao ai dere fo mopó yópóló, mepaae kae kae hoko fotamo touróló dereteita, ti dowi Satan-né yae yóló tenatepa dapó.”

*Mené sekḡi ala eratepa tokó melaḡse yale fo*  
(Luk 6:29-30)

<sup>38</sup> “Mo take yóló muló betepa, diaaḡ woseté wou betere fo i ape. ‘Whi menétamo me whi kele doratepa, ti menémo ama kelekélé dorae. Me whinétamo me whi sereke dukutepa, ti menémo ama serekekélé dukae,’ erapó. <sup>39</sup> Ai fo mo epatei, yaḡo diḡpaae i dere fo wosae. Me whinétamo diḡpaae me dowi ala eratepa, ti diaaḡmo atimapaee momó tokó matere ala yaḡse. Me whinétamo ya faamumó okolope deké supa, ti me tikiró faamumókélé dópóló yó melae. <sup>40</sup> Mepaae whiné yaḡtamo fo tokótamo yóló, naao deró betere kuti sokotepa, ti me fḡloi kutikélé sópóló sókó melae. <sup>41</sup> Mepaae whinétamo, yaḡpaae 1 kilomitamó ama ḡla ḡla beleróló fae yóló seḡepa, ti naaomo me beleróló, 2 kilomita alerae. <sup>42</sup> Whi menétamo yaḡpaae me ḡlakó kematepa, ti ama ai kematere ḡla melae. Me whinétamo naao me ḡlakó kapala asiri saai dapóló yaḡpaae wosetepa, melaalomeipóló ama dere fo sisópaae eraḡse.”

*Bóe whipaae yaala sókó fae ere fo*  
(Luk 6:27-28, 6:32-36)

<sup>43</sup> “Taketi yóló muló betepa, diaaḡ woseté wou betere fo i ape. ‘Naao be whi so whipaae yaala sókó furaalu, bóe whi hḡróló bóe du betae,’ erapó. <sup>44</sup> Tépatei, yaḡo diḡpaae i dere ape. Diaaḡ bóe whirape hekesené sinóló yaala sókó furaalu, wisi ala erótu betae. Mepaae whinétamo diḡpaae sekḡi ala eratepa, atétere whi Tale Kótóné tao sóró, kisipa tiki wisi mulópóló momarae. <sup>45</sup> Atétepa, ti diḡ ó hepen bemó betere diaaḡ Ayané naale senaaletóró betaalo ai ape. Talené suka deḡótu betereteita, dowi ala dere so whipaaekélé, wisi ala dere so whipaaekélé erótu beterapó. Ama hali anaterere alakélé, dowi ala du betere so whiró donoi ala du betere so whitamo wusurópaae anótua dapó. <sup>46</sup> Diḡnétamo, mepaae

diã hẽsekené sukóló yaala sókó fole so whĩpaae maaté yaala sókó fu beteretei doasi alapakó, Kótóné diãmó dupu melaalopóló de? Ti kale *takis moni* siré kotere whĩrapenékélé atei kaae ala dua dapó. <sup>47</sup> Diaaõ mo no ne apupaae maaté naamei fo yóló, kqleó du betere-a, ai doasi alaé? Ti mepaae Kótó tué inire so whĩnékélé ai ala dua dapó. Tépatéi, hãle mo so whĩpaaekélé naameiné kqleó du betepa, ti mo doasi ala ai ape. <sup>48</sup> Térãpa, ó hepen bemó betere diaaõ Aya ã me wisi ala yãyani, mo ti sũru ere kaae, diãkélé wisi alatóró eraté fóló, Talené ama ala mo ti sũre whĩ betae.”

## 6

*Mepaae yãyãre so whĩ tao sae ere fo*

<sup>1</sup> “Diaaõ du betere wisi ala so whĩné kolóló dukirópóló, momókó yaõse. Diaaõ dere wisi ala tamo kolóló dukirópóló du betepa, ti ó hepen bemó betere diaaõ Ayané melaaitere dupu saalomei ai ape.

<sup>2</sup> Até yaõsórõpa, diãné mole q̄la q̄larape mepaae yãyãre so whĩmó hãle melaai depa, ti tiki tuãpaae dorutei tó tikiné hãle sikĩlitere whĩrapené wisi ala dapó yõpóló, du betere ala kaae mo yaõse. Ti ai whĩrapenéta, fo wosetere berapemókélé, tũ tómókélé, so whĩné atima doi hale sóró horópóló kisipa mutu, touró betere so whĩné keletómó dua dapó. Yãlo diãpaae mo i dere ape. Atétere whĩrape atima me dupu kaae saalomei, mo sũmótóró ai sóró tare ape. <sup>3</sup> Térãpa, naao q̄la q̄la mepaae yãyãre so whĩmó hãle melóló, yãlo etei kaae q̄la melalepóló kisipa yó tani, mo keterae. <sup>4</sup> Diaaõ mepaae q̄la q̄la yãyãre so whĩmó materetei so whĩ feané kelaõsóró kikiti melae. Ti atéro kikiti dere ala keletere Aya Talené amatóró diaaõ ai dere alamó dupu melaalopóló.”

*Yesuné moma etéro yae yóló yó maletei*

*(Luk 11:2-4)*

<sup>5</sup> “Téyaalopa, diaaõ Talepaae momaturaalu, tuãpaae dorutei wisire nisiyóló hãle sikĩlitu betere whĩrapené dere moma kaae mo yaõse. Ti atimané momaturaalu, fo wosetere berapemókélé, doasi tũ tómókélé, so whĩ feané dukirópóló dua dapó. Yãlo diãpaae mo i dere ape. Atétere so whĩné duputa me kae muni, mo sũmótóró ai sere ape.

<sup>6</sup> Téní, Talepaae moma yaairaalu, naao be dolopaae fóló tũ kinóló bitu, kelené kilinire diaaõ Aya Talepaae betã momayae. Atétepa, ti kikiti kinóló dere ala keletere Ayané diãmó dupu melaalo ai ape. <sup>7</sup> Diaaõ Talepaae momaturaalu, Kótóné ala kisipa inire whĩrapené bete munire forape hãle hõko deté fu dere kaae yaõse. Ti atimané atéro fõlo sũyóló dere momata, Talené wosaalopóló kisipa muóló dua dapó. <sup>8</sup> Térãpa, atimané ai dere ala kaae diaaõkélé yaõse. Ti noatepae, diaaõ yãyãre q̄la ãpaae wosaai teópatei, diaaõ Ayané ama mo kisiparapó.

<sup>9</sup> Térãpa, diaaõ Talepaae momaturaalu etéro yae. ‘Hepen bemó betere ðané Aya-ó, Yãta dowi ala mo betãkélé muniruraalu, naao ere ala mo kaepó. Téreteiné yãta, fea alané bete Tale betepa, so whĩné naao doi hale sóró horóló, mo doasi doi mulópóló yae.

<sup>10</sup> Naao tẽteróló kaae tare aõmó mole ala wisinaale wõpóló yae. Naao kisipa mole ala ai hepen bemó irure kaae, i haemókélé atérópóló yae.

<sup>11</sup> Ðané mió i be ðemó naaire q̄lakélé naao sũmó ãlae.

<sup>12</sup> Mepaae whĩrapené ðãpaae erale dowi ala kwia ðané tani, me q̄la meipóló hãle kemerótu yale kaae, ðané dowi ala kwiakélé naao hãle kemerae.

13 Dã me dowi ala yóló dée naaire tikipaae ałısóró faqsóró, naao seséyóló tų wısitei yó mótu betae.

Téturaalu, dã dowi ala yópóló sesemeratere bóe whıné só de-raqsórópa, ai tų naao seséyóló dã tao sae, yóló dua yae.

14 Ti mepaae whırapené diãpaae erale dowi alatamo, me ęla meipóló hãle kemeratepa, ti ó hepen bemó betere diaaę Ayané diãné yale dowi alakélé, hãle kemeraalo ai ape.

15 Téyaalotei, mepaae whırapené erale dowi ala me ęla meipóló, diaaętamo hãle kemerénitepa, ti ó hepen bemó betere Ayané diaaę dowi alakélé, hãle kemeraalomeipó.”

*Yesuné ęla weyóló hãle betere alamó yale fo*

16 “Diaaę Talepaae momayaairaaalu, ęla weyóló hãle betere sukamó, tuãpaae dorutei tó tıkiné sikılitere whırapené dere ala sųróló yaęse. Ti so whıné atıma mo wisırapó yópóló kisıpa mutu, ęla weyóló atımané kelepa hųmula yóló bitua dapó. Yãlo diãpaae mo i dere ape. Ai whırape atımané duputa, me kae saalomei, mo sųmó ai sere ape.

17 Tépatıeı, diã moma yaai ęla weyóló bituraalu, diaaę topo nıkimó wel weı dilóo, diaaę kelepaakélé fokóo du betae. 18 Ti noa yaqsóró meipó. Mepaae whırapené diã ęla weyóló beterapóló kisıpa yaqsóró dapó. Diaaę kelené keleneire Ayané ama betã diaaę ai kıkıti dere ala kelerapó. Atére Aya Talené amatóró diãmó dupu wısi melaalo ai ape.”

*I haemó wısi wısi ęla betãpaae huatu betaęse yóló yale fo*  
(Luk 12:33-34)

19 “Diã i haemó bituraalu, eķęle yóló ita yãlo ęlapóló, betãpaae huatu betaęse. Ti noatepae, i haemóta hoti dakóló ó dowi ero siné turukóló ó ęlémi nokole whırapenekélé kıkıti be fulukóló sua dapó. 20 Aténi, diaaę wısi wısi ęla ó hepen bemó

betãpaaeróló mulaté holópóló yae. Ti ai bemóta ero sinékélé, hotınékélé doréni, ęlémi nokole whırapenekélé be fulukóló ęlémi saalomeipó. 21 Ti naao wısi wısi ęla mole tikimótóró naao hosaakélé mo turó ai mole ape.

22 Naao keleta, ti tiki turó dęřó betere lamp sã sų ai ape. Naao keleta tamo wusuró wisıpa, ti tiki turó dęřó falapó. 23 Téni, naao keletamo dilıkıpa, ti tikıkélé turó dilıkırapó. Naao tiki tuãmó ere dętamó aluróló dilıkıpa, ti naao betere betekélé mo turó dilıkı yó falapó.

24 Betã kutó diratere whınéteı tęteróló kaae tare whı tamoné kutó diranénipó. Ti me whıné du, i kutó dirae, me whınekélé i kutó dirae depa, atımaamo wusuróné kutó betã whıné diraaire mo sųnipó. Ti noatepae, me whı hóróló me whıpaaemo hękesené sinóló yaala sókó fole ala yaalo ai ape. Ó me whıpaaemo doasi hękesené sinóló yaala sókó fóo, me whımo hóróló sisópaae eróo yaalopó. Tétereteiné betã whıteı Kótóné ala eratere whı betóo, moni diã tęteróló kaae tare whı aęróló, moniné kutó diratere whıkélé betóo, enénipó.”

*Nokole ęla ó deraaire kutımó whaalıa yaęse ere fo*  
(Luk 12:22-31)

25 “Térapa, yãlo diãpaae i dere ape. Diã betere beteta diaaę naaire ęla ó weı nisıyóló ę noa naaloé? ó kuti noa deraaloé? yóló, whaalıa du betaęse. Ti ai ęla ęla-a, doasi ęlapa whaalıa du betere? Yã betere beteta, ti mo doasi topo ęla ai ape. Naao deró betere kuti-a doasi topo ęlapa, whaalıa du betere? Naao tikıta, ti mo doasi topo ęla ai ape. 26 Barapepaae eratere ala diãné kisıpa muae. Atımané naaire ęla wae bılitere ala ó ęla sóró bepaae mulatere ala dua de? Tétumıteı, ó hepen bemó betere diaaę Ayané atımané naaire ęla sųmó mótua dapó. Ti ai barapeta doasi ęla meıteı, ama tao sua dapó. Ti diã so whıta, mo doasi ęla betera,



ama kisipa keteraalopóló de? <sup>27</sup> Me whjné ama whaalia dere alané a bitiré faaire be de ama sumó hjikili faranére? Mo meipó.

<sup>28</sup> Diq kuti noa deraaloé yóló, whaalia du betere-a, kale hqko yó mole nerape kisipa muae. Ti atima kémi bisikóló kuti nomotere ala dumipó. Mo meipó. <sup>29</sup> Tépatéi, yalo diapaae i dere ape. Mió i yó mole nerapené ere au wisiné kale doasi topo whj Solomoné sua yale kuti wisinaalené ere aukélé mo teraae falapó. <sup>30</sup> Diq tué tiki tiratere ala tómó dakeró betere whjrape-ó, i haemó yó mole nerapeta, mió betq yóló dóta, doyaaire qlatei, Kótóné ama mo wisiyóló aurótua dapó. Ti Talené ai ne aurótu dere kaae, diaaq saaire kuti diámó sumó melaalomeipóló du bitu de? <sup>31</sup> Atérapa, qlaró wqitamó noa naaloé? ó kuti e noa saaloé? yóló, whaalia du betaqse. <sup>32</sup> Ti noatepae, hqle hqko betó mole so whjrapené ai qla qlarape saaitapóló doasi ketekq butu beterapó. Tépatéi, diqané ai yqyq du betere qla qlata, ó hepen bemó betere diaaq Ayané ama mo kisiparapó. <sup>33</sup> Térapa, folosóró Kótóné ama tqteróló kaae tare alaró, mo donoi ala wisinaaletamota, mo doasi bete mole alapa, ketekq buóló erótu betae. Atétepa, ti mepaae yqyqtere qla qlakélé fea Talené ama mo sumó melaalo ai ape. <sup>34</sup> Atérapa, dó be dqmó noa ala yaaloé yóló whaalia du betaqse. Ti dó be dqmó yaaire alata, ai be dqmótóró eróppóló yae. Upaae bitiré faaire be dqmó yaaire sekqi ala, mió i be dqmó dere alatamo touraqse.”

## 7

*Mepaae so whjné dere ala taleyóló só deraqse ere fo*  
(Luk 6:37-38, 6:41-42)

<sup>1</sup> “Diq Tale aqyóló mepaae no ne hamomané dere ala taleyóló só deraqse. Ai ala deremó, Talené diqkélé taleyóló só deraqsórópa taalae. <sup>2</sup> Ti

noatepa meipó. Mepaae so whjpaee diqané me noa kaae ala eróló tale itikimó, ti naao me whjpaee ai erale ala mo sqtóró Talené yqpaakélé er-aalo ai ape. Naao me noa kaae ala me whj hamomapaae eréliqa, ti ai erale sqtóró Talené yqpaakélé er-aalopó.

<sup>3</sup> Naao kele dolomó doasi ni fake bupatei bunire aqyóló, naao no hamomané kele dolomó sawatamo bole mome kolóló, no-ó, naao kelemó ai bole mome sokaalopa maé dere fo-a, noatepa du betere? <sup>4</sup> Naao kele dolomó bole doasi ni fake-a, sokoni hqle bupatei, me no hamomapaae naao kele dolomó bole mome sokotapa maé fo-a, noatepa du betere? <sup>5</sup> Tó tikiné wisire nisiyóló hqle sikjili du betere whjrape-ó, folosóró naao kele dolomó bole doasi ni fakepi sokae. Atéro naao kele feléyóló, qla qla diriyóló kilituraalu, ti naao noné kele dolomó bole mome wisiyóló sokonérápó.

<sup>6</sup> Kótóné ama mo kaae tukóló muló betere qla haqrape nópóló melaqse. Meleke wisinaale hupurape daae mole tikipaae fesekée falaqse. Diqnetamo ai ala depa, ti hupurapené hóné tqiya tqiya yóló, momó fesaae wouraalu diqteit dósuyóló naalo ai ape.”

*Kótópaae me qla wosetere fo*  
(Luk 11:9-13)

<sup>7</sup> “Diq yqyqtere qla Kótópaae wosetepa, ti diaaq ai wosetere qla ama mo melaalopó. Me qlakó saai dapóló keketepa, ti diaaq keketere qla mo kólóló saalopó. Diaaq tq tukjyae yóló tq dupa, ti ama tq tukjaalo ai ape. <sup>8</sup> Mepaae so whj atima yqyqtepa, wosetere qla mo sua dapó. Whj me dené senée yóló keketere qla ti mo sua dapó. Tq tukjyae yóló, tq du betere so whj fea be dolopaae wóppóló, tq tukjtaa dapó.

<sup>9-10</sup> Diq ai betó mole whj betqne naalemané alimapaae aya-ó, okó qmaletamo qlae depa ai kematere qla taaróló, kapo fake nae yóló

melaaloé? ó yakó ãlae depa, ai kematere ãla meni whi tukó nokole dowi wuli betepatei, nae yóló melaaloé? Meipó. <sup>11</sup> Diã i haemó dowi ala du betere whirape bitutei, diãné naale senaalemó wisi wisi ãla hãle matere ala ti diã mo asarapó. Atére kaae, ó hepen bemó betere diaaã Ayanéta, mepaae whi dené ãpaae kematere wisi wisi ãla mo hamokoróló melatere alané, i haemó betere ayané matere ala mo ti bosene falapó. <sup>12</sup> Térãpa, Kótóné ama kóló whirapené ere foró Mosesné yóló muló betere fotamo fea touróturaalu, ere fo beteta me kaae mei ai ape. Kae kae ala yaairaalu, mepaae whirapené yãpaae eranée dere alatóro mepaae so whipaaekélé erótua yae.”

*Doasi fakere tũró betekene tũtamo*

<sup>13</sup> “Diã sawatamo betekene tũ serekemó sókó fae. Mo ti aluyaaitere tikipaae faai fole tũ fake yóo, mo tũkélé doasi fake yóo erapó. Ti mo dekéro so whiãta, ai fakere tũtóróti sya fu beterapó. <sup>14</sup> Téretei, mo ti betó tawaaire tikipaae fole tũta, so whi feané kilini, betã betã so whiné maaté ai betekene tũ kekóló sya fu beterapó.”

*Ni du oletere kilituraalu etei kaae nipóló tuẽ dere ala*

*(Luk 6:43-44, 13:25-27)*

<sup>15</sup> “Diã kópaae fõpóló, dilikãai Kótóné ama kóló whi aqyóló waalopa, mo hotowaró kaae tawae. Atima atéro wouraalu, kale *sipsip* hupu niki kaae bilipa mo hiti nisiyaalotei, atimané tiki tuãpaaeta, ti whi dóló nokole dowi bete haqné tiki daalapó. <sup>16</sup> Ti atima noa kaae whi beterémóló, folosóro atimané dere alapi kãae kolóló tuẽ yae. Ti noatepae, so whiné besãae teketuraalu, hãle hõko kípimó olopa tekaaloé? Nose dukélé hãle hõko nimó olopa tekaaloé? Mo meipó. <sup>17</sup> Atétu dere kaae, wisi niné ti wisi du oleyóo, dowi niné ti dowi dutóro oleyóo, dua dapó. <sup>18</sup> Wisi

nimó ti dowi ni du oleyóo, dowi nimó wisi ni du oleyóo, dumipó. <sup>19</sup> Mepaae du wisiyóló woleneitere nirape feata, ti diyóló sipaae taae derótu beterapó. <sup>20</sup> Térãpa, ai kale whirapené du betere ala mo wisiyóló kãae keletepa, ti atima etei kaae whirape beterapóló, mo diriyóló kisipa yaalo ai ape.

<sup>21</sup> So whi mo feané atima hepenpaae faalopóló kisipa muturaalu, yãlo doi yóló Tale-ó, Tale-ó, du betepatei, ai so whi mo fea faalomeipó. Ai tuãmóte, mepaae so whi de ó hepen bemó betere yãlo Ayané ama kisipa mole ala sya fóló, erótu betere so whi betã mo sumó fenérãpó. <sup>22</sup> Tãlere be demó, mepaae so whiné yãlo doi yóló Tale-ó, Tale-ó, dã naao kóló whi bitu, so whipaae Kótóné fo i ape yóló yó melóo, naao doimó dãné mepaae dowi keperape so whi tuãmó betereitei dóló hõkó falóo, mepaae kelemei alarapekélé eróo, du betãlepó, yaalopó. <sup>23</sup> Ai fo depa, yãlo atimãpaae hãkeamó teraae faróló duraalu, ‘Diã dowi ala du betãle so whi-ó, diã ẽ mo tuẽkélé inipa taae fae,’ yaalopó.”

*Be mo kekemeyóló tẽtere whiró hõko tẽtere whiãtamo*

*(Luk 6:47-49)*

<sup>24</sup> “Tépatei, mepaae whi dené yãlo fo mo wisiyóló wosóló, sya fóló eró tapa, ti kisipa tiki fosó fosóre whiné ama be tẽyaairaalu mo hãe kãayóló taae faróló, kapo tómó tẽtu dere kaae dapó. <sup>25</sup> Atépa, doasi hali tiki wóo, wẽi milikélé wóo, doasi besẽ tikikélé wóo duraalu, ai bemó hairãletei tokó fenipó. Ti noatepae, ai be kapo tómó tẽyaãleteiné mo dirirãpó. <sup>26</sup> Tépatei, mepaae whirapené yãlo fo wisiyóló wosólóte, sya fóló erénitepa, ti kale kolea koleare whiné wẽi atikã tímóte, be hõko tẽtu dere kaae dapó. <sup>27</sup> Atépa, doasi hali tiki wóo, wẽi mili wóo, doasi besẽ tiki wóo duraalu, ai kale bemó hairãle tikimó, mo ti kolokó felepó,” yãlepó.

28 Téró, Yesuné ai forape yóló kemetepa, aimó wóló touró betere so whị mo feané ama yó mótu betale fomó haió! yóló, siratu betalepó. 29 Ti noatepa meipó. Ama atéró yó mótu betale fota, Moses-né yóló muló betere fo yó matere whịrapené dere kaae yó meni, me doasi tẹteróló kaae tare whịné sóró beteratepa yó matere fo kaae, mo bete tokóló yó matapó du betalepó.

## 8

*Yesuné betą dowi humu fulu derąle whị wisiraletai*

*(Mak 1:40-44, Luk 5:12-14)*

1 Ai ala yóló kemetepa, Yesu ą ai du sokore aqmó betereitei taaróló, dorowou betalemó, so whị mo feané ą sya wou betalepó. 2 ą atéró daalemó, dowi humu fuluné tiki dore whị ą beterepaae wóló, buku-tiri teyaró bitu ąpaae woseturaalu, “Tale-ó, naao fotokqné ę wisiraaı kisipa mutepa, ti mo sımó wisiranérápó,” yalepó.

3 Atéró, Yesuné kale whịné tikimó naase mulóló duraalu, “Naao tiki doreitei mió yąlo wisiraaı dapa, mo ti wisi yae,” yalepó. Ai fo deretamo, ama tiki mo turó wisiyalepó. 4 Téró, Yesuné ąpaae duraalu, “Wosae, mió naao tiki ai wisi yalepa, hąle mo so whịpaae i ala yalepó fo momókó yaqse. Tėni yą fóló, Talepaae momaratere whịné maaté naao tiki fopeyqóló, yó melae. Téró, mo take Moses-né yóló muló betere fo sya furaalu, naao tiki wisirateremó Talepaae melae ere ąla melae. Atimané ai ala kilituraalu, ita Tal-ené eró beterepó fo yqóló dapó,” yalepó.

*Betą topo diktare whịné Yesupaae tuę tiki tirale ala*

*(Luk 7:1-10)*

5-6 Atéró, Yesu ą Kapeneam be hu-luamó sókó felemó, 100 Rom diki tare whịrape tẹteróló kaae tare topo whị betą wóló ąpaae duraalu, “Tale-ó, yąlo kutó diratere whị betą doasi

hepo daalu ama tikikélé mo dąamu sókó fóló, bemótóró hąle fió mulapó. Téruraalu, doasi dele su beterepa naao ę tao saaloé?” yalepó.

7 Ti fo depa, Yesuné ąpaae duraalu, “Yąlo ą wisiraaı faalopó,” yalepó.

8 Ti fo depa, kale topo whịné ąpaae tokó mótu duraalu, “Tale-ó, ę whị wisi bitupakó yą yąlo bepaae ape yaalomeipa, imó naao fonémaaté ama kisi bete wisiyae depa, sımó wisiyaalopó. 9 Ti noatepa meipó. ękélé ę tẹteróló kaae tare whịrape betepa, atima aqmó beterepó. Atéruraalu, yąlokélé mepaae diki tare whịrape tẹteróló kaae tarapó. Ai whịrapekó betąpaae yąlo fae depa ą fóo, ape depa wóo dua dapó. Yąlo kutó diratere whịpaae i kutó diyae depa, ama ai alatóró dua dapó,” yalepó.

10 Yesuné ai whịné dere fo wosóló, haió yóló siratu, ą sya wou betere so whịpaae duraalu, “Yąlo diąpaae mo i dere ape, i whịné doasi kisipa tiki tiró betere kaae ere whị Israel hae kwiamó betepa, yąlo mo kilinipó.

11 Yąlo diąpaae i dere fo wosae. Suka hoterepaae betere so whịkélé, suka doropolepaae betere so whịkélé, atimané be taaróló ąla detere tikipaae wóló, atima beterepóló tukóló muló betere tikimó ąla naai betaalopó. Atima atéró touróló, Abraham, Aisak, Jekop-sépitamo hepen bemó betere Kótóné tẹteróló kaae tare tuąmó bituraalu, ai doasi detere ąla atima fea betąmó nuku betaalopó.

12 Téyaalotei, mepaae so whị Kótóné tẹteróló kaae tare aqmó ama naale senaale beterepóló yóló mulaletai, diliki tuąmó beterepóló, belapaae hqkó deraalopó. Aimó doasi dele su bituraalu, atimatei yale alamópóló dekené sukóló wole du betaalo ai ape,” yalepó.

13 Téró, Yesuné kale doasi topo whịpaae duraalu, “Naao kisipa tiki tiratere alatóró yąlo yąpaae mo eraalopa, fae,” yalepó. Mo ai fo deremótóró kale whịné ama

kutó diratere whĭné kisi bete wisi ipakalepó.

*Yesuné mepaae so whĭné kisi wisirótua yale fo*

*(Mak 1:29-31, Luk 4:38-39)*

<sup>14</sup> Téró, Yesu ă Pitané bepaae sókó felemó, Pitané ama somané hama sere tiki suputere kisiné sinóló mupa kelalepó. <sup>15</sup> Atépa kolóló, kale soné naasemó ama wolaa yó salemó, ama tiki supu du betale kisi bete wisitepa, kale so ă turukó holóló, Yesumó ęla kaae sóró biliralepó.

<sup>16</sup> Atéró, be dikiteretamo dowi kepe tepeyóló betó mole so whĭ mo turó ă beterepaae dapesó wua depa, dowi keperape foné sua yalemó, sókó fua yóo, atima so whĭ feané hepo betekélé mo ti wisitua yóo, yalepó. <sup>17</sup> Ai alata hăle inipó. Kótóné ama kóló whĭ Aisaiané yóló muló betere fo dokonóturaalu yalepó. Ai fo i ape.

“Dăné momaare tikiró kisi betetamo fea ama tikimó sóró tokóló aluraai walepó,” erapó.

*Yesu ă so whĭné sya kotopa yale fo*

*(Mak 1:32-34, Luk 4:40-41)*

<sup>18</sup> Atéró kelalemó, so whĭ mo hăle ęla kaae ă boperăle wapa, Yesuné ama yó matere whĭrapepaae duraalu, “Dă wĕi kĕla tĕyóló uté tĕró faalopa fiépe,” yalepó. <sup>19</sup> Atétepa, Moses-né yóló muló betere fo yó matere whĭ betă ă beterepaae wóló duraalu, “Yó matere whĭ-ó, yă mopaae fupa, ti ękélé yă sya waalopó,” yalepó.

<sup>20</sup> Ai fo depa, Yesuné ăpaae tokó mótu duraalu, “Kale haġnaraperó barapetamota, atima fitere tiki ai ere ape. Téretei, kale whĭné Naalema ă betă ama topo beleróló fitere tiki meipó,” yalepó.

<sup>21</sup> Ti fo depa, ama yó matere whĭ betăné duraalu, “Tale-ó, folosóró yălo ayapi dourăle faaipa, naao ępaae fae fo enére?” yalepó.

<sup>22</sup> Ai fo depa, Yesuné ăpaae duraalu, “Sinale whĭrapeta, ti sinale

whĭrapenétóró dourópólópa, yă ę sya ape,” yalepó.

*Yesuné doasi besé tikiró wĕi asy- atamo béraletei*

*(Mak 4:36-41, Luk 8:22-25)*

<sup>23</sup> Atéró, ă kale wĕi nukupaae bitĭ hotopa, ama yó matere whĭrapekélé ătamo betă nukupaae bitĭ holalepó.

<sup>24</sup> Atéró, atima wĕi tuămó fu betalemó, mo doakale hali tikiró besé tikitamo kilitainé hapale sókó walapó duraalu, wĕi asya wóló atima betere nuku dolopaae wĕi bosené horóló, kale nuku buó deraai depatei, Yesu ă noke hăle fió molepó. <sup>25</sup> Yesu atéró fipa, ama yó matere whĭrapené ă turukuróló duraalu, “Tale-ó, dă felekemó wĕiné aluraai dapa, naao dă tao sae,” yalepó.

<sup>26</sup> Ai fo depa, Yesuné atimapaee tokó mótu duraalu, “Diă noatepa wi du bitu de? Diaăġ kisipa tiki tiró betere ala tómó ai ererapó,” yalepó. Tétepa, ă turukó holóló, kale wĕi asyaró besé tikitamopaae tikae yóló foné salepó. Atéyalemó, kale wĕi asyaró besé tikitamo tukóló ama ere kaae mo dono felepó.

<sup>27</sup> Atétepa, kale whĭrape atima-sisitei duraalu, “Haió! i whĭta, noa kaae whĭrópó. Kale wĕi asyaró besé tikitamonékélé mo whĭné dere kaae, ama dere fo mo betătóró wosóló, erótua dapó,” yalepó.

*Kepe tepeyóló betere whĭ tamo wisirale fo*

*(Mak 5:1-17, Luk 8:26-37)*

<sup>28</sup> Atéró, Yesu ă uté tĕró tĕ fóló Kadarin hae kwiamó sókó felepó. Aimó dowi kepe tepeyóló betere whĭ tamo whĭ dourótua dere tikimó bitĭ, ătamo hokolaa yaai dapóló walepó. Ai whĭ tamo dowi kepené sese-meratepa doasi fopaae butu, sereke fisikó sóró whĭ daai du betepa, so whĭ fea wituraalu ai tŭmó fua inipó.

<sup>29</sup> Até du betere whĭ tamoné fo fakeyóló duraalu, “Kótóné Naalema-ó, naao dămopaae noa alakó eraai waleé? Tukóló mulale suka teópatei,



yā ipaae dāmo susupuraai waleé?” yalepó.

<sup>30</sup> Téró, mepaae hupurape mo hāle ɔla kae mo umó kimimó daae molepó. <sup>31</sup> Kale dowi keperape atima witepa Yesupaae kema duraalu, “Naaotamo dā dóló hokonaai depata, ti u hupurapené depe tuāpaae dotonaasepe,” yalepó.

<sup>32</sup> Atéró, ama kale keperapepaae duraalu, “Diā whī tuāmó betereitei taaróló sókó fae,” depa, atima kale whīné depe tuāmó betaitei taaróló, hupurape tiki tuāpaae tepeyóló bitī fupa, kale hupurape fea botokó furaalu, kula dolomó derepeletikimó, weīné sorokó fóló kale hupurape sisiraae felepó. <sup>33</sup> Atétepa, ai hupu kaae tare whīrape atima ai ala kilitu, mo hapale doasi be huluapaae fóló, i kale whī tamopaae erale alaró mepaae eratepa kelale alatamo so whī feapaae yalepó. <sup>34</sup> Atétepa, ai be huluamó betó mole so whī fea Yesu kelaai dapóló walepó. Atéró walemó Yesu betepa kilitu, atimané āpaae yā i hae kwia taaróló fae, yóló šetu betalepó.

## 9

*Yesuné tiki dāamui whī wisirale fo*  
(Mak 2:1-12, Luk 5:17-26)

<sup>1</sup> Atéró, Yesu ā weī nukupaae bitī holóló, ai weī kēla teyóló ā betere be huluapaae felepó. <sup>2</sup> Atéró ā aimó betepa, mepaae whīrapené betā tiki dāamui whī besešetamo turó Yesu beterepaae beleyóló walepó. Atétepa atima kisipa tiki tiróló wale ala Yesuné kolóló, kale tiki dāamui whīpaae duraalu, “Ti naale-ó, naao dowi ala kwia mió yālo i kemeratapa whaalia ini, naao hosaa diriyóló dua betae,” yalepó.

<sup>3</sup> Ai fo depa, mepaae Moses-né ere fo yó mótu betere whīrape atima kisipanéitei duraalu, “I whīné ā Kótó kaae beterepóló du betere foné, Kótóné doi doróló faletu beterepó,” yalepó.

<sup>4</sup> Yesuné atimané atéró mutere kisipa kolóló duraalu, “Diaaɔ atei kaae dowi kisipa noatepa mutu bitu de? <sup>5</sup> Fo tamo mulapa, so whīné taleyóló mé fo diaaɔ enére? Naao dowi alamó saaire kwia yālo alurapó fo enérepé, yā turukó horóló naao beseke sóró fae fo enére? Diā tuē tekeyóló kisipa yae. <sup>6</sup> Atérené i haemó betó mole so whīné dowi ala kwia tokóló aluraaire fotokó Whīné Naalemané sumó bulapóló, kisipa muópolópa,” kale whīpaae, “Yā turukó horóló naao beseke sóró bepaae fae,” yalepó. <sup>7</sup> Ti fo depa, kale whī turukó holóló ama beseke sóró bepaae felepó. <sup>8</sup> Atétere ala aimó betó mole so whī feané kolóló, atima doasi hokomó sókó furaalu sira yalepó. Mo whīné etei kaae ala yópoló Kótónéitei sóró betero beterepóló, ama doi hale sóró horalepó.

*Yesuné Matyupaae ā sya ape yale fo*  
(Mak 2:13-17, Luk 5:27-32)

<sup>9</sup> Atéró Yesu ā ai hae tiki taaróló fu betalemó, *takis moni* siré kotere whī Matyu *takis moni* saairaalu, teŋe furu bemó betepa kelalepó. Atépa ama āpaae duraalu, “Yā ē sya ape,” depa, kale seké ā turukó horóló Yesu sya felepó.

<sup>10</sup> Atéró, Yesu ā kale whī Matyuné bemó betepa, *takis moni* siré kotere whīraperó mepaae dowi ala dere whīrapetamo mo turó wóló, Yesuró ama yó matere whīrapetamo fea touyóló ɔla nuku beterepó. <sup>11</sup> Atéró ɔla nuku betepa, mepaae Farisi whīrapené kolóló ama yó matere whīrapepaae duraalu, “Diā yó matere whī-a, *takis moni* siré kotere whīraperó dowi ala dere whīrapetamotei, noatepa ɔla betāmo nuku bitu de?” yalepó.

<sup>12</sup> Ai fo wosóló Yesuné duraalu, “Kisi daanire so whī *dokta* beterepaae fumi, kisi daale so whīmaaté fua dapó. <sup>13</sup> Kótóné aseýóló muló betere fo i ape. ‘Simó sukūlaa dalóló hāle matere ala

Kótóné ą saai doasi hękeseni, kęlené sinóló hęle tao sere ala depa, ti ą mo doasi hękeserapó,' erapó. Térapa dią fóló, ai ere fo bete wosóló kisipa tekeyae. Ti ę waleteita, donoi ala dere so whįpaae ape yaai anitei dowi ala dere so whįpaae ape yaai walepó," yalepó.

*Ọla weyóló hęle betere ala  
(Mak 2:18-22, Luk 5:33-39)*

<sup>14</sup> Téró, Jon-né yó matere whįrape Yesu beterepaae wóló ąpaae woseturaalu, "Dąró Farisi whįrapetamota me sukamó ọla weyóló hęle bitua depatei, naao yó matere whįrapemo ọla weyóló hęle bitinitere-a, noatepa de?" yalepó.

<sup>15</sup> Ai fo depa, Yesuné atimapaee tokó mótu duraalu, "Kale so dokaaire whį ą ama fulumu whįrapetamo hęle betepatei, ama fulumu whįrape dekętu molómó betaaloé? Tęni, nalo kale so dokore whį mené dapesó fupa, ti ama fulumu whįrape atima ọla weyóló hęle betaalo ai ape.

<sup>16</sup> Mo whį betąnękélé, kisi kuti kwia sóró si kutitamo nomotumipó. Ti noatepaae, kisi kuti kwia sóró deraakele kutitamo dakoróló nomonalemó, momó bisąae fóló mo ti fake yaalopó. <sup>17</sup> Whį betąnękélé, kisi wain węi tepeturaalu, upulé moi hupu sekaęné nomóló mole wutimó tepetumipó. Atéró tepetepa, ti kale moi hupu sekaęmó tepeyale wain węi tóputuraalu, fulukó fóló węi sunée faalopó. Atéyaąsóró, atima kisi wain węi tepeturaalu, ti kisi hupu sekaęné aleale wutimótóróti tepetua dapó. Atétepa, ti kale wutiró węitamo wusuró mo wisiyóló muó tawaalo ai ape," yalepó.

*Yesuné folosóró betą so wisiróo,  
senaale kepaaróo yale ala  
(Mak 5:22-43, Luk 8:41-56)*

<sup>18</sup> Atéró ama fo teó du betepatei, betą doasi topo whį wóló ą daalemó bukutiri teyaró bitu duraalu, "Doa whį-ó, yało senaale mo miótóróti sinalepó. Téyaletai, ya wóló ama

tikimótamo naao naase mulatepata, ti ą mo kepaanérápó," yalepó. <sup>19</sup> Atétepa Yesu ą turukó horóló kale whįtamo fupa, ama yó matere whįrapekélé felepó.

<sup>20</sup> Até deretamo, betą so wéliéné du betepatei, 12 ba fo kemere so Yesuné sisóró sókó wóló, ama deró betere kuti salemó wolaayalepó. <sup>21</sup> Kale soné ama i kisipa mualepó. "Yąlotamo ama kuti salemó wolaatepa, ti yało kisi bete sųmó wisiyaalopó."

<sup>22</sup> Tétepa, Yesu ą fetée fóló kale sopaae duraalu, "Ti senaale-ó, naao kisipa tiki tirale alané naao kisi bete wisiralepa, hosaa tuąmó sekęni, diriyóló dua fae," yalepó. Ai fo deremótóró kale soné kisi bete mo ti wisiyalepó.

<sup>23</sup> Atéró, Yesu ą kale doasi topo whįné be dolopaae sókó felemó, so whį fea fo tiki whaa du bitu, fó wuti hale yóló moló-u du betepa kelalepó.

<sup>24</sup> Até du betepa, Yesuné atima foné sóró duraalu, "Ai senaaleta sukuni, ą noke firapa dią taae fae," deremó atimané ą dọ nalalepó. <sup>25</sup> Atéró, ai touró betere so whį fea belapaae hókó deróló, Yesu ą kale senaale mole be dolopaae fóló, kale senaalené naasemó tao salemó, ą mo ti sukąletei momó kepaayalepó. <sup>26</sup> Atéró, Yesuné i ala yalepóló, ai be hulua feapaae deté kweyóló fakeralopó.

*Kele dilikire whį tamoró kọló  
nomone whįtamo wisirale fo*

<sup>27</sup> Atéró Yesu ai be taaróló fu be-talemó, kele dilikire whį tamoné ą sya wou fo fakeyóló duraalu, "Depitné deté yale whįné Naalema-ó, naao dąmo kęlené sukutu tao sae," yalepó.

<sup>28</sup> Atétepa, Yesu ą be tuąpaae sókó fi tikimó nalo kale kele dilikire whį tamo ą beterepaae wapa, atimaamopaae woseturaalu, "Yąlo di-aamo sųmó wisiranérápóló kisipa mute?" depa, atimaamoné duraalu, "Tale-ó, naao fotokęné dąmo mo sųmó wisiranérápó," yalepó.

<sup>29</sup> Ai fo depa, ama kale wh̄itamóné kelemó wolaa yóló duraalu, “Diaamoné kisipa tiki tiró betereiteiné i wisirateré ape,” yalepó. <sup>30</sup> Ai fo yalemó, kale wh̄itamóné kele fis̄aae fóló wisitepa Yesuné atimaamopaae fo mulóló duraalu, “Yalo diaamopaae i erale ala so wh̄ipaae momókó deté kw̄eyaḡse,” yalepó. <sup>31</sup> Téyaletei, atimaamo be hulua feapaae fóló, Yesuné i ala yalepóló deté kw̄eyóló fakeralepó.

<sup>32</sup> Atéró kale wh̄itamo fi tikimó, dowi kepe tepeyóló bituraalu k̄óló nomóló fokélé initere wh̄i bet̄a Yesu beterepaae dapesó walepó. <sup>33</sup> Atétepa, Yesuné kale dowi kepe dóló h̄okonaletikimó, kale k̄óló nomóló betale wh̄itei, fo kaae sóró yalepó. Atéteremó, so wh̄i feané kolóló siraturaalu, “Take bitiré wale alimó etei kaae ala Israel hae kwiamó depa mo kolókélé inipó,” yalepó.

<sup>34</sup> Ai fo depa, kale Farisi wh̄irapené duraalu, “Ai dowi keperape dóló h̄okonaleteita, dowi keperapené doasi topo wh̄iné fotok̄ratepa, dóló h̄okonótua dapó,” yalepó.

### *Kótóné kutómó ḡla dekéro ḡlumépaitei saaire wh̄i meipó*

<sup>35</sup> Atéró etéyalepó. Yesu ḡ doasi be huluapaaekélé, sawa be hulua-paaekélé, ai be huluaamó t̄e mole fo wosetere berapemókélé, Kótóné t̄eteróló kaae tare aḡmó mole ala i ape yóló, kale mió wosetere kisi fo wisi yó melaté kw̄eyóo, mepaae tiki momaare wh̄iraperó hepo daale wh̄irapetamokélé wisiraté kw̄eyóo yalepó. <sup>36</sup> Téró, so wh̄i mo h̄ale ḡla kaae betó mupa kelalemó, atima tao saaire wh̄ikélé meiruraalu, bokonaale *sipsip* hupurape aḡyóló betó mupa, Yesu k̄olené sukutu ama hosaamó salepó. <sup>37</sup> Atépa ama yó matere wh̄irapepaae duraalu, “Kutómó ere ḡlata, mo dekéro ḡluméretei ḡla saaire wh̄i bet̄a doaló meipó. <sup>38</sup> Térapa, ai kutómó ḡlumére

ḡla saaire wh̄irape dotonḡpóló, ai kutó Talepaae wosae,” yalepó.

## 10

### *Yesuné 12 wh̄irape dot̄eyale fo (Mak 3:13-19, Luk 6:12-16)*

<sup>1</sup> Atéró, Yesuné ama yó matepa wosetere 12 wh̄irape ḡ beterepaae ape yalepó. Mepaae so wh̄i tuḡmó betere dowi kepe h̄okó falóo, mepaae kae kae hepo daale so wh̄iró tiki momaare so wh̄itamo wisiróo yḡpóló, atima fotok̄ mo s̄umó bulóló sóró beteralépó.

<sup>2-4</sup> Ama ai sóró beteralé 12 *apotel* wh̄iné doirape i ape. Folosóro sale wh̄ita, Saimon doi mupatei, Pitapó du betere wh̄iró ama noma Andrutamo yóo, Sebediné naalema tamo Jems-ró noma Jon-tamo yóo, Filip-ró Batolomiu-tamo yóo, Tomas-ró *takis moni* siré kotere wh̄i Matyutamo yóo, Alpias-né naalema Jems-ró Tadeus-tamo yóo, k̄alo k̄alo wh̄i Saimon-ró Iskariot be wh̄ikó Yesu dḡpóló eleké deyale wh̄i Judas-tamo yóo yóló, atima atérópó.

<sup>5</sup> Yesuné ama dos̄ayóló sóró betero betere 12 wh̄irape doton-aairaaalu, folosóro atimapaee i fo yalepó. <sup>6</sup> “Juda fake mei, kae fakené be hularó Samaria wh̄irapené be huluatamopaae feni, *sipsip* hupu kaae fókó fale Israel fake beterepaae fae. <sup>7</sup> Diḡ furaalu, i fo so wh̄i feapaae h̄akeamó yó maté kw̄eyae. Hepen bemó betere Kótóné t̄eteróló kaae tare aḡmó mole ala wóló, mió mo felekemó i mole ape. <sup>8</sup> Mepaae kisi daae mole so wh̄i wisiróo, sinale so wh̄irape kepaaróo, mepaae humu fuluné tiki dore so wh̄i wisiróo, tiki tuḡmóbetere dowi kepe doló h̄okonóo, yae. Ai ala yaaire fotok̄ diaaḡ *moniné* dupuyóló sini, yalo diḡpaae h̄ale melalepó. Téyalepa, diaaḡmo me dupu sini, so wh̄i h̄ale tao sóró wisiraté kw̄eyae. <sup>9</sup> Diḡ atéró furaalu, *kold ó silpa ó kopa moni* sóró faḡse. <sup>10</sup> Naa wa ó tómó deró betere kuti, ó horó betere hó



be, ó dotó tikikélé tawóló faqse. Ti noatepae, ai kutó diratere wh̄irape atimané naaire ɔlakélé, ó fiyaaire bekélé ti ai be talenétóro melatepa ti mo wisirapó.

11 Dī mé doasi be huluamó ó sawa be huluamó sókó fupa, ti mo wisi kisipa mole wh̄ikó aimó beterémóló kelenaalemó betepa, ti mo ai wh̄itamotóro bitiré fóló, dī me bepaae furaalu, ti ai be taalae. 12 Dī ai wh̄iné ama bemó sókó huturaalu, atimapaae kɔleó, Talené dī wisiró betepa, hosaa muni deyóló dua betae fo yae. 13 Ai be talerape wisi kisipa mole wh̄itamo betepa, ti dīané hosaa muni deyóló mo dua betae dere foné atima sumó tao sóró wisiraalopó. Atima wisi tué mole wh̄itamo bitinipa, ti dīané hosaa muni deyóló dua betere ala wisinaale h̄ale besekéréni, dīpaae momó fesaae wópóló yae. 14 Mepaae wh̄inétamo dī wisiyóló dape sini yóo, diaaɔ yó matere fokélé wisiyóló woseni yóo depa, ti dī ai betere be, ó doasi be hulua taaróló faairaalu, atimané ai be hae diaaɔ hómó dakepatei faqsóro, aimó terepée deróló fae. 15 Ȳalo dīpaae mo i dere ape. Kótóné taleyóló kwia melaaire sukamó, dī wisiyóló dape sinitere be huluamó betó mole so wh̄ipaae eraaire sek̄i alata, Komoraró Sodom be huluatamomó betó muale so wh̄ipaae eraaire sek̄ bosenóló, mo doakale dowi sek̄ melaalo ai ape. 16 Dīta, kale bete haɔ betó mole tūpaae *sipsip* hupu kaae ȳalo i dotonaterere ape. Térapa, dī wuliné kisipa kaae fosó fosó irutei, dī me dowi ala muniru, kale ba h̄ókóserape kaae, naame yóló mo dua betae.

17 Ti noatepae, mepaae wh̄irapené kae kae sek̄i ala dīpaae mo eraalopa, dī mo hotowayóló kaae tawae. Téturaalu, atimané dī fo tokótamo yóló taletere wh̄irapené naase tūpaae mulóo, atimané fo wosetere berape tūmókélé dī susupuróló fokosói ala yóo

yaalo ai ape. 18 Dī ȳalo doi erótu beteremó, t̄eteróló kaae tare *Gavman* wh̄iraperó doasi topo wh̄irapetamo beterepaae fo tokótamo yaai dapesó faalopó. Atéro, fo tokólo dere ala Juda meire so wh̄inékélé wosóló kisipa yaalopó. 19 Téyaalotei, atimané dī *dipula* beteraai dapesó fupa, dī noa fo yaaloé ó fo neyóló yaaloé yóló, whaalia yaqse. Atéro fo tek̄etere be demótóroti diaaɔ yaaire fo Tale Kótóné ama yó melaalo ai ape. 20 Ti atéro yaaitere fo dīané kisipané yaalomeitei, diaaɔ Ayané ama Kepe Wisiné i fo yae yóló yó mótu betepa, yaalo ai ape.

21 Me wh̄iné ama nomatei me wh̄iné d̄ópóló eleké deyaalo ai ape. Bet̄a wh̄iné ama naale senaale me wh̄iné mo ti dóló sukunópóló eleké deyaalo ai ape. Naale senaalené hama alimatamo bóe dóló só deróló, mepaae wh̄iné d̄ópóló melaalopó. 22 Dī ȳalo ala erateremó, so wh̄i feané dī h̄óróló, bóe du betaalo ai ape. Tétu betepatei, wh̄i me detamo ai sek̄i ala h̄ale beleté fóló kemeterere kwiapaae sókó fupa, ti atétere so wh̄i aluyaqsóro, ȳalo tao saalopó. 23 Dī ai be huluamó sókó f̄elalemó, ai be hulua so wh̄iné dītamó bóe dóló dīpaae susupui ala eratepa, ti ai be taaróló me be huluapaae botokó fae. Ȳalo dīpaae mo i dere ape. Ai Israel fakené be huluarape dok̄ fea kw̄eyóló kemeréni teó kutu betepatei, kale Wh̄iné Naalema sókó waalo ai ape.

24 Bet̄a *skul* naalené ̄ yó matere wh̄i ama t̄eteranénipó. Atétere kaae, kutó diratere wh̄inékélé ̄ t̄eteróló kaae tare wh̄i ama t̄eteranénipó. 25 Kale *skul* naale ̄ kisipa siré fóló, ama kisipare alakélé ̄ yó matere wh̄iné kisipare alatamo bet̄a s̄u yóo, kale kutó diratere wh̄iné dere alakélé ̄ kaae tare wh̄iné dere alatamo bet̄a s̄u yóo epata, ti mo wisirapó. Mo so wh̄iné be tale kilituraalu, ̄ta dowi keperapené doasi

topo kepe Belsebul-pó du betepa, ti ama be whi so whipaaekélé betá kaae eratere fotóro yaalo ai ape.

<sup>26</sup> Atérapa, atima ai whirape kolóló wiyaqse. Ti noatepae, mió kinóló mole ɔla ɔlarape fea take hakearatepa kelaalopó. Kinóló mole ala ó fo so whi feané kisipa yaalo ai ape. <sup>27</sup> Yało diɔpaae dilikitamo yó mótu betere fota, ti be detamo hakeamó yae. Diaaɔ kikiti woséli dolomó du betere fo ti so whi feané wosópóló, siki bemó daalu hakeamó yó melae. <sup>28</sup> Ti diaaɔ kepe bete doréni, mo tó tikimaaté sukópóló dele mo whirape koróló, diɔ wiyaqse. Téni, naao tikiró kepe betetamo wusuró dowi si duku beterepaae taae deranére Talepaae betá wiyae. <sup>29</sup> Whirapené ba male tamo duputuraalu, sonai *moni* kené dupu dua dapó. Téretei, diaaɔ Aya Kótóné ama kisipané ai ba belekɔamale haepaae derepae initepa, ti haepaae derepenénipó. <sup>30</sup> Diaaɔ topomó bilire niki feata, Tale Kótóné ama dosɔayóló mo tuérápó. <sup>31</sup> Atérapa, diɔ whaaliala yóló wiyaqse. Ti i haemó betó mole ba belekɔatikiki kolósu, diɔ kolósu depa, diɔta mo doasi ɔla ereteiné Kótóné ama diɔ kisipa keteraalopóló de? Mo meipó.

<sup>32</sup> Mepaae whi denétamo amatei, so whi feané keletómó, ɛta Keriso whi beterapó depata, ti atétere whi ó hepen bemó betere yało Ayané keletómó ita yało ne nopó yaalo ai ape. <sup>33</sup> Téyaalotei, mepaae whi dené so whi feané keletómó, ɛta Keriso whi meipó depa, ti yałokélé hepen bemó betere yało Ayané keletómó ɔ yało ala eratere whi meipó yaalopó.

<sup>34</sup> ɛ i haepaae waleteita, ti i haemó betó mole so whi fea bóe dele ala taaróló, dua beterópóló wale nisiyaqse. Téni, i haemó betó mole so whi tuɔmó tekeróló me fake kae beteróo, me fake kae beteróo yaairaalu walepó.

<sup>35</sup> ɛ wóló betere bete i ape.

‘Naaleró alimatamo tuɔmó tekeróló bóe delóo, senaaleró hamatamo betere alakélé tuɔmó tekeróló bóe delóo, whiné dokore soné ama hyama seretamo bóe dóo, yaalopó.

<sup>36</sup> Whi mené ama fake so whi ó ɔtamo betámó betere so whinétei, ɔtamo bóe daalo ai ape,’ erapó.

<sup>37</sup> Mepaae whi dené ɛ sisópaae eróló, ama alima ó hamapaae doasi hekesené sukóló yaala sókó fu betepa, ti atétere so whi ɛtamo betámó betaaire sunipó. Mepaae whi dené ama naale ó senaalepaae yaala sókó furaalu, ɛ sisópaae eratepa ti atétere so whi ɛtamo betámó betaaire sunipó. <sup>38</sup> Mepaae whi dené ɔ sukɔaire filipaa ni amatei beleyóló ɛ sya ɔnitepa, ti ai so whi yało fo wosetere so whi betaaire sunipó. <sup>39</sup> Mepaae whi dené ama betere bete me ala yaɔsórópóló, amatei hotowayóló kaae tapa, ti atétere whiné ama betere bete aluyaalo ai ape. Mepaae whi dené yało ala eraairaalu, ama betere bete me ɔla meipóló aluratepa, ti atétere whiné ama betere bete aluni, hałe muó tawaalo ai ape.

<sup>40</sup> Whi me dené diɔ wisiyóló dape sóro kaae tatepa, ti ɛtei wisiyóló dape sirapó. Mepaae whi dené ɛ wisiyóló dape supata, ti ɛ dotɛyale seké yało Ayatei wisiyóló dape sirapó. <sup>41</sup> Whi me dené mepaae whi kilituraalu, Kótóné ama fo eratere kóló whipóló, mo wisiyóló dape supa, ti atétere whiné Kótóné ama kóló whiné sere dupu sɔtóróti saalopó. Whi me dené mepaae whi kilituraalu, ɔta mo donoi ala dere whipóló mo wisiyóló dape supa, ti atétere whiné kale mo donoi ala dere whiné sere dupu sɔtóróti saalo ai ape. <sup>42</sup> Yało diɔpaae mo i dere ape. Whi me denétamo mo belei sokótei betere whi yało ala erótu betere whipóló siri wei nae yóló melatepa, ti ai ala deremó

dupu haşókó feni, motóro saalopó,” yalepó.

## 11

*Yesuró weı tópuratere whı Jon-tamo*

*(Luk 7:18-35)*

<sup>1</sup> Atéro, Yesuné yó matere 12 whırapepaae fo yó melóló keme-tepa, ai betere tiki taaróló, ą Kaleli hae kwiamó te mole be huluapaae felepó. Atéro fóló, hałe mo betó mole so whıpaae kale kisi fo wisi yó melóo, ama fo wosetu betere so whıpaaekélé yó melaté kwęyóo yaairaalu felepó.

<sup>2-3</sup> Kale Jon *dipula* bitu, Yesu Kerisoné i ala du beterepóló deté kotere fo wosóló, ama yó matere whırapepaae I fo wasae yóló dotęyalepó. “Yata kale waalopóló bope du betale whı hıtipé, whı me kae wópóló kaae tawaaloé yóló wosene fae,” yalepó. Atétepa, kale Jon-né dotonale whırape fóló, Yesupaae wosalepó.

<sup>4</sup> Tétepa Yesuné atimapaae duraału, “Dią Jon beterepaae fóló, diaaą wosale foró kelale alatamo ąpaae yó móturaalu, i fo yae. <sup>5</sup> Kale keke diliki yóló betale whırape wisiróo, hó doyóló betale whırape wisiróló falóo, mepaae dowi humu fulu dorowóló betale whırape wisiróo, wosęli kęne so whı tukwę falóo, mepaae mo ti sinale so whıteı kepaaróo, yoleale yóló betere so whıpaae kale kisi fo wisi yó mótu betóo, du beterepóló ene fae. <sup>6</sup> Mepaae whıtamo yało du betere ala kolóló, ę sya waleteı hóturaalu, dée nénitere whı ti Kótóné wisiratepa, hajné sukutu beterepóló yae,” yalepó.

<sup>7</sup> Atéro, kale Jon-né ama yó matere whırape fi kinipaae, Yesuné Jon-né du betere alamó tuę muturaalu, aimó betó mole so whıpaae yó melaai duraalu, “So whıkéle bitinire hałe kópu kęae fi hae tikipaae fua yaleteı-a, noakó kełe fua yaleé? Beséné féporótu betere kape kelaai

fua yaleé? Mo meipó. <sup>8</sup> Dią upaae noakó kelaai fua yaleé? Whı betą mo kuti wisinaale deróló betepa kełe fua yaleé? Meipó. Atei kaae kuti wisinaale deró betere whıta, ti kale doasi topo whırape bitua dere tiki dokélé ini, mo sisi yóló sorokęi be wisinaalemó bitua dapó. <sup>9</sup> Téreteı, dią noakó kełe fua yaleé? Kótóné ama kóló whı kelaai dapóló fua ipa, ti ątóróti mo hıti ai ape. Yało diąpaae mo i dere ape. Kótóné ama kóló whırape fea betereıteı, ai whıné ama ditere kutóné mepaae kóló whırapené ditere kutó mo bosene falapó. <sup>10</sup> Ai sekémó kisipa mutu, Kótóné ašemó i fo erapó.

“Ya waai teópa yało fo eraaire whı folosóro ąpi wópóló dotęyaalopó.

Ai whıné amata, ya waaire tu donoróló wisiraalopó,” erapó.

<sup>11</sup> Yało diąpaae mo i dere ape. I haemó betó mole sorapené deyale whırapekélé fea betó moleteı, kale weı tópuratere whıko Jon-né atima fea tetereóló bosene falapó. Téteıteı, Kótóné tetereóló kaae tare aąmó belei sókó deóló betere whıné ti kale weı tópuratere whı Jon tetereó beterepóló.

<sup>12</sup> Kale weı tópuratere whı Jon betale alimó kaae sóro, hepen bemó betere Kótóné tetereóló kaae tare aąmó mole ala mo doasi fotokótamo wouraalu, fakeraté wou beterepóló. Ai ala saairaalu, ketekę buóló bóe du betere whırapené ai ala kekeparó fasó sua dapó. <sup>13</sup> Kótóné ama fo eratere kóló whıraperó Mosesné aşere fotamoné Kótóné i ala yaalopóló yó maté wóló, kale weı tópuratere whıko Jon betale alimó sókó walepó. <sup>14</sup> Térené diaaą kisi-panétamo waalopóló kale bopetu betale whı Elaijata Jon ątóróti hıtipóló kisipa mutupa, ti mo wisirapó. <sup>15</sup> So whı de wosęli daapa i dere fo mo wisiyóló wosóló kisipa muae.

<sup>16</sup> Mió i alimó betó mole so whı eterepóló bete kisipa yópóló, yało noa ala şuróló yaaloé? Atimata,

etei kaae naale senaale kaaené kel-erapó. So wh̄i tour̄leta dere tikimó bituraalu, mepaae naale senaalené mepaae naale senaalepaae melaa yaalopa ape yóló etei fo dapó.

<sup>17</sup> ‘D̄ané fó wutiné haleratepa, dīané mepaae wole forape yóló sama kilini yóo, d̄ané mepaae wole forape depa diaaḡ moló ini yóo yaleteti-a, noatepa ḡle daae mualeé?’ dua dapó.

Ai kale keteirapené dere ala kaaetóróti diaaḡkélé ai du betere ape. <sup>18</sup> Kale w̄ei tópuratere wh̄i Jon wóló betereitei ḡlakélé, *wain* w̄eikélé nénitere ala mepaae so wh̄iné kolóló, ama depe tūámó dowi kepe bituraalu dapó dua yalepó. <sup>19</sup> Kale Wh̄iné Naalema wóló bitu, ḡlaró w̄eitamo nokole kilitu, so wh̄i feané ai wh̄ita, ḡlakélé *wain* w̄eikélé dekéro nuku betere wh̄ipó. Āta, kale *takis moni* siré kotere wh̄iraperó dowi ala dere wh̄irapetamoné fulumu wh̄ipó, ai du betere ape. Tétu betereitei, mepaae wh̄iné ama dere ala k̄aae kolóló, ai wh̄ita Kótóné mo dotoróḡ fale kisipa muluraalu dapó yaalo ai ape,” yalepó.

*Mepaae dowi ala taaróló kisipa fetenire be huluamó ere fo*  
(Luk 10:13-15)

<sup>20</sup> Téró, Yesuné ama kae kae kelemei alarape erale be hulu-arapemó betó mole so wh̄i dowi ala taaróló, Talepaae kisipa tiki feteyóló bitini yalemó, ai so wh̄i só deraai yalepó. <sup>21</sup> Atéró ama duraalu, “Korasin be huluaró Betsaida be hulua so wh̄irapetamo-ó, dīa tūapaae mo dowi sek̄ei ala waalo ai ape. Ȳalo dīa tūapaae erótua yale kelemei alarape kaaetamo, Tair be huluaró Saidon be huluatamomó erólusóró, ti atimané dowi ala mo taketitei taaróló, tūḡ tiki feteyóló kili diyóló yei kutitamo bituḡpó. <sup>22</sup> Ȳalo dīapaae mo i dere ape. Tale Kótóné taleyóló kwia matere sukamó, Kótóné i haemó betó mole so wh̄ipaae kwia matere alata, ti

kale Tair be huluaró Saidon be huluatamopaae melaaire kwia mo bosene faalo ai ape. <sup>23</sup> Dīa Kapeneam be huluamó betó mole so wh̄i-ó, dīa ó s̄apaae holaalopóló kisipa mute? Mo meipó. Dīata, mo apaae derepale dolopaae Kótóné sóró deraalo ai ape. Dīa ai Kapeneam be hulua tūámó erale kelemei alarape kaae, Sodom be hulua tūámó erólusóró, ti ai be hulua dorólus̄meipó. Miókélé ḡle t̄ḡ tawuḡpó. <sup>24</sup> Téretei, ȳalo dīapaae i dere ape. Tale Kótóné Sodom so wh̄i taletere sukamó doasi kwia melaalotei, dīapaae eraaire sek̄ei alata, ti bosenóló mo doasi ala eraalopó,” yalepó.

*Fóturu depa s̄a nóló dua betere ala melaalopóló dere fo*  
(Luk 10:21-22)

<sup>25</sup> Atéyale sukamó, Yesuné ama Alima Kótóné doi hale sóró horóló duraalu, “S̄aró i haetamo t̄eteróló betere Aya Tale-ó, naao mió i alimó yó mótu betere alarape feata, doasi kisipa sóró betó mole wh̄irapené kelaḡsóró hyó mulóló, i naale belek̄atikiné maaté kolóppóló, ḡkeamó yó melaletiné ȳapaae mo k̄ee dapó. <sup>26</sup> Aya-ó, mo dapó. Ti ai alata, mo naao kisipa mole alatóróti ai ape,” yalepó.

<sup>27</sup> “Fea alata, ȳalo t̄eteróló kaae tanóppóló, ȳalo Ayané ḡpaae meló beterepó. Mo wh̄i bet̄anékelé Naalema kisipa initei, Alimané ama bet̄a kisiparapó. Térure kaae, mo wh̄i bet̄anékelé Alima kisipa initei, Naalemané bet̄a ama Alima kisiparapó. Naalemané ama kisipa mole so wh̄ipaae ȳalo Ayata, etei kaae Tale beterepóló, yó matere so wh̄iné maaté tūḡ yaalopó.

<sup>28</sup> Dīa mepaae wh̄i sek̄ei ḡla beleyaletikimó, fóturuyóló b̄etu betere so wh̄i-ó, dīa s̄a nóló mo dua betaaire ala ȳalo melaalopa, ḡ beterepaae ape. <sup>29</sup> Ȳalo hulumó belere ni fake beleyóló, d̄amo wusóró furaalu, ȳalo dere ala kolóló kisipa sae. Ti noatepae, ȳalo hosaa



tuamó mole naamei ala wisi diaaq kisipa yaasepóló, yó melaalopa, ape. Até depata, ti diaaq hosaa muni deyóló mo dua betaalopó. <sup>30</sup> Ti noatepae, yalo kutó ditere alaró beleyóló fole qlatamo sekëni, mo esepelérápó,” yalepó.

## 12

*Yesu qta sqa nópóló tukóló muló betere be de tale*

*(Mak 2:23-28, Luk 6:1-5)*

<sup>1</sup> Atéyale sukamó, Yesuró ama yó matere whirapetamo *whit* kutó tuamó kutu betalepó. Téyalemó, ama yó matere whirape wotetepa sqa nópóló dale muló betere sukamótei, kale ai kutómó yó mole *whit* du kaaesu yóló nukulé fu betalepó. <sup>2</sup> Atei ala depa, Farisi whirapené kolóló Yesupaae duraalu, “Naao yó matere whirapené sqa nóló beterópóló tukóló muló betere be demótei, kale yóló muló betere fo tukóló, qla ai su betere ape,” yalepó.

<sup>3</sup> Ai fo depa ama atimapaee duraalu, “Depit-ró ama fulumu whirapetamo atima wotetepa yale ala diaaq dosayóló, kisipa muni airapó. <sup>4</sup> A Kótóné be tuapaae holóló bituraalu, mo kae muló betere *bred* o Depit-ró ama fulumu whirapetamo atima wotepa soro nalepó. Ti ai ota, Kótópaee melaleteti, mo hale whirapené naqsóro fo mupa, Kótópaee momaratere whirapené maaté nukua dapó. <sup>5</sup> Moses-né yóló muló betere fo sya furaalu, momatere be kaae tare whirape kale dale muló betere sukamótei atimané ditere kutó diyaaai be dolopaae fua dapóló, ere fo diaaq dosayóló kisipa muni airapó. Ti kale yóló muló betere fota, mo tikitu betepatei, me dowi ala yalepóló inipó. <sup>6</sup> Yalo diapaae mo i dere ape. Kótóné ama momatere beta, doasi qlapatei, Kótóné ama ala erótu betere sekéro, mió ama erótu betere alatamoné ai momatere be tetéroló teraae falapó. Atére sekéta, mió diatamo betámó i

betere ape. <sup>7</sup> Tale Kótóné i fo aseýóló muló beterapó.

‘Kale *sipsip* hupu ó me qla simó sukúlaa daróló momaratere alata, ti yalo hekesere ala meipó. Me whi qlené sinóló tao sere alata, ti yalo hekesere alapó,’ erapó.

Ai fotamo diané tué uasóro, ti dowi ala munire whirape só deróluqmeipó. <sup>8</sup> Ti noa betené meipó. Kale Whiné Naalemata sqa nóló beterópóló, dale muló betere be de tetéroló kaae tare Tale beterapó,” yalepó.

<sup>9-10</sup> Téró Yesu a aimó betaleteti taaróló, atimané fo wosetere be tuapaae sóko felemó, aimó betá naase dowi whi betepa kelalepó. Atima mepaae so whiné a dowi ala yale whipóló só deraaire bete kikitú Yesupaae woseturaalu, “Sqa nóló beterópóló dale muló betere sukamótei, whi wisiratere ala depa fo mulepé meié?” yalepó.

<sup>11</sup> Ai fo depa ama atimapaee duraalu, “Diakó whi me denétamo, kale sqa nóló beterópóló tukóló muló betere sukamó betá *sipsip* hupu nóku dolomó doropóló mupa, tao saalomeié? <sup>12</sup> Tépateti, whita ti mo doasi bete mole qla ereteiné whi tao sere alané *sipsip* hupu tao sere ala bosene falapó. Atérené sqa nóló beterópóló dale mulale sukamó wisi ala depa, fo munipó,” yalepó.

<sup>13</sup> Téró ai fo yóló kemetepa, kale naase dore whipaae duraalu, “Naao naase teré falae,” depa, kale whiné ama dore naase teré faralemó, me tikiró wisire naase kaae yó felepó.

<sup>14</sup> Atétepa, kale Farisi whirape atima belapaae tóe fóló, Yesu netéro daaloé yóló fo dokalepó.

*Kótóné ama kutó dirópóló sóko sere whi*

<sup>15</sup> Até yaaire ala Yesuné ama kisipa yóló, a betale tiki taaróló felepó. Atétepa, kisi daae mole so whi feané a sya wou betepa, ama wisirótua yalepó. <sup>16</sup> Atéro, ama atimapaee

fo mulótu duraalu, “Yalo i dere ala kolóló ę etei kaae whi beterapóló mepaae so whipaae momókó yaqse,” yalepó. <sup>17</sup> Yesuné ai du betale alata, mo take Kótóné ama kóló whi Aisiané aseýóló muló betere fo motóró dokonóturaalu yalepó. <sup>18</sup> Ama ai ere fo i ape.

“Yalo kutó dirópóló, sókó sóró kae betero betere whi i betere ape. Ama dere alamó, ę hajiné sukutu ępaae yaala sókó fóló, mo hosaa mulapó.

Atérené yalo kepe bete ę tuępaae beteratepa, amamo Talené mo donótóró taleyóló kwia melaaire fo i hae kwiamó kae kae tiki daae mole so whipaae hękearóló yó melaalo ai ape.

<sup>19</sup> Téró yalo kutó diratere whi hęle sere alaró hęle fotamo ini dereteiné, ai be belamó ó tımó fua wua dere so whiné mo wosókélé yaalomeipó.

<sup>20</sup> Kale kape siki kęae faairaalu, bitikęne tikimó ama mo ti kęayaalomeipó.

Téturaalu, kale wisiyóló dó tanire sękélé ama hapale sukunéni, hęle dó tanópóló kaae taté faalopó.

I haemó du betere kae kae dowi alamó, mo donótóró taleyóló kwia melaaire alané hęko taletere ala aluraté fóló, mo donoyóló taletere alané tęteróló kaae tawaalopó.

<sup>21</sup> Atéturaalu, hae kwia feamó betóló fale so whiné ępaae kisipa tiki tiróló hajiné sukutu bitu, i sekęnéta, dę mo tao saalopó du betaalo ai ape,” erapó.

*Yesu ę topo kepe Belsebul-né fotokratepa dapóló yale fo*

*(Mak 3:20-30, Luk 11:14-23, 12:10)*

<sup>22</sup> Téró, betę whi dowi kepe tepeýóló bituraalu, kele diliki yóo, kólókélé nomóo ere whi Yesu beterepaae dapesó wapa, ama wisiralepó. Atéro wisiratepa fo yóo, kelené ęla ęlakélé wisiyóló kolóo,

yalepó. <sup>23</sup> So whi feané ai ala kolóló sirayóló duraalu, “Ai whita Depitné deté wale fake tuęmó, waalopóló bopetu betale whi hęti irurapó,” yalepó.

<sup>24</sup> Ai fo kale Farisi whirapené wosóló duraalu, “Meipó. Ai whita, doasi keperapené topo kepe Belsebul-né fotokratepa, dowi kepe ai dóló hękonótu betere ape,” yalepó.

<sup>25</sup> Atéro, atimané mutere kisipa tiki Yesuné kolóló atimapaee duraalu, “Mepaae hae kwia tęteróló kaae tare doasi topo whirape atimasisitei bóe dupa, ti atimané tęteróló kaae tare ala mo doraalo ai ape. Atéturaalu, doasi be hulua ó betę bemó betere so whi atimasisitei bóe dupa, ti mo wisiyóló bitini, mo doyaalo ai ape. <sup>26</sup> Satan-né ama fake whitamotei bóe dóló hękó fatepa, ti ama tęteróló kaae tare ala amatei teketepa, ti netéro fotokę buóló daayaaloé?

<sup>27</sup> Atére kaae diaaę duraalu, i sekęnéta kale dowi kepené doasi topo kepe Belsebul-né fotokratepa dóló hękonalepó dere-a, diaaę be whiné dowi kepe dóló hękonótua deteretei né fotokratepa, du betere? Atétepa, ti atimanétei diętamo fo tokótamo yóló, taletere sukamó dię só deraalo ai ape. <sup>28</sup> Téretei, Tale Kótóné Dęi Kepe Wisiné ę fotokrótu betereiné, dowi kepetamo yalo dóló hękonótu betepa, ti kale Kótóné tęteróló kaae tare aęmó mole ala dię tuępaae wóló mulapóló kisipa yaalo ai ape.

<sup>29</sup> Whi mené mo doasi fotokę bole whiné ęla ęla ęlémi saairaalu, noa alapi yaaloé? Folosóro kale sekępi dirii kępiné dokóló mulóló, nalo ama bemó muó mole ęla ęla sóró fenérápó.

<sup>30</sup> ętamo betęmó bitinire whiné ti bóe dóló ę só derótu beterapó. Mepaae whiné ama ęla ęla ętamo mulénitepa, ti atétere whiné ama ęla ęla hęko besekérotu beterapó.

<sup>31</sup> Atétu betereteiné yálo diápaae mo i dere ape. Mepaae kae kae dowi alaró Kótó faletere fotamo yólótei, nalo Talepaae kemerae depa, ti Tale Kótóné me ɔla meipóló hãle kemeraalopó. Tépatéi, kale Dèi Kepe Wisiné erótu betere alatamo faletepa, ti Tale Kótóné me ɔla meipóló kemeraalomeipó. <sup>32</sup> Atére kaae, mepaae wh̄inétamo kale wh̄iné Naalema falatèpa, ti ama ai dowi ala kwia me ɔla meipóló hãle kemeraalotei, mepaae wh̄i dené kale Dèi Kepe Wisiné erótu betere alatamo faletepa, ti mió i betere alimókélé ó take nalo waaire alimókélé, ama ai dowi ala kwia kemeréni, hãle muó tawaalopó.

<sup>33</sup> Ni wisi daapa, ti ama dukélé wisi oleyaalopóló kisipa muóo, Dowi niné ama dukélé ti mo dowitóró oleyaalopóló kisipa muóo, yae. Ti noatepae, so wh̄iné olere du kilituraalu etei kaae nipóló kisipanérápó. <sup>34</sup> Diã wh̄i tukó nokole dowi wulirape-ó, diã dowi alané fãanuraalu wisi fo noayóló yaaló? Ti noatepae, so wh̄i feané hosaa tuãmó fãayóló mole alatóróti kólónékélé foparóló hãkeamó dua dapó. <sup>35</sup> Wh̄i wisiné ama hosaa tuãmó ti wisi alatóró fãayóló muluraalu, ama dere fokélé wisi fotóróti dua dapó. Dowi wh̄iné ama hosaa tuãmó ti dowi alatóró fãayóló muluraalu, dowi fotóróti dua dapó. <sup>36</sup> Térapa, yálo diápaae mo i dere ape. Diaaɔ dere fotamo, kisipa tekeyóló ini, hapale hõko depa, ti take taletere sukamó diápaae etei kaae hõko fo noatèpa yaléé yaalopó. <sup>37</sup> Ti noatepae, taleyaaire sukamó diaaɔ yale wisi fonétei diã hãle fõpóló eróo, mepaae yale dowi fonétei diã só deróló kwia melóo, yaalo ai ape,” yalèpó.

*So wh̄iné tué yõpóló Talené Jonapaae erale kelemei ala  
(Mak 8:11-12, Luk 11:29-32)*

<sup>38</sup> Téró, mepaae Farisi wh̄iraperó Moses-né asere fo yó matere

wh̄irapetamoné ɔpaae duraalu, “Yó matere wh̄i-ó, Talenétei eratapóló ðané kisipa yaai dapa, kelemei alakó erótumié?” yalèpó.

<sup>39</sup> Ai fo depa ama atimapaae duraalu, “Diã nópu nokole alaró mepaae sonaalei dowi alatamo du betere wh̄irape-ó, Talenétei eratapóló sira yaaire ala erae yóló, wosó maaté tarapó. Me sira yaaire alakó yó melaalomeitei, Kótóné ama kóló wh̄i Jonapaae erale ala kaae betã eratepa kelaalo ai ape. <sup>40</sup> Ti noatepae, kale wh̄i Jona be ðe sore yóo, diki sore yóo yóló, doasi yané depe dolomó bitu yale kaae, kale Wh̄iné Naalemakélé, be ðe sore yóo, diki sore yóo yóló, dou dolomó hãle muaalopó. <sup>41</sup> Téyaalotei, take nalo kale Ninipa be hulua wh̄irape taletere be ðemó mió i alimó betó mole so wh̄i mo só deraalopó. Ti noatepae, atima Jonané yó mótu betale fo wosóló, dowi ala taaróló kisipa tiki feteyalèpó. Téyaletèi, Jonakélé tẽteróló bosene fale wh̄i i betepatei, kisipa tiki tirénitere-a, noatèpa de? <sup>42</sup> Talené taletere be ðe sókó wapa, betã Saut-paae mole hae kwiamó betere doasi *kw̄in* so ɔ turukó holóló daalu, diã mió i alimó betó mole so wh̄i só deratere fo yaalopó. Ti noatepae, ai sota, mo saletópaae betale sotei, kisipa tiki dotoróɛ fóló mole wh̄i Solomoné yó matere fo wosaai dapóló weipakalèpó. Téyaletèi, Solomon-né kisipa tiki fosó fosóre alakélé tẽteróló bosenéé fale wh̄i i betere ape.

<sup>43</sup> Kale dowi keperape wh̄iné depe tuãmó beteretei taaróló furaalu, i ala dua dapó. ɔ kópu kãae fi tikimó mo wisiyóló betaai dapóló kekãai fẽlalemó, betaaire tiki kilinitepa momó fesaae wóló duraalu, ‘Yálo taaróló wale bepaae, ɛ momó bit̄i faaitapó,’ dua dapó. <sup>44</sup> Atéró, ɔ fóló kelerãlemótamo wh̄i mekéle bitini kale be fuóló taae faróló ɔla ɔla fea hotowaró betãpaaeró betèpa, keletapó. <sup>45</sup> Atépa kale dowi kepe



ą momó fesaae fóló, mepaae doasi dowi alamaaté du betere wëikeró keperape dapesó wóló, kale whi tuąmó bitji walapó. Atétepa, ai whi ą take folosóró betale ala sawa doretei, mió kale wëikeró dowi keperape bitji waleteiné, kale whiné betere bete mo ti doratapó. Atétere kaae, mió i alimó dowi ala du betere so whi paaekélé eraalo ai ape,” yalepó.

*Yesuné hamaró nomarapetamo  
(Mak 3:31-35, Luk 8:19-21)*

<sup>46</sup> Yesuné ai touró betere so whi paae fo hąle du betepatei, ama hamaró nomarapetamoné ątamo fo yaairaaalu, wóló belamó daae molepó. <sup>47</sup> Tépa whi betąné duraalu, “Naao haeró norapetamoné yątamo fo yaai wóló belamó daae mulapó,” yalepó.

<sup>48</sup> Ti fo depa Yesuné duraalu, “Yąlo haeró norapetamo-a, deé?” yalepó. <sup>49</sup> Ti fo yóló, ama yó matere whi rape beterepaae naasené yóló duraalu, “Yąlo haeró norapetamota, ti i betó mole ape. <sup>50</sup> Ti mepaae so whi denétamo hepen bemó betere yąlo Aya Kótóné ama kisipa mole ala erótu betepata, ti yąlo no ne ó haetóró ai betere ape,” yalepó.

## 13

*Yesuné whit ke biliterepaae dó faróló yale fo*

*(Mak 4:1-9, Luk 8:4-8)*

<sup>1</sup> Atéyale be demótóró Yesu ą ai be tuąmó yó mótu betaletei taaróló, kale doasi wëi kęla fókupaae bitji derepelepó. <sup>2</sup> Atéró, ai wëi fókumó so whi mo hąle ąla kaae bopéróló daae moleteiné ą daayaaire tę munipa, nuku tuąpaae daane horalepó. <sup>3</sup> Atéru, so whi paae du betale fo fea ti fo sale maaté yóló duraalu, “Whi betąné ąla wae kerape ama kutómó terepété kweyaai sóró felepó. <sup>4</sup> Atéró, kale whiné ama ąla wae kutómó terepeté kuturaalu, mepaae ke ti tu tó mó sókóta yóló mupa, barapené nalepó. <sup>5</sup> Mepaae kerape ti kane tó mó dakere haepaae

taae durupua yalepó. Atéyale ąla waeta, mo haepaae derepéni, kane tó mó dakere haemó taae derepeleteiné, kale ąla wae mo hapale holalepó. <sup>6</sup> Téyaletai, mo dirii sukané kale ąla mo hapale botokole yó salepó. Ti noatepae, ama feleke mo apaae derepénireteiné. <sup>7</sup> Mepaae kerape, ti kale mu daai ne tuąmó taae durupua yalepó. Téturaalu, kale ąla wae dowi mu daai netamo betąmó holale tikimó, ai kale dowi nené kale mo ąla bopée sóró aluralepó. <sup>8</sup> Mepaae kerape ti mo hae wisimó taae durupua yalepó. Atéyale ąla ti mo wisiyóló holóló, du wisinaale woleyalepó. ąla wae bji furaalu, yo betą sóró feletei, ąla ąlumétepa suraalu ti 100 yorape mepaae 60 yorape ó 30 yorape fąanóló sóró walepó. <sup>9</sup> Mepaae whi de wosęli daapa, ti i dere fo bete wisiyóló wosóló kisipa muae,” yalepó.

<sup>10</sup> Atéró, ama yó matere whi rape wóló ąpaae woseturaalu, “So whi paae naao fo salené maaté du betere-a, noatepa de?” yalepó.

<sup>11</sup> Ai fo depa ama tokó mótu duraalu, “Ó hepen bemó betere Kótóné ama teteróló kaae tare tuąmó kinóló mole kisipa tiki wisinaale diąpaaeta meló beteretei, atimapaae ti meló bitini ai ape. <sup>12</sup> Mepaae whi dené kale fo wisitamo sóró tapa, ti ai tó mó mepaae kae beleróló melaalopó. Téturaalu, ai whi ą mo dekéró muaalo ai ape. Mepaae whi dené kale fo wisi sóró tanitepa, ti ama sawatamo tareteikélé fasó saalo ai ape. <sup>13</sup> Yąlo atimapaae fo salené maaté i yó mótu betereteita, hąle meipó. I ere fo dokonóturaalu, erapó.

‘Atimané kelené mo kilirutei, me ąla wisiyóló koló fumipó.

Atimané wosęlinékélé wosetu bitutei, bete wisiyóló kisipa mutumipó.’

<sup>14</sup> Ai so whi tuąmó ere alata, Aisaiané aseýóló muló betere fo

dokonóturaalu dapó. Ai asere fo i ape.

‘Diaaḡ wosóta yaalotei, fo bete wisiyóló kisipa muaalomeipó. Diaaḡ kelenée yaalotei, wisiyóló kelaalomeipó.

<sup>15</sup> Ti noatepa meipó. Ai so whjné hosaa t̄aróo, kelekélé di-likiróo, atimané wosélikélé kinóo erapó.

Ti noa yaqsóro meipó. Atimané kelené mo bete kolóo, woséliné wosóló bete kisipa yóo, yaqsóro erapó.

Ai ala ere so whj atima ę beterepaae momó feteóló wapa, ti ȳalo atima s̄umó wisiranérápó, erapó.

<sup>16</sup> Téretei, diaaḡ kelenékélé mo wisiyóló kolóo, wosélinékélé fo wisiyóló wosóo yaleteiné, Kótóné dī wisiró beterpóló, hajné ai sukutu betere ape. <sup>17</sup> Ȳalo dīpaae mo i dere ape. Mo take Kótóné ama k̄lól whjraperó mo donoi alamaaté dere whjrapetamo feané mió diaaḡ kilitu betere ala atimané kelenée du betaletei mo kilinipó. Diaaḡ wosetu betere fokélé atima feané wosenée du betaletei, mo wosókélé inipó.

<sup>18</sup> I kale ęla wae ke terepeté kw̄yale whjné yale fo sale fo bete i dapa, diaaḡ mo wisiyóló wosae. <sup>19</sup> Mepaae whj de Kótóné t̄eteróló kaae tare aqmó mole fo wisi wosóló, bete wisiyóló kisipa initere so whjta, ti kale ęla wae ke t̄u tuamó sókóta yóló mupa, barapené nale kaaeta, ti kale dowi Satan-né atima hosaa tuamó muló betere fo wisi tok̄ sua du beterpóló.

<sup>20</sup> Kale kane tómó dakere haemó taae derepele ęla waeta, ti mepaae so whj dené kale fo wisi hapale wosóló, h̄kesetu dere kaaepó. <sup>21</sup> Tépat̄ei kale fo wisi wosóló, ama feleke mo apaae derepéniruraalu, sawa h̄leke sukamó betero, s̄sere ala ó me sekei ala wapa, ti kale sek̄ hapale t̄éitei dée nóló Talené ama fo wisi erateretei mo ti taalatua dapó.

<sup>22</sup> Kale dowi mu daai ne tū dolomó

taae durupu yale kaaeta, ti whj me de Kótóné fo wosólótei, i haemó doasi *moni* sóro néli whj betenée dere alaró whaaliané sukutere alata-mota, mo doasi bete mole nisiyóló sya furaalu, Kótóné fo aluróló du wisiyóló ulutimipó. <sup>23</sup> Kale hae wisi bolemó taae derepele ęla wae kaaeta, ti whj me de Kótóné fo wisiyóló wosóló, kisipa mutere so whj ai ape. Atétere whjta, kale ęla ęlumétepa, mepaae 100 mepaae 60 mepaae 30 yorape deyóló f̄anótu dere kaaepó,” yalepó.

*Dowi neró wisi ęlatamopaae dó faróló dere fo*

<sup>24</sup> Atéro, Yesuné so whjpaee fo sale fo me kae yóló duraalu, “Ó hepen bemó betere Kótóné t̄eteróló kaae tare aqmó mole alata, i ala dere kaaepó. Whj bet̄ané ama kutómó ęla wae wisi biliyalepó. <sup>25</sup> Atéro biliyóló, so whj fea noke firepaae ama bóe whj wóló, kale ęla wae ke biliyó mole tikimó dowi nené kekélé terepée daalóló, felepó. <sup>26</sup> Kale ęla wae holóló du woleyaaire alimó, kale dowi netamo wusuró bet̄amó hopa kelalepó.

<sup>27</sup> Atépa, kale kutó diratere whjrapené ai kutó talepaae duraalu, ‘Doa whj-ó, naao kutómó mo wisi ęla wae ke maaté biliyalet̄ei, dowi nemo noayóló sokaleé?’ yalepó.

<sup>28</sup> Ti fo depa kale kutó talené tok̄ mótu duraalu, ‘Aita, bóe whjné du yalepó,’ depa ama kutó diratere whjrapené ępaae duraalu, ‘D̄a fóló ai dowi ne tok̄ farópé nearó?’ yalepó.

<sup>29</sup> Ai fo depa ama duraalu, ‘Meipó. Diaaḡ kale dowi ne tek̄turaalu *whit*-tamotei tok̄ falaqsóropa, ama er̄póló taalae.

<sup>30</sup> Kale *whit*-tamo wusuró en̄póló kaae tawóló, ęla ęlumétepa sere sukamó yaasepólópó. Atéro ęla sere sukamóta, ti kale ęla sere whjrapepaae siré kw̄yae depa, dowi nerapepi tok̄lól si biliraai bet̄apaae eróló mulaalopó. Téro kale mo naaire *whit* maaté siré kw̄yóló

betapaae yóló, mulatere bepaae mulaalo ai ape,” yalepó.

*Yesuné mastard ni keró yist-tamopaae dó faróló yale fo*

*(Mak 4:30-32, Luk 13:18-19)*

<sup>31</sup> Atéró, ama atimapaae fo sale fo me yóló duraalu, “Ó hepen bemó betere Kótóné teteróló kaae tare aqómó mole alata, ti betá whiné kale *mastard* niné ke ama kutómó biliyale kaaepó. <sup>32</sup> Ai kale *mastard* niné keta, mepaae i yó mole niné ke kaae meipó. I niné keta mo belekamaletai huturaalu, ti mepaae kutómó ere nirape fea teteróló mo doakale ni ami daatua dapó. Atépa, ai ni tērapemó barape daaneta dua dapó,” yalepó.

<sup>33</sup> Atéró ama kale dere kaae, fo sale fo me yóló duraalu, “Hepen bemó betere Kótóné teteróló kaae tare aqómó mole alata, betá soné *flawa* o bula duraalu tópuópóló bulatere sawa ɔla yist kaaepó. Ai sawa ɔlanétei *flawa* o bula doasi tóputua dapó,” yalepó.

<sup>34</sup> Atéró, Yesuné so whi feapaae yó matere dokɔ fo saletamo touróló yó du betalepó. <sup>35</sup> Ama ai ala du betaletaita, ti Kótóné kóló whirapené yóló muló betere fo dokonóturaalu, du betalepó. Kale fo i ape.

“Take i hae kwia fea kaaraaipatei, kinóló mulaté wóló, mió i alimókélé hɔle kinóló mole forape fea, ti yálo fo sale fonétóró yó melaalo ai ape,” yalepó.

*Kale dowi nepaae dó faróló yale fo bete hɔkearale fo*

<sup>36</sup> Téró, ai touró betere so whi fea betó mupatei taaróló, ɔ be dolopaae felepó. Atétepa, ama yó matere whirape ɔ beterepaae wóló duraalu, “Kutó tuamó dowi ne botokorapó dere fo salené bete dɔpaae yó ɔlae,” yalepó.

<sup>37</sup> Ai fo depa, ama atimapaae tokó mótu duraalu, “Wisi ɔla wae ke fe-seketé kotere whita, ti kale Whiné Naalema ai ape. <sup>38</sup> Kale kutóta, ti

so whi fea betó mole hae tiki ai ape. Kale ɔla wae ke wisita, ti Kótóné teteróló kaae tare aqómó betó mole so whi ai ape. Kale dowi neta, ti dowi Satan-né naale senaale ai ape. <sup>39</sup> Kale dowi ne du biliyale bóe whita, ti dowi Satan-pó. Kale kutómó ere ɔla ɔlumétepa saaitere sukata, ti kale kemeyaaitere be dɔpó. Kutómó ere ɔla ɔlumétepa sere whirapeta, ti kale *ensel*-rape ai ape.

<sup>40</sup> Kale dowi nerape tokóló sipaae taae fatu dere kaae, take kemetere sukamó atéyaalo ai ape. <sup>41</sup> Atéró, kale Whiné Naalemané ama *ensel*-rape dotonóló, Kótóné teteróló kaae tare aqómó betó mole so whiró dowi ala dere so whitamó hoseké yóló betaqósóró, ama *ensel*-rapené tokósu deté kweyaalopó. <sup>42</sup> Atéró, me whi dowi ala yópóló dée nalatere so whiró dowi ala du betere so whitamó si duku betere dolopaae taae de-raalopó. Aimó siné duku bitu, doasi wole yóló kaketuraalu, atima serekené atimatei tukó nuku betaalo ai ape. <sup>43</sup> Atima atéró kilipaae ti mo donoyóló betere so whi atimané Aya Kótóné teteróló kaae tare aqómó, suka wisi duraalu dɔ tekée fu dere kaae, dɔ tekée fi so whi betaalopó. Whi me de woséli daapata, ti i dere fo wosóló bete mo wisiyóló kisipa muae,” yalepó.

*Doasi moni sere wisi wisi ɔlapaae dó faróló yale fo*

<sup>44</sup> Atéró, Yesuné duraalu, “Hepen bemó betere Kótóné teteróló kaae tare aqómó mole alata, ti etei ala dere kaaepó. Whi betané ama hae kwiamó doasi *moni* sere wisi wisi ɔla bupa kikiti koló salepó. Atéró kale ɔla hyó muóló, ɔ bepaae hɔkesetamo felepó. Atéró fóló, ama bemó muó mole ɔla ɔla fea mepaae whitamó dotonóló *moni* sóró, kale wisi wisi ɔla mole hae tiki ama dupu yalepó.

<sup>45</sup> Atére kaae, hepen bemó betere Kótóné teteróló kaae tare aqómó mole alata, ti meleke kaae dui ɔla ɔla wisi kekóló keletepa, dotonóló *moni*

sere whĭné dere kaaepó. <sup>46</sup> Ai kale meleke kaae dui la wisi mupa koló sóró fóló, ama tare la la mo fea dotonóló, ai kale la wisinaale dupu yalepó.”

*Ya sere hleke wapaae dó faróló yale fo*

<sup>47</sup> “Fo sale fo me i ape. Ó hepen bemó betere Tale Kótóné ama tteróló kaae tare amó mole alata, mepaae ya siré kotere whĭrapené ya saairaalu, atimané hleke wa wi kulupaae deróló, kae kae yarape sutere kaaepó. <sup>48</sup> Atéró, kale hleke wamó dere yarape taleyaairaalu, hleke wa tukó sóró wi fókumó turukwe mulóló, taleyóló wisire ya yopaae derótua yóo, doretei ti taae fatua yóo, yalepó. <sup>49-50</sup> Atétu dere kaae, take kemetere sukamókélé, ai ala yaalo ai ape. Kótóné ama *ensel*-rape wóló, wisi ala du betere so whĭ taleyóló kaepaae beteróo, dowi ala du betere so whĭ kaepaae beteróo, yaalopó. Atéró bukótamo yóló, dowi ala du betere so whĭta, si duku beterepaae taae deraalopó. Aimó siné duku bitu, atimanétei yale dowi alamópóló doasi wole yóló serekené tukó nuku betaalo ai ape,” yalepó.

<sup>51</sup> Téró Yesuné atimapaee duraalu, “Ai yale forape fea diaa wosóló bete wisiyóló kisipa yaleé?” depa, atimané duraalu, “pó,” yalepó.

<sup>52</sup> Ttepa Yesuné duraalu, “Mosesné aseýóló muló betere fo yó mótu betere whĭrapepaae, Kótóné hepen bemó tteróló kaae tare amó mole ala i ape yóló, mené yó matepa kisi- pare whĭta, ti be tale kaaepó. Beta be talené ama wisi wisi la muó mole tikimó mió sale kisi lakélé, mo take mole latamo touróló, Talené ala erótu beterapó,” yalepó.

*Kótóné kló whĭ  ama turuku bemó doi munipóló yale fo*

*(Mak 6:1-6, Luk 4:16-30)*

<sup>53</sup> Yesuné ai fo sale forape yó melóló klipaae  ai be hulua taaróló felepó. <sup>54</sup> Atéró, ama turuku bemó

sókó fóló bituraalu, atimané fo wosetere bemó fo kaae sóró yó mótu betalepó. Ama atéró yó matere fomó sirayóló duraalu, “Ai whĭné kisipa tiki dotoró fale alaró kae kae eratere kelemei alarapetamo- a, né yó matepa du bitutérópó,” yalepó. <sup>55</sup> I naaleta, kale be ttere whĭné naalema hĭti meié? Ama hamata Maria ai ape. Kale Jems, Josep, Saimon, Judas, ai whĭrapeta, ti ama nomarape ai ape. <sup>56</sup> Ama nemarapekélé, dtamo i betere ape. Ama doa ai du betere ala feata, momó sóró du bitu dérópóló, tamo dei tu mualepó.

<sup>57</sup> Atéró, Yesuné tamo dei kisipa mutere ala kolóló, ama atimapaee duraalu, “Be hulua feamóta Kótóné ama kló whĭné doi doasi moletei, ama turuku be hulua so whĭró ama fake so whĭtamo tumó, ti doasi doi muni ai ape,” yalepó.

<sup>58</sup> Atimané ama dere fo wosóló kisipa tiki tirénireteiné ai be hulua tumó, ama kae kae doasi fotoki kelemei alarape mo dekéró eréni, tóróti eralepó.

## 14

*Kale wi tópurale whĭ Jon dale ala (Mak 6:14-29, Luk 3:19-20, 9:7-9)*

<sup>1</sup> Atéyale sukamó, kale Kaleli hae kwia tteróló kaae tare whĭ Herot- né Yesuné i alarape du beterapó dere fo wosalepó. <sup>2</sup> Ai fo wosóló ama kutó diratere whĭrapepaae duraalu, “Aita, kale wi tópuratere whĭ Jon kepaayóló biturapó. Atéru, mo kae kae doasi kelemei alarape ai erótu betere ape,” yalepó. <sup>3-4</sup> Ai fota, hle inipó. Herot-né Yesuné i alarape du beterapó dere fo wosaai bitutei, i ala yalepó. Jon-né Herot-paae du- raalu, “Naao no Filip-né so Herodias- tei noatapa tokló dokaleé?” yale fomótei, kale Herot-né Jon *dipula* beteralepó. <sup>5</sup> Ai fo deremó, kale Herot-né Jon *dipula* beteróló daai yaletai so whĭ kolóló  wituraalu, *dip- ulla* bemó hle beterópóló taaralepó.



Ti noatepae, Jon-ta, Kótóné ama kóló whípóló, so whi feané kisiparapó.

<sup>6-7</sup> Kale doasi topo whi Herot-né ama hamané a deyale be de wapa, doasi ɔla deyóló nuku betelepó. Até du betepa, kale so Herodias-né senaalema wóló, ɔla nuku betere so whirapené keletómó kilitu betelepó. Atéró kilitu betepa, Herot a mo doa hekesené sukutepa kale so seimalepaae duraalu, “Naao epaae noa ɔlakó kematepa, ti naao ai kematere ɔlatóróti yało yamó melaalopóló,” doasi dirii fo yóló mulalepó. <sup>8</sup> Ai fo depa, kale so Herotasiné senaalepaae ya fóló, kale weí tópuratere whi Jon-né topo tukóló ɔlae fo ene fae depa, kale senaale a fóló Herot-paae duraalu, “Weí tópuratere whi Jon-né topo betá tukóló nuku tómó beleróló ɔlae,” yalepó. <sup>9-10</sup> Kale doasi topo whi Herot-né ai fo wosetu a mo doasi fomoné sukatei, ama ɔla naai wale so whiné keletómó i ala mo yaalopó yóló mulale fo tikinépa, ama diki tare whirapepaae Jon-né depa tikae yóló, dotonalepó. Atétepa atima fóló, Jon *dipula* bemó betepa, depa tukóló ama topo nuku mó beleróló sóró walepó. <sup>11</sup> Atéró, kale whiné topo du nuku tómó beleróló kale senaalepaae melatepa, ama sóró fóló, hamapaae melalepó. <sup>12</sup> Atétepa, Jon-né ama yó matere whirape wóló, kale sekéné ama tupuló tiki sóró fóló douralepó. Téró atima fóló, Yesupaae i alarape yalepóló ene felepó.

*Yesuné 5,000 whimó ɔla melale fo (Mak 6:31-44, Luk 9:10-17, Jon 6:1-13)*

<sup>13</sup> Atei ala yalepó dere fo Yesuné wosetu, ai so whi betó mole tiki taaróló, ama yó matere whirape atimanale maaté weí nuku sóró so whi bitinire tikipaae felepó. Aimó betó muale so whi feané Yesu upaae felepó dere fo wosóló, atima betere doasi be huluarape taaróló, atamo hokolaa yaai dapóló atima hae tumó

felepó. <sup>14</sup> Atéró, Yesu a hae tópaee taae fóló kelalemó, so whi mo hãle ɔla kaae wóló betó mupa kolóló, ama hosaa tuamó mo doasi kolené sukutepa, atimané hepo beterape wisiralepó.

<sup>15</sup> Atéró, be felekemó diki yaaiteretamo, ama yó matere whirape a beterepaae wóló duraalu, “Da so whikélé bitini hãle tuã tikimó betepatei be dikiyalepa, felekemó tẽ mole be huluarapepaae atimané naaire ɔlakó dupuyaai fópóló, dotonae,” yalepó.

<sup>16</sup> Ai fo depa, Yesuné tokó mótu duraalu, “Imó dané menanénipa, atima dupune fópóló de? Diaaqtei, atimané naaire ɔla melótumié,” yalepó.

<sup>17-18</sup> Ti fo depa, ama yó matere whi betané duraalu, “Dané imó moleitea, *bred* o bula aporó yóo, ya tamo yóo yóló betá i mole ape,” depa, ama duraalu, “Ai ɔlarape epaae sóró ape,” yalepó. <sup>19</sup> Atéró, ama so whi feapaae ai ne tómó betae yóló atima fea betó mupa, ama kale *bred* o bula aporó sóo, ya tamo sóo yóló taruraalu, hepen-paae kese horóló Tale Kótópaae mo kée yóló, terekéeraalu yalepó. Atéró ama yó matere whirapepaae melatepa, atimamo so whimó melaté kwẽalepó. <sup>20</sup> Atéró, so whi mo fea nóló sũtepa, buki muni feletei kale yó matere whirapené betapaae yóló, 12 yorape deyóló faanalepó. <sup>21</sup> Atéró, ai kale ɔla nale so whirapeta, soraperó naale senaaletamó dosãani, whirape maaté dosãayóló touróturaalu, 5,000 whirapepó.

*Yesu weí tómó daaté fele fo (Mak 6:45-52, Jon 6:16-21)*

<sup>22</sup> Atéró Yesuné ama yó matere whirapepaae duraalu, “Eta, i betó mole so whi atimané be séle sélepaae fópóló dotonóló walapa, weí tẽ utéró betaai diãpi ai nukutamó fae,” yalepó. <sup>23</sup> Téró, so whi fea fópóló dotonóló kilipaae Yesu a ama wotoró du sokore aqmó momayaairaaalu holalepó. A aimó wotoró betepatei,

be dikiyalepó. <sup>24</sup> Aimó betepatei, kale wēi nuku wēi kulu tuamó hāle fu betepa doasi wēi asyaró besé tikitamo atima faaire tikiró waletéiné, kale nuku hapale feni, dua wóputé fu betalepó.

<sup>25</sup> Felekemó be deyo holaai dere-tamo, Yesu ama yó matere whirape beterepaae waairaalu, wēi tómó daaté wou betalepó. <sup>26</sup> A atéró daaté wou betepa atimané a kolóló, mo doasi witu diri furu furu yóló duraalu, “Kepe ai wale ape,” yalepó.

<sup>27</sup> Atéteretamo Yesuné atimapaee duraalu, “Ita epa diā wini, hosaa diriyóló mo dua betae,” yalepó.

<sup>28</sup> Tétepa Pitané Yesupaae duraalu, “Tale-ó yāpata, ti ekélé yātamo hokola yaai wēi tómó daaté waaitapa, ape yae,” depa ama duraalu “Ape,” yalepó.

<sup>29</sup> Ti fo depa, Pita wēi nuku taaróló wēi tópaee taae doropóló, Yesu walepaae daaté felepó. <sup>30</sup> Téyaletei, doakale besé tiki wale kolóló witu-raalu, wēi dolopaae buó deyaai depa ama fo fakeyóló duraalu, “Tale-ó, wēiné e felekemó aluraai dapa, tao sae,” yalepó.

<sup>31</sup> Atéteretamotoró, Yesuné ama naasemó taosu duraalu, “Naao kisipa tiki mo ti tiró bitini airapó. Noatepa kisipa tiki tamo dekaaporóló mualeé?” yalepó.

<sup>32</sup> Atéró, atimaamo wēi nukupaae bitī holalemó, kale besé tiki tikalepó.

<sup>33</sup> Tétepa, kale ai nuku tuamó betó mole whirape Yesu aomó sukóló bitu, ama doi hale sóró horótu duraalu, “Yāta so whi fea tēteróló kaae tare Tale Kótóné Naalematoró mo hītipó,” yalepó.

<sup>34</sup> Atéró, atima ai wēi dāala tēyóló, Kenesaret hae utéró sókó felepó.

<sup>35</sup> Ai be huluamó betó mole so whiné a kolóló ita, kale Yesu airapó yóló kisipa mutu ai hae kwiamó betó mole be hulua so whipaae Yesu wóló i betere ape, yó faralepó. Atétepa, kale kisi daae mole so whirape atimané a beterepaae dapesó wua yalepó. <sup>36</sup> Atéró wóló

betó mulu, whirapené apaae wosetu-raalu, i kisi daae mole so whiné naao kuti salemómaaté wolaa yópóló yae yalemó, téyae depa a wolaatua yale so whiné kisi beterape fea wisitua yalepó.

## 15

*Farisi whirape atimané mara mole ala dorapóló yale fo*

*(Mak 7:1-13)*

<sup>1-2</sup> Téró, kale mepaae Farisi whiraperó Moses-né yóló muló betere fo yó matere whirapetamo, Jerusalem be huluamó bitu wóló, Yesu beterepaae fóló woseturaalu, “Naao yó matere whirapené dāné ayarapené mara mole ala noatepa tikitu bitu de? Atimané ɔla naairaalu, folosóro naase fukunipatei ɔla nuku betere-a, noatepa de?” yalepó.

<sup>3</sup> Ti fo depa, Yesuné atimapaee tokó mótu duraalu, “Mo diaaɔtoró diāné ayarapené mara mole ala sya fu bituraalu, Kótóné yae yóló muló betere fo noatepa tikitu betere? <sup>4</sup> Ti noatepae, Kótóné duraalu,

‘Naao hae aya wisi doi muópóló hale sóró horótu betae,’ fo erapó.

‘Mepaae whinétamo ama hama alimané doi doróló, dowi tekani fo depata, ti sinópóló,’ mo ti daae erapó,” yalepó.

<sup>5</sup> “Ai fo aseýóló mupatei, diaaɔ etei fo dua dapó. Whi betāné ama mole ɔla ó monikó alimaró hamatamo tao sóró melóluɔtei, ita Kótópaee melaaipó yaletéiné, diaamo melanénipó dua dapó.

<sup>6</sup> Atéturaalu, hamaró alimatamo aomó bitu, atimaamoné doi hale sóró horatere ala iniyóló alurótu beteraapó. Diaaɔ ayarapené mara mole ala sya fóló du betereiné, Kótóné fo hāle ɔla kaae aɔróló alurótu beteraapó. <sup>7</sup> Diā tiki tuāpaae dorutei, hāle sikīli du betere whirape-ó, diaaɔ ai du betere alamó Kótóné ama kóló whi Aisaiané asere

fota, ti mo diapaaetóro erapó. <sup>8</sup> Ai asere fo i ape.

‘I so whiné hãle kólónemaaté yãlo doi hale sóro horótu bitu, atimané ę hosaa tuãmó muló bitini, kisipa keteróló mo sisópaae eró beterao.

<sup>9</sup> Atimané ępaae, “Aya Tale doa whi-ó,” du betereitei ti mo hãle du beterao. Atéro yó mótu betere fota, ti mo whiné tuéné kekeme nólo i ala yae yóló, yó matere fotei yó mótu beterao, erapó,” yalepó.

<sup>10</sup> Yesuné aimó daae mole so whi feapaae ape yóló duraalu, “I dere fo bete diãné wisiyóló wosóló kisipa muae. <sup>11</sup> Whi betere bete doratereteita, mo nokole ęlané dorótimatei, whiné tiki tuãmó kaayóló kólómó sókó wale foné betã Kótóné keletómó ai whiné betere bete mo dorótua dapó,” yalepó.

<sup>12</sup> Tétepa, ama yó matere whirape ę beterepaae wóló duraalu, “Ai Farisi whirapené naao ai du betere fo woseturaalu, atima dei kisipa mutu betereitei naao kelere?” yalepó.

<sup>13</sup> Ti fo depa ama duraalu, “Ó hepen bemó betere yãlo Ayané ama biliniyale ęlarapeta, ti ama feleketamo turó tokó saalo ai ape. <sup>14</sup> Ti ai whirape atimata, keke dilikirutei mepaae whirape ai ęlisóro fu beterao, atima atétóro du beterao taalae. Me keke dilikire whiné me keke dilikire whipaae tu i mole ape yóló ęlisóro fupa, ti atimaamo wusurótóro dée nólo, kulu dolopaae derepaalo ai ape,” yalepó.

<sup>15</sup> Ai fo depa Pitané duraalu, “Tale-ó, naao nokole ęlané whi dorótumipó, yale fo salené bete dãpaae hãkearóló yó ęlae,” yalepó.

<sup>16</sup> Ti fo depa, Yesuné atimapaee duraalu, “Diãkélé yãlo ai yale fo bete wisiyóló kisipa muni, diaaę kutirikélé hapólu ai ere ape. <sup>17</sup> Whiné kólómó nólo, depepaae bití doropole ęlané whiné tiki dorótumipó. Ai ęlata, depepaae bití doropóló nalo,

di alée fua deretei diaaę kisipanié?

<sup>18</sup> Téretei hosaa tuãmó kaayóló, whiné kólómó sókó wale foné betã ti whi dorótua dapó,” yalepó.

<sup>19</sup> “Whiné hosaa tuãmó kaayóló wouraalu, whi doratere alarape ti i ape. Doi ala yaai mutere dei tuékélé, whi dele alakélé, whiné dokore so ó so dokore whitamó nópu nokole alakélé, kokopei ó seimalené kae kae nópu nokole alakélé, kikití ęla ęlémi sere alakélé, whi me dilikóló ama ęla ęla sere alakélé, fo tokóló taleturaalu kapala fo dere alakélé, me whi eratere alakélé, ai alarape feané so whi dorótua dapó. <sup>20</sup> Whi doratereteita, naase fukuni bólutamó ęla nokole alané dorótumipó,” yalepó.

*Kenan soné Talepaae tuę tiki tirale fo*

*(Mak 7:24-30)*

<sup>21</sup> Atéro Yesu ę ai kale Juda so whiné hae tiki taaróló, Tair-ró Saidon be huluatamo felekemó mole hae kwiapaae felepó. <sup>22</sup> Téyalemó, ai Juda meire be huluamó betere Kenan fake so betã Yesu beterepaae wóló, fo fakeyóló duraalu, “Depitné deté yale whiné Naalema Tale-ó, yãlo senaale dowi kepe tepeyóló bitu, mo sonaalei dowi ala eróló, ama tiki doasi susupu su beterao, naao ę kęletu tao sae,” yalepó.

<sup>23</sup> Ai fo deté wou betepatei, Yesuné kale sopaae me fo tokó menitepa, ama yó matere whirapené ępaae duraalu, “Ai soné dã sya wouraalu dotopoi fo deté wou beterao, fópóló hókó falótumié?” yóló ęyalepó.

<sup>24</sup> Ai fo depa ama kale sopaae tokó mótu duraalu, “Ęta, Israel fake so whi tuãmó fokó fóló betó mole hupurape tao sópóló, dotonatepa wóló i betere ape,” yalepó.

<sup>25</sup> Tétepa, kale so Yesu daalemó bukutiri teãro bitu duraalu, “Tale-ó, ę naao tao sae,” yalepó.

<sup>26</sup> Ti fo depa ama kale sopaae duraalu, “Kale naale senaalené nokole



qlatei yuwirape nópóló melatere-a wisire?” yalepó.

<sup>27</sup> Ai fo depa kale sokó duraalu, “Tale-ó, naao dere fota mo deretei, haqrapenékélé ą whaatare whjné bemó, ąla nokole ni fake tómó beleróló nokole ąla folope aqmó sorokóta deretei nukua dapó,” yalepó.

<sup>28</sup> Tétepa, Yesuné kale sopaae tokų mótu duraalu, “Ti so-ó, yą betą mo doasi kisipa tiki tiróló beterapa, naao ępaae eraasepé dere ala mió i eratere ape,” yalepó. Ai fo deretamotóróti kale ęoné senaalemané kisi bete mo ti wisi ipakalepó.

### *Yesuné 4,000 whirape ąla melale fo*

<sup>29</sup> Atéró Yesu ai hae kwia taaróló, Kaleli węi kęla fóku sesekę fu beteró, du sorokó mole aqpaee holóló beterepó. <sup>30</sup> Atéró beteremó, hęleke momaare so whjkélé, keke dilikire so whjkélé, tiki dore so whjkélé, kóló nomone so whjkélé, mo hęle ąla kaae mepaae so whjné beleóló ą daalemó mulaleta depa, atimané kisi beterape ama wisirótua yalepó. <sup>31</sup> Kale kóló nomóló betale so whjrapetei fo yóo, hęleke momaayóló betale whjrapekélé wisi yóo, bukutiri doyóló betale whjrapekélé mo wisi yóo, keke dilikiyóló betale whjrapekélé keke wisiyóló kolóo, depa so whj feané sirayóló Israel so whjné Kótóné doi hale sóró horótu betalepó.

<sup>32</sup> Atéró, Yesuné ama yó matere whjrape ą beterepaae ape yóló duraalu, “I so whj mo doa kęlené sini-tapó. Ti noatepae, atima ąlakélé néni wote siri betepa be dę sore kemeyaleteiné atima tų tuąmó wotené sisiraae faqsóró, dotonaalo meipó,” yalepó. <sup>33</sup> Ti fo depa, ama yó matere whjrapené duraalu, “So whjkélé bitini, hęle tuą tikimó beterapa, doai betó mole so whjné naaire ąla momó mupa melaaloé?” yalepó.

<sup>34</sup> Ai fo depa Yesuné atimapaee woseturaalu, “Diąné meteró *bred* o bularape tare?” depa atimané ąpaae

duraalu, “Węikeró o bularape yóo, ya belekąatiki sawa téti yóo yóló betą i tare ape,” yalepó.

<sup>35</sup> Ti fo depa, ai betó mole so whj feapaae duraalu, “Ai hae tikimó betó muae,” yalepó. <sup>36</sup> Téró, ama kale węikeró o bularaperó yarapetamo taruraalu, Tale Kótópaae mo kée yóló, terekée daalu yóló ama yó matere whjrapepaae melatepa, atimanémo so whjmó ąliralepó. <sup>37</sup> Atéró, atima mo fea nóló sųtepa, buki muni feletei ama yó matere whjrapené betąpaae daseté kweyóló 7 yorape deóló fąanóló mulalepó. <sup>38</sup> Ai kale ąla nale so whjta, soraperó naale senaaletamo dosąani, whjrape maaté dosąayóló touróturaalu, 4,000 whjrapepó. <sup>39</sup> Atéró, Yesuné so whj fea dotonóló nalo ą węi nukupaae bitj holóló, Makatan be hulua felekemó ere hae kwiapaae bitj felepó.

## 16

### *Yesupaae kelemei alakó kelaalopa erae yale fo*

*(Mak 8:11-13, Luk 12:54-56)*

<sup>1</sup> Téró, kale Farisi whjraperó Sadyusi whjrapetamo Yesu beterepaae wóló, ą kęae kolóló sų saairaalu i fo yalepó. “Kótóné ó hepen bemó mole ala kolóló, ita Talenétei erat-apoló sira yaai dere kelemei alakó dąmaletamo kelaaitapa, erótumié?” yalepó.

<sup>2</sup> Ai fo depa ama atimapaee duraalu, “Be kuluka sąko sonaa dere ala kolóló, dóta suka wisi yaalo ai ape dua dapó. <sup>3</sup> Hjka be suka sokoteretamokélé sąko dilikiyóló sonaatepa, diaaq i fo dua dapó. Mió doasi hali waai dapó, dua dapó. Sąné dere ala bete diaaq wisiyóló kolóló kisipa irutei, mió i alimó me ala yaairemó dere alarape diąné kolóló kisipa enénipó. <sup>4</sup> Dią mió i alimó, dowi ala du betere so whjró nópu nuku betere so whjtamónétei Kótó mo beterapoló kisipa muqóló, mo doa yaai dere

kelemei alakó eratepa, kelenée yóló ketekę butu beteretei, kelemei ala me kae eraalomeipó. Jonapaae erale ala kaae betę eratepa, diaaę kelaalo ai ape,” yalepó. Atéró, ai whįrape atima betó mupatei Yesu ę felepó.

*Farisi whįraperó Sadyusi whįrapetamoné yó mótu betere ala*  
(Mak 8:14-21)

<sup>5</sup> Atima nukutamo ai węi kęla tę fóló, kelalemó ama yó matere whįrapené *bred* o sini, kęyó yóló weipakalepó. <sup>6</sup> Tétépa,

Yesuné atimapaae duraalu, “Farisi whįraperó Sadyusi whįrapetamoné *bred* o tópuratere ęla *yist*-né dię doraęsórópa, mo hotowayóló kaae tawae,” yalepó.

<sup>7</sup> Yesuné ai fo depa, atimasisitei fo kęlaaróló duraalu, “Ti ama ai dere fota, dąné *bred* o sóró anipa du dapó,” yalepó.

<sup>8</sup> Atimasisi atéró kęlaarótu betepa, Yesuné kisipa yóló, atimapaae duraalu, “Dię tómó maaté kisipa tiró betere whįrape-ó, dięsisitei noatepa fo kęlaaróló, *bred* o sóró anipó du bitu de? <sup>9</sup> Diaaę Yęlo yale alarape kolóló, wisiyóló kisipa muni airapó. Kale 5,000 whįrapemó aporó *bred* o bula terekeyóló melaletai-a, dięné kisipa keteraleé? Kale buki muni fele *bred* o diaaę betępaae yóló, metéró yorape fęanaleé? <sup>10</sup> Ó kale węikeró *bred* o bularape terekeyóló, 4,000 whįrapemó melatepa, nóló buki muni feletei diaaę betępaae yóló, meteró yorape fęanóló mulaleé? <sup>11</sup> Yęlo take yale fota, *bred* omó kisipa muóló iniyaletai, diaaę wosóló kisipa munié? Ti ai yale fota, kale Farisi whįraperó Sadyusi whįrapetamoné *yist*-né dię doraęsóró, kisipa mutu yalepó.”

<sup>12</sup> Téró, atimané ai dere fo wosóló, ama yale fota, kale *bred* o tópuępóló bulatere ęla *yist*-mó initei, Farisi whįraperó Sadyusi whįrapetamoné yó matere foné dą atima doraęsóró, hotowaró kaae tawae yóló irapóló kisipa salepó.

*Pitané Yesupaae yęta mo Keriso ai ape yale fo*

(Mak 8:27-30, Luk 9:18-21)

<sup>13</sup> Atéró, Yesu Filipainé tęale be Sesaria Filipai doi mole hae kwiamó sókó fóló, ama yó matere whįrapepaae woseturaalu, “Mo so whįné kale Whįné Naalema-a, depó du bitu de?” yalepó.

<sup>14</sup> Ai fo depa atimané ępaae duraalu, “Mepaae so whįnéta, yę kale węi tópuratere whįkó Jon-pó du beterapó. Mepaae so whįnémo, ti Elaijapó du beterapó. Mepaae so whįnémo, Jeremaiapó du beterapó. Tétépa, mepaae so whįné duraalu, Kótóné ama betę kóló whįkó duyalepó, du beterapó,” yalepó.

<sup>15</sup> Ti fo depa ama atimapaae woseturaalu, “Ti aita atimané mutere kisipapa, diaaę kisipané ę-a, depó du bitu de?” yalepó.

<sup>16</sup> Ai fo depa Saimon Pitané duraalu, “Yęta, mo hęle betótóró tare Kótóné Naalema so whį fea tęteróló kaae tanępóló, sóró betéró betere whį Keriso ai ape,” yalepó.

<sup>17</sup> Tétépa Yesuné ępaae duraalu, “Jonané naalema Saimon-ó, yę betę Kótóné wisiró betereteiné mo hajné sinitu betere whį ai ape. Ti noatepae, naao ai yale fota, mo whįné ępaae yó menitei, ó hepen bemó betere yęlo Ayané yó matepa dapó. <sup>18</sup> Tęrapa, yęlo ępaae i dere ape. Yęta Pitapó. I doasi kapo fake tómó be tętu dere kaae, yęlo so whį doasi fake firaalo ai ape. Atéró tęyóló betepa, sukutere alané bole fotokęné bóe daalotei, yęlo tętu betere be fisikóló mo doraalomeipó. <sup>19</sup> Téyaalomeitei, ó hepen bemó tęteróló kaae tare tuępaae faaire be tų tukįyaaire kirape yęlo yę melaalo ai ape. Diaaę i haemó dowi ala deretei dokóló mulatepa, ti Kótóné hepen bemókélé dokóló muló beterapó. I haemó diaaę teraayóló hękeamó mulatepa, ti Kótóné ó hepen bemókélé, teraayóló hękeamó muló beterapó,” yalepó. <sup>20</sup> Téró,

Yesuné ama yó matere whirapepaae dirii fo yóló mulótu duraalu, “Eta, Kótóné so whi fea teteróló kaae tanópóló sóró betero betere whi Kerisopó fo mepaae so whipaae momókó yaqse,” yalepó.

*Yesu Kerisoné a sukqalopóló yale fo*

*(Mak 8:31–9:1, Luk 9:22–27)*

<sup>21</sup> Mo ai be demó kaae sóró, Yesuné ama yó matere whirapepaae duraalu, “E Jerusalem be huluamó fóló betepa, kale whi disiraperó mo so whimó Talepaae momaratere topo whirapenekélé, Moses-né yóló muló betere fo yó matere whirapenekélé epaae kae kae susupui ala eróló, e mo ti sukópóló daalopó. Atéro sukóló sore be de kemetepa, e momó kepaayóló betaalopó,” yalepó.

<sup>22</sup> Ti fo depa, Pitané a tu depaae dapesó fóló duraalu, “Tale-ó, mené yapaae atei kaae ala mo yaalomeipó,” yalepó.

<sup>23</sup> Ai fo depa Yesuné Pitapaae duraalu, “Satan-ó, ya taae fae! E faai dere tu wisi naao ai dere alané sesé dapó. Naao ai dere alata, Kótóné kisipa mole ala mei, mo whiné kisipa mole ala ai dere ape,” yalepó.

<sup>24</sup> Téro Yesuné ama yó matere whirapepaae duraalu, “Whi me detamo e sya waai kisipa mutepata, ti ama yaai kisipa mole ala taaróló, a dóló oloraaire filipaa ni, amatei beleyóló wópóló yae. <sup>25</sup> Ti noatempa meipó. Mepaae whi dené ama kisipané a betere bete me ala yaqsórópóló, amatei hotowayóló kaae tapata, ti ai whiné ama betere bete aluyaalo ai ape. Téyaalotei, mepaae whi dené yalo erae dere ala sya fóló eróturaalu, ama betere bete me ɔla meipóló a sinitepata, ti atétere whiné ama betere bete aluni, mo ti betó tawaalopó. <sup>26</sup> I haemó yó mole wisi wisi ɔla fea whi betané amatórotipóló tawóló beteralemó, ai whiné ama betere bete alutepa, ti me noa ɔlatamo dupu yóló ama betere bete momó saalóé? Ama betere bete

mo ti aluyaalo ai ape. <sup>27</sup> Ti noatempa, kale Whiné Naalema ama Alimané ere au wisinaaletamo ama *ensel-rapetamo* wouraalu, so whi dokó feané yale alarape sumótóroti dupu melaalopó. <sup>28</sup> Yalo diapaae mo i dere ape. Di a betó mole whirape mepaae sukuni hale betepatei, kale Whiné Naalema ama teteróló kaae tare alatamo wapa, kelaalo ai ape,” yalepó.

## 17

*Yesuné ama tiki kae daane wale fo*  
*(Mak 9:2–13, Luk 9:28–36)*

<sup>1</sup> Naase apomiró be de kemetepa, Yesuné atamo faairaalu, Pita, Jems-ró noma Jon-tamo atimanale mo doasi hasi fosopaae holalepó. <sup>2</sup> Atéro holóló bituraalu, atimané kele tómóte i Yesuné tiki mo kae daane wóló, ama kelepaakélé, sukané de kaae yó felepó. Atéturaalu, ama deró betere kutikélé fea mo de tekée felepó. <sup>3</sup> Atima atéro daae mupa, Moses-ró Elaijatamo sókó wóló Yesutamo fo du betepa kelalepó.

<sup>4</sup> Atétu betepa, Pitané Yesupaae duraalu, “Tale-ó, da fea imó betepa mo wisirapó. Naao kisipanétamo furu be sore epaae tyaepa depa, ti me ya betóo, me Ilaija betóo, me Moses betóo yaairetei, yalo tēnaalopó,” yalepó.

<sup>5</sup> Ama ai fo hale du betepatei, mo dei saxoné atima husurale dorowóló ai sako dolomó i fo depa atimané wosalopó. “I whita, yalo mo doasi hosaa muóló yaala sókó fóló mole naalepó. Ama dere ala yalo kilitu, e mo doasi hekeserapó. Atérapa, diaaq ama dere fotóro mo wisiyóló wosae,” yalepó.

<sup>6</sup> Ama ai dere fo woseturaalu, atima mo doasi winé sinitu, haemó deraapisa fóló muó molepó. <sup>7</sup> Atépa, Yesu a wóló, atima tikimó olaayóló duraalu, “Di a wiyaqse, turukó holóló betó muae,” yalepó. <sup>8</sup> Ai fo depa atimané kelalemó, whi me daale kilini, Yesu betá ama wotoró daapa kelalepó.

9 Atéro, atima hasi fosómó dorowou bitu, Yesuné kale wh̄irapepaae fo mulótu duraalu, “Kale Wh̄iné Naalema mo ti dóló momó kepaayóló betaaire suka teópatei, i ala depa kelalepóló, mepaae so wh̄ipaae momókó yaq̄se,” yalepó.

10 Tétepa, ama yó matere wh̄irapené apaae duraalu, “Ti Moses-né ere fo yó matere wh̄irapené Elaijapi folosóro waalopó du betere-a, noa betené du bitu de?” yalepó.

11 Ti fo depa, Yesuné atimapaee duraalu, “Ti aita mo dapó. Ilaija a wouta, take folosóro wisiyóló mole q̄la q̄la fea dopa, ama momó wisiróló mulaalo ape. 12 Ai alata mo yaalotei, yalo diapaae i dere ape. Elaijata, ti mo walepó. Téyaletei, ita Elaijapóló kisipa muni, atimané apaae eraai kisipa mole ala fea mo erótua yalepó. Atéyale kaae, ai wh̄irapené kale Wh̄iné Naalemapaaekélé kae kae sekei alarape eraalo ai ape,” yalepó. 13 Ai fo depa, ama yó matere wh̄irapené kale wēi tópuratere wh̄ikó Jon-mó dapóló kisipa yalepó.

*Yesuné dowi kepe tepeyóló betere naale wisirale fo*

*(Mak 9:14-29, Luk 9:37-42)*

14-15 Atéro, atima so wh̄i fea betó mole tuapaae sókó walemó, wh̄i betá Yesu daalepaae wóló, a daalemó bukutiri tearó bitu duraalu, “Taleó, yalo naale topo doturaalu, hó naase kotokq̄ yó sóro, si dolopaae ó wēi dolopaae biliyó sua du betere-apa, naao kolené sukuturaalu tao saaloé? 16 Naao yó matere wh̄irape beterepaae dapesó waletei, atimané wisirairetei sunipó,” yalepó.

17 Ai fo depa, Yesuné tokq̄ mótu duraalu, “Diã mió i alimó betó mole so wh̄ita, Kótópaee kisipa tiki tiróló betaaire tũ wisi mupatei, kisipa tiréni, dowaae fóló kópaae ai fu betere ai ape. Diã tũ wisipaae fópóló kisipa mutu, ē diãtamo betale sumó

hóné sukutapa, ai naale ē beterepaae dapesó ape,” yalepó. 18 Atéro, kale naale Yesu beterepaae dapesó wapa, Yesuné foné seremó, dowi kepe sókó felepó. Mo ai be demótóróti kale naale topo doretei, mo ti wisiyalepó.

19 Téró, ama yó matere wh̄irape Yesu beterepaae wóló, atimasisi bitu apaae woseturaalu, “Dane ai kale dowi kepe dóló h̄okonalemó, sókó feniyaleteti, noa betené yalerópó,” yalepó.

20 Ti fo depa, ama atimapaee duraalu, “Diaaq̄ kisipa tiki tiró betere ala tómó ereteiné ai yale ape. Yalo diapaae mo i dere ape. Diaaq̄ kisipa tiki tiró betere alata, sawatamo *mas-tard* ni ke kaae bulu, diaaq̄ i ulupaae duraalu, ‘Hil̄iki fóló tumó daayae,’ depa ai ulu mo hil̄iki fóló daane faalo ai ape. Diaaq̄ kisipa tikitamo mo ti tiró betepa, ti fea ala fea sumó enérápó,” yalepó. 21 (-) 22 Téró, ama yó matere wh̄irape atima Kaleli haemó tourale wóló bitu, ama atimapaee duraalu, “Kale Wh̄iné Naalema dópóló mené eleké deyóló, mepaae wh̄irapené naase tuapaae mulaalo ai ape. 23 Atéro atimané a mo ti doló sukunaalotei, tamo be demó maaté doumó muóló, sore be dené ti a momó kepaayaalo ai ape,” depa, ama yó matere wh̄irape atima dekené sukutu betalepó.

*Momatere be kaae tawaaire moni derale fo*

24 Atéro, nalo Yesuné ama yó matere wh̄irapetamo Kapeneam bemó sókó felemó, kale momatere bemó *takis moni* siré kotere wh̄irape Pita beterepaae wóló woseturaalu, “Diã yó matere wh̄iné momatere bemó *takis moni* mótua depé meié?” yalepó.

25 Ai fo depa, ama tokq̄ mótu duraalu, “Épó. Mótua dapó,” yalepó. Atéro, Pita a be tuapaae sókó holalemó, folosóro Yesunépi Pitapaae woseturaalu, “Saimon-ó, naao noa kisipa mute? Naao kisipané i haemó betó mole doasi topo wh̄irapené kae



kae ɔla ɔlamó *moni* suatere alaró *takis moni* siré kotere alatamo, mo atimané naalerapepaaekélé ɔlae dua dépé, mo wh̄irapepaae maaté ɔlae yóló, sua de?” yalepó.

<sup>26</sup> Ti fo depa, Pitané ɔpaae tokó móturaalu, “Mepaae mo wh̄irapepaae maaté ɔlae yóló sua dapó,” depa, Yesuné duraalu, “Atétepa, ti doasi wh̄irapené naalerapepaae ɔlae yóló sinitu dapó. <sup>27</sup> Tépatéi, d̄amotamo atima dei tué muaqsóropa, yá naao kemei sóro w̄eipaae derane fae. Atéro deralemó ya supa, ti ai folosóro sere yané kóló d̄ayóló kelenalemótamo, 4 *drakima moni* ke bupa kelaalo ai ape. Ai *moni* sóro fóló, d̄amo wusuróné *takis* mulae,” yalepó.

## 18

*Kótóné t̄eteróló kaae tare hepen be tuqmó doasi doi mole wh̄i deé yale fo (Mak 9:33-37, Luk 9:46-48)*

<sup>1</sup> Atéyale sukamó, Yesuné ama yó matere wh̄irape ɔ beterepaae wóló woseturaalu, “Hepen bemó Kótóné t̄eteróló kaae tare aqmó wh̄i fea betó molete, mo doasi topo betere wh̄i-a, de?” yalepó.

<sup>2-3</sup> Ai fo depa, ama betá naale belek̄amale dape sóro atima betó mole tuqmó daaló bitu duraalu, “Yálo diɔpaae mo i dere ape. Diɔ kisipa tiki feteyóló, etei naale ketei kaae bitinitepa, ti Kótóné t̄eteróló kaae tare aq̄paae mo sókó faalomeipó. <sup>4</sup> Térapa, mepaae so wh̄i detamo amatei deróló i naale male kaae mo dua betepa, ti ó hepen bemó betere Kótóné t̄eteróló kaae tare aqmó topo wh̄i ai betere ape.

<sup>5</sup> Mepaae wh̄i dené etei kaae naale male yálo doimó, mo wisiyóló dape supa, ti ɛte, wisiyóló dape sirapó.

<sup>6</sup> Téretei, mepaae wh̄i denétamo mepaae doi muni, ɛpaae kisipa tiki tiróló betere belei sókó dei so wh̄i dowi ala yóppóló me ala eratepa, ti atétere wh̄iné depamó mo doakale

kane fake duwóló w̄e, k̄ela tuɔpaae taae faluqsóro mo wisi wuɔpó.

<sup>7</sup> Mepaae i haemó betó mole so wh̄iné mepaae so wh̄i dowi ala yóló dée nópóló, mepaae alarape mo er-aalo ai ape. Atétere wh̄i ɔte, mo dowi kwia saaireteimó, doasi wiyóppóló yae! Ai alarape mo yaalotei, u kale wh̄i dowi ala yóló, dée naaitere t̄u muaqsóro yae. Me wh̄i atéro dowi ala yóppóló, t̄e mulatere wh̄i ti doakale dowi kwia saaireteimó wió yae! <sup>8</sup> Naao naase ó hóné yá dowi ala yóppóló dée nalatepa, ti atétere naase ó hó tukóló taae falae. Ti noatepae, naao naase ó hó betá daayóló, mo ti betó tawaaire be tuɔpaae sókó fupa wisirapó. Naao hó ó naase tamo daayóló betere t̄e tikimó, Talené mo ti dó tare si dolopaae taae deratepa mo dorapó. <sup>9</sup> Naao kelenétamo yá dowi ala yóppóló dée nalatepa, ti atétere kele sókóló taae falae. Ti noatepae, betá keletamó bitu, mo ti betere be tuɔpaae sókó fupa wisirapó. Naao kele tamo daayóló betepa, mo ti dó tare dowi sipaae Talené yá taae de-raqsóro dapó.”

*Fokó fole sipsip hupupaae dó faróló yale fo*

<sup>10</sup> “Yálo diɔpaae mo i dere ape. I betó mole naale momale mo doi muni belei sokóte, betepa, diɔ teteirapepóló t̄eteraɔse. Ti noatepae, atima kaae tare *enselrape* ó hepen bemó betere yálo Aya Kótóné kelepaa koló tarapó. <sup>11</sup> (-) <sup>12</sup> I dere fo wosóló, diaaɔ noa kisipa mute? Wh̄i betané ama 100 *sipsip* hupurape whaanalemó, betá hupu alutepa, ama neté yaaloé? Kale 99 hupurape du sokoremó betó mupatei taaróló, kale betá aluyale hupu kekene faalo ai ape.

<sup>13</sup> Yálo diɔpaae mo i dere ape. Kale wh̄iné ai aluyale hupu keletepa, ti ɔ mo haíné sinóló betaalo ai ape. Ti noatepae, betó mole 99 *sipsip* hupurape kilitu haítu betepatei, kale aluyale *sipsip* hupu keletepa, dere haíné mo teraae falapó. <sup>14</sup> Atére

kaae, i kale doi muni belei sokótei so wh̄i betakélé aluyaqsóró, ó hepen bemó betere diaaq̄ Ayané doasi kisipa mutu beterapó,” yalepó.

*Yapaae eratere dowi ala donoraē yóló dere fo*

<sup>15</sup> “Naao noné yapaae me dowi ala eratepa, ti yā ā beterepaae fóló, diaamosisi betamó bitu no-ó, naao epaae etei kaae dowi ala eralepóló yó melae. Ama naao dere fotamo wosóló, hapale donoratepa, ti diaamo tuamó muale sekę kemeyóló, betamó wisiyóló ai betere ape.

<sup>16</sup> Aténi, naao dere fotamo woseni hóróló dowaae fupa, ti kale ašemó yóló muló betere fo sya furaalu, fea ala fea mo yalepóló, kelale wh̄i tamo ó sore dapesó fóló, diā fea bituraalu, teraayóló ai sekę wisirae.

<sup>17</sup> Amatamo diāné dere fokélé wosenitepa, ti touró betere Keriso fake so wh̄iné keletómó hakeamó yó melópóló yae. Atérq̄lemókélé, Keriso so wh̄iné dere ma fo woseni hórâtepa, ti ā Keriso doi muni, hāle mo wh̄i kaae ó *takis moni* sere wh̄i kaae beterópóló yae.

<sup>18</sup> Yālo diāpaae mo i dere ape. Naao me wh̄i hamopaae erale dowi ala, mo yalepóló teraayóló kemeréni hāle muó tapa, ti Kótóné ó hepen bemókélé dokóló ai muló betere ai ape. Naootamo me wh̄i hamopaae erale dowi ala mo yalepóló teraatepa, ti Tale Kótóné ó hepen bemókélé, teraayóló muló beterapó.

<sup>19</sup> Yālo diāpaae i dere ape. Atétere kaae, diākó wh̄i tamo mo betā kisipa muóló ó hepen bemó betere yālo Aya Talepaae momaturaalu, me qlakó wosetepa, ti ai wosetere qla ama mo melaalo ai ape. <sup>20</sup> Ti noatepae, yālo doi hale sóró horaairaalu, wh̄i tamo ó sorekélé touróló betepa, ti atima tuamó ekélé beterapó,” yalepó.

*Mené erale dowi kwia hāle kemeratere fo sale fo*

<sup>21</sup> Tétepa, Pita Yesu beterepaae wóló apaae woseturaalu, “Tale-ó, yālo noné epaae erale dowi ala hāle

kemeraalopóló meteró fapo enére? Weikeró fapomó maaté yóló supóló taaranére?” yalepó.

<sup>22</sup> Ai fo depa, Yesuné apaae tokó mótu duraalu, “Yālo yapaae mo i dere ape. Weikeró félimó maaté deretei sunipa, deté fu beteró 77 félimó, ama dowi ala kemerāle wópóló yae.

<sup>23</sup> Atéro kale ó hepen bemó betere Talené tēteróló kaae tare aqmó mole alata, etei ala dere kaaepó. Betā doasi topo wh̄iné ama *moni* kwia mulóló saletei, ama kutó diratere wh̄irapené meteró saleró taleyaai ā beterepaae ape yalepó. <sup>24</sup> Atéro,

kaae sóró taletu betalemó, betā 10,000 *kold kapa* sekę dāle sóró, kwia mulóló sale wh̄i kale doasi topo wh̄i beterepaae dapesó walepó.

<sup>25</sup> Ai wh̄iné ama kwia mulóló sale *moni* tokó melaairetei sumó tanipa, ama doasiné mepaae kutó diratere wh̄ipaae duraalu, ai wh̄ikélé, ama somakélé, naale senaalekélé, mené wae sóró dupu yópóló dotonóo, ama qla qlakélé mo fea me wh̄iné dupu yópóló dotonóo, yae. Téro, ai *moniné* ti ama mole kwia kemeraairaalu, sóró ape yóló mulalepó.

<sup>26</sup> Ai ala yaaitepa, kale wh̄i ā ama doasi daale felekemó bukutiri tearó bitu dua naamei fo yóló duraalu, ‘Yālo yā betemó kwia mulóló sale qla qla fea tokó melaalopa, sawa kaae tawae,’ du betalepó. <sup>27</sup> Kale kutó diratere wh̄iné fo depa, ama doasiné ā kelalemó, ā kqlené sukuturaalu, kwia mole *moni* me qla meipóló, kale wh̄i ā hāle fópóló dotonalepó.

<sup>28</sup> Téyaleteti, ai kale wh̄i āmo furaalu, ama 100 *denarias moni* kwia mulóló sale wh̄i kęle felepó. Ti ai wh̄ita, atimaamo betā kutó ditere wh̄ipóló kisipa muni, ama depamó botokó sóró taru, mo deteraayóló duraalu, ‘Yālo 100 *denarias moni* yapaae kwia mulapa, mo miótitei, hapale tokó qlae’ yalepó.

<sup>29</sup> Ai fo depa, kale wh̄i ā bukutiri tēane doropóló, mo dua naameiné

ꝥpaae duraalu, ‘Yalo tokó melaalopa, sawa kaae tawae,’ yalepó.

<sup>30</sup> Téyaletei, kale whiné kaae tawaalomeipóló, *dipula* be kaae tare whípaae duraalu, ‘Ama kale kwia sale *moni* tokó melatere sukamó ti ą sókó daalaasepólópa, hąle beterópóló yae,’ depa, kale whi *dipula* beteralepó. <sup>31</sup> Atétepa, mepaae atima betą kutó ditere whirapené ai ala kolóló, atimakélé dei tuę muóló sekętepa, atimané doasi topo whípaae i ala yalepóló ꝥpaae yalepó.

<sup>32</sup> Atéro ene wale fo wosóló, kale doasiné ai ala yale whípaae ape yóló, ꝥpaae duraalu, ‘Yata mo dowi ala yó tare kutó diratere whi ai ape. Naao ꝥpaae mo dua naamei fo depa, yalo ꝥpaae doasi kwia moletei, me ęla meipóló taaralepó. <sup>33</sup> Térapa, yalo yą kęlené sukóló taalótu yale kaae, naakélé diaamo betą kutó ditere no hamoma kęleturaalu, ai ala iniyólópó,’ yalepó. <sup>34</sup> Atéro, kale doasi topo whi ą fopaae buólo, u kale *dipula* be kaae tare whípaae duraalu, ‘Ama kwia mole *moni* momó tokó melópólópa, ą *dipula* beteróló, susupuróló fokosói ala deté fu betae,’ yalepó.

<sup>35</sup> Ai fo deté fóló kemetepa, Yesuné ama yó matere whirapepaae duraalu, “Naao no hamomané ꝥpaae erale dowi ala me ęlameipóló, mo hosaa turóné kemerénitepa, ti ó hepen bemó betere yalo Ayané dią dokę feapaaekélé ai kaae alatóro eraaló ai ape,” yalepó.

## 19

### *Soró whıtamo dokoretei tekęteremó yale fo*

<sup>1</sup> Atéro, Yesuné ai forape yóló kemetepa, ai Kaleli hae taaróló Judia hae kwiamó fole Jordan węi tęyóló uté fakeró felepó. <sup>2</sup> Atéro fóló berteremó, so whi feané ą sya wou betepa, atimané kisi beterape wisirótua yalepó.

<sup>3</sup> Atéro, mepaae Farisi whirape Yesu beterepaae wóló ą hąsókó fuléro kęae kelaai woseturaalu, “Kale yóló muló betere foné betą whiné ama so sawa hąsókó fole ala, ó mepaae kae kae doasi dowi ala depakélé tokó falatepa Kótóné fo mulepé munié?” yalepó.

<sup>4</sup> Ti fo depa, Yesuné ama tokó mótu duraalu, “Asemó yóló muló betere fo dosąayóló diaaę kisipa munié? Take keké nale alimó so whi aleturaalu, whi kae aleyóo, so kae aleyóo erapó. <sup>5</sup> Atére betené betą whi ą so dokoturaalu, ama alimaró hamatamo taaróló, ama somatamo mo betą tikitóro daayóló betaalo ai ape,” yalepó. <sup>6</sup> “Atimaamo tamotei, Kótóné dekaaporóló mo betą tikitóro alée faló berteretei, mo whiné tekeyaęsóró yae,” yalepó.

<sup>7</sup> Ai fo depa, kale Farisi whirapené ꝥpaae duraalu, “Ti ai fo epateimo, Moses-né yóló muló betere foné duraalu, whi betąné ama soma tokó falaai depata, ti so tokó falatere asę ai soné sóro fępóló, melae ere fomo, hąle noatepa yaleé?” yalepó.

<sup>8</sup> Ai fo depa, Yesuné atimapaee tokó mótu duraalu, “Moses-né ai ere fota, diaaę dowęae fóló du betere alamó, so tokó falaai depa, hąle hęko tokó feni, asę sóro fępóló melae yóló ai ere ape. Ti atéro so tokó fatu betere alata, take keké nale alimó, Talené atei ala yae yóló inipó. <sup>9</sup> Yalo diąpaae mo i dere ape. Mepaae whiné ama soma me nópu nénipatei, hąle tokó faróló, ai whi ą me kae sotamo dokotepa, ti atétere whi ą dowi ala yóló mo ti folokoleratapó,” yalepó.

<sup>10</sup> Ti fo depa, ama yó matere whirapené ꝥpaae duraalu, “So dokóló betere ala doasi hapólu ereteiné da so dokoni hąle betepakélé, mo wisirapóló kisipa mutapó,” yalepó.

<sup>11</sup> Tétepa, Yesuné atimapaee duraalu, “Whi fea so dokoni, hąle betenénitei, atei ala yópóló Talené

ama tukóló muló betere whjné betą mo sumó enérápó. <sup>12</sup> Ti noatepae, take mepaae whjrape hamané deyale sukamótei, nóluku fopei deyóo, mepaae whjrape ti mo whjnétei nóluku sokóo, mepaae whjrape ti Kótóné ó hepen be tuąmó tẹteróló kaae tare aqmó mole ala eraairaaalu, so dokotere ala taaróló, Talené kutó betą diróo dua dapó. Mepaae whjrapené i dere fo sya fóló, yą naao wotoró bitu Talené ala mo sumó eranérápóló kisipa mutepata, ti téyóópóló yae,” yalepó.

*Yesuró belekqatiki naale senaale-tamo*

*(Mak 10:13-16, Luk 18:15-17)*

<sup>13</sup> Téró, so whj atimané naale senaale Yesuné naase mulóló mamarópóló dapesó walepó. Téyaleteti, ama yó matere whjrapené ai kale naale senaale dapesó wale so whj foné sóró seséyalepó.

<sup>14</sup> Atétepa, Yesuné duraalu, “Mepaae so whjtamo i naale senaale kaae betepa, ti Kótóné tẹteróló kaae tare hepen bemó mole alarape saalo ai ape. Térapa, ai naale senaale atima ę beterepaae wópólópa, sesé yaqse,” yalepó. <sup>15</sup> Atéró, ama atimané tikimó naase mulóló momayóló kemetepa, atima ai betere tiki taaróló felepó.

*Yesuró betą kokopei néli whjtamo*  
*(Mak 10:17-31, Luk 18:18-30)*

<sup>16</sup> Téró, whj betą Yesu beterepaae wóló woseturaalu, “Yó matere whj-ó, mo ti betó tare bete saairaalu, noa wisi alakó yaaloé?” yalepó.

<sup>17</sup> Ti fo depa, Yesuné ąpaae duraalu, “Noa wisi alakó yaaloé? yóló, ępaae wosetere-a, noatepa de? Ti wisi ala erótu betere Tale betą beterapa, ai ti betere bete saaitepa, ti ama yae yóló muló betere fo betą wisiyóló sya fóló eró tawae,” yalepó.

<sup>18</sup> Ai fo depa, kale whjné duraalu, “Noa ala maaté?” depa, Yesuné ąpaae tokó móturaalu, “Whj me ti dóló sukunaqse, so nópu naqse, ęla

ęlémi saqse, me whj dilikóló só de-raairaalu, kapala fo yaqse erapó. <sup>19</sup> Naao dere alaró dere fotamoné naao hae aya wisi doi muópóló hae aya aqmó naameyóló mo dua betae. Téturaalu, naaotei yą yaala sókó fu dere kaae, naao be whj so whjpaaekélé, atéró yaala sókó fu betae,” yalepó.

<sup>20</sup> Tétepa, kale kokopei whjné duraalu, “Ai yae yóló muló betere alarape betąkókélé yąlo tikini, betere dokq fea yąlo sya fóló eró tarapa, me noa alakómo ąsókó fóló yąlo inire?” yalepó.

<sup>21</sup> Ti fo depa, Yesuné ąpaae duraalu, “Naao kisipanétamo mo betą alakókélé ąsókó feni, mo turó sya fóló eratere whj betaai kisipa mutepa, ti yą fóló, naao tare ęla ęlarape fea dotonóló *moni* sóró yoleale yóló betere whjrapemó ąle melae. Atétepa, ti naao saaire ęla ęla ó hepen bemó mo doasi horóló mupa, saalo ai ape. Atéró melólóta, yą ę sya ape,” yalepó.

<sup>22</sup> Téró, kale kokopei whjné ai dere fo wosóló furaalu, ą ęla ęla fea tare néli whj betereteiné, ą fomoné sinité felepó.

<sup>23</sup> Téró, Yesuné ama yó matere whjrapepaae duraalu, “Yąlo diąpaae mo i dere ape. Fea ęla ęla mole néli whj Kótóné tẹteróló kaae tare hepen be tuąpaae sókó faairetei mo dirirapó. <sup>24</sup> Yąlo diąpaae momó i dapa wosae. *Kamel* hupuné ketęli dolomó sókó fenéretei, ęla ęla fea tare néli whj Kótóné tẹteróló kaae tare hepen be tuąpaae sókó faairetei mo doasi dirirapó,” yalepó.

<sup>25</sup> Tétepa, ama yó matere whjrapené ai dere fo wosóló atima fomo depa, ąpaae woseturaalu, “Noa kaae whjmo aluyaqsóro, tao saaloé?” yalepó.

<sup>26</sup> Ai fo depa, Yesu atima beterepaae fetée fóló duraalu, “Atei ala fea mo whjné enénitei, Kótóné ama betą fea ala fea mo sumó enérápó,” yalepó.



<sup>27</sup> Ti fo depa, Pitané ɔpaae duraalu, “Tale-ó, mióta ɔané tare ɔla ɔla fea taaróló, yá sya walapa, naao ɔapaae noa ɔlakó melaaloé?” yalepó.

<sup>28</sup> Ai fo depa, Yesuné atimapaae duraalu, “Yálo ɔiapaae mo i dere ape. Take i haeró sɔtamo ó ɔla ɔla fea momó kae kisi aleyóló mulatere sukamóta, kale Whjné Naalema tɔteróló kaae tare doasi betere tikimó ama mo kae ere au wisinaale yóló betepa, kelaalopó. Téró, ɔiɔ ɛ sya wale whjrapekélé ai kale 12 doasi topo whj betere tikimó bituraalu, 12 Israel fakerape taleyaalo ai ape. <sup>29</sup> Mepaae whj dené ama be ó noma ó noma ó hama alima ó ama naale senaale ó ama kutó ó hae tikikélé fea taaróló, yálo ala eraairaaalu fupa, ti ai taaróló wale ɔla ɔlamó Talené beleróló, 100 félimó melaalo ai ape. Téturaalu, ai tómó mo ti betó tare betekélé matepa saalo ai ape. <sup>30</sup> Téyaalotei, mepaae mió mo doasi doi mole so whjrape take nalo atima doi munire whj kaae betaalopó. Mió mepaae doasi doi muni, hɔle hɔko sókó deyóló betere so whj, ti take nalo mo doasi doi mole topo whj kaae betaalo ai ape,” yalepó.

## 20

### *Kutó diróló dupu serepaae dó faróló yale fo*

<sup>1</sup> “Ó hepen bemó Kótóné tɔteróló kaae tare alata, etei ala kaaepó. Betɔ hae tale mo hɔkati ama *wain* kutó dirópóló, whjrape sóró beteraai dapóló felepó. <sup>2</sup> Atéró, kale kutó talené mepaae whjrape sóró atimapaae duraalu, ‘Betɔ be ɔémó ditere kutómó *denarias moni* betɔ melaalopa, yálo *wain* kutó dirane faaloé?’ yóló wosalemó, téyaalopó depa, dini fópóló dotonalepó.

<sup>3</sup> Atéró, hɔka 9 kilok sukakelemó, kale kutó tale ɔ momó fóló kelalemó, mepaae whjrape so whj fea touratere tikimó hɔle daae mupa kelalepó. <sup>4-5</sup> Atépa, ama atimapaae

duraalu, ‘Diaaɔ ditere kutó sɔtóróti ɔiakélé yálo dupu yaalopa, yálo *wain* kutó dirane fae,’ depa, atima felepó. Atéró, 12 kilok sukakelemókélé, mepaae whjrape hɔle daae mupa kale dere fo kaae yóló dotonóo, kuluka 3 kilok-mókélé, atéró dotonóo yalepó. <sup>6</sup> Mo kuluka 5 kilok-mó ɔ momó fóló kelalemó, kale dere kaae mepaae whjrape hɔle daae mupa kolóló, duraalu, ‘Diɔ imó hɔle noatepa daae mulu de?’ yalepó.

<sup>7</sup> Ai fo depa, atimané duraalu, ‘Me whjné ɔa ama kutó dirópóló sinitepa hɔle i daae mole ape,’ depa, kale whjné duraalu, ‘Diakélé, yálo kutó dirane fae,’ yalepó.

<sup>8</sup> Atéró, be diki deretamo kale kutó talené ama kutó diratere whjrape kaae tare whjpaee duraalu, ‘Ai kutó diratere whjrapepaae ape yóló, atimané dupu mótu, nalo ki dini wale whjrapemó kaae sóró melaté fóló, folosóro wale whjrapepaae kemeɔle fae,’ yalepó.

<sup>9</sup> Téró, kuluka 5 kilok-mó kaae sóró kutó diyale whjrapekélé fea *denarias moni* betɔtóró matepa sua yalepó. <sup>10</sup> Atérótóró maté fóló kemetepa, kale folosóro hɔkati kutó dini fele whjrape atimané *moni* horóló melaalo nisi yalemó, kale nalo wale whj melale *denarias monitóró* atima fea betɔ betɔ yóló matepa, sua yalepó. <sup>11</sup> Atéró *moni* sóró kemetepa, kale kutó taletamo dei tuɛ muturaalu, *monimó* dokó dokó dere ala kaae sóró du betalepó. <sup>12</sup> Atima mo hɔkati kaae sóró kutó dirale whjrapené kale kutó talepaae duraalu, ‘Dɔta, doasi suka suputamókélé, mo depe tukó wei kutó ditu betalepó. Téyaletai, kuluka mo betɔ sukakelemó kutó dirane wale whjrapekélé, ɔa melale sɔtóróti ai melale ape,’ yóló, kale kutó taletamo fo tokótamo du betalepó.

<sup>13</sup> Tétepa, ama atimakó whj betɔpaae duraalu, ‘No-ó, yálo naao *moni* tukóló menéni, mo donotóróti i matere ape. Take hɔkati ɔamo fo dokoturaalu, yápaee *denarias*

*moni* betatóro melaalopó fo yapaae inié? <sup>14</sup> Térapa, mió naao *moni* sóro fae. Nalo yalo kutó dirane wale whirapekélé, diá melale kaaetóro, atimakélé melaai kisipa mutapó. <sup>15</sup> Yalo *moniné* me ala enépa, ti yalo mo sumó enérapó. Yalo hamokoturaalu me whipaae eratere alamó naao etamo noatepa dei kisipa mutu de?" yalepó.

<sup>16</sup> Ai ala du dere kaae, nalo wale whi folosóro fóo, folosóro fele whi ti nalo wóo yaalo ai ape," yalepó.

*Yesuné a sukqalopólo sore dakorólo momó yale fo*

*(Mak 10:32-34, Luk 18:31-33)*

<sup>17-18</sup> Téró, Yesu a Jerusalem be huluapaae holaairaaalu, ama yó matepa wosetere 12 whirape atimasisi fu bitu tu depaae dapesó fóló, atimapaae duraalu, "Mióta dá Jerusalem be huluapaae holaai i fole ape. Téteretei, kale whiné Naalema mepaae whiné eleké deyóló, so whimó Talepaae momaratere whiraperó Moses-né asere fo yó matere whirapetamoné naase tuamó mulale faalopó. Ai whirapenemo atamo fo tokótamo yóló, a só deróló, mo ti sinópóló, daairaaalu fo dokaalopó. <sup>19</sup> Atéroró, ai whirapenemo ti Juda mei, kaae fakené naase tuapaae mulatepa, atimané a faleyóló doka doka yóo, fokosói ala yóló susupuróo, filipaa ni tómó oleróló dóo yaalo ai ape. Atéroró mo ti sukqalotei, sore be demó ti Talené a momó kepaaróló beteraalo ai ape," yalepó.

*Jems-ró Jon-tamomó hamané Yesupaae woserale fo*

*(Mak 10:35-45)*

<sup>20</sup> Téró, kale Sebediné naalema tamo hamané Yesu beterepaae dapesó walepó. Atéroró, wóló kale so a bukutiri tane doropóló bitu duraalu, "Yalo i eraasepé yóló yapaae wosetere ala wisinaalekó naao eraaloé?" yóló wosalepó.

<sup>21</sup> Tétepa, ama apaae duraalu, "Yalo yamó noa alakó erópóló kisipa

mute?" depa, kale soné duraalu, "Naao tetéroró kaae tare be tuamó, yalo i naale tamokó me naale naao turu naase demó beteroo, me naale naao fe naase demó beteroo, yaasepóló dapó" yalepó.

<sup>22</sup> Ai fo depa, Yesuné kale whi tamopaae duraalu, "Diaamoné epaae ai wosetere fo beteta, diaamo kisipa inipó. Dowi ala kwia tokóló aluraairaaalu, susupu sóro sinaaire ala, diaamonékélé sumó senére?" depa, atimaamoné duraalu, "Damonékélé sumó senérapó," yalepó.

<sup>23</sup> Ai fo depa, Yesuné atimaamopaae duraalu, "Yalo naaire wutimó belere wei diaamonékélé sumó naalotei, turu naase ó fe naase demó betaaire alata, ti yalo tetéroró kaae tanipó. Ai alata, yalo Ayané ama tetéroró kaae taru, aimó betaaire whi tamokélé, ama mo taketitei tukóló beteroo betérapó," yalepó.

<sup>24</sup> Tétepa, kale mepaae yó matepa wosetere naase tamo whirapené ai dere fo woseturaalu, u kale whiró nomatamopaae fopaae yóló dei tué mualepó. <sup>25</sup> Atétepa, Yesuné atimapaae tourale ape yóló duraalu, "Juda mei, kaae fake tetéroró kaae tare topo whirapené mo so whi tetéroró kaae tawóo, atimané sóro beteroo betere whirapenékélé mo so whi tetéroró kaae taru, i ala erae du betereitei diaa a kisipare ape. <sup>26</sup> Atétere kaae, diá tuamókélé ai ala momókó yaqse. Aténi, diá tuamótamo doasi topo whi betaai kisipa mutepa, ti so whi feané kutó diratere whi betéropóló yae. <sup>27</sup> Whi me de doasi doi mole whi betaai kisipa mutepa, ti diané wae sóro kutó diratere whi kaae betae. <sup>28</sup> Kale Whiné Naalema waleteta, ama kutó dirópóló mepaae whirape sóro beteraai wéni, mo whiné kutóitei ama diróo, so whiné betere bete aluyaqsóro, ama betere bete hale melóló, dupuróló tao sóo yaairaaalu, walepó," yalepó.

*Yesuné kele dowi whi tamo wisir-ale fo*

*(Mak 10:46-52, Luk 18:35-43)*

<sup>29</sup> Atéro, Yesu a ama yó matere whirapetamo ai Jeriko be hulua taaroló fu betalemó, so whi mo feané atima sya wou betalepó. <sup>30</sup> Atétepa, kale kele dilikire whi tamo tu demó beteremó, Yesu fu beterapó dere fo wosóló, fo fakeyóló duraalu, “Depit-né Naalema Tale doa whi-ó, damo kolené sukuturaalu, tao sae,” yalepó.

<sup>31</sup> Ai fo depa, so whi feané kale whitamopaae taalae yóló foné supatei, woseni nisiyóló, mo ti fo fakeyóló duraalu, “Depit-né Naalema doa Tale-ó, damo kolené sukuturaalu tao sae,” yalepó.

<sup>32</sup> Atétepa, Yesu a aimó kejyóló daalu, kale whi tamopaae ape yóló, atimaamopaae woseturaalu, “Yalo diaamopaae noa alakó erópóló de?” yalepó.

<sup>33</sup> Ai fo depa, atimaamoné duraalu, “Tale-ó, naao damoné kele wisir-aasepóló dapó,” yalepó.

<sup>34</sup> Tétepa, Yesuné mo kolené sukuturaalu, atimaamoné kelemó olaa yalepó. Atéro olaa yaletamotóro atimaamoné kele wisitepa, Yesu sya felepó.

## 21

*Yesu doasi topo whi aqyóló Jerusalem be huluapaae sókó fele fo*

*(Mak 11:1-11, Luk 19:28-40, Jon 12:12-19)*

<sup>1-2</sup> Atéro, atima Jerusalem be huluapaae felekemó sókó faai, kale *Olip* du sorokó molemó tene Betpas bemó sókó felepó. Aimó Yesuné ama yó matere whitamo dotonaaai duraalu, “Diaamo u be huluapaae fóló kekenalemó, betá *donki* hupu ama maletamo halikané duló betaalo ai ape. Téyaalopa, ai hupu ama maletamo wusuró e beterepaae taayóló sóro ape. <sup>3</sup> Whi menétamo diaamopaae, ai hupu neyaai taayóló só fute? depa, i fo yae. ‘Talené ama kutó doasi moletei, diyóló kemetepa, momó sóro

waai, kapala asiri serale fae yale tikimó sóro fulapó,’ yae,” yalepó.

<sup>4</sup> Até yaleteita, take Kótóné ama kóló whiné yóló muló betere fo motóro dokonóturaalu yalepó. Ai fo i ape.

<sup>5</sup> “Jerusalem be hulua so whi-ó, diaa doasi topo whi ai walapa, kelae.

‘Ata fopaae buni, mo naamei whi teó utu *donki* hupuné sisó tómó betóló ai walapa, kelere?’ erapó.

<sup>6</sup> Atéro, Yesuné ama yó matere whitamo fóló, atimaamopaae yae yale alatóro yalepó. <sup>7</sup> Téro, kale whi tamoné *donki* hupu ama maletamo wusuró dapesó wóló, atima feané kuti sokóló, ai hupuné sisó tómó whamenóló, ai tómó Yesu beteralepó. <sup>8</sup> Atéro, so whi feané kutirape sokóló tu tómó whamenaté fóo, mepaae so whiné ti ni teteirape tukóló whamenaté fóo du betalepó. <sup>9</sup> Atétepa, mepaae so whi ti atamo folosóro fóo, mepaae so whi nalo wóo du bitu, fo fakeyóló a dukiróturaalu,

“Hosana, Depit-né Naalema doa whi-ó, da tao sae.”

“Talené doimó wale whi wisinaale Kótóné wisirópóló yae.”

“Mo ó taoró betere Tale Kótóné doi hale sóro horae,” deté fu betalepó.

<sup>10</sup> Atéro, Yesu a Jerusalem be huluapaae sókó felemó, so whi feané fo tiki whaatamo a busuró wou betepa, ai be huluamó betó mole so whiné woseturaalu, “Ai wale whi-a de yaleé?” yalepó.

<sup>11</sup> Ti fo depa, a busuró wale so whi feané atimapaae duraalu, “Ata, Kaleli haemó tene Nasaret be hulua whikó Kótóné fo eratere kóló whi Yesupó,” yalepó.

*Yesuné momatere be dolomó hqó farale fo*

<sup>12</sup> Atéro, Yesu a momatere be dolopaae sókó holalemó, ai be dolomó whirape qla qla dotonóló

duputamó yóló su betepa, atima hókóló taae faralepó. Téró, kae kae be hulua whi atimané kae kae *moni* duputamó du betere whirape bitua dere ni fakerapekélé, kale ba hókósere dotonóló dupu du betere whirape bitua dere fłoi ni fakerapekélé fea fesekeyó mepaae whirape dóló hokó faróló, fetée deralepó. <sup>13</sup> Atéró, ama atimapaee duraalu, “I fo aseýóló muló beterapó. Yalo i beta moma betá yaairaału tənápó. Tépatēi, diaaę ai dere alané ęlémi nokole whirape betere be aęrótu beterapó,” yalepó.

<sup>14</sup> Téró, mepaae kele dilikire whiraperó hó momaare whirapetamo, ai momatere be tuępaae wua depa, Yesuné atima wisirótu betalepó. <sup>15</sup> Téyaletei, ama ai dere ala wisinaale kolóo, ai momatere be tuęmó betó mole naale senaalené fo fakeýóló, “Hosana, Depit-né Naalema-ó,” yóló du betere fo kale mo so whimó Talepaae momaratere topo whiraperó Moses-né asere fo yó matere whirapetamoné wosóo, yóló, atima dei tuę muturaalu fopaae bualepó.

<sup>16</sup> Tétepa, atimané ępaae woseturaalu, “I naale senaalené du betere fo-a, naao wosere?” depa, Yesuné tokó mótu duraalu, “Épó. Kale aseýóló muló betere fo diaaę dosęayóló kisipa muni airapó. Ketei naale senaaleró tənemó teó belere naale senaaletamoné Kótóné doi hale sóró horępólópó yóló, Talenétei tukóló muló beterapó,” yalepó.

<sup>17</sup> Atéró, atima ai be huluamó betó mupa taaróló, ę u Betani be hulua-paae fóló, diki betá fiyalepó.

*Yesuné nose sélirale fo*  
(Mak 11:12-14, 11:20-24)

<sup>18</sup> Atéró, ę mo hikati u kale be huluapaae momó fesaae yóló fu betalemó, tųmó ę mo wotené sinalepó.

<sup>19</sup> Atépatēi, ę fu betalemó, tųmó ni nose daapa, nose daale felekepaae fóló kelalemó, dukélé woleni, hęle sókumaaté epa kelalepó. Atépa, ai

nipaae duraalu, “Du momó kaae woleyaalo mei ai ape,” yalepó. Ai fo yaletamotóró kale ni mo ti séliyó deyalepó.

<sup>20</sup> Atéró ama yó matere whirapené ai kale ni sélitere ala kolóló siraturaału, i ni hapale tétitei séliyale-a, neýóló yalerópóló, atimané ępaae wosalepó.

<sup>21</sup> Ai fo depa, Yesuné atimapaee duraalu, “Yalo diępaae mo i dere ape. Diaaę kisipa tiki tamo muni, mo ti tiró bitutamó, yalo nipaae yale kaae, diaaękélé ai ulupaae yę daale tiki taaróló, a węi kęla tómó daane derepae depa, mo téyaalo ai ape. <sup>22</sup> Diaaę kisipa tikitamo Talepaae mo ti tiró bitu, moma duraalu, noa ęlakó wosetepa, ti diaaę ai wosetere ęla mo saalopó,” yalepó.

*Yesupaae yę né sóró beteraleé yóló wosale fo*

(Mak 11:27-33, Luk 20:1-8)

<sup>23</sup> Atéró, Yesu ę momatere be tipiné bopéro daaló beterepaae fóló, yó mótu betepa, mo so whimó Talepaae momaratere whiraperó mepaae whi disirapetamo wóló ępaae woseturaalu, “Naao ai alarape du beterópóló, yę né sóró beteraleé?” yalepó.

<sup>24</sup> Ti fo depa, Yesuné atimapaee tokó mótu duraalu, “Yalokélé diępaae betá wosetere fo yaalopó. Yalo wosetere fotamo diaaę ępaae tokó matepa, ti ępaae yę né sóró beteratepa de? yóló wosale fokélé yalo diępaae tokó melaalo ai ape.

<sup>25</sup> Take Jon-né so whi węi tópurale ala momó kaayóló waleé? Ó hepen bemó betere Talené yae depa yalepé, hęle mo whiné yae depa, yaleé?” yalepó. Ai fo depa, atimasisitei fo kęlaaróló duraalu, “Dęnétamo ó hepen bemó Talené yae depa yalepó enalemó, ti dępaae diaaę ama dere fo wosóló, ępaae kisipa tiki tiréni dere ala noatepa yale? fo yaalopó.

<sup>26</sup> Ti mo whiné yae depa yalepó fo uętei, Jon ę Kótóné ama fo eratere kóló whipóló so whi mo feané



kisipareteiné, atima dą daqsóro wirapó,” yalepó.

<sup>27</sup> Atétepa, atimané Yesupaae duraalu, “Dą kisipanipó,” yalepó. Ti fo depa, ama atimapaae duraalu, “Mené ępaae i alarape yae depa dapóló, yąlokélé diąpaae yó melaalomeipó,” yalepó.

### *Betą whinė naale tamopaae dó faróló yale fo*

<sup>28-29</sup> Atéro atimapaae duraalu, “I dere fo wosóló, diaaę noa kisipa muaalóé? Whi betané ama naale tamo beterepó. Tépa, kale whi ą ama me naale beterepaae fóló duraalu, ‘Ti naale-ó, yą yąlo wain kutó dirane faasepólópó,’ yalepó. Téyaletei, kale naalené alimapaae naao kutó dirane fole ą hýrapó yaletei, nalomo ama kisipa feteyóló wisirapóló dirane felepó.

<sup>30</sup> Tétepa, kale whi ama me naale beterepaae fóló, me naalepaae yale fo kaaetóro yalemó, ai naalené duraalu, ‘Aya-ó, wisirapó téyaalópó,’ yalepó. Téyaletei ą feni, hýyalepó. <sup>31</sup> I kale naale tamokó mé naalené ama alimané kisipa mole ala eraleé?” depa, atimané tokó mótu duraalu, “Folosóro yale naalenépó,” yalepó. Tétepa, Yesuné atimapaae duraalu, “Yąlo diąpaae mo i dere ape. Kale *takis moni* siré kotere whiraperó nópu nokole sorapetamo Tale Kótóné teteróló kaae tare be tuąpaae sókó furaalu, folosóro atimapi faalo ai ape. <sup>32</sup> Ti noatepae, kale wei tópuratere whikó Jon waletaita, mo donoi alamaaté yó melaai waletai, diąné ama dere fo wosóló, kisipa tirénipó. Téyaletei, *takis moni* siré kotere whiraperó nópu nokole sorapetamoné ti ama dere fo wosóló, mo dapóló kisipa tiralepó. Atéro, atimané du betere alakélé diaaę kolólótei, mo dapóló diąné dowi ala taaróló, kisipa feteyóló, tirénipó,” yalepó.

*Wain képi kutópaae dó faróló yale fo*

*(Mak 12:1-12, Luk 20:9-19)*

<sup>33</sup> Atéro, Yesuné duraalu, “Fo sale fo me kae i dapa wosae. Betą whiné ama haemó wain kutó diyóló, tipiné bolaayóló atimané wain képi du dąwóló wei tepeyaairaaalu, kutų diri dukiyóo, kale kutópaae ęlémi whi wale kelaai kaae tawóló betaaire be fọlo mo sikipaae horóló tęyóo yalepó. Atéro kale whi ą mepaae uké faairaaalu, mepaae kutó diratere whirapepaae ama kutó kaae tawae yóló, atima sóro beteróló ą felepó.

<sup>34</sup> Atéro, kale wain du teketera ali wapa, ama mepaae kutó diratere whirape u kale kutó kaae tare whirape beterepaae ęlumétepa sóro muló betere ęlakó senaale fae yóló, dotonalepó. <sup>35</sup> Téyalemó, ai kale kutó kaae tare whirapené u kutó diratere whirape me whi hąle fokosói ala yóló susupuróo, me whi mo ti dóló sukunóo, whi me kapo duné siriyóló dóo, yalepó. <sup>36</sup> Até itikimó, momómo kale whiné ama mepaae kutó diratere whirape dotonalemó, ai whirapekélé take folosóro dotęyale whirapepaae erale ala kaaetóro ipakalepó. <sup>37</sup> Atéro, nalo mo ti kemeróturaalu, kale whiné ama naale so whiné mo wisiyóló dape saalopóló kisipa muóló, dotonalepó.

<sup>38</sup> Téyaletei, kale kutó kaae tare whirapené kale whiné naalema wale kolóló, atimasisi fo kęlaaróló duraalu, ‘Ai naalenéta, ama alima sinitapa, ęla ęla fea ama saai du betepa, ai ęla ęla fea dąné saai ąkélé daalopa, siépe,’ yalepó. <sup>39</sup> Atéro, atimané kale naale ai kutó alépaae tao sóro taae deróló mo ti dalepó.

<sup>40</sup> Atépa, ai kale wain kutó tale wouraalu ai kutó kaae tare whirapepaae noa alakó eraalóé?” yalepó.

<sup>41</sup> Ti fo depa, atimané ąpaae tokó mótu duraalu, “Mo sonaalei dowi ala du betere whirape atima mo ti sinópóló ama daalo ai ape. Atéro,

ama kale *wain* du ɥlumétepa sóró wisiyóló bukóló atima sóo, kale kutó tale melóo, yópóló mepaae wh̄irapepaae kaae tawae yaalopó,” yalepó.

<sup>42</sup> Ai fo depa, Yesuné atimapaee duraalu, “Kótóné ašemó yóló muló betere fo diaaḡ dosḡayóló kisipani airapó.

‘Kale doakale kane fake be t̄tere wh̄irapené dopa taae farale kapotei, be hulua deyaaire doasi eleké alée felepó.

Ai kelaalo kokḡi ala, Talenétei eró betepa ḡané kilituraalu, sira du beterapó,’ erapó.

<sup>43</sup> Térapa, yaḡo diḡpaae i dere ape. Kótóné ama t̄teróló kaae tare ala wisi diḡ tuḡmó moletei, ama tokḡ sóró du wisinaale woler-aaire so wh̄ipaae melaalo ai ape.

<sup>44</sup> Wh̄i me de ai kane fake tómó dé nukupa, ti ai wh̄iné ama diri derakḡ faalotei, wh̄i me detamo ai kane fake dorowouraalu t̄iyaratepa, ai wh̄i mo ti derakḡ fóló muaalo ai ape,” yalepó.

<sup>45</sup> Atéró, mo so wh̄imó Talepaae momaratere topo wh̄iraperó Farisi wh̄irapetamoné ai yale fo sale forape woseturaalu, Yesuné ai yale fota, atimapaetóro yalepóló kisipa mualepó <sup>46</sup> Atétepa, atimané ḡ daaire t̄y kikitu betaleteti, so wh̄i feané kisipané ḡta h̄ale mo wh̄i mei, Kótóné ama fo eratere kḡló wh̄ipóló kisipareteiné, atima daḡsóró witepa taaralepó.

## 22

*So dokotere be demó ḡla deyóló nokolepaae dó faróló yale fo*

*(Luk 14:16-24)*

<sup>1-2</sup> Atéró, Yesuné atimapaee fo sale me kae yóló duraalu, “Kótóné ó hepen bemó t̄teróló kaae tare aḡmó mole alata, betḡ doasi topo wh̄iné ama naalemané so dokotere be demó ḡla deraairaalu, donoróló mulatere kaaepó. <sup>3</sup> Kale wh̄iné atéró detere ḡla naai ape yóló ali male so wh̄i

dape sene fae yóló, ama kutó diratere wh̄irape dotonaleteti, atima h̄oyóló waalomeipó yalepó.

<sup>4</sup> Tétepa, ama mepaae kutó diratere wh̄irapemo dotonótu duraalu, ‘I detere ḡla naai ape yóló ali male so wh̄ipaae i fo yae. Yaḡo ḡlata taleyóló mulóló, *bulmakau* hupuró mepaae seraai huputamó dóló turukiyóló mulóo, mepaae ḡla ḡlakélé fea mo s̄umó taleyóló mulóo erapa, yaḡo naalené so dokotere be demó detere ḡla naai ape yae,’ yalepó.

<sup>5</sup> Téyaleteti, atima ai dere fo woseni nisyóló, dapo dapo yóló, me wh̄i ama kutópaae fóo, me wh̄i ti ama yaai tuḡ mole alapaae fóo, yalepó.

<sup>6</sup> Mepaae feni h̄ale betere wh̄irapené ti ama kutó diratere wh̄irape fokosoi ala yóo, mepaae mo ti dóló sukunóo yalepó. <sup>7</sup> Atétepa, kale doasi topo wh̄i ḡ fopaae buóló ama diki tare wh̄irape u kale wh̄irape dale wh̄irape dóló kemeróo, atimané doasi be huluakélé si biliyóló, torokḡ f̄ale fae depa atima fóló, si biliyóo yalepó.

<sup>8-9</sup> Téró, ama kutó diratere wh̄irapepaae duraalu, ‘Kale so dokoteremó detere ḡla s̄umó taleyóló muló betepatei, ai ḡla naai ape yale wh̄irape atima i detere ḡla naaire mo s̄unipa taaróló, diḡ fóló, doasi bepaae fole t̄y demó ó sawatamo t̄umó mepaae so wh̄ikó keletepa, ti i detere ḡla naai faalopóló dape siré kw̄ḡae,’ yalepó. <sup>10</sup> Atétepa, ama kutó diratere wh̄irape doasi be huluapaae fóló, t̄utu so wh̄i keketé kw̄ḡyóló, wisi so wh̄iró dowi so wh̄itamó h̄okó dape siré kw̄ḡyóló, tourale tikimó, be mo ti f̄aae felepó.

<sup>11</sup> Téyaleteti, kale doasi topo wh̄i ai ḡla naai wóló betó mole so wh̄i kuapaae fóló kelalemó, wh̄i betḡ kale so dokotere be demó ḡla naairaalu, derótua dere kuti deró bitinipa kelalepó. <sup>12</sup> Atépa, kale doasi topo wh̄iné ḡpaae woseturaalu, ‘No-ó, yaḡ so dokotere be demó detere ḡla naai derótua dere kuti derénire noatepa

yaleé?’ yóló foné salemó, kale whi haleturaalu, fokélé tekeni, hokomó sókó fi beterepó.

<sup>13</sup> Tétepa, kale doasi topo whiné ama kutó diratere whipaae duraalu, ‘Ai whi belamó diliki dolomó wole du bitu ama serekenétei, ą turukóló nuku beterepólópa, hó naase dokóló taae derae,’ yalepó. <sup>14</sup> Ti noatepae, so whi mo turó ape yaletéi, tóróti sokósu yale so whimaaté wóló beterepó,” yalepó.

*Sisapaae takis moni melae yale fo  
(Mak 12:13-17, Luk 20:20-26)*

<sup>15</sup> Téró, kale Farisi whirape fóló, Yesuné ama dere fomó ą só deraai dapóló, fo dokóló mulalepó. <sup>16</sup> Atéroró, atimané yó matere whiraperó Herotné fo eratere whirapetamo Yesu beterepaae dotonóló, atimané ąpaae duraalu, “Yó matere whi-ó, ya betá mo fomaaté yó mótu bituraalu, Kótóné ama kisipa mole ala ó yóló muló betere fo mo sya fóló erótu betereitei, ąné kisiparapó. Ti noatepae, naao fo yó móturaalu doasi doi mole so whi kolóló ya wini, doasi doi mole so whipaaekélé, doi muni belei sókó deóló betere so whipaaekélé, mo betá kaae alatóro erótu beterepó. <sup>17</sup> Sisapaae *takis moni* matere ala wisirépé, dore? Ti naao noa kisipa mute?” yalepó. <sup>18</sup> Ai fo yaletéi, atima dowi kisipa muturaalu, Yesuné ą só deraai tų kikitú betere ala kolóló, atimapaee duraalu, “Dorutei tó tikiiné ąle sikili du betere whirape-ó, noatepa diaaą ę só deraai tų kikitú bitu de? <sup>19-20</sup> Térapa diąné *takis melótua* dere *moni* yało kelaalopa sóro ape,” yalepó. Tétepa, atimané ą beterepaae betá *denarias moni* sóro wapa, ama atimapaee woseturaalu, “I asoró i mole doitamo-a, né?” yalepó.

<sup>21</sup> Ai fo depa, atimané ąpaae tokó mótu duraalu, “Aita Sisanépó,” yalepó. Tétepa, ama atimapaee

duraalu, “Sisané ąlapa ti Sisapaaetóro melae. Kótóné ąlapa, ti Kótópaetóro melae,” yalepó.

<sup>22</sup> Yesuné atéroró dere fo woseturaalu, “Haió!” yóló sirayóló, atima ą taaróló felepó.

*Kepaayóló betere whirape so dokotimipóló yale fo*

*(Mak 12:18-27, Luk 20:27-40)*

<sup>23</sup> Atéyale be ątamotóroti mepaae Sadyusi whirape Yesupaae betá fo wosaai dapóló walepó. Ti ai Sadyusi whirape atima kisipanéta, sukąle so whi momó kae kepaayaalo meipó dua dapó. <sup>24</sup> Atétere whirapené Yesupaae woseturaalu, “Yó matere whi-ó, Moses-né ąpaae etei fo yóló muló beterepó. ‘Whi betá naale senaale deni, ąle betere sukutepa, ti so wulia nomané dokóló naalekó detepa, ti noma betale sirimó, ai naale beterepólópa,’ erapó. <sup>25</sup> Téró, weikeró nomarape ątamó betalepó. Téru, topo whi ą betá so dokaletéi, naale senaale dini, ąle betere kale whi sinitepa, kale so wulia ama noma me whinémó dokalepó. <sup>26</sup> Téyaletéi, ai kale whikélé naale senaale dini, noma yale kaaetóro ąle sukąlepó. Atétepa, kale so wulia me whinémó dokalemó, ai whinékélé naale senaale dini, ąle sukąlepó. Mepaae douro nomarapekélé atéroró sisiraae felepó. <sup>27</sup> Nalo mo kemerótu, kale sokélé sinalepó. <sup>28</sup> Téyalepa, mió kale sinale whirape kepaayóló betaaire sukamó, kale weikeró nomarapekó mé whiné ai kale so dokaaloé? Ti noatepae, aita nomarape doką feané dokoté wale sopó,” yalepó.

<sup>29</sup> Ti fo depa, Yesuné duraalu, “Diaaą ai mutu betere kisipata, kale asemó yóló muló betere foró Kótóné doasi bole fotokątamó wisiyóló kisipani, ąsókó furaalu du beterepó. <sup>30</sup> Kale sinale whirape momó kepaayóló betaaire sukamó whikélé so dokóo, sokélé whitamo fóo ini, ó hepen bemó betere *ensel*-rape kaae betaalo ai ape. <sup>31-32</sup> Kale

sinale whirape atéro kepaayóló betaalopóló, Kótóné diɓpaae asemó ere fo dosɓayóló kisipanié? Téró ama duraalu, ‘Ēta, Abraham, Aisak, Jekop-sépi atimané Kótópó,’ yalepó. Ti ai sukɓale so whi mo ti alu wuɓsóró ti i dosɓayale so whirape teteróló kaae tare Kótópó fo wuɓmeipó. Ti ɓta, mió i betó mole so whiró take sukóló kepaayóló betó mole so whitamó teteróló kaae tare Kótópó,” yalepó.

<sup>33</sup> Tétepa, so whi feané ai dere fo woseturaalu, haió! yóló sirayalepó.

*Tale q waaire be de ó suka kele mené tuɓnipóló yale fo*

*(Mak 12:28-31, Luk 10:25-28)*

<sup>34</sup> Téró etéyalepó. Yesuné kale Sadyusi whirapené wosetere fo mo donotóró tokó matepa, kale Farisi whirape, atima betɓpaae touróló atimasisi fo keɓaaralepó. <sup>35-36</sup> Atéro, Moses-né asere fo yó matere kisipa tiki fosó fosóre whi betɓné ɓ kaae ke-laai sɓ sóró woseturaalu, “Yó matere whi-ó, kale yóló muló betere foné i ala yae ere doasi topo fo-a, mé foé?” yalepó.

<sup>37</sup> Ai fo depa, Yesuné tokó mótu duraalu, “Naao Talepaae yaala sókó fóló, hekesené sinitere alata, naao hosaa bete turónékélé, naao kepe bete turónékélé, naao kisipa tiki bete turónékélé, yaala sókó fu betae. <sup>38</sup> Ti ai alata, ama folosóró yae yóló muló betere mo doa topo ala ai ape. <sup>39</sup> Ai kɓlipaae me tamo dakoróló yae yóló muló betere mo doasi topo fo i ape. Naatei yɓ yaala sókó fóló hekesené sukutu dere kaae, naao be whi so whipaaekélé atéro yaala sókó fu betae. <sup>40</sup> Kale yae yóló muló betere forape fearó Kótóné ama fo eratere kóló whirapetamoné ere fota, ti i doasi topo fo tamo tómó beleró betepó,” yalepó.

*Keriso q né naalemaé yóló yale fo*  
*(Mak 12:35-37, Luk 20:41-44)*

<sup>41-42</sup> Atéro, kale Farisi whirape betɓpaae tourɓale wóló betó mupa,

Yesuné atimapaae woseturaalu, “Kótóné so whi teteróló kaae tanópoló, sóró betero betere whi Keriso-a, né naalemaé?” yóló wosetepa, atimané tokó mótu duraalu, “Depit-né deté wale whiné deale naalepó,” yalepó.

<sup>43-44</sup> Ai fo depa, ama atimapaae duraalu, “Kale Deɓ Kepe Wisiné Depit fotokɓratepa, Depit-né ɓpaae Tale-ó ere fo-a, me whiné ama deale naalené deté fele naalepaaetei Tale-ó fo dua de? Té dumitei, Deɓ Kepe Wisiné fotokɓratepa Depit-né ɓpaae Tale-ó fo asɓyóló i muló betere ape. Ai fota i ape.

‘Talené ɓ teteróló kaae tare Talepaae duraalu,

“Naao bóe whirape atima yɓo teteirape aleróló, naao hó aɓmó beteraalopa, yɓ yɓo turu naase demó bitu kaae tawae,” ’ erapó.

<sup>45</sup> Ti Depit-né ɓpaae Tale-ó fo du bitipa, momómo ama naale-ó, dere fomo neyóló yaleé?” yalepó. <sup>46</sup> Ti fo depa, whi betɓnékélé Yesuné ai yale fo mené tokókélé menénipó. Ai be demó kaae sóró fóló, mepaae whirapené wosetere fo me kae ini, taaróló felepó.

## 23

*Dowi kwia saalopa kaae tawae yale fo*

*(Mak 12:38-39, Luk 11:43, 11:46, 20:45-46)*

<sup>1-2</sup> Téró, Yesuné aimó touróló betó mole so whiró ama yó matere whirapetamopaae duraalu, “Moses-né asere fo yó mótu betere whiraperó Farisi whirapetamota, kale doasi whi Moses betale sirimó bituraalu, ama yó matere ala yó tarapó. <sup>3</sup> Atimané yó matere fo diaaɓ wosóló, sya fóló erótua yae. Tépateti, atimané ai du betere ala momókó sya fóló yaɓse. Ti noatepae, atimané yó mótu betere fota wisiyóló yó mótu bitutei, sya fóló eratere alamo dumipó. <sup>4</sup> Atimané doasi



sekeji qlarape whirapené beleyópóló, dokóló atimané hulumó belerótua dapó. Téteretei, atimanémo ai kale sekeji q̄la belere whirape fasóló mo sawa tao sere alakélé dumipó.

<sup>5</sup> Atimané du betere ala feata, ti so whiné kolóló dukirópóló, dua dapó. Téturaalu, Kótóné fo atimané kutiri tuamó bulapóló, so whiné kolóló aunópóló, asęyóló atimané kutirimó meleke kaae beleyóo, naasemó h̄q̄ kaae sóo, Kótópaae moma yaaikélé, atima mo ekęlerapó yópóló, deratere f̄q̄loi kuti mo ti f̄q̄loróló kwiamó, mepaae auratere q̄la olerótua yóo dapó. <sup>6</sup> Téturaalu, q̄la detere be demó mo doasi doi mole whirape bitua dere tikimótóró betaai ekęle yóo, moma dere bemó doasi topo whirape bitua detere tikimó maaté betaai ekęle yóo dua dapó. <sup>7</sup> So whi fea touratere tikimó betó mole so whiné atimapaee doasi doi mole yóo matere whi wisi k̄leó yóló, dukiratere kokomó dua dapó.

<sup>8</sup> Atétu dere kaae, mepaae whirapené diapaee *Rabai*, yó matere whi-ó, yaqsóro yae. Ti noatepae, dī tuamó doasi topo whi betatóró betepa, dī fea ti mo norapetóró ai betere ape. <sup>9</sup> Mepaae i haemó betó mole mo whipaaetei dīané aya-ó, du betaq̄se. Ti noatepae, dīané Aya mo bet̄a ó hepen bemó beterapó. <sup>10</sup> Mepaae whiné dī kilituraalu, dīapaee yó matere whi-ó, yaqsóro yae. Ti noatepae, dī yó matere whita, so whi fea t̄eteróló kaae tanópóló, Kótóné sóro betero betere doasi whi Keriso ̄ bet̄a beterapó. <sup>11</sup> I haemó dī tuamó doasi doi mole topo whi betepa, ti ai whi ̄ dīané kutó diratere whi betaalo ai ape. <sup>12</sup> Ti noatepae, mepaae whi dené ama doitei hale sóro horótu betepa, ti atétere whiné doi haepaae só deraalopó. Téretei, mepaae whi dené amatei ̄ deróló dua betepa, ti atétere whiné ama doi doasi muaalo ai ape.

<sup>13</sup> Dī Moses-né asęre fo yó mótu betere whiraperó Farisi

whirapetamo-ó, tiki tuapaee dorutei h̄le sik̄li du betepa, Kótóné dī dowi kwia melaalopa, mo doasi witu betae. So whi fea Kótóné t̄eteróló kaae tare bepaae sókó faai fu betepatei, faqsóro ai t̄u diaaq̄ dere alanétei sesęyóló kinótu beterapó. Ti dīta, ai tumó sókó fumitei, aipaae sókó faai fole so whi ai sesétu betere ape. <sup>14</sup> (-)

<sup>15</sup> Dī Moses-né asęre fo yó mótu betere whiraperó Farisi whirapetamo-ó, tiki tuapaee dorutei, tóné h̄le sik̄li du betepa, Kótóné doasi dowi kwia melairetei wió yae. Mepaae whirape dītamo touróló doasi fake firaai dapóló, w̄i tómkélé, hae tómkélé, kutu beterapó. Atéró, me whikó diaaq̄ dere fo wosóló dī fake alene wapa, diaaq̄ dere ala yó melóló, ai yó matere alanétei diaaq̄ du betere dowi ala bosenóló, mo dowi si duku beterepaae faai betere whirape kaae beterótua dapó.

<sup>16</sup> Dīkélé keke dilikire whirape bitutei, me whipaae t̄u i mole ape yóló yó matere whi kaae betepa, mo doa dowi kwia saalopa, wió yae. Ti noatepae, dīané etei fo dua dapó. Whi me dené Tale Kótóné momatere be doi yóló mo dirii malo depa, ti me bete muni, Tale Kótóné momatere be tuamó mole *kold kapa* doi yóló, Kótópaae mo dirii malo yóló mulatere fo tikitepa, ti mo doasi kwia saalopó dua dapó. <sup>17</sup> Dī keke dilikiyóló tuékélé okokore whirape-ó, doasi topo q̄la-a, noaé? Momatere beta, doasi topo q̄la ai ape. Ai *kold kapanéta*, ti momatere be wisiróló kae mulótumipó. Tétumitei, Momatere be tuamó Kótóné ala eratereteiné, ai be tuamó mole *kold kapatei* wisiróló, kae mulótua dapó. <sup>18</sup> Meta, diaaq̄ i fokélé dua dapó. Me whiné ama dere fo diriróturaalu, Talepaae h̄le matere q̄la belerótua dere kapo doi yóló, malo depa, ti ai bete muni. Kale ai kapo tómké sukylaa dalaai beleratere q̄la doi yóló, dirii malo depa, ti mo dirirapó

dua dapó. Ai fotamo tikitepa, mo doasi dowi kwia saalopó du betera-pó. Diã keke dilikire whirape-ó, mé òla doasi bete mule? Talepaae hãle matere òlapé ai òla beleraterere tiki doasi bete mule? Ti ai hãle matere òla beleraterere tiki Kótópaae hãle matere òla wisiróló, kae mulótua dapó. <sup>19</sup> Diã kisipa tiki okoko yóló, kekekélé dilikire whirape-ó, mé òla-a, doasi topo òlaé? Kótópaae hãle matere òlapé, ai òla mulaterere tikié? <sup>20</sup> Térapa, whi me dené ama fo diriróturaalu, hupu ó mepaae òla beleraterere tiki doi yóló malo depata, ti kale sukúlaa dalaai beleraterere òlakélé wusuró doi yóló malo ai dere ape. <sup>21</sup> Whi me dené Kótóné momaterere be doi yóló dirii malo depa, ti ai momaterere beró ai bemó betere sekétamo wusuróné doi yóló malo ai dere ape. <sup>22</sup> Whi me dené dirii malo duraalu, hepen be doi depa, ti kale doasiné teteróló kaae tare tikiró aimó betere sekétamoné doi yólókélé, du betera-pó.

<sup>23</sup> Moses-né asere fo yó mótu betere whiraperó Farisi whirapetamo-ó, diã tiki tuãpaae dorutei, hãle sikili du betereiteiné, doasi dowi kwia saalopa, mo wió yae. Ti noatepae, diaaã kutómó ere òla naase tamoe pa, betã ti naao Kótópaae hãle matapó. Tereitei, mo doasi bete mole ala diaaã kisipa muni, sisópaae eróló, mo keteró betera-pó. Ai doasi bete mole ala i ape. Fo tokótamo yóló mo donoyóló taletere alakélé, kolené sinóló tao sere alakélé, Kótópaae kisipa tiki tiróló, ama ala hãle eró tareiteikélé, fea diaaã kisipa keteró betera-pó. Ti mepaae yóló muló betere doasi bete alarape fea wisiyóló eróturaalu, mepaae sawa alarapekélé kisipa keteréni, fea touróló erólusóró mo wisi uapó. <sup>24</sup> Diã keke dilikirutei, mepaae whipaae tu i mole ape yóló yó mótu betera-pó. Diãné òla nukuraalu, mo sawa dokóletamo hoko naqsóró, mepaae òla òla sorokóló nuku

betera-pó. Tétu bitutei, doasi *kamel* hupumo, ti diãné kiliniyóló òlatamo touróló hoko ai nuku betere ape.

<sup>25</sup> Moses-né yóló muló betere fo yó mótu betere whiraperó Farisi whirapetamo-ó, diã tiki tuãpaae doruraalutei, hãle sikili du betereiteiné mo dowi kwia saalo ai ape. Diãné wéi nokole wutiró nukutamo tómaaté fukuturaalu, tuãpaae fukutumipó. Ti ai tó mó maaté fukutu betere so whita, òlémi nokole alakélé, ukusi yóló ekéle dere alakélé mo fãanapó. <sup>26</sup> Keke dilikire Farisi whi-ó, folosóró ti kale wéi nokole wutiró òla nokole nukutamo tuãpaae hotowayóló fokae. Atétepa, ti tóta ama hãletei fokó faalo ai ape.

<sup>27</sup> Moses-né asere fo yó mótu betere whiraperó Farisi whirapetamo-ó, tiki tuãpaae doruraalutei tóné hãle sikili du betereiteiné mo doasi dowi kwia saalo ai ape. Diãta, kale whi dou tó mó kale ðei ni fene aurale tikimó kelaalo mo kokore kaae erapó. Ti whi dou tóta kelaalo kokoreitei, whi mole dou tuã dolopaaeta, sukãle whiné diriró kae kae kelaamilitamo fãanapó. <sup>28</sup> Diãkélé u tuãpaae atei kaae ala epatei, so whi feané diaaã tó tiki maaté kilituraalu, mo donoi ala du betere whirape nisi du betera-pó. Diaaã tiki tuãpaaeta, whi dilikitere alaró kae kae mo sonaalei dowi alatamoné ai fãane ape.

<sup>29</sup> Moses-né asere fo yó matere whiraperó Farisi whirapetamo-ó, diã u tuãpaae dorutei, tó mó hãle sikili du betepa, mo dowi kwia saaireiteimó wió yae. Diãta, Kótóné ama fo erale kóló whirape dourale tikiró, mo take donoi ala yóló sinale whirape dourale tikitamo hotowa yóló be ténóló aurótu betera-pó. <sup>30</sup> Atéturaalu, diaaã etei kaae fokélé du betera-pó. Dãtamo, noutererape betale alimó bitusóró, ti Kótóné ama kóló whirape dóló samea sókó fatua wuã meipó dua dapó. <sup>31-32</sup> Diãta kae whirape meipó. Diaaã ai du betere fonéitei diã só

deróturaalu, Tale Kótóné ama kóló wh̄irape dilé wale wh̄irapené deté wale naalerapeta, diātóró ai ape. Térapa, atimané deté wale dowi ala diaaḡkélé mo ti fakeróló du betae.

<sup>33</sup> Diḡ wh̄i sinópoló tukó nokole mo dowi wulirape-ó, diātamo fo tokótamo yóló dowi si duku beterepaae só deraairetei noa yóló ḡsókó faaloé? <sup>34</sup> Térapa, ḡlo diḡ beterepaae Kótóné ama kóló wh̄irapekélé, kisipa tiki fosó fosóre wh̄irapekélé, Kótóné yóló muló betere fo yó matere wh̄irapekélé, dotonótu beteropó. Tétu betepatei, mepaae wh̄irape ti diaaḡ dóo, mepaae wh̄irape filipaare ni tómó oleróló dóo, mepaae wh̄irape diaaḡ fo wosetere be tuḡmó fokosói ala yóo, mepaae wh̄irape atima me be huluapaae botokó fupa, diaaḡ daai sya kweyóo yaalo ai ape. <sup>35</sup> Atéyaleteiné, donoi ala du betale wh̄i Abel-né samea sókó feleteimó, kaae sóró dilé wóló, kale Barakayané naalema Sekariaakélé momatere beró Talepaae ḡle matere ḡla sukúlaa dalatere tikitamo tuḡmó diḡné dalepó. Ai dilé wale wh̄irapené samea sókó feletei fea touróturaalu, diḡ mió i alimó betó mole wh̄irapepaae doa kwia melaalopó. <sup>36</sup> ḡlo mo i dere ape. Take atéro wh̄i dilé walemó dowi ala kwia fea touróturaalu, mió i betó mole so wh̄iné saalopó.

<sup>37-38</sup> Jerusalem be huluamó, betó mole so wh̄i naao teyae! Kótóné ama kóló wh̄irape diḡ beterepaae dotonótua depatei, kapo duné siróló dua yale so wh̄i-ó, kale bané ama malerape baase aḡpaae buó su dere kaae, ḡlo diḡkélé atéro dape saalopóló dua yaleteti, diaaḡtei ḡyóló dowḡae fua yalepó. Téyaleteiné mo doasi kḡleó, Talené diḡ taalatepa, mió diaaḡ be hulua ai wópu mutapa, kelere? <sup>39</sup> Térapa, ḡlo diḡpaae mo i dere ape. Diaaḡ ḡ kilini bitiré fóló, ‘Talené doimó wale wh̄i Kótóné wisiratepa ḡ ḡainé

sinóló beterópoló yae’ dere sukamó, ti diaaḡ ḡ momó kelaalopó,” yalepó.

## 24

### *Take kemetere sukamó yaaire ala (Mak 13:1-2, Luk 21:5-6)*

<sup>1</sup> Téró, Yesu momatere be taaróló fu betepa, ama yó matere wh̄irape ḡtamo hokolaane fóló duraalu, “Momatere be wisinaale ai teyóló muló beterepa, kelere?” deté fu betalepó.

<sup>2</sup> Tétepa, Yesuné atimapaee duraalu, “Ai te ḡ mole berape diaaḡ kelere? ḡlo diḡpaae mo i dere ape. Ai berape fea fisikó furaalu, kapo fake betḡkókélé me kapotamo olokopa ke-laalomeitei, mo fea kolokó fóló mupa kelaalo ai ape,” yalepó.

<sup>3</sup> Atéro, Yesu ḡ *Olip* du sorokó molepaae fóló betepa, ama yó matere wh̄irape ḡ beterepaae wóló atimasisi bitu ḡpaae woseturaalu, “Dḡ mokḡleyaa yóló betepa, ḡ walemó kilita sókó faḡsórópa, folosóro noa alapi eratepa kolóló, ḡané tuḡ yaaloé? Keme yaaire be ḡeró ḡ waaire be ḡetamo, ḡané kisipa yópoló noa alapi eraaloé?” yalepó.

<sup>4</sup> Ai fo depa, Yesuné atimapaee duraalu, “Me wh̄iné diḡ dilikóló kḡpaae ḡlisóro falaḡsóro, mo hotowayóló kaae tawae. <sup>5</sup> Ti noatepae, wh̄irape mo feané diḡ dilikituraalu ḡlo doi yóló, ‘Ḥta, so wh̄i fea teḡteróló kaae tanópoló, Kótóné sóró betero betere wh̄i Kerisopó,’ depa, so wh̄i feané mo nisi yóló sya faalo ai ape.

<sup>6</sup> Me tikipaae bóe du beteropó dere fokélé wosóo, mo felekemó bóe du betere alakélé kolóo duraalu, diḡ tuḡ sekḡyóló wiyaḡse. Ti noatepae, ai alarapeta mo yaalopóló tukóló muló betereiteiné ḡsókó feni, mo yaalotei, kemeyaaire be ḡe ti teórapó,” yalepó. <sup>7</sup> “Me hae kwiamó betere be hulua wh̄iró me hae kwiamó betere be hulua wh̄itamo bóe doasi daalo ai ape. Me hae kwia teḡteróló kaae tare topo wh̄iró me hae kwia teḡteróló kaae tare topo wh̄itamokélé

bóe daalo ai ape. Atéturaalu, doasi wote aliró doasi bao dere alatamo hae kwia feapaae wou betaalo ai ape. <sup>8</sup> Ai alarape feata, ti kale sorape naale saai sisó kaae sóró nuku dere kaae dapó.

<sup>9</sup> Téturaalu, diá ẹ sya wóló, yálo ala erótu beterémó, i hae kwia feamó betó mole so whíné diá hóróló fokosoi ala yóló, mo ti sinópóló daalo ai ape. <sup>10</sup> Atétere sukamó, so whi mo fea kisipa tiki tiró betere ala taaróló, me whi hóróló atimasisitei bóe daairaalu, eleké deyóló u só derane, i só derale, du betaalopó. <sup>11</sup> Atétu betepa, mepaae whirape mo fea Kótóné ama mo kóló whi aoyóló wóló, so whi dilikóló kópaae faraalo ai ape. <sup>12</sup> Ti noatepa meipó. I hae kwia feamó betó mole so whíné dowi ala mo ti faketé furaalu, so whi feané yaala sókó fóló hēkesené sukutu betere ala siri buóló, mo ti haepaae derepaalopó. <sup>13</sup> Tépatei, mepaae whi de kisipa tiki tiró betere ala mo ti yó taté fóló, kemene fole sukamó sókó fupa, ti ai whi aluni, Tale Kótóné ama mo tao saalopó. <sup>14</sup> Atéturaalu, Kótóné tēteróló kaae tare aqmó, mió wosetere kisi fo wisi i hae kwia feamó betó mole so whipaae yó maté koterémó, ita Talenétei eratapóló kisipa yaalopó. Ai ala yale kīlipaae, ti mo kemetere be de sókó waalo ia ape.

<sup>15-16</sup> Atétepa, Kótóné ama kóló whi Daniel-né mo taketi ašemó yóló muló betere foné duraalu, be wópu moolaai, kelaalo mo sonaalei ọla Talené ama kae tukóló muló betere tikimó daapa kilitu, ai asere fo dosaterere whi dijané wisiyóló kisipa muae. Ai ala kilituraalu, Judia hae kwiamó betó mole so whi du sorokó mole tikipaae botokó fópóló yae. <sup>17</sup> Mo betá whikókélé siki be kemó biti até aqró bemó mole ọlakélé sene derepéni, mulópóló taaróló, botokó fae. <sup>18</sup> Whi me kutómó daapatamo ai ala depa, ti momó fesaayóló ama bukaaire kuti sene feni, mulópóló taaróló botokó fae.

<sup>19</sup> Atétere sukamó kale naale ere soraperó teó naale tare sorapetamo mo doa kọlerapó. <sup>20</sup> Diá botokó faairetei doasi sosóli aliró s̄a nóló beterópóló, tukóló muló betere be dētamo tuamó eraqsóró, Talepaae momatu betae. <sup>21</sup> Ti noatepa meipó. Ai waaire doasi sek̄ei alata, i hae keké nale alimó kaae sóró wóló, mió i betere alimókélé, take nalo betaaire alimókélé ai kaae sek̄ei ala mo kelaalomeipó. <sup>22</sup> Atétere be dēmó, waaire sek̄ei alarapetamo Kótóné h̄lekeróló tukóló mulóluq̄meisóró, ti mo betá whikókélé h̄sókó fóló bituq̄meipó. Até yaqsóró, Kótóné sorokó suyóló sóró beteró betere so whimó kisipa mutu, ai be d̄rape h̄lekeróló tukóló mulaalo ai ape. <sup>23</sup> Atétere sukamó, mepaae whíné duraalu, Kótóné so whi fea tēteróló kaae tanópóló, sóró beteró betere whi Keriso i wóló beterapa kelae depa, ó u wóló betere ape depa, mo dere nisiyóló wosóló kisipa tiraq̄se. <sup>24</sup> Ti noatepae meipó. Mepaae dilikitere Kerisoró Kótóné ama kóló whipóló, kapala fo yó matere whirapetamo waalo ai ape. Atétu, kae kae ala yaairemó eratere doasi alaró kae kae kelemei alarapetamo eróturaalu, Kótóné sorokó suyóló beteró betere so whikélé kópaae falaai, k̄aae kolóló s̄u saalopó. <sup>25</sup> Ai alarape yaai teópatei yálo diāpaae ai yale ape.

<sup>26</sup> Téyaalopa, mepaae whíné diāpaae duraalu, ‘Kale sek̄é ̄ whikélé bitinire tikimó wóló i betere ape,’ depa, wosóló mo dapóló kelaai faq̄se. Ó, ‘Be dolomó i betere ape,’ depa, mo dere nisiyóló kisipa tiraq̄se. <sup>27</sup> Ti noatepa meipó. Suka hotereró dere epéenétei suka doropolepaaekélé d̄eyó fu dere kaae, kale Whíné Naalema atéró mo h̄keamó wapa so whi feané kelaalo ai ape. <sup>28</sup> Dijané ó s̄apaae kese honalemótamo, kale ba dukaarape s̄é kw̄eyóló bopétu betepa kilitu, sinale na ó hupu mupa dapó kisipa muae.



<sup>29</sup> Ai sekeji alarape yale kijlipaaetóro 'Suka kekélé dilikiróló, wéliékélé mo de yaalomeipó.

Hqerapekélé torokó dorowóló, ó samó ere q̄la q̄lakélé fea wore yaalo ai ape,' erapó.

<sup>30</sup> Atétere sukamó, kale Whjné Naalema mo felekemó waai dapóló kisipa yópóló, ó samó doasi ala eratepa kelaalopó. Atéro ama doasi ere au wisinaaletamo ó s̄akomó h̄akeamó sókó wapa i hae kwiamó betóló fale so whj feané kilitu, doasi moló-u yaalopó. Kale Whjné Naalema ó samó atéro wouraalu, ama bole doasi fotokq̄ró Kótóné ama kae ere ala wisinaaletamo ó s̄ako dolomó sókó wapa, kelaalo ai ape. <sup>31</sup> Atéturaalu, ama *ensel-rapéné* ukulumó wuti mo doasi fakeyóló hale deté kuturaalu, hae kwia de dokq̄ feamó ama sorokó suyóló kae beteró betere so whj dape siré kweyópóló dotonaalopó.

<sup>32</sup> Térapa, mió kale ni nosené dere ala kolóló, wisiyóló kisipa muae. Sóku fóló momó h̄ulu depa kilituraalu, kale ba fo mo felekemó ai sókó wale ape fo dua dapó. <sup>33</sup> Até dere kaae, ai bopeyale alarape dīj betere tūpaae wapa kilituraalu, mióta ̄ mo felekemó waairaalu tū sókó walemó daapa, ai dere ape kisipa muae. <sup>34</sup> Ȳalo dīpaae mo i dere ape. Mió i alimó betó mole so whj fea sukuni h̄ale betó mupatei, ai alarape mo fea yaalo ai ape. <sup>35</sup> Ó s̄aró i haetamota, mo kemeyaalotei, ȳalo fo bet̄a kemekélé ini, h̄ale muó tawaalopó," yalepó.

*Whjné Naalema waaire be d̄eró suka keletamo mené tūénipó*

*(Mak 13:32-37, Luk 17:26-30, 17:34-36)*

<sup>36</sup> "Até yaaire be d̄eró sukakeletamota, mo whj bet̄anékélé, hepen bemó betó mole *ensel-rapekélé*, ama Naalemanékélé mo tūénitei, Alimané ama bet̄a tūérapó. <sup>37</sup> Kale whj Noa betale alimó yale ala kisipa muae. Kale Whjné Naalema

woukélé, mo ai ala kaaetóro yaalo ai ape. <sup>38</sup> Ti noatepae, atéyale sukamó kale weji doasi ̄laai teópa, atima mo wisiyóló bitu, q̄laró wejtamo nóló, whj so dokotere alakélé, so whjtamo dokotere alakélé deté fu beteró, Noasépi nuku tūpaae bit̄i holale sukamó sókó walepó. <sup>39</sup> Atima betere tūpaae ai ala sókó waairetei kisipani, h̄ale mo k̄leaa yóló bitiré wóló, weji doasi anóló, so whj fea aluralepó. Kale Whjné Naalema wale sukamókélé, atétu yale kaaetóro yaalo ai ape. <sup>40</sup> Whj tamo kutómó daayaalotei, me whj dapesó furaalu, me whj daalópóló taaróló faalopó. <sup>41</sup> So tamo *whit* o derakóló detu betaalotei, me so dapesó furaalu, me so betepa taaróló faalopó.

<sup>42</sup> Ti noatepa meipó. Dīj t̄eteróló kaae tare Tale waaire suka, dīj kisipanipa, mo hotowayóló kaae tawae.

<sup>43</sup> I alarapeta mo yaalopa, i dere fo bete wisiyóló wosóló kisipa muae. Bet̄a be talené dilikitamo etei kaae sukakelemó q̄lémi nokole whjné ama be fulukene waalopóló, kisipa muóló bitūasóró, ti ama be fulukóló q̄la q̄la sóró f̄ópóló, ̄ noke fió muni, siki siki yóló bitūapó. <sup>44</sup> Térapa, dīkélé donoróló mo siki siki yóló betae. Ti noatepa meipó. Kale Whjné Naalema waalomei nisiyóló, kisipa keteróló betere sukamó, ̄ sókó waalo ai ape.

<sup>45</sup> Ti i dere fo wosóló, dīkó me whj etei kaae kekemeyóló kutó diratere whj beterémóló, diaaq̄tei k̄aae kelae. Bet̄a be tale ̄ mepaae uké faairaalu, ama dere fo sya fóló, mo eró tare fosó fosó yóló kekemere whjpaee mepaae kutó diratere so whj naao t̄eteróló kaae taru, q̄lakélé mo wisiyóló melae yóló ̄ fulapó. <sup>46</sup> Ai kale kutó tale doasi topo whj ̄ momó fesaae wouraalu keler̄alemó, ̄ faai bituraalu diyae yale kutórape fea ama s̄umó dipa, ti ai kutó diratere whj ̄ mo h̄ainé sinaalo ai ape. <sup>47</sup> Ȳalo dīpaae mo i dere ape.

Kale be talené ama ɔla ɔla mo fea ai seképaae naao mo hotowayóló kaae tawae yóló, ama naase tuámó mulaalopó. <sup>48-50</sup> Tépaitei, ai kutó diratere whítamo dowi tué mole whi betepa, ti i ala dere kaaepó. Kale kutó diratere whiné kisipané ama doasi hapale waalomei nisiyóló, ɔtamo kutó ditere whirapetei fokosói ala yóo, topo dotere wéi nokole whirapetamo fulumu yóló hoko bitu, ɔlaró wéitamo mo dekéro náo du betaalopó. Téturaalu, ama doasi waalomei nisiyóló mokɔleyaaró betere tuámó, kale whi sókó wapa kilita sókó faalopó. <sup>51</sup> Atéro, kale whi ama doasiné fokosoi ala yóló, ama tiki mo turukée fi kale tó tikiné wisire nisiyóló sikili du betere whirapetamo betámó beteraalopó. Tétepa, aimó doasi susupu sóro kaketu bitu naao téyae yóló, atima sereke fisikó sóro doasi wole du betaalopó,” yalepó.

## 25

### *Naase tamo so seimalepaae dó faróló yale fo*

<sup>1</sup> Téró Yesuné duraalu, “Atéyaaire sukamó, ó hepen bemó Kótóné teteróló kaae tare aqmó mole alata, i ala kaae yaalopó. Kale naasetamo so seimalerape atimané *lamp* sá dirirape sóro so dokotere be demó detere ɔla naai kale so dokaaire whítamo hokolaa yaai felepó. <sup>2</sup> Atéro mepaae aporó fele seimale senaalerapeta, ti kisipa fosó fosó yóo, mepaae aporó so seimale ti kisipa tiki fosó fosó ini yóo erepó. <sup>3</sup> Kale kisipa tiki fosó fosó inire seimale sorape atimané *lamp* sá dirimó wéi belepa sóro feletei, kemetepa saaitapóló mepaae *wel* wéi wutimó tepeóló sóro fenipó. <sup>4</sup> Téyaleteiné, kale kisipa tiki fosó fosó yóló kekemere seimale sorape atimané *lamp* sákélé wéi belepa sóro fóo, kemetepa saaire *wel* wéikélé wutimó tepeyóló sóro fóo yalepó. <sup>5</sup> Atéro, kale so dokaaire whi hapale wéni, diki deté fu betepa, atima

fea noke keletepa noke foposaa yó molepó.

<sup>6</sup> Atima atéro noke fopesaapa, diliki sá tuátamo whi betané fo fakeyóló duraalu, ‘Kale so dokaaire whi i walapa, ɔtamo hokolaayaa faalopa ape,’ yalepó.

<sup>7</sup> Atétepa, kale so seimalerape turukó holóló, atimané *lamp* sá dirirape wisiyóló dópóló donoralepó.

<sup>8</sup> Atéro, kale kisipa tiki fosó fosó inire so seimalerapené kale kisipa tiki fosó fosó yóló, kekemere so seimalerapepaae duraalu, ‘Dané *lamp* sá dirirape *wel* wéi kemeturaalu, felekemó sukó faai dapa, diané tare *wel* wéikó damaletamo ɔlae,’ yalepó.

<sup>9</sup> Ti fo depa, atimané duraalu, ‘Meipó. Dané tare *wel* wéi di melatepa, ti dané sá dirimó tepeyaaire mei yaqóropa, mepaae *wel* wéi dotonaterere whirapetamo dupune fae,’ yalepó.

<sup>10</sup> Ai fo depa, atima *wel* wéi dupune fi tikimó, kale so dokaaire whi sókó walepó. Atétepa, kale donoróló betere so seimalerape kale so dokaaire whítamo so dokoteremó detere ɔla naairaaalu, be dolopaae horóló tı kinalepó.

<sup>11-12</sup> Atéro beteremó, nalomo mepaae kale fele so seimalerape wóló, atimané fo fotokó yóló duraalu, ‘Doa whi-ó, doa whi-ó, dá holaaitapa tı tukıae,’ depa, ama atimapaee duraalu, ‘Yalo diapaee mo i dere ape, di ɛ kisipanipa di deé?’ yalepó.

<sup>13</sup> Atérapa, diaaq doasi waaire be deró suka keletamo di kisipanipa, mo hotowaró kaae tawae,” yalepó.

### *Doasi monipaae dó faróló yale fo (Luk 19:11-27)*

<sup>14</sup> “Fo me i ape. Talené teteróló kaae tare alata, whi betá ɔ me bepaae faairaaalu, ama kutó diratere whirape ɔ beterepaee ape yóló, ama ɔla ɔlarape kaae tawópóló, sóro beteratere kaaepó. <sup>15</sup> Téró, ama kutó diratere whirapepaee *moni*

melaairaaalu, folosóro me whjné dere ala k̄aae kolóló, 5,000 melóo, whj mené ama dere alakélé k̄aae kolóló, 2,000 melóo, me whjné ama dere alakélé k̄aae kolóló 1,000 melóo, yóló duraalu, ‘Ȳalo i *moniné* mepaae kutó dirótu betae,’ yóló, ̄ felepó. <sup>16</sup> Atétepa, kale 5,000 *moni* sale whjné ai *moniné* mepaae kutó diyóló, ama kale sale 5,000 tómó 5,000 me beleróló salepó. <sup>17</sup> Atéroró, me kale 2,000 *moni* sale whjnékélé mepaae kutó dité fóló, 2,000 me beleróló salepó. <sup>18</sup> Téyaletei, kale 1,000 *moni* sale whj ̄paae melale *moniné* me kutó dini sóro fóló, hae dukjyóló kikiti hyó mulalepó.

<sup>19</sup> Atéroró, kale doasi ̄ hapale wéni, bitiré fóló me sukamó momó fesaae wóló, ama kutó diratere whjrapepaae kale melale *moni* taleyaalopa, ape yalepó. <sup>20</sup> Atétepa, kale 5,000 *moni* melale whj wóló duraalu, ‘Doa whj-ó, naao ̄paae 5,000 melaletei, kutó dité fóló, tómó beleróló saletei me 5,000 i ape,’ yalepó.

<sup>21</sup> Ti fo depa, ama doasiné ̄paae duraalu, ‘Ȳalo kutó diratere whj wisinaale-ó, naao fosó fosóre alané ȳalo ̄paae yae yale ala naao wisiyóló ereteiné, mepaae ̄la ̄lakélé fea naaotóro t̄teróló kaae tawaasepólópa, ȳakélé naao doasitamó h̄kese dere ala tūmó betaalopa ape,’ yalepó.

<sup>22</sup> Atétepa, kale 2,000 *moni* melale whj wóló duraalu, ‘Doa whj-ó, naao ̄paae 2,000 melaletei, kutó dité fóló, tómó beleróló 2,000 me saletei i ape,’ yalepó.

<sup>23</sup> Ti fo depa, ama doasiné ̄paae duraalu, ‘Ȳalo kutó diratere whj wisinaale-ó, naao fosó fosóre alané ȳalo ̄paae yae yale ala naao mo wisiyóló ereteiné mepaae ̄la ̄lakélé fea naaotóro t̄teróló kaae tawaasepólópa, ȳakélé naao doasitamó h̄kese dere ala tūmó betaalopa ape,’ yalepó.

<sup>24</sup> Téró, kale 1,000 *moni* melale whjkelé wóló duraalu, ‘Doa whj-ó, naao dere alata, ȳalo tūrapó. Ȳata mo deteraai whj bituraalu, ̄la wae bilitere alakélé, ̄la wae ke terepetere alakélé dumitei, h̄le h̄ko tikimókelé naao ̄la wisi sua dapó. <sup>25</sup> Atérené ̄ wituraalu, naao ̄paae melale *moni* ȳalo hae dukjyóló hyó mulaletei, i tarapa sae,’ yalepó.

<sup>26</sup> Ti fo depa, ama doasiné ̄paae duraalu, ‘Ȳata, kutókelé diyaalo mo dekané sini, kutó diratere whj dowi ai ape. Ti ȳalo naasené ̄la wae bilini yóo, ̄la kekélé terepeni yóo, dere tikimótei ̄la sua dapó fota, naaotei ai yale ape. <sup>27</sup> Atétere ala naao tūrutei, ȳalo ̄paae melale *moni* tómó beleróló sópóló, *moni* kaae tare whjrapetamo muléliyólópó. Até ūsóró ti ̄ fesaae wouraalu, ȳalo melale *moni* tómó mepaae beleróló sūpó,’ yalepó.

<sup>28</sup> Térapa, ama ai tare 1,000 *moni* tokó sóro kale 10,000 *moni* tare whjpaee melae. <sup>29</sup> Ti noatepae, mepaae whj dené me ̄la tapa, ti Talené tómó beleróló móturaalu, ai whjné mo dekéro tawaalópó. Mepaae whjné mo sawa tapa, ti ai sawa tareteikélé ama fasó saalo ai ape. <sup>30</sup> Téró, ai kale deka kutó diratere whj mo dilikire tikipaae taae deratepa aimó kaketu bituraalu, amatei yale alamópóló doasi wole du betaalópó,” yalepó.

### *Sipsip-ró meme huputamopaae dó faróló dere fo*

<sup>31</sup> “Kale Whjné Naalema ̄ waaire sukamó, ama mo kae ere de ̄ wisinaaletamo wouraalu, ama *ensel*-rapekélé, mo fea betámó waalópó. Atéroró wóló, ama t̄teróló kaae tare doasi topo whj betere tikimó bituraalu, ó hepen bemó mo ama kae ere au wisitamó bitu, taleyaalo ai ape. <sup>32</sup> Atéroró bituraalu, i hae kwiamó betó mole so whj mo fea ̄ betere tikipaae tour̄le wóló betepa, kale *sipsip* hupuró *meme* huputamó kaae tare whjné taleyóló, *sipsip*

hupurape kaepaae daalóo, *meme* hupu kaepaae daalóo, du dere kaae, so whikélé atéro taleyaaalo ai ape. <sup>33</sup> Atéro taleyóló, kale *sipsip* hupu ti ama turu naaseró beteroo, *meme* hupurape ti ama fê naaseró beteroo, yaalopó.

<sup>34</sup> Téro, kale doasi topo whiné kale turu naaseró betere so whipaae etei fo yaalopó. ‘Yalo Ayané wisiró betepa hajiné sukutu betere so whi-ó, Kótóné teteróló kaae tare aqomó mole ala take saró haetamo aleyaapatei, diámó melaai dapóló, taleróló muló betere q̄la saai ape. <sup>35-36</sup> Ti noatepae, ę wotené sinóló mupa, q̄la melóo, ę wêi nokoletepa, wêi nõpóló melóo, ę uké whi kaae betepa, diaaq̄ bepaae wisiyóló dapesóo yalepó. ę bukaaie kutikélé meipa, diaaq̄ melóo, ę kisiné sukóló mupa, diaaq̄ mo hotowayóló kaae tawóo, ę *dipula* betepa, wisi kisipa muq̄póló diñé ę k̄le wua yóo yalepó.’

<sup>37</sup> Tétepa, kale mo donoi ala du betere so whiné apaae i fo yaalopó. ‘Tale-ó, ya wotené sinóló mupa, ó wêi nokole du betepa, dñé yamó metéli melalé? <sup>38</sup> Tale-ó, ya uké whi kaae betepa, dñé dape sóo, ya bukaaie kuti meipa kuti melóo, yalepó dere-a, dñé yamó metéli melalé? <sup>39-40</sup> Ya kisiné sinóló mupa, ó *dipula* betepa kisipa tiki feléyq̄póló, dñé ya metéli k̄le waleé?’ depa, kale topo whiné i fo tokq̄ melaalopó. ‘Yalo diapaae mo i dere ape. Diaaq̄ mepaae wisi ala i doasi doi mole yalo norapepaae eróturaalu, mo belei sokótei betere so whipaaekélé erélipa, ti epaaetóro eró beteropó,’ yaalopó.

<sup>41</sup> Téro kale fê naaseró betere so whipaae i fo yaalopó. ‘Talené só deró betere so whirape-ó, diq̄ ę betere tiki taaróló mo sukókélé feni, h̄le dó tare sipaae bitj fae. Ai sita, mo dowi Satan-ró ama kutó dirq̄póló dotq̄yale keperapetamo dq̄póló, tukóló muló betere sipó. <sup>42-43</sup> Ti noa betené meipó. ę wote betepa, me qlakókélé meni yóo,

wêi nokole depa wêikélé meni yóo, uké whi kaae betepa, diaaq̄ dape sini yóo, bukaaie kuti meitepa kutikó meni yóo, ę hepo daróló betepa, ó *dipula* betepa wisiyóló tao sini yóo yalepó,’ yaalopó.

<sup>44</sup> Ti fo depa, atimané apaae etei fo yaalopó. ‘Ya wotené sinóló betepa, ó ya wêi nokole depa, ó uké whi kaae betepa, ó bukaaie kuti meitepa, ó ya kisiné sukóló mupa, ó ya *dipula* betepa, dñé ya wisiyóló tao sinipó dere-a, metéli tao sinipóló de?’ yaalopó.

<sup>45</sup> Ti fo depa, ama atimapaee i fo yaalopó. ‘Yalo diapaae mo i dere ape. Diaaq̄ mepaae wisi alakó i doi mole whirapepaae erénituraalu, i betó mole belei sókóteipaaekélé erénipa, ti epaaetei erénipó,’ yaalopó.

<sup>46</sup> Ai ala du betale so whita kemekélé ini, mo ti sótóro tawaaie dupu saalopó. Téyaalotei, mo donoi ala du betale so whita, ti mo titóro betó tawaaie bete saalo ai ape,” yalepó.

## 26

*Yesu daairaalu fo dokale ala*

(Mak 14:1-2, Luk 22:1-2, Jon 11:45-

53)

<sup>1-2</sup> Atéro, Yesuné ai forape yóló kemetepa, ama yó matere whirapepaae duraalu, “Kale boseneyóló fele be dq̄mó q̄la deyóló naaire be dq̄ sókó waai be dq̄ tamo betq̄ h̄le moletei diaaq̄ ai kisipare ape. Ai be dq̄mó kale Whiné Naalema mepaae whirapené filipaa ni tó mó oleróló dq̄póló, atimané naase tuamó mulaalo ai ape,” yalepó.

<sup>3-4</sup> Téro, kale so whimó Talepaae momaratere topo whiraperó mepaae whi disirapetamo, momaratere doasi topo whi Kaiapasné be wisinaalepaae tourq̄le walepó. Atima atéro wóló touró bitu, Yesu a tawóló daai kikititi fo dokalepó. <sup>5</sup> Atima atéro fo dokóló mulótu duraalu, “I alata, kale q̄la detere



sukamó yaalomeipó. Ti noatepae, so whi feané keletómó ai ala depa doasi foya yaqsóró, me be demó yaalopó,” yalepó.

*Betá soné Yesuné topomó felé kɛlaa wale wel wɛi suniyale fo*  
(Mak 14:3-9, Jon 12:1-8)

<sup>6</sup> Téro etéyalepó. Yesu ɔ Betani be huluapaae fóló, kale dowi humu fuluné tiki dopa ama wisirale whi Saimon-né bemó ɔla nuku betalepó. <sup>7</sup> Atéro beteremó, so betané doasi moniné duputere felé kɛlaa wale wel wɛi *alabasta* kane fakené aleale wu-timó belepa tawóló walepó. Téro, kale soné ai *wel wɛi wisinaale wuti faayóló* Yesu ɔ tiróló firu ɔla nuku betepa, ama topomó suniyalepó.

<sup>8</sup> Atétere ala, ama yó matere whirapené kolóló, dei kisipa muóló duraalu, “Ai *wel wɛi wisinaale-a*, hɔko noatepa besekéróló suniyaleé? <sup>9</sup> I felé kɛlaa wale *wel wɛi wisinaale*, mepaae whitamó dotonóló doasi *moni* sóró, hɔle yoleale yóló betó mole so whimó móluqsóró mo wisiuapó,” yalepó.

<sup>10</sup> Atimasiši atéro du betere fo Yesuné tuéyóló, atimapaae duraalu, “Ai soné ama epaae mo kokɔi ala wisinaale eralepa, diaaɔ ama kisipa tiki dorakesé. <sup>11</sup> Kale hɔle yoleale yóló betó mole so whita, ti betere dokɔ diatamo betó tawaalotei, ɛta diatamo betó tawaalomei ai ape. <sup>12</sup> Ai soné kale felé kɛlaa wale *wel wɛi* yaɔ tikimó suniyaletaita hɔle meipó. ɛ sukutepa douratere sukamó felé kɛlaa wópóló ai dilale ape. <sup>13</sup> Yaɔ diapaae mo i dere ape. I hae kwiamó betó mole so whipaae kale mió i wosetere kisi fo wisi yó maté kuturaalu, i soné ama i yale alakélé yó melaalo ai ape. Téturaalu, i kale soné i ala yalepóló kisipatóró hɔle yó tawaalopó,” yalepó.

*Judas-né Yesu eleké deale fo*  
(Mak 14:10-11, Luk 22:3-6)

<sup>14-15</sup> Téro, kale yó matepa wosetere 12 whirapekó betá Iskariot be

whikó Judas so whimó Talepaae momaratere topo whirape beterepaae fóló woseturaalu, “Yaɔ i seké diaaɔ naase tuapaae mulatepa, diaaɔ emó noa ɔlakó melaaloé?” yalepó. Ai fo depa, atimané 30 *silpa moni* dosayóló amó melalepó. <sup>16</sup> Ai sukamó kaae sóró, Judas-né Yesu ɔ mepaae whiné naase tuamó mulaaire tu kikitu betalepó.

*Yesuró ama yó matere whirapetamo ɔla nale ala*

(Mak 14:12-21, Luk 22:7-14, 22:21-23, Jon 13:21-30)

<sup>17</sup> Téro, *yist* buni fopei *bred* o deóló nukuatere be de kaae suraalu i ala yalepó. Yesuné ama yó matere whirape ɔ beterepaae wóló woseturaalu, “Kale bosenyóló fele be demó deyóló naaire ɔla-a, mé bemó dané taleróló mularóé?” yalepó.

<sup>18</sup> Ti fo depa, ama atimapaae duraalu, “Diɔ u doasi be huluapaae fóló, ai bemó me whikótamo betepa, apaae i fo yae. ‘Kale yó matere whiné duraalu, “Apaae me ala eraai tukóló mulale be de felekemó sókó waai depa, kale bosenóló fele be demó, yaɔ yó matere whirapetamo naao bemó ɔla deyóló naai dapó,”’ ene fae,” yalepó. <sup>19</sup> Atétepa, ama yó matere whirape fóló, Yesuné atimapaae yae yale alatóróti yóló, kale bosenyóló fele be demó deyóló naaire ɔlarape taleróló mulalepó.

<sup>20</sup> Atéroló, be dikiteretamo Yesu ɔ ama yó matepa wosetere 12 whirapetamo ɔla nukuatere ni fake tómó tiróló firu ɔla nuku beterepó.

<sup>21</sup> Atéro ɔla nuku bitu, ama atimapaae duraalu, “Yaɔ diapaae mo i dere ape. Diakó betá whiné ɛ mepaae whiné dópóló eleké deyaalo ai ape,” yalepó.

<sup>22</sup> Ai fo depa, atima kisipa tiki formaake yóló, dekené sukutu duraalu, “Tale-ó, ai ala dané mo yaalopóló de?” yóló, atima feané betá kaae fotóró deté felepó.

<sup>23</sup> Ti fo depa, Yesuné atimapaae duraalu, “Aita ɛtamo betamó ɔla

nuku betere whjnétei mepaae whjné ę dǒpóló eleké deyaalo ai ape. <sup>24</sup> Ti noatepae, whjné Naalemata, kale asemó yóló muló betere fo motóróti dokonóturaalu sinaalopó. Téyaalotei, Whjné Naalema mepaae whjné dǒpóló eleké deyaaire whj yą betą doasi kwia saaireteimó mo wió yae. Ai whj ą hamané dewuąmeisóró, ti mo wisiuąpó,” yalepó.

<sup>25</sup> Tétepa, ą dǒpóló eleké deyaaire whj Judas-né duraalu, “Yó matere whj-ó, ai ala yąlo yaalopóló de?” depa, Yesuné ąpaae duraalu, “Épó mo naaotóróti yaalo ai ape,” yalepó.

<sup>26</sup> Atima atéró ąla nuku bituraalu, Yesuné *bred* o bula tao sóró Tale Kótópaae mo kée yóló, terekée daalu yóló ama yó matere whjrape ąlirótu duraalu, “Ita, yąlo tikipa dią feané sóró nae,” yalepó.

<sup>27</sup> Téró, kale dere kaae wej belere wuti tao sóró Kótópaae mo kée yóló, atima melóló duraalu, “Dią feané i wej nae. <sup>28</sup> Ti i wejta, so whj mo feané yale dowi ala kwia aluraai, Kótóné dią tao saalopóló tukóló muló betere fo diriróturaalu, sókó farale yąlo sameapa dią feané nae. <sup>29</sup> Yąlo diąpaae mo i dere ape. I nokole képi du wej momó kae néni hąle bitiré fóló, yąlo Ayané tęteróló kaae tare aqmó dą fea betąmó bitu, kisi *wain* wej naalopó. Ai be dę sókó waai teópa, ai wej me kaae néni hąle bitiré faalopó,” yalepó.

<sup>30</sup> Atéró, atima wole fo betą yóló, *Olip* du sorokó mole tikipaae felepó.

*Pitané Yesu ą tuęnipóló yale fo*  
(*Mak 14:27-31, Luk 22:31-34, Jon 13:36-38*)

<sup>31</sup> Téró, Yesuné atimapaee duraalu, “Mo mió i dikitamotóró atimané ępaae eratere ala kilituraalu, dią fea ę taaróló botokó faalopó. Ti noatepae, até yaaire alata, asemó i yóló muló betere fo mo dokonóturaalu yaalo ai ape.

‘Kale *sipsip* hupurape kaae tare whj yąlo dupa, *sipsip* hupurape dapo dapo yó faalopó,’ erapó.

<sup>32</sup> Téyaalotei, ę momó kepaayóló u Kaleli haepaae ępi folosóró fimó dią nalo waalopó,” yalepó.

<sup>33</sup> Ai fo depa, Pitané ąpaae duraalu, “Yąpaaetamo mené noa kaae ala eratepa, ti mepaae whjrape atima yą taaróló fupa, yąlo betą yą mo taaróló faalomeipó,” yalepó.

<sup>34</sup> Ti fo depa, Yesuné ąpaae tokó mótu duraalu, “Yąlo yąpaae mo i dere ape. Mo mió i dikitamotóró wą *kakaruk* bané hale yaaipatei, nao ę tuęnipó fo sore félimó yaalopó,” yalepó.

<sup>35</sup> Ai fo yalemó, Pitané ąpaae duraalu, “Ę yątamo betąmó sukutepa ti mo wisirapó. Yąlo yą tuęnipó fo mo yókélé yaalomeipó,” depa, mepaae ama yó matere whjrapenékélé ama dere fo kaaetóró yalepó.

*Kelaalo kokęi tiki Ketsemanimó yale ala*

(*Mak 14:32-42, Luk 22:39-46*)

<sup>36</sup> Téró, Yesu ą ama yó matere whjrape fea kelaalo kokęi tiki Ketsemanipaae fóló, ama atimapaee duraalu, “Ę upaae momane fulapa dią imó betae,” yalepó. <sup>37</sup> Atima atéró beteróló, Pita kale Sebediné naalema tamo atima fu bitu, ama hosaa tuąmó mo doasi deķené sukutere ala kaae sóró, seķei kisipa muté felepó. <sup>38</sup> Atéró ama atimapaee duraalu, “Yąlo hosaa tuąmó deķené sukuturaalu, ę felekemó sukąai depa upaae momane fulapa, dią imó ę kaae tawóló bitu noke fńi, ętamo momatu betae,” yalepó.

<sup>39</sup> Téró ama yó matere whjrape aimó betó mupa taaróló, ą sawa tupaae fóló, haemó deraapisa fóló fió mulu momatu duraalu, “Yąlo Aya-ó, i seķei ala ępaae waąsóró seséyaaire tų mupa, ti naao sesé yae. Tépateti yąlo kisipa mole ala eréni, naao kisipa mole ala betą erǒpóló yae,” yalepó.

<sup>40</sup> Téró, ą ama yó matere whırape beterepaae momó fesaae wóló kelalemó, atima fea noke foposaa yó molepó. Atépa, ama Pitapaae duraalu, “Sukakele betámó ę kaae taruraalu, momatu bitinié? <sup>41</sup> Dią me dowi ala yópóló sų sere alané só de-raqsóró, hotowayóló kaae taru, momatere ala yó tawae. Kepe betenéta wisi ala eraai mo doasi ketekę bupatei, tó tiki fotokę bunipó,” yalepó.

<sup>42</sup> Kale yale kaae, ą momó fesaae fóló momatu duraalu, “Yąlo Aya-ó, ępaae i eraaire sekei ala waqsóró seséyaaire tų mupa, ti seséyae. Seséyaaire tų munipa, ti naao kisipa mole alatóró ępaae erópóló yae,” yalepó.

<sup>43</sup> Atéró, ą momó fesaae wouraalu kelalemó, atima fea kale dere kaae, noke foposaa yó molepó. <sup>44</sup> Atima atéró foposaapa taaróló, ą momó sore dakoróló fesaae fóló momaturaalu, kale yale moma kaaetóróti momó yalepó.

<sup>45</sup> Téró, ą momayóló fesaae wóló, ama yó matere whırapepaae duraalu, “Dią sąa nóló bitu noke foposaa yó mole-a, mió dą hąle betaaire be deę dekéró mupa de? Kale Whıné Naalema dowi ala dere whırapené dópóló eleké ai deyale ape. <sup>46</sup> Ę dópóló eleké deyale whı ai walapa, dią turukó horóló dą faalopa fiépe,” yalepó.

#### *Yesu ą tawale fo*

*(Mak 14:43-50, Luk 22:47-53, Jon 18:3-12)*

<sup>47</sup> Yesuné ai fo du betepatei, ama yó matepa wosetere 12 whırapekó Judas sókó walepó. ąta, kale momatere be tęteróló kaae tare whırapéro so whı tęteróló kaae tare whı disirapetamoné dotonale whırapetamo walepó. Atima atéró wouraalu, nópuluró bóe dele sepaketamo tao diliki yóló walepó. <sup>48</sup> Téró, Yesu mepaae whıné dópóló eleké deyale whıné ątamo wale whırapetamo fo dokóló duraalu, “Yąlotamo kóló tukó nukupa, ti

ątóró hıtipa, tawae,” ipakalepó. <sup>49</sup> Atéró, kale Judas ą folosóró Yesu daalepaae sókówóló duraalu, “Yó matere whı, kóleó,” yóló, apuóló kóló tukó nalepó.

<sup>50</sup> Ti fo depa, Yesuné ąpaae duraalu, “No-ó, naao yaairaalu, wale ala téti yae,” yalepó. Tétepa, kale whırape atima hapale sókó woutóró Yesu botokó sóró tawalepó.

<sup>51</sup> Atétepa, Yesuné ama fulumu whırapekó whı betané bóe dele sepake sókó sóró, so whımó Talepaae momaratere doasi topo whıné kutó diratere whıné wosęli sęae deralepó.

<sup>52</sup> Tétepa, Yesuné ąpaae duraalu, “Naao ai sepake bulatere be dolomó momó bulae. Ti noatepae, mepaae whı denétamo sepakené whı dupa, ti ai sepakenétei ą mo ti dóló sukunaalo ai ape. <sup>53</sup> Naao kisané-a, yąlo Ayapaae 72,000 *ensel*-rapené ę tao sene wópóló dotonae depa, ama dotonaalomeipóló de? <sup>54</sup> Yąlotamo ai ala depa, ti kale ašemó yaalopóló muló betere fo netéró dokonaalóé?” yalepó.

<sup>55</sup> Atéyale sukamó, Yesuné ai so whıpaae duraalu, “Diaaq kisané ęta, *Gavman* whırapetamo bóe dóló atimané tęteróló kaae tare ala fasó saai, whırape fea ąlisóró fole whı beteparaalu, ę tawóló daai sepakeraperó nópulurapetamo tao diliki yóló wou de? Betere dokę fea diané momatere be tipiné bopéró daaló betere tikimó ę fo yó mótu betepa, diaaq ę tanipó. <sup>56</sup> Ténitei ai yale alarape feata, ti Kótóné ama kóló whırapené ašemó yóló muló betere fo motóró dokonóturaalu dapó,” yalepó. Atétepa, ama yó matere whırapené ą taaróló, atima fea botokó felepó.

#### *Juda fakené Yesu só deraai fo tokótamo yale fo*

*(Mak 14:53-65, Luk 22:54-55, 22:63-71, Jon 18:13-14, 18:19-24)*

<sup>57</sup> Atétepa, mo so whımó Talepaae momaratere doasi topo whı Kaiapasné bemó touróló betó mupa, Yesu

tawale wh̄rapené ą dapesó felepó. Aimó kale Moses-né asere fo yó matere wh̄raperó so wh̄ teteróló kaae tare wh̄ disirapetamo touróló betó molepó. <sup>58</sup> Téyaletēi, Pita ą Yesu fi tikimó nalo taaeta deté furaalu, so wh̄mó Talepaae momaratere doasi topo wh̄iné be bopéro betere tipi tuąpaae doropóló, aimó betó mole diki tare wh̄rapetamo bituraalu, Yesupaae noa alakó eratéro kelaai, kaae tawóló beterepó.

<sup>59</sup> Atéro, so wh̄mó Talepaae momaratere wh̄raperó fo tokótamo yóló taleraterē wh̄rapetamoné kapala so wh̄ dilikóló Yesu sukópóló, só deróló daaire bete kikitu betalepó.

<sup>60-61</sup> Atéro, atimané ą só deraai dapóló kapala fo yaletēi, ai foné ą só deraaire s̄n̄ipa, nalo wh̄ tamó wóló duraalu, “Ai sekénéta, ‘Kótóné ai momaterē be fisikóló sore be demó ama momó t̄yaalopó,’ depa d̄amoné wosalepó,” yalepó.

<sup>62</sup> Tétepa, mo so wh̄mó Talepaae momaratere doasi topo wh̄ turukó holóló Yesupaae duraalu, “Ai wh̄rapené ą só deraterē fo dapa, naao atimapaee fo mekó tokó meniterē-a, noatepa de?” yalepó.

<sup>63</sup> Téyaletēi, Yesu fo tekeni h̄le daalepó. Atépa, kale momaterē be kaae tare topo wh̄iné ąpaae duraalu, “Mo titóro betó tare Kótóné keletómó ąlo ąpaae mo dirii fo i dere ape. ąta mo so wh̄ fea teteróló kaae tanópóló, sóro beteró betere wh̄ Kótóné Naalema Kerisopata, ti mió d̄paaetóro yó ąlae,” depa Yesuné duraalu, “Ēpó. Naao mo dono ai dere ape.

<sup>64</sup> Téretei, ąlo dią feapaae i dere ape. Take nalo waaire be demó, kale Wh̄iné Naalema mo doasi fotokó bole Kótóné turu naasemó betepa kolóo, ó hepen be taaróló s̄ko dolomó sókó wapa kolóo, yaalo ai ape,” yalepó.

<sup>65</sup> Ai fo depa, so wh̄mó Talepaae momaratere doasi topo wh̄iné ama deró betere kuti bis̄ayóló duraalu,

“Kótó faleyóló doka doka ai du betere ape. Ti ama h̄sókó fole ala depa kelalepó yaaire meipapakó kek̄aloé? Ti Kótó faleyóló doka doka dere fota, amatei depa dią feané ai wosale ape. <sup>66</sup> Térapa, diaaq noa kisipa mute?” depa, atimané duraalu, “Ą sinaaitere fo amatei ai dapa sinópóló yae,” yalepó.

<sup>67-68</sup> Téró, atimané ama kele dolomó fes̄a apuróló, naase duné dóo, mepaae wh̄iné ą okolope deké sóo yóló duraalu, “Kótóné so wh̄ teteróló kaae tare wh̄ Keriso-ó, ą Kótóné ama kóló wh̄pata, ti ą dale wh̄ d̄paae yó ąlae,” yalepó.

*Pitané Yesu ą tuęnipó yale fo*  
(*Mak 14:66-72, Luk 22:56-62, Jon 18:15-18, 18:25-27*)

<sup>69</sup> Atéro Pita, ai be bopéro daaló betere tipi bolaa dolomó betepa, kale kutó diraterē so seimale betą ą beterepaae wóló duraalu, “ąkélé u Kaleli wh̄kó Yesutamó betamó kw̄ale wh̄ ai ape,” yalepó.

<sup>70</sup> Ti fo depa, so wh̄ feané keletómó Pitané kale so seimalepaae duraalu, “Naao ai dere fota, noa fo yóló déro ę kisipanipó,” yalepó.

<sup>71</sup> Atéro, kale wh̄ ą ai be bolaaare dopóku t̄ serekepaae sókó durupupa, me so seimalené ą kolóló ai betó mole so wh̄ feapaae duraalu, “I wh̄ ąkélé, Nasaret wh̄kó Yesutamó betamó kutu betale wh̄ ai ape,” yalepó.

<sup>72</sup> Ti fo depa, Pitané kale dere fo kaae Talené keletómó dirii malo yóló duraalu, “Naao ai bopetere wh̄ta ę tuęnipó,” yalepó.

<sup>73</sup> Atéro sawa betale k̄lipaae, aimó daae mole mepaae wh̄rape Pita beterepaae wóló duraalu, “ąta atimatamo kutu betale wh̄ mo h̄ti ai ape. Ti noatepae, naao dere fo nakomené ą mo h̄tipóló h̄keamó yó matapó,” yalepó.

<sup>74</sup> Ai fo depa Pitané duraalu, “ąlo diąpaae mo i dere ape. Ai wh̄ ę mo tuęnipó. ąlo kapala fo depata, ti Talené ę mo doasi kwia melópólópó,”



yalepó. Ai fo deretamotóro wá *kakaruk* bané hale yalepó.

<sup>75</sup> Tétepa, Pitané Yesuné ápaae kale *kakaruk* bané hale yaaipatei, naao ę tuęnipó fo sore félimó yaalopó yale fo kisipa muni walepó. Atétepa, Pita ą belapaae sókó doropóló bituraalu, mo doasi deķęné sini wole du betalepó.

## 27

### *Judas képi węi nale fo*

(*Mak 15:1, Luk 23:1-2, Jon 18:28-32*)

<sup>1</sup> Atéro, so whimó Talepaae momaratero topo whiraperó so whi teteróló kaae tare whi disirapetamo, mo hikatitei Yesu sukópóló daairaalu, fo taleyóló mulalepó.

<sup>2</sup> Atimané ą halika tikiné naase tamo dokóló, kale doasi *Gavman* topo whi Pailat beterepaae dapesó fóló, ama naase tuąmó mulalepó.

<sup>3-4</sup> Atéro, Yesu mepaae whinė dópóló eleké deale whi Judas-né Yesutamo fo tokótamo yóló só deratere ala kolóló, amatei yale alamó dapóló, mo dowi fomaake kisipa mualepó. Atéro duraalu, mo so whimó Talepaae momaratero whiraperó so whi teteróló kaae tare whi disirapetamoné ą melale 30 *silpa kapa moni* u kale whirapepaae momó melaai felepó. Atéro atimapaee duraalu, “Me haşókó fele alakélé inipatei, ą dópóló yało haļetei eleké deale alané ę doasi dowi ala yalepó,” yalepó. Ai fo depa, atimané ápaae duraalu, “Dapaae noa yaró de? Ai alata, naaotei ai yale ape,” yalepó.

<sup>5</sup> Atétepa, Judas-né ama sale *moni* ai kale momatere bepaae fesekée faróló, amatei ą képi węi nalepó.

<sup>6</sup> Atétepa, so whimó Talepaae momaratero topo whirapené kale whiné teraae farale *moni* sóro taru duraalu, “I *monita*, whi daai dupuyaleteipa, Kótópaae matere *monitamo* touraęse yóló fo mulapó,” yalepó. <sup>7</sup> Téro, atima fo taleyóló

duraalu, i *monita* mepaae wale whirape sukutepa दौरaaire tiki, kale doka haené wuti aletua dere whirapené hae dupu yaai dapóló mulalepó. <sup>8</sup> Ai hae tikita, whi dópóló eleké deyalemó, melale *moniné* dupuyaleteiné ai haené doi whiné samea sókó fele haepó, miókélé haļe du betepó. <sup>9-10</sup> Atéyale ala Kótóné kóló whi Jeremaiapaae yó matepa, ama aseýóló muló betere fo motóroti dokonóturaalu yalepó.

“Talené ępaee i ala yae yóló muló betere fo sya furaalu, Israel so whi atimané ą dupu yóló melale 30 *silpa moniné* doka haené wuti aletu betere whirapené hae tiki atimanétei dupu yópóló yae,” fo erapó.

### *Doasi topo whi Pailat-né Yesutamo fo tokótamo yale fo*

(*Mak 15:2-5, Luk 23:3-5, Jon 18:33-38*)

<sup>11</sup> Ai ala haļe du betepa, atimané Yesukélé doasi *Gavman* whiné sóro betero betere topo whi Pailat-né keletómó daapa, ápaae woseturaalu, “Ya Juda so whi teteróló kaae tare doasi topo whié?” depa, Yesuné ápaae duraalu, “Naaotóro mo dono ai dere ape,” yalepó.

<sup>12</sup> Ai fo depa, so whimó Talepaae momaratero topo whiraperó so whi teteróló kaae tare whi disirapetamoné kae kae só deratere fo ápaee depatei, ama me fo tokó menipó.

<sup>13</sup> Tétepa Pailat-né ápaae duraalu, “Atima kae kae forapené ya só derótu betepatei, ya fo tekeni dere-a noatepa de?” yalepó. <sup>14</sup> Ai fo depatei, Yesuné kale Pailat-né dere fo mo sawa tokó matere alakélé inipó. Ai ala kale doasi *Gavman* topo whiné kilituraalu, i whiata atimané dere fo tokó matere alakélé mo dumipóló sira yalepó.

<sup>15</sup> Téro, *Gavman* doasi topo whiné ba fo dokó fea atimané dua dere ala sya furaalu, ęla detere sukamó so whi touróló, atimané kisipa mole *dipula* betero betere whiķó

betą hąle fǒpóló dotęyae depa, ti ai whítóro dotonótua dapó. <sup>16</sup> Atéyale sukamó, dowi ala du betere doi mole whı̄ Barabas *dipula* betero beterepó. <sup>17</sup> So whı̄ fea atéro wóló touró betepa, Pailat-né atimapaee woseturaalu, “Diaaę kisipané-a, mé whı̄ *dipula* sokóló hąle fǒpóló kisipa mute? Barabas dotęyarópé, so whı̄ feané Kerisopó du betere whı̄ Yesu dotęyaró de?” yalepó. <sup>18</sup> Ti noatepa meipó. Kale Juda so whı̄ tęteróló kaae tare whı̄rapené so whı̄ feané Yesuné doi hale sóro horóló, dukirateremó atima dowi kisipa muturaalu, atimané ą daai kale Pailat-né ą beterepaae dapesó weirapóló kisipa mualepó.

<sup>19</sup> Atéro, kale Pailat ą so whıtamo fo tokótamo yaai bituaterere tikimó betepa, ama somané fo yó fótu duraalu, “Yąlo mió mo dowi noke yaleteiné ę doasi sekę yalepa, ai dowi ala mo betąkélé munire whı̄paae me ala momókó eraęse,” yalepó.

<sup>20</sup> Téyaletei, so whımó Talepaae momaraterere topo whı̄raperó whı̄ disirapetamoné so whı̄paae duraalu, “Barabas ipaae wǒpóló dotonóturaalu, Yesu sinǒpóló oleróló dae yae,” yóló, so whı̄ feapaae sesemeraterere fo du betalepó.

<sup>21</sup> Tétepa, kale *Gavman* whı̄né sóro betero betere doasi topo whı̄né woseturaalu, “I whı̄ tamokó mé whı̄ dią beterepaae wǒpóló sokóló dotonaróé?” depa, atimané duraalu, “Barabas wǒpóló dotonae!” yalepó.

<sup>22</sup> Tétepa, kale Pailat-né so whı̄paae woseturaalu, “So whı̄ feané Kerisopó du betere whı̄ Yesu neyąroé?” yóló wosetepa, aimó daae mole so whı̄ feané duraalu, “Aąta, filipaa ni tómó olorae!” yalepó.

<sup>23</sup> Ai fo depa, Pailat-né atimapaee duraalu, “Ai whı̄ta me dowi alakélé inipatei, hąle noatepa daró de?” depa, atimané fo mo ti fakeyóló duraalu, “Aą filipaare ni tómó olorae!” yalepó.

<sup>24</sup> Tétepa, ai yó mole so whı̄ atimané kisipa mutere ala eraęsóro, Pailat-né seséyalemókélé mo sını, so whı̄né doasi foya yaaitere ala kolóló, so whı̄ feané keletómó weı̄né ama naase fukutu duraalu, “I whı̄ delemó Kótóné matere kwiata, yąlo saalomeitei, diaaętóro saalopó. Atéro sókó fatere samea yąlo naasemó yaęsóro, i fokotapa kelere?” yalepó.

<sup>25</sup> Ai fo depa, so whı̄ feané duraalu, “Ai whı̄ dele kwiata, Kótóné dąró dąné naale senaaletamopaae melǒpólópó,” yalepó.

<sup>26</sup> Téro, so whı̄ atimané Pailat-paae dotonae yale whı̄ Barabas hąle fǒpóló dotonóturaalu, mepaae diki tare whı̄rapené Yesu fokosói alapi yóló, nalo filipaa ni tómó oleróló daai dapesó fae yóló melalepó.

*Diki tare whı̄rapené Yesu faleyale fo*  
(Mak 15:16-20, Jon 19:2-3)

<sup>27</sup> Atéro, kale *Gavman* whı̄né sóro betero betere topo whı̄né ama diki tare whı̄rape betere tiki wisinaale Pretorium-paae Yesu duwóló sóro felepó. Téyalemó, diki tare whı̄rape feané ą boperóló daane walepó. <sup>28-29</sup> Téro, atimané ama deró betere kuti sokóló betą sonaai kuti deralepó. Atéro, mu daai képinétei doasi topo whı̄né deraterere topo taopóló bopeyóló, ama topomó deralepó. Téro, atimané betą dotó tiki ama turu naasemó taróló, ą daalemó bukutiri tęane doropóló duraalu, “Juda so whı̄né topo whı̄ó!” yóló faleyóló doka doka du betalepó. <sup>30</sup> Atéro atimané ą fesąa apuróló, kale dotó tiki momó fasó sóro, ama topomó momó du momó du betalepó. <sup>31</sup> Atéro, atimané ą doka doka du betero, sonaai kuti sókó sóro ama kuti momó deralepó. Téro, ą filipaa ni tómó olorai dapesó felepó.

*Yesu filipaa ni tómó sukqle fo  
(Mak 15:21-32, Luk 23:26-43, Jon  
19:17-27)*

<sup>32</sup> Atéro dapesó fu beteremó, Sairin be hulua whikó Saimon a tumó hokolaa depa, a fasóló ai filipaa ni apane naaomo beleyae! yóló seyalépó. <sup>33</sup> Atéro, atima betá hae doi Kolkotamó sókó walepó. Ai fo feteyóló whiné topo diri mole tikipó. <sup>34</sup> Aimó atimané Yesumó betá hakesai weiró mo *wain* weitamó hosekéróló tepeyaletei melalemó néni hóyalépó. <sup>35</sup> Atéro atimané a filipaa ni tómó oleróló, kilipaae ama kuti saairaalu atimané ni kukwia teraae horóló mé whiné ni kukwia mo donotóro muni dorowapa, ti ai whinétóro sua yalepó. <sup>36</sup> Atéro, a teó sukutu betepa, kale diki tare whirape atima kaae tawóló betó molepó. <sup>37</sup> A oleró betere ni topomó i betené dalepóló aseýóló oleralepó. Ai aseýóló olerale fo i ape.

JUDA SO WHI TETERÓLÓ KAAE TARE  
TOPO WHI YESU I APE

<sup>38</sup> Kale qlémi nuku betale whi tamokélé atamo betamó, me whi ama turu naase deró nimó oleróo, me whi fè naase deró me nimó oleróo yalepó. <sup>39-40</sup> Mepaae ai tumó fua wuaterere so whi atimané folópu kelepéyóló faleýóló doka doka duraalu, “Yata kale momatere be fisikóló, sore be demó momó teyaalopó du betale whipa, naaotei ya tao sae. Yatamo Kótóné Naalemapata, ti ai filipaa ni taaróló dere ape,” du betalepó.

<sup>41</sup> Atéro kale dere kaae, mo so whimó Talepaae momaraterere topo whirapenékélé, Moses-né asere fo yó matere whirapenékélé, mepaae whi disirapenékélé, faleýóló doka doka duraalu, <sup>42</sup> “Mepaae whirape sukaqsóro ama tao sua yaleteti, a sinaqsóro amatei tao sinitupó. Ti ata, Israel fake so whiné doasi topo whi ereteiné filipaa ni taaróló dorowapa, ti da apane kisipa tiki tiraalopó. <sup>43</sup> Ama duraalutamo,

a Kótóné Naalemapóló kisipa tiki tirateremó, Kótóné a tao saai kisipa mutepa, ti tao sópóló yae,” yalepó. <sup>44</sup> Yesutamo kale betamó olerale qlémi nuku betale whi tamonékélé u whirapené dere kaae, a faleýóló doka doka dere forape dekéro du betalepó.

*Yesu sukqle ala  
(Mak 15:33-41, Luk 23:44-49, Jon  
19:28-30)*

<sup>45</sup> Téro suka tuamó 12 kilok sukakelemó kaae sóro fóló, be kuluka derepaae 3-kilok-mó hae kwia mo fea dikiyalepó. <sup>46</sup> Atéro be kuluka 3-kilok seretamo, Yesuné doasi fo fakeýóló duraalu, “*Eloi, Eloi, lama sabakatani,*” ai fo feteyóló, “*E teteróló kaae tare Kótó-ó, E teteróló kaae tare Kótó-ó, e yalo wotoró beterópóló noatepa taaróló feleé?*” yalepó.

<sup>47</sup> Ti fo depa, mepaae aimó daae mole so whirapené ama ai dere fo wosóló duraalu, “Ama Elaijapaae ape yóló ai dere ape,” yalepó.

<sup>48</sup> Tétepa, atimakó whi betá mo hapale sururu yóló fóló, kale wépi kaae qla sóro séli kelaa kaae ere moi *wain* wépi kale wépi kaae qlamó tópuró sóro, kapemó haka sóro Yesu nópóló melai sóro felepó. <sup>49</sup> Téyaleteti, mepaae whirapené duraalu, “*Ilaija wóló tao sene walémóló kelaalopa, atéro olerópóló taalae,*” yalepó.

<sup>50</sup> Atéro, Yesuné ama kepe bete sókó furaalu, kale dere kaae doasi fo fake yóló a sinalepó.

<sup>51</sup> Atéteretamotóro kale momatere be sataleróló oleró betere kuti oté kaae sóro tereketé doropóló, a salepaae sókó deralepó. Téturaalu, doasi bao yale tikimó kaporapekélé terekeyóló felepó. <sup>52</sup> Atéturaalu, whi dourale tikikélé turukwé fóló, mo take Kótóné ama kae sóro beterale so whi sukutepa douraletei, dou taaróló momó kepaayóló fua yalepó. <sup>53</sup> Yesu atéro kepaayóló fi kilipaae, ai kale kepaayale so whirape mepaae so whiné kolópóló, Kótóné ama kae

tẹnó betere Jerusalem be huluapaae yó male felepó.

<sup>54</sup> Atétepa, kale diki tare wh̄irapené topo wh̄iró Yesu me ala yaqsóró, kaae tare diki tare wh̄irapetamoné doasi bao dere alaró mepaae kae kae dere alarapetamo kolóló, atima fea winé sukóló diri furu furu yóló duraalu, “Haió! i wh̄ita, Kótóné Naalematóró mo h̄itipó,” yalepó. <sup>55</sup> Téró, Yesu ̄ mepaae ̄la ̄la yāȳtepa tao sóró mótua yale sorape, Kaleli hae kwia taaróló wóló, Yesupaae eratere ala kelaai mo tumó daae mulu, kese faló beterepó. <sup>56</sup> Atima ai sorape kuamó Maktala be hulua sokó Mariakélé, Jems-ró Josis-tamoné hama Mariakélé, Sebediné naalema tamoné hamakélé, atima atéro daae molepó.

*Yesu dourale ala*  
(Mak 15:42-47, Luk 23:50-55, Jon 19:38-42)

<sup>57</sup> Be mo felekemó dikiyaaai dere-tamo, bet̄ Arimatea be wh̄ikó néli wh̄i Josep walepó. Ai wh̄i ̄kélé Yesuné yó matere wh̄i betalepó. <sup>58</sup> Kale sekéné Yesuné tiki saai dapóló, kale topo wh̄i Pailat-paae wosene felemó, Pailat-né ama diki tare wh̄irapepaae duraalu, “I sekéné Yesuné tiki ama sóró faaipó dapa, sóró f̄póló melae,” yalepó. <sup>59-60</sup> Atéro matepa mo d̄ tekée fi *linen* kuti wisinaalené Yesuné tiki bopeyóló só fóló, mepaae suk̄ale wh̄i dourénire kane dolomó Yesuné tiki mulalepó. Téró kale dou t̄ kinaai aleyóló mulale kane fake biliraté fóló kinóló ̄ felepó. Ti ai kane dolota, kale wh̄i Josep ̄ sukutepa dourópóló, aleyóló muló betere tikipó. <sup>61</sup> Atétepa, kale Maktala be hulua sokó Mariaró ama yakoma Mariatamo ai kale wh̄i douró betere tiki kese faróló beterepó.

*Yesuné tiki me ala yaqsóró diki tare wh̄irapené kaae tare ala*

<sup>62-63</sup> Atéyale sisópaae dótóró s̄a nóló betaairaalu, ̄la ̄la taleyóló mulóló, be d̄tepa i ala yalepó.

Kale moma dere be kaae tare topo wh̄iraperó Farisi wh̄irapetamo Pailat beterepaae fóló duraalu, “Doa wh̄i-ó, ai kale so wh̄i dilikité kutu betale wh̄i ̄ suk̄ai bitu be d̄ sore kemetepa, ̄ momó kepaayóló betaalopó depa, d̄ané wosalepó. <sup>64</sup> Atéro ai kale suk̄ale wh̄iné ama yó matere wh̄irapené ama tiki ̄lémi sóró fóló, mo wh̄ipaae ̄ momó kepaayóló beterapó deté kuturaalu, so wh̄i dilik̄aalo ai ape. Atéro dilikitere alané ama take folosóró so wh̄i dilik̄aletei teraae faalopó. Téyaqsórópa, naao diki tare wh̄irapené ai kale wh̄i dourale tiki be d̄ soremó mo wisiyóló kaae tawópóló yae,” yalepó.

<sup>65</sup> Ai fo depa, Pailat-né so wh̄i t̄teróló kaae tare wh̄irapepaae duraalu, “Wh̄i douró betere tiki mo wisiyóló kaae tawópóló, mepaae diki tare wh̄irape dapesó fóló, etéro kaae tawae yóló yó melae,” yalepó.

<sup>66</sup> Atétepa atima fóló, kale wh̄i dou mené tuk̄yalemóló kelaai t̄ kinaale kane fakeró h̄ale daale kane kwiatamo meke eróló, tuamó siri mulóló diki tare wh̄irapepaae kaae tawae yóló sóró daalalepó.

## 28

*Yesu kepaayóló fele fo*  
(Mak 16:1-10, Luk 24:1-10, Jon 20:1-18)

<sup>1</sup> Téró kale s̄a naai tukóló mulale suka kemeyóló *fula* kaae sere be d̄emó mo h̄ikatitei, Maktala be hulua so Mariaró yakoma Mariatamo kale wh̄i dou kelaai felepó.

<sup>2</sup> Atéro, kale so tamo dou tópaee sókó faai teó fu betepatei, bet̄ *ensel* hepen bemó dorowóló, dou kinó betere kane fake tukw̄ faróló ̄ tómó beterepó. Ai kane fake tukw̄ falateremó, mo doakale bao yalepó.

<sup>3</sup> Ama tiki mo epée d̄ kaae iruraalu, ama deró betere kutikélé mo d̄ tekée fapa kelalepó. <sup>4</sup> Ai dou kaae tawóló betó mole diki tare wh̄irapené ̄ kolóló, winé sukóló



diri furu furu duraalu, sukóló mole wh̄irape aqyóló haemó deraapisa fóló molepó.

<sup>5</sup> Téro kale so tamo sókó wapa, kale *ensel*-né atimaamopaae duraalu, “Diaamo wiyaqse. Diaamota, filipaa nimó dale wh̄i Yesu keḷe waleteti yaḷo tuḷrapó. <sup>6</sup> Ti ḷta imó muni, ḷ mulale tiki haḷerapa kelaai ape. Ti take ama yale fotóró dokonóló, ḷ kepaayóló falapó. <sup>7</sup> Atérapa, diaamo hapale fóló, ama yó matere wh̄irapepaae i fo yae. ḷ mo ti sukḷetei kepaayóló, diḷ nalo wópóló ḷpi Kaleli haepaae furaalu, ḷtamo aimó hokolaa yóló kelaalopa, ape yale fo yaḷo diaamopaae i dere ape,” yalepó.

<sup>8</sup> Atétepa, kale so tamo wirutei mo haḷtamo wh̄i dou taaróló, ama yó matere wh̄irapepaae yaai dapóló sururuyóló felepó. <sup>9</sup> Atéro fu betepa, Yesu hapale sókó wóló daalu kḷleó yalepó. Atétepa, atimaamo ḷ daalepaae fóló, ama hómó apuó taru Tale-ó du betalepó. <sup>10</sup> Atétu betepa, Yesuné atimaamopaae duraalu, “Wiyaqse! Diaamo fóló, yaḷo norapepaae diaaq ḷ u Kaleli haemó kelaasepóló ape yalepó, yaai fae,” yalepó.

*Diki tare wh̄irapené i ala ke-lalepóló yale fo*

<sup>11</sup> Téro ai kale so tamo fu betepatei, kale mepaae dou kaae tawóló betale diki tare wh̄irape atima momatere be kaae tare topo wh̄irape beterepaae fóló, atimané kelale alarape fea yó melalepó. <sup>12</sup> Ti fo depa, mo so wh̄imó Talepaae momatere topo wh̄iraperó mepaae so wh̄i tḷteróló kaae tare wh̄i disirapetamo betḷpaae touróló bitu, i ala yaalopóló taleyóló mulalepó. <sup>13</sup> Atéro fo deyóló, kale diki tare wh̄irape atimané kelale ala mo so wh̄ipaae yaq́sóró fo mulótu duraalu, “Mené diḷpaae noa ala yaleé depa i fo yae, ‘Dḷ firepaae Yesuné ama yó matere wh̄irape wóló, ama tiki ḷlémi sóró falapó yae,’” yóló

doasi *moniné* dupuyalepó. <sup>14</sup> Atéro duraalu, “*Gavman* topo wh̄iné i dere fo wosetepa, diḷtamo doasi fopaae buóló me ala eraq́sóró diḷ seséturaalu, dḷnétei ama kisipa tiki feléraalopó,” yalepó. <sup>15</sup> Téro, kale diki tare wh̄irape doasi *moni* sóró furaalu, atimapaae yae yale fotóróti deté kweyalepó. Atéro dere fo so wh̄i feané wosóló, fakerale fo mió i alimó betó mole Juda so wh̄inékélé wosóló mo kisiparapó.

*Yesuné ama yó matere wh̄irapepaae yale fo*

*(Mak 16:14-18, Luk 24:36-49, Jon 20:19-23)*

<sup>16</sup> Téro Yesu ḷ sukḷai bitu, ama yó matepa wosetere 11 wh̄irapepaae, ḷtamo Kaleli haemó daale hasi fosómó hokolaa yaalopó, yale fo tuḷru atima felepó. <sup>17</sup> Atéro fóló, aimó atimané ḷ kolóló, hemée deyóló betó mulu Tale-ó du betalepó. Tétu betaleteti, mepaae wh̄irapené Yesu ḷ h̄iti yale molóppóló, kisipa tamo mutu beterepó. <sup>18-19</sup> Tétepa, Yesu ḷ atima betere felekepaae fóló duraalu, “Ó hepen bemókélé i haemókélé ere ala fea yaḷo tḷteróló kaae tanóppóló, Kótóné ḷ sóró beteró beterapó. Térapa, diḷ i hae kwiamó betóló fale so wh̄i beterepaae fóló, atimakélé yaḷo yó matepa wosetere so wh̄i beteróppóló, yó maté kweyae. Atéturaalu Alima, Naalema, Deḷi Kepe Wisi, dḷné betḷ doimó wḷi tópurótua yae. <sup>20</sup> Tétu, yaḷo diḷpaae yae yóló mulale ala fea, atimanékélé wosóló sya fópóló yó mótu betae. Yaḷo diḷ taaróló feni, dḷ fea betḷmó bitiré fóló, kemene fole alimó sókó faalopóló i yóló mulatere ape,” yalepó.

## Mark

*Jon-né Yesu waaire tų alerale fo  
(Mat 3:1-12, Luk 3:1-9, 3:15-17, Jon  
1:19-28)*

<sup>1</sup> Kótóné Naalema Yesu Kerisoné kisi fo wisi etéro kaae sirapó.

<sup>2</sup> Mo take Kótóné ama fo er- atere kóló whį Aisaiané aseýóló muló betere fo i ape.

“Yálo fo erále fae yóló dotonaterere whį yá waaire tumó aþi folosóro fópóló, yálo dotęyaalo ai ape.

Ai sekénéta, yá waaire tų aleóló donoraalopó.

<sup>3</sup> I whį áta, so whįkélé bitinire kópu káae fi tikimó sókó wóló daalu, fo fake yóló i fo yaalo ai ape.

‘Tale waaire tų donoróló aleyae,’” erapó.

<sup>4</sup> Atéyale fo dokonóturaalu, betá whį Jon walepó. Áta so whįkélé bitini kópu káae fi tikimó sókó wóló duraalu, “Mepaae so whį de atimané yale dowi ala taaróló, tuę tiki feteyóló walemó weį tópuratepa, ti Kótóné diaaę dowi ala kwia tokóló aluraalopó,” du betalepó. <sup>5</sup> Atétere fo woseturaalu, Judia hae kwiamó betó mole so whįró Jerusalem bemó betó mole so whįtamo á beterepaae wóló, atimané yale dowi alarape fea hákeamó yó matepa, Jon-né atima Jordan weįmó tópurótua yalepó. <sup>6</sup> Jon-né ama bukutua yale kutita, ti kale *kamel* hupu nikiné dokóló moletei bukutua yóo, ama tokélé hupu sekaęné aleyaletei sua yóo, yalepó. Ama nukua yale ęla ti ero nusuró meke weįtamopó.

<sup>7</sup> Atéro ama atimapaae duraalu, “Ęta folosóro wale whį i ape. Nalo yálo kįlipaae, ti mo doa fotokę bole sekę whį waalo ai ape. Ai sekę áta ę kaae mei, mo doasi sekę whį betepa, ę á aęmó belekąamale naale kaae beteropó. Téru, ama hó bené képi yálo teraayaairetei mo

sųnipó. <sup>8</sup> Yálotá, diá hále weį maaté tópurótu beteretei, amata diá Dęi Kepe Wisitamo tóapuraalo ai ape,” yalepó.

*Yesu weį tópurale alaró sų sale  
alatamo  
(Mat 3:13-17, Luk 3:21-22)*

<sup>9</sup> Atéyale sukamó, Yesu á Kaleli hae kwiamó tęne Nasaret be taaróló wapa, Jon-né á Jordan weįmó tópuralepó. <sup>10</sup> Téró, Yesu á weį tópuróló hae taopaae hutu betepa, Jon-né ó sápaae kese horalemó hepen, be tų kuti tekée fu dere kaae yóló, Dęi Kepe Wisi ba hękósere kaae Yesuné ama tikimó bitį dorowapa kelalepó. <sup>11</sup> Atéro betepa ó sámó fo tekerótu duraalu, “Yáta, yálo mo yaala sókó fóló, hosaa mole Naalepó. Naaó dere ala fea mo wisi alatóro dereteiné ę mo doasi hájne sukutapó,” yalepó.

<sup>12</sup> Téyalemó mo ai fapotóróti, kale Dęi Kepe Wisiné Yesu so whįkélé bitini, kópu káae fi tikipaae seýóló falalepó. <sup>13</sup> Yesu á atéro fóló betepa, be dę whį siki tamo kemeyalepó. Atépa, Yesu á dée nópóló Satan- né ápaae kae kae sų sere alarape erótu betalepó. Á aimó syaae ęlatamo betepa, me ala yaęsóro Kótóné ama *ensel*-rape dorowóló, Yesu tao salepó.

*Yesuné ama yó matere whįrape á  
sya ape yale fo*

*(Mat 4:12-22, Luk 5:1-11)*

<sup>14</sup> Jon *dipula* beterale kįlipaae, Yesu á Kaleli hae kwiapaae sókó wóló, Kótóné ama kisi fo wisi so whį feapaae yó mótu betalepó. <sup>15</sup> Atéro yó mótu duraalu, “Talené eraaire ala ama kóló whįrapené deté wale fo mió i dokonaterere ape. Téturaalu, Kótóné tęteróló kaae tare alakélé mió sókó wóló i mole ape. Térapa di- aaę du betere dowi ala taaróló, tuę tiki feteyóló kale kisi fo wisi wosóló, kisipa tiró betae,” du betalepó.

<sup>16</sup> Atéro, Yesu á ai Kaleli weį fóku sesekę hutu bituraalu kelalemó, Saimon-ró noma Andrutamo háleke

wané ya su beterepó. Atimaamota, suka fea ya siré kotere whi tamopó. <sup>17</sup> Atétu betepa, Yesuné atimaamopaae duraalu, “Diaamo ai ya siré koteretei taaróló, ę sya ape. Ti noatepa mei diaamoné ai ya su dere kaae so whikélé siré kweyaasepóló, yało diaamo sóró beteraalopa ape,” yalepó. <sup>18</sup> Ama ai fo deretamotóro atimaamoné kale ya siré kotere hęleke wa taaróló, Yesu sya felepó.

<sup>19</sup> Atéro ę sawa fóló, kale dere kaae Sebedi naalema Jems-ró noma Jon-tamo nukumó bituraalu, hęleke warape turukó feletei wisi wisiyóló nomotu betepa kelalepó. <sup>20</sup> Atétu betepa, mo ai fapotóroti Yesuné atimaamopaae duraalu, “Diaamo ę sya ape,” yalepó. Tétepa, atimaamoné alima Sebediró ama kutó diratere whirapetamo nukumó betepatei taaróló, atimaamo Yesu sya felepó.

*Yesuné dowi kepe hękonale fo  
(Luk 4:31-37)*

<sup>21</sup> Atéro, atima fea touyóló Kape-neam bemó sókó fóló, ai bemó kale sa nópóló tukóló muló betere sukamó atimané fo wosetere be dolopaae fóló, Yesuné fo yó melaa kaae salepó. <sup>22</sup> Téro, ai kale so whiné ama yó matere fo wosóló duraalu, “I sekéné yó matere fota, doasi kisipare whirapené dere fo kaae dapóló, siratu betalepó. Kale Mosesné asęre fo yó matere whirapené dępaae atéro yó mótumipó,” du betalepó. <sup>23-24</sup> Atétu betaalemó, mo ai fapotóroti kale ai fo wosetere be dolomó betę dowi kepe tepeyóló betere whiné fo fakeyóló duraalu, “Nasaret be whikó Yesu-ó, nao dęmopaae noa alakó eraai waleé? Dęmo noatepa dóló aluraai waleé? Yaąa, dowi ala mo betękélé munire whi wisinaale betepa, Kótóné sóró kae betero betereitei, yało mo kisi-parapó,” yalepó.

<sup>25</sup> Tétepa, Yesuné kale dowi kepe foné sóró duraalu, “Fo taaróló, whi tuęmó betereitei sókó fae,” yalepó. <sup>26</sup> Ai fo deremó, kale dowi kepe sókó

faairaalu, kale whi tao sóró feseróló fo fakeyóló keterętamo sókó felepó. <sup>27</sup> Atéteremó, kale so whi atimasisitei u wosene i wosene yóló duraalu, “Ita, noa ala yalerópó. Ama i yó matere kisi fota, mo doasi topo whirapené dere fo kaae dapó. Dowi keperapenekélé, mo whiné dere kaae, ę aęmó sukóló bituraalu, ama yae dere ala motóro dapóló,” siratu betalepó. <sup>28</sup> Atétere ala so whi mo feané kolóló, Yesuné i ala du beterepóló kulu kulu só kotepa, Kaleli hae kwiamó betó mole so whi feané wosalepó.

*Yesuné kisi daae mole so whi wisirale fo*

*(Mat 8:14-17, Luk 4:38-41)*

<sup>29</sup> Atima fo wosetere be taaróló furaalu, Jems-ró Jon-tamokélé dape sóró Saimon-ró noma Andru-tamoné bepaae felepó. <sup>30</sup> Atéro fóló beterepó, kale Saimon somané hamasere tiki supu kisiné sukóló mupa, Yesupaae yalepó. <sup>31</sup> Tétepa, Yesu kale so kisi dalóló molepaae fóló, ama naasemó tao sóró turukó horalemó, kale soné tiki supu du betaletei tukóló, atimamó ęla kaae sóró biliralepó.

<sup>32</sup> Atéyale sukamó, suka doropóló be hoteretamo, mepaae kisi daae mole so whiro dowi kepe tepeyóló betó mole so whitamo, Yesu beterepaae dapesó wóló betereęleta dua yalepó. <sup>33</sup> Ai be hulua feamó betó mole so whi wóló, Yesu betere be tu sókó walemó touróló betó molepó. <sup>34</sup> Atéro betó mupa, mepaae kae kae hepo daae mole so whikélé wisirótua yóo, so whi tuęmó tepeyóló betere dowi keperapekélé hękonóló sókó fatua yóo, yalepó. Kale dowi keperapené Yesu ę atei kaae whipóló tuęreteiné mo so whipaae fo yaęsóró Yesuné ama sesęyalepó.

*Yesu ama wotoró bitu momayale fo*

*(Luk 4:42-44)*

<sup>35</sup> Téro, Yesu ę be dęyaa du betere-tamotei turukó holóló ai be taaróló,

so whikélé mei tikipaae fóló, momatu betalepó. <sup>36</sup> Yesu atéro momatu betepa, Saimon-ró ama fulumu whirapetamoné  kikitu betalepó. <sup>37</sup> Téro, atimané  kekóló keletepa paae duraalu, “Tale-ó, so whi feané ya mopaae felerópóló kikitu beterapó,” yalepó.

<sup>38</sup> Ai fo depa ama atimapaae tokó mótu duraalu, “Da i be taaróló, felekemó tē mole berapepaae kale fo wisi yó melaai faalopa fiépe. Ti noatepae, ęta ai kutó diyaairaaalu i wóló betere ape,” yalepó. <sup>39</sup> Téro,  ai Kaleli hae kwia tuámó tē mole fo wosetere berapemó, kale fo wisi yó melaté kuturaalu dowi keperapekélé dóló hōkonótua yalepó.

*Dowi humu fuluné tiki dore whi wisirale fo*

*(Mat 8:1-4, Luk 5:12-16)*

<sup>40</sup> Atéro dowi humu fuluné tiki dore whi bet Yesu beterepaae wóló, bukutiri teró bitu i fo yalepó. “Yesu-ó, naaotamo ę wisiraaí kisipa mutepa, ti wisiraasepólópó,” yalepó.

<sup>41</sup> Ai fo depa Yesuné kale whi kelalemó, kōlené sukutu ama tikimó naase mulóló duraalu, “Ylo ya wisiraaí kisipa mutepa, wisi yae,” yalepó. <sup>42</sup> Ai fapotoró kale whi dowi humu fuluné tiki doretei mo ti wisiyalepó. <sup>43-44</sup> Atéro, Yesuné kale whi dotonaaí mo dirii fo yóló duraalu, “Ylo naao tiki wisiralepó fo mo so whipaae momókó deté kwęyaęse. Ya fóló, Kótópaae momatere be kaae tare whirapepaae maaté naao tiki wisiraletei yó melae. Téro, whiné tiki wisirateremó, mo take Moses-né melae yóló ere la male fae. Ti noatepae, ai whirapené naao tiki kilituraalu, ita Talené erapó yópóló, yó melaai fae,” yóló dotonalepó. <sup>45</sup> Yesuné kale sekępaae ai fo yaletei taaróló, ama tiki wisirale fo so whi feapaae hkeamó yó melaté kwęyalepó. Atéyale tikimó, Yesu  so whi betó mole kuamó konénipa, so whi bitinire tikipaae bitį fua yalepó. Atétua yalemókélé,

kae kae tikimó betó mole so whi mo hle la kaae  beterepaae wuatóró yó tarepó.

## 2

*Yesuné tiki sukóló damui whi wisirale fo*

*(Mat 9:1-8, Luk 5:17-26)*

<sup>1</sup> Téro nalo me sukamó, Yesu  momó Kapeneam bepaae wóló berteremó, so whi mo feané Yesu ama bemó wóló berterapó dere fo wosalepó. <sup>2</sup> Ai fo woseturaalu so whi dekéro wale tikimó, be dolokélé, tų sókó walekélé, so whi daayaaire tē munipó. Atépa, atimapaae ama kale fo wisi hkeamó yó mótu betalepó. <sup>3</sup> Yesu  atéro yó mótu betepa, mepaae douró whirapené bet tiki damui whi Yesu beterepaae beleylóló walepó. <sup>4</sup> Téyaletei, so whi mo fanuraalu kale whirape atima whi sóró faaire tē munipa, siki bepaae holóló, Yesu daale mo donotoróti kale siki be keya dolo sokóló tiki damui whi beseķetamo turó deralepó. <sup>5</sup> Atétepa, Yesuné ai kale douró whirapené kisipa tiki tiratere ala kolóló, kale tiki damui whipaae duraalu, “Ti naale-ó, naao yale dowi ala kwia fea mió ylo tokóló aluratapó,” yalepó.

<sup>6</sup> Yesuné ai fo depa, kale Moses-né asęre fo yó melatere whirape atima tuę tekitu betalepó. <sup>7</sup> “I whi ta, Kótó kaaepó du betere foné Kótó faletu berterapó. Ti dowi ala kwiata, Kótóné bet sųmó aluranérapó,” du betalepó.

<sup>8</sup> Atima atéro mutu betere tuę tiki Yesuné kisipanétei mo hapale kolóló, atimapaae duraalu, “I kale yale fomó di noatepa atei kaae tuę mutu bitu de? <sup>9</sup> Ti disisitei taleyae. Mepaae whiné duraalu, naao dowi ala kwia ylo aluratapó fo so whi feané enérepé, ya turukó holóló naao beseķę sóró fae, fo enére? <sup>10-11</sup> Téretei, i haemó betóló fale so whiné dere dowi ala tokóló aluraaire



fotokọ Whịné Naalemané sụmó bu-lapóló, so whị feané tuę yópóló i dapa, ya turukó holóló naao beseke sóró bepaae fae,” yalepó. <sup>12</sup> Mo ai fapotóróti, kale whị atima feané keletómó turukó holóló, ama beseke sóró felepó. Atétere ala kolóló, so whị feané sirayóló, atima Kótóné doi hale sóró horótu duraalu, “Mo take bitiré wale alimókélé, ɗané etei kaae ala mo kolókélé inipó,” yalepó.

*Lipaipaae ą sya ape yale fo  
(Mat 9:9-13, Luk 5:27-32)*

<sup>13</sup> Téro etéyalepó. Yesu ą momó wẹi fókumó fóló beteremó, so whị mo dekéro ą beterepaae wóló betó molepó. Atépa, fò kaae sóró yó melalepó. <sup>14</sup> Atétu beteró, tųmó furaalu kelalemó, Alpias-né naalema Lipai ą *takis moni* saairaalu kapala tşne furu bemó betepa, ąpaae duraalu, “Ya ę sya ape,” depa, kale whị ą turukó holóló Yesu sya felepó.

<sup>15</sup> Atéro Yesu ą Lipainé bemó ọla naai fóló beteremó, mepaae *takis moni* sere whịrapekélé, dowi ala dere whịrapekélé, Yesuné ama yó matere whịrapekélé, ama dere fo wosóló ą sya fu betere so whịkélé, fea ọla nuku betalepó. <sup>16</sup> Atépa, Farisi whịraperó mepaae Moses-né asşere fo yó melatere whịrapetamoné Yesu ą dowi ala dere whịraperó *takis moni* sere whịrapetamo betámó ọla nuku betepa kelalepó. Atépa, Yesuné yó matere whịrapepaae woseturaalu, “A *takis moni* siré kotere whịraperó dowi ala dere whịrapetamotei noatepa ọla betámó nuku bitu dérópó,” yalepó.

<sup>17</sup> Atéro dere fo Yesuné wosóló atimapaee duraalu, “Hepo daani hąle sesşere so whị *dokta* beterepaae fumitei, hepo daale so whịró tiki dore so whịtamo maaté fua dapó. Atétere kaae, ę wale alata wisi ala dere so whịpaae ape yaai anitei, dowi ala dere so whịpaae ape yaai walepó,” yalepó.

*Ọla weteremó Yesupaae wosale fo  
(Mat 9:14-17, Luk 5:33-39)*

<sup>18</sup> Téro, Jon-né yó matere whịraperó Farisi whịrapetamo atima ai sukamó ọla weyóló hąle beterepó. Tépa, mepaae so whị Yesu beterepaae wóló ąpaae woseturaalu, “Jon-né yó matere whịraperó Farisi whịné yó matere whịrapetamo ọla weyóló bitu dere kaae, Naao yó matere whịrapekélé ọla weóló bitini dere noatepa de?” yalepó.

<sup>19</sup> Tétepa, Yesuné atimapaee tokó mótu duraalu, “Kale nomarape atima so dokore whịtamo betámó bituraalu, ọla weyóló hąle be-taaló? So dokore whịkélé atima fea betámó betereiteiné ọla weyóló hąle betenénipó. <sup>20</sup> Téretei, me sukamó kale so dokore whị atima betámó betepatei, mené ą tawóló só fole sukamó, atima ọla weyóló hąle betó muaalopó.

<sup>21</sup> Mepaae whịné kisi kuti kwia sóró derąakele kuti dakoróló nomotumipó. Atétepa, ti kale kisi kuti feş sókó fóló kóputuraalu, derąakele kuti dotouyó sóró, mo ti bisąae faalopó. <sup>22</sup> Atétere kaae, mepaae whịrapené kale kęlaa wale kisi *wain* wẹi hupu sekaşné aleyale arói wutimó tepetumipó. Até enalemó, kale wẹi mómu sókó faai tóputuraalu, ai kale hupu sekaşné aleyale arói wutikélé fulukó fóló, wẹikélé hąle be-sekéraalopó. Até yaşsóró, atimané kisi *wain* wẹi tepeturaalu, ti hupu sekaşné aleyale kisi wutimótóro tepetua dapó,” yalepó.

*Yesu ąta şąa nokole be deş Talepó  
(Mat 12:1-14, Luk 6:1-11)*

<sup>23</sup> Téro etéyalepó. Şąa nópóló tukóló muló betere sukamó, ą ama yó matere whịrapetamo *whit* kutó tuşámó kutu betalepó. Atéro kutu bituraalu, ama yó matere whịrapené ai kutómó ere *whit* bokóló nukulé fu betalepó. <sup>24</sup> Atétere ala Farisi whịrapené kolóló, ąpaae duraalu, “Şąa nokole sukamóte, naao yó matere whịrapené atei kaae ala noatepa yópóló kaae tare? Şąa

nokole sukamó kutó ditepa, mo doasi fo mulapó,” yalepó.

<sup>25</sup> Ai fo depa, ama atimapaae tokó mótu duraalu, “Depit-ró ama fulumu wh̄rapetamo wotetepa yale ala ašemó yóló muló beteretei, diaaḡ dosḡayóló tuḡ muni airapó. <sup>26</sup> Kótópaae momaratere be Abi-atané tḡteróló kaae tawale sukamó, Depit ḡ Kótóné be dolopaae sókó fóló, Kótóné keletómó melaairaalu muló betere *bred* otei, ḡ wotetepa sóró nalepó. Téturaalu, ama fulumu wh̄rape atimakélé matepa nalepó. Ti ai ḡlata, mo haḡe wh̄iné nukupa, fo moleteiné kale momaratere be kaae tare wh̄rapené maaté nukua dapó,” yalepó.

<sup>27</sup> Téró, Yesuné atimapaae duraalu, “Kótóné wh̄i aleyaleta, ḡa naai tukóló muló betere be deḡ doi sóró horḡpóló ini, wh̄i tao saai kisipa mutu, ai ḡa nokole be deḡ tukóló muló beterapó. <sup>28</sup> Atéreteiné Wh̄iné Naalema ḡta, ai ḡa nḡpóló tukóló muló betere be deḡ tḡteróló kaae tare Talepó,” yalepó.

### 3

<sup>1</sup> Téró me sukamó Yesu ḡ fo wosetere bepaae sókó walemó, naase dowi wh̄i betḡ betepa ke-lalepó. <sup>2</sup> Kale ḡa naai tukóló muló betere sukamótei, naase dowi wh̄i Yesuné wisiratémóló kelaai, mepaae wh̄rapené kele mulóló betó molepó. Aita haḡe mei, kale tukóló muló betere be deḡmótei wh̄i wisiratepa, ḡ só deraai kisipa mutu yalepó. <sup>3</sup> Tépatei, Yesuné naase dowi wh̄ipaae duraalu, “So wh̄i feané kolḡpólópa, yaḡ turukó holóló daayae,” yalepó.

<sup>4</sup> Atéró ama atimapaae wosetu-raalu, “ḡa nokole sukamó so wh̄i tao sere ala depa fo mulepé, dowi ala depa fo mule? Wh̄i sukaḡsóró tao sere ala depa fo mulepé, wh̄i dele ala depa fo mule?” yóló wosalemó, atimané ḡpaae me fokélé tokó menipó.

<sup>5</sup> Ai wh̄rapené atei kaae dore wh̄ipaae kḡletere ala ini, dowḡae

fu betepa Yesu ḡ doasi sekḡi kisipa mutu, atimatamo fopaae buóló kale wh̄ipaae duraalu, “Naa naase teréḡ falae,” depa, ama naase teréḡ far-alemó, kale dore naase mo wisiyó felepó. <sup>6</sup> Atéteremó, kale Farisi wh̄iraperó Herot-né dere ala sya fu betere wh̄rapetamo belapaae tḡḡ fóló daalu, Yesu netéro daaloé? yóló atimasisi kḡlaaróló, fo dokotu be-talepó.

*Mo turó so wh̄iné Yesu sya fele fo (Luk 6:17-19)*

<sup>7</sup> Téró Yesuró ama yó matere wh̄rapetamo ai be taaróló, weḡi kḡla molepaae fóló beteremó, Kaleli haemó betó mole so wh̄i mo fea ḡ sya wou betalepó. <sup>8</sup> Yesuné ai alarape du beterapó dere fo woseturaalu, mepaae Judia hae kwiamó betó mole so wh̄ikélé, Jerusalem be hulua so wh̄ikélé, Idomia hae kwiamó betó mole so wh̄ikélé, Jordan weḡi fóku uté tḡró betó mole so wh̄ikélé, Tair be huluaró Saidon be huluatamo felekemó betó mole so wh̄ikélé, mo fea Yesu beterepaae wou betalepó. <sup>9</sup> So wh̄i mo dekeró wóló touró betepa, ama yó matere wh̄irapepaae duraalu, “So wh̄i touró betereteiné ḡ daayaaire tḡ munipa, weḡi nuku belekḡamalekó taleyóló mulae,” yalepó. <sup>10</sup> Ti noatepae, mepaae folosóró hepo dalóló betó mole so wh̄i wisirale ala kolóló, atima mepaae hepo daale so wh̄ikélé wisirḡpóló kisipa mutu, Yesuné tikimó wolaa yaai dapóló, araletamo tḡté tḡté wou betalepó. <sup>11</sup> Téró, mepaae dowi keperapené Yesu keletere dokḡ ḡ daale aḡmó deraapisa fóló fió mulu, fo fakeyóló duraalu, “Yaḡta, Kótóné Naalemapó,” dua yalepó. <sup>12</sup> Ai fo depa, Yesuné kale dowi keperapepaae duraalu, “ḡta, Kótóné Naalemapóló, mo so wh̄ipaae haḡeamó momókó deté kwḡyaḡse,” yóló doasi fo mulalepó.

*12 aposel wh̄rape sóró beterale fo (Mat 10:1-4, Luk 6:12-16)*

13 Téro, Yesu  du sorokó mole aoppaae horóló bituraalu, ama tué mole whirape maaté dosayóló ape depa, atima  beterepaae walepó. 14-15 Atéro wóló, tamo fulumuyóló betámó betóo, ama fo wisi yó melaté kweyóo, dowi keperape doló hokonoó yópóló, 12 *aposel* whirape soroó beteralepó. 16 Atima atéro soroó beterale 12 whirapené doi etérópó. Saimon-tei, me doi Yesuné Pita mulalepó. 17 Sebedi naalema tamo Jems-ró noma Jon-tamokélé, Yesuné kisi doi Boanersis mulalepó. Ai doi beteta, Be Sapalaané naalema tamopó. 18 Andru, Filip, Batolomiu, Matyu, Tomas, Alpias naalema Jems, Tadeus, klo kloi whi Saimon, Iskariot whikó Judas atima atéro whi soroó beteralepó. 19 Kale Iskariot be whikó Judas-ta, Yesu daai eleké deyale whipó.

*Yesu Belsebul-pó yale fo*  
(*Mat 12:24-32, Luk 11:14-23, 12:10*)

20 Téro, Yesu  bet be dolopaae wóló beteramó, so whi mo fea momómo tourale tikimó, Yesuró ama yó matere whirapetamo la naaitere tekélé munipó. 21 Atétu betera-pó, dere fo Yesuné hamaró nomarapeta-moné wosetu  keyaa fole whi kaae betera-póló, atima Yesu dape saai wóló betó molepó.

22 Atépa, mepaae Jerusalem be hulamó wale Moses-né asere fo yó matere whirapené duraalu, “Dowi keperapené topo kepe Belsebul Yesu tuámó bitu  fotokoratepa, dowi keperape hokonótua du betera-pó,” yalepó.

23 Ai fo du betepa, Yesuné ai kale so whipaae  beterepaae ape yóló atimapaae fo sale forape yóló duraalu, “Satan tamo bet kutó ditere hamoma netéro doló hokonaaloé? Ai kaae ala mo enénipó. 24 Bet doasi topo whiné tetéro betere be hulua so whi atimasisitei bóe dupa, atétere be huluarape fotok buóló betaaloé? Meipó. 25 Bet faketa-motei bóe dupa,

ti atétere fake fotok buóló betaaloé? Mo aténénipó. 26 Atétere kaae, Satan-né ama fulumu whirapeta-motei bóe dupa, ti tei tuámó teke-tapó. Atéturaalu, fotok buóló betaaire suni, tei kemeyaalo ai ape. 27 Mepaae whiné doasi fotok bole whi dokóló munéni, hle betepatei ama be fulukóló, la la senénipó. Folosoroó kale whi pi mo dirii képiné dokó mulóló, nalo ti ama be fulukóló la la fea sumó soroó fenérapó. 28 Ylo dipaae mo i dere ape. Kae kae dowi alaró Kótó faletere fotamota, ti Kótóné mo sumó tokóló aluraalopó. 29 Téyaalotei, mepaae whiné kale Di Kepe Wisi faletepa, atétere so whiné dowi ala kwia mo alukélé eraalomeipó. Ai dowi ala kwia, mo hle muó tawaalo ai ape,” yalepó.

30 Ai fota Yesuné hle inipó. Ati-mané duraalu, “Yesu  tuámó dowi keperape tepeyóló bituraalu dapó,” depa, ai fo yalepó.

*Yesuné hamaró nomarapetamo*  
(*Mat 12:46-50, Luk 8:19-21*)

31 Ai fo du betepa, Yesuné ama hamaró nomarapetamo wóló be belamó daae mulu, Yesupaae belapaae dere ape yae! yóló yó horalepó. 32 Tétepa,  boperóló betó mole so whiné paae duraalu, “Naao haeró nonaaorapetamoné y kele wóló belamó ó daae mole ape,” yalepó.

33 Ai fo depa Yesuné atimapaae tok mótu duraalu, “Ti ylo hae ó norape-a, de maaté?” yalepó.

34 Ai fo yóló,  boperóló betó mole so whi kelené dokoyóló duraalu, “Ylo hae ó norapeta, ti ditóróti i betere ape. 35 Ti noatepae, mepaae so whi de Kótóné ama kisipa mole ala erótu betepa, ti ylo no ó ne ó haetóróti ai betere ape,” yalepó.

## 4

*la wae terepetere fo sale*  
(*Mat 13:1-23, Luk 8:4-15*)

1 Téro me sukamó  wei fókupaae momó fóló bitu, kale fo wisi kaae

sóro yó melótu betalepó. Atéro, yó melótu betepa so whi mo dekeró waletikimó, a beteketepa ai so whi wei fókumó betó mupatei, a wei nukupaae daane holalepó. <sup>2</sup> Ama atéro yó matere kae kae forape fea, fo salenétóro du betalepó. <sup>3</sup> Ama atéro yó mótu duraalu, “Yalo i dere fo wosae. Whi betané ama kutópaee ɔla wae ke terepeyaairaaalu sóro felepó. <sup>4</sup> Atéro só furaalu, mepaae ke tu tuamó sókó deóló muó mupa barapéné dósu yóló nukua yalepó. <sup>5</sup> Téro, kale whiné kutómó terepeté kuturaalu, mepaae ke kapo tómó bole haemó terepée durupua yalepó. Até yaleteti, ai hae mo apaae derepéni, kane tómó bole hae ereteiné kale ɔla wae mo hapale holalepó. Téyaleteti, feleke hae tuapaae doaló derepénipó. <sup>6</sup> Atéro, kale ɔla wae holóta yaleteti, mo doasi diri suka wouraalu, kale ɔla kapo supuné tukó sóro séli yaairaaalu yalepó. Ti aita, kale ɔlané feleke haepaae diriyóló derepénireteinépó. <sup>7</sup> Mepaae keta, dowi mu daai ne dolomó terepée durupua yalepó. Atéyale ɔla wae holaletei, dowi nené bopée sóro muluraalu, du wisiyóló wolenipó. <sup>8</sup> Mepaae ke ti hae wisimó terepée durupua yalepó. Atéyale ɔlata mo wisiyóló holóló, du woleyalepó. Atéro, betá yo sóro fóló biliyaleteti ulumétepa suraalumo, 30-yorape ó mepaae 60-yorape ó 100-yorape fãanótua dapó,” yalepó.

<sup>9</sup> Ai fo sale kemetepa, ama atimapaee duraalu, “Diá so whi detamo woséli daapa, ti i dere fo sale bete mo wisiyóló wosóló tué munérápó,” yalepó.

<sup>10</sup> Ai fo du betéro, nalo so whi mo fea fi tikimó, a ama wotoró be dolopaae fóló betepa, ama yó matere 12 whiraperó mepaae atamo fuluyóló betó mole whirapetamoné apaae woseturaalu, “Naao ti yale fo sale dá kóló kólórapa noa betené yaleé?” yóló wosalepó. <sup>11</sup> Ai fo depa, Yesuné atimapaee tokó mótu

duraalu, “Tale Kótóné so whi mo fea ama tetéro kaae tare ala hiróló moleteti, diapaae betá hãkearóló i yó melatere ape. Tétereteti, mepaae hãle mo so whipaaeta, ti fo sale foné maaté du beterápó. <sup>12</sup> Ti aita, i fo betené erápó.

‘Mió atimané kelené kilitu bitutei, ai ɔla mo diriyóló tué mutumipó. Atimané woséliné wosetu bitutei, mo diriyóló wosóló, bete kisipa mutumipó.

Ai alatamo ini, atimané dowi ala taaróló, kisipa feteyóló Kótó beterepaae wapa, ti atimané yale dowi ala kwia me ɔla meipóló, hãle kemeranérapó,’” erápó.

<sup>13</sup> Téro Yesuné atimapaee duraalu, “I fo sale bete diá tuéni kóló kóló depa, ti mepaae fo sale forapekélé netéromó tué yaaloé? <sup>14</sup> Kale ɔla ke terepeté kutu dere kaae, Kótóné ama fo wisi yó mótu beterápó. <sup>15</sup> Kale ɔla wae ke tumó sorokó doropole kaaeta, mepaae whiné Talené fo yó matepa so whiné wosóló, tué tuamó mulatereteti, Satan-né mo hapale tokósu beterápó. <sup>16</sup> Téro, kale kapo tómó bole haemó terepée derepele ɔla wae kaaeta, kale fo wisi wosóló hãkesetamo sua dapó. <sup>17</sup> Téreteti, ɔla wae feleke haepaae mo ti derepéniru ere kaae, kale fo wisi hãleke sukamó maaté wosóló taalatapó. Ai kale fo wisi woseteremó, mepaae sekei ala ó doasi delei ala eratepa, atima téti hapaletóro dée nukua dapó. <sup>18</sup> Kale dowi mu daai ne dolomó terepée derale ɔla wae kaaeta, kale fo wisi mo wisiyóló wosóló hãkesené sukutere whipó. <sup>19</sup> Tétereteti, mió i haemó bitu doasi whaalía du betere alakélé, doasi néli whi betenée yóló, mutere kisi-pané kópaae faróló dilikitu betere alakélé, mepaae wisi wisi ɔla senée yóló mutere tuékélé a tuamó kaayóló sókó wouraalu, kale fo wisi botokó sóro alurótu betereteiné du wisi oletimipó. <sup>20</sup> Hae wisimó terepée derepele ɔla wae kaaeta, ti kale



fo wisi mo wisiyóló wosóló, ama tué tiki tuámó sóró mulótua dapó. Atétere wh̄ita, ɔla wae yo bet̄a sóró fóló biliyaletéinétei, ɔlumétere alimó suraalu mepaae 30 yorape ó 60 yorape mepaae 100 yorape f̄anótua dere kaae, mepaae so wh̄i tuámó Kótóné fo atéro du oletua dapó,” yalepó.

*S̄a dalóló h̄akeamó mulatere fo  
(Luk 8:16-18)*

<sup>21</sup> Téró ama atimapaee duraalu, “S̄a d̄eróló nuku aq̄mó ó me ni fake aq̄mó kinóló mulótimipó. T̄eni, ai s̄a d̄e so wh̄i feané kolópóló, s̄a daalateré ni fake tómó fopa h̄akeamó mulótua dapó. <sup>22</sup> Ti mió kikití hiró betere ɔla feata, take nalo h̄akeamó mulatēpa so wh̄iné tué yópóló erapó. Mió kinóló muló betere ɔla fea take nalo h̄akeamó mupa, so wh̄i feané kolópóló erapó. <sup>23</sup> Dīa mepaae so wh̄i wos̄eli daapa, ti i dere fo sale bete mo wisiyóló wosóló tué yópóló yae,” yalepó.

<sup>24</sup> Atéro, ama yale fo kaae atimapaee momómo duraalu, “Ȳalo dīapaae i dere fota mo wisiyóló wosóló tué muae. Naao meteró ɔla atimamó matepa, ti Kótóné ȳamókélé naao ai matere s̄utóroti móturaalu, mepaae tómó belerólókélé melaalo ai ape. <sup>25</sup> Wh̄i me dené ama tare ɔlatamo tawóló betēpa, ti atétere wh̄ipaae ama ai tare tómó, Kótóné me kae beleróló melaalopó. Wh̄i me denétamo me ɔlakó tanipa, ti ai sek̄ené ama mo sawa tareteikélé, Kótóné momó tokó saalo ai ape,” yalepó.

*ɔla wae hoterepaae dó faróló yale fo*

<sup>26</sup> Téró ama kale yale fo kaae momó duraalu, “Kótóné t̄eteróló kaae tare aq̄mó betere alata, ti bet̄a wh̄iné kutómó ɔla wae ke bilitu dere kaaepó. <sup>27</sup> Atéro biliyale k̄lipaae d̄etamo ó dilikitamo fipa, ó turukó horóló betepakélé, kale biliyale ɔla wae t̄umu haemó noaró

sokotérópóló, kale wh̄iné ama tué mutumipó. <sup>28</sup> Ere ɔla feata, haenétei fotok̄oróló sókó hotapó. T̄umupi sókó horóló, sóku woleyóló, nalo ti fua dua dapó. Atéro fua yóló, tūa dolomó ti wh̄iné naaire ke butapó. <sup>29</sup> Ai kale ɔla ɔlumétere alimó, ti kale kutó tale ̄a sepaketamo fóló, ɔlumére ɔla siré kotapó,” yalepó.

*Mastard kepaee dó faróló yale fo sale*

*(Mat 13:31-35, Luk 13:18-19)*

<sup>30</sup> Téró, atimapaee kale fo kaae momó duraalu, “Kótóné t̄eteróló kaae tare aq̄mó mole ala diaaɔ kisipa yópóló, ȳalo noa ala s̄uróló yó melaaloé? Me noa fo salepaae dó faróló yaaloé? <sup>31-32</sup> Kótóné t̄eteróló kaae tare aq̄mó mole alata, *mastard* ni ke kaaepó. Ti *mastard* ni keta, mo sawa belek̄amaletēi, haemó bilitēpa huturaalu, ti kutómó mepaae yó mole ɔla fea t̄eteróló, t̄et̄erape f̄olo fua dapó. At̄eru, doasi t̄ei fale sirimó barape daaneta dapó,” yalepó.

<sup>33</sup> Yesuné so wh̄ipaae fo yó móturaalu, at̄ei kaae fo salenétóró dek̄eró yó mótua betalepó. T̄éturaalu, at̄ima so wh̄iné wosóló kisipa yaaitere s̄utóro yó melaté fu betalepó. <sup>34</sup> Ama fo yó matere dok̄o h̄ale mo so wh̄ipaaeta, ti fo sale fonémaaté yó mótua yalepó. T̄éyaletei, ama yó matere wh̄irape at̄imasisi bituraalu, ti ama yó matere forape fea bete tokóló yó mótua yalepó.

*Yesuné w̄ei asya bérale fo  
(Mat 8:23-27, Luk 8:22-25)*

<sup>35</sup> At̄etu betero, be dik̄iteretamo ama yó matere wh̄irapepaae duraalu, “D̄a nukutamó ut̄e t̄e faalopa fīepe,” yalepó. <sup>36</sup> Ai so wh̄i at̄ima w̄ei fókumó betó mupatei taaróló, Yesu ̄a nukumó h̄ale betēpa, ama yó matere wh̄irape at̄ima maat̄e felepó. At̄eró fupa, mepaae nukurapekélé, at̄ima fea bet̄amó felepó. <sup>37</sup> Téró ai w̄ei tuámó fu betaalemó, doakale bes̄é tikiró w̄ei asyatamo hapale

sókó wouraalu, wẹi nuku dolopaae bosene dorowóló, kale nuku mo felekemó buó deyaai yalepó. <sup>38</sup> Até depatei, Yesu ẹ nuku sisóratere salemó toró mulóló noke fipa, ama yó matere whịrapené ẹ turukuróló duraalu, “Yó matere whị-ó, dẹ wẹiné mió mo felekemó sóró i aluratapa, naao dẹ kọlenié?” yalepó.

<sup>39</sup> Atétepa, Yesu ẹ turukó holóló, kale wẹi asyaró besé tikitamo foné sóró duraalu, “Ai whaaui yóló hoteretei taaróló, béyóló dono fae,” yalepó. Téyalemó, kale wẹi asyaró besé tikitamo tukóló béyóló dono felepó.

<sup>40</sup> Ai fo yóló, ama yó matere whịrapepaae duraalu, “Diẹ noatepa wiyóló diri furu furu dute? Diẹ tuẹ tiki tiróló bitini airapó,” yalepó.

<sup>41</sup> Ai fo deremó, winé sukóló atimasisitei duraalu, “Haió! ẹ noa whịné dérópó. Kale wẹi asyaró besé tikitamonékélé, ama dere fo wosóló, ẹ aqmó sukóló bitupó,” yalepó.

## 5

### *Dowi kepe betere whị wisirale fo (Mat 8:28-34, Luk 8:26-39)*

<sup>1</sup> Téró, atima ai wẹi kẹla tẹyóló Kadarin whịrapené hae kwiamó sókó felepó. <sup>2</sup> Atéró fóló, ẹ nuku taaróló hae taopaae taae felemó, betẹ dowi keperape tepeyóló betere whị, whị douratere tikimó bitini Yesutamo hokolaayaa walepó. <sup>3</sup> Ai whị ẹ mo bemó bitini, whị dou tómó bitua yalepó. Atére whị mené mo képiné ó dirii *sein* képinékélé ẹ dokonénipó. <sup>4</sup> Take suka fea *sein* képiné ama hóró naasetamo dokotua yalemó, ama fotokónétei hẹle turukó falatua yalepó. Atéreteiné whịnékélé ẹ tawóló dokóló béranénipó. <sup>5</sup> Ai whị ẹta, sukatomokélé, dikitamokélé, be dẹtere dokọ fea whị dou tómó bituraalukélé, du sorokó mole tikimó bituraalukélé, doasi keteré yóló, amatei ama tiki kapo fosóné tikitua yalepó.

<sup>6</sup> Atétepa betere sekéné Yesu mo umó daapa ẹ sururu yóló wóló ke-lalemó, Yesu doa whịpa kilituraalu, ama hó aqmó bukutiri teyaró bitini derepelepó. <sup>7</sup> Atéró bitu, fo fake yóló Yesupaae duraalu, “Yẹta, ó sẹ taoró tẹteró betere Tale Kótóné Naalemapa, naao ẹpaae noa alakó eraai waleé? Naao ẹ dele seróló susupu eraalomeipóló, Kótóné doi yóló dirii malo dumié?” yalepó. <sup>8</sup> Ai fo depa, Yesuné kale whịpaae duraalu, “Dowi kepe-ó, yẹ ai whị tuamó betereitei taaróló sókó fae,” yalepó.

<sup>9</sup> Ti fo fóló, Yesuné apaae wosetu-raalu, “Naao doi deé?” depa, ama tokọ mótu duraalu, “Yẹlo doita Lisani-pó. Dẹ mo hẹle ẹla kaae i betó mole ape,” yalepó. <sup>10</sup> Atéró Yesupaae atima betere tiki taaróló fópóló hẹkonaqse fo momó du, momó du, du betalepó.

<sup>11</sup> Ai du sokore aqmó, hupurape mo hẹle ẹla kaae kimimó daae molepó. <sup>12</sup> Atétepa, kale dowi keperapené Yesupaae duraalu, “Dẹ ai hupurape tuapaae bitini derepaai dapa, naao dẹ dotonaasepe,” yalepó. <sup>13</sup> Ti fo deremó, Yesuné atimapaee téyae, depa atima kale whị tuamó betaleteti taaróló sorokó furaalu, hupurape tuapaae bitini yalepó. Atétepa, kale hupurape atima botokó feletikimó, kulamó doropóló wẹiné sorokó fóló, mo fea sisiraae felepó. Ai hupurape dokọ sóró touróturaalu, 2,000-rópó.

<sup>14</sup> Atétere ala kolóló, kale ai hupurape kaae tare whịrape atima botokó fóló, ipu bemó betó mole whịraperó doasi be hulua mó betó mole whịrapetamopaae i ala yalepóló ene felepó. Tétepa, kale so whị atima doasi be hulua tuamó noa alakó du bitu dérópóló, kelaai felepó. <sup>15</sup> Atéró, atima Yesu betere tikimó sókó wóló kelalemó, dowi keperape mo hẹle ẹla kaae tepeyóló betale whịtei kuti wisi deróló mo kisipa wisi mole whị kaae betepa kilitu, atima wiyalepó. <sup>16</sup> Téró, ai

ala depa kelale so wh̄iné mepaae wale so wh̄ipaae i kale wh̄i tuamó betale dowi keperape h̄okonale alaró hupurapepaae erale alatamo fea yalepó. <sup>17</sup> Atei fo woseturaalu, so wh̄iné Yesupaae, “Ȳa atima betere hae kwia taaróló fae,” yóló, setu betalepó.

<sup>18</sup> Ai fo deremó, Yesu ̄a nukupaae bit̄i derepaai depa, kale dowi kepe tepeyóló betale wh̄iné Yesupaae, “Akélé ȳatamo fenére?” yóló wosalepó. <sup>19</sup> Tétepa, ai wh̄i ̄atamo faai waqsóro seséyóló duraalu, “Talené k̄olené sukutu ȳapaae erale ala naao hae aya, no nerapepaae yó melaai fae,” yalepó. <sup>20</sup> Ai fo depa, kale wh̄i ̄a atéyale tiki taaróló, Dekapolis be huluarapepaae fóló, Yesuné ̄apaae erale ala so wh̄i feapaae yó melalepó. Téyalemó, kale so wh̄i mo feané ai dere fo woseturaalu, hai-ó! yóló siratu betalepó.

*Suk̄le senaaleró bet̄i kisi daale sotamo wisirale fo*

*(Mat 9:18-26, Luk 8:40-56)*

<sup>21</sup> Téró, Yesu ̄a nukumó kale w̄ei momó ipaae t̄e wóló daapa, so wh̄i mo dekéró ̄a beterepaae boper̄ale wóló betó molepó. <sup>22</sup> Yesu ̄a atéró beterepó, Kótóné fo wosetere be kaae tare topo wh̄i Jairus wóló Yesu kelalemó doasi wh̄ipa kilitu, ̄a daale aqmó deraapisa fóló muluraalu, i fo yalepó. <sup>23</sup> “Doa wh̄i-ó, ȳalo senaale felekemó suk̄ai depa ̄e ȳa k̄ele walepa, kisi bete wisi yópóló, ama tikimó naao naase mulaasepóló mo miótóro d̄amo wusuró faalopó,” du betalepó.

<sup>24</sup> Ai fo depa, Yesu ̄a kale wh̄itamo wusuró fupa, so wh̄i mo feané atimaamo busuró felepó. <sup>25</sup> Atima atéró fu betepa, 12 ba fo tuamó hepo daalu samea fu betere so bet̄i walepó. <sup>26</sup> *Dokta* wh̄irape feané kale so wisiraai dapóló, fea ala fea yalemó wisini, atimané ai yale alané kale soné kisi betetei mo ti fake yalepó. Téturaalu, ama *monikélé* h̄ale kemeralepó. <sup>27</sup> Yesuné mepaae

so wh̄i wisiraté kutu beterepó dere fo kale soné wosóló, ̄a so wh̄i kuamó buté buté wóló, Yesuné kuti salemó wolaayó salepó. <sup>28</sup> Ti noatepae, kale soné ama tūené Yesuné kutimó maaté wolaa depa, ama tiki tuamó daale kisi bete wisiyaalopó kisi pa mutu wolaayalepó. <sup>29</sup> Atéró, wolaa deretamotóro kale so ̄a samea fu betaleteti tikituraalu tiki felétepa ama kisi bete mo ti kemeyalepó kisi pa mualepó.

<sup>30</sup> Até yale tikimó, Yesuné ama fotok̄ sókó foleteti kisiparu, ̄a so wh̄i kua dolomóte fetée fóló duraalu, “Ȳalo kutimó né wolaa yaleé?” yalepó.

<sup>31</sup> Tétepa, ama yó matere wh̄irapené ̄apaae tok̄ó mótu duraalu, “Mo turó so wh̄iné ȳa ai betekini betekini du beterepa, ̄e né wolaa yaleé? fo-a, noatepa de?” yalepó.

<sup>32</sup> Tétepa, Yesuné ̄a wolaayale wh̄i kelaai kelené dok̄ó du betalepó.

<sup>33</sup> Atétepa, kale soné ̄apaae erale alamó tūé muturaalu, ̄a witamo diri furu furu du bitu Yesu daale aqmó deraapisa fóló mulu, ama mo yale alatóro fea Yesupaae h̄akearóló yó melalepó. <sup>34</sup> Tétepa Yesuné kale sopaae duraalu, “Ti senaale-ó, naao tūé tiki tiró betale alané ȳa dele su betale kisi bete ai wisiyalepa, naao hosaa muni deóló dua fae,” yalepó.

<sup>35</sup> Kale sotamo ai fo du betepatei, Kótóné fo wosetere be kaae tare wh̄i Jairus-né ama be wh̄irape wóló ̄apaae duraalu, “Naao senaleta mo ti suk̄alepa, ai yó matere wh̄ipaae naao me fo kae ini, ama teq̄póló taalae,” yalepó.

<sup>36</sup> Ti fo depa Yesuné atimané ai dere fo sisópaae eróló, kale fo wosetere be kaae tare wh̄ipaae duraalu, “Ȳa whaalia yóló dei tūé muni, tūé tiki bet̄i tirae,” yalepó.

<sup>37</sup> Mepaae wh̄irape ̄atamo faaitapóló waqsóro seséyóló, Pita, Jems, ama noma Jon atima bet̄i ̄atamo faai dape salepó. <sup>38</sup> Atima atéró fóló, kale fo wosetere be kaae

tare whjné bemó sókó felemó, so whj mo hãle òla kaae kale senaale bopé tómó betó muluraalu, mo dekené sukj moló yóo, mepaae so whj ti atima hosaa tuámó dekené sukuturaalu, wole kaae maaté dorowóo, mepaae so whj ti hãle fo tiki whaa yóo, du betepa kelalepó. <sup>39</sup> Atéró, Yesu a be tuãpaae fóló, aimó betó mole so whjãpaae duraalu, “Diã fo tiki whaaró wole-utamo noatepa du bitute? Ai senaleta mo ti sukuni, kapala noke ai fire ape,” yalepó. <sup>40</sup> Ama ai fo deremó, kale so whjné a dõ nalalepó. Tétepa, Yesuné mo so whj fea belapaae hõkó faróló, aãtamo wale whjãraperó kale senaalené hamaró alimatamo betã kale senaale mole be dolopaae felepó. <sup>41</sup> Téró, Yesuné kale senaale naasemó tao sóró duraalu, “*Talita kum*” i fo feteyóló “Ti senaale-ó, yãlo yãpaae dapa turukó holae,” yalepó. <sup>42</sup> Ai fo deretamotoró kale senaale turukó horóló kwẽyalepó. Ai senaale a betale ba fota, 12-rópó. Ai be dolomó aãtamo daae mole so whjné atétere ala kilituraalu, hai-ó! yóló siratu betalepó. <sup>43</sup> Atéró, Yesuné atimãpaae i ala yalepóló mepaae so whjãpaae momókó deté kwẽyaõse yóló fo mulóló, kale senaalemó òlakó melae yalepó.

## 6

*Kótóné kóló whj ama bemó doi munire fo*  
(*Mat 13:53-58, Luk 4:16-30*)

<sup>1</sup> Téró Yesu a atãyale be taaróló, ama yó matere whjãrape atima ama turuku be huluãpaae felepó. <sup>2</sup> Atima atéró fóló bituraalu, kale sãa nóló beterópóló tukóló muló betere sukamó a fo wosetere be dolopaae fóló, fo kaae sóró yó melalepó. Atéró yó melalemó, so whj feané ama yó matere fo wosóló sirayóló duraalu, “I whjné ama tuẽ tiki dotoróẽ fóló du betere doasi kelemei alarape-a, momó salerópó? <sup>3</sup> Ti aãta whj me kae mei, kale Mariané naalema be tẽtere

whj meié? Ama nomarapeta, Jems, Joses, Saimon, Judas-sépi atima imó bitinié? Ama nemarapekélé, dãtamo i betó mole ape,” yóló atimané a hãle mo whj nisyóló dei tuẽ muturaalu faletu betalepó.

<sup>4</sup> Ai fo depa Yesuné atimãpaae duraalu, “Kótóné ama kóló whj kae be huluãpaae fupa ti ai so whjné a dukiróló, ama doi sóró horótu betereitei, ama kekelé so whjãró ama turuku be hulua so whjãtamoné a dukiróló, ama doi mulatere ala dumipó,” yalepó. <sup>5</sup> Atéró a ai bemó bituraalu, mepaae kelemei alarape erénitei, betã betã hepo daae mole so whj maaté ama naase mulóló, wisirótua yalepó. <sup>6</sup> Atéró, so whj feané aãpaae tuẽ tiki tirénitere noatepa dérópó kisipa mualepó. Téró, felekemó tẽtẽ fale be hulua dokõ Yesuné kale fo wisi yó melaté fu betalepó.

*Yesuné 12 whjãrape dotãyale fo*  
(*Mat 10:5-15, Luk 9:1-6*)

<sup>7</sup> Ama sóró beteró betere 12 whjãrape a beterepaae ape yóló, so whj tuámó betere dowi keperape doló hõkonópóló, atima fotokõ bulóló sóró beteralepó. <sup>8</sup> Atãyale kãlipaae atima tamo tamo yóló dotonaairaalu, etei ma fo yalepó. “Diã furaalu mepaae nokole òlakélé, monikélé to dolomó bulóló faõse. <sup>9</sup> Tẽtu, bukaaire kutikélé me dekaa-poróló sóró feni, hõleke be betã horóló, dotó tiki tawóló fae. <sup>10</sup> Diã me be huluãmó sókó furaalu, betã whjné bemó fitepa, ti ai bemótóró bitiré fóló, me beãpaae furaalu, ai be taalae. <sup>11</sup> Kale dere kaae, diã me be huluãmó sókó fẽlalemó, diã wisiyóló dape seni yóo, diaaõ dere fokélé woseni yóo depa, diã faairaalu i ala yae. Ai be hulua so whj diaaõ atimãpaae wisi ala eraai yalemó, atimanéitei hõtepa taaróló felepóló kisipa yópóló, diaaõ hõleke bemó dakere hae terepée deróló fae,” yalepó.



<sup>12</sup> Atima atéro fóló, kale fo wisi yó mótu duraalu, “Diaaḡ dowi ala taaróló tuḡ tiki feteyóló betenérápóló,” yó melaté kutu betalepó. <sup>13</sup> Atima atéro kuturaalu, mepaae so whi tuḡmó betere dowi keperape doló ḡkonótua yóo, mepaae kisi dalóló mole so whi *wel* weḡ dilóló wisirótua yóo, yalepó.

*Jon depa tikale fo*

(*Mat 14:1-12, Luk 3:19-20, 9:7-9*)

<sup>14</sup> Yesuné erótu betere kelemei ala so whi feané kolóló duraalu, “Aita, weḡ tópuratere whikó Jon mo sukópóló daletei, momó kepaayóló beterapó. Atére fotokḡné ama mepaae doasi kelemei alarape erótu beterapóló,” so whiné ama doi só kotere fo kale topo whi Herot-né wosalepó.

<sup>15</sup> Atépa mepaae so whiné duraalu, “Ḃta Ilaija kepaayóló beterapó,” depa, mepaae so whinémo duraalu, “Ḃta, Kótóné kḡló whikó du yalepó,” du betalepó.

<sup>16</sup> Atéro kulu kulu só kotere fo topo whi Herot-né wosóló duraalu, “Ai whiḡta me kae mei, yaḡlo depa tukóló dale whi Jon momó kepaatu yalepó,” yalepó.

<sup>17-20</sup> Ai alata ḡale ini, Filip-né so Herodias noma Herot-né tokḡló dokalepó. Atéteremó, Jon-né kale topo whi Herot-paae, “Naao noné sotei tokḡló dokotere ala fo mulapó,” yalemótei, Herot-né ama diki tare whirapepaae Jon dapesó fóló, dirii képiné dokóló, “*Dipula* beterae,” yalepó. Atéteremó, kale so Herodias ḡ doasi fopaae buturaalu, Jon daaitere tuḡ kikitu betalepó. Téyaleteti, Herot-né Jon ḡ mo donoi alamaaté yó tapa, Kótóné mo kae betero betere whi wisipóló kisipa mutu, ama somané yaai dere ala seséyalepó. Ti noatepae, Herot-né Jon-né du betere fo ekeḡle yóló wosetu betaleteti, ai foné bete ama kisipa seni, kḡló kḡló yalepó.

<sup>21</sup> Téró, Herodias-né Jon daaire tuḡ keketé fóló, nalo ti etei kaae

tuḡ kelalepó. Herot ḡ deale be deḡ wapa, ama sóró betero betere doasi whirapemókélé, ama diki tare whirapené topo whirapemókélé, Kaleli haemó betó mole doi mole whi disirapemókélé, mo doasi ḡla deralepó. <sup>22</sup> Atima atéro ḡla deyóló nuku betaletémó, kale so Herodias-né senaalema sókó wóló, kḡliyaletiné Herot-ró ama ḡla naai wóló betó mole so whitamo doasi ḡkeserótu betalepó. Atéteremó ḡ ḡkeseturaalu, kale topo whiné kale so seimalepaae duraalu, “Yaḡ noa ḡlakó saai tuḡ mute? Naao saai tuḡ mutere ḡla yaḡlo melaalopa, epaae yae,” yalepó. <sup>23</sup> Atéro, Herot-né kale so seimaletamo mo dirii fo yóló mulótu duraalu, “Yaḡlo teḡteróló kaae tare haekélé tuḡmó tekeyóló, ó mepaae ḡla ḡla kwiapaae yaḡ saai tuḡ mutepa, yaḡlo yaḡ melaalopó,” yalepó.

<sup>24</sup> Ai fo depa kale so seimale ḡ fóló, hamapaae woseturaalu, “Ḃmó noa ḡlakó melópóló apaae yaróe?” depa, hamané duraalu, “Kale weḡ tópuratere whi Jon depa tukóló, ama topo du betḡ ḡlae yae,” yalepó.

<sup>25</sup> Ti fo depa, kale senaale hamané dere fo wosóló, ḡ kale doasi topo whi Herot beterepaae fóló duraalu, “Kale weḡ tópuratere whi Jon-né topo mo miótóróti tukóló, nuku tómó beleróló ḡlae,” yalepó.

<sup>26</sup> Kale senaalené ai fo deremó, Herot ḡ fomo duraalu, kutiri humula yalepó. Téyaleteti, ama ḡla naai wóló betó mole so whi feané keletómó, ama yóló mulale dirii fo tikinépa, téyaalopó yalepó. <sup>27-28</sup> Atéro, Herot-né hapale tétitóro kale whi du betere whipaae duraalu, “Yaḡ *dipula* bepaae fóló, Jon depa tukóló ama topo du sóró ape,” yóló doteyalepó. Tétepa kale whi fóló, Jon depa tukóló topo nuku tómó beleróló sóró wóló, kale so seimalepaae melatepa, amamo hamapaae male felepó. <sup>29</sup> Jon atéro depa tikalepó dere fo woseturaalu, ama yó matere whirape wóló, ama tupuló tiki betḡ sóró whi bulatere kane dolomó douralepó.

*Yesuné 5,000 whi ɔla melale fo*  
(*Mat 14:13-21, Luk 9:10-17, Jon 6:1-13*)

<sup>30</sup> Téró Yesuné dotɔyale, *aposei* whirape atima ɔ beterepaae fesaae wóló Yesu boperóló daalu, atimané yó male foró yale alatamo ɔpaae yalepó. <sup>31</sup> Atéró yó mótu betepa, so whi mo fea fua wua du bituraalu atima ɔla naaire tɔkélé munipa, Yesuné atimapaee duraalu, “Dɔ i betere tiki taaróló, so whi bitinire tikipaae ɔa nóló bitɔ faalopa ape,” yalepó.

<sup>32</sup> Atéró, atimasisi so whi bitinire tikipaae betaai wei nukumó felepó. <sup>33</sup> Tɔyalemó so whi feané atima foletɔi kolóló, atimatamo hokolaa yaairaalu, Yesusépi faai dere tikipaae hae tumó so whi atimapi hapale sókó fóló betó molepó. <sup>34</sup> Atéró, Yesusépi atima nuku taaróló, haepaae taae doropóló kelalemó, so whi mo hale ɔla kaae wóló betó molepó. Ai so whita kaae tare whi meiyóló, atima kɔleaané betó mole *sipsip* hupurape kaae betepa kilitu, Yesuné atima kɔlené sukɔlepó. Téturaalu, Yesuné atimapaee bete mole forape fea yó melaai kaae salepó.

<sup>35</sup> Atéró yó melaté fu betepatei, be mo ti dikiyalepó. Atétepa, ama yó matere whirape ɔ daalepaae wóló duraalu, “Doai so whi-a, whikélé bitinire tikimó betepatei, be ai diki yale ape. <sup>36</sup> Térapa, ti felekemó tɔ mole beraperó ipu berapetamopaae ɔlakó atimanétei dupuyóló naleta yópóló, dotɔyaasepe,” yalepó.

<sup>37</sup> Ai fo depa ama atimapaee duraalu, “Atimané naaire ɔla diaaɔtei melae,” depa, atimané ɔpaae duraalu, “Atima naaire ɔla 200 *denarias* moniné sumó dupunére?” yalepó.

<sup>38</sup> Ai fo depa ama atimapaee duraalu, “Ti wisirapa, *bred* o bulakó meteró muléró kɔle fae,” yalepó. Ai fo depa, atimané kɔle fóló ɔpaae duraalu, “*Bred* o bula aporó yóo, ya tamo yóo yóló betɔ mulapó,” yalepó.

<sup>39</sup> Atépa ama atimapaee duraalu, “Bukóló kae kae beterae,” yalepó. <sup>40</sup> Ai fo depa, ama yó matere whirapéné kale so whirape dosɔayóló, 100 whirape betɔpaae yóló kae beteroó, mepaae 50 whirape betɔpaae yóló, kae beteroó, yalepó. <sup>41</sup> Atéró beteroóló, kale *bred* o bula aporó yóo, ya tamo yóo yóló, taru hepen-paae kese horóló momaturaalu, Talepaae mo kée yóló kemetepa, kolokóraalu yóló, ama yó matere whirapepaae melalepó. Tétépa atimanémo mo so whimó ɔliralepó. <sup>42</sup> Atéró, ai ɔla atima mepaae so whi ha sókó dini, mo fea sumó nalepó. <sup>43</sup> Atéró nóló muni fele *bred* oró ya bukitamo ama yó matepa, wosetere whirapéné siré kwɔyóló, 12 yorape deyóló faanalepó. <sup>44</sup> Soraperó naale senailetamo dosɔani, ai ɔla nale whirape maaté dosɔayóló touróturaalu, 5,000 whirapepó.

*Yesu wei tómó daaté fele fo*  
(*Mat 14:22-33, Jon 6:16-21*)

<sup>45</sup> Atétu beteroó, mo ai fapotóróti Yesu ɔ ai touró betere so whipi fópóló kaae taru, ama yó matere whirape atimapi wei nuku sóró Betsaida bepaae fópóló, dotonalepó. <sup>46</sup> Atéró, nalo Yesu ɔ ama wotoró bituraalu, so whipaae kɔle-ó yóló fópóló dotonóló, ɔ du sorokó mole aɔpaae moma yaairaalu felepó.

<sup>47</sup> Atéró be dikité dorowaletamo, Yesuné ama yó matere whirape atima nukutamo wei kulu tuamó fu betepa, ɔ ama wotoró wei fókumó beterepó. <sup>48</sup> Atéró bituraalu kelalemó, ama yó matere whirape atima nuku bisiki fotokɔyóló ɔtu betepa kelalepó. Ti noatepae, atima faai fole tikiró besé tiki wouraalu, fotokɔné bisiki tɔtepa, mo fotokɔyóló ɔtu betalepó. Atétu betepa, be mo deyaai du beteretamo Yesu ɔ atima dekeróló faai, wei tómó daaté walepó. <sup>49</sup> ɔ wei tómó atéró daaté waletei atima feané kolóló, kepe wale nisiyóló wituraalu atima keteré

yalepó. <sup>50</sup> Até deretamo Yesu sóko wóló atimapaee duraalu, “Ita epa, wiyaqse. Diaaq hosaa diriyóló dua betae,” yalepó.

<sup>51</sup> Yesu atéro wēi tómó daaté wóló, nuku tuapaae taae holalemó, kale wou betale besé tiki tikalepó. Atétere ala kolóló, kale whirape atima siratu betalepó. <sup>52</sup> Atéro ɔla kolokó daalu yóló nale bete atima wisiyóló kisipa muni, atimané tué tiki hapólu ipakalepó.

<sup>53</sup> Atéro, atima wēi tē Kenesaret haeró fóló, kale nuku ai dulalepó.

<sup>54</sup> Atima atéro, nuku dulóló haepaae taae feletamotoró so whi mo feané Yesu kilitu, ɔ Yesupóló kisipa yalepó.

<sup>55</sup> Atéro, Yesu kelale so whi mo hapale fóló, ai hae kwiamó tē mole be hulua feamó hepo daróló betó mole so whi beleyóló, Yesuné wisirópóló, ɔ kotere tiki dokosó fua yalepó. <sup>56</sup> Atéro Yesu ɔ sawa be huluarapepaaekélé, doasi be huluarapepaaekélé, ipu berapepaaekélé, kotopa so whiné ai ala deté kutu betalepó. Atéturaalu, mepaae ai be huluumó hepo dalóló betó mole so whi ɔla dupuneta dere tikimó beterɔleta yalepó. Atéro betó mulu, Yesupaae woseturaalu, “Naao kuti salemó maaté dané wolaa yó su yaaitapóló,” dotopoi fo du betalepó. Atéro, Yesuné kuti salemó maaté wolaa yale so whi fea wisitua yalepó.

## 7

### *Bólu inipatei fokotere fo (Mat 15:1-20)*

<sup>1</sup> Atéro, kale mepaae Farisi whiraperó Moses-né yóló muló betere fo yó melatere whirapekó mepaae whirapetamo atima Jerusalem be taaróló, Yesu beterepaae wóló ɔ bopéróló betó molepó. <sup>2</sup> Atima atéro wóló betó mulu, Yesuné yó matere whirape atima naase fokoni, ɔla nuku betepa kelalepó. Atétepa, kale whirapené duraalu, “Da ɔla naai naase fokutu dere kaae atimakélé

fokotere noatepa dérópó,” du betalepó. <sup>3</sup> Ti noatepae, kale Farisi whiraperó Judia whirapetamo atima alimarapené mara mole ala sya furaalu, naase bólu epa, ó bólu inipatei naase fokonitepa, ti atima ɔla naalomeipó. <sup>4</sup> Atéturaalu, atima ɔla dupuneta dere tikipaae fi wóló, atimané tiki bólu inipakélé wēi tópunipa, ti atima ɔla nukua dumipó. Atéturaalu, atimané alimarapené kae kae mara mole alarapekélé hotowa yóló sya fu dere kaae, atimané ɔla detere wutirape ó wēi nokole wutirapekélé fea fokóló nukua dapó.

<sup>5</sup> Atéreteiné kale Farisi whiraperó Moses-né asere fo yó matepa whirapetamoné Yesupaae duraalu, “Naao yó matere whirapené dané ayarapené mara mole ala sya fóló, atimané naase fokonipatei ɔla nukua dere-a, noatepa de?” yalepó.

<sup>6</sup> Ai fo depa Yesuné atimapaee tokó mótu duraalu, “Kótóné ama ɔlóló whi Aisaiané diɔ tó tikiné sikilire whirapemó tué muturaalu, i fo mo donotoró aseýóló muló beterapó.

‘I so whi atimané hosaa tuamó ɔ sóro beterénirutei, hɔle ɔlóné maaté yaalo doi hale sóro horótu beterapó.

<sup>7</sup> Atimané yó mótu betere fota, bete munipatei mo whiné kisiapané kekeme nóló i ala yae ó yaqse du beterapó.

Atima ɔ aqmó bitinirutei, hɔle foné maaté Tale-ó du beterapó,’ erapó.

<sup>8</sup> Ti diaaq ayarapené mara mole alatóro hɔle sya fu bituraalu, Kótóné yae yóló muló betere fo eréni, taaló ai betere ape,” yalepó.

<sup>9</sup> Téró ama atimapaee duraalu, “Kótóné yae yóló muló betere fo sisópaae eróló, diɔané ayarapené mara mole ala wisirapóló ai sya fu betere ape. <sup>10</sup> Ti noatepae, Moses-né i fo aseýóló muló beterapó.

‘Naao ayaró haetamo aqmó sukóló bituraalu, atimaamoné doi hale sóro horótu betae,’ erapó.

Me fo i ape. ‘Mepaae whinė ama hamaró alimatamo tek-eraterere fo depa, atétere whi mo ti sukópóló dae.’ fo aseýóló muló beteraþó.

11 Ai fo epatei, diaaþ i fo du beteraþó. ‘Mepaae whinė ama hamaró alimatamopaae duraalu, “Yalo mole ¼la ¼la diaamo tao sóró móluqtei, Kótópaae melaletiné diþamo wer-apaþ. Yalo mole ¼la feata, Koropani, ai fo feteyóló Kótó melale ¼lapóló mo so whinė supa, ti fo mulapó,”’ dua dapó.

12 Kale mepaae whinė ama hamaró alimatamo tao saairetei diaaþ atétere alané sesétu beteraþó.

13 Ti diþta, diaaþ ayarapené mo deté wale mara mole ala sya furaalu, Kótóné fo ha¼le ¼la kaae aqrótu beteraþó. Take ai ala deté wale kaae, mió diaaþkélé atei kaae alarape hoko ai du betere ape,” yaleþó.

14 Téró, Yesuné kale mo so whi a beterepaae momó ape yóló duraalu, “Diþ feané yalo i dere fo mo diriyóló wosóló tué muae. 15 Mo nokole ¼la whiné tiki tuþpaae durupuraalu whi dorótimpó. Téni, whiné tiki tuþmó kaayóló sókó wale alané betþ whi doratapó,” yaleþó. 16 (-)

17 Atéró, Yesu a ai so whi betepa taaróló, fóló bemó betereþmó, ama yó matere whirape a beterepaae wóló, ama kale yale fo sale fo noa betené yalerópóló aþaae wosaleþó.

18 Ai fo depa ama atimapaae duraalu, “Diþkélé, diaaþ kisipa tiki hapólu eruraalu, yalo ai yale fo bete tuéni airapó. Mo nokole ¼la whiné tiki tuþpaae doropóló whi doréni deretei, diþ kisipanié? 19 Ti mo nokole ¼lata, whiné hosaa tuþpaae sókó fumitei, deþepaae doropóló, di alée fulapó,” yaleþó. Yesuné ai fo ereteiné nokole ¼la fea naaitepa fo munipa, nae er-apaþ.

20 Ai fo tómó olekeyóló atimapaae duraalu, “Whiné tiki tuþmó kaayóló belapaae sókó wale alané betþ whi doratapó. 21-23 Ti whiné hosaa tuþmó kaayóló wale alarape i ape. Dei tué mutere alakélé, aqni kae kae hoko

nópu nokole alakélé, mené ¼la ¼lémi sere alakélé, whi dele alakélé, nópu nokole alakélé, fea ¼lamó ek¼le dere alakélé, me whitamó dei tué mutere alakélé, kapala dilikitere alakélé, mo enénire dowi alakélé, mené ¼la senéé yóló dei tué mutere alakélé, me whi eraterere fokélé, seké whiþóló bopé faketerere alakélé, wisi tué muniru, sonaalei hoko du betere dowi alakélé, ai dosþayale alarape fea whi tuþmó kaayóló wouraaalu, whi dorótua dapó,” yaleþó.

*Juda meire soné kisipa tiki tirale fo (Mat 15:21-28)*

24 Téró Yesu a ai be taaróló, doasi Tair be hulua bopéróló te mole berapepaae feleþó. Atéró, a betþ whiné be dolomó fóló betepa, mepaae whirapené a kelaqsóro boþe yaqse yaleteti, a kinóló betenénipó.

25 A atéró beteraþó dere fo betþ dowi keþe teþeyóló betere senaale hamané wosóló, a Yesu beterepaae hapale sókó waleþó. Atéró, a Yesu daale aqmó deraapisa fóló fió mualeþó. 26 Aþa Juda fake mei, Krik so a hamané Siria haemó teþe be Fonisiamó dealeþó. Ai so Yesu daale aqmó fió mulu duraalu, “Yalo senaale tuþmó betere dowi keþe naao hokonaaseþé,” du betaleþó.

27 Ai fo depa, Yesuné kale sopaae duraalu, “Folosóro naale senaalené nokole ¼la atimapi nópóló melae. Ti noateþae, atima sýmó nénipatei, yuwirape nópóló matere ala dorapó,” yaleþó.

28 Ti fo depa, kale soné aþaae tokó mótu duraalu, “Tale-ó, aita mo deretei, kale keteirapené ¼la ni fake tómó beleróló nokole folope sorokóta deretei haqrapenékélé nukua dapó,” yaleþó.

29 Ai fo depa, Yesuné kale sopaae duraalu, “Naao ai dere foné naao senaale tuþmó betere dowi keþe sókó feleþa, dua fae,” yaleþó.

30 Ai fo depa, kale so a ama þepaae sókó fóló senaalema kelalemó, ama tiki tuþmó betere dowi keþe sókó



fóló, beseķę tó mó ą feléyóló fió molepó.

*Kqlóró wosęlitamo kņine whį wisir-ale fo*

<sup>31</sup> Atéró Yesu ą ai Tair hae kwia taaróló, Saidon hae kwia tuąmó tęyóló fóló, Kaleli węi fókumó tę mole be Dekapolis hae kwiamó sókó felepó. <sup>32</sup> Yesu atéró sókó fóló beteremó, betą wosęli kņiyóló fokélé alure whį Yesuné wolaa yó póló, atimané dapesó wóló beteralepó.

<sup>33</sup> Atéró betepa, kale so whį daae mole tiki taaróló, Yesuné dępaae dapesó fóló daalu, ama naase dou tamo kale whįné wosęli dolopaae kesekée faróló sókó salepó. Atéró, ama naase doumó fesąa fę eróló, kale whįné hapemó wolaayalepó.

<sup>34</sup> Atéró, Yesu ą hepen-paae kese horóló fomo sókó faróló duraalu, “Epapeta” i fo feteyóló, “Kņinetei tukwę fae,” yalepó. <sup>35</sup> Ai fo deremó, kale whįné kņine wosęli tukwę fóo, ama kqló kélé tukwę fóo duraalu, fo du betere whį kaae, fo kaae sóró yalepó.

<sup>36</sup> Atéró, Yesuné atimapaee erale alarape mepaae whįpaae, “Yaęse,” yóló fo mulaletei, Yesuné yale ala so whį feapaae deté kweyóló fak-eralepó. <sup>37</sup> So whį feané atétere fo wosetu, sirayóló duraalu, “I whįné du betere ala feata, mo kokęi ala alamaaté erótua dapó. Wosęli kņine whįtei tukwę falóo, kqló nomone whįkélé fo yóo, dapó,” du betalepó.

## 8

*Yesuné 4,000 whį ęla male fo (Mat 15:32-39)*

<sup>1-2</sup> Atéró kale yale kaae, mepaae so whį mo deķéró ą beterepaae tourąle wóló betó molepó. Atéró betó mole so whį atima naaire ęla meipa, ama yó matere whįrapepaae ape yóló duraalu, “I so whį sore sukamó ętamo bituraalu, ęlakélé néni, hąle betaleteiné atima ę mo doasi kņlené sukutapó. <sup>3</sup> Ti atima mepaae so

whįta, saletómó waleteiné wote siri hąle fópóló dotonatepa, tu tuąmó wotené sisiraae faęsóró dapó,” yalepó.

<sup>4</sup> Ti fo depa, ama yó matere whįrapené ąpaae duraalu, “Aita mo deretei, so whįkélé meitikimó atimané naaire ęla-a, momó mupa melaaloé?” yalepó.

<sup>5</sup> Ai fo depa, Yesuné atimapaee woseturaalu, “Ti diąné bred o bulakó meteró mule?” depa, atimané ąpaae duraalu, “Węikeró o bularape betą mulapó,” yalepó.

<sup>6</sup> Tétepa, Yesuné ai betó mole so whį fea hae tikimó betae yóló, kale bred o bularape ama sóró taru, Talepaae mo kée yóló, momayalepó. Atéró momayóló kemetepa, Yesuné kolokó daalu yóló, ama yó matere whįrapepaae melae depa, atimanémo, kale so whįmó ąliróló melaté kweyalepó. <sup>7</sup> Téró, ama yó matere whįrape atimané toróti mole ya belekąatikikélé melatepa, Talepaae mo kée yóló, atimapaee duraalu, “I yarapekélé nópóló, melaté kweyae,” yalepó. <sup>8</sup> Atéró, atima nóló sųturaalu buki muni feletei, ama yó matere whįrapené daseté kweyóló, węikeró yorape fąanalepó. <sup>9</sup> Atima ai ęla nale whįrape dokę sóró touróturaalu, felekemó 4,000-whįrapepó. <sup>10</sup> Atéró kemetepa, ai betó mole so whį fópóló dotęyóló, Yesu ą ama yó matere whįrape atima Dalmanuta hae kwiapaae nukutamo felepó.

<sup>11</sup> Atima atéró fóló betepa, mepaae Farisi whįrape Yesu beterepaae wóló, ąpaae kae kae wosetere fo du betalepó. Aita, ą kąae kolóló sų suraalu, naao hepen bemó mole kelemei alakó dąmaletamo kelaai dapa, eranénié? du betalepó. <sup>12</sup> Atéteremó, Yesu ą fomo sókó faróló atimapaee duraalu, “Dią mió i alimó betere so whįné me kelemei alakó kelaai erae du betere-a, noatepa de? Talené diąpaae kelemei ala me kae eraalo meipóló yąlo diąpaae mo

i dere ape,” yalepó. <sup>13</sup> Ai fo du betero kemetepa, kale so whi beto mupatei taaroló, atima nukutamo wei fóku utéro momó te felepó.

*Yist-paae do faroló yale fo  
(Mat 16:5-12)*

<sup>14</sup> Atima atéro furaalu, mepaae ɔla uté tero mupatei keoro bred o bula beto maaté atima nukumó mupa kelalepó. <sup>15</sup> Téro, Yesuné ama yó matere whirape kisipa muloló ma duraalu, “Kale Farisi whiraperó Herot-tamoné bred o topuraterere ɔla yist-ta mo doropa, wisiyoló kaae tawae,” yalepó.

<sup>16</sup> Ai fo deremó, ama yó matere whirape atimasisitei duraalu, “I dere fota, dané kale bred o bularape keyó yoló weimó ai dere ape,” yalepó.

<sup>17</sup> Atimasisitei atéro kelaarótu betere fo Yesuné ama tué yoló atimapaee duraalu, “Bred o meipoló, diasisitei noatepa fo tiki kelaarótu bitu de? Diaaɔ tué tiki hapóluraalu, ai yale alarape diané kilitu bitutei, diaaɔ tuéni airapó. <sup>18</sup> Diaaɔ kelenékélé mo kolóo, wosélinékélé mo wosóo yaletéi, ɔlo erale alarape diaaɔ kisipani, ai keteréirapó. <sup>19</sup> ɔlo aporó bred o bula kolokó daalu yoló 5,000-whirape atima nalemó sɔtepa, buki daseté kweyoló meteró yorape deyaleé?” depa, atimané duraalu, “12 yorape deyoló fɔanalepó,” yalepó.

<sup>20</sup> “ɔlo me 4,000 whirapemó, weikeró bred o bularape kolokó daalu yoló meloló, atima nalemó sɔtepa, buki daseté kweyoló meteró yorape deyaleé?” depa, “Weikeró yorape fɔanalepó,” yalepó.

<sup>21</sup> Ai fo depa, Yesuné atimapaee duraalu, “Ti ai yale alarape fea diaaɔ kololóte, bete diriyoló tué muni airapó,” yalepó.

*Betsaida bemó kele dilikire whi  
wisirale fo*

<sup>22</sup> Atétu betero, atima Betsaida bemó sókó walemó, mepaae whirapené beto kele dilikire whi

Yesupaae a wolaa yae yaairaaalu dapesó walepó. <sup>23</sup> Atéro wapa, ai be hulua taaroló, depaae Yesuné kale kele dilikire whi naasemó tawoló felepó. Atéro fólo, kale whiné kelemó fesɔa apuroló, Yesuné ama tikimó naase muloló duraalu, “Mió naao kelené me ɔlakó wisiyoló kelete?” yalepó.

<sup>24</sup> Ai fo depa, kale sekéné ama kele fisɔae faroló duraalu, “Whirape kotereteita, ni kaae tokoló só koptapó,” yalepó.

<sup>25</sup> Ti fo depa, kale dere kaae momó Yesuné naasené kale whiné kelemó wolaayalemó, ama kele mo ti wisituraalu, ɔla ɔla diriyoló kelalepó.

<sup>26</sup> Atéro, Yesuné kale whi a ama bepaee fopólo dotonótu duraalu, “ɔ doasi be huluapaae feni, mo naao bepaetoro fae,” yalepó.

*Pitané ɔta Kerisopó yale fo  
(Mat 16:13-20, Luk 9:18-21)*

<sup>27</sup> Atéro, Yesu a ama yó matere whirapetamo ai be taaroló Sesaria-Filipai be hulua bopéroló te mole be hularape tuamó fu bitu atimapaee woseturaalu, “Mo so whiné e-a, depó du bitute?” yalepó.

<sup>28</sup> Ai fo depa, atimané apaae tokó mótu duraalu, “Mepaae so whinéta, ɔ kale wei topuraterere whi Jonpó. Mepaae so whiné duraalu, ɔta Elaijapó, mepaae so whiné duraalu, ɔta, Kótóné ama koló whipó du beterapó,” yalepó.

<sup>29</sup> Ai fo depa Yesuné duraalu, “Diaaɔ tuéné-a, e depó du bitu de?” depa, Pitané apaae tokó mótu duraalu, “ɔta, so whi fea tetéroló kaae tanópóló, Kótóné sóro betero whi Kerisopó,” yalepó.

<sup>30</sup> Ai fo depa, Yesuné atimapaee duraalu, “ɔta, Kerisopóló, mepaae so whipaae momókó bope yaqse,” yalepó.

*Yesuné a sukɔalopó yale fo  
(Mat 16:21-28, Luk 9:22-27)*

<sup>31</sup> Ai fo yoló, Yesuné apaae eraaire ala atimapaee kaae sóro mótu

duraalu, “Whjné Naalema kae kae sekęi ala mo saalopó. Mepaae whj disirapenékélé, kale mo so whjmó Talepaae momaratere doasi topo whjrapenékélé, Moses-né asęre fo yó matere whjrapenékélé ęta Whjné Naalema meipóló, mo ti só deraalopó. Atétepa, mepaae whjrapenę ę mo ti daalotei, be deę sore kemetepa, ti ę momó kepaayóló betaalo ai ape,” yalepó. <sup>32</sup> Yesu ępaae eraaire ala amatei hękearóló depa, Pitané ę tu deępaae dapesó fóló, atei fo ekesę yóló, foné salepó.

<sup>33</sup> Ti fo depatei, Yesu ę ama yó matere whjrape beterepaae fetée anóló Pita foné sóró duraalu, “Satanó, yę yęlo sisópaae fae. Naa ai mole tuęta, ti Kótóné yaaire alamó kisipa muni, mo whjné yaaire ala maaté kisipa mutu ai dere ape,” yalepó.

<sup>34</sup> Atéró, ama yó matere whjraperó ai betó mole so whj featamopaae ę beterepaae ape yóló duraalu, “Dię mepaae so whjtamo ę sya waai kisipa mutupa, ti naao yaaire ala taaróló, sisópaae mulóló, yę sukęaire filipaa ni naautei beleyóló ę sya ape. <sup>35</sup> Whj me dené ama betere bete me ala yaęsórópóló, amatei wisiyóló kaae tapa, ti atétere whj ę ama betere betetamo turó aluyaalo ai ape. Téretei, whj me de yęlo ala eróturaalu, i kale fo wisi erótu betere tuęmó ama betere bete kemeratepa, ti ai whjné betere bete aluni, mó ti muó tawaalo ai ape. <sup>36</sup> Mepaae whj de i haemó muó mole wisi wisi ęla dekeró betępaae du betere tuęmó, ama betere bete mo ti alutepa, ti ai wisirapóló kisipa mute? Mo meipó. <sup>37</sup> Ama betere bete alutepa, momó saairaalu, noa ęlatamo dupu yaaloé? <sup>38</sup> Mió i alimó dowi alaró nópu nokole alatamo du betere tuęmó me whjné duraalu, ‘Yęta, Yesu tuęru, ama ala erótu betere whjé?’ yóló wosetepa ę witu halemó, ai whjró ama fotamo ę tuęnipó depa, ępaae i fo yaalo ai ape. Kale Whjné Naalema Alimané doasi

doi mole deę wisinaaleró ama mo kae betere *ensel*-rapetamo wale sukamó folosóró halemó ę tuęnipó yale whjpaee, Whjné Naalemanékélé ai whj ę tuęnipó yaalo ai ape,” yalepó.

## 9

*Yesu kae tiki daane wale fo*  
(*Mat 17:1-13, Luk 9:28-36*)

<sup>1</sup> Téró, Yesuné atimapaae duraalu, “Yęlo diępaae mo i dere ape. Dię mió i betó mole so whj mepaae sukuni hęle betepatei, Kótóné ama tęteróló betere aęmó mole ala mo doasi fotokętamo wapa kelaalopó,” yalepó.

<sup>2</sup> Atéró apomiró be deę kemetepa, Yesuné Pita, Jems, Jon-sępi atima dape sóró doasi sokore hasi fosópaae holalepó. Atéró horóló betere mó, atimané kele tómótei, Yesuné ama daale tiki taaróló, kae tiki daane walepó. <sup>3</sup> Atéturaalu, ama deró betere kutikélé, mo yako kaae deę tekée fi deró betepa kelalepó. I haemó betó mole so whjné deró betere kuti deę kaae aleraai fokotepakélé, ai kutiné deę kaae alée fenęnipó. <sup>4</sup> Téró aimó, atimané keletómó kale Moses-ró Elaijatamokélé mo betere whjné tiki kaae daayóló sókó wóló, Yesutamo fo du betalepó.

<sup>5</sup> Atétere ala kolóló, Pitané Yesupaae duraalu, “Yó matere whj-ó, dę fea etéró betęmó betereitei mó wisirapó. Tęrapa, me yę betóo, me Moses betóo, me Ilaija betóo, yaaire furu be sore dęné tęnaalopa, wisire?” yalepó. <sup>6</sup> Ai fota hęle ini, atima wituraalu, yaaire fo ketetepa, hęko fotei erapó.

<sup>7</sup> Atéró daae molemó, kitikiné atima husuręle dorowóló, ai kitiki dolomótei fo fakeyóló duraalu, “Ita, yęlo mo hosaa mole naalepa, ama dere fo mo wisiyóló wosae,” yalepó.

<sup>8</sup> Ai fo deretamotóró atimané kele kele yalemó, kale whj tamo daani, Yesu ama wotoró daapa kelalepó.

<sup>9</sup> Atétu beteró, atima ai hasi fosó taaróló durupu bitu, Yesuné atimapaae duraalu, “I yale alarape

mepaae so wh̄ipaae dīané mió folo hapale momókó yaq̄se. Kale Wh̄iné Naalema ̄a dóló mo ti sukunalet̄ei, momó kepaayóló fi tikimó ti yaasepóló, mió hapale bope yaq̄se,” yalepó. <sup>10</sup> Ama ai yale fo wosóló, atimané mepaae wh̄ipaae ini, atimasisitei k̄laaróló duraalu, “Mo ti doló sukunóló momó kepaayóló betaalopó dere fo-a, noa fo betené yalerópó,” du betalepó.

<sup>11</sup> Atéró, atimané ̄apaae woseturaalu, “Kale Moses-né as̄ere fo yó matere wh̄irap̄ené Tale waai teópatei, Elaijapi waalopó du betere-a, noa fo betené du bitute?” yalepó.

<sup>12</sup> Ai fo depa, Yesuné atimapaee tokó mótu duraalu, “Ti mo dapó. Elaijapi wóló, ̄la ̄la fea ama momó donoróló mulaalopó. Téretei, Kótóné fo as̄ere tūámó i fo erapó. Wh̄iné Naalema, ̄a mo doasi dele su betepa, atimané ̄a faleyóló só deraalopó ere fo-a, metéli yaaireteimó ere?” <sup>13</sup> Téretei, yālo dīapaae mo i dere ape. Ilaija ̄ta, mo walepó. Tétepa mepaae so wh̄iné kale yóló muló betere fo mo dokonóturaalu, atimané ̄apaae mo eranée yale alarape fea motóróti ai erale ape,” yalepó.

*Dowi kepe betere naale wisirale fo (Mat 17:14-21, Luk 9:37-43)*

<sup>14</sup> Téró Yesu ̄tamó fele wh̄irape fesaae walemó, mepaae beteróló fele yó matere wh̄irape mo so wh̄iné bopéróló daae mupa kelalepó. Aita h̄ale mei, ai wh̄iraperó Moses-né as̄ere fo yó matere wh̄irap̄etamo foné u só derótu, i só derótu du betepa, kaae tawóló daae molepó. <sup>15</sup> Atétu berteremó, Yesu sókó wapa kilitu, so wh̄i feané doasi sirayóló, ̄tamó hokolaa yóló k̄leó yaairaaalu felepó.

<sup>16</sup> Téró, Yesuné ama yó matere wh̄irapepaae woseturaalu, “Noa fo betemó dīa fo tokótamo du bitu de?” yalepó.

<sup>17</sup> Ai fo du betepa, ai wóló daae mole so wh̄i kuamó bet̄a wh̄iné

duraalu, “Yó matere wh̄i-ó, yālo naale dowi kepe bituraalu, ama k̄lóló nomunu fo initeretei naao wisir-aasepóló, yāpaae dapesó walepó. <sup>18</sup> Ti noatepae, dowi kepené haepaae taae deróló haeratepa, ama sereke hatua yósóró k̄lómó dako sókó wua dapó. Téturaalu, ama hó naase, tikikélé fea sosoro falótua depa, naao yó matere wh̄irapepaae h̄konaasepé yalemó, atimané h̄koonaitere sunipó,” yalepó.

<sup>19</sup> Ai fo depa Yesuné atimapaee duraalu, “Mió i alimó tūé tiki tiréni h̄oko betó mole so wh̄irape-ó, dīa tūé tiki tirópóló meteró sukamó ̄ dītamó betaaloé? Diaā hapólure kisipa taaróló, wisi kisipa s̄ópóló ̄ dītamó meteró sukamó betaaloé? Tétepa, ai naale ̄paae dapesó ape,” yalepó.

<sup>20</sup> Ai fo depa kale naale ̄a beterepaae dapesó walemó, dowi kepené Yesu kilituraalu, t̄eti kale naale mo fotok̄q̄iné tao sóró feseróló haemó haeratepa biliraté feletikimó, k̄lómó dako sókó walepó.

<sup>21</sup> Atétere ala kolóló, Yesuné kale naalené alimapaee woseturaalu, “Naao naale ai ala du betepa, ba fo meteró kemeyaleé?” depa alimané duraalu, “Mo ketemó kaae sóró deté walete, miókélé h̄ale ai yó tare ape. <sup>22</sup> Yālo naale doló sukunaairaaalu, ai dowi kepené sipaaekélé ó w̄epaaekélé, tao sóró taae falatua yalepó. Tétepa, naao d̄amo k̄leturaalu sumó tao senépa ti tao saasepólópó,” yalepó.

<sup>23</sup> Ai fo depa, Yesuné ̄apaae duraalu, “Naao ̄paae sumó tao saaloé? dere-a, mepaae wh̄i dené Talepaae tūé tiki tiratepa, ti ai wh̄ipaae fea ala fea Talené ama sumó eranérápó,” yalepó.

<sup>24</sup> Ai fo depa kale naale alimané ama ere ala h̄akearóló duraalu, “Yālo tūé tiki tiró betepatei doa meipa, me kwiapaae h̄lekeretei naao ̄ tao saasepé,” yalepó.

<sup>25</sup> Yesu ̄a ai ala du beterepaae so wh̄i fea sururu yóló wapa



kolóló, dowi kepe foné sóró duraalu, “Whjné kólóró wosélitamo kinó betere dowi kepe-ó, ya ai whj tuámó betereitei, yálo i hōkonatapa, momó kae bitj weni, mo ti fae,” yalepó.

<sup>26</sup> Yesuné ai fo deremó, kale naalené tiki tao sóró feseróló kale dowi kepe keterétamo sókó felepó. Atépa, kale naalené tiki mo sukj whj aqpa, kolóló so whj feané duraalu, “A mo ti ai sukale ape,” du betalepó.

<sup>27</sup> Atépa, Yesuné kale naale naasemó tao salemó turukó horóló daane holalepó.

<sup>28</sup> Atétu betero, nalo Yesu a be dolopaae doropóló betepa, ama yó matere whjrape atimanalemaaté bitu apaae duraalu, “I dowi keperape dané doló hōkonatapa, sókó fenitere-a, noatapa dérópó,” yalepó.

<sup>29</sup> Ai fo depa, ama atimapaae duraalu, “Moma dere alané betā atei kaae dowi keperape sumó hōkonanérápó,” yalepó.

<sup>30</sup> Téró atima ai be taaróló, Kaleli hae tuámó tēyóló felepó. Ti atéro feleteita, Yesuné ama yó matere whjrapepaae maaté kale fo wisi yó melaai kisipa mutu, mo so whjné atima betere tiki tué yaqsóró yalepó.

<sup>31</sup> Atima atéro fóló bitu, ama atimapaae duraalu, “Hāle mo whjné kale Whjné Naalema dópóló, whj mené eleké deyaalopó. Atéro, mo ti dóló sukunaalotei, sore be dē kemetepa, ti a momó kepaayóló betaalo ai ape,” du betalepó. <sup>32</sup> Ama atéro yale fo bete atima tuénitepa, noa betené yalerópóló, wosaai yaletēi, atima wituraalu, taaralepó.

*Doasi topo whj déé? yale fo  
(Mat 18:1-5, Luk 9:46-48)*

<sup>33</sup> Téró, atima Kapeneam bepaee fóló, atima fiyaaire bemó bitu, ama yó matere whjrapepaae wosetu-raalu, “Diā tū tuámó alale siré wou betale-a, noa fokó deté wou betaleé?” yalepó. <sup>34</sup> Yesuné ai fo depa tumó wou bituraalu, topo whj-a de betere yóló atimasisi alale

siré waletēiné haletu, Yesupaae tokó matere fokélé inipó.

<sup>35</sup> Téró Yesu a bitj deyóló ama yó matere 12 whjrape a beterepaae ape yóló duraalu, “Whj me detamo topo whj betaai kisipa mutupa, ti belei aqyóló so whj feané kutó diratere whj betae,” yalepó.

<sup>36</sup> Atéro, ama betā naale belekaamale dape sóró atima tuámó daalóló, ama apuó taru duraalu,

<sup>37</sup> “Mepaae whj denétamo yálo doimó etei kaae naale mo wisiyóló dape supata, ti etei mo wisiyóló dape sirapó. Atétere whjné emaaté dape sumitei, e doteyale sekékélé dape sirapó,” yalepó.

*Dātamo bōe dinitere whjta dāné be whjipó  
(Luk 9:49-50)*

<sup>38</sup> Téró, Jon-né Yesupaae duraalu, “Yó matere whj-ó, whj betāné naao doimó dowi kepe hōkutu betepa, a ta dātamo betāmó kotere whj meipóló, dané seséyalepó,” yalepó.

<sup>39</sup> Ai fo depa Yesuné atimapaae duraalu, “Atei kaae whjné ama yaaire ala yópóló sesékese. Ti noatepae, mepaae whjné yálo doimó mepaae kelemei ala erale kīlipaaemo, yálo doi doróló faleyaalo meipó. <sup>40</sup> Mepaae dātamo bōe dini dere whjrapeta, ti dātamo mole whj ai ape. <sup>41</sup> Yálo diāpaae mo i dere ape. Diā Keriso whj bitu, yálo ala erótu betere, mepaae whjné wēi melatēpa, atétere whj dupu hāsókó feni, mo saalo ai ape,” yalepó.

*Me whj dowi ala yópóló dée nalatere ala  
(Mat 18:6-9, Luk 17:1-2)*

<sup>42</sup> “Mepaae whj denétamo epaae tué tiki tiró betere doi muni, sókótei sókó dei so whj dowi ala yópóló dée nalatēpa, atétere whj mo doasi dowi dupu saalo ai ape. Atei ala dere whj ama depamó mené doasi kane fake dulóló wēi kēlapaae taae faluqsóró wisi uapó. <sup>43</sup> Naao naasenétamo ya dowi ala yópóló dée nalatēpa, atétere naase tukóló

taae falae. Yà betà naasetamo bituraalu, mo ti betaaire tikipaae sókó faasepólópó. Naase tamo daayóló beteràletikimó, me naasené naao tiki turó doasi surukókélé feni, hãle dó tare sipaae àlisóró faqsóró dapó. <sup>44</sup> (-) <sup>45</sup> Naao hóné yà dowi ala yópóló dée nalatepa, atétere hó tukóló taae falae. Yà betà hótamo bituraalu, mo ti betaaire tikipaae sókó faasepóló dapó. Ti noatepae, yà hó tamo daayóló beteràletikimó, me hóné naao tiki turó si duku beterepaae àlisóró faqsóró dapó. <sup>46</sup> (-) <sup>47</sup> Naao kelené yà dowi ala yópóló dée nalatepa, ti atétere kele sokóló taae falae. Betà keletamo bituraalu, yà mo ti betaaire tikipaae sókó faasepólópó. Ti noatepae, naao kele tamo wusuró buóló betepa, naao tiki turó hãle dó tare sipaae faqsóró dapó. Ti Kótóné teteróló kaae tare tikimó mole alata, betà keletóro daayóló bituraalu, sene fupa mo wisirapó. <sup>48</sup> Ti dowi dele su betaaire tikimó kisipa mutu, asémó i fo erapó. Aimó betere whìrapeta, mokené turukóló nokoletèi mo kemekélé ini yóo, sikélé surukó feni hãle dótóro tawóo yaalopó. <sup>49</sup> Na ó hupu mi kèlaayaqsóró kó terepetu dere kaae, so whì fea tuámó mole dore alaró wisire alatamo sinétei biliyóló taleyaalo ai ape. <sup>50</sup> Ti kóta, òla feléróló nokole òla wisipó. Téretei, kale kóné felé kemetepa, momó kae noayóló felé bulaaloé? Mo meipó. Térapa, ai kó wisinaale diaaò hosaa tuámó mulóló, so whìtamo hosaa muni deyóló wisi kisipatamo mo dua betó muae,” yalepó.

## 10

*So ó whì tokó fateremó dere fo (Mat 19:1-12, Luk 16:18)*

<sup>1</sup> Téró, Yesu à ai be taaróló Judia hae kwia tuámó kutu beteró Jordan wèi uté fakerókélé felepó. Aimó sókó felemó, so whì mo fea kale duatere kaae touràle wóló betó mupa, ama

dua dere alatóro yóló yó mótu betalepó.

<sup>2</sup> Atétu betepa, mepaae Farisi whìrape wóló, à sùsóro àpaae woseturaalu, “Mepaae whìné ama soma tokó fatepa fo mulepé meié?” yalepó.

<sup>3</sup> Ai fo depa ama atimapaee tokó mótu duraalu, “Diaaò dosàayóló tué yópóló, Moses-né diàpaae noa ala yae yóló, asère?” yalepó.

<sup>4</sup> Ti fo depa atimané àpaae tokó mótu duraalu, “Mepaae whìné so tokó falaa depa, ti soné asè sóró fópóló melae yóló Moses-né asèrapó,” yalepó.

<sup>5</sup> Ai fo depa Yesuné atimapaee duraalu, “Ti aita, diaaò hosaa tåruraalu dowàae fu betepa, Moses-né ai fo asèyóló muló beterapó. <sup>6</sup> Téretei mo take kaarale alimó, ‘Kótóné whìró sotamo alipakalepó.’

<sup>7</sup> ‘Atéyale betené whìné ama hamaró alimatamo taaróló, sotamo dokóló atimaamo mo betà tikitóro daayaalopó.’

<sup>8</sup> Atéreteiné atimaamo tamo mej, mo betà tikitóro ai daale ape. <sup>9</sup> Kótóné atimaamo atéro betà tiki daaróló beteró betereteimó, mo so whìné tekeróló whì kae beteróo, so kae beteróo, yaqsóro yae,” yalepó.

<sup>10</sup> Ai fo yóló Yesu à ama yó matere whìrape atima fea bemó betó mulu, Yesupaae woseturaalu, “Naao ti yale fo òkélé kisipa yaai dapa, bete mo ti hãkearóló yae,” yalepó. <sup>11</sup> Ai fo depa ama atimapaee duraalu, “Whì me dené ama topo so tokó daalóló so me dokotepa, ai whìné Kótóné fo tukóló topo sotamo betere ala mo ti doratapó. <sup>12</sup> Atétere kaae sonékélé, oma whì tokó daalóló, whì metamo dokotepa, atétere soné Kótóné fotei tukóló, ama omatamo betere ala mo ti doratapó,” yalepó.

*Naale senaale Yesupaae dapesó wale fo*

*(Mat 19:13-15, Luk 18:15-17)*

<sup>13</sup> Téró etéyalepó. So whìné kale keteirape Yesuné wolaa yópóló, à

beterepaae dapesó wua yalepó. Atétepa, ama yó matere wh̄irapené kale so wh̄i foné sóró sesétu betalepó. <sup>14</sup> Yesuné atétere ala kolóló, ama yó matere wh̄irapetamo fopaae buóló duraalu, “Ai naale senaale ę beterepaae wópólópa sesékese. Ti noatepaae, atei naale senaale kaae betere so wh̄ita, ti Kótóné teteróló betere aq̄mó sókó fóló beterapó. <sup>15-16</sup> So wh̄i i naale senaale kaae aq̄yóló bitinitepa, ti Kótóné teteróló betere aq̄mó sókó fenénipó,” yalepó. Ai fo yóló, Yesuné kale naale senaale dok̄q̄ apuósu yóló, naase mulóló atima wisiraterere fo dua yalepó.

*Doasi néli teó wh̄ipaae yale fo  
(Mat 19:16-30, Luk 18:18-30)*

<sup>17</sup> Téró etéyalepó. Yesu ę ama kisipa mole tikipaae faai fu betalemó, wh̄i betę sururu yóló wóló, Yesu daalemó bukutiri teęró bitu, ępaae duraalu, “Yó matere wh̄i wisi-ó, ę mo ti betó tawaairaaalu, noa alakó yaaloé?” yóló wosalepó.

<sup>18</sup> Ti fo depa, ama kale wh̄ipaae duraalu, “Naao ępaae noatepa wh̄i wisi-ó fo du de? Wh̄i betękókélé wisi wh̄i bitini, Kótó ę betę mo wisirapó. <sup>19</sup> Ti Kótóné yae yóló muló betere alarape i ape.

‘Wh̄i daq̄se, so nópu naq̄se, qlémi naq̄se, kapala fo yóló me wh̄i só deraq̄se, me wh̄i dilikóló ęla ęla qlémi saq̄se.

Naao hae aya wisi doi mulópóló, atimaamo aq̄mó bitu, wisi ala betę erótu betae yóló, ere fo fea ti naao ai tuęre ape,’” yalepó.

<sup>20</sup> Ai fo depa kale wh̄iné ępaae duraalu, “Yó matere wh̄i-ó, ai alarape feata, ę mo naale belekq̄amalemó bitutei deté wóló, miókélé hęle yó tarapó,” yalepó.

<sup>21</sup> Ai fo depa Yesuné kale wh̄i yaala sókó fóló kelené ę kaae taru duraalu, “Mo betę ala betę ya mei ai ere ape. Térapa ya fóló, naao mole ęla ęla fea dotonóló *moni* sae. Atéro sere *moni* ti ęla ęla meiyóló yolealere so wh̄imó

ęliróló melae. Atéro melóló yaęta, ti ó hepen bemó taleróló muló betere wisi wisi ęla saasepóló dęmo faalopa ę sya ape,” yalepó.

<sup>22</sup> Ai fo depa, kale sekę ę fea ęla ęla mole néli wh̄i ereteiné, ama kelepaa humula yóló fomoné sukuté felepó.

<sup>23</sup> Téró Yesuné ama yó matere wh̄irape kaae taru duraalu, “Doasi néli wh̄irape Kótóné teteróló betere aq̄mó sókó faairetei mo doasi hapólurapó,” yalepó.

<sup>24</sup> Ama yó matere wh̄irapené ai dere fo woseturaalu, atima siratu betalepó. Tétepa, ama atimapaee momó duraalu, “Ti naalerape-ó, Kótóné teteróló betere tikimó sókó faairetei, béni mo doasi hapólurapó.

<sup>25</sup> Doasi *kamel* hupu kuti nomotere ketęli dolomó sókó fenénipó. Atére kaae, fea ęla ęla tare néli wh̄i Kótóné teteróló betere aq̄mó sókó faairetei mo doasi hapólurapó,” yalepó.

<sup>26</sup> Yesuné ai fo deremó, ama yó matere wh̄irape atimasisitei doasi sirayóló duraalu, “Atéro hapólupa, ti noa kaae so wh̄imo mo ti aluyaqsóró tao saaloé?” yalepó.

<sup>27</sup> Ti fo depa, Yesuné atima kaae taru duraalu, “Mo wh̄iné atei kaae ala fea sęmó enénipó. Mo wh̄i ere kaae Kótó ę aténi, fea ala fea ama mo sęmó eranérapó,” yalepó.

<sup>28</sup> Ai fo depa, Pitané ępaae duraalu, “Dę yaętamo kweęaairaaalu, dęné ęla ęla fea mo ti taaróló i wale ape,” yalepó.

<sup>29</sup> Ai fo depa, Yesuné atimapaee duraalu, “Yaęlo diępaae mo i dere ape. Wh̄i me detamo yaęlo ala eróturaalu, kale fo wisi yó maté kweęaai, ama be ó no nemarape ó hama alima ó naalemarape ó hae tiki fea taaróló wapa, ti atétere wh̄imó i ala eraalo ai ape. <sup>30</sup> Ama betę ęla taaróló walemótei, nomarapekélé kutórape, nemarapekélé, hamarapekélé, alimaraapekélé, naalemarapekélé, berapekélé 100 tó mó beleróló saalo ai ape. Téturaalu, dowi susupui alakélé saalotei, nalo waaire alimó

mo ti betó tawaaire bete saalopó.  
<sup>31</sup> Téyaalotei, mió i alimó mepaae doasi doi mole whĩrape take nalo doi munire whĩ kaae betaalopó. Mió mepaae doasi doi muni, sókó deyóló betere so whĩta, take nalo mo doasi doi mole topo whĩ kaae betaalo ai ape,” yalepó.

*Yesu ą sukąairemó yale fo  
 (Mat 20:17-19, Luk 18:31-34)*

<sup>32</sup> Atéró, atima Jerusalem bepaee furaalu, Yesu ąpi fi tikimó, ama yó matere whĩrape nalo haió! yóló sira deté fu betalepó. Tétepa, mepaae atima sya wou betere so whĩkélé wiyalepó. Atéró, Yesuné ama yó matere 12 whĩrape tų dępaae dapesó fóló daae mulu, ąpaae eraaire ala fea atimapaee momó yó melalepó.  
<sup>33</sup> Atéró, atimapaee duraalu, “Mió dą Jerusalem bepaee i fole ape. Téteretei, kale Whĩné Naalema me whĩné eleké deyóló mo so whĩmó Talepaae momaraterere whĩraperó Moses-né asęere fo yó matere whĩrapetamoné naase tuąmó mu-laalopó. Téró fo tokóló só deróló, Juda mei kae fakené ą dópóló, melaalo ai ape. <sup>34</sup> Atéró, atimané ą faleterere alakélé, fesąa apuraterere alakélé, halika tikiné fokosó sere alakélé, faleyóló haleraterere alakélé erótu betero, nalo atimané ą mo ti sukópóló daalopó. Téyaalotei, be dę soremó dou dolomó muóló ą momó kepaayóló betaalopó,” yalepó.

*Jems-ró Jon-tamoné Yesupaae wosale fo  
 (Mat 20:20-28)*

<sup>35</sup> Téró, kale Sebedi naalema tamo Jems-ró Jon-tamo Yesu beterepaae wóló duraalu, “Yó matere whĩ-ó, dąmoné yąpaae woseterere ala naao eraaloé?” yalepó.

<sup>36</sup> Ai fo depa, Yesuné atimaamopaae duraalu, “Yąlo di-aamomó noa alakó eraró de?” yalepó.

<sup>37</sup> Tétepa, atimaamoné ąpaae duraalu, “Take naao mo kae ere dę wisi-naale hąkearaterere sukamó dąmo

me whĩkó naao turu naase dęmó beteroó, me whĩ fę naase dęmó beteroó, yaasepóló dapó,” yalepó.

<sup>38</sup> Ti fo depa, Yesuné kale whĩ ta-mopaae duraalu, “Diaamoné ępaae ai wosale fota, Talené tęteróló kaae tare tikimó ere ala diaamo tuęni keteruraalu dapó. Dowi ala kwia tokóló aluraai susupu sóró sinaaitere ala, diaamonékélé sųmó senére? Ó ę węi tópuraterere kaae, diaamokélé tópurópóló kisipa mute?” yalepó.

<sup>39-40</sup> Ai fo depa, atimaamoné duraalu, “Dąmokélé ai ala sųmó enérápó,” yalepó. Ai fo depa, Yesuné atimaamopaae duraalu, “Yąlo tikimó doasi susupu sóró sinaaire alaró ę węi tópuraaaitere alatamo di-aamopaaekélé sųmó eraalotei, turu naase ó fę naase dęmó beteraaire alata, ti yąlo tęteróló kaae tanipó. Ai alata, yąlo Ayané ama tęteróló kaae taru, aimó betaaire whĩ tamokélé, ama mo taketitei tukóló betero betero,” yalepó.

<sup>41</sup> Tétepa, mepaae ama yó matere naase tamo whĩrapené ai fo woseturaalu, Jon-ró noma Jems-tamopaae doakale fopaae bualepó.

<sup>42</sup> Atétepa, Yesuné atimapaee tourąle ape yóló duraalu, “Juda mei kaae fake tęteróló kaae tare topo whĩrapené mo so whĩ tęteróló kaae tawóó, atimané sóró betero betere whĩrapenékélé mo so whĩ tęteróló kaae taru, i ala erae du betereitei diaaq ai kisipare ape. <sup>43</sup> Atétere kaae, dią tuąmókélé ai ala momókó yaqse. Dią tuąmótamo betą whĩkó doasi topo whĩ betaai kisipa mutepa, ti so whĩ feané kutó diraterere whĩ betenérápó. <sup>44</sup> Whĩ me de doasi doi mole topo whĩ betaai depa, ti diąné wae sóró kutó diraterere whĩ kaae betae. <sup>45</sup> Ti noatepae, kale Whĩné Naalema waleteita, ą topo whĩ bitu mepaae whĩrapepaae ama kutó dirae yaairaalu wéni, ą mo so whĩné kutó diraterere whĩ bitu, atima aluyaqsóró ama betere bete hąle melóló, dupuraai walepó,” yalepó.



*Kele dilikire whi Batimeus wisirale fo*

*(Mat 20:29-34, Luk 18:35-43)*

<sup>46</sup> Atéro atima Jeriko bepaee walepó. Atéro, nalo ama yó matere whiraperó mo so whi featamo ai doasi be taaróló fu betalemó, betá kele dilikere whi Timeus naalema Batimeus tų demó bituraalu, monikó ąlae yóló kematu du beterepó.

<sup>47</sup> Atétua dere whi ą tų demó beteremó, kale Nasaret whikó Yesu walapó dere fo wosóló, fo fakeyóló duraalu, “Depit-né deté fele whiné Naalema Yesu-ó, ę kólené sukuturaalu, tao sae,” du betalepó.

<sup>48</sup> Ai fo du betepa, mepaae so whiné taalae yóló, foné salepó. Tétepatei, kale whiné woseni nisiyóló, fo mo ti fakeyóló duraalu, “Depit-né deté fele whiné Naalema Yesu-ó, naao ę kólené sukuturaalu, tao sumié?” yalepó.

<sup>49</sup> Ai fo deremó, Yesu ą keiyóló daalu, “Aąpaae ape yae,” yalepó. Tétepa, kale whirapené kale kele dilikire whipaae duraalu, “Mió yąpaae ape dapa, whaaliani, haıtamo turukó horóló fae,” yalepó. <sup>50</sup> Tétepa, kale whiné ama bukóló betere kuti dąae faróló, ą Yesu beterepaae hapale tųwó felepó.

<sup>51</sup> Atéro daapa, Yesuné ąpaae duraalu, “Yalo yamó noa alakó eraró de?” yalepó. Ai fo depa, kale kele dilikire whiné duraalu, “Yó matere whi-ó, yalo kelené ąla ąla kelenée du beterapa, naao wisiraasepé,” yalepó.

<sup>52</sup> Ti fo depa, Yesuné ąpaae duraalu, “Naao tuę tiki tiratere alané yą wisiralepa dua fae,” yalepó. Ai fo deretamotoró kale whiné ama kele wisitepa, Yesu sya felepó.

## 11

*Yesu doasi topo whi aqyóló fele fo*  
*(Mat 21:1-11, Luk 19:28-40, Jon 12:12-19)*

<sup>1</sup> Atéro atima Jerusalem be huluapaae felekemó sókó faairaalu, Olip

du sorokó mole aqmó tene Betpas beró Betani betamomó sókó felepó. Aimó Yesuné ama yó matere whirapekó tamo whi dotonaa du-raalu, <sup>2</sup> “Diaamo fole be huluamó sókó fenalemó, whi betóló konire utų *donki* hupu duló betepa kelaalo ai ape. Térapa, ai hupu taayóló ipaae dapesó ape. <sup>3</sup> Atéro taanalemó me whiné duraalu, ‘Ai hupu neaai só fute?’ depa, ąpaae i fo yae. ‘Momó hapale sóró waaitei, Talené ama me kutó diyaa, kapala asiri sene fae yale tikimó sóró fulapó,’ yae,” yóló dotonalepó.

<sup>4-5</sup> Atétepa atimaamo fóló ke-lalemó, be bela tų demó tene be tų sókó walemó, kale bopeyale hupu duló beterepó. Atépa, kale hupu taatu betalemó mepaae aimó daae mole so whiné atimaamopaae duraalu, “Diaamoné ai hupu neyaa taatu de?” yalepó. <sup>6</sup> Ai fo depa Yesuné atimaamopaae yae yale fotoró yalemó, atimané “Wisirapa sóró fae,” yalepó. <sup>7</sup> Atéro, kale hupu dape sóró Yesu beteremó sókó felemó, ama yó matere whirapené deró betere kuti sókósu yóló, ai kale *donki* hupuné sisó tómó whamenatepa Yesu ą bitı holalepó. <sup>8</sup> Atéro betóló fupa, mo turó so whiné atima kuti sorokóló tųmó whamenaté fóo, mepaae so whiné sapo dąa ó wolou dąarape turukóló whamenaté fóo, deté fu betalepó. <sup>9</sup> Yesu ą tuamó fupa, mepaae so whi folosóró fóo, mepaae so whi nalo wóo du bitu fo fakeyóló duraalu,

“Hosana! Talené doimó wale whi wisinaale-ó! Talené yą mó wisiró betera pó.

<sup>10</sup> Mo take dąné ayarape deté wale whi Depit-né teteróló kaae tawale ala mió dą tuamókélé sókó walapó.

Térapa, Talené yą wisirópóló yae!

Hosana, ama doi doasi ó sikipaae sóró horópóló, yae!” deté fu betalepó.

11 Téró Yesu ą Jerusalem bepaae sókó fóló, momatere be dolopaae felepó. Atéró, ai be dolomó muó mole ęła ęła fea kelené dokę du betalepó. Atétu betalemó, be dikitepa ama yó matere 12 whįrape atima fea Betani bepaae felepó.

*Yesuné momatere bemó hokęle fo (Mat 21:12-17, Luk 19:45-48, Jon 2:13-22)*

12 Atéró fiyóló be dętepa, hįka ai Betani be taaróló fu betalemó, tu tuąmó Yesu ą wote yalepó.

13 Atétepa, ą tuýmó fu bitu kese falalemó betą nose mo umó daapa kelalepó. Atépa betepaae fóló, dukó olerémóló kelalemó, oleni hęle sókumaaté erepó. 14 Atépa kale nipaae duraalu, “Me sukamó wouraalu whį betąnekélé naao du momó kae tokóló naalomeipó,” depa ama yó matere whįrapené wosalepó.

15 Atéró, atima momó Jerusalem bepaae sókó wóló bituraalu, kale momatere be dolopaae fóló kelalemó, whįrape ai be dolomó ęła ęła dotonóló dupu du betepa hókó faralepó. Atéró, be kaepaae wale whįrape atimané *moni* ai be talené *monıtamo* duputamó du betere ni fakeraperó ba hókósere beleróló dotonótu betere fıloi ni fakerapetamo fesekeyóló taae faralepó.

16 Téró, mepaae whįné momatere be tuą dolomótei dotonaaire ęła ęła beleyóló sóró fua wua du betepa, Yesuné ama seséyóló kaae sóró hókonalepó. 17 Atéró ama atimapaae yó mótu duraalu, “I aseýóló muló betere fo diaaę dosąayóló tuę munié?

‘Yęlo beta, i hae kwia feamó betó mole kae kae tiki daae mole so whįné Talepaae betą moma yępóló tęné betere bepó, erapó.’

Ai fo epatei, diaaę du betere alané ęlémi nokole whįrape touróló betere be aęrótu beterapó,” yalepó.

18 Yesuné atéró yó mótu betere fo mo so whįné wosóló siratu betere

ala, mo so whįmó Talepaae momaratere topo whįraperó Moses-né asęre fo yó matere whįrapetamoné wosóló atima dei kisipa muturaalu, Yesu daaire tu kikitu betalepó.

19 Atétu beteró be dikitepa, atima ai doasi be hulua taaróló felepó.

*Yesuné nose sélirale fo (Mat 21:20-22)*

20 Atéró, atima mo hįkati tuýmó fu bituraalu kelalemó, kale ni nose betekélé mo turó sélipa kelalepó.

21 Atépa, Yesuné take kale yale fo Pitané tuę muni wapa ąpaae duraalu, “Yó matere whį-ó, naao foné dorale ni nose ai sélirapa kelere!” yalepó. 22 Ti fo depa Yesuné ąpaae duraalu, “Kótópaae tuę tiki tiróló betae. 23 Yęlo diąpaae mo i dere ape.

Mepaae whį de kisipa tamo muni, Talepaae tuę tiki tiróló i ulupaae yą ai daale tiki taaróló węi ęła tómó daane derepae depa, mo téyaalo ai ape. 24 Térapa, yęlo diąpaae i dere fo wosae. Diąné moma duraalu me noa ęlakó wosetepa, ti ai wosetere ęła naao mo serapóló tuę tiki tiratepa, ti diaaę mo saalo ai ape. 25 Diąné moma duraalu, hepen bemó betere Aya Kótóné diaaę yale dowi ala kwia hęle kemerópóló, mené diąpaae me dowi ala erélipa, ti ąpaaemo kwia tokę melaai dapóló tao tani, me ęła meipóló kisipa keterae,” yalepó. 26 (-)

*Yesupaae yą né sóró beterale éyale fo (Mat 21:23-27, Luk 20:1-8)*

27 Téró atima momó Jerusalem bepaae wóló bituraalu, ą momatere be tipiné boperó daaló betere tuąmó kutu betalemó, mo so whįmó Talepaae momaratere topo whįrapekélé, Moses-né asęre fo yó matere whįrapekélé, mepaae whį disirapekélé, fea ą beterepaae walepó. 28 Atéró wóló ąpaae woseturaalu, “Ai alarape du beterópóló yą né sóró beteraleé?” yalepó.

29 Ai fo depa Yesuné atimapaae tokę mótu duraalu, “Yęlokélé

diapaae betā wosetere fo yaalopó. Yālo wosetere fotamo diaaḡ epaae tokó matepa, ti diaaḡ wosetere fokélé yālo tokó melaalopó. <sup>30</sup> Ti take Jonné so whī wēi tópurale ala, momó kaayóló waleé? Ó hepen bemó betere Talené yae depa yalepé, mo whiné yae depa yaleé?” yalepó.

<sup>31</sup> Ai fo depa, kale whīrape atimasisitei fo kēlaaróló duraalu, “Dāné hepen bemó Talené yae depa yalepó enalemó, ti dāpaae ama dere fo wosóló āpaae tué tiki tirénitere noatepae? yaalopó. <sup>32</sup> Atéyaḡsóró, mo whiné yae depa yalepó fo uḡtei, Jon ḡ Kótóné fo eratere kóló whīpóló so whī feané kisipareteiné atima kapo duné dā siróló daḡsóró ai fo yaalo meipó,” yalepó.

<sup>33</sup> Atétepa atimané Yesupaae duraalu, “Dā tuénipó,” yalepó. Ti fo depa ama atimapaee duraalu, “Mené epaae i alarape yae depa dapóló, yālokélé diāpaae yó melaalomeipó,” yalepó.

## 12

### *Kutó tale faai yale fo sale (Mat 21:33-46, Luk 20:9-19)*

<sup>1</sup> Téró, Yesuné ama kale fo sale forape momó kaae sóró yó melótu duraalu, “Whī betāné wain képi wae biliyaa kutó diyóló tipi bopé yalepó. Atéró, kale képi du ūlumétepa tokóló fē dowāaire tiki kaponétei aleyóló mulalepó. Atéró kemetepa, kutó kaae tawóló betaaire be mo sikimó deróló tēalepó. Téró ai kutó tale ḡ me bepaae faai kutó kaae tawópóló, mepaae whīrape sóró beteróló duraalu, ḡla ūlumétepa sere sukamó dā bukaalopa, kutó wisiyóló kaae tawae yóló ḡ felepó. <sup>2</sup> Atéró fóló bitu, ama biliale képi du ūlumétepa sere alimó bukóló, ama saaire sū ti ama kutó diratere whī betāné sene fópóló, kale kutó kaae tare whīrape beterepaae dotonalepó. <sup>3</sup> Atéró dotonalemó, atimané ḡ tawóló fokosoi ala du beteró me ḡlakélé menéni, ḡle fópóló dotonalepó. <sup>4</sup> Tétepa, kale

whiné ama me kutó diratere whīmo dotonalemó, ai whīkélé kale dere kaae topomó kapóró dóló haleróló faralepó. <sup>5</sup> Atétepa kale dere kaae, me whīmo dotonalemó ai whīkélé mo ti dalepó. Tétepa, mepaae whīrape mo dekéró dotonótua yalepó. Téyalemó, mepaae whīrape dóló ḡle susupuróo, mepaae whīrape mo ti dóló sukunóo dua yalepó.

<sup>6</sup> Whīrape fea atétu beteró kemeróturaalu, ama ḡosaa mole naale betā bitī felepó. Ai naale dotonaa duraalu, mió atima yālo i naale aḡmó bituraalu, epaae mo wisi ala betā eraalopóló kisipa mutu dotēyalepó.

<sup>7</sup> Téyaletei, kale naale wale kilitu, kale kutó kaae tare whīrape atimasisi duraalu, ‘I kutó tale sukutepa ḡ betale sirimó betaaire whī ai wale ape. Tétu ai kutó ama saḡsóró dā saairaalu, ḡ daalopa siépe,’ yalepó. <sup>8</sup> Atéró, atimané kale sekékélé mo ti dóló sukunóló, ai kutó tipi aḡpaae taae deralepó.

<sup>9</sup> Atétepa, ai kutó talené ama noa ala yaaloé? Kale kutó tale ḡ wouraalu ai kutó kaae tare whīrape fea mo ti dóló aluraalopó. Atéró ai kutó kaae tawópóló, mepaae whīrape sóró beteraalopó. <sup>10</sup> Ti i aseýóló muló betere fo diaaḡ dosāyóló tué munié?

‘Kale be tētere whīrapené dopa taae farale kapo faketei, doasi be hulua deyaaire eleké wisinaale alée felepó.

<sup>11</sup> Ai ere ala wisinaale dāné kilituraalu, Talené eró beteraapóló dukiróló siratu beteraapó,’ yalepó.

<sup>12</sup> Yesuné ai yale fo sale beteta, Juda topo whīrape atima só deratapóló kisipa mutu, ḡ daaire tū kikitu betalepó. Aimó ḡ tawaa yalemó, ai touró betere so whiné atimapaee me ala eraḡsóró witepa taaróló felepó.

*Sisapaae takis moni matere fo  
(Mat 22:15-22, Luk 20:20-26)*

13 Atéró, nalo mepaae Farisi wh̄iraperó Herot-né ama kisipa mole ala erótu betere wh̄irapetamo Yesuné dere fo bete wosóló ą só deraairaalu, kaae tawóló beterópóló dotonale wh̄irape walepó. 14 Atima wóló Yesupaae duraalu, “Yó matere wh̄i-ó, yāta mo fomaaté dere wh̄i betteretei ɖané tuęrapó. Téruraalu, doasi doi mole so wh̄iró wisi so wh̄itamo maaté tao sóró wisi ala eróturaalu, mepaae belei sókó deyóló betó mole so wh̄i taalatimipó. Téni, kale mo fo bete sya furaalu, Kótóné ama ere ala i ape yóló yó mótu betteretei ɖané kisiparapó. Térapa, ɖané topo wh̄i Sisapaae *takis moni* matere ala wisirépé dore? 15 Naao kisipané melarópé melaqseróe?” yalepó.

Ti fo depa, Yesuné tiki tuępaae dorutei tó tikiné wisire nisi du betere wh̄irapené kapala dilikitu betere ala bete ama tuępatei duraalu, “Diɖané ę dópóló só deraai noatepa dilikitu bitu de? Ti ai *denarias moni* yālo kelaalopa ipaae sóró ape,” yalepó. 16 Tétepa, atimané kale *denarias moni* kolópóló sóró wóló matepa, atimapaae woseturaalu, “I ere asęró mole asotamo-a, né?” yóló wosetepa, atimané ąpaae duraalu, “Aita Sisané asęró asotamopó,” yalepó.

17 Ai fo depa Yesuné atimapaae duraalu, “Sisané ɔlata, ti Sisapaae melae. Kótóné ɔla ɔla ti Kótópaae melae,” yalepó. Ama ai dere fo woseturaalu, atimané haió! yóló siratu betalepó.

*Kepaayóló bitu so ó wh̄i dokaalomeipóló dere fo*

*(Mat 22:23-33, Luk 20:27-40)*

18 Atéyale k̄lipaae etéyalepó. Sukutere so wh̄i momó kae kepaayaalomei, mo ti alutapó du betere Sadyusi wh̄irape Yesu betterepaae wóló i fo wosalepó. 19 “Yó matere wh̄i-ó, Moses-né i fo asęyóló muló beterapó. ‘Mepaae wh̄iné so dokaleteti naale dini hāle betteró sukutepa, ti nomanémo ai

so wulia dokóló naale detepa, ti sukale wh̄i sirimó bituraalu, ama ɔla ɔla teteróló kaae tanópóló yae,’ fo erapó. 20 Take wēikeró nomarape betterepó. Atéró kale topo wh̄i so dokaleteti, naale senaalekélé dini hāle sukalepó. 21 Atéró sukutepa, ai so wulia noma me wh̄inémo dokalepó. Téyalemó, ai wh̄ikélé naale dini hāle sukalepó. Atétepa, noma me wh̄inémo dokalepó. Téyalemó, ai wh̄i ąkélé hāle sukalepó. 22 Atétepa, kale so wulia wēikeró nomarapené dokoté waleteti, kale wēikeró wh̄irape fea naale betakélé dinipó. Téró nalo kemeróturaalu, kale sokélé sukalepó. 23 Atéyale so take kepaayóló wale sukamó, mé wh̄iné ą dokaaloé? Ti noatepae, betą sotei take nomarape feané dokoté waletinépó,” yalepó. 24 Ai fo depa Yesuné atimapaae duraalu, “Kótóné asęyóló muló betere foró ama fotokotamo wisiyóló tuę munireteiné dią fea kópaae falapó. 25 Ti sukale so wh̄i momó kepaayóló betere sukamó, so dokotere ala yaalomeipó. Sokélé, wh̄itamo dokotere ala mo yaalo meipó. Hepen bemó betere *ensel*-rape ere kaae, hāletóro betó tawaalo ai ape. 26 Sukale wh̄i momó kepaayóló betaalopóló, Moses-né asęyóló muló betteretei, diaaę dosąayóló tuę muni airapó. Hasi fosómó ni sesaape dolomó Kótóné Moses-paae duraalu, ‘Ęta Abraham, Aisak, Jekop-sépi, teteróló kaae tare Kótó i betere ape,’ erapó. 27 Ti ąta, mo take sukóló aluyale so wh̄i teteróló kaae tare Kótó mei, mió i alimó betó mole so wh̄ikélé teteróló kaae tare Kótópó, erapó. Atépatei dią tuęniru, h̄oko fo du betterapó,” yalepó.

*Kótóné yóló muló betere doasi topo fo*

*(Mat 22:34-40, Luk 10:25-28)*

28 Atéró, Sadyusi wh̄irapené Yesupaae wosetere fo fea ama wisiyóló tokó mótu betepa, Moses-né asęre fo



yó matere wh̄rapekó bet̄ané Yesu-paae woseturaalu, “Kótóné yae yóló muló betere forape tuámó mo doasi bete mole fo-a, méé?” yalepó.

<sup>29</sup> Ti fo depa Yesuné duraalu, “Mo doasi bete mole topo fo i ape.

‘Israel fake so wh̄-ó, wosae! Da t̄eteróló kaae tare Tale Kótóta me kae bitini, mo bet̄atóró betera-pó.

<sup>30</sup> T̄erapa, Tale Kótópaae yaala sókó fole alata, tué tiki turónékélé, naao hosaa turónékélé, naao kepe bete turónékélé, naao fotok̄ turónékélé yaala sókó fu betae.’

<sup>31</sup> Tamo dakoróló dere fo me i ape.

‘Naaotei ȳa yaala sókó fu dere kaae, naao be wh̄i so wh̄ipaaekélé atéró yaala sókó fu betae.’

I fo tamoné mepaae yae yóló muló betere forape fea t̄eteró betera-pó,” yalepó.

<sup>32</sup> Ai fo depa kale wh̄iné tok̄ó mótu duraalu, “Yó matere wh̄-ó, Kótó tekeyóló tamo bitini, mo bet̄atóró betera-pó dere fota, naao mo dono ai dere ape. <sup>33</sup> Ti naao hosaa turónékélé, naao tué tiki turónékélé, naao fotok̄ turónékélé, Talepaae yaala sókó fu betae. T̄eturaalu, naaotei ȳa yaala sókó fu dere kaae, naao be wh̄i so wh̄ipaaekélé atéró yaala sókó fu betae. Ai doasi bete mole fo tamota hupu dóló Talepaae simó suk̄l̄aa dalatere alaró mepaae ɔla ɔla h̄ale matere alatamo mo t̄eró betera-pó,” yalepó.

<sup>34</sup> T̄eró, Yesuné ama ai yale fo bete kale wh̄iné mo wisiyóló tok̄ó matepa ɔpaae duraalu, “Ȳata, Kótóné t̄eteróló kaae tare tikipaae mo felekemó sókó faai dapó,” yalepó. Ai fo deremó, me wh̄ínékélé ɔpaae wosetere fo kae ini, atima witepa taaralepó.

*Keriso né naaleé yale fo  
(Mat 22:41-46, Luk 20:41-44)*

<sup>35</sup> Atéró, Yesu ɔ matere be bolaare tuámó daalu so wh̄ipaae

fo yó móturaalu, i fo wosalepó. “Kale Moses-né as̄ere fo yó matere wh̄rapené duraalu, Kótóné sóró betéró betere wh̄i Kerisota Depit-né naalemapó du betere fo-a, noa betené du bitute? <sup>36</sup> Mo take D̄ei Kepe Wisiné Depit ɔ fotok̄ratepa, ama h̄akearóló i fo ipakalepó.

‘Talené ɔ t̄eteróló kaae tare Talepaae duraalu,

“Naao bóe wh̄rape ȳa aomó betérópóló, ȳalo dóló t̄eteraalopa, ȳa ȳalo turu naase demótóró betó tawae,” erapó.

<sup>37</sup> Depit-né ama deyale naalené deyaaire naalepaaetei, ɔ t̄eteróló kaae tare Tale-ó du betale-a, neyóló yaleé?” yalepó. Ama atéró dere fo aimó touró betere mo so wh̄iné h̄ekesetamo wosetu betalepó.

<sup>38</sup> T̄eró, Yesuné so wh̄ipaae fo yó mótu duraalu, “Moses-né as̄ere fo yó matere wh̄rapené dere alané dīa dorasóró, mo hotowa yóló kaae tawae. Ti atimata, so wh̄i feané wh̄i wisipó yóló dukiraterere kokomó, so wh̄i tour̄leta dere tikipaae faairaalu, f̄loi kuti wisinaale maaté deróló fua dapó. <sup>39</sup> T̄eró, Kótóné fo wosetere berapepaae furaalukélé, mo doasi topo wh̄rape bituatere tikimótóró betaai ek̄ele yóo, kale ɔla detere sukamókélé, doasi doi mole topo wh̄rape bituatere tikimótóró ek̄ele yóló betóo, dua dapó. <sup>40</sup> At̄eturaalu, kale wulia sorapekélé dilikóló atimané muó mole ɔla ɔlakélé ɔlémi sóo, atima dukirópóló momatere alakélé mo f̄lo s̄iyóló yóo, dua dapó. At̄etere wh̄rapeta take taletere sukamó, mo doakale dowi kwia saalo ai ape,” yalepó.

*Wulia soné Talepaae male moni ke  
(Luk 21:1-4)*

<sup>41</sup> Atéró, me et̄eyalepó. Momatere bemó so wh̄i atimané tare moni s̄utóró Talepaae h̄ale der̄leta duraalu mepaae néli so wh̄iné ti doasi moni derótua yalepó. At̄etu betepa, Yesu ɔ kaae tawóló daalepó.

<sup>42</sup> T̄eyalet̄ei, bet̄a yolealere wulia

soné ama sonaai *moni* ke tamo sóró wóló deralepó. Ai *moni* keta, kale sonaai *moni* ketamo sunipó.

<sup>43</sup> Yesuné ai kale wulia soné derāle wale *moni* ke kolóló, ama yó matere wh̄irapepaae ape yóló duraalu, “Yālo diāpaae mo i dere ape. I yolealere wulia soné derāle wale *moni* kené so wh̄i feané derāleta yale *moni* fea teraae falapó. <sup>44</sup> Ti noatepae, mepaae so wh̄inéta doasi *moni* mupatei, tómó moletei maaté sóró wóló derāleta yalepó. Téyaletei, i wulia sonéta ama depe dolo sesé taretei mo ti kemeróló derāle walepó,” yalepó.

## 13

*Miό betere ali kemeteremό yaaire ala*

(*Mat 24:1-35, Luk 21:5-33*)

<sup>1</sup> Téró, atima ai momatere be taaróló fu bitu, ama yó matere wh̄irapekó betāné āpaae duraalu, “Yó matere wh̄i-ó, doakale kapo fak-ené be wisinaale ai tēnāpa kelere?” yalepó.

<sup>2</sup> Ai fo depa Yesuné duraalu, “Ai tē mole doasi be wisinaalerape take fisikó furaalu, mió i ere kaae betā kane fakekélé metamo olekepa ke-laalomeipó. Mo featóró kolokó fóló muaalo ai ape,” yalepó.

<sup>3-4</sup> Atéró, Yesu ai momatere be ópaae tēne fapa, *Olip* du sokoremó Pita, Jems, Jon, Andru atimasisi bitu āpaae woseturaalu, “Naao mió ti bope yale alarape-a metéli yaaloé? Ai yale fo mo dokonaairaalu noa alapi depa, kolóló dāné kisipa yaaloé?” yalepó.

<sup>5</sup> Ai fo depa Yesuné duraalu, “Mepaae wh̄iné kapala fo yóló diā dilikaqsóró, mo wisiyóló kaae tawae.

<sup>6</sup> Mepaae dilikitere wh̄irape wóló, yālo doi yóló duraalu, ‘Ēta diāné wópóló kaae tare wh̄i Keriso i ape,’ yóló, so wh̄i fea kópaae fópóló dilikaalo ai ape. <sup>7</sup> Bóe mo du betepa kolóló dere foró, me bemó bóe du beterapóló deté kotere fotamo wosóló, diri furu furu duraalu wiyaqse. Ti ai alarapeta, mo yaalotei

kemeyaaire be dē sókó waai teórapó.

<sup>8</sup> Me hae kwiamó betere wh̄iró me hae kwiamó betere wh̄itamo bóe daalo ai ape. Me hae kwia tēteróló kaae tare topo wh̄iraperó me hae kwia tēteróló kaae tare topo wh̄irapetamo bóe daalopó. Kae kae hae kwiapaae doakale baotere alaró, q̄la sóku alutere alitamo waalo ai ape. Ai alarapeta, sorapené naale saai sisó kaae sóró nukutere kaae dapó. Ai alarape yóló kemetepa, nalo mo doasi sek̄i ala waalopó.

<sup>9</sup> Ai sek̄i alarapeta h̄asókó feni, diāpaae mo eraalopa siki sikiyóló betó muae. Ti noatepae, mepaae mo wh̄irapené diā be kaae tare wh̄irapené fo tokóló só derópóló, atima naase tuāmó muló, mepaae wh̄irapené diā fo wosetere bepaae dapesó fóló fokosói ala yóo, yaalopó. Diā yālo ala erateremó, tēteróló kaae tare *Gavman* doasi topo wh̄iraperó atimané sóró beteró betere topo wh̄irapetamoné keletómó sóró daalaalo ai ape. Atétere be dēmó, Talené diāpaae erale alarape atimané wosópóló, diaao yaaire tē amatei mulaalo ai ape. <sup>10</sup> Atéró, kemeyaaire be dē sókó waai teópa, folosóró i hae kwia feamó betó mole so wh̄ipaae mió wosetere fo wisi yó maté kw̄eyóló s̄uraalopó. <sup>11</sup> Atétepa, mepaae wh̄iné diātamo fo tokótamo yaai dapesó fupa, noa fo yaalorópóló whaalia yaqse. Diāné fo yaai kaae seretamo, diaaq yaaire fo Talené yó melaalo ai ape. Diaaq kisipané yaalomeitei, Kótóné ama D̄ei Kepe Wisiné yae dere fotóró yaalo ai ape.

<sup>12</sup> Me wh̄iné ama nomatei mené dópóló eleké deyóo, me wh̄iné ama naaletei me wh̄iné dópóló eleké deyóo, naale senaalenékélé hama alima aqmó betere h̄óróló, mepaae wh̄iné dópóló eleké deyóo, yaalopó.

<sup>13</sup> Diā yālo ala erótu beteremó, so wh̄i mo feané diātamo dei tuē murturaalu, diā h̄óróló bóe daalo ai ape. Téyaalotei, mepaae so wh̄i de ēpaae kisipa tiki tiróló, diriyóló

bitiré fóló kemetere kwiamó sókó fupa, ti atétere so whi aluyaqsóro yálo tao saalopó.

<sup>14</sup> Diaaḡ kelerálemó, Kótóné ama kae bemótei, mo kelaalo sonaalei dowi ala du betepa, Talené doi folokoleróló, be mo wópu mulaalopó. Ai ala enénire tikimótei epa kilitu, i asere fo dosatere so whi diḡné mo wisiyóló kisipa muae. Ai ala depa, Judia hae kwiamó betó mole so whi hasi fosópaae botokó fópóló yae. <sup>15</sup> Diḡ siki be kemó beterálemó i sekei ala wapa kilitu, siki bemó betereitei taaróló, aḡró be kemó mole ɔla ɔla sene derepéni taaróló botokó fae. <sup>16</sup> Mepaae whi kutómó daarálemó ai ala depa, ama dḡae mulale bukutere kuti momó sene feni, mulópóló taaróló botokó fae. <sup>17</sup> Atétere sukamó, mepaae naale ere soraperó naale senaale tare sorapetamo botokó faaire suni bipi ereteiné mo doa kɔlerapó. <sup>18</sup> Térapa, ai alarape sosóli alimó yaqsóropa, moma betḡ du betae. <sup>19</sup> Ti noatepae, Atétere alimó mo doakale dowi sekei waalo ai ape. Mo take Kótóné keké nale alimó kaae sóró bitiré wóló, mió i alimókélé atei kaae dowi sekei ala mo kolókélé inipó. Téró bitiré fóló, nalopaaekélé atei kaae dowi sekei ala momó kae kelaalomeipó. <sup>20</sup> Ai be dḡrape Talené ḡlekeróló tukóló mulóluḡ meisóro, ti so whi mo betḡkókélé ḡsókó fuḡ meipó. Talené ama sorokósu yóló kae beteró betere so whimó kisipa mutu, be dḡrape ḡlekeróló tukóló muló beterapó. <sup>21</sup> Ai sukamó whi mené diḡpaae duraalu, 'Kale sóró beteró betere whi Keriso ai walapa kelae!' Ó u wóló betere ape depa wosóló, mo dapóló momókó tuḡ tiki tiraḡse. <sup>22</sup> Ti noatepae, mepaae Keriso aḡyóló dilikitu betere whiraperó Kótóné kɔló whipóló kapala fo yó matere whirapetamo waalo ai ape. Atétu, kae kae ala yaairemó eratere doasi alaró kae kae kelemei alarapetamo eróturaalu, Kótóné sorokósu yóló kae beteró

betere so whikélé kópaae fenérémóló kḡae kolóló sḡ saalopó. <sup>23</sup> Téyaalopa, diḡ dilikóló kópaae falaqsóro, siki siki yóló bituraalu mo wisiyóló kaae tawae. Ai alarape fea yaai teópatei, yálo diḡpaae i dere ape.

<sup>24-25</sup> Ai sekei alarape wale kɔlipaae ti i asere fo dokonóturaalu, i alarapepi yaalo ai ape.

'Suka ke aluróló dilikiróo, Wéliékélé dḡ iniyóo, ḡrerapekélé i haepaae torokó dorowóo, yaalopó.

Téturaalu, Kótóné ama bole fo tokḡnétei ó sḡ woreróturaalu, samó ere ɔla ɔlakélé fea wore yaalo ai ape,' erapó.

<sup>26</sup> Atétere sukamó, kale Whiné Naalema ḡ ama fotokḡró mo kae ere dḡ wisinaaletamo sḡko tuḡmó sókó wapa, so whi feané kelaalo ai ape.

<sup>27</sup> Atéró wóló daalu, ama sorokósu yóló kae beteró betere so whi dape siré kwḡyópóló, ama *ensel*-rape dotonaalopó. Haeró sḡ kwiatamo dene fale dokḡ feamó, betóló fale so whi dape siré kwḡyópóló dotonaalopó.

<sup>28</sup> Téró fo me i ape. Ni nosepaae dó faróló dere fo diaaḡ wisiyóló tuḡ yaasepóló, i dapa wosae. Nose sóku fóló, totokḡ momó beletepa kilituraalu, kale ba fo ali mió felekemó sókó walapó dua dapó. <sup>29</sup> Yálo i bopeyale alarape eratepa kilituraalu, kale Whiné Naalema felekemó waai, tuḡ serekemó daapa dapóló tuḡ muae. <sup>30</sup> Yálo diḡpaae mo i dere ape. Mió i alimó betó mole so whi fea sukuni ḡle betepatei, i alarape mo eratepa kelaalo ai ape. <sup>31</sup> Ó sḡró i haetamo kemeyaalotei, yálo fo betḡ mo kemekélé ini, ḡle muótóro tawaalopó.

*Aḡ waaire be dḡró suka keletamo tuḡnipó yale fo*

*(Mat 24:36-44)*

<sup>32</sup> Mo whi betḡnékélé, hepen bemó betere *ensel*-rapekélé, Naalemanékélé, ai be dḡró suka keletamo tuḡnitei, i be demó i alarape

yaalopóló, Alimané betá tuérapó.  
<sup>33</sup> Térápa, á waaire be de diá tué inireteiné ali ali yaqsóro, betere dokó siki siki du betae.  
<sup>34</sup> Kale Whiné Naalema waaireteita, i ala dere kaaepó. Betá whi metikipaae faairaalu, ama kutó diratere whirapepaae kutó betá betá yóló dokóratapó. Atéro, be tú sókó walemó daayaaire whipaaekélé, mo wisiyóló kaae tawae yóló á fulapó.

<sup>35-36</sup> Ti be tale fesaae waaire suka diá tuénipa, ai be de kaae tawóló betae. Ti noatepae, suka doropolepaae ó dilikitamo ó be deyaai bané hale deretamo ó diá noke firepaae ó suka sokoterepaae á hapale sókó walemó, diá ali ali eraqsóro kele diriyóló betaasepóló dapó. <sup>37</sup> Yálo i dere fota, diápaee maaté dumitei, so whi feapaae á mo waalopa, hotowayóló kaae tawae, yóló i dere ape,” yalepó.

## 14

*Betani bemó Yesu wel wéi dilale fo (Mat 26:1-13, Jon 12:1-8)*

<sup>1</sup> Atéro, kale bosneyóló fele be dero fopei *bred* o deyóló nokole be detamo sókó waai, tamo be de hále mupa etéyalepó. Kale so whimó momaratere whiraperó Moses-né asere fo yó matere whirapetamoné Yesu tawóló daaire tú kikitu duraalu, “Dané á neyóló tawóló daaló?” yalepó. <sup>2</sup> Tétepa, mepaae whiné duraalu, “Itei kaae ɔla detere be demó dané ai ala enalemó, ti so whiné hɔle sóro doasi foya enérapó,” yalepó.

<sup>3</sup> Téró, Yesu á Betani bemó dowi humu fuluné tiki dopa, take ama wisirale whi Saimon-né bemó ɔla nuku beterepó. Atétepa, so betané *alabasta* kanené aleale wutimó felé kɔlaa wale *nadi wel wéi* maapa tawóló walepó. Ai wéita, doasi *moni*-né duputeretei kale soné ai wuti topo dopó faróló, Yesuné topomó suniyalepó.

<sup>4</sup> Atétere ala mepaae whirapené kilitu, ai sotamo dei tué muóló

atimasisitei duraalu, “Ai wéi wisi-naale noatepa hále besekeróló suniyalerópó? <sup>5</sup> I wéita, dotonóló 300 *denarias moni* sóro mepaae hále yolealere so whimó móluqsóro wisiuapóló,” deteraayóló tamo foné su betalepó.

<sup>6</sup> Atétepa, Yesuné atimapaee duraalu, “Ama epaae mo kokóla ala wisinaale eralepa, diaaɔ á foné sere ala taalae. <sup>7</sup> Ai yolealere so whita, suka fea diátamo bitu, diaaɔ tao saai kisipa mutere sukamó tao sua enérapó. Téyaalotei, ɛta suka fea diátamo betó tawaalo meipó. <sup>8</sup> Téyaaireteiné ai soné ama enére ala ai yale ape. Ama ai yale alata, yálo tiki douratere sukamó felé kɔlaa wisi wópóló yaaire ala sɔralepó. <sup>9</sup> Yálo diápaee mo i dere ape. Hae kwia feapaae kale fo wisi yó maté kuturaalu, i soné epaae erale alakélé tuétóro hále yó taru, yó melaté kwéyaalopó,” yalepó.

<sup>10</sup> Téró Yesuné ama yó matere 12 whirapekó Iskariot be whikó Judas á Talepaae momaratere topo whirape beterepaae Yesu daaire tú aleyópóló eleké dene felepó. <sup>11</sup> Atéteremó, kale whirape atima hɔkesené sukuturaalu, Judas-mó *moni* melaai taleyóló mulalepó. Tétepa Judas á bituraalu, Yesu eleké deyaaire tú kekitu betalepó.

*Talepaae erale ala tué muóló nokole ɔla*

*(Mat 26:17-30, Luk 22:7-23, Jon 13:21-30, 1Korin 11:23-25)*

<sup>12</sup> Téró, kale fopei *bred* o deyóló nokole *fula* kaae sere be demó i ala yalepó. Atimané mara mole ala sya furaalu, kale bosneyóló fele be demó ɔla deyaai *sipsip* hupu male dóló simó biliyóló nukua dapó. Ai ala yaai, Yesuné ama yó matere whirapené epaae woseturaalu, “Kale bosneyóló fele be demó deyóló naaire ɔla dané mé bemó taleyóló mularóé?” yalepó.

<sup>13</sup> Ai fo depa, ama yó matere whirapekó tamo dotonaa duraalu,



“Diaamo ai doasi be huluapaae fóló kelenalemó, tu tuamó betá whi ą węi wuti beleyóló wou betepa hokolaayaalo ai ape. Téyaalopa, diaamokélé ątamo fae. <sup>14</sup> Atéró, ą fole be dolopaae diaamokélé fóló, ai be talepaae i fo yae. ‘Yó matere whi ą ama yó matere whirapetamo, kale bosenyóló fele be demó detere ąla naairaalu wale whirape betaaire be ke mé eré?’ yóló wosae. <sup>15</sup> Ténalemó, ąla ąla fea sumótóro sisóló muló betere siki be ke doasi ama diaamopaae yó melaalo ai ape. Ai be dolomó dané naaire ąlakélé taleyóló mulale fae,” yóló dotęyalepó.

<sup>16</sup> Tétepa, ama yó matere whi tamo fóló kelalemó, Yesuné atimaamopaae epa kelaalo ai ape yale alatoróti, mo epa kelalepó. Atépa, ai be ke dolomó kale bosenyóló fele be demó deyóló naaire ąla taleyóló mulalepó.

<sup>17</sup> Téró, be dikiteretamo Yesu ą ama yó matere 12 whirapetamo sókó walepó. <sup>18</sup> Atéró, atima be dolomó ąla nuku bitu, Yesuné ama yó matere whirapepaae duraalu, “Yalo diapaae mo i dere ape. Mió ętamo i ąla nuku betere whirapekó betané ę dópóló me whipaae eleké deyaalo ai ape,” yalepó.

<sup>19</sup> Ai fo deremó, atima tuę sekętepa ąpaae duraalu, “Yą yalo eleké deyaalopóló de?” yóló, atima feané betá kaae fotoró deté felepó.

<sup>20</sup> Tétepa, Yesuné atimapaee duraalu, “Ai ala yaaire whita, dią 12 whirapekó mió i nuku dolomó *bred* o węimó tópuró su yóló nuku betere whinėtei ę dópóló eleké deyaalo ai ape. <sup>21</sup> Atéró, kale Whiné Naalemapaae eraaire alata, kale ašemó ere fo mo dokonaalo ai ape. Téyaalotei, kale Whiné Naalema dópóló eleké deyaaire whi ą betá doasi dowi kwia saairemó wió yae! Ai whi ą hamané dewuą meisóro, mo wisi wuąpó,” yalepó.

<sup>22</sup> Atéró atima ąla nuku bitu, Yesuné kale *bred* o bula betá tao sóro

taru, Talepaae mo kée yóló kolokó daalu yóló, ama yó matere whirape dokoróló mótu duraalu, “Ita yalo tikipa, sóro nae,” yalepó.

<sup>23</sup> Téró kale dere kaae, *wain* węi wutikélé sóro taru Talepaae mo kée yóló, ama yó matere whirapemó matepa, atima feané betá wutimótei nukulé felepó.

<sup>24</sup> Atéró melóló duraalu, “I wutimó maane węita, Kótóné ama so whi fea aluyaqsóro tao saalopóló, diriróturaalu sunée farale yalo sameapó. <sup>25</sup> Yalo diapaae mo i dere ape. Ę diątamo etéro bitu, *wain* węi momó kae néli hąle bitiré fóló, Kótóné tęteróló kaae tare aqmó bituraalu, kisi *wain* węi naalopó,” yalepó.

<sup>26</sup> Atéró, atima wole fo betá yóló kemetepa, Olip du sorokó mole aqpaee holaa felepó.

*Yesuné Pitapaae naao ą kisipanipó yaalopóló yale fo*

*(Mat 26:31-35, Luk 22:31-34, Jon 13:36-38)*

<sup>27</sup> Atéró fóló, Yesuné atimapaee duraalu, “Mió dią ętamo betámó titiyóló betereitei, ę taaróló botokó dapo dapo yaalo ai ape. Ti ašemó i fo erapó.

‘Kale *sipsip* hupu kaae tare whi yalo dupa, hupurape atima botokó dapo dapo yaalopó,’ erapó.

<sup>28</sup> Téyaalotei, ę momó kepaayóló Kaleli haepaae ępi fimó, dią nalo waalo ai ape,” yalepó.

<sup>29</sup> Ai fo depa Pitané Yesupaae duraalu, “Mepaae whirapené yą taaróló fupa, ę betá mo até yaalomeipó,” yalepó.

<sup>30</sup> Ai fo depa Yesuné ąpaae tokó mótu duraalu, “Yalo ąpaae mo i dere ape. Mo mió dilikitamo wą *kakaruk* bané hale tamo dakoróló yaaipatei, naao ę tuęnipó fo sore félimó yaalo ai ape,” yalepó.

<sup>31</sup> Ti fo depa, Pitané fo diriné momó duraalu, “Atimané ękéle yątamo wusuró dópóló, yalo yą tuęnipó fo mo yaalomeipó,”

yalepó. Mepaae yó matere wh̄rape feanékélé, ama ai dere fo kaaetóro yalepó.

*Ketsemanimó yale ala*

(*Mat 26:36-46, Luk 22:39-46*)

<sup>32</sup> Atéroró, atima kelaalo kokoi tiki Ketsemanimó sókó felepó. Aimó ama yó matere wh̄rapepaae duraalu, “Èta momane fulapa dià imó betó muae,” yalepó. <sup>33</sup> Atéroró Pita, Jems, noma Jon, atima maaté Yesutamo felepó. Atéroró, Yesuné ama hosaa tuámó mo doasi dele duraalu, sekéné sukóló dei fomaake kisipa kaae sóró muté fu betalepó. <sup>34</sup> Atétepa, ama atimapaee duraalu, “Yalo hosaa tuámó dekené sukutu è mo felekemó sukai dapa, dià imó kaae tawóló betó muae,” yalepó.

<sup>35-36</sup> Ai fo yóló, à atima betere tiki sawa taaróló fóló, àpaae waaire sekè hāsókó fópóló, haemó deraapisa fóló mulu momaturaalu, “Apa-ó, èpaae i eraaire sekèi ala waqsóro seséyaaire tū mupa, ti naao seséyae.

Tépatei, yalo kisipa mole ala sya fóló ini, naao kisipa mole ala betà erópóló yae,” yalepó.

<sup>37</sup> Téró à ama yó matere wh̄rape beterepaae momó fesaae walemó, atima noke fopesaapa kelalepó. Atépa, Pita turukuróló duraalu, “Saimon-ó, suka kele betámó è kaae tawóló bitini, ya noke ai firerapó. <sup>38</sup> Kae kae sū sere alané dià me dowi ala yóló dée nalaqsóro, mo hotowayóló kaae taruraalu momatu betae. Ti noatepae, kepe betenéta mo wisi alamaaté yaai ketekè bupatei, tó tikiné dowi ala yaqsóro sesé yaaire fotokqó buni, bérápó,” yalepó.

<sup>39</sup> Atéroró à fesaae fóló, ama kale yale moma kaaetóro momó yalepó.

<sup>40</sup> Atéroró, à kale dere kaae momó fesaae wou kelalemó, atima noke kèle depa, fopesaapa yó molepó. Atima atéroró noke mo fyaletéiné, àpaae noa fo yaalorópóló kóló kóló yalepó.

<sup>41</sup> Atéroró, à sore dakeróló momane fi wouraalu kelalemó, noke fire alatóro yó tapa atimapaee duraalu,

“Dià sàa nóló noke fitere ala h̄ale ai yó tare? Sūmó fiyalepa mióta, kale tukóló muló betere sukakele i sókó wale ape. Kelae! mió dowi ala dere wh̄rapené kale Wh̄iné Naalema dópóló, mené eleké ai deyale ape. <sup>42</sup> Mió è dópóló eleké deyaaire wh̄i ai walapa, turukó hóróló dà faalopa fiépe,” yalepó.

*Yesu tawale fo*

(*Mat 26:47-56, Luk 22:47-53, Jon 18:3-12*)

<sup>43</sup> Ai fo deretamotóro, ama yó matere 12 wh̄rapekó betà Judas sókó walepó. Ama k̄limó, wh̄rape mo fea sepakeró nópulutamo tao diliki yóló wó tarepó. Ai wh̄rapeta, mo so wh̄imó Talepaae momarateretopo wh̄rapekélé, Moses-né asere fo yó matere wh̄rapekélé, wh̄i disirapekélé, atima fea betámó fo deyóló dotonatepa walepó.

<sup>44</sup> Téró, Yesu dópóló eleké deyaaire wh̄iné à tawaaire wh̄rape atima kóló kóló duraalu, “Hoko wh̄itei tawaqsóro è fóló, yalotamo kóló tukó nukupa, ti àtóro h̄iti ai ape. Térapa, tawóló dokóló só furaalu, à botokó faqsóro mo wisiyóló kaae tawae,” yóló mulélipakalepó. <sup>45</sup> Téró, kale Judas à Yesu daalepaae mo hapale sókó fóló duraalu, “Yó matere wh̄i-ó,” yóló kóló tukó nalepó. <sup>46</sup> Atétepa, ai wóló daae mole wh̄rape sókó furaalu, Yesu naasemó etèe sóró fotokqoyóló tawalepó. <sup>47</sup> Atétere ala kolóló, Yesutamo daale wh̄i betané ama sepake sókó sóró, so wh̄imó Talepaae momarateretopo wh̄iné kutó dirateretopo wh̄iné woséli s̄aae deralepó.

<sup>48</sup> Tétepa, Yesuné atimapaee duraalu, “Èta, Gavman-tamo bóe dóló so wh̄i yalo àlisóro fulapóló è daai nópuluró sepaketamo tao dilikiyóló woute? <sup>49</sup> Ti è suka fea momateretopo be belamó daalu diàpaae fo yó mótu betepa, fo tokótamo yaairaalu, diané è aimó tanipó. Tépatei, kale asémó yóló muló betere fo dokonaaairaalu dapa, mo erópóló yae,” yalepó. <sup>50</sup> Yesu atéroró tateremó, ama

yó matere wh̄rape atima wimó ą taaróló, botokó dapo dapo yalepó.

<sup>51</sup> Tétepa, betą kokopei wh̄i kutikélé deréni, ama bukutere dēi kuti maaté bukóló Yesu sya fu betalepó.

<sup>52</sup> Atéró fu betalemó, atimané ąkélé ama bukure kutitamo touróló tawalemó, ai kutitei atimapaae dąae melóló, ą tiki daapi hąle botokó felepó.

*Juda topo wh̄rapené Yesu só derale fo*

*(Mat 26:57-68, Luk 22:54-55,63-71, Jon 18:13-14,19-24)*

<sup>53</sup> Téró, atimané Yesu ą Talepaae momaratere doasi topo wh̄i beterepaae dapesó walepó. Atéró betepa, ai doasi topo wh̄i aqmó betere momaratere wh̄rapekélé, Moses-né asęre fo yó matere wh̄rapekélé, wh̄i disirapekélé, fea wóló touralepó. <sup>54</sup> Téró Yesu tawóló só fupa, Pita ą nalo dua tokó su deté fu betalepó. Atéró fóló, momaratere wh̄rapené topo wh̄iné be boperó daaló betere dopóku tų serekemó sókó felepó. Atéró ą ai be kaae tare diki tare wh̄rape betó mole kua dolomó, sosólitepa simó beterepó.

<sup>55</sup> Atépa, kale momaratere topo wh̄raperó fo tokóló taletere wh̄rapetamoné Yesu sukópóló daaire bete kikitu betaletai, bete mekélé kilinipó. <sup>56</sup> Atimané ą dópóló kapala fo yóló só deraaitere fo wh̄i feané yaletai betą fotóró ini, mené fo kae, mené fo kae, du betalepó.

<sup>57</sup> Atéró, ą só deraai mepaae wh̄i turukó holóló daalu i fo yalepó.

<sup>58</sup> “Mo wh̄iné naasené tęale be ama fisikóló, wh̄iné tęénire momatere be ama sore sukamótóró momó tęyaalopó depa, dąné wosalepó,” yalepó. <sup>59</sup> Téyaletai, atima feané betą fotóró ini, mepaae wh̄iné dere fo kae, mepaae wh̄iné dere fo kae du betalepó.

<sup>60</sup> Atétu betepa, momaratere topo wh̄i kale fo tokóló taleraterere wh̄rapené keletómó turukó horóló daalu, Yesupaae woseturaalu, “Yą

só deratere wh̄rapené doa i dere fo-a, naao atimapaae tokó menitere noatepa de?” yalepó.

<sup>61</sup> Ti fo depa, Yesuné atimapaae fo me tokó menipó. Atétepa, kale momaratere topo wh̄iné ąpaae momó woseturaalu, “Yąta, wisi alamaaté erótu betere Talené naalema so wh̄i tęteróló kaae tanópóló, sóró beteró betere wh̄i Kerisoé?” yalepó.

<sup>62</sup> Ai fo depa, Yesuné duraalu, “Ai wh̄ita, ętóróti i ape. Wh̄iné Naalema mo doasi fotokó bole Talené turu naase demó betóo, ó sąko dolomó wóo depa, diaaq kelaalo ai ape,” yalepó.

<sup>63-64</sup> Kale momaratere topo wh̄iné ama deró betere kuti bisąayóló duraalu, “Ą só deraaire bete kilinipakó, ama dere ala kelale wh̄i me kae kekąaloé? Ti Kótó faletere fota, amatei deremó dąné wosalepa, diąné noa kisipa mute?” depa, atimané duraalu, ą só deraaire fota amatei ai yalepa, ą sukópóló daalopó yóló mulalepó.

<sup>65</sup> Atéró, mepaae wh̄rapené ą fesąa apuróo, mepaae wh̄rapené ti kuti kwiané ama kele husiróló dokóló, naase duné dóo yóló, ąpaae duraalu, “Yątamo Kótóné ama wh̄ipata, ti yą dale wh̄i dąpaae yó ąlae,” yalepó. Atéró, diki tare wh̄rapenékelé, ą tao taru du betalepó.

*Pitané Yesu ą tuęnipó yale fo*

*(Mat 26:69-75, Luk 22:56-62, Jon 18:15-18,25-27)*

<sup>66</sup> Atétu betepa, Pita ą momaratere topo wh̄iné be boperó betere dopóku aqmó kese horóló betepa, kale topo wh̄iné kutó diratere so seimalerapekó betą ą beterepaae walepó.

<sup>67</sup> Atéró, Pita ą sosóli depa simó beteremó, kale so seimalené ą kelené kikéró kaae taru duraalu, “Yąkélé Nasaret be wh̄ikó Yesutamo betąmó kutua yale wh̄ipó,” yalepó.

<sup>68</sup> Ti fo depa, Pitané kale senaalepaae duraalu, “Naao ai dere fo beteta ę tuęni, kóló kólórapóló,”

ḡ witepa dopóku tu sereke felekemó bitj felepó.

<sup>69</sup> Atétepa, kale so seimalené Pita kolóló, aimó daae mole so whjpaae momó duraalu, “I whjkélé Yesutamo betámó kwęale whjkópó,” yalepó.

<sup>70</sup> Tétepa, Pitané ama kale dere fo kaae momó duraalu, “Ę mo meipó,” yalepó. Atéro sawa betóló, kale dere kaae mepaae felekemó daae mole whjrapekó betané ępaae duraalu, “Ti yęta, ętamo betámó kwęyale whj mo hji ai ape. Ti noatepae, nao dere fota, Kaleli be fo nakome wose-tapó,” yalepó.

<sup>71</sup> Ti fo depa, Pitané atimapaee duraalu, “Diaę ai bopetere whjta, ę tuęnipó. Yęlotamo diępaee kapala fo depa, ti Talené ę dępóló yae,” yóló, mo dirii dęle dere fo kaae yalepó.

<sup>72</sup> Ai fo deretamotóró, kale wę kakaruk bané hale tamo dakoróló yalepó. Tétepa, take Yesuné Pita ępaae du, wę kakaruk bané hale tamo dakoróló yaaipatei, nao ę tuęnipó fo sore félimó yaalopó yaletei, kisipa muni walepó. Atétepa, ę dekené sukuturaalu, doasi wole du betalepó.

## 15

### *Pailat-né Yesu dae yale fo*

(*Mat 27:1-2,11-26, Luk 23:1-5,13-25, Jon 18:28-19:16*)

<sup>1</sup> Atéro, mo hjkati so whjmó momaratere topo whjrapekélé, whj disirapekélé, Moses-né asęre fo yó matere whjrapekélé, fo tokóló taleraterere whjrapekélé, atima fea fo dokóló, mo betę tuętóró muóló, Yesu naase tamo dokóló dapesó Pailat-né naase tuęmó mulalepó.

<sup>2</sup> Atéro wóló daapa, Pailat-né ępaae woseturaalu, “Yęta, kale Juda fake so whj tęteróló kaae tare doasi topo whjé?” depa, Yesuné ępaae tokó mótu duraalu, “Ępó. Naao ai dere fota, mo dono dapó,” yalepó.

<sup>3</sup> Ai fo deremó, Talepaae momaratere topo whjrapené dei tuę mutu, i sekéné kae kae hęko alarape

yalepóló, só deratere fo du betalepó.

<sup>4</sup> Atétu betepa, Pailat-né ępaae momó woseturaalu, “Atima kae kae forapéné yę só derótu betere fo fea naao woserutei, tokó menitere-a, noatepa de?” yalepó.

<sup>5</sup> Ai fo depatei, Yesuné kale topo whj Pailat-paae me fo tokó menitere ala kilitu, ama sirayalepó.

<sup>6</sup> Atimané ęla detere alimó, mara mole ala ipó. *Dipula* beteró betere whj betákó ba fo dokómó so whjné sokae dere whjtóró Pailat-né sókó daalótua dapó. Atéro dotęyaa so whjpaee wosóló, atimané doi dere whjtóró dotonótua dapó. <sup>7</sup> *Gavman-*tamo bóe dóló whj dupa, *dipula* beteró betere whjrapetamo Barabaskélé beterepó. <sup>8</sup> Atépa, so whj mo fea Pailat beterepaae wóló woseturaalu, “Naao kale duatere kaae yaaloé?” yalepó.

<sup>9</sup> Ti fo depa, Pailat-né atimapaee woseturaalu, “Diaę kisipané Juda so whj tęteróló kaae tare topo whj dotonaró de?” yalepó. <sup>10</sup> Fo yaleteita, momaratere topo whjrape Yesutamo dei tuę muturaalu, ę daai dapesó wale bete Pailat-né ama kisipa yalepó. <sup>11</sup> Tétepa, kale momaratere topo whjrapené mo so whjpaee Barabas sokóppóló, yae yóló sesemeratere fo deté kotepa, atimané ai fo yalepó.

<sup>12</sup> Ti fo depa, Pailat-né atimapaee momó duraalu, “Juda so whj tęteróló kaae tare topo whjpaee yęlo noa alakó eraró de?” yalepó.

<sup>13</sup> Tétepa, kale so whjné fo fakeyóló duraalu, “Ai whj filipaa ni tómó oleróló dae,” yalepó.

<sup>14</sup> Ai fo depa Pailat-né atimapaee duraalu, “A me dowi ala initepatei, hęle noatepa daró de?” yalepó. Tétepa, kale so whj feané mo ti fo fakeyóló duraalu, “Filipaa ni tómó sukóppóló olerae,” yalepó.

<sup>15</sup> Atétepa, ai so whjné Pailat ępaae wisi tuę muóppóló, Barabas atima beterepaae fępóló sokóló daalóló, Yesu mo dirii halika tikinépi



fokosoi ala du beteró, filipaa ni tómó sukópóló olerae yóló, diki tare wh̄irapené naase tuámó mulalepó.

*Diki tare wh̄iné Yesu doka doka yale fo*

*(Mat 27:27-31, Jon 19:2-3)*

<sup>16</sup> Téró, kale diki tare wh̄irapené Yesu dape sóró kale topo wh̄i Pailat-né be bela wisinaalené doi Pretorium-paae dapesó felepó. Ai dopóku bolaa dolopaae mepaae diki tare wh̄irapekélé mo fea ape depa, atima touralepó. <sup>17</sup> Atéró daaló bitu, sonaa kuti deróo, mu daai kápítei topo wh̄irapené deratere topotao suróló bopeyóló, ama topomó deróo yóló, ą faletu betalepó. <sup>18</sup> Atéró, atimané duraalu, “Juda so wh̄i t̄eteróló kaae tare doasi topo wh̄i-ó,” yóló, fesąa apuróló dotó tiki né du betalepó. <sup>19</sup> Atéró, dotó tiki né ama topomó momó du momó du yóló fesąa apurótu betalepó. Atéró atima Yesu aomó bukutiri teąró bitu, doa wh̄i-ó yóló doi sóró horóló faletu betalepó. <sup>20</sup> Atétu beteró, atimané ą derale sonaa kuti sókóló, ama kuti momó deralepó. Atéró ą filipaa ni tómó sukópóló, oleraairaaalu dapesó felepó.

*Yesu filipaa ni tómó olerale fo*

*(Mat 27:32-44, Luk 23:26-43, Jon 19:17-27)*

<sup>21</sup> Atéró dapesó fu betepa, Sairin be wh̄ikó Aleksandaró Rufus-tamoné alima Saimon ą ipu bemó biti, doasi be huluapaae faai wapa, kale diki tare wh̄irapené ąpaae Yesu dóló oleraaire filipaa ni ą fasóló naao belerae yóló seýalepó. <sup>22</sup> Atéró, atimané Yesu dapesó fóló, betą hae Kolkotamó sókó felepó. Ai doiné beteta, topo diripó. <sup>23</sup> Téró, aimó *wain* wejóró kale *mur* ni fetamo hosekéróló tepeyóló nópóló melaletéi, ama nénipó. <sup>24</sup> Atéró, atimané ą filipaa ni tómó sinópóló oleralepó. Atéró oleróló, ama kuti atima saairaalu, betą melaa yalepó. Kale diki tare wh̄irape atima betą

betą yóló kapo fakemó siri eróló, sikipaae fesekéé horótua yalemó, mé wh̄iné siri moletei wisiyóló muni doro wapa, ti ai wh̄iné ama kuti sua yalepó.

<sup>25</sup> Téró h̄ika 9 *kilok* sukakelemó, Yesu dóló oleralepó. <sup>26</sup> I betené dalepóló, ą wolerale ni topomó aseýóló olerale fo i ape.

JUDA SO WH̄I T̄ETERÓLÓ KAAE TARE TOPO WH̄I

<sup>27</sup> Atéró, ọlémi nuku betale wh̄i tamo me wh̄i Yesuné fe naase d̄eró oleróo, me wh̄i turu naase d̄eró oleróo, yalepó. <sup>28</sup> (-) <sup>29-30</sup> Atéró oloró betepa, mepaae fua wua du betere wh̄irapené k̄ili fépo yóló duraalu, “Yąta, momatere be fisikóló sore sukamótóró momó teýaalopó du betale wh̄ipa, mió naaotei yą tao sóró, ai filipaa ni taaróló dere ape,” dua yalepó.

<sup>31</sup> Kale yale fo kaae, momaratere topo wh̄iraperó Moses-né asepe fo yó matere wh̄irapetamo atimasisitei duraalu, “Mepaae so wh̄i sukaqsóró tao sua yale kaae, amatei ą tao sinitupó,” du betalepó. <sup>32</sup> “Yątamo Israel fake so wh̄i t̄eteróló kaae tare doasi topo wh̄i Kerisopata, ti dą tué tiki tiraai dapa, ai filipaa ni taaróló dere ape,” du betalepó. Téró, ątamo oleró betere wh̄i tamonékélé, u wh̄irapené dere kaae, faletu betalepó.

*Yesu sukąle fo*

*(Mat 27:45-56, Luk 23:44-49, Jon 19:28-30)*

<sup>33</sup> Atéró, suka tuámó 12 *kilok* kaae sóró be dikiraletéi, kuluka 3 *kilok*-mó momó d̄eralepó. <sup>34</sup> Atéró, ai sukakelemó, Yesuné fo fakeyóló duraaalu, “*Eloi, Eloi, lama sabakatani,*” ai fo bete feteyóló “E t̄eteróló kaae tare Kótóo, ę t̄eteróló kaae tare Kótóo, ę wotoró beterópóló, noatepa taaróló feleé?” yalepó.

<sup>35</sup> Ama ai dere fo felekemó daae mole wh̄irapené wosóló duraalu, “Elaijapaae ape yóló, ai dere wosere?” yalepó.

<sup>36</sup> Tétepa, betã whi hapale fóló, wépi kaae ɔla kape sikimó haka sóró, séli kɛlaa kaae ere *wain* wéi tópuróló melaai yalemó, mepaae whiné duraalu, “Ilaija wóló ɔ tokóló só fulémóló kelaalopa, kaayae,” yalepó.

<sup>37</sup> Atéró, Yesuné fo fakeyóló, ɔ mo ti sukãlepó.

<sup>38</sup> Atéteretamo, kale momatere be tuãmó satãle yóló oleró betere kuti, haleteti ó kwiamó kaae sóró tuãmó teketé doropóló, salepaae sókó deralepó. <sup>39</sup> Téró, kale 100 diki tare whirape kaae tare doasi topo whi ɔ Yesu oleró betere tiki felekemó daalemó, ɔ sukãairaalu, dere fo fake wosóo, sukutere alakélé kolóo duraalu, “Haió! Ata, Kótóné Naalematei ai dirapó,” yalepó.

<sup>40</sup> Mepaae sorapekélé mo tumó kese anóló daae molepó. Ai sorape kuamó, Maktala sokó Mariakélé, Jems-ró Joses-tamoné hama Mariakélé, Salomekélé, atima atéró daalepó. <sup>41</sup> Ai sorapeta Yesu sya fóló, take Kalelimó ɔtamo kuturaalu, ɔ ya ɔtere ɔla melóló kaae tawale sorapépó. Mepaae ɔtamo Jerusalem bepaae wale sorapekélé fea atima daae molepó.

*Yesu dourale fo*  
(*Mat 27:57-61, Luk 23:50-55, Jon 19:38-42*)

<sup>42</sup> Kale Juda whirape atima ɔã nóló betere be de dótóróti sókó waaipa, miótóró kulukapaae ɔla ɔla sisóló mulatere be demó ai ala yalepó. <sup>43</sup> Tétepa, kuluka deretamo Israel fake so whiné fo tokóló taleraterere whirape tuãmó doasi doi mole Arimatea be whikó Josep walepó. Ai sekéta, Kótóné tetéróló kaae tare ala wópóló kaae tare whipó. Atéreteiné ɔ witere alakélé ini, halaaíné Yesuné tiki melaaloé? yóló, Pailat-paae wosene felepó. <sup>44-45</sup> Atéró, Yesu mo sukãlepó dere fo kale Pailat-né wosóló, ɔ kilita sókó fu sira yalepó. Tétu, diki tare whirapené doasi topo whipaae woseturaalu, “Yesu

mo ti sukãléé?” depa, kale sekéné duraalu, “Épó. A mo ti sukãlepó,” yalepó. Ti fo depa, kale Palaitiné Josep-paae wisirapa tokóló sóró fae yalepó. <sup>46</sup> Tétepa, Josep-né ama betã deji *linen* kuti wisinaale dupuyóló, Yesu tokóló haemó mulóló, ama tiki bopeyóló dokalepó. Atéró só fóló, mené aleyóló muló betere kane dolomó douralepó. Atéró, Josep-né ai dou tu kinaaire kane fake biliraté fóló kinalepó. <sup>47</sup> Atéró, Yesu dourótu betepa, Maktala sokó Mariaró Joses-né hama Mariatamo mo tumó daalu, kese faló beterepó.

## 16

*Yesu kepaayale fo*  
(*Mat 28:1-8, Luk 24:1-12, Jon 20:1-10*)

<sup>1</sup> Téró, kale ɔã nokole be de kemene fupa, Maktala so Mariakélé, Jems-né hama Mariakélé Salomekélé, atima felé kɛlaa wale wisi wisi ɔla Yesuné tikimó dilãle faai dupuyalepó. <sup>2</sup> Atéró, *fula* kaae sere be demó, hika suka hoteretamo kale sorape atima Yesu mole dou tópaee felepó. <sup>3</sup> Atéró atimasisi fu bituraalu, “Kale dou dolo kinó betere doasi kane fake betã né tukweyóló biliraté faalorópó?” deté fu betalepó.

<sup>4</sup> Atima atéró mo umó wou bitu kese faralemó, kale dou dolo kinó betere doasi kane fake biliraté fóló, demó muló betepa kelalepó. <sup>5</sup> Atépa, atima dou dolopaae felemó, betã kokopei whi deji kuti wisinaale deróló, turu naase deró betepa kólóló, atima witu kilita sókó felepó.

<sup>6</sup> Atétepa kale whiné atimapaee duraalu, “Diã wiyóló kilita sókó faqse. Diãta, atimané filipaa ni tómó oleróló dale Nasaret whi Yesu kekitu beterapó. Ata imó muni, kepaayóló ai fele ape. A mulale tikikélé haãle ai erapa kelae. <sup>7</sup> Térãpa diã fóló, ama yó matere whi Pitaró mepaae yó matere whirapetamopaae i fo ene fae. Take ɔ sukãai bituraalu, yale fo motóróti dokonóturaalu, diã wópóló, folosóro ɔpi Kaleli haepaae ai fale

ape. Térapa, diã aipaae fupa, ą aimó kelaalopó,” yalepó.

<sup>8</sup> Ai fo deremó, kale sorape atima diri furu furu yóló kilita sókó furaalu, doutó taaróló botokó felepó. Atéró, kale sorape atima aso sókó feleteiné witepa, atimané kelale alarape me whĩpaae inipó.

<sup>9</sup> Fula kaae sere be demó Yesu ą kepaayóló mo hĩkati Maktala be sokó Maria daalemópi sókó walepó. ąta, take Yesuné weikeró dowi keperape betepa, hõkonale sopó.

<sup>10</sup> Téró, Maria ą fóló, Yesutamo kweyale whĩrape dekẽné sukuturaaalu, molómó betó mupa, ama kelale ala fea atimapaae yalepó.

<sup>11</sup> Téyalemó, atimané kale soné Yesu kepaayóló betepa kelalepóló ene wale fo wosóló, mopóló tuę tiki tirénipó.

<sup>12</sup> Téró nalomo, ama yó matere whĩrapekó tamo whĩ, doasi be hulua taaróló, me tikipaae faai fu betalemó, Yesuné ama tiki mo kae daayóló, atimaamo fu betere tuamó sókó wóló, daapa kelalepó.

<sup>13</sup> Atétepa, kelale whĩ tamoné mepaae yó matere whĩrapepaae ą mo kepaayóló beterapó fo ene walemókélé, mo dapóló atima tuę tiki tirénipó.

<sup>14</sup> Atéró, nalo Yesu ą ama yó matere 11 whĩrape ąla nuku berteremó sókó walepó. Atéró wóló, atimané ą mo kepaayóló beterapó dere fo wosóló, tuę tiki tiréni deremó, atima foné sóró duraalu, “Diaaą kutiri hapóluru dowąae fóló, ę kepaayóló beterapóló ene wale fo wosóló, mopóló tuę tiki tirénitere noatepa de?” yalepó.

<sup>15</sup> Atéró, atimapaae duraalu, “Kótóné kaaróló berteró betere kae kae tiki daae mole so whĩ feapaae i kale kisi fo wisi yó melaté kweyae.

<sup>16</sup> Mepaae so whĩ detamo tuę tiki tiróló bitu weĩ tóputepa, ti atétere so whĩ aluyaąsóró Kótóné tao saalotei, mepaae tuę tiki tirénire so whĩ ti ama só deróló, dowi dupu melaalopó.

<sup>17-18</sup> Atéró, tuę tiki tiró betere so

whĩné etei kelemei alarape eraalo ai ape. So whĩ tuamó betó mole dowi keperape ąlo doimó hõkonótua yóo, kae kae be fo tuęnirutei tuęre whĩné dere fo kaae yóo, whĩ dele dowi wulirape naasené tatua yóo, hereikélé naalotei sukuni yóo, hepo daróló mole so whĩné tikimó naase mulatepa wisi yóo, yaalo ai ape,” yalepó.

<sup>19</sup> Atéró, Tale Yesuné atimapaae ai forape yóló kemetepa, Kótóné ą hepen-paae dapesó holóló, Talené ama turu naase demó beteralepó.

<sup>20</sup> Atéró, ama yó matere whĩrape atima hae kwia feapaae kale kisi fo wisi yó maté kweyaae felepó.

Atima atéró yó maté kotere fo so whĩné mo dapóló tuę muõpóló, mepaae kelemei alarape eraaire fotoką Talené atima tuąpaae mo sųralepó.

## Luk

### *Węi tópuratere whi Jon deyaalopóló yale fo*

<sup>1</sup> Kótóné eraalopóló muló betere fo dą tuąpaae mo eró betepa, mepaae whiné kolóló aseýalepó. <sup>2</sup> Ai whirape atima kọleaané asęni, yale alarape mo kelale whirapené deté wale fotóró yó maté wou betalepó. Ai whirapeta, kale fo wisi kae fotamo hoseké eraqsóró hotowayóló kaae taru, yó mótu betalepó. <sup>3-4</sup> Mepaae whirapené deté wale fo aseýale kaae, mió ęłokélé ai fo wisiyóló taleyóló betemó kaae sóró, mo donotóró aseýaai kisipa mutapó. Doa whi Tiopilus-ó, take mepaae whirapené ęąpaae yó melale fota, mo erapóló naao diriyóló tuę yaasepóló, ęąlo i aseęere ape.

<sup>5</sup> Kale Judia hae kwia tęteróló kaae tare topo whi Herot betale alimó etéyalepó. So whimó Talepaae momaratere whi betą beterepó. Ai whita, Lipai faketei, Abaijané deté wale whi Sekaraiapó. Ama soma Elisabet-ta, momaratere topo whi Eron-né deté wale sopó. <sup>6</sup> Kótóné keletómó atimaamo mo donoi soró whitamó bitu, Kótóné yóló muló betere fo aqmó sukóló, ama erae dere ala betą eraté fu betalepó. <sup>7</sup> Atéretei, kale so Elisabet atimaamo naale senaalekélé mei, ni daayóló betepa, sokélé sere yóo, whikélé otere yóo yalepó.

<sup>8</sup> Atéró betere tuąmó Abaija fake whirapené so whimó momarópóló, tukóló muló betere be demó Sekaraiaró ama fake whitamóné momatere be kaae tarepó. Atéru, Sekaraia ę so whimó momarótu betalemó etéyalepó. <sup>9</sup> So whimó momaratere whirape atima mara mole ala sya furaalu, atimané doi mole ni fak-erape fesekéé deralemó, Sekaraijané doi mole ni fake dono fetée horóló muni dorowalepó. Atétepa, ę kale momatere be tuąpaae fóló,

felé kęlaa wale fetera kaae ęla si keletómó biliyópóló, atimané ę sóró beteralepó. <sup>10</sup> Atéró, kale felé kęlaa wale fetera kaae ęla simó sukulaa dalatere sukamó ę momatere be dolopaae fóló, simó terepetu betalepó. Atétu betepa, mepaae momayaai wale so whi atima belamó kaae taru momatu betalepó.

<sup>11</sup> Até du betepa, Talené dotonale *ensel* wóló, kale felé kęlaa wale ęla bilitere tiki turu naase dęró daapa kelalepó. <sup>12</sup> Ai *ensel* sókó walemó, Sekaraia kilita sókó furaalu, mo winé sukutu betalepó. <sup>13</sup> Tétepa, kale *ensel*-né ępaae duraalu, “Sekaraia-ó, ęą wiyaęse, naao du betale moma Talené wosalepó. Naao so Elisabet naale deyaalo ai ape. Téyaalopa, ama doi Jon mulae. <sup>14</sup> Ai naale detere kilituraalu, ęą doasi hajné sukóo, mo so whikélé ai naale kilituraalu, hajné sukóo yóló Talepaae mo kée du betaalo ai ape. <sup>15</sup> Ti noatepae, Talené keletómó ę mo doasi whi betaalopó. ę doayóló bitukélé, *wain* węiró topo doyóló keyaa fole węitamó naalomeipó. ę hamané depemó betepatei, kale Dęi Kepe Wisi ę tuąmó fęayóló mo sęró betaalopó. <sup>16</sup> Atéru, take kępaae fu betere Israel fake so whi atima tęteróló kaae tare Kótó aqmó beterópóló, ai naalené momó dapesó waalo ai ape. <sup>17</sup> Tale wópóló fólósóró ępi wouraalu, ama yaaire alata, take betale whi Ilaija ę keperó fotokętamó fęanuraalu du betale ala kaae, ai sekę ę tuąmókélé até yaalopó. Ai naale doayóló bitu, alimaraperó naale senaaletamopaae momó hosaa muópóló, atima tuę tiki feteraalo ai ape. Atéturaalu, mepaae Kótóné fo woseni dowęae fu betere so whi Kótóné donoi ala tuąmó wisi kisipatamo beterópóló eraalopó. Atéturaalu, so whi fea Tale beterepaae faaire ala amatei, donoróló beteraalo ai ape,” yalepó.

<sup>18</sup> Atéró Sekaraijané *ensel*-paae duraalu, “Atei ala mo eraalopóló ęąlo noayóló kisipa yaaloé? Ti ę otere



yóo, yálo sokélé sere yóo, erapó,” yalepó.

<sup>19</sup> Tétépa, kale *ensel*-né apaae duraalu, “Èta Kótóné keletómó daalu i ala yae depa du betere *ensel* Kebriel-pó. Mió i dere fo wisi yálo yapaae yó melópóló, ama e yá beterepaae dotonatepa wóló yátamo fo i du betere ape. <sup>20</sup> Mió yálo i dere fo wosóló kisipa tiki tiréni depa, ti naao fo aluyaalo ai ape. Yá atépatei bitiré fóló, mió i dere fo dokonóló eratere sukamó ti naao fo momó yaalo ai ape,” yalepó.

<sup>21</sup> Téró, Sekaraia momatere be dolopaae holóló betepa, belamó a kaae tawóló betó mole so whiné duraalu, “A mo taketi holaletéi, diki du betere-a, noakó su bitu dérópó,” du betalepó. <sup>22</sup> Téró kale whi a belapaae dorowóló atimapaae fo yaaireteí sùni, ama fo alureteiné naasené maaté du betepa, so whiné etei kisipa mualepó. Be tuámó Talené me alakó apaae nokené dere ala kaae eratepa kilitu yalepó du betalepó.

<sup>23</sup> Atéró, momatere be tuámó kutó diyópóló ðale mulale be ðe kemetepa, ama bepaae felepó. <sup>24</sup> Ai alarape yale kílípaae ama soma Elisabet naale yalepó. Atétépa, kale so a kelaqsóro ama bemó kinóló betepatei, wélié aporó kemeyalepó. <sup>25</sup> A atéró bitu duraalu “Take e ni daapa so whi feané faletu betaletéi, mió i be ðémó Talené epaae erale wisi alané so whi feané keletómó yálo hale kemeralepó,” yalepó.

### *Yesu deyaalopóló yale fo*

<sup>26</sup> Téró, kale so a naale yóló betepa, apomi wélié tuámó Kótóné ama *ensel* Kebriel, Kaleli haemó tene Nasaret be huluapaae doteyalepó. <sup>27</sup> Atéró, kale *ensel* Kebriel betá so seimale Maria beterepaae felepó. Ai sota, Depit fake whikó Josep-né dokaaairaalu tukóló beteró beterepó. <sup>28</sup> Téró, kale *ensel* a beterepaae fóló duraalu, “Talené hëkesere so seimale-ó, Tale yátamo ai betere ape,” yalepó.

<sup>29</sup> Atei fo Mariané woseturaalu, etei kaae kqleó dere fo-a, noa betené dérópóló a kisipa teketu betalepó.

<sup>30</sup> Até du betepa, kale *ensel*-né apaae duraalu, “Maria-ó, Kótóné ama yá mo wisiyóló kolóló hosaa mutu, yapaae wisi ala eraai dapa, wiyaqse.

<sup>31</sup> Yáta, naale yaalo ai ape. Ai naale detepa, ama doi Yesu mulae. <sup>32</sup> A doasi topo whi betepa kilituraalu, so whi feané mo ó taoró betere Kótóné Naalemapó du betaalo ai ape. Ai naaleta, take ama noumatere Depit bitu yale kaae, so whi fea teteróló kaae tanópóló, Kótóné amatei a doasi whi sóro beteraalo ai ape. <sup>33</sup> Ata topo whi bituraalu, Jekop-né firale fakerape teteróló kaae tare ala kemekélé ini, hãle yótóro tawaalopó,” yalepó.

<sup>34</sup> Tétépa, Mariané *ensel*-paae duraalu, “Èta, whitamokélé konipa, ai ala neyóló yaaloé?” yalepó.

<sup>35</sup> Ai fo depa, *ensel*-né apaae tokó mótu duraalu, “Kale Dëi Këpe Wisi yá tuapaae bitu waalopó. Téturaalu, mo ó taoró betere Kótóné fotokqné yá teteróló husuró betaalo ai ape. Ai deyaaire naaleta, me dowi alakélé muni, mo kae naale detepa so whi feané kilitu, ita Kótóné Naalemapó fo yaalo ai ape. <sup>36</sup> Aita yá maaté mei, naao kekelé so Elisabet-kélé seretei naale erapó. Upulé a ni daapa mepaae so whiné atei serené naale deyaalomeipó dua yaletéi, mió a naale epa, apomiró wélié kemeyalepó. <sup>37</sup> Ti fea ala fea Kótóné sùmó enénipóló de?” yalepó.

<sup>38</sup> Ai fo depa, Mariané apaae duraalu, “Ti èta Kótóné ama kutó diratere so beterapa, naao yale fotóro ama epaae erópóló yae,” yalepó. Téró, kale *ensel* felepó.

### *Maria a Elisabet kële fele fo*

<sup>39</sup> Atéyale be ðémótóro, Maria a qla qla hapale sisóló ai be hulua taaróló, Judia du sorokó mole haemó tene be huluapaae felepó. <sup>40</sup> Atéró, kale so a Sekaraiaró somatamo

betere be dolopaae fóló, Elisabet-paae duraalu, “Fapa kǒleó,” yóló apualepó. <sup>41</sup> Mariané Elisabet-paae ai dere fo woseturaalu, Elisabet-né depemó betere naale toróyó holalepó. Atéturaalu, Dęi Kepe Wisi ą tuąmó ąayóló suralepó. <sup>42</sup> Atéru Elisabet-né fo fakeyóló duraalu, “Sorape fea betó mupatei, ya betą Tale Kótóné mo wisiró betera. Atéturaalu, naao deyaaire naalekélé ama mo wisiró betera. <sup>43</sup> ę mé so wisi betepa, ę tetéróló kaae tare Talené hama naao ę kełe waleé? <sup>44</sup> Naao kǒleó dere fo woseturaalu, yało depemó betere naalekélé hękesené sukutu toróyó holalepó. <sup>45</sup> Kótóné yąpaae eraalopó yale fo wosóló, naao kisipa tiki tiralemó ya wisiró betera, mióta ya hękesené sukę,” yalepó.

*Mariané Kótóné doi hale horótu yale wole fo*

- <sup>46</sup> Téro, Mariané duraalu, “Yało hosaa tuąmó Talené doi hale sóró horatapó.
- <sup>47</sup> Yało hosaa turónékélé ę aluyaqsóro tao sale Kótópaee mo kée yóló hajné sukutapó.
- <sup>48</sup> Ti ęta, kutó diratere doi muni sókótei so betepatei, ama ę wisiyóló tao salepó.  
Mió i be demó kaae sóró bitiré faaire so whi feané ę kilituraalu, ita Kótóné wisiró betere sopó yaalo ai ape.
- <sup>49</sup> Ti noatepae, mo doa fotokę bole Tale Kótóné ęmó mo doakale ala eralepó.  
Ama doi mo kae muluraalu, dowi ala mo betąkélé munire Talepó.
- <sup>50</sup> Mepaae so whi de Kótópaee winé sukóló ą aqmó dua betepa, ama kǒlené sukutere ala mió i alimó betere so whipaaekélé, take bitiré faaire so whipaaekélé, hęle yó tarapó.
- <sup>51</sup> Ama doasi bole fotokęné mepaae doasi alarape eralepó.

Atéturaalu, mepaae whi de atima kisipanétei duraalu, ‘Ęta mo doasi sekę whi betera-apoló,’ bopé faketu betale whirape dapo dapo yóló fǒpóló, hǒkó faralepó.

- <sup>52</sup> Mepaae tetéróló kaae tare doasi topo whirapené kaae tare alarape ama kemeróló, haepaae só deróo, mepaae naameyóló sókótei betere so whi ama sikipaae horóo, yalepó.
- <sup>53</sup> Mepaae wotené sukutere whirape ama ęla wisi melóló hairóo, mepaae ęla ęla dekéro mole neli so whi hęle fǒpóló dotonóo, dua yalepó.
- <sup>54</sup> Ama kutó diratere Israel fake whirape kisipa ketereni, kǒlené sukuturaalu, atima tao sere ala hęle yó tarapó.
- <sup>55</sup> Talené Abraham-ró ama deté faaire naaletamopaae wisi ala eraalopó yóló mulale fo ketereni, dané ayarapepaaekélé eralepó.  
Atýale kaae, mió i alimó dąpaaekélé ama kǒlené sukutere ala hęle yó tarapó,” yalepó.
- <sup>56</sup> Téro, welié solemó Maria ą Elisabet-tamo betero, nalo ama bepaae fesaae felepó.

*Węi tópuratere whi Jon deyale fo*

- <sup>57</sup> Téro etýalepó. Kale so Elisabet ą naale saaitere be demó ama naale dealepó. <sup>58</sup> Tale Kótóné doasi kǒlené sukuturaalu, ąpaae erale alamó Talepaae mo kée yóló doasi hękese yalepó. Atétepa, ama be whi so whiró kekelé so whitamokélé ama dere hękese kaaetóro du betalepó.
- <sup>59</sup> Atéro kale so naale sóró betero, bokó wale be demó ama tiki sekaę tukóló siriróo, kale naalené doikélé alima Sekaraiané doi yakoróo yaai, ama fake so whi walepó. <sup>60</sup> Até yaaitepa, ama hama Elisabet-né duraalu, “Meipó. Ama doita, Jon mu-lai dapó,” yalepó.

<sup>61</sup> Ai fo depa, atimané ɔpaae duraalu, “Ya fake whikó mo betakélé atei doi munipó,” yalepó.

<sup>62</sup> Ti fo depa, atimané alimapaae naasené maaté yóló duraalu, “Naao kisipané ɔ de doi mulaaloé?” yalepó.

<sup>63</sup> Tétepa, ama atimapaae naasené maaté yóló duraalu, asɛtere sóku sóró ape depa, sóró walepó. Atéro, ai kale sóró wale ɔla tómó Jon doi asɛyalepó. Ai doi asɛtere kilituraalu, so whi feané haió yóló, sirayalepó.

<sup>64</sup> Até yaletamotóro Sekaraia ɔ fo aluretei momó duraalu, Kótóné doi hale sóró horalepó. <sup>65</sup> Atimaamoné be felekemó betó mole so whiné atétere ala kilitu, me ala kae dapóló winé sinalepó. Du sorokó mole Judia hae kwiamó betó mole so whi feapaae i ala yalepóló deté kweyóló fakeralepó. <sup>66</sup> Mepaae i fo wosale so whiné “I naaleta, Tale Kótóné mo doasi fotokó bete ɔ tuámó mupa kilitu, take doayóló ɔ noa kae whi betaalorópó,” du betalepó.

### *Sekaraiané yale wole fo*

<sup>67-68</sup> Kale naale Jon-né alima Sekaraia Dɛi Kepe Wisiné fotokɔratepa, Kótóné ɔpaae yae depa mo so whipaae duraalu,

“Dané Talené doi hale sóró horaalópó. Israel fake so whi tɛteróló kae tare Kótópaae mo kée du betae.

Ti noatepae, ɔ ama so whipóló dupuró beteraópó.

<sup>69</sup> Ama kutó diratere whi Depit-né firale fake tuámó Kótóné whi betɔ sóró betero beteraópó.

Ai sekéné ama fotokóné ɔ i hae so whi aluyaɔsóró tao saalópó.

<sup>70</sup> Ti mo take Kótóné ama kae betero betere kóló whirapené yale fo mo dokonóturaalu yalepó.

<sup>71</sup> ɔ bóe whi kuamó betepa, ama tao saalópó. Téturaalu, mepaae whiné dowi kisipa muóló ɔtamó bóe dupa, ama fotokóné sesé yaalópó.

<sup>72</sup> Dané ayarape ama kisipa keteréni, kólené sukuturaalu mió ɔ tao saaire whi dotonaalópó.

<sup>73</sup> Ti aita hɔle mei, Kótóné ɔané aya Abraham-paae i ala eraalópóló mo dirii fo yóló muló betereiteinépó.

<sup>74</sup> Take ai yóló muló betere fo dokonóturaalu, bóe whirapené ɔ dóló tɛteraɔsóró, tao sóró betero beteraópó.

Atérené mió ɔ wikélé ini, halainé Kótóné kutó betɔ dirótu betenéraópó.

<sup>75</sup> Ti betere dokó fea ɔ ama keletómó ama kae ere alaró mo donoi alatamo tuámótóro betó tawaalópó.

<sup>76</sup> Yaɔta, yaɔ naalepó. Take nalopaae so whi feané ya kilituraalu, mo taoró betere Kótóné ama kóló whipó yaalópó.

Ti Tale waaipa yaɔi folosóró wouraalu, ɔ waaire tu donoraae yaaire whi betaalópó.

<sup>77</sup> Téturaalu, Kótóné ama so whiné dowi alamó melaaire kwia aluróló tao saaire ala naao atimapaae yó melaalo ai ape.

<sup>78</sup> Ti Kótóné kóle dere ala ama hosaa tuámó fɔaneteiné ai ala eraalópó.

Ti atéyaaire alata, hika teó sokotere suka ɔané tikimó felétu dere kae, Kótóné ama hepen-mó ere ɔ ɔ betere tuapaae eraalópó.

<sup>79</sup> Ti aita, noa yaai mei, mepaae diliki tuámó betó mole so whiró mo felekemó sukɔai du betere so whitamó Kótóné hosaa muni deyóló dua betere ala tuapaae bitɔ fópóló, ai ɔné yó melaalópó,” yalepó.

<sup>80</sup> Atéro, kale naale ɔ doaturaalu, ama kepe tuapaaekélé doasi fotokó bualepó. Atéru, ɔ Israel so whi beterepaae hɔkearóló sóku waairaalu, so whi bitini hɔle wópu tikimó bitiré felepó.

## 2

*Yesu deale fo  
(Mat 1:18-25)*

<sup>1</sup> Ai alarape du betale tuamó etéyalepó. Rom *Gavman* topo whi Sisa Akastus-né i hae kwiamó betó mole so whi doi siré kwéyae yóló mulalepó. <sup>2</sup> Atéro so whi doi saleteita, Siria hae kwia Kwirinius-né teteróló kaae tapa, folosóro kaae sutóro yalepó. <sup>3</sup> Atétepa, kale so whi mo fea doi sópóló, atimané turuku be séle sélepaee felepó.

<sup>4</sup> Atétepa, Josep ɔ Depit-né deté wale whi ereteiné Kaleli hae kwiamó tene Nasaret be taaróló, Judia haemó tene Depit-né be hulua Betelehem-paae felepó. <sup>5</sup> Ama dokaa i tukóló betéro betere so Maria naale epa, atimaamoné doikélé mulaai felepó. <sup>6</sup> Atéro fóló, atimaamo ai bemó betepa, kale so naale saaire be de sókó walepó. <sup>7</sup> Ai be demó kale soné ama topo naale deyalepó. Atéro, kale naale kutiné bope yóló hupurape ɔla melótua dere ni fakené aleyale nuku tómó beleró beterepó. Ti noatepae, uké wale so whiné fitere be fjaneteiné yalepó.

*Ensel-rapené sipsip hupu kaae tare whirapepaae yale fo*

<sup>8</sup> Téró etéyalepó. Ai hae kwiamó mepaae *sipsip* hupu kaae tare whirape ai be hulua taaróló, ne yó molepaae fóló, dikitamo atima hupurape kaae tawóló betó molepó. <sup>9</sup> Atéro beteremó, Talené *ensel* betá atima betere tikimó sókó wouraaalu, Talené ama ere doasi dené atima betere tikikélé deyó felepó. Atéteremó atima fea winé sukutu betalepó. <sup>10</sup> Atétepa, kale *ensel*-né atimapaee duraalu, “Diɔ wiyaqse, ɛta i hae kwia feamó betó mole so whiné wosóló doasi hajné sukáaire fo wisinaale ene walepó. <sup>11</sup> Diɔ i haemó betó mole so whi aluyaqsóro, tao saaire whi mió i be demó Depit-né be huluaamo ai deyale ape. Ata, Kótóné so whi fea teteróló kaae tanópóló, sóro betéro betere

Kerisopó. <sup>12</sup> Diɔ fóló kelenalemó, miótóro deale naale kutiné bopeyóló hupurape ɔla melótua dere ni fakené aleale ɔla tómó beleró betepa kilituraalu, ita kale bope yale naale htipó yaalo ai ape,” yalepó.

<sup>13-14</sup> Atéro, mo tétitóro kale *ensel* betá daalepaae ó hepen bemó betó mole *ensel*-rape mo hɔle ɔla kaae dorowóló daae mulu, Kótóné doi hale sóro horótu duraalu, “Mo taoró betere Kótóné doasi mole doi hale sóro horae.

Kótóné ama tuéné wisi ala eraaitere so whipaae hosaa muni deyóló mo dua betere ala erópóló yae,” yalepó.

<sup>15</sup> Kale *sipsip* hupu kaae tare whirape betó mupatei taaróló, *ensel*-rape hepen-paae fesaae holalepó. Atétepa, kale whirape atimasisi duraalu, “Talené dɔpaae yó melale ala kelaai, Betelehem be hulua paae faalopa fiépe,” yalepó.

<sup>16</sup> Atéro, atima hapale fóló Mariaró Josep-tamo betó, kale naalekélé hupurape ɔla melótua dere ɔla tómó firó, epa kelalepó. <sup>17</sup> Atimané kale naale kolóló *ensel*-rapené atimapaee yale fo so whi feapaae deté kwéyóló fakeralepó. <sup>18</sup> Ai fo depa wosale so whi feané ita, noa kaae fo yalerópóló, sirayóló tué teketu betalepó. <sup>19</sup> Até du betepatei, Mariané ai dere fo wosóló, ama hosaamó muló bitu kisipa hɔle yó tarepó. <sup>20</sup> Téró, kale *sipsip* hupurape kaae tare whirape atima bepaae fesaae furaalu, kale *ensel*-rapené atimapaee i ala epa kelaalo ai ape, yale ala motóro epa kelaleteiné Kótóné doi hale sóro horaté fu betalepó.

*Yesu momatere bepaae yó male fele fo*

<sup>21</sup> Atéro kale naale sóro bitiré fóló, bokó wale be demó ama tiki siriróló Yesu doi mulalepó. Aita kale so naale yaaipatei, *ensel*-né mulae yale doipó.

<sup>22</sup> Moses-né asemó soné naale sale tiki Talené keletómó wisiyópóló, kaae tawae ere be de kemetepa, Josep-ró Mariatamo kale naale



Talepaae melaai dapóló, Jerusalem bepaee dapesó felepó. <sup>23</sup> Aita hãle meipó. Talené fo tuãmó “Topo naale Talepaae melaie,” ere fo sya furaalu yalepó. <sup>24</sup> Téró, me ere fo i ape. “Betã soné naale senaale detepa, kale soné naale ditu yale ala Talené wisirópóló, ba hõkósere tamo ó sukusi tamo Talemó melaie,” ere fo sya furaalu atéyalepó.

<sup>25</sup> Até yale sukamó, Jerusalem bemó whi betãné doi Simeon beterepó. Aãa, mo donoyóló bituraalu, Kótóné ala betã erótu betale whipó. Atéró, kale Israel fake so whi dowi sekëi ala tuãmó betepa, tao saaire whi wópóló, kale Dëi Kepe Wisi ãtamo betãmó beterepó. <sup>26</sup> Aãpaae kale Dëi Kepe Wisiné etei fo yóló munélipakalepó. Yã hapale sukuni, Talené sóró beteró betere whi Keriso kolóló sukãalo ai ape. <sup>27</sup> Atéyale sukamó, Simeon otere Dëi Kepe Wisiné fotokõratepa, momatere be tuãpaae fóló beterepó. Atéró beterepó, kale yóló muló betere foné yae ere ala yaairaaalu, hamaró alimatamoné Yesu apuóló momatere bepaee sókó walepó. <sup>28</sup> Atéró wapa, kale Simeon oterené kale naale tao sóró ama naase tómó beleróló, Kótóné doi hale sóró horótu duraalu,

<sup>29</sup> “Qla qla fea tẽteróló kaae tare Taleó, naao kale yóló mulale fo mió mo dokonatereteiné naao kutó diratere whi sukutepa, hosaa muni deyóló dua fópóló yae.

<sup>30-31</sup> Ti noatepae, naao so whi aluyaõsóró, tao saaire ala so whi feané keletómó donoróló muló betepa mió yãlo i keletere ape.

<sup>32</sup> Ai dënë Juda mei, kae fake so whi tuãpaae Kótóné ere ala hãkearatepa kolóló tuẽ yóo, Israel fake so whikélé doasi doi sóo, yaalopó,” yalepó.

<sup>33</sup> Téró, kale naale hamaró alimatamoné Simeon oterené yale fo wosóló, haió i yale fo-a, noa betené

yalerópóló siratu betalepó. <sup>34</sup> Kale Simeon oterené atima wisiratere fo yóló, hama Mariapaae duraalu, “I naalenéãa, Israel fake so whi fea haepaae só deróo, mepaae so whi tao sóró sikipaae horóo, yaalopó. Atétere ala kilituraalu, Kótóné hiróló mole ala so whi feapaae hãkearóló yó matepa, mepaae so whiné ai dere fo wosaalomeipóló, ã só deraalo ai ape. <sup>35</sup> Atétere alané mepaae so whiné hosaa tuãmó mole tuẽ tiki hãkeamó mulaalopó. Atéteremó, sepake kwia kaaené naao hosaamó deyaalo ai ape,” yalepó.

<sup>36-37</sup> Aimó Kótóné ama betã kóló so wulia Aser fakekó Fanuel-né senaalema Anakélé beterepó. Ama whitamo dokóló betepa wëikeró ba fo kemeyóló, oma sukutepa wulia bitu kemeyale ba fotamo touróturaalu 84 ba fo biti serepó. Atéró Kótópaae kisipa tiró bitu, momatere be taarëni, dikitamokélé, dẽtamokélé, moma dere ala hãle yó tarepó. Atéru, ã qla weyóló bitu, moma dere ala betã dua yalepó. <sup>38</sup> Téró ai fapotóró kale so Ana atima beterepaae sókó wóló Kótópaae mo kée yóló, Jerusalem bemó betó mole so whi aluyaõsóró dupuróló tao saaire whi wópóló kaae tare so whipaae kale naale i ape yóló yó mótu betalepó.

<sup>39</sup> Atéró, Josep-ró Mariatamoné Talené yae yóló muló betere alarape yóló kemetepa, Kaleli haemó tẽne atimané diri Nasaret be huluapaae momó fesaae felepó. <sup>40</sup> Kale naale ã doaturaalu, mo doasi fotokõ buóo, tuẽ tiki dotorõẽ fóló fosó fosó yóo, Kótóné ãpaae hosaa muóló yaala sókó fóo erapó.

*Yesu ã teó naale belekãamale, momatere bemó betere fo*

<sup>41</sup> Téró etéyalepó. Kale bosené fele be dẽ sókó wapa qla deteremó, ama hamaró alimatamo ba fo dokõ fea Jerusalem be huluapaae fua yalepó. <sup>42</sup> Kale naale doayóló 12 ba fomó betepa, atima dua dere

kaae, ɔla detere sukamó atimaamo Jerusalem be huluapaae holalepó. <sup>43</sup> Kale bosenée fele be demó ɔla detere ali kemetepa, ama hamaró alimatamo bepaee fesaae furaalu, kale naale Yesu Jerusalem bemó betepatei, fole so wh̄tamó fele nisiyóló atimaamo felepó. <sup>44</sup> Téró kale soró wh̄tamoné kisiapané so wh̄tamó fole nisiyóló atimaamokélé fu betepa, be dē bet̄ kemeyalepó. Atéró fóló kale naale atimaamoné fake so wh̄ró fulumu wh̄rapetamo betere tikimó kek̄alepó. <sup>45</sup> Até yalemó bitinipa, kek̄ai Jerusalem be huluapaae momó fesaae felepó. <sup>46</sup> Atéró kekitu betepa, be dē sore h̄le kemeyóló nalo kale momatere be bopére tipi tuamó betepa kelalepó. Atéru, mepaae Juda yó matere wh̄rapené dere fo wosóo, mepaae wosetere forapekélé yóo du betalepó. <sup>47</sup> Kale naale atéró kisiapa fosó fosóru atimané apaae wosetere fo mo donotóro tok̄ matepa woseturaalu, wh̄rape feané siratu betalepó. <sup>48</sup> Atétere ala hamaró alimatamoné kilitu, atimaamo kilita sókó fóló hamané apaae duraalu, “Ti naale-ó, ayanao d̄amo yā wh̄aalia depa kek̄ale supa, noatepa atei kaae ala yaleé?” yalepó. <sup>49</sup> Ti fo depa, atimaamopaae duraalu, “Yālo ayané ē beterópóló ere bemó fóló beteretei diaamo tué iniru ē kekenapó,” yalepó. <sup>50</sup> Ama ai yale fo bete atimaamoné diriyóló wosóló kisiapa sinipó. <sup>51</sup> Téró, kale naale ama hama alimatamo Nasaret be huluapaae fóló, atimaamoné dere fo bet̄ wosóló aqmó sukóló beterepó. Téruraalu, Yesuné ama yale fo fea hamané kisiapa keteréni, ama hosaamó muló beterepó. <sup>52</sup> Téró, Yesu ā teó doatutei kisiapa tiki dotoróē fóló, fosó fosói naale wisi doatepa Kótónékélé, mo so wh̄jnekélé, h̄sekeyóló apaae hosaa mualepó.

### 3

*W̄ei tópuratere wh̄i Jon-né yó male fo*

*(Mat 3:1-12, Mak 1:2-8, Jon 1:19-28)*

<sup>1</sup> Taiperius Sisa 15 ba fo tuamó ā topo wh̄i bituraalu, Rom hae kwia mo fea ama t̄eteróló kaae tarepó. Atéyale sukamó, Pontias Pailat akélé doasi *Gavman* topo wh̄i bitu, Judia hae kwia t̄eteróló kaae tawóo, Herot akélé doasi topo wh̄i bituraalu, Kaleli hae kwia t̄eteróló kaae tawóo, ama noma Filip-né Ituraea hae kwiaró Trakonaitis hae kwiatamo t̄eteróló kaae tawóo, Lisania ā doasi topo wh̄i bitu, Abilene hae kwia t̄eteróló kaae tawóo, erepó. <sup>2</sup> Anas-ró Kaiapas-tamo Kótópaae momaratere doasi topo wh̄i betere sukamó, Sekaraiané naalema Jon wh̄i bitini wópu mole tikimó betepa, Kótóné fo ā tuapaae sókó walepó. <sup>3</sup> Atéró, Jon ā Jordan w̄ei fole hae kwiamó t̄e mole be hulua dokopaae fóló, fo yó mótu betalepó. Atéró, Kótóné fo yó mótu duraalu, “Diaā du betere dowi ala taaróló, Kótópaae kisiapa tiki feteyóló ape. Atétepa, yālo dīa w̄ei tópuraaalo ai ape. Diaā dowi alamó saaire kwia Kótóné me ɔla meipóló, h̄le kemeraalo ai ape,” deté kutu betalepó. <sup>4</sup> Mo take betale Kótóné ama k̄ló wh̄i Aisaiané aseýóló muló betere fo mo donotóro ti yalepó. Ai fo i ape.

“Wh̄i bet̄ h̄le wópu mole tikimó bitu fo fakeyóló duraalu, ‘Tale waaire t̄u aleyae, ā waaire t̄u donoraē.

<sup>5</sup> Tukw̄ē derepale tiki, hae mulóló wisirae.

Doasi hasi uluró du sokoreteitamo duk̄iyóló mulurae. W̄ē w̄ere t̄ukélé, mo donoyóló aleyae. Kapo ó hapis̄a muóló dore t̄u duk̄iyóló taae faróló wisirae.

<sup>6</sup> Até depa, ti Kótóné so wh̄i fea aluyaqsóro tao saaire ala wisi so wh̄i mo feané kelaalo ai ape,’” yalepó.

<sup>7</sup> So wh̄i mo fea Jon-né w̄ei tópurópóló ā beterepaae wua

depa, atimapaae duraalu, “Diaaḡ dere alata, wuliné tų kotere kaae dapó. Kótóné diḡtamo fopaae butu taleyaḡsóró, mopaae botokó faai de? <sup>8</sup> Diḡ dowi ala taaróló kisipa feteyóló tų wisipaae fulapó du betere fo, haḡeamó motóró du betae. Ti noatepae, Abraham-ta diaaḡ ayapó du betere fomó yaḡlo diḡpaae i dere ape. I muó mole kapo fakerape Kótóné whḡ aleyóló, Abraham-né naale senaale beteranérápó. <sup>9</sup> Talené kaḡwei ni bete dokḡ taketi muló beterapó. Mepaae ninétamo du wisi olenitepa, ti ai nirape fea diyóló sipaae taae deraai Talené ama tḡ ai ni betemó bukó tarapó.” yalepó.

<sup>10</sup> Ai fo depa so whḡ feané ḡpaae duraalu, “Ti ḡané noa alakó yaaloé?” yalepó.

<sup>11</sup> Ti fo depa Jon-né atimapaae duraalu, “Me whḡ dené kuti tamo deró betepa, me kuti sokóló yaḡḡare whḡ melae. Whḡ me dené ḡla huḡyóló mupa, ti aikélé betḡ kaae alatóró yae,” yalepó.

<sup>12</sup> Mepaae *takis moni* siré kotere whḡrape atimakélé weḡ tópuḡai dapóló wóló ḡpaae woseturaalu, “Yó matere whḡ-ó, ḡḡ noa alakó yaaloé?” yalepó.

<sup>13</sup> Tétepa, ama atimapaae duraalu, “Diaaḡ *takis moni* siré kutu, bosenóló sini, sae yale sḡtóró sae,” yalepó.

<sup>14</sup> Ti fo depa, mepaae diki tare whḡrape wóló ḡpaae woseturaalu, “ḡḡ noa ala yaaloé?” depa ama duraalu whḡné *moni* saai, so whḡ tḡteréli fo yóló ó dilikóló saḡse. Naao *Gavman*-né diḡ matere *moni*-tóró tawóló betae. I sų meipóló, dokó dokó yaḡse,” yalepó.

<sup>15</sup> So whḡ feané Jon kilituraalu, i seké Kótóné sóró betero betere whḡ Keriso du yalepóló, tuḡ tekitu betalepó. Ti noatepae, atima Keriso mo kelaai kisipa mutu betaletinépó.

<sup>16</sup> Até du betepa, Jon-né atimapaae tokó mótu duraalu, “Yaḡlota, diḡ weḡ maaté tópuratapó. Téteretei, mo doa seké whḡ betḡ waalo ai ape.

Ḃta ḡ kaae meipó. Ḃ ḡ aḡmó naale belekaḡmale kaae betereiteiné yaḡlo ama hó be dokore képi ter-aayaairetei mo sųnipó. Amata, kale Ḃḡi Kepe Wisiró sitamoné diḡ weḡ tópuraaalo ai ape. <sup>17</sup> Ama naasené *whit* betḡpaae eróló kane fake kaae ḡla tómó mulóló, fumi besḡné só fḡpóló epeyóló horatere ḡla tarapó. Tétu, mo *whit*-ta betḡpaae eróló mulótu beterapó. *Whit* fumita, mo sukḡkélé feni haḡle dó tare sipaae taae deraalopó,” yalepó. <sup>18</sup> Atéró, Jon-né kale mió wosetere kisi fo wisi so whḡ feapaae yó melóturaalu, so whḡné kisipa tiki feteraaire forapekélé, yó melótu betalepó.

<sup>19</sup> Tétu betaletei, kale doasi *Gavman* topo whḡ Herot-né noma Filip-né sotei ḡ dokóo, mepaae kae kae dowi alarape yóo, du betalepó. Até du betepa, Jon-né Herot-paae atei alarape taalae yóló, foné salepó. <sup>20</sup> Herot-né take yale alarape tómó, me i alakélé yalepó. Kale Jon *dipula* beteralépó.

*Jon-né Yesu weḡ tópurale foró Yesu deté yale whḡrapené doirape (Mat 3:13-17, Mak 1:9-11)*

<sup>21</sup> Atéyale sukamó, Jon-né so whḡ fea weḡ tópuróturaalu, Yesukélé weḡ tópuralepó. Atéro ḡ momatu beteremó, ó hepen be tų tukweḡ fóló molepó. <sup>22</sup> Atépa, kale Ḃḡi Kepe Wisi ba hḡkósere kaae Yesuné tikimó bitḡ dorowalepó. Até deretamo, hepen beró fo fakeyóló duraalu, “Yaḡta, yaḡlo Naalepó. Naao dere ala wisi kilituraalu, ḡ mo doa hekesené sinitapó. Ti yaḡta yaḡlo mo yaala sókó fóló mole Naalepó,” yalepó.

<sup>23</sup> Téró etéyalepó. Yesu ḡ kutó kaae saai betale sukamó, 30 ba fo beterepó. Ḃ atéro betepa so whḡné ḡta, Josep-né naalema nisi yalepó.

Josep-ta, Heli-né naalemapó.

<sup>24</sup> Heli-ta, Matata-né naalemapó.

Matata-ta, Lipai-né naalemapó.

Lipai-ta, Melki-né naalemapó.

Melki-ta, Janai-né naalemapó.

Janai-ta, Josep-né naalemapó.

<sup>25</sup> Josep-ta, Matatias-né naalemapó.  
Matatias-ta, Amos-né naalemapó.

Amos-ta, Naham-né naalemapó.

Naham-ta, Esli-né naalemapó.

Esli-ta, Nakai-né naalemapó.

<sup>26</sup> Nakai-ta, Mat-né naalemapó.

Mat-ta, Matataias-né naalemapó.

Matataias-ta, Semen-né naalemapó.

Semen-ta, Josek-né naalemapó.

Josek-ta, Joda-né naalemapó.

<sup>27</sup> Joda-ta, Joana-né naalemapó.

Joana-ta, Resa-né naalemapó.

Resa-ta, Serubabel-né naalemapó.

Serubabel-ta, Sealtiel-né naalemapó.

Sealtiel-ta, Neri-né naalemapó.

<sup>28</sup> Neri-ta, Melki-né naalemapó.

Melki-ta, Adi-né naalemapó.

Adi-ta, Kosam-né naalemapó.

Kosam-ta, Elmadam-né naalemapó.

Elmadam-ta, Er-né naalemapó.

<sup>29</sup> Er-ta, Josua-né naalemapó.

Josua-ta, Elieser-né naalemapó.

Elieser-ta, Jorim-né naalemapó.

Jorim-ta, Matata-né naalemapó.

Matata-ta, Lipai-né naalemapó.

<sup>30</sup> Lipai-ta, Simeon-né naalemapó.

Simeon-ta, Juda-né naalemapó.

Juda-ta, Josep-né naalemapó.

Josep-ta, Jonam-né naalemapó.

Jonam-ta, Eliakim-né naalemapó.

<sup>31</sup> Eliakim-ta, Melea-né naalemapó.

Melea-ta, Mena-né naalemapó.

Mena-ta, Matata-né naalemapó.

Matata-ta, Natan-né naalemapó.

Natan-ta, Depit-né naalemapó.

<sup>32</sup> Depit-ta, Jesi-né naalemapó.

Jesi-ta, Obed-né naalemapó.

Obed-ta, Boas-né naalemapó.

Boas-ta, Salmon-né naalemapó.

Salmon-ta, Nason-né naalemapó.

<sup>33</sup> Nason-ta, Aminadab-né naalemapó.

Aminadab-ta, Atimin-né naalemapó.

Atimin-ta, Arni-né naalemapó.

Arni-ta, Hesron-né naalemapó.

Hesron-ta, Peres-né naalemapó.

Peres-ta, Juda-né naalemapó.

<sup>34</sup> Juda-ta, Jekop-né naalemapó.

Jekop-ta, Aisak-né naalemapó.

Aisak-ta, Abraham-né naalemapó.

Abraham-ta, Tera-né naalemapó.

Tera-ta, Nahor-né naalemapó.

<sup>35</sup> Nahor-ta, Seruk-né naalemapó.

Seruk-ta, Reu naalemapó.

Reu-ta, Pelek-né naalemapó.

Pelek-ta, Eber-né naalemapó.

Eber-ta, Sela-né naalemapó.

<sup>36</sup> Sela-ta, Kainan-né naalemapó.

Kainan-ta, Arpaksat-né naalemapó.

Arpaksat-ta, Sem-né naalemapó.

Sem-ta, Noa-né naalemapó.

Noa-ta, Lamek-né naalemapó.

<sup>37</sup> Lamek-ta, Metusela-né naalemapó.

Metusela-ta, Enok-né naalemapó.

Enok-ta, Jared-né naalemapó.

Jared-ta, Mahalalel-né naalemapó.

Mahalalel-ta, Kainan-né naalemapó.

<sup>38</sup> Kainan-ta, Enos-né naalemapó.

Enos-ta, Set-né naalemapó.

Set-ta, Adam-né naalemapó.

Adam-ta, ti Kótóné naalemapó.

## 4

### *Satan-né Yesu dée nópóló sụ sale fo (Mat 4:1-11, Mak 1:12-13)*

<sup>1</sup> Yesu ą Dęi Kepe Wisi faayóló sųruraalu, Jordan węi taaróló wapa, Dęi Kepe Wisiné ą whi bitini, hąle wópu mole tikipaae ąlisóró felepó.

<sup>2</sup> ą aimó betepa, dowi Satan-né ą dée nópóló, sų sere alarape deté fu betepa 40 be dęrape kemeyalepó. Atéyale be dęmó ą ąlakélé néni wote siri bitiré fóló, kemene folepaae ą wote yalepó.

<sup>3</sup> Atéró betepa, dowi Satan-né ąpaae duraalu, “Yątamo Kótóné Naalemapata, ti i kapopaae *bred* o alée fae yae,” yalepó.

<sup>4</sup> Ai fo depa Yesuné ąpaae duraalu, “Tale Kótóné asemó i fo erapó.

‘So whi betereteita, mo ąla maaté nukuraalu bitinipó erapó,’ yalepó.

<sup>5</sup> Atéró, kale dowi Satan-né ą mo ópaae hore dupaae dapesó holóló daalu, i hae kwia dokọ tęteróló kaae tare alarape fea ąpaae tétitóró hapale yó melalepó. <sup>6</sup> Téró, ąpaae duraalu, “Yąlo yąmó doasi doi muaaire alaró i haemó muó mole



wisi wisi alatamo naao teteróló kaae tawaasepóló melaalopó. Ti noatepae, take epaae matepa taretei, mepaae yało kisipa mole whirape melaai depa, ti sumó manérápó. <sup>7</sup> Yało i dere fotamo naao betą wosóló ę aqmó bitu, doa Tale-ó depa, ti i ęla ęla fea naaotóró teteróló kaae tawaasepóló melaalopó,” yalepó.

<sup>8</sup> Ti fo depa, Yesuné apaae duraalu, “Kótóné ašemó ere fo i ape.

‘Tale Kótó mo betątóró betepa, ę aqmó sinóló bitu, Aya doa Tale-ó, yóló ama ala betą erótu betae erapó,’” yalepó.

<sup>9</sup> Téró, kale dowi Satan-né Jerusalem bemó tene momatere be hulua tómó dapesó holóló daaló bitu duraalu, “Yątamo Kótóné Naalemapata, ti haepaae tuó derepae. <sup>10</sup> Ti noatepae, ašemó i fo erapó.

‘Kótóné ama *ensel*-rapepaae ya me ęlané doalé yaqsóró, wisiyóló kaae tawae yaalopó.’

<sup>11</sup> Me fo i ape. ‘Ya atimané naase tómó muni durupuraalu, me ęlané ya kotóo sóró doalé yaalomeipó,’” yalepó.

<sup>12</sup> Ai fo depa, Yesuné kale dowi Satan-paae duraalu, “Ašemó i fokélé erapó.

‘Naao Tale Kótóné ya tao sirémóló kaae kolóló sų saqse,’ erapó,” yalepó.

<sup>13</sup> Atéró, kale dowi Satan-né Yesu dée nópóló sų sale kılıpaae me tę mutere sukamó momó sų saai dapóló taaróló felepó.

*Nasaret so whi Yesuné dere fo wosaalomeipó yale fo*

*(Mat 13:53-58, Mak 6:1-6)*

<sup>14</sup> Atéró, Yesu kale Dęi Kepe Wisiné fotokqratapa, ę Kaleli hae kwiapaae momó fesaae felepó. ę atéró wóló beterapó dere fo ai hae kwiamó betó mole so whi feapaae deté kweyalepó.

<sup>15</sup> Atéró, ę ai hae kwiamó bituraalu, atimané fo wosetere be dokę fo yó maté kotopa, so whi feané ama doi hale sóró horótu betalepó.

<sup>16</sup> Take ę doayóló betale Nasaret be huluapaae fóló bituraalu, kale sęa nokole be demó ama dua dere kaae, fo wosetere be dolopaae holalepó. Atéró, Kótóné ašemó ere fo dosęayaaairaalu turukó holalepó.

<sup>17</sup> Kótóné ama kęló whi Aisaiané asęre *buku* bopeyóló moletei, ama dosęayópóló, whi mené apaae melalepó. Tétepa, ai *buku* sóró dęae faróló, ama tuę mole fo kekęlemó keletepa dosęayale fo ipó.

<sup>18</sup> “Talené ama Dęi Kepe Wisi ę tuamó beteró beterapó. Ti aita hęle mei, ama kale fo wisi so whipaae yó melópóló ę sóró beteralepó. Atéru, *dipula* kaae betere so whi hęle fópóló dotonóo, kele dilikire so whiné kele fisęae falóo, mepaae wae sóró sonalei ala tuamó beteró betere so whi sokóló hęle beteroo yópóló, ę dotonalepó.

<sup>19</sup> Talené so whi wisiyóló beterópóló, ama kęlené sukutu hamokoróló hęle tao sere ali i wale ape fo so whipaae yópóló, ę dotonalepó,” yalepó.

<sup>20</sup> Téró, Yesuné kale fęloi *buku* momó bopeyóló kaae tare whipaae melóló, ę bitę deyalepó. Atéró betepa, ai fo wosetere be dolomó betó mole so whi feané apaaetóró kele fopolaa yalepó. <sup>21</sup> Téró, ama atimapaae momó duraalu, “Mió diaaę wosale ašemó yóló muló betere fota, motóró dokonalepó,” yalepó.

<sup>22</sup> Ama yó matere fo wosale so whi feané i whiné kęlómó mo kokęi fo wisinaale dapóló, siratu betalepó. Tétu atimasitei duraalu, “Ita, Josepné naalema meié?” yalepó.

<sup>23</sup> Ai fo depa, Yesuné atimapaae duraalu, “I mara mole fo diaaę epaae mo enérápó. ‘*Dokta* whi-ó, naaotei ya tikimó daale kisi bete wisirótimié? Ti Kapeneam be huluumó du betere alarape dęané wosalepa, umó erótu betale ala kaae

nao i turuku bemókélé erótumié?" yalepó.

<sup>24</sup> Atéro ama atimapaee momó duraalu, "Yalo diappaee mo i dere ape. Kótóné kóló whiné ama be whi so whi paee Kótóné fo i ape yóló yó matepa, atimané mo dapóló wosetimpó. <sup>25</sup> Yalo diappaee mo i dapa wosae. Mo take Israel haemó Ilaija betale alimó mepaae sorape atimané whi sukóló wulia betó molepó. Ai sukamó ba fo sorené wélié apo mirómó hali kinó betepa, hae kwia feamó ɔla sóku aluyóló, wote ali walepó. <sup>26</sup> Téyaleteti, Kótóné Ilaija dotonaleteti, mo betá Israel fake sorapekó tao sópóló dotonénipó. Ténitei, Saidon hae kwiamó tene Sarepat be huluamó betere betá wulia so tao sene fópóló doteyalepó. <sup>27</sup> Téró, Kótóné ama kóló whi Elaisané Israel hae kwiamó dowi humu fuluné tiki doyóló betó mole so whi mo betakélé wisirénipó. Israel hae kwiamó atei kaae whirape betó mupatei, mo betakélé wisiréni, Siria hae kwiamó betere whikó Naaman maaté wisiralepó," yalepó.

<sup>28</sup> Ai kale fo wosetere be dolomó betó mole so whi mo feané ama ai dere fo wosóló, atima doasi fopaae bualepó. <sup>29</sup> Atéro atima hapale turukó huturaalu, ɔ belapaae hókó deralepó. Téró, ai be hulua felekemó ere kulapaae taae deraai dapóló dapesó felepó. <sup>30</sup> Téyaai depa, ai touró betere so whi kua dolomótei sókótamo yóló, ama faai yale tikipaae felepó.

*Yesuné dowi kepe hɔkonale fo (Mak 1:21-28)*

<sup>31</sup> Téró, Yesu ɔ Kaleli hae kwiamó tene Kapeneam be huluapaae derepelepó. Aimó bituraalu, kale ɔa naai tukóló muló betere be demó so whi feapaae ama fo momó kaae sóró yó mótu betalepó. <sup>32</sup> Ama ai yó matere fo so whi feané woseturaalu, sóró beteró betere topo whiné fo kaae dapóló, siratu betalepó.

<sup>33</sup> Ai fo wosetere be dolomó dowi keperape tepeyóló betere whi betá

beterepó. <sup>34</sup> Ai sekéné fo fakeyóló duraalu, "He! Nasaret be hulua whikó Yesu-ó, nao dɔpaae noa alakó eraai waleé? Nao dɔ doraai waleé? Yata, me dowi alakélé muni, Kótóné mo kae beteró betere whipóló, yalo kisiparapó," yalepó.

<sup>35</sup> Ai fo depa, Yesuné kale dowi kepe foné sóró duraalu, "Fo taaróló yá ai whi tuamó betteretei, sókó ape," yalepó. Ti fo depa, dowi kepe kale whi tuamó betaleteti, so whi feané keletómó ama tiki haepaae taae deróló ɔ sókó felepó. Atéyaleteti, kale whi ɔ doalékélé inipó.

<sup>36</sup> Atétere ala so whi feané kolóló, sirayóló atimasisitei duraalu, "I whiné yó mótu betere fota, mo kaepó. Ti ama fota, doasi fotokótamo yó matepa, dowi keperapenékélé ama dere fo mo betá wosóló, ai sókó fulapa, kelae!" yalepó. <sup>37</sup> Yesuné i ala du beterapó fo, ai hae kwiamó betó mole so whi mo feapaae deté kweyalepó.

*Yesuné so whi feané kisi wisirale fo (Mat 8:14-17, Mak 1:29-39)*

<sup>38</sup> Yesu ɔ ai fo wosetere be taaróló, Saimon-né bepaee felepó. Ai bemó kale Saimon-né auma sere tiki sputere kisiné sinóló mupa, atimané Yesupaae, "Nao wisir-aaló?" yóló wosalepó. <sup>39</sup> Atétepa, ɔ kale so molepaae fóló hemene doropóló, kale soné tiki supu dere kisi bete foné salemó, kemeyalepó. Atéteretamotóro kale so ɔ turukó holóló, atimamó ɔla kaae sóró biliyóló melalepó.

<sup>40</sup> Be dikiyaairaaalu, suka doropole-tamo mepaae hɔle betere whirapené kae kae hepo daale so whi Yesu betterepaae dapesó walepó. Atéro wóló betó mupa, so whi dokó feané tikimó ama naase mulótua yalemó, atimané kisi betterape wisiyalepó.

<sup>41</sup> So whi feané tiki tuamó tepeyóló betere dowi keperape fo fakeyóló sókó furaalu, yata Kótóné naalemapó dua yalepó. Ai fo depa, atimané ɔta hɔle whi mei, Kótóné

so whi teteróló kaae tanópóló sóró betero betere whi Kerisopó yaqsóró, kale dowi keperape foné sua yalepó.

<sup>42</sup> Mo hikati Yesu ama wotoró so whikélé bitinire tikipaae felepó. Atépa, kale so whi feané keketé kweyóló, a betere tikimó sókó walepó. Atéro wóló bituraalu a metikipaae faqsóró, atimatamo betaai dapóló, sesé du betalepó. <sup>43</sup> Tétepaitei, ama atimapaee duraalu, “Kótóné teteróló kaae tare aqmó mole fo wisi i ape yóló yó maté kweyópóló, Kótóné e doteyalepó. Atéreteiné e diatamo beteneni, mepaae be huluapaae faai dapó,” yalepó. <sup>44</sup> Téró, a Judia hae kwiamó te mole fo wosetere be dokq fea fo yó matétóró kutu betalepó.

## 5

*Yesuné mepaae ama yó melaaire whirape ape yale fo*

*(Mat 4:18-22, Mak 1:16-20)*

<sup>1</sup> Téró etéyalepó. Me be demó Yesu a Kenesaret wei fókumó daalepó. So whi mo fea hãle ɔla kaae wóló tourale tikimó, hae tiki faae fóló mulu, Kótóné fo wosetu betalepó. <sup>2</sup> Até du betepa, wei nuku tamo ai wei fókumó duló betepa kelalepó. Ai nuku tamota, ya siré kotere whirapené nukupó. Atimané nuku aimó dupa teraae fóló, wei fókumó hãleke warape fukutu betalepó. <sup>3</sup> Atétu betepa, a nukumó bitih holalepó. Ai nuku tale, Saimon-paae duraalu, “Naa nuku ai wei kulu tuapaae sawa hikili falae,” yalepó. Téró, a nuku tómó bituraalu so whi feapaae fo yó mótu betalepó.

<sup>4</sup> A fo yó melóló kemetepa, Saimon-paae duraalu, “Yakó detémóló ke-laalopa, nuku wei kulu tuapaae fóló, diaaq hãleke warape wei dolopaae derae,” yalepó.

<sup>5</sup> Ai fo depa, Saimon-né apaae duraalu, “Doa whi-ó, mió dikitamo yakó saalo nisiyóló da depe tukó wei ala yóló deraté kweyalemó, mo betakókélé denipó. Téyaletai, nao

derae depa ti hãleke warape dané deraalopó,” yalepó.

<sup>6</sup> Atéro, atimané hãleke warape deralemó mo doakale yarape deale tikimó, atimané hãleke warape tukó faairaalu yalepó. <sup>7</sup> Atéteremó, atimané fulumu whirapepaae atima tao sene ape depa wóló, mepaae yarape nuku dolopaae bulóló fu betalemó, kale nuku tamo wusuró mo felekemó wei dolopaae buó deyaai yalepó.

<sup>8-10</sup> Atétepa, Saimon-ró atamo kutó ditere whirapetamokélé, atima betamó ya siré kotere Sebedi naalema tamo Jems-ró Jon-tamokélé, ya mo dekéro sóró muló betere kilituraalu, haió yóló siratu betalepó. Atétepa, Saimon Pita a Yesuné hó aqmó bukutiri tearó bitu duraalu, “Tale-ó, eta dowi ala du betere whipa, taaróló ya fumié?,” yalepó.

Tétepa, Yesuné Saimon-paae duraalu, “Ya wiyaqse, naao ya su dere kaae, mió kaae sóró so whi siré kweyaasepólópó,” yalepó. <sup>11</sup> Atétepa, atimané nukurape wei fókupaae tao sóró mulóló, atimané ɔla ɔlakélé mupatei taaróló a sya felepó.

*Dowi humu fuluné tiki dore whi Yesuné wisirale fo*

*(Mat 8:1-4, Mak 1:40-45)*

<sup>12</sup> Téró etéyalepó. Yesu a beta be huluamó beterepó, dowi humu fuluné tiki dore whi walepó. Atéro, Yesu betere felekemó ama kelepaa haepaae deróló bukutiri tearó bitu apaae woseturaalu, “Tale-ó, yalo tiki doretei naao kisipané wisiraa depa, ti wisiraasepólópó,” yalepó.

<sup>13</sup> Atétepa, Yesuné ama naase terée faróló kale whiné tikimó wolaayóló duraalu, “Naa tiki yalo wisiraai kiswa mutapa wisiyae,” yalepó. Téyalemó, mo ai fapotoró kale whiné dore tiki mo ti wisiyó felepó.

<sup>14</sup> Atéro, Yesuné kale whi doton-aa apaae mo diri ma fo yóló duraalu, “Yalo naao tiki wisiralepóló, mo whipaae momókó yaqse. Ya

fóló, Kótópaae momaratere whjné naao tiki fope yópóló, yó male fae. Atéro fopeyóló naao tiki wisipa kil-itu, Moses-né ere fo sya furaalu, Talepaae hãle melae ere ɔla melae. So whj feané ai ala kilituraalu, ita Talené erapó kisipa muaalopó,” yalepó.

<sup>15</sup> Yesuné mo so whjpaee yaɔse yaletéi, i ala yalepóló deté kwęyóló fakeratepa, so whj feané wosetu-raalu, atimané kae kae kisi betereape wisiróo, ama dere fo wosóo yaairaalu, wua yalepó. <sup>16</sup> Atépatei, Yesu ą so whjamo betere tiki taaróló so whjkélé bitinire tikipaae suka fea moma eneta dua yalepó.

*Yesuné tiki momaare whj wisirale fo*

*(Mat 9:1-8, Mak 2:1-12)*

<sup>17</sup> Atéro, me sukamó etéyalepó. Ama fo yó mótu betepa, mepaae Farisi whjaperó Moses-né asęre fo yó matere whjrapetamo Kaleli haeró Judia haetamomó betó mole so whjkélé, Jerusalem be hulua so whjkélé, wóló betó molepó. Ai sukamó, so whj feané kisi bete wisiraaire Talené fotokɔ sumó bolepó. <sup>18</sup> Atépa, mepaae whjrapené betą tiki momaare whj besekęné dokopatei, beleyóló wóló be tuąpaae holóló Yesu beterepaae sóró holaai kisipa mualepó. <sup>19</sup> Téró, kale whj sóró faaire tumó so whj mo fea daayale tikimó fenénipa, siki bepaae sóró holóló kea sokóló, kale whj dokopatei, besekętamo Yesu daale donotóro deralepó.

<sup>20</sup> Atéro, atimané kisipa tiki tiratere ala Yesuné kolóló, kale tiki momaare whjpaee duraalu, “Ti naale-ó, naao dowi alamó kwia melaai yaletéi mió i kemeratere ape,” yalepó.

<sup>21</sup> Yesuné ai fo depa, Farisi whjaperó Moses-né asęre fo yó matere whjrapetamo atimasisi fo yaai tuę teketu betalepó. “Ti whjné ąta, Kótó kaaepó du betere foné Kótó faletu beterepó. Mo whj

betąnékélé dowi alamó melaaire kwia kemeranénitei, Kótóné betą sumó enérapó,” du betalepó.

<sup>22</sup> Atéro mutere kisipa Yesuné kolóló, atimapaee duraalu, “Noatepa dią atei tuę mutu bitu de? <sup>23</sup> Ti mé fo so whj feané enére? Naao yale dowi alamó saaire kwia aluratapó enérépe, yą turukó holóló naao besekę sóró fae fo enére? <sup>24</sup> I haemó betó mole so whjné dowi ala bete tokóló aluraaire fotokɔ Whjné Naalemané sumó bulapóló, kisipa yaasepóló i whjpaee eratere ala kelae. Yąlo yąpaae mo i dere ape, yą turukó holóló naao besekę sóró bepaae fae,” yalepó. <sup>25</sup> Ai fapotóro kale be whj so whj feané keletómó turukó horóló ama besekę sóró bepaae furaalu, Kótóné doi hale sóró horaté felepó. <sup>26</sup> Atéteremó, so whj fea winé sukutu sirayóló duraalu, “Mo take etei kaae ala depa, dąné kolókélé ini, mió kisi ala keletapóló,” Kótóné doi hale sóró horótu betalepó.

*Takis moni sere whj Lipaipaae Yesuné ą sya ape yale fo*

*(Mat 9:9-13, Mak 2:13-17)*

<sup>27</sup> Ai ala yóló kemetepa, Yesu ą betą *takis moni* siré kotere whjkó ama doi Lipai *moni* su betepa kolóló, Yesuné ąpaae duraalu, “Yą ę sya ape,” yalepó. <sup>28</sup> Ti fo depa, ą turukó holóló ama ɔla ɔlakélé mupatei, taaróló ą sya felepó.

<sup>29</sup> Téró, Lipainé Yesu ama bepaae dapesó fóló, ąmó doasi ɔla deralepó. *Taks moni* siré kotere whjaperó mepaae so whjamo fea touró bitu, ɔla nuku beterepó. <sup>30</sup> Tétu betepa, mepaae Farisi whjaperó atima betą kisipa mulu Moses-né asęre fo yó matere whjrapetamoné Yesuné yó matere whjrapepaae duraalu, “*Taks moni* siré kotere whjaperó dowi ala du betere whjrapetamo węiró ɔlatamo betąmó noatepa ɔla nuku bitu dérópó,” yalepó.

<sup>31</sup> Ti fo depa, Yesuné atimapaee duraalu, “Hepo daanire so whj *dokta*



whi beterepaae fumi, hepo daale so whi maaté fua dapó. <sup>32</sup> E waleteita, donoi ala du betere whipaae ape yaai ani, dowi ala du betere so whi atimané dowi ala taaróló ape yaairaalu walepó,” yalepó.

*Yesuné yó matere whirape ɔla woteremó yale fo*

*(Mat 9:14-17, Mak 2:18-22)*

<sup>33</sup> Atimané ɔpaae duraalu, “Joné yó matere whirapeta, Kótópaae kisipa muóló, me féli ɔla weyóló bitu, momatua dapó. Atétere kaae, Farisi whirapené yó matere whirapekéle atétua dapó. Tétepatei, naao yó matere whirape ai ala ini, atima ɔlaró weitamó nokole ala suka fea hɔle yó tarapó,” yalepó.

<sup>34</sup> Tétepa, Yesuné atimapaee duraalu, “Betɔ whi ɔ so dokotere sukamó ama nomarape ɔla weyóló hɔle bitua de? Meipó. <sup>35</sup> Téyaalo meitei, me sukamó kale so dokaaire whi atima betámó bituraalu, ɔla nuku beteralemó, ɔ tawóló só fole sukamó atima ɔla weyóló hɔle betaalopó,” yalepó.

<sup>36</sup> Ama atimapaee yale fo kisipa sópóló, me fo sale etéró yalepó. “Mepaae whiné kisi kuti bisɔayóló derɔakele kuti bisɔae faletei nomotua de? Atétepa, ti derɔakele kutiné kisi kuti hɔkulu yóló doróo, nomaletiekéle kokó ini yóo, yaalopó. <sup>37</sup> Atétere kaae, mepaae whirapené *wain* weí hupu sekaɔné aleyale derɔakele wutimó tepetumipó. Até enalemó, kale weí fotokóné kale hupu sekaɔné aleyale derɔakele wuti fulukó furaalu, weíkélé sunée faalopó. <sup>38</sup> Até yaqsóro, atimané kisi *wain* weí tepeturaalu, ti hupu sekaɔné aleyale kisi wutimó tepetua dapó. <sup>39</sup> Folo moi *wain* weí nokole whirape atima kisi *wain* weí naai hɔkese dumipó. Ti noatepae, folo moi *wain* weí nóló toureteiné mo wisirapó, du beterapó,” yalepó.

## 6

*Yesu ɔta, ɔɔa nokole be de tetéróló kaae tare Talepó yale fo*

*(Mat 12:1-14, Mak 2:23-28, 3:1-6)*

<sup>1</sup> Téró, ɔɔa naai tukóló muló betere be demó, Yesu ɔ ama yó matere whirapetamo *whit* kutó tuámó teyóló felepó. Atéró furaalu, ama yó matere whirapené ai kutómó ere *whit* du kɔae sóro fumi hotokóló nukulé fu betalepó. <sup>2</sup> Mepaae Farisi whirapené até dere ala kolóló, ɔpaae duraalu, “Sɔa nokole sukamó naao yó matere whirapené atei ala yópóló, noatepa kaae tare?” yalepó.

<sup>3</sup> Ai fo depa, Yesuné atimapaee tokó mótu duraalu, “Depit-ró ama fulumu whirapetamo wotetepa yale ala asemó moletei, diaaɔ dosɔayóló kisipa muni airapó. <sup>4</sup> Depit ɔ Kótóné be dolopaae holóló bituraalu, Kótópaae melale mo kae muló betere *bred* otei ama sóro nalepó. A nóló, kwiapaae ama fulumu whirapekéle matepa, atimané sóro nalepó. Ai ota, hɔle mo whiné nukumi, Talepaae momaraterere whirapené maaté nukua dapó,” yalepó. <sup>5</sup> Téró, Yesuné atimapaee duraalu, “Sɔa nópóló tukóló muló betere be de tetéróló kaae tare Taleta, ti kale whiné Naalemapó,” yalepó.

<sup>6</sup> Téró, ɔɔa nokole me be demó, Yesu ɔ Kótóné fo wosetere be dolopaae fóló, fo yó mótu betalepó. Atéró yó mótu betaalemó, betɔ whi ama turu naase sinóló dopa kelalepó. <sup>7</sup> Atétepa, mepaae Farisi whiraperó Moses-né asere fo yó matere whirapetamoné Yesu só deraaire beté kikitú, kale ɔɔa nokole be demó naase dowi whi wisiratéró kelaairaalu, kaae tawóló beterepó. <sup>8</sup> Atimané atéró mutere kisipa ama kolóló, kale naase dowi whipaae duraalu, “Yɔ so whi kuamó turukó holóló, daayae,” yalepó. Atétepa, kale whi ɔ so whi feané keletómó daane holalepó.

<sup>9</sup> Tétepa, Yesuné atimapaae duraalu, “Yálo diãpaae betã fo wose-tapó. Sãa nokole sukamó noa ala yaqse yóló mule? Whi tao sóró wisir- atere alapé, dowi ala deretei? Ó whi sukaqsóro tao sere alapé ó whi betere bete doratere alaé?” yalepó.

<sup>10</sup> Ai so whi beterepaae kele ke- leyóló kale whipaae duraalu, “Naao naase teréë falae,” depa, kale whiné naase teréë faralemó, wisiyalepó.

<sup>11</sup> Atéteremó, doasi fopaae buóló ati- masisitei fo kɛlaaróló duraalu, “Dãné q̄paae noa alakó eraaloé,” du be- talepó.

*Yesuné 12 whirape sókó sóró beterale fo*

*(Mat 10:1-4, Mak 3:13-19)*

<sup>12</sup> Téró betã sukamó Yesu a moma yaairaalu, du sorokó mole aq̄paae felepó. Atéró, aimó Kótópaae moma deté fu betepatei, be dɛralepó.

<sup>13-14</sup> Atéró be dɛyó hotepa, hika ama yó matere whirapepaae ape yóló, fea betó mupatei, 12 whirape maaté sorokó sóró, *aposel* doi mulalepó.

<sup>15</sup> Saimon doi mupatei, ama me doi Pita mulalepó. <sup>16</sup> Ama noma Andru, Jems, Jon, Filip, Batolomiu, Matyu, Tomas, Alpias-né naalema Jems-kélé, kãlo kãlore whi Saimon, Jems-né naalema Judas-kélé, Yesu dópóló eleké deyaaire whi Judas Iskariot, atima atéró whirape sóró beteralepó.

<sup>17</sup> Atéró, Yesu a kale du sorokó mole tiki taaróló, ai aqmó sawa mulure tikipaae ama sóró beterale whirapetamo derepelepó. Kale mepaae yó matere whirapekélé, Judia hae kwiamó wale so whikélé, Jerusalem be hulua mó wale so whikélé, wɛi fóku felekemó tɛne Tair beró Saidon betamomó wale so whikélé, mo hãle ɔla kaae wóló touró beterepó. <sup>18</sup> Atéró waletaita, ama dere fo wosóo, atimané kisi bete kemeróo, mepaae so whikélé dowi kepe tepeyóló betereitei dóló hɔkonóo, yópóló walepó.

<sup>19</sup> Ama fotokóné aimó

betó mole so whi atimané kisi bete wisirótua yaletiné, ama tikimó wolaayaaí dapóló walepó.

*Yesuné ama yó matere whirapepaae dere fo*

*(Mat 5:1-12)*

<sup>20</sup> Atétepa, Yesuné ama yó matere whirape kaae taru duraalu,

“Diã yoleale betere whirapeta, ti Kótóné tɛteró betere ala sereteiné diã hãiné sukutu beterepó.

<sup>21</sup> Diã mió wotené sukóló mole so whirapeta, take ɔla sumó naalopóló kisipa mutu, hãiné ai sukutu betere ape.

Mió diã dekené sukóló moló du betere so whita, take hãiné sinóló betaaireteimó, Talené wisiró beterepa, wisi kisipa muóló betae.

<sup>22</sup> Atéró, diã Whiné Naalema sya fu beterepó, mepaae whirapené diã hóróo, kae beterepóló hókó falóo, dowi ala dere whipóló diaaɔ doi doróló fale yóo du betepa, ti Talené diã wisiró beterepa, hãiné sukutu betae.

<sup>23</sup> Atétere sukamó hɛkesené sukutu, tɛwó holae. Ti noatepae, diaaɔ take saaire doasi dupu wisi hepen-mó muló beterepó. Ti take atima alimara- penékélé Kótóné ama kóló whirapepaae betã kaae ala erótua yalepó.

<sup>24</sup> Téretei, néli whirape diã mo doa wió yae! Ti noatepae, diaaɔ tiki feléyóló mo dua betaaire ala taketi sóró tareteiné, nalopaae atei wisi wisi ɔla momó kae saalomeipó.

<sup>25</sup> Mió diã mepaae whi de ɔla sumó nóló betere so whi diã mo wió yae! Ti noatepae, take diã wotené sukãalo ai ape.

Mió diã mepaae whi de dɔ nóló hɛkesetu betepa, take diã dekené sukuturaalu doasi wole yaaireteiné mo doasi kɔlerapó.

26 So whi feané yāpaae whi wisi-ó, yóló dukiraterere fo du betepa, kolerapa mo doasi wió yae. Ti noatepae, mió diā dukiraterere so whi atima alimara-penékélé take betale kapala kóló whirape atéro dukirótua erapó,” yalepó.

*Bóe whipaae yaala sókó fu betae yale fo*

*(Mat 5:38-48)*

27 “Téretei, mepaae yālo fo wosetere so whi diāpaae i dere ape. Diā hóróló bóe duraalu, dowi ala erótu betere so whipaae yaala sókó fóló hēkesené sukutu, wisi ala betā erae. 28 Mepaae whi dené diā doróló sekēratere fo depa, Kótóné atima wisirópóló, fo wisitei yae. Mepaae whi dené diāpaae sekēi ala eratepa, Kótópaae atima wisirae yóló momarae. 29 Mepaae whi dené naao faamumó deké supa, metikirókélé dópóló yó melae. Mepaae whi dené naao tómó deró betere kuti sokotepa ti naao tuāmó deró betere kutikélé seséni, sokópóló yae. 30 Mepaae whi dené yāpaae me ḡlakó ḡlae depa, ama kematere ḡla melae. Mepaae whi dené naao tare ḡla fasetepa, momó ḡlae fo yaḡse. 31 Mepaae so whiné yāpaae eranée dere ala kaae, naao mepaae so whipaaekélé erótua yae.

32 Diāpaae yaala sókó fu betere whipaae maaté yaala sókó fu betere-a, ai doasi alaé? Mepaae dowi ala dere whirapenékélé atimané fulumu whirapepaae atéro yaala sókó fole ala du beterapó. 33 Mepaae whi dené diāpaae wisi ala erótu betepa, diaaḡkélé atimapaee wisi ala eratepa, aita doasi ala meipó. Ti aita, dowi ala du betere so whinékéle dere alapó. 34 Diaaḡtamo mepaae whiné diāpaae momó tokḡ melópóló me ḡla melatepa, ai-a hapólure? Ti mepaae dowi ala dere whirapenékélé momó tokḡló saai ai ala dua dapó. 35 Tépatēi diaaḡta, bóe whipaae yaala sókó fóló wisi ala

betā erótua yae. Atéturaalu, naao me ḡla mótu, momó tokḡ melópóló kisipa muóló meni, hāle meló betā yae. Atétepa, ti diā mo taoró betere Kótóné dupu wisi menóló, ama naalerape betaalo ai ape. Ti noatepae, ama kḡlené sukutere alaró hāle tao sere alatamota, dowi ala du betere whiraperó ḡpaae mo kée initere whirapetamopaae erótu beterapó. 36 Diaaḡ Ayané mo so whi feapaae kḡlené sukutu dere kaaetóro diaaḡkélé me whipaae atéro kḡlené sukutu betae,” yalepó.

*Me whi hāletei foné só deraḡse yale fo*

*(Mat 7:1-5)*

37 “Diaaḡ me whi taleyóló só deratere ala yaḡse. Naaotamo me whi só deratere ala initepa, ti mené diākélé taleyóló só deraalomeipó. Diāné mepaae whitamó foné só deréni depa, ti yākélé mené só deraalo meipó. Mené yāpaae erale dowi ala me ḡla meipóló hāle kemeratepa, ti diaaḡ yale dowi alakélé me ḡla meipóló hāle kemeraalopó. 38 Mepaae ḡla ḡla yāyāre so whimó hāle matepa, menékélé diāmó hāle melaalo ai ape. Naa me ḡla melaai depa, ti deyóló mo ti fāanóló melae. Ti noatepae, naao mepaae whimó mo dekéro mótu dere kaae, menékélé yāmó naao male sūtóro melaalo ai ape,” yalepó.

39 Atéro, ama i yale fo tómó atimapaee i fo sale yalepó. “Betā kele dilikire whiné me kele dilikire whipaae tū i mole ape yóló ḡlisóro fenére? Atétepa, ti ḡ dée nukuraalu, atimamo wusuró dée nóló dolopaae derepaalopó. 40 Betā *skul* naalené ḡ yó matere whi tēteraalo meipó. Téyaalo meitei, kisipa siré fóló sūtepa, ti ḡ yó melale whi kaae betaalopó.

41 Naao kele dolomó doakale bole ni fake kilini, naao noné kelemó sawatamo bole mometei noatepa sokaai du betere? 42 Naao nopaae duraalu, ‘No-ó, naao kele dolomó

bole mome sawa sokotapa maé,'  
dere noatepa de? Naao kele dolomó  
bole doasi ni fake sokóló naao kele  
feléruraalu, ti naao noné kelemó  
bole mome sokotepa mo wisirapó,"  
yalepó.

*Wisi niné dowi du oletimipó yale fo  
(Mat 7:16-20, 12:33-35)*

<sup>43</sup> "Ni wisiné dowi du oletimipó.  
Dowi ninékélé wisi du ulutimipó.  
<sup>44</sup> Mo nirape fea du oletepa kolóló,  
ita du wisi oletepa nipó, ita, kokola  
oletere nipó dua dapó. Whirape  
feané nose du teketuraalu, mu  
daai képi tikimó ó hãle hõko ni  
tikimó olepa teketumipó. Mo besãae  
teketukélé hãle képimó olepa tekete?  
Meipó. <sup>45</sup> Whi wisiné hosaa tuãmó  
wisi alatóró fãayóló muluraalu,  
ama dere fokélé, wisi fotóró dua  
dapó. Dowi whiné ama hosaa  
tuãmó fãayóló mole alatóró dowi fo  
hãkeamó depa wosetua dapó.

*Be hõko tẽtere alaró wisiyóló  
tẽtere alatamomó yale fo  
(Mat 7:24-27)*

<sup>46</sup> Yãlo diãpaae yae dere alamo  
diaaõ iniyóló, epaae doasi Tale-ó  
fo noatepa du betere? <sup>47</sup> Mepaae  
whiné yãlo dere fo wosóló, yãlo yae  
dere alakélé wisiyóló erótu betere  
so whi ti etei kaae alané kelerapó.  
<sup>48</sup> Whi betãné ama be tẽyaairaalu,  
tó hae fea dukuté doropóló, hae  
dirimó kapo fake mulóló, ai tó mó be  
tẽtua dapó. Atéro tẽne be doakale  
hali tikiró wẽi asyatamo waalotei,  
ai be mo wisiyóló tẽneteiné tokó  
fenipó. <sup>49</sup> Téyaalotei, whi me dené  
yãlo fo wosetutei, yãlo erae dere ala  
erénitepa, ti etei ala kaaené keler-  
apó. Whi betãné ama be tẽyaairaalu,  
tó hae kãayóló taae faréni, hãle hõko  
tẽnapó. Atépa, doakale hali tikiró  
wẽi ayatamo waletikimó, kale be  
tokó taae faróló, mo ti doralepó,"  
yalepó.

## 7

*Topo diki tare whiné kutó diratere  
whi wisirale fo  
(Mat 8:5-13)*

<sup>1</sup> Téró, Yesuné so whipaae fo  
yó melóló kemetepa, a Kapeneam  
bepaae felepó. <sup>2</sup> Ai bemó betã  
topo diki tare whiné ama hosaa  
mole kutó diratere whi betã heponé  
mo felekemó sukãai du betalepó.  
Ai topo whiné 100 Rom diki tare  
whirape tẽteróló kaae tarepó.  
<sup>3</sup> Atépa, kale topo whiné Yesu  
wóló beterapó dere fo woseturaalu,  
ama kutó diratere whi Yesuné  
tao sene wópóló, mepaae Juda  
topo whirapené apaae ene fópóló  
dotẽyalepó. <sup>4</sup> Atima Yesu beterepaae  
wóló apaae duraalu, "U whi wisi-  
naale mo felekemó sukutapa, naao  
a wisiraasepóló yã dã faalopó. <sup>5</sup> Ti  
noatepae, dã Juda fake so whitamo  
hẽkesené sukóló yaala sókó fole ala  
muluraalu, dãné fo wosetere bekélé  
ama tẽnalepó," yalepó.

<sup>6</sup> Atétepa, Yesu a atimatamo fóló,  
kale whiné be felekepaae sókó  
waairaalu wou betepa, kale diki  
tare whirapené doasi topo whiné  
ama fulumu whirape Yesutamo  
tũmó hokolaatu, i fo yae yóló  
dotonalepó. <sup>7</sup> Atétepa, atima fóló,  
kale topo whiné Yesupaae yae yale  
fo yalepó. "Tale doa whi-ó, a whi  
wisi betepapakó yã ama be tuãpaae  
ape yaalomeipa, yã tika tumó daalu  
kisi bete wisi yae fo betã yae. <sup>8</sup> Ti  
noatepae, ekélé e tẽteróló kaae tare  
whi aqmó beterapó. Yãlo diki tare  
whirape atimakélé e aqmó beterapó.  
Ai whirapepaae yãlo 'Fae,' depa fõo,  
'Yã ape,' depa wóo, dua dapó. Yãlo  
kutó diratere whipaae i ala yae depa,  
ai alatóró ama dua dapó," yalepó.

<sup>9</sup> Yesuné i kale whiné ene wale fo  
wosóló sirayalepó. Téró, Yesu fetée  
fóló a sya wou betere so whipaae  
duraalu, "Israel hae kwiamó etei  
kaae kisipa tiki tiró betere whi mo  
betãkélé betepa kilinipó," yalepó.  
<sup>10</sup> Téró, kale doasi topo whiné



doteyale whirape bepaee momó fesaae wóló kelalemó, kale kutó diratere whiné hepo bete wisiyóló, mo betepa kelalepó.

*Yesuné wulia soné naale kepaarale fo*

<sup>11</sup> Atéroró, Yesu ą Kapeneam be hulamó sawa beteró, ama yó matere whirapekélé, mo so whikélé, fea ątamo Nain be huluapaae sókó faai fu betalepó. <sup>12</sup> Atéroró fu betalemó, ai be hulua tipiné bopéroró daaló betere tikimó sókó felemó, betą sukąle whi beleyóló walepó. Ai naalené hamata, oma sukóló wulia bituraalu, ai naale betątóró kaae tarepó. Ama tiki sini beleyóló fupa, ai be huluumó betó mole so whikélé fea ątamo fu betalepó. <sup>13</sup> Atétepa, Talené kale so kelalemó, kólené hosaamó supa, ą daalepaae fóló duraalu, “Yą wole ekesé,” yalepó.

<sup>14</sup> Téró, Yesu ą wóló kale sukąle whi dokore beseke ąlaatepa, beleyóló fu betere whirape feni, kejyóló daayalepó. Atétepa ama duraalu, “Ti naale-ó, yąlo ąpaae dapa turukó holae,” yalepó. <sup>15</sup> Tétepa, kale sukąle whitei turukó holóló bituraalu, fo kaae sóró yalepó. Téró, Yesuné kale sukąle naalené hamapaae nao naale ai ape yóló melalepó.

<sup>16</sup> Ai ala kolóló, so whi fea winé sukutepa, Kótóné doi hale sóró holóló duraalu, “Kótóné mo doasi kóló whi betą ama so whi tao saai i wóló betere ape,” yalepó. <sup>17</sup> Yesuné ai ala du beterapó fo Judia hae kwiaró ai hae kwia tuąmó betóló fale so whitamó feapaae deté fóló fakeralepó.

*Jon-né ama yó matere whi tamo Yesu beterepaae dotonale fo (Mat 11:2-19)*

<sup>18</sup> Atéroró, kale Jon-né ama yó matere whirapené Yesuné i alarape du beterapóló, Jon-paae ene walepó. <sup>19</sup> Jon-né ama yó matere whi tampaee ape yóló, Tale beterepaae

fópóló doteyalepó. Atétepa, atimaamo fóló ąpaae woseturaalu, “Waalopóló bope du betale whi ąpé? Whi me kae wópóló kaae tawaróe?” fo ene fópóló dotonalepó.

<sup>20</sup> Atéroró, kale whi tamo Yesu beterepaae wóló ąpaae duraalu, “Dąmota, węi tópuratere whikó Jon-né ąpaae wosene fae depa walepa, yąta kale waalopóló bopetu betale whipé, whi me kae wópóló kaae tawaaloé?” yalepó.

<sup>21</sup> Atéyale sukamótóró Yesuné mepaae hepo daale so whikélé, depe dolomó dowi kepe betere so whikélé, keke dilikire so whikélé, wisirótu beterapó. <sup>22</sup> Atéroró, ama atimaamopaae duraalu, “Diaamo fesaae fóló diaamoné wosale foró kelale alatamo Jon-paae ene fae. Mepaae keke dilikiyóló betale so whiné keke fisąae fóló ąla ąla kolóo, hąleke dore so whi mó sesęre whi kaae kweyóo, dowi humu fuluné tiki dore whirape sesę mo betere whiné tiki kaae daayóo, mepaae wosęli kinu fokélé wosenire so whi wosęli tukwę falóo, mepaae sukutepa दौराai yale so whitei kepaaróo, mepaae yoleale betere whirapepaaekélé, kale mió wosetere fo wisi yó matepa wosetu beterapó fo ene fae. <sup>23</sup> Mepaae so whi de yąlo du betere alamó dée néni, suka fea eró tare so whita, hajné sukópóló yae fo ąpaae ene fae,” yalepó.

<sup>24</sup> Atéroró, kale Jon-né doteyale whi tamo fimó, Yesuné Jon-mó kisipa mutu, ai betó mole so whipaae duraalu, “Upulé dią so whikélé bitini kópu kąae fitikipaae fua yale-a, besęné kape fépo eratere kelaai felepé, whi kuti wisinaale deróló auretei kelaai feleé? Meipó. <sup>25-26</sup> Ti mepaae wisi wisi kuti maaté deratere whita, topo whi betere be wisimótóró bitua dapó. ąta atei ala inipa, dią noa ąlakó kelaai feleé? Atépatei, diątamo Kótóné ama kóló whi mo kelaai fitikimó, ti ąta ai kutó maaté mei, mepaae kutókélé

dirópóló sóró betero betepó.  
 27 Asemó yóló muló betere fota, i whimó kisipa mutu erapó.

‘Whi betá ąpi folosóró furaalu, ya waaire tų donoraē fo ene fópóló yało dotęyaalo ai ape.’

28 Yało diaęaaē i dere ape. I haemó betó mole soné deale whirapekélé fea betó moletei, kale węi tópuratere whi Jon-né tęteró betepó. Tépatēi, whi me detamo Kótóné tęteróló kaaē tare aęmó, belei sókó deóló betepa, ti kale węi tópuratere whi Jon bosenéē falapó,” yalepó.

29 Mo so whi fearó *takis moni* siré kotere whirapetamo Jon-né dere fo wosóló sya fupa, atima węi tóपुरateinē Yesuné yale fo wosóló, Kótó ąta, mo donotóró taletere Talepó du betalepó. 30 Téyaletēi, mępaē Farisi whiraperó Moses-né asęre fo yó mótu betere whirapetamo Kótóné tao sóró eraai yale wisi ala atimanétei hęralepó. Ti noatepaē, atima Jon beterepaē węi tópuairaalu feni yaletēinépó.

31 Téró, Yesuné duraalu, “Mió i alimó betere so whirapenē du betere ala yało noapaē dó faróló yaaloé?

32 Atimata, so whi mo fea touróló betere tikimó, kale keteirape atimasitei melaa duraalu, etēi kaaē ala dere naale senaale kaaenē kelerapó.

‘Dią kęliyópóló dąné fó wuti haleróló mępaē wole forape yaletēi, dią hękeseyóló sama kęlinipó.

Dią dekę duraalu moló yópóló, mępaē wole forape yaletēi, dią wolekélé inipó,’ yalepó.

33 Atēre kaaē, kale węi tópuratere whikó Jon ęlakélé, węikélé, néni, weyóló hęle betepa, diaaę duraalu, ‘Ą tuęmó dowi kepe tepeyóló betepó,’ dua yalepó. 34 Kale whinē Naalema ęlaró *wain* węitamó nokole ala kolóló diaaę duraalu, ‘Kelere? i whita, ęla mo dekéró nóo, *takis moni*

siré kotere whiraperó dowi ala dere whirapetamo fulumu yóo, du betepó,’ fo diaaę ai dere ape,” yalepó.

35 Atei fo diaaę du betereitei, mępaē

so whi de Kótóné mo fo wisi wosóló sya fupa, so whi feané hękeamó kilitu, ita Kótóné mole fosó fosóre tuę sya feleteinē erapó, yalepó.

### *Dowi ala du betale soné Yesuné hó fokale fo*

36 Téró etęyalepó. Farisi whirapekó betęné Yesupaē ątamo ęla naai faalopó depa, fóló beterepó.

37 Ą atéró wóló Farisi whinē bemó ęla nuku betepó dere fo ai be huluamó dowi ala du betere soné wosóló, *alapasita* kanenē aleyale wutimó felé kęlaa wale *wel* węi sóró walepó.

38 Atéró wóló, ą Yesuné sisópaē fóló, ama hó aęmó hemēē deyóló bitu, wole du betalepó. Atéró du betale wole kaaē Yesuné hęleke tópaē durupu beterepó. Tétepa, kale soné ama topo nikinétei, helekóló kópurótu betalepó. Atéró, kale soné Yesuné hęleke tamo kóló tukó nóló, kale felé kęlaa wale *wel* węi ama hómó suniyalepó.

39 Atétere ala betá Farisi whinē kolóló, ama kisipanétei duraalu, “I whita, Kótóné kóló whi uęsóró, ti ama hómó olaa deremó, dowi ala dere sonétei ą olaa dąpó, kisipa muąpó,” yalepó.

40 Tétepa, Yesuné ąpaē duraalu, “Saimon-ó, yało yaępaē yaaitere fo betá mulapó,” yalepó. Ti fo depa, ama duraalu, “Yó matere whi-ó, naao ępaē yaaitere fo yae,” yalepó.

41 Ti fo depa, Yesuné ąpaē duraalu, “Betá whinē *moni* momó tokó melaa dąpóló, tamo whinē kwia mulóló me whinē 500 *denarias moni* sóo, me whinē 50 *denarias moni* sóo, yalepó. 42 Kale whi tamóné sale *moni* talepaē tokó melaairetei sųnipa, kale whinē me ęla meipóló, taaralepó. Atéró taalatepa, atimaamokó mé whinē kale *moni* talepaē doasi hosaa muóló yaala sókó fole ala enére?” yalepó.

43 Ti fo depa, Saimon-né ąpaē duraalu, “Yało kisipanéta, kale doasi *moni* sale whi ą hękese yaalo ai ape,”

Tétepa, Yesuné duraalu, “Naao dere fota, mo dono dapó,” yalepó.

<sup>44</sup> Téró, ą kale so daalepaae fetée fóló, Saimon-paae duraalu, “I so naao kelere? Ę naao bepaae waleteti, ęło hęleke fokópóló, naao węikó ę menipó. Ténitei, i soné betą ama wole kaape ę ęło hómó epa, ama topo nikinétei helekóló kópuralepó.

<sup>45</sup> Ę naao bepaae wale sukamó, ęło faamumó naao kóló tukó néni, i soné betą ęło hó kóló tukó nuku betalepó. <sup>46</sup> Naao ęło topomó *wel* węi dilénitei, i soné betą ęło hęlekemó felé kęlaa wale *wel* węi dilalepó.

<sup>47</sup> Atéyale kaae, ęło ępaae i dere ape. I soné ama mo doasi du betale dowi alamó saai yale kwia ęło hęle kemeraleteiné ama ępaae hosaa muóló doasi yaala sókó fu beterapó. Tépatei, whį me dené ama dowi ala hęle tómó maaté kemeratepa, ti ama yaala sókó fóló hękesené sukutere alakélé hęle tómó erapó,” yalepó.

<sup>48</sup> Téró, Yesuné kale sopaae duraalu, “Naao yale dowi alamó saaire kwia hęle kemeró beterapó,” yalepó.

<sup>49</sup> Ai fo depa, ątamo betąmó ęla nuku betere whįrape atimasisitei, fo kęlaaróló duraalu, “I whįta, Tale kaae bitu, dowi alamó saaire kwia ama hęle kemeraalopóló dérópó,” yalepó.

<sup>50</sup> Tétepa, Yesuné kale sopaae duraalu, “Naao kisipa tiki tiró betere alané ę tao sóró wisiralepa, naao hosaa muni deyóló mo dua fae,” yalepó.

## 8

*ęla wae biliterepaae dó faróló yale fo sale*

*(Mat 13:1-23, Mak 4:1-20)*

<sup>1</sup> Ai ala yóló kemetepa, Yesu ą doasi be huluaró sawa be hulu-atamopaae fóló kale fo wisi yó móturaalu, Kótóné ęteróló kaae tare aqmó mole ala etérápóló yó maté kweyalepó. ą atéró kotere alata, ama yó matepa wosetere 12 whįrapekélé feapó. <sup>2</sup> Téró, take depe tuąmó

dowi keperape betepa wisirale sorapekélé, mepaae hepo daapa wisirale sorapekélé, fea ątamo felepó. So whįné Maktala be hulua sokó Mariapó du betere so felepó. Ai sota, take węikeró dowi keperape tepeyóló betepa, dóló hękonale sopó. <sup>3</sup> Kale topo whį Herot-né ama be ó ęla ęla fea kaae tanópóló, sóró beteró betere whį Kusané soma Joanakélé, so me Susanakélé, mepaae sorapekélé, mo fea ątamo felepó. Ai sorape atima *moninétei*, Yesuró ama yó matere whįrapetamo tao sua yalepó.

<sup>4</sup> Atéró so whį fea betąpaae tourótu betepa, mepaae kae kae doasi be huluamó betó mole so whįkélé wóló tourótu betalepó. Atépa, Yesuné ama i fo sale yalepó. <sup>5</sup> “Whį betąné ęla wae ke ama kutómó terepeté kweyaairaalu, sóró felepó.

Atéró furaalu, mepaae kerape tųmó sorokóta yóló mupa, so whįné hęlekené ęiya ęiya yalepó. Atépa, sikimó kotere barape dorowóló, kale kerape dósu yóló nalepó. <sup>6</sup> Téró, kale whįné kutómó kerape terepeté kweyaletei, mepaae ti kane tómó dakere haemó taae doróló hapale holalepó. Téyaletei, kapo tómó dakere hae ę meiru, kale ęla wae feleke doaló derepeniyóló, hapale séliyalepó. <sup>7</sup> Mepaae ke ti dowi ne eremó taae derepelepó. Atéyaletei, dowi netamo betąmó holóló kale ke ęla wae wisi dowi nené bopeyóló aluralepó. <sup>8</sup> Mepaae hae wisimó terepée derepele ęla wae wisiyóló holóló, du oleyalepó. Ai ęla ęlumétepa sóró, 100 yorape ęanalepó,” yalepó.

Ama i fo sale yóló kemetepa, fo fotokęiné duraalu, “Whį de wosęli daapata, i dere fo wisiyóló wosóló tuę muae,” yalepó.

<sup>9</sup> Tétepa, ama yó matere whįrapené ępaae woseturaalu, “Naao ti yale fo sale noa betené yaleé?” yalepó.

<sup>10</sup> Ai fo depa, ama atimapaee duraalu, “Tale Kótóné ęteróló kaae tare aqmó kinóló mole ala diaaę tuę

yǫpóló, mené diǻ sóró betero betera-  
apó. Tereitei, mepaae haḷe mo so  
whipaaeta, ti fo salené maaté du  
beterapó. Ti noatepae,

‘Take atima kelené kelaalotei, mo  
diriyóló koló faalomeipó.

Take atimané fo wosaalotei,  
bete mo diriyóló kisipa  
yaalomeipó,’ erapó.

<sup>11</sup> I yale fo sale bete i ape. Kale ǻla  
wae keta, ti Kótóné fo wisipó. <sup>12</sup> Kale  
ǻla wae ke tumó taae doropóló  
mupa, barape dorowóló dósu yóló  
nale kaaeta, mepaae whi de Kótóné  
fo wisi wosóló, atimané hosaa tuǻmó  
mulatepatei, dowi Satan wóló, kale  
fo wisi tokǻ sua du beterapó. Aita  
haḷe mei, kale fo wisi wosóló kisipa  
tiratepa, Kótóné atima tao saǻsóró  
du beterapó. <sup>13</sup> Téró, mepaae kane  
tómó dakere haemó taae derepele  
ǻla waeta, i ala dere kaaepó. Kótóné  
fo hekesetamo wisiyóló woseteretei,  
atimané tué tuǻmó mulótimipó.  
Sawa sukamó kisipa tiki tiró bitu,  
woseté fu betaalotei, sekǻi ala  
wale be demó hapale dée nukua  
dapó. <sup>14</sup> Kale dowi ne dolomó  
taaе doropóló ǻla wae botokǻ sóró  
honyale kaaeta, i ape. Mepaae  
whi de Kótóné fo wosólótei, tumó  
furaalu, atima betere alamó doasi  
whaalia dere alakélé, tó tikiné felé  
yaaire alakélé, atimané kisipa tiki  
tuǻmó muló bitu, kale fo wisi botokǻ  
sóró aluróló, du wisi oletimipó.  
<sup>15</sup> Téatei, hae wisimó taae derepele  
ǻla waeta, i ala dere kaaepó. Mepaae  
so whiné kale fo wisi kisipa wisitamo  
wosóló keteréni, atimané hosaa  
tuǻmó mulóló eró tareteiné, ǻla wae  
kaae holóló, kale fo wisi du oletua  
dapó,” yalepó.

*Mo whi betǻnékéle lamp sa kinóló  
munanéniipó yale fo*

*(Mak 4:21-25)*

<sup>16</sup> “So whiné lamp sa deróló haené  
aleale nuku aǻmó ó fitere kea  
aǻmó kinóló munéni, so whi feané  
kolópóló deróló haḷeamó mulótua  
dapó. <sup>17</sup> Ti so whiné kelaǻsóró mió

hiróló muló betere ala fea take fopa  
haḷeamó mulatepa, so whi feané  
kelaalopó. <sup>18</sup> Téyaalopa, mió diaaǻ  
wosetere fo wisi mo wisiyóló sya  
fóló, erótóró tawae. Ti noatepae,  
mepaae so whi dené Kótóné fo wisi  
mo bete mulapóló tao tapa, atétere  
so whipaae Talené tómó beleróló mo  
dekéro melaalopó. Mepaae so whi  
dené wosale fo wisi ama kisiapané  
tare niši du betereiteikélé Kótóné fasó  
saalopó,” yalepó.

*Yesuné hamaró nomarapetamo  
wóló belamó daalopó yale fo*

*(Mat 12:46-50, Mak 3:31-35)*

<sup>19</sup> Téró etéyalepó. Yesuné ama  
hamaró nomarapetamo ǻ kelaai  
waleitei, so whi fea touraletikimó,  
ǻ daale felekepaae fenénipa, atima  
belamó kaae tawóló daae molepó.  
<sup>20</sup> Atépa, mepaae whiné ǻpaae du-  
raalu, “Naao haeró nonaaorapetamo  
ya kelaai wóló belamó daae mu-  
lapó,” yalepó.

<sup>21</sup> Ai fo depa, ama atimapaee du-  
raalu, “Mepaae so whi de Kótóné fo  
wosóló erótu betepa, ti yaḷo haeró  
norapetamo ai ape,” yalepó.

*Yesuné hali tikiró besé tikitamo  
foné sale fo*

*(Mat 8:23-27, Mak 4:35-41)*

<sup>22</sup> Téró me be demó Yesuné ama yó  
materere whirapepaae duraalu, “I weḷi  
keḷa uté teró faalopa fiépe,” yalepó.  
Atétepa, atima nuku tuǻpaae bitǻ  
holóló, te felepó. <sup>23</sup> Atéro, atima  
nukutamo weḷi tómó fu bituraalu,  
ǻ nuku salemó toró mulóló, noke  
firepó. Atéro weḷi tómó fu betaalemó,  
doakale besé tikiró weḷi asyatamo  
wale tikimó, nuku dolopaae weḷi bó  
dorowóló faaturaalu, weḷiné atima  
mo felekemó aluratapó, du betaalepó.

<sup>24</sup> Tétepa, ama yó materere whirape  
fóló, ǻ turukuróló duraalu, “Doa whi-  
ó, mió weḷiné da mo felekemó i alu-  
ratere ape,” yalepó.

Atétepa, ǻ turukó holóló kale  
besé tikiró weḷi asyatamopaae taalae  
yóló foné salemó, béyóló dono  
felepó. <sup>25</sup> Atéro, ama yó materere



whirapepaae duraalu, “Diã kisipa tiki tiró bitini airapó,” yalepó.

Ai fo deremó atima witepa, sirayóló atimasisitei duraalu, “I sekéneta, noa whirópó. Wëi asyaró besé tikitamokélé, a aqmó bitu, ama dere fo mo betã wosetapó,” yalepó.

*Dowi kepe tepeyóló betale whi wisirale fo*

*(Mat 8:28-34, Mak 5:1-20)*

<sup>26</sup> Atéró, atima ai Kaleli wëi këla tøyóló, Kadarin hae kwiamó sókó felepó. <sup>27</sup> Atéró, Yesu a nuku taaróló hae tópaee taae felemó, ai be hulutamó betã dowi kepe tepeyóló betere whi atamo hokolaa yaai walepó. A mo take bitiré woutei, kutikélé deréni, tiki hãle whi dou tómótóro bitua yalepó. <sup>28</sup> Atéyale whiné Yesu daale kolóló, keteré yóló ama hó aqmó deraapisa fóló fió mulu fo fakeyóló duraalu, “Mo taoró betere Tale Kótóné Naalema-ó, yãlo yãpaae dapa, naao e momó kae susupuraqse,” yalepó. <sup>29</sup> Ti noatepae, Yesuné kale dowi kepepaae duraalu, ai whi tuãmó betereitei taaróló sókó fae dere fomó yalepó. Ti ata, take mepaae whiné *sein* képiné dokóló mulótua yaletèi, kale dowi kepené a whi bitinire tikipaae fópóló, hòkó fatua yalepó.

<sup>30</sup> Yesuné apaae woseturaalu, “Naao doi deé?” depa ama duraalu, “Yãlo doita Lisanipó,” yalepó. Ti noatepae, a tuãmó keperape mo hãle ɔla kaae woló, betó moleteinépó. <sup>31</sup> Téró, kale dowi keperape atima betere tiki taaróló, mo apaae derepale dolopaae hòkó deraqse yóló momó du, momó du, yalepó.

<sup>32</sup> Ai du sorokó mole aqmó hupurape kimimó daae mupa, dowi keperapené Yesupaae woseturaalu, “Dã ai hupurape tuãpaae biñi faai dapa, naao dãpaae fae yaaloé? depa, Yesuné wisirapa téyae,” yalepó.

<sup>33</sup> Atétepa, kale dowi keperape kale whi tuãmó betaletèi taaróló, kale hupurape tuãpaae tepeyóló biñi felepó. Tétepa, kale hupurape

botokó fele tikimó wëiné sãane kulamó doropóló, wëiné sorokó fóló, fea sisiraae felepó.

<sup>34</sup> Atétepa, kale hupu kaae tare whirape wituraalu botokó fóló, doasi be huluaró ipu berapetamopaae fóló atimané kelale ala deté kwëyalepó.

<sup>35</sup> Ai fo wosale so whi feané noa ala yalerópóló kelaai felepó. Atéró, Yesu beteremó sókó felemó, dowi keperape tepeyóló betale whitei tué wisi muóló, mo whi kaae kuti wisitamo betepa kilitu, atima wiyalepó.

<sup>36</sup> Téró, mepaae ai ala depa, kelale so whiné ai wale so whipaae duraalu, “I whita, dowi keperape tepeyóló betale whitei, mió a wisiyóló mo sesere whi kaae, ai betepa kelae,” yalepó.

<sup>37</sup> Téró, ai kale Kadarin hae kwiamó betó mole so whi doasi wituraalu, Yesupaae atima taaróló fae yóló, setu betalepó. Atétepa, a faairaalu, wëi nukupaae biñi holalepó.

<sup>38</sup> Tétepa, dowi keperape tepeyóló betale whiné Yesupaae akélé yãtamo fënëre? yóló wosalepó. <sup>39</sup> Tétepa, Yesuné a dotëyaaai duraalu, “Yã etamo faalomeipa, Kótóné yãpaae erale ala yó melaai naao bepaae fesaae fae,” yalepó. Atétepa, kale whi a fóló, Yesuné apaae erale alarape ai be hulutamó betó mole so whi feapaae yó melaté kwëyalepó.

*Yesuné betã senaaleró sotamo wisirale fo*

*(Mat 9:18-26, Mak 5:21-43)*

<sup>40</sup> Atéró, Yesu a momó wëi këla tøyóló uté tÿró sókó fóló beteremó, a wópóló kaae tawóló betó mole so whi fea hëkesetamo a boperãle walepó. <sup>41</sup> Yesu atéró betepa, Kótóné fo wosetere be kaae tare whi Jairus wóló, Yesu kelalemó, mo doasi whipa, ama hó aqmó deraapisa fóló fió mulu, apaae mo miótóro ama bepaae faalopóló, wosetu betalepó.

<sup>42</sup> Aita hãle mei, 12 ba fo kemere senaale mo betãtóró betereitei mo felekemó sukãai depa yalepó.

Téró, Yesu tumó fu betepa, so whi feané beteki beteki deté fu betalepó.

<sup>43</sup> A atéro sókó felemó, fãke fu betepa 12 ba fo kemere so betã walepó. Tétu betepatei, mo whi betãnekélé ama ai kisi bete wisiraaire mo sunipó. <sup>44</sup> Atére so a so whi kuamó Yesuné sisóro kikiti sókó wóló, ama tómó deró betere kuti salemó olaa yale-tamotóro, ama samea fu betaletei tikalepó.

<sup>45</sup> Atétepa Yesuné atimapaee duraalu, “E né olaa yaleé?” yalepó. Téyalemó, ai so whi feané atima meipó depa Pitané duraalu, “Doa whi-ó, so whi feané ya tẽ alu yóló ai daae mole ape,” yalepó.

<sup>46</sup> Tétepa Yesuné duraalu, “Diãkó whi betãné e olaa yaletikimó, yãlo fotokõ sókó felepa, e né olaa yaleé?” yalepó.

<sup>47</sup> Téró, so whiné keletómó kale soné ama yale ala hiranénipa, a Yesuné hó aomó deraapisa fóló fió molepó. Atéru, ama kisi bete wisi yópóló kisipa mutu olaa yalemó, kisi bete mo hapale tétitóro wisiyalepo.

<sup>48</sup> Téró, kale sopaae duraalu, “Ti senaale-ó, naao kisipa tiki tiraletiné ya ai wisiyalepa, hosaa muni deyóló dua fae,” yalepó.

<sup>49</sup> Kale sotamo ai fo du betepatei, fo wosetere be kaae tare topo whi Jairus-né ama be whi wóló apaae duraalu, “Naao senaale mo ti ai sukãle ape. Térapa, yó matere whipaae fo me kae ini taalae,” yalepó.

<sup>50</sup> Ai dere fo wosóló, Yesuné kale whi Jairus-paae duraalu, “Naao senaaleta wisiyaalopa, ya fomoyóló whaaliani, kisipa tiki betã tirae,” yalepó.

<sup>51</sup> Atéro etéyalepó. A kale fo wosetere be kaae tare topo whi Jairus-né bemó sókó fóló duraalu, “Mepaae whirape etamo faai dapóló waqse. Pita, Jon, Jems, kale senaalené alimaró hamatamo betã wópóló yae,” yalepó. <sup>52</sup> Atéro, sókó fóló kelalemó, kale senaale sukóló mupa molóro fo tiki whaatamo du betepa, Yesuné atimapaee duraalu, “Ai senaaleta, sukuni noke firapa,

diaaq fo tiki whaaró moló-utamo taalae,” yalepó.

<sup>53</sup> Ai fo depa, atima mo so whiné kisipané i senaaleta, mo ti suku- napóló, a dõ nanalepó. <sup>54</sup> Tetepa, kale senaalené naasemó tao sóro duraalu, “Ti senaale-ó, ya turukó holae,” yalepó. <sup>55</sup> Atétepa, ama kepe bete a tuãpaae momó bitõ wouraalu, mo hapale tétitóro turukó holóló daayalepó. Tétepa, Yesuné atimapaee duraalu, “Me õlakó nõpóló melae,” yalepó. <sup>56</sup> Atétere ala kolóló, kale senaalené ama alimaró hamatamo hokomó sókó furaalu, sirayalepó. Tétepa, Yesuné atimaamopaae fo mulótu duraalu, “I ala yalepóló, mepaae so whipaae momókó yaqse,” yalepó.

## 9

*Yesuné sóro beteraale 12 whirape dotonale fo*

*(Mat 10:5-15, Mak 6:7-16)*

<sup>1</sup> Atéro etéyalepó. Yesuné ama dosãayóló sóro betero betere 12 whirape betãpaae tourãle ape depa, walepó. Atéro wóló betó mupa, ama doasi fotokõ bulóo, so whi tuãmó dowi keperape betereitei, dóló hõkonótua yóo, mepaae kae kae kisi daale so whirape wisirótua yóo, yópóló sóro beteraalepó. <sup>2</sup> Atéro atima dotõyaae duraalu, “Diã be hulua dokõ feapaae fóló, Kótóné tẽteróló kaae tare aomó mole ala yó melóo, mepaae hepo daale so whikélé wisiróo yaasepóló fae,” yalepó. <sup>3</sup> Atéro ama atimapaee duraalu, “Diã furaalu dotó tikikélé, waró yotamokélé, mo nokole õlakélé, monikélé, kutikélé me dekaaporóló momókó sóro faqse. <sup>4</sup> Diã me be huluamó sókó fẽnalemó, betã whiné diã dape supa, ti ai whitamotóro fitua yóló, fole sukamó ai be taalae. <sup>5</sup> Mepaae so whiné diãtamo dape sini depa, ti atimané yale alamó dapóló kisipa muópólópa, ai be hulua taaróló faairaalu, diaaq hómó dakere hae

terepée deróló fae,” yalepó. <sup>6</sup> Atéro atima fóló, be hulua dokọ feamó kale fo wisi yó maté kwęyóo, atima kotere be huluamó kisi muó mole so whíkélé, fea wisiraté kwęyóo, yalepó.

<sup>7</sup> Atima ai ala deté kutu beterapó dere fo Kaleli hae kwia tẹteróló kaae tare whị Herot-né wosalepó. Mepaae so whịné kale sukále whị Jon momó kepaayóló beterapóló deté fele fo wosetu, Herot-né ama kisipa tiki kọlọ kọlọ du betalepó. <sup>8</sup> Atétepa mepaae so whịné duraalu, “Mo take betale whị Ilaija wóló biturapó. Tétepa, mepaae so whịné du, mo take betóló sukále Kótóné ama kọlọ whịrapekó, momó kepaayóló wou yalepó,” du betalepó. <sup>9</sup> Tétepa kale topo whị Herot-né duraalu, “Jon-ta, yało diki tare whịrapené depa tikalepa, aita demó dérópóló,” ama kele faai kisipa mualepó.

*Yesuné 5,000 whịrape ọla melale fo (Mat 14:13-21, Mak 6:30-44, Jon 6:1-13)*

<sup>10</sup> Téro, ama dotęyale whịrape atima momó fesaae wóló, atimané yale alarape Yesupaae yó melalepó. Téro, ama atima maaté dape soro, Betsaida be huluapaae felepó. <sup>11</sup> Atima atéro felepó dere fo so whị mo turóné woseturaalu, ą sya felepó. Atima atéro ą beterepaae wapa, wisirapóló dape soro, Kótóné tẹteróló kaae tare aqmó mole ala atimapaae yó melóo, mepaae hepo daapa wale so whíkélé wisiróo, yalepó.

<sup>12</sup> Atéro, suka doropoletamo ama yó matepa wosetere 12 whịrape ą beterepaae wóló duraalu, “Dąta ọlakélé meire tikimó beterepa, i so whị felekemó tẹ mole berapepaae fóló atimané naaire ọlaró fiyaaire betamo atimanétei kekąai fọpólópa, dotonae,” yalepó.

<sup>13</sup> Ti fo depa, ama atimapaae duraalu, “Diaaętei, atima naaire ọla melae,” depa atimané ąpaae duraalu, “Dąnéta, bred o bula aporó

yóo, ya tamo yóo, yóló betą i mole ape. Tétepa, naao kisipané i betó mole so whịné naaire ọlakó dąnétei dupune fọpóló kisipa mute?” yalepó.

<sup>14</sup> Atéro, aimó betó muale soró naale senaaletamo dosąani, whị maaté dosąayóló touróturaalu, 5,000-rópó.

Tétepa, ama yó matere whịrapepaae duraalu, “Dosąayóló 50 whịrape kae kae yóló beteraté kwęyae,” yalepó.

<sup>15</sup> Tétepa, ama yó matere whịrapené so whị fea taleróló beteraté felepó.

<sup>16</sup> Atépa, Yesuné bred o bula aporó yóo, ya tamo yóo yóló taruraalu, hepen-paae kese holóló Kótópaae mo kée yóló terekée daalu yalepó. Téro, ama yó matere whịrapepaae melatepa, atimanémo so whị feamó ąliraté kwęyalepó. <sup>17</sup> Atéro, atima fea nalemó sętepa, buki muni feletei, ama yó matere whịrapené siré kwęyóló, 12 yorape deyóló fąanalepó.

*Pitané Yesupaae Kótóné soro betero betere whị Kerisopó yale fo (Mat 16:13-28, Mak 8:27-9:1)*

<sup>18</sup> Téro, me sukamó etęyalepó. Ama yó matere whịrape atimasisi maaté moma du bitu, ama atimapaae duraalu, “Ai so whị feané ę-a, depó du bitu de?” yalepó.

<sup>19</sup> Ti fo depa, atimané duraalu, “Mepaae so whịné yaąta, wẹi tópuratere whị Jon-pó, mepaae so whịné ti Elaijapó, mepaae so whịné ti mo take betale Kótóné kọlọ whịrapekó kepaayóló bituraalu, du beterapó,” yalepó.

<sup>20</sup> Ai fo depa, ama atimapaae duraalu, “Diąnéta ę depóló kisipa mute?” yalepó. Atétepa Pitané duraalu, “Yaąta, Kótóné so whị fea tẹteróló kaae tanópóló, soro betero betere whị Kerisopó,” yalepó.

<sup>21</sup> Ti fo depa, Yesuné atimapaae fo fotokọiné duraalu, “Pitané ai yale fota, so whịpaae momókó yaąse,” yalepó. <sup>22</sup> Téro ama duraalu, “Kale Whịné Naalema kae kae sekei ala saalo ai ape.

Doasi whi disirapenékélé, mo so whimó Talepaae momaraterere topo whirapenékélé, Moses-né asere fo yó matere whirapenékélé, a mené dópóló, só deraalo ai ape. Téyaalotei, a momó kepaayóló betaalopó,” yalepó.

<sup>23</sup> Téró ama yó matere whirapepaae duraalu, “Whi me de e fole tumó waai kisipa mutepa, ti naao yaaire ala tetéróló ya dóló oleraaire filipaa ni naaotei beleyóló, betere dokó e sya ape. <sup>24</sup> Mepaae so whi dené ama betere bete me ala yaqsórópóló amatei hotowaró kaae tapa, atétere so whiné betere bete aluyaalo ai ape. Téyaalotei, whi me dené yaalo ala eróturaalu, Talepaae naaopóló taalatepa, atétere whiné betere bete aluni, mo ti betó tawaalopó. <sup>25</sup> Betá whiné i haemó muó mole wisi wisi gla dekéro soro betapaae du betere tuamó ama betere bete alutepa, ti me noa dupu wisikó saaloé? <sup>26</sup> Mepaae whi de witu halemó, ekélé, yaalo fokélé tuenipó depa, kale Whiné Naalemakélé, Alimakélé, mo kae betere ensel-rapekélé ama mo kae ere detamo wale sukamó, Whiné Naalemanékélé ai whi a tuenipó, yaalopó. <sup>27</sup> Téyaalopa, yaalo diapaae mo i dere ape. Di a daae mole so whi mepaae sukaiptei, Kótóné tetéróló kaae tare ala mo kelaalopó,” yalepó.

*Yesuné ama tiki kae daane wale fo (Mat 17:1-13, Mak 9:2-13)*

<sup>28</sup> Yesuné i forape yóló bitiré fóló, bokó waleró be de keme-tepa, etéyalepó. Pita, Jon, Jems, atima Yesuné dape soro du sorokó molepaae moma yaairaalu felepó. <sup>29</sup> Atéro holóló momatu betaalemó, ama kelepaa kae daane wóo, ama deró betere kutikélé mo epée de kaae yó fóo, yalepó. <sup>30-31</sup> Atére tuamó, whi tamo Moses-ró Elaijatamo mo kae ere detamo sókó wóló, Yesutamo fo du betepa kelalepó. Atima atéro du betale fota, Yesu a i hae taaróló hepen-paae momó fesaae faaire ala dokonóló, Jerusalem bemó eraalopó

du betalepó. <sup>32</sup> Pitaró ama fulumu whirapetamo noke fi turukó horóló kelalemó, kale whi tamo mo doasi ere de tuamó daalu, Yesutamo fo du betalepó. <sup>33</sup> Atéro, kale whi tamo Yesu taaróló faai depa Pitané duraalu, “Yó matere doa whi-ó, da fea etéro betere ala mo wisirapó. Dáne diámó furu be sore tenaai kisipa mutapó. Me yamó tenóo, me Moses-mó tenóo, me Elaijamó tenóo, yaalopó,” yalepó. Aita, Pita a noa fo enénitepa, kóló kóló duraalu yalepó.

<sup>34</sup> Pitané atéro fo du betepatei, sako dorowóló atima husuratepa, doasi winé sukutu betalepó. <sup>35</sup> Ai sako dolomó i fo yalepó. “Ita, yaalo Naalepó. A sókó soro, yaalo kae beteró beterapa, ama dere fo wosae,” yalepó. <sup>36</sup> Ai fo yóló keme-tepa kelalemó, Yesu a betá daapa kelalepó. Ama yó matere whirape atimané ai kelale alarape mo so whipaae ini, hiróló bitiré felepó.

*Yesuné dowi kepe tepeyóló betere naale wisirale fo*

*(Mat 17:14-21, Mak 9:14-29)*

<sup>37</sup> Atéro be deyó hotepa, atima ai du sorokó mole tiki taaróló dorowou betaalemó, so whi mo hale gla kaae atamo tumó hokolaa yaai walepó. <sup>38</sup> Ai so whi betó mole kua dolomó betá whi turukó holóló daalu, fo tokoróló duraalu, “Yó matere whi-ó, yaalo mo betá naale naao wisirale waaloé? <sup>39</sup> Suka fea dowi kepené a taneta depa, keteré yóló ama kóló dako sókó wua dapó. Até duraalu, dowi kepené a taaróló feni, fotokone ama tiki fesoróló, hó naasekélé sosoro faróló mo dorótua dapó. <sup>40</sup> Até du betepa, naao yó matere whirapepaae hokonaaloé? yóló wosalemó, atima sunipó,” yalepó.

<sup>41</sup> Ai fo depa, Yesuné atimapaee duraalu, “Mió i alimó kisipa tiki tiréni, dowaae fóló kópaae fu betere so whi-ó, di a tu wisipaae fópóló e diatamo betale supa, ai naale ipaae dapesó ape,” yalepó.



42 Kale naale dapesó wou betepatei, dowi kepené haepaae taae deralepó. Atéro haemó mulu, fesserótu betepa, Yesuné kale keperape foné sóró duraalu, ai naale tuámó beteretei hókó faróló, alimapaee malepó.

43-44 Kótóné doasi fotokóné eralepóló, so whi feané kilituraalu, siratu betalepó. Yesuné atéro yale alamó so whi feané haió, i-a noa ala yalerópóló, siratu betepa, ama yó matere whirapepaae duraalu, “Yalo diapaae i yaaitere fo mo wisiyóló wosóló kisipa muae. Kale Whiné Naalema mo whirapené dópóló, mené eleké deyaalo ai ape,” yalepó. 45 Ama atéro yale fo kinóló moleteiné bete atima wisiyóló kisipa initepa wosaai yalemó, atima wituraalu taaralepó.

*Doasi topo whi de betaaloé yale fo (Mat 18:1-5, Mak 9:33-40)*

46 Téro, Yesuné ama yó matere whirape atimasisitei de doasi topo whi beteré yóló, u só derólu i só derólu dere ala kaae salepó.

47 Atimané atéro mutere kisipa Yesuné kolóló, naale betá tao sóró turukó horóló á daale demó daalalepó.

48 Téro, ama atimapaee duraalu, “Whi me dené yalo doimó etei kaae naale wisiyóló dape supa, ti etei dape sirapó. Whi me dené é wisiyóló dape supa, ti é doteyale sekétei dape sirapó. Whi me de diá tuámó naale belekãamale aleyóló belei betepa, ti á doasi whi ai betere ape,” yalepó.

49 Ai fo depa wosóló, Jon-né duraalu, “Tale doa whi-ó, betá whiné naao doi yóló dowi kepe hõkonótu betepa, áta ðakó meipóló kisipa mutu, ðané ápaae atékese yóló, sesé du betalepó,” yalepó.

50 Ai fo depa, Yesuné ápaae duraalu, “Diaaq á sesé yaõse. Ti noatepae, mepaae diãtamo bõe dinitere whita, ti diãtamo mole whi ai ape,” yalepó.

*Yesu wisiyóló dape sini yale fo*

51 Téro, Yesu i hae taaróló hepenpaae dapesó holaai feleke deremó, á me tikipaae faai kisipa muni, Jerusalem be huluapaae maaté faai fotokõ yalepó. 52 Téro, Yesu á nalo faairaalu, mepaae whirape beró naaire õlatamo donoróló mulaai atimapi fõpóló dotonatepa, atima Samaria hae tuámó tene bemó sókó felepó. 53 Téyaletei, ai be hulua so whi feané á Jerusalem bepaae faai wale kilitu, dape sinipó.

54 Atétere ala kilitu, ama yó matere whitamo Jems-ró Jon-tamoné ápaae duraalu, “Tale-ó, i be huluamó betó mole so whi fea hepen-mó mole si dorowõpóló yaé yóló kisipa mute?” yalepó. 55-56 Ai fo depa, Yesu á fetée fóló atimaamo foné sóró, atima me be huluapaae felepó.

*Betá whiné Yesupaae yá sya walapó yale fo (Mat 8:19-22)*

57 Atéro atima fu betalemó, tu tuámó whi betané ápaae duraalu, “Yá mopaae fupa, ti ekélé yatoró sya waalopó,” yalepó.

58 Ai fo depa, Yesuné duraalu, “Hõnarapeta, atima fitere tiki yóo, barapekélé fiyaaire dépi daayóo eretei, Whiné Naalema betá toró mulóló fiyaaire tiki inipó,” yalepó.

59 Atéro, whi mepaae duraalu, “Yá é sya ape,” yalepó. Ai fo depa, kale whiné duraalu, “Tale-ó, folosóro é yalo ayapi dourãle fulapa, wisire?” yalepó.

60 Ai fo depa, Yesuné ápaae duraalu, “Sukune aõre whiné ti sukune whi dourõpóló, yá ti Kótóné teteróló kaae tare aõmó mole ala yó maté kweyae,” yalepó.

61 Atéro, me whinékelé duraalu, “Tale-ó, é yá sya waaitei, yalo hae ayapaae kõleó fo ene faai kisipa mutapó,” yalepó.

62 Ti fo depa, Yesuné ápaae duraalu, “Whi me de ama kutó ditu bitutei, depaae kele mulatere whiné Kótóné teteróló kaae tare aõmó mole kutó diraaire sunipó,” yalepó.

## 10

### *Yesuné 72 wh̄irape dot̄eyale fo*

<sup>1</sup> Atéyale k̄lipaae. Talené mepaae 72 wh̄irape sóró beteróló, ̄ faai dere be hulua dok̄paae atimapi f̄ópóló, tamo tamoyóló dot̄eyalepó.

<sup>2</sup> Atéró dot̄eyaaai atimapaae duraalu, “Kutómó ̄la mo dekeró ̄lumépaitei, ai ̄la saaire wh̄i bet̄a doaló meipó. Térapa, ai ̄la sere ala t̄eteróló kaae tare Talené mepaae wh̄irapekó ai kutópaae doton̄ópóló, Talepaae kemayae. <sup>3</sup> Dīa bete h̄orape betere tūpaae *sipsip* hupu malerape kaae, ȳalo i dotonaterere ape. <sup>4</sup> Dīa furaalu *moni* detere bekélé, mo yokélé, hó bekélé, sóró fāqse. T̄umó furaalu, so wh̄ipaae k̄leó fokélé ini, fó bet̄a yae.

<sup>5</sup> Dīa bet̄a wh̄iné bemó sókó furaalu, Kótóné hosaa muni deyóló dua betere ala dīa tūamó mul̄ópóló yae, fo bet̄a yae. <sup>6</sup> Ai be tūamó hosaa muni deyóló dua betere wh̄itamó betepa, ti Kótóné hosaa muni deyóló dua betere ala ai wh̄i tūamó muaalopó. Meipa, ti ai ala dīatamo momó fesaae waalo ai ape. <sup>7</sup> Ai fitere bemótóró bitu, atimané dīamó matere ̄laró w̄eitamotóró nuku betae. Ti aita, diaāq diteremó kutómó dupu dono ai sere ape. Térapa, dīa be dok̄o h̄oko fité kuni, fitere bemótóró fitua yae.

<sup>8</sup> Téró, dīa bet̄a be huluamó sókó fenalemó, ai be hulua so wh̄iné dīa wisiyóló dape sóró ̄la matepa, ti ai ̄latóró nae. <sup>9</sup> Atéró bitu, ai be huluamó kisi daae mole so wh̄i wisirótua yae. Diaāq atimapaae yó mótu, ‘Kótóné t̄eteróló kaae tare alakélé dīa beterepaae mo felekemó wale ape,’ fo yae. <sup>10</sup> Téyaalotei, dīa bet̄a be huluamó sókó fenalemó, atimané dīa wisiyóló dape sinitepa, ti ai be bela tūamó daalu, atimapaae i fo yae. <sup>11</sup> ‘Diaāq yale alamó, dīané be hae d̄ané hómó dakeretei diaāq keletómó i helek̄etere ape,’ fo yae. Dīané dow̄aae fu betepa, Kótóné t̄eteróló kaae tare āqmó mole ala mo felekemó waalopa, dīa diriyóló

kisipa muae yae,” yalepó. <sup>12</sup> Atéró, Yesuné ama yó matere wh̄irapepaae duraalu, “Ȳalo dīapaae mo i dere ape. Kótóné i haemó betó mole so wh̄i taletere sukamó, Sodom be huluamó betó mole so wh̄ipaae doasi sek̄ei ala eraalotei, dīa wisiyóló dape sinitere be hulua so wh̄ipaae eraaire sek̄ei alata, mo doasi bosenóló eraalo ai ape.

<sup>13</sup> Korasin beró Betsaida be huluatamomó betó mole so wh̄i dīa tūpaae doasi sek̄ei ala waalopa, dīa mo wió yae. Ti noatepae, i be hulua tamomó erale kelemei kaae, Tair-ró Saidon be huluatamomó erólusóró, ti atima mo taketitei yei kuti bukóo, kili diyóo, yóló kisipa feteyóló bitūapó. <sup>14</sup> Téyaalotei, Kótóné fo tokóló tale dere sukamó Taia-ró Saidon be hulua so wh̄itamopaae sek̄ei ala eraalotei, dīapaaeta, ai bosenóló mo doasi sek̄ei ala eraalo ai ape. <sup>15</sup> Dīa Kapeneam be hulua so wh̄i-ó, diaāq kisipané dīa Talené ó s̄apaae dapesó horaalopóló de? Meipa, doa k̄leó. Wh̄i mo ti sukóló aluyaaire dolopaaetei derepaalo ai ape,” yalepó.

<sup>16</sup> Tétepa, Yesuné ama yó matere wh̄irapepaae duraalu, “Mepaae diaāq dere fo wosetere so wh̄iné ti ȳalo dere fokélé wosetapó. Mepaae so wh̄i dené dīa h̄oratepa, ti ̄kélé h̄oratapó. Téretei, mepaae wh̄i dené ȳalo dere fo woseni nisiyóló h̄oratepa, ti ̄ dot̄eyale wh̄ikélé h̄oratapó,” yalepó.

<sup>17</sup> Téró, kale dot̄eyale 72 wh̄irape h̄ekesetamo momó fesaae wóló duraalu, “Tale-ó, d̄ané naao doi yóló dowi keperape doló h̄okonatepa, d̄ané dere fo mo bet̄a wosóló fua dapó,” yalepó.

<sup>18</sup> Ti fo depa, ama atimapaae duraalu, “Hepen bemó dowi Satan epée d̄e kaae fit̄aa deté i haepaae dorowapa kelalepó. <sup>19</sup> Dowi wuliró t̄rapetamo dīané t̄eya depa, d̄ané bóe wh̄i Satan-né bole fotok̄oné dīa doraalomeipó. <sup>20</sup> Ti ai alata motei, kale dowi keperape dīa āqmó sukóló

beteremó hekeseni, hepen bemó diaaḡ doi aseýóló moleteimó betḡ diḡ hekesetu betae,” yalepó.

21 Atéyale sukamó, Yesu ḡ Deḡ Kepe Wisiné fotokḡratepa, doasi haḡné sukutu duraalu, “Hepen beró haetamo aleóló muló betere Aya Tale-ó, *skul* yóló doasi kisipa sere whḡraperó fea ala tuḡre whḡrapetamoné kelaḡsóró kinóo, ketei aḡre whḡrapené kolóplóló, haḡkearóo dere kilitu, yaḡo yaḡpaae mo kée yóló, naao doi sóró horatapó. Aya-ó, aita mo naao kisipa mole alatóró erapó,” yalepó.

22 Téró, Yesuné atimapaee duraalu, “Ai ala feata, yaḡo teḡteróló kaae tanóplóló, Ayané epaae meló beterapó. Whḡ betḡnékélé Naalema tuḡni, Alimané betḡ tuḡrapó. Atére kaae, Alimakélé whḡ betḡné tuḡni, Naalemané betḡ tuḡrapó. Atérené Naalemané ama Aya i ape yóló yó melaai tuḡ mole so whḡpaae yó matepa, ai so whḡné maaté Alima tuḡnérapó,” yalepó.

23 Téró, Yesu ḡ ama yó matere whḡrape atimanale bitu, ḡ atima beterepaae fetée fóló duraalu, “Mió diaaḡ kelené i kilitu betere ala tuḡ sere so whḡ Kótóné wisiró beterapóló, haḡné sukutu beteróplóló yae. 24 Ti noatepae, yaḡo diḡpaae mo i dere ape. Mió keletere ala take betale kóló whḡraperó topo whḡrapetamoné kelenée deté waletai kilini yóo, diaaḡ wosetu betere fokélé wosenée deté waletai woseni yóo ipakalepó,” yalepó.

### *Samaria whḡné Juda whḡ tao sale fo*

25 Téró, Moses-né aseḡre fo yó matere whḡ betḡ turukó holóló Yesu sḡsóró duraalu, “Yó matere whḡ-ó, ḡ mo ti betó tawaairaaalu, noa alakó yaaloé?” yalepó.

26 Ti fo depa ama duraalu, “Ai aseḡmó noa fo ere? Ai yóló muló betere fo dosḡatu, naao noa kisipa mute?” yalepó.

27 Ai fo depa, kale whḡné ḡpaae tokó mótu duraalu, “Tale Kótópaee hekesené sinóló yaala sókó fole alata, naao hosaa turónékélé, kepe turónékélé, fotokḡ turónékélé, kisipa tiki turónékélé, du betae. Tétu, naaotei yaḡ hekesené sukutu dere kaae, naao be whḡ so whḡpaaekélé, atéro hekesené sukóló yaala sókó fu betae,” yalepó.

28 Ti fo depa, Yesuné kale whḡpaae duraalu, “Aita, naao mo dono tokó matapa, yaḡ mo ti betaaseplóló, ai alatóró haḡe yó tawae,” yalepó.

29 Téró kale whḡné ama yale fonétei ḡ só deranépa, ḡ donore whḡ aḡyóló Yesupaae woseturaalu, “Naao epaae be whḡpó dere fo-a, demó de?” yalepó.

30 Ai fo depa, Yesuné duraalu, “Whḡ betḡ i Jerusalem be taaróló, Jeriko bepaae durupu betalepó. Téyalemó, ḡlémi nokole whḡrape tuḡ tuḡmó melaa muóló, ama kuti sorokóló taae faróló ḡ susupuróló felekemó sukḡai du betepa atima felepó.

31 Atéro, Talepaae momaratere whḡ betḡ ai kale whḡ derepele tuḡmó durupuraalu kelalemó, kale whḡ tuḡmó mupa, dekeróló ḡ demó derepelepó. 32 Atétepa, betḡ Lipai fake whḡ ḡkélé sókó walemó, kale whḡ sinóló mupa kolóló, dekeróló ḡkélé demó felepó. 33 Téyaletei, betḡ Samaria whḡ ḡkélé kale whḡ mole tikimó sókó wouraaalu kelalemó, kḡlei ala epa kilitu, ama tao saai kisipa mualepó. 34 Atéturaalu, ḡ kale whḡ mole felekepaae fóló, kale whḡné doalére tikimó *wel* weḡiró *wain* weḡitamo dilóló dokalepó. Téró, kale whḡ ama *donki* hupu tómó beteróló fóló, uké whḡrape fitua dere bemó beteróló, kale whḡ ama mo wisiyóló kaae tarepó. 35 Téró, be deḡtepa hḡka kale whḡné ama *silpa moni* tamo sóró, kale uké whḡrape fitere be kaae tare whḡpaae duraalu, ‘Yaḡo i matere *moniné* ḡ kaae taté felalemó, ai *moni* tamo kemetepa, ti ḡ wóló naao *moni*

yalo tokó melaalopa, a mo wisiyóló kaae tawae,'” yalepó.

<sup>36</sup> Téró, Yesuné kale Moses-né asere fo yó matere whípaae duraalu, “Naao kisipané i whirape sorekó mé whi kale dale whiné ama be whi kaae aoyaleé?” yalepó.

<sup>37</sup> Ti fo depa, kale whiné momó tokó mótu duraalu, “Kolené sukutu tao sale whípó,” yalepó. Ai fo depa, Yesuné aapaae duraalu, “Ama yale ala kaae, naakélé yaai fae,” yalepó.

### *Yesu Mataró Meriatamo betere be huluamó betale fo*

<sup>38</sup> Téró, Yesu a ama yó matere whirapetamo tumó fité woló, Mata betere be huluamó sókó wapa, Matané atamo betaai dape salepó.

<sup>39</sup> Matané kema Mariakélé Yesuné hó aomó bituraalu, ama dere fo wosetu betalepó. <sup>40</sup> Atétu betepatei, Marta a atima naaire qlamó bipi du bituraalu, ama yó matere fo wisiyóló wosenipó. Atétepa, kale so Yesu beterepaae wóló aapaae duraalu, “Tale-ó, e yalo wotoró depe tukó wei ala du beterepa, ama e tao sene wópóló, naao aapaae dumié?” yalepó.

<sup>41</sup> Ti fo depa, Talené aapaae duraalu, “Ti senaale Mata-ó, yata mepaae ala noa yaaloé yóló, doasi whaalaa du betereiteiné ya ai só deró betere ape. <sup>42</sup> Téretei, mo doasi topo qla betá ya seni, yayá ai ere ape. Mariané ama betá mo doasi topo qlapóló kiswa muóló sóró taretei dané fasó saalomeipó,” yalepó.

## 11

### *Yesuné Talepaae moma dere ala yó melale fo*

*(Mat 6:9-15, 7:7-11)*

<sup>1</sup> Téró me sukamó. Yesu a me tikimó bitu, moma du beterepó. Atéró, moma yóló kemetepa, ama yó matere whi betané aapaae duraalu, “Tale-ó, Jon-né ama yó matere whirapepaae Kótópaae momatere ala yó melale kaae, naao dakélé yó melaasepé,” yalepó.

<sup>2</sup> Ai fo depa, ama atimapaae duraalu, “Diaaq Talepaae moma dere ala etéró yae.

‘Aya-ó, yata dowi ala mo betakélé munire Kótó betereiteiné so whi feané naao doi wisinaale doasi mulópóló yae.

Naao tetéroló kaae tare aomó mole ala wisi wópóló yae.

<sup>3</sup> Be de dokó betá betámó dané naaire qla naao sumó qlae.

<sup>4</sup> Mepaae so whiné dapaae erale dowi ala kwia tani, me qla meipóló hãle kemeratapa, dané dowi ala kwiakélé naao hãle kemerae.

Téturaalu, su sere alané da deé nalaosóró, naao da qlisóró fae.’”

<sup>5-6</sup> Téró, ama atimapaae duraalu, “Diakó betá whiné ama fulumu whi saletómó wóló betepa, a diliki su tuatamo ama noma beterepaae fóló duraalu, ‘No-ó, yalo fulumu whi mióti sókó waleteteiné naaire qla meitepa, yapaae bred o bula sorekó a maletamo melaasepé fo dekéro yó tapa, noa ala yaaloé?’

<sup>7</sup> Ai be dolomó betere whiné i fo yaalopó. ‘Be tu kinóló yalo naale senaalepaae fireiteiné turukó holóló, naao kematere qla menanénipa, epaae dotopoi fo ekesé,’ dua dapó. <sup>8</sup> Yalo diapaae i dere ape. Kale whi a halaaainé kematoró hãle yó tapa, ama fulumu whi turukó horóló kematere qla manénipatei, mo sumótóró melaalo ai ape.

<sup>9</sup> Atétepa, yalo diapaae i dere ape. Talepaae me qlakó kematepa, ai kematere qla melóo, keketepa ti ai qla mo kolóo, tu tukiyae yóló tu dupa, ti tukijóo yaalopó. <sup>10</sup> Ti noatepaae, mepaae kematere so whiné ti mo sua dapó. Mepaae so whiné keketepa ti ai qla mo kilitua dapó. Mepaae so whiné tu tukiyae yóló tu dupa, atétere so whi wópóló tu tukitua dapó.

<sup>11</sup> Diakó me whiné diaaq naale senaalené yakópóló kematepa, ya taaróló, dowi wuli male melaaloé?



12 Ó naao senaale naalené ba kekó ‘A’lae’ depa, ai kematere ɔla taaróló, whi tukó nokole tɔ melaaloé? Meipó.

13 Diá dowi ala du betere whirape bitutei, diaaɔ naale senaalemó wisi wisi ɔla matere ala diaaɔ ai kisipare ape. Atére kaae, mepaae so whi dené Dɛi Kepe Wisi kematepa, ó hepen-mó betere diaaɔ Aya Talené mo melaalo ai ape,” yalepó.

*Yesupaae Belsebul-né fotokɔratepa dapó yale fo*

*(Mat 12:22-30, Mak 3:20-27)*

14 Téró me sukamó etéyalepó. Dowi kepené whi betá kóló nomonó betepa, Yesuné dóló hɔkonalepó. Atétepa, kale dowi kepe sókó furaalu, ama fo kaae sóró deremó, ai touró betere so whi feané sirayalepó. 15 Atétepa, mepaae so whiné duraalu, “Aita, dowi keperapené topo kepe Belsebul-né fotokɔratepa, dóló hɔkonótu beterapó,” yalepó. 16 Ai fo depa, mepaae whirapené ama noa ala deró ɔ sɔ sóró kaae kilituraalu, ɔpaae hepen bemó mole betá fareyópu eratapóló dané kisipa yaaipa, erae yalepó.

17 Atéro mutere tué tiki Yesuné kisipa yóló atimapaae duraalu, “Mepaae doasi topo whirape atimané tɛteróló kaae tare tuámó atimasisitei bóe dupa, ti tɛteróló kaae tare ala mo haepaae doropóló doyoó, betá be huluamó betó mole so whikélé atimasisitei bóe dupa, ti ai be haepaae doropóló mo doyoó yaalopó. 18 Satan ama fake atimasisitei bóe dupa, ti ama tɛteróló kaae tare ala netéro fotokɔ buaaloé? Yálo i dere fota, diaaɔ ɛpaae yá dowi keperapené topo kepe Belsebul-né fotokɔratepa, hɔkonótu beterapó depa i dere ape. 19 Ti diaaɔ ɛpaae topo kepe Belsebul-né fotokɔratepa, dóló hɔkonalepó dere-a, diá fakenékélé dóló hɔkonótu betere ala né fotokɔratepa de? Motamo Kótóné fotokɔ bulatepa dapó depa, ti fo tokóló taletere sukamó atimanétei diá só deraalopó.

20 Téretei, yálotamo Kótóné fotokɔné dowi keperape dóló hɔkonélipa, ti Tale Kótóné tɛteróló kaae tare aɔmó mole ala diá tuɔpaae wóló i mole ape.

21 Fotokɔ bole whiné be ó ɔla ɔla mepaae whiné doraɔsóró, sesé duraalu, kale whiné ama tɔró dikitamó tawóló, siki siki yóló kaae tapa, whi mené doraalomeipó. 22 Téretei, mepaae doasi fotokɔ bole whiné bóe sókó wouraalu, kale doasi fotokɔ bole whi dóló tɛteróló, bóe dele ɔla ɔlakélé fea fasóló, ama bemó muó mole wisi wisi ɔlakélé fea sóró ama be whitamó ɔli yaai sóró fulapó.

23 Whi me de ɛtamo betámó bitinipa, ti ɛtamo bóe dilapó. Whi me de ɛtamo bitu, ɛ fasóló ɔla ɔla betápaeróló munénitepa, ai whiné yálo ɔla ɔla hɔko besekératapó.

24 Atéro, kale dowi kepe whiné depe tuámó betereitei, sókó furaalu kópui hae tikipaae ɔ feléyóló betaaire tiki kekɔairaalu fua dapó. Atéro fóló, kelenalemó betaaire tiki kilinitepa, ɔ take betale be kelaai momó fesaae faai dapó dua dapó. 25 Atéro ɔ sókó wóló kelenalemó, kale be wisiyóló fuóló taae faróló, wisiró betepa keletapó. 26 Téró, kale dowi kepe ɔ momó fóló, mepaae dowi ala mo turó fɔane wɛikeró keperape dape sóró, kale bepaae momó bitɔ walapó. Atétepa, kale whi ɔ take bitu sawa doyaletai, mió mo ti doyoó faalopó,” yalepó.

27 Atéro Yesuné ai forape du betepa, so whi fea betó mole kuamó so betané fo fakeyóló duraalu, “Yá deyóló awá male so naao hae Tale Kótóné wisiró beterepa, ɔ hajné sinóló beterópóló yae,” yalepó.

28 Ti fo depa, Yesuné atimapaae duraalu, “Ai dukiratero fota mepaae whi de Kótóné fo wosóló, sya fóló erótu betere so whita, Tale Kótóné wisiró betereiteiné hajné sukutu beterapó,” yalepó.

*Yesupaae me ala yaairemó dere fareyópukó erae yale fo*  
*(Mat 12:38-42, Mak 8:12)*

<sup>29</sup> Téró, so wh̄i fea wóló touró betepa Yesuné duraalu, “Mió i alimó betere so wh̄i dowi alané f̄aanutei, ep̄aae doasi sira yaaire me fareyópukó erae du beterapó. Tépat̄ei, me kae eraalomeipa, mo take Jonapaae erale ala kae bet̄a eratepa kelaalo ai ape. <sup>30</sup> Ti noatepae, Ninipa so wh̄iné Jonapaae erale fareyópu kilituraalu, ita Kótóné dotonale wh̄ipóló kisipa moipakalepó. Atéyale kaae, mió i alimó betere so wh̄iné kélé Wh̄iné Naalemapaae eraterē ala kilituraalu, ita Tale Kótóné dotonó betere wh̄ipó kisipa muaalo ai ape. <sup>31</sup> Bet̄a Saoti hae kwia t̄eteróló betere doasi topo *kwin* soné mió i alimó betó mole so wh̄itamo fo tokóló taletere be demó, dīa só deraalo ai ape. Ti noatepae, ai sota hae kwia dene falepaae bit̄i wóló, Solomon-né fosó fosói kisipa muóló yó matere fo wosaai walepó. Téyalet̄ei, Solomon-né mole kisipa bosenóló wh̄i bet̄a i betere ape. <sup>32</sup> Téretei, Ninipa be hulua so wh̄iró dīa mió i alimó betó mole so wh̄itamo só deraai fo tokóló taletere be demó atimanétei dīa só deraalopó. Ti noatepae, atima Jonané yó mótu betale fo wosóló, kisipa tiki feteyalepó. Tépat̄ei, Jonakélé t̄eteróló bosenéē fale mo doasi sek̄e wh̄i bet̄a wóló i betere ape.

*Keleta tiki fea d̄eró betere s̄a s̄upó yale fo*

*(Mat 5:15, 6:22-23)*

<sup>33</sup> Mo wh̄i bet̄anékélé, *lamp* s̄a d̄eróló kinéli tikipaae ó nukuné husiróló mulót̄imipó. D̄eróló daalót̄ua dere tikimótóró mulót̄ua dapó. Mepaae so wh̄i be dolopaae wapa, ai demó beterópóló, d̄eró beterapó. <sup>34</sup> Naao keleta, ti tiki turó d̄eró betere *lamp* s̄a s̄u ai ape. Naao kele tamo wusuró wisipa, ti naao tikikélé turó d̄erapó. Téretei, naao kele tamo wusuró dilikipa, ti naao tikikélé turó dilikirapó. <sup>35</sup> Naao tiki tuamó dó tare d̄e diliki yaqsóro, mo

hotowa yóló kaae tawae. <sup>36</sup> Térapa, naao tiki turótamo d̄epa, ti tiki me kwipaae sawa dilikikélé ini, tiki featóró d̄eyó furaalu, belapaaekélé sókó faalo ai ape,” yalepó.

*Yesuné Farisi wh̄irapepaae wiyó yae yale fo*

*(Mat 23:1-36, Mak 12:38-40, Luk 20:45-47)*

<sup>37</sup> Yesuné ai fo yóló keme-tepa, Farisi wh̄i bet̄ané atamo ɔla naairaalu ama bepaae dapesó fóló, ɔla nukuatere ni fake tómó tiróló beterepó. <sup>38</sup> Atéru, Yesu ɔla naairaalu, atimané mara mole ala sya furaalu, folosóro ama naase fokunit̄epa, kale Farisi wh̄i a hokomó sókó fu sirayalepó.

<sup>39</sup> Atétepa Talené ap̄aae duraalu, “Aita motei, dīa Farisi wh̄iné ɔla nokole nukuró wutitamo h̄ale tómó ere bólu maaté fukutua dapó. Téturaalu, diaaɔ tiki tuap̄aaeta, ti fea ɔla senéē yóló ek̄elete alaró ukusitere alatamoné ai f̄ane ape. <sup>40</sup> Dīa okokoi tūe mole wh̄irape-ó, Kótóné diaaɔ tó tikimó ere ala fea taleturaalu, u tuap̄aaekélé tale dumipóló de? <sup>41</sup> Diaaɔ nuku tuamó mole ɔla sóro yolealere so wh̄i tao sóro melae. Atétepa, ti diaaɔ tiki tuamó ere ala fea Kótóné kilitu, mo kok̄rapó fo yaalo ai ape.

<sup>42</sup> Farisi wh̄irape-ó, dīané kutómó ere sawa ɔlakélé naase tamo supa, dekeyóló bet̄a Kótópaae h̄ale móturaalutei, mo donotóró taletere alaró Kótópaae yaala sókó fole alatamo sisópaae erótu beterapó. Atére alamó doasi sek̄e ala dīa tuap̄aae waalopa, wiyó yae. Donoyóló taletere alaró Kótópaae yaala sókó fole alatamo touróló, Kótópaae h̄ale matere alakélé uqsóro mo wisi uapó.

<sup>43</sup> Farisi wh̄irape-ó, dīa fo wosetere bepaae furaalu, doasi doi mole wh̄irape bitua dere tikimótóró betaai ek̄e yóo, ɔla dotonaterē tikimó daalukélé, so wh̄iné doasi wh̄i wisi-ó yóo, yóló dukiraterē kok̄mó ai ala dua dapó. Atétere alamó

diapaae doasi sekēi ala waalopa wiyó yae.

<sup>44</sup> Farisi wh̄irape-ó, diāta u tupaae wh̄i dou epatei h̄ale tiki aq̄pa, ai tómó so wh̄i fua wua du beteraó. Ti diāta, douró betere wh̄i kaae aq̄rapa, wiyó yae,” yalepó.

<sup>45</sup> Tétepa, Moses-né as̄ere fo yó matere kisipa fosóre wh̄iné aq̄paae duraalu, “Yó matere wh̄i-ó, naao ai dere forapené d̄a mo ti só deratapó,” yalepó.

<sup>46</sup> Ti fo depa Yesuné duraalu, “Moses-né as̄ere fo yó matere wh̄irape-ó, diaaq̄ so wh̄ipaae i ala yae, i ala yaq̄se, du betere alata, doa sekēi q̄la so wh̄iné h̄ulumó belerótu dere kaae du beteraó. Ai sekēi q̄la diaaq̄ belerótu bitutei, atima fasóló tao sere alamo dumipó. Atérapa, diapaae waaire sekēi alamó wiyó yae.

<sup>47-48</sup> Take diaaq̄ noutererapené dale Kótóné kq̄ló wh̄irape dourale tiki be wisiyóló t̄enótu beteraó. Mió atétu betere alané diaaq̄ ayarapené wh̄i dale ala wisirapóló, h̄akeamó yó matapó. Atéteremó diapaae doasi sekēi ala eraalopa, wiyó yae. <sup>49</sup> Atéró betale alamó Kótóné ama fosó fosóre kisipa sya furaalu, i fo erapó.

‘Ȳalo kq̄ló wh̄iraperó *apose*l wh̄irapetamo atima beterepaae dotonaalotei, mepaae wh̄i mo ti d̄oo, mepaae h̄ale susupuróo yaalopó,’ erapó.

<sup>50</sup> Atérapa, mo take kaae sóró dilé wale kq̄ló wh̄irapené samearó mió diaaq̄ du betere wh̄irapené sameatamomó kwia turó mió i alimó betere so wh̄i diaaq̄ saalo ai ape. <sup>51</sup> Ita, mo dapó. Atéyaaire alata, Abel-mó kaae sóró dilé wóló, kale momatere bemó Kótópaae simó sukylaa dalatere tikiró kae tukóló muló betere be ke tuamó dale wh̄i Sekaraiamó d̄ale yóló kwia feata, mió i alimó betó mole so wh̄iné saalopó.

<sup>52</sup> Moses-né as̄ere fo yó mótu betere wh̄irape-ó, Kótóné mo bete mole alapaae sókó faaire so wh̄i

faqsóró tu tuk̄itere *ki* diaaq̄ fasó salepó. Ti diāta, ai tumó fumitei, atima faai du betere so wh̄i diaaq̄ sesétu beteraó. Atétere alamó diā doasi sekēi ala saalopa, mo wiyó yae!” yalepó.

<sup>53</sup> Ai fo yóló kemetepa, Yesu a felemó, kale Farisi wh̄iraperó Moses-né ere fo yó matere wh̄irapetamoné a só deraairaalu, deteraai fo du betalepó. <sup>54</sup> Aita h̄ale mei, a h̄asókó fuléró kelaai kae kae wosetere fo du betalepó.

## 12

*Farisi wh̄irape wisiyóló kaae tawae yóló yale fo*

*(Mat 10:26-33)*

<sup>1</sup> Atéró, so wh̄i mo dekéro wale tikimó hae tiki faapa, folosóro Yesuné ama yó matere wh̄irapepaae duraalu, “Farisi wh̄irape tuamó bole *yist* diapaae tekaqsóro hotowaró kaae tawae. Atimata tiki tuapaae dopatei, tó tikimó h̄ale wisire nisi du beteraó,” yalepó. <sup>2</sup> “Mió kilini hiró betere ala fea, take h̄akearatepa so wh̄i feané kolóló tué yaalopó. <sup>3</sup> Diaaq̄ diliki tuamó du betere fo demó depa wosóo, be dolomó dua kikiti dere fo be huluamó daalu fakeyóló depa so feané wosóo, yaalopó.

<sup>4</sup> Norape-ó, diapaae i dere fo wosae. Mepaae wh̄irapené diaaq̄ tó tikita dóló sukunaalotei, take diapaae me ala eraalomeipa, ai alapaae wiyaq̄se. <sup>5</sup> Wiyaaai depata, ti naao mo tikikélé, kepe betekélé, doróló mo ti dó tare sipaae deraaire fotokq̄ bole Kótó beterao, aq̄paae bet̄a mo doasi wiyae. <sup>6</sup> Sonaai *moni* ke tamoné aporó ba belek̄atiki dupunerapó. Atére barape bet̄akélé Kótóné kisipa keterótimpó. <sup>7</sup> Diāta, ai ba belek̄atikitamo s̄uni, Kótóné ama hosaa mole doasi q̄la ai ape. Diaaq̄ topo n̄ikikélé Kótóné ama s̄umó dos̄ayóló kisipareteiné diā wiyaq̄se.

<sup>8</sup> Ȳalo diapaae mo i dere ape. So wh̄i feané kele tómó mepaae wh̄iné duraalu, Yesuta e t̄eteróló kaae tare

Talepó depa, Whjné Naalemanékélé Kótóné *ensel*-rapené keletómó a yalo fo eratere whjópó yaalopó. <sup>9</sup> Téyaalotei, whj me dené so whj feané keletómó a Keriso fake meipó depa, ti Whjné Naalemanékélé, Kótóné *ensel*-rapené keletómó ai whj a kisipanipó yaalopó. <sup>10</sup> Mepaae whj dené Whjné Naalema eróló foné só deratepa, ai dowi ala kwia kemeróló aluranérápó. Tépatei, kale Dji Kepe Wisiné ditere kutó faleyóló só deratepa, ai kwia mo aluranénipó.

<sup>11-12</sup> Bóe whjrapené fo wosetere bepaae ó so whj teteróló kaae tare whjrapepaae ó *Gavman*-né sóró beteró betere topo whj beterepaae fo tekjai dapesó fupa, dija noa fo yaaloé yóló, whaalia yaqse. Ti noatepae, atétere sukamó diaa q yaaitere fo fea Dji Kepe Wisiné yó melaalo ai ape,” yalepó.

*Néli whjné hqko ala yaleteti fo salepaae dó faróló yale fo*

<sup>13</sup> Tétepa so whj fea touró betere kuamó, whj betané Yesupaae duraalu, “Yó matere whj-ó, yalo no damoné ayané mómu q la q la bukóló, emale melópolópa, naao yalo nopaae yae,” yalepó.

<sup>14</sup> Ti fo depa Yesuné duraalu, “Ti whj-ó, diaamomó q la q la bukóló melópoló né e sóró beteralé?” yalepó. <sup>15</sup> Téró ama atimapaae duraalu, “Kae kae q la fea senée yóló au nokole alané dija doraqsóró, mo hotowaró kaae tawae. Ti noatepae, q la q la mo dekéro sóró tare alané whj beteró bitinipó,” yalepó.

<sup>16</sup> Téró, ama atimapaae fo sale fo etéro yalepó. “Betá néli whjné ama diyale ke kutómó q la dekéro salepó. <sup>17</sup> Ai ala kilitu, ama etei kisipa mualepó. ‘Ama kutómó yó mole q la moolaire tiki meipóló,’ a fomo du betalepó.

<sup>18</sup> Téró ama duraalu, ‘Yalo q la q la moolaie tçale be fisikóló mo doakale be tçyóló yalo kutómó sere qlaró mepaae wisi wisi qlatamo moolaalopó. <sup>19</sup> Atéróló yalotei etei

fo enérápó. E q la q la mo sumó moleteiné mió me kutó dini doasi ba fomó sça nóló hale bitu, mole qlaró wejtamo maaté hajtamo nukulé fu betaalopó,’ ere fo kisipa muni airapó.

<sup>20</sup> Tépatei Kótóné apaae duraalu, ‘Kisipa okokore whj-ó, naao betere bete mió dilikitamo yalo tokó sirapa, naao donoróló mulale q la né saaloé?’ yalepó.

<sup>21</sup> Whj me dené mepaae q la q la whj tao sóró hale móturaalu, ita Kótópaae matapóló kisipa muóló meni, atóró néli whj betaai dapóló fea q la ekçleyóló betapaae du betepa, ti i ere fo ai whjpaetóró eraalo ai ape,” yalepó.

*Naaire q la ó yqyqre qlamó whaalia yaqse yale fo*  
(*Mat 6:25-34*)

<sup>22</sup> Téró, Yesuné ama yó matere whjrapepaae duraalu, “Yalo dijapaae i dere ape. Dija naaire q la meitepa, noa naaloé yóló whaalia du betaqse. Naao tikimó kisipa mutu, kutikélé noa saaloé yóló whaalia du betaqse. <sup>23</sup> Nokole qlata, wisi qlatei whjné betere beteta, mo doasi qlapó. Kutikélé wisi qlatei, whjné tikita mo doasi qlapó. <sup>24</sup> Barapené dere ala kolóló kisipa muae. Atimané naaire q la wae biliyóo, ulumé depa sóró bepaae mulatere alakélé yóo, dumipó. Tépatei, Kótóné atima kaae taru, betere dokq fea atimané naaire q la mótua dapó. Hepen bemó betere diaa q Ayané barape kolósu, dija kolósu depa, dija so whjpaee ama hosaa mo turó mulapó. <sup>25</sup> Diakó betá whjné ama betaaire alamó kisipa muóló whaalia duraalu, a betaaire ba fo sumó qloranére? <sup>26</sup> Ai sawatamo ala dijané enénipa, ti mepaae doasi alarapemó noatepa whaalia du betere?

<sup>27</sup> Hale yó mole nerape fuatere ala kolóló, kisipa muae. Ai ne fua kémi bisikóló kuti nomotumitei, ama ere au wisi kelaalo mo kokqrapó. Atére auné Solomon-né derótua



yale kokqi kutiné au bosene falapó. <sup>28</sup> Diã kisipa tiki sawa tiró betere so whĩrape-ó, haemó hãle yó mole nerapeta mió maaté yóló dó simó biliraaire qlatei, Kótóné wisiyóló aurótua dapó. Ai nerapepaae erótu betere alakélé mo bosenóló, diaaql deraaire kuti Kótóné sũmó melaalomeipóló de? <sup>29</sup> Diãné naaire qla ó wẽimó hosaa turó muóló noa naalóe yóló doasi whaalia du betaqlse. <sup>30</sup> Ti noatepae, hãle hõko betere so whĩ feané ai qla saai dapóló ketekẽ buóló wóputu beterapó. Ti diãné yãyãtere qla hepen bemó betere diaaql Ayané ama mo tuẽrapó. <sup>31</sup> Térapa, Kótóné tẽteróló kaae tare aqmó betaai dapóló, ketekẽ buóló kikitu betepa, ti yãyã du betere qla qla ama sũmó melaalo ai ape.

<sup>32</sup> Yãlo *sipsip* hupu malerape-ó, diaaql Ayané ama tẽteróló kaae tare ala ã wisi kisipa muóló hãitamo diãmó hãle melaalopa, whaalia yaqlse. <sup>33</sup> Térapa, diaaql muó mole qla dotonóló *moni* sóró mepaae yolealere so whĩmó hãle melae. Atẽtere alané hãle muó tawóppóló, *moni* detere be wisi aletapó. Atẽtepa, ti wisi wisi qla hepen bemó hãle muó taru, kemekélé yaalomeipó. Aimó qlémi nokole whĩkélé, hoséli ó ero sinékélé, turukóló doraalomeipó. <sup>34</sup> Mé tikimó naao wisi wisi qla mupa, ti naao hosaakélé aimótóro mulapó,” yalepó.

*Kutó mo wisiyóló kaae tawale fo  
(Mat 24:42-51)*

<sup>35</sup> “Diã kutó dine faairaalu kuti deróló bitu, sãrapekélé duku beteróppóló, dẽróló mulae. <sup>36</sup> Ti atẽtere alata, mepaae kutó diratere whĩrape atimané doasi whĩ betã so dokotere be dẽmó detere qla nale feletei fesaae wóppóló, kaae tatu dere kaaepó. Atẽpa, kale whĩ wouraalu be tũ dupa, ã be dolopaae holóppóló, hapale atimané be tũ tukĩyaalo ai ape. <sup>37</sup> Atéroró, atima tẽteróló kaae tare whĩ wouraalu kelerãlemó, ama qla qla mo wisiyóló kaae tapa, ã

hẽkeseturaalu atimapaee mo wisi ala eraalopó. Yãlo diãpaae mo i dere ape. Kale topo whĩ ã kuti wisi deróló, ama kutó diratere whĩrape wóppóló ãpi fóló, qla nokole ni fake tó mó kaae tawóló betaalopó. <sup>38</sup> Kale doasi whĩ ã be diliki tuãmó ó be teó dẽterepaae sókó wouraalu ama kutó diratere whĩrape kelerãlemó, fea qla qla sũmó donoró betepa, ã hẽkeseturaalu atimapaee mo wisi alatóro eraalo ai ape. <sup>39</sup> Tépatẽi, i dere fo mo diriyóló wosóló tuẽ muae. Betã be talené ama be fulukóló qla qla qlémi saaire whĩ i sukakelemó waalopóló kisipa uãsoró ti ama be fulukóló qla qla sóroró fópóló kaae tawuã meipó. <sup>40</sup> Térapa, diãkélé hotowaró donoróló betae. Ti noatepae, kale Whĩné Naalema waalomei nisiyóló mokqleyaa yóló betere tuãmó waalo ai ape,” yalepó.

<sup>41</sup> Tétepa Pitané duraalu, “Tale-ó, naao ai fo salepaae dó faróló dere fo-a, dãpaae maaté dẽpé, so whĩ feapaaekélé de?” yalepó.

<sup>42</sup> Ai fo depa Talene duraalu, “Betã fosó fosóre kutó diratere whĩ ama doasiné dere fotóro wosóló eró tapa, mepaae kutó diratere so whĩ ãpaae tẽteróló kaae tawae enérápó. Tẽtu, tukóló muló betere sukamótóro atimané naaire qla maté fópóló, ama naase tuãmó mulóló ã fulapó. <sup>43</sup> Téroró kale doasi whĩ ã momó fesaae wouraalu kelerãlemó, ama diyae yóló fele kutó mo wisiyóló dipa kilitu, ai whĩpaae mo doa hẽkesené sinóló mo wisi ala eraalo ai ape. <sup>44</sup> Yãlo diãpaae mo i dere ape. Kale topo whĩné ama qla qla fea ai whĩpaae naao mo wisiyóló kaae tawae yóló ama naase tuãmó mulaalopó. <sup>45</sup> Tépatẽi, kale kutó diratere whĩné ama etei kisipa munérápó. ‘Yãlo doasi ã foloti feletei hapale wómipó,’ dua dapó. Atẽreteiné, ã bitu mepaae kutó diratere whĩraperó sorapetamo fokosói ala yóló, du beteró ã qlaró wẽitamo dekéro nóló topo doyóló keyaa faalopó. <sup>46</sup> Atéru

kale doasi whi waalopóló kisipani, mokoleyaa yóló betere tuámó ą sókó wouraalu, kale whi diyóló turukópi sóró kisipa tirénire so whítamo touyóló beterópóló, hókó faraalopó.

<sup>47</sup> Ai whiné ama doasiné mole ama kisipa tuę irutei, ą donoróló bitu doasiné dirae yale kutó diréniyalemó, fokosói ala yóló mo doasi susupuraalo ai ape. <sup>48</sup> Téyaalotei, mepaae kutó diratere whiné atima doasiné mole kisipa bete wisiyóló sinipa, ti ai whipaae kwia mótukélé sawa tétitóró melóo, dele alakélé dekéro ini, tétitóró dóo yaalopó. Nalo kale doasi wóló, ama doasi alarape teteróló kaae tawae yale whipaae duraalu, yalo yapaae melóló fele kutórape fea maé yóló wosaalopó. Mepaae so whiné me whipaae duraalu, ‘Dané ęla ęla kaae tawae,’ yóló huyóló mélipa, ti atima momó fesaae wou ama male suróló maé yóló wosaalopó,” yalepó.

#### *Fake tekeyóló, betaalopóló yale fo (Mat 10:34-36)*

<sup>49</sup> “Ęta i haepaae waleteita si sóró walepó. Ai si i haemó mo hapale dó holópóló, mo taketi noke uapóló kisipa mutapó. <sup>50</sup> Tépa, ę mo kae węi tópuaaire ala betą moletei kemeraai kaae taru, mo doasi sekené sukutu beterapó. <sup>51</sup> Ę i haepaae waleteita, diaaę kisipané dią i haemó betó mole so whítamo hosaa muni deyóló dua betaaire ala sóró walepóló de? Meipó. Yalo diąpaae mo i dere ape. Ęta, dią fake tekeyóló beterópóló, tekenale walepó. <sup>52</sup> Atérené mió i betere alimó kaae sóró, betą bemó aporó so whi betepa, atimasisitei bóe dóló tekeyóló, sore whi kae betóo, tamo whi kae betóo, yaalo ai ape. <sup>53</sup> Atimasisi atéro fake tekeyóló kae bitu, alimané naaletamo bóe dóo, naalené alimatamo bóe dóo, hamané senaaletamo bóe dóo, senaalené hamatamo bóe dóo, whiné hama hyama sotamo bóe dóo, hyama soné ama whi hama sotamo bóe dóo, yaalopó,” yalepó.

#### *Dere ala kilituraalu i ala yaalopóló kisipa yaaire fo*

*(Mat 16:2-3)*

<sup>54</sup> Téró, Yesuné aimó touró betere so whipaae duraalu, “Suka doropolepaae sako hókolo depa kilitu, etei fo dua dapó. Mió hali waairaalu ai dere ape deretei, motóró wua dapó. <sup>55</sup> Besékélé *Saut* depaae wapa kilitu, mió mo dirii suka yaai dapó deretei motóró dua dapó. <sup>56</sup> Dią tó tikiné wisire nisi du betere so whirape-ó, i haemó dere alaró samó dere alatamo ti diaaę mo diriyóló kisiparapó. Mió i alimó dią tuámó erótu betere ala diąné kilitu betepa nalo waaire alimó yaaire ala bete diriyóló tuę initere noatepa de?

<sup>57</sup> Diąné dere ala diaaętei taleyóló, ita mo dono ala dapóló kisipatere noatepa de? <sup>58</sup> Whi mené yątamo fo tokóló só deraai taletere whi beterepaae dapesó fupa, diaamosisi tumó furaalu donoratepa wisirapó. Ti noa yaqsóro meipó. Ama yą dapesó fóló, taletere whiné naase tuámó mulatepa, ai whinémo diki tare whirapené topo whiné naase tuąpaae mulatepa, yą *dipula* beteraqsóro dapó. <sup>59</sup> Yalo yapaae mo i dere ape. Naa melópóló dąle mulale *moni* fea melaletai, kale sonaai *moni* ke mo ti kemeróló menitepa, ti yą sókó feni, hąle bitiré faalo ai ape,” yalepó.

## 13

#### *Kisipa fetenitepa aluyaalopóló yale fo*

<sup>1</sup> Ai forape yóló kemetere-tamo Pailat-né dale mepaae Kaleli whirapené samea Kótópaae sukylaa dalóló hąle matere ęlatamo touróló mótu beterapó fo mepaae whirapené Yesupaae ene walepó. <sup>2</sup> Ai fo depa Yesuné atimapaae duraalu, “Diaaę kisipané ai dale Kaleli whirapeta, mepaae hąle betó mole Kaleli so whiné yale dowi ala bosenóló, atima mo doasi dowi ala ereteiné dalepóló kisipa mute?

3 Ténipa, yalo diaḡpaae i dere fo wosae. Diaaḡ dowi ala taaróló kisipa fetenitepa, ti diaḡkélé ai wh̄irape yale kaae yaalo ai ape. 4 Ai fo kaae, me i ape. Sailoam be huluamó tene f̄loi be kolokó dorowouraalu, mepaae 18 wh̄irape dalepó. Diaaḡ kisipané ai wh̄irapené yale dowi alané mepaae Jerusalem be huluamó betó mole so wh̄iné dowi ala bosenée faleteiné erapóló kisipa mute? 5 Aténipa, yalo diaḡpaae i dere fo wosae. Diaḡkélé diaaḡ du betere dowi ala taaróló kisipa fetenitepa, ti atima yale kaae diaḡkélé fea dóló aluraalo ai ape,” yalepó.

6 Téró, ama atimapaee i fo sale yalepó. “Wh̄i betāné ama képi du kutómó betā nose biliyaletai oloréro keḡe felemó, du betākéle olenipa kelalepó. 7 Atépa, ai kutó talené ama kutó kaae tare wh̄ipaae duraalu, ‘Ai nose du oloréro ba fo sore tuamó keḡeta yaletai, du mo betākéle olere kilinipa, diyó mulae. Ti ai dowi waḡa daale niné hae feḡ h̄le kemerópóló, noatepa kaae tawaaloé?’ yalepó.

8 Ai fo depa, kale wh̄iné aḡpaae duraalu, ‘Doa wh̄i-ó, ba fo betā tuamó yalo mepaae keḡelai ḡla ḡla sóró ai ni betemó munaalopa, daalópóló taalae. 9 Waaire ba fo tuamó kaae tarālemó, olotepa ti wisirapó. Olenitepa ti diyó mulaalopó,’ yalepó.

*Sḡa naai dḡle muló betere sukamó sisó fulukó tare so wisirale fo*

10 Sḡa nokole be demó Yesu a fo wosaai te mole berapekó betā bemó Talené ala etérópóló yó mótu betalepó. 11 Tétu berteremó, aimó dowi kepené sisó fulukuró betepatei, 18 ba fo kemere so beterepó. Atéruraalu, a donoyóló betere alakélé ini, mo heméetóro tarepó. 12 Atépa Yesuné kolóló aḡpaae ape yóló duraalu, “Ti so-ó, ya dokóló muló betere kisi bete mió ai kemeratere ape,” yalepó. 13 Atéro, kale soné tikimó naase mulaletamotóro, ama sisó fulukó taretei donone hotepa, Kótóné doi sóró holalepó.

14 Sḡa nokole sukamótei Yesuné ai so wisiratere ala kilitu, ai fo wosetere be kaae tare topo wh̄i a fopaae butu, aimó betó mole so wh̄ipaae duraalu, “Kutó diyaaire be deḡapeta apo miró mulapó. Térapa, diaaḡ kisi bete wisirópóló depa ti Sḡa nokole be demó wéni, h̄le be deḡapemó wua yae,” yalepó.

15 Ai fo depa, Talené aḡpaae duraalu, “Diḡ tó tikiné h̄le wisire nisi du betere wh̄irape-ó, Sḡa nokole sukamótei diaaḡ *bulmakau ó donki* hupurape duló berteretei weḡi nópóló dapesó fua dumié? 16 Atére kaae, Abraham-né deté yale i betere so dowi Satan-né képiné dokóló muló betepa, 18 ba fo h̄le kemeyalepó. Atépa a fópóló, Sḡa nokole be demótei, yalo teraayalepa ai ala dore?” yalepó.

17 Ama ai fo deremó, aḡtamo dei kisipa muóló só deraaire wh̄irape atimatei hale duraalu, wiyalepó. Téyaletai, so wh̄i feané ama ai dere ala kilituraalu, kokḡi ala dapóló doasi heḡesené sukutu betalepó.

*Mastard niró yist-tamopaae dó faróló yale fo sale*

*(Mat 13:31-33, Mak 4:30-32)*

18 Téró Yesuné duraalu, “Kótóné teḡeteróló kaae tare aḡmó mole ala etérópóló noa alapaae dó faróló yaaloé? 19 Ti aita, i ala kaaené kelerapó. Betā wh̄iné *mastard* ni ke sawatamo só fóló, kutómó biliyalepó. Atéro kale ni holóló, doasi ami daapa, tetejímó sikimó kotere barape sirimó daaneta dua dapó,” yalepó.

20 Atéro, ama kale yale kaae momó duraalu, “Kótóné teḡeteróló kaae tare aḡmó mole ala noatamo suróló enére? 21 Aita, i ala dere kaaepó. Betā soné *flawa* o bula duraalu, *yist* mo sawatamo bulatereteiné doasi o bula alerótua dapó,” yalepó.

*Betekḡene sawa tumó fae yale fo*

*(Mat 7:13-14,21-23)*

22 Ai alarape yóló kemetepa, Jerusalem-paae fole tumó te mole

doasi be huluaró sawa be hulu-  
arapemó Yesu faai furaalu, Talené  
fo yó maté fu betalepó. <sup>23</sup> Atéro,  
mepaae whiné Yesupaae duraalu,  
“Tale doasi-ó, betā betā so whi maaté  
aluyaqsóro tao saaloé?” yalepó.

<sup>24</sup> Ai fo depa ama atimapaee du-  
raalu, “Diā mo sawa betekene tumó  
sóko faairaaalu, ketekē buóló fae. Yālo  
diāpaae mo i dere ape. So whi fea  
ai sawa tumó faai dapóló faalotei  
fenénipó. <sup>25</sup> Ai be talené ama be tū  
kinó betepa diā wóló belamó daalu  
tumó haluróló fo fakeyóló duraalu,  
“Tale doa whi-ó, dā holaai dapa  
tū tukiyae,” yaalopó. Ai fo depa  
ama diāpaae duraalu, “Diā maae so  
whirapeé?” yaalopó.

<sup>26</sup> Tétepa, diaaḡ i fo yaalopó. “Dā  
fea betāmó bitu, ḡlaró wēitamo náo,  
yā dāné tūrapemó daalu yó matere  
fo wosóo, du betale so whipó,”  
yaalopó.

<sup>27</sup> Ai fo yaalotei, ama atimapaee  
i fo yaalopó. “Dowi ala yó tare so  
whirape-ó, diā maae wale so whiró  
ḡ kispānīpa, taae fae,” yaalopó.

<sup>28</sup> Atétepa, diaaḡ Abraham, Aisak,  
Jekop, mepaae Kótóné whirapekélé  
fea ama tēteróló kaae tare be tuāmó  
betó mupa kelaalopó. Téyaalotei,  
diā ai be tuāpaae honi, belamó  
dele doasi sóro wole du bitu, diaaḡ  
serekenétei diā tukóló nuku betaalo  
ai ape. <sup>29</sup> Atétere be demótóro  
suka hotereró wale so whikélé,  
suka doropoleró wale so whikélé,  
u dēpaae wale so whikélé, i dēpaae  
wale so whikélé, mo fea Kótóné  
tēteróló kaae tare be tuāmó detere  
ḡla naairaaalu, atima betaaire tiki séle  
séle sóro betaalopó. <sup>30</sup> Mió i alimó  
mepaae nalo wale so whi folosene  
fóo, mepaae folosóro fole so whirape  
nalone fóo yaalo ai ape. Yālo i  
dere fota, ḡsókó feni, mo yaalopó,”  
yalepó.

*Yesuné Jerusalem so whi hosaamó  
sirapóló yale fo  
(Mat 23:37-39)*

<sup>31</sup> Atéyale sukamótóro, mepaae  
Farisi whirape Yesu beterepaae wóló  
duraalu, “Herot-né yā daai du beter-  
apa, i be taaróló, metikipaae fae,”  
yalepó.

<sup>32</sup> Ai fo depa, atimapaee duraalu,  
“Diā fóló, ai whi dóló nokole  
dowi haḡpaae i fo yae. Mióro  
dótamota, ḡ mepaae kisi daae  
mole so whiró dowi kepe tepeyóló  
betere so whitamo wisiróló, sore  
be dēné ti yālo diyaae yale kutó fea  
kemeróló dālemó sóko fatapó yae.  
<sup>33</sup> Téyaalotei, mió ó dó ó duḡkélé,  
atimané ḡpaae me ala eratepa  
taaréni, ḡle fó maaté yaalopó.  
Ti noatepae, Kótóné ḡló whi kae  
tikimó sukutepa aḡni, Jerusalem  
bemótóro sukutepa ti mo donorapó.

<sup>34</sup> Jerusalem, bemó betó molē so  
whirape-o, Kótóné ama fo eratere  
ḡló whirape dóo, mepaae ama diā  
beterepaae dotēyale whirapekélé  
kapo duné siróló dóo, dua yalepó.  
Kale bané malerape ama baase  
aḡpaae buósu dere kaae, diaaḡ naale  
senaale yālo atéro buó saalopóló dua  
yalemó, diḡané ḡralepó. <sup>35</sup> Térapa,  
mió diaaḡ be mo wópu maalo ai ape!  
Yālo diāpaae mo i dere ape. ḡ diaaḡ  
kilini ḡle bitiré fóló, Talené doimó  
wale whi-ó, Kótóné hamokoróló  
tao sere alané wisirópóló yae dere  
sukamó ti ḡ momó kelaalopó,”  
yalepó.

## 14

*Yesu Farisi whiné bemó ḡla naai  
betere fo*

<sup>1-2</sup> Téro, Sḡa nokole sukamó  
Yesu ḡ Farisi whirapekó doi mole  
whiné bemó ḡla naai fóló beterepó.  
Atépa, betā hó naase tópure whi  
Yesu betere felekemó betepa, me  
alakó déro kelaai kaae tawóló betó  
molepó. <sup>3</sup> Atépa, Yesuné Farisi  
whiraperó Moses-né asere fo kisi-  
pare whirapetamopaae duraalu,  
“Sḡa nokole sukamótei whi wisir-  
atepa fo mulepé, meié?” yalepó.  
<sup>4</sup> Ai fo depa, atimané me fokélé tokó



menipó. Atétepa, Yesuné kale whi wisiyópóló tikimó tawóló, turukó hóróló fópóló doteyalepó. <sup>5</sup> Atéro, Yesuné atimapaae duraalu, “Diakó whi betané ama naale ó *bulmakau* hupu şa nokole be demótei nóku dolopaae doropóló mupa, téti hapale tao saalo meié?” yalepó. <sup>6</sup> Ai fo depa, atimané şpaae me fo tokó menipó.

<sup>7</sup> Téro, atima ęla naai wale so whirape doasi doi mole whi betere tikimó betaai dapóló fole ala kilitu, atimapaae etei fo sale yalepó. <sup>8</sup> “Whi mené ama so dokoturaalu detere ęla naai ape depa furaalu, doasi doi mole whirape bitua dere ni fake wisimó betaai eķe yaęse. Ti noatepae, ya teteró betere doasi doi mole whirapepaae ape eretei, ya kisipani ai ape. <sup>9</sup> Atéro wóló betepa, diaamopaae ape yale whiné duraalu, ya betaai yale tikimó i seké beterópóló, ya hęle tikimó betae depa, ya doasi hale saalopó. <sup>10</sup> Atęyaęsóró, şpaae ęla naai ape depa furaalu, doasi doi mole whirape betere ni fake aęmó hoko betae. Atępa, şpaae ęla naalopa ape yale whiné kilituraalu, ‘No-ó, ya i wisi tikimó bitę holae yaalo ai ape.’ Atętepa, şatamo betamó ęla nuku betere so whiné keletómó naao doi hale sóró horaalopó. <sup>11</sup> Ti noatepae, mepaae whi dené amatei ę doi sóró horatepa, atętere whi ti Kótóné haepaae só deróo, whi me de amatei deróló dua betepa, ti Kótóné ę sóró horóló doasi doi mulóo, yaalo ai ape,” yalepó.

<sup>12</sup> Téro, Yesuné şpaae ęla naai ape yale whipaae duraalu, “Naao suka tuęmó ó dikitamo ęla naairaaalu, naao fulumu whirape ó naao norape ó fake so whirape ó şatamo felekemó betere néli so whirapepaae maaté ęla naai ape yóló dape saęse. Naaotamo ai ala depa, atimapaae erale ala kaae, şpaaekélé eraalo ai ape. <sup>13</sup> Tęni, ai detere ęla naairaaalu, hęle yolealere so whi ó tiki dore so whi ó hó dore so whi ó kele

dilikire so whi fea ape yóló dape supa, ti Kótóné ya wisiróló hale horaalopó. <sup>14</sup> Ti atei kaae so whirapené naao erale alamó şpaae momó tokó menanénipó. Naao ai dere alamó saaire dupu wisita, take wisi ala yóló sukęle so whirape kepaayóló wale sukamó senęrapó,” yalepó.

*So dokoteremó detere doasi ęlapaae dó faróló yale fo sale (Mat 22:1-10)*

<sup>15</sup> Atéro, Yesuné ai dere fo wosóló, aimó ęla nuku betere whirapekó betané şpaae duraalu, “Kótóné teteróló kaae tare aęmó bitu, detere ęla naalopóló kisipa mutu betere so whita ti Kótóné wisiró beterapa, doasi hajné sukutu beterapó,” yalepó.

<sup>16</sup> Ai fo depa, Yesuné şpaae tokó mótu duraalu, “Whi betané ama doasi ęla deyaairaaalu, taleyóló mulóló so whi feapaae naai ape yalepó. <sup>17</sup> Atéro kale whiné ęla deyaaire be de wapa, ęla naai ape yale so whi dapesene fópóló, ama kutó diratere whi dotonalepó. Atętepa, ę fóló atimapaae duraalu, ‘Mió ęla taleróló muló betepa faalopa ape,’ yalepó.

<sup>18</sup> Atéro deté kweęaletei, atima fole hómó kutórapené bipi epa fenénipó dua yalepó. Folosóró whi betané duraalu, ‘No-ó, ęlo dóti dupuyóló diyaaire kutó kele faaireteiné, ę şatamo faalomeipó,’ yalepó.

<sup>19</sup> Kale dere fo kaae whi menékélé duraalu, ‘No-ó, ęta ęlo dóti dupuyale naasetamo *bulmakau* hupurapené dere ala kele faaireteiné şatamo fenénipó,’ yalepó.

<sup>20</sup> Whi menékélé kale dere fo kaaetóro yóló duraalu, ‘No-ó, ę so mo dótóro dokóló betereteiné şatamo fenénipó,’ yalepó.

<sup>21</sup> Atętepa, kale kutó diratere whi momó fesaae wóló, whirapené yale fo ama doasipaae yalepó. Tętepa, kale be tale ę fopaae buóló ama kutó diratere whipaae duraalu, ‘Ya mo hapale fóló ai doasi be huluaró

sawatamo be huluatamopaae fole tumó yolealere so whikélé, tiki mo-maare so whikélé, kele dilikire so whikélé, hó naase dore so whikélé, fea wópóló dapesene fae,' yalepó.

<sup>22</sup> Ti fo depa, ama yae yale alarape yóló kilipaae kale kutó diratere whiné duraalu, 'Doa whi-ó, nao epaae yae yale alarape fea yálo sumó yaletéi, mepaae whi beteraaire de hãle ai mune fale ape,' yalepó.

<sup>23</sup> Tétepa kale doasi whiné apaae duraalu, 'Yã doasi turapemó fóló, tu demó betó mole so whikélé fea dape siré kweyóló wapa, ti be kerape fea sunérápó. <sup>24</sup> Yálo yapaae i dere ape. Mepaae whi de ɔla naalopa ape yalemó wéni yale so whirapeta, yálo doasi detere ɔla mo sawakélé hoteyaalomeipó,' yalepó.

*Filipaa ni beleyóló fenitepa Yesuné yó matere whi betenénipó ere fo (Mat 10:37-38)*

<sup>25</sup> Téró, so whi mo hãle ɔla kaae Yesutamo fu betepatei, Yesu fetée wóló i fo yalepó. <sup>26</sup> "Mepaae so whi detamo e beterepaae wouraaalu, ti ama aya ó hae ó ama so, naale senaale ó ama noraperó nerapeta-mopaaekélé ó ama betere betekélé hóróló bóe dinitépa, ti a yálo dere fo wosóló yó matere whi betenénipó. <sup>27</sup> Mepaae whi dené a oleraaire filipaa ni amatei beleyóló e sya anitépa, ti atétere whikélé, yálo yó matere whi betenénipó.

<sup>28</sup> Diãkó betã whi ama kisipanétamo, doasi fɔloi be olekeyóló teyaairaalu, ama tare moniné sumó tenéréró kisipanépi talenérápó. <sup>29-30</sup> Ti noatepae, be teyaai folosóro bete kaaturaalu, dirii eleké bilitapó. Téteretei, kale be kemerénipa kilitu, mepaae so whiné dɔ nanóló doka doka duraalu, i sekéné mo folo teale betei kemerénipóló dɔ nanaalopó," yalepó.

<sup>31</sup> Fo sale me i ape. Me hae kwia tetéróló kaae tare topo whiné me hae kwia tetéróló kaae tare topo whitamó bóe dele faairaalu,

10,000 diki tare whiraperó me topo whiné 20,000 diki tare whirapetamo bóe dupa, 20,000 diki tare whirape dóló kemeraalopé neté yaalorópóló kale topo whi a kisipapi tekenérápó.

<sup>32</sup> Atéró bóe whirape mo umó wou betepatei, ama kisipanétamo atimatei betapaae delépa, ti bóe dele ala taarópó. Mió dã bóe fiyóló dua betaalopó fo ene fae yaalopó. <sup>33</sup> Atétere kaae, diãkó whi me dené ama muó mole ɔla ɔla fea me ɔla meipóló taarénitepa, ti yálo fo er- atere whi betenénipó.

<sup>34</sup> "Kóta, mo feléi ɔla wisitei ama felé kemetépa, ti momó kae neyóló felé bulaaloé? <sup>35</sup> Atéró felé initere kóta, ɔla betepaaekélé munéni, hãle tikipaae taae fatua dapó. Mepaae whi detamo woséli dapa, ti i dere fo wisiyóló wosópóló yae," yalepó.

## 15

*Aluyale sipsip hupupaae dó faróló yale fo*

*(Mat 18:12-14)*

<sup>1</sup> Téró, mepaae takis moni sere whiraperó so whiné dowi ala dere whirapepó du betere whirapetamo Yesuné dere fo wosaai a beterepaae tourãle wóló betó molepó. <sup>2</sup> Atépa, mepaae Farisi whiraperó Moses-né asere fo yó matere whirapetamoné Yesu kikiti eratere fo yóló duraalu, "I whinéta dowi ala du betere whirapetei, touróló ɔla betãmó nuku betérápó," yalepó.

<sup>3</sup> Ti fo depa, Yesuné atimapaae etei fo sale yalepó. <sup>4</sup> "Diãkó whi betãné 100 sipsip hupurapekó betã hupu alupa, 99 hupurape hãle tuã tikimó beteróló, alure hupu keketé kweyóló dape sumié? <sup>5</sup> Atéró, dape supa, a hãkesené sukóló bepaae dapesó wua dapó. <sup>6</sup> Atéró, bepaae só fóló, ama fulumu so whiró be whi so whitamopaae tourãle ape yóló duraalu, 'Yálo kale aluyale hupu kekitu betéró dape salepa, diãkélé fea e dere kaae hãkese yae,' yaalopó. <sup>7</sup> Yálo diãpaae i dere

ape. Atétere kaae, betą dowi ala du betere whi kisipa tiki feteyóló Kótó beterepaae wapa, ti hepen bemó mo doasi həkese dere alané i haemó dere həkese teteróló bosene falapó. Téretei, mepaae 99 so whiné duraalu, da me dowi alakélé dumipa, kisipa tiki hałe neyóló feteyaaloé dere so whipaae həkese doaló dumipó,” yalepó.

### *Aluyale moni kepaae dó faróló yale fo*

<sup>8</sup> Ai ala kaae me i ape. “So betąne silpa kapané aleyale naasetamo moni kekó betą alutepa, ama noa ala yaaloé? Kekąairaalu sa deyóló be tuąmó muó mole mome wisiyóló fuóló kekóló mupa sumié? <sup>9</sup> Atéró su, ama fulumu so whiró be whi so whitamopaae kale aluyale moni ke saleteiné da həkese yaalopa, dią fea betąpaae tourąle ape enérápó. <sup>10</sup> Yąlo diąpaae i dere ape. Ai ala dere kaae, mepaae whi de ama dowi ala taaróló, kisipa feteyóló Kótópaae wapa, ti ó hepen bemó betere enserape mo doasi həkese sineala ai ape,” yalepó.

### *Aluyale naalepaae dó faróló yale fo sale*

<sup>11</sup> Atéró, Yesuné ama deté wou betere fo tómó me i fo yalepó. “Whi betąné naale tamo beterepó. <sup>12</sup> Téru, me dekę naalené alimapaee duraalu, ‘Apa-ó, naao yąlo no daąmómó melaai muló betere ąla ąla bukóló ęmaletamo ąlae,’ depa, alimané naalema tamo tuąmó bukuralépó.

<sup>13</sup> Atéró kale dekę naale alimané melale ąla ąla fea sóró, mo saletó tikipaae felepó. Atéró bitu, mepaae kae kae ala hoko deté fu beteró, ama kale sóró fele ąla ąla fea kemeralepó. <sup>14-15</sup> Atéró berterémó, ai hae kwiamó doasi wote ali wóló ą naaitere ąlakélé meitepa, ą fóló whi betąpaae duraalu, ‘Naao me kutókó mupa yąlo diraalopó yóló wosalépó.’ Ti fo depa, kale whiné ama hupurape

kaae tawaaire kutó betą mulapa dirane fae yóló doteyalepó. <sup>16</sup> Atéró fóló, kale hupurape kaae tapa mené ąmó nokole ąlakélé menipó. Tétepa, ą wotemó kale hupurape matere besąae bolo naai kisipa mutu betalepó.

<sup>17</sup> Atétu ama take muale kisipa feteyóló, momó wisi kisipa muóló duraalu, ‘Yąlo ayané ama kutó diratere whirapeta, ąla dekéro mupa nuku betereitei, ę imó wotené sukutapó. <sup>18</sup> Tétereteiné, mió ę momó yąlo aya beterepaae fesaae fóló i fo yaalopó. Apa-ó, ó hepenmó betere Kótópaaekélé, yąpaaekélé yąlo wisi ala eréni, mo doasi dowi ala eralepó. <sup>19</sup> Atéyaleiteiné, mió ę naao naale aąréni, kutó diratere whirape kaae beterae,’ yaairaalu faai kisipa mualepó.

<sup>20</sup> Atéró tuę teketu beteró, kale naale ą betere tiki taaróló, alima beterepaae momó fesaae felepó. Atéró kale naale mo umó wou betepa alimané kolóló, ama hosaamó suraalu, ą mo hapale sururu yóló fóló, apuó taru kóló tukó nalepó.

<sup>21</sup> Atétepa kale naalené alimapaee duraalu, ‘Aya-ó, naao kele tómókélé, hepen bemó betere Aya Kótóné kele tómókélé, mo doasi dowi ala yalepó. Téyalepa, mió ę naao naale aąraąse,’ yalepó.

<sup>22</sup> Téyaleitei, kale naale alimané ama kutó diratere whirapepaae duraalu, ‘Dią mo hapale fóló, ąmó deraire kuti wisi sóo, naasemó bułaire bi sóo, hómó horaaire hęleke be sóo, yóló derae,’ yalepó. <sup>23</sup> Atéró, ama kutó diratere whirapepaae duraalu, ‘Dańé ą hękeseróló ąla deraalopa, betą seraai bulmakau hupu malé sene fae. <sup>24</sup> Ti noatepae, yąlo i naaleta sukąletei momó kepaayóló biture kaae erapó. Mo ti aluyale whitei momó dape sóró biture kaae epa, mió dańé ąmó ąla deróló hęese yaairaalu i dere ape,’ yalepó.

<sup>25</sup> Até du betepa, kale whiné topo naale kutómó daai be bela

felekemó sókó walemó, *kitatamo* wole fo yóló, *kilitu* betere fo wosalepó. <sup>26</sup> Até du betepa, ama kutó diratere whirapekó betapaae ape yóló duraalu, ‘Doa ai-a, noa alamaaté du bitu de?’ yalepó. <sup>27</sup> Ti fo depa ama apaae duraalu, ‘Naao no me alakélé ini, mo wisiyóló sókó waletéiné, ayanaaoné seraai *bulmakau* hupu male dóló ɔla i derótu betere ape,’ yalepó.

<sup>28</sup> Ai du betere ala kilitu, kale topo naalené alimatamo doasi fopaae buóló, bepaae hotere hóyóló belamó dalepó. Atépa, alima doropóló naalema be dolopaae holópoló, bératere fo yalepó. <sup>29</sup> Téyaletei, ama alimapaee duraalu, ‘Kelere! Ba fo dokɔ fea ɛ naao wae sóró kutó diratere whi kaae bitu, hókélé ini naao erae dere ala ɔlo eró tawalepó. Téyaletei, ɔlo fulumu whirapetamo dóló nópóló, naao *meme* hupu male betakókélé menipó. <sup>30</sup> Até yaletei, naao ai naale hɔko nópumó kutu beteró naao melale wisi wisi ɔla fea aluróló wapatei, naao amó seraai *bulmakau* hupu male dóló ɔla ai deratere ape,’ yalepó.

<sup>31</sup> Ai fo depa alimané duraalu, ‘Ti naale-ó ɔta, suka fea ɛtamo betereiné ɔlo mole ɔla ɔla feata, ti naaotóro ai ape. <sup>32</sup> Téreteiné dɔ fea hɛkese duraalu, amó ɔla deralepa, ɔ depe sekɛni hɛkese yae. Ti noatepae, naao no ɔ mo ti sukɔle whi momó kepaayóló wóló biture kaae epa ɔla deratere ala taaréni, mo enérápó. ɔta, aluyale whitei, momó sókó wapa dape sóró i betere ape,’ yalepó.

## 16

*ɔla ɔla tɛteróló kaae tawae yale fo sale*

<sup>1</sup> Téró, Yesuné ama yó matere whirapepaae i fo yalepó. “Whi mené betɔ néli whipaae duraalu, naao ɔla ɔla kaae tare whiné wisiyóló kaae tani, hɔko besekérótu beterapó depa wosalepó. <sup>2</sup> Atei fo depa, ama sóró beterale whipaae ape yóló apaae

woseturaalu, ‘Naao du betere ala mené apaae ene walepa, naao ɔlo ɔla netéró kaae tare? Mió naao ditu betere kutó kemeraai dapa, naao tɛteróló kaae taru deté wale ala fea apaae yae,’ yalepó.

<sup>3</sup> Ai fo depa kale whiné ama kisanétei duraalu, ‘ɔlo doasiné ɛ melale kutó kemeratepa, mió ɛ noa kutókó diyaaló? Hae dukɔyaaire fotokókélé buni yóo, me whipaae ɔla kema dere alakélé, hale yóo ereteiné, ɛ noa ala yaalorópó. <sup>4</sup> Tépatei, ɛ i kutó taaróló fupa, mepaae so whiné ɛ mo wisiyóló dape sópóló, i ala betɔ yaai kiswa mutapó,’ yalepó.

<sup>5-6</sup> Atétepa, kale whiné ama doasiné ɔla ɔla kwia mulóló sale whirape betɔ betɔ ape depa, walepó. Atéro kale folosóro kwia mulóló sale whipaae woseturaalu, ‘ɔlo doasiné ɔla naao meteró saleé? depa, ama duraalu, dɔle 4,000 *lita olip wel* wei salepó,’ depa, kale whipaae duraalu, ‘ɔ hapale fóló sawa beteró, naao sale 4,000 *lita wel* wei dɔle helekóló, 2,000 *lita aseɔyae*,’ yalepó.

<sup>7</sup> Téró, kale dere kaae me whipaae woseturaalu, ‘Naao ɔlo doasiné ɔla meteró saleé?’ depa, kale whiné duraalu, ‘*Whiti* yorape 1,000 salepó,’ yalepó. Ti fo depa, kale whiné apaae duraalu, ‘Naao melaai sale kwia asɛretei helekóló 800 aseɔyae,’ yalepó.

<sup>8</sup> Atéro, kale ɔla ɔla talené ama sóró beterale whi wisipa meitei ɔ dukiróló duraalu, ‘I whita ɔlémi nuku bitutei, topo daalu fosó fosói ala maaté du beterapó. Ti i haemó betere so whi atimasisi u tao su i tao su dere ala mepaae so whiné kilitu, mo fosó fosóre so whipóló dukiratere alané, kale dɛ tuamó betó mole so whi tɛteróló ketei aɔratapó,’ yalepó. <sup>9</sup> ɔlo diapaae i dere ape. I haemó bituraalu, naao sere *moni* mepaae ɔɔɔɔ so whi tao sóró hɔle melae. Atéro fea melóló kemeratepa, atimané ɔ mo ti tɛ tare bepaae holae



yóló dape saalo ai ape.

<sup>10</sup> Mepaae wh̄i dené sawa kutó mo wisiyóló kaae taru dirótu betepa, so wh̄iné kilitu i sekéné kutó mo dono ditapóló kisipa tiratere wh̄inéta ti doasi kutókélémo wisiyóló diranérápó. Mepaae so wh̄i denétamo sawa ɔla mekó ɔlémi supa, ti doasi ɔlakélé ɔlémi senérápó. <sup>11</sup> Atétepa, i haemó muó mole ɔla ɔla diaaɔ wisiyóló kaae tawaaire sunipa, mo ti muó tare wisi wisi ɔla diɔpaae kaae tawae yóló né melaaloé? <sup>12</sup> Me wh̄iné diɔpaae kaae tawae dere ɔla ɔlatamo diaaɔ mo wisiyóló kaae tanitepa, naao mo ti muó tawaaire ɔla ɔamó né melaaloé?

<sup>13</sup> Betɔ kutó diratere wh̄inétei, doasi topo wh̄i tamoné kutó diranénipó. Atétepa, ti me wh̄ipaae yaala sókó fóló mulu, ama kutó diróo, me wh̄i h̄oróló ama erae dere alakélé eréni yóo, yaalopó. Ai ala dere kaae, betɔ wh̄inétei Kótóné kutóro mepaae *moni* saaitere kutótamo touróló diranénipó,” yalepó. <sup>14</sup> Ai fo depa, mepaae *monimó* hosaa muóló ekelere Farisi wh̄irapené Yesuné ai dere fo wose-turaalu, faleyóló doka doka du betalepó. <sup>15</sup> Ti fo depa, ama atimapaee duraalu, “Diɔné ai du betere ala so wh̄iné kilitu, mo wisirapó du betepatei, diaaɔ hosaa tuɔmó kinóló mole ala ti Kótóné kolóló mo kisiparapó,” yalepó. Atétepa, ama atimapaee duraalu, “Mo so wh̄inéta, diɔné mo doasi bete mole ala dapó du betepatei, Kótóné keletómó ti bete muni, mo sonaalérápó.

<sup>16</sup> Kale Moses-né asere foró Kótóné ɔlóló wh̄irapetamoné yó maté waletai, Jon betale alimókélé taaréni, h̄ale yó matétóro fu beterepó. Atétu betepa, Kótóné t̄eteróló kaae tare aɔmó mole kisi fo wisi wosaai dapóló h̄ainé sukuturaalu, so wh̄i fea aipaae alaletamo fu beterepó. <sup>17</sup> Ti s̄aró haetamota kemeyaalotei, Kótóné fo kwia mo sawakélé aluyaalomeipó.

<sup>18</sup> Wh̄i me dené ama topo so tokó daaróló so me kae dokotepa, ti Kótóné fo tukóló nópu nukulapó. Wh̄i me dené me wh̄iné tokó daalale so dokotepa, ti aikélé yóló muló betere fo tukóló nópu nukulapó,” yalepó.

### *Néli wh̄iró Lasarus-tamoné yale ala*

<sup>19</sup> “Téro suka fea kelaalo mo kok̄oi sonaa kuti maaté derótua yóo, mo feléi wisi ɔla maaté nóo du betere néli wh̄i beterepó. <sup>20</sup> Ai néli wh̄iné ama be t̄u sókó walemó yoleale wh̄i humu fulu daayóló bitu, suka fea ɔla kematu betere wh̄iné doi Lasarus beterepó. <sup>21</sup> Atéro bitu, ɔ wote depa kale néli wh̄i ni fake tómó ɔla nukuraalu, folope sorokóta deretei naai kisipa mutu betepa haɔrapené ama humu ɔe nukua depakélé, dowɔae fóló beterepó.

<sup>22</sup> Ai ala du betere tuɔmó kale wh̄i Lasarus sukutepa, *ensel*-rapené ɔ beleyóló fóló, Abraham betere uté t̄eró beterepó. Atéro ɔ sukale kilipaae kale néli wh̄ikélé sukutepa douralepó. <sup>23</sup> Téro, kale néli wh̄i mo ti dó tare simó duku bituraalu kese falalemó, kale Lasarus Abraham-tamo daapa kelalepó. <sup>24</sup> ɔ atépa kolóló duraalu, ‘Aya Abraham-ó, naao ɔ k̄ole depata, ti kale Lasarus-né naase doumó w̄ei f̄e eróló ɔlo hape siri bulɔle w̄ópóló dot̄eyae. Ti noatepae, ɔ siné dukuraalu doasi dele sereteiné dapó,’ yalepó.

<sup>25</sup> Ai fo depa Abraham-né duraalu, ‘Ti naale-ó, aita mo deretei, naao kisipa muae. Take ɔ haemó betale sukamó wisi wisi ɔlamaaté su betalepó. Até du betepa, Lasarus ɔ dowi ɔla sua yaletai, mió ɔ imó hosaa muni deyóló h̄ekesené sinitu betepa, ɔ doasi dele ai su betere ape. <sup>26</sup> Tereitei, d̄a imó betere wh̄i aipaae wóo, atéro betere wh̄i ipaae wóo yaɔsóró, tuɔmó doasi fao muló betereiteiné d̄a aipaae t̄e wonénipó,’ yalepó.

<sup>27</sup> Ai fo depa, kale whjné Abraham-paae duraalu, ‘Aya Abraham-ó, Lasarus yało ayané bepaae fóló norapepaae ene fópóló yae. <sup>28</sup> Ti noatepae, yało norape aporó betepa, ę doasi dele su betere tikipaae atimakélé waqsóró, ene fópóló dapó,’ yalepó.

<sup>29</sup> Ti fo depa Abraham-né duraalu, ‘Moses-ró Kótóné kóló whjrapetamoné yó mótu betere fo wosóló, atima kisipa feteyóló tuę tiki tiratepa, ti té yópólópó,’ yalepó.

<sup>30</sup> Ai fo depa, kale whjné Abraham-paae duraalu, ‘Aita mo deretei, sukále so whj fólótamo depa, ti atimané du betere dowi ala taaróló, kisipa feteyóló waalopó,’ yalepó.

<sup>31</sup> Ti fo depa ama duraalu, ‘Moses-ró Kótóné kóló whjrapetamoné yó mótu betere fo wosenitepa ti sinóló kepaayóló wale whjné dere fokélé wosóló kisipa tiki tiraalomeipó,’ yalepó.

## 17

*Dowi alamó dée nalatere whj sekęi ala erópóló yae yale fo*

*(Mat 18:6-7,21-22, Mak 9:42)*

<sup>1</sup> Téró, Yesuné ama yó matere whjrapepaae duraalu, “So whj fea dowi ala yóló dée nópóló kae kae sşsere alarape waalo ai ape. Té yaalotei, whj me dené me whj dowi ala yópóló dée nalatepa, ti atétere whjpaae doasi sekęi ala eraalopó. <sup>2</sup> Diąkó mé whjné i betó mole naale senaale belekąatikikó dowi alamó dée nalatepa, ti atétere whjné depamó képi dulóló, doasi kapo fake ol-eróló węi kęlapaae taae deróluqsóró mo wisi uąpó.

<sup>3</sup> Atérapa, diaaq dere alarape diąnétei mo hotowa yóló kaae tawae. Naao notamo mepaae dowi ala depa, ti atékesé yóló ą foné sae. Ténalemótamo, naao dere fo wosóló ą kisipa feteyóló wapa, ti ama yale ala me ęla meipóló hęle kemerae. <sup>4</sup> Betą be demótei, naao noné węikeró félimó yąpaae dowi ala eralepóló,

yą beterepaae fesaae wóló, ‘No-ó, yało yąpaae węikeró félimó dowi ala eraleteiné doasi kęleó ene wapa,’ ti naaomo kwia tani, me ęla meipóló hęle kemerae,” yalepó.

<sup>5</sup> Téró, Kótóné ama fo eręle fópóló doteyęle whjrapené duraalu, “Tale-ó, dąné kisipa tiki doaló tiró bitinireteiné mo diriyóló tiraai dapa, naao dą yó ęlae!” yalepó.

<sup>6</sup> Ti fo depa Yesuné atimapaee duraalu, “Dią kisipa tiki tiró betere alatamo mo sawa *mastard* niné ke kaae bupa, ti i daale *malberi* nipaee naao feleke turó tokóló, doasi węi kęla tuąmó daane derepae depa, naao dere fo wosóló mo téyaalo ai ape.

<sup>7</sup> Diąkó betą whjné ama kutó diratere whj ęla wae biliyaai hae dukjyóló mulale fóló, ó *sipsip* hupu kaae tane fi teó waletamotei kale doasiné ama kutó diratere whjpaae, ‘Yą ęla naasepóló hapale ape,’ fo dua de? Meipó. <sup>8</sup> Doasi whjné atei fo yaalomeitei, etei fota ti enérápó. ‘Yąło naaire ęlaró węitamopi donoróló, ę nuku betepa ti naao naaire ęla donoraasepólópó dua dapó.’ <sup>9</sup> Kale kutó diratere whjné ama doasiné ąpaae dirae dere kutó fea diyóló kemeratepa, ama doasiné ąpaae mo kée fo dua de? Meipó. <sup>10</sup> Atétere kaae, Kótóné diąpaae dirae dere kutó diyóló kemetepa, diaaqtei dią bopé fake enére? ‘Dąta, whj wisi meitei, dąné ditere kutóró diyalepó fo enérápó,’ yalepó.

*Naase tamo whjrape dowi humu fuluné tiki dopa wisirale fo*

<sup>11</sup> Ai fo yóló kęlipaae Yesu ą Jerusalem be huluapaae sókó faairaalu, Samariaró Kaleli haetamo dęle tuąmó fu betalepó. <sup>12</sup> Atéro ą betą be huluamó sókó felemó, dowi humu fuluné tiki dore naase tamo whjrape ątamo hokolaa yaai wóló, mo tumó daae molepó. <sup>13</sup> Atéro daalu fo fake yóló duraalu, “Doa whj

Yesu-ó, naao da kolené sukutu tao sae!” yalepó.

<sup>14</sup> Ai fo depa, Yesuné atima kalemó kolené sukutepa duraalu, “Diã fóló, so whimó momaratere whirapepaae diaaõ tiki yó melale fae,” yalepó. Atétepa, atimané tiki yó melaai tu tuamó fu betepatei, atimané dowi humu fulu torokó fóló wisiyalepó.

<sup>15</sup> Atétepa, atimakó betã whiné ama tiki fopeyalemó wisipa kilituraalu, momó fesaae fóló fo fakeyóló Kótóné doi sóró horaté fu betalepó.

<sup>16</sup> Até deté wóló, Yesu daale felekemó deraapisa fóló mulu, mo kée du betalepó. Aãta, Samaria hae kwiamó wale whikópó.

<sup>17-18</sup> Tétepa, Yesuné atimapaee woseturaalu, “Mepaae naase tamo whirape yaõ wisiréníé? Ita, kae fake whitei Kótóné doi hale sóró horatapa, Naase aporó kemeyóló douro whirape-a, neyaleé?” yalepó.

<sup>19</sup> Téró ama apaae duraalu, “Naao kisipa tiki tiró betale alané ya wisiralepa, turukó holóló mo dua fae,” yalepó.

*Kótóné tetteróló kaae tare ala wóló mulapóló yale fo*

*(Mat 24:23-28,37-41)*

<sup>20</sup> Atéró, me sukamó Farisi whirapené Yesupaae duraalu, “Kótóné tetteróló kaae tare ala noa be demó wapa so whi feané kelaaloé?” yalepó. Ti fo depa Yesuné atimapaee duraalu, “Kótóné tetteróló kaae tare alata, whiné kelené kolóló tué yópóló me fareyópu kae yaalo meipó. <sup>21</sup> So whi feané imó ó umó wóló beterapó fo enénipó. Ti noatepae, Kótóné tetteróló kaae tare alata, mió diã tuamó i wóló mole ape,” yalepó.

<sup>22</sup> Téró, ama yó matere whirapepaae duraalu, “Take waaire be derapekó betã tuamó kale Whiné Naalema kelenée du betaalotei mo kelaalo meipó. <sup>23</sup> Atéró kekitu betepa, mepaae so whiné duraalu, ‘Kale Whiné Naalema umó wóló beterapó,’ ó ‘Imó wóló beterapó,’ depa,

mo dere nisiyóló sya faõse. <sup>24</sup> Ti noatepae, kale Whiné Naalema a wouta, epée duraalu hae kwia fea deyó fu dere kaae yaalo ai ape. <sup>25</sup> Ai alarape fea yaaipatei, folosóró api kae kae susupui ala supa, ti mió i alimó betó mole so whiné ama fo woseni, a hõraalo ai ape.

<sup>26</sup> Take Noa betale alimó yale kaae, mió Whiné Naalema waaire alimókélé atétóro yaalo ai ape. <sup>27</sup> Take Noa betale alimó, so whi fea õlaró weitamó nokole alakélé, so whitamó beteratere alakélé, whi so dokotere alakélé, deté fu betepatei, Noasépi nuku tuapaae bitõ horalepó. Até deretamotóro, atima ai du betale ala kemene felepó. Atéturaalu, doasi weõ dukulé horóló so whi fea sisiraae felepó.

<sup>28</sup> Ai yale kaae, take Lot betale alimókélé, so whi fea wisiyóló bitu õlaró weitamó nokole alakélé, õla õla dotonóló duputere alakélé, õla wae bilitere alakélé, be tetere alakélé, fea deté fu bitipakalepó. <sup>29</sup> Atétu betepatei, Lot a Sodom be hulua taaróló foletamotóro hepen bemó siró kapo whaa kaae ere *sulpa* sitamo hali kaae dorowóló, so whi fea doralepó.

<sup>30</sup> Atétu yale kaae, kale Whiné Naalema mió kinóló beteretei hãkeamó wapa, so whi feané kelaalo ai ape. <sup>31</sup> Atétere sukamó, whi me ama siki bemó bitõ hae bemó mole õla wisi saai dapóló derepaõse. Kutómó daale whi momó fesaae fóló, bemó mupa wale õla momókó sene faõse. <sup>32</sup> Ti noatepae, Lot-né soma yale ala kisipa muae. <sup>33</sup> Mepaae whi de yaõ ala erótutei, ama betere bete me ala yaõsórópóló, amatei hotowayóló kaae tapa, ti atétere whiné betere bete aluyaalopó. Tépatéi, whi me dené ama betere bete me õla meipóló taalatepa, ti ama betere bete aluni, mo ti muó tawaalopó. <sup>34</sup> Yaõ diãpaae i dere ape. Dilikitamo whi tamo betã besekémó fipatei, me whi dapesó furaalu, me whi fipa taaróló

faalopó. <sup>35</sup> So tamo *flawa* o bula yaai deraketu betepa, me so dapesó furaalu, me so taaroló faalo ai ape,” yalepó. <sup>36</sup> (-)

<sup>37</sup> Tétepa, kale yó matere whirapené Yesupaae woseturaalu, “Tale-ó, ai alarape-a momó eratepa kelaaloé?” depa, ama duraalu, “Na ó hupu kēlaai nokole barape sikimó sē kweyóló bopétu betepa, ti ama naaire ɔla kēlaai mupa ai dere ape yóló kisipa yaalopó,” yalepó.

## 18

### *Tao sae yóló dotopo du betale wulia sopaae dó faróló yale fo*

<sup>1</sup> Ai fo yóló kemetepa, Yesuné ama yó matere whirapené Talepaae momatere ala hāle yó tanópóló, etei fo sale yalepó. <sup>2</sup> “Ai doasi be huluamó fo tokóló taletere whi betā beterepó. Ai whi, Kótó kolóló witere alakélé ini, dotorōē falepó. <sup>3</sup> Ai be huluamó betā wulia so beterepó. Ai so ama bōe whinē atamo fo tokóló só deraqsóró a tao sópóló, suka fea fo taletere whi beterepaae eneta du betalepó.

<sup>4-5</sup> Kale soné betā fo maaté eneta du betepa, a hóturaalu i fo yalepó. ‘Ēta, Kótókélé mo so whikélé, kolóló wi inire whitei, i wulia soné a tao sae yóló dotopoi fo maaté eneta yó taneteiné e hōtepa a tao saalopó,’ yalepó.

<sup>6</sup> Téró Talené duraalu, “Kale fo tokóló taletere dowi whinē i sopaae yale fo wosóló kisipa muae. <sup>7</sup> Kótóné ama sorokó su yóló beteró betere so whinē dētamokélé, dikitamokélé, kematoró yó tapa, ai kematere ɔla ama melaalomeié? <sup>8</sup> Yālo diāpaae i dere ape. Kale fo tokóló só deraaire whinē diā só deraqsóró, ama mo hapale tao saalo ai ape. Téyaalotei, kale Whinē Naalema i haepaae wale sukamó so whi fea kisipa tiki tiró betepa kelaalorópó,” yalepó.

*Farisi whiró takis moni siré kotere whitamóné yale ala*

<sup>9</sup> Yesuné i fo sale atimapaae yó mótu duraalu, mepaae whi atimata mo donoi ala dapóló bopé faketuraalu, mepaae so whi tēteratere alamó Yesuné etei fo sale yalepó. <sup>10</sup> “*Taks moni* sere whiró Farisi whitamó moma yaairaalu, momatere be dolopaae holalepó. <sup>11</sup> Téró, kale Farisi whi a turukó holóló daalu amatei, amó etei kaae moma yalepó. ‘Tale Kótó-ó, ēta mepaae whirape dere kaae ɔla ɔlémi nokole alakélé, nōpu nokole alakélé, mepaae dere dowi alakélé, ó i daale *takis moni* sere whi kaae bitinipó. Térú yālo yāpaae mo kēe dapó. <sup>12</sup> Ēta, betā fulamóte i be dē tamomó ɔla néni, weyóló hāle bitu, yālo ɔla ɔla naase tamo moletei dekeyóló, betā Talepaae mótua dapó,’ yalepó.

<sup>13</sup> Téyaletēi, kale *takis moni* sere whi a mo tumó daalu, hepen bepaae kese horéni haepaae hemée deyóló daalu, ‘Tale Kótó-ó, ēta dowi ala dere whipa naao kōlené sukutu, yālo dowi ala kwia kemerae,’ yalepó.

<sup>14</sup> Yālo diāpaae i dere ape. Kale nalo momayale *takis moni* sere whinē ama dowi ala Talené kemeratepa, a hātamó bepaae feletei, me whinē ama dowi ala hāle mupatei felepó. Mepaae whi de amatei a deróló dua betepa, ti Kótóné a sóró horaalo ai ape,” yalepó.

*Naale belekqatiki Yesupaae dapesó wale fo*

*(Mat 19:13-15, Mak 10:13-16)*

<sup>15</sup> Téró so whi feané teó sóró betó mole naale senaale tikimó Yesuné naase mulópóló, a beterepaae dapesó wua dere ala kilitu, ama yó matere whirapené dapesó wakesé yóló, atima foné salepó. <sup>16</sup> Téyaletēi, Yesuné kale naale senaale a beterepaae dapesó ape yóló duraalu, “Atei kaae naale belekqatiki e beterepaae wópólópa, sesékese. Ti noatepae, Kótóné tēteróló kaae tare aqmó betaaire alata, atei naale senaale belekqatiki kaae fóló betenérápó. <sup>17</sup> Yālo



diapaae mo i dere ape. Mepaae so whi detamo i betó mole naale senaale belekaatikiki kaae betepa, ti Kótóné teteróló kaae tare aqomó sókó fóló betenérápó,” yalepó.

*Néli whiné Yesupaae wosale fo  
(Mat 19:16-30, Mak 10:17-31)*

18 Atéró, betá Juda topo whi wóló Yesupaae woseturaalu, “Yó matere whi wisi-ó, mo ti betere bete saairaalu, yało noa alakó yaaloé?” yalepó.

19 Ai fo depa, Yesuné apaae tokó mótu duraalu, “Betá whikélé whi wisi bitini, Kótó ą betá wisirapa, naao epaae noatepa whi wisi-ó fo de? 20 Ti noatepae, kale tukóló muló betere fota, naao dosayayóló ai kisi- pare ape. So nópu naqse, whi daqse, qlémi naqse, me whi dilikóló kapala fo yaqse, naao hae aya aqomó mo dua betae erapó,” yalepó.

21 Ai fo depa, kale whiné tokó mótu duraalu, “Ai alarape feata take ę ketemó bitu deté waletei, miókélé hęle yótóro tarapó,” yalepó.

22 Ai fo depa, Yesuné apaae duraalu, “Mo betá ala betá ya yayarapó. Térapa, naao muó mole ęla ęla fea dotonóló, *moni* sóro mepaae yolealere so whimó melae. Atéró yaąa, hepen-mó mole wisi wisi ęla saasepóló ę sya ape,” yalepó.

23 Kale hamoko whiné ai fo woseturaalu, ą doasi néli whi mo beterapóló kisipa mutu, kutiri humula yóló fomotamo felepó.

24 Atéteremó, Yesuné ą kelené kikéyóló kaae taru duraalu, “Ęla ęla fea tare whi Kótóné teteróló kaae tare aqomó sókó fóló betaaire mo doasi dirirapó,” yalepó. 25 “Ti noatepae, *kamel* hupu ketęli dolomó sókó faaire hapóluni, sumó fenérápó. Tépatei, doasi ęla ęla mole néli whirapeta, Kótóné teteróló kaae tare aqomó sókó faaire mo hapólurapó,” yalepó.

26 Ai fo depa wosale so whiné Yesupaae woseturaalu, “Dą feata

alunérapa, Kótóné demaaté tao saaloé?” yalepó.

27 Ai fo depa Yesuné duraalu, “Mo whiné enénire ala Kótóné mo sumó enérápó,” yalepó.

28 Tétepa Pitané duraalu, “Dąné be ó ęla ęla fea mupa taaróló, ya i sya wale ape,” yalepó.

29 Ai fo depa Yesuné duraalu, “Yało diapaae mo i dere ape. Mepaae whi dené ama be ó soma ó nomarape ó hama alima ó naale senaale taaróló, Kótóné teteróló kaae tare aqomó betaai dapóló fupata, ti mió i alimó bitukélé ama taaróló wale ęla ęla tómó beleróló, Kótóné mo dekéro matepa saalo ai ape. 30 Ai ęla maaté meitei, take waaire alimó mo ti betaaire betekélé saalo ai ape,” yalepó.

*Yesu ą sinaaire fo mó yaletai  
(Mat 20:17-19, Mak 10:32-34)*

31 Atéró, Yesuné yó matere 12 whirape depaae dapesó fóló bitu duraalu, “Dąta Jerusalem be huluaapaae holaaı foletai, Kótóné ama kóló whirapené i ala yaalopóló asęre fo mió mo dokonóló kale Whiné Naalemapaae eratepa kelaalo ai ape. 32 Aąa, Juda meire fake whirapené dępóló eleké deyóló, atima naase tuapaae mulaalo ai ape. Atétepa, atimané ą doka doka yóo, haleroó, fesąa apuróo, képi tikiné fokosoi ala yóló, ą mo ti sukępóló dóo, yaalo ai ape yalepó. 33 Téyaalotei, sore be demó ą mo ti sukęletei momó kepaayóló betaalopó,” yalepó.

34 Ama yó matere whirapené ai yale fo wosóta yaletai, bete hiróló moleteiné diriyóló kisipa sini, kóló kóló du betalepó.

*Kele dilikire whi wisirale fo  
(Mat 20:29-34, Mak 10:46-52)*

35 Téro Yesu ą Jeriko be huluaapaae felekemó sókó faai tumó fu betaalemó, betá kele dilikire whi tu demó bituraalu, fua wuatere so whipaae *monikó* ęlae yóló, kema du betalepó. 36 Atéró wosalemó, so whi mo fea tumó fua wua du betepa, ai so whipaae woseturaalu, “Doa ai-a,

noa ala maaté du bitu de?” yalepó.  
<sup>37</sup> Ti fo depa, atimané apaae duraalu, “Nasaret be hulua whikó Yesu i fole ape,” yalepó.

<sup>38</sup> Ai fo depa, ama fo fakeyóló duraalu, “Depit-né Naalema Yesu-ó, naao ę kolené sukuturaalu tao sae,” yalepó. <sup>39</sup> Atéro, mepaae folosóro fele so whiné kale whipaae momó yaai dée yóló foné salepó. Tétepatei, kale sekéné fo faketóro dekéro yó taru duraalu, “Depit-né Naalema Yesu-ó, naao ę kolené sukęe,” yalepó.

<sup>40-41</sup> Atétepa Yesu ę keiyóló daalu, kale whirapepaae duraalu, “Ai whi ę beterepaae dapesó ape,” yalepó. Atétepa, kale whi dapesó wóló felekemó daapa, Yesuné apaae woseturaalu, “Yalo yamó noa alakó erópóló de?” depa, kale whiné duraalu, “Tale-ó, yalo kelené ęla ęla kelenée yóló kisipa mutapó,” yalepó.

<sup>42</sup> Tétepa, Yesuné apaae duraalu, “Naao kisipa tiki tirale alané naao kele ai wisiyalepa, mió kela,” yalepó. <sup>43</sup> Yesuné ai fo deretamotóro kale whiné ama kele wisitepa, Yesu sya furaalu, Kótóné doi hale sóro horaté felepó. Ai ala depa kelale so whinékelé Kótóné doi hale sóro horalepó.

## 19

### *Takis moni siré kotere whi Sakius-né yale ala*

<sup>1</sup> Atéro, Yesu ę Jeriko be huluamó sókó fóló, ai be belamó fu betalepó. <sup>2</sup> Téyalemó, *takis moni* siré kotere whirapené doasi topo whi Sakius beterepó. Ata, fea ęla ęlané néli whipó. <sup>3</sup> Ama kisipané Yesu deró kelaai dapóló felemó, aimó mo hęle ęla kaae so whi touróló daae moleteiné, Sakius ę hęlekeruraalu Yesu wisiyóló kilinipó. <sup>4</sup> Atépa, kale whi ępi sururu yóló fóló, Yesu tumó wale kelaai, betę nose kaae ni siki doló holóló kaae tawóló beterepó.

<sup>5</sup> Atépa, Yesu ę ni betemó sókó fóló ai ni sikipaae kele horalemó Sakius daapa kolóló duraalu, “Sakius-ó, mió ę yętamo naao bemó betaai kisipa mutapa, yę mo hapale dere ape,” yalepó. <sup>6</sup> Atétepa, ę hapale tėti dorowóló, hękesetamo Yesu dape sóro ama bepaae felepó.

<sup>7</sup> Atétepa, ai daae mole so whi feané Yesu Sakius-né bepaae fupa kolóló, atimasisi kikiti eróló duraalu, “Ata dowi ala du betere whitamotei, betaai ai fele ape,” yalepó.

<sup>8</sup> Téyaletei, kale Sakius ę turukó holóló Talepaae duraalu, “Tale-ó, mióta, yęlo i mole ęla ęlarape bukóló, mepaae yolealere so whimó melóo, yęlotamo so whi dilikóló mepaae *monikó* simó ti douro félimó tómó beleróló tokó melóo, yaai dapó,” yalepó.

<sup>9</sup> Ai fo depa Yesuné apaae duraalu, “Kótóné so whi aluyaęsóro tao sere ala mió i bepaae walepó. Ti noatepae, i whi ękélé Abraham-né naaletóro beterepó. <sup>10</sup> Ti Whiné Naalema ę waleteita, aluyale so whi kekóló tao saairaalu, walepó,” yalepó.

### *Naase tamo whirapené doasi whiné kutó diraaí moni sale fo sale (Mat 25:14-30)*

<sup>11</sup> Atéro, ama ai du betere fo wosetu betepatei, ę Jerusalem be hulua felekepaae sókó waleteiné Kótóné tęteróló kaae tare aęmó mole ala so whiné kisipané mo felekemó sókó waaitere nisi du betalepó. Atétepa ama du betere fotamo touróló, atimapaae i fo salekélé yalepó. <sup>12</sup> Atéro ama duraalu, “Hae kwia fea tęteróló kaae tare topo whirapené fake whi betę topo whi sóro beteratepa momó fesaae wóló, hae kwia ama tęteróló kaae tawaai dapóló, ę felepó. <sup>13</sup> A atéro faairaalu, ama kutó diratere naasetamo whirapepaae ape yóló duraalu, ‘Yalo i matere *moniné* mepaae kutó diraté fóló, tómó

beleróló sóró muló betepa, momó fesaae wou kelaalopóló,' a felepó.

<sup>14</sup> Téyaleteti, ama be whi so whiné ai sekéné atima teteróló kaae tawaqsóró kisipa mutu, 'Kale doasi topo whipaae ene fópóló, atimakó mepaae whirape a fi kilipaae doteyalepó.'

<sup>15</sup> Até yaleteti, doasiné kale whipaae naaotóró teteróló kaae tawaasepóló, ya sóró beteratapa fae depa, a bepaae fesaae walepó. Téró, ama kutó diratere whirapepaae melale moniné mepaae kutó diróló, tómó beleróló meteró saleró kelaipa, dapesene fae yóló, whirape doteyalepó.

<sup>16</sup> Atétepa, ama *moni* melale whirapekó betā whi folosóró wóló duraalu, 'Doa whi-ó, take naao epaae betā melale *moni* bosenóló, mo dekéro sóró muló beterapó,' yalepó.

<sup>17</sup> Ti fo depa, kale topo whiné duraalu, 'Yalo kutó diratere whi wisió, naao ai ere ala mo wisirapó. Ti noatepae, yalo mo sawatamo melale ɔla naao mo wisiyóló kaae tawirapa, naasetamo be huluakélé naaotóró teteróló kaae tawaasepe,' yalepó.

<sup>18</sup> Kale dere kaae whi me wóló duraalu, 'Doa whi-ó, naaota epaae *moni* betā melaletei, yalo mepaae kutó dité fóló, naao melale *moni* tómó beleróló aporó sóró muló beterapó,' yalepó.

<sup>19</sup> Ti fo depa, ama topo whiné tokó mótu duraalu, 'Aporó be huluarape naao teteróló kaae tawaasepóló, yalo ya sóró beteratapó,' yalepó.

<sup>20</sup> Téró kale dere kaae, ama kutó dirale whi me wóló duraalu, 'Doa whi-ó, naao kale melale *monita*, yalo me kutókélé dini, kuti kwiané bopeyóló mulaletei, i sóró wale ape. <sup>21</sup> Ti noatepae, ya ta mo kekepai whi bitu, mené ɔlatei naao sóo, me whiné biliyale ɔla naao bukóló, kwiapaae ya sóo dua dapó. Atétere ala yalo tuéruraalu, e witepa naao yae yale ala inipó,' yalepó.

<sup>22</sup> Ti fo depa ama topo whiné apaae duraalu, 'Yata, kutó diratere whi

dowipó. Yatamo fo tokóló ya só deraaitere ala ti naao dere fonétei ya ai só deretere ape. <sup>23</sup> Ti naao atei kaae kisipa mulutei, e fesaae wouraaalu hūróló sópóló *moni* mulatere tikipaae mulale fole noatepa yaleé?' yalepó.

<sup>24</sup> Téró, kale topo whiné aimó daae mole whirapepaae duraalu, 'Ama ai tare *moni* fasóló naase tamo *moni* tare whipaae melae,' yalepó.

<sup>25</sup> Ai fo depa, atimané kale topo whipaae duraalu, 'Doa whi-ó, ai whita naase tamo *moni* taketi sóró tarapó,' yalepó.

<sup>26</sup> Ti fo depa ama duraalu, 'Yalo diapaae i dere ape. Mepaae ɔla ɔla hūróló mole whipaae ti mo dekéro beleróló melaalo ai ape. Téyaalotei, mepaae whi de ɔla ɔla sawa téti mupa, ti ai ɔla fasó saalo ai ape. <sup>27</sup> Téyaalotei, mepaae yalo teteróló kaae tare aqmó betere hōróló bōe dele whirapeta, ipaae dapesó wóló, mo ti sinópóló dae,' ” yalepó.

*Yesu Jerusalem be huluapaae doasi topo whi aqyóló sókó wapa hale sóró horale fo*

*(Mat 21:1-11, Mak 11:1-11, Jon 12:12-19)*

<sup>28</sup> Téró Yesuné i fo yóló kemetepa, atima Jerusalem be huluapaae furaalu, ama ɔlisó felepó. <sup>29</sup> Atéro, a Betpas beró Betani betamopaae sókó faai fu betalepó. Ai be hulua tamo felekemó *Olip* dupó du betere tiki erapó. <sup>30</sup> Aimó ama yó matere whi tamo dotonaai atimaamopaae duraalu, "U bepaae diaamopi fae. Ai bemó sókó fóló kelenalemó, whikélé betóló kunire teó *donki* hupu duló betaalopó. Téyaalopa, ai hupu taayóló ipaae dapesó ape. <sup>31</sup> Atéro taanalemótamo, whi mené diaamopaae woseturaalu, 'Ai neyaai de?' depa, ti i fo yae. 'Momó dapesó waaitei, Talené ama diyaaire kutó mupa sóró ape yale tikimó sóró fulapó yae,' ” yalepó.

<sup>32</sup> Atéro dotonatepa fóló kelalemó, atimaamopaae yale fotórómo epa

kelalepó. <sup>33</sup> Atépa, atimaamo kale *donki* hupu halika teraatu betalemó, hupu talerape wóló atimaamopaae woseturaalu, “Ai hupu teraatu betere-a noayaa de?” yalepó.

<sup>34</sup> Ti fo depa atimaamoné duraalu, “Ita Talené ama diyaaire kutó mupa, serǵale fae yale tikimó sóró fulapó,” yalepó.

<sup>35</sup> Atéró, Yesu beterepaae dapesó wóló daaló bitu, atimaamoné deró betere fǵloi kutirape sorokóló, Yesu ǵ hupuné sisó tó mó betérópóló, whamenalepó. <sup>36</sup> Atéró ǵ ai hupu tó mó betóló wapa, so whǵ folosóró furaalu, atimané deró betere kutirape sorokóló tǵmó whamenaté felepó.

<sup>37</sup> Atéró, ǵ Jerusalem be hulua-paae felekemó sókó faairaalu, *Olip* du sokore aǵpaae doropole tǵmó sókó derepelepó. Aimó, ama yó matere so whǵ mo feané Kótóné kae kae kelemei alarape eratepa kelaletiné atima hekesené sukuturaalu, fo fakeyóló Kótóné doi hale sóró horaai kaae salepó.

<sup>38</sup> “Mió Talené doimó wale doasi topo whǵ wisi-ó, Kótóné yǵ wisirópóló yae!”

“Kótóné hepen be tuǵmó mole hosaa muni deyóló dua betere ala so whǵ feapaae erópóló yae.

Téturaalu, mo taoró betere Kótóné kae mole doasi doi hale sóró horaie!” deté fu betalepó.

<sup>39</sup> Tétepa, ai so whǵ kuamó betó mole Farisi whǵrapené Yesupaae duraalu, “Naao yó matere whǵrapepaae taalae yóló, foné sae,” yalepó.

<sup>40</sup> Ti fo depa ama atimapaee duraalu, “Yǵlo diǵpaae mo i dere ape. Atimatamo fo ini dua betepa, ti tǵmó ai daae mole kaporapenétei doasi fo fake yaalo ai ape,” yalepó.

<sup>41</sup> Atéró, Yesu ǵ Jerusalem be hulua-paae felekemó sókó faai fu bitu, ai doasi be hulua tuǵpaae kese deralemó, mo kǵlei ala epa, ǵ doasi wole yalepó. <sup>42</sup> Atéró woleyóló duraalu, “Hosaa muni deyóló dua betaaire ala mió i be demótóró diǵ

beterepaae walapóló, kisipa uǵsóró ti mo wisi uǵpó. Tǵuǵtei, ai ala yaaire be deǵ kemeyaletiné mió diaaǵ kelené kelaǵsóró, kinó betere-apó. <sup>43</sup> Téretei, nalo me be demó kale bóe whǵrape atima naao bepaae dorowaairaalu, be bopéró betere tipimó hae kǵayóló mulaté holóló, naao be bopéró betaalopó. <sup>44</sup> Atére tó mó atima daane holóló, diǵkélé diaaǵ naale senaalekélé tao sóró haemó hairaalo ai ape. Kane fake me tó mó beleretei, atéró mulópóló taalaalomeipó. Ti noatepae, Tale Kótóné diǵ tao saai wale be deǵ diaaǵ kisipani, hǵraleteinépó,” yalepó.

*Momatere bemó ǵla dupu du betepa Yesuné hǵkonale fo*

*(Mat 21:12-17, Mak 11:15-19, Jon 2:13-22)*

<sup>45</sup> Téró, ǵ momatere be bolaare tipi tuǵpaae sókó holalemó, whǵrapené ǵla ǵla dotonóló dupu du betepa fǵpóló dóló hǵkonalepó. <sup>46</sup> Atéró, ama atimapaee duraalu, “Yǵlo beta, moma maaté yaai tǵnapóló ašemó epatei, diaaǵ ai du betere alané ǵlémi whǵ betere be aǵrótu betere-apó,” yalepó.

<sup>47</sup> Atéró momatere bemó, betere dokǵ fea ama fo yó maleta du betalepó. Tétu betepatei, so whǵmó momaratere topo whǵrapekélé, Mosesné asǵre fo yó matere whǵrapekélé, so whǵ kaae tare mepaae whǵ disirapekélé, fea touyóló, Yesu daaire tǵ kekitu betalepó. <sup>48</sup> Téyaletéi, atimané ǵ daaire tǵ me kilinipó. Ti noatepae, yó matere fo so whǵné wosóló, hosaamó su betaletiné ǵ daaire tǵkélé kilinipó.

## 20

*Yesupaae yǵ topo whǵ né sóró beteralee yóló wosale fo*

*(Mat 21:23-37, Mak 11:27-33)*

<sup>1</sup> Téró, me sukamó Yesu ǵ momatere be tuǵmó Kótóné ala etérópóló so whǵ feapaae yó matere alaró, kale mió wosetere fo wisitamó yó mótu betalepó. Tétu



betepa, mo so whimó momaraterere whirapekélé, Moses-né asere fo yó matere whirapekélé, mepaae whi disirapekélé, fea touyóló ą beterepaae walepó. <sup>2</sup> Atéró wóló ąpaae duraalu, “Naao ai alarape yópóló, ya né sóró beteraleé?” yalepó.

<sup>3</sup> Ti fo depa, ama atimapaee duraalu, “Yalokélé diąpaae wosetere fo betą i dapa, ępaae tokó ąlae. <sup>4</sup> Jon-né weı tópuraterere ala ó hepen bemó yae depa yalepé, mo whiné yae depa yaleé?” yalepó.

<sup>5</sup> Ai fo deremó, whirape atimasisitei fo kęlaaróló duraalu, “Dąné tamo, hepen bemó yae depa yalepó depa, ti dąpaae ama dere fo wosóló kisipa tiki tiraterere noatepa deé enérápó. <sup>6</sup> Tépateti dąné duraalu, mo whiné yae depa yalepó depa, ti doai wóló betó mole so whiné kapo duné dą siróló daalopó. Ti noatepae, Jonta so whipaae yó matere Kótóné kóló whi betaleteti feané kisiparapó,” yalepó.

<sup>7</sup> Atétepa, atimané ąpaae duraalu, “Jon-né weı tópuraterere ala ąpaae né yae depa yaleró, dą kisipanipó,” yalepó.

<sup>8</sup> Ai fo depa Yesuné duraalu, “Diaaq yało wosale fo tokó menitepa, ti diąné ępaae wosale fokélé tokó melaalo meipó,” yalepó.

*Whi betąné ama kutó kaae tanópóló sóró beteraterere alapaae dó faróló yale fo*

*(Mat 21:33-46, Mak 12:1-12)*

<sup>9</sup> Téró Yesuné so whipaae ai fo deté fóló, me i fo salekélé yalepó. “Whi betąné ama kutó diyóló wain képi wae biliyalepó. Atéró, ai kutó mepaae whirapené kaae taru, ęlumétere ęla sóró dotonótu betae yóló, ą fılo sukamó me be huluapaae biı felepó. <sup>10</sup> Kale ęla ęlumétepa sere alimó, kale kutó talené ama kutó diraterere whikó betąpaae duraalu, ya kutó kaae tare whi beterepaae mepaae ęlumére ęlakó seręle fae yóló dotęyalepó.

Tęyaletei, kutó kaae tare whirapené ą du beteró, hałe fıpóló dotęyalepó.

<sup>11</sup> Téró, kale dere kaae ama kutó diraterere whi me dotęyalepó. Tęyaletei, ai whikélé atimané dóló susupuróló, haletamo hałe fıpóló dotęyalepó.

<sup>12</sup> Atéró, kale dere kaae sore dakoróló whi memo dotęyalepó. Tęyaletei, ai whikélé atimané du beteró samea sókó faróló, belapaae sóró taae deralepó.

<sup>13</sup> Téró, kale wain képi kutó talené duraalu, ‘Mió yało noa alakó yaaloé? Yało yaala sókó fıló hosaa turó mole naale betą atima beterepaae dotonatepa, atimané ą mo wisiyóló dape sóró, ama dere fo wosaalopóló kisipatu, dotęyalepó,’ yalepó.

<sup>14</sup> Tęyaletei, kale kutó diraterere whirapené ą wale kolóló, atimasisitei fo dokóló duraalu, ‘Aita, i kutó talené ama naalepó. Alima sinitepa, i kutóró mepaae mómu ęla ęlatamo fea ama saęsóró, dą saairęalu, ą daalopa siępe,’ yalepó.

<sup>15</sup> Atéró, atimané ą kale wain képi kutó tuąmó sóró belapaae taae deróló mo ti dalepó. Atétepa, kutó tale wóló atimapaee noa alakó eraaloé? <sup>16</sup> Kale kutó diraterere whirape mo ti dóló sukunóló, ai kutó mepaae whirapené kaae tawópóló melaalopó,” yalepó.

Tétepa, aimó betó mole mo so whi feané ai dere fo wosóló duraalu, “Aita enénire alatei dapó,” yalepó.

<sup>17</sup> Téró, Yesuné kelené kıké yóló kaae taru atimapaee woseturaalu, “Kótóné fo tuąmó,

‘Mepaae be tętere whirapené taae farale kane faketei, sóró be hulua eleké wisinaale botokoróló deyaalo ai ape,’ yóló ašemó ere fo-a, noa betené yaleé?

<sup>18</sup> Tęyaalotei, mepaae so whi de ai kapo fake tómó kotóo sóró deé nukupa, ti ama tiki turukó fıló doalé maaté yaalo ai ape. Tęyaalotei, ai kale kapo dokó dorowouraalu tęiya dere so whita, mo ti derakó fıló muaalo ai ape,” yalepó.

<sup>19</sup> Tétepa, Moses-né asere fo yó matere whjrapero mo so whimó maratere topo whjrapetamoné ama ai yale fo saleta, atimapaetóro dapóló aimótóro tawóló daai yaletai, ai touró betere so whjné atimapaee me ala eraqsóro, witepa taaralepó.

*Sisapaae takis moni melaróe yóló wosale fo*

*(Mat 22:15-22, Mak 12:13-17)*

<sup>20</sup> Atétepa, atimané Yesuné me alakó hásókó fóló déró kelaai, mepaae whjrape mo ala dere whj aqyóló kikitai kaae tawóló beterópóló, mepaae whjrape doteyalepó. Aita hãle mei, ă hásókó fóló, ama i fo mo depa wosalepóló, Rom *Gavman* topo whjné naase tuamó mulale faai kisipa mutu yalepó. <sup>21</sup> Atétepa, kale whjrapené ăpaae woseturaalu, “Yó matere whj-ó, naao dere foró so whjpaee yó matere alatamota, mo dono dapó. Naao fake so whj maaté taosuraalu, mo so whj sisópaae erótumipó. Naaota, Kótóné tué mole alatóro mo dono yó mótu beteretei đané kisiparapó. <sup>22</sup> Ti đané *takis moni* Sisapaae matereteia, donorépe meié?” yalepó.

<sup>23-24</sup> Atimané ă só deraai dere ala ama kolóló, atimapaee duraalu, “Ai *denarias moni* yãlo kelaalopa ăpaae yó ălae yóló matepa tao sóro duraalu, *moni* tómó i mole asoró doitamo-ané?” yalepó.

<sup>25</sup> Ti fo depa, atimané duraalu, “Sisanépó,” yalepó. Tétepa ama duraalu, “Sisané ălapa, ti Sisapaae melae. Kótóné ăla ti Kótópaae melae,” yalepó.

<sup>26</sup> Atéroró, Yesu so whj feané keletómó me alakó hásókó fuléro kelaai sũ saletai, ă hásókókélé feni, ama atimapaee fesaayóló dere fomó, atima hokomó sókó furaalu fokélé tekini, siratei du betalepó.

*Sinale whj kepaayóló so dokaaloé yóló wosale fo*

*(Mat 22:23-33, Mak 12:18-27)*

<sup>27</sup> Mepaae sukãle so whj kepaayaalo meipó, du betere

Sadyusi fakekó mepaae whjrapetamo Yesupaae wosetere fo yaai walepó.

<sup>28</sup> Atéroró duraalu, “Yó matere whj-ó, whj betã so dokaletai, naale senaalekélé deni hãle sinitepa, noma me whjné ai so wulia dokóló naale detepa, ti ai naale noma sukãle whj betale sirimó beterópóló yae fo Moses-né asemó đapaae erapó,” yalepó. <sup>29</sup> “Take wejkeró nomarape beterépó. Atéroró bitu, topo whj so dokaletai, ai sotamo naale deni, ă hãle sinalepó. <sup>30</sup> Atéroró sukutepa, kale so wulia noma me whjnémo dokalemó, ai whjkélé naale deni, hãle sukãlepó. <sup>31-32</sup> Nomarape fea até deté fóló, nalo mo kemerótu noma awã taalu whjné dokaletai, ăkélé hãle sukãlepó. Atéroró mo ti kemeróturaalu, kale sokélé sukãlepó. <sup>33</sup> Atéroró, wejkeró whjrapené dokale so take kepaayóló wale sukamó, mé whjné dokaaloé?” yalepó.

<sup>34</sup> Ti fo depa Yesuné atimapaee duraalu, “Mió i alimó bitu, whj so dokóo, so whjtamó fóo, du beterapó. <sup>35</sup> Tétu betepatei, sukãle so whj momó kepaayóló betaaire alimó atéroró whj so dokotere alakélé, so whjtamó beteratere alakélé, sinitere alakélé ini, hepen bemó betere *ensel* kaae betaalo ai ape. <sup>36</sup> Téturaalu, atima kepaaró betere naale senaale ereteiné Kótóné ama naale senaaletóro betaalopó. <sup>37</sup> Ni sesaapemó duku betere si mi dolomó yale fo Moses-né aserapó. ăta, Abraham, Aisak, Jekop-sépi fea tetéroló kaae tare Kótó beterapó. Atére foné sukãle so whj aluni, kepaayóló beterapóló, hãkeamó yó matapó. <sup>38</sup> Ti ăta, sukãle so whj maaté tetéroló kaae tanitei, mo betere so whjkélé tetéroló kaae tare Kótó beterapó. Ti noatepae, sukãle so whjkélé, betere so whjkélé, fea amatóro beteró beterapó,” yalepó.

<sup>39</sup> Moses-né asere fo yó matere whjrape mepaaené ăpaae tokó mótu duraalu, “Yó matere whj-ó! naao dere fota, mo dono dapó,” yalepó.

40 Téryaletei, ama ai yale foné atima haleturaalu, whi betanékélé apaae me wosetere fo inipó.

*So whi teteróló kaae tare whi-a né naaleé yale fo*

*(Mat 22:41-46, Mak 12:35-37)*

41 Téro, Yesuné atimapaee duraalu, “Kótóné so whi teteróló kaae tare whi Kerisota, Depit-né naalepó du betere-a noa fo betené de?

42-43 Ti ai fo bete Depit-né amatei, hakearóló buk Sam-mó aseyóló muló beterapó.

“Talené ę teteróló kaae tare Talepaae duraalu, “Yalo naao bóe whirape tétei aleróló, naao hó aqmó beteraalopa, kaae tawóló yalo turu naase demó betae,” ’ erapó.

44 Ti Depit-né ę teteróló kaae tare Tale-ó du betaletimo, ama naalepó, fo neteró yaleé?” yalepó.

45 Téro, aimó betó mole so whi feané ama yó mótu betere fo wosetu betepatei, Yesu ę ama yó matere whirape daalepaae fetée fóló duraalu, “Moses-né asere fo yó matere whirapené dere alané dię doraqsóro mo wisiyóló kaae tawae.

46 Ti atimata, so whi feané doasi whi-ó yóló, dukiraterere kokqmó so whi fea touraleta dere tikipaae faairaalu, mo fłoi kuti wisimaaté deróló fua yóo, Kótóné fo wosetere be dolopaae fukélé, mo wisi tikimótóro betaai hękese dua yóo, ęla detere sukamókélé, topo whirape bitua betere tikimó, betaai eęęle yóo, dua dapó. 47 Téturaalu, kale wulia sorapekélé dilikóló atimané ęla ęla fea ęlémi sóo, moma duraalukélé, so whiné dukiraterere kokqmó fło sįyóló yóo, dua dapó. Take kemetere sukamó atétere whirapené saaire kwiata, mepaae so whiné saaire seę bosenóló, mo doasi saalo ai ape,” yalepó.

## 21

*Wulia soné moni ke deręle wale fo (Mak 12:41-44)*

1 Téro Yesu ę momatere bemó bitu kaae taremó, mepaae néli whiné Kótópaae hęle matere moni der-aterere dolopaae dekeró deręleta du betalepó. 2 Atétepa kelalemó, betę yoleale wulia sonékélé sonaai moni ke belekřamale tamo deręle walepó. 3 Atétepa ama duraalu, “Yalo diępaae mo i dere ape. I yolealere wulia soné derale moni kené so whi feané derale moni taaróló, mo bosene falapó. 4 Ti noatepae, so whi feanéta doakale moni mupatei, téti maaté deręleta yalepó. Téryaletei i wulia sonéta, ama depe dolo sesé mole moni ketei, mo ti kemeróló deręle walepó,” yalepó.

*Sęró haetamo kemeyaa i deremó eraterere fareyópu*

*(Mat 24:1-35, Mak 13:1-31)*

5 Téro, mepaae ama yó matere whirape atima furaalu, “Mepaae so whiné Kótópaae hęle matere ęla ęlaró kapo fake wisitamóné momatere be wisinaale teryale tikimó kokqmó sininó beterapa kelae,” yalepó. 6 Tétépa, Yesuné atimapaee duraalu, “Diaaę mió i keletere ęla ęla feata, take waaire sukamó me kapotamo atéro wolekepa ke-laalomeitei, fea fisikó fóló, haemó kolokó doropóló mupa kelaalo ai ape,” yalepó.

7 Ti fo depa atimané apaae woseturaalu, “Yó matere whi-ó, ai alarape-a noa sukamó yaaloé? Noa kaae fareyópu eratepa, kolóló kisiapa muaaloé?” yalepó.

8 Ai fo depa Yesuné duraalu, “Mepaae whiné kapala fo yóló dię dilikaqsóro, mo hotowa yóló kaae tawae. Ti noatepae, mepaae dilikitere whirape wouraalu yalo doi yóló, ‘Kale waalopó du betere whi ętórótípó. Ali mió felekemó walapó,’ depa mo nisiyóló sya faęse. 9 Doasi bóe dele alaró mepaae whirape atimané hae tiki atimatei teteróló kaae tawaairaalu, Gavman whıtamo bóe du beterapó dere fo wosóló wiyąęse. Ti noatepae, folosóro ai

alarape mo yaalotei, kemeyaaire ali folo sókó waalomeipó,” yalepó.

<sup>10</sup> Téró atimapaae duraalu, “Me hae kwiamó betó mole so whj́ró me hae kwiamó betó mole so whj́tamo bóe dóo, me hae kwia t̄eteróló kaae tare topo whj́raperó me hae kwia t̄eteróló kaae tare topo whj́rapetamo bóe dóo, yaalo ai ape. <sup>11</sup> Atéturaalu, hae kwia feamó doakale bao dere alakélé, doasi sekeji alakélé, wotetere aliró hepo alitamokélé waalopó. Téturaalu, so whj́ mo doa winé sinóló diri furu furu yaaire alaró me ala yaairemó dere fareyóputamo s̄amó eratepa, diaaḡ kelaalopó.

<sup>12</sup> Ai alarape yaaitei folosóro, mepaae whj́né diḡ dóló susupuróló, fo wosetere berapepaae dapesó fóló, *dipula* beteraalo ai ape. Atéró, diḡ doasi topo whj́raperó *Gavman* whj́rapetamo beterepaae dapesó faalopó. Diḡ yaḡo ala erótu betere mó bóe duraalu ai alarape yaalopó. <sup>13</sup> Atétere alané yaḡo yó melale alarape atimané keletómó yó melópóló, diḡ t̄e ai mulatere ape. <sup>14</sup> Atimané diḡ só deraairaalu, fotok̄oiné depa diḡ noa fo yaaloé, yóló whaalia yaḡse. <sup>15</sup> Ti noatepae, ai ala deretamo yaḡo diḡpaae kisipa tiki dottoróḡ fole alaró atimané dere fo tok̄ó melaaire fotamo yó melaalo ai ape. Diḡné ai fo depa woseturaalu, diḡ só deraaitere whj́rape folópu kolokó fóló, mo bet̄a whj́nékélé me tok̄ó matere alakélé yaalomeipó. <sup>16</sup> Diaaḡ hae aya ó norape ó fake whj́rape ó fulumu whj́rapenekélé, diḡ d̄ópóló eleké deyaalo ai ape. Téturaalu, diḡ mepaae whj́rape atimané mo ti dóló sukunaalopó. <sup>17</sup> Atétu, so whj́ mo feané diḡtamo bóe dóló, diḡ h̄óraalo ai ape. Ti atétere alata, atimané ̄ h̄órótu diḡkélé ai h̄óratere ape. <sup>18</sup> Téyaalotei, diaaḡ topo niki mo bet̄akókélé aluyaalo meipó. <sup>19</sup> Diḡ mo ti betaaire bete saairaalu, mo diriyóló betae.

<sup>20</sup> Diaaḡ keler̄alemó, Jerusalem be hulua bóe whj́rapené bopéró betepa

kilituraalu, kale be hulua mió mo felekemó dóló wópu moolaai dapóló, kisipa muae. <sup>21</sup> Atétere sukamó, Judia hae kwiamó betó mole so whj́ diḡ ti du sorokó molepaae botokó fóo, mepaae doasi be hulua tuḡmó betó mole so whj́ diḡ ai be hulua taaróló fóo, mepaae ai hae kwiamó betóló fale so whj́kélé ai doasi be hulua tuḡpaae faḡsóró yae. <sup>22</sup> Ti atétere alimó yaaire alata h̄ale meipó. I haemó betóló fale so whj́né yale alamó Kótóné kwia móturaalu, doasi sekeji ala eraalopóló, aḡémó ere fo dokonóturaalu, mo eraalo ape. <sup>23</sup> Ti aita, Kótóné i hae kwia feamó betó mole so whj́tamo doasi fopaae buturaalu, só ai deratere ape. Atétere be demó mepaae naale ere soraperó, naale teó aw̄a nuku betere sorapetamo bet̄a k̄leó, mo doasi sekeji ala saalo ai ape. <sup>24</sup> Téturaalu, atima mepaae ti bóe dele sepakené dóló kemeróo, mepaae so whj́ ti hae kwia feapaae *dipula* sóro dapo dapo yóo, yaalopó. Tétu, Jerusalem be mo ti doróló torokó faróló, Juda meire fake atimané t̄eteróló kaae taté fóló, Kótóné d̄ale muló betere kwiamó sókó fupa, ti kemeyaalo ai ape.

<sup>25</sup> Atéturaalu, s̄amó daale sukanékélé, h̄órerapenekélé, wéliénékélé, kae kae alarape depa kolóo, doasi w̄eji k̄ela whaau yóló holóo yaalopó. Atétere ala i hae kwia feamó betó mole so whj́né kilitu, noa ala du derópóló hosaa w̄eji w̄eji yóló wiyaalopó. <sup>26</sup> I hae kwia feamó betó mole so whj́né ó s̄a wore duraalu, h̄órerape torokó dorowale kilitu, i haemó noa ala du derópóló, doasi winé suk̄alopó. Tétu, diri furu furu yóló be fesaaetamo du dere kaae yaalo ai ape. <sup>27</sup> Ai alarape yóló kemetepa, kale Whj́né Naalema ó s̄ako dolomó doasi bole fotok̄oró mo kae ere d̄e wisinaaletamo h̄akeamó wapa kelaalopó. <sup>28</sup> Ai alarape kaae sóro depa kilitu, aluyaḡsóró Kótóné ama dupure so whj́ mo felekemó dapesene walapóló kisipa mutu, haḡtamo turukó holóló daae muae.



<sup>29</sup> Atéró, ama atimapaae i fo sale yalepó. Ti daale ni noseró mepaae nirapetamoné ere ala diaaꝓ kolóló kisipa muae? <sup>30</sup> Nirape sóku fóló, tokꝓ momó beletepa kilituraalu, kale ba fo ali mió mo felekemó ai sókó wale ape dua dapó. <sup>31</sup> Atei alarape kaae depa diaaꝓ kilitu, Kótóné tēteróló kaae tare ala mió mo felekemó walapóló kisipa muae.

<sup>32</sup> Yálo diꝓaae mo i dere ape. Mió i alimó betó mole so whi sukuni hãle betepatei, i alarape folosóro yaalo ai ape. <sup>33</sup> Sãró i haetamo kemeyaalotei, yálo fo betã mo kemekélé ini, hãle muó tawaalopó.

<sup>34</sup> Diã wēi nóló topo dotere alané diaaꝓ tiki ó naao dere ala hãle ɔla kaae taae fatereteikélé, ó i haemó whaaliatu betere alakélé, diãné hosaa tuãmó sekēné sinitere alakélé du betepa, i be dē sókó wouraalu yã hemó duku dere kaae yaꝓsóró, mo hotowaró kaae tawae. <sup>35</sup> Ti noatepae, ai yaaire alarapeta, i hae kwiamó betó mole so whi mo feapaae waalo ai ape. <sup>36</sup> Kale Whiné Naalema betere tikimó diãkélé betaalopó. Téyaalopa, ai alarapené diã só deraꝓsóró, betere dokꝓ fea hotowayóló kaae taru, momatere ala yó tawae,” yalepó.

<sup>37</sup> Atéró, Yesu ã suka fea ai momatere bemó Talené ala etérapóló yó melóló, be kuluka deretamo ã *Olip* du sorokó molepaae fini fi wuatu betalepó. <sup>38</sup> Atei ala du betepa, so whi fea mo hikatitei turukó holóló Yesuné momatere bemó yó mótu betere fo wosaai wua yalepó.

## 22

*Judas-né Yesu eleké deale fo*  
(*Mat 26:1-5,14-16, Mak 14:1-2,10-11, Jon 11:45-53*)

<sup>1</sup> Kale bosene fele be dē kisipa mutu, fopei *bred* o deyóló nokole be dē felekemó sókó waai depa etéyalepó. <sup>2</sup> So whimó momaratere topo whiraperó Moses-né asēre fo yó matere whirapetamo so whiné

kapo duné siróló daꝓsóró witu-raalu, Yesu kikití daaire tũ kekítu betalepó. <sup>3</sup> Téró, atima 12 yó matere whirapekó betã whiné doi Judas Iskariot tuꝓaae dowi Satan bitĩ walepó. <sup>4</sup> Tétepa kale Judas ã fóló, mo so whimó momaratere topo whiraperó momatere be kaae tare diki tare whirapené topo whirapetamo betó molepaae felepó. Téró Yesu dꝓpóló netéró eleké deyaaloé? yóló, fo dokaaí felepó. <sup>5</sup> Atéró, fo dokóló kemetepa, hēkese duraalu *moni*-né ã dupuyaalopó, yóló mulalepó. <sup>6</sup> Atéró, Judas-né wisirapó depa, so whi touróló bitinitere sukamó Yesu dꝓpóló naase tuꝓaae mulaaire tũ kekítu betalepó.

*Yesu ama yó matere whirapetamo siki bemó bitu ɔla nale fo*

(*Mat 26:17-30, Mak 14:12-26, Jon 13:21-30, 1Korin 11:23-25*)

<sup>7</sup> Kale bosene fele be dē kisipa mutu, fopei *bred* o deyóló nokole be dēmó betã *sipsip* hupu male dóló, Talepaae simó sukũlaa daróló melaaire be dē sókó walepó. <sup>8</sup> Téró, Yesuné Pitaro Jon-tamo dotonaai duraalu, “Diaamo fóló, kale bosene fele be dēmó deyóló naaire ɔlakó taleyóló mullaí fae,” yalepó.

<sup>9</sup> Ti fo depa atimaamoné ãpaae woseturaalu, “Naao kisipané ai ɔlaa, dãmoné momó taleyóló mulꝓpóló de?” yalepó.

<sup>10</sup> Ai fo depa ama duraalu, “Diaamo ai be hulua tuãmó sókó fēlalemó, whi betã wēi wuti beleyóló tũmó diaamotamo hokolaa yaalo ai ape. Téyaalopa ã sya fóló, fole be dolopaae diaamokélé buó deyaē. <sup>11</sup> Téró, ai be talepaae etei fo yae. Yó matere whiné yãpaae duraalu, ‘Yálo yó matere whirapetamo bosene fele be dēmó, ɔla deyóló naaire be kekó momó donoróló muló betere?’ yóló, wosaē yalepó,” yalepó. <sup>12</sup> Aténalemó, ama diaamopaae óté taoró doasi be ke yó melaalo ai ape. Ai be ke dolomó betaaire ni fake ó mepaae ɔla ɔlakélé

fea sũmó donoróló muló betepa kelaalo ai ape.

<sup>13</sup> Atétepa atimaamo fóló kelalemó, Yesuné yale fo motóro epa kelalepó. Atéro bituraalu, kale bosene fele be demó atimané deyóló naaire ɔla aimó donoróló mulalepó.

<sup>14</sup> Atéro, kale ɔla naaire suka kele sókó wapa, Yesuné yale fotóro mo epa kelalepó. Atéro *aposel* whirapetamo ɔla nokole ni fake tómo boperó bitu ɔla nuku beterepó.

<sup>15</sup> Atéru, ama atimapaee duraalu, “E doasi seke saaire ala feleke depa, kale bosene fele be demó detere ɔla da betámó nokoletéine e mo doasi hekese dapó. <sup>16</sup> Ti yalo diapaae i dere ape. I bosene fele be demó detere ɔla e néli hale bitiré fóló, Kótóné tetéroló kaae tare aqmó mió i ɔla detere ala bete dokonatepa, ti momó naalo ai ape,” yalepó.

<sup>17</sup> Atéro, Yesuné *kap* wuti sóro taru, Tale Kótópaae mo kée yalepó. Atéro mótu, Yesuné atimapaee duraalu, “I matere wei tao sóro, diá fea nósú deté fóló, kemerae. <sup>18</sup> Ti yalo diapaae mo i dere ape. Mió i nokole *wain* képi wei momó kaae néli hale bitiré fóló, Tale Kótóné tetéroló kaae tare ala sókó wale sukamó momó naalopó,” yalepó.

<sup>19</sup> Téro, ama *bred* o bula tao sóro Kótópaae mo kée yóló, terekée daalu yóló anirótu duraalu, “Ita, yalo tiki diámó i matere ape. Térapa, diáne e kisiipa muóló nukulé fu betae,” yalepó.

<sup>20</sup> Atéro, atima ɔla nóló kemetepa, kale yale kaae wei wuti tao sóro taru duraalu, “I *wain* weita, Kótóné ama so whi tao saalopóló, kisi yóló mulale fo diriróturaalu, diá tao saai sunée farale yalo sameapó. <sup>21</sup> Téretei, i ni fake tómo etamo betámó ɔla nuku betere whinétei, e dópóló eleké deyaalopó. <sup>22</sup> Téyaalotei, Whiné Naalema i ala yópólópó yóló, Kótóné tukóló muló betere fo mo dokonóturaalu eraalo ai ape. Téyaalotei, Whiné Naalema dópóló

eleké deyaaire whi betá mo doasi seke ala saaireteiné ɔlerapó,” yalepó. <sup>23</sup> Ti fo depa, ai ala-a né yaai dée yóló, atimasisitei u wosene i wosene du betalepó.

<sup>24</sup> Atéro kale dere kaae, ama yó matere whirape atimasisi doasi topo whi-a, de betaai dée yóló fonétei alale su betalepó. <sup>25</sup> Tétepa Yesuné atimapaee duraalu, “Kale Juda meire fake tetéroló kaae tare topo whirapenemo so whi tetéroló kaae tanópóló, sóro betero betere whirapeta doasi néli whi bitu, so whi fea tao sóro wisi ala erótu betere whirapépó dua dapó. <sup>26</sup> Tépatei, diá atei kaae ala ini, diá tuámótamo doasi topo whi betepa, ti mo ketéi kaae betóo, diá tetéroló kaae tare topo whi ti kutó diratere whi kaae betóo yae. <sup>27</sup> Ti noatepae, ɔla deyóló nokole sukamó doasi doi mole whirapené noa ala dua de? Ti atima doasi whirape ni fake tómo bitu, ɔla maaté nuku beterepé, kutó diratere whi kaae bitu, ɔla biliyóló maleta dua de? Meipó. Ai doasi doi mole whirape atima ai ala dumi, ni fake tómo bituraalu, ɔla maaté nukua dapó. Tépatei, eta diá feané kutó diratere whi kaae beterepó. <sup>28</sup> Diáta, epaae seke ala wou betepatei e taaróló botokó feni, etamo betámó bitiré walepó. <sup>29</sup> So whi tetéroló kaae tanópóló yalo Ayané e sóro betero yale kaae, yalokélé diá so whi tetéroló kaae tanópóló, sóro beterepó. <sup>30</sup> Até dapa, yalo tetéroló kaae tare ala tuámó ni fake tómo bitu, ɔla nóló, wei nóló du betaalopó. Atéturaalu, doasi topo whi betere tikimó bitu, 12 Israel fakerapetamo diaaq fo tokóló tale yaasepóló, sóro beterepó.

*Pitané yaaire alamó Yesuné yale fo (Mat 26:31-35, Mak 14:27-31, Jon 13:36-38)*

<sup>31</sup> Saimon, Saimon-ó, yalo yapaae i dere fo wosae. Mepaae so whiné whi ke buléro kelaai fumi suntu dere kaae, ya tuámó noa alakó

muléro k̄ae kelaairaalu, Satan-né ȳapaae wosene walepó. <sup>32</sup> Téyaletei Saimon-ó, naao kisipa tiki tiró betere ala taaróló haepaae derepaqsóró, ȳalo ȳamó momaralepó. Naao kisipa tiki feteyóló, ȳa ę beterepaae momó wapata, ti naao norape tao sóró fotok̄o bulaasepé,” yalepó.

<sup>33</sup> Tétepa Pitané ̄apaae duraalu, “Tale-ó, ȳa *dipula* beteratepa ti ękéle wusuró beteróo, sukutepakélé ti wusurótóro suk̄o enérápó,” yalepó.

<sup>34</sup> Ai fo depa Yesuné duraalu, “Pita-ó, ȳalo ȳapaae i dere ape. Mió i be demó w̄a *kakaruk* bané hale yaaipatei, naao ę kisipanipó fo sore félimó yaalo ai ape,” yalepó.

<sup>35</sup> Téró, Yesuné atimapaee wose-turaalu, “Ȳalo dīa dotonale sukamó *moni* butere be ó h̄leke be ó me ̄lakélé sóró fae ini, h̄le f̄ópóló doteyalepó. Téyaletei, dīa me ̄lakó mei yaleé?” depa atimané duraalu, “Meipó,” yalepó.

<sup>36</sup> Ai fo depa, ama atimapaee du-raalu, “Mió diaāq *moni* detere be mupa sóo, yokélé sóo yae. Bóe dele sepakekótamo munipa, ti diaāq tómó deró betere kuti sokóló, me wh̄itamó dotonóló sepake bet̄akó dupuyae. <sup>37</sup> Ti noatepae, i fo asēyóló muló beterapó. Dowi ala dere wh̄irape dos̄aturaalu, ̄akélé touróló dos̄ayalepó. Ȳalo dīapaae i dere ape. Ai ere fo dokonóturaalu ępaae mo eraalopó. Mo dapó. Ęmó kisipa muturaalu, Kótóné k̄óló wh̄irapené asēmó ere forape fea dokonóló ępaae motóro eraalo ai ape,” yalepó.

<sup>38</sup> Téró, ama yó matere wh̄irapené ̄apaae duraalu, “Tale-ó, ɖané bóe dele sepake tamo i tarapa kelere?” depa, ama duraalu, “Ai supó,” yalepó.

*Yesu Olip dumó daalu moma yale fo*

(*Mat 26:36-46, Mak 14:32-42*)

<sup>39</sup> Atéro, Yesu ̄a belapaae sókó doropóló ama dua dere kaae, *Olip* du sokorepaae fupa, ama yó matere wh̄irapekélé, ̄a sya felepó. <sup>40</sup> Atéro,

aimó sókó fóló, ama atimapaee du-raalu, “S̄u sere alané dīa dowi alamó dée nalaqsóropa, Talepaae momatu betae,” yalepó. <sup>41</sup> Atéro, ̄a atima daale tiki sawa taaróló fóló, buku-tiri teȳaró bituraalu momayalepó. <sup>42</sup> Ama i moma yalepó. “Aya-ó, naao kisipané ępaae i waaire sek̄ei ala waqsóro sesé yaai depa ti té yae. Ȳalo kisipané enére ala yaalomeipa, naao yaai kisipa mole ala bet̄a erae,” yalepó. <sup>43</sup> Atétepa, ó hepen bemó betere *ensel* bet̄a dorowóló ̄a tao sóró fotok̄o bulalepó. <sup>44</sup> Atéro, Yesuné ama hosaa tuamó mo doa sek̄ené sinitepa, Alimapaee mo fotok̄oi moma yalepó. Atéturaalu, ama tikimó fosono doasi f̄ake kaae dorowóló, haepaae fu betalepó.

<sup>45</sup> Atéro momayóló kemetepa, ̄a turukó holóló ama yó matere wh̄irape beterepaae momó fesaae fóló ke-lalemó, atima dekené sukuturaalu fotok̄okélé meiyóló, noke foposaa yó molepó. <sup>46</sup> Atépa ama atimapaee duraalu, “Dīa noatepa, noke foposaa yó mule? S̄u sere alané dīa ̄alisóro fóló, dowi alapaae só deraqsóro, turukó holóló Talepaae momatu betae,” yalepó.

*Judas-né Yesu bóe wh̄iné naase tūapaae mulale fo*

(*Mat 26:47-56, Mak 14:43-50, Jon 18:3-11*)

<sup>47</sup> Ama fo kemeni h̄le du betepatei, so wh̄i mo h̄le ̄la kaae walepó. Kale yó matepa wosetere 12 wh̄irapekó bet̄a wh̄i Judas-né Yesu k̄óló tukó naai, ̄a daale felekepaae walepó. <sup>48</sup> Téyaletei, Yesuné ̄apaae duraalu, “Judas-ó, kale Wh̄iné Naalema d̄ópóló, eleké deyóló k̄óló tukó naai wou de?” yalepó.

<sup>49</sup> Até yaaire ala, Yesuné ama yó matere wh̄irapené kolóló ̄apaae du-raalu, “Tale-ó, ɖané i tare sepakerapené deyaróe?” yalepó. <sup>50</sup> Téró, atimakó bet̄a wh̄iné mo so wh̄imó momaratere doasi topo wh̄iné kutó diratere wh̄iné tururó wos̄eli s̄aae deralepó.

<sup>51</sup> Tétépa Yesuné duraalu, “Ai ala me momókó yaqse!” yalepó. Atéroró, Yesuné kale whjné woséli ama ere kaae eralepó.

<sup>52</sup> Téró, Yesuné mo so whjmó momaraterere doasi topo whjrapekélé, momaterere be kaae tare whjrapené topo whjrapekélé, whj disirapekélé fea woló, ą tawaai boperóló daae molepó. Atépa ama duraalu, “Diaaą ęta, i hae kwia tęteróló kaae tare doasi topo whjrapené kaae tare alarape fasó saai, bóe daai ąlisóró fole whjpóló, sepakeró nópulutamo tao diliki yóló, ę tawaai wou de?

<sup>53</sup> Take ę diątamo momaterere be tuąmó bitua yaletai, diaaą ę daai tanipó. Ténitei, mióta, dilikire alané tęteróló kaae tapa, diaaą yaaitere ala yópóló, tukóló muló betere sukakelemó dapó,” yalepó.

*Pitané Yesu tuęnipó yale fo*

*(Mat 26:57-58,69-75, Mak 14:53-54,66-72, Jon 18:12-18,25-27)*

<sup>54</sup> Téró, atimané ą tawóló so whjmó momaraterere topo whjné bepaae dapesó felepó. Atétepa, Pitakélé Yesu sya nalo taaeta deté fu betalepó. <sup>55</sup> Téyaletai, ai momaterere be bolaare dopóku tuą dolomó si noke yóló, atima fea simó boperóló betó mupa, Pitakélé atimatamo beterepó. <sup>56</sup> Atéroró ą simó beteremó, kutó diraterere so seimale betąné kolóló, mo ti kikéyóló kaae taru duraalu, “I sekęta, Yesutamo betąmó kwęale whjkópó,” yalepó.

<sup>57</sup> Ai fo depa Pitané duraalu, “Ti senaale-ó, naao ai bope dere whjta ę mo tuękélé inipó,” yalepó.

<sup>58</sup> Atéroró sawa betero, whj me kaené ą kolóló duraalu, “Yąkélé atimatamo kwęale whjkóe?” depa, Pitané duraalu, “Ai whjta ę meipó,” yalepó.

<sup>59</sup> Atéroró, suka kele betą kemetepa kale dere kaae, whj menémo duraalu, “I sekęta, Yesutamo betąmó kwęale whjkó irurapó. Ti ąkélé Kaleli whjtóró mo hjtípó,” yalepó.

<sup>60</sup> Ti fo depa, Pitané duraalu, “Diaaą ai bope dere whjta, demó déroró ę tuęnipó,” yalepó. Ai fo deretamotoró wą *kakaruk* bané hale deremó, ama du betale fo tukó felepó.

<sup>61</sup> Tétépa, Tale ą Pita daalepaae fetée wóló, kelené kikéyóló kaae tawalepó. Até deremó, take Talené Pita ąpaae *kakaruk* bané hale sore félimó yaaipatei, naao ę kisipanipó yaalopó yale fo kisipa muni walepó.

<sup>62</sup> Atétepa, Pita ą belapaae sókó doropóló, mo doa dekené sini wole du betalepó.

*Diki tare whjrapené Yesu faleyale fo*

*(Mat 26:67-68, Mak 14:65)*

<sup>63</sup> Atéroró, Yesu botokó faqsóró, kaae tare whjrapené ą doka doka duraalu faletere forape yóló deleta du betalepó. <sup>64</sup> Atéroró, ama kelepaa atimané kutiné kinóló dokóló ąpaae woseturaalu, “Yą né daleé? Yą dale whj dąpaae yó ąlae,” yalepó.

<sup>65</sup> Atéroró, atimané ą faleyóló kae kae dowi forape du betalepó.

*Pailat-ró Herot-tamoné Yesutamo fo tekąle fo*

*(Mat 26:59-66, Mak 14:55-64, Jon 18:19-24)*

<sup>66</sup> Atéroró, be teó deęteretamo fo tokóló tale yópóló betero betere whj disirapekélé, mo so whjmó momaraterere doasi topo whjrapekélé, Moses-né asęre fo yó materere whjrapekélé, fea betąpaae tourąle walepó. Atéroró touró bitu, Yesu fo tokóló taleyópóló tale dere whjrape beterepaae dapesó felepó. <sup>67</sup> Atéroró atimané duraalu, “Yąta, Kótóné so whj tęteróló kaae tare whj Kerisopata, ti dąpaae yó ąlae,” yalepó. Ai fo depa, Yesuné duraalu, “Yąlo diąpaae depa diaaą ępaae kisipa tiki tiraalomeipó. <sup>68</sup> Yąlo diąpaae mepaae fo wosenalemókélé, diaaą tokó melaalomeipó. <sup>69</sup> Téretei, mo miótóró kaae sóró kale Whjné Naalema mo doasi fotoką bole Kótóné turu naase tuąmó betaalo ai ape,” yalepó.



<sup>70</sup> Ai fo depa, atima mo feané ɔpaae woseturaalu, “Ti yaɔta, Kótóné Naalemaé?” depa ama duraalu, “Me kae mei, diaaɔ mo dono ai dere ape,” yalepó.

<sup>71</sup> Ti fo depa, atimané duraalu, “Me kae noa fokómo depa, wosaai de? Fo feata, ama kɔlómótóró sókó wapa ɔɔané ai wosale ape,” yalepó.

## 23

*Yesu Pailat-né keletómó fo tokóló, filipaa ni tómó olerae yale fo*

*(Mat 27:1-2,11-26, Mak 15:1-15, Jon 18:28-19:16)*

<sup>1</sup> Téró, atima aimó betó mole whi mo fea turukó horóló, Yesu Pailat beterepaae dapesó felepó. <sup>2</sup> Atéró, atimané ɔ faleyóló só derótu duraalu, “Ai whinéta, so whi feané Sisapaae *takis moni* melaɔsóró sesé yóló, so whi kɔpaae ɔlisóró fu betera-pó. Tétu, amatei ɔta so whi tɔteróló kae tare topo whi Kerisopó du betere alané ɔané tɔteróló kaae tare alarape fea dorótu betera-pó,” yalepó.

<sup>3</sup> Atétepa, Pailat-né Yesupaae woseturaalu, “Yaɔta, Juda fake so whi tɔteróló kaae tare topo whié?” depa, Yesuné duraalu, “Épó. Naaotóró dono ai dere ape,” yalepó.

<sup>4</sup> Téró, Pailat-né Talepaae momaratere topo whiraperó so whi featamopaae duraalu, “I whi yaɔlo kaae kelalemó, fo tokóló ɔ só deraire bete mekélé mupa kilinipó,” yalepó.

<sup>5</sup> Tétepa, atimané fo fakeyóló deraainé duraalu, “Ai whiné Judia hae kwiamó betó mole so whipaae yó matere fo wosetu, fo tiki whaa deté fu betalepó. Ama Kaleli hae kwiamó kaae sóró yó maté wóló, mió ipaae ai sókó wale ape,” yalepó.

<sup>6</sup> Ai dere fo wosóló, Pailat-né atimapaee woseturaalu, “Aɔta, Kaleli whié?” yalepó. <sup>7</sup> Ai fo depa, atimané duraalu, “Ai whita, Herot-né tɔteróló kaae tare hae kwiamó betera-pó,” yalepó. Atéyale sukamó

Herot ɔkélé ai Jerusalem be hulu-amó betepa, Pailat-né Yesu Herot beterepaae dotɔyalepó.

<sup>8</sup> Téró, Yesu atéró sókó wapa kilituraalu, ɔ mo hajné sinalepó. Ti noatepae, ama mepaae kelemei alarape erótu betera-pó deté fole fo woseturaalu, Yesuné kelemei alakó eratepa kelenée yóló, kisipa mutu betaleteinépó. <sup>9</sup> Atéró, kale Herot-né ɔpaae kae kae forape woseté feletei, Yesuné fo betakélé tokó menipó. <sup>10</sup> Atétepa, so whimó momaratere doasi topo whiraperó Moses-né asere fo yó matere whirapetamoné ɔ faleyóló só deratere fo du betalepó. <sup>11</sup> Téró, kale Herot-ró ama diki tare whirapetamoné ɔ faleyóló duraalu, wisi wisi kuti deróló Pailat beterepaae momó fesaae fópóló dotonalepó. <sup>12</sup> Upuléta, kale Herot-ró Pailat-tamo bóe dóló betaletei, mió i ala yale sukamó fulumu whi aleyóló beterepó.

<sup>13</sup> Atéró, kale Pailat-né so whimó momaratere topo whirapepaaekélé, so whi tɔteróló kaae tare topo whirapepaaekélé, so whi feapaaekélé ape yalepó. <sup>14</sup> Atéró touró betepa, ama atimapaee duraalu, “Diaaɔ i whita, take tɔteróló kaae tare doasi topo whirapetamo bóe daai ɔlisóró fole whipóló, ɔ beterepaae dapesó wapa diaaɔ keletómó yaɔlo ɔ tuamó daaló bitu, me haşókó fele alakó muléro kekalemó meipó. <sup>15</sup> Herot-nékélé taleyalemó, dowi ala mekélé munipa, ama ɔpaae ai dotonale ape. I whi mo ti sukópóló dele alata, me noa ala itikimó daai de? <sup>16</sup> Térapa, yaɔlo ɔ fokusó sóró haɔle fópóló dotɔyaaai dapó,” yalepó. <sup>17</sup> (-)

<sup>18</sup> Atimané mo beta kóló daae fóló fo fakeyóló duraalu, “Ai *dipula* betere whi Barabas ɔa beterepaae wópóló dotonóturaalu, i seké dóló alurae,” yalepó. <sup>19</sup> Ti noatepae, ai whi Barabas-ta *Gavman* whi betaai dapóló bóe dóló whi dupa, ɔ *dipula* beteralepó.

20 Pailat-né ama kisipanéta, Yesu hãle fõpóló dotonaairaaalu, so whĩpaae momó yalepó. 21 Téyaleteti, atimané mo doa fo fakeyóló duraalu, “A filipaa ni tómó dóló olerae, a filipaa ni tómó olerae,” du betalepó.

22 Téró, ama sore ðakoróló atimapaee duraalu, “I whĩné noa dowi ala yalemó daaloé? I whĩ daaire bete me munipó. Téreteiné, yãlo a dóló susupuróló, hãle fõpóló dotonaaai dapó,” yalepó.

23 Téyaleteti, atimané fo fake dekéro yó taru, doasi seyóló duraalu, “A sukõpóló filipaare ni tómó dóló olorae,” yóló, dere foné Pailat-né fokélé só deralepó. 24 Atétepa, Pailat-né kisipanétei taleyóló wisirapa téyae yóló, dotopoi fo du betere so whĩpaae melalepó. 25 Atéro, ama whĩ betã dóo, tẽteróló kaae tare alamó topo whĩrapetamo bóe dóo deremó, *dipula* beterale whĩ hãle fõpóló dotonae yalepó. Téró, Yesupaae atimané kisipa mole ala erõpóló, doasi diki tare whĩrapené naase tuãpaae melalepó.

*Yesu filipaa ni tómó olerale fo*  
(*Mat 27:32-44, Mak 15:21-32, Jon 19:17-27*)

26 Atéro atimané Yesu duóló sóro fu betalemó, Sairin be hulua whĩkó Saimon ipu bemó biti doasi be hulua-paae derepaai wou betepa tu tuãmó hokolaa yalepó. Atéro a tawóló Yesu oleraaire filipaa ni beleróló, Yesuné sisómó fõpóló yalepó. 27 Atétepa, so whĩ mo feané a sya felepó. Atéro, sorape feané sya fu bitu kõlené sinituraalu, mo dekené sukĩ wole fo deté wou betalepó. 28 Até deté wou betepa, Yesu fetée anóló duraalu, “Jerusalem senaalerape-ó, diaaõ e wolekesé, diãsisitei wole yóló, diaaõ naale senaalekélé wole yae. 29 Ti noatepae, take waaire sukamó diaaõ etei fõ yaalo ai ape. Mepaae sorape naale senaale deni, hãle ni daale sorapekélé, naale senaale meiyóló hãle betere sorapekélé, naale senaale

awã menitere sorapekélé, hãjne sinóló ai betere ape.

30 ‘Ai sekẽi ala wale sukamó atimané i fo yaalopó. “I daae mole ulupaae ðukó dorowóló ðã tẽirae,” yaalopó.

Du sorokó mole hae ðurapepaaekélé, kãae dorowóló ðã husurãle dere ape yaalopó,’ erapó.

31 Ti kisi daale nipaae atei ala depa, ti sélitere nipaae noa kaae sekẽi ala eraaloé?” yalepó.

32 Kale Rom *Gavman*-né yóló muló betere fo tukóló dowi ala yale whĩ tamokélé aãamo betãmó dóló oleraaai dapesó walepó. 33 Atéro, atima sókó wale tikiné doita, whĩné topo diripó doi mulapó. A sukõpóló aimó atimané filipaa ni deyóló oleralepó. Atéro, me whĩ ama turu naase ðeró oleróo, me whĩ ama fẽ naase ðeró oleróo, yalepó. 34 Atéro Yesuné duraalu, “Aya-ó, e ðele whĩrapené saaire dowi ala kwia naao hãle kemerae. Ti noatepae, atimané du betere alarape atima wisiyóló kisipanipó,” yalepó. Atéro, atimané ama kuti taleyóló saairaalu i ala yalepó. Ni fakerape tao sóro fesekée horótua yalemó, me whĩné doi ó siri moletei sókó dorowapa, ai whĩnétóro sua yalepó.

35 Atéro kale so whĩ fea mo tumó kese aãlu yóló daae molepó. Kale tẽteróló kaae tare topo whĩrapené Yesu faletere fo yóló duraalu, “Mepaae whĩ aluyaõsóro ama mo wisiyóló tao sua yaleteti, aãamo Kótóné sókó sóro, beteró betere whĩ Kerisopata, ti amatei a tao sópóló yae,” yalepó.

36 Atéro, kale doasi diki tare whĩrapekélé, a oleró betere tikipaae wóló daae muluraalu, faletu betalepó. Atéro, atimané aãmó betã kãlaa wale *finika wain* wẽi a nae yóló melalepó. 37 Atéro aãpaae duraalu, “Yãtamo Juda so whĩné doasi topo whĩpata, ti yã sinaõsóro naaotei tao sae,” eneta du betalepó.

<sup>38</sup> Yesuné ama toporó beteremó oleró betere ašemó i fo erapó.

ITA, JUDA FAKE SO WHĪ TĒTERÓLÓ  
KAAE TARE DOASI TOPO WHĪPÓ.

<sup>39</sup> Téró, kale dowi ala du betepa dóló olerale whĭ tamokó betāné ą faleyóló duraalu, “Yą Kerisopata, ti naaotei yą taosu dąmokélé tao sae,” yalepó.

<sup>40</sup> Téyaletēi, me fakeró oleró betere whĭné me whĭ foné sóró duraalu, “Dąmó sukutereteita, mo dąmoné yale dowi alamó kwia tokó mótu dereteiné mo donorapó. Téretei i whĭta, me dowi alakélé meipatei, dą fea betą ala yóló sinitapa, yą Kótópaae winié? <sup>41</sup> Ti noatepae, dąmota dąmoné yale alamó i sinitere ape. Téretei i whĭta, dowi ala mo betąkélé inipatei, hąle dóló oleró beterapó,” yalepó.

<sup>42</sup> Téró ama duraalu, “Yesu-ó, yą naao tĕteróló kaae tare be tuąpaae furaalu, ę kisipa keteraąse,” yalepó.

<sup>43</sup> Ti fo depa, Yesuné ąpaae tokó mótu duraalu, “Yąlo yąpaae mo i dere ape. Miótitei, yą ętamo mo kokóné sukĭ be wisinaalemó fóló be-taalo ai ape,” yalepó.

*Yesu sinale fo*

(*Mat 27:45-56, Mak 15:33-41, Jon 19:28-30*)

<sup>44</sup> Atéró suka tuąmó daapatei, hae kwia fea diki yalepó. Atéró dikipatei bitiré fóló, 3 kilok suka tó daane folepaae kemeyalepó. <sup>45</sup> Ti noatepae, sukané dę sukąleteiné, diki yó tawalepó. Talepaae momaraterē be satąleróló oleró betere kuti ama hąletei tuąmótóró teketé doropóló, haepaae sókó deralepó.

<sup>46</sup> Atétepa, Yesuné fo fakeyóló duraalu, “Aya-ó, yąlo kepe bete naao kaae tawasepóló, yą tuąpaae i mulatere ape,” yalepó. Atéró ama ai fo yóló kemetepa, ama fomo sókó fóló ą sukąlepó.

<sup>47</sup> Atétepa, kale diki tare whĭrapené topo whĭné ai yale ala kolóló, Kótóné doi hale sóró horótu duraalu, “Mo dapó, ita mo whĭ

wisinaale ai sukĭrapó,” yalepó.

<sup>48</sup> Atéró, betąpaae touró betere so whĭné kelale alarape atima bepaae momó fesaae furaalu, naao téyae yóló dekené sinité fu betalepó.

<sup>49</sup> Téyaletēi, mepaae ą kisipare whĭraperó ątamo Kaleli haemó betąmó betóló wale sorapetamo atima mo tumó daae mulu, ai dere alarape kaae dilikiyóló yó molepó.

*Yesu dourale fo*

(*Mat 27:57-61, Mak 15:42-47, Jon 19:38-42*)

<sup>50</sup> Atéró ai Judia hae tuąmó tĕne Arimatea be whĭkó Josep beterépó. ąta, mo whĭ wisinaale naameyóló dua betepa, Judia hae kwiamó betó mole so whĭ hąsókó fupa fo tokóló taleyópóló sóró beteró betere whĭpó. <sup>51</sup> Ai sekénéta, mo whĭné dere alaró mo tikiné dere

alatomó ama mo wisirapó kisipa mutumipó. ąta, Judia hae kwiamó tĕne Arimatea be huluamó walepó. Téru, ą Kótóné tĕteróló kaae tare aąmó mole ala wópóló kaae tawóló beterépó. <sup>52</sup> Atéró, kale whĭ ą Yesuné tiki saaitapóló Pailat-paae wosene felepó. <sup>53</sup> Téró, kale whĭné Yesuné tiki tokóló muló bituraalu, mo dęi kutiné bopeyóló whĭ betąkélé munénire kapo dolomó mulalepó.

<sup>54</sup> Atima sąa naai tukóló muló betere be dę dótóró sókó waai depa, ąla ąla donoróló mulatere be dęmó ai alarape yalepó.

<sup>55</sup> Atéró, mepaae Kaleli hae kwiamó Yesutamo wale sorape Josep-né Yesuné tiki mulaai fupa, neyóló mulatéró kelaairaalu, atima Josep sya felepó. <sup>56</sup> Téró, atimané bepaae fóló kale felé kęlaa wale fetera kaae ąlaró felé kęlaa wale *wel* węitamó taleyóló munalepó. Téyaletēi, kale yóló muló betere fo tikinépa, Talepaae moma yaai dapóló tukóló munale sukamó sąa nóló betalepó.

## 24

*Yesu kepaayóló fele fo*

1 *Fula* kaae sere be demó, mo hikati kale sorapené felé kɛlaa wale ɔlarape sisóló whi mulale dou tópaae felepó. 2 Atéró atima fóló kelalemó, whi dou tu kinale kane fake biliyó faló beterepó. 3 Atépa, atima kane dolopaae buó deóló kelalemó, Tale Yesuné tiki munipó. 4 Atépa, neyɔlerópóló atima kisipa teketu beterepó, mo kasa kasai kuti deró betere whi tamo atima daae mole uté deró sókó wóló daalepó. 5 Até deremó, kale sorape atima winé sinitu, kelepaa haepaae hemée deyóló betó molepó. Tépa, kale whi tamoné atimapaee duraalu, “Sukɔle whi douró betere tikimó, betere whiné noatepa keketé kutu bitu de? 6 Ti noatepae, ɔ aimó muni kepaayóló falapó. Take diɔ Kaleli haemó bitu ama diɔpaae yale fo di-aaɔ kisipa munié? 7 Whiné Naalema mepaae dowi ala dere whirapené naase tuɔpaae mulaalopó. Atétepa, atimané ɔ filipaa ni tómó oleróló sukutepa, sore be demó ti ɔ momó kepaayóló betaalopó,” yalepó. 8 Téró, atimané ama yale fo mopóló kisipa yalepó. 9 Atéró, atima whi dou tópaae fi fesaae wóló atimané kelale alarape kale 11-whiraperó mepaae whirapetamopaae yalepó. 10 Ai sorapeta, Maktala sokó Mariakélé, Joanakélé, Jems-né hama Mariakélé, mepaae sorapekélé, atima fea betó mulu, kelale alarape ama *aposel* whirapepaae yalepó. 11 Téyaleteti, kale sorapené yale fo mo dapóló kisipa tirénipó. Ti noatepae, atimané kapala fo detere nisi yalepó. 12 Téyaleteti, Pita ɔ mo hapale sururu yóló fóló, whi dou tómó sókó felepó. Atéró ɔ dou dolopaae fóló kelalemó, ama tiki bopeyóló mulale dei *linen* kuti maaté demó mupa kelalepó. Atépa ɔ momó bepaee fesaae furaalu, i noa ala yalerópóló kisipa tekété fu betalepó.

*Emeas bepaee fole tu tuɔmó yale fo*

13 Atéyale sukamótóró atimakó whi tamo Emeas bepaee faai tu tuɔmó fu betalepó. Ai Emeas be taaróló Jerusalem be huluapaae fole dɔleta, 11 *kilomitapó*. 14 Atimaamo tumó fu bituraalu, kale yale alarape fea sɔraté fu beterepó. 15 Atimaamo até deté fu betepa, Yesu tu tuɔmó sókó wóló, atima fea betamó fu betalepó. 16 Até yaleteti, atimaamoné Yesupóló kisipa yaɔsóró, me ɔlané atimaamoné kele seraaralepó.

17 Atéró fu bitu, Yesuné atimaamopaae woseturaalu, “Diaamo ai-a noa fo deté fu bitu de?” yalepó. Ti fo depa, atimaamo fu betaleteti, kelepaa humula yóló keɔyóló daalepó. 18 Atimaamo fu betere me whi Kliopas-né ɔpaae duraalu, “I be demó yale alarape so whi feané kisiparapa, yaɔta Jerusalem be huluapaae wale whié?” yalepó.

19 Ai fo depa ama ɔpaae woseturaalu, “Noa alamó de?” yalepó. Ti fo depa atimaamoné duraalu, “Nasaret be hulua whikó Yesupaae erale alamó dapó. Ti noatepae, ɔta Kótóné kóló whi bitu, ama dere foró dere alatamo Kótóné kele tómókélé, so whi feané kele tómókélé, mo doasi fotokɔtamo du betalepó. 20 Atéró so whimó momaraterere topo whiraperó dɔ tɛteróló kaae tare whirapetamoné ɔ sukópóló dae yóló, doasi *Gavman* whirapené naase tuɔpaae mulalepó. Atétepa, atimané ɔ filipaa ni tómó sinópóló oleralepó. 21 Téyaleteti, Israel fake so whi dupuróló tao saaire whipóló kisipa mualepó. Ai maaté mei, ai ala yóló betepa be de tamo kemeyóló, soreraterere be de ti mió i ape. 22 Ai fotei me ipó. Dɔ betamó kotere sorape sore mo hikati kale whi dou tópaae fóló, mepaae kelale alarape depa wosetu dɔ kilita yalepó. 23 Kale sorape fóló kelalemó ama tiki munipa, *ensel*-rapené Yesu kepaayóló beterepóló atimapaee yale fo fea dɔpaae ene walepó. 24 Téró, dɔné fulumu



wh̄irape atimakélé fóló kelalemó, kale sorapené ene wale ala motóro epa kelalepó. Téyaletēi, atimané ̄a bet̄a kilinipó,” yalepó.

<sup>25</sup> Ama atimapaee duraalu, “Di-aamota, take Kótóné ama k̄lóló wh̄irapené deté wale fo wosóló kisi-pani, ketei kaae kisipa tiki okokoru kutiri hapólu ai ererapó. <sup>26</sup> Kótóné so wh̄i t̄eteróló kaae tanópoló, sóro betero betere wh̄i Keriso ̄a doasi doi muaaire ala tūapaae sókó faairaalu, folosóro ai sek̄ei alarape salepó. Ai alata h̄asókó faalomei, mo yaalopó ere fo dokonóturaalu yalepó. <sup>27</sup> Mo take Moses-né as̄ere fomó kaae sóro wóló, Kótóné k̄lóló wh̄irape feanékélé as̄ere fo beteta, ̄emótóro erapóló amatei h̄akearóló yó malepó,” yalepó.

<sup>28</sup> Atimaamo fole bepaee felekemó sókó faai, tū aupalomó fu betalepó. Téyaletēi Yesu ̄ata, ai be hulua bosenyóló saletópaae faai fole āq yalepó. <sup>29</sup> Atéro ̄a fupatei, kale wh̄i tamoné ̄a kejróló duraalu, “Felekemó be diki yaai dapa, d̄a imó fiyaalopa siépe,” Depa atima fea fiyaai felepó.

<sup>30</sup> Atéro, ̄a atimaamotamo ̄la naairaalu, ̄la nokole ni fake tómó beterepó. Atéro bitu, ama *bred* o bula bet̄a tao sóro Alima Kótópaae mo kée yóló terekeyóló n̄ópóló sóro malepó. <sup>31</sup> Téro, atimaamoné kele seraaretei fis̄aae furaalu, kale sek̄e airapóló diriyóló kisipa yalepó. Téyaletamo atimaamoné kele ̄alinameróló ̄a aluyó deyalepó. <sup>32</sup> Tétepa, atimaamosisitei duraalu, “D̄a tūmó wouraalu, as̄emó ere fo d̄amopaae yó matepa, wosóló hošamó si kaae dukuraalu mo feléné suk̄alepó,” yalepó.

<sup>33</sup> Atétepa, mo ai fapotóro atimaamo Jerusalem be huluapaae momó fesaae felepó. Téyalemó, mepaae 11- *aposel* wh̄iraperó atimatamo betere so wh̄irapetamo fea bet̄apaae touró betepa kelalepó. <sup>34</sup> Atéru, atimané kale wh̄i tamopaae duraalu, “Ai mo dapó.

Tale kepaayóló furaalu, Saimon beterepaae wapa ama mo kelalepó,” yalepó. <sup>35</sup> Téro, kale wh̄i tamo tū tūamó wou bitu yale alaró *bred* o bula tekeyóló atimaamo matepa, ̄a kisipa yale alatamo atimapaee yalepó.

*Yesu ̄a ama yó matere wh̄irapepaae yó male wale fo*

<sup>36</sup> Atéro, ai fo du betepa Yesu atima betó mole tūamó sókó wóló atimapaee duraalu, “Hosaa muni deyóló mo dua betere ala dīa tūamó mulópoló yae,” yalepó.

<sup>37</sup> Atei fo deremó, atima kisiapané kepené dere nisi yóló kilita sókó furaalu, winé sinalepó. <sup>38</sup> Atétepa, ama atimapaee duraalu, “Dīa wituraalu kisipa tamo muóló, hosaa noatepa w̄eitu bitu de? <sup>39</sup> ̄Etóro mo h̄itipa, ȳalo naaseró hótamo diaāq kelae. Ti noatepae, kepeta miró diritamó bunipa, ̄e ai ala erémóló olaa yae,” yalepó.

<sup>40</sup> Ama ai fo yóló kemetepa, atimapaee ama naaseró hótamo yó melalepó. <sup>41</sup> Téyaletēi, atétere ala kilituraalu, h̄ekesetere alaró, sir- atere alatamo atima tūamó mualetēi, ̄ata Yesupóló kisipa tirénipó. Atétepa atimapaee woseturaalu, “Dīa imó bitu, naaitere ̄lakó mule?” yalepó. <sup>42-43</sup> Tétepa, atimané simó biliyale ya kwia ̄a matepa tao sóro, atimané kaae tapa nalepó.

<sup>44</sup> Atéro ama atimapaee duraalu, “Moses-né as̄ere fokélé, Kótóné k̄lóló wh̄irapené ere fokélé, Sam *bukmókélé*, ̄emótóro kisipa mutu ere fo fea dokonóturaalu mo eraalopóló ̄e dīatamo bet̄amó bitu ai yale ape,” yalepó.

<sup>45</sup> Kótóné as̄emó ere fo fea kisipa yópoló, ama atima kisipa wisi mulalepó. <sup>46</sup> Atéro ama atimapaee duraalu, “Kale as̄emó ere fo i ape. Kótóné ama so wh̄i fea t̄eteróló kaae tanópoló, sóro betero betere wh̄i Kerisota, doakale sek̄ei alaró susupui alatamo sóro mo ti sinaalotei, tamo be d̄e kemeyóló sore be d̄emó ̄a

momó kepaayaalopó. <sup>47</sup> Jerusalem be huluamó kaae sóró hae kwia feamó betó mole so whipaae yalo doimó i fo yó maté kweyaalopó. Diaaḡ dere dowi ala taaróló kisipa feteyóló wapa, ti diaaḡ dowi ala kwia yalo hḡle kemeraalopó. <sup>48</sup> I alarape depa kelalepóló so whipaae yó melaaire whirapeta, ti diḡtóró ai ape. <sup>49</sup> Take yalo Ayané diḡ melaalopóló mulale ḡla yalo diḡpaae dotonaaḡ kisipa mutapó. Téyaalopa, diḡ ai be huluamó bitiré fóló, mo óté taoró mole doasi fotokḡné diḡ kuti kaae bukurḡle dorowḡpóló, kaae tawae,” yalepó.

*Yesu i hae taaróló ó sḡpaae dapesó holale fo*

<sup>50</sup> Téró atima wḡpóló, ḡpi folosóró Betani be huluapaae felepó. Téró, ama naase horóló fonétei atima wisiralepó. <sup>51</sup> Atéró, atima wisir- atere fo du betepatei taaróló, Ali- mané ḡ hepen-paae dapesó holalepó. <sup>52</sup> Téró, atima bukutiri teḡró bitu, Doa Tale-ó, yóló ama doi sóró horaté hekesetamo Jerusalem be huluapaae momó fesaae felepó. <sup>53</sup> Atéró, atima momatere bemó bitu, Kótóné doi hale sóró horatere ala suka fea deté fu betalepó.

## Jon

### *Kale mo fo whi alée feletei*

<sup>1</sup> Mo take ɔla ɔla fea keké nale alimó, kale fo hãle bitipakalepó. Ai fota, Kótó ɔtamo betámó bitipakalepó. Ai fo mo Kótó ɔtórótípó.

<sup>2</sup> Ai kale fota, mo take keké nale alimótei, Kótótamo betámó bitipakalepó.

<sup>3</sup> Aleyóló muló betere ɔla ɔla mo fea Kótóné ɔpaae naao aleyae depa, amatóro kaarélipakalepó. Ere ó mole ɔla ɔla fea hãle kaani, amatóro kaaró beteraþó. <sup>4</sup> Ȧ tuámó betere bete molepó. Ai betere betené so whi fea demó beteróþóló, derótu betalepó. <sup>5</sup> Ai dené diliki tuɔpaae derótu betereþei, dilikiné sukó faróló alurótimpó.

<sup>6</sup> Kótóné betá whi dotonatepa walepó. Ai whiné ama doita, Jonpó. <sup>7</sup> Jon Ȧ waleteita, so whi feané ai dɛtere kilituraalu ɔpaae kisipa tiróló beteróþóló, kale dɛtere bete i ape yóló hãkearóló yó melaai walepó. <sup>8</sup> Ai dɛterené beteta Jon Ȧ meitei, so whi feapaae dɛtere bete ai ape yóló, yó melaai walepó. <sup>9</sup> I haemó betó mole so whi feapaae derótu betere mo dɛ bete Ȧ i haepaae sókó waairaalu, teó wou betalepó.

<sup>10</sup> Ȧ i haemó betóo, i haeró yó mole ɔla ɔlatamo Kótóné ɔpaae aleyae depa, amatóro kaaróo epatei i haemó betó mole so whiné kilitu, Ȧ etei kaae Talepóló kisipanipó. <sup>11</sup> Atéró, Ȧ ama be whi so whi betere turuku bepaae waleteti, atimané Ȧ kale whipóló wisiyóló dape sere ala inipó. <sup>12</sup> Téþatei, mepaae so whi dené Yesu dape sóo, Ȧ etei kaae whipóló ama yó matere fo wosóló, ɔpaae tué tiki tiróo, yale so whita, Kótóné mo ama naale senaaleþóro beteróþóló, sóro beteralepó. <sup>13</sup> Ai naale senaaleþa, mo so whiné naale senaale dɛtere kaae ó whiné tó tiki fotokóné ó so omané ama hɛkesere alanékélé

mei, Kótónéþóro atima deyóló beteraþó beteraþó.

<sup>14</sup> Téró, kale fo mo whi alée fóló, dȦ tuámó kapala kuti be teyóló bitu dere kaae asiri betalepó. Atéþa, Ȧ tuámó ere ala wisinaale dȦné ke-lalepó. Ai ere ala wisinaaleþa, Alima Kótóné dotonale mo betá betere naale tuámó fȦnanapó. Ai seké Ȧ tuámóþa, kȦletu hamokoróló hãle tao sere alaró mo fotamo turó bu-lapó.

<sup>15</sup> Jon-né ai sekémó kisipa mutu fo fakeyóló duraalu, “Take yȦlo diɔpaae noa fo yaleé? ‘Nalo yȦlo kȦlipaae waaire whita Ȧ kaae mei, Ȧ yȦlo haené deyaaipa, Ȧ mo taketi betóo, Ȧkélé teþeróló bosene fóo, ere doa seké whi waalopóló bope du betaleþei ɔtóró ai ape,’ ” yalepó. <sup>16</sup> Ama kȦlené sukutu, hamokoróló hãle tao sere ala wisi Ȧ tuámó fȦnanu, wɛi kaae feleyóló wapa dȦné mo dekéró su betalepó. <sup>17</sup> Ti noateþae, Kótóné kale tukóló muló betere forapeta, Moses-þaae mateþa, amamo so whiþaae meló beteraþó. Téyaleþei, kȦlené sukutu hamokoróló hãle tao sere alaró mo alatamota, ti Kótóné Yesu Kerisopaae mateþa, amamo dȦpaae malepó. <sup>18</sup> Whi mo betȦné Kótó kolókéle initei, alimané hosaa tuámó betóló wale Naalené amatóro, Alima etei kaae ala ere Tale beteraþóló, dȦpaae hãkearóló yó malepó.

### *Jon-né ama hó makemó dokore kéþi ama teraanénipó yale fo*

*(Mat 3:1-12, Mak 1:7-8, Luk 3:15-17)*

<sup>19</sup> Atéró etéyalepó. Jerusalem bemó betó mole Juda topo whirapené dotonale momaratere whiraperó Lipai fake whirapetamo Jon betereþaae fóló ɔpaae, “YȦ deé?” yóló wosalepó. <sup>20</sup> Atéþeþa, Jon-né atimapaþae tokó melaaire fo hiréni, Ȧ etei kaae whipóló hãkearóló i fo yalepó. “Kótóné so whi fea teþeróló kaae tanóþóló, sóro beteraþó betere whi Keriso Ȧ meipó,” yalepó.

21 Ai fo depa atimané ɔpaae wose-turaalu, “Ti ya Elaijapé déé?” depa, ama du meipó. Tétepa atimané du, “Ti yaɓa, take ašemó ere foné waalopóló bope du betale Kótóné kóló whjé?” depa, ama duraalu, “Ai whjékélé ɛ meipó,” yalepó.

22 Tétepa, mo ti kemeróló atimané ɔpaae duraalu, “Naao ya depó dute? Dɔ dotɔyale whjrapepaae ene faaipa, ya etei kaae whjipóló dɔpaae hɔkearóló yae,” yalepó.

23 Ai fo depa, ama atimapaee tokó matere alata, mo take betale Kótóné kóló whj Aisaiané asere fo yó mótu duraalu, “Whjékélé bitini, hɔle kópu kɔaae fi tikimó wóló daalu fo fakeyóló,

‘Tale waaire tɔ donoyóló aleyae,’ fo maaté ene wale whjta, ti ɛ i ape,” yalepó.

24-25 Atétepa, kale mepaae dotonatepa wale Farisi whjrapené ɔpaae duraalu, “Yaɓa, so whj fea tɛteróló kaae tanóppóló, Kótóné sóró betero whj Keriso ó Ilaija ó Kótóné kóló whj betɔkélé meipa, ti so whj naao noatepa wɛi tópurótu bitu de?” yalepó.

26 Tétepa, Jon-né atimapaee tokó mótu duraalu, “Yɔlota, diɔ wɛi maaté tópurótu betereitei, whj betɔ diɔ tuɔmó ai daaleitei diaaɔ kisipanipó.

27 Ti ai sekéta, ɛ wale kɔlipaae waalopóló bopetu betale whjipó. ɔta, mo doa seké whj betepa, ɛ naale ketei kaae, ɔ aɔmó betereiteiné ama hɔleke bené képi yaɓo teraanénipó,” yalepó.

28 Ai alarape du betaletteita, kale Jordan wɛi tɛ uteró tɛne Betani bemó du betalepó. Ai beta, Jon-né so whj fea wɛi tópurótu betale tikimó tɛnapó.

29 Be deýó hotopa, ai alarape yale kɔlipaae etéyalepó. Yesu ɔ Jon beterepaae wou betepa kolóló, Jon-né atimapaee duraalu, “I hae kwia feamó betó mole so whjné dowi ala tokóló aluraaire Kótóné ama Sipsip hupu male ai walapa kelae!

30 ɛkélé deyaaipa, mo taketi betere doa seké whj yaɓo kɔlipaae waalopóló diɔpaae bopetu betale whjta, ɔ ai ape. 31 Yaɓokélé ɔ wisiyóló tuénitei, ɛ wale beteta, ti Israel fake so whjné ɔ tué yóppóló hɔkearóturaalu, yaɓo wɛi tópuratere ala maaté yaai walepó,” yalepó.

32 Atéro, Jon-né ama mo kelale ala so whjpaee hɔkearóló yó mótu duraalu, “Kótóné ama Deji Kepe Wisi hepen be taaróló, dorowóló ba hɔkósere kaae ama tikimó betepa yaɓo kelené mo kelalepó. 33 Yaɓokélé ɔ tué wuɔ meitei, so whj wɛi tópurɔle fae yóló ɛ dotɔyale sekéné amatóro ɔpaae etei fo yalepó. ‘Deji Kepe Wisi bitɔ dorowale whjné amata, diɔ fea Deji Kepe Wisitamo wɛi tópuraaalo ai ape,’” yalepó. 34 Atéro Jon-né duraalu, “Yaɓo kelené mo kelale alatóro diɔpaae i dapa wosae. Kótóné Naalemata me kaae mei, ɔtóro ai ape,” yalepó.

*Yesuné whj tamopaae diaamo noa keketé yale fo*

35 Atéro, fiyóló be deɛtepa Jon ɔ ama yó matere whjrapekó tamo whj atima fea ɔ daatua dere tikimó momó fóló daalepó. 36 Atéro daalemó, Yesu ɔ metikipaae faai fupa kolóló Jon-né duraalu, “Kótóné ama kale Sipsip hupu male ai fulapa kelae!” yalepó.

37 Jon-né ai fo depa wosóló, ama yó matere whj tamo Yesu fimó, nalo sya felepó. 38 Atétepa, Yesu ɔ fetée daaróló kelalemó, whj tamoné ɔ sya wou betepa, atimaamopaae wosetu-raalu, “Diaamo noa kekete?” depa atimaamoné duraalu, “Rabai,” ai fo feteyóló “yó matere whj-ó, yaɓo betere tiki momó ere?” yalepó.

39 Atéro, ama atimaamopaae duraalu, “Ape. Wapata, ti diaamoné ke-laalopó,” yalepó. Tétepa atimaamo fóló, ɔ betere be kolóló, be deɛ betɔ ɔtamo aimó betalepó. Até dere alata, ti dou sukakelemó du betalepó.

40 Atéro, kale Jon-né dere fo wosóló, Yesu sya fele whj tamo



meta, Saimon Pitané noma Andrupó. <sup>41</sup> Andru a metikipaae feni, noma Saimon-pi kekalemó keletepa duraalu, “Mesaia dāné kelalepó,” yalepó. Ai fo bete feteyóló so whi fea tēteróló kaae tanópóló, sóró beteró betere whi Kerisopó. <sup>42</sup> Atéró, Andruné noma Saimon Yesu beterepaae dapesó wóló betepa, Yesuné Saimon kolóló aḡaae duraalu, “Yāta, Jon-né naalema Saimon-pó. Mió naao kisi doita, Sipas mulatapó,” yalepó. (Sipas doi feteyóló Pitapó.)

<sup>43</sup> Ai ala du beteró hika be dētepa, Yesu a betere tiki taaróló, Kalelipaae faai kisipa mualepó. Atéró fóló, Filip betepa kolóló aḡaae duraalu, “Filip-ó, ya e sya ape,” yalepó.

<sup>44</sup> Filipta, Andruró noma Pitatamo betere Betsaida be hulua whikópó. <sup>45</sup> Téró Filip-né Nataniel kekalemó, hokolaa depa aḡaae duraalu, “Mo take Moses-né asere Kótóné tukóló muló betere foró mepaae kóló whirapené asere fotamoné waalopóló bopetu betale whi dāné kelalepó. Aḡa, Nasaret be whikó Josep-né naalema Yesupó,” yalepó.

*Nataniel-né Filip-paae Nasaret bemó noa ɔla wisikó kelaalopóló de? yale fo*

<sup>46</sup> Ai fo depa, Nataniel-né Filip-paae duraalu, “Ai Nasaret be huluaamó noa ɔla wisikó sókó waalopóló de?” depa, Filip-né duraalu, “Wisirapa, naao kelaai ape,” yalepó.

<sup>47</sup> Tétepa, kale whi Nataniel Yesu a beterepaae wou betepa kolóló, aḡaae duraalu, “Israel fake whikó whi wisinaale ai walapa kela! A tuamóta, kapala ala mo sawakélé munipó,” yalepó.

<sup>48</sup> Ai fo depa, Nataniel-né aḡaae duraalu, “Naao e netéró tué yaleé?” depa, Yesuné duraalu, “Filip-né ya ape yaipatei, nose sirimó betepa ya ɔlo kelalepó,” yalepó.

<sup>49</sup> Tétepa, Nataniel-né aḡaae haḡearóló duraalu, “Yó matere whi-ó, yaḡa mo Kótóné Naalemapó. Israel fake so whi tēteróló kaae tare doasi topo whiḡa, me kae mei, yaḡóróti ai ape,” yalepó.

<sup>50</sup> Ti fo depa, Yesuné duraalu, “Mió naao aḡaae kisipa tiki tiratere beteta, ya nose soumó betepa ɔlo kelalepó dere fo woseturaalu dapó. Aita wisiretei, take nalopaae ti mió i keletere alakélé fea bosenóló, mo doasi alarape eratepa kelaalopó,” yalepó. <sup>51</sup> Ai fotamo touróló, ama me i fo yalepó. “Yālo diḡaae mo i dere ape. Hepen be tu tukweḡ fóló mupa, Kótóné ama *ensel*-rape kale Whiné Naalemané tikimó daayóló, ópaae hutua ipaae durua du betepa, diaaḡ kelaalo ai ape,” yalepó.

## 2

*Mo weiné wain weḡ alée fele fo*

<sup>1-2</sup> Atéró ai alarape yóló kemetepa, be dē tamo beteró, sore be demó, Kaleli hae kwiamó tēne Kana be huluaamó whi betā so dokoturaalu detere ɔla naai ape depa, Yesu aḡkélé, hama Mariakélé, ama yó matere whirapekélé, atima fea fóló so dokotere tuamó beterepó. <sup>3</sup> Atéró, ai ɔla detere sukamó naai donoróló mulale *wain* weḡ fea nóló kemetepa, hamané aḡaae duraalu, “Atimané *wain* weḡ fea kemeyalepó,” yalepó.

<sup>4</sup> Ai fo depa, Yesuné duraalu, “Ti so wisi-ó, aita atimané yaaire alapa, naao aḡaae atima tao sae dere noatepa de? Yālo tukóló muló betere ala yaaire be dēta teórapó,” yalepó.

<sup>5</sup> Ai fo depa, ama hamané kale ɔla detere ala kaae tare doasiné kutó diratere whirapepaae duraalu, “Ama diḡaae noa alakó yae depa, ti sya fóló yae,” yalepó.

<sup>6</sup> Kale Juda fake atimané mara mole ala sya furaalu, naase fokotua yaai dapóló, kanené aleale apo miró wutirape weḡ maanipa, felekemó daalótua erepó. Ai wutirapemó weḡ

maatere d̄aleta, mepaae 75 *lita*-rape, mepaae wuti ti 115 *lita*-rape supó.

<sup>7</sup> Atéró, Yesuné ai kale kutó diratere wh̄irapepaae duraalu, “Ai wutirape fea w̄ei nóló f̄aanae,” depa, mo ti bokóta eralepó.

<sup>8</sup> Atéró, ama atimapaee duraalu, “Ai belere w̄eirapekó mepaae tepeyóló ɔla detere ala t̄eteróló kaae tare doasipaae male fae,” depa male felepó.

<sup>9</sup> Tétepa, kale mo w̄einétei alée fele *wain* w̄ei kale ɔla detere ala t̄eteróló kaae tare wh̄iné nalemó, mo *wain* felétóró yalepó. Ai sekéné ai *wain* w̄ei sale tiki ɔ tūénitei, kale kutó diratere wh̄irapené maaté mo w̄ei sóró tepeyale ala kisipa ipakalepó.

<sup>10</sup> Téró, kale ɔla detere ala kaae tare doasiné so dokore wh̄ipaae ape yóló, tu d̄epaae dapesó fóló duraalu, “Wh̄irape feané i ala dua dapó. Folosóró wisi *wain* w̄eipi nópóló melóo, nalo mo sawa felétere *wain* w̄ei melóo, dua dapó. Tépat̄ei, wisi *wain* w̄ei mulóló, nalo noatepa sóró waleé?” yalepó.

<sup>11</sup> Yesuné me ala yaairemó erale kelemei alata, Kaleli hae kwiamó t̄ene Kana be huluamó folosóró kaae suraalu yalepó. Atéró yale alané ama ere ala wisinaale h̄akearatepa, ama yó matere wh̄irapené kilitu-raalu, ɔpaae tūé tiki tiralepó.

*Moma dere bemó ɔla ɔla duputamo du betale fo*

(*Mat 21:12-13, Mak 11:15-17, Luk 19:45-46*)

<sup>12</sup> Ai alarape fea kemetepa, Yesu ɔkélé, ama hamakélé, nomarapekélé, ama yó matere wh̄irapekélé, atima fea ai Kana be taaróló, Kape-neam be huluapaae derepelepó. Aimó atima mepaae be d̄rape betalepó.

<sup>13</sup> Atéró, ai alarape yóló kemetepa, kale bosenóló fele be d̄ felekemó sókó waai deremó, Yesu ɔ Jerusalem be huluapaae holalepó. <sup>14</sup> Atéró holóló bituraalu, ɔ moma dere be bopére tipi tūapaae sókó holalemó,

wh̄irape mo feané *bulmakau* hupu-rapekélé, *sipsip* hupurapekélé, ba sukusirapekélé, mepaae wh̄irape atima ni fake tómó betó mulu, kae kae fakené sóró wale *moni*-kélé duputamó yóló, u mótu i mótu du betepa kelalepó. <sup>15</sup> Até du betepa, kale *bulmakau* hupuró *sipsip* hupurapetamo belapaae f̄ópóló, Yesuné aimó mole halika tikiné fokosó sóró h̄okonóo, ni fake fetée deróló fesekeké falóo yalepó. <sup>16</sup> Até du beteró, kale ba sukusirape dotonóló *moni* su betere wh̄irapepaae duraalu, “Ȳalo Ayapaae maaté moma yaai t̄ene betei, diaaɔ noatepa ɔla ɔla dotonaterere tiki aɔrótu bitu de? Até dere alané ȳalo Ayané be doratapa, diaaɔ ai ɔlarape fea sóró fae,” yalepó.

<sup>17</sup> Ai ala ama yó matere wh̄irapené kilitu, kale ašemó i ere fo tūé mualepó. “Kótóné ama be doraɔsóró wisiyóló kaae tawaaire ketek̄eta, ɔ tūamó si kaae daalopó,” erapó.

<sup>18</sup> Téró, kale Juda topo wh̄irapené ɔpaae fo fotok̄iné duraalu, “Naao atei kaae ala ȳópóló, ȳa né sóró beteraleé? Ȳa Talené sóró beteró betere wh̄ipóló kisipa ȳópóló, naao d̄apaae noa kelemei alakó eraaloé?” yalepó.

<sup>19</sup> Ai fo depa, Yesuné atimapaee tokó mótu duraalu. “I momatere be diaaɔ fisikó mulae. Tétepa, ȳalo sore be d̄emótóró momó t̄eyóló kemeraalopó,” yalepó.

<sup>20</sup> Ai fo depa, atimané ɔpaae duraalu, “Take ai be t̄etu betepa, 46 ba forape kemeyalepó. Téyale betei, naao mió be d̄ soremó momó t̄eyaalopó dere fota, netéró t̄eyaai de?” yalepó. <sup>21</sup> Yesuné ai yale fota, mo moma dere bemó initei, ama tikimó kisipa muturaalu yalepó.

<sup>22</sup> Take ɔ sukóló momó kepaayóló betere k̄ilipaae ama yó matere wh̄irapené ama yale fo kisipa muni walepó. Yesuné i yale fokélé kale ašemó ere fotoró mo dokonalepóló, atimané ɔpaae tūé tiki tiralepó.

23 Téró, boseneyóló fele be de sókó wapa ɔla detere fulamó, Yesu ɔ Jerusalem bemó beterepó. Aimó bituraalu, Kótóné eratapó kisipa yópóló kelemei alarape eratepa so whi mo feané ɔpaae kisipa tiralepó. 24 Téyaleteti, so whi feané hosaa tuámó mole alarape ama kisiparuraalu, atimané du betere fo mo dapóló wosóló, aɔmó bitinipó. 25 Ti noatepae, so whi feané mole tué tikiró dere alatamo kelaairetei kɔló kɔlópakó, mené ɔ yó melaaié?

### 3

#### *Yesuró Nikodimas-tamo yale fo*

1 Téró Farisi whikó Nikodimas beterepó. ɔta, Juda fake so whi tɛteróló kaae tare topo whirapetamo betámó kutó ditere doasi doi mole whipó. 2 Ai whi ɔ dilikitamo Yesu beterepaae wóló duraalu, “Yó matere whi-ó, yaɔta Kótóné dotonatepa wale yó matere whipóló ɔané kisiparapó. Ti noatepae, Kótó yaɔtamo bituameisóró, ti mepaae whiné enénire etei kaae doasi kelemei alarape erótu bituameipó,” yalepó.

3 Ai fo depa, Yesuné ɔpaae haɔkearóló duraalu, “Yaɔlo yaɔpaae mo i dere ape. Whi mo betakélé hamané ɔ detu yale kaae momó denitepa, ti Kótóné tɛteróló kaae tare ala mo kelenénipó,” yalepó.

4 Yesuné ai fo depa, Nikodimas-né ɔpaae duraalu, “Disiyale whi haené depe tuapaae netéro bitɔ doropóló, momó deyaaloé?” yalepó.

5 Tétepa Yesuné ɔpaae duraalu, “Yaɔlo yaɔpaae mo i dapa wosae. Mo betɔ whikélé weiró Kepe Wisitamóné deyóló muló bitinipa, ti Kótóné tɛteróló kaae tare ala tuámó sókó fóló betenénipó. 6 Mo whiné detereitea, ti whi tiki daaitóro deyóo, Deɔ Kepené detereitei, ti mo Kepe tiki daaitóro deyóo, dua dapó. 7 Take yaɔlo yaɔpaae momó denérápó yale fomó ya kilita sókó faɔse. 8 Besé ɔ faaire tikipaae furaalu, haɔle hu

dere maaté wosetua dapó. Téteretei, waleró foleteitamo diaaɔ kilitimipó. Kale Kepe Wisiné deyóló beteroɔtu betere so whi feata, ai ala kaae du beterepó,” yalepó.

9 Ai fo depa, Nikodimas-né ɔpaae duraalu, “Ai ala netéro yaalorópó,” yalepó.

10 Tétepa Yesuné ɔpaae duraalu, “Yaɔta Israel fake so whi yó matere doasi doi mole whitei, i dere alarape diriyóló tuéni airapó. 11 Yaɔlo yaɔpaae mo i dere ape. ɔané du betere fota, mo tuére fotoró yóo, mo kelale alatóro yó melóo, du betepatei ɔané mo dapóló wosóló, kisipa tirénitere noatepa de? 12 Yaɔlo ɔiapaae i haemó du betere alarape bope yóló yaleteti, ɔané tué tiki tirótimipó. Yaɔlotamo ó hepen bemó mole alarape bope yóló enalemó, ti ɔia mo kisipa tiraalomeipó. 13 Whi mo betakélé hepen bepaae fenitei, hepen be taaróló, i haepaae kapala asiri dorowale Whiné Naalemané ama betɔ kisiparapó. 14 Mo take Moses-né haɔle kópu kaae fi tikimó kapa kwiané wuli aleyóló ni dée daaróló, sikipaae horóló oleralepó. Atéyale kaae, kale Whiné Naalemakélé, mepaae whiné atéro sikipaae só horóló oleraalo ai ape. 15 Ai fota haɔle ini, ɔpaae kisipa tiki tiratere so whi fea mo ti betere bete saalopóló kisipa mutu yalepó.

16 Ti noatepae, Kótóné i haemó betó mole so whi kɔlené sinóló yaala sókó furaalu, ama mo betɔ betere Naaleitei i haepaae wópóló dotonalepó. Mepaae so whi dené ai dotonó betere Naalepaae kisipa tiró betepa, ti atétere so whi aluni, mo ti betó tawaalo ai ape. 17 Ti noatepa meipó. Kótóné ama Naalema i haepaae wópóló doteyale beteta, i haemó betó mole so whitamó fo tokótamo yóló só derópóló initei, so whi fea aluyaɔsóró, ama yale alané tao sópóló yalepó. 18 Mepaae so whi detamo ɔpaae kisipa tiró betepa, ti ai so whitamó Kótóné fo tokótamo yóló só deranénipó. Téteitei, Kótóné ama

mo betą betere Naale ątóró hįtipóló ąpaae kisipa tiki tirénire so whįta, fo tokótamo yóló só deró beterapó. Ti noatepae, ai so whį atima Kótóné mo betą betere Naalepaae kisipa tiki tiró bitinireteinépó. <sup>19</sup> Kótóné i haemó betó mole so whįtamo fo tokóló só deratere bete i ape. Kale dętere i haepaae wóló betepatei, dilikipaae hękese duraalu, atima dowi ala hąle du betereteiné witepa, ai dętere hękeseyóló wómipó. <sup>20</sup> Mepaae so whį detamo diliki tuąmó bituraalu, dowi ala hąle yó tareteiné dę tuąpaae waalo hóróló bóe du beterapó. Ti noatepae, atimané dowi ala dęné hąkeamó mulatepa kelaśsóró wituraalupó. <sup>21</sup> Téptei, kale mo fo wosóló, donoi ala du betere so whįta, ti dę tuąpaae wou beterapó. Ti noatepae, atimané du betere alarape Kótóné fotokqratepa yalepóló so whį feané hąkeamó kolópóló du beterapó,” yalepó.

<sup>22</sup> Téró, atima ai fo yóló keme-tepa, Yesu ą ama yó matere whįrapetamo ai Judia hae kwiamó tę mole belekąatiki berapemó mepaae be dęrape bitu, so whį węi tópurótu betalepó. <sup>23</sup> Téró, Jon-nékélé Salim be hulua felekemó ere Aenon haemó beterepó. Aimó węi dekéró fu betereteiné so whį fea węi tópurópóló, ą beterepaae wou betepa, ama atima tópurótu betalepó. <sup>24</sup> Ai alarapeta Herotné Jon ą *dipula* beteraaipa, hąle bituraalu du betalepó. <sup>25</sup> Atýyale sukamó, Kótóné keletómó wisirapó yópóló, naase fokotere alamó Juda fake whįkó betąné mepaae Jonné yó matere whįrapetamo foné u só derąle i só derąle du betalepó. <sup>26</sup> Atéró, Jon-né yó matere whįrape ą beterepaae wóló duraalu, “Yó matere whį-ó, Jordan węi uté tęró yątamo bitu, naao dąpaae kale whį ai ape yóló, yó male whįné so whį fea węi tópurótu betepa, mo turó so whį ą beterepaae fu beterapó,” yalepó.

<sup>27</sup> Ai fo depa ama atimapaae

duraalu, “Me whįné me alakó yópóló ó hepen bemó betere Kótóné menitepa, ti ama kęleaané me ala yaai dapóló, mo enénipó. <sup>28</sup> Ęta, so whį tęteróló kaae tanópóló, sóró beteró betere whį Keriso mei, ą wópóló tų alerąle wale whįpóló, take yąlo diąpaae yale fo diaaątei enérápó. <sup>29</sup> Me whįné betą so hękeseyóló dokotepa, ti ai ama sopó. Ai so dokaaire sekę ama fulumu whįné ą wópóló kaae tawóló beterapó. Térąlemó, kale so dokaaire whį sókó wouraalu dere fo nakome wosetepa, ą doasi hainé sukąalopó. Atére hąjta, mió ę tuąmó mo fąayóló mulapó. <sup>30</sup> Ai so dokaaire whįné ama doita, suka fea sóró horaté fu betaalotei, yąlo doi betą haepaae dua sókó deté doropópóló yae,” yalepó.

<sup>31</sup> “Mo ó taoró dorowale whįné i haemó yó mole ąla ąlaró so whį featamota, amatóró tęteróló bosene falapó. I haemó betere whįné ti i haemó mole ąla ąlamó kisipa mutu, ama dere fokélé i haemó mole fotóró dua dapó. Téptei, ó hepen bemó dorowale whįnéta, fea ala ama tęteróló bosene falapó. <sup>32</sup> Ama kelale alaró wosale fotamo so whįpaae yó mótu beteretei, betą whįnékélé ama yó matere fo wosóló, mo dapóló ąpaae tuę tiki tirótimpó. <sup>33</sup> Téptei, mepaae so whį de Kótóné ama fo wosóló, mo dapóló kisipa tiratepa, ti ai so whįné Kótó ą mo foné bete Talepó du beterapó. <sup>34</sup> Kótóné ama dotonó betere whįnéta, ąpaae yae dere fotóró yó mótu beterapó. Ti noatepae, Kótóné Dęi Kepe ą tuąmó mo turó fąaneteinépó. <sup>35</sup> Alimané Naalemapaae yaala sókó fóló muluraalu, fea ala ama tęteróló kaae tanópóló, ąpaae malepó. <sup>36</sup> Mepaae so whį de Naalemapaae tuę tiki tiró betepa, ti atére so whį aluni, mo ti betó tawaalo ai ape. Téptei, mepaae ą hórótu betere so whįta, mo ti betó tare bete kelaalo meipó. Ai so whįtamo Kótóné doasi fopaae butere ala mulapó,” yalepó.



## 4

*Samaria soné Yesutamo yale fo*

<sup>1</sup> Yesuné ama yó matere so whị beteraairaalu, wẹi tópurótua dere so whịné Jon-né wẹi tópurale so whị bosene falapó dere fo mepaae Farisi whịrapené wosalepó. <sup>2</sup> Atéró, so whị wẹi tópuratere ala Yesuné initei, ama yó matere whịrapené tópurótua yalepó. <sup>3</sup> Ai dere fo mepaae whịné Yesu ọpaae ene wapa woseturaalu, ọ Judia hae kwia taaróló, Kalelipaae momó fesaae felepó.

<sup>4</sup> Téró, ọ ama yó matere whịrape atima fea Kaleli haepaae faairaalu, Samaria hae tuámó tẹyóló fu betalepó. <sup>5</sup> Atéró, ọ ai Samaria hae kwiamó tẹne Saika be huluamó sókó felepó. Ai Saika be hulua felekemó, Jekop-né naalema Josep-mó tekée male hae mulapó. <sup>6</sup> Ai haemó Jekop-né dukjyale wẹi naleta dere tiki erapó. Yesu ọ doasi tumó walené bé depa, ai wẹi belere tikimó ọa nóló beterepó. Até dere alata, ọla nokole topo suka kele 12 kilok-mó yalepó.

<sup>7</sup> Yesu aimó beteremó, betọ Samaria so ọ wẹi naairaalu wapa, ọpaae duraalu, “Naao ai wẹikó ẹ maletamo melaaloé?” yalepó.

<sup>8</sup> Ai alata, Yesuné ama yó matere whịrape ai felekemó tẹne be huluapaae atima naaire ọla dupune fimó du betalepó. <sup>9</sup> Atéró, kale soné ọpaae duraalu, “Yata Juda fake whịpa, ẹ Samaria sopaae wẹi netéró kema du de?” yalepó. Ama ai yale fota, Samaria fakeró Juda faketamo ọla betámó nokole ala ó, fo dere alakélé dumipóló kisipa mutu yalepó.

<sup>10</sup> Ai fo depa Yesuné kale sopaae duraalu, “Kótóné ọpaae hẹle matere ọla naao kisipa yóo, ọtamó i fo du betere whịkélé kisipa yóo irutamó, naao ọpaae ai wẹi wosuásoró ti ama ọamó mo ti betó tare wẹi móluapó,” yalepó.

<sup>11</sup> Ai fo depa kale soné Yesupaae duraalu, “Doa whị-ó, i wẹita hae dolopaae maane doropóo, ọ wẹi naaire wutikélé tawóo inipa, mo ti

betó tawaaire wẹi melaalopó dere-a, momó wapa nóló melaai de? <sup>12</sup> Dọné mió i nuku betere wẹita, mo take dọné noutere Jekop-né dukjyóló, amakélé nukulé wóló, naalemara-penékélé, ama *sipsip* hupuró *bulmakau* hupurapetamonékélé, nuku bitipakalepó. Téyaletai naao ai dere fota, take Jekop-né yale ala naao tẹteróló bosene falapóló de?” yalepó.

<sup>13</sup> Ai fo deremó, Yesuné ọpaae duraalu, “I wẹi nokole so ó whị feata, nokole depa momó nale waalo ai ape. <sup>14</sup> Tépatai, mepaae so whị de ọlo matere wẹi nukupa, momó nokole dere ala mo yaalo meipó. Ita, mo dapó. I haemó mo wẹi sókó horótu dere kaae, ọlo i matere mo ti betó tawaaire wẹi nokole so ó whịné tiki tuámó mo ti betere bete mulu, hẹle só tawaalo ai ape,” yalepó.

<sup>15</sup> Tétepa, kale soné ọpaae duraalu, “Doa whị-ó, ẹ wẹi nokole depa dekeró naleta dere hórapa, naao ai melaalopó dere wẹi mo miótóró ọlae!” yalepó.

<sup>16</sup> Ai fo depa, Yesuné kale sopaae duraalu, “Yọ momó waasepóló, naao whị dape sene fae,” yalepó.

<sup>17-18</sup> Ai fo depa, kale soné ọpaae duraalu, “Ẹta whịné dokonipó,” yalepó. Tétepa, Yesuné duraalu, “Whịné ọ dokonipó dere fota, mo dono deretei, naao ere ala ọlo ọpaae hẹkearóló i dere ape. Take aporó whịrapené ọ dokorapó. Tépatai, mió ọtamó ai betere whịta, naao whị meipó,” yalepó.

<sup>19</sup> Tétepa kale soné duraalu, “Doa whị-ó, mió ọlo ọ kilitu, Kótóné ama fo eratere kóló whịpóló kisipa mutapó. <sup>20</sup> Take dọné ayarape atimata, i daale hasi fosómó moma eneta du bitipakalepó. Téyaletai, Juda fake diąné ọpaae hẹko tikimó moma ini, Jerusalem bemó touróló Tale aomó sukóló bitu, moma yae du beterapó,” yalepó.

<sup>21</sup> Ai fo depa Yesuné ọpaae duraalu, “Ti so-ó, ọlo i dere fo wisiyóló wosóló kisipa tirae. Take waaire

alimó Aya aqomó sukóló bitu, ama doi sóró horatere alata, i daale hasi fosómó ó Jerusalem bemó maaté yaalo meipó. <sup>22</sup> Samaria so whi diata, diaaq tué inire ɔla aqomó sukóló bitu Talené doi sóró horótu beteropó. Tépatéi, Juda fake so whi dāta, mo ti betere Kótó tuéreteiné ɔ aqomó sukóló bitu, mo kée du beteropó. Ti noatepae, so whi fea aluyaqsóró tao sere alata, Juda fake tuamó kaaró beteropó. <sup>23</sup> Take waalopóló bope du betale be de mió sókó wóló i mole ape. Mepaae whi dené mo alaró ama Kepe betetamo ɔ tuamó fāanuraalu, Alima aqomó sukóló bitu, ama doi sóró horótu betaalopó. Atei ala du betere so whipaae Kótóné ama hēkesetu beteropó. <sup>24</sup> Ti Kótó ɔta, mo whiné tiki kaae daani, kepetóró betereiné ama doi sóró horatere so whiné ti mo alaró kepe bete turótamoné sóró horótu betenérápó,” yalepó.

<sup>25</sup> Tétepa, kale soné ɔpaae duraalu, “I haemó betó mole so whi fea tēteróló kaae tanópóló, sóró beteró betere whi Mesaia, me doi Keriso waalopó fota, ɔlo kisiparapó. Ai seké ɔ wouraalu, fea ala ama dāpaae hākeamó yó melaalopó,” yalepó.

<sup>26</sup> Tétepa, Yesuné kale sopaae hākearóló duraalu, “Mió ɔtamó i fo du betere whi ta me kae mei, ɔtóró hīti i ape,” yalepó.

<sup>27</sup> Atimaamo ai fo du betepa, ama yó matere whirape ɔla dupune fi fesaae wouraalu kelalemó, Yesu Samaria sotamo fo du betepa, atima kilita sókó felepó. Atétepa, atimakó betā whinékelé ɔpaae ai sotamo noa ala yaai, ó noa fokó du bitu de? yóló, wosetere alakélé inipó.

<sup>28-29</sup> Téró, kale soné ama wēi wuti aimó mupatei taaróló, ɔ u be huluapaae felepó. Atéró fóló, ai be huluamó betó mole so whipaae duraalu, “Take ɔlo yale alarape fea ɔpaae hākearóló yó matere whi tumó daalapa kelaai ape. ɔta, Kótóné

so whi tēteróló kaae tanópóló, sóró beteró betere whi Keriso du yalepó,” yalepó.

<sup>30-31</sup> Tétepa, ai be hulua so whi atima Yesu beterepaae felepó. Atima ɔ beterepaae sókó waai teó wou betepa, ama yó matere whirapené ɔpaae duraalu, “Yó matere whi-ó, ɔlakó ɔamaletamo nukumié?” yóló ɔsetu betalepó.

<sup>32</sup> Tétepa, Yesuné atimapaee duraalu, “Nokole ɔlata ɔlo i taretei, diaaq kisipanipó,” yalepó.

<sup>33</sup> Ai fo depa, ama yó matere whirape atimasisi duraalu, “Mepaae whiné ɔlakó ɔmó mótu yalepó,” kisipa mualepó.

<sup>34</sup> Atétepa, Yesuné atimapaee duraalu, “E doteyale whiné ama kisipa mole ala sya furaalu, ama kutó ɔlo diraté fóló kemeratepa, ti aita ɔlo nokole ɔlatórótípó. <sup>35</sup> Diaaq etei fo dua dapó. Kutómó ere ɔla fea ɔlumé depa saaire wélié douro betā hāle mulapó du beteropó. Tépatéi, ɔlo diāpaae mo i dere ape. Diaaq kele fisāae horóló, kutópaae kele kele yae! Ténalemó ɔla ɔlumépa, ti saaire alimó ai betere ape. <sup>36</sup> Mió ɔlumére ɔla su betere whiné ama diale kutómó dupu so-ó, mo ti betere bete saaire so whikélé mió ɔla kaae ɔlumépa sóo, du beteropó. Ama ai du betere alata hāle mei, ɔla wae biliyale whiró sere whitamó wusuró hēkese yaairaaalu dapó. <sup>37</sup> Me whiné ɔla wae biliyóo, me whiné ti ɔlumétepa sóo dere ala, i dere foné mo hākearatapó. <sup>38</sup> Mené diyale kutómóte i ɔlumére ɔla sene fópóló, ɔlo diā i dotonateré ape. Mepaae whirape doasi depe tukówei ala yóló diyale kutómó diāta, ɔla maaté sirapó,” yalepó.

*Samaria so whi turó kisipa tiki tirale fo*

<sup>39</sup> Téró, kale soné ama take bitu yale alarape fea Yesuné hākearóló yó malepó, dere fo woseturaalu, ai haemó tēne be huluamó betere Samaria so whi fea ɔpaae kisipa tiki

tiralepó. <sup>40</sup> Atéró, ai Samaria so whi fea Yesu beterepaae wóló, ya d̄atamo imó betaalopa sae yóló s̄etu betalepó. Atétepa, be d̄e tamo a atimatamo aimó betalepó. <sup>41</sup> Tépa, Yesuné ama yó matere fo wose-turaalu, mepaae folosóro tué tiki tirale so wh̄itamo touróló mo turó so wh̄ikélé āpaae kisipa tiralepó.

<sup>42</sup> Atéró, atimané kale sopaae duraalu, “D̄ané āpaae tué tiki tirale alata, naao yale fo wosóló maaté mei, ama yó matere fo d̄anétóro wosóló āpaae tué tiki tiralepó. Ti noatepae, āta i hae kwia feamó betó mole so whi aluyaqsóro, tao saaire wh̄ipóló d̄ané mo diriyóló kisi-parapó,” yalepó.

#### *Yesuné doasi wh̄iné naale kepaar-ale fo*

<sup>43</sup> Atéró, Yesu ā be d̄e tamo ai Samaria so wh̄itamo betóló k̄lipaae, ā Kaleli hae kwiapaae felepó. <sup>44</sup> Taketi Yesuné amatei āmó kisipa mutu etei fo erapó. “Kótóné fo er-atereré k̄ló whi ama turuku be hulua so wh̄iné ama doi sóro horanénipó,” yalepó. <sup>45</sup> Téró, Yesu ā u Kaleli hae kwiamó sókó felemó, Kaleli so wh̄iné ā h̄ekesetamo mo wisiyóló dape salepó. Ti noatepae, take Jerusalem bemó kale bosenóló fele be d̄emó, ɔla deyóló naaire sukamó atimakélé fea bitu, ama mepaae alarape eratepa kelaleteinépó.

<sup>46</sup> Atéró, take Yesuné mo w̄eitei, *wain* w̄ei aleale Kaleli hae kwiamó t̄ene Kana be huluapaae ā momó felepó. Ai bemó beterepó, ai Kaleli hae kwia t̄eteróló kaae tare topo wh̄iné sóro betero betere wh̄iné naalema Kapeneam bemó kisiné sukóló mulapó dere fo wosalepó. <sup>47</sup> Yesu ā Judia hae kwia taaróló, Kaleli hae kwiamó wóló beterepó dere fo kale wh̄iné wosóló, ā Yesu beterepaae wóló, ama naale mo felekemó suk̄ai du beterepa, “Naao wisiraa i faaloé?,” yóló wosetu betalepó.

<sup>48</sup> Ai fo depa, Yesuné āpaae duraalu, “Me ala yaairemó eratereré kelemei alaró mepaae sira yaaire alatamo eratepa maaté kolóló kisipa tiraai de? Dīa ai eratereré kelemei alarape kilini depa, ti dīa kisipa mo tiraalomeipó,” yalepó.

<sup>49</sup> Tétepa, kale sóro betero betere doasi wh̄iné duraalu, “Doa wh̄i-ó, yālo naale sukaqsóro miótitei d̄amo wusuró faalopó,” yalepó.

<sup>50</sup> Ai fo depa, Yesuné āpaae duraalu, “Naao naale sinaalomei, beterepa fae,” yalepó. Tétepa, kale whi Yesuné dere fo wosóló, wisirapóló ā felepó. <sup>51</sup> Atéró, fiyóló h̄ika ā t̄u tuamó fu betalemó, ama kutó diratereré wh̄irape tumó hokolaa yóló, āpaae duraalu, “Naao naale kisi wisiyóló beterepó,” yalepó.

<sup>52</sup> Ai fo depa, kale wh̄iné atimapaee woseturaalu, “Noa sukakelemó ama tiki supu tikaleé?” depa, atimané duraalu, “Mo dótóro 1 *kilok* sukakelemó tukóló mo beterepó,” yalepó.

<sup>53</sup> Ai fo depa, kale naale alimané wosetu, Yesuné āpaae naao naale suk̄alomeipó, yale sukakelemótóro ai wisi irapóló kisipa mualepó. Ai ala kilituraalu, ama soma atimaamokélé, ama naale senaalekélé fea Yesupaae kisipa tiralepó.

<sup>54</sup> Yesu ā Judia hae kwia taaróló, Kaleli hae kwiapaae wóló bitu, ai kelemei alata, tamo dakoróló eralepó.

## 5

#### *Yesuné bet̄a tiki d̄amui whi wisir-ale fo*

<sup>1</sup> Atéró, mepaae be d̄e betero k̄lipaae Juda fakené tukóló muló betere be d̄emó ɔla detepa, Yesu ākélé Jerusalem be huluapaae holalepó. <sup>2</sup> Ai Jerusalem be hulua bopere tipi t̄u sereketa, *sipsip* hupurape fua wua dere t̄upó doi mulapó. Ai t̄u sereke felekemó, bet̄a w̄ei ke belerapó. Hibru wh̄irapene

du betere foné ai wẹi ke doi Bete-satapó. Ai wẹi fókumó bitịta dere so whị supu yaqsóró, be belekaatiki aporó tẹóló bopéroó beterapó. <sup>3</sup> Ai tẹ mole bemó, mepaae kele dilikire so whịkélé, tiki dąamure so whịkélé, hó naase dore so whịkélé, mepaae kae kae kisi bete daale so whịkélé, mo fea ai wẹi ke bopéroó betó molepó. <sup>4</sup> (-) <sup>5</sup> Ai hó naase dore so whị betó mole kuamó, kisi hąle daapatei, 38 ba fo kemere whị betą fiyó molepó. <sup>6</sup> Atéroó fiyó mupa kolóló, Yesuné duraalu, “I whị-a, ere alaé?” depa, whị mené duraalu, “Aąa, taketitei ama ere ala ai ape,” yalepó. Tétepa, Yesuné kale whịpaae woseturaalu, “Yą mo wisiyóló, betenée yóló kisipa mute?” yalepó.

<sup>7</sup> Ai fo depa, kale tiki dąamui whịné duraalu, “Doa whị-ó, ai wẹi asya hotereiteiné ẹ wisirópóló, né beleyóló ai wẹi felekemó beterąle derepaaié? Ẽkélé dua fu betepatei, atima folosóró furaalu ẹ taaróló fua dapó,” yalepó.

<sup>8</sup> Ai fo depa Yesuné duraalu, “Yą turukó holóló, naao beseke sóró fae,” yalepó. <sup>9</sup> Ai fo deretamotóró, kale whịné ama tiki dąamuretei mo ti wisitepa, ama beseke tukóló sóró felepó. Atétere alata, atima sąa naai tukóló muló betere be dẹmó yalepó.

<sup>10</sup> Atétepa, Juda topo whịrapené kale wisirale whịpaae duraalu, “Sąa naai tukóló muló betere be dẹmó ai ala yaqsóró fo mulapó,” yalepó.

<sup>11</sup> Ai fo depa kale whịné duraalu, “Ẽ wisirale whịné ẹpaae naao beseke sóró fae yaletéiné sóró fulapó,” yalepó.

<sup>12</sup> Ai fo depa atimané ẹpaae woseturaalu, “Mé whịné ẹpaae beseke sóró fae yaleé?” yalepó.

<sup>13</sup> Téyaletéi, kale whị wisiróló Yesu ą ai touró betere so whị kuamó, buté buté feleteiné ą wisirale whị kisipanípó.

<sup>14</sup> Atéroó, nalo me sukamó Yesuné ama wisirale whị momatere bemó betepa kolóló, ẹpaae duraalu, “Mió

nao tiki ai wisire kelere? Yą take sale seke bosenóló, doasi sekené yą só deraqsóró, mió naao ai du betere dowi ala mo ti taalae,” yalepó. <sup>15</sup> Téroó, kale whị ą ai moma dere be taaróló, kale Juda topo whịrapepaae Yesuné ą wisiralepóló ene felepó.

*Kale mo ti betere bete Naalema ą tuqmó mulapó yale fo*

<sup>16</sup> Tétepa, kale sąa nokole sukamótei, Yesuné whị wisirateré ala dapóló, Juda topo whịrapené ẹpaae sekei ala eróló só deraai, doasi keteke butu betalepó. <sup>17</sup> Atétepa, Yesuné atimapaee duraalu, “Yąlo Aya ą ama kutó ditere ala taaréni, betere dokọ hąle diyótóró tarapó. Aą atére kaae, ẹkélé hąle bitini, yąlo kutótóró i ditu betere ape,” yalepó. <sup>18</sup> Yesuné ai alarape deremó, Juda topo whịrapené ą só deróló mo ti daairaalu, doasi keteke butu betalepó. Até yaletéita, sąa nokole be dẹ tukóló whị wisirateremó maaté meipó. Ai alatamo touróló Kótótá, ama Ayapó dere foné ą Kótótámo betą ala erapó du betepa ą só deróló daai yalepó.

<sup>19</sup> Téroó, Yesuné atimapaee tokó mótu duraalu, “Yąlo diąpaae mo i dere ape. Naalemané ama kisipanétei, me ala yaai dapóló mo enénipó. Naalemané me kae kisi ala kaaróló dumi, Alimané du betere alatóró kolóló i du betere ape. Ti noatepae, Alimané du betere ala mo betąkélé taaréni, turó Naalemanékélé du beterapó. <sup>20</sup> Ti noatepae, Alimané Naalemapaae yaala sókó furaalu, ama dere ala fea ẹpaae yó mótu beterapó. Ita, mo fo dapó. Mió i dere ala bosenóló nalopaae mo doasi ala eratepa kilitu, diaaq sira yaalopó. <sup>21</sup> Ti noatepae, Alimané sukąle so whị kepaaróló beterótu yale kaae, Naalemanékélé ama melaai tuẹ mutere so whịpaae mo ti betere bete mótu beterapó. <sup>22</sup> Ti ai ala maaté meipó. So whítamo fo tokóló taleyóló só deratere alakélé Alimané



dumitei, Naalemané yóppóló, ama naase tuámó muló betera. <sup>23</sup> Ai ala ereteita, so whi feané Alimané doi sóró horótu dere kaae, Naalemané doikélé sóró horóppóló erapó. Mepaae so whi dené Naalemané doi sóró horénitepa, ti a doteyale seké Alimané doikélé sóró horótimpó.

<sup>24</sup> Yalo diapaae mo i dere ape. Mepaae so whi dené yalo du betere fo wosóo, e doteyale seképaee kisipa tiki tiróo depa, atétere so whi mo ti betere bete sóró tarapó. Atére so whita, fo tokótamo yóló só deréni, sukutere ala tuámó betereitei, tokó sóró mo ti betaaire ala tuámó betero betera. <sup>25</sup> Yalo diapaae mo dapó. Sukale so whinétei Kótó Naalemané dere fo wosaalopó. Mió ai fo wosetu betere so whita mo betaalopó. Take nalo ai ala yaaire be de hale muóo, miókélé ai be de sókó wóló muóo i ere ape. <sup>26</sup> Ti noatepae, mo ti betere bete Alima tuámó moleitei, Naalema tuámó mulóppóló mo taketi meló betera. <sup>27</sup> Ti ata, Whiné Naalema betereiteiné so whitamó fo tokóló tale dere ala yóppóló, Alimané a sóró betero betera.

<sup>28</sup> Yalo i yale fo wosóló, dia kilita sókó furaalu sira yaqse. Ti noatepae, sukale so whi mo feané ama fo nakome woseturaalu, atima mole doumó turukó holaaire be de sókó waalopó. <sup>29</sup> Atétere sukamó wisi ala yale so whi turukó holóló mo betaalopó. Téyaalotei, dowi ala yale so whi atima turukó holaalotei, taleyóló mo ti só deraalo ai ape. <sup>30</sup> Yalo wotoró kisané me ala yaai dapóló mo enénipó. Fo tokóló taleyóló só deraaire alakélé, yalo Ayané ama dere fo sya fóló, mo donotóro taletu betera. Ti noatepae, yalo du betere alata e maaté hekesse yaai dumitei, e doteyale seké a hekesse yóppóló, ama kisipa mole alatóro sya fu betera,” yalepó.

*Yesuné amatei a etei kaae whipó enénipó yale fo*

<sup>31</sup> “Yaloteitamo e etei kaae whipó depa, ti yalo dere fo mo dapóló diaaq wosaalomeipó. <sup>32</sup> Mené yalo dere ala kilituraalu, a etei kaae ala ere whi wisipó du betera. Ama atéro dere fo wosetere whiné mo dapó enére ala yalo mo kisiparapó.

<sup>33</sup> Diñané e deé yóló wosaai dapóló, mepaae whirape Jon beterepaae dotonó betera. Atétepa Jonné kale mo foné bete i ape yóló, diapaae yó meló betera. <sup>34</sup> Ti mo whiné a etei kaae whipó dere fo mo dapóló, yalo wosaai kisipa munipó. Atépatei, Jonné yale ala yalo diapaae i dere beteta, so whi fea aluyaqsóro, Kótóné tao sóppóló dapó. <sup>35</sup> Jon ata, sa derótu dere kaae, so whi tuámó deró beterepó. Ai sa hale deyó tapa, dia ai demó kapala asiri haitamo bitiré fu betalepó.

<sup>36</sup> Jonné ama yó melale fota, ti e tuámó ere alatóro mo dono yó mótu betalepó. Téyaleteti, yalo i ditu betere kutóta, e doteyale seké yalo Ayané ama epaae diyóló kemerae yale kutó dirótu betera. Mió yalo i du betere alarape kolósu, Jonné e bope yóló du betale fo kolósu depa, yalo du betere alané ama du betale fo tetéroló bosene falapó. <sup>37-38</sup> E doteyale seké yalo Ayanékélé, e etei kaae whipóló hakearóló yó mótu betera. Tétu betepatei, diaaq epaae kisipa tirénire betené ama dere fo diaaq wosóo, ama tikikélé diñané kolóo, ama fokélé diaaq hosaa tuámó muóo inipó. <sup>39-40</sup> Diaaq kisanéta, kale asémó yóló muló betere fo dosayóló kisipa sóró, mo ti betere bete saalopó du betera. Ti asémó i ere fo feanéta, e etei kaae whipóló yó matapó. Atépatei, dia e beterepaae mo ti betaaire bete sene wale hórótu betera.

<sup>41</sup> Mo so whiné hale foné maaté yalo doi sóró horótu betepa, mo dapóló yalo wosenénipó. <sup>42</sup> Tépatei, yalo dia diriyóló tuérapó. Diaaq Kótópaee yaala sókó fóló, hekesené

sukutere ala diñé hosaa tuámó muniretei, yało mo tuérápó. <sup>43</sup> Èta, yało Aya Kótó ą etei seké beterapóló diñé kisipa yópóló, yó melaai ama ę dotonatepa waleteti, diaaę ę wisiyóló dape sinipó. Atépatei, mepaae whi detamo ama kọleané wóló bitu, ą etei kaae whipó depa, ti diñé ą mo wisiyóló dape senérápó. <sup>44</sup> Mo betą betere Kótóné diaaę du betere ala kolóló, dukiraterere fọ wosaai ketekę buni yóo, diaaęte dią dukiraterere ala yóo, du betereteiné ępaee netéro tué tiki tiraaloé?

<sup>45</sup> Yało Ayané keletómó diñé i dowi yalepóló haķearóló só deraterere alata, yało yaaitere nisi yaęse. Dią tao saalopó du betale whi Moses-nétóro dią só deraalopó. <sup>46</sup> Diñétamo Moses-né asęre fọ wosóló, mopóló kisipa tirólugaşóro, ti mió yało dere fokélé mo dapóló kisipa tirólugaşó. Ti noatepae, ama ai asęre fota, ęmótóro kisipa muturaalu erapó. <sup>47</sup> Tépatei, ama asęre fọ diaaę dosąayóló mopóló tué tiki tiréni depa, ti yało du betere fokélé netéro wosóló, kisipa tiraaloé?” yalepó.

## 6

*Yesuné 5,000 whi ęla melale fo*  
(*Mat 14:13-21, Mak 6:30-44, Luk 9:10-17*)

<sup>1</sup> Atéro mepaae be dęrape kemetepa, nalo Yesu ą Kaleli węi uté fókuro tę felepó. Ai węi kęlané doi meta, Taiberius-pó. <sup>2</sup> Yesu ą atéro fóló berteremó, mepaae kisi daae mole so whi wisiraterere kelemei alarape kelaletiné so whi mo feané ą sya wou betalepó. <sup>3</sup> Atéro, Yesu ą betą du sokore aępaee hololó, ama yó matere whirape atima fea betámó berterepó. <sup>4</sup> Atéyale alata kale bosenyóló fele be dęmó, Juda fake whirapené ęla detere ala felekemó sókó waai deremó yalepó.

<sup>5</sup> Atéro, Yesuné ama kelalemó, so whi mo hałe ęla kaae, ą berterepaae wou betepa Filip-paae duraalu, “Doa i so whi naaire *bred* okó momó dupu

yaaloé?” yalepó. <sup>6</sup> Yesuné Filip-paae atéro wosale fota, ama yaaire ala tuérutei, Filip-né noa fokó déró ą kęae kolóló su suraalu yalepó.

<sup>7</sup> Ai fo depa, Filip-né Yesupaae duraalu, “200 *silpa moni*-né dupu dere *bred* o i betó mole so whi fea sumó naalomei, sawa téti nenérápó,” yalepó.

<sup>8-9</sup> Tétepa, Yesuné ama yó matere whikó ama doi Saimon Pitané noma Andruné Yesupaae duraalu, “I betere naalené betą *bali* o bula aporó yóo, ya beleķamale tamo yóo, yóló i tare ape. Téreteiné doa i betó mole so whi fea anéli ęlané súnere?” yalepó.

<sup>10</sup> Atétepa, Yesuné atimapaee duraaalu, “Ai so whi ne tómó berterópóló yae,” depa, atima betalepó. Ai tuámó betere naale senaaleró sorapetamo dosąani, whirape maaté dosąayóló touróturaalu, 5,000-rópó.

<sup>11</sup> Atéro, Yesuné kale *bali* o bularape fea sóro taruraalu, Talepaae mo kée yóló terekée daalu yóló, so whimó ęliralepó. Ya tamokélé *bred* o yale kaaetóro yóló ęliratepa, atima fea mo sumó nalepó.

<sup>12</sup> Atéro sętepa, ama yó matere whirapepaae duraalu, “Muni fele buki ęla hałe beseké yaęsóropa, fea daseté kweyae,” yalepó. <sup>13</sup> Atéro nale aporó *bred* o bulanétei, buki muni fupa daseté kweyóló, 12 yorape deyóló faanalopó.

<sup>14</sup> Ai betó mole so whiné Yesuné atei kaae kelemei ala eratepa kolóló duraalu, “I whita, i haepaae waalopóló take bopetu betale Kótóné kóló whi ątóro hti irurapó,” du betalepó. <sup>15</sup> Atéro, ai so whiné Yesupaae woseni, atima kọleanétei ą doasi topo whi sóro beteraai kisipa mualepó. Atima atéro mutere kisipa tiki bete Yesuné kilitu atima taaróló, ą ama wotoró betą du sorokore tikipaae momó bitį holalepó.

*Yesu węi tómó daaté wale fo*  
(*Mat 14:22-33, Mak 6:45-52*)

<sup>16</sup> Téro, atéyale sukamó kuluka be dikité dorowaletamo Yesuné

yó matere wh̄irape atima maaté Kaleli w̄ei fókupaae derepelepó. <sup>17</sup> Atéró, aimó atima Yesu ą kaae tawóló daapatei be diki yalepó. Atétepa, kale wh̄irape atima w̄ei nukupaae bit̄i holóló, Kapeneam be huluapaae faairaalu, ai w̄ei k̄ela tuąmó tukóló fu betalepó. <sup>18</sup> Atéró fu betalemó, doakale bes̄é tiki wouraalu, doasi w̄ei asya walepó. <sup>19</sup> Até depatei, atima 5 ó 6 *kilomita* d̄alemó nuku įté fu bitu kelalemó, atima nukutamo wou betepa, Yesu ą hokolaa yaairaalu, w̄ei tómó daaté wou betalepó. Atétepa kilitu, atima doasi winé suk̄alepó. <sup>20</sup> Tétepa, Yesuné atimapaae duraalu, “Ita ępa, dią wiyaaęse,” yalepó. <sup>21</sup> Tétepa, kale wh̄irape atima witere ala taaróló, halaainé Yesu dape sóró, nuku tuąpaae beteraai kisipa mualepó. Atéró dape sóró, atima faaire w̄ei fókú feleke inipatei, utéró hapale t̄etitóró sókó felepó.

<sup>22</sup> Atéró, Yesuné ama yó matere wh̄irape atima fi tikimó, ai w̄ei fókumó betó mupa fele so wh̄i atima fiyóló, h̄ika turukó huturaalu etei kisipa mualepó. Imó mole betą nukumóta Yesu bitini, ama yó matere wh̄irape maaté betóló felepó du betalepó. <sup>23</sup> Atéró, Taiberius beró wale wh̄irape mepaae atimané nukutamo, take Talené mo k̄ee yóló, ęla ąliyóló nuku betale tikimó sókó walepó. <sup>24</sup> Atéró, ai sukamótóróti mepaae wh̄irapekélé, kale nukutamo wale wh̄irapetamoné Yesuró ama yó matere wh̄irapetamo kek̄alemó kilinitepa, Kapeneam be huluapaae kek̄ai dapóló, atima nukupaae bit̄i holóló felepó.

*Yesu ąta, mo ti betere bred opó yale fo*

<sup>25</sup> Atéró, kale so wh̄iné Yesu kekitu beteró, w̄ei fókú uté t̄eró betepa kolóló ąpaae duraalu, “Yó matere wh̄i-ó, yą ipaae met̄eli waleé?” yalepó.

<sup>26</sup> Ai fo depa, Yesuné atimapaae duraalu, “Yąlo diąpaae mo i dere ape.

Diaaę ę kekitu betere beteta, sira yaaire kelemei alarape eraleteimó kisipa mutu, ę kekitu betere? Mo meipó. Kale *bred* o s̄umó naleteiné diaaę ę ai keketé kutu betere ape. <sup>27</sup> I haemó nokole mo ęlata, ti doyóló aluyaalopó. Atéyaaire ęlamótei, dią depe tukówei ala du betaęse. Mo ti betaaire ęlata, kale wh̄iné Naalemané diąmó melaalopa, ai ęla mo ketekę buóló haįtamo sae. Atei ęla melaaire wh̄ita, Alima Kótóné fopeyóló ątóró wisirapóló siriróló, beteró beterapó,” yalepó.

<sup>28</sup> Ai fo depa, atimané ąpaae wose-turaalu, “Kótóné ama d̄apaae dirae dere kutó-a, noaé?” yalepó.

<sup>29</sup> Tétepa, Yesuné duraalu, “Kótóné ama dirae dere kutóta i ape. Kótóné ama dotonó betere wh̄i betąpaae kisipa tiki tiróló betae,” yalepó.

<sup>30</sup> Ai fo depa, atimané ąpaae duraalu, “Talené eratapóló d̄ané kisipa tirópoló, naao noa kelemei alakó er-aaloé? <sup>31</sup> Mo take d̄ané noutererape atima h̄ale kópu k̄aae fi haemó kuturaalu, *mana* o betą nópóló ó hepen bemó derótua ipakalepóló, ašemó yóló muló beterapó,” yalepó.

<sup>32</sup> Tétepa, Yesuné atimapaae duraalu, “Diąpaae yąlo mo i dere ape. Hepen bemó derótua yale *bred* ota Moses-né menitei, yąlo Ayané betą ó hepen bemó deratere mo bete mole *bred* o diąmó mótu beterapó. <sup>33</sup> Ti Kótóné ai mótu betere mo bete mole ota ó hepen be taaróló dorowóló, i haemó betó mole so wh̄imó mo ti betere bete matere wh̄ita, ętórótipó,” yalepó.

<sup>34</sup> Ai fo depa, atimané ąpaae duraalu, “Doa wh̄i-ó, naao ai bope dere ota, mo miótóró kaae sóró d̄amó melaasepé,” yalepó.

<sup>35</sup> Ai fo depa, Yesuné atimapaae h̄akearóló duraalu, “Mo ti betere bete mole ota ętórótipó. Mepaae so wh̄i de ę beterepaae wapa, ai so wh̄i wotekélé mo yaalomeipó. Mepaae so wh̄i de ępaae kisipa tiki tiratepa, ti ai so wh̄i w̄ei nokole dere ala mo sawakélé yaalomeipó.

<sup>36</sup> Take yało diɓpaae yale fo kaae, momó i dere ape. Ɛ wale ala diaaq kelaletei, ɛpaae kisipa tiki tiratere ala dumipó. <sup>37</sup> Yało Ayané ɛpaae matere so wh̄i feata, ti ɛ beterepaae wou betaalopó. Mepaae so wh̄i detamo ɛ beterepaae wapa, ti yało atima fae yóló h̄okonatere alakélé mo yaalomeipó. <sup>38</sup> Ti noatepae, ɛ ó hepen be taaróló i haepaae dorowaleteita, yało kisipa mole ala yaai dapóló anipó. Téni, ɛ dotɛyale wh̄iné ama kisipa mole alatóro er-airaalu woló i betere ape. <sup>39</sup> Yało Aya ɛ dotɛyale sekéné ama kisipa mole alata ipó. Ama ɛpaae melale so wh̄i mo betəkélé yało aluréni, take kemetere sukamó atima fea kepaayóló mo ti beterópóló kisipa mutu ɛ dotonalepó. <sup>40</sup> Ti yało Ayané ama kisipa mole alata ipó. So wh̄i de ama Naalemané dere ala kolóló ɓpaae kisipa tiki tiratapa, ti atétere so wh̄i mo ti betótóro tawaalopó. Ai so wh̄ita, take kemetere sukamó yało kepaaróló beteraalo ai ape,” yalepó.

<sup>41</sup> Ai fo deremó kale Juda fake so wh̄iné duraalu, “Aɓa, ó hepen be taaróló dorowale *bred* opó du betere fo-a, noa betené dérópóló,” atima dei tuɛ mutu, ɓ faletu betalepó. <sup>42</sup> Kale dere kaae atimasisitei duraalu, “I sekéta, kale Josep-né naalema Yesu h̄iti meié? Ama hamaró alimata-mota, ɗané tuɛrapó. Tépateti, ɓ ó hepen beró dorowalepó du betere fota, noa betené dérópó,” yalepó.

<sup>43</sup> Atétepa, Yesuné atimapaee duraalu, “Diɓsisitei dei tuɛ muóló kɛlaarótu betere fo taalae. <sup>44</sup> Wh̄i me de ɛ beterepaae ama kɔleaané wonénipó. Yało Aya ɛ dotɛyale sekéné amatei ɛ beterepaae ɓlisóro wapa, ti wonérapó. Ai so wh̄ita, take kemetere sukamó yało kepaaróló mo ti beteraalo ai ape. <sup>45</sup> Mo take betale Kótóné kóló wh̄irapené ašemó i fo erapó.

‘Kótóné ama so wh̄i yó mótu betepa, ti atima fea tuɛ yaalo ai ape.’  
Yało Ayané dere fo wosóló, kisipa sere so wh̄ita, ti ɛ beterepaae wua

du beteraapó. <sup>46</sup> Mo wh̄i betɓnékélé Kótó kilinitei, kale Alimatamo betóló wale Naalené betɓ ti Alima kolóló kisiparapó. <sup>47</sup> Yało diɓpaae mo i dere ape. Wh̄i me detamo ɛpaae kisipa tiki tiró betepa, ti ai wh̄iné mo ti betó tare bete sóro tarapó. <sup>48-49</sup> Ti noatepae, mo ti betere bete bole ota ɛtórótipó. Mo take betale diaaq noutererape atima h̄ale kópu kɔae fi tikimó kuturaalu, Kótóné ó hepen bemó deratere *mana* o maaté nukua ipakalepó. Tétua yaleteti, atima bitini sukutua erapó. <sup>50</sup> Atéyaleteti, ó hepen bemó dorowale betere bete bole *bred* ota i mole ape. Ai o nokole so wh̄i sukókélé mo yaalomeipó. <sup>51</sup> Ó hepen bemó dorowale mo ti betere *bred* ota, ti ɛtórótipó. Wh̄i me de i o sóro nukupa, ai so wh̄i mo ti betó tawaalopó. I ota, haemó betó mole so wh̄i mo ti beterópóló, matere yało tiki mipó,” yalepó.

<sup>52</sup> Ai fo depa, kale Juda fake so wh̄i atimasisitei fo kɛlaaróló duraalu, “Haió, i wh̄iné ama tikitei ɗɓpaae naasepé dere fo-a, netéro n̄póló melaai dérópó,” yalepó.

<sup>53</sup> Tétepa, Yesuné atimapaee duraalu, “Yało diɓpaae mo i dere ape. Kale Wh̄iné Naalemané ama tiki miró fɔketamo nénitepa, ti atétere so wh̄i tuɓmó mo ti betere bete muni ai ape. <sup>54</sup> Mepaae so wh̄i dené yało tiki miró fɔketamo nukupa, ti ai so wh̄iné mo ti betó tare bete sóro tarapó. Ai so wh̄ita, take kemetere sukamó yało kepaaróló beteraalopó. <sup>55</sup> Ti noatepae, yało tikita ti nokole mo bete mole ɓla yóo, yało fɔkekélé nokole mo bete mole wɛi yóo erapó. <sup>56</sup> Mepaae so wh̄i dené yało tiki miró fɔketamo nukupa, ti atétere so wh̄i ɛ tuɓmó betóo, ɛ ai so wh̄i tuɓmó betóo, erapó. <sup>57</sup> Mo ti betere seké yało Ayané ɛ dotonatepa walepó. Ɛ betere betekélé ti yało Aya ɓtórótipó. Atére kaae, mepaae so wh̄i dené ɛ nokole ɓlapóló nuku betepa, ti betere bete ɛ ereteiné ai so wh̄i atimakélé h̄ale betó tawaalopó.



<sup>58</sup> Ó hepen bemó dorowale *bred* ota, ti ẹ i ape. Mo take betale diaaḡ noutererape atimata, ó hepen bemó derótua yale *mana* o nukua yaleteti, atima fea sukālepó. Tépatei, mepaae i o nokole so wh̄ta, mo ti betó tawaalopó,” yalepó. <sup>59</sup> I fota, Yesuné u Kapeneam-mó t̄ene fo wosetere be tuamó yó mótu betalepó.

### *Mepaae wh̄rape Yesu taaróló fele fo*

<sup>60</sup> Ama yó matere wh̄rape mepaaené ai yale fo wosóló, atimasisi k̄laaróló duraalu, “Ama ai yó matere wh̄ fota felékélé inipa, né wosaaloé?,” yalepó.

<sup>61</sup> Yesuné ai yó matere fo ama yó matere wh̄rapené wosaalo meipóló k̄laarótu betepa, Yesuné ama kisipa yóló atimapaee duraalu, “Ȳlo i yó matere fo diaaḡ wosóló felénipa, ẹtamo dei tué mute? <sup>62</sup> Kale Wh̄iné Naalema ẹ take betale tikipaae momó fesaae hotepa kilitu, diaaḡ noa kisipa muaaloé? <sup>63</sup> Wh̄iné mo tó tikita, doasi bete munitei, D̄ei Kepe Wisiné bet̄a mo ti betaaire bete mótu beterapó. Ȳlo dīpaae yó matere fota, D̄ei Kepe ẹanuraalu, mo ti betere bete mótu beterapó. <sup>64</sup> Tépatei, dī mepaae kisipa tiki tirénire wh̄rapekélé ai betere ape,” yalepó. Yesuné atéró yale fota, ẹpaae tué tiki tirénire wh̄raperó ẹ d̄ópóló eleké deyaaire wh̄tamo take kaae sale sukamóte, ama kisipa yalepó. <sup>65</sup> Téró, Yesuné ama yale fo kemeni, h̄le yótóro taru duraalu, “Ȳlo take dīpaae yale fo i ape. Mepaae so wh̄ de atima k̄leaanéte, ẹ beterepaae waai dapóló wonénipó. Ȳlo Ayané ẹ beterepaae ẹlisóro wapa, ti wonérápó,” yalepó.

<sup>66</sup> Ai sukamó kaae sóro, Yesuné yó matere wh̄rape mepaae ẹ sya fole ala taaralepó.

<sup>67-68</sup> Atétepa, ama yó matere 12 wh̄rapepaae duraalu, “Diaaḡkélé ẹ taaróló faai kisipa mute?” depa, Saimon Pitané ẹpaae duraalu, “Tale-ó, d̄a me de beterepaaemo faaloé?

Mo ti betaaire fota, ȳ tuamó ai mole ape. <sup>69</sup> Ȳta, Kótóné ama fopeyóló kae beteró betere wh̄ wisinaalepóló, d̄ané ẹpaae tué tiki tiró beterapó,” yalepó.

<sup>70</sup> Ai fo depa, Yesuné atimapaee tokó mótu duraalu, “Dī 12 wh̄rapeta, ȳlotei sorokó sóro kae beteró beterapó. Tépatei, bet̄a wh̄ tūpaae dowi kepe doropóló ai betere ape!” yalepó. <sup>71</sup> Ama ai yale fota, Iskariot be wh̄kó Saimon naalema Judas-mó kisipa muturaalu yalepó. Ti Judas ẹkélé 12 wh̄rapekó ama yó matere wh̄te, ẹ d̄ópóló eleké deyaaire seképó.

## 7

### *Yesu ọla deterepaae fele fo*

<sup>1</sup> Ai alarape yóló kemetepa, Yesu ẹ Judia hae kwiamó betó mole Juda fake wh̄rapené ẹ daai du betepa, Judia hae kwiapaae feni, Kaleli hae tuamóte kutu betalepó. <sup>2-3</sup> Tépatei, Juda fake wh̄rapené furu berapemó ọla deyaai tukóló muló betere be d̄e felekemó sókó waai depa, Yesuné ama nomarapené ẹpaae duraalu, “Ȳ ai betere be hulua taaróló, naao yó matere wh̄rapené naao erótu betere kelemei alarape kolópóló, ȳ Judia hae kwiapaae fumié yóló s̄etu betalepó. <sup>4</sup> Ti noatepae, bet̄a doi mole wh̄ betaai depa, ti ama dere ala kiki-iti kinóló ini, so wh̄ feané kolópóló h̄keamó enérápó. Atépa, ti naao ai du betere alarape i haemó betó mole so wh̄ feané kolópóló h̄kearae,” yalepó. <sup>5</sup> Ti ama nomarapené ai yale fota, atimakélé ẹpaae kisipa tiréni irutei yalepó.

<sup>6</sup> Ai fo depa, Yesuné atimapaee duraalu, “Diaaḡ yaaitere alata, h̄le h̄ko sukamó deté fenérápó. Tépatei, ẹ ai ọla deterepaae faai tukóló muló betere mo dono be d̄e sókó waai teórapó. <sup>7</sup> I haemó betó mole so wh̄ feané dī h̄róló b̄e dele ala enénipó. Tépatei, ẹ h̄róló b̄e dele ala suka fea h̄le yó tarapó. Ti noatepae, atimané du betere

dowi ala bete yało haķearóló yó materemó, ętamo dei tuę muturaalu dapó. <sup>8</sup> Ęta, ai ęła deterepaae faalomeipa, dią maaté holae. Ti noatepae, ę yało yaaire ala teóreteiné beterapó,” yalepó. <sup>9</sup> Ama atimapaee ai fo yóló, ą Kaleli hae kwiamó sawa kaae tawóló beterepó.

<sup>10</sup> Téyaleteti, ama nomarape atima ęła deterepaae fitikimó, nalo ąkélé Jerusalem be huluapaae holaletei, so whinė ą kelaqsóro haķeamó feni, kikiti sókó fóló beterepó. <sup>11</sup> Atéro, kale ęła detere tikimó atima Juda topo whırapené ą wóló beterémóló keķalemó bitinipa atimasisi duraalu, “Kale whı momó beterérópó?” yalepó.

<sup>12</sup> Ai ęła detere tikimó touró betere mepaae so whı atimasisi kikiti deté furaalu, “Ąta, mo whı wisipó,” depa, mepaae so whinė duraalu, “Meipó. Ąta, so whı fea dilikóló kapala ala yó mótu betere whıpó,” yalepó. <sup>13</sup> Téyaleteti, atima Juda topo whırape kolóló wituraalu, mo whı betanékélé mepaae forape haķeamó inipó.

*Yesu ą atimané ęła detere tikimó daalu yó melale fo*

<sup>14</sup> Atéro, kale ęła detere be deę sókó waai mepaae be deę hałe mupa, Yesu ą momatere be tipi bolaa tuąpaae holóló, kale fo kaae sóro yó mótu betalepó. <sup>15</sup> Ama atéro yó matere fomó, kale Juda topo whırape atima kilita sókó fu, sirayóló duraalu, “I whinė atei kaae fosó fosó yóló yó mótu betere fo-a, ą *skul*-paaekélé fenitei, momó kisipa sóro du bitu dérópó,” yalepó.

<sup>16</sup> Ai fo depa, Yesuné atimapaee duraalu, “Yało i yó matere fota, yałotei kekeme nóló dumi, ę dotęyale sekéné yae yale fotóro du beterapó. <sup>17</sup> Mepaae whınétamo Kótóné kisipa mole ala sya fóló, ama ala eraai kisipa mutepa, ti yało i yó matere fo Kótóné ama kisipa mole ala sya fóló dépé, yałotei kekeme nóló déró, ai whinė amatei kaae kolóló talenérápó. <sup>18</sup> Me whinė

ama tuęnétei kekeme nóló yó mótu betepa, ti ama doi doasi muópóló du beterapó. Tépateti, me whınétamo ą dotęyale sekéné doi doasi muópóló ama ala eratepa, ti atétere whı tuámó mo alatóro mulu, kapala ala mo sawakélé munipó. <sup>19</sup> Take kale tukóló muló betere fo Moses-né diąpaae menénié? Téyaleteti, diąkó betą whınékélé ai tukóló muló betere fo sya feni, tikitua dapó. Atérapa, diąné ę noatepa daai du bitu de?” yalepó.

<sup>20</sup> Ai touró betere so whinė ąpaae duraalu, “Ya tuámóta, dowi kepe tepeyóló ai faanapa, ya né daai du betepa de?” yalepó.

<sup>21</sup> Ai fo depa Yesuné atimapaee duraalu, “Yało betą kelemei ala eraleteimó diaaę ai siratu betere ape. <sup>22</sup> Tétu betteretei, diaaę tiki sekaę tukóló sirirótu betere alata, Moses-né amatóro kaae sóro inipó. Ténitei, mo take diaaę nouter-erapené du betale ala sya furaalu, sęa naai tukóló mulale be demótei, mió diąné naalerapekélé tiki sekaę ai tikitua betere ape. <sup>23</sup> Tépateti, Moses-né yóló muló betere fo diaaę tikaalo meipóló kisipa mutu, sęa naai tukóló muló betere be demótei, diaaę naalerape tiki sekaę ai tikitua betere ape. Térapa, ai sęa nokole be demótóro, whinė tiki turó yało wisirateremó, diąné ętamo noatepa fopaae butu de? <sup>24</sup> Diaaę tómó mole ala kolóló ę só derótu betere fo mo taalae. Mo bete mole ala donotóro taleyae,” yalepó.

<sup>25</sup> Ama ai fo depa wosóló, mepaae Jerusalem be huluamó betó mole so whinė duraalu, “Juda topo whırapené daai du betere whı ątóro hıti meié? <sup>26</sup> Mió ą so whı feané keletómó daalu, ama fo haķeamó yó mótu betepatei, atimané ąpaae me fokélé dumipó. Ti Yesu ąta, so whı fea tęteróló kaae tanópóló, Kótóné sóro beteró betere whı Kerisopóló, Juda topo whırapené kisiparu demólópó? <sup>27</sup> Dąnéta, ai

whi wale turuku be kisiparapó. Atépatéi, so whi teteróló kaae tare whi Keriso a wale sukamó, mo betá whinékélé ama turuku be kisipa yaalo meipó,” yalepó. <sup>28</sup> Atéro Yesu a moma dere be belamó daalu, fo hale yótóro mótu bitu fo fakeyóló duraalu, “E wale turuku bekélé ekélé, diaa a kolóló kisiparapó dere fota, mo ai dere ape. Tépatéi e i wóló betereitei yalo koleané ani, Ayané e dotonatepa walepó. Aa, mo alatóro yó tare seké betepatei, diané a kolóló kisipanipó. <sup>29</sup> Ténitei, eta atamo betamó betóló ama e dotonatepa waleiteiné yalo a mo kisiparapó,” yalepó.

<sup>30</sup> Ama ai fo deremó, atimané a tawóló *dipula* beteraai yaletéi, whi betanékélé a tane fenipó. Ti noatepae, apaae ai ala eraaire be de sókó waai teópa yalepó. <sup>31</sup> Aimó touró betere so whi atima ai fo du betepatei, mepaae kisipa tiró betere so whiné duraalu, “So whi fea teteróló kaae tanópóló, Kótóné dotonaalopó ere whi wale sukamó Kótóné dapó yópóló, i sekéné eratere kelemei alarape fea bosenóló, me noa kaae doasi ala eraaloé?” yalepó.

<sup>32</sup> Aimó touró betere so whiné Yesuné du betere alamó, atimasisi kikiti du betepa, Farisi whirapené wosalepó. Atétepa, so whimó Talepaae momaraterere topo whiraperó Farisi whirapetamoné momatere be kaae tare diki tare whirapené Yesu tawóló *dipula* beterópóló doteyalepó.

<sup>33</sup> Atétepa, Yesuné atimapaae duraalu, “Eta falo sukamó bitini, mo sawa sukamó maaté diatamo betóló, e doteyale seké yalo Aya beterepaae momó fesaae faalopó. <sup>34</sup> E diaa kekatalotei, kelaalo meipó. E fóló betere tikipaae diá wókélé mo yaalo meipó,” yalepó.

<sup>35</sup> Ama ai dere fo wosóló, kale Juda topo whirape atimasisitei, fo kelaaróló duraalu, “Ai whiné a kekóta yaalotei kelaalo meipó, a fole tikipaae diá wókélé yaalo meipó, du

betere fota, mopaae faai dérópó? Da Juda fake whirape Krik fo bole be huluapaae dapo dapo yóló betere so whipaae fo yó male faairaaalu démólópó. <sup>36</sup> Ama du, ‘Diaa a kekatalotei kelaalo meipó, a fóló betere tikipaae diá wókélé yaalo meipó,’ du betere-a, noa fo betené dérópó?” yalepó.

<sup>37</sup> Ola deté wóló kemerótu mo doasi ola deyale sukamó, Yesu a turukó holóló fo fakeyóló duraalu, “Mepaae so whi detamo wei nokole depa, ti e beterepaae nale wópóló yae. <sup>38</sup> Kale asere fo tuamó Kótóné i fo erapó. So whi tuamó mo ti betó tare wei faturaaalu, feleyóló faalo ai ape ere fo mo dokonóló, mepaae whi detamo epaae kisipa tiki tiratepa, ti ai so whi tuapaae mo eraalopó,” yalepó. <sup>39</sup> Yesuné ama ai yale fo beteta, take a hepen-paae furaalu, Dei Kepe Wisi apaae kisipa tiratere so whimó matepa saalopóló kisipa mutu ai fo yalepó. Aita, ama doasi doi saaire be de teópa kaae taruraalu, ai fo yale sukamó kale Dei Kepe hapale menipó.

<sup>40</sup> Ama ai dere fo wosóló mepaae so whiné duraalu, “Kótóné koló whi waalopóló bopetu betaletéi, me kae mei atóro mo hitipó,” du betalepó.

<sup>41</sup> Ai fo depa, mepaae so whiné duraalu, “Aa, so whi fea teteróló kaae tanópóló, Kótóné sóro betero betere whi Keriso hitipó,” Tétepa mepaae so whiné duraalu, “Meipó. Keriso a Kaleli haemó netéro waalopóló de?” du betalepó. <sup>42</sup> “So whi teteróló kaae tare whi Keriso aa, Take Depitné ama turuku be Betelehem-mó ama deté fele naale tuamó sókó waalopóló asemó inié?” yalepó. <sup>43</sup> Ai fo depa woseturaalu, Yesu a derópóló ai so whi atima fea betá kisipa muni, kisipa kae kae mutu betalepó. <sup>44</sup> Téturaalu, mepaae whiné a tawóló *dipula* beteraai kisipa muateitei, whi betanékélé a tane fenipó.

*Juda topo whirapené Yesupaae kisipa tiki tiréni yale fo*

<sup>45</sup> Ai alarape yóló kemeróturaalu, kale momatere be kaae tare diki tare wh̄irape atima Yesu tawóló *dipula* beteraai dapóló feletei, momó fesaae walepó. Atétepa, mo so wh̄imó Talepaae momaratere doasi topo wh̄iraperó Farisi wh̄irapetamoné atimapaae duraalu, “Ai wh̄i-a, dapesó wale noatepa taaróló waleé?” yalepó.

<sup>46</sup> Ai fo depa, kale diki tare wh̄irapené atimapaae teraae faróló duraalu, “Mo take betale alimó bet̄a wh̄inékelé, mió i wh̄iné dere fo kaae depa mo wosenipó,” yalepó.

<sup>47</sup> Ai fo depa, kale Farisi wh̄irapené duraalu, “Aita, dīakélé dilikituraalu yalepa kelae! <sup>48</sup> D̄akó i betó mole momaratere topo wh̄iraperó Farisi wh̄irapetamo mo bet̄akélé ̄apaae kisipa tiki tiró beterekó diaā kelere? Mo meipó. <sup>49</sup> Tépat̄ei, i betó mole so wh̄i Moses-né as̄ere fo dos̄ayóló tūeni, h̄ale h̄oko betó mupa, ti Kótóné atima doróló mokoraalopó,” yalepó.

<sup>50-51</sup> Ai fo depa, take Yesu beterepaae fele Farisi wh̄ikó ama doi Nikodimas-né mepaae Farisi wh̄irapepaae duraalu, “D̄ané tukóló muló betere fo sya furaalu, me wh̄iné ama i alarape yalepó dere fo wosenipatei, h̄ale h̄oko só derótua de?” yalepó.

<sup>52</sup> Atétepa, atimané Nikodimas-paae duraalu, “Ȳakélé Kaleli wh̄ié? Kótóné k̄óló wh̄ita, Kaleli hae kwiamó waalopó fo inipó. Ai fokó as̄emó muléro kelaasepóló dos̄ayaae,” yalepó.

<sup>53</sup> Atéro, ai tourale so wh̄i atimané be séle sélepaae dapo dapo yóló felepó.

## 8

*So bet̄a wh̄i metamo daaneta du betepa, dapesó wale fo*

<sup>1-2</sup> Atéro fi tikimó, Yesu ̄a Olip du sorokó molepaae fini holalepó. Atéro fiyóló, be d̄etepa mo h̄ikati ̄a momatere be tip̄i bolaa tūapaae

momó fóló daalemó, so wh̄i fea wóló ̄a bopéro betepa, bit̄i doropóló atimapaae fo yó mótu betalepó. <sup>3</sup> Atéro yó mótu betalemó, kale tukóló muló betere fo yó matere wh̄iraperó Farisi wh̄irapetamoné bet̄a so nópu nuku betepa kolóló dapesó wóló, ai touró betere so wh̄i tūamó daalalepó. <sup>4</sup> Atéro daaló bitu Yesupaae duraalu, “Yó matere wh̄i-ó, i sota nópu nuku betepa kolóló dapesó walepó. <sup>5</sup> Atei ala dere sorapeta, kapo duné siróló dae yóló Moses-né as̄emó erapó. Atérapa, naao me fokó enére?” yalepó. <sup>6</sup> Atimané ̄apaae atéro wosale fota h̄ale inipó. ̄a só deraairaalu, atimasisi fo deyóló ̄a s̄u su ai fo yalepó.

Tétepa, ̄a hemée deyóló bitu, naase doūné haemó as̄etu betalepó. <sup>7-8</sup> Atéro atimané ̄apaae wosetere fo dekéro yó tapa, ̄a hemée taretei donone holóló duraalu, “Dīakó dowi ala mo bet̄akélé initere wh̄i betepata, ti ai wh̄inépi ̄a kapo duné siróló d̄ópóló yae,” yalepó. Ai fo yóló, ̄a momó hemée deyóló haemó as̄etu betalepó.

<sup>9</sup> Ama ai dere fo wosetu, mepaae teó so wh̄i nalo w̄ópóló, otererape atimapi be séle séle fu betalepó. Atima fea atéro fi tikimó, Yesu ̄a bet̄a bitu kelalemó, kale so ̄a daale tikimótóro h̄ale daalepó. <sup>10</sup> Atépa Yesu hemée taretei donone holóló, kale sopaae duraalu, “Ti so-ó, ȳa só deróló daai du betale wh̄irape-a, mopaae feleé? Me wh̄inéko ȳa só deraleé?” yalepó.

<sup>11</sup> Ai fo depa kale soné duraalu, “Doa wh̄i-ó, mo bet̄a wh̄ikélé imó bitinipó,” yalepó. Tétepa Yesuné ̄apaae teraae faróló duraalu, “Ȳalo ȳa só derótumipa dua fae. Téturaalu, naao deté wou betere dowi ala momó kae ini, mo ti taalae,” yalepó.

*Yesuné ̄eta etei kaae wh̄ipó yale fo*

<sup>12</sup> Atéro Yesuné ama yale fo kaae, so wh̄ipaae momó duraalu, “I haemó d̄erótu betere d̄eta ti mo ̄etórotipó. Mepaae ̄e sya wale so wh̄ita, diliki



tuamó kuni, de tuamótóro kweyóló, mo ti betere bete sóro betaalo ai ape,” yalepó.

<sup>13</sup> Ai fo depa, kale Farisi whirape atima dei tué mutu Yesupaae duraalu, “Naaotei ya etei kaae whipóló dere fo mo dapóló, dané wosaalomeipó,” yalepó.

<sup>14</sup> Ai fo depa, Yesuné atimapaee tokó mótu duraalu, “Yalotamo e etei kaae whipó depa, so whiné mo dapó enérápó. Ti noatepae, e betóló wale tikiró faaire tikitamo yalotóro tuérápó. Téretei, e wale ala ó fole ala diá tuénipó. <sup>15</sup> Diáné me whi hamoma taleyóló só deratere alata, mo whiné dere ala sya fóló du beterapó. Téretei, yalo taleyóló me whi só deratere ala mo dumipó. <sup>16</sup> Yalotamo ai ala depa, ti e yalo wotoró bitini, e doteyale seké yalo Ayatamo betá kisipa muóló, fea ala wusuró dereteiné mo donomó enérápó. <sup>17</sup> Téretei, diaağ sya fu betere ašemó etei fo yóló muló beterapó. Whi mené fo kae ini, atimaamo wusuróné betá kaae fotóro depa, ti mo dapó du beterapó. <sup>18</sup> Atétu dere kaae, yalotei e etei kaae whipóló yó melóo, e doteyale seké yalo Ayanékélé, e tuamó ere alatóro fea ama mo dono yó melóo, du beterapó,” yalepó.

<sup>19</sup> Ai fo depa, atimané apaae wose-turaalu, “Naao Aya momó betere?” depa, Yesuné duraalu, “Ekélé, yalo Ayakélé diaağ mo kisipanipó. Etamo diáné kisipa uşóro, ti yalo Ayakélé diaağ şumó kisipa uşpó,” yalepó. <sup>20</sup> Yesuné ama i forape du betaleteita, momatere be tipí bolaa tuamó Kótópaae *moni* hãle maleta dere tikimó daalu, yó mótu betalepó. Téyaletei, apaae me ala eraaire be de teóreteiné betá whinékelé a tane fenipó.

<sup>21</sup> Atéroró, Yesuné ama yale fo kaae, atimapaee momó duraalu, “Eta, diá taaróló fulapó. Atéroró fi tikimó diáné e kekitu betaalotei, diaağ du betere dowi ala tuamó diá sukãalo ai ape.

E fole tikipaae diá mo wókélé yaalo meipó,” yalepó.

<sup>22</sup> Ai fo depa, kale Juda topo whirape atimasisi duraalu, “A fole tikipaae diá waalo meipóló yale fo beteta, amatei a daalopóló du yalepó,” yalepó.

<sup>23</sup> Téretei, Yesuné atimapaee yótóro taru duraalu, “Diãta, i haemó kaayóló beterapó. Eta, ó taoró biti dorowale whipó. Diãta hae whi bettereteiné haemó mole alatamo fulumu du beterapó. Téretei, eta ó taoró dorowaleteiné i haemó mole alatamo fulumu dumipó. <sup>24</sup> Take yalo diãpaae diaağ du betere dowi ala tuamó sinaalo ai ape yale fota, ti i betené yalepó. Diaağ yalo dere fo wosóló, e etei kaae whipóló kisipa tikitamo tiréni depa, ti diaağ du betere dowi ala tuamó diá sinaalo ai ape,” yalepó.

<sup>25</sup> Ai fo depa, atimané apaae duraalu, “Ti ya deé?” yóló wosetepa, Yesuné duraalu, “Mo take kaae sale sukamóte, etei kaae whipóló diãpaae deté wou betaletei me kae mei etóroti i ape. <sup>26</sup> Diaağ du betere alamó yalo diãtamo fo tokóló diá só deraaire fo mo dekeró mulapó. Téretei, e doteyale seké aãta, mo alaró mo fotamoné betepó. Ama depa yalo wosale fotóro i haemó betó mole so whi feapaae yó mótu beterapó,” yalepó.

<sup>27</sup> Atimané ama ai dere fo wosóló, ita Alima tuamó ere alatóro yó matapóló kisipa munipó. <sup>28</sup> Atétu betepa, Yesuné atimapaee duraalu, “Kale Whiné Naalema diáné sikipaae só horatere sukamó, e etei kaae whipóló diaağ kisipa yaalopó. Mió diãpaae i yó mótu betere fokélé, yalo kqleaané kekeme nóló dumi, Aya e doteyale sekéné yó matera fotóro dapó. <sup>29</sup> Ai ala yópóló, e doteyale sekéné e wotoró beterópóló taaréni, a etamo betámó beterapó. Ti noatepae, suka fea yalo du betere alata, a hẽkese yaaitere alatóro erótu beterapó,” yalepó. <sup>30</sup> Ama atéroró yó

mótu betale fo wosóló, mepaae so whi ɔpaae kisipa tiralepó.

*Atima Abraham-né naalerapepó yale fo*

<sup>31</sup> Atéro, Yesuné ɔpaae kisipa tiró betere mepaae Juda fake so whi ɔpaae duraalu, “Diaaɔtamo ɔlo yó matere fo wosóló eró tapa, ti diɔ mo ɔlo yó matere so whitóro beteraɔpó.

<sup>32</sup> Atéro, kale mo fo betekelé diaaɔ tuɔ duraalu, diɔ dokóló moletai ai foné teraayóló haɔe fópóló eraalo ai ape,” yalepó.

<sup>33</sup> Ai fo depa atimané ɔpaae tokó mótu duraalu, “Da Abraham-né deale naalené deté wale whi rapeta, mo betɔ whiné wae sóro kutó diratere whikélé bitinipó. Tépaitei, naao ɔpaae diɔ mené kutó diratere ala ini, haɔe fópóló yaalopó dere fo-a, noa betené de?” yalepó.

<sup>34</sup> Ai fo depa Yesuné duraalu, “ɔlo diɔpaae mo i dere ape. Mepaae so whi detamo dowi ala haɔe yó tapa, ti ai alané wae sóro kutó diratere so whitóro beteraɔpó. <sup>35</sup> Ti ai so whi ta, betɔ whiné deale naale senaale aleóló mo ti betenénipó. Tépaitei, betɔ whiné naalema ɔ betɔ ai whiné amatóro deyaletiné mo titóro betó tawaalopó. <sup>36</sup> Atérené kale Whiné Naalemanétamo diɔ képiné kaae dokóló mole so whi teraayóló haɔe fópóló depa, ti diɔ mo fótóro yaalo ai ape. <sup>37</sup> Diɔta, Abraham-né deale naalené deté wale whi rape betere ala ɔlo tuɔrapó. Tépaitei, ɔlo fo diɔ tuɔmó muniru, diaaɔ ɔ daai ai du betere ape. <sup>38</sup> ɔlo i du betere fota, ɔlo Ayatamo bitu kelale alatóro du beteraɔpó. Atére kaae, diɔné du betere alakélé, diaaɔ ayané diɔpaae yó matere alatóro ai du betere ape,” yalepó.

<sup>39</sup> Ai fo depa, atimané ɔpaae duraalu, “Da né ayata Abraham-pó,” depa Yesuné duraalu, “Diɔtamo Abraham-né naale senaale bituɔsóro, ti ama yale alatóro sya fóló uɔpó. <sup>40</sup> ɔlo diɔpaae yó mótu betale fota, Kótóné ɔpaae depa wosale fotóro du

betepatei, diaaɔ ɔ daai ketekɔ ai butu betere ape. Ti Abraham-néta, diɔné ai dere ala kaae inipó. <sup>41</sup> Diɔné ai du betere alarapeta, diaaɔ ayané yale alatóro sya fu beteraɔpó,” yalepó. Téró atimané duraalu, “Da ta, ɔlémi nóló ho ko deyaale naalerape meipó. Da né Ayata, Kótó ɔtóro beteraɔpó,” yalepó.

*Satan-né naale senaale ai ape yale fo*

<sup>42</sup> Tépaitei, Yesuné atimapaee duraalu, “Kótó ɔ diaaɔ Ayatamo uɔsóro, ti ɔpaae hekesené sinóló yaala sóko fole ala uɔpó. Ti noatepae, mió ɔ i haepaae wóló diɔtamo i betereitei, ɔlo ko leaané ani, Kótóné ama ɔ dotonatepa walepó. <sup>43</sup> ɔlo dere fo diaaɔ wosetutei, kisipa initere noa betené de? Ti aita ɔlo fo wosóló, eraaire kisipa diɔ tuɔmó muniru dapó.

<sup>44</sup> Atérené diɔta, diaaɔ aya Satan-né ama fake so whi bitu, ama kisipa mole ala eraai du beteraɔpó. Ti ɔta mo fo buniruraalu, mo take keké nale alimóte kaae sóro, whi dilé wou betere seképo. Atétu, ai kale fo wisi mo sawakélé ɔ tuɔmó munipó. ɔta, kapala foné alima bitu, suka fea kapala fotóro dua dapó. Ti kapala fota, ama be fopó. <sup>45</sup> ɔlo diɔpaae mo fo du betepatei, diaaɔ ɔlo dere fo wosóló, mo dapóló kisipa tirótinipó. <sup>46</sup> ɔlo etei kaae dowi ala yalepóló, diɔko betɔ whiné ha kearóló enére? ɔlotamo diɔpaae mo fotóro yó mótu betepa, ti diɔné ɔpaae kisipa tiki tiratere ala dumipó. <sup>47</sup> Kótóné so whinéta, ti ama dere fo wosetu beteraɔpó. Diɔta, Kótóné ama fake so whi bitinireteiné ama fo wosetumipó,” yalepó.

*Yesuné amatei ɔ etei kaae whi ɔpó yale fo*

<sup>48</sup> Tépaitei, kale Juda whi rapené ɔpaae duraalu, “Da né ɔta, Samaria whi ko dowi kepe tepeyóló beteraɔpó dere kapala fo de?” yalepó.

<sup>49</sup> Ai fo depa, Yesuné duraalu, “Ë tuamó dowi kepe tepeyóló bitinipó. Ëta, yało Ayané doi betá sóró horótu betepatei, diaaq yało doi haepaae só derótu beterapó. <sup>50</sup> Yało du betere alata, etei doasi doi muaai dapóló kisipa muóló dumipó. Ë doasi doi mulatere alata, mené eraai ketekę butu beterapó. Ti ata, fo tokóló taletere bete Talepó. <sup>51</sup> Yało diapaae mo dapó. Mepaae so whi detamo yało fo wosóló, sya fóló erótu betepa, ti ai so whi sukókélé mo yaalomeipó,” yalepó.

<sup>52</sup> Ai fo depa, atimané apaae duraalu, “Ya tuamó dowi kepe fāyóló mulu du betere alarape dané tuérápó. Ti noatepae, Abraham-kélé sukó, mepaae take betale Kótóné kóló whirapekélé sukó yalepó. Téyaletei, naao du, yało fo sya fóló eratere so whita, sukalo meipó ai dere ape. <sup>53</sup> Ai fota, dané aya Abraham naao tetéro beterapóló de? Ti Abraham akélé sukó, take betale Kótóné mepaae kóló whirapekélé sukó, erapó. Térapa, naao kisipané ya depóló de?” yalepó.

<sup>54</sup> Ai fo depa, Yesuné tokó mótu duraalu, “Yałotamo etei doasi doi muaaire ala depa, ti so whiné mo ala dapóló kisipa muaalomeipó. Tépatei, yało Aya diā tetéroló kaae tare Kótópó, du betere sekéné ama betá yało doi doasi mulatere ala du beterapó. <sup>55</sup> Diaaqta, ai seké kisipanitei, yało betá a mo kisiparapó. Yałotamo a kisipanipó uasóro, ti e diā kaae kapala fo dere whi bituapó. Téuqtei, yało a kisipa iruraalu, ama fokélé yało eró tarapó. <sup>56</sup> Diaaq aya Abraham-né e waaire be de sókó wópóló kaae taru, a hekesené sukutu bitipakalepó. Téyaletei, e wale ala ama kilitu, a hajné sukóló ama hosaa muni deyalepó,” yalepó.

<sup>57</sup> Ai fo depa, atima Juda whirapené apaae duraalu, “Yaata, 50 ba fo kemenitei, Abraham naao ai kilirapó!” yalepó.

<sup>58</sup> Ai fo depa, Yesuné atimapaae duraalu, “Yało diapaae mo i dere ape. Abraham akélé hamané deyaaipatei, e mo taketi betere whipó,” yalepó. <sup>59</sup> Atétepa, atimané kapo durape sóró a siróló daai yaleteti, a kelaqsóro kikiti buté buté fóló, moma dere be bopére tipi taaróló, belapaae sókó doropóló felepó.

## 9

*Yesuné kele nomone whi wisirale fo*

<sup>1</sup> Atéro, Yesu a tumó fu betalemó, whi betá hamané depemótei kele dilikipa deale whi betepa kelalepó. <sup>2</sup> Atépa, ama yó matere whirapené apaae duraalu, “Yó matere whi-ó, i whiné kele dilikiretei, ama yale dowi alané erépé, hamaró alimatamoné yale dowi alané erémólópó?” yalepó.

<sup>3</sup> Ai fo depa, Yesuné duraalu, “I whiné ama kele dilikire alata, ama yale dowi alané ó hama alimané yale dowi alanékélé meipó. Aita, Kótóné fotokóné ama tiki tuamó ere ala wisiró betepa, nalo so whi feané kolópóló erapó. <sup>4</sup> Be depatei e doteyale whiné ama kutó dané hāle dirótu betenérápó. Mióta, be diki dere ala sókó waai ai dere ape. Atétere sukamó, whi mo betanékélé me kutó dinénipó. <sup>5</sup> Ë i haemó hāle bituraalu, ti haemó betó mole so whipaae derótu betere deta, ti etórotipó,” yalepó.

<sup>6</sup> Ai fo yóló, Yesuné fesaa haepaae sókó deróló, hae kaae sóro basa basa eróló, kale whiné kelemó dilalepó. <sup>7</sup> Atéro apaae duraalu, “Naao dore kele u Sailoam wei kemó fokone fae,” yalepó. (Sailoam doiné bete feteyóló doteyalepó.) Ai fo depa, kale whi a fóló fokalemó, mo ti wisitepa, ama bepaae momó fesaae wouraalu, qla qla wisiyóló kelalepó.

<sup>8</sup> Atépa, ama be whi so whiró a kele doyóló bitu, qla qla kema du betepa kelale so whitamoné duraalu, “Ita, take kele doyóló bitu, qla qla kema du betale whi hiti irurapó?” yalepó.

9 Tétepa mepaaené duraalu, “Me kae mei ątóró hįtipó depa mepaaené meipó, betą kaae kelepaa daale whį kae irurapó,” yalepó. Tétepa kale whįné amatei duraalu, “Take kele dilikiyóló bitu, ąla ąla kema du betale whįta me kae mei, ętóró hįti i ape,” yalepó.

10 Ai fo depa atimané ąpaae duraalu, “Naao kele dilikiretei netéro wisiyaleé?” yalepó.

11 Tétepa ama duraalu, “Atimané Yesupó du betere whįné hae sóro basa basa eróló yąlo kelemó dilóló, Sailoam węimó fokone fae depa, fokale tikimó yąlo kele wisiyóló mió ąla ąla keletapó,” yalepó.

12 Ai fo depa atimané ąpaae woseturaalu, “Ai whį ą momó betere?” depa kale whįné duraalu, “A momó beteréro ękélé kisipanipó,” yalepó.

*Farisi whįrapené betą whįné kele neyóló wisiraleé? yale fo*

13 Téro, atima mepaae whįrapené kale kele dilikiyóló betale whį Farisi whįrape beterepaae dapesó walepó.

14 Yesuné kale kele dilikire whį hae dilóló wisirale alata, ąa naai tukóló muló betere be demó yalepó.

15 Atépa kale Farisi whįrapenékélé ąpaae woseturaalu, “Naao kele dilikiretei, netéro wisiyaleé?” depa, ama atimapaee duraalu, “Yąlo kelemó hae dilóló Sailoam węi kepaae fokone fae depa, ę fóló fokalemó yąlo kele wisiyóló, mió ąla ąla keletapó,” yalepó.

16 Ai fo depa mepaae Farisi whįrapené duraalu, “I whįta, Kótóné dotonale whį meipó. Ti noatepae, ąa naai tukóló muló betere be demótei, ama etei kaae kutó ditu beterapó,” yalepó. Ai fo depa, mepaae whįné duraalu, “Dowi ala du betere whįné etei kaae kelemei ala netéro eraaloé?” yóló atimasisi tekeyóló fo kae kae du betalepó.

17 Téro atima ai fo yóló kemetepa, kale kele dilikiyale whį daalepaae fetée fóló duraalu, “Ai whįné naao kele wisiró beterapa, naao ą depóló

kisipa mute?” depa, kale whįné duraalu, “Aąta Kótóné ama kóló whįkópó,” yalepó.

18 Tétepa, ai kale Juda whįrapené ą take kele dilikiyóló betale whįtei, wisiró beterapóló kisipa tiréni, ą kae whį nisiyóló ama hamaró alimatamo dapesene fępóló, mepaae whįrape dotęyalepó. 19 Atéro, kale whįné hamaró alimatamo wóló betepa, Farisi whįrapené atimaamopaae woseturaalu, “Ita diaamoné kele dilikipatei deyaletépó yale naale hįtié? Atéyaletei, mió ama kele wisiretei netéro yaleé?” yalepó.

20 Ai fo depa, hamaró alimatamoné duraalu, “Aąta ąamoné naalepó. Ama kele atéro dilikipa deyaletei ąamoné kisiparapó.

21 Tępatei, ama kele wisirale whį ó netéro wisiraleró ąamokélé tuęnipó. Ti ąkélé disire whįpa, ą wisirale fo amatóro yópóló ąpaae wosae,” yalepó. 22 Kale whįné hamaró alimatamoné atéro yale fo hąle inipó. Yesu ąta, Kótóné so whį ęęteróló kaae tanópóló, sóro beteró betere whįpó dere so whį fo wosetere bepaae holaąsóró, atima Juda whįrapené belapaae hókó deraalopó ere fo atimaamoné wusuróraalu, witepa yalepó. 23 Atimaamoné ąkélé disire whįpa, ąpaaetóro wosae yale fota ai betené yalepó.

24 Téro, Farisi whįrapené kale kele dilikiyale whįpaae momó ape yóló duraalu, “Kótóné doi doasi muępóló yae. I sekęta, dowi ala du betere whįpóló ąané tuęrapó,” yalepó.

25 Ai fo depa kale whįkó duraalu, “Aąta, dowi ala dere whį ó initere whįró ękélé kisipa inipó. Téretei, take ę kele dilikiyóló betaleteti, mió yąlo kele wisiyóló keletere ala betą yąlo kisiparapó,” yalepó.

26 Atétepa atimané ąpaae woseturaalu, “Naao kele wisirai noa ala maaté yaleé?” yalepó.

27 Ti fo depa ama atimapaee duraalu, “Take yąlo diąpaae yaleteti, diaaą woseni hýralepó. Téyaleteti,



diñé momó noatepa wosaai de? Diakélé ama yó matere whirape betaai kisipa mute?” yalepó.

<sup>28</sup> Ai fo depa atimané ʒ faleyóló duraalu, “Yʒata, i sekéné ama yó matere whi airapó! ʒata, ti Moses-né yó matere whirape beterapó! <sup>29</sup> Take Kótóné Moses-paae mo yalepóló ðané kisiparapó. Tépaitei, ai whi wale tikikélé ða mo kisipanipa, ʒ ðeró kelae!” yalepó.

<sup>30</sup> Tétepa, kale whiné atimapaee tokó mótu duraalu, “Ama yʒalo kele wisirale alata, mo doasi alapó. Tépaitei, ʒ wale tikikélé ðiʒa tuénipó depa, yʒalo doasi sira dapó. <sup>31</sup> Ti noatepaae, dowi ala du betere whirapené ðere fo Kótóné wosenitere ala ðané kisiparapó. Téretei, ama tué mole ala sya fóló, erótu betere so whiné ðere fota, ti ama wosetua dapó. <sup>32</sup> Mo take bitiré wale alimó, atéro kele dilikipatei ðetere whi mené fisʒaae faralepó ðere fo mo wosókélé inipó. <sup>33</sup> Kótóné i whiʒtamo dotonoluʒmeisóro, ti ama betʒa alakókélé eróluʒmeipó,” yalepó.

<sup>34</sup> Ai fo depa atimané ʒpaae duraalu, “Yʒata, naao haeró ayatamoné dowi ala tuʒmó ðeyale whinéteitei, yʒa ða yó matere whi betaai de?” yóló, ʒ foné sóro hókó faralepó.

*Mo kelené kelepaitei tiki tuʒmó daale kele dilikire fo*

<sup>35</sup> Kale Farisi whirapené kele wisirale whi foné sóro hókó faralepó, ðere fo Yesuné wosóló, kale whi kekʒalepó. Atéro kekóló, keletepa ʒpaae duraalu, “Yʒata, Whiné Naalemapaae kisipa tiró betere?” yalepó.

<sup>36</sup> Tétepa kale whiné ʒpaae duraalu, “Doa whi-ó, ʒ ʒpaae kisipa tiki tiraai dapa, ai whi naao ʒpaae yó ʒlae,” yalepó.

<sup>37</sup> Tétepa Yesuné ʒpaae duraalu, “ʒata, mió naao ai kelale ape. Mió yʒatamo i fo du betere seké ʒtóro i ape,” yalepó.

<sup>38</sup> Téró kale whiné duraalu, “Tale-ó, mió ʒ yʒpaae kisipa tiróló i betere

ape,” yóló ʒ Yesu daale aʒmó buku-tiri teʒró ðua betalepó.

<sup>39</sup> Téró Yesuné duraalu, “ʒ i haepaae waletaita, mepaae kele dilikire so whi wisiróo, wisire so whiné kele diliki yóo yópóló, taleyóló bukuraai walepó,” yalepó.

<sup>40</sup> Yesu ʒtamo felekemó daae mole Farisi whirapené ama ðere fo wosóló, ʒpaae duraalu, “Naao ai ðere fota, ðakélé kele dilikirapóló ðe?” yalepó.

<sup>41</sup> Tétepa Yesuné atimapaee duraalu, “Diʒtamo ðiʒa kele dilikirapó uʒsóro, ti ðiʒané ðu betale dowi alamó ðiʒa só ðeróluʒmeipó. Tépaitei ðiaaʒ duraalu, ðiʒané kele wisirapó ðereteiné ðiaaʒ dowi ala hʒale ai mole ape,” yalepó.

## 10

*Sipsip hupu kaae tare topo whi visita Yesuné ʒtóroʒtipó yale fo*

<sup>1</sup> Téró Yesuné duraalu, “Yʒalo ðiʒapaae mo i dapa wosae. Mepaae whi ðe kale *sipsip* hupurape betere tipi tuʒmó sókó wéni, ðémó fulukóló sókó hotepa, ti ʒlémi nokole whiʒró hupu ðoraai wale whiʒtamo ai ape.

<sup>2</sup> Téretei, whi me ðe kale *sipsip* hupurape betere tuʒmótóro sókó hotepa, ti hupu tale ai ape. <sup>3</sup> Kale *sipsip* hupurape me ala yaʒsóro, tu sereke kaae tare whiné ai *sipsip* hupu tale tipi tuʒpaae wópóló tu tukitepa, ti ama fo nakome hupurapené wosetua dapó. Atéro, kale *sipsip* hupurape fea ðoi yósu enalemó, ama fo wosóló wapa, ti belapaae olosó fua dapó. <sup>4</sup> Atéro, kale hupu talené ama hupurape fea belapaae dapesó ðoropóló, ama kʒlimó woleyóló fua dapó. Ti noatepaae, kale hupurapené ama fo nakome wosóló tuérapó. <sup>5</sup> Tépaitei, mo whiné fo nakome woseturaalu sya feni, atima botokóteitei faalopó. Ti noatepaae, ai hupurapené ʒ kae whipóló tuérapó,” yalepó. <sup>6</sup> Yesuné atimapaee ai ðó faróló yale fo bete atima sini, kóló kóló ðu betalepó.

7 Atétepa Yesuné atimapaee hakearólo duraalu, “Yalo diapaee mo i dere ape. *Sipsip* hupu fua wua dere tu sereketa, ti mo etórotipó. 8 E waaipatei, take wua yale whirapeta, ti qlémi nokole whiró q̄la q̄la fasólo sere whirapetamo ai ape. Tépetei, kale *sipsip* hupurapené atima dere fo wosenipó. 9 Kale hupurape fua wua dere tu sereketa, ti mo etórotipó. Mepaae whi de e tuamó sókó fupa, ti me qlané a doratere ala ini, tao saalopó. Atétere whita, belapaae nerape nale fua, tipi tuapaae hotua du betaalo ai ape. 10 Ti qlémi nokole whirapeta, hale wómipó. Kale *sipsip* hupurape qlémi dóló sóró fóo, hupurape dóló doróo, yaairaalu wua dapó. Téretei, e waletaita atima sukutere ala tuamó betereitei taarólo, ti betere bete mo turó sópólo kisipa mutu walepó.

11 Kale *sipsip* hupu kaae tawólo asare whi wisinaaleta, ti mo etórotipó. Hupurape me ala yaqsóro, tao saai yalo betere bete me q̄la meipólo e sukunérápó. 12 Me dupu saai kisipa muólo hupu kaae tatere whita, *sipsip* hupu tale meipó. Atétere whita, hupu dóló nokole bete haq wale kilitu, hupurape dóló nópólo taarólo a botokó faalopó. Atétepa kale bete haq wouraalu, *sipsip* hupurape dóló sesaape deremó, mepaae hupu botokó dapó dapó yaalopó. 13 Ti noatepae, ai kaae tare whi a *sipsip* hupurape kisipa muni, dupu saai kisipa muólo kaae tareiteiné hupurape taarólo, botokó fua dapó.

14 Eta, *sipsip* hupurape kaae tawólo asare whi ereteiné, hupurape yalo kisipa yoo, hupurapénékéle e kisipa yoo erapó. 15 Até irure kaae, Ayané ama e kisipa yoo, yalo Aya a kisipa yoo, erapó. Yalo betere bete me q̄la meipólo sukairaitaita, *sipsip* hupurape kisipa mutu, tao saairaalu sukunérápó. 16 I tipi tuamó betere hupurape maaté tao saai mei, yalo hupurape mepaae kae betó mulapó.

Ai hupurapekéle fea yalo dape sóro, i betó mole hupurapetamo tourólo betamó beteraalopó. Tétepa, ai hupurapénékéle yalo dere fo wosaalopó. Tétu, *sipsip* hupurapekéle mo betatóro betoo, kaae tare whikéle betatóro betoo, yaalo ai ape. 17 Yalo betere bete tokó sóro sukutepa, e momó kepaayólo betaalopólo kisipa mutu, yalo betere bete matereteiné yalo Ayané ama epaae yaala sókó fóló mulapó. 18 Whi betanékéle yalo betere bete tokó seni, yalo q̄leaanéitei matapó. E sinitere alakéle, kepaayólo betaaire alakéle, naaotei tetéroló kaae tawae yólo, yalo Ayané epaae maletéiné yalo tetéroló kaae tarapó,” yalepó.

19 Kale Juda so whiné ai dere fo woseturaalu, atima fea betá kisipa muni, mepaaené fo kae yoo, mepaaené fo yoo, du betalepó. 20 Atétu, mepaae turó so whiné duraalu, “Ai whi tuamó dowi kepe fanuraalu, topo doyólo du betere fo diaaq noatepa wosetu bitu de?” yalepó.

21 Ai fo depa mepaae so whiné duraalu, “Dowi kepe tepeyólo betere whiné etei kaae fo dumipó. Dowi kepe tepeyólo betere whiné kele dilikire so whi sumó wisiranére?” yalepó.

*Juda whirapené Yesupaae kisipa tiki tiréni yale fo*

22 Téró, Jerusalem be tuamó Juda fakené moma dere be mo take bóe whiné doraalotei, momó wisirólo q̄la deyaai tukólo muló betere be de sókó walepó. Atéro q̄la detere alata, sosóli alimó yalepó. 23 Atéyale sukamó, moma dere be belamó tene Solomoné doi mole be tokwéimó Yesu a kutu betalepó. 24 Atétepa, Juda so whiné Yesu boperale wóló, apaae duraalu, “Naao dapaae yó melaai yale fo yó melaalo nisiyólo kaae tawale supa, yatamo so whi tetéroló kaae tanópólo Kótóné sóro betéro betere whi Kerisopata, ti dapaae hakearólo yae,” yalepó.

<sup>25</sup> Ai fo depa Yesuné atimapaae tokó mótu duraalu, “Take yało diãpaae yaleteti, diãné tuę tiki tirénipó. E etei kaae whípóló diaaę kisipa tirópóló, Ayané doimó yało i kelemei alarape du beterapó. <sup>26</sup> Tépateti, diã yało *sipsip* hupu bitinireteiné, epaae kisipa tiró bitini ai ape. <sup>27</sup> Yało *sipsip* hupurapené yało fo wosetua dapó. Ai hupurape atimakélé yało tuę yóo, atimakélé e sya wóo, du beterapó. <sup>28</sup> Yało atimapaae mo ti betere bete matereteiné atima sukóló alukélé mo yaalo meipó. Ai so whi atima yało naase tuámó betepa, me whiné fasó sere alakélé mo enénipó. <sup>29</sup> Ai *sipsip* hupurape yało naase tuámó beterale seké yało Aya aťa fotokę bole Tale bitu, fea whiraperó kae kae keperapetamo ama teteró beterapó. Atéreteiné atima yało Ayané naase tuámó betepa, me whinékélé mo fasó senénipó. <sup>30</sup> Yało Ayané ama ere ala ó mole tuékélé kae mei, dąmo wusuró mo betą alatóró erapó,” yalepó.

<sup>31</sup> Ai fo depa wosetu, kale Juda whirapené momó kapo du sóró, a siriyóló daai yalepó. <sup>32</sup> Atétepa, Yesuné atimapaae duraalu, “Yało Ayané epaae erae depa, kae kae kelemei ala eralepó. Téyalepa, mé erale kelemei alarapemó, diaaę e kapo duné siróló daai de?” yalepó.

<sup>33</sup> Ti fo depa Juda whirapené epaae tokó mótu duraalu, “Naao ai eratere alamó ya kapo duné siriyóló daai dumipó. Yaťa mo whitei, Kótópó du betere foné Kótó faletu betepa, ya daai dapó,” yalepó.

<sup>34</sup> Tétepa, Yesuné atimapaae tokó mótu duraalu, “Diãné tukóló muló betere foné diąta, kótórapepóló take yało diãpaae inié? <sup>35</sup> Kótóné ašemó ere fo tuámó tekeyóló mepaae wosóo, me kwiapaae woseni sisópaae eróo, dere ala mo enénipó. Ama fo wosale so whipaae diąta, kótórapepó depa, ti i haepaae wópóló Alima Kótóné kae beteró betere naalepaae noa

fo enére? <sup>36</sup> Atépa, yało Ayané e ama naalepóló sóró kae beteróló, i haepaae dotonalepó. Atérené yało duraalu, ‘Eťa Kótóné naalemapó’ dere fomó, Kótó faletapóló diaaę e só deróló hąle ęla kaae aęrótu beterapó. <sup>37</sup> Yałotamo, Ayané ama erae dere ala erénitepa, ti diãné yało dere fo wosóló, epaae kisipa tiraęse. <sup>38</sup> Tépateti, yało Ayané erae dere ala erateremó, diaaę epaae kisipa tiratere hótepa, ti mepaae eratere kelemei alarape kisipa tirae. Atétepa, ti yało Aya a e tuámó betóo, ekélé a tuámó betóo, ere ala bete diaaę wisiyóló kisipa yaalo ai ape,” yalepó. <sup>39</sup> Ai fo depa, atimané take yale kaae Yesu tawóló *dipula* beteraai yalemó, a ai tuámótei sókó deyóló felepó.

<sup>40</sup> Atéro Yesu a Jordan weı teyóló, ama yó mótu betere ala kaae sale tikipaae momó bitı felepó. Aita, take Jon-né so whi fea weı tópurótu betale tikipó. <sup>41</sup> Atéro fóló berteremó, so whi mo dékéro a beterepaae wóló duraalu, “Jon-néta, kelemei ala mo betakélé eratepa kilinipó. Ténitei, ama i whi kisipa muóló yale fo fea motóró erapó,” yalepó. <sup>42</sup> Atima ai betó mole tikimó, mepaae so whi fea Yesupaae kisipa tiralepó.

## 11

### *Lasarus sukąle fo*

<sup>1</sup> Téro, Betani be whikó ama doi Lasarus a kisiné sukóló molepó. Ai be huluata, Maria ama kema Martasépi atimané turuku bepó. <sup>2</sup> Ai so Mariata, kale kisiné sukóló mole whi Lasarus-né nemapó. Aťa, Tal-ené hęleke tómó felé kęlaa wale *wel* weı suniyóló, ama topo nikinétei helekóló kópurale sopó. <sup>3</sup> Kale whiné ama nema tamoné Yesupaae duraalu, “Tale-ó, naao hosaa mole fulumu whi kisiné sukóló mulapó,” fo yó faralepó.

<sup>4</sup> Ai fo Yesuné wosóló duraalu, “Aťa, ai daale kisiné ama betere ala mo ti kemeraalo meipó. Ai

kisita, Kótó Naalemané Alimané ere ala wisi hakearatepa, so whi feané kolópóló erapó,” yalepó. <sup>5</sup> Martakélé, ama kema Mariakélé, atimaamoné nema Lasarus-kélé, Yesuné ama hosaa mulu, yaala sókó fóló molepó. <sup>6</sup> Atéptei, ama noma Lasarus kisiné sukóló mulapó dere fo wosóló, Yesu ą hapale feni, be de tamo hąle beterepó.

<sup>7</sup> Téró ama yó matere whirapepaae duraalu, “Dą Judia hae kwiapaae momó fesaae faalopa fiépe,” yalepó.

<sup>8</sup> Ai fo depa, atimané ąpaae duraalu, “Yó matere whi-ó, dóti atima Juda whirapené ya kapo duné siróló daai yale tikipaaetei, momó fesaae faai de?” yalepó.

<sup>9</sup> Tétepa Yesuné duraalu, “Betą be de tuąmó kutó ditere 12-ró suka kele munié? De tuąmó kotere whita, me ąlané hó kotóo sóró déekélé naalomeipó. Ti noatepae, ai whi ąta i haemó ere detamo kutu beterepó. <sup>10</sup> Téretei, diliki tuąmó kotere whita, kotóo sóró dée nukua dapó. Ti noatepae, ą de tuąmó konitereteinépó,” yalepó.

<sup>11</sup> Yesuné ai fo yale kilipaae ama atimapaee duraalu, “Dąné fulumu whi Lasarus ą noke fipa turukuraai ę fulapó,” yalepó.

<sup>12</sup> Ai fo depa, ama yó matere whirapené duraalu, “Tale-ó, ątamo mo noke fipa, ti ama hąle wisiyaalopó,” yalepó. <sup>13</sup> Yesuné amata, kale whi mo ti sukunapó yaletai, ama yó matere whirapené ti mo noke fipa dere nisiyalepó.

<sup>14</sup> Atétepa, Yesuné atimapaee hakearóló duraalu, “Lasarus-ta, mo ti sukunapó. <sup>15</sup> Atei alata, dią kisipa tirópóló ę ątamo betąmó betepa iniyaletainé yało mo kée dapó. Térapa, dą ą kelaai faalopa fiépe,” yalepó.

<sup>16</sup> Tomas-tei ama doi Didimas-pó du betere whiné mepaae yó matere whirapepaae duraalu, “Dąkélé ątamo betąmó sukąai faalopó,” yalepó.

*Yesuné Mataró Mariatamo nema sukąlemó sekę yaqsóró tao sale fo*

<sup>17</sup> Téró, Yesu ą Betani bemó sókó fóló kelalemó, kale whi Lasarus douró betepa, douró be derape ke-meipakalepó. <sup>18</sup> Ai Betani bemó kaae sóró, Jerusalem bepaae foleteita, saletó mei, 3 kilomita maatépó. <sup>19</sup> Atérené, Juda hae kwiamó betó mole so whi mo turó Mataró Mariatamoné nema Lasarus sukąleteiné atimaamo dekené sukaqsóró, kęleó yóló moló bemó fea betaai walepó. <sup>20</sup> Atéró, Yesu ą tųmó wou beterepó dere fo Matané wosóló, ątamo hokolaa yaai fupatei, Maria ą bemó hąle beterepó.

<sup>21</sup> Atéró fóló, tųmó hokolaa yóló, Martané Yesupaae duraalu, “Tale-ó, yaątamo imó bituąsóró, ti yało ne sukuąmeipó. <sup>22</sup> Téptei, naao noa alakó Kótópaae wosetepa, ti ama mo miótóró eraalopóló kisipa mutapó,” yalepó.

<sup>23</sup> Ai fo depa, Yesuné kale sopaae duraalu, “Naao neta momó kepaayóló betaalo ai ape,” yalepó.

<sup>24</sup> Tétepa Martané duraalu, “Take kemetere sukamó so whi fea kepaaturaaalu, ąkélé kepaayaalopóló yało kisiparapó,” yalepó.

<sup>25</sup> Ai fo depa, Yesuné kale sopaae duraalu, “Kepaayaaireteiró betere betetamota, ti mo ętórótípó. Whi me de ępaae kisipa tiró betere tuąmó ą sukutepa ti aluni, hąle betó tawaalopó. <sup>26</sup> Mepaae so whi de mo bitutei, ępaae kisipa tiratepa, ai so whi sukókélé mo yaalo meipó. Naao yało i dere fo wosóló, mo dapóló kisipa tiki tirate?” yalepó.

<sup>27</sup> Tétepa kale soné duraalu, “Tale-ó, yaąta so whi fea tetéróló kaae tanópóló, sóró beteró betere whi Kerisopó dere fo mo dapó. Yaąta i haepaae waalopóló bopetu betale whi Kótóné Naalemapóló, kisipa tiratapó,” yalepó.

<sup>28</sup> Matané ai fo yóló kemetepa, ą fesaae fóló kema Mariapaae ape yóló,



dɛpaae dapesó fóló duraalu, “Hama-ó, kale yó matere wh̄j wóló daalu, ya-ó dapó,” yalepó. <sup>29</sup> Ai fo depa, Mariané ɔ hapale turukó holóló, Yesu daalepaae felepó. <sup>30</sup> Atéyaletei, Yesu ai be huluapaae hapale sókó feni, Mata atimaamo hokolaa yóló, fo du betale tikimótóróti h̄ale daalepó. <sup>31</sup> Atéró, Mariapaae k̄le-ó, yaai wale Juda fake so wh̄j fea ɔtamo be dolomó betó mualetai, ɔ turukó daalóló fupa, nema molóne fole nisiyóló atimakélé ɔ sya felepó.

<sup>32</sup> Atéró, Maria ɔ Yesu daale tikimó sókó fóló ɔ kelalepó. Atéró, ama hó aqmó deraapisa fóló fiyó mulu duraalu, “Tale-ó, ya imó bituɔsóró, ya lo ne sukuɔmeipó,” yalepó.

<sup>33</sup> Atéró, Yesuné Maria wole dere ala kolóo, ɔtamo wale Juda so wh̄jkélé wole yóo, depa kilitu, ama hosaa tuɔmó doasi dekené sukutu betalepó. <sup>34-35</sup> Atétepa, ama atimapaae woseturaalu, “Diaaɔ ɔ momó douraleé?” depa, atimané duraalu, “Tale-ó, kelaasepóló ape,” yalepó. Ai fo deremó, Yesu ɔkélé wole yalepó.

<sup>36</sup> Yesuné atéró wole depa kale Juda so wh̄jné duraalu, “Ama hosaa mole wh̄j sukutepa wole ai dere kelere?” yalepó.

<sup>37</sup> Téyaletei atima mepaae so wh̄jné duraalu, “I wh̄jné take kele dilikire wh̄j wisirótu yale kaae, i sukóló mole wh̄j wisi erénitupó?” yalepó.

#### *Yesuné Lasarus kepaarale fo*

<sup>38</sup> Atéró Yesu ɔ kale yale kaae, momó ama hosaa tuɔmó doasi dele duraalu, dou tópaae walepó. Téyalemó, ɔ dourale kane dolo tu doakale kane fakené kinó betepa kelalepó. <sup>39</sup> Atépa, Yesu sókó wóló duraalu, “Ai kinó betere kane fake sókó sóró mulae,” yalepó. Ai fo depa, kale sukóló mole wh̄jné nema Matané duraalu, “Tale-ó, téyaalotei ɔ douró betepa, be de douró kemeyaleteiné mió dowi k̄laa sókó waalo ai ape,” yalepó.

<sup>40</sup> Ai fo depa Yesuné duraalu, “Naaotamo kisipa tiki tiratepa, ti Kótóné mo kae ere ala wisinaale ke-laalo ai ape, fo ya lo ya paee inié?” yalepó.

<sup>41</sup> Atétepa, kale kinó betere kane fake atimané sókó sóró mulalepó. Téró, Yesu ɔ ó s̄paee kese holóló duraalu, “Aya-ó, ya lo moma dere fo naao wosóló, eratereteiné ya paee mo kée dapó. <sup>42</sup> Ti noatepae, betere dok̄ fea ya lo kematere fo naao wosóló, erótu betere ala ya lo tuɔrapó. Téretei, ya lo i dere fota, i daae mole so wh̄jné etei ala kilituraalu, ɔ naao dotonó beterapóló atima tuɔ tiki tirópóló dapó,” yalepó.

<sup>43</sup> Atéró ai fo yóló kemetepa, ama fo fakeyóló duraalu, “Lasarus-ó, ya ipaae tóɔ ape!” yalepó.

<sup>44</sup> Tétepa, kale sinale wh̄j belapaae tóɔ wouraalu, ama hó naasekélé, kelepaakélé, boperóló mulale de i linen kutiné bope yóo, ama kelepaakélé kutiné husuróo, epatei sókó walepó. Atétepa, Yesuné atimapaae duraalu, “A kw̄yópólópa, ama tikimó ai bopere kuti teraae falae,” yalepó.

#### *Topo wh̄jrapené Yesu daairaalu, fo deyaletai*

(*Mat 26:1-5, Mak 14:1-2, Luk 22:1-2*)

<sup>45</sup> Atétepa, Mariapaae k̄le-ó yóló, ɔtamo betaai wale Juda fake so wh̄j fea Yesuné ai yale ala kolóló, ɔpaee kisipa tiki tiralepó.

<sup>46</sup> Téyaletei, Mariapaae k̄le-ó yaai wale wh̄jrape atimakó mepaae Farisi wh̄jrape beterepaae fóló, Yesuné yale alarape fea yó malepó. <sup>47</sup> Atéró, mo so wh̄jmó momaratere topo wh̄jraperó Farisi wh̄jrapetamoné mepaae taleraterere wh̄jrapepaae ape yóló, touróló fo k̄laaróló atimapaae duraalu, “I wh̄jné ama du betere ala taalópóló depatei, ai wh̄jné taalaire mo s̄ni, Talené dapó yópóló, eratere kelemei alarape fea du beterapó. Térapa, dané noa alakó yaaloró, tuɔ tekeyaalopó.

<sup>48</sup> Dãnetamo ama i ala du beterópóló kaae tapa, ti so whj feané ãpaae tué tiki tiraalopó. Atéturaalu, Rom *Gavman* whjrape wóló, dã betere beró dãné teteróló kaae tare hae kwiatamo fasó saalopó,” yalepó.

<sup>49</sup> Atéró, ai ba fomó atimakó whj betã ama doi Kaiapas, ã so whjmó Talepaae momaratere doasi topo whj beterepó. Ai sekéné atimapaee duraalu, “Diaaã ai dere fota, diã tué iniru whaalã depa hõko fo dapó. <sup>50</sup> Dã Juda fake so whj fea aluyaõsóró, betã whj sukutepa wisirapó kisipa muni airapó,” yalepó.

<sup>51</sup> Ai fota, amatei kekeme nóló ini, ai ba fomó ã so whjmó Talepaae momaratere topo whj bitu, Juda fake so whj tao saairaalu, Yesu sukãaire ala Kótóné kóló whjiné dere fo kaae ama tikati yóló mulalepó. <sup>52</sup> Yesu ã sukãaire alata, ai Juda fake so whj maaté tao saai meitei, Kótóné ama naale senaale i hae kwiamó dapo dapo yóló, kae betó moletei, fea touróló mo betã faketóro aleróló beteraalopó. <sup>53</sup> Atéyale be demótóro kaae sóro, kale Juda topo whjrapené Yesu daairaalu, kikití fo dokóló mulalepó.

<sup>54</sup> Atéreteiné Yesu ai Juda hae kwiamó momó kae hãkeamó kuni, ai hae taaróló, so whjkélé bitinire hãle kópu kãae fi hae kwia felekemó tene Epraim be huluamó, ama yó matere whjrapetamo fea beterepó.

<sup>55</sup> Atéró, Juda fake so whjiné kale bosneyóló fele be demó ãla detua dere be de felekemó sókó waai depa, kae kae be huluamó betó mole so whj fea atima betere tiki taaróló, Jerusalem bepaae holalepó. Aita hãle meipó. Talené keletómó atima wisirapó yópóló, momatere bemó kae kae fokotere ala yaai holalepó. <sup>56</sup> Atéró fóló bitu kale so whjiné Yesu momó beterérópóló kikitú betalepó. Atéró moma dere be belamó daae mulu atimasisi duraalu, “Diaaã kisipané ã i ãla deterepaae waalopé meié?” du betalepó. <sup>57</sup> Aita, hãle inipó. So

whjmó momaratere topo whjraperó Farisi whjrapetamoné mepaae whjrapepaae duraalu, “Diãkó me whjnetamo ã keletepa, ti tawóló *dipula* beteraalopa, atimapaee ene ape yóló mulaleteiné,” ai fo yalepó.

## 12

*Mariané felé kãlaa wale nard wel wej turó Yesuné hómó dilale fo (Mat 26:6-13, Mak 14:3-9)*

<sup>1</sup> Atéró, kale bosneyóló fele be demó ãla deyaairaalu, apo miró be de hãle mupatei, Yesu ã ama kepaarale whj Lasarus-né turuku be Betanipaae sókó walepó. <sup>2</sup> Ai bemó atimané Yesu hãkeseróturaalu, ãmó ãla deralepó. Ama nema Lasarus-kélé ãla nokole ni fake tómó Yesutamo betepa, ai deyale ãla Martané atimamó ãliróló malepó. <sup>3</sup> Téró, Mariané doasi *moniné* duputere felé kãlaa wale *nard wel* wej wuti fãapa sóro wóló, Yesuné hómó suniyalepó. Atéró ama topo nikinétei, kale *wel* wej fe helekãlepó. Atéyale tikimó, atima betere be dolokélé, felé kãlaa feyó feyóro walepó.

<sup>4</sup> Téyaletei, Yesuné ama yó matere whjrapekó Iskariot be whjkó Judasné kale so foné sóro duraalu, “Ai ãla hãle noatepa besekéraleé?” yalepó. Ti ai sekéta, take nalo Yesu dópóló eleké deyaaire whjipó. <sup>5</sup> “Téró ama duraalu i felé kãlaa wale *wel* wej wisinaaleta, dotonóló 300 *silpa moni* sóro, mepaae yolealere so whjmó meniyólópó,” yalepó. <sup>6</sup> Ai fo yaleteita, yolealere so whj mo tao saai kisipa muóló inipó. Ti noatepae, atimané betãpaae touróló mulótu betere *moni* ama teteróló kaae taru, ãtei ãlémi sua yalepó.

<sup>7</sup> Ai fo depa, Yesuné duraalu, “Ai soné ama felé kãlaa wale *wel* wejta, Kótóné mo taketitei i ala yópólópó yóló muló betepa, ama mo wisiyóló kaae taté wóló, mió e douraaire suka felekemó ai ala dapa, seséni ama yópóló taalae. <sup>8</sup> Ti noatepae, ai yolealere so whjta, diãtamo suka

fea betó tawaalopó. Téyaalotei, ęta, dekeró be demó diątamo betaalo meipó,” yalepó.

<sup>9</sup> Atéró, kale Juda fake so whjné Yesu Betani bemó beterapó dere fo wosóló, ą kelaai dapóló touralepó. Atéró touraleitei, Yesu maaté kelaai mei, Lasarus mo ti sukąletei, Yesuné kepaaralepó depa, kelaairaaalu walepó. <sup>10</sup> Atétepa, mo so whjmó momaratere whjrapené Lasarus-kélé daai dapóló fo deyaalepó. <sup>11</sup> Ti noatepae, Lasarus kepaarale ala atima Juda fake whjrapené kilituraalu, mo so whjmó momaratere whjrape taaróló, Yesupaae kisipa tiki tiraté fu betepapó.

*Yesu Jerusalem bepaae fele ala*  
(*Mat 21:1-11, Mak 11:1-11, Luk 19:28-40*)

<sup>12</sup> Atéró, hįka be deętepa Yesu Jerusalem bepaae wou beterapó dere fo ai ęla naai touró betere so whjné wosalepó. <sup>13</sup> A fo wosetu, ątamo tųmó hokolaa yaai sapo dąarape tao diliki yóló, i fo fakeyóló deté fu betalepó.

“*Hosana!* Talené doimó wale whj wisinaale Kótóné wisirópóló yae. Israel fake so whj tęteróló kaae tare doasi topo whj Talené wisirópóló yae,” deté fu betalepó.

<sup>14</sup> Atéró Yesu ą faairaalu, betą utų *donki* hupu sóró ai hupuné sisó tómmó betalepó. Ama ai yale alata, kale ašemó i yóló muló betere fo motóró dokonalepó.

<sup>15</sup> “Saion be huluamó betó mole senaalerape-ó, mió dią tęteróló kaae tare doasi topo whj utų *donki* hupuné sisó tómmó betóló ai walapa kelere?” erapó.

<sup>16</sup> Ai yale alarape fea ama yó matere whjrape atimanékélé kelaitei, bete hapale sóró kisipanipó. Ténitei, Yesu ą kepaayóló hepenpaae fóló, ama ere ala wisinaale hąkearale kįlipaae ti atimané ąpaae

erale alarapeta, Kótóné ašemó ere fo dokonó beterapóló kisipa mualepó.

<sup>17</sup> Téró, kale Lasarus dou dolomó mupa, Yesuné kepaaratepa kelale so whjné ai yale ala fea deté fóló fakeraalepó. <sup>18</sup> Yesuné ai kelemei ala eralepó, depa wosale so whj mo turó ai be hulua taaróló, ątamo hokolaa yaai dapóló felepó. <sup>19</sup> Atétepa, kale Farisi whjrape atimasisitei duraaalu, “Dąné du betere alarape fea mo aąkélé inipó. Ti ama dere alamó, i haemó betó mole so whj mo feané ątóró ai sya fu betere kelere!” yalepó.

*Yesu ą sinaalopóló yale fo*

<sup>20</sup> Atéró, ęla deyaai tukóló muló betere be deę sókó wapa, Kótóné doi sóró holóló moma yaai Jerusalem be huluapaae hotere so whjamo, mepaae *Krik* fo bole so whj atimakélé fea touyóló holalepó. <sup>21</sup> Téró, kale *Krik* fo bole so whj atima Kaleli haemó tęne Betsaida be whj kó Filip beterepaae fóló, ąpaae woseturaalu, “Doa whj-ó, dąta Yesu kelaai walepa, naao dą ą beterepaae dapesó faaloé?” yalepó. <sup>22</sup> Ai fo depa Filip ą wóló Andrupaae depa, Andru atimaamo wusuró fóló, Yesupaae yalepó.

<sup>23</sup> Ai fo depa Yesuné atimapaee duraaalu, “Kale Whjné Naalemané ere ala wisi hąkearaaire suka mió mo felekemó sókó waai dapó. <sup>24</sup> Yąlo diąpaae mo dapó. Kale *whit* ke haepaae taae derepeletei kęlaayóló alunitepa, ti ai ketóró hąle muó tawaalopó. Tėni, ai ke kęlaayóló alutepa, ti tųmu sokóló, du mo dekeró woleyaalo ai ape. <sup>25</sup> Mepaae whj de ama betere bete me ala yaąsóró, amatei hotowaró kaae tapa, ti ai whjné betere bete aluyaalopó. Tėpatei, mió i alimó mepaae whj dené ama betere bete doratepakélé me ęla meipó dere whjta, mo ti betó tawaalo ai ape. <sup>26</sup> Mepaae yąlo ala erótu betere so whjta, ti mo ętóró sya wonérapó. Atétere so whj atimakélé ę betere tikimótóró

betámó betaalopó. Mepaae so wh̄i detamo yało kutó dirótu betepa, ti atétere so wh̄iné doi yało Ayané sóró horóló, dukiraalopó. <sup>27</sup> Mió yało hosaa tuámó doasi sekéné sukutapa, noa fokó yaaloé? Aya-ó, i be demó epaae eraaitere ala seséyóló ę tao sae fo enére? Mió epaae eraaire ala mo erópóló, ę wóló i betere ape. Aya-ó, naao ere ala wisi so wh̄i feané kolóplóló h̄akearae,” yalepó.

<sup>28</sup> Yesuné ai fo depa, hepen bemó fo fakeyóló duraalu, “Yało ere ala wisi h̄akearó betereitei, mo turó kolóló tuę yópóló, yało momó h̄akearaalopó,” yalepó. <sup>29</sup> Ama atéró dere fo aimó touró betere so wh̄iné wosóló, mepaaené duraalu, “Aita, be sapalaa dorowou yalepó,” depa, mepaae so wh̄iné duraalu, “Meipó. Aita, *ensel*-né epaae fo du yalepó,” yalepó.

<sup>30</sup> Ai fo depa Yesuné duraalu, “Aita, ę tao saai ini, dią tao suraalu yalepó. <sup>31</sup> Ti noatepae, i hae so wh̄itamo fo tokóló dowi kwia melaaire be de mió mo felekemó sókó waai dapó. I hae teteróló kaae taru, doasi topo wh̄i betaai dapóló wóputu betere seké mo felekemó h̄okó faraalo ai ape. <sup>32</sup> Téyaalotei, ę ó sikipaae só horatere sukamó, ai so wh̄i fea ę beterepaae wópóló, ęlisóró waaire ala eraalopó,” yalepó. <sup>33</sup> Ama ai yale fota, ę sukuturaalu yaaire ala h̄akearalepó.

<sup>34</sup> Atei fo depa kale so wh̄iné duraalu, “Kótóné ašemó ere foné i so wh̄i fea teteróló kaae tanópóló, sóró betéro betere wh̄i mo ti betó tawaalopó erapó. Ai fo epatei, “Wh̄iné Naalema sikipaae só horaalopó dere-a, netéro de?” Wh̄iné Naalemapó dere fo demó de?” yalepó.

<sup>35</sup> Ai fo depa Yesuné atimapaee duraalu, “I dētereta, sawa sukamó maaté diątamo betaalopó. Atéyaalopa dią mepaae furaalu, tu tuámó be dikiyaqsóró dēpatei fae. Mepaae so wh̄i de diliki tuámótamo

kutu betepa, ti ę fole tikikélé ama wisiyóló kisipa yaalomeipó. <sup>36</sup> Mió kale de dią tuámó etéro dēró betere félitei dią ai dēterené naale senaale betaasepóló, epaae kisipa tirae,” yalepó. Ama ai fo yóló kemetepa, ai so wh̄iné ę kelaqsóró, atima betó mupatei taaróló, Yesu ę kikitiki kinóló betalepó.

*Juda wh̄irapené Yesupaae kisipa tiki tiréni yale ala*

<sup>37</sup> Téró, Kótóné dapó yópóló, Yesuné mepaae kelemei alarape eratepa so wh̄i feané kelaleteti, atimané epaae kisipa tiki tirénipó. <sup>38</sup> Atéyale alata, Kótóné fo eratere kóló wh̄i Aisaiané i asēre fo dokonalepó.

“Tale-ó, dāné yó matere fo némaaté wosóló kisipa tiki tiraleé? Tal-ené ama fotokōné yale ala depaae maaté h̄akearóló yó malee?” erapó.

<sup>39</sup> Ti noatepae, Yesupaae atimané tuę tiki tirénire beteta, Aisaiané i asēre fotóró dokonóturaalu erapó.

<sup>40</sup> “Kótóné atima kele dilikirío, hosaakélé tāróo yale beteta, atima yale ala kilitu, tuę tiki feteyóló wapa, ama wisiraqsóró kisipa mutu yalepó,” erapó.

<sup>41</sup> Yesuné ai ere ala wisinaale Aisaiané ama kelaletiné ai fo asē ipakalepó.

<sup>42</sup> Atéró, kale Juda topo wh̄irape mepaae Yesupaae kisipa tiki tiralepó. Téyaleteti, mepaae Farisi wh̄irape kolóló atima wituraalu, epaae kisipa tiki tirale ala h̄akearóló yó menipó. Ti noatepae, fo wosetere be tuapaae fenalemó, atima dóló h̄okonaqsóró kisipa mutu yalepó.

<sup>43</sup> Ti noatepae, atimané dere wisi alamó, mo so wh̄iné dukiratere fo wosaai ekele duraalu, Kótóné atima dukiratere fo wosaaire ekele ini, sisópaae erótu beterapó.

<sup>44</sup> Téró, Yesuné fo fakeyóló duraalu, “Mepaae so wh̄i de epaae kisipa tiki tiratepa, ti epaae maaté tirótimatei, ę dotęyale seképaaekélé,



kisipa tiratapó. <sup>45</sup> Mepaae so whi dené ę keletepa, ti ę doteyale sekétóro ai keletere ape. <sup>46</sup> Até ereteiné ę i haepaae waletaita, ępaae kisipa tiki tiró betere so whi diliki tuamó betere ala taaróló, de tuamó beterópóló, i haemó deró betaai walepó.

<sup>47</sup> Yalo fo wosóló erénitere so whita, yalotei fo tokóló só derótimpó. Ti ę waletaita, i haemó betó mole so whi taleyóló só deraai wéni, atima aluyaqsóro, tao saai walepó. <sup>48</sup> Whi me de yalo fo woseni, ę hórótu betepa, ti ai whitamó fo tokótamo yóló só deraaire ala mulapó. ę i haemó bitu, yalo yó male fonétóro take kemetere sukamó so whi só deraalo ai ape. <sup>49</sup> Ti noatepae, yalo yale fota, yalotei kekeme nóló ini, yalo Aya ę doteyale sekéné ępaae yae yale fotóro yalepó. <sup>50</sup> Yalo Ayané ama yae yóló muló betere fo yalo sya fóló erótu betepa, ti so whi fea mo ti betaaire bete saalopóló, yalo kisiparapó. Ti yalo i du betere fota, Ayané ępaae yae yale fotóro sya fóló du beterapó,” yalepó.

### 13

#### *Yesuné ama yó matere whirape hó fokale fo*

<sup>1</sup> Téró, kale bosenée fele sukamó ęla deyaaire be de felekemó sóko waai depa eteyalepó. Yesu ę i hae taaróló Alima beterepaae faalopóló tukóló mulale ali walapóló kisipa mualepó. I haemó betó mole so whipaae yaala sóko fole ala deté wóló kemeróturaalu, atimapaee mió bete mo turó hakearóló yó melaai dapó.

<sup>2</sup> Be dikiteretamo, Yesu ę ama yó matere whirapetamo ęla naairaaalu taletu betepa, Yesu eleké deyóló dópóló, Satan-né Iskariot be whikó Saimon naalema Judas-né tuę tuamó sesemeróló tenélipakalepó. <sup>3</sup> Yesuné fea ala ama tetéroló kaae tanópóló, Alimané ę sóro betéro betere ala ama kisipa yóo, ę Kótó betereró wale

alakélé, momó fesaae faaire alakélé, ama kisipa yóo, erapó. <sup>4</sup> ę atérapóló kisipa mutu, ęla nuku betaletai turukó holóló, ama tómó deró betere kuti sóko mulóló, betę tawel sóro kakeralepó. <sup>5</sup> Atéro, betę nuku dis dolopaae wei deróló, atimané hęleke kaae sóro fokalepó. Atéro, ama kak-erale tawel-né atimané hó helekóló kópuralapó.

<sup>6</sup> Até deté wóló, ę Saimon Pita betere mó sóko wapa, ama ępaae duraalu, “Tale-ó, naaotei yalo hó fokaai de?” yalepó.

<sup>7</sup> Ai fo depa Yesuné ępaae duraalu, “Diępaae i erótu betere ala bete mió naao kisipanitei, take nalopaae ti kisipa yaalo ai ape,” yalepó.

<sup>8</sup> Tétepa Pitané ępaae duraalu, “Yalo hó naao mo fokokélé yaalomeipó,” depa, Yesuné ępaae tokó mótu duraalu, “Naaó hótamo yalo fokoni depa, ti yę yalo fake aleyóló ętamo betamó betenénipó,” yalepó.

<sup>9</sup> Ai fo depa, Saimon Pitané duraalu, “Tale-ó, yalo hó maaté fokoni, yalo naaseró topotamokélé fokotepa wisirapó!” yalepó. <sup>10</sup> Ti fo depa, Yesuné ępaae tokó mótu duraalu, “Whi me de ama tiki turó wei tópuóló betepa, ti hó maaté fokonérapó. Dię feata, wei tópuatei, betę whi meipó,” yalepó. <sup>11</sup> Ti noatepae, take ę dópóló eleké deyaaire whi ama kisipa iruraalu yalepó.

<sup>12</sup> Atéro, atimané hęrape fokóló kemetepa, ama deró betere kuti momó deróló ę betale tikimó bitę felepó. Atéro bitu, ama atimapaee woseturaalu, “Yalo diępaae erale ala dię feané kisipare?” <sup>13</sup> Diaaę yalo doi yóló, yó matere whi Tale-ó, du betere fota, ti ętóró ereteiné mo dono dapó. <sup>14</sup> Mió ęta, dię tetéroló kaae tare Talekélé, dię yó matere whikélé bitu, diaaę hęrape yalo fokalepó. Atéyale kaae, dięsisikélé hó u fokone i fokone du betae. <sup>15</sup> Yalo diępaae i yale alata, dięsisi bitukélé sýrólo deté fu betaasepóló,

diã kisipa mótu yalepó. <sup>16</sup> Yãlo diãpaae mo i dere ape. Kale kutó diratere whiné a kaae tare topo whi bosenóló, a topo whi betenénipó. Kutó dini fópóló doteyale whinékelé a doteyale whi tetaranénipó. <sup>17</sup> Mió i dere alarape diaaã kisipayóló taaréni, sya fólótamo du betepa, ti Kótóné diã wisiratapóló, hajné sukutu betaalopó,” yalepó.

### *Yesuné a dópóló eleké deyaalopóló yale fo*

<sup>18</sup> “Yãlo i dere fota, diã feapaae dumitei, yãlo dosãayóló sóró betere betere whirapemó kisipa mutu dapó. Tépatéi, kale ašemó ere fo mo dokonóturaalu, etamo betámó òla nokole whinétei e dópóló, eleké deyaai du beterapó.

<sup>19</sup> Ai alarape depa diaaã kilituraalu, eta, Kótóné dotonó betere whipóló epaae kisipa tiki tirópóló, ai alarape yaaipatei yãlo diãpaae i dere ape. <sup>20</sup> Mepaae whi dené yãlo doteyale whi wisiyóló dape supa, ti etei dape sirapó. Até dere kaae, mepaae whi dené e mo wisiyóló dape supa, ti e doteyale sekétei, dape sirapó,” yalepó.

<sup>21</sup> Yesuné ai fo yóló kemetepa, ama hosaa tuámó doasi sekéné sukãlepó. Atétepa ama duraalu, “Yãlo diãpaae mo i dere ape. Diãkó whi betané e dópóló, eleké deyaalopó,” yalepó.

<sup>22</sup> Ama yó matere whirape atima kóló kóló duraalu, né yaaire alamó dérópóló, atimasisi u kolósu i kolósu du betalepó. <sup>23</sup> Yesuné ama yó matere whirapekó betã Yesuné ama hosaa mole whi a betere felekemó titiyóló beterepó. <sup>24</sup> Saimon Pitané u kale whipaae depané maaté yóló duraalu, “Ama ai yale fo-a, demó kisipa mutu yaleró, naao apaae wose-timié?” yalepó. <sup>25</sup> Ai fo depa, Yesu-tamo titiyóló betere whi a fetée fóló apaae woseturaalu, “Tale-ó, naao ai yale fo-a, demó yaleé?” yalepó.

<sup>26</sup> Tétepa, Yesuné apaae tokó mótu duraalu, “Yãlo bred o kwia tao sóró, nukumó belere wëimó tópuróló

melatepa naao kilitu, atóróti htipóló kisipa muaalopó,” yalepó. Téró, ama kale bred o kwia sóró wëimó tópuróló, Iskariot be whikó Saimon naalema Judas melalepó. <sup>27</sup> Atéró Judas-né bred o tao seretamotóro, dowi Satan a tuãpaae bití walepó. Atétepa, Yesuné apaae duraalu, “Naao ai yaai dere ala mo hapaletei yae,” yalepó. <sup>28</sup> Atima ai òla nuku betere tikimó betere whirape betanékelé Yesuné ama ai yale fo wosóta yaletei, bete kisipa sinipó. <sup>29</sup> Mepaae ama yó matere whirape atima kisipané Judas-ta, moni kaae tare whireteiné òla detere sukamó naaire òlakó dupune fae, ó mepaae yolealere so whimó melaaire òlakó dupurãle fae dere nisi yalepó. <sup>30</sup> Téró, kale Judas a bred o tao sóró, tėti belapaae sókó derepelemó, be mo ti dikipa kelalepó.

### *Yesuné Pitapaae yale fo*

<sup>31</sup> Atéró, kale Judas fele sisópaae Yesuné duraalu, “Mió kale Whiné Naalema tuámó ere ala wisi hãkearatepa, so whiné kolóo, Kótó a tuámó ere ala wisikélé Naalemapaae eratepa so whi feané kolóo duraalu, Kótó tuámó ere ala wisinaale kisipa yaalopó. <sup>32</sup> Ai alatamo mo depa, ti ama Naalema tuãpaae eratere ala wisinaale so whi feané kolópóló Kótóné kaae tani, mo miótitei ama hãkearaalopó.

<sup>33</sup> Yãlo naalerape-ó, mo sawa sukamó maaté e diãtamo betaalopó. Take yãlo Juda topo whirapepaae yale fo kaae, mió diãpaaekélé i dere ape. Diaaã e kekãalotei, mo kelaalomeipó. E fole tikipaae diã wókélé mo yaalo meipó.

<sup>34</sup> Mió yãlo diãpaae yae yóló mulatere kisi fo i dapa wosae. Yãlo diãpaae yaala sókó fu yale kaae, diãsisikélé atéró yaala sókó fu betae. <sup>35</sup> Diãsisitei, atéró yaala sókó fole ala so whi feané kilituraalu, diã yãlo yó matere whirape beterepóló kisipa yaalopó,” yalepó.

<sup>36</sup> Ai fo depa, Saimon Pitané aḗpaae woseturaalu, “Tale-ó, ya mopaae faai de?” depa, Yesuné duraalu, “E fole tikipaae diḗ mióti wonénitei, take nalota, wonérapó,” yalepó.

<sup>37</sup> Kale dere kaae, Pitané aḗpaae woseturaalu, “Tale-ó, ya fole tikipaae e mióti wapa, noa yaqsóro de? Ya tao suraalu, yaḗlo betere betekélé melólo sukutepa wisirapó,” yalepó.

<sup>38</sup> Téró, Yesuné aḗpaae tokó mótu duraalu, “Naao eḗpaae yaḗkéle sukutepa wisirapó fo du de? Yaḗlo yaḗpaae mo i dere ape. Wá kakaruk bané hale yaaipatei, naao e tuénipó dere fo sore félimó yaalo ai ape,” yalepó.

## 14

### *Yesuné ama yó matere whḗrapené kisipa sekḗ yaqsóro yale fo*

<sup>1</sup> Téró Yesuné duraalu, “Diaaḗ kisipa fomoyólo, hosaa tuḗmó doasi sekḗtu betaqsóro yae. Kótópaae kisipa tiki tiróturaalu, eḗpaaekélé kisipa tirólo betae. <sup>2</sup> Ti noatepae, yaḗlo Aya betere tikimó diḗ betaaire be mo surapó. Ai ala wuḗ meisóro, ti yaḗlo diḗpaae haḗkearólo wuḗpó. Eḗta, diḗ bitḗ waaire tiki donorólo mulótu betaai fulapó. <sup>3</sup> E fólótamo diḗ betaaire tiki donorólo kemetepa, ti momó fesaae wouraalu, diḗkélé e betere tikimótóro betámó betaai dapesó faalopó. <sup>4</sup> E i faaitu betere bepaae fole tuḗta, ti diaaḗ ai kisipare ape,” yalepó.

### *Aya beterepaae faaire tuḗta etórotipó yale fo*

<sup>5</sup> Tétepa Tomas-né aḗpaae duraalu, “Tale-ó, ya faaire tikita, dá kóló kólórapó. Atérapa, ya ai faaitere tikipaae sókó fole tuḗ dané netéro kisipa yaaloé?” yalepó.

<sup>6</sup> Ai fo depa Yesuné duraalu, “Ai bepaae faaire tuḗkélé, mo foné betekélé, so whḗ betere betekélé, ti mo etórotipó. Whḗ mo betáḗkéle yaḗlo Aya beterepaae faai depa, ti

e dekerólo feni, mo e tuḗmótóro fenérapó. <sup>7</sup> Diaaḗtamo e diriyólo tuḗpa, ti yaḗlo Ayakélé mo tuénérapó. Mió kaae suraalu, diaaḗ yaḗlo Aya kolólo, ai kisipare ape,” yalepó.

<sup>8</sup> Tétepa Filip-né duraalu, “Tale-ó, Aya naao daḗpaae yó matepa, ti dané a kolólo kisipanérapó,” yalepó.

<sup>9</sup> Ai fo depa Yesuné duraalu, “Filip-ó, fóló sukamó e diḗtamo bitiré waletei, diaaḗ e kisipanié? Mepaae whḗ dené e kolólo kisipa epa, ti yaḗlo Ayakélé kisiparapó. Tépateti, diaaḗ eḗpaae Aya yó ala dere-a, noa fo yólo de? <sup>10</sup> E yaḗlo Aya tuḗmó betóo, yaḗlo Aya e tuḗmó betóo, eretei diaaḗ kisipanié? Yaḗlo diḗpaae yó mótu betere fota, yaḗlo kekeme nólo dumipó. Yaḗlo Aya e tuḗmó bitu, ama kisipa mole ala erótu betereitei, diaaḗ ai kelere ape. <sup>11</sup> Yaḗlo Aya e tuḗmó betóo, e yaḗlo Aya tuḗmó betóo, erapó dere fo diaaḗ wosólo, mo dapólo kisipa tiki tirae. Ai alatamo ini depa, ti yaḗlo erale kelemei alarape kolólo, kisipa tiki tirae. <sup>12</sup> Yaḗlo diḗpaae mo i dere ape. Whḗ me detamo eḗpaae kisipa tiki tiratepa, ti ai whḗné yaḗlo yale ala kaaetóro yaalopó. Ti noatepae, e yaḗlo Aya beterepaae foletiné take nalo diaaḗ yaḗlo du betere alarapekélé fea bosenólo, mo doasi ala yaalo ai ape. <sup>13</sup> Naalemané Alimané ere ala bete haḗkearaairaaalu, me noa olakó yaḗlo doimó eḗpaae wosetepa, ti ai whḗpaae yaḗlo mo melaalopó. <sup>14</sup> Diḗ feané yaḗlo doimó me noa olakó kematepa, ti ai ala yaḗlo mo eraalo ai ape,”

### *Kale Deḗ Kepe Wisi diḗ beterepaae waalopó yólo mulale fo*

<sup>15</sup> “Diaaḗtamo eḗpaae heḗkesené sukólo yaala sókó fu betepa, ti yaḗlo yae yólo muló betere fokélé diaaḗ mo wisiyólo sya fóló, erótu betaalopó. <sup>16</sup> E betale sirimó, suka fea diḗtamo betó taru, diḗ tao sóro fotokḗ bulótu betaaire sekḗ mekó yaḗlo Ayapaae dotonae depa, ama diḗ beterepaae mo dotonaalo ai ape. <sup>17</sup> Ti ai sekḗta, mo ala maaté du betere Deḗ Kepe

Wisipó. I hae so whĭné ama dere fo wosóló, mopóló ă dape senénipó. Ti noatepae, atimané ă kolóló kisipakélé inireteinépó. Téplatei, mió ă diątamo betóo, take nalokélé dią tuąmó betóo, yaairetei diaaą ai kisipare ai ape. <sup>18</sup> Dią hae aya meiyóló, bokonaale naale senaale kaae beterópóló yąlo dią taaróló fumitei, ę dią beterepaae momó fesaae waalopó. <sup>19</sup> Mo sawa sukamó bituraalu, i hae so whĭné ę kelaalo meitei, diąnéta ę kelaalopó. Ti noatepae, ę kepaayóló betereiteiné, diąkélé mo betaalo ai ape. <sup>20</sup> Atétere sukamóta, ę yąlo Aya tuąmó betepa dią ę tuąmó betóo, ę dią tuąmó betóo, ere ala diaaą kisipa yaalopó. <sup>21</sup> Mepaae whĭ de yąlo yae yóló muló betere fo aqmó sukóló bitu, sya fóló eró tapa, ti ai whĭné ępaae yaala sókó fu beterapó. Mepaae whĭ dené ępaae yaala sókó fu betepa, ti yąlo Ayanékélé ai whĭpaae yaala sókó fóo, yąlokélé ąpaae yaala sókó fóo du betaalopó. Téturaalu, ę tuąmó ere ala fea yąlo ąpaae hăkearóló yó melaalo ai ape,” yalepó.

<sup>22</sup> Tétepa, kale Iskariot be whĭkó Judas-né ama yakoma Judas-né Yesupaae duraalu, “Tale-ó, i haemó betó mole so whĭ feané yă kolópóló yó meni, dăné maaté kolópóló, yó melaalopó dere-a, noatepae?” yalepó.

<sup>23</sup> Ti fo depa Yesuné duraalu, “Mepaae whĭ dené ępaae yaala sókó fu betepa, ti yąlo yó matere fo wisiyóló sóró erótu betaalo ai ape. Atétere whĭpaae yąlo Ayané yaala sókó furaalu, dămo wusuró ă beterepaae wóló ątamo betąmó mo ti betó tawaalopó. <sup>24</sup> Mepaae whĭ dené ępaae yaala sókó fenitepa, ti yąlo i yó mótu betere fokélé diaaą sya fóló eraalomeipó. I kale wosetu betere fota, yąlo kekeme nóló dumitei, ę dotęyale seké yąlo Ayané ama fotóro yó mótu beterapó. <sup>25</sup> I fo feata, ę diątamo betąmó bitutei yó mótu betalepó. <sup>26</sup> Tétu

betaletei, diątamo betąmó bitu, dią tao saaire seké kale Dęi Kepe Wisi Ayané yąlo doimó dotonaalopó. Ai sekéné amata, diąpaae fea ala yó melaalo ai ape. Téturaalu, yąlo diąpaae yó mótu betale forape keteni, kisipa yó tanópóló, ama dią yó mótu betaalopó. <sup>27</sup> Ę tuąmó mole hosaa muni deyóló mo dua betere ala diąmó melóló ę i fole ape. Yąlo i matere hosaa muni deyóló dua betere alata, i haemó betó mole mo so whĭné matere kaae meipó. Térapa, diaaą hosaa tuąmó sekętere alaró witere alatamo muaąsóró yae. <sup>28</sup> Ęta, dią taaróló faalotei, dią beterepaae momó fesaae waalopó yale fota, diaaą ai wosale ape. Diaaą ępaae yaala sókó fole ala mupata, ti ę yąlo Aya beterepaae fulapó dere fo woseturaalu, hăiné sukuąpó. Ti noatepae, yąlo Aya ă doasi fotokę bole seké bitu, ama ę tęteró beterapó. <sup>29</sup> Take i alarape mo depa kilitu, mo irapóló diaaą kisipa tiki tirópóló, i alarape yaaipatei, folosóró yąlo diąpaae ai yale ape. <sup>30</sup> Yąlo diąpaae fo me kae dekéró yaalomeipó. Ti noatepae, i hae tęteróló kaae tare topo whĭ Satan ipaae mo felekemó sókó waai dapó. Téyaalotei, ama ę só deraaire bete mekélé mo munipó. <sup>31</sup> Téplatei, yąlo Ayapaae yaala sókó furaalu, ama erae dere alatóro yąlo erótu betereitei, i haemó betó mole so whĭ feané kolóló taaréni, mo kisipa sópóló dapó. Térapa, mió dă faalopa fiépe,” yalepó.

## 15

### *Yesu ąta wain képiné betepó yale fo*

<sup>1</sup> “Mo wain képi beteta, ti ętórótípó. Yąlo Aya ąta, wain kutó Talepó. <sup>2</sup> Mepaae du olenitere tetejrape ti ama tukóló taae falatu beterapó. Mepaae du oletere tetejrape mo dekéró oleyópóló, yąlo Ayané mepaae séli yó moletei turukóló taae falatu beterapó. <sup>3</sup> Yąlo take diąpaae yó mótu betale foné dią fea fokóló



mo ti wisiró betrapó. <sup>4</sup> Diã ę tuãmó betepa, ti ękélé diã tuãmó betaalo ai ape. Kale képi tetejrape tikimó olekenipa, ti du oleyaalomeipó. Diã ę tikimó olekeyóló bitinipa, ti netéró du oleyaalóé?

<sup>5</sup> Mo *wain* kúpita, ti ętórótípó. Diãta tetejrape ai ape. Mepaae whítamo ę tuãmó betóo, ękélé ai whí tuãmó betóo epa, ti du mo dekéró oleyaalópó. Téni, ętamo tekée fóló kae betepa, ti ai whiné ama me alakélé mo enénipó. <sup>6</sup> Mepaae whítamo ę tikimó olekeyóló bitinipa, ti ai whí sélitepa tukóló taae falatere ni tetej kaaepó. Ai taae falatere tetejrapeta, dasóló si bilirótua dapó. <sup>7</sup> Diãkó whí me detamo ę tikimó olekeyóló betóo, yãlo fokélé naao hosaa tuãmó muóo iruraalu, me ęlakó ępaae kematepa, ti ai whípaae yãlo mo melaalópó. <sup>8</sup> Diã tuãmó du mo dekéró olepa, ti yãlo Ayané ama ere ala wisinaale so whí feané kolópoló hãkearatapó. Atére ala so whiné kilitu, diã mo yãlo yó matere whírapetóró betrapóló kisipa yaalópó.

<sup>9</sup> Yãlo Ayané ępaae yaala sókó fu yale kaae, yãlokélé diãpaae yaala sókó fole ala du betalepó. Térapa, yãlo yaala sókó fóló mole tuãmótóró hãle betó tawae. <sup>10</sup> Yãlo Ayané ama erae yóló muló betere fo sya fóló eró taruraalu, ama yaala sókó fóló mole tuãmó betó tarapó. Ę ai ala ere kaae, yãlo erae dere fo diaaę wosóló erótu betepa, ti diã yãlo yaala sókó fole ala tuãmó betó tawaalópó. <sup>11</sup> Yãlo diãpaae i yale fo feata, ę tuãmó mole hãitere ala diã tuãmó fãaturaalu, diaaę hãitere ala mo ti sýrópóló kisipa mutu yalepó. <sup>12</sup> Yãlo diãpaae yae dere fo ipó. Yãlo diãtamo yaala sókó fóló mulure kaae, naao ne no diãsisikélé ai ala du betae. <sup>13</sup> Whí mené ama yaala sókó fole whírape tao saai dapóló, ama betere bete hãle melóló sukutepa, ti atéró yaala sókó fole alané mepaae yaala sókó fole ala fea teteró betrapó. <sup>14</sup> Diaaę yãlo

yae yóló muló betere fo erótu betepa, ti diã yãlo fulumu whírape ai betere ape. <sup>15</sup> Betã kutó diratere whiné ę teteróló kaae tare whiné dere ala fea ama kisipa inipó. Atére betené take bitiré wouraalu, yãlo diãpaae kutó diratere whírape-ó yaletai, ai fo momó kaae ini, mió diãpaae yãlo fulumu whírape-ó, dapó. Ti noatepae, yãlo Ayané yó melale alarape fea diaaę kisipa yópoló, yãlo diãpaae hãkearóló yó melalepó. <sup>16</sup> Diaaę ę sókó sóró kae beterenitei, yãlo diã sókó sóró kae beteró betrapó. Ai alata hãle inipó. Diã fóló, mo ti muó tawaaire du olerópóló kisipa mutu yalepó. Atéturaalu, yãlo doimó diaaę me noa ęlakó Ayapaae kematepa, ti ai kematere ęla ama diãmó mo melaalo ai ape. <sup>17</sup> Yãlo diãpaae yae yóló mulatere fo i ape. Diãsisitei yaala sókó fole ala du betae.

*Mo whiné Yesuné yó matere whírape hýróló bóe dale fo*

<sup>18</sup> I haemó betó mole so whínétamo diã hýróló bóe du betepa, ti folosóró atimané ę hýróló, bóe dale ala kisipa muae. <sup>19</sup> Diãtamo i hae tale betepa wuãsóró, ti i hae so whiné faketóró betrapóló kisipa mutu, diãpaae yaala sókó fole ala du bituãpó. I hae so whítamo touyóló betepa, yãlotei diã sókó su yóló kae beteralepó. Atére betené diãtamo bóe du betrapó. <sup>20</sup> Yãlo diãpaae yó melale forape kisipa muae. Kutó diratere whiné ę kaae tare whí ama teteróló kaae tanénipó. Atimané ętamo bóe dóló susupui ala erótu yale kaae, diãpaaekélé eraalo ai ape. Yãlo yó male fotamo atimané wisiyóló wosóló erótu betepa, ti diaaę yó matere fokélé atimané wisiyóló wosaalo ai ape. <sup>21</sup> Ti noatepae, ę dotęyale seké, atima kisipa inireteiné diã yãlo so whí bitu, yãlo ala erótu beteremó, atimané diãpaae kae kae susupui ala erótu betaalópó. <sup>22</sup> Ę i haepaae wóló, yãlo fo atimapaae yó móluãsóró,

ti dowi alamó atima só deraaire kwia muḡmeipó. Tépeitei, atimané yale dowi alamó fo tokótamo depa, meipóló hepée falaaire tu mo munipó. <sup>23</sup> Whi me dené ę hóróló bóe du betepa, ti ai whiné yalo Ayakélé hóróló bóe dilapó. <sup>24</sup> Take mo betę whinékelé inire ala yalo atima kuamó eroluḡmeisóro, ti atimané yale dowi alamó só deraaire kwia muḡmeipó. Mió i yale kelemei alarape atimané kolólótei, ętamokélé yalo Ayatamokélé, bóe dóló hórálepó. <sup>25</sup> Atimané ai du betere alata, i asęre fo dokonóturaalu yalepó, ‘Me bete munipatei, atimané ętamo hęle bóe dalepó.’

<sup>26</sup> Até du betaalotei, dię tao sóro wisiraaire sekę betę waalo ai ape. Ai sekęta, ę fóló yalo Ayatamo bituraalu, dię beterepaae dotonaalopó. ęta, mo alané bete yalo Ayatamo betęmó biti wouraalu, yalo ere ala fea etępóló, dię tao sóro fotokę bulóló, yó melaaire Deį Kepe Wisipó. <sup>27</sup> Mo take kaae sale alimótei, dię ętamo bitiré waleteiné diaaękélé ę etei kaae whipóló hękearóló yó mótu betenępapó,” yalepó.

## 16

<sup>1</sup> “Yalo diępaae i yale fo feata, dię ę sya fu betere ala taaróló, kępaae faęsóro yalepó. <sup>2</sup> Atimané dię fo wosetere bepaae waęsóro dóló hękonaalo ai ape. Ai ala maaté mei, mepaae whi atima Kótóné ala eratere nisiyóló, dię mo ti sukępóló daalo ai ape. Ai ala yaaire be de mió mo felekemó sókó waai dapó. <sup>3</sup> ęró yalo Ayatamo atima kisipa inire betené diępaae atei kaae alarape eraalo ai ape. <sup>4</sup> Atépeitei, yalo diępaae i deté wou betere fo dokonóturaalu mo eratere sukamó, noa ala dutępóló dię kilita yaęsóro, yalo i dere fo kisipa yaasepóló dapó. ę diętamo hęle betereiteiné take yalo diępaae etei fo inipó.

*Deį Kepe Wisi wóló yaaire alamó yale fo*

<sup>5</sup> Téretei mióta, ę dotęyale sekę beterepaae momó fesaae fulapó. Até yaaı depa, diękó betę whinékelé, ‘Yę maae faai de?’ yóló, ępaae wosetere fokélé dumipó. <sup>6</sup> Yalo diępaae i forape yaletuiné mió diaaę hosaa tuęmó dekéné ai sukutu betere ape. <sup>7</sup> Tépeitei, yalo diępaae mo dapó. Diępaae wisi ala eraaire tu mulóturaalu, ę dię taaróló fulapó. ętamo fenitepa, ti dię tao sóro fotokę bulóló tu yó melaaire sekę dię beterepaae waalo meipó. ętamo fupa, ti yalo ę dię beterepaae dotonaalopó. <sup>8</sup> Ai Deį Kepe Wisi wouraaluta, i haemó betó mole so whiné du betere dowi alakélé, Kótóné donoi ala etępóló yó mótu betere alakélé, taleyóló kwia matere alakélé, fea ai sekéné ama hękearateremó, hęko ala du betępóló dię hosaamó saalopó. <sup>9</sup> Ti noatepae, i haemó betó mole so whiné ępaae kisipa tirénitere beteta, dowi alapóló ai Deį Kepe Wisiné atima hosaamó seraalopó. <sup>10</sup> ę yalo Aya beterepaae fesaae foleteti, momó kaae diaaę ę kelaalomeipó. ę atéro foletuiné so whi feané Talené donoi ala kisipa yępóló, ai sekéné hękearóló yó melaalo ai ape. <sup>11</sup> Mió i haemó tęteróló kaae tare sekę ama yale alamó, ę só deró betępapó. Tétu, i haemó betó mole so whi tale dere alakélé hęko yalepóló, hosaamó sępóló, ai waaire Kepe Wisiné hękearaalo ai ape.

<sup>12</sup> Yalo diępaae yaaı dere fo dekéro mupatei, bete diaaę senénireiteiné fea fo enénipó. <sup>13</sup> Tépeitei, kale mo fo maaté bole Kepe Wisi ę wólóta, mo fo bete turó diaaę tuę yępóló, hękearóló yó mótu betaalopó. Aita, ama kekeme nóló yaalomeitei, mo ama wosale fotoró diępaae yó melaalopó. Tęturaalu, nalo waaire be demó yaaire alakélé yó melaalo ai ape. <sup>14</sup> Ai Deį Kepe Wisiné yalo mo bete mole fo diaaę kisipa yępóló, ama tao sóro diępaae yó melaalopó. Tęturaalu, yalo ere ala wisinaale so

whi feané kolópóló, ama hakearaalo ai ape. <sup>15</sup> Yalo Ayané ama tetéroló kaae tare ala fea, yalokélé tetéroló kaae tarapó. Atére betené yalo fo diaaq kisipa yópóló, Deji Kepe Wisiné ama hakearoló yó melaalopóló, yalo diappaee yalepó.

<sup>16</sup> Mo sawa sukamó diaaq e ke-laalomeitei, sawa beteró, diaaq e momó kelaalopó,” yalepó.

*Yesuné diaaq hosaa seke yaalotei momó hajyaalopó yale fo*

<sup>17</sup> Ai fo depa, mepaae ama yó matere whirape atimasisitei duraalu, “Sawa sukamó a ke-laalomeipó. Téyaalotei, sawa sukamó beteró a momó kelaalopó, dere foró ama Alima beterepaae fo-leteinépó yale fotamo-a, noa betené yalerópó,” yalepó. <sup>18</sup> Atimasisitei duraalu, “Mo sawa sukamópó yale fota, noa betené yaleró dakélé kisipani, kóló kólórapó,” yalepó.

<sup>19</sup> Ama ai yale fomó, atimané apaae wosaai mutere kisipa ama kolóló, atimapaee duraalu, “Sawa sukamó diaaq e kilini bitiré fóló, sawa sukamó momó kelaalopó yale fomó, diasisitei noatepa kelaarótu bitu de? <sup>20</sup> Yalo diappaee mo i dere ape. Diata, diaaq hosaa tuamó dekené sukuturaalu, wole-u du betepa, i haemó betó mole so whi atima hainé sukutu betaalopó. Diaaq hosaa tuamó sekené sukutu betaalotei, momó kisipa felé yóló, haitu betaalo ai ape. <sup>21</sup> Sorapené naale saaire be de sókó wapa sisó nukuraalu, ama tikimó doasi dele sua dapó. Tétereitei, ama naale só mulóló, kilipaae naalené tiki kolóló hakeseturaalu, a doasi dele sale ala kisipa keterótua dapó. <sup>22</sup> Atétere kaae, mió di dekené ai sukutu betere ape. Tépatéi, e momó di beterepaae wale sukamó, diaaq e kilitu dere hai mené tokóló aluranénipó. <sup>23</sup> Atétere sukamó, diaaq epaae me wosetere fokélé mo yaalo meipó. Yalo diappaee mo dapó. Diaaq yalo doimó Ayapaae

me olakó kematepa, ti ai whipaae ama mo melaalopó. <sup>24</sup> Take bitiré woukélé, diaaq yalo doimó me ola kematere alakélé mo inipó. Térapa, mió bitutamo me olakó kematepa, ti ai ola suraalu, di tuamó haitere ala mo turó fayaalopó.

<sup>25</sup> Taketa, yalo diappaee kinóló mole ala fo salepaae dó faróló deté waleitei, nalo waaire sukamó yaaitere alata, fo salené ini, yalo Ayané ama ere ala etérapóló, mo hakearoló yaalopó. <sup>26</sup> Ai be demóta, diaaq yalo doimó apaae kema yaalopó. Yalo i du betere fota, diamó yalo Ayapaae woseraalopóló dumipó. <sup>27</sup> Téyaalo meipa, diaaqte i apaaetóro wosae. Ti noatepaae, diaaq epaae yaala sókó fóo, eta Kótótamo betóló wale whipóló apaae kisipa tiki tiróo ereteiné, yalo Ayané ama diappaee hosaa muóló yaala sókó fu beterepó. <sup>28</sup> Take e yalo Ayatamo beteró, i haepaae walepó. Mió e i hae taaróló, momó yalo Aya beterepaae fulapó,” yalepó.

<sup>29</sup> Ai fo depa, ama yó matere whirapené apaae duraalu, “Mióta naao dapaae fo salepaae dó faróló dumi, mo hakearóló dapó. <sup>30</sup> Mió dané kisipare ala betá ipó. Fea ala naao kisiparu hakeamó yó mótu betereiteiné, mené yapaee momó wosetere ala kae enénipó. Atérené yata, Kótótamo betóló wale whipóló dané kisipa tiratapó,” yalepó.

<sup>31</sup> Ai fo depa, Yesuné atimapaee duraalu, “Di tué tiki tirópóló kaae taté waleitei, mióti epaae diaaq tué tiki ai tiratere ape! <sup>32</sup> Téretei, diaaq be dokó dapo dapo yóló furaalu, e wotoró betepa taaróló faaire be de mió i sókó wale ape. Téyaalotei, e wotoró bitini, yalo Ayatamo wusuró beterepó.

<sup>33</sup> Yalo diappaee i yale fota, di e tuamó hosaa muni deyóló dua beterepóló yalepó. Di i haemó bituraalu, kae kae sekei ala siré fu betaalotei, i haemó mole alarape fea yalo mo ti doróló tetéroló beterepó.

Atérapa diã furu furu ini, hosaa diriyóló dua betae,” yalepó.

## 17

### *Yesuné Alimapaee momayale fo*

<sup>1</sup> Yesuné ai forape yale k̄lipaae ó hepen-paae kese holóló momaturaaalu,

“Aya-ó, mió kale tukóló muló betere be d̄e i sókó walapa, naao Naalené yã tuãmó ere ala wisi-naale so wh̄i feapaae h̄akearópóló, naao ama ere ala wisi h̄akearae.

<sup>2</sup> Ti noatepae, i haemó betó mole so wh̄i fea t̄eteróló kaae tanópóló, naao ẽ sóró beteralepó. Naao ẽpaae ai melale so wh̄ipaae mo ti betaaire bete melópóló, naao fotok̄ ẽ sumó melalepó.

<sup>3</sup> Mo ti betere bete i ape. So wh̄iné yãta, mo betã betere Kótópóló tuẽ yóo, naao dot̄eyale wh̄i Yesu Kerisokélé tuẽ yóo, dere alata, mo ti betere betepó.

<sup>4</sup> Naao ẽpaae i haemó dirae yale kutó fea yãlo diyóló kemeraleteiné, naao ere ala wisi-naale i haemó betere so wh̄iné kolópóló, h̄akearalepó.

<sup>5</sup> Aya-ó, i haekélé kaaraaipa d̄amo wusuró bitu, naao ere ala wisi h̄akearótu yale kaae, mió ẽ i hae taaróló yã beterepaae fesaae wóló betepakélé, ai ala momó erasepóló d̄apó,” yalepó.

### *Yesuné ama yó matere wh̄irapemó momarale fo*

<sup>6</sup> “Aya-ó, i haemó betó mole so wh̄i kuamó, mepaae naao sóró ẽpaae melale so wh̄ipaae ti naao ere ala wisi yãlo h̄akeamó erótu betalepó. Atimata take naao so wh̄i betaletei, naao sóró ẽpaae melalepó. Atéyale so wh̄iné naao fo mo betã wosóló, erótu betalepó.

<sup>7</sup> Naao ẽpaae melale alarape feata, yã betemó kaayóló walepóló, mió atimané tuẽrapó.

<sup>8</sup> Ti noatepae, naao ẽpaae yó melale fo fea yãlomo atimapaee

yó matepa, atimané mopóló wosalepó. Atéturaalu, ẽ yãtamo betóló naao ẽ dotonatepa wale wh̄ipóló, atimané ẽpaae kisipa tiralepó.

<sup>9</sup> Naao atima tao sópóló, yãlo momarótu beteralepó. Yãlo i dere momata, i haemó h̄ale betó mole so wh̄imó dumitei, naao sóró ẽpaae melale so wh̄imó kisipa mutu i detere ape. Ti noatepae, atimata mo naao so wh̄itórótípó.

<sup>10</sup> Naao so wh̄ita, ti yãlo so wh̄itórótípó. Yãlo so wh̄i fea ti naaotórótípó. Atimapaee erale ala so wh̄i feané kilitu, yãlo ere ala wisinaale h̄akearalepó.

<sup>11</sup> Mió ẽ i haemó doa f̄olo sukamó betaalomeitei, i wh̄irape atimata i haemó h̄ale betepa, ẽ yã beterepaae walapó. Mo kae betere Aya-ó, i wh̄irape atima me ala yaqsóró, naao ere ala tuãmó beterópóló kaae tawae. So wh̄iné naao ere ala wisinaale kisipa yópóló, naao doasi doi mole fotok̄né ẽ tuãpaae eralepó. Térapa, d̄amo mo betãtóró biture kaae, atimakélé atérótóró beterópóló, naao ẽ male doiné t̄eteróló kaae tawae.

<sup>12</sup> Ẽ atimatamo betãmó betale sukamó, naao ẽpaae melale doiné atima mo wisiyóló kaae tawalepó. Atéro, kaae tawale sukamó mo betã wh̄ikókélé alunipó. Kale as̄emó ere fo dokonóturaalu, aluyaa i yale wh̄i ẽ betã mo ti aluyalepó.

<sup>13</sup> Mió ẽ yã beterepaae waai, i haemó atimatamo betere féli, ẽ tuãmó mole h̄aitere ala mo turó atima tuãmókélé mulópóló, i forape atimapaee du beteralepó.

<sup>14</sup> Ẽ i hae tale bitiniru ere kaae, atimakélé i hae tale bitinipó. Naao ẽpaae erae yale fo yãlo atimapaee yó melalemó, i haemó betó mole so wh̄iné atimatamo bóe dóló h̄oralepó.

<sup>15</sup> Aya-ó, yãlo i dere momata, atima i haemó betereitei tokó sóró, naao kae tikipaae beterae yóló



dumitei, dowi kepené atima do-raqsóró, seséyae yóló dapó.

<sup>16</sup> Ẹ i hae tale bitinirure kaae, atimakélé i hae tale bitinipó.

<sup>17</sup> Atima me alatamo hoseké yóló betaqsóró, mo fonétei atima kae sóró beterae. Naao fota me kae mei, mo bete mole fopó.

<sup>18</sup> Ẹ i hae so wh̄tamo beterópóló, naao ẹ i haepaae dotonótu yale kaae, i wh̄rape atimakélé, i haemó betó mole so wh̄tamo beterópóló, yalo dotonatapó.

<sup>19</sup> Atimakélé me alatamo hosekéni, mo kae beterópóló, ẹ mo naao alatóró eraai kisipa mutu, yalotei ẹ kae sóró beteratapó,” yalepó.

*Yesuné i haemó betó mole so wh̄mó momarale fo*

<sup>20</sup> “Yalo i dere momata, i wh̄rape atima maaté tao sópóló dumitei, mepaae so wh̄ de atima yó matere fo wosóló, ẹpaae kisipa tiraaire so wh̄mókélé i dere ape.

<sup>21</sup> Aya-ó, yalo i dere momata, ẹ ya tuámó betóo, ya ẹ tuámó betóo iru, mo betatóró biture kaae, atimakélé fea atérótóró beterópóló yae. I haemó betó mole so wh̄iné ẹ naao doteyale wh̄póló kisipa tirópóló, atima dāmo tuámó beterópóló yae.

<sup>22</sup> Naao ere ala wisinaale h̄kearóló ẹpaae melaleteti, yalomo atimapaee melalepó. Até yaleteta, dāmo mō betā kisipa muóló biture kaae, atimakélé atéro beterópóló yalepó.

<sup>23</sup> Naao ẹ doteyóo, ẹpaae yaala sókó fōo, ere ala atimapaekélé eró beterapóló, i haemó betó mole so wh̄iné kisipa yópóló, atima fea mo betā faketóró alerae.

<sup>24</sup> Aya-ó, naao ẹpaae melale so wh̄ ẹ betere tikimótóró betāmó bitu, ẹ tuámó ere ala wisinaale atimané kolópóló kisipa mutapó. Ti naao ai ere ala wisinaaleta, take s̄aró haetamo kaaraaipatei, yaala sókó furaalu, ẹpaae melalepó.

<sup>25</sup> Mo donoi ala maaté yó tare Aya-ó, i haemó betó mole so wh̄iné ya tuénitei, yalo ya tuérapó. I wh̄rape atimanéta, naao ẹ doteyalepóló kisiparapó.

<sup>26</sup> Naao ẹpaae yaala sókó fole ala atima tuámó muóo, ẹkélé atima tuámó betóo erópóló, yalo ya etei kaae Tale beterapóló, atimapaee h̄kearóló yó maté wou betalepó. Ai ala taaréni, miókélé h̄le detétóró fu betaalopó,” yalepó.

## 18

*Yesu daai tawale fo*

*(Mat 26:47-56, Mak 14:43-50, Luk 22:47-53)*

<sup>1</sup> Atéro, Yesuné moma yóló keme-tepa, ama yó matere wh̄rape atima betere tiki taaróló, Kidron ho t̄eyóló felepó. Ai ho uté fakeró *Olip* nirape daae mulapó. Yesuró ama yó matere wh̄rapetamo ai ni daae mole tikimó sókó felepó.

<sup>2</sup> Ai hae tikita, Yesu d̄ópóló eleké deyaaire wh̄ Judas-né ama mo tuérapó. Ti aita, Yesuné ama yó matere wh̄rapetamo suka fea tour̄leta du betale tikipó.

<sup>3</sup> Atéro, kale Judas ą ai ni daae mole tikimó sókó walepó. Ẹ atéro wale alata, ama wotoró mei, mepaae diki tare wh̄rapekélé, Farisi wh̄raperó so wh̄mó momaraterere topo wh̄rapené sóró beteró betere wh̄rapetamokélé, dapesó walepó. Ai wh̄rape atima feané mo s̄akélé, *lamp* s̄akélé, bōe dele ọla ọlarapekélé, fea tawóló walepó.

<sup>4</sup> Yesuné ẹpaae eraaire ala fea ama kisipa irutei, ą sókó fóló atimapaee duraalu, “Diaaq ai-a, de kekitu bitu de?” yalepó.

<sup>5</sup> Ai fo depa atimané duraalu, “D̄ata Nasaret be wh̄kó Yesu keketapó,” depa, ama duraalu, “Ai wh̄ta ętóroti i ape,” yalepó. Ai wale wh̄rapetamo Yesu d̄ópóló, eleké deyaaire wh̄ Judas-kélé daalepó.

<sup>6</sup> Yesuné ai wh̄ta, ętóroti i ape dere

fo woseturaalu, atima sisóné fele tikimó, dée nalepó.

<sup>7</sup> Atétepa, Yesuné atimapaee momó woseturaalu, “Diaaḡ ai kekitu betere whi-a, de?” depa, atimané duraalu, “Nasaret be whikó Yesupó,” yalepó.

<sup>8</sup> Yesuné kale whirapepaee duraalu, “Ai whita, ɛtóró i ape yóló yaḡo taketi diḡpaee inié? Diaaḡtamo ɛ kikitu betepa, ti i whirape atima haḡe fópóló yae,” yalepó. <sup>9</sup> Ti ai yale alata, take Yesuné “Naao ɛpaee melale whirape mo betakélé alunipó,” yale fo mo dokonóturaalu yalepó.

<sup>10</sup> Téró, Saimon Pitané fḡloi sepake be dolomó deró betteretei sókó sóró, so whimó Talepaee momaratere topo whiné kutó diratere whiné tururó woséli saḡae deralepó. Ai whiné ama doita Malkus-pó.

<sup>11</sup> Yesuné Pitapaee duraalu, “Naao ai sepake sóró momó be dolopaee bulae. Naao kisipané yaḡo Ayané ɛ melale wɛi wutimó beleretei yaḡo naalomeipóló de?” yalepó.

*Fo tekḡai Yesu Anas beterepaee dapesó fele fo*

<sup>12</sup> Téró, diki tare whiraperó atimané topo whitamó yóo, mepaee Juda topo whirapekélé yóo yóló, Yesu tawóló halika tikiné dokalepó.

<sup>13</sup> Atéró, atimané ɛ folosóró Kaiapasné nouma Anas beterepaee dapesó felepó. Kaiapas ḡta, ai ba fo tuḡmó so whimó Talepaee momaratere whirapené topo whi beterepó.

<sup>14</sup> I seké Kaiapas-ta, take Juda so whipaee duraalu, “Daḡ Juda so whi me ala yaḡsóró, betḡ whi sukutepa mo wisirapó,” yale whipó.

*Pitané Yesu ɛ kisipanipó yale fo*  
(Mat 26:69-70, Mak 14:66-68, Luk 22:55-57)

<sup>15</sup> Atéró, Yesu dapesó fupa, Saimon Pitaró ama yó matere whi metamo Yesu sya fu betalepó. Kale mo so whimó Talepaee momaratere topo whiné Yesuné yó matere me whi ama wisiyóló tuéreteiné ai bolaare tipi tuḡpaee doropópóló yalepó.

<sup>16</sup> Téyaletei, Pita ɛ ai tipi tu serekemó daapa, kale me yó matere whi momó fesaae wóló, tu kaae tare senaalepaee Pitakélé ipaae wópóló yae, yalepó.

<sup>17</sup> Atéró, kale tu kaae tare senaalené Pitapaee woseturaalu, “Yaḡkélé ai whiné yó matere whikóe?” depa, Pitané kale senaalepaee tokó mótu duraalu, “ḡta, ai whiné yó matere whi meipó,” yalepó.

<sup>18</sup> Atéró, kale mepaee kutó diratere whiraperó mepaee doasi diki tare whirapetamo atima sosóli depa, si nokeyóló simó boperóló daae molepó. Atéró daae mupa, Pita ɛkélé sosóli depa, atimatamo simó daalepó.

*Momaratere topo whiné Yesutamo fo tekḡletei*

(Mat 26:59-66, Mak 14:55-64, Luk 22:66-71)

<sup>19</sup> Atima atéró simó betó mupa, mo so whimó Talepaee momaratere topo whiné Yesupaae woseturaalu, “Naao yó matere whirape-a, deé? atimapaee naao noa fo yó maleé?” yalepó.

<sup>20</sup> Ai fo depa Yesuné duraalu, “Yaḡo fo mekó kinóló yó meni, so whi feané wosópóló, haḡeamótóró yó mótu betalepó. Yaḡo yó male fota, Kale Juda fake so whi fea tourḡleta dere fo wosetere beraperó, moma dere betamo tuḡmótóró yó mótu betalepó. <sup>21</sup> Téyalepa, naao ɛpaee noatepa wosete? Yaḡo yó matere fo wosale so whiné tuérapa, atimapaee wosae,” yalepó.

<sup>22</sup> Yesuné ai fo depa, Juda topo whiné sóró beteró betere whi betḡ ɛ daale felekemó daai sókó wóló, ama kelepaamó deké sóró duraalu, “So whimó Talepaee momaratere topo whipaee ate kaae fo dua de?” yalepó.

<sup>23</sup> Atétepa Yesuné duraalu, “Yaḡo me dowi alakótamo itikimó, ti i so whi feané keletómó yaḡo yale ala haḡearóló yae. Tényi, yaḡotamo ɛpaee mo fo itikimó, ti naao ɛ haḡe noatepa

dile?” yalepó. <sup>24</sup> Atéro, Yesuné ama naase hãle dokopatei, kale whi Anas-né a Talepaae momaraterere topo whi Kaiapas beterepaae fõpóló doteyalepó.

<sup>25</sup> Atima ai ala du betepa, kale whi Saimon Pita a simótóro hãle daapa, mené a paae duraalu, “Yakélé ai whiné ama yó male whi meié?” depa, Pitané duraalu, “Ai whita e meipó,” yalepó.

<sup>26</sup> Tétepa, momaraterere topo whiné kutó diraterere whi beta beterepó. Aa, take Pitané woséli tikale sekéné ama fake whipó. Ai sekéné Pita-paae woseturaalu, “Yata, u *Olip* ni daae mole tikimó daapa kelale whi-a, kaeé?” yalepó. <sup>27</sup> Ai fo depa Pitané momó meipó, deretamotóro wã kakaruk bané hale yalepó.

*Yesu topo whi Pailat beterepaae dapesó fele fo*

*(Mat 27:11-23, Mak 15:2-15, Luk 23:1-5,18-25)*

<sup>28</sup> Dilikitamo ai ala deté wóló, hika be detamo Yesu a kale topo whi Kaiapas-tamo betepa, Juda topo whirapené Rom *Gavman* topo whiné bepaae dapesó felepó. Téyaletei, atima kale bosenyóló fele be demó detere ɔla naaireteiné ai be dolopaae feni, belamó daae molepó. Ti noatepae, atima Juda meire whiné bepaae fupa, ai detere ɔla naalomeipó, yaqsóro yalepó. <sup>29</sup> Atéro, kale Pailat a belapaae tõe doropóló, atimapaae duraalu, “I whita, noa dowi alakó itikimó fo tokótamo yóló diaaq a só deraai de?” yalepó.

<sup>30</sup> Ai fo depa, atimané a paae duraalu, “Amatamo *Gavman* whiné yóló muló betere fo tikiuameisóro, ti dané yãpaae dapesó uameipó,” yalepó.

<sup>31</sup> Tétepa Pailat-né atimapaae duraalu, “I whitamó fo tekãai depa, ti diaaq yóló muló betere fo sya fóló, diaaqteitaleyãsepóló dapesó fae,” yalepó. Ai fo depa, atimané a paae duraalu, “Me whi dowi ala depa,

taleyóló sukópóló dae fo *Gavman* whiné dãpaae inipó,” yalepó. <sup>32</sup> Yesu hãle bitutei, a itéro sukãalopóló taketi yóló mulale fo dokonópóló yalepó.

<sup>33</sup> Atéro, kale Pailat a ama bepaae momó fesaae fóló, Yesu a beterepaae dapesó ape, yóló woseturaalu, “Yata, Juda fake so whi tetetóro kaae tare topo whié?” yalepó.

<sup>34</sup> Tétepa, Yesuné a paae duraalu, “E paae ai wosetere fota, naao kisipanétei dépé, mené e etei kaae whipóló yãpaae depa de?” yalepó.

<sup>35</sup> Ti fo depa, Pailat-né a paae duraalu, “Naao kisipané eta, Juda whikó betepa de? Naao so whiró so whimó Talepaae momaraterere topo whirapetamoné ya só deraai, e beterepaae dapesó walepó. Téyalepa, naao atimapaae noa dowi alakó eraleé?” yalepó.

<sup>36</sup> Ai fo depa, Yesuné duraalu, “Yalo tetetóro kaae tare alata, i haemó diaaq tetetóro kaae tare ala kaae mei, yalo tetetóro kaae tare alata, mo kaepó. E tamó diaaq tetetóro kaae tare ala tuamó bituãsoró, ti Juda whirapené e daai depa, yalo kutó diraterere whirapené bõe duãpó. Tépatéi, yalo tetetóro kaae tare alata, kae tikimó kaaróló walepó,” yalepó.

<sup>37</sup> Ai fo depa Pailat-né duraalu, “Tépata, ya tetetóro kaae tare topo whi mo airapó!” depa, Yesuné a paae tokó mótu duraalu, “Naao e paae topo whipó dere fota, mo dono dapó. E Talené so whi tetetóro kaae tare whi topo whi betaai, i haepaae woó, e i haemó mo soné deyóo, yalepó. Atépa, mepaae mo ala tuamó betaai keteke butu betere so whinéta, yalo dere fo mo dapóló wosetu beterapó,” yalepó.

<sup>38</sup> Ai fo depa, Pailat-né faleterere fo kaae yóló duraalu, “Mo fo betepó dere-a, noaé?” yalepó. Ai fo yóló, kale Pailat a Juda so whi daae mole tikipaae tõe doropóló, atimapaae duraalu, “A só deraaire bete

tale yalemó, me alakélé mupa kilinipó. <sup>39</sup> Téretei, diaaḡ mara mole ala sya furaalu, kale boseneyóló fele be demó ɔla detere sukamó *dipula* betere wh̄irapekó betḡ f̄ópóló, sokotua dapó. Atétua dere kaae, diaaḡ kisipané mió i ɔla detere be demó Juda so wh̄i t̄eteróló kaae tare topo wh̄i sokaró de?” yalepó.

<sup>40</sup> Ai fo depa, atimané ḡpaae fo fakeyóló duraalu, “Ḃ meipó. Dḡné kisipanéta, Barabas dḡ beterepaae w̄ópólópa, dot̄yae,” du betalepó. Ti Barabas ḡta, *Gavman*-tamo alale sóró b́e du betale wh̄ipó.

## 19

*Yesu filipaa eró betere ni t́omó ol-eróló dae yale fo*

(*Mat 27:27-31, Mak 15:16-20*)

<sup>1</sup> Téró Pailat-né Yesu dapésó f́óló, ama diki tare wh̄irapepaae fokosói ala yae yóló malepó. <sup>2</sup> Atéró, diki tare wh̄irapené Yesu faleturaalu, mu daai képi topo wh̄iné deratere topo tao s̄uróló aleyalepó. Téró Yesuné topomó deróo, sonaai kutikélé deróo yalepó. <sup>3</sup> Atéró, atimané momó d̄ele momó d̄ele yóló duraalu, “Juda so wh̄i t̄eteróló kaae tare topo wh̄i-ó, dḡné naao doi i sóró horatere ape,” yóló faletu betalepó.

<sup>4</sup> Ai alarape yóló kemetepa, Pailat ḡ momó Juda so wh̄i betó molepaae f́óló duraalu, “Yḡlo ama yale ala taleyalemó, ḡ só deraaitere bete mekélé munipa, i dapesó walapa kelae!” yalepó. <sup>5</sup> Atéró Yesu faleturaalu, ḡ topo wh̄ipóló derale mu daai topo taoró sonaai kutitamo deró betepatei, belapaae dapesó dorowalepó. Atéró daapa, Pailat-né atimapaae duraalu, “Mió kale wh̄i i daalapa kelere?” yalepó.

<sup>6</sup> Atéró, kale so wh̄imó momaraterere topo wh̄iraperó atimané sóró beteró betere wh̄irapetamoné Yesu dapesó wale kilitu, f́o fakeyóló duraalu, “Filipaa ni t́omó olerae!” yóló eneta du betalepó. Ai fo depa, Pailat-né atimapaae duraalu,

“Yḡlota, ḡ só deraaire bete mekélé munipa, diaaḡtei ḡ filipaa ni t́omó olerae,” yalepó.

<sup>7</sup> Atétepa, kale Juda fake so wh̄i feané ḡpaae s̄eyóló duraalu, “Amatei ḡ Kótóné naalemapó du betepa, dḡné yóló muló betere foné, etei kaae fo dere wh̄i sukópóló dae fo erapó,” yalepó.

<sup>8</sup> Pailat ḡ taketa sawa wiyaleteti, atéró dere fo woseturaalu, mo doasi winé sukḡlepó. <sup>9</sup> Atéró, ḡ kale *Gavman* topo wh̄iné bepaae momó fesaee f́óló, Yesupaae woseturaalu, “Yḡ mé be huluapaae wale wh̄jé?” yóló wosetepa, Yesuné ḡpaae me fokélé tokḡ menipó. <sup>10</sup> Atétepa Pailat-né ḡpaae duraalu, “Yḡlo yḡpaae wosetere fo naao tokḡ menitere-a, yḡ f̄ópóló dot̄yaaitere ala ó, filipaa ni t́omó oleraaitere ala ýópóló, ḡ sóró beteró betere yḡ kisipa inié?” yalepó.

<sup>11</sup> Ai fo depa, Yesuné duraalu, “Óté taoró betere Kótóné t̄eteróló kaae tare fotokḡ yḡpaae móluḡmeisóro, ti naao ḡpaae me alakélé eróluḡmeipó. Térapa, ḡ naao naase tuḡmó mulale wh̄iné ama yale dowi alanéta, naao dowi ala mo teraae falapó,” yalepó.

<sup>12</sup> Atéró, kale Pailat-né ai dere fotóro woseturaalu, ḡ f̄ópóló sokaaire t̄u kikitu betalepó. Tétu betepa, Juda fake so wh̄iné fo faketóro hḡle yó taru duraalu, “Naaotamo ḡ f̄ópóló dotonatepa, ti yḡ Sisatamo betḡ kutó ditere wh̄i meipó. Wh̄i me de amatei, ḡ topo wh̄i betaai dapóló wóputu betepa, ti ai wh̄iné Sisatamo b́e dilapó,” yalepó.

<sup>13</sup> Atéró, Pailat-né ai dere forape wosetu, Yesu belapaae dapesó doropóló, Pailat ḡ fo tokḡtamo yóló taletere tikimó betalepó. Ai belané doita, kapo fake whamene tikipó. Hibru foné ti Kapata doi mulapó. <sup>14</sup> Ai alarape yaletaita, kale boseneyóló fele be d̄e ɔla detere *fula*-mó, ɔla dótóro deyaairaaalu, ɔla ɔla taleyóló mulatere be demó 12



*kilok* sukakelemó yalepó. Atéro, kale Pailat-né Juda so whípaae duraalu, “Diã teteróló kaae tare topo whi i daalapa, kelae!” yalepó.

<sup>15</sup> Ai fo depa, atimané duraalu, “Dane ą keletere hõrapa filipaa ni tómó oleraa dapesó fae yóló, dotopoi fo du betalepó. Tétepa, Pailat-né duraalu, diã teteróló kaae tare topo whi ą filipaa ni tómó oleraróe?” yalepó. Ai fo depa, kale mo so whimó momaratere topo whiné duraalu, “Dã teteróló kaae tare whita me kae mei, Sisa betã beterapó,” yalepó.

*Yesu filipaa ni tómó olerale fo*  
(*Mat 27:32-44, Mak 15:21-32, Luk 23:26-43*)

<sup>16</sup> Ai alarape yóló kemene furaalu, Yesu filipaa ni tómó olerae yóló, Pailat-né atimané naase tuamó mulalepó.

Atétepa, kale diki tare whirapené ą dapesó felepó. <sup>17</sup> Atéro furaalu, ą oleraaire ni fake amatei beleyóló oleraaire tikimó sókó felepó. Ai hae tikiné doita, sukãle whiné topo diripó. Hibru whirapené du betere foné ti Kolkotapó doi mulapó. <sup>18</sup> Aimó atimané ą filipaa ni tómó oleralepó. Atéro whi tamokélé, me whi ité deró oleróo, whi me uté deró oleróo, yalepó.

<sup>19</sup> Atéyale kílípaae Pailat-né kale filipaa ni topomó ą i betené dalepóló etei fo aseýóló oleralepó.

ITA, NASARET BE WHIKÓ JUDA SO WHI  
TETERÓLÓ KAAE TARE TOPO WHI  
YESUPÓ

<sup>20</sup> Yesu dóló olerale tikita, ai be hulua felekemó ereteiné Juda fake so whiné ai aseýóló oleró betere fo dosąatu beterepó. Ai aseýale fota, Juda so whi feané dosąayópóló, Hibru whirapené du betere fonékélé, Rom fonékélé, Krik fonékélé, erepó.

<sup>21</sup> Atéro, mo so whimó momaratere Juda topo whirapené Pailat-paae duraalu, “Juda fake so whi teteróló kaae tare topo whípóló, aseyaqse. I whiné amatei duraalu ąta, Juda fake so whi

teteróló kaae tare topo whípó, yale fo maaté aseýóló olerae,” yalepó.

<sup>22</sup> Ai fo depa, Pailat-né duraalu, “Yalo aseýale fo momó kae fisikini, ai fotóro atéro mulópólópó,” yalepó.

<sup>23</sup> Atéro, mepaae diki tare whirapené Yesu filipaa ni tómó olerale kílípaae douro diki tare whirapené ama kutirape atima betã betã yóló salepó. Atéyaletei, Yesuné deróló sókó fatere boló kuti betã hãle muni felepó. Ai kutita, me kwiatamo dekaaporóló dokoni, mo betãnetóro dokorepó.

<sup>24</sup> Atéro, kale diki tare whirape atimasisitei duraalu, “I kutita, terekeyóló kukwia saalomeipó. Betã whiné saairaalu, atima dokõ fea ni kwia siri mulóló, melaa yóló saalopa siépe yae,” yalepó. Ai alarape yaleteita, i asere fo dokonópóló yalepó. Ai fo i ape.

“Yalo kutirape atima sóro, bolómó deró betere fõlo kuti betã muni fupa, ni fakerape fes-ekée deróló salepó,” erapó.

<sup>25</sup> Atéyale kílípaae, Yesuné ama hama Mariakélé, hamané kemakélé, Klopas-ne soma Mariakélé, Maktala sokó Mariakélé, Yesu oleró betere felekemó daae molepó. <sup>26</sup> Aimó Yesuné hamaró ama hosaa mole yó matere whitamó daapa kolóló, hamapaae duraalu, “Yalo hosaa mole hae ti so-ó, ai daale whita, naao naale ai ape,” yalepó. <sup>27</sup> Téro, ama ai yó matere whípaae duraalu, “Aąta naao hae ai ape,” yalepó. Ai sukamó kaae sóro, ama ai yó matere whiné Maria ątamo betaairaalu, dape salepó.

*Yesu sinale fo*  
(*Mat 27:45-56, Mak 15:33-41, Luk 23:44-49*)

<sup>28</sup> Nalo kale yaalopó yóló mulale ala fea kemeyalepóló kisipa mutu, kale aseýóló muló betere fo dokonópóló, Yesuné duraalu, “E wei nokolerapó,” yalepó. <sup>29</sup> Atéro, aimó betã kęlaai *wain* wei wuti fãanoló mupa tepeýóló, kęlaai *wain* wei wépi

kaae ɔlamó tópuró sóró kape siki kaae ɔlamó haka sóró, ama kɔlómó hamunalepó. Ai kape siki kaae ɔlané doita, *hisop*-pó. <sup>30</sup> Atéro, Yesu ai wɛi nóló duraalu, “Kale eraai yale ala fea mió sɔmó eróló kemeralepó,” yalepó. Atéro, ama topo haepaae hemée deyóló ama kepe bete Talepaae melóló sukɔlepó.

<sup>31</sup> Atéro kale filipaa ni tómó olerale whɛrape hɔle olepatei, ɔla deyaai ɔale muló betere be ɔɛ sókó waɔsóró, i ala yalepó. Dótóró ɔla deyaaire be ɔɛ sókó waaipa, ɔla ɔla taleyóló mulatere be ɔɛmó, kale oleró betere whɛrape hó diri kolokóló teketapóló, Juda topo whɛrapené Pailat-paae wosene felepó. <sup>32</sup> Ai fo depa, kale diki tare whɛrape fóló, kale folosóró ité olerale whɛné hó diri kɔayóo, uté olerale whɛné hó dirikélé kɔayóo, yalepó. <sup>33</sup> Téyaleteti, Yesu kelalemó, ɔ taketi sukɛtikimó atimané ama hó diri kɔanipó. <sup>34</sup> Aténi, atimakó betɔ diki tare whɛné ama fisinimó wuti deyalepó. Atéyale tikimó, ama fɔkeró wɛitamó mo wɛi kaae suniyóló dorowalepó. <sup>35</sup> Ai alarape depa kelale whɛné ama mo kelale alatóró hɔkearóló yó male fota, mopó. Ama ai du betere fo diaaɔkélé mopóló kisipa tirópóló, hɔkeamó yó mótu beterepó. <sup>36</sup> Ai yale alarape feata, kale asémó i ere fo dokonóturaalu, yalepó. Ai fo i ape. “Ama diri mo betɔkélé kɔayaalomeipó, erapó.

<sup>37</sup> Me asɛre fo i ape.

“Atimané ama tikimó wutiné deyale whɛi kelené kikéyóló kaae tawaalopó,” erapó.

*Yesu kane dolomó mulale fo*  
(*Mat 27:57-61, Mak 15:42-47, Luk 23:50-56*)

<sup>38</sup> Atéro, ai ala kemetepa etéyalepó. Arimatea be whɛkó Josep ɔkélé Yesuné yó matere whɛitei, Juda topo whɛrape kolóló wituraalu, ama tuɛ tiki tiró betere ala hɔkeamó yó menipó. ɔ Pailat beterepaae fóló, Yesuné tiki tekaai dapóló, wosalepó.

Téyalemó, kale Pailat-né ɔpaae téyae depa, ama tiki tokóló só felepó. <sup>39</sup> Mo take dilikitamo Yesu beterepaae fele whɛi Nikodimas-ró Josep-tamo wusuróné Yesuné tiki tokóló só faai dere ala fea yalepó. Atéro, betɔ ni fɛ *mur*-ró mepaae felé kɛlaa wale ɔlarape *aloes*-tamo hosekéro betereitei, Nikodimas-né sóró felepó. Ai ɔlané sekɛ ɔɔleta, <sup>34</sup> *kilogram*-rópó. <sup>40</sup> Atéro, kale whɛi tamoné Yesuné tiki sóró felepó. Atéro doumó mulaairaalu, *linen* kutimó mepaae felé kɛlaa wale ɔlarape terepeté fóló, Yesuné tiki bopeyalepó. Aita, atima Juda whɛrape douróturaalu dere ala sya fóló yalepó. <sup>41</sup> Yesu olerale tiki felekemó, betɔ kutó erapó. Ai kutó tuámó whɛi mo betɔkélé dou erénire, kisi dou wisinaale aleyóló muló beterepó. <sup>42</sup> Ti dótóró kale Juda fake so whɛi sɔa nóló betaaire be ɔɛ ereteiné kale doukélé mo felekemó epa, ɔla ɔla taleyóló mulatere be ɔɛmó ama tiki aimó douralepó.

## 20

*Yesu mulale kane dolo hɔlepa kelale fo*

(*Mat 28:1-8, Mak 16:1-8, Luk 24:1-12*)

<sup>1</sup> Atéro, fula kaae sere be ɔɛmó hɛka be teó ɔɔteretamo Maktala sokó Maria Yesu mulale dou tópaee felepó. Atéro kelalemó, ɔ mulóló fokonale kapo fake tukwɛ fóló, tumó mupa kelalepó. <sup>2</sup> Atépa, kale so ɔ Saimon Pitaró Yesuné ama hosaa mole yó matere whɛi metamo beterepaae sururuyóló fóló duraalu, “Tale atimané mopaae sóró fóló mulaleró ɔa tuɛnipó,” yalepó.

<sup>3</sup> Tétepa, Pitaró kale me whɛitamó atima betere tiki taaróló, sururu yóló whɛi dou tópaee felepó. <sup>4</sup> Atimaamo wusuró sururuyóló feletei, Pita taaróló kale me whɛi ɔpi fóló, kale dou tómó sókó felepó. <sup>5</sup> Atéro ɔpi fóló, hemée deyóló kelalemó, Yesu bopeyóló mulale ɔɛi *linen* kuti betɔ mupa kelalepó. Téyaleteti, ɔ dou dolopaae fenipó. <sup>6</sup> Atépa, nalo

Saimon Pita sókó woló, kale dou dolopaae fóló kelalemó, mepaae deḡ kutirape beta molepó. <sup>7</sup> Yesuné ama tiki bopeyóló mulale deḡ *linen* kuti kae mulóo, ama topo boperóló mulale kuti kolokóló kae mulóo epa kelalepó. <sup>8</sup> Kale folosóro dou tópaae aḡpi sókó fóló, daale whḡ aḡkélé nalo dou dolopaae derepelepó. Dou dolomó ai ere ala kilitu, ama tué tiki tiralepó. <sup>9</sup> Yesu aḡ sukóló momó kepaa yaalopóló, ašemó ere fo mo dokḡnalérápóló, kisipa sinipó.

*Yesu Maktala sokó Meripaae yó male wale fo*

*(Mat 28:9-10, Mak 16:9-11)*

<sup>10</sup> Téró, kale whḡtamo momó bepaae fesaae felepó. <sup>11-12</sup> Téyaletai, kale Maria aḡ dou até belaró daalu, woletu betalepó. Atétu bitu hemée deyóló, kale whḡ mulale kapo dolopaae kopeyalemó, *enseltamo* mo deḡ kuti deróló, Yesu mulale tikimó beterepó. Me seké topo mulalepaae betóo, me seké hó eralepaae betóo, erepó.

<sup>13</sup> Atéru, atimaamoné kale sopaae woseturaalu, “Ti so-ó, yaḡ noatepa wole du bitu de?” depa, ama duraalu, “Atimané eḡ teteróló kaae tare Tale mopaae mulale feleró eḡ kḡló kḡló depa du bitupó,” yalepó. <sup>14</sup> Ai fo yóló, aḡ fetée furaalu kelalemó, Yesu aimó daapa kelaletai, kale soné aita, Yesupóló kisipanipó.

<sup>15</sup> Tépa Yesuné aḡpaae duraalu, “Ti so-ó, yaḡ noatepa wole du bitu de? Yaḡ de keketé kutu bitu de?” yalepó. Ai fo depa, kale soné ama kisipané ai kutó kaae tare whḡ nisyóló aḡpaae duraalu, “Doa whḡ-ó, naaotamo sóro fipata, ti aḡ sene faai dapa, mulale tiki beta eḡpaae yó melaasepé,” yalepó.

<sup>16</sup> Tétepa, Yesuné aḡpaae “Maria-ó,” depa, aḡ daalepaae fete fóló, Ereimeiki foné fakeyóló duraalu, “Raboni-ó,” yalepó. Ai fo bete feteyóló yó matere whḡpó.

<sup>17</sup> Ai fo depa, Yesuné aḡpaae duraalu, “Eḡ yaḡlo Aya beterepaae fenipa, naao eḡ tatere ala taalae. Yaḡtei fóló, eḡ

yaḡlo Aya beterepaaekélé, diaaḡ Aya beterepaaekélé, eḡ teteróló kaae tare Kótó beterepaaekélé, diḡ teteróló kaae tare Kótó beterepaaekélé, momó fesaae fulapóló, yaḡlo no-rapepaae ene fae,” yalepó.

<sup>18</sup> Atéro, ai kale Maktala be hulua sokó Maria aḡ fóló, ama yó matere whḡrapepaae duraalu, “Tale yaḡlo mo kelalepó,” yóló ama aḡpaae yae yale forapekélé fea atimapaee yalepó.

*Yesu ama yó matere whḡrape beterepaae wale fo*

*(Mat 28:16-20, Mak 16:14-18, Luk 24:36-49)*

<sup>19</sup> Téró, *fula* kaae sere be deḡmó be diki deretamo ama yó matere whḡrape atima kale Juda topo whḡrape kolóló wituraalu, atima touróló betó mole be tḡrape kinóló diróló betó molepó. Atéro betó mupa, Yesu atima betó mole tuamó sókó wóló duraalu, “Hosaa muni deyóló dua betere ala diḡ tuamó mulópóló yae,” yalepó. <sup>20</sup> Ai fo yóló kemetepa, ama naasemó *ikoko* daleteiró fisinimó wuti deyale siritamo atimapaee yó malepó. Atéro, Tale kilituraalu, atima hosaa tuamó doasi hajiné sukutere ala mo faayalepó.

<sup>21</sup> Atéro, Yesuné atimapaee momó duraalu, “Diaaḡ hosaa muni deyóló mo dua betó muae. Yaḡlo Ayané eḡ i haepaae wópóló dotonótu yale kaae, yaḡlokélé diḡ fópóló dotonat-apó,” yalepó. <sup>22</sup> Atéro, ai fo yóló kemetepa, ama fomo atima tikipaae sókó faróló duraalu, “Deḡ Kepe Wisi sae. <sup>23</sup> Diaaḡtamo mepaae whḡné dowi ala kwia me ḡla meipóló ḡle kemeratepa, ti Kótónékélé atimané yale dowi ala kwia ḡle kemeró beterapó. Diaaḡtamo mené yale dowi ala kwia me ḡla meipóló kemeréni ḡle tapa, ti Kótónékélé atimané dowi ala kwia kemeró bitinipó,” yalepó.

*Yesu aḡ Tomas-paae yó male fo*

24 Yesuné ama yó matere 12 wh̄irapekó bet̄a ama doi Tomas-tei, Didimas-pó, du betere wh̄i Yesu atima beterepaae sókó wale sukamó, mepaae yó matere wh̄irapetamo bet̄amó bitinipó. 25 Atéró, kale mepaae ama yó matere wh̄irapené ʒpaae duraalu, “Tale d̄ané mo kelalepó,” yalepó.

Ai fo depa, Tomas-né duraalu, “Ȳalotamo ama naasemó *ikoko* dale siri kolóo, *ikoko* dale doloró fisinimó wuti deyale dolotamomó ȳalo naase kesekée falóo initepa, ti diaaʒ dere fo wosóló, mo dapóló ȳalo tué tiki tiraalomeipó,” yalepó.

26 Atéró, *fula* bet̄a kemeyale k̄lipaae ama yó matere wh̄irape atima momó touróló betale sukamó, Tomas ʒkélé atimatamo bet̄amó beterepó. Atéró, atima t̄u kinóló betó mupa, Yesu ʒ sókó wóló atimapaae duraalu, “Diaaʒ hosaa muni deyóló mo dua betó muae,” yalepó. 27 Téró Tomas-paae duraalu, “Ȳalo naase ipa, naao kolóló, naase kesekée falóo, ȳalo fisinimókélé naao naase dou kesekée falóo ene ape. Téró, mió naao kisipa tamo mutere ala taaróló, tué tiki tirae,” yalepó.

28 Ai fo depa, Tomas-né ʒpaae duraalu, “È t̄eteróló kaae tare Tale Kótóo,” yalepó.

29 Ai fo depa, Yesuné ʒpaae duraalu, “Naao ʒ mo kelaletéiné naao tué tiki tiratapó. Mepaae wh̄i de ʒ kilinirutei, kisipa tiki tiratepa, ti ai so wh̄i atima Kótóné wisiró beterepóló h̄ainé sukutu betaalo ai ape,” yalepó.

30 Atéró, Yesuné ama yó matere wh̄irapetamo bitu, Kótóné eratapóló kisipa yópóló, kelemei alarape mo dekéro eraletei, fea i *buk*-mó as̄enipó.

31 Tépatei, Yesu so wh̄i t̄eteróló kaae tare wh̄i Kerisota, Kótóné Naalemapóló tué tiki tirópóló, i alarape fea as̄eyalepó. Ti ʒta, etei kaae Talepóló, ama doimó yó mótu betere fo fea dos̄ayóló tué tiki tiróturaalu, dīa mo ti betere bete sópóló yalepó.

## 21

### *Yesuné kelemei ala eróturaalu ya dekéro sale fo*

1 Atéró ai alarape kemetepa, Yesuné ama yó matere wh̄irape Taiberius w̄ei fókumó betó mupa, ʒ momó kolópóló, yó male walepó.

2 Aimó, Yesuné ama yó matere wh̄i Saimon Pitakélé, Tomas-tei me doi Didimas-kélé, Kaleli hae kwiamó t̄ene Kana be hulua wh̄ikó Nataniel-kélé, Sebedi naalema tamokélé, ama yó matere wh̄i me tamokélé, atima fea touróló betó molepó. 3 Atéró bitu, Saimon Pitané atimapaae duraalu, “Èta, ya sene fulapó,” depa, atimané duraalu, “D̄akélé fea faalopó,” yalepó.

Atéró, atima fea nukumó betóló felepó. T̄eyalet̄ei, ai dilikitamo ya mo bet̄akókélé sinipó.

4 Atéró, Yesu ʒ mo h̄ikati w̄ei fókumó daapa kelalet̄ei, ama yó matere wh̄irapené Yesupóló kisipanipó.

5 T̄étepa, Yesuné atima fo tekeróló duraalu, “Ti naalerape-ó, yakó saleé?” depa, atimané duraalu, “Meipó,” yalepó.

6 T̄étepa, ama atimapaae duraalu, “Diaaʒ h̄aleke wa tao sóró, nuku mole turu naase fakeró derae. Até depa, ti mepaae ya saalo ai ape,” yalepó. Ama ai yae dere alatóró yalemó, h̄aleke wamó ya mo dekéro deyaletikimó sek̄ené tukaaire mo s̄unipó.

7 Atéró, Yesuné ama hosaa mole yó matere wh̄iné Pitapaae duraalu, “Aita Talepó,” dere fotóro wosóló, Saimon Pitané tó mó deratere kuti take sokóló mulalet̄ei kakeróló, w̄eipaae t̄uwó derepelepó. 8 Atéró, Pita ʒ w̄eimó ʒlaaté fu betepa, mepaae yó matere wh̄irape atima nukutamo ʒ sya fu betalepó. Atéró, atimané derale h̄aleke wamó, ya f̄ayóló mupatei, w̄ei fókuró nuku fole tikitamo felekereteiné s̄yóló só fu betalepó. Ai w̄ei fókuró nuku foletikitamo d̄aleta, 90 *mita* s̄upó. 9 Atéró, atima i w̄ei fókumó



sókó walemó, aimó si duku betepa kelalepó. Ai duku betere si keletómó ya biliyó mupa kolóo, *bred* orapekélé mupa kolóo, yalepó.

<sup>10</sup> Atépa, Yesuné atimapaee duraalu, “Diaaḡ mió sale yarape mepaaekó ipaae sóró ape,” yalepó.

<sup>11</sup> Atéro, Saimon Pita ḡ nukupaee bitḡ holóló kale ḡḡleke wa wḡi fókupaae ḡiyóló sóró walepó. Aimó dere doakale yarape dosḡayalemó, 153-ró derepó. ḡḡleke wamó doa atei yarape deyaletai, ḡḡleke wa mo sawa tukó fole alakélé inipó. <sup>12</sup> Yesuné atimapaee duraalu, “Diḡ i ḡla naai ape,” yalepó. Téyaletai, ama yó matere whḡrapené ḡ Talepóló kisipa irutei, atimakó whḡ betḡnekélé ya deé? yóló halaainé wosaaitere kisipa munipó. <sup>13</sup> Atéro Yesu ḡ wóló, *bred* o bularape terekeyóló atimamó malepó. Yarapekélé atétóro yalepó. <sup>14</sup> Aita, Yesu ḡ sukóló kepaayóló bituraalu, ama yó matere whḡrapené ḡ kolóppóló, tamo dakoróló yó melóló, mió ita, sore dakoróló yó male walepó.

### *Pitapaae Yesuné ḡpaae hosaa mulée yale fo*

<sup>15</sup> Atéro, atima ḡla nóló keme-tepa, Yesuné Saimon Pitapaae duraalu, “Jon-né naalema Saimon-ó, naao ḡpaae yaala sókó fole alané i whḡrapené yaala sókó fole ala bosene fale?” depa, ama duraalu, “Tale-ó, ḡpó. Yaḡo ḡḡpaae yaala sókó fole alata, naao ai tuḡre ape,” yalepó. Ti fo depa, Yesuné ḡpaae duraalu, “Tépa, ti yaḡo *sipsip* hupu malerapemó, ḡla wisiyóló melae,” yalepó.

<sup>16</sup> Yesuné kale fo kaae momó duraalu, “Jon-né naalema Saimon-ó, naao ḡpaae mo yaala sókó fule?” depa, ama duraalu, “Tale-ó, ḡpó. Yaḡo ḡḡpaae yaala sókó fole ala naao ai tuḡre ape,” yalepó. Tétepa, Yesuné ḡpaae duraalu, “Yaḡo *sipsip* hupurape naao mo wisiyóló kaae tawae,” yalepó.

<sup>17</sup> Atéro Yesuné ama kale dere fo kaae sore dakoróló duraalu, “Jon-né naalema Saimon-ó, naao ḡpaae mo yaala sókó fule?” fo sore dakoróló deremó, Pitané ama hosaa tuḡmó seḡe depa duraalu, “Tale-ó, fea ala naao kisipareteiné yaḡo ya yaala sókó fole ala naao tuḡrapó,” Ai fo depa, Yesuné ḡpaae duraalu, “Yaḡo *sipsip* hupurapemó ḡla mo wisiyóló melae. <sup>18</sup> Yaḡo ḡḡpaae mo i dapa wosae. Take ya kokopei betale sukamóta, kuti naaotei deróló, naao faai kisipa mutere tikipaae fua yalepó. Téyaletai, take nalopaae ya otere yóló betere sukamó, ti naao naase teréḡ faló betepa, naao kuti me whḡiné deróló, ya ḡḡre tikipaaetei dapesó faalo ai ape,” yalepó. <sup>19</sup> Yesuné etei kaae fo yaletaita, Pita ḡ atéro sukuturaalu, Kótóné ere ala wisinaale kolóppóló, ḡḡkearaalopóló kisipa mutu yalepó. Atéro Yesuné ḡpaae duraalu, “Ya ḡ sya ape,” yalepó.

<sup>20</sup> Atéro Pita ḡ fetée fóló kelalemó, Yesuné ama yaala sókó fale yó matere whḡ atimaamo sya wou betalepó. Ai whḡta, take atima ḡla nale sukamó, Yesu tikimó tiróló bituraalu, “Tale-ó, ya dóppóló eleké deyaaire whḡ-a, deé?” yóló wosale whḡpó. <sup>21</sup> Atéro, Pitané ai wale whḡ kolóló Yesupaae woseturaalu, “Tale-ó, i wale seké ḡ neyaaloé?” yalepó.

<sup>22</sup> Tétepa Yesuné duraalu, “Yaḡo kisipané ai whḡ ḡtamo bitiré fóló, ḡ momó fesaae wale sukamó sókó fópóló depa, aita naao yaaire ala meipa, ya ḡ sya wale ala betḡ yae,” yalepó. <sup>23</sup> Yesuné ḡpaae atei fo yalemótei, mepaae Keriso no nerapené ai yó matere whḡ ḡ sukḡalo meipó yalepóló, feapaae deté kwḡyóló fakeralepó. Téyaletai Yesuné ai whḡ ḡ sukḡalo meipóló ini, ama kisipané ḡ ḡḡle bitiré fóló ḡ momó fesaae wale sukamó sókó fópólópó depa, aita Pitapaae naao yaaire ala meipóló yale fomótei yalepó.

<sup>24</sup> I yó matere wh̄ta me kae mei, i alarape depa kelalepóló so wh̄ feané tuę yǫpóló, h̄khearóló asęyale wh̄pó. Ai sekęné ama kolóló ai yale fo feata, mo dapóló d̄ané tuęrapó.

<sup>25</sup> Yesuné kae kae ala mo dekéro yaletēi, ai alarape fea imó asęnipó. Mo featamo mené asę depa, ti i hae kwia tuamó, ai fo asęre *buk*-rape mulaaire tiki s̄yaalomeipóló kisipa mutapó.

## Aposel

### *Yesu hepen-paae dapesó horale fo*

<sup>1</sup> Tiopilus-ó, take yało folosóro aseýale buk-móta, Yesuné yale alaró yó male fotamo fea kaae sóro yó maté fóló, ą hepen bepaae fele sukamó sókó fele fo asę yalepó.

<sup>2</sup> Yesu ą hepen-paae faai hałe bitu, Dęi Kepe Wisiné fotokoratepa, ama dosąae sóro beteró betere *aposeł* whırapepaae i alarape yae yóló yó maté felepó. <sup>3</sup> ą doasi dele sale kılıpaae, mo ti dóló sukunale whıtei kepaayóló mo whıtóro beterapóló kisipa yópoló, whı siki tamo 40 be demó kale whırape beterepaae sókó wua du betalepó. Atéturaalu, Kótóné teteróló kaae tare aqmó mole ala etérópóló yó mótu betalepó.

<sup>4</sup> Atéro betą sukamó ą ama yó matere whırapetamo ąla nuku bitu, etei dirii fo yóló duraalu, “Yało Ayané diąmó hałe hamokoróló melaalopó ere ąlamó kisipa mutu, yało diąpaae take yalepó. Ai ąla saasepóló, Jerusalem be taaróló feni, kaae tawóló hałe betae. <sup>5</sup> Ti noatepae, Jon-né dią węi hałe maaté tópurótua yaletęi, mió mo felekemó dią Dęi Kepe Wisitamo tóपुराालो ai ape,” yalepó.

<sup>6</sup> Téro, atima betąmó touróló bitu, atimané ąpaae woseturaalu, “Tale-ó, take dą Israel fake so whıné dąné hae kwia teteróló kaae taru yale kaae, miókélé ai ala yópoló yaaloé?” yalepó.

<sup>7</sup> Ai fo depa, Yesuné atimapaee duraalu, “Ai ala yaaire be dęró alitamota, diąné kisipa yaaire ala mei, yało Ayané ama teteróló kaae taru, noa kaae ala yaai depa, ti ai be demótóro erótua dapó.

<sup>8</sup> Teretei, yało ę etei kaae whıpóló yó matepa diaą wosale fo Jerusalem be huluapaaekélé, Judia hae kwia kwiapaaekélé, Samaria hae kwia-paaekélé, i hae kwia dene fale dokó

feapaaekélé, yó maté kweyóló mo surópóló, yało dią sóro i beteratere ape.” yalepó.

<sup>9</sup> Ai fo du beteró kemetepa, kale whırapené kele tómótóro Kótóné ą hepen bepaae dapesó horalepó. Atéro atima kese horótu yóló daae mupa, atimané keletómó kitiki dolomó buó deyalepó. <sup>10</sup> Téro, atima ó sąpaae kese horólu yóló hałe daae mupatei, dęi kuti deréli whı tamo sókó wóló atima daae mole demó daane walepó. <sup>11</sup> Atéro kale whırapepaae duraalu, “Kaleli whırape-ó, dią noatepa sąpaae kese horótu yóló daae mulu de? Diątamo betepa hepen-paae dapesó horale whı Yesuta, momó fesaee wouraalukélé, atérótóro hepen be taaróló waalo ai ape,” yalepó.

### *Judas betale sirimó Matiasi sóro beterale fo*

<sup>12</sup> Ai fo yóló kılıpaae, kale whırape atima *Olip* du sorokó mole tiki taaróló Jerusalem bepaae fesaayóló felepó. *Olip* du sorokó mole tiki doasi be hulua Jerusalem betamota saletó mei, kapala asiri fua wua dere tiki kaaepó. <sup>13</sup> Atéro fóló, atima betere siki be kepaee holalepó. Ai be kemó Pita, Jon, Jems, Andru, Filip, Tomas, Batolomiu, Matyu, Alpias naalema Jems, kąlo kąloi whı Saimon, Jems naalema Judas atima atéro beterepó. <sup>14</sup> Atimatamo Yesuné ama mo nomarapekélé, ama hama Mariakélé, mepaae sorapekélé, touyóló Kótópaae moma dere ala yó tarepó.

<sup>15-16</sup> Atéyale sukamó, 120 Talepaae kisipa tiki tiró betere so whı touró betere tuąmó, Pita turukó horóló daalu i fo yalepó. “Yało norape-ó, mo take Dęi kepe Wisiné Depit-paae yó matepa ama ere fota, Yesu daai dere whırapepaae eleké deyaaire whı Judas-mó erapó. Atéro ašemó ere fo mió mo ai dokonale ape. <sup>17</sup> Judas-ta, dą 12 whırapekó dątamo kutó diyópoló, sóro beterale whıpó.

18 Judas-né dowi ala yóló sale *moniné* ą sinaaire hae dupuralepó. Atéro amatei yale alamó ą képi wẹi naale tikimó tukó furaalu, haepaae topo fesaayóló doropóló depe fulukó felepó. Até yale hae tiki mepaae wh̄rapené ą दौरaairaalu, ama dowi ala yóló sale *moniné* dupuralepó. 19 Jerusalem so wh̄iné Judas atéro suk̄lepó dere fo wosóló, atimané be foné ai hae tiki doi Akeldama mulalepó. Ai fo feteyóló samea sókó fele hae tikipó.

20 Atépa Pitané duraalu, “Ai ala yaalopóló take Sam *buk*-mó aseýóló muló betere fo i ape.

‘Ātei mo ti aluyóló ama bekélé wópu mulópóló yae.’ erapó.

Me fokélé i ape.

‘Ama diyale kutó wh̄iné diyópóló, wh̄i kae sóró beterae,’ erapó.

21 Ti fo ereteiné ai seké betale sirimó, wh̄i mekó sóró beteraalopa siépe.

22 Take Jon-né wẹi tópurale alimó kaae sóró wóló, Tale Yesutamo d̄a fea bet̄amó kutu beteró, ą hepen-paae dapesó fele be d̄emó sókó wale wh̄ikó sóró beteranérápó. Atétepa, ti ai seké d̄atamo touyóló Yesu kepaayóló fele fo wisi yó maté kw̄eyaalopó,” yalepó.

23 Téró atimané tale yaairaaalu, wh̄i tamo Josep ama me doi Barsabas me doi Jastus-ró Matias-tamo doi mulalepó. 24 Atéro beteró bitu, atima feané Kótópaae moma yóló duraalu, “Tale-ó, d̄a feané mole kisipa tiki naao mo kelerapa, i wh̄i tamokó mé wh̄iné naao kutó dirópóló depa, ti naao d̄apaae sóró ąlae. 25 Judas ą ama yale alamó dupu saaire tikipaae felepó. Téturaalu ama taaróló fele kutó mé *apose*l wh̄iné diranépa, ti ą betale sirimó bitu dirópóló naao d̄apaae yó ąlae,” yalepó. 26 Atéro moma yale k̄lipaae, atimaamoné doi muló betere kapo fake wutimó deróló kelé keléróló tuk̄yalemó, Matias-né doi moletei sókó dorowalepó. Atétepa, ą 11

*apose*l wh̄rapetamo touróló sóró beteralepó.

## 2

*Pentikos be d̄emó D̄ei Kepe Wisi dotonale fo*

1 Israel so wh̄iné ọla deyóló nukua dere *Pentikos* be d̄e wapa, atima fea bet̄apaae tour̄ale wóló betó molepó. 2 Atéro betó molemó, hapale t̄etitóró ó s̄amó doasi bes̄e tikiné hu kaae deté dorowóló atima betere tikimó h̄uyóló supa feané wosalepó.

3 Atéyale alanétei, so wh̄i dok̄omó simi kaae d̄aleta yalepó. 4 Tétu, kale D̄ei Kepe Wisi atima tikipaae atéro bit̄i wouraaalu, s̄eratepa kae kae be fo yaairaaalu kaae salepó.

5 Atéyale sukamó, mepaae kae kae hae kwiamó betó mole Kótó kolóló witu betere Juda fake wh̄irape kapala asiri wóló Jerusalem be huluamó betó molepó. 6 Atéro atima bes̄e tikiné hu kaae wose-turaalu, so wh̄i mo fea bet̄apaae tour̄ale wóló betó mulu, noa ala dutérópóló sirayalepó. Ti noatepae, atimané wosalemó, kisipa tiki tiró betere fakerapené kae kae be fo atima dok̄o feané mo donotóró depa wosalepó. 7 Atéteremó doasi siratu duraalu, “I Kaleli wh̄irapetei, d̄ané be fo netéro tūe yalerópó?

8 Atima d̄ané be fo mo donotóró dere-a, netéro derópó? 9 D̄a Partia wh̄irapekélé, Media wh̄irapekélé, Elam wh̄irapekélé, Mesopotemia wh̄irapekélé, Judia wh̄irapekélé, Kapadosia wh̄irapekélé, Pontus wh̄irapekélé, Esia wh̄irapekélé, i betere ape. 10 Frisia-ró Pampilia wh̄irapetamokélé, Isip-ró Sairin be hulua felekemó t̄ene be Libia wh̄irapetamokélé, Rom bemó wale uké wh̄irapekélé, fea i wóló betó mole ape. 11 Ai wóló tourale so wh̄i mepaae mo Juda fake yóo, mepaae kae faketei, Juda fakené dere ala sya fóo, dua dapó. Ai fake tamokélé, Krit wh̄irapekélé, Arabia wh̄irapekélé, d̄ané be foné atimapaae Kótóné kae



kae hapólui alarape eralepóló yó mótu betepa, mió ðané i wosetere ape,” yalepó. <sup>12</sup> Atétere alamó, i dosayayale be hulua so whjné sira yóló atimasisi duraalu, “I ala yóló kilipaae noa alakó sókó waai derópó,” du betalepó.

<sup>13</sup> Até du betepatei, mepaae whjrapené ai ala ðo nalóló duraalu, “Aita *wain* wēi mo dekeró naletikimó topo doturaalu, ai dere ape,” yalepó.

### *Pitané so whjpaae yale fo*

<sup>14</sup> Téró Pita a mepaae 11 whjrapetamo so whj betó mole kuamó turukó holóló fo fakeyóló duraalu, “Jerusalem be whjró ða mepaae Juda whjrapetamo-ó, i yale alarape bete ðiapaee hakeróló yaai dapa, mo wisiyóló wosae. <sup>15</sup> Diaa q kisipané i whjrape atima *wain* wēi nale tikimó topo doturaalu dapóló de? Diaaqtamo atei kisipa mutepa, ti mió *wain* wēi nokole suka kele mei, ita hika 9 kilok i ape. <sup>16</sup> I whjrapeta, *wain* wēi nóló dumi, atima ai du betere ala take Kótóné ama qóló whj Joel-né asēre fo dokonatapó.

<sup>17</sup> Kótóné duraalu, ‘Kemeyaa i dere alimó, yalo ðei Kepe Wisi so whj fea tuapaee wēi kaae sunée deraalopó.

Téturaalu, diaa q naale senaalenékéle, Kótóné qóló so whjné dere fo kaae yaalopó. Mepaae teó whjrapenékélé, nokené kilitu dere kaae yaalopó.

Di q mepaae otere serenékélé, noke yaalo ai ape.

<sup>18</sup> Até dere sukamó, ðei Kepe Wisi yalo kutó diratere so whj fea tuapaee wēi kaae sunée deratepa atimanékélé, yalo take eraai dere alaró mió dere alatamo hakearóló yó melaalo ai ape.

<sup>19</sup> Atétepa, ó samó so whjné kolóló sira yaaitere alarape yalo eraalopó. Atéturaalu i haemókélé me ala yaairemó eratere ala eróo, i hae samea

sókó faróló, siró sukulita-mokélé anóo, yaalopó.

<sup>20</sup> Ai ala dereteita, Talené ama mo kae ere ðe doasi tukóló muló betere be ðe waai teópa, suka bete feteyóló dilikiróo, wéliékélé feteyóló samea alée falóo yaalopó.

<sup>21</sup> So whj dené Talené doi yóló e tao sae depa, atétere so whj aluyaqsóro mo tao saalopó, erapó.

<sup>22</sup> Israel whjrape-ó, i dere fo wosae. Nasaret be whj kó Yesuta, mo hale whj nisiyaqsóro, so whj feané kolóló sira yaaire alaró kelemei alatamokélé, me ala yaairemó eratere alakélé, fea erópóló, Kótóné a sóro beteró beterapó. Ai alarape feata, ama eratepa diaa q kolóló, ai kisipare ape. <sup>23</sup> Beta whjné Yesu eleké deyóló ðané naase tuamó mulalepó. Atétepa mepaae Talené fo woseni, dowi ala dere whjrapené ði tao sóro a filipaare ni tómó sinópóló oleralepó. Atéyale alata, Kótóné ama yaai kisipa mole ala dokonóturaalu erapó. <sup>24</sup> Téyaleteti, ama tiki dou dolomó kēlaa yaqsóro sukutere alané fotok q Kótónétei aluróo, a mo ti sukaletei Kótóné momó kepaaróo, yalepó. Ti noatepae, sukutere alané a wisiyóló tawaaire mo sunipó. <sup>25</sup> Mo take ai sekémó kisipa mutu, Depit-né i fo asērapó.

‘Betere dok q fea Tale yalo kelepaamó daapa kilitua dapó.

A yalo turu naase eró betere tikimó betereteiné e me whjné woreróló só deranénipó.

<sup>26</sup> Téréteiné yalo hosaa betemó hēkesené sukuturaalu, yalo qónékélé, wole fo yóló ama doi sóro horatapó.

Yalo tikikélé, take me ala ini, mo wisiyóló betaalopóló kisipa mutu, hajtamo kaae tawóló i betere ape.

<sup>27</sup> Ti noatepae, take waaire alimó yalo tiki dou dolomó mupa

kɛlaa yǒpóló naao taaraalo meipó.

Téturaalu, naao mo kae betero betere whi wisinaalené tiki kɛlaa yǒpóló taaraalo meipó.

28 Ɛ wisiyóló betaaire tikipaae fǒpóló, naao tu wisi alerapó. Ɛ yaɓamo betámó betepa, naao haɓ dere ala mo fañótu beteraapó, erapó.

29 Norape-ó, yaɓo diɓpaae mo i dere ape. Ɖané ayarape deté wale whi Depit sukutepa dourale douta, mió i be demókélé haɓe epa kilitu beteraapó. 30 Téretei

Depit ɓata, Kótóné kǒló whi betepa ɓpaae dirii fo yóló duraalu, 'Naao deté faaire naalené detere naalekó betá ya betale sirimó tɛteróló kaae tanǒpóló yaɓo sóró beteraalopó, erapó. 31 Take waaire alimó

yaaire ala Depit-né ama kolóló i fo asɛrapó. 'Kótóné so whi fea tɛteróló kaae tanǒpóló sóró betaaire whi Keriso doumó kɛlaa yǒpóló taaréní, kepaaró beteraapó.' erapó. 32 Yesu

ɓ mo ti sukɛletei, Kótóné momó kepaaró beteraapó. Atépa ɗata, ai alarape mo depa ɗané kelené kelalepóló haɓeamó yó maté kotere whirape i ape. 33 Yesuné ɓa ɓa fea

ama tɛteróló kaae tanǒpóló ɓ Alima Kótóné turu naase demó beteralepó. Alimané yóló mulale ɓa Ɖei Kepe Wisi ama naase tuámó mulalepó. Até depa, amamo ɗapaae erale ala mió ɗané kolóo, wosókélé yóo, yalepó. 34 Depit ɓata hepen-paae

fenitei, take waaire alimó yaaire alamó kisipa mutu i fo yalepó.

'Talené yaɓo Talepaae duraalu, "Yaɓo turu naase demó betae.

35 Naao bóe whirape ya aǒmó bitu, atima belei aɓraaire ala yaɓotei eraalopa, haɓe kaae tawóló betae," yalepó.

36 Térapa, Israel fake so whi-ó, ɗiɓ i dere fo mo wosae. Ɖané ai filipaa ni tómó oleróló dale whi Yesutóro Kótóné ɓ kepaaróló ɗa fea tɛteróló kaae tanǒpóló topo whikélé,

Talekélé, ai sóró beteraale ape," yalepó.

*Mo dekeró so whi kisipa feteyóló weɓi tǒpuale fo*

37 Pitané atéro dere foné ai wóló touró betere so whiné hosaamó mo sepake kaaené tikalepó. Téturaalu, Pitaró mepaae aposel whirapetamopaae woseturaalu, "Norape-ó, mió ɗané noa alakó yaaloé?" yalepó.

38 Ti fo depa, Pitané atimapaee duraalu, "Ɖiɓ dokó feané dowi ala taaróló, tué tiki feteyóló betepa, Yesu Kerisoné doimó weɓi tǒpurǒpóló yae. Atétepata, ti Tale Kótóné naao yale dowi kwia kemeróló, ama Ɖei Kepe Wisi ɗiɓ haɓe melaalo ai ape. 39 Kótóné ama eraalopóló

ere fo mo dokonóturaalu, 'Ɖiɓkélé, ɗiɓané naalerapekélé, be saletómó wale so whikélé, mepaae Kótóné ɓ beterepaae apé dere fo wosóló wale so whikélé, fea ai ɓa mo saalopó,' erapó.

40 Pitané ai fotamo mepaae forape olekeyóló fotokǒiné duraalu, "Mió i alimó betere so whiné du betere dowi alané ɗiɓ felekemó, ai doratapa mo wisiyóló kaae tawae," yalepó. 41 Atéyale sukamó Pitané yó matere fo wosóló 3,000 so whi dowi ala taaróló kisipa feteyóló wapa weɓi tǒpuralepó. Atima atéro wóló take betere Keriso faketaimo touné walepó.

*So whi mo betá kisipa muóló betaale fo*

42 Téró, ai so whi atima aposel whirapené yó matere fo mo wisiyóló wosóo, atima hamomatamo mo betá tué muóló u tao su i tao su dere ala yóo, ɓlakélé betámó nóo, Kótópaae moma dere alakélé betámó yóo, du betalepó. 43 Kale aposel whirapené

so whiné kolóló sira yǒpóló erateré alarapekélé, kelemei alarapekélé, me ala yaairemó erateré alarapekélé depa, so whiné kolóló duraalu, Ita, Kótónétei eratapóló,

winé sukutu betalepó. <sup>44</sup> Talepaae tué tiki tiró betere so wh̄rape fea touróló bet̄a kisipa mutu, atimané ɔla ɔla mepaae yaɣare so wh̄i tao saalopóló fo dokalepó. <sup>45</sup> Atéró, atimané mepaae ɔla ɔlaró haetamo dotonóló *moni* sóró mepaae yaɣare so wh̄i malepó. <sup>46</sup> Tétu, be d̄etere dok̄o atima mo fea momatere be belamó tour̄aletatóró yó tarepó. Atima hosaa tuámó haɣiné sukutere ala mulu, h̄ekesetamo atima fea me féli mené bemó ɔla nuku, me féli mené bemó ɔla nuku dua yalepó. <sup>47</sup> Até duraalu, Talené doi sóró horaté fu betepa, mo so wh̄iné kolóló, aita mo donoi ala dapóló dukirótu beterepó. Ai ala du betepa, so wh̄i aluyaqsóró Talené tao sóró Keriso so wh̄itamó Kótónétei betere dok̄o touróló sóró beteraté fu betalepó.

### 3

#### *H̄gleke dore wh̄i wisirale fo*

<sup>1</sup> Bet̄a sukamó, Pitaró Jon-tamo Talepaae moma yaairaalu tukóló muló betere sukakelemó, kuluka 3 *kilok* moma dere bepaae fu betalepó. <sup>2</sup> Atéró felemó, take hamané depemótei hó naase dowi wh̄i ai be bopéró betere tipi t̄u sókó walemó beteraai beleyóló fu betalepó. Ai sek̄eta, momatere bepaae fua wua dere so wh̄ipaae *monikó* kema yópóló, suka fea wh̄irapené beleyóló mulaleta du betalepó. Ai wh̄i beter̄leta du betale tikita, mo kelaalo Kok̄oi tipi t̄upóló doi mulapó. <sup>3</sup> Kale wh̄i atéró sóró fóló beteró beteremó, Pitaró Jon-tamo moma ene faai fupa, atimaamopaae *moni* kema yalepó. <sup>4</sup> Atétepa, kale wh̄i tamóné ɔ kelené kikéró kaae taru Pitané ɔpaae duraalu, “Naao d̄amo kelae,” yalepó. <sup>5</sup> Ti fo depa, kale wh̄iné ɔmó me ɔlakó melaaitere nisiyóló kelené atimaamo kaae tarepó.

<sup>6</sup> Atépa, Pitané duraalu, “Naao ai kematere ɔla *silpa moni ó kold moni* ɛ tanitei, yaɔlo tare ɔla bet̄a ya i

matere ape. Nasaret wh̄ikó Yesu Kerisoné doimó i dapa, ya turukó holóló kw̄eyae,” yalepó. <sup>7</sup> Ai fo yóló, Pitané kale wh̄iné turu naasemó taosóró turukó horóló daaralepó. Até deretamotóró ama dore hóró hó kelepetamo fotok̄o buóló wisiyalepó. <sup>8</sup> Atéró, ai sek̄e ɔ t̄uó horóló kw̄eyaaai kaae sóró, Pitaró Jon-tamo atima fea moma dere be belamó kutu betalepó. Atéró aimó ɔ t̄uó holóló taaeta deté kuturaalu, Talené doi hale sóró horaté kw̄eyalepó. <sup>9</sup> Aimó touró betere so wh̄i feané kale wh̄iné Kótóné doi sóró horaté kotere ala kelalepó. <sup>10</sup> Atétepa, i wh̄ita momatere be bopére tipi kelaalo kok̄ore t̄u sókó walemó bitu *moni* kema dua yaletei, netéró wisiyalerópóló siratu betalepó.

#### *Moma dere bemó Pitané Talené fo yó maletai*

<sup>11</sup> Téró, kale wh̄iné Pitaró Jon-tamo apuó tapa kelaai so wh̄i mo fea, Solomon-né doi mole be belapaae tour̄ale wóló daae muluraalu, siratu betalepó. <sup>12</sup> Pitané ai ala kolóló, atimapaee duraalu, “Ti Israel so wh̄i-ó, noatepa dīa i ere alamó siratu bitute? Diaaɔ tuéné ita, d̄amoné fotok̄oné ó Kótóné ala d̄amoné eró tareteiné wisiralepóló de? <sup>13</sup> Abraham, Aisak, Jekop atimané Kótóta me kae mei, d̄ané ayarapéné Kótókélé mo bet̄atórótipó. Ai Kótóné ama kutó diratere wh̄i Yesu tao sóró doi mo doasi mulalepó. Ai ala ere wh̄itei, dīané ɔ mo ti dóló sukunaaire wh̄irapené naasepaae mulópóló Pailat-paae melale felepó. Tétepa, Pailat-né ai wh̄i me dowi ala munipó depatei diaaɔ ɔpaae duraalu, fópóló dot̄eyaɔse yalepó. <sup>14</sup> Mo kae beteró betere donoi ala dere wh̄i wisinaaletei diaaɔ h̄oróo, wh̄i dupa *dipula* beteró betere wh̄i dīapaae dotonae yóo, yalepó. <sup>15</sup> ɔta, mo ti betere bete kaarale wh̄itei, dīané dóló sukunalepó. Téyaletei, Kótóné momó kepaaró beterapó. Ai alarape feata, d̄ané keletómó

mo yalepó. <sup>16</sup> Hó naase dopa diã feané kilitu betere wh̄ta, ðamo Yesupaae tuę tiki tiró betere alané ą wisiralepó. Ai tuę tiki tiratere alata, Yesuné ðamopaae matepa, ama doiné i wh̄i mo ti wisiró betereitei mió diaaę ai kelere ape.

<sup>17</sup> Norape-ó, ęło mo i dere ape. Diãnékélé, diaaę topo wh̄rapené yale kaae, Yesu Tale Kótóné sóró betero betere wh̄ipóló tuę muni yale ala ðané tuęrapó. <sup>18</sup> Tépatéi ai yale alata, mo take Kótóné ama kóló wh̄rape feané ama sóró betero betere wh̄i Keriso doasi dele saalopó ere fo Kótóné mo ai dokonó betere ape. <sup>19</sup> Térapa, du betere dowi ala taaróló, kisipa feteyóló Kótópaae ape. Atetepa, ti Kótóné ama feléyóló betere ala wisi diã tuãpaae eraalo.

<sup>20</sup> Kótóné ama so wh̄i fea tęteróló kaae tanópóló sóró betero betere wh̄i diã beterepaae dotonaalopa, kaae tawae. Ti ai wh̄ta, mo taktitei diã tao sópóló sóró betero betere wh̄i Yesu ai ape. <sup>21</sup> Ai sekęta, Kótóné kae betero betere kóló wh̄rapepaae ere fo dokonóturaalu, Talené i haemó ere alarape momó wisiróló kisi aleraaire be ðę sókó wópóló kaae tarapó. Ai be ðę teópa, ti ą hepen-mó hęle kaae tawóló beterepó. <sup>22</sup> Moses-nékélé, i fo asęrapó.

‘Tale Kótóné diã mó kisipa mutu, diãkótei ama fo eratere kóló wh̄i sóró beteraalo ai ape. Téyaalopa, ai sekęné ama dere fo fea wosóló sya fae.

<sup>23</sup> Kótóné sóró beteraaire ama kóló wh̄iné dere fo diã mepaae wh̄iné wosóló sya fenitepa, ti atétere wh̄i Talené ama so wh̄itamo touyóló betaęsóró sókó sóró kae beteraalopó,’ erapó.

<sup>24</sup> Samuel betale alimó kaae sóró bitiré wale kóló wh̄rapené deté wale fota, mió i alimó du betere alarapemó kisipa mutu erapó. <sup>25</sup> Kótóné ama kóló wh̄rapené ere foró Talené ama i ala eraalopóló ere dirii fotamo

dokonóturaalu, diãpaaetóro mo eraalopó. Mo take Kótóné Abraham-paae i fo yalepó.

‘Naa deté faaire naalerapekó betę wh̄ipaae ęło eratere wisi alané i haemó betó mole so wh̄i mo fea wisiraalopó,’ erapó.

<sup>26</sup> Ai ere fo mo dokonóturaalu, Kótóné ama kutó diratere wh̄i Yesu Keriso sóró beterepó. Atéro, ą diã Israel fake so wh̄ipi tao sóró wisiraai kisipa mutu, diã beterepaae dotonalepó. Diã dokę feané du betere dowi ala taaróló tuę wisipaae fópóló, ai sekęné amatei diaaę kisipa tiki feteraalopó,” yalepó.

## 4

### *Jon-ró Pitamo dipula beterele fo*

<sup>1</sup> Téro, Pitaró Jon-tamo kale fo wisi so wh̄ipaae yó mótu betepa, mepaae momatere be kaae tare diki tare wh̄rapené topo wh̄ikélé, Sadyusi wh̄rapekélé, so wh̄imó Talepaae momaratere wh̄rapekélé, fea atimaamo beterepaae walepó. <sup>2</sup> Atima atéro betó mupa, Pitaró Jon-tamoné fo yó mótu duraalu, Yesu mo ti sukęletei momó kepaayóló beterepó. Térapa, Yesupaae tuę tiki tiratere so wh̄ikélé kepaayóló betaalopóló yó mótu beterepó. Atéro yó mótu betepa, kale wh̄rape atima dei tuę muóló fopaae bualepó. <sup>3</sup> Atéturaalu, ai kale wh̄rapené atimaamo tawóló fo tokóló só deraai yaletéi be diki depa, h̄ika yaairaaalu dilikitamo atimaamo *dipula* sóró beterepó. <sup>4</sup> Téyaletéi, atimaamoné yó male fo wosóló so wh̄i fea Talepaae kisipa tiki tiralepó. Atéyale wh̄rape maaté dosęayóló touróturaalu, 5,000-rópó.

<sup>5</sup> Téro h̄ika be ðetepa, topo wh̄rapero Moses-né asęre fo yó matere wh̄rapetamokélé, Juda wh̄i disirapekélé, fea Jerusalem bepaae touręle walepó. <sup>6</sup> Atétepa, atimatamo so wh̄imó momaratere wh̄rapené topo wh̄i Anas-kélé,



Kaiapas-kélé, Jon-kélé, Aleksan-dakélé, so whimó momaraterere mepaae whirapekélé fea wóló touró beterepó. <sup>7</sup> Atéro, Pitaró Jon-tamo dape soro ai whirapené atimaamopaae woseturaalu. “Ai ala yópóló diaamo né soro beteralee? ó né doimó diaamoné ai ala du bitute?” yalepó.

<sup>8-9</sup> Tétepa, Dęi Kepe Pita tuamó fąayóló sęratepa atimapaee tokó mótu duraalu, “Dią so whi tęteróló kaae tare whiraperó whi disirapetamo-ó, diąné dąmopaae ai wosetere fota, kale hó dore whi kolené sukuturaalu wisirale alamó de? <sup>10</sup> Tétamo depa, ti diąnékélé, Israel so whi feanékélé, wosaasepóló hąkearóló i dere ape. Diąné Nasaret whikó Yesu Keriso filipaare ni tómó oleróló mo ti dóló sukunaletei, Kótóné ą momó kepaaralepó. Atýale sekéné doimó, dąmoné wisi erale hó dore whi i daale ape. <sup>11</sup> Yesuta, ašemó ere foné duraalu,

‘Dią be tętere whirapené dopa taae falatere kapo faketei, be hulua eleké alée felepó,’ erapó.

<sup>12</sup> Dą aluyaqsóro tao saaire whi me kae mo bitinipó. Yesuné doimó betą dą so whi fea mo wisiyóló betenerapó,” yalepó.

<sup>13</sup> Atéro, kale whirapené kelalemó, Pitaró Jon-tamo wikélé ini fo mo halaainé du beterepó. Atéro dere fo woseturaalu, i whi tamota me skul-kélé iniretei, dere fo mo fosó fosó dapóló siratu betalepó. Tétu atimaamo Yesutamo kwęyale whi tamopóló kisipa yalepó. <sup>14</sup> Téyaletei, Pitaró Jon-tamoné hó dopa wisirale whikélé atima touró betere tikimó daaleteiné u kale whirape atimané me fo yaaire tų mei depa taaralepó. <sup>15</sup> Atétepa, Pitaró Jon-tamo kapala asiri belapaae hókó deróló, ai whirape atima fo kęlaaralepó. <sup>16</sup> Atéro, kęlaaróló duraalu, “Atimaamopaae dąné noa alakó eraaló? Jerusalem bemó betó mole

so whi feané atimaamoné kelemei ala eraletei, kolóló mo tuęrapó. Téreteiné dąné ai ala hiróló kapala fo enénipó. <sup>17</sup> Tépatei, i fo so whipaae deté fóló fakeraqsóro atimaamopaae dirii fo yóló mulaalopó. Ai Yesuné doimó so whipaae fo yó melaqse yaalopa, siępe,” yalepó.

<sup>18</sup> Atimapi atéro fo dokoló, kale whi tamo momó bepaae ape yóló duraalu, Yesuné doimó mepaae dere alaraperó ama fo yó maté kotere alatamo momó kae yaqse yóló fo mulalepó. <sup>19</sup> Ti fo depa, Pitaró Jon-tamoné duraalu, “Diąné kisipané dąmo diaaq dere fo wosóló sya furaalu, Kótóné fo sya foletei taalatepa, Kótóné keletómó wisiréro diąnétei tale yae. <sup>20</sup> Ti dąné kelené kelale alaró wosale fotamo yó materetei, mo taaranénipó,” yalepó.

<sup>21</sup> Tétepa, kale whirapené Pitaró Jon-tamopaae mepaae wiratere fo take yale tómó beleróló yóló, atimaamo fópóló dotęyalepó. Atimaamopaae mepaae seķi ala eraai yaleteti, bete atima kóló kóló depa taaralepó. Ti noa betené mei, so whi feané atimaamoné erale alamó Talené doi soro horatere kilituraalu, atima wi depa fópóló dotęyalepó. <sup>22</sup> Ti noatepae, i kelemei ala eróló wisirale whi, hó doyóló betepa ba fo whi siki tamokélé bosenée falapó.

*Talepaae kisipa tiró betere whinę moma dere fo*

<sup>23</sup> Atéro Pitaró Jon-tamo fópóló sókó daalatepa, atimaamo mepaae Keriso so whi betere tikipaae felepó. Atéro fóló bitu, so whimó momatere topo whiraperó whi disirapetamoné atimaamopaae yale forape fea atimapaee du betalepó. <sup>24</sup> Atétepa, Keriso so whinę ai fo woseturaalu, atima fea touyóló fo fake yóló Kótópaae doa kée yóló moma yalepó. Atéro duraalu, “Kótó-ó, yąta doasi Tale bitu, ęla ęla fea naaotóro kaaróló tęteróló kaae tarapó. Tale-ó, i haekélé, ó sąkélé, węi kęlakélé, ai sore ęla tuamó betere ęlaró ere

qlatamokélé fea naaotóro alerapó.  
<sup>25</sup> Naao Deji Kepe Wisiné naao kutó diratere whi dané aya Depit tuapaae suratepa, ama kolómó ere fo i ape.

‘Hae kwia dokómó betó mole so whi noatepa fopaae buóló dei kisipa mutu betere?’

Juda fake so whikélé me bete munipatei noatepa atima kiki-iti fo dokotu betéré?

<sup>26</sup> I hae kwia tetéroló kaae tare topo whirape atima bóe daai siki siki yóo, mepaae Juda fake tetéroló kaae tare topo whirapekélé fea betapaae tourale wóló, Taletamo bóe dóo, so whi tetéroló kaae tanópóló, Talené sóro betero betere whitamokélé bóe daai donoróo, erapó,’ yalepó.

<sup>27</sup> Ti ai ere fo mo dokonalepó. Kale Herot-ró Pontias Pailat-tamonékélé, Juda meire fake so whinékélé, Israel so whinékélé, naao kutó dirópóló sóro betero betere whi wisinaale Yesutamo bóe dóló só deraai, doasi Jerusalem bepaae tourale walepó.

<sup>28</sup> Atéyaleteita, atima tuéné kaayóló dere nisiyalemó, ai yale alarape fea Tale naao fotokóné eraalopóló, take ere fo mo dokonóló ai yale ape.

<sup>29</sup> Térapa Tale-ó, mió atimané naao kutó diratere whirape susupui ala eraairaalu wiréli fo du beterapa, naao tué muae. Atétu betere tuámó dā wikélé ini, mo halaaíné daalu, naao fo betā yó mótu betéropóló halaaí ala dāpaae erae. <sup>30</sup> Naao mo kae betero betere kutó diratere whi Yesuné doimó kisi daae mole so whi wisiróturaalu, kelemei alaraperó doasi sira yaaire alatamo eraaire fotokó naao dāpaae erae,” yalepó.

<sup>31</sup> Atima ai moma yóló kementeretamo, atima betó mole be tao sóro woreralepó. Atéturaalu, Deji Kepe Wisiné atima mo suratepa, so whipaae Kótóné fo mo halaaíné diriyóló yó mótu betalepó.

*Keriso so whi u taosu i taosu yale fo*

<sup>32</sup> Kale Keriso so whi atima fea ne no aqyóló bitu, mo wisi kisipa betatóro muóló beterepó. Atéru, atimané mole ɔla ɔla fea ekɔleyóló sini, yaɔare so whikélé tao sua yalepó. <sup>33</sup> Kale aposel whirapené

Tale Yesu mo ti sukaletei, momó kepaayóló beterapóló yó matere fota, Kótóné ama fotokótamo yó melaté kutu betalepó. Atima atétu betepa, Kótóné kolené sukuturaalu, hāle tao sere ala atima feapaae eraleteiné mo haitamo dua beterepó. <sup>34-35</sup> Ai ala iru, atima tuámó me so ó whikó ɔla ɔla yaɔa dere ala mo inipó. Atima tuámótei, hae tiki tare whiné ama hae dotonóló *moni* sóo, be tene whiné ama be dotonóló *moni* sóo, yóló ai *moni* kale aposel whirapené naase tuámó mulótua yalepó. Ai *monita*, mepaae ɔla ɔla yaɔare so whimó terekeyóló aliróló mótua yalepó. <sup>36</sup> Lipai fake whikó Saiprus be whi ama doi Josep beterepó. Ai sekéta, aposel whirapené Banabas doi mulalepó. Ai doiné beteta, so whiné hosaa dirirótu keteké bulóló fotokóratere whipó doi mulalepó.

<sup>37</sup> Ai whi Banabas-nékélé, ama hae kwia dotonóló *moni* sóro, ai *moni* ti aposel whirapené naase tuámó mulalepó.

## 5

*Ananias-ró Sapairatamopaae erale ala*

<sup>1</sup> Téró me etéyalepó. Whi betāné ama doi Ananias beterepó. Ai sekéro soma Sapairatamo atimaamoné hae kwia dotonóló *moni* salepó. <sup>2</sup> Atéro sale *moni* mepaae soma atimaamo saairaalu fo deyóló, bukó mulóló, mepaae ti kale aposel whirapepaae male felepó.

<sup>3</sup> Atétepa, Pitané apaae duraalu, “Ananias-ó, Satan ya tuámó bitu, Deji Kepe Wisipaae kapala fo noatepa yaleé? Naao hae dupu yale *moni* mepaae ya saairaalu bukó mulóló, i sóro waleteti hitipó deretei, kapala fo ai dere ape. <sup>4</sup> Hae kwia

dotonaai hãle mupa, ti naao haetóro molepó. Dotonóló sale *moni-kélé*, ti naao *moni-tórotipó*. Tétu, *moni* mepaae diaamo saairaalu, dekée sóro mepaae maaté Talepaae male waletékélé wisirapó. Téptei, naao dowi kisipa sóro yale kapala fota, mo whĩpaae ini, Kótópaaetei ai ere ape,” yalepó.

<sup>5</sup> Atéroró dere fo kale whĩ Ananias-né woseturaalu, Pita daalemó haepaae muni doropóló, mo ti sukãlepó. Mepaae so whĩné até yalepó dere fo woseturaalu, atima wió du betalepó. <sup>6</sup> Tétepa, mepaae kokopei whĩrape wóló kale whĩné tiki kutiné bopéyóló dourãle felepó.

<sup>7</sup> Atéroró, sore sukakele kemeyóló ai kĩlipaae soma Sapaira ama whĩpaae erale ala tuęni, mokõleyaa yóló Pita beteremó sókó walepó. <sup>8</sup> Atéroró daapa, Pitané kale sopaae woseturaalu, “Naao whĩ diaamoné hae dupu yale *moni* i hĩtié?” yalepó. Tétepa, kale soné duraalu, “Épó. Saletei, aitoróti hĩtipó,” yalepó.

<sup>9</sup> Ai fo depa, Pitané apaae duraalu, “Noatepa naao whĩ diaamo fo dokóló, Talené Dęi Kepe Wisipaae kapala fo yóló, kãae kelaai dilikãlé? Atei ala yalemó, naao whĩ dourãle fele whĩrape wóló tų sókó walemó ai daae mole ape. Atimané yãkélé, atéroró sóro fóló dourãle faalopó,” yalepó.

<sup>10</sup> Téyalemó, mo ai fapotóro kale so Pita daale tikimó haepaae muni doropóló sukãlepó. Atétepa, kale whĩrapené kelalemó mo ti sukupa sóro fóló, ama oma dourale tikimó akélé titiróló bulalepó. <sup>11</sup> Até yalepó dere fo, Keriso so whĩró ai fo wosale so whĩtamo doasi winé sukutu betalepó.

#### *Aposel whĩrapené kelemei alarape erale fo*

<sup>12</sup> Téró kale *apospel* whĩrapené kae kae kelemei alaró so whĩné kolóló sira yaaire alatamo, so whĩ betó mole tuãmó erótu betalepó. Talepaae tuę tiró betere so whĩ Solomon-né

aleyale be tokwęimó touróló bitua yalepó. <sup>13</sup> Mepaae so whĩné Keriso so whĩné dere ala kolóló, atima dere ala mo kokõrapó yóló dukirótu betaletei, atima ai so whĩtamo touyóló betaalo witu betalepó. <sup>14</sup> Téptei, sokélé, whĩkélé, Talepaae tuę tiki tiróló take betere Keriso faketamo tourãleta yaletikimó Keriso so whĩ fakeraté felepó. <sup>15</sup> Atétere alamó, mepaae hepo daae mole so whĩrape sepelewa yóló wóló, Pita ą fua wua dere tųmó besekę tómó mulótua yalepó. Ti aita, Pita fua wua duraalu, ama suka asoné mepaae whĩ wisirópóló kisipa muturaalu, dua yalepó. <sup>16</sup> Jerusalem be bopéroló tę mole be huluarapemó betó mole so whĩ fea Jerusalem bepaae tourãle walepó. Atéroró wouraaalu, mepaae hepo daale so whĩkélé, dowi keperapené doasi susupu mótu betere so whĩkélé, mo fea beleyóló wapa wisirótua yalepó.

#### *Aposel whĩrape susupuróló dipula beteraletei*

<sup>17</sup> So whĩmó momaraterere topo whĩró mepaae Sadyusi fakekó i sekéné ama fulumu whĩrapetamoné *apospel* whĩrapené dere alamó atimatamo dei fopaae bualepó. <sup>18</sup> Atéturaalu, kale *apospel* whĩrape *dipula* sóro beteralepó. <sup>19</sup> Téyalemó, dilikitamo Talené ama *ensel* wóló, ai *dipula* be tų tukỹyóló kale *apospel* whĩrape belapaae dapesó derepelepó. <sup>20</sup> Atéroró duraalu, “Dią fóló momaterere be belamó daalu, so whĩpaae mió wosetere kisi fo wisi etéropóló yó melaai fae,” yalepó.

<sup>21</sup> Téró hĩka be dętepa, *ensel*-né yale fo wosóló, momaterere be belamó daalu, so whĩpaae Talené fo kaae sóro yó malepó.

Atéyale kĩlipaae so whĩmó momaraterere topo whĩró, ama fulumu whĩrapetamoné kale fo tokóló taletere whĩrapepaae ape yó faralepó. Ai whĩrapeta, Israel whĩ disirape atimatórotipó. Ai fakerape fea wóló, mepaae diki tare

wh̄irapepaae *dipula* bepaae fóló, kale *apospel* wh̄irape dape sene fae yóló dotonalepó. <sup>22</sup> Tétépa, fóló kelalemó, kale *apospel* wh̄irape *dipula* bemó bitinipa kelalepó. Atépa yaai dapóló atima momó fesaae walepó. <sup>23</sup> Atéro atimapaee duraalu, “*Dipula* be t̄yta, d̄ané kinale alatoró epa kelalepó. Téro, t̄y kaae tare diki tare wh̄irape atimakélé, kale tikimótóro daae molepó. Atépa, d̄a t̄y tuk̄iyóló kelalemó, atima bitinipó,” yalepó. <sup>24</sup> *Dipula* be kaae tare diki tare wh̄irapené topo wh̄iró so wh̄imó momaraterere wh̄irapené topo wh̄itamóné ai dere fo woseturaalu, ai *apospel* wh̄irapea, noa yalerópóló atima tué teketu betalepó.

<sup>25</sup> Atétu beteremó, wh̄i bet̄a wóló duraalu, “Wosae, dīané *dipula* beterale wh̄irapeta, u momatere be belamó daalu, so wh̄ipaae fo yó mótu betere ape,” yalepó. <sup>26</sup> Ai fo depa, diki tare wh̄irapené topo wh̄iró ama diki tare wh̄irapetamo fóló, kale *apospel* wh̄irape tawóló sóro walepó. Atéro, dapesó wouraalu, h̄oko s̄iyóló só ani, naamei alané dapesó walepó. Ti noatepae, so wh̄iné kapo duné atima siriyóló daqsóro wi yalepó.

<sup>27</sup> Atéro kale wh̄irape dapesó fóló, fo tokóló taletere wh̄irape betó mole tikimó daalalepó. Atéyaleteita, moma dere topo wh̄iné wosetere fo yóló taleyópóló yalepó. <sup>28</sup> Téro, kale so wh̄imó momaraterere topo wh̄iné *apospel* wh̄irapepaae duraalu, “D̄ané dīapaae ai wh̄i Yesuné doimó momó kae yó melaqse yóló fo mulalepó. Téyaletei, dīané yó mótu betale fo i Jerusalem be hulua so wh̄i mo feané wosalepó. Diaaq̄ ai dere alané Yesu sukópóló daleteimó, d̄apaae kwia tok̄ melóqpólópó yóló kisipa mutu du bitu de?” yalepó.

<sup>29</sup> Ti fo depa, Pitaró mepaae *apospel* wh̄irapetamoné tok̄ melótu duraalu, “Mo wh̄iné fo sya furaalu, Kótóné fo yó matere ala taarénipó. Kótóné ama yae dere ala bet̄a mo

eranérápó. <sup>30</sup> Diaaq̄ ni tómó oleróló dale wh̄i Yesu dou dolomó mupa, d̄ané ayarapené Kótóné momó sóro ai kepaaró betere ape. <sup>31</sup> Tale Kótóné ̄a kepaaróló ama turu naase d̄emó doasi Topo wh̄i beteróo, d̄a aluyaqsóro tao saaire wh̄ikélé sóro beteróo, erapó. Ti aita noa ala yópóló ini, Israel so wh̄i dowi ala taaróló tué tiki feteyóló wópóló erapó. Ai ala depa, ti d̄ané yale dowi alamó saaire kwia Kótóné tokóló alu eranérápó. <sup>32</sup> Ai yale alarape fea d̄ané kelené kolóló mepaae so wh̄ipaae yó melótu beterapó. Ti atétere kaae D̄ei Kepe Wisinékélé, d̄ané dere fo kwia tao sóro erótu beterapó. Mepaae so wh̄i Kótóné fo wosóló aqmó sukóló betepa, atétere so wh̄ipaae ama D̄ei Kepe Wisi take meló beterapó,” yalepó.

<sup>33</sup> Kale fo tokóló taletere wh̄irapené i dere fo woseturaalu, atima mo doakale fopaae buóló kale *apospel* wh̄irape mo ti daai kisipa mualepó. <sup>34</sup> Até du betepatei, ai tuamó Farisi wh̄ikó bet̄a ama doi Kamaliel beterepó. Ai seké ̄ata, Moses-né as̄ere fo diriyóló tuéru yó matepa, so wh̄i feané ama dere fo mo wisiyóló wosetua dapó. ̄A atére alamó ama doi doasi mulapó. Ai wh̄i kale fo taleraterere wh̄irape betó mole kuamó turukó holóló duraalu, “Ai wh̄irape belapaae kapala asiri doropópóló yae,” yalepó. <sup>35</sup> Atéro, kale wh̄irapepaae duraalu, “Israel fake wh̄irape-ó, dīané ai wh̄irapepaae eraai kisipa mutu betere ala hapale kilitaróló ini, tuépi tekeyae. <sup>36</sup> Ti noa betené dumitei, i ere alamó d̄a wisiyóló kisipa saalopó. Take bitiré wale alimó, wh̄i bet̄a Teudas-né duraalu, ̄eta h̄ale wh̄i meipó. T̄eteróló kaae tanópóló sóro daaló betere wh̄ipó depa, mepaae 400 wh̄irape ̄atamo toune walepó. Téyaletei, bóe dale sukamó atimané ̄atei dupa, ama bóe belerale fele wh̄irape dapo dapo yalepó. Téturaalu, ama yaai kisipa muale



ala alu yalepó. <sup>37</sup> Atéyale k̄lipaae *Gavman* wh̄rapené so wh̄i doi siré kw̄eyale sukamó Kaleli wh̄ikó Judasné i ala yalepó. Mepaae wh̄rape hosaa diriróló hajraté kw̄eyóló duraalu, ‘D̄a *Gavman*-tamo bóe d̄e faalopó. Atéró atima dóló torokó faróló, atima betale sirimó d̄ané t̄eteróló kaae tawaalopó,’ yalepó. Téyaletei, *Gavman* wh̄iné kale sek̄e ̄tei delemó, atima wh̄rape botokó dapo dapo yalepó. <sup>38</sup> Atérapa, mió i du betere alamókélé ȳalo kisipa mole fo bet̄a dīpaae i dapa, wosae. I wh̄rapepaae me ala eréni, h̄ale f̄ópóló dot̄eyae. Atimané take nalopaae yaai dere alamó kisipa mutu, mió ai du betere alatamo mo wh̄iné kisipa mole ala yaai depa, ti doyóló haepaae derepaalopó. <sup>39</sup> T̄éni, i dere alatamo Tale Kótó tūamó kaayóló wapa, ti diaā atima dere ala sesé enénipó. Ai alatamo depa, ti Kótótamotei bóe du beterapóló dīanétei k̄aae kolóló kisipa yaalopó,” yalepó.

<sup>40</sup> Kale sek̄éné dere fo mepaae wh̄rapené wosóló, téyaalopóló kisipa mualepó. Atima ai fo yóló k̄lipaae kale *apospel* wh̄rape momó bepaae holae yóló, halika tikiné fokosoi ala yalepó. Atétu beteró, atimapaee fo mulóló duraalu, “Yesuné doimó dīané fo momó kae yó melāqe,” yóló f̄ópóló dotonalepó.

<sup>41</sup> T̄éró, kale *apospel* wh̄rape atima ai wh̄rape betere tiki taaróló felepó. Atéró atimasisi duraalu, “Yesuné doimó d̄a halika tikiné fokosó sóró susupu eratere alakélé, hale seratere alakélé, erópóló Kótóné amatei, d̄a dos̄aae sóró beteralepó. Ama ai ala eró betereteita, sek̄ei alarape d̄ané mo s̄umó belenépa erapóló,” atima h̄ekesené sukuté felepó. <sup>42</sup> Atéró, atima betere dok̄o momatere be belamókélé, be dok̄o dok̄okélé, Yesu Keriso ̄a etei kaae wh̄ipóló so wh̄ipaae h̄akeamó kale fo wisi h̄ale yó maté fu betalepó.

## 6

### *W̄ekeró wh̄rape sóró beterale fo*

<sup>1</sup> Atéyale sukamó, Talepaae tué tiratere wh̄rape mo dekéró faketé felepó. Até duraalu, aimó betó mole Krik fo bole Juda wh̄rapené Hibru fo bole Juda wh̄rapepaae ̄la taleturaalu, wisiyóló ̄li dumipóló alale su betalepó. Atéró duraalu, dīa Hibru fo bole wulia sorapemó betere dok̄o fea nokole ̄la s̄umó ̄liróló móturaalu, d̄a Krik be fo bole wulia sorapemó meni dere-a, noatepa de yalepó. <sup>2</sup> Atétepa, kale 12 *apospel* wh̄rapené mepaae Keriso so wh̄rape feapaae tour̄ale ape yóló touró betepa duraalu, “Nokole ̄la tale yóló ̄liratere kutó diaai, Kótóné fo yó matere ala sisópaae erateretei wisinipó. <sup>3</sup> T̄érapa, norape-ó, dīa tūamó betó mole wh̄rapekó fopeyóló, D̄ei Kepe Wisi f̄aanu fosó fosói kisipa mole w̄ekeró wh̄rapekó sóró beterae. Atétepata, ti ai kutó atimané t̄eteróló kaae taw̄ópóló atimané naase tūamó mulaalopó.

<sup>4</sup> Atéróló d̄ané diyaaire kutóta, ti so wh̄i tao suraalu moma dere ala yóo, Tale Kótóné fo yó melatere ala yóo, yaalo ai ape,” yalepó.

<sup>5</sup> Atéró ai wh̄rapené dere fo so wh̄i feané wosóló mo wisirapóló kisipa mualepó. Atéró so wh̄i feané fopeyóló, Stipen sóró beteralepó. Ai sek̄eta, D̄ei Kepe Wisi f̄aanu tué tiki tiró betere wh̄ipó. Atéró sóró beterale wh̄rape ti etérópó. Filip, Prokorus, Nikanor, Timon, Parmenas, Antiok be wh̄ikó Nikolas atima atéró sóró beteralepó. Nikolas ̄ta Juda wh̄i meitei, Juda wh̄rapené dere ala sya fu betere wh̄ipó. <sup>6</sup> T̄éró, kale so wh̄iné ai wh̄rape dapesó fóló *apospel* wh̄rapené naase tūamó mulalepó. Atétepa, ai wh̄rapené atima tikimó naase mulóló Talepaae moma eralepó.

<sup>7</sup> Ai ala yale tikimó, Kótóné fo hae kwia feapaae yó melaté fóló fakeralapó. Jerusalem be hulua tūamó Talepaae tué tiki tiratere wh̄rape

mo ti fake duraalu, so whimó momaraterere whirape atimakélé, mo fea tué feteyóló tiróturaalu, kale fo wisi wosóló Yesupaae kisipa tiraterere aqmó betalepó.

### *Stipen tawóló fo tekale fo*

<sup>8</sup> Téró, kale seké Stipen Kótóné ama kolené sukutu hale tao sere alaró Talené fotokotamo ą tuamó fąanepó. Téturaalu, mo doasi kelemei alaró sira yaai dere alatamo so whi fea kuamó erótu betalepó.

<sup>9</sup> Atétu betepa, mepaae whirape Stipen-tamo bóe dóló fopaae butu, ą só deraterere fo yalepó. Ai whirape atimané fo wosetere be doita, wae sóró kutó diraterere whi betere ala taaróló atima koleaané hale betó mole whirapené fo wosetere bepó doi mulapó. Ai whirape atima wale tikita, Sairin be hulua whikélé, Aleksandria be hulua whikélé, Silisia hae kwiamó betó mole whirapekélé, Esia hae kwiamó betó mole whirapekélé, atérópó. Ai fakerape atimané be huluata kae kaetei, Juda fakepó. <sup>10</sup> Atéyaletei, Stipen-ta Dęi Kepe Wisi fąanu fosó fosó yóló du betere fomó, u whirapené dowi kisipa mutu du betere foné atimané ą só deraairetei mo sunipó.

<sup>11</sup> Atéteremó, Stipen só deraaire tu kikituraalu, atimasisi kemei mepaae whirapetamo fo dokóló etei kaae kapala fo yaalopa siépe yalepó. “Ai whiné Kótókélé, Moses-né ere fokélé, doka doka yóló bóe duraalu, faletere fo depa, ąané wosalepó yae,” yóló, se yalepó.

<sup>12</sup> Atéró, so whipaaekélé, Moses-né asere fo yó matere whirapepaaekélé, whi disirapepaaekélé, Stipen-tamo fopaae buqóló, sesemeraterere fo deté kweyalepó. Atéró, kale whi Stipen tawóló só fóló fo tokóló tale dere whirapené naase tuamó mulalepó. <sup>13</sup> Atéró daaló bitu, kale kapala fo yóló só deraai kisipa mutu betere whirapené duraalu, “I sekénéta suka fea kale yóló muló betere fokélé faleyoó, Kótóné ama

kae tenó betere moma dere bekélé doróló doka doka yóo, deté kotapó.

<sup>14</sup> Téturaalu, etei kaae fokélé depa ąané wosalepó. Nasaret whikó Yesuné i be fisikóló doróo, Moses-né asere mara mole fo ąapaae matepa, ąané sya fu betere alakélé doróo, yaalopó depa, ąané wosalepó,” yalepó.

<sup>15</sup> Téró, ai wóló betó mole fo tokóló taletere whirapené kale seké Stipen kikéyóló kaae tawalemó, ama kelepaa ensel-rapené kelepaa kaae daalepó.

## 7

### *Stipen-né fo tokóló taletere whirapepaae yale fo*

<sup>1</sup> Téró, so whimó momaraterere topo whiné Stipen-paae woseturaalu, “Atimané ąá só deraairaalu ai du betere fo-a mo de?” yalepó.

<sup>2</sup> Ti fo depa, Stipen-né atimapaee tokó mótu duraalu, “Noraperó ayarapetamo-ó, ai fo ąalo diąpaae i dapa wosae. Mo take ąané aya Abraham ą Haran hae kwiapaae faai Mesopotemia hae kwiamó hale betepa, kae ąę fąane Kótó Abraham beteremó sókó weipakalepó. <sup>3</sup> Atéró, Abraham-paae duraalu, ‘Yąta, naao be whi so whiró naao turuku betamo taaróló, ąalo ąapaae yó melaaire hae kwia-paae fae,’ yalepó.

<sup>4</sup> Ai fo depa, ama turuku be Kaldia whirape betere hae taaróló, Haran be huluapaae torókó felepó. Atéró fóló betepa, aimó kale whi Abraham-né alima sinalepó. Atéyale kilipaae Kótóné Abraham ą dapesó wóló mió dią ai betó mole hae kwiamó beteralepó. <sup>5</sup> Kótóné Abraham-mó i hae kwia melaalopó yóló mulaletei, ai alimó hae kwia mekó menipó. Kutó diyaaire su mo sawakélé menipó. Atéyale alimó Abraham ą naalekélé bitinipatei Kótóné ąpaae duraalu, ąaró naao deté faaire naale-tamoné i hae kwia saalopóló dirii fo yóló munélipakalepó. <sup>6</sup> Kótóné

Abraham-paae duraalu, ‘Naao detere naalené deté fole naalerape atima fea kae fakené hae kwiamó wale whi sū betaalo ai ape. Atéro betepa, ai hae talerapené atima wae sóró kutó diratere so whi beteróló, doasi depe tukó wei alaró susupui alatamo deté fu betepa, 400 ba fo kemeyaalo ai ape. <sup>7</sup> Atépa, Israel fake wae sóró beteraale be hulua whiné topo whirape yało dowi kwia melóló yało i so whi momó dapesó woló beteraalopó. Kótó aťa, da teteróló kaae tare Talepóló aomó dua sukóló betaalopó. <sup>8</sup> Naao detere naalené detere naalerape tiki sekaę tukóló sirirae. Atétepa, ti yało diamó eraaire ala haşókó feni, mo eraalopóló dirii fo yóló mulótu eratere siripó,’ yalepó. Atéro, Abraham-né Aisak deyalepó. Aisak deyóló be de 8-ró kemetepa, ama naalemané tiki sekaę tukóló siriralepó. Téro, Aisak-né Jekop deyalepó. Jekop-né ti dané ayarape deyóló fake firale 12 whirape deyalepó.

<sup>9</sup> Jekop naalemarapené noma deke naale Josep-né dere alamó dei tuę muturaalu, atimané a Isip whirapené wae sóró kutó diratere whi beterópóló dotonóló *moni* salepó. Téyaletei, Josep-paae wuatere sekei ala fea Kótóné tao sua du betalepó. <sup>10</sup> Téro, Josep a Isip hae kwia teteróló kaae tare topo whi Fero beterepaae sókó fóló beterepó. Atéro betepa, Fero-né Josepené dere ala kilitu, a paae hekese yópóló, Kótóné mo donoi ala wisi erótu betalepó. Atépa kilituraalu, Fero-né Isip hae kwiaró doasi topo whiné wisi wisi berapetamo Josep-né teteróló kaae tanópóló, sóró beteraalepó,” yalepó.

<sup>11</sup> “Atéyale alimó ęla sóku aluyóló doakale wote ali walepó. Atéturaalu Isip hae kwiamókélé, Kanan hae kwiamókélé, dané ayarape atima naaire ęla mo meipó. <sup>12</sup> Atéro betalemó, dané ayarape deyale whi Jekop-né Isip bemó mepaae nokole ęla muó mulapó dere fo wosóló,

ama naalemarape dotonalepó. Ti aita, folosóró kaae suraalu felepó. <sup>13</sup> Atéro momó felemó ti Josep-né ama nomarapepaae a i ape, yóló yó melalepó. Atétepa, kale teteróló kaae tare doasi topo whi Fero-né Josep-né alimaró nomarapetamo tuę yalepó. <sup>14</sup> Téro, Josep-né ama alimapaee yó fótu duraalu, ‘Yaşkéle naao fake so whikéle, dię fea ai hae kwia taaróló, ipaae torokóló ape,’ yalepó. Tétepa, 75 so whi ai be torokóló walepó. <sup>15</sup> Jekop atéro bitiré fóló, a Isip bemó sukalepó. Téro, ama naalemarapekélé, mo fea aimótóró sukalepó. <sup>16</sup> Atétepa, atimané tiki betę só fóló, Sekem hae kwiamó mole kapo dolomó douręleta, dua yalepó. Ai hae tikita take Abraham-né Hamor naalemarapetamo *moniné* dupuyale haepó,” yalepó.

<sup>17</sup> “Até deté wóló, take Kótóné Abraham-tamo yóló mulale fo dokonaaire be de feleketepa, atimané deyale naale senaale Isip bemó mo hałe ęla kaae fake yalepó. <sup>18</sup> Téro, take betale topo whi Fero-ro Josep-tamo sukalepó. Atéyale kılıpaae ai sirimó betale topo whi Fero-né Josep-né a ai topo whi beteraale ala tuę iniruraalu kale Israel fake so whi wisiyóló kaae tanipó. <sup>19</sup> Atéruraalu, ai topo whiné Israel fake so whitamo doakale bóe duraalu, Israel sorapené naale detepa, sukópóló bela tómó wapelatamo mulaleta dua yaai, atima fo dokóló mulalepó.”

<sup>20</sup> “Atétu betere tuę dolomó, Moses deyalepó. Ai naaleta, Kótóné keletómó mo kae naale wisipó. Hamaró alimatamoné ai naale sóró betepa, wélié sore kemeyalepó. <sup>21</sup> Téro, hamaró alimatamoné wapela turó só fóló mulalepó. Atéro mupa, kale topo whi Fero senaalemané whaayai salepó. <sup>22</sup> Téro mepaae doasi tuę mole Isip whirapené Moses tuę tiki fosó fosó yópóló, mepaae alarape

yó melaté felepó. Téró, ama dere fokélé, mo fosó fosó yóo, dere alakélé mo fotokọ buóló yóo, yaaire whi doayalepó,” erapó.

<sup>23</sup> “Moses doayóló bitiré fóló, ba fo whi siki tamo kemeyóló ą ama Israel so whirape noa ala du beteréro kepe felepó. <sup>24</sup> Atéro fóló kelalemó, kale Isip whi betané Israel whi betá doló susupurótu betepa, kelalepó. Atétu betepa, ama fake whitamo até ekeséro seséturaalu, Isip whi mo ti dalepó. <sup>25</sup> Moses-né ama etei kisipa mualepó. Israel fake so whi atimapaee doasi sekei ala erótu betepa, ama fake so whi tao sópóló Kótóné ą dotonélirapóló kisipa yaalo nisi yalemó, Israel so whiné atei kisipa sinipó. <sup>26</sup> Téró, kale dere kaae mo hika momómo fóló kelalemó, Israel whi atimaamositei hęle su betepa, ama filiyóló duraalu, ‘Diaamo Israel faketa motei noatepa hęle su bitu de yalepó.’

<sup>27</sup> Ti fo yalemó, doasi fotokọ buóló me whi tetérotu betere whiné Moses tę daalótu duraalu, ‘Yą dątamo fo tokóló taleraterere alaró tetérolo kaae tare alatamo yópóló né sóró beteraleé? <sup>28</sup> Naa do kale Isip whi du yale kaae, ękéle atéro daai waleé?’ yalepó. <sup>29</sup> Ai fo woseturaalu, Moses ą ai Isip hae kwia taaróló, Midian haepaae botokó felepó. Téró, ą ai bemó wale whi bitu, so dokóló naale tamo deyalepó.

<sup>30</sup> “Atéro ba fo whi siki tamo kemeyóló betepa, whikélé bitire Sainai hasi fosó felekemó *ensel* ą beterepaae ni sesaapemó si mi sokóló ai dolomó sókó walepó. <sup>31</sup> Atétere ala kolóló, Moses ą noa ala duterópóló kisipa teketu betalepó. Atéro, mo ti diriyóló kelaairaaalu, kale ni sesaape ere felekepaae taae felemó, ai si mi dolomótei, Talené ąpaae i fo yalepó.

<sup>32</sup> ‘Ęta, diąné ayarape Abraham, Aisak, Jekop atima tetérolo kaae tare Kótópó’ yalepó.

Ti fo depa, ai fo dere tiki kelaai yaletei, diri furu furu yóló wituraalu, kilini haepaae hemée deyalepó,” yalepó.

<sup>33</sup> “Atépa Talené ąpaae duraalu, ‘I hae tikita, Kótóné ama tukóló kae muló betere haepa, naao horó betere hó be sokóló taae falae,’ yalepó.

<sup>34</sup> Térapa Moses-ó, Isip whirapené yalo so whipaae doakale sekei ala erótu betepa wosalepó. Até du betere ala kolóló yalo atima hęle fópóló dotonale waairaaalu, yąpi Isip be huluapaae fópóló dotonaaai dapó,” yalepó.

<sup>35</sup> “Moses ąta atimané hę yóló, ąpaae yą fo tokóló taleraterere alaró tetérolo kaae tare alatamo yópóló, né sóró beteraleé? yale whipó. Ti fo yale whitei, Israel fake so whi tetérolo kaae tanópóló, Kótóné amatei sóró beteralepó. Atéro beteraai ama *ensel*-né eręle fópóló dotetepa, kale ni sesaapemó duku betere si mi dolomó fo sókó wóló Moses sóró beteralepó. <sup>36</sup> Ama ai Israel so whi Isip be taaróló ąlisóro wóló betero bituraalu, kelemei alaró so whiné kilitu sira yaaire alatamo eraté kutu betalepó. Até dere alata, kale Isip hae kwia tuąmókélé, sonaa węi kęla tuąmókélé, so whi bitinire tikimó kuturaalukélé, ai alarape eraté kutu betepa, ba fo whi siki tamo kemeyalepó,” yalepó.

<sup>37</sup> “Ai Moses-nétóro Israel so whipaae duraalu, ‘Kótóné kóló whi mo ę kaaetóro dotonaalopó. ąta diąkótei, sóró beteraalo ai ape,’ yalepó.

<sup>38</sup> Moses ą Israel so whitamo whi mei tikimó dąné ayarape dapesó kutu betepa, *ensel*-né Sainai hasi fosómó mo ti betaaire fo bete ąpaae matepa, amamo dąpaae maletęi mió dąné i sya fu betere ape.”

<sup>39</sup> “Téyaletei, dąné ayarapené ama dere fo wosóló ą aqmó sinóló bitinipó. Atimané ą hęrapóló faai wale tiki taaróló, Isip bepaatei momó



fesaae faai kisipa mutu betalepó. <sup>40</sup> Atéró, kale so whiné Eron-paae duraalu, 'Dá Isip bemó betepa, álisóró wale whí Moses á neté yalerópa, dá álisóró faaire kótóræpe kaekó alerae,' yalepó."

<sup>41</sup> "Atéyale sukamó, *bulmakau* hupu male kaae suróló kapala kótó aleyalepó. Atéró, atimané aleyóló mulale qlapaaetei, hupu dóló momaturaalu, ai qlané doi doasi mulóló qla deyóló kilitu betalepó.

<sup>42</sup> Ai so whí ó samó daale wéliékélé, hqerapekélé, sukakélé, atimané tale aleróló doi sóró horóló moma du beterópóló, Tale Kótóné ai so whí taaróló sisórælepó erapó. Ai fota, mo take Kótóné qló whírapené asqere fo mo htipó.

'Israel fake so whírape-ó, diá so whí bitinire tikimó 40 ba fo tuamó bituraalu, *sipsip* hupu dóló moma deté wou betaletei epaae inipó.

<sup>43</sup> Diqané kuti be dolomó kapala kótó Molek-ró whiné aleyale kótó Repan hqeretamo beteróló aqmó sukóló bituraalu, tale-ó yóló moma deté kutu ai betale ape.

Atétu betaleteiné yalo diá Babilon hae kwia taoró wae sóró beterópóló hqó faló ai betere ape,' " yalepó.

<sup>44</sup> "Téró, dqané ayarape atima so whí bitinire tikimó bituraalu, Tale Kótó á dqatamo mo beterapó kisipa muqpóló, kuti be tqepakalepó. Ai kuti beta, Kótóné Moses-paae etéro tqyae, yóló suróló yó matepa, kolóló tqepakalepó. <sup>45</sup> Atéró bitiré wóló, nalo dqané ayarape atimané ai kuti be beleyóló sóró waletaite, Josuané tqeteróló kaae tawóló betale alimó yalepó. Josua á ama be whí so whítamo betere hae kwia taaróló, me hae kwiamó betaai fupa, Kótóné ai hae talerape mo fea dóló torokq faralepó. Atéyale sukamó sóró wale momatere kuti be beleyóló só kutu beteró, Depit betale alimó sókó walepó. <sup>46</sup> Tétepa, Depit-né

Kótóné á hqitere ala eratepa, dqané aya Jekop-né Kótó mo tí moma dere bemó beterópóló kisipa mutu, amó be tqnaai Kótópaae wosalepó. <sup>47</sup> Téyaletei, ama naalema Solomon-né Tale Kótóné be tqnalepó.

<sup>48</sup> Atéyaletei, ó sa taoró betere Tale á mo whiné tqtere bemó bitimipó. Kale Kótóné qló whiné i asqere fo kaaepó.

<sup>49-50</sup> 'Ó saqa, yalo tqeteróló doasi topo whí betere tikimó bitu, i haeta, tí yalo hó dée daaló betere tiki ai ape. Térapa, diqané noa kaae be tqyóló q betereai du bitu de?

Talené duraalu, E sa nóló betere tiki mekó ere?

Qla qla feata, yalo aleyóló muló bitini nisi du betere?" fo asqrapó,"

<sup>51</sup> Stipen-né duraalu, "Diqta mo dowqae fole whírapepó. Noatepa diaaq hosaa tuamó dowi ala fqanu, Kótóné fo wosaaire wosqlikélé kinó bitute? Diqta, diaaq ayarape bitu yale kaaetóró iru, Dqi Kepe Wisiné dere fo wosaai deretei hqyóló mo dowqae fu beterapó. <sup>52</sup> Kótóné qló whí me deké diaaq ayarapené susupui ala erénipó, fo yaaloé? Mo fea diaaq ayarapené susupui ala erótua yalepó. Dowi alakélé inire Talené ama mo donoi Whí wisinaale waalo ai ape, yóló yó mótu betere whírapekélé, diqané ayarapené dua ipakalepó. Atétua yale kaae, miókélé dowi ala inire whí wisinaale eleké deyóló dqpóló, diaaq sesemeralepó. <sup>53</sup> Talené tukóló muló betere fo *ensel*-rapené diqpaae yó matepa wosaletei, diaaq ai fo tukóló sisópaae eralepó," yalepó.

*Stipen kapo duné siriyóló dale fo*

<sup>54</sup> Ai fo dere woseturaalu, kale ai fo tokóló taleraterere Juda whírape atima mo dei fopaae buturaalu, sereke hale yalepó. <sup>55</sup> Téyaletei, Stipen á Dqi Kepe Wisi fqaturaalu, saqaae kese horalemó, Tale á tuamó ere dqeró Yesutamó Kótóné turu naase dqemó daapa kelalepó. <sup>56</sup> Atépa duraalu,

“Kelaē! Hepen be tų tukwę fóló, Whjné Naalema Kótóné turu naase dęmó daapa mió yalo kelerapó,” yalepó.

<sup>57</sup> Atétepa, atimané ai dere fo wosaalo meipóló, naasené wosęli kinóló fo fake yóló ą daale tikipaae mo hapale tourale walepó. <sup>58</sup> Atéro, Stipen naasemó sej sóró be tipi aqpaae taae deróló kapo duné siróló daai kaae salepó. Até yaaipatei, ama i ala depa kelalepóló yale whjrape atimané fłoi kutirape sorokóló, betą kokopei whjné kaae tanópoló, ama hó betemó mulaleta yalepó. Ai whjné ama doita, Sol-pó.

<sup>59</sup> Atimané Stipen ą kapo duné siritepa, ama Talepaae momatu duraalu, “Tale Yesu-ó, yalo kepe bete betą naao dape sae,” yalepó. <sup>60</sup> Atéro, ą bukutiri teyaró bitj doropóló fo fakeyóló duraalu, “Tale-ó, i dere alamó naao atimané dowi ala kwia aluróló kemerae,” yalepó. Ai fo yóló kale whj ą mo ti sinalepó. Atétere alata, Sol ąkélé aimó daalu, wisirapa téyae du betalepó.

## 8

### *Keriso so whj susupu sóró dapo dapo yale fo*

<sup>1</sup> Atéyale sukamó, Jerusalem bemó betó mole Keriso so whjpaae doa susupu sere ala eralepó. Atei ala depa, Talepaae tuę tiki tiró betere Keriso so whj Judia hae kwiaró Samaria hae kwiatamopaae dapo dapo yóló felepó. Atétepa, kale *aposeł* whjrape atima betą Jerusalem bemó betó molepó. <sup>2</sup> Téro, mepaae Kótóné ala eró tare whjrapené Stipen douróló, doasi dekené sini moló-u du betalepó. <sup>3</sup> Téyaletei, Sol-né Keriso so whj doraté kwęyaaairalu, kaae salepó. Tétu, be dokọ ą kwęyóló, Keriso so whj fea sįyóló *dipula* beteraleta du betalepó.

### *Filip Samaria haepaae fóló yale ala*

<sup>4</sup> Atéro dapo dapo yóló fele so whj fóló betó mole tikimó, mió wosetere kisi fo wisi so whjpaae yó mótu betalepó. <sup>5</sup> Filip Samaria hae kwiamó tene be huluapaae doropóló, so whjpaae Yesu Kerisota, Kótóné i haemó betó mole so whj teteróló kaae tanópoló sóró betero betere whjpoló yó mótu betalepó. <sup>6</sup> Aimó wóló touró betere so whj feané Filip-né yale foró erale kemei alarapetamo kilitu, ama dere fo wisiyóló wosaairalu, atima fea wosęli muló beterepó. <sup>7</sup> Atétu, so whj tuamó tepeyóló betale dowi keperape sókó furaalu, keterę yóló sókó fua yalepó. Hó naase dore so whjro tiki dąamu yóló momaare so whjamo wisirótua yalepó. <sup>8</sup> Atétere ala kilituraalu, ai be huluamó betó mole so whj atima mo hękesené sukutu betalepó.

### *Isi whj Saimon-paae yale fo*

<sup>9</sup> Téro, ai be huluamó whj betą Saimon beterepó. Ba fo doasimó ai sekę ą isi whj bitu, du betere alamó Samaria so whj feané sira dua yalepó. Atéteremó ą mo doasi sekę whjpoló bopé fake du beterepó. <sup>10</sup> Atétepa, mepaae doasi doi mole whjrapekélé, doi munire whjrapekélé, mo fea wóló ama dere fo wosóló ą dukirótu betalepó. Atétu duraalu, “I whjta, Kótóné doasi bole fotokọ kaae bulapó,” du betalepó. <sup>11</sup> Téro, mo take ą isi whj bitiré wouraaalu, du betale ala kolóló, siratu betaletiné so whj fea ai alatei sya felepó. <sup>12</sup> Téyaletei, Filip-né atimapaae Kótóné teteróló betere aqmó mole alaró Yesu Kerisoné ere alatamo etérópoló yó melótu betalepó. Ama atéro yó matere fo wosóló so whj fea kisipa feteyóló Talepaae wapa, Filip-né atima Yesuné doimó węi tópurótua yalepó. <sup>13</sup> Kale whj Saimon ąkélé, tuę tiki feteyóló Talepaae wapa, Filip-né ą węi tópuralepó. Téro, Filip kotere tiki dokọ fea Saimon atimaamo wusuró kuturaalu, me ala yaairemó dere kelemei alaró sira yaaire alatamo

Filip-né eratepa kilitu, Saimon-né sira dua yalepó.

14 Jerusalem bemó betere *apospel* whirapené Samaria so whi Talené fo wosalepó dere wosetu atimané Pitaró Jon-tamo doteyalepó. 15 Téró, kale seké tamo fóló, ai Samaria hae kwiamó tene be huluamó Talepaae kisipa tiki tiró betere so whi Dēi Kepe Wisi sópóló momaralepó. 16 Ti noa betené meipó. Dēi Kepe Wisi atima tuapaae tepeyóló bitī waai teópatei, Yesu Kerisoné doimó atima wēi maaté tópuralepó. 17 Atépa, Pitaró Jon-tamoné ai so whi tikimó naase mulalemó, Dēi Kepe Wisi atima tiki tuapaae bitī dorowalepó.

18 Saimon-né kale *apospel* whi tamoné so whiné tikimó naase mulalemó, Dēi Kepe Wisi bitī wale ala kolóló, atimaamomó *moni* melaai i fo yalepó. 19 “Diaamoné dere ala kaae yalokélé, mepaae so whi Dēi Kepe Wisi sópóló naase mulaai dapa, epaae ai alakó eraasepóló dapó,” yalepó. 20 Ti fo depa, Pitané apaae duraalu, “Naao *moni* yatamo wusuró kēlaa yóló alu yópóló, yae. Ti noatepae, naao kisipané Kótóné kōlené sukuturaalu, hāle matere ɔla *moniné* dupu dere aɔrapóló de? yalepó. 21 Ya dātamo Talené ama kutó dirópóló sóró beteró bitinireteiné. Kótóné keletómó naao hosaa tuamó wisi kisipa munipó. 22 Térapa, dowi ala taaróló Talepaae kisipa feteyae. Atétepa, ti Kótóné naao hosaa tuamó muale dowi kisipamó kwia melaai yaletēi, hāle aluraalopó. 23 Ti naao hosaa tuamó dowi kisipa fāyóló mupa, yālo kelerapó. Atéruraalu, dowi alanétei yā dokóló wae sóró beteró beterapó,” yalepó.

24 Ti fo depa Saimon-né apaae duraalu, “Ti naao epaae ai yale fo mo yaqsórópa, naaotei emó momarae,” yalepó.

25 Atéró, Pitaró Jon-tamoné kelené mo kelale alaró Talené fotamo yó mótu beteró, momó Jerusalem

bepaae fesaae faai felepó. Atéró, furaalu, ai Samaria hae kwiamó tene be hulua tu felekemó tē mole berapemó kale fo wisi yó melaté felepó.

### *Filip-ró Itiopia whitamóné yale fo*

26 Atéró eté yalepó. Talené ama *ensel*-né Filip-paae duraalu, “Ya, Jerusalem be taaróló Kasa be huluapaae derepaai *saoti* fakeró kópu kaae fale hae tikimó fole tu sya fae,” yalepó. 27 Téró, Filip a ai tumó fu betalemó, betā Etiopia whikó nóluku soki whi mo umó wapa kelalepó. Ai whi a, Etiopia hae kwia teteróló kaae tare topo so Kandasné *moniró* mepaae néli ɔlatamo kaae tanópóló sóró beteró betere doasi whipó. 28 Ai seké a, Jerusalem bepaae Talepaae moma ene fi fesaae wou, ama *hos* hupuné sɔyóló sóró kotere ɔla tómó beteró Kótóné kōló whi Aisaiané asere fo dosātē wou betalepó. 29 Atéró dosātē wou betepa, Talené Dēi Kepené Filip-paae duraalu, “Ya mo hapale fóló kale whi beteró wou betere *hos* hupuné sɔyóló só fole ɔlatamo hokolaa yóló betamó faai fae,” yalepó.

30 Ai fo depa, Filip a mo hapale fóló, kale whitamo betamó titi yóló fu betalepó. Atéró wosalemó, Aisaiané asere fo kale whiné dosātē fu betepa, Filip-né apaae woseturaalu, “Naao ai dosātē fu betere foné bete naao kisipare?” yalepó.

31 Ti depa kale whiné Filip-paae tokó mótu duraalu, “Mené epaae yó menitepa, ti netéró tué saalóé?” yalepó. Ti fo yóló kale whiné Filip-paae atamo bitī holae depa, a titiyóló bitī holalepó.

32 Kale Etioipiané whiné dosātē wale kōló whi Aisaiané asere fo i ape. “A, *sipsip* hupu daai duóló ɔlisóró fu dere kaae yalepó. Téró, me kale *sipsip* hupu male niki tikitepa, keteré initere kaae ama kōló mo nomalepó.

33 Apaae doakale hale seróló susupuraterē alakélé fo tokóló

taletere alakélé ini, hãle só deratere ala betã yalepó.

À naale senaale nalopaae yaai dere ala kolóló né yó melaaloé?

Ti atimané à i haemó betaqsóró kisiipa mutu, mo ti dalepó,” yalepó.

<sup>34</sup> Téró kale Etiopia whjné Filip-paae woseturaalu, “I asere kóló whjné ere fo amó erépé whj me kaemó ere?” yalepó. <sup>35</sup> Tétepa, Filip-né Aisaiané ai asere fomótóró kaae sóró Yesu Kerisoné mió wosetere kisi fo wisi yó maté felepó.

<sup>36</sup> Atéró, atimaamo fu beteremó tũ tuamó wẽi ke belepa kolóló, kale sekéné Filip-paae duraalu, “Wẽi ke wisinaale ti belerapa kelae. I wẽi kemó ẽ tópuratere dore?” yalepó. <sup>37</sup> (-) <sup>38</sup> Ai fo yóló, kale sekéné ama hos hupu néli tare whjpaee kejroló daayae yalepó. Atéró daapa, atimaamo wusuró ai kale wẽi ke dolopaae doropóló daalu, Filip-né kale seké wẽi tópuralepó.

<sup>39</sup> Atéró, atimaamo hae taopaae taae holalemó, mo ai fapotóró Talené ama Dẽi Kepe Wisiné Filip tokó sóró felepó. Atéró, kale Etiopia whjné Filip momó kae kilinipó. Tétepa, kale seké à tumó fu bituraalu, hẽkesené sukuté felepó. <sup>40</sup> Téyaletei, kale Filip akélé, keke alinameróló dapesó wale ala kilinipatei, Asotas bemó sókó felepó. Atéró sókó fóló, ai tũ demó tẽ mole be huluarapemó, so whjpaee mió wosetere kisi fo wisi yó melaté felepó. Atéró, yó melaté fóló, Sesaria be huluamó sókó felepó.

## 9

*Sol dowi ala deté kutu beteraþó yale fo*

<sup>1</sup> Ai ala du betere tuamó, Sol-né Talené ala eró tare whjrape atima daalopóló wiratere fo hãle yó tarepó. Damaskus be huluapaae faai, so whjmó Talepaae momaratere topo whj beterepaae felepó. <sup>2</sup> Atéró ðuraalu, “È Damaskus be huluapaae

faai dapa, diãné u bemó betere Juda fakené fo wosetere be kaae tare whjrapené ẽ mo whj nisiyaqsóró *fas* mekó aseýóló alae. Ai *fas*-mó i kaae fo yae. Aimó Yesu Kerisoné ala sya fole so whjkó betepa, ti i Jerusalem-paae *dipula* sóró wópóló, ẽpaae sóró fae yóló ase yae,” yalepó. <sup>3</sup> Atéró, Sol à Damaskus be felekepaae sókó faai deremó, ó hepen-mó Talené dẽ hapale sókó wóló à daale tiki mo fea dẽyó felepó. <sup>4</sup> Téteremó à haepaae deraapisa fóló mupa, samó fo yóló duraalu, “Sol! Sol! Naao ẽ noatepa doróló supuraté kutu bitu de?” yalepó.

<sup>5</sup> Tétepa, Sol-né duraalu, “Tale-ó, yã né de?” depa Yesuné ðuraalu, “Èta, naao doróló susupuraté kutu betere whj Yesupó,” yalepó. <sup>6</sup> “Térapa, yã turukó holóló Damaskus be huluapaae fae. Aimó betepa, ti whj mené naao yaaire ala yãpaae yó melaalopa, ama dere fo naao sya fóló yae,” yalepó.

<sup>7</sup> Ai ala deremó, Sol-tamo wale whjrape atima fokélé tekeni, hokomó sókó finé daae mulu, dere fomaaté wosalepó. Téyaletei, ai fo dere whjné kelepaa atima kilinipó. <sup>8</sup> Téró, Sol à turukó holóló keke fisãae horóló keke keke yalemó me qlakélé koló feni, keke dilikiyalepó. Atépa, atamo wale whjrapené à naasemó tawóló alisóró fóló, Damaskus bemó sókó felepó. <sup>9</sup> Atéró, be dẽ sosemó keke dilikiyóló bitu, qlakélé, wẽikélé néni, hãle betalepó.

<sup>10</sup> Atéró betepa, ai bemó Yesuné ala eró tare whj betã Ananias beterepó. Ai whjné noke naró dere kaaené Talené apaae duraalu, “Ananias-ó!,” depa, ama duraalu, “Tale-ó maé, ẽ i betere ape,” yalepó.

<sup>11</sup> Tétepa, Talené ai kale whjpaee duraalu, “Mo donoi tũpóló doi mole tũ seraa fóló, Judas-né bemó sókó fae. Atéró Tarsus whj Sol momó betere? yóló wosae. À ai bemó bituraalu, ẽpaae moma ai du betere ape. <sup>12</sup> Atérapa, ama noke naró dere



kaaené i ala depa, kelalepó. Betā whī Ananias ā beterepaae wóló ama tikimó naase mulale wapa, ama kele wisi yaairetei kolóló, ai betere ape,” yalepó.

<sup>13</sup> Ti fo depa, Ananias-né duraalu, “Tale-ó, mepaae so whīné epaae i fo ene wuatepa, wosalepó. Ai seké āta, Jerusalem bemó naao kae betero betere so whī doróló mo doakale dowi ala erótu betere whīpó yalepó.

<sup>14</sup> Mió ipaae wóló betereiteikélé hāle meipó. Jerusalem be huluamókélé, naao doi yóló momatu betere so whīrape *dipula* saai so whīmó momaraterere topo whīné ai ala yaai fae yóló, *fas* matepa soro walepó,” yalepó.

<sup>15</sup> Tétepatei, Talené Ananias-paae duraalu, “Ai whīta, ai ala du betale whītei, mió yālo ala yó taruraalu, yālo kutó diraté fópóló soro beteratapa, fae. Ti āta, take nalopaae Juda meire fake so whīpaaekélé, doasi teteróló kaae tare topo whīrapepaaekélé, Israel so whīpaaekélé, yālo doi eraté kutu betaaire whī ai ape. <sup>16</sup> Ā até deté kutu betepa, yālo doimó ā mo doasi dele soro susupui ala saalopóló, yālo āpaae yó melaalopó,” yalepó.

<sup>17</sup> Ai fo depa, Ananias ā fóló, Talené āpaae yó male bepaae felepó. Atéro sókó fóló, kale seké betere be dolopaae holóló Sol-né tikimó naase mulóló duraalu, “Yālo no Sol-ó, Tale Yesu Keriso yā i Damaskus bepaae waai wapa, tū tuāmó sókó walepó. Atéyale sekéné naao ai dilikire kele momó wisiróló ɔla ɔla kolóo, Deī Kepe Wisi yā tiki tuāpaae bitī wóló fānáo yópóló, ama ē yā beterepaae dotonatepa wóló i daale ape,” yalepó. <sup>18</sup> Ai fo deteretamotóro, kale whīné kele dolomó ya fumi kaae ɔla sókó dorowóló ama kele momó wisiyalepó. Atéro wisi depa, ā weī tópuralepó. <sup>19</sup> Atéro ā ɔla nóló ama fotokō momó bune walepó. Sol ā Yesuné ala erótu

betere whīrapetamo ai Damaskus bemó mepaae be dērape betalepó.

*Sol-né Damaskus beró Jerusalem betamomó yale ala*

<sup>20</sup> Ai be demótóro kaae soro, Juda whīrapené fo wosetere berapemó Yesu Keriso ā mo Kótóné Naalemapó yóló, so whīpaae hākeamó yó mótu betalepó. <sup>21</sup> Atétepa, so whī feané ama yó matere fo wosóló sirayóló duraalu, “I whīta, take ó Jerusalem bemó Yesupaae tué tiki tiróló betó mole so whīpaae doakale susupui ala eraté kutu betale whī meié? Ā ipaae waleteita, i bemó betó mole Keriso so whīpaae doasi dowi sekei ala eróló, so whīmó momaraterere topo whīpaae *dipula* soro male faai wale whī meié?” yalepó. <sup>22</sup> Téyaletei, Sol-né Talené fo eraterere ala mo ti fake deté fóló mo fosó fosóre whī betalepó. Atéru, Damaskus bemó betó mole Juda so whīpaae Yesuta, so whī teteróló kaae tanópóló soro betero betere Kerisopóló yó matepa, so whīné mo dono dapóló kisipa yalepó.

<sup>23</sup> Atéro, yó melaté fóló mepaae be dērape kemetepa, Juda whīrapené Sol daai kisipa mutu, atima betāpaae tourāle wóló atimasisi kikiti fo dukutu betalepó. <sup>24</sup> Atéyaletei, atimané ā daai du betere ala ama kisipa yalepó. Dilikitamokélé, dētamokélé, ai be bopéro betere tipi tū sókó wale tiki dokō ā daai, melaa yóló bitīta dua yalepó. <sup>25</sup> Ai fo woseturaalu, kale mepaae Sol-né dere fo wosóló sya fu betere whīrapené ā tao suraalu, ai be bopéro betere tipi dolo sokóló dilikitamo yomó deyóló halikané duwóló deralepó. <sup>26</sup> Téro, Sol ā Jerusalem bepaae holóló bituraalu, aimó mepaae Yesuné ala erótu betere whīrapetamo touyóló betaai yaletēi, atima ā kelaqsóro wiyalepó. Atima wi yaletēita, ā Yesuné ala eraterere whīpóló kisipa tiréni yaletēinépó. <sup>27</sup> Atétu betepa, Banabas-né kale whī Pol *aposel* whīrape beterepaae dapesó fóló daaló bitu, i sekéta

Damaskus bepaae faai fu betepa tu tuamó, Tale wóló daapa, ama kelené mo kilipakalepó. Téró, aimó Talené apaae fo ipakalepó. Ai fo yóló Damaskus bemó bituraalu, a mo wikélé ini, halaainé Yesu Kerisoné doimó fo yó mótu bitipakalepó. <sup>28</sup> Atéró, Sol a atimatamo betamó bituraalu, ai Jerusalem be huluamó so whipaae Talené fo wikélé ini, mo halaainé Yesuné doimó yó maté kutu betalepó. Atéteremó, whi mené a sesékélé inipó. <sup>29</sup> Téró, Sol-né Krik be fo bole Juda so whipaae Yesu ata, mo Kótóné Naalemapóló kisipa yópóló, fo tokótamo du betaleteti, mepaae Juda fake whirapené Sol daairaalu du betalepó. <sup>30</sup> Ai fo woseturaalu, Keriso norapené Sol daqsóro tao suraalu, Sesaria bepaae dapesó dorowóló, Tarsus bepaae fópóló dotonalepó.

<sup>31</sup> Atéró, Judia hae kwiamókélé, Kaleli hae kwiamókélé, Samaria hae kwiamókélé, Keriso so whitamó bóe dóló susupui ala erótu betaleteti, mió i alimó hajiné sukóló dua betó molepó. Talené Deji Kepe Wisiné atima fotokoróló keteké bulatepa, Yesupaae tué tiki tiratere so whi mo ti fake deté felepó. Atéró, Kótó ata, mo doa fotokó bole Talepóló wi kisipa mutu, hemée deyóló mo dua betó molepó.

#### *Pitané Enias-ró Dokas-tamo wisir-ale fo*

<sup>32</sup> Téró Pita a mepaae Kótóné kae beteró betere so whi betó mole be hulua dokó fea keleté fóló Lida be huluamó betó mole Keriso so whitamókélé ekei fo yóló betaai felepó. <sup>33</sup> A atéró wóló, ai bemó betá whi ama doi Enias betepa kelalepó. Ai seké ata, tiki damuyóló hale fiyótóro mupa, 8-ró ba fo kemeyale whipó. <sup>34</sup> Atéró mupa, Pitané kale whipaae duraalu, “Enias-ó, Tale Yesu Kerisoné ya mió ai wisiratapa, turukó holae. Téró naao beseke tukóló bopeyóló tupaae mulae,” yalepó. Téyalemó, kale whi a

mo hapale téti turukó holóló daane holalepó. <sup>35</sup> Atéró, ai kale Lida be huluamó betó mole so whiró Saron be huluamó betó mole so whitamóné tiki sinóló damure whi Enias wisir-aterere ala kilituraalu, Talepaae kisipa tiki tirótua yalepó.

<sup>36</sup> Téró, Jopa bemó Talené ala er-aterere sokó betá ama doi Tabitapó. Krik foné ai doi Dorkas doi mulapó. Ai so ata, betere dokó fea hekesené sinóló yaala sókó fóló wisi ala erótu, yolealere so whimó ɔla ɔla hale tao sóro matere ala fane so wisinaalepó. <sup>37</sup> Atétu betale sukamó, kale so a heponé sukalepó. Atéró sukutepa, mepaae sorapené ama tiki fokóló kutiné bopeyóló siki be kepaae mulale holalepó. <sup>38</sup> Ai be Jopata, Lida be felekemó erapó. Atéreteiné Talené ala eraterere whirapené Pita Lida bemó beterapó depa woseturaalu, atimakó whi tamo fópóló doteyalepó. Atéró fóló Pitapaae duraalu, “No-ó yata, mió mo damotamotóro hapale faai dapesene walepó,” yalepó.

<sup>39</sup> Tétepa, Pita a atimaamotamo fóló, Jopa bemó sókó fóló, kale so sukóló mole siki be kepaae dapesó horalepó. Atéró aimó betó mole wulia sorape Pita daalepaae wóló moló-u yóló duraalu, “Ita, ai sukale so a sukai bituraalu, male doasi deróló sókó fatere fɔloi kutiró mepaae deraterere kutirapetamo i ape yóló,” yó malepó.

<sup>40</sup> Tétepa, Pitané ai sorape belapaae hokonóló a bukutiri teyaró bituraalu, moma yalepó. Atéró moma yóló a kale so molepaae fetée wóló duraalu, “Tapita-ó, ya turukó holae,” depa kale so kele fisaae horóló, Pita kaae taru turukó holóló bihi holalepó. <sup>41</sup> Atéró betepa, Pitané kale soné naasemó tao sóro turukó horóló daalalepó. Atéró kale wulia soraperó Keriso so whitamopaae kepaayale so i ape yóló yó malepó. <sup>42</sup> Pitané kale mo ti sinóló mole sotei, momó kepaaróló beteralapó dere fo kulu kulu só kweyóló fakeratepa,

Jopa be huluamó betó mole so whi mo feané wosalepó. Até yalepó dere fo woseturaalu, so whi mo fea Talepaae feteyóló kisipa tiki tirótua yalepó. <sup>43</sup> Téró, Pita ʔ Saimon-tamo mepaae be dɛrape betalepó. Saimon-ta, hupu sekaɛné mepaae ɔla ɔla ale yaairaalu, bé bé yópóló wɛimó fokotu betere whipó.

## 10

### *Konilias-né Pitapaae ape yale fo*

<sup>1</sup> Atéyale sukamó, Sesaria whikó ama doi Konilias beterepó. ʔta, ai be huluamó 100 Rom diki tare whirape kaae tare topo whipó. Ai diki tare whirapeta, Itali hae kwiaró walepó. <sup>2</sup> Konilias-ró ama naale senaaletamokélé, somakélé, atima mo fea Talené ala yó taruraalu, Kótó aqmó sukóló beterepó. Atéru, yoleale yóló betó mole so whimó, betere dokɔ fea ɔla ɔla hale matere alaró, moma dere alatamo yó tarepó. <sup>3</sup> Atéro betɔ sukamó, kuluka 3 kilok ʔ ama be dolomó betepa, noke naró dere kaaené Kótóné *ensel* sókó wóló daane wapa, ama mo diriyóló kelalepó. Atéru ʔpaae duraalu, “Konilias-ó,” yalepó.

<sup>4</sup> Atéro dere fo woseturaalu, kale whi ʔ witamo *ensel* daalepaae kese faróló duraalu, “Tale-ó, maé?” yalepó.

Tétepa, *ensel*-né ʔpaae duraalu, “Naao moma dere alaró yoleale yóló betó mole so whimó hamoko yóló hale matere alatamo Kótóné kilituraalu, kokɔné sukunapó. Atei ala dereteiné yɔ tuɛ keteréni, ama kisipa yó tarapó. <sup>5</sup> Térapa Konilias-ó, Jopa bemó whi betɔ ai betere ape. Ai whiné ama doita, Saimon-tei Pitapó du beterapó. Térapa, ai whi Jopa bepaae dape sene fópóló, diɔkó mepaae whi dotonae. <sup>6</sup> ʔta ama yakoma Saimon-tamo ai betere ape. Ai Saimon-ta, hupu sekaɛné to ó mepaae ɔla ɔla aleyaairaalu bé yópóló, wɛi fokotere whipó. Ama beta wɛi fókumó ai tɛne ape,” yalepó.

<sup>7</sup> ʔpaae ai fo yóló, kale *ensel* fupa Konilias-né ama bemó kutó diratere whi tamo yóo, Kótóné ala eró tare ama diki tare whirapekó betɔ yóo, yóló ape yalepó. <sup>8</sup> Téró betepa, atimapaae kale *ensel*-né ʔpaae yale fo fea yóló, Jopa bepaae fópóló dotonalepó.

### *Pitané noke kaaené kelale ala*

<sup>9</sup> Atéro tumó fiyóló, hika be dɛtepa, atima Jopa be huluapaae sókó faai feleke deretamo eté ipakalepó. Pita ʔ Jopa bemó 12 kilok sukakelemó moma yaairaalu, kelekele dere siki bepaae holóló beterepó. <sup>10</sup> Atétepa, yakoma Saimon-ró somatamo aqró bemó naaire ɔla donoróló muló betepa, ʔ siki bepaae holóló moma du betalemó, ʔ wote yalepó. Atépa, noke naró dere kaaené i ala depa kelalepó. <sup>11</sup> Ó hepen be tu tukwɛ fóló doasi dɛi kuti kaae ɔla douro kwia dokɔ dorokó fóló amatei dorowou betepa kelalepó. <sup>12</sup> Ai dorowale kuti kaae ɔla dolomó i haemó niki daani ke detere ɔlaraperó barapetamokélé, hó naase daae mole ɔlarapekélé, mo fea ai kuti dolomó betó mupa kelalepó. <sup>13</sup> Atépa, ó samó fo yóló duraalu, “Pita-ó, yɔ turukó holóló ai betó mole ɔla dóló nae,” yalepó.

<sup>14</sup> Ti fo depa Pitané duraalu, “Tale-ó, mo deretei mo take naao dɛpaae, ‘Ai ɔla naɔse,’ yóló muló betepa ʔ werapó,” yalepó.

<sup>15</sup> Ti fo depa, kale dere kaae momó ʔpaae duraalu, “Kótóné yɔpaae wisirapa nae dere ɔla, ʔ werapó ekesé. Soro nó betɔ yae,” yalepó.

<sup>16</sup> ʔpaae ai fo dere alata, sore félimó yóló mo ai fapotoró kale kuti ó hepen-paae momó soro holalepó.

<sup>17</sup> Pitané ʔpaae i yó male ala noa betené yalerópóló kisipa teketu betalepó. Atétu betepa, Konilias-né dotonale whirape wóló, Saimon-né be momó tɛnerópóló keketé wóló, be bopéro betere tipi tu sókó walemó daae molepó. <sup>18</sup> Atima atéro daalu, fo tekeróló duraalu, kale Saimon-tei

Pitapó du betere whikó imó betere yóló wosalepó.

<sup>19</sup> Pita ai yale alané bete kisipa hãle teketu betepa, Dęi Kepe Wisiné ąpaae duraalu, “Saimon-ó, whırape sorené yã keketé ai kutu betere ape. <sup>20</sup> Térapa, yã turukó holóló aqró bepaae derepae. Ai whırapené yąpaae atimatamo faalopó depa me kisipa muni, atima yãlo dotonalepa fó betą yae,” yalepó.

<sup>21</sup> Téró, Pita ą doropóló kale whırapepaae duraalu, “Diaaq ai keketé kutu betere whıta, ę i ape. Térapa dią noatepa waleé?” yalepó.

<sup>22</sup> Ti fo depa atimané duraalu, “Dąta, kale diki tare whırapené topo whı Konilias-né dotonatepa walepó. Ai whı ąta, dowi alakélé enei Kótóné ala erótu betepa, Juda so whı mo feané whı wisipóló doi sóró horótu beterapó. Tépa, mo kae beteró betere *ensel*-né ąpaae duraalu, yã ama bepaae wóló, naao dere fokó wosaaipa dape sene fae depa, walepó,” yalepó. <sup>23</sup> Ti fo depa, Pitané atima bepaae dapesó fóló fiyalepó. Atéró, hıka be dętepa, kale whırapetamo Pitakélé, mepaae Jopa bemó betó mole Keriso whırapekélé fea felepó.

<sup>24</sup> Atima atéró, tų tuąmó diki betą fiyóló, hıka Sesaria bemó sókó felepó. Téyalemó Konilias-né fake whırapekélé, ama fulumu whırapekélé, mo fea touróló Pita dapesó wópóló kaae tawóló beterepó. <sup>25</sup> Pita atéró sókó wapa, Konilias-né ą doasi whıpa kilitu, ama hó aqmó bukutiri tęyaró bitı derepelepó. <sup>26</sup> Atétepa, Pitané kale whı tao sóró turukó horóló duraalu, “Turukó holae. Dąmo wusuróta mo whıpó,” yalepó.

<sup>27</sup> Téró, Pitaró Konilias-tamo fo deté fóló be tuąpaae kelalemó, so whı mo fea touró beterepó. <sup>28</sup> Atéró betó mupa Pitané duraalu, “Dą Juda fake dią Juda meire fake so whıtamo betąmó fo yóló ó ąla nokole ala yąqse eretei dią feané ai kisipa ere

ape. Téretei, mió Kótóné ępaae i ala yó malepó. Dą Juda fake so whıne kae kae fake so whıpaae i ala dorapó, i ala wisirapóló er- atere fo yąqse yóló ępaae yalepó. Atéyaleteiné mió ę diątamo betąmó beaai ape dere fo wosóló hęrapó enénipó. <sup>29</sup> Kótóné ępaae ai fo yaleteiné naao ę dape sene wópóló dotonale whırapepaae faalomeipó ini, atima dere fo betą wosóló i daale ape. Térapa, naao ę noatepa dape sene wópóló dotonaleé?” yalepó.

<sup>30</sup> Ti fo depa, Konilias-né ąpaae duraalu, “Douró be dę kemeyaaı hãle bitu, kuluka 3 kilok suka kelemó ę yãlo be dolomó moma du betalepó. Atétu betepa, mo dęi kuti deréli *ensel* mo hapale sókó wóló yãlo hosaa tuąmó daane walepó. <sup>31</sup> Atéró daalu ępaae duraalu, ‘Konilias-ó, naao hamoko yóló, yolealere so whı tao sóró hãle matere alaró moma dere alatamota, Kótóné ama keletómó mo donoi ala dapóló kisipa mutapó.

<sup>32</sup> Térapa, Konilias-ó, whı betąné ama doi Saimon-tei, Pitapó du betere whı Jopa bemó ama yakoma Saimon-tamo beterapa, dape sene fae. Ama yakoma Saimonta, hupu sekaęné mepaae ąla ąlarape aleyaairaaı, bé yópóló węimó fokotere whı ai ape. Ama beta, ti węi fókumó ai tęne ape,’ yalepó. <sup>33</sup> *Ensel*-né ępaae ai fo depa, ai whırapené yã dape sene wópóló, yãlo atima hapale dotonalepó. Atétepa, yã atimatamo waletuiné mo kée dapó. Ti Talené keletómó dą fea wóló i betó moletei, Talené yąpaae yae yale fo wisi naao dąpaae depa wosaaı dapó,” yalepó.

<sup>34</sup> Tétepa, Pitané fo kaae sóró Konilias-paae duraalu, “Ę Jopa bemó betepa, Talené ępaae yó male alané bete mió yãlo tuę yalepó. Tale Kótó ąta, mepaae whı tao sóró wisi kisipa mulótu, mepaae whımo dowi kisipa mulatere Tale meipó. ąta, dą mo feapaae betą alatóró erótua yaaire kisipa mulapó. <sup>35</sup> I hae kwia dokę feamó betó mole so whı Kótó



aq̄mó sukóló bitu, ama yae dere ala bet̄a erópóló t̄u wisi donorótu betere so wh̄ita, ti Kótóné ama dape saalopó. <sup>36</sup> I fota, Kótóné d̄a Israel so wh̄ipaae yalepó. Ama kale mió wosetere kisi fo wisi etéró yó melalepó. D̄a Kótótamo dua beterópóló Yesu Kerisoné ama yale alané d̄a hosaa muni deyóló beteró beterapó. Ti ̄ata, i haemó betóló fale so wh̄i mo feané Talepó. <sup>37</sup> Jon-né so wh̄i w̄ei tóparaalopó, fo yó male k̄ilipaae Kaleli haemó kaae sóró Yesu Kerisoné fo yó melaté fóló, Judia haemó sókó walet̄ei dīa feané kisi-parapó. <sup>38</sup> Kótóné D̄ei Kepe Wisi Nasaret wh̄ikó Yesu tuamó beteróló, so wh̄i fea t̄eteróló kaae tawópóló ama doasi fotok̄k̄élé bulóló sóró beteralepó. Atéró, hae kwia dok̄o feamó kuturaalu wisi ala eróo, dowi kepe tepeyóló betere so wh̄ikélé wisiróo yópóló, Kótó ̄atamo bet̄amó kutu betalepó.

<sup>39</sup> D̄ata, Israel so wh̄i betere tikiró Jerusalem betamomó bitu, ama erale alarape d̄ané kelené kelalet̄ei yó maté kutu beterapó. ̄ata, atimané filipaaró betere ni tómo ol-eróló dalepó. <sup>40</sup> Téyalet̄ei, ̄a sinóló dou dolomó sore sukamó mupa, Kótóné kepaaró beterapó. Atéró kepaayóló bertereita, mepaae so wh̄iné kolópóló yalepó. <sup>41</sup> Atéró bitu, sókó wua dere alata, so wh̄i feané keletómó ini, Kótóné ama sorokó su yóló beteró betere so wh̄irape beterepaae maaté sókó wua yalepó. Ti ai sókó su yóló beteró betere wh̄irapetamo bituraalu, ̄laró w̄eitamo nukua yale wh̄irapeta, ti d̄apó. <sup>42</sup> Téró, take ama d̄apaae i fo ene fae yalepó. ‘Kale mió wosetere kisi fo wisi yó móturaalu, ̄eta Kótóné dīa suk̄ale so wh̄itamokélé ó betó mole so wh̄itamokélé, fo tokóló talerópóló, sóró daaló beterapó yóló yó melale fae,’ yalepó. <sup>43</sup> Take Kótóné kóló wh̄irape dok̄o feané mepaae so wh̄i de ̄apaae kisipa tiki tiró betepa, atétere so wh̄iné dowi

ala kwia ama kemeróló aluraalopó erapó,” yalepó.

<sup>44</sup> Téró, Pitané ama fo h̄ale du betepatei, D̄ei Kepe Wisi dorowóló ama dere fo wosetu betere so wh̄iné tiki tuamó bit̄i dorowalepó. <sup>45</sup> Até dere ala Jopa bemó Yesupaae tūe tiki tiró bitu tiki sekāe tikire Juda wh̄irapené kelalepó. Tétu, Juda meire fakepaaetei, D̄ei Kepe Wisi matapóló sira du betalepó. <sup>46</sup> Ti noa betené mei, atimané kae kae be fo yóló Kótóné doi hale sóró horótu betepa wosalepó.

Até dere ala kolóló, Pitané i fo yalepó. <sup>47</sup> “Take d̄a Juda fake so wh̄i D̄ei Kepe Wisi su yale kaae, mió atimakélé ai sale ape. Atéró atima w̄ei tópuratepa né sesé yaaloé?” yalepó. <sup>48</sup> Atéró, ai so wh̄ipaae duraaalu, “Dīa fea Yesu Kerisoné doimó w̄ei tóparaalopa ape,” yóló tópurótua yalepó. Atéyale k̄ilipaae Pitapaae woseturaalu, “Mepaae be d̄ekó ȳa d̄atamo betóló fenére?” yalepó.

## 11

*Pitané ama du betere ala h̄akearale fo*

<sup>1</sup> Juda meire fake so wh̄irapekélé, Kótóné fo wosóló kisipa tiralepó deté kotere fo Judia hae kwiamó betó mole *apose*l wh̄iraperó Keriso norapetamoné wosalepó. <sup>2</sup> Atéró Pita ̄a Jerusalem bepaae holalemó, mepaae tiki sekāe tikiru Talepaae tūe tiróló betere wh̄irapené Pita foné sóró i fo yalepó. <sup>3</sup> “Ȳata tiki sekāe tikinire fak- ené bemó bitu, ̄laró w̄eitamo nuku betalepó. Aita fo mole alatei naoo erapó,” yalepó.

<sup>4-5</sup> Tétapa, Pitané atimapaee duraaalu, “̄ Jopa bemó betepa erale ala mo fea deté wóló Sesaria bemó betepa yale alapaae sókó waalopa dīa fea wosae. ̄ doasi be hulua Jopamó momatu betaalemó, noke naró dere kaaené i ala depa kelalepó. Doasi bukutere kuti kaae ó samó douró kwia dok̄o dorokó fóló amatei h̄ale dorowóló ̄ betere tikimó muni

dorowalepó. <sup>6</sup> Atétepa kelalemó, i haemó betó mole niki meire ke dere qlaraperó barapetamokélé, hó naase daae mole qlaraperó syaae qlarapetamokélé, mo fea betó mupa kelalepó. <sup>7</sup> Atépa, ó sãmó fo yóló duraalu, ‘Pita-ó, yã turukó holóló ai qlarape fea dóló nae,’ yalepó.

<sup>8</sup> Ai fo depa yãlo duraalu, ‘Tale-ó, ai qlarape yãlo nókélé inireteiné ai ala mo enénipó.’ yalepó.

<sup>9</sup> Ti fo yalemó, kale dere kaae momó fo yóló duraalu, ‘Tale Kótóné nae dere qlatei, werapó ekese. Talené wisipa nópóló muló betere qla ti nae,’ yalepó. <sup>10</sup> Atei kaae fo sore félimó yóló, kale qlarape fea momó ó hepen-paae ṣyóló sóró holalepó,” yalepó.

<sup>11</sup> “Atéteretamo, Konilias-né Sesaria bemó ę beterepaae dotonale wḥrape sore wóló, ę betere be belamó daaipakalepó. <sup>12</sup> Atéparaalu, Dęi Kepe Wisiné ępaae duraalu, ‘Yã ai wḥrapetamo faaloé yóló kisipa tekeni, atimatamo fae,’ yalepó. Atétepa, i daae mole aporó norape ętamo fóló kale wḥi Konilias-né be dolopaae dã fea holalepó. <sup>13</sup> Dã atéró beteremó, Konilias-né dãpaae i fo yalepó. Aã ama be dolomó momatu beteremó, *ensel* ę beterepaae sókó wóló duraalu, ‘Diãkó mepaae wḥrape Jopa bepaae Saimon-tei Pitapó du betere wḥi ai beterapa dape sene fae. <sup>14</sup> Ama diãpaae dere foné yãró naao naale senaaleta-mokélé, naao fake so wḥikélé, naao be wḥi so wḥikélé, diã aluyaqsóro tao saalopóló,’ *ensel*-né ępaae depa, ama ępaae yalepó.

<sup>15</sup> Ai fo epa, ę wóló yãlo fo kaae sóró du betalemó, Dęi Kepe Wisi atima tuãpaae biṭi walepó. Aita, me kae kisi ala ini, mo take kaae suraalu, dã Juda so wḥipaae erótu yale kaaetóro atimapaekélé eralepó. <sup>16</sup> Ai ala kolóló, Yesuné yale fo kisipa mualepó. Yesuné dãpaae duraalu, ‘Węi tópuratere wḥikó Jon-né amata, ti diã węi hãle maaté tópuraletei

nalota kale Dęi Kepe Wisitamo tópuraaopó ere fo mopó.’ <sup>17</sup> Tęrapa, i ala betã wisiyóló kisipa muae. Yesu Kerisopaae kisipa tiki tiratepa, Dęi Kepe Wisi dãmó hãle mótu yale kaae Kótóné atimapaekélé, ai melale ape. Tętepatei, ę Kótó kaae betepapakó atei ala ekese yóló sesé yaaloé? Atei ala mo enénipó,” yalepó.

<sup>18</sup> Téro, kale be wḥiné Pitané dere fo wosetu, atimané ę foné saletei taaralepó. Atéró Talené doi hale horótu duraalu, “Kótóné Juda meire fake so wḥikélé, hõko betere ala taaróló, kepaayóló mo ti betaaire bete ṣpóló ai menélirapó,” yalepó.

#### *Antiok so wḥi kisipa feteyale fo*

<sup>19</sup> Stipen dale sukamó su betale susupui alamó dapo dapo yóló fele wḥirapekó mepaae Fonisia hae kwiapaaekélé, węiné bopéro daaló betere Saiprus hae kwiapaaekélé, Antiok be huluapaaekélé, Juda fake so wḥipaaekélé, kale fo wisi yó maté kutu betalepó. <sup>20</sup> Téyaletei, mepaae dapo dapo yóló fele Saiprus be hulua wḥiró Sairin wḥrapetamo Antiok be hulua mó betó mole Juda meire so wḥipaae Yesu Kerisoné mió wosetere kisi fo wisi yó melaai kaae salepó. <sup>21</sup> Téro, kale wḥirape Talené atima fotokratepa, so wḥi mo feané du betere dowi ala taaróló, Talepaae kisipa tiki feteyóló wou betalepó.

<sup>22</sup> Atétu beterapó dere fo Jerusalem bemó betó mole Keriso so wḥiné wosalepó. Atéró woseturaalu, ai so wḥiné Banabas ę Antiok bepaae f̣póló dotonalepó. <sup>23</sup> Téro, ę Antiok bemó sókó fóló, aimó betó mole Keriso so wḥipaae Kótóné ama ḳlené sukutu hãle tao sere ala atima tuãmó mupa kelalepó. Atépa, Banabas hãiné sukuturaalu, Kótóné ere ala diã tuãmó hãle muó tanópóló yae yóló, fotoḳ bulóló ma fo yalepó. <sup>24</sup> Banabas-ta, Dęi Kepe Wisiró tuę tiki tiratere alatamo fãane wḥi wisi naalepó. Tęruraalu, mo turó so wḥi Yesu Kerisopaae tuę tiki tiralepó.

<sup>25</sup> Atétu betero, Banabas a Tar-sus bepaae Sol kekene faai felepó. <sup>26</sup> Atéro, kale whi a fóló Sol kekóló dape sóró atimaamo wusuró Antiok bepaae momó walepó. Wóló ba fo betá atimaamo ai Keriso so whitamó bituraalu, Kótóné fo so whi mo feapaae yó mótu betalepó.

<sup>27</sup> Atéyale sukamó, mepaae Kótóné kóló whirape atima Jerusalem be taaróló, Antiok bepaae dorowalepó.

<sup>28</sup> Ai whirapekó betá whiné doi Akabas-pó. Ai whi a Dèi Kepe Wisiné fotokratepa, turukó holóló duraalu, “Rom *Gavman*-né teteróló kaae tare hae kwia feapaae doakale dowi wote ali waalo ai ape,” du betalepó. Ai alata, kale Rom *Gavman* whi Kaladias-né teteróló kaae tare alimó weipakalepó. <sup>29</sup> Atéro, Yesuné yó matere whirapené Judia hae kwiamó betó mole Keriso so whi tuapaae wale doasi sekèi alamó kisipa mutu, ai so whi tao saai atima fo dokalepó. Atéro duraalu, dané tare *moni* sutóroti deraalopóló, deraleta du betalepó. <sup>30</sup> Atimané atétu betaleta, Judia hae kwiamó betó mole Keriso no-rape hãle tao sóró, Jerusalem be hulamó betó mole whi disirapepaae male fópóló, Banabas-ró Sol-tamo sóró beteralepó.

## 12

### *Kin Herot-né Jems dóló Pita dipula beterale fo*

<sup>1</sup> Atétu betere alimó *Kin Herot*-né mepaae Keriso whipaae doakale susupui ala eróló ama diki tare whirapepaae *dipula* beteraleta yae yóló mulalepó. <sup>2</sup> Atéro, Jon-né noma Jems atima doakale bóe dele sepakené depa tikalepó. <sup>3</sup> Kale *Kin Herot*-né Jems delemó Judia so whi hãkesené sinitu betalepó. Atétere ala kilituraalu, ama diki tare whirapepaae Pitakélé, *dipula* beteraai, dape sene fae depa, fóló tawalepó. Atétere alata, kale fopei *bred* o bulayóló nokole alimó

yalepó. <sup>4</sup> Atéro Pita tawóló sóró fóló, so whi feané keletómó fo tokóló taleyaairaaalu, diki tare whirapené naase tuapaae sóró beteralepó. Téro, ai diki tare whirape atima fake douro aleyóló betero beterepó. Téro, Herot-né yóló mulóturaalu, kale bosené fele be de kemetepa, ti dané Pita a dópóló fo tokóló taleyaalopó yalepó.

<sup>5</sup> Pita atéro *dipula* betero betepa, Keriso so whiné Kótóné Pita tao sópóló, momatere ala hãle yótóro tarepó.

### *Pita dipula betepa, ensel-né sokale fo*

<sup>6</sup> Téro, kale *Kin Herot*-né hika be detepa, so whi feané keletómó fo tokóló taleyaai diki tare whi uté betóo, ité betóo, ere tuamó Pita *sein* képiné dokóló beteralepó. Atéro betepa, ai tu sókó walemó diki tare whiné kaae tawóló daalepó. <sup>7</sup> Tépa, Talené ama hepen bemó kutó diratere *ensel* wóló, dené Pita betero betere *dipula* be dolo deyó felepó. Atéro kale *ensel* sókó wóló, Pita-né hulumó haróló duraalu, “Pita-ó, mo hapale turukó holae,” deremó Pitané naasemó sere *sein* képi whaalóyóló hãletei teraae derepelepó.

<sup>8</sup> Atétepa, kale *ensel*-né Pitapaae duraalu, “Naao hó beró kutitamo hapale sae,” depa, salepó. Atéro, “Naao tómó bukutere kutikélé, bukóló e sya ape,” yalepó. <sup>9</sup> Pita a atéro, ai *dipula* be taaróló *ensel* fole tiki sya furaalu, ita apaae *ensel*-né dapóló kisipa muni, noke naró dere nisi yalepó. <sup>10</sup> Atimaamo atéro furaalu, mo folosóro kaae tawóló daaló betere diki tare whi dekeróló tuamó daale diki tare whikélé, kale dere kaae dekeróló sókó felepó. Atéro furaalu, kale be hulua bopéro betere tipi tumó doakale *aiyon kapa* fakené aleyóló kinó betere tukélé, ama hãletei, tukwe fóló mupa, atimaamo belapaae sókó felepó. Téro, atimaamo ai tu dapo tópaee

derepelemó, kale *ensel* Pita taaróló, aimótei alu yó deyalepó.

<sup>11</sup> Téró, Pitané *ensel*-né aḗpaae erale alarape fea kisipa yóló duraalu, “Mió yálo kisiparapó. Ita, noke naró dere nisi yalemó motei irapó. Kale *Kin* Herot-ró Juda so wh̄itamo atima h̄kesené sukuturaalu, aḗpaae eraaire ala mo eraḗsórópóló, Talené ama *ensel*-né aḗ tao sene ai weirapó,” yalepó.

<sup>12</sup> Kale *ensel*-né aḗpaae erale ala mo diriyóló tuḗ muturaalu, Mariané beḗpaae felepó. Mariata, Jon-tei, me doi Mark-né hamapó. Téyalemó, so wh̄i mo fea betapaae touróló bitu, momatu beteremó sókó felepó. <sup>13</sup> Téró, Pita aḗ wóló bela tu aḗró daalu kokopórótu betepa, ai bemó kutó diratere so seimale Roda tu tuk̄iyaaai walepó. <sup>14</sup> Téyalemó, kale senaalené Pitané fo nakome wosóló hajtu, tu hapale tukuni, fesaae folo bemó betó mole so wh̄ipaae kale Pita wóló a belamó daalapó fo ene felepó.

<sup>15</sup> Ai fo deremó, kale so wh̄iné Roda-paae duraalu, “Ti senaale yaḗ topo doyóló keyaa fu de?” yalepó. Ai fo depa, kale senaalekó duraalu, “Meipó. Pita mo wóló até belaró daale ape,” yalepó. Tétepa, kale so wh̄iné duraalu, “Motamo epa, ti aḗ kaae tare *ensel*-né tao su yalepa kelae,” yalepó.

<sup>16</sup> Atima ai fo du betepa, Pita daalu tu h̄ale kokopórótu betalepó. Atétu betepa, nalo kale so wh̄i atima fóló tu tuk̄ióló kelalemó, Pita wóló daapa kilita sókó furaalu, siratu betalepó.

<sup>17</sup> Tétepa, Pitané ama naasenétei yóló duraalu, atimapaee fo taalae yalepó. Téró atimapaee Talené aḗ *dipula* bemó betepa, tao sóró dape só wale ala fea yó melalepó. Atétu beteró, ai so wh̄ipaae duraalu, “I fota, Jems-ró mepaae Keriso norapetamopaae yó melae,” yóló aḗ metikipaae faai felepó.

<sup>18</sup> Atéró h̄ika Pita aḗ kemei fi sisópaae eté yalepó. Kale diki tare wh̄irape atima wóló kelalemó, Pita bitinipa, aḗ neyóló sókó felerópóló,

atima mo doakale fo tiki k̄elaaratu betalepó. <sup>19</sup> Atépa, kale doasi topo wh̄i Herot-né ama diki tare wh̄irapepaae duraalu, mo dekéro keketé kw̄eyae depa, kek̄aletei aḗ kilinipó. Tétepa, ama diki tare wh̄irapepaae Pita *dipula* betepa kaae tawóló daalale diki tare wh̄irapetamo fo tokóló kemetepa, mo ti sinópóló dae yóló mulalepó.

### *Kin Herot ama yale alamó aḗ dóló sukunale fo*

<sup>20</sup> Até du beteró, suka memó Herot aḗ Judia hae kwia taaróló Sesaria hae kwiapaae doropóló, aimó mepaae be deḗrape betalepó.

Ti *Kin* Herot-né Tair be hulua so wh̄iró Saidon be hulua so wh̄itamopaae doakale fopaae bualepó. Atépa, atima touróló betamó bituraalu, i fo du betalepó. “Doasi topo wh̄i *kin*-ó, dané yaḗtamo fo sawa yaai dapa, naao be deḗ mekó tukóló mulaaloé?” depa kale sek̄éné duraalu, “Ti wisirapa téyaalopó” yalepó. Ti fo depa, kale so wh̄iné *kin*-né kutó diratere wh̄ikó bet̄a Blastas-paae woseturaalu, “Naao daḗ tao suraalu doasi wh̄i *kin*-tamo naamei fokó yaaloé?” depa kale sek̄éné téyaalopó, yalepó. Atima atéró touróló betamó bituraalu, kale doasi topo wh̄i *kin*-paae duraalu, “Doasi topo wh̄i-ó, daḗtamo bóe dele ala taaróló dua wisiyóló betaalopó. Ti noatepae, kale *kin*-né teḗteróló kaae tare hae kwiamó nokole ɔla wó mupa, dupu du beteretei tikaḗsóró kisipa muturaalu,” ai fo du betalepó.

<sup>21</sup> Atéró, atimané kale tukóló mulale be deḗ wapa, Herot aḗ *Kin*-né kuti wisinaale deróló so wh̄i touróló betere tikimó sókó felepó. Atéró doasi topo wh̄i betere *sea*-mó bituraalu, so wh̄ipaae fo du betalepó.

<sup>22</sup> So wh̄i feané ama dere fomó doi hale sóró horóturaalu, “Ama dere fota, kótóné fo kaae dapóló,” dukirótu betalepó. <sup>23</sup> Téteremó, ai fapotóróti Talené *ensel* wóló kale sek̄éné Talené doi sóró horéniteremó



ꝓ dóló ama tiki mokené turukó nólo mo ti sukunalepó.

<sup>24</sup> Atéturaalu, Tale Kótóné fo ai be felekemó betó mole so wh̄i feané wosóló fakeraté felepó.

<sup>25</sup> Banabas-ró Sol-tamoné so wh̄i tao saai sóró wale *moni* melóló Jerusalem taaróló momó furaalu, Jon-ró Mak-tamo dape sóró Antiok bepaae fesaae felepó.

### 13

*Banabas-ró Pol-tamo Talené kutó dirópóló doteyale fo*

<sup>1</sup> Atéro, Antiok bemó betere Keriso so wh̄i kuamó Kótóné kóló wh̄iraperó yó matere wh̄irapetamo betó molepó. Ai wh̄irape atimané doita Banabas, Simeon-tei, me doi Niser, Sairin be hulua wh̄ikó Lusias, kale *Kin* Herot-tamo betámó doayale wh̄i Manain, Sol, atima atéro betó molepó. <sup>2</sup> Téro kale Keriso so wh̄i Tale aqmó dua bitu, Talené doi sóró horótu betalepó. Atéturaalu, qlakélé weyóló betepa, D̄ei Kepe Wisiné atimapaee duraalu, “Yalo tukóló muló betere kutó Banabas-ró Sol-tamoné dirópólópa, atimaamo sóró beterae,” yalepó. <sup>3</sup> Atima atéro, q̄la weyóló h̄ale bituraalu, moma deté fele k̄lipaae, kale wh̄itamo tikimó naase mulóló, f̄póló dotonalepó.

<sup>4</sup> Sol-ró Banabas-tamo D̄ei Kepe Wisiné dotonatepa, Selusia bepaee doropóló, aimó atimaamo w̄ei nukumó w̄einé bopéló daaló betere hae kwia Saiprus-paae felepó.

<sup>5</sup> Atimaamo atéro ai hae kwiamó t̄ene be Salamis bemó sókó fóló bituraalu, Juda wh̄irapené fo wosetere berapemó so wh̄ipaae Kótóné mió wosetere kisi fo wisi yó melótu betalepó. Téro, Jon me doi Mark-kélé, atimaamo tao sóró kutó diyaa ai atima fea fóló betalepó.

<sup>6</sup> Atéro, atima ai w̄einé bopéró daaló betere hae kwia tuámó kutu betero Papos be huluamó sókó felepó. Aimó Juda wh̄ikó isi wh̄itei, Kótóné kóló wh̄ipó du betere sek̄e Bar-Jisas beterepó. Atimaamo ai

kale sek̄etamo Papos bemó hokolaa yalepó. <sup>7</sup> Kale isi wh̄i Ba-Jisas, *Gavman* wh̄i Sersias Polas sisó supuróló, atamo kutu betere wh̄ipó. Ai *Gavman* wh̄ita, tūe tiki wisi mulu, Banabas-ró Sol-tamopaae Kótóné fokó ꝓ wosaaipa, yó melaai ape yalepó. <sup>8</sup> Atéyaletei, kale isi wh̄iné Banabas-ró Sol-tamoné yó matere fo *Gavman* wh̄iné wosóló kisipa tiki tiraqsóró, kae kae fotei du betalepó. Elimas doita, Krik be foné isi wh̄ipó. <sup>9</sup> Téro Sol akélé, ama take mole doi Sol taaróló, Pol doi mulalepó. Téro, Pol D̄ei Kepe Wisiné fotok̄ratepa, Elimas kikéyóló kae taaru duraalu, “Yata, mo dowi kepené naalemapó. <sup>10</sup> Naaota, donoi alaró wisi alatamo bóe ai du betere ape. Yata, mo dilikitere alaró kapala fotamo f̄anuraalu, Tale Kótóné donoi alaró donoi fotamo naao ai w̄erótu betere ape. <sup>11</sup> Naao ai ala deremó, Talené ya deké supu, mió mepaae sawa be demó naao kele diliki yaalopó. Atéro bituraalu, sukané dekélé, naao kelaalomeipó,” yalepó.

Téyaletamotóró, ó samó diliki ꝓ tuapaae deróló kale sek̄ené kele dilikiralepó. Atétepa, ꝓ naase tawóló qlisó faaire wh̄ikó daaléro sisité kw̄eyalepó. <sup>12</sup> Kale ai *Gavman* wh̄iné até dere ala kilituraalu, sirayóló ꝓ kisipa tiki tiralepó. Ti noatepae, Talené ama fo yó matere ala mopóló kisipa mutu yalepó.

<sup>13</sup> Até du betero, Pol-ró ama fulumu wh̄irapetamo ai Papos be taaróló w̄ei nukumó Pampilia hae kwia tuámó t̄ene be hulua Perka-paae felepó. Atétepa, Jon-tei Mark-pó du betere wh̄i ꝓ atimaamo taaróló Jerusalem bepaee fesaae felepó. <sup>14</sup> Atéro, atimaamo ai Perka be taaróló Pisidia hae kwiamó t̄ene Antiok be huluamó sókó felepó. Atéro fóló bituraalu, sa nóló betere sukamó atimaamo Juda wh̄irapené fo wosetere be dolopaae holóló betalepó. <sup>15</sup> Atimaamo atéro beterepó, kale Moses-né as̄ere foró Kótóné kóló

whjrapetamoné asere fo dosatu betalepó. Atéyale kílipaae kale ai fo wosetere be kaae tare whjrapené atimaamo faleyóló duraalu, “No tamo-ó, diaamoné so whj hãratere fokó enére?” yalepó.

<sup>16</sup> Ti fo depa, Pol a turukó holóló fo yaai kaae su naase horóló duraalu, “Israel whjrapero diã Juda meire fake so whjtamo-ó, Kótópaae witu, naameyóló a aomó betó mole so whjpaae yalo i dere fo wosae. <sup>17</sup> Mo take da Israel fakené Kótóné dané ayarape deté faaire whjrape amatei soro beteraté walepó. Atima atéro Isip bemó betepa, Talené atima so whj doasi fake firalepó. Ai ala epa, Kótóné mo Taoró mole fotokõnetei ai Isip hae tale dóló ama so whj fasó soro dapesó weipakalepó. <sup>18</sup> Atéro, so whj bitinire tikimó kutu bitu, atimané kisipa mole ala yaairaaalu, dowaae fu betepa, Kótó apaae feteyóló wópóló kaae tawóló bitiré felepó. Até yalemókélé, feteyóló wénitepa, hãle kaae tarepó. Atétepa, ba fo whj siki tamo keme ipakalepó. <sup>19</sup> Téro, Tale Kótóné atima beteraaire Kanan hae kwia hãle muni, wëkeró fakené tetoróló kaae tapa dóló tokó faaróló, ai hae kwia Israel fake so whjmó mo ti malepó. <sup>20</sup> Isip hae kwiapaae fele ba fomó kaae soro wóló, wëkeró doasi be hulua doló torokó fale ba fomó sókó wouraaalu, 450 ba fo kemeyalepó. Ai alarape deté wóló kílipaae Kótóné kale Israel whjiné bóe topo whj soro daalaté weipakalepó. Até deté wóló, Kótóné kóló whj Samuel betale alimó sókó walepó.

<sup>21</sup> Atéro, Kótópaae atima kaae tawaaire topo whjkó soro beterae yóló wosetu betalepó. Tétepa, Kótóné Benjamin fake whjkó Kisya naalema Sol topo whj *Kin* soro beteralepó. Ai whj doasi *Kin* betepa, ba fo whj siki tamo kemeyalepó. <sup>22</sup> Téyaletei, nalo Kótóné Sol taaróló a betale sirimó Depit topo whj *Kin* soro beteralepó. Kótóné Depit kaae

kelalemó, a whj wisinaalepa, i fo yalepó. ‘Jesi naalema Depit-ta, mo whj wisinaalepó. Aãta, yalo kisipa kaae muluraalu, yalo erae, dere ala mo fea ama erótu betaalopó,’ yalepó.

<sup>23</sup> Yesuta, Depit-né deyale fake whjkó betané deyalepó. Atéyale Yesu a Kótóné Israel fake so whj mo ti aluyaqsoro tao saaire whj diã beterepaae dotonaalopóló muló betere fo mo eróturaalu, ai dotonó betere ape. <sup>24</sup> Mo take Yesuné ama kutó kaae soro diyaaai epatei, folosoro Jon-pi wóló, Israel so whj feapaae Kótóné fo tuë yópóló yó mótu betalepó. Atéro yó mótu duraaalu, ‘Diãné du betere dowi ala taaróló kisipa tiki fetepa, ti yalo diã wëi tópuraalopó,’ du betalepó. <sup>25</sup> Téro, Jon-né ama diyale kutó kemeraairaaalu, i fo yalepó. ‘Diaaq tuéné eta, kale waalopó du betale whj nisi yaqse. Eta, diaaq kaae tawóló betere whj meipa, i fo betã wosae. Aãta, yalo kílipaae waalo ai ape. Ti eta, a kaae whj wisi bitinireteiné ama hó bené kèpikélé yalo teraayaaire mo sunipó.’

<sup>26</sup> Yalo norape-ó, diãta Abraham-né deyóló fakerale naaleraperó Kótópaae wituraalu, a aomó sukóló betere Juda meire fake so whjiné deyóló fakerale so whjtamo da fea aluyaqsoro dapesó faalopó, ere fo Kótóné mo ai eró betere ape. <sup>27</sup> Jerusalem bemó betó mole so whjro atimané topo whjrapetamoné Yesuta, da aluyaqsoro tao saaire whjpó tuë munipó. Téro, Kótóné kóló whjrapené asemó ere fo *fula* dokó fea dosatu bitutei wosóló kisipa munipó. Kale asemó ere fotei dokonóturaalu, atimané a mo ti sukópóló dae yóló só deralepó. <sup>28</sup> Atimané Yesu daai kisipa mutu, a tuamó me dowi ala kwiakó muléro tale yaleteti, me ala mupa kilinipó. Atépatei, atimané Pailat-paae duraaalu, ‘A sinópóló dae,’ yóló setu betalepó. <sup>29</sup> Ai alarape yóló kemetepa, kale asemó ere fo mo dokonóturaalu,

filipaa ni tó mó olepa, tokóló dourale felepó. <sup>30</sup> Téyaletéi, Kótóné a dou dolomó mupa kepaaralepó. <sup>31</sup> Atéro kepaayóló bitu, take betale Kaleli be taaróló, Jerusalem bepaae atamo wale whirapené a kepaayóló betere ala kelalepó. Atéyale ala kelale whirapené da Juda fake so whipaae yó mótu betera pó.

<sup>32</sup> Kótóné dané ayarapepaae duraalu, yalo diámó take i ala eraalopóló mulale fo wisi dané diapaae mió i yó matapa wosae. <sup>33</sup> Mo take Kótóné dané noutererapepaae duraalu, ‘Diakélé diaaq deté faaire naale senaalekélé, atima aluyaqsóro tao saalopóló muló beterepó,’ Ai fo dokonóturaalu, Kótóné Yesu ai kepaaró betere ape. Ti ai yóló muló betere fota, *buk Sam sapta* 2-mó aserapó. Kótóné duraalu, ‘Yata, yalo naalepó. Mió e naao aya alée felepó,’ erapó.

<sup>34</sup> Atéru, Yesuné tiki dou dolomó kela yópóló taaréni, kepaaró betera pó. Atéyaalopóló, mo take asémó erapó. Ai fo i ape.

‘Yalo Depit-paae hale melaalopóló, kae muló betere ɔla ama ere fo dokonóturaalu, yamó mo melaalopóló,’ erapó.

<sup>35</sup> Ai fo kaaetei, Sam-mó duraalu, ‘Naaota, kale dowi alakélé, inire whi wisiné tiki hale dou dolomó kela yópóló kaae tawaalo meipó, fo aseyóló muló betera pó,’ erapó.

<sup>36</sup> Ti noatepae, Depit doasi so whi kuamó Talené kutó dité fu betero sukale whitei, sinitépa atimané alimarapetamo betamó douróló ama tiki ai kela yale ape. <sup>37</sup> Depit-ta até yaletéi, ama Naale wisinaale, ti Kótóné dou dolomó mupa kela yópóló kaae tani, ama kepaaralepó.

<sup>38</sup> Térapa norape-ó, dané i yó matere fo wisi mo wisiyóló wosóló kisipa tiki tirae. Ai whiné dané dowi alamó saai yale kwia ama tokóló taae faralepó. <sup>39</sup> Kale Moses-né asere foné dané dowi ala tokóló kemeróló,

whi wisi beteranipó. Téretei, Yesuné da kepaayóló betaaire fo wisi yó materetei wosóló kisipa fetetepa, ti dané dowi alamó kwia saairetei tokóló kemeraalopó. <sup>40</sup> Kótóné kóló whirapené i ala yaalo ai ape yale fo diapaae eraqsóro, mo wisiyóló kaae tawae. Ai fo i ape.

<sup>41</sup> ‘Diā faletere whirapené i dere fo wosae. Yalo ai depa kolóló sira deté fu betero deté fu betero, sinituraalu aluyae. Yalo doasi ala yaalopóló me whinékélé diapaae depa, wosóló tué tiki tiraalo meipó,’ fo aseyóló muló betera pó,’ yalepó.

<sup>42</sup> Ai fo du betero Pol-ró Banabas-tamo ai fo wosetere be taaróló faaitépa, kale be whi so whiné duraalu, ‘Diaamo momó kale fo wisikó uté waaire *fula*-mó yó melale waasepólópó,’ yalepó. <sup>43</sup> Atima ai fo wosetere be taaróló, belapaae sókó felepó. Téro, Banabas-ró Pol-tamo fupa Juda so whiró Juda meire fake so whitei, Juda so whiné dere ala yó tare so whitamó kale whitamó sya wapa, atimaamoné duraalu, ‘Diā Kótóné kolené sukuturaalu, hale matere ala tuamó betó tawópóló yae,’ du betalepó.

<sup>44</sup> Téro, me *fula*-mó fo wosetere be demó ai be huluamó betó mole so whi Kótóné fo wisi wosairaalu, wóló betó molepó. <sup>45</sup> Atétepa, atimaamoné yó mótu betere fo wosó tawóló betó mupa, mepaae Juda whirapené kolóló, atimané dere fo wosaai ai ala uqsóro wisi uqópóló dei kisipa muturaalu, Pol-ró Banabas-tamoné dere fo tetéroló, kae kae fo du betalepó.

<sup>46</sup> Atétepa, Pol-ró Banabas-tamo né halaaíné duraalu, ‘Kótóné fo damoné diapaae yó melaai yalemó, diā wosetere hō yalepó. Tétepa, mió damoné diā sisó eróló, Juda meire fake so whi betó molepaae i kale fo wisi yó melaairaalu fulapó. Ti aita hale mei, diā Kótóné mo ti betere ala sere hōre aqrapó. <sup>47</sup> Talené damopaae i ala yae yóló mulalepó.

I hae kwia feamó betó mole Juda meire fake so whi diliki tuamó betepa derópóló yalo diá sóró beteralepó.

Ai dené hae kwia dokó feamó betó mole so whi aluyaqsóró tao sene fae erapó,' ” yalepó.

<sup>48</sup> Kale ai Juda meire fake so whi atima ai fo woseturaalu, mo doakale hajiné sinóló, Talené fo hale sóró horótu betalepó. Talené ama taketi mo ti betere bete saalopóló muló betere so whi feané ai fo wosetu apaae tué tiki tiralepó.

<sup>49</sup> Tétu, Talené fo wosóló hae kwia feapaae fakeralepó. <sup>50</sup> Atétepa, Juda whirapené topo whirapepaaekélé, mepaae Juda meire fake sorapekó Kótópaae winé sukóló betó mole doi mole sorapepaaekélé, Pol-ró Banabas-tamo fopaae buópóló, sesemeraté kweyalepó. Até deté kweyóló atimaamo ai be hulua tuamó beteretei, taaróló hókó faralepó. <sup>51</sup> Atétepa, faairaalu diaaq dere dowi alamó damo i fole ape yóló, atimaamoné hó bemó ere hae terepeyóló Ikoniam bepaae felepó. <sup>52</sup> Téró, furaalu Talené ala eró tare whi tamo tuamó Dei Kepe Wisi fñanuraalu, mo doa hēkesené sukuté fu betalepó.

## 14

*Pol-ró Banabas-tamo Ikoniam-mó Kótóné fo yó maletēi*

<sup>1</sup> Téró, Ikoniam bemó Pol-ró Banabas-tamo dua dere kaae, Juda whirapené fo wosetere be dolopaae holalepó. Téró, atimaamoné mo wisiyóló yó matere foné, Juda so whiró Juda meire fake so whitamó hosaamó suraalu, mo dekéro so whi kisipa tiralepó. <sup>2</sup> Téyaletei, kisipa tiki tirénire Juda so whiné ai dere fo hó yóló, mepaae hale betó mole Juda meire fake so whiné Keriso so whitamó fopaae buópóló sesemeralepó. <sup>3</sup> Atétepatei, Pol-ró Banabas-tamoné woseni, faleyóló Talené fo betá halainé daalu, fño sukamó yó maté fu betalepó. Atéro,

yó mótu betepa, Kótóné ama kōlené sukuturaalu, hale tao sere fo wisi kapala fo nisi yaqsóró, kolóló sira yaaitere alaró kelemei alatamo erópóló, Talené atimaamopaae mo surapó. <sup>4</sup> Ai be huluamó betó mole so whi bukótamo yóló, mepaae Juda whirapetamo muóo, mepaae ti Yesuné fo yó matere *apose*l whirapetamo muóo, yalepó. <sup>5</sup> Atéro kilipaae, Juda so whikélé mepaae Juda meire so whikélé, mepaae topo whirapekélé, betapaae touró bitu, Pol-ró Banabas-tamo kane duné siriyóló daalopó yóló fo deyalepó. <sup>6</sup> Até yaai yaletēi, kale whi tamo daalopó dere fo woseturaalu, ai be taaróló Likonia hae kwiamó tēne be Listra be hularó Derbe be huluatamomó kutu betalepó. <sup>7</sup> Atéro, Kótóné ama mió wosetere kisi fo wisi yó maté kweyalepó.

*Pol-ró Banabas-tamo Listra bemó fo yó maletēi*

<sup>8</sup> Téró, Listra be huluamó betá whi hamané depemóte i hōleke dowi beterepó. Atēru, a mo sawa turukókélé feni, betere tikimótóro hale betó tarepó. <sup>9-10</sup> Atéturaalu, Pol-né yó matere fo mopóló wosó tarepó.

Pol-né ai whi kikeró kaae tawalemó, ama kisipa tiki tiró betere alané a sumó wisiranerapóló kisipa mutu apaae duraalu, “Yā turukó holóló, naao dore hōleke donoyóló daayae,” yalepó. Tétepa, kale whi turukó holóló kweyaa i kaae salepó.

<sup>11</sup> Ai so whiné Pol-né yale ala kolóló Likonia be foné “Haió, ita, mo kótó tamotei dorowóló mo whi alée fóló dā tuamó i betere ape,” yalepó.

<sup>12</sup> Atéro atima kisipané Banabasta, ti atimané kótó Susi nisiyóló, ai doi mulóo, Pol-ta fo dere whi betepa, atimané fo fosó fosó dere kótó Hermes nisiyóló, kótó Hermes doi mulóo, yalepó. <sup>13</sup> Atéro, atimané kótó Susipaae moma dere beta, doasi be tū aupalo demó tēnepó. Ai moma dere be kaae tare whikélé, mo so whikélé, atima mo fea wóló Pol-ró



Banabas-tamopaae hupu dóló mō-maraairaaalu, wā *bulmakau* hupuraperó ne fuané aleyóló depa dere meleketamo sóró, ai be hulua bopéró betere tipi tų serekemó sókó walepó.

<sup>14</sup> Até du betere fo Pol-ró Banabas-tamoné wosóló ai ala yaqsóró sesé duraalu, atimaamoné deró betere kuti bisayayalepó. Atéró bisayayóló sururu yóló fóló, kale be whį so whį wó mole kua dolomó fo fake yóló duraalu, “Diñané aita noa ala du bitu de? <sup>15</sup> Dąmo Kótó mei, dą fea betą tiki daale whį i ape. Dąmota, kale mió wosetere kisi fo wisi diąpaae yó melaaairaaalu, sóró wale whį tamo i ape. Térąpa, ai betekélé munire kapala kótópaae hupu dóló moma dere ala taaróló, mō ti betere Kótó, haekélé, sąkélé, węi kęlakélé, ere ęla ęlakélé, fea aleyóló muló betere Kótópaae betą kisi tiki tiróló betae. <sup>16</sup> Mo take bitiré wale ba fo dokę hae kwia feamó betó mole so whįné kisi mutere ala yaai dowąae fu betepa, Talené atimapaae até ekesé yóló sesé ini, atimané tuę mole ala yópóló taalalepó. <sup>17</sup> Téyaletai, Kótóné amatei ą mo beterapóló kisi muópóló, dią tao sóró wisi ala eróturaalu, dąmó hali alikélé suka alikélé, ba fo alikélé, fea Talené ąlótú beterapó. Ti até dere alata, dią hajné sukóló beterópóló Kótóné ama eratapó,” yalepó. <sup>18</sup> Atimaamoné ai be whį so whįpaae atei ala wisinipa ekesé yóló sesé yaletai, mo dowąae felepó. Téturaalu, felekemó atimaamopaae hupu dóló momaraai yalepó.

<sup>19</sup> Téró, mepaae Fisiria hae kwiamó tęne Antiok beró Ikoniam betamomó betó mole Juda whįrape atima fea Listra be huluapaae tourąle walepó. Atéró touró bituraalu, Pol-ró Banabas-tamopaae fopaae buópóló sesemeratere fo yalepó. Atéró, kapo duné siriyóló daletikimó, Pol mo ti sinale nisiyóló kale sekęrapené ama tiki sįyóló sóró, ai be hulua bopéró betere tipi tų

aąpaae taae deralepó. <sup>20</sup> Atéró mupa, Talepaae kisi tiró betere whįrape bopéróló daae mupa, kale sekę ą turukó holalepó. Atéró, ą dale bepaaetei momó felepó. Téró, ai hįka ti Banabas atimaamo Derbe bepaae faai felepó.

*Pol-ró Banabas-tamo Siria hae kwiamó tęne Antiok bepaae fesaae fele fo*

<sup>21</sup> Atimaamo ai be huluamó Kótóné mió wosetere kisi fo wisi yó melale tikimó, so whį mo dekéró Talepaae kisi tiralepó. <sup>22</sup> Até du beteró nalo atimaamo momó Listra be huluamókélé, Ikoniam be huluamókélé, Antiok be huluamókélé, Talepaae kisi tiró betere so whį atima ere alatóró yó tanópóló, ketekęró fotokętamo bulatere fo yó melaté felepó. Atéró, yó mótu duraalu, “Diñané kisi tiki diriyóló bitu, Tale Kótóné tęteróló daale aąpaae sókó faaitepa, ti doasi sekęi ala tuąmókélé bitiré fu betaalopó,” yalepó. <sup>23</sup> Téró, Pol-ró Banabas-tamó mepaae be hulua dokę Keriso so whį kaae tanópóló, Keriso dirire whį disirape sóró beterótua deté kwęyalepó. Atétua yóló, atima ęla weyóló bituraalu, Talepaae kisi tiró betere so whįmó atimané tuę tiki tiratere alamó Talené atima wisiyóló kaae tanópóló momaralepó. <sup>24</sup> Atimaamo ai so whįmó momaróló, Pisidia hae kwia tuąmó fóló, momó kale Pampilia haemó sókó walepó. <sup>25</sup> Aimó atimaamo Perka be hulua so whįpaae Talené mió wosetere kisi fo wisi yó melóló, Itali bepaae felepó.

<sup>26</sup> Ai węi fókumó tęne Atelia bemó atimaamo węi nukumó Antiok bepaae walepó. Ai bemóta, take atimaamo Talené kutó dirópóló Keriso so whįné Kótópaae momaróló sóró beteralepó. Atéró, Kótóné ama kęleturaalu, tao sóró dirae yale kutó diyóló kemeróló, kale bepaae momó fesaae walepó. <sup>27</sup> Atimaamo atéró fóló bituraalu, kale Keriso so whį mo fea touróló betó mupa, Kótóné atimaamo fotokęratepa erale

alarape fea yó melalepó. Atéro yó melótu duraalu, Juda meire fake so whiné Kótópaae kisipa tirópóló, Kótóné amatei tų tukıyóló mulalepó yalepó. <sup>28</sup> Ai forape yóló, Yesuné ala eró tare so whıtamo doa fılo sukamó bitiré felepó.

## 15

### *Jerusalem bemó tourale fo*

<sup>1</sup> Mepaae Judia hae kwiamó betó mole whırape Antiok bepaae dorowóló, ai bemó betere Keriso norapepaae etei fo yó mótu betalepó. “Diğ Moses-né asere fo aqmó bituraalu, diaağ tiki sekağ tikini depa, ti Kótóné diğ mo ti aluyaqsóro tao saalo meipó,” du betalepó. <sup>2</sup> Kale whırapené ai fo du betepa, Pol-ró Banabas-tamoné ai whırapetamo mo doasi fo tokótamo yóló atei kaae fo yó makesé yóló foné u só derótu i só derótu du betalepó. Até du beteró, Antiok Keriso so whiné Pol-ró Banabas-tamo yóo, mepaae tuğ tiki tiró betere Keriso whırape yóo, yóló Jerusalem bepaae dotęyaaı sóro beteralepó. Ti aita, Kótóné ama *apospel* whırapero whı disirapetampaae i du betere fo moé? yóló wosene fıpóló yalepó. <sup>3</sup> Téro, Keriso so whiné atima dotonatepa furaalu, Fonisia hae kwiaró Samaria hae kwiatamomó i fo yó melaté felepó. “Kale Juda meire fake so whı atimata, Talepaae tuğ tiki feteyóló betó mulapó,” deté fu betalepó. Ai fo dere woseturaalu, ai be huluamó betó mole Keriso norape atima hajné sukutu betalepó. <sup>4</sup> Téro, atima Jerusalem be huluamó sókó felemó, kale *apospel* whırapekélé whı disirapekélé, Keriso so whıkélé, atima mo wisiyóló dape salepó. Téro, Pol-ró Banabas-tamoné Kótóné atimaamo fotokqratepa erale alarape fea atimapaee yó melalepó.

<sup>5</sup> Téyaletei, mepaae Farisi fakekó Talepaae kisipa tiró betere Keriso whırape turukó holóló duraalu, “Ti ai Juda meire fake so whı Moses-né

asere fo aqmó sukóló betóo, atimané tiki sekağ tukóo, yıpóló yae,” yalepó.

<sup>6</sup> Atétepa, kale *apospel* whırapero whı disirapetamo fea ai fo donoraai betapaae tourale walepó. <sup>7</sup> Atima ai forape du beteró kemetepa, Pita turukó holóló duraalu, “Norape-ó, kale Juda meire fake so whı Kótóné ama kisi fo wisi yało kólóné eratepa, wosóló tuğ tiki tirópóló, mo taketi Kótóné dğ tuamó ę sókó sóro beteraletei diaağ kisiparapó. <sup>8</sup> So whı feané tuğ tiki tuamó mole ala keletere Kótóné Juda meire fake so whı dape sere ala yó móturaalu, Deı Kepe Wisi dğ melale kaaetóro atimakélé malepó. <sup>9</sup> Ama dğpaae kae ala eróo, atimapaee kae ala eróo, ini, atima tuğ tiki tiratere alanétei, atimané hosaa tuamó mole dowi ala tokóló taae faróló wisiralepó. <sup>10</sup> Térapa, diaağ Kótó sıremóló kğae kelaairaaalu, ai Keriso so whiné hulúmó sekeı ala noatepa belerótu de? Mo take dğné ayarapénékélé, dğnékélé, atei kaae sekeı ala beleyaaire mo sıunipó. <sup>11</sup> Dğné atei kaae fo mo enénipó. Tale Yesuné ama kğlené sukuturaalu, aluyaqsóro hğle tao sere alané dğ tao su dere kaae, atimakélé atétóro dapó,” yalepó.

<sup>12</sup> Téro ai touró betere so whı fea fo tekeni, Banabas-ró Pol-tamoné dere fo wosaai, dua betó molepó. Atéro betó mupa, Kótóné atimaampaae kae kae kelemei alaró me ala yaai deremó eratere alatamo Juda meire fake so whı kuamó eraté kweyale fo yó mótu betalepó. <sup>13</sup> Atimaamoné ai fo yóló kemetepa, Jems ą turukó holóló duraalu, “Norape-ó, yało i dere fo wosae. <sup>14</sup> Folosóro kaae su, Kótóné ama kğlené sukuturaalu, Juda meire fake so whı ama fake beteraai kisipa mutu, ere ala take Simeontei me doi Pitané dğpaae yalepó. <sup>15</sup> Take Kótóné ama kğló whırapénékélé ai tuğ muturaalu, i fo asęyóló muló beteraapó.

<sup>16</sup> ‘I ala yóló kemetepa, Depit-né teyale be fisikó fóló moletei,

ę wóló ęalo momó tęyaalopó. Mepaae ęęlaa yóló doyale ęla ęlarapekélé fea ęalo aleyóló mulaalopó.

17-18 Fisikóló momó tęyaalopó dere fota, ti Juda meire fake so whįró mepaae dosęani tukó fale so whįtamo Talepaae wópóló tęyaalopóló erapó.

Ti noatepaae, ai ala eraalopóló ere Talené ama fo dokonótu ai ere ape.

19 Térené ęalo kisipané kale ai Juda meire fake so whį Kótópaae tuę tiki tiratepatei, ęané atimapaee doasi seķęi ala eraalo meipó. 20 Atei ala ini, atima etei kaae ma fotei aseyóló dotęyaalopa sae. ‘Kapala kótópaae moma yóló detere hupu ó na naęse. Mené so ó whį ęlémi nokole alakélé, hupu ó na depamó képi duwóló sukuteretei nokole alakélé, na ó hupu samea nokole alakélé, mo yaęse,’ yaalopó. 21 Ti noa betené dumipó. I fota, mo taketi Mosesné așere fo atima betere be hulurapemó yó melaté waleteti, feané tuęrapó,” yalepó.

22 Atéró, aposel whįraperó Keriso whį disirapetamokélé, mo Keriso so whįkélé, fea betępaae touróló, atimakó whį tamo Antiok bepaae dotonaai sóró beteraai tale yalepó. Téró, kale so whįné Pol-ró Banabas-tamo atima fea fópóló Judas me doi Barsabas-ró Sailas-tamo sóró beteralopó. Ai whį tamota, ai bemó betó mole Keriso so whį dapesó fu betere whį tamopó. 23 Téró, ai dotęyaaire whįrapené só fópóló, i fo așeyalepó.

“Da aposel whįró whį disirapeta-mota, diaaę norape i ape. Da feané dię Antiok bemó Talepaae kisipa tiró betere Juda meire fake norapepaaekélé, Siria hae kwiamó betó mole norapepaaekélé, Silisia hae kwiamó betó mole norapepaaekélé, mo doa ęęléó, ęapó.

24 I dere fota, ęakó mepaae whįrape dię beterepaae wóló yale foné diaaę kisipa seķę yalepó

depa, ęané wosalepó. Ti ai whįrapeta, ęa Keriso so whįné dotoréni, atima koleęaané dię beterepaae wóló, atimané kisipa mole fo ai ere ape.

25 Norape-ó, até dere alamó ęa fea betępaae touróló bitu, ęakótei, whį tamo sóró beteroó, ęané hosaa mole no Banabas-ró Pol-tamo yóo, yóló dię beterepaae ai dotonatere ape.

26 Ti ai whį tamota, ęané Tale Yesu Kerisoné fo yó melaté kotepa atimaamo daęsóró wini, halaaíné Kótóné kutó diraté kotere whį tamopó.

27 Térapa norape-ó, ęané așeyale fo kaaetóro Judas-ró Sailas-tamoné ęólónékélé yó melaalopa wosae.

28 ęané tuęnékélé, ęęi Kepe Wisinékélé, i ala kolóló mo wisirapóló kisipa moleteiné i fo betę ęapa, wosae.

29 Kapala kótópaae momatere hupu ó nakélé, Hupu ó na sameakélé, na ó hupu depamó képi duwóló sinitereteikélé, mené so nópu nokole alakélé, mo yaęse. Atei alarape initepa, mo wisirapó. Dię fea mo doa ęęléó,” ęapó.

30 Téró, kale dotęyale whįrape Antiok bemó sókó fóló, ai kale Keriso so whį mo fea betępaae touróló betó mupa, kale fas malepó.

31 Atéró, ai bemó betó mole Keriso so whįné ai fas-mó așeyale foné atima hosaa diriralepó. 32 Judas-ró Sailas-tamokélé, Kótóné ęóló whį tamo ereteiné Keriso so whį fotokęróló ketekę bulatere fo mo dekeró yalepó. 33 Atétu beteroó,

atimaamo aimó betó mole Keriso so whįtamo mepaae be ęęrape betalepó. Atéró, momó atimaamo dotonale Keriso so whį beterepaae fópóló dotonaai duraalu, “Kótóné diaamo hosaa muni deyóló dua betere ala erópóló yae,” yóló dotonalepó.

34 (-) 35 Atétepa, Pol-ró Banabas-tamo Antiok bemó bitu, atimaamonékélé mepaae whįrapenekélé, so whįpaae Talené fo yó melóo, Keriso so

wh̄ipaae Yesuné dere ala etérópóló yó melóo du betalepó.

*Pol-ró Banabas-tamo tekeyóló fele fo*

<sup>36</sup> Atétu beteró, nalo me sukamó Pol-né Banabas-paae duraalu, “Damo take folosóro Talené fo yó maté kweyale be huluarapepaae dané no nerape netéroó beteréroó keleté kweyaaí faalopó,” yalepó. <sup>37-38</sup> Atéroó, Banabas-né Jon me doi Mark-kélé, atimaamotamo faai yaletéi, Pol-né ą faalo meipó yalepó. Ti noatepae, take folosóro Pampilia bemó Talené kutó diraalopó yalemó, ą hýyóló atimaamo taaróló fesaae feleteinépó. <sup>39</sup> Atimaamo atéroó dóroi du beteró tekeyóló Banabas-né Jon-tei, me doi Mark dape sóro weiné bopéroó daaló betere hae kwia Saiprus-paae weí nukumó faai felepó. <sup>40</sup> Tétepa, Pol-né ątamo faaitere wh̄i Sailas dape sóro atimaamo faaitépa, Keriso norapené duraalu, “Talené kolené sukutu, h̄ale tao sere alané diaamo wisiyóló kaae tanópóló yae,” yóló dotonalepó. <sup>41</sup> Téró, atimaamo Siria hae kwiaró Silisia hae kwiatamo tuąmó Kótóné betąpaae touróló betó mole Keriso so wh̄i fotokọ bulaté felepó.

## 16

*Timoti Pol-tamo fele fo*

<sup>1</sup> Pol ą Derbe be huluapaae fóló nalo Listra be huluamó sókó felemó, ai bemó Yesuné ala eró tare wh̄i betą ama doi Timoti beterepó. Ama hamata, Juda fakekó Talepaae kisipa tiró betere sotei, alimata Krik fake wh̄ipó. <sup>2</sup> Ai Listra be huluamó betó mole Keriso noraperó Ikoniam be huluamó betó mole norapetamoné Timotita, Keriso wh̄i wisinaalepóló dukirótu beterepó. <sup>3</sup> Pol-né Timotikélé ątamo kweyaaí tuę muturaalu, Timotiné tiki sekaę tukópóló yalepó. Ti aita h̄ale mei, Timotiné alimata Krik fake wh̄ipóló ai be hulua so wh̄i feané kisipareteiné Juda fake dée nalaqsóro yalepó. <sup>4</sup> Atima atéroó,

ai be huluarape dokọ kuturaalu, Jerusalem bemó betó mole wh̄i disiraperó *apospel* wh̄irapetamoné Keriso so wh̄iné wosóló, aąmó beterópóló aseyaale fo dosąayóló yó melaté felepó. <sup>5</sup> Atéroó yó matere fo woseturaalu, ai be hulua dokómó betó mole Keriso so wh̄i Talené alamó fotokọ bualepó. Até dere kilituraalu, mepaae h̄ale betó mole so wh̄i atima Talepaae kisipa tirąleta yaletéiné be dętere dokọ Keriso so wh̄i fakeraté fu betalepó.

*Pol-né nokenaró dere kaaené Masedonia wh̄i kelale fo*

<sup>6</sup> Pol-ró ama fulumu wh̄irapetamo Esia hae kwiapaae kale fo wisi yó melaté faqsóroó Dęi Kepe Wisiné sesé depa taaróló, Frisia hae kwiaró Kalesia hae kwiatamomó maaté yó maté felepó. <sup>7</sup> Atéroó, atima Misia hae kwiaró Bitinia hae kwiatamo dąlemó sókó wóló, Bitinia hae kwiapaae faai yaletéi, Yesuné ama dotonale Dęi Kepe Wisiné aipaae faąse yóló sesé yalepó. <sup>8</sup> Atétepa, atima Misia hae kwia dekeróló Troas bepaae derepelepó. <sup>9</sup> Atéroó, dikitamo Pol-né nokenaró dere kaaené Masedonia wh̄ikó wóló kema yóló turaalu, “Dą Masedonia hae kwiamó betó mole so wh̄i tao sene ape,” yalepó. <sup>10</sup> Até dere ala kolóló, mo ai fapotóróti dą turukó horóló, kale Masedonia hae kwiapaae faairaalu, ąla ąla sisóló mulalepó. Ti noatepae, Kótóné mió wosetere kisi fo wisi Masedonia so wh̄ipaae yó melale fópóló, dą dotętapóló kisipa mualepó.

*Lidia Kótópaae kisipa tirale fo*

<sup>11</sup> Atéroó, dą faairaalu Troas bemó weí nuku sóro Samotres bepaae fóló, aimó fiyalepó. Téró ai h̄ika ti dą Neapolis bepaae felepó. <sup>12</sup> Neapolis be hulua taaróló Filipai be huluamó sókó felepó. Ai be huluata, kale Rom *Gavman*-né doasi topo be ereteiné Masedonia hae kwia tuąmó doi mulapó. Dą ai bemó betépa, mepaae be dęrape kemeyalepó.



<sup>13</sup> Sꞑa nóló fo wosetere be demó, dꞑ ai be hulua bopéró betere tipí tꞑpaae sókó fóló derepelepó. Atéró, tipí aꞑró fole wꞑi fókumó, Juda fake so whꞑiné momaneta dere tiki kelaai felemó, mepaae sorapekélé, wóló betó mupa kelalepó. Atépa, dꞑ doropóló, Kótóné fo yó melaairaalu kaae salepó. <sup>14</sup> Téró, ai yó matere fo wosetu betere sokó betꞑné doi Lidiapó. Ai so ꞑ Taiyatira be whꞑi soné sonaai kuti mepaae so whꞑitamo dotonóló *moni* su beterepó. Ai so Lidia ꞑta, Kótó aꞑmó naameyóló dua bitu, Talené doi sóró horótu beterepó. Atére so Pol-né yó mótu betere fo wosóppóló, Kótónétei ama hosaa feteralepó. <sup>15</sup> Atéró, kale sokélé, ꞑtamo betꞑmó betere ama fake so whꞑikélé, atima fea wꞑi tópuralepó. Atéyale kꞑlipaae kale soné dꞑpaae duraalu, “Diaꞑ tuénétamo ꞑ Talepaae kisipa tiró beteraꞑó depa, ti diꞑ sawa be demó ꞑtamo betaalopa ape,” yóló dirii fo depa dꞑ ama dere fo wosóló felepó.

### *Pol-ró Sailas-tamo dipula beterale fo*

<sup>16</sup> Me sukamó dꞑ momaneta dere tikipaae felemó, tꞑmó betꞑ wae sóró kutó diratere so seimale hokolaa yalepó. Ai sota, dowi kepené fotokꞑratepa nalopaae yaaire ala kolóló i ala mo yaalopó dere fo mo dokonateremó doasi *moni* sóró ꞑ tꞑteróló kaae tare whꞑirapepaae maleta dua yalepó. <sup>17</sup> Ai so seimalené Pol-sépi dꞑ sya wou fo fake yóló duraalu, “I whꞑirape atimata, Mo ó Taoró daale Kótóné kutó diratere whꞑirapepó. Atimata diꞑ mo ti aluyaꞑsóró tao saaire ala wisi i ape, yóló diꞑpaae yó matere whꞑirapepó,” yalepó. <sup>18</sup> Be dꞑtere dokꞑ kale soné kale fo kaaetóró du betepa, Pol ꞑ hótꞑpa fetée wóló dowi kepe foné sóró duraalu, “Yesu Kerisoné doimó dapa, yꞑ ai senaale tuꞑmó betereitei taaróló sókó fae,” yalepó. Mo ai fo deretamotóró

dowi kepe kale senaale taaróló sókó felepó.

<sup>19</sup> Até dere ala kale senaale talerapené kilitu, atima take du betale kaae *moni* saai dere tꞑ tikalepó kisipa mualepó. Téturaalu, Pol-ró Sailas-tamopaae doasi fopaae buóló atimaamo naasemó etée sóró tawalepó. <sup>20</sup> Atéró, atima sóró betéró betere whꞑirapetamo fo tekꞑairaalu, so whꞑi ꞑla dotonótua dere tikipaae felepó. Atéró Rom *Gavman*-né fo tokóló taleyóppóló sóró betéró betere whꞑirapené keletómó daalóló duraalu, “Atimaamota, Juda whꞑinétei dꞑné be hulua doróppóló disirótu beteraꞑó. <sup>21</sup> Atimaamonéta, dꞑ Rom *Gavman*-né yaꞑse yóló fo muló betere fo tukóló i ala yae yóló yó mótu beteraꞑó,” yalepó.

<sup>22</sup> Téró, kale senaale talerapené dere alamó so whꞑi mo fea atimatamo muni folo, Pol-ró Sailas-tamo só deratere fo du betalepó. Até du betepa, kale fo tokóló tale dere whꞑirapené susupuratere whꞑirapepaae atimaamoné kuti sokóló biyꞑné fokosói ala yae yalepó. Ti fo depa, atimaamoné deró betere kuti sorokóló taae faróló fokosoi ala yalepó. <sup>23</sup> Ai ala du betéró, *dipula* be kaae tare whꞑiné naase tuꞑpaae mulóló, ꞑpaae mo dirii fo yóló duraalu, “I whꞑi tamo botokó faꞑsóró mo wisiyóló kaae tawae,” yalepó. <sup>24</sup> Téró, kale sekéné yale fo wosóló, ꞑ wituraalu kale whꞑi tamo mo be ke tuꞑ dolopaae beteraꞑe felepó. Atéró, atimaamo botokó faꞑsóró ni fake dolopaae hꞑleke tamo deróló dulalepó.

<sup>25</sup> Atéró bitu, mo dikitamo 12 *kilok* Pol-ró Sailas-tamo Kótópaae wole fo dere alaró momatamo deté fu betalepó. Atétu betepa, mepaae *dipula* bemó betó mole whꞑirapené wosó tarepó. <sup>26</sup> Téyalemó, mo doakale wii bao wóló be tao sóró worerale tikimó, ai *dipula* be tꞑkélé, hꞑletei turukwꞑ fóló whꞑirape dulótua yale *sein* képirapekélé, fea whaaló yóló hꞑle teraae felepó. <sup>27</sup> Atépa, kale *dipula* be kaae tare diki tare whꞑi turukó

holóló kelalemó, *dipula* be tu mo fea turukwe fóló mupa kelalepó. Atépa kilitu, ai whirape mo fea dapo dapo yóló fele nisi yóló ama sepakené aței ama daai yalepó. <sup>28</sup> Até depa, Pol-né fo fake yóló duraalu, “Naaotei ya doraai kisipa muaose. Dąta, botokó feni, mo fea i betó mole ape,” yalepó.

<sup>29</sup> Ti fo depa, kale diki tare whinė mepaae whirapepaae sa sóró ape yóló *dipula* be dolopaae fóló kelalemó, u ere alamó ą Pol-ró Sailas-tamo betere aqmó deraapisa fóló muni dere felepó. <sup>30</sup> Atéró, kale whi tamo dapesó fóló belamó daalo bitu, “Doa whi tamo-ó, ę aluyaqsóró tao sópóló, noa alakó yaaloé?” yalepó.

<sup>31</sup> Ti fo depa kale whi tamoné ąpaae tokó mótu duraalu, “Ya Tale Yesu Kerisopaae kisipa tiki feteyóló tiratepata, ti Kótóné ąkélé, naao fake so whikélé, mo fea aluyaqsóró tao saalo ai ape,” yalepó. <sup>32</sup> Atéró atimaamoné Talené fo ąpaaekélé, ama bemó betó mole so whi feapaaekélé, yó melalepó. <sup>33</sup> Téró, mo ai dilikitamotóró kale whi atimaamo daale tikimó dowaléyale tiki weı fokoralepó. Atéró mo tétitóró kale whi ąkélé, ama naale senaale sokélé, mo fea weı tópuralepó. <sup>34</sup> Atéró, kale whiné Pol-ró Sailas-tamo ama bepaae dapesó fóló, ąla melalepó. Téturaalu, kale seké ąkélé, ama naale senaalekélé, somakélé, atima fea Tale Kótópaae kisipa tiki tiróló bituraalu, hajné sukóló hękese du betalepó. <sup>35</sup> Téró, hıka be dętepa, kale fo tokóló tale dere whirapené diki tare whirapepaae duraalu, “Kale *dipula* be kaae tare whıpaae ai kale whi tamo fópólópa, dotęyae,” fo ene fópóló dotonalepó. <sup>36</sup> Atéró wóló ai fo depa, kale *dipula* be kaae tare whiné Pol-ró Sailas-tamopaae duraalu, “Kale fo tokóló tale dere whirapené diaamopaae dua wisiyóló fae yó ąló beterepa, diaamo fae,” yalepó.

<sup>37</sup> Ti fo yaletai Pol-né ai whirapepaae duraalu, “Dąmo kikit

sókó daaróló mo faalo meipó. Ti noa betené mei, dąmokélé Rom faketamo touróló doi betámó mole whıtei, diaaq dąmotamo fo tokóló wisiyóló taleni, hąkeamó so whiné keletómó dąmo hąle hoko doló sameatamo *dipula* beteralepó. Até yaletai dąmopaae kikitı sókó daalóló fae dere wisirapóló de? Ai ala wisinipa, mo atimatóró wóló dąmo sokotepa wisirapó,” yalepó.

<sup>38</sup> Ai fo depa, kale diki tare whirape fóló, topo whirapepaae ene felepó. Ai fo woseturaalu, atima kisipané Pol-ró Sailas-tamo kae fake nisi yaletai, Rom faketamo touró beteralepó depa, woseturaalu atima wiyalepó. <sup>39</sup> Atéró atimané Pol-ró Sailas-tamopaae dua naamei fo yóló duraalu, “Diaamo hąle fópóló *dipula* sokotapa, i be hulua taaróló dua faasepe,” yalepó. <sup>40</sup> Atétepa, Pol-ró Salasıtamo *dipula* be taaróló Lidiané bepaae felepó. Atéró fóló kelalemó, aimó Yesu Kerisopaae kisipa tiki tiró betere hamomaraape touró betepa kelalepó. Atépa atimaamoné atimapaae Talené ala tuámó diriyóló beterópóló, ketekę bulatere fo du betero atimaamo felepó.

## 17

### *Pol-ró Sailas-tamo daai yale fo*

<sup>1</sup> Pol-sępi atima Ampipolis be huluaró Apolonia be huluatamomó bosenóló, Tesalonaika be huluamó sókó felepó. Ai be huluamó Juda fake so whiné fo wosetere be tęnepó. <sup>2-3</sup> Téró, ai fo wosetere bemó Pol-né ama dua dere kaae *fula* soremó maaté ą fóló Kótóné fo dosąayóló duraalu, Keriso susupu sóró sukąletai momó kepaa yalepó fo asemó eretei mo dokonóturaalu, ai yale ape. Ai fo yóló duraalu, ąlo diąpaae du betere whi Yesuta, me kaae mei, Kótóné so whi tęteróló kaae tanópóló sóró betero betere Kerisomó dapo du betalepó. <sup>4</sup> Mepaae mo turó Kótó aqmó sukóló betó mole Krik fo bole so whi Pol-ró Sailas-tamoné dere fo

mopóló kisipa mutu, atimaamotamo muni felepó. Até yale kaae, mepaae doi mole sorapekélé, mepaae tóróti Juda so whíkélé ai alatóró yalepó.

<sup>5</sup> Tétepa, Juda whirape dei tué muturaalu, so whi ɔla dotonóló duputua dere tikimó, mepaae dowi ala du betere whirape dosayóló dape siré kweyóló bóe dóló hɔle sǒpóló sesemeratere fo yalepó. Atéró ai whirapené kale whi tamo so whi feané keletómó sɔyóló só faai, kisipa mutu Jeson-né be bopéróló duraalu, “Pol-ró Sailas-tamo aimó betepa ipaae tóɛ derae,” yalepó. <sup>6-7</sup> Ti fo yalemó, kale seké tamo kilinitepa, Jeson-ró mepaae Keriso norapetamo sɔyóló só fóló ai be hulua kaae tare topo whirape beteremó beterafe felepó. Atéró betero betepa, so whiné fo fake yóló duraalu, “I hae kwia feamó kuturaalu, so whiné betere ala doraté kutu betere whirape mió imó wóló betepa, Jeson-né dape soro firó beterafo. Téró, dané topo whi Sisané muló betere fo tukóló, tetéroló daale topo whi me Yesupó du beterafo,” yalepó. <sup>8</sup> Ai fo dere woseturaalu, mo so whíkélé, doasi topo whirapekélé, atima fea ai dere fo bete kóló kóló duraalu, kae kae sekei kisipa mualepó. <sup>9</sup> Atéró, kale topo whirapené Jeson-sépipaae duraalu, diɔ doteyaalopa moniné dupu yae depa, atima fǒpóló dupu yalepó.

#### *Beria bemó yale ala*

<sup>10</sup> Téró, até yale dikitamo kale Keriso norapené Pol-ró Sailas-tamo Beria bepaee fǒpóló dotonalepó. Atéró atimaamo ai bemó sókó fóló Juda whirapené fo wosetere bepaee felepó. <sup>11</sup> Beria whirape atimané dere alata, Tesalonaika whirapené dere ala kaae ini, atimata mo kisipa mulu wisi ala dua yalepó. Beria whirapenéta, Pol-ró Sailas-tamoné yó mótu betere fo wosóló mo doasi hekesetamo keteké buóló i ala dua yalepó. Atimaamoné yó mótu betere fo dono démóló kaae kelaai, betere

dokɔ Kótóné fo mole asɛ keletétóró fu betalepó. <sup>12</sup> Téró, kale Krik fo bole whiraperó Juda so whirapetamo mo turó Talepaae tué tiralepó. Mepaae doi mole Krik sorapekélé, téyalepó. <sup>13</sup> Téró, Tesalonaika bemó betó mole Juda whiné Pol-né Kótóné fo Beria bemó yó mótu beterafo dere fo woseturaalu, atima Beria bepaee felepó. Atéró, fóló Beria so whiné Pol-ró Sailas-tamopaae fopaae buǒpóló sesemeratere fo du betalepó. <sup>14</sup> Atei fo wosetu, mo ai fapótóró mepaae Keriso norapené Pol weɛ foku seseke fǒpóló dotonalepó. Téyaletei, Sailas-ró Timoti-tamo ai Beria bemó beterepó. <sup>15</sup> Atétepa, Beria whiné Pol dapesó fóló, Atenis bemó doteyóló atima momó fesaae faaitepa, Pol-né Sailas-ró Timoti-tamopaae ɔ beterepaae hapale ape yae yalepó.

#### *Pol Atenis bemó betale fo*

<sup>16</sup> Téró, Pol ai Atenis bemó kale whitamó kaae taru, ai be huluamó whiné aleale kapala kótorahe hɔle ɔla kaae yó mupa kilitu, ama kisipa tiki mo doasi seke yalepó. <sup>17</sup> Até dere ala kilitu, ɔ Juda whiné fo wosetere bepaee fóló bituraalu, mepaae Juda so whiró mepaae Kótópaae winé sukutu, dua betó mole Krik so whitamó atima ai alamó fo kɛlaaraleta du betalepó. Téturaalu, mepaae aimó touróló ɔla dotonótu betere so whitamónékélé be de dere dokɔ fo kɛlaaraleta du betalepó. <sup>18</sup> Ai be huluamó, doasi kisipare fake tamo Epikurian fakeró Stoik faketamo beterepó. Atépa, Pol-né kale mió wosetere kisi foné Yesu ɔ mo ti sukaletei momó kepaayóló beterafóló yó melóo, ɔpaae kisipa tiki tiratere so whi ɔ kepaatu yale kaae kepaayaalopóló yó melóo, du betalepó. Atéró yó matepa, ai kale fake tamóné ɔtamo fo tokóló só deraai kaae salepó. Ai fakerapekó mepaaené duraalu, hɔko fo du betere whiné noa fokó yaai du bitu derópó yalepó. Mepaaené

duraalu i whinėta dā kisipa inire kótóné fo eraai derópó yalepó. <sup>19</sup> Tétu beteró, kale Areopakus fake tourāleta dere tikipaae atimané Pol dapesó fóló beteró bitu, āpaae woseturaalu, naao so whīpaae ai yó maté kutu betere kisi fo dāmāle kisipa yaaipa yae. <sup>20</sup> Naao dere fota mo wosókélé ini, kisi fo depa dapa, ai foné bete dāpaae hākearóló yó melaasepé yalepó. <sup>21</sup> Atenis be whīró mepaae be torókóló wóló betó mole whīrapetamo atima suka fea mepaaekélé feni, mo hāle betó taru atimané kae kisi ala yaairaalu dere fokélé yóo, wosókélé yóo, du beterepó.

<sup>22</sup> Atépa kale Areopakus whīrape tourāleta dere tikimó, whīrape betere kuamó Pol ā disó holóló duraalu, “Ti Atenis be hulua whī-ó, diāta, betere dokó mo wisiyóló moma yó tare whī betepa, yālo kelalepó. <sup>23</sup> Diā betó mole tuāmó ē kuturaalu kelalemó, diaaō moma dere kapo fakemó etei kaae fo aseýóló muló beterepó. ‘Ita, dāné kisipa inire Kótópaae moma dere kane fakepó,’ erepó. Ti diaaō ā derópóló kóló kóló irutei, ā aōmó dua bitu, momātere Kótó diāpaae i yó matapa wosae.

<sup>24</sup> Ai Kótóta, i haeró haemó yó mole ęla ęlatamo fea ama alerapó. Āta ó sāró i haetamoné Tale bitu, ęla ęla fea ama tēteróló kaae tarapó. Térené āta, mo whīné naasené tētere moma dere bemó bitinipó. <sup>25</sup> Kótóta Tale betepa, ā mepaae ęla ęla yāyātepa, dāné tao sóró manére? Dā so whī beteró betere foró fea ęla ęlatamo dāmó hāle mótu beterepó. <sup>26</sup> Mo take betā whīnétei, i hae kwia feamó betó mole so whī deteyóló fake firópóló Talené ai whī aleyalepó. Téturaalu, atima betaaire hae kwiarapekélé, atima betaaire ba fo alikélé, mo fea amātei tukóló muló beterepó. <sup>27</sup> Kótóné atēretei hāle ini, so whīné ā kekóló kolópóló kisipa muturaalu erapó. So whīné ā kelaai

ketekę butupa, ti mo kelaalo ai ape. Āta dā so whī betere tiki saletópaae bitini, dā fea betere felekemó ai betere ape. <sup>28</sup> Ti noatepae, dā betere beteta ā tuāmótóró muluraalu, ama dā fotokó eratepa beterepó. Diā mepaae fo dolātere whīrapené duraalu, ‘Dāta, ama naale senaale beterepó.’ fo aseýóló muló beterepó.

<sup>29</sup> Téreteiné, whīné naasené aleyóló muló betere *kold kapané ó silpa kapané ó* kaporapené aleale ęlapaaetei, noatepa kótópó du bitu de? Ti Kótóta, whīné kisipa fosó fosóre alané aleyóló muló betere ęla kaae aōnipó. <sup>30</sup> Take betale alimó mokęleyaa yóló bitu du betale alamó, Kótóné kwia tokó menipó. Atétu betaletei mió Kótóné mo doakale fotokęi fo yóló mulóturaalu, hae kwiamó beteró fale so whī mo feané du betere dowi ala taaróló, tuę tiki feteyóló betae fo erapó. <sup>31</sup> Ti noatepa meipó. Betā sukamó Kótóné ama sóró daaló betere whīné so whī mo feané yale ala mo dono tale yópóló ai be de ama tukóló kae muló beterepó. Até yaairaalu, ā hāle whī nisi yaōsóró so whī feané kisipa yópóló ā mo ti sukāletei momó kepaaróló beterepó,” yalepó.

<sup>32</sup> A kepaayóló beterepó dere fo woseturaalu, mepaae so whīné faleýóló kae kae fo yaletei, mepaae so whīné duraalu, “Naao ai dere fota, me be demó diriyóló wosaalopó,” yalepó. <sup>33</sup> Ai fo depa, Pol ā fo tale dere tiki taaróló felepó. <sup>34</sup> Betā betā whī Pol-né yó matere fo mopóló wosóló tuę tiki tiralepó. Atima kuamó kale Areopakus whīkó Dionisius-ró betā so Damaris-tamokélé, Pol sya wóló, Talepaae tuę tiki tiralepó. Mepaae so whīkélé tuę feteyóló tiralepó.

## 18

### *Korin bemó yale ala*

<sup>1</sup> Atéró kęlipaae, Pol Atenis be hulua taaróló, Korin be huluapaae felepó. <sup>2-3</sup> Téró, aimó Juda whīkó



Pontus bemó deyale whi Akuila betepa kelalepó. Ai sekéta mo dóti Rom *Gavman*-né doasi whi Kaladias-né Juda fake terekenatepa a ama soma Prisila-tamo, Itali hae kwia taarólo walepó. Atépa, Pol a ai soró whitamó beterepaae felepó. Akuilaró soma Prisila-tamo be teteré kuti dokotere soró whitamó betepa, Pol akélé ai kutó kisipa ereteiné atima fea betamó bitu, ai kutó diyaa yalepó. <sup>4</sup> Atéroró, Pol a fo wosaae tukólo muló betere be de dokó fea Juda whirapené fo wosetere bepaae fóló, Juda so whiró Krik so whitamó fea betapaae tourólo bitua yalepó. Atéroró bitu Talené alamó fo tiki kelaarólo, Pol-né ama dere ala sya wópólo kisipa muturaalu, Talené ala hakearótu betalepó. <sup>5</sup> Téró, Sailaró Timoti-tamo Masedonia hae kwia taarólo Korin bepaae wapa, Pol a kae kae kutó taarólo, Kótóné fo yó matere ala betá yó tawalepó. Pol-né Juda fake so whipaae etei fo yó mótu betalepó. “Yesuta mo hae whi mei, Kótóné so whi fea teterólo kaae tanópólo, sóro daaló betere whipó,” du betalepó. <sup>6</sup> Téyaletei, Juda whirapené Pol-né yó matere fo atima kae foné teterólo a doka doka yólo eratere fotei du betalepó. Atétepa, Pol a turukó holólo ama kuti terepetu duraalu, “Diaa dowi ala tokólo aluraaire fo wisi depatei, diá wosetere hó dapó. Take diá doasi sekei ala supa ti ai yalo mei, diaa yale alanétei diá alu yaalo ai ape. Térené mió e Juda meire fake so whi beterepaae kale fo wisi yó male fulapó” yalepó.

<sup>7</sup> Téró, Pol ai fo wosetere be taarólo ai felekemó betere whi Titius Jastus-né bepaae felepó. Ai sekéta, Kótópaae doasi wituraalu, aomó dua sukólo betere whipó. <sup>8</sup> Téró, Juda fakené fo wosetere be kaae tare topo whi Krispas-kélé, ama somakélé, naale senaalekélé, atima fea Yesupaae tué tiki feteyólo tiralepó. Ai sekéné mepaae Korin bemó betere so whipaae Talené fo

yó male tikimó atima mo fea tué tiki feteyólo tiratepa, weí tópurótua yalepó.

<sup>9</sup> Betá dikitamo nokoné dere kaae Talené Pol-paae duraalu, “Ya wiyólo dua hae betaose. Halaainé daalu, kale fo wisi yó matere ala hae yó tawae. <sup>10</sup> Ti noatepae, eta yatamo betamó betereiné me whiné yapaae me dowi ala erólo doraalo meipó. Ai be huluamóta, epaae kisipa tiki feteyólo tiraaire so whi betereiné atima feata yalo so whipó,” yalepó. <sup>11</sup> Talené apaae ai fo depa, Pol ai bemó Kótóné fo yó mótu betepa, ba fo betá kemeyólo me ba foné wélié apo miró kemeyalepó.

<sup>12</sup> Kaliota Akaia hae kwia teterólo kaae tanópólo Rom *Gavman*-né sóro daaló betere whipó. Ama atéroró kaae tapa, kale Juda so whi mo fea tourólo Pol-tamo fopaae buturaalu fo tokólo só deraai dapesó wólo beteralepó. <sup>13</sup> Atéroró, daapa Pol só deraai Kaliopaae duraalu, “I whinéta so whipaae Kótópaae momaturaalu, etéroró yae yó mótu, kale asemó ere fo tukólo kópaae fópólo dere fotei du beterapó,” yalepó.

<sup>14</sup> Atei fo depa, Pol-né atimapaae tokó matere fo yaai yalemó, Kalioné Juda so whipaae duraalu, “Ti i whiné *Gavman*-né muló betere fo tikitere ala ó mepaae sawa hasókó fole ala uasóro, ti diané dere fo wosólo fo tokólo tale uapó. <sup>15</sup> Téretei, diané epaae wosene wouraalu, hae fomó ó doi deremó maatépo dereteita, diá Juda whirapené yólo muló betere fopa, diasisitei tale yae. Atei alamó yalo diané dere fo taleyólo eraalo meipó,” yalepó. <sup>16</sup> Ti fo yólo, atima ai fo teketere bemó betereitei belapaae hokó faralepó. <sup>17</sup> Ai kale fo tokólo taletere be belamótei kale so whiné fo wosetere be kaae tare whi Sostenes tawólo fokosói ala yalepó. Atétepa, kale kaae tare whi Kalioné ai dere alamó fo mekéle ini, hae q̄la nisyalepó.

*Akuila, Prisila, Apolos-sépi atimané yale ala*

<sup>18</sup> Pol  Akuila-sépi somapiti atima ai Korin bemó be ɔrape dekéro betalepó. Take ama Tale Kótópaae yóló mulótu duraalu, yało topo niki mió folo hapale tikaalo meipóló mulalepó. Atéro yóló mulale be ɔ kemetepa, ama topo niki Kenkria bemó tikalepó. Atéro atima faai furaalu, Keriso no nerapepaae kóleó yóló Akuila-ró Prisila-tamokélé atima fea weı nukumó Siria hae kwiapaae faai felepó. <sup>19</sup> Atéro, atima Efesus bemó sókó fóló, ai bemó Prisila-ró Akuila-tamo betepa taaróló, Pol  maaté Juda fakené fo wosetere bepaee fóló, Juda whırapetamo Talené ala etéropóló du betalepó. <sup>20</sup> Ai fo woseturaalu, kale so whıné paee ya ɔtamó betaalopó depatei,  fulapó yalepó. <sup>21</sup> Atéro,  faai Juda so whıpaee kóleó yóló duraalu, “Me sukamó Kótóné ę di beterepaee wópóló te mulatepa, ti momó fesaae wonérapó,” yalepó. Ai fo yóló kale seké Efesus be taaróló weı nukumó felepó. <sup>22</sup> Téyóló, Sesaria bemó sókó fóló ai be taaróló, Jerusalem bepaee holóló Keriso so whıpaee kóleó deté Antiok bepaee derepelepó.

<sup>23</sup> Ai bemó mepaae be ɔrape beteró, nalo Antiok be taaróló, Kalesia hae kwiaró Frisia hae kwiatamomó te mole be hulua dokó feapaae felepó. Atéro kuturaalu, Yesuné ala du betere so whırape diri yóló beterópóló ketekę bulatere fo deté kweyalepó.

<sup>24</sup> Pol  até deté kutu betepa, bet Juda whıkó Aleksandria bemó deyale whı Apolos Efesus bemó sókó walepó. Ai sekęta, *skul* yóló kisipare whı bettereiné Talené asemó ere fo mo wisiyóló kisiparapó. <sup>25</sup> Apolos take mené Talené ala etéropóló paee yó matepa, kisipa iruraalu yó mótu betalepó. ta, Jon-né weı tópuratere alamaaté kisipa epatei, Yesuné yale ala mo doakale ketekę buóló so whıpaee mo donotóro yó

mótu betalepó. <sup>26</sup> Téró,  Juda whırapené fo wosetere bepaee fóló mo halaaíné kaae sóro yó matere fo Akuila-ró soma Prisila-tamoné wosalepó. Atétu, mepaae fo bete paee mo wisiyóló yó melaairaalu, atimaamoné bepaee dape salepó. Atéro bituraalu, Kótóné fo bete tokóló yó mótu betalepó.

<sup>27</sup> Atétu beteró, nalo Apolos Akaia hae kwiapaae faai depa, Efesus Keriso so whıné  ketekę bulatere fo, Akaia Keriso so whıné  mo wisiyóló dape sópóló, fea fo aseyaalpó. Atéro, ai ase sóro weı nukumó fóló malemó, tuę tiki tiró betere so whıné  mo wisiyóló dape salepó. Aimó bituraalu, Kótóné kolené sukutu tao supa, paee tuę tiki tiratere so whı Apolos-né doasi tao sere ala du betalepó. <sup>28</sup> Apolos-né Yesuta hale whı mei, Kótóné so whı tetéroló kaae tare whıpóló tuę yópóló, Juda so whı feané keletómó Kótóné asemó ere fo yó mótu betalepó. Atéro yó mótu duraalu, “Yesuta, ɔ fea tetéroló kaae tanópóló, Kótóné sóro beteró betere whıpó,” yalepó. Atéro, yó male foné Juda whırapené yó matere fo tetéralepó.

## 19

*Pol Efesus bemó Kótóné fo yó maletei*

<sup>1</sup> Atéro, Apolos  Korin bemó betepa, Pol  du sorokó mole haemó fu beteró Efesus bemó sókó felepó. Aimó, mepaae Talené ala erótu betere whırape betó mupa kelalepó. <sup>2</sup> Atépa atimapaee duraalu, “Di Yesupaae tuę tiki tirale sukamó, ɔ Kepe Wisi saleé?” yóló wosalepó. Tétepa paee tokó mótu duraalu, “Meipó. ɔ ai ɔ Kepe Wisi beterapó fokélé wosenipó,” yalepó.

<sup>3</sup> Ai fo depa, Pol-né atimapaee momó woseturaalu, “Ti di noa kaae ala yóló weı tópualeé?” depa atimané duraalu, “ɔta, Jon-né weı tópurale kaae yóló tópuralepó,” yalepó.

<sup>4</sup> Ai fo depa, Pol-né duraalu, “Jon-né wēi tópurale alata, dowi ala taaróló kisipa feteyóló wale so whi tópurótua erapó. Atéró, wēi tópurótu duraalu, ‘Ē wale kīlipaae betā seké whi waalopa, diaaḡ dowi ala taaróló, ai whi paae kisipa tirae. Ti ai whiné doita, Yesu ai ape,’” yalepó. <sup>5</sup> Atima fea ai fo wosóló, Tale Yesuné doimó wēi tópualepó. <sup>6-7</sup> Atéró, Pol-né atima tikimó naase mulalemó, kale Dēi Kepe Wisi atima tuḡpaae bitī wóló fotokḡratepa, kae kae be foné yóo, Kótóné kóló whirapené dere fo kaae yóo, du betalepó. Ai wēi tópurale whirape touróturaalu, 12-rópó.

<sup>8</sup> Téró, Pol ḡ Juda fakené fo wosetere bepaae fóló mo halaainé daalu yó mótu betepa, wélié sore kemeyalepó. Atéró, ai be whi so whi paae Kótóné tēteróló daale aḡmó mole ala mopóló kisipa muḡpóló, diriiné wisiyóló yó mótu betalepó. <sup>9</sup> Téyaletei, mepaae so whi Pol-né yó matere fo wosaalomeipóló dowḡae furaalu, haḡeamó Yesu Kerisoné ala eratere fotamo bóe dóló faletu betalepó. Até depa, ai fo wosetere be taaróló Yesuné ala eratere whirape maaté dapesó fóló, Tiranus-né doasi be dolomó, betere dokḡ fea kale fo wisi bete tokóló kēlaarótu betalepó. <sup>10</sup> Atétere alata, ba fo tamo tuḡmó bituraalu, du betalepó. Atéró, yó mótu betale tikimó Esia hae kwia tuḡmó betó mole Juda so whikélé, Juda meire fake so whikélé, mo fea Tale Kótóné fo wosalepó.

<sup>11</sup> Kótóné Pol fotokḡratepa, mo kae kae kelemei alarape erótu betalepó. <sup>12</sup> Até dere ala kilituraalu, mepaae kisi daale so whiró dowi keperape tepeyóló betó mole so whirapetamo wisirḡpóló kisipa mutu, kḡanaterere kutiró fosono helekētere kuti kwiatamo só fóló, Pol-né tikimó wolaa yó seneta yalepó. Atéró, ai kuti só fóló kale hepo daale so whiró dowi kepe betere so whitamóné tikimó olaa dua depa, hepo wisi yóo, dowi keperapekélé sókó fóo, dua yalepó.

<sup>13</sup> Atéró, mepaae Juda whirape atimanékélé, kale dowi keperape tepeyóló betó mole whirapepaae duraalu, “Pol-né yó mótu betere whi Yesuné doimó ḡlo ḡpaae dapa, ḡ whi tuḡmó beteretei, taaróló sókó fae,” dua yalepó. <sup>14</sup> Téró, Kale Juda whikó so whimó Talepaae momaraterere topo whi Skipané naalemarape wēikeró beterepó. Ai naalerape atimanékélé, atei kaae ala du betalepó. <sup>15</sup> Ai ala du betalemó, betā sukamó i ala yalepó. Kale whiné tiki tuḡmó tepeyóló betere dowi kepené atimapaae tokḡ mótu duraalu, “Yesuró, Pol-tamota, ḡlo tuḡrapa, diḡ deé?” yalepó. <sup>16</sup> Ai fo yóló, kale dowi kepe tepeyóló betere whi kale naalerape tikipaae tuḡwó horóló, dekei ala yalepó. Atéró mo ti dóló sininóló, kale wēikeró whirape atima kutikélé fea sorokóló taae fatepa, sameatamo belapaae tiki daapi haḡe sókó fóló, botokó dapo dapo yalepó.

<sup>17</sup> Até yalepó dere fo kale Efesus bemó betó mole Juda so whiró Krik so whitamóné wosetu, atima winé sukóló Tale Yesuné doi hale sóro horótu betalepó. <sup>18</sup> Até deremó, mepaae mo dekéro so whi Yesupaae kisipa tiki tiróturaalu, atimané take du betale dowi alarape so whi feané keletómó Talepaae yó mótu betalepó. <sup>19</sup> Téturaalu, atimané kale hupu sekaḡmó isi whirapené dere ala aseyóló muló betere *buk*-rapemó mole ala sya fu betere whirape atimakélé, mo fea wóló, ai *buk*-rape sóro wóló so whi feané keletómó si biliraleta du betalepó. Ai *buk*-rape dupuyale *moni* dokḡ sóro, 50,000 *silpa kapa moni* né dupuyalepó. <sup>20</sup> Ai alarape yóló, so whi fea Talené fo wosóló fakeróturaalu, hae kwia feapaae ama fo doasi fotokḡ mo sḡralepó.

<sup>21</sup> Atéyale kīlipaae Pol ḡ Masedonia hae kwiaró Akaia hae kwiatamo tuḡmó tēyóló Jerusalem bepaae faai yalepó. Atéró, fóló nalo ti ḡ u Rom

be huluapaae faai kisipa mualepó. <sup>22</sup> Téró, Pol tao sóró kutó ditere whi tamo Timotiró Erastus-tamo Masedonia hae kwiapaae fópóló dotonalepó. Atéró Pol ama wotoró Esia hae kwia tuámó sawa sukamó kutu beterepó.

*Efesus bemó Talené ala eratere whitamó bóa dale fo*

<sup>23</sup> Atéyale sukamó, mepaae mo so whirapené Tale Yesu Kerisoné ala eratere so whitamó dei kisipa mutu, kae kae eratere fo yóló bóe daai kaae salepó. <sup>24</sup> Ai be huluamó *silpa kapané* ɔla ɔla aletere whiné doi Demitrias beterepó. Ai Efesus be huluamó kapala kótó Atemis-paae moma dere be doasi tɛnapó. Kale whi Demitrias-ró mepaae mo betɔ kaae kutó ditere whirapetamoné *silpa kapa-nétei*, kapala kótó so Atemis sɔróló, belekɔatiki aleyóló mepaae mo so whitamó dotonóló doasi *moni* sua yalepó. <sup>25</sup> Kale whi Demitrias-né ama dere ala kaae du betere whirapekélé, mepaae betɔ kutónétei, kae kae kutó ditere whirapekélé, tourɔle ape yóló duraalu, “Norape-ó, ɔané doasi *moni* sere alata, ti i Atemis kótó sɔróló aletere ɔlané seretei diaaɔ ai kisipa ere ape. <sup>26</sup> Kale whi Pol-né i so whi mo fea kópaae fópóló kisipa mutu, mo dere nisiyóló wosópóló i fo yalepó. Whiné naasené aletere kótórapeta, mo kótó meipó yale fo diaaɔ wosóo, ɔiané kolóo, ai yale ape. Ai fota, ɔ Efesus be hulua so whipaae maaté ini, Esia hae kwia tuámó betó mole so whi feané ai wosalepó. <sup>27</sup> Pol-né ai dere foné ɔ *moni* sere kutómó maaté dumitei ɔané fo wosetere bekélé, doasi kótó Atemis sokélé, so whi feané bete muni hɔle ɔla aɔróló dorópóló ɔapó. Take Esia hae kwiamó betó mole so whinékélé, i hae kwia feamó betóló fale so whinékélé, ɔané kótó so Atemis aɔmó sukóló bitu, ɔpaae betɔ momatua yaleteti, mió Pol-né

dere foné ɔané kótó soné doi doróló folokole eraai ɔapó,” yalepó.

<sup>28</sup> Atéró dere fo woseturaalu, so whi fea mo dowi fopaae buóló fo fakeyóló duraalu, “ɔ Efesus be hulua whiné kótó so Atemis-ta doasi fotokɔ bole kótó wisinaalepó,” yalepó.

<sup>29</sup> Téró ai be huluamó betó mole so whiné dei tuɛ mutu mo doakale fo whaa du betalepó. Atéró Masedonia be hulua whi tamo Kaius-ró Aristarkus-tamo Talené fo eratere Pol-tamo wóló betepa, whirape fea fóló kale whitamó sɔyóló só walepó.

<sup>30</sup> Atéró kale whi tamo tawóló daaló betere tikipaae Pol ɔkélé faai yaleteti, mepaae Yesuné ala eró tare norapené sesé yalepó. <sup>31</sup> Ai maaté mei, mepaae Esia hae kwiamó doasiné kuto derópóló sóró betero betere Pol-né ama fulumu whirapené ɔpaae so whi touró betere tuɔpaae faɔse yalepó.

<sup>32</sup> Atéró touró betere so whi atima ai wóló betere bete atima kisipa ini, kóló kólóiné betó molepó. Atéró betó muluraalu, mepaaené dere fo kae, mepaaené fo kae du betalepó. <sup>33</sup> Atétu betepa, Juda whirapené Aleksanda-paae naao diriyóló fo ene fae yóló tɛté fóló so whi touró betere tikimó daarɔle felepó. Atéró fo yaairaalu, ama naase horaleteti so whiné kisiparutei ɔta bóe dele ala kaaraterere whi nisi yalepó. <sup>34</sup> Téyaleteti, nalo atimané ɔ kelalemó Juda whipa kisipa kilitu, fo fakeyóló duraalu, “ɔané Efesus be hulua so whiné doasi fotokɔ bole topo kótó so Atemis-póló,” hɔle detétóró fu betepa, suka kele tamo kemeyalepó.

<sup>35</sup> Atétu beteró, betɔ *Gavman-né* asɛtere kutó dirópóló beteró betere whi, so whi kuamó turukó holóló duraalu, “Ti Efesus so whi-ó, Efesus be hulua so whiné kótó so Atemis-ró ama momatere betamo tɛteróló kaae tatere alata, ti i be hulua so whiné eretei, hae kwiamó betó mole so whi mo feané kisiparapó. Ai kótó Atemis



so syróló aleale kane faketa, ó hepenmó i bepaae dorowale ala kisipa inié? <sup>36</sup> Ti aita, mené kapalapóló doraaire ala meipa, diş so whırape bõe dóló hõle sere ala hapale kilitaróló ini, dua betae. <sup>37</sup> Dişné ai dapesó wóló daaló betere whı tamota, dşné momatere bemó mole ęla ęla ęlémi sóró ó kótó so Atemis doratere fokélé inipatei, diaaş hşle dapesó wóló daaló ai betere ape. <sup>38</sup> Demitrias-ró ama betş kutó ditere whırapetamoné mepaae whı só deraaı kisipa mutepa, ti *Gavman*-né fo tokóló talerópóló sóró betero betere whırape ai betó mole ape. Ti *Gavman* whırapeta, ai ala yópóló sóró daaló betepó. <sup>39</sup> Motamo fo mekó yaai kisipa mutepa, ti dşné tukóló muló betere be dşmó yaalopó. Ti noatepae, dşné yóló mulale fo sya furaalu, ai ala yaalopó. <sup>40</sup> Atei kaae doasi bõe dóló foya dere alamó *Gavman* whırapené dşpaae doasi seķei ala eraalopó. Atétere alamó *Gavman*-né mo doasi fo mupatei, dşné tukóló ai du betere ape. Atimané dşpaae ai fo noa betené du bitu de? depa, dşné yaaire fo meipó,” yalepó. <sup>41</sup> Kale ai *Gavman*-né kutó diratere whıné ai fo yóló kemetepa, atimapaee fae yalepó.

## 20

### *Pol Masedonia hae kwiaró Krik hae kwiatamopaae fele fo*

<sup>1</sup> Téró, kale so whı fo tiki whaa du betaletai kemetepa, Pol-né Yesuné ala erótu betere whırape tao sóró fotokę bulóló diri eratere fo yalepó. Atéro atimapaee kęleó yóló, ş Masedonia hae kwiapaae felepó. <sup>2</sup> A ai hae kwia tuşmó Keriso so whı ketekę bulóló fotokęratere fo dekéro yó melaté fóló nalo kemene furaalu, Kirik hae kwiapaae sókó felepó. <sup>3</sup> A ai bemó betepa, wélié sore kemeyalepó. Atéyóló nalo ti ş węi nukumó Siria haepaae faai yaletei, kale Juda whırapené ş daalopó dere fo woseturaalu, taaróló momó

Masedonia hae kwiapaae hae tuşmó faai yalepó. <sup>4</sup> Atéro faairaalu, Beria whıkó Pirus naalema Sopatakélé, Tesalonaika whı tamo Aristarkus-ró Sekundus-tamokélé, Derbe whıkó Kaius-kélé, Timotikélé, Esia hae kwiaró wale whıtamo Tikikas-ró Tropimus-tamokélé, atima atéro felepó. <sup>5</sup> Téró, ai kale whırape atimapi fóló, Troas bemó Pol-sépi dş kaae tawóló beterepó. <sup>6</sup> Atéro dş Juda whırape atimané mara mole ala sya furaalu, fopei *bred* o bula yóló ęla detere be dş kemetepa, węi nuku sóró Filipai be taaróló, Troas bemó mepaae whırapetamo hokolaa yaai furaalu, nuku tómó aporó diki fité felepó. Téró, dş fea touyóló Troas bemó węikeró be dş betalepó.

### *Troas bemó Yutikus kepaarale fo*

<sup>7</sup> Atéro *fula* kaae sere be dşmó, dş so whı fea ęla naairaalu betşpaae touróló betó mupa, Pol-né ai so whıpaae fo yó maté fu betepatei, be mo ti dikiralepó. Hıka be dştepa ş ai be taaróló me bepaee faai kisipa muturaalu, dilikitamokélé hşle yó maté fu betalepó. <sup>8</sup> Dş touróló fo yó mótu betere siki be kemó, şş hşle ęla kaae wolée molepó. <sup>9</sup> Aimó betş kokopei whı ama doi Yutikus-ta, dş sókó wópóló muló betere tuşmó bituraalu, Pol-né yó mótu betere fo wosó tarepó. Pol-né ama yó matere fo mo fşlo şıyóló yó maté fu betepa, kale sekę noke kęlené sukutu betalepó. Atéturaalu, kale whı dukó fóló, biliyó salepó. Atéro biliyó saleteita, tamo be ke teraae horóló, sore be kemó yalepó. Téró kale whı biliyó sóró mupa dş doropóló kelalemó, sukóló molepó. <sup>10</sup> Atépa, Pol ş doropóló Yutikus-né bopé tómó deraapisa fóló mulu, ama naasené apuó sóró duraalu, “Turukó holaaitei kapala asiri ai firapa whaalıa ekesé,” yalepó. <sup>11</sup> Téró, Pol ó siki be kepaee momó holóló atima *bred* o kolokóló ęliyóló nalepó. Atéro, kale sekęné fo momó yó maté fu betero, be dştepa hıka ş felepó. <sup>12</sup> Kale kokopei whı Yutikus

momó kepaayóló betepa, wh̄irapené bepaae dapesó fóló atima hosaa muni deyóló hajyóló betalepó.

*Pol a faairaaalu Efesus Keriso wh̄i disirapepaae k̄leó yale fo*

<sup>13</sup> Atéró mepaae wh̄irape d̄api folosóró w̄ei nukumó Asosi bepaae faai felepó. Pol-né d̄apaae atéró fae yóló, d̄atamo Asosi bemó hokolaa yaairaaalu, a hae tumó felepó. <sup>14</sup> D̄a atamo ai Asosi bemó hokolaa yóló a nukupaae dape sóró, Mitilini bepaae felepó. <sup>15</sup> Téró d̄a aimó fiyóló, h̄ika ti w̄ei nukumó w̄einé bopéró daaló betere hae Kios dekeróló felepó. Téró diki me nuku tómó fiyóló ai h̄ika ti d̄a tuamó tukóló fóló Samos hae felekemó epa d̄eró dekeróló felepó. Téró, diki mekélé kale dere kaae nuku tómó fiyóló, ai h̄ika ti d̄a Miletus bemó sókó felepó. <sup>16</sup> Atéró Pol a Esia hae kwiamó kutu betepa suka kele kemeyaqsóró, Jerusalem bemó *Pentikos* be demó dere ala kelaai a ai Efesus be bosenóló mo hapale faai kisipa mualepó.

<sup>17</sup> Atéró d̄a Miletus bemó sókó fóló bituraalu, Efesus Keriso wh̄i disirapepaae a beterepaae tourale ape, yó faralepó. <sup>18</sup> Atima atéró dorowóló betó mupa, atimapaae duraalu, “*Èta*, Esia hae kwiamó folosóró sókó wale sukamó kaae sóró wóló, d̄iatamo betamó bitu yale alarape feata, ti d̄ia feané kisiparapó. <sup>19</sup> *Èta*, so wh̄i aqmó dua sukóló bituraalu, Tale Kótóné ama kutó bet̄a mo ketek̄e buóló, wole kaapetamo du betalepó. Atéteremó, Juda wh̄irapené e daairaalu kemei fo dokotu betaleteita, ai alané e noa kaae wh̄i beteréró s̄u sóró k̄aae kilitu yalepó. <sup>20</sup> Atépatei, Kótóné d̄ia tao saaire fo wisi yalo hiréni, e mo h̄akeamó daalukélé, d̄iané be dok̄o dok̄okélé, Talené fo d̄ia tué yópóló yó mótua yalet̄e, d̄ia feané kisipa ai ere ape. <sup>21</sup> Juda so wh̄ipaaekélé, Kirik so wh̄ipaaekélé, d̄iané du betere dowi ala taaróló, Tale Yesupaae kisipa

tiróló mo dua betae yóló h̄akearóló ai yó male ape.

<sup>22</sup> Térapa, mió kale D̄ei Kepe Wisiné Jerusalem bepaae seýóló dapesó fóló betepa, epaae noa alakó eraaloró e tuenipó. <sup>23</sup> Be hulua dok̄o fea fo yó maté kotopa, kale D̄ei Kepe Wisiné epaae duraalu, sek̄e alaró *dipula* beteratere alatamo yapaae eraaló ai ape yale fo bet̄a yalo kisiparapó. <sup>24</sup> Atérené, e sukaqsóró yalo tó tikimó wiyaalo meipó. Tale Yesuné epaae dirae yóló male kutó bet̄a diróturaalu, so wh̄ipaae Kótóné d̄apaae yaala sókó furaalu, h̄ale tao sere fo wisi bet̄a yó maté fóló tukóló muló betere d̄alemó sókó faai dapó.

<sup>25</sup> Mió yalo kisipa fatepa, Kótóné tet̄eróló daale aqmó mole ala d̄ia tué yópóló yalo yó matepa, wosetu betale wh̄irape diaaq̄ yalo kelepaa momó kae kelaalo meipó. <sup>26</sup> Térené yalo d̄iapaae h̄akearóló i dere ape. Mió i alimó d̄ia tuamó wh̄i me dené i fo wisi taaróló dowi ala ene fupa, ti aita, epaae kwia muni diaaq̄tei ai ape. <sup>27</sup> Ti Kótóné ama yaai kisipa mole ala mekó hiréni, mo turó yalo d̄iapaae ai yó melale ape. <sup>28</sup> Diata, Kótóné ama D̄ei Kepe Wisiné ama *sipsip* hupu wisiyóló kaae tanópóló sóró ai beteró beterapa, ai hupurape wisiyóló kaae taru, d̄iakélé mo wisiyóló kaae tawae. Yesuné ama sameané dupure Kótóné so wh̄i bet̄a mo dua wisiyóló kaae tawae. <sup>29</sup> I dere fota noa betené dumipó. E fole sisópaae dowi bete haq̄rape d̄ia tuapaae wóló, Kótóné *sipsip* hupurape dóló nale waalo ai ape. <sup>30</sup> Diakó mepaae wh̄iné kale Yesuné ala eró tare wh̄irape dei nópóló eratere alané, kale mo fo wisi k̄opaae w̄eróló, d̄ia alisóró kae tupaae faraalo ai ape. <sup>31</sup> Até yaqsóró, d̄ia mo wisiyóló kaae tawae. Atei ala yaairemó d̄ia kisipa muló beterópóló ba fo sore e d̄iatamo bituraalu ai yale ape. D̄etamokélé, d̄ikitamokélé, yó maté fu bitu woletamo du betalepó.

<sup>32</sup> Téró mióta, d̄ia Talené ama

kolené sukuturaalu, hãle tao sere alané diã wisiyóló tao sópóló i dere ape. Ai fonétei, diaaõ kisipa tiratere ala fotokõróló, Kótóné ama wisi wisi òla diã ama kae sóró beteró betere so whimó ai mótu betere ape. <sup>33</sup> Yãlo diãné *silpa kapa ó kold kapa ó* kutikélé senée yóló au nokole ala inipó. <sup>34</sup> Yãlo fotokõnétei kutó diyóló, yãlo yãyãre òla òlakélé, ó yãlo fulumu whirapemókélé mótua yaletai diaaõ ai tuére ape. <sup>35</sup> Yãlo ai dua yale alata, òla òla fea ðané naasenétei depe tukó wei ala yóló sirapóló, diaaõ kolópóló ai yale ape. Até duraalu, mepaae atimanétei kutó diyóló nénire so whi tao sóró hãle melae. Ti noatepae, Tale Yesuné duraalu, ‘Òla òla hãle tao sóró matere whiné hã kisipatamo matere alané matepa sere whiné dere hãkese tãteró beterapó’ ere fo kisipa muae,” yalepó.

<sup>36</sup> Téró, Pol-né ai fo yóló kãlipaae atima bukutiri teyãró bituraalu, ama moma yalepó. <sup>37</sup> Atéró ã faaitapa, kale so whi feané Pol apuó taruraalu kóló tukó nóló wole du betalepó. <sup>38</sup> Atétepa, kale sekéné duraalu, yãlo kelepaa diaaõ momó kae kelaalo meipó yale fo kisipa mutu, atima doasi dekené sinitu wole du betalepó. Atétu beteró, atimané ã dapesó fóló, wei nukumó beteralepó.

## 21

### *Pol Jerusalem-paae fele fo*

<sup>1</sup> Téró, ðã atimapaee kãleó yóló atima taaróló wei nukupaae bitã fóló weiné bopéróló daaló betere hae Kos felekemó seseke felepó. Téró furaalu, wei tómó diki betã fiyóló, hãka Rodes hae weiné bopéróló daaló betere tiki felekemó seseke fóló, Patara bepaae sókó felepó. <sup>2</sup> Aimó betã wei nuku Fonisia hae kwia-paae faai fupa, ðã ai nukumó bitã holóló felepó. <sup>3</sup> Atéró ðã furaalu, weiné bopéróló daaló betere hae kwia Saiprus hae fã naase fakeró epa kele falaté fóló, Siria hae kwiamó

tãne Tair bemó sókó felepó. Ai Tair beta, take ðané i nukuné sóró wale òla òla sorokóló mulaai yale be huluapó. <sup>4</sup> Téró, ai bemó mepaae Yesuné ala eró tare whirape betepa, ðã atimatamo weikeró be ðe betalepó. Atéró betepa, ai bemó betó mole whirape atima Ðei Kepe Wisiné fotokõratepa, Pol-paae duraalu, yã Jerusalem bepaae faõse yóló seséyalepó. <sup>5</sup> Tétu beteró, aimó betaai yale be ðerape keme-tepa ðã ai be taaróló faai felepó. Atéró faai fupa, kale Yesuné ala eratere whirape atimané somarape naale senaalekélé, mo fea ðãtamo doropóló wei fóku atikã tómó bukutiri teyãró bituraalu, Talepaae moma yalepó. <sup>6</sup> Atétu beteró ðã faairaalu kãleó yóló ðã fea aputu beteró ðã wei nukumó bitã hotopa, atima momó bepaae fesaae felepó.

<sup>7</sup> Ðã atéró ai Tair be taaróló fóló, Tolemais bemó sókó felepó. Ai bemó betó mole Keriso norapepaaekélé kãleó yóló, be ðe betã atimatamo betalepó. <sup>8</sup> Atéró, hãka ðã ai be taaróló Sesaria be huluamó sókó felepó. Ai bemó, take atimané so whi òla taleróló melópóló beterafele weikeró whikó betã Filip beterepó. Ai sekéta, kale mió wosetere kisi fo wisikélé yó matere whi betepa, ðã ãtamo fiyalepó. <sup>9</sup> Ai sekéné ama douro senaale seimalerape fea Kótóné fo eratere kóló sorape betó molepó.

<sup>10</sup> Ðã ai bemó mepaae be ðerape dekeró betepa, Kótóné ama kóló whiné doi Akabas Judia hae kwiaró dorowalepó. <sup>11</sup> Ai whi ðã beterepaae wóló daalu Pol-né to tao sóró kale sekéné ama naaseró hótamo dokóló duraalu, “Talené Ðei Kepe Wisiné i fo ðapó. ‘I to taleta, Jerusalem bemó betere Juda whirapené tawóló i ala kaae yóló, Juda meire fakené naase tuãmó mulaalo ai ape,’ ” yalepó.

<sup>12</sup> Ai fo depa woseturaalu, ðanékelé, mepaae ai be whi so whinékelé, Pol-paae Jerusalem

bepaae holaqse yóló sesé yalepó. <sup>13</sup> Téyalemó ama dāpaae duraalu, “Diñané noatepa atei kaae alamó wole-u yóló yālo hosaa supuréli ala dute? Ēta, susupuróló *dipula* beteratere alamaaté erópóló Talené ę sóró betenénipó. Ę sukutere alakélé yópóló sóró beteró betereteiné yālo Tale Yesu Kerisoné doimó Jerusalem bemó sukāai dapó,” yalepó <sup>14</sup> Dāné ą Jerusalem-paae faqsóró sesé yalemó, ama dāné dere fo woseni, fo kae depa taaróló duraalu, “Ti wisirapa Talené ama yaai tuę mole ala betā yópóló yae,” yalepó.

<sup>15</sup> Atéyale kīlipaae dāné ęla ęla sisóló Jerusalem bepaae holalepó. <sup>16</sup> Tétepa, mepaae Yesuné ala eratere Sesaria whīrape dā fea touyóló atimané dā Nason-né bepaae dapesó felepó. Nason-ta, Saiprus be hulua whīkó mo taketi Talepaae kisipa tiki tiróló betere whīpó.

#### *Pol Jerusalem bemó sókó wale fo*

<sup>17</sup> Atéró dā Jerusalem bemó sókó holalemó, Keriso norapené dā hękesetamo mo wisiyóló dape salepó. <sup>18</sup> Atéró, fiyóló hīka Pol-kélé, dā mepaaekélé, Jerusalem bepaae Jems kęle felemó, ą mepaae Keriso whī disirapetamo beterepó. <sup>19</sup> Atépa, Pol-né atimapaae kęleó fo yóló Kótóné ą fotokqratapa, amamo Juda meire fake so whīpaae erale ala mo fea yalepó.

<sup>20</sup> Tétepa, kale whīrapené Tale Kótóné doi hale sóró horótu ąpaae duraalu, “No-ó, Yesu Kerisopaae kisipa tiki tiró betere Juda so whīta, mo hāle ęla kaae i betere ape. Ai so whīta, Moses-né asęre fokélé eraai mo doakale ketekę bulapó. <sup>21</sup> Térapa, mepaae i betó mole Juda whīrapepaae metikipaae wale whīrapené i fo du beterapó. ‘Pol-né Juda meire fake so whī kuamó betó mole Juda so whīpaae Moses-né asęre foné diaaq naalerape tiki sekaę tikae ere taalae yóo, ayarapené mara mole alakélé, sya faqse yóo,’ deté kutu beterapó depa

wosalepó. <sup>22</sup> Térapa, ai alarape mo dere ala nisi yaqsórópa, dā noa ala yaaloó? Atimané ya ipaae wóló beterapó dere fo mo wosaalo ai ape. <sup>23</sup> Atérapa, dāné tuę mole fo betā i dapa wosae. Dā i betere douro whīrape atima Tale Kótópaae dirii malo yóló atimané topo niki tikaalo meipóló muló beterapó. <sup>24</sup> Ai whīrapetamo yākélé touyóló fóló atimané Juda so whīné keletómó, yaai dere ala yópóló naaotei atima dupu erae. Atéró atimané topo niki tukóló momatere be dolopaae fupa, ti wisirapó yaalopó. Ai ala depa atimané kilituraalu, i whīta, kale tukóló muló betere fo tikitere whī meipó yaalopó. Téturaalu, naao yalepó dere fomó atima fopaae butu betere ala kapala airapó kisipa muaalopó. Tétu yaata, Moses-né asęre fo aqmó sukóló bituraalu, ai fo tikitere whī meipó yaalopó. <sup>25</sup> Téretei me fo i ape. Yesupaae kisipa tiki tiró betere Juda meire fake so whī dāné fo muló betere ęla naqsóró, i fo asęyóló faralepó. Kapala kótópaae moma yaai dele hupu ó na, ó sameakélé, depamó képi duwóló sukunatere hupu ó nakélé, mené so ęlémi nokole alakélé mo yaqse yalepó. Ai forape feata, dā fo dokóló betā tuę muóló atimapaae asęyóló faralepó,” yalepó. <sup>26</sup> Téró, fiyóló hīka Pol-sépi atima douro whīrape momatere be dolopaae faairaalu, folosóró dua dere alarape yalepó. Atéró fokotere alarape feata, kale tukóló mulale be dęmótóró kemeyaalopóló ali male felepó. Atéró tukóló mulale be dę sókó wapa, atimamó kale momatere be kaae tare whīrapené *sipsip* hupu daalopó yóló mulalepó.

<sup>27</sup> Téró, kale węikeró be dę felekemó kemeyai deremó, Esia hae kwiamó betó mole Juda so whīné Pol momatere be belamó daapa ke-lalepó. Atépa, ai whīrapené Pol tao taru, mepaae so whī sesemeratere fo yalepó. <sup>28</sup> Atétu, fo fake yóló



duraalu, “Israel fake so whi-ó, ða tao sae. I whinéta, hae kwia feamó betó mole so whipaae yó matere foné ða Israel so whitamokélé, Moses-né asere fotamokélé, ðané momatere betamokélé, fopaae buópóló bóe delaté kotapó. Téturaalu, ðané mo dowi alakélé, inire be wisi Kirik whirapekélé, ai dapesó wóló daae mole ape. Até dere alané i be doróló folokole ai eratere ape,” yalepó. <sup>29</sup> Atimané ai fo yaletaita, Efesus whikó Tropimus Pol-tamo ai be hluamó daapa kelaletiné Pol-né ai momatere bepaae dapesó fele nisiyóló yalepó.

<sup>30</sup> Atéró, fopaae fo doasi depa, Jerusalem so whiné woseturaalu, fea sururu yóló wóló betapaae touróló bóe duraalu, fo tiki whaa du betalepó. Atétu beteró, Pol a moma dere be dolomó betepa, sýyóló só wóló ai be bopéró betere tipi belapaae hokó derólós tų kinalepó. <sup>31</sup> Atéró daapa, atimané Pol daai Jerusalem-mó doasi bóe duraalu, fo whaa du betereitei Rom *Gavman*-né diki tare whirapené topo whiné wosalepó. <sup>32</sup> Téturaalu, kale sekéné ama diki tare whiraperó mepaae topo whirapetamo atima sururu yóló, ai whaa du beterepaae dorowalepó. Téteremó, ai bóe du betale so whiné doasiró ama diki tare whirapetamo wale ala kilitu, Pol du betaletai, taalalepó.

<sup>33</sup> Atétepa, kale diki tare whirapené topo whi Pol daale felekepaae fóló duraalu, *sein* képi tamoné ama naase tamo dokae yóló ai so whipaae woseturaalu, i whi a deé? Ama noa alakó depa yaleé yóló wosalepó. <sup>34</sup> Ai fo deremó, mepaae so whiné dere fo kae yóo, mepaae whirapené dere fo kae yóo yóló, doasi fo tiki whaa yalepó. Atétere foné diki tare whirapené toponé Pol só deratere fo bete wisiyóló wosenipó. Atétepa, kale topo whiné diki tare whirapepaae duraalu, Pol diki tare whirape touróló betere

tikipaae dapesó fae yalepó. <sup>35</sup> Téró, Pol diki tare whirapené be hola tó dóló hutu betepa, so whi feané a daairaalu ketekę butu betalepó. Atétepa, diki tare whirapené topo whiné ama diki tare whirapepaae Pol beleyóló sóró holae yalepó. <sup>36</sup> Atétepa, mo turó so whi sya fu bitu, doasi fo fake yóló duraalu, “A mo ti sukópóló dae,” deté fu betalepó.

### *Pol-né so whipaae yale fo.*

<sup>37</sup> Diki tare whirapené Pol atimané be dolopaae sóró faaitepa, ama diki tare whiné topo whipaae duraalu, “Yalo yątamo me fokó enére?” yalepó. Ti fo depa, kale whiné apaae woseturaalu, “Yą Krik fo bole whię? <sup>38</sup> Yąta, mepaae kemeyale be ðemó 4,000 whirape alisó fóló, so whi bitinire tikimó *Gavman* whitamó bóe daale Isip whi meię?” yalepó.

<sup>39</sup> Ti fo depa, Pol-né apaae duraalu, “Ęta, Juda fake whi doasi doi mole be hulua Silisia hae kwiamó ęene Tarsus be whikópó. Térapa, ai so whipaae yalo fo yaai dapa, naao noa kiswa mute?” yalepó.

<sup>40</sup> Ti fo depa, topo whiné Pol-paae yae yalepó. Atétepa, a disó horóló be hola tómó daalu, naase horóló Hibru whirapené du betere foné yalepó.

## 22

<sup>1</sup> Téró ama atimapaae duraalu, “Noraperó ayarapetamo-ó, diaaq kisipané ęta dowi ala du betere whi nisi yaqsóró, yalo diąpaae haęeamó i dapa wosae,” yalepó.

<sup>2</sup> Téró, Pol-né Hibru whirapené du betere be foné deremó, fo tekeni dua betó molepó. Tépa, kale sekéné atimapaae i fo yalepó.

<sup>3</sup> “Ęta, Juda whiętei ę deyale beta, ti Silisia hae kwiamó ęene be hulua Tarsus-pó. Téyaletai, ę holóló i Jerusalem bemó doayalepó. Atéró betepa, kale doi mole yó matere whi Kamaliel-né ę *skul* yó malepó. Ama ę atéró yó móturaalu, kale Moses-né asere foró ðané ayarapené

mara mole alatamo mo wisiyóló yó matepa, yało mo diriyóló kisipa salepó. Atéyale be demó, Kótóné ala eraai mió diaaq ai bole keteke kaae yałokélé yalepó. <sup>4</sup> Ɛ até du bitu, Yesu Keriso sya fu betere sokélé whíkélé susupuróló mo ti sukópóló daairaalu doakale sekei ala eróló *dipulakélé* beteraleta du betalepó. <sup>5</sup> Yało yale alata, ai so whímó momaraterere topo whíró fo tokóló taleraterere whirapetamoné kisipareteiné atima yało dere fo woseturaalu, mo dapó enérápó. Ai whirapené ę Damaskus bemó betó mole nomarapepaae asę sóró fae depa, yało sóró felepó. Ti ai asęta, Damaskus bemó betó mole Keriso so whi tawóló Jerusalem bemó susupuróló *dipula* beteraai sóró waaire tu mulópóló yalepó.

<sup>6</sup> Ɛ atéró fu betalemó, 12 kilok felekemó saai depa Damaskus bepaae sókó faai deremó, samó de doasi dorowóló yało tiki husiralepó. <sup>7</sup> Até dereteiné ę haepaae dóló taae deróló mupa, ai de tuamó fo fakeyóló duraalu, ‘Sol! Sol! Naa ę noatepa, susupuraté kutu bitu de?’ yalepó.

<sup>8</sup> Tétepa yało duraalu, ‘Tale-ó, ya né de?’ yalemó, ama ępaae duraalu, ‘Ęta, Nasaret whíkó naao susupurótu betere whi Yesu i ape,’ yalepó. <sup>9</sup> Tétepa, ętamo wale yało fulumu whirapené ai de kelaletai, ępaae dere fo bete atimané diriyóló wosenipó.

<sup>10</sup> Atétepa yało ępaae woseturaalu, ‘Tale-ó, mió yało noa alakó yaró de?’ depa, Talené ępaae duraalu, ‘Turukó holóló Damaskus bepaae fae. Fóló, aimó naao yaaire ala yało tukóló muló beteretei, betę whiné ępaae yó melaalo ai ape,’ yalepó. <sup>11</sup> Ai deńe yało kele dilikiraletuiné tu fenitepa, yało fulumu whirapené ę naase tawóló ęlisóró Damaskus bepaae felepó.

<sup>12</sup> Ai be huluamó whi betané doi Ananias ę beterepaae walepó. Ai sekęta, Moses-né asęre fo mo

wisiyóló tuęru eró tare whi betepa, Damaskus bemó betó mole Juda so whiné ę mo doasi kisipa dotoróę fale whi wisipó du beterepó. <sup>13</sup> Ai sekę ę fire felekemó daane wóló duraalu, ‘No Sol-ó, naao kele fisęae horóló kelae,’ yalemó, mo ai fapotóró yało kele momó wisiyalepó.

<sup>14</sup> Téró, ama ępaae duraalu, ‘Dane ayarapené Kótóné tuę mole ala naao tuę yópóló ę sóró ai daalale ape. Dowi ala betakélé, inire whi kolóo, ama kólómó sókó wale fokélé, wosóo, yópóló ę ai sóró daalale ape. <sup>15</sup> Naaota, ama yó matepa kelale alaró wosale fotamo so whi feapaae yó maté kweyópóló erapó. <sup>16</sup> Térapa, ę noatepa hałe bitu de? Yesu Kerisoné doimó naao dowi ala kwia kemerópóló weı tópuai turukó horóló ępaae kema yae,’ yalepó.

<sup>17-18</sup> Atéró ę Jerusalem be huluapaae wale be demó fo wosetere bepaae fóló moma du betalemó noke kaaené Tale kelalepó. Atéró ama ępaae duraalu, ‘Ya hapale turukó horóló Jerusalem be taaróló fae. Ti noatepae, i Jerusalem bemó atimapaae Yesuné ala etérópóló yó materetei atimanémo wisiyóló wosaalo meipó,’ yalepó.

<sup>19</sup> Ai fo depa, yało ępaae duraalu, ‘Tale-ó, ti mo deretei, ai be hulua so whi atima feané yało yale ala kolóló kisiparapó. Ɛ atimané fo wosetere be dokę feamó ępaae kisipa tiki tiróló betó mole Keriso so whi susupuróló, *dipula* beteraleta yaletei atimané mo kisiparapó. <sup>20</sup> Naa ala etérópóló haķeamó yó mótu betere whi wisi Stipen dale sukamó, ękélé daalu ę dilapó depa yało duraalu, ‘Téyae,’ yalepó. Ai whirapené Stipen duraalu, atimané tómó bukóló kotere kutirape ę daale tikimó sorokóló mulatepa kaae tawóló daayale whi ętórótípó,’ yalepó.

<sup>21</sup> Téyalemó, Talené ama ępaae duraalu, ‘Yało ę Juda meire fake so whi

betó mole be huluarape saletópaae dotonatapa fae,' ” yalepó.

*Pol q Rom Gavman-tamo doi mole whjópó yale fo*

<sup>22</sup> Kale so whj Pol-né dere fo woseté feletei, Juda meire fake so whjpaakélé, yó male fae dere fo woseturaalu, fo fake yóló i fo yalepó. “Atei kaae whj imó dątamo betaalo meipa, dóló alurae,” yalepó.

<sup>23</sup> Atéturaalu, atimané tómó bukó mole kutirape sókó mulóló dokómu búo sóró ópaae fesekée horóló fo fake du betalepó. <sup>24</sup> Atétepa, kale diki tare whjrapené topo whjné duraalu, “Doai so whjné fo tiki whaa du betere noatepa déró, ai seké diki tare whjrape beterepaae dapesó holóló, halika tikiné fokosoi ala yóló dae. Téturaalu, i dere fo bete noa betené déró ąpaae wosae,” yalepó. <sup>25</sup> Tétepa, kale whjrapené Pol naasemó bulaakó sóró daaló bitu, halika tikiné fokosoi ala yaai yalepó. Atétepa, Pol-né ai diki tare whjrapené topo whjpaae duraalu, “Rom Gavman-né so whj tuąmó doi mole whj fo tokóló tale inipatei, fokosoi ala yóló dae fo ere?” yalepó.

<sup>26</sup> Ti fo depa, kale diki tare whjrapené topo whjné ą kaae tare topo whjpaae i fo yalepóló ene felepó. Atéró duraalu, “I whjta, Rom Gavman-né fake so whjtamó betąmó doi mole whj patei du beterapa, naao yaai dere ala kiswa faróló yae,” yalepó.

<sup>27</sup> Tétepa kale doasi topo whj wóló Pol-paae woseturaalu, “Yą Rom whjé,” depa, ama tokó mótu duraalu, “Épó,” yalepó.

<sup>28</sup> Ti fo depa kale topo whjné duraalu, “Yąlo doi Rom fake so whjtamó touróló mulaairaaalu, doakale moni-né dupu yalepó,” yalepó. Ai fo depa Pol-né tokó mótu duraalu, “Yąta atéretei, ę ti Tarsus bemó deyaletiné Rom whj beterapó,” yalepó.

<sup>29</sup> Ai fo depa, woseturaalu, ą daai yale whjrape mo hapale hįkili fóló

tumó daane felepó. Kale doasi topo whjné Pol ąta, Rom fake so whj tuąmó doi mole whjtei sein képiné dokirapóló ą witu yalepó.

*Juda whjrapené Pol-tamo fo tekąle fo*

<sup>30</sup> Téró, hįka be dętepa, kale diki tare whjrapené topo whjné Pol daai du betere fo tale yaairaaalu, ą *dipula* beteraletei sokóló so whjmó momaratere whjrapené topo whjrapéro, fo tokóló taletere whjrapetamo tourąle ape yalepó. Atéró wóló betó mupa, Pol dapesó fóló atima betó mole tuąmó daalalepó.

## 23

<sup>1</sup> Atéró, Pol-né kale fo tokóló taletere whjrape kaae taru duraalu, “Yąlo norape-ó, ę take bitiré waletei yąlo Kótóné keletómó wisiyóló bitiré wouraaalu, ama erae dere ala fea eraté walepó. Atéturaalu, mió yąlo hosaamó me sekę muni, mo dua muni deyóló beterapó,” yalepó.

<sup>2</sup> Pol-né ai fo depa, so whjmó Talepaae momaratere topo whj Ananias-né Pol-tamo felekemó daae mole whjrapepaae duraalu, “Ai seké folópu derąkae,” yalepó. <sup>3</sup> Ti fo depa, Pol-né ąpaae duraalu, “Ni bolópaae kęlaa epatei, tó sekaęné wisire nisi dere whj naao dere alamó, Kótóné yątei deké saalopó. Kale ašemó yóló muló betere fo sya furaalu, ętamo fo tokóló taleyaai bitutei naao kólónétei mepaae whjpaae ę daae dere foné, kale yóló muló betere fo naaotei ai tikitere ape,” yalepó.

<sup>4</sup> Ai fo depa, mepaae ą felekemó daae mole whjrapené duraalu, “Yą winié? Naao ai dere foné so whjmó momaratere topo whj fale-tapó,” yalepó.

<sup>5</sup> Ti fo depa Pol-né duraalu, “Yąlo norape-ó, ą so whjmó momaratere topo whj betere ę tuęnipó. Ti noatepa mei, ašemó i fo erapó. Dią kaae tare doasi topo whjpaae me

dowi fo yaqse, yóló fo moletei yało tuérápó,” yalepó.

<sup>6</sup> Ai fo tokóló taletere whjrape mepaae Sadyusi fake yóo, mepaae Farisi fake yóo, yóló beterapóló ama kisiparu, Pol-né fo fake yóló duraalu, “Yało norape-ó, yało apata Farisi whj eru ekélé Farisi whjópó. E fo teketeremó sóró i daalo betereteita, sukále whj momó kepaayaalopó ere fomó kisipa tiki tiróló e hajné sukutu betepa, atimané etamo fo tokóló só deraai ai du betere ape,” yalepó. <sup>7</sup> Ai fo depa woseturaalu, kale Farisi whjrapero Sadyusi whjrapetamo arale sóró atima tuamó tekétamo yalepó. <sup>8</sup> Ti noa betené mei, kale Sadyusi whjrapenéta, sukutere whj momó kepaayaalo meipóló kisipa mulu, *ensel*-raperó keperapetamokélé bitinipóló kisipa mulapó. Téptei, Farisi whjrapenéta, sukutere whj momó kepaayaalopó dere fo mopóló kisipa yóo, *ensel*-rapekélé beterapóló kisipa yóo, keperapekélé beterapóló kisipa yóo, erapó.

<sup>9</sup> Até du betepa, Moses-né asere fo yó matere Farisi whjrape atima turukó holóló fo fakeyóló duraalu, “I whj tikimó me dowi alakélé, muni-patei, dané a hale noatepa só deróló, daai du bitu de? Ama dere alaró dere fotamota, ti *ensel*-né ó kepené yae depa démólópó,” yalepó. <sup>10</sup> Ai fo du beteró so whj tuamó bukótamo yóló bóe du bituraalu, Pol dóló seji seji yóló ama tiki turukée fóló munépa, kale topo whjné kilitu, Pol-mó whaalía doasi yalepó. Atéru, kale sekéné ama diki tare whjrapepaae diaaq fotokótamo doropóló, Pol dapesó atima betere bepaae beterale fae yalepó.

<sup>11</sup> Atéyale dikitamo, Tale Pol beterepaae wóló duraalu, “Pol-ó, até dere alamó ya wi ini, diri yólóteí daayae. Atéro bitu, yało ala etérópóló so whj feapaae Jerusalem be huluaamó erótu yale kaae, Rom be huluaamókélé, mo erale fae,” yalepó.

### *Pol daai deyatei fo*

<sup>12</sup> Téró, ai hika mepaae Juda whjrape atima betapaae tourale wóló, Pol tawóló daairaalu kikití fo deyalepó. Atéro duraalu, dané Pol a daai hale betepa, da qlaró weítamo naalo meipó. Motamo dané a mo ti dóló aluratepata, ti qla naalopóló mo dirii malo yóló mulalepó. <sup>13</sup> Atéro, Pol daai fo dokale whjrape touróturaalu, whj siki tamo tómó mepaae whjrapekélépó. <sup>14</sup> Ai whjrape atima fóló, so whjmó momaratere topo whjro whj disi disirapetamopaae i fo yalepó. “Da fo deyóló dirii malo yóló duraalu, dané Pol dupa ti qlaró weítamo naai, mió a hale betepa ti weyóló be-taalopó fo yóló mulalepó. <sup>15</sup> Térapa mió dijanékélé, fo tokóló taler-aterere whjrape feanékélé, diki tare whjrapené topo whj dilikóló i fo yó falae. Pol-né yale fo bete da mo wisiyóló wosenireteiné da mo diri yóló wosaaipa, dapesó dere ape fo yó falae. Atéteremó a dorowapa, ti tu tuamó melaa yóló daaipó,” yalepó.

<sup>16</sup> Ti fo du betepa, Pol-né ama nema naalemané wosóló diki tare whjrapené bepaae fóló Pol-paae duraalu, “Yaata, atimané tumó melaa muóló daaipó fo ai du betere ape,” yalepó.

<sup>17</sup> Tétepa, Pol-né diki tare whjrape kaae tare whjkó betapaae duraalu, “I naalené dijané topo whjtamo fo yaai dapa, a dapesó fae,” yalepó.

<sup>18</sup> Ti fo depa, kale whjné kale naale topo whj beterepaae dapesó fóló duraalu, “Kale *dipula* betere whj Pol-né i naale yqtamo yaaire fo mulapa dapesó fae depa, i wale ape,” yalepó.

<sup>19</sup> Tétepa, topo whjné kale naale naasemó tao sóró tu depaae dapesó fóló, kale naalepaae woseturaalu, “Naao epaae noa fo yaai waleé?” yalepó.

<sup>20</sup> Ti fo depa kale naalené duraalu, “Juda whjrapené yapaae i fo yaalo ai ape. Pol-né dere fo bete mo diriyóló wosai dapa, a fo tokóló taletere



bepaae dó dapesó dere ape depa, aita mo mei, tumó melaa yóló Pol daai kapala fo ai dere ape. <sup>21</sup> Whi siki tamo kemeyóló mepaae tómó beleróló whirapené ă daai tumó melaa muaai du beterapó. Téyaairaaalu, ai whirape atima Pol dóló ti ularó weıtamo naairaaalu, mió hale weyóló beterapó yalepó. Atéyaairaaalu, atimané ıpaae wosetere fomó naao noa fokó deró kelaai wosó tawóló ai betere ape,” yalepó.

<sup>22</sup> Ai fo depa kale topo whiné kale naale dotonaai, ıpaae fo mulóló duraalu, “Naao ıpaae etei fo yalepóló mepaae so whıpaae mo yaqse,” yalepó.

### *Pol Sisareapaae dipula só fele fo*

<sup>23</sup> Ti fo depa, kale topo whiné ama aqmó bitu mepaae diki tare whirape kaae tare whirapekó tamopaae ape yóló duraalu, “Diaamo fóló 200 diki tare whirape tale yóló sóró beteroó, hos hupu tómó beteroó faaire 70 diki tare whirape sóró beteroó, bóe dele wuti tawóló faaire 200 diki tare whirape sóró beteroó, dilikitamo 9 *kilok* Sesaria bepaae faai donoróló fae. <sup>24</sup> Atéroó faairaaalu, Pol betóló faaire *hos* hupukókélé, tale yóló beterae. Atéroó diă furaalu, tu tuamó Pol mo wisiyóló kaae taté fae. Atéroó dapesó fóló, *Gavman* whi Feliks betereómó sókó fae,” yalepó.

<sup>25</sup> Atéroó diki tare whiné topo whiné *fas*-mó i fo aseıyalepó.

<sup>26</sup> “Ēta, Kaladias Lisias-né doasi *Gavman* topo whiné Feliks ıpaae i dere ape. Ya mo doa kóleó.

<sup>27</sup> Juda whirapené i whi tawóló daaitapa, ę ıalo diki tare whirapetamo doropóló kelalemó, ă Rom fake so whıtamo doi mole whıpa kilituraalu, dăné atimané naase tuamó betepa fasó salepó.

<sup>28</sup> Atéroó daai depa, noa betené déró ıalo wosaairaaalu, Juda fake atimané fo tokóló taler-aterere whirape beterepaae dapesó felepó.

<sup>29</sup> Téyaleteti, Juda whirapené fo tokóló taletere tikimó ă sukópóló daaire betekélé, ó *dipula* betere-aaire betekélé ıalo kilinitepa dapesó felepó. Juda whirapené muló betere fo tikitu betepa dapó dere fo betă ıalo wosalepó.

<sup>30</sup> Ai fomótei, atimané ă daairaaalu kikititi fo deyóló tu tuamó melaa muaai dere fo ıalo woseturaalu, ıa beterepaae ai dotonaterere ape. Térapa, atimané ă só deraterere fo naao keletómókélé yópóló, ıa beterepaae ai dotonaterere ape,” yalepó.

<sup>31</sup> Kale topo whiné yale fotóró diki tare whirapené sya fóló dikitamotei Pol dapesó Antipatris bemó sókó felepó. <sup>32</sup> Aimó fiyóló hıka, mepaae diki tare whirape ti bepaae momó fesaayóló wapa, kale *hos* hupurape tómó beteroó fele whirape betă ti Pol dapesó Sesaria bemó sókó felepó. <sup>33</sup> Téroó, kale diki tare whirape *Gavman* topo whi betere Sesaria be huluamó sókó felepó. Atéroó, kale *fas*-kélé, melóo, Pol-kélé, kale topo whiné naase tuamó mulóo yalepó. <sup>34</sup> Tétepa, kale whiné *fas* dosıayóló Pol-paae woseturaalu, “Ya mé hae kwiamó wale whıé?” yalepó. Ti fo depa Pol-né ıpaae tokó mótu duraalu, “Ēta, Silisia hae kwiaró wale whıkópó,” yalepó. <sup>35</sup> Ai fo depa, kale whiné duraalu, “Ti wisirapa, ıa só deraai dere whirapené keletómó naao fo bete wosaai atima ipaae wópólópó,” yalepó. Ai fo yóló ama diki tare whirapepaae duraalu “Pol kale Herot-né doi mole doasi be wisinaalemó beteroóló kaae tawae,” yalepó.

## 24

### *Pol Feliks-né keletómó fo tekăle fo*

<sup>1</sup> Téroó aporó be deı kemetepa, so whımó momaraterere whirapené topo whi Ananias-ró whi disirapetamo yóo, me atima tao sóró fo tekenaterere whi Tertulus yóo, yóló atima Sesaria bepaae derepelepó. Atima

atéro, kale *Gavman* doasi whipaae Pol só deraai dere fo yalepó. <sup>2</sup> Atéro Pol-paae ape yóló wóló daapa, atimané fo eratere whi Tertulus turukó holóló Feliks-né keletómó Pol só deróló dere fo etéro yalepó. “Doa whi-ó, naao teteróló kaae tare aomó dā me ala ini, hosaa muni deyóló mo dua wisiyóló hajtamo beterapó. Ti noatepae, take dā i hae kwia feamó betó mole so whi hōko betaletai, naao dā betere ala wisi eraleteiné mió dā fea mo dua wisiyóló i betó mole ape. <sup>3</sup> Téro, be hulua feapaaekélé, atimané dere ala feakélé, naao dā wisiyóló beterópóló tao sóró beteró betteretei tuēru, yapaae mo doa kée yóló dukirótu beterapó. <sup>4</sup> Yā fóturu yaqsóro dāné yātamo doa fo yaai dumitei, i fo sawa betā dapa wosae.

<sup>5</sup> Ai whinéta, i hae kwia feamó betó mole Juda so whi kuamó bōe dōpóló fopaae bulaté kutu beterapó. Atétu, atima kae Nasaret fakepó. Téro Pol āta, ai fake so whi kuamó doasi topo whi bituraalu, atima ālisó fu beterapó. <sup>6</sup> Téturaalu, ama dāné moma dere be doraaairaaalu wapa, dāné ā tawalepó. <sup>7</sup> (-) <sup>8</sup> Dāné ātamo fo tokóló taleyaai dere beteta, naao ai whipaae mo wisiyóló wosetepa, ti fo fea amatei depa naao kisipa yaalo ai ape,” yalepó.

<sup>9</sup> Até yóló, Pol só deratere Juda so whiné Tertulus-né dere fo mopó yōpóló duraalu, “Ai dere fo feata, mo dapó,” yalepó.

<sup>10</sup> Ai fo depa, kale *Gavman* topo whiné Pol-paae naasené yóló āpaae naao fo yae depa, Pol-né duraalu. “Naao i hae kwia feamó betó mole so whitamo fo tokóló taletu betepa, doasi ba fo keme yaletai, yālo kisiparapó. Tērené, mió atimané ē só deratere fo tokō móturaalu, naao keletómó ē feléi kisipatamo yaai dapó. <sup>11</sup> Ē Jerusalem bepaee Talepaae moma yaairaaalu fele be dēmó, kaae sóró mió imó sókó wouraalu, <sup>12</sup> be dē i kemetere ape. Yālo i dere fo mo dēpé kapala dutéro

naao mo hākemó kelenérápó. <sup>12</sup> Mió ē só deraai du betere Juda so whiné ē me whitamo moma dere bemó ó fo wosetere bemó ó bela tuāmó ó metikimókélé, me whitamo fopaae fo depa, kolóló dumipó. <sup>13</sup> Mió atimané ētamo fopaae buló só deraai fo tokóló taleyaai deretei, i betené dapóló fo wisi mekó depa naao wosaalo meipó. <sup>14</sup> Atérené ēta, dāné ayarapené Kótó aomó dua bitu, Yesu Kerisoné ala sya i fu beterapó. Atéruraalu Moses-né asere foró Kótóné kóló whirapené ere fotamo aomó sukóló bituraalu, mopóló kisipa tiróló sya fu beterapó. <sup>15</sup> Ai betó mole whirapené take waaire alimó Kótóné atimapaee eraaire wisi alamó hajné sukóló biture kaae ēkélé mo betā kaae alatóro yóló beterapó. Ti noatepae, wisi ala dere so whikélé, dowi ala du betere so whikélé, Kótóné ama kepaaraalopó ereteinépó. <sup>16</sup> Atéreteiné, suka fea mo whiné kele tómókélé, Kótóné kele tómókélé, hosaa tuāmó me seke muni, hākeamó mo donoyóló dua i fu betere ape.

<sup>17</sup> Be hulua dokō fea ē atéro kutu betepa, mepaae ba forape keme deté felepó. Atéro momó ē Jerusalem bepaee wouta, *moni* sóró yolealere so whi tao sóró melóo, Talepaae hāle melatere alakélé yóo, yaairaaalu walepó. <sup>18</sup> Yālo ai alarape yóló ē moma dere be dolopaae faai yaletaita, kale momaratere be kaae tare whiné ē fopeyóló duraalu, ‘Yā me ala munipa fae,’ depa faai yalepó. Ē mepaae so whirapetamo touyóló betere alakélé, so whi bōe delatere alakélé depa, atimané kilinipó. <sup>19</sup> Tēretei, Esia hae kwiaró wale Juda whirapené ē só deraai kisipa mutu yaletainé, atima ipaae wóló naao keletómó ē só deróluqsóro ti mo wisi wuāpó. <sup>20</sup> Esia hae kwiaró wale Juda whirape ētamo fo tokóló taleyóló só deraai wenitepata, ti i daae mole whirapené yālo yale dowi ala etérópóló déró kelaai

atimapaae wosae. <sup>21</sup> Atéyale sukamó ę turukó holóló daalu fo fakeyóló duraalu, Kótóné sukutere whi momó kepaaraalopóló kisipa tirateremó atimané ętamo fo tokóló só deraai ai du betere ape,” yalepó.

<sup>22</sup> Yesuné tu wisipaae fole ala Feliks-né mo diriyóló kisipa eru-raalu, Juda so whipaae duraalu “Doasi topo whi Lisias ę ipaae dorowapata, ti ękélé, da fea betamó bituraalu taleyaalopó,” yalepó. <sup>23</sup> Feliks-né betę diki tare whirape kaae tare whipaae duraalu, “Pol wisiyóló kaae tarutei ę bemó tu kinóló beteréni ama fulumu whirapené mepaae ya yare ęla ęlakó male wapa téyópoló yae,” yalepó.

<sup>24</sup> Téró mepaae be ęrape keme-tepa, Feliks ama soma Drusilatamo walepó. Drusilata Juda fake sokó ama omatamo atéro wóló bituraalu, diki tare whirapepaae Pol dape sene fae depa, dape sene felepó. Atéro wóló bitu, Pol-né Yesu Kerisopaae tuę tiki tiratere ala etérópóló yó matepa, kale sekéro somatamoné wosetu betalepó. <sup>25</sup> Pol-né atimamopaae Yesuné alamó mo dono yóló fole ala wisiró, tó tikiné dere ala fea dua wisiyóló kaae tatere alata-mokélé, take nalopaae betę sukamó Kótóné ęané dere ala fea taleyaaire be ę waalopóló dere fokélé du betalepó. Feliks-né ai dere fo woseturaalu, ę witepa Pol-paae duraalu, “Mió sępa fae. Take nalopaae me ęmó tę mutepa, ti yęlo yępaae ape yaalopó,” yalepó. <sup>26</sup> Feliks-né Pol-né dere fo wosaai eķęle yóló hękese yaletaita, hęle mei, Pol-né monikó melópoló kisipa muturaalu, ama dere fo wosetua, momómo *dipula* beteręleta dua du betalepó.

<sup>27</sup> Atéro, ba fo tamo kemeyóló kęlipaae Porsius Festus Feliks betale sirimó sóró beteralepó. Tétepa, Feliks-né Pol *dipula* hęle beterópoló taaralepó. Aita noa betené ini, kale Juda so whiné tuę tiki felé eraai kisipa muturaalu, betepa taaralepó.

## 25

### *Pol Festus-né keletómó fo tekęle fo*

<sup>1</sup> Téró, kale whi Festus-né ama tęteróló kaae tawaaire hae kwia tuamó tęne be Sesaria bemó sókó wóló, be ę sore keme-tepa ai be taaróló Jerusalem bepaae holalepó. <sup>2</sup> ę atéro fóló beteremó, so whimó Talepaae momaratere topo whiraperó Juda topo whirapetamoné Festus-paae Pol só deraai fo fea yalepó. <sup>3</sup> Ti fo yóló ępaae woseturaalu “Naao da feléi kisipa muaire alakó eróturaalu, ai whi i Jerusalem bepaae wópoló, dotonaasepe,” yalepó. Atimané atéro yale fota, Pol Jerusalem bepaae hotepa tumó melaa yóló daai kisipa mutu yalepó. <sup>4</sup> Tétepa kale topo whi Festus-né atimapaae duraalu, “Pol ę Sesaria *dipula* bemó me ala yaęsóró kaae tawóló beterapó. ękélé, imó sawa betóló momó Sesaria bepaae faai asiri horalepó. <sup>5</sup> Térapa, diaaę kisipané ai whi tuamó me dowi alakó mupa, ti dię be kaae tare whirape ętamo Sesaria bepaae fópoló dotonaasepe. Atétepa, ti atimané ama yale ala hękearatepa, ti aimó fo tokóló tale yaalopó,” yalepó.

<sup>6</sup> Festus ę Jerusalem bemó 8 ó 10-ró be ęrape kemetepa ti ę Sesaria bepaae derepelepó. Atéro hęka be ętepa, kale whi fo tokóló taleratere bemó bituraalu, Pol dape só ape, yóló fo tokóló tale yaai yalepó. <sup>7</sup> Tétepa, Pol dapesó wóló daapa, Jerusalem beró dorowale Juda whirape atima Pol daalepaae bopéręle wóló daae molepó. Atępa, atimané ętamo fo tokóló taleratere fo betekélé meipatei, kae kae só deróló dere dowi forape deķéro hęko du betalepó.

<sup>8</sup> Tétepa, Pol-né atimapaae i fo yalepó. “Yęlo atima Juda whirapené muló betere fo tukóló, ó atimané moma dere bekélé, ó tęteróló kaae tare *Gavman* whi Sisané fo muló betere alakélé, doratere ala mo inipó,” yalepó.

9 Ti fo depa, Festus-né Juda so whiné kisipa felé yópóló kisipa mutu, Pol-paae duraalu, “Fo tokóló taletere ala yálo ó Jerusalem bemó yaalopa, yá ópaae honére?” yalepó.

10 Ai fo depa, Pol-né apaae duraalu, “È i betere fo tekètere beta, Sisané fo tekètere bepó. Térené fo tekètere ala imótóro depa ti sùrapó. Ai Juda fake whirapepaae yálo me dowi alakélé eréniretei naao mo kisi-parapó. 11 È tuámótamo me dowi ala kwia mupa, ti è yálo yale alamó kwia mótu, sinaaipa, dópóló yae. Téretei, mepaae Juda whiné bete meipatei hãle è só deraai depata, ti mepaae whiné Juda fakené hêkesere ala eraai è mené naase tuámó mu-laairetei Rom *Gavman*-né ai tų munipó. Térené Rom *Gavman* Sisané yálo fo tokóló taleyópóló Sisa doi dapó,” yalepó.

12 Atétepa, kale whi Festus a tao su mepaae kisipa matere whirapetamopi fo betámó yóló duraalu, “Sisané naao fo wosópólópó yóló kisipa mutupata, ti Sisa beterepaae faasepóló doteyaalopó,” yalepó.

### *Festus-né Agripapaae Pol-né yale fo du betaleteti*

13 Ai ala yóló mepaae be de kemetepa, *Kin* Agriparó ama nema Bernais-tamo Sesaria bepaee wóló, Festus a doasi whi sóro beteró betereiteiné apaae mo kée yóló ekéi fo wisi yaai felepó. 14 Atimaamo Sesaria bemó be derape dekéro bituraalu, Festus-né Pol-né yale alarape fea yó mótu betalepó. Atéro duraalu, “I whita, mo take Feliks-né *dipula* beteraleteitóro hãle betepa taaló beterapó. 15 Take è Jerusalem bemó betere sukamó so whimó momaratere topo whiro Juda whirape tetéroló kaae tare whi disirapetamo è beterepaae wóló, Pol só deraaire fo ene walepó. Atéro duraalu, ama yale alamó kwia mótu só derae yalepó.

16 Ti fo depa, yálo atimapaae duraalu, da Rom fakené fo tokóló tale

inipatei, hãle susupuratere ala hoko dumipó. Térapa, diã mepaae whiné atamo fo tokóló taleturaalu, dané keletómó diaaq só deratere fokélé, ama yale fokélé, depa wosaalopó,” yalepó. 17 “Atéro kale whirape da fea wóló, ai hikatóro fo teketera bepaee fóló, atimapaae Pol dapesó ape yalepó. 18 Téro, Pol só deraai wóló betó mole whirape wóló, i whi etei kaae dowi ala depa dapóló bete mole fokó yaalo nisi yalemó inipó. 19 Atétepa, atimané Kótópaae moma dere ala kae yóo, Pol-né kale sukãle whi Yesu momó kepaayóló beterapó yóló dere fo kae yóo, dere fomó dóroi yóló dere formaaté wosalepó. 20 Atétepa, ai fo bete wisiyóló kekãlemó, tų me munipa, yálo Pol-paae yá só deratere fo Jerusalem bemó fo tokóló wosaalopa, yá ópaae holaaloé? yóló wosalepó. 21 Téyalemó ama duraalu, Sisané fo tokóló tale erópóló depa, a Sisa beterepaae dotonaairaalu wei nuku kaae tawóló i beteró betere ape,” yalepó.

22 Ai fo depa, kale *Kin* Agripané duraalu, “Èkélé ama dere fo betekó wosaai dapó,” yalepó. Ti fo depa Festus-né duraalu, “Dó hika be detepa ama dere fo bete naao wosaasepe,” yalepó.

### *Pol Agripané keletómó daayale fo*

23 Atéro hika be detepa, Agriparó Bernais-tamo *kin*-né kuti deróló walepó. Atéro wapa, kale *Gavman*-né sóro daaló betere topo whiraperó ai be hulua kaae tare doasi whirapetamo atima fea wóló touratere bepaee derepelepó. Atéro betepa, Festus-né diki tare whirapené doasipaae Pol dape sene fae depa, dapesó wóló daalepó. 24 Téro, Festus-né duraalu, “Doa *Kin* Agriparó doasi whirapetamó, diãné i whi kelae. Juda so whi feanékélé, Jerusalem be hulua so whinékelé, i be whi so whinékelé, ai whitamo fopaae buturaalu, epaae fo tokóló taleyóló só deraai du



betere whi ai ape. Tétu, atima fo fakeyóló epaae duraalu, ai whi momó beterópóló meipa mo ti dóló alurae du betere whi ai ape. <sup>25</sup> Yalo kisipa fatepa, i whi tuamó a sukópóló daaire betekélé, mo meipó. Téretei amatei, Sisané ama fo wosóló taleyópólópó yaleteiné yalo a Rom *Gavman* Sisa beterepaae dotonaa yalepó. <sup>26</sup> Té yaairaalu, dané doasi topo whipaae etérapóló asę yaai dere dowi ala kwia mekó yalo kilinipó. Tépatéi, yalo hāle noa fo asę yaaloé? Téreteiné, doa whi Agripa yaata, ti doasi teteróló daale topo whiipa, naaotei fo bete donoróló wisiratere fo wosaai dapó. <sup>27</sup> Ti noatepae, ama yale alarape fea asemó eróló soro fupata, ti wisirapó. Aténi, *dipula* whi *Gavman* whi beterepaae hāle hōko dotonaterere ala tu munipó,” yalepó.

## 26

<sup>1</sup> Ai fo du beteró kemetepa, Agripané Pol-paae duraalu, “Naa yale alarape fea naaotei yae,” depa, ama naase horóló atimané a só deratere mo nisi yaqsóro, kaae sóro yalepó.

<sup>2</sup> “Doasi *Kin* Agripa-ó, ai Juda whirapené e só deratere fo yalo me dowi alakó yalemó dere nisi yaqsóro, naao keletómó e hēkesetamo atima dere fo tokó melaai dapó. <sup>3</sup> Ti noatepae, yaata da Juda so whiné mara mole alakélé, atimané doro du betere fokélé, naao mo wisiyóló kisiparapó. Téreteiné, yalo i dere fo betā naao wosaasepóló dapó.

<sup>4</sup> E mo take ketemó yalo turuku bemó bituraalu, yale alaró Jerusalem be huluamó bituraalu yale alarapetamokélé, mió i deté kutu betere alarapekélé, mo fea Juda whirape atima kisiparapó. <sup>5</sup> Ti eta mió kisi wale whi mei, take bituraalu yale alarape fea atimané tuę ereteiné yalo noa alakó depa, atimané kilitikimó ti atimané enérapó. Kale Farisi whirapeta, Kótóné ala eraai mo doakale keteke bole fakerapetamo titiyóló betā kutó yale whi e i ape. <sup>6</sup> Take Kótóné dané

ayarapepaae etei ala mo eraalopóló ere fo yalo mopóló kisipa tiratere alamó atimané mió etamo fo tokóló só deraai ai du betere ape. <sup>7</sup> Kale da 12 Israel fakerape dokopaae, Tale Kótóné i ala eraalopó yóló mulale fo mo dokonatepa kelaai hātamó beterapó. Tétu, detamokélé, diki-tamokélé, betere dokó fea Kótóné dirae ere kutó betā dirótu beterapó. Agripa-ó, ai ala du beteremó ai Juda so whiné etamo hāletei fopaae buló só deraai dapó yalepó. <sup>8</sup> Sukutere whi Kótóné ama momó kepaaróló beteratapó dere fomó, diā noatepa sira du bitu de?

<sup>9</sup> Take yalokélé, ai Nasaret whikó Yesu Kerisoné doimó du betere ala taalópóló sesé dere ala yaairaalu, yalo tuéné mo wisi ala nisiyóló e mo doakale keteke buale whipó.

<sup>10</sup> Yalokélé ai kaae kisipa mutu, Jerusalem bemokélé, atei alatoró yalepó. So whimó momaratere topo whirapené Keriso so whi sóro *dipula* beterāleta yae depa, ai ala dua yalepó. Téturaalu, mepaae so whi mo ti daairaalu epaae wosetepa, yalo ‘Téyaalopa sae,’ dua yalepó. <sup>11</sup> Be de dere dokó e Keriso so whi Juda whiné fo wosetere berape dokó yóló, betó mole so whi tawóló sóro susupu eraairaalu beterāleta dua yalepó. Atéturaalu, atimané Talepaae dowi fo yópóló, doakale dowi susupui ala erótua yóló, e doasi fopaae butu, botokó fóló kae hae kwiamó betó mole so whikélé sya kweyóló susupurótua yalepó.

<sup>12</sup> Yalo até dere alamó so whimó momaratere topo whirapené yalo dere ala wisirapóló atimané e sóro daalóló Damaskus bepaae dotonalepó. <sup>13</sup> *Kin* Agripa-ó, atimané e atéro dotonatepa fu betalemó, tu tuamó 12 *kilok* sukakelemó samó mo ama kae dené ekélé, yalo fulumu whirapekélé, da fea daale tiki deralepó. Ti ai deta, sukané dekélé ai kaae meipó. <sup>14</sup> Ai denétei, da fea dóló beseké yóló haemó muó

molemó, betã foné Erameike fo yóló duraalu, ‘Sol! Sol! naao noatepa ę susupuraté kutu bitu de? Naao ai dere alata, kale *bulmakao* hupu hokotere whi dósuyóló nuku dere kae, naao dere alané yaıteı, susupu saalo ai ape,’ yalepó.

<sup>15</sup> Tétepa yaıo ąpaae wosetu-raalu, ‘Tale-ó, ya né de?’ depa, Talené ępaae duraalu, ‘Ęta, naao susupuraté kutu betere whi Yesupó.

<sup>16</sup> Térapa ya turukó holóló, naao hęleke donoyóló daane holae. Mió ę ya beterepaae wóló i daaleteita, ya yaıo kutó diratere whi bitu, naao keletere ala yó maté kweyópóló sóró betterale walepó. Téturaalu, nalo yaıo ąpaae me ala yó melaalopó.

<sup>17</sup> Atétu, ya naao fake so whinékélé, Juda meire fake so whinékélé, ya daqsóró ę yaıtamo wusuró betaalopó.

<sup>18</sup> Yaıo ąpaae ai eratere alata, ya fóló kale kele dikire so whi kele fisęae faraalopó. Téturaalu, atima diliki tuámó bettereteı taaróló de tuępaae waalopó. Atima kale Satan-né tęteróló kaae tareteı taaróló, Kótó betterepaae wapa, ti atimané dowi ala yaıo tokóló kemeraalopó. Até depata, ti ai so whi ępaae tuę tiki tiróló betó mole so whi kuamó, betámó betteraalopó,’ yalepó.

<sup>19</sup> Térapa, *Kin* Agripa-ó, i dere forape feata, yaıo ó hepen bemó noke naró dere kaaené depa kelale ala taaréni, hęle tuę yó tareteiné yaıo i fo tukóló me ala enénipó. <sup>20</sup> Ai alarape fea, mo folosóró Damaskus be hulua so whipaaepi yó melóló nalota, ti i Jerusalem bemó betó mole so whipaae yó melale walepó. Téturaalu, Judia hae kwiapaaekélé, Juda meire so whi betere hae kwia-paaekélé, mo fea Kótóné fo tuę yópóló yó melaté kweyalepó. Dowi ala fea taaróló, tuę tiki feteyóló Kótó betterepaae wapa ti tó tikimó dere nisi yaqsóró, mo ala dapó yópóló, naao dere alané hękearae.

<sup>21</sup> Yaıo ai fo yó matere betené Juda whirape wóló moma dere be dolomó

ę tawóló daai yalepó. <sup>22</sup> Téyaleteti, Kótóné ę tao sere ala take kaae sale be demó deté waleteti, mió i daale tuámókélé ai alatóró hęle yó tapa i daale ape. Atéreteiné, mió dię doasi doi mole whiraperó doi munire whirapetamo betó mole tuámó yaıo kelale ala i yó mótu bettereteita, me kae kisi fo meipó. Mo take Moses-ró Kótóné kóló whirapetamoné i ala yaalopó ere fo mo dokonótu erale ala i yó mótu betere ape. <sup>23</sup> Ai whirapené ere fo i ape. Tęteróló kaae tanópóló sóró daaló betere whi Keriso doakale dele sóró mo ti sukęaloteı, momó kepaayóló betaalopó. A atéró kepaayóló bitu, Kótóné daıo saaire fota, diliki tuámó de erótu betere kaae ama Juda so whiró Juda meire fake so whitamopaae yó mótu betaalopóló erapó. Ai ere fota, mió i yó mótu betere ape,” yalepó.

<sup>24</sup> Pol-né ai fo deremó Festus-né ama du betere fo tęteróló fo fake yóló duraalu, “Pol-ó, naao ai du betere fota, ya doakale *skul* du betale tikimó naao topo doturaalu ai dere ape,” yalepó.

<sup>25</sup> Ti fo depa, Pol-né ąpaae tokó mótu duraalu, “Doa whi Festus-ó, ę topo doyóló dumi, mo bete mole fotóró yaıo i dere ape. <sup>26</sup> Kale

*Kin* Agripané i du betere foraperó dere alatamo bete mo fea ama diriyóló kisiparapó. Atérené wi yóló ini, mo halaaíné ąpaae du betterapó. Ti noatepae, ai ala feata hiyóló yaaire ala meipóló kisipa mutu dapó.

<sup>27</sup> *Kin* Agripa-ó, kale Kótóné kóló whirapené ere fo naao dosęayóló mopó yóló tuę tiki tiróló betterapóló yaıo mo diriyóló kisiparapó,” yalepó.

<sup>28</sup> Ai fo depa, Agripané Pol-paae duraalu, “Naao ai dere foné miótitoró yaıo tuę tiki hapale feteyóló Keriso whi betteraaló?” yalepó.

<sup>29</sup> Ti fo depa Pol-né ąpaae duraalu, “Miótitoró kisipa feteyóló Keriso whi betaai depakélé, me be demó betaai depakélé, ti me ęla meipó. Téreteiné

yalo i dere fota, yapaae maaté dumi, mepaae ai daai mole so whi fea-paaekélé, e betere kaae beteropólo kisipa mutu, Talepaae moma du beteropó. Tépatéi e i ere kaae sein képiné dokotere ala betá erópólo moma erótumipó,” yalepó.

<sup>30</sup> Pol-né ai fo deremó kale Kin Agriparó ama nema Bernais-tamokélé, kale Gavman whiné sóro betéro betere whikélé, atimatamo betó mole so whikélé, fea turukó holólo belapaae felepó. <sup>31</sup> Atima atéro belapaae tóe fóló daae muluraalu atimasisi fo tiki kelaarólo duraalu, “I whi sukópólo daaire ala ó dipula beteraaire ala betekélé munipó,” yalepó.

<sup>32</sup> Téró, Agripané Festus-paae duraalu, “Ai whiné amatamo Sisané doi yóló ama fo talerópólo uameisoró, ti mióti fópólo yalo dotonóluqpo,” yalepó.

## 27

*Pol wei nukumó Rom bepaae fele fo*

<sup>1</sup> Atimané dá Itali hae kwiapaae wei nukumó fópólo, taleyóló tukóló muló betepa, Pol-tamo mepaae dipula whirapekélé, diki tare whirape kaae tare whiné naase tuámó mulóló doteyaaí yalepó. Ai kaae tare whi Julias-ta, Sisané ama kae betéro betere diki tare whi doi mole fakekópó. <sup>2</sup> Téró, dá fóló Adramitium be whiné nukutei Esia hae kwiamó wei fóku seseke kotere nuku duló betepa, dá sóro felepó. Ai nukumó Masedonia hae kwiamó tene be Tesalonaika be hulua whikó Aristarkus-kélé, dátamo felepó.

<sup>3</sup> Dá atéro fóló wei tómó fiyóló hika Saidon bemó sókó felepó. Ai bemó nuku daaróló Julias tué wisi muturaalu, Pol ama fulumu whirape betere tikipaae a yayare olakó melópólo kweyae yóló dotonalepó.

<sup>4</sup> Téró, dá ai Saidon be hulua taaróló felemó, dá faaire tikiró doakale besé tiki wouraalu faai dere

sunipa, Saiprus hae kwia fakeró wei fanoko seseke besé wale tiki kinaté felepó. <sup>5</sup> Téró, dá Silisia beró Pampilia betamomó mole wei kela tuámó tukóló fóló, Lisia hae kwiamó tene be Maira bemó sókó walepó. <sup>6</sup> Téró dá ai bemó sókó fóló, kale diki tare whirape kaae tare whiné Aleksandria be huluamó Itali be huluapaae faaire nuku duló betepa kelalepó. Atépa, dá ai nukumó betéro felepó. <sup>7</sup> Téró, dá beséné dere alamó dua wóputé fu betepatei, be derape dekéro kemeyalepó. Até deté furaalu, Nidus be kese faté felemó doasi besé tikiné fenénipa, depaae bolokó felepó. Atéro, weiné bopéro daaló betere hae kwia Krit tuámó wei fókumó tene Salmone bemó sókó felepó. <sup>8</sup> Téró dá mo doasi besé tikiné fenénipa, hae duné kinaté mo dua wóputé wei fanoko seseke fu betalepó. Téró Lasea be felekemó betá wei sukóló mulale fale tiki wisinaale doi mole nuku dulótua dere tikimó sókó felepó.

<sup>9</sup> Atéro, wóputé fu betepatei, be derape dekéro hale kemeyalepó. Téró, kale Juda whirapené ola weyóló betere be de kemene folepaae, beséro sosóli alitamo felekemó waai yalepó. Atei kaae be demó wei tómó nukutamo kotere ala mo wisinipóló kisipa mutu, Pol-né nuku só kotere whirapepaae i fo yalepó. <sup>10</sup> “Ti be whi-ó, dá mió doai sosóliro besé alitamo tuámó fupata, ti dakélé, i nukukélé ola olakélé, mo fea tuá tikimó aluyaalopó,” yalepó. <sup>11</sup> Ti fo yaletéi, kale diki tare whirape kaae tare whiné nuku taleró nuku só kotere whitamóné dere fo woseturaalu, Pol-né dere fo sisópaae eralepó. <sup>12</sup> Kale ai wei sukóló mulale fale tikimó dá sosóli ali kemeyópólo kaae tawóló betaai yaletéi sosóliné betenénipa, fo tiki kelaaróló tale yalepó. Atéro mo turó whirapené duraalu, ai hae tikimóteí me be hulua Finiks-mó betaai faalopó depa felepó. Ti ai wei nuku duráleta dere tiki Krit haeta,

*saot-ró west-tamo upaae ene fóo, norti-ró west-tamo ipaae ene wóo epa tuámó erapó.*

*Doasi besé tikiró hali tikitamo wale fo*

<sup>13</sup> Atima atéro uté *saot-ró* fakeró maaté sawa béi besé wapa, kale nuku duló betere halika teraayóló atima Krit wéi fóku seseke faairaalu felepó. <sup>14</sup> Téró atima mo tu-paae fenipatei, hasi bosenóló wéi tómpaae dorowale doakale fotokó besé tiki né doi *norti-ist* besé sókó wouraalu kale nuku tao sóró feteraai yalepó. <sup>15</sup> Ai besé tiki né nuku tao sóró wéi kulu tuapaae taae fatepa, besé walepaaetei, jalesumó hóné sukálepó. Atétepa, ama kóleaané sóró fópólópó nuku bisiki tao diliki yóló hále betó mupa, beséné amatei sóró fu betalepó. <sup>16</sup> Téró, besénétei sóró fóló wéiné bopéróló daaló betere hae kwia Kaoda-mó sókó felepó. Atéro ai hae tiki né kale besé kinóló fanokomó seseke furaalu, kale belekãamale nuku doasi nukumó dulaairaalu wolopeté felepó. <sup>17</sup> Téyale tikimó beséro hali tikitamo wouraalu, fotokóné fenénipa kale nuku sóró doasi nuku tó mó beleralepó. Atéro halika tiki né atima betere doasi nuku tekée faqsóró, ó kwiaró a kwiatamomó sýyóló dokóo, tuámókélé sýyóló dokóo, yalepó. Aita nuku hapale hoko furaalu, atikámó dée tane fóló atima doraqsóró wituraalu yalepó. Kale wéi tó mó ama kóleaané fópóló nuku kejraté fole kuti kwia wéipaae deróló duralepó. Ai wéi kulu tuámó tukure halepané doita, Sirtis-pó. <sup>18</sup> Téró, fiyóló hãkakélé doakale besé tikiró wéi asyatamoné dá felekemó sóró deratepa, nuku fé yópóló ai muó mole ɔla ɔla sóró wéipaae kaae sóró teraayalepó. <sup>19</sup> Sore eraterere be demó dá mo felekemó alunépa, kale nuku kotere ɔla ɔlatei tao suyóló wéipaae teraayalepó. <sup>20</sup> Atéro, sukakekélé hõrekélé mo sawa keleni, besé tiki betá hále

wómaaté tapatei be derape dekéro kemeyalepó. Atétepa, dá betaaire kisipa mei, mo sukãaire kisipa betá muóló betó molepó. <sup>21</sup> Atére alamó kale be whãrape atima bitiré wale dokó ɔlakélé néni, wote siri betó molepó. Atéro, Pol turukó holóló duraalu “Ti be whã-ó, take yálo Krit hae kwia taaróló faalo meipó yale fo diaaɔ wosuãsóró, ti dá etei kaae seke sóo, diaaɔ ɔla ɔlakélé wéipaae teraa yóo, wuã meipó. <sup>22</sup> Téretei mió yálo diãpaae mo dapó. Dá i betó mole whãkó wéimó aluyaalo meipa, betá kisipa muóló faalopa sae. I nuku betá wéi tuámó doyaalopa dá wi dere ala ini, hosaa diriyóló betae. <sup>23</sup> Ẽ Tale Kótóné ama kutó dirópóló sóró beteró betere whãreteiné, take dilikitamo hepen bemó kutó diraterere *ensel* ẽ felekemó daane walepó. <sup>24</sup> Atéro, ẽpaae i fo yalepó. ‘Pol-ó, yá wi yaqse. Kótóné kólené sukutere ala yátamo mulu, Sisané keletómó daalu fo tokóló tale inipatei, yá ró ai nukumó betere whãrapetamo alu yaalo meipó,’ yalepó. <sup>25</sup> Térapa, ti be whã-ó, diã i wéiné dere alamó wiyóló diri furu furu yaqse. Tale Kótóné ama kutó diraterere *ensel*-né ẽpaae yale fo motóró eraalopóló kisipa mutu, yálo hosaa muni deyóló hájné sukóló i betere ape. <sup>26</sup> Téyaalotei, i nuku betá ti wéiné bopéróló daaló betere hae kwia felekemó tukure halepamó dene fóló doyaalo ai ape,” yalepó.

*Wéi nuku doyale fo*

<sup>27</sup> Téró, dá Adriatik doasi wéi kãla tuámó fu betepatei, 14 be derape kemeyalepó. Ai 14 be de dilikitamo 12 *kilok* kale nuku só kotere whãrapené tuéné mió kale wéiné bopéróló daaló betere hae kwiaapaae felekemó sókó faai dapó kisipa mualepó. <sup>28</sup> Atei kisipa mutu, halepa feleke déró kelaai sawa sekei ɔla deralepó. Téyalemó, wéi dolopaae doropóló hae olaane derepele dále dokó salemó 37 *mita* epa kelalepó. Atéro sawa fóló tumó kale dere kaae



momó deróló salemó 27 mita epa kelalepó. <sup>29</sup> Atéteremó, kale nuku hapale furaalu, wēi dolomó daae mole kapomó dene folo dā felekemó doranépa witu, sekēi ɔlarape nuku salemó douro duwóló deralepó. Atéro, furaalu, be hapale deyoópoló moma deté fu betalepó. <sup>30</sup> Kale nuku só kotere whirapené weiné atima sóro aluraosóro botokó faaire tu keketu i ala yalepó. Atimané mepaae whirape dilikóló atima faai kale sekēi ɔlarape nuku topomó duróló deratapóló, belekāmale nukuné halika teraatu betalepó. <sup>31</sup> Téyaletei, Pol-né kale diki tare whirapené topo whiro ama diki tare whirapetamopaae duraalu, “Ai whirape atimatamo i nuku tuamó bitini depata, ti dā fea weiné dóló aluraalopó,” yalepó. <sup>32</sup> Atétepa, kale diki tare whirapené nuku belekāa tiki duló betere képi wēi dolopaae turukóló taae deralepó.

<sup>33</sup> Téro be deteretamo Pol-né ai whirapepaae duraalu, “Diā fula tamó tuā weiné dere alamó aso sókó fóló bitu, ɔla sawakélé olaa yóló bitinipó. <sup>34</sup> Atéyaleteiné mió yālo diāpaae ɔla nae yóló sē dere fo i dere ape. Diā wotené sukaosóro fotokō buópoló ɔla dekéro nae. Diāta, weiné mo betā whikókélé aluréni, wisiyóló dua sókó fóló betaalo ai ape,” yalepó. <sup>35</sup> Ai fo yóló kilipaae bred o bula sóro taru atimané keletómó Tale Kótópaae mo kée yóló kolokó daalu yóló, ā kaae sóro nalepó. <sup>36</sup> Atétere ala kilitu, whirape fea hosaa muni deyoóló haıtamo atimakélé sóro nalepó. <sup>37</sup> Dā ai nukumó betale whirape dokō suraalu, 276 whirapepó. <sup>38</sup> Atima ɔla nóló kemeróló kelalemó, kale nuku sekē epa fé yoópoló whit o yorape weipaae sóro teraayalepó.

<sup>39</sup> Atéro folo, hıka be detepa, betā hae kwia epa kelaletē ai hae tiki atima wisiyóló kisipa inipó. Atéro ai hae kwia ere tikipaae kese faralemó, wēi sukóló mulale fale atikā wisinaale keletepa aimó nuku dakerāle

faalopó yalepó. <sup>40</sup> Atéyaairaaalu, kale sekēi ɔlarape duló betere halika tikirape turukóló wēi dolopaae taae deralepó. Téro kale nuku só kotere ni fake dokore halika tikikélé teraayalepó. Kale nuku beséné sóro fópóló duló betere kuti kwiarapekélé, teraayóló mulaletēi, momó ó nuku kwia fójro woloralepó. Atéro, atima wēi fóku atikā tópaae sókó faai felepó. <sup>41</sup> Téyalemó, kale nuku furaalu, wēi tuamó sokore halepamó deyoóló kāae saletikimó tokóló faaitere mo sunipó. Atépa doasi wēi asyané, kale nuku sale mo terekeyóló taae falepó.

<sup>42</sup> Atétepa, kale diki tare whirapené dipula whirape botokó wēi ālaae faosóro mo fea dóló aluraai tuē mualepó. <sup>43</sup> Té yaai yaletēi, atima kaae tare whiné Pol sinaosóro kisipa mutu, diki tare whirapené yaai yale ala sesé yóló taalalepó. Atéro, kaae tare whiné duraalu, diā mepaae wēi ālaae fole kisipare whirapeta, ti wēi ālaae fae yalepó. <sup>44</sup> Mepaae wēi ālaae fole ketere whirapeta, ti ai nuku terekée fele ni fake halake dolomó bulóló ālaae fua yae depa, atima fea ai fotóro sya fóló, wisiyóló sókó felepó.

## 28

### *Pol Malta haemó betere fo*

<sup>1</sup> Dā sókó fele wēi fókuta, weiné bopéro daaló betere hae Maltapó. <sup>2</sup> Ai Malta so whiné dā mo wisiyóló dape sóro simó beteralepó. Aita, doasi sosóli ali tuā dolomó hali nale tikimó sosóliné dā sukutepa, simó tiki dirirótu betalepó. <sup>3</sup> Pol ai felekemó yó mole si detāame betāpaae yóló simó bilirótu beterepó, whı tukó nokole wuli male si detāame dolomó buói si supumó sókó wóló Pol-né naasemó tukó naalepó. <sup>4</sup> Atétepa, kale ai be tale so whiné wuliné Pol-né naasemó fı yó tapa kolóló, atimasisitei duraaalu, “Ai whıta, whı dilé kotere whı erurapó. Atétereteiné dowi

ala dere kwia tokó matere kótóné ą wejné dóló aluréni, taaróló mió imó wuliné ai dele ape,” yalepó. <sup>5</sup> Tépa, kale whjné ama naase fépo yalemó, kale wuli male si dolopaae taae dere felepó. Até yaleteti, Pol ą naase tópuóló dotopo dere alakélé inipó. <sup>6</sup> Téró, ai daae mole so whjné Pol-né naase dotopo yóló tóputere ala ó dukó fóló sukutere ala kelaai kaae tawóló daapatei, suka kele doasi keme yalepó. Kale seké me alakélé initere ala kilitu, atima kisipa tiki momó feteyóló duraalu, i whjta kótóteipó yalepó.

<sup>7</sup> Téró, Malta hae teteróló kaae tare topo whj Puplias-né ama hae ai wej fóku felekemó erepó. Ai sekéné ą ama bepaae mo dua wisiyóló dape sóró kaae tawalepó. Atéró, ątamo betepa be ą sore kemeyalepó. <sup>8</sup> ą atéró beteremó, kale sekéné alima topo supu dere kisiró diasatamoné sukóló mupa, Pol-né ą keke fóló momaróló naase mulalemó, kale whj wisiyalepó. <sup>9</sup> Até dere ala kilitu, ai bemó kisi daayóló muó mole so whj mo fea Pol beterepaae wóló betó mupa, ama wisirótua yalepó. <sup>10</sup> Atétere ala kilitu, ai so whjné ą dukiróló doasi whj ąralepó. Téró, ą ai be taaróló faaitepa, ą ąyąre ąla ąla fea atima melalepó.

#### *Pol Rom bemó sókó fele fo*

<sup>11</sup> ą ai bemó wélié sore beteró faairaalu, nuku kekąlepó. Téyalemó Aleksandria whjrapené nuku sosóli ali ereteiné ąle muló betepa, ą ai nukumó bitj felepó. Ai nuku kwiamó, betą be ąmó deale kótó naale tamo Kastaró Poluks-tamo suróló aleale aso dakeró beterepó. <sup>12</sup> Téró ą Malta taaróló fóló, me wejné bopéro daalo betere haemó tene Sirakus be huluamó sókó fóló, aimó be ą sore daayalepó. <sup>13</sup> Atéró, ą ai be hulua taaróló fóló, Resium be huluamó sókó felepó. Aimó fiyóló hjka ti ą u saot fakeró besę wapa, taaróló fóló tų tuąmó fiyalepó. Atéró fóló, Puteoli be huluamó

sókó felepó. <sup>14</sup> Téró wej nuku taaróló mepaae Keriso norapené ą dape sóró atimatamo be ą wejkeró betalepó. ą atéró beteró, nalo ti mo hae tųmó fóló Rom be huluamó sókó faai felepó. <sup>15</sup> Téyalemó, Rom bemó betó mole Keriso no nerapené ą wou beterapó dere fo woseturaalu, mepaae so whj atima ątamo hokolaa yaai ąla dotonóló dupu dere tiki Apius-paae walepó. Mepaae uké wale whjrape fiyópóló be sore teneó betere tikimó hokolaane walepó. Atéyaai mo umó wapa Pol-né atima kilitu, Talepaae mo kée yóló haj yalepó. <sup>16</sup> Téró ą Rom bemó sókó fóló, Gavman whjné Pol ą ama wotoró kae bemó beteróló diki tare whj betą ą kaae tawóló beterepó.

#### *Pol ą diki tare whjné kaae tapatei Talené fo yó maleteti*

<sup>17</sup> Téró be ą sore kemetepa, Pol-né Juda topo whjrapepaae tourąle ape yóló betó mupa duraalu, “Norape-ó, ąlo so whjpaae dowi ala mekó eréni yóo, ąné ayarapené mara mole alakélé, doréni yóo epatei, atimané ę Jerusalem bemó ąle tawóló dipula beterópóló, Rom Gavman-né naase tuąmó i muló betere ape. <sup>18</sup> Téró, Rom Gavman whjné fo tokóló talerąlemó, ę doló sukunaai dere dowi ala kwia mekó munipa, fópóló dotonaaai yalepó. <sup>19</sup> Téyaleteti, Juda whjrapené meipa dipula beterae dere fomó, ąlo ti wisirapa Sisané ąlo fo tokóló taleyópóló Sisa doi yalepó. ąlo atéyale alata, ąlo so whjtamo fo tokóló atima só deraai kisipa mutu ini, atimané ę ąleteti dipula beterae depa yalepó. <sup>20</sup> Ai fo ąkearóló diąpaae yaairaalu, ape yalepó. ę sein képiné i dokóló muló betereiteita, kale Israel fake so whj Kótóné tao saalopóló hajtamo betere ala mo dokonale betené ę sein képiné dokóló i betere ape,” yalepó.

<sup>21</sup> Ai fo depa, kale whjrapené ąpaae duraalu, “Mepaae Judia hae kwiaró wale norapené naao i dowi ala yalepó yóló, ąpaae fas asę yóló

ɔlatere ala ó kɔlóné ene wale alakélé inipó. <sup>22</sup> Atépatéi, ɔané mió naao kisipa mole fo betɔ wosaai ɔapó. Ti noa betené dumi, be hulua feamó betóló fale so whɛné duraalu, ɔa i fake tuɔmó bukótamo yóló kae bitɛ fale so whɛ dorapó depa ɔané wosetu beterapó,” yalepó. <sup>23</sup> Ai fo kɛlaaraai, atima momó touraaire be ɔe tukóló mulalepó. Ai kale tukóló mulale be ɔe sókó wapa, take folosóró wale whɛrapetamo mepaae kae wale tikimó, so whɛ mo fea hɛle ɔla kaae Pol betere bepaae wóló touralepó. Atéro betó mupa, Pol-né Kótóné tɛteróló kaae tare aɔmó mole ala etérapóló yó mótu, Moses-né asɛre foró Kótóné kɔló whɛrapetamoné ere fotamo yó mótu betalepó. Téro ai fo mo dokonóturaalu, Yesu mo ai wale ape yóló hikati kaae soró yó maletéi be dikiralepó. <sup>24</sup> Ai fo woseturaalu, mepaae so whɛ Talepaae tué tiki feteyóló tiraletéi, mepaae tué fetenipó.

<sup>25</sup> Atéturaalu, atimasisitei kae kae kisipa muóló foné u só derótu i só derótu du betepa, Pol-né fo kemerótu i fo yalepó. “ɔe Kepe Wisiné ɔané ayarapepaae Kótóné ama fo wisi yó móturaalu, Kótóné ama kɔló whɛ Aisaiané kɔlómó mo fo erapó.

<sup>26</sup> ‘Yɔ fóló, yɔlo so whɛpaae i fo yae.

Take diaaɔ yɔlo fo wosaalotei foné bete wisiyóló kisipa muaalomeipó.

Take diaaɔ yɔlo dere ala mo kelené kelaalotei, ai alané bete diaaɔ kisipa yaalomeipó.

<sup>27</sup> I so whɛné hosaa hapólu eru, atimané woséliné wosaaireteikélé, mo hapólurapó.

Atima kelené bete wisiyóló kelaɔsóró keke hukunó beterapó.

Atimané woséliné wosenalemó, bete wisi wisiyóló wosóo, atimané tué tekeyóló bete kisipa duraalu, epaae feteyóló wapa, yɔlo wisiróo yaɔsóró hapóluró beterapó,’ erapó.

<sup>28</sup> Téraɔa, i ala betɔ ɔané tué muópoló ɔapa wosae. Kótóné ama mo doasi tao sere alata, kale Juda meire fake so whɛ beterepaae dotonó beteretei diaaɔ kisipa yae. Téréne take ai so whɛné wosóló tué muaalopó,” yalepó. Atimané Pol-né ai dere fo woseturaalu, atima ɔ taaróló faai yalepó. <sup>29</sup> (-)

<sup>30</sup> Ba fo tamo tuɔmó Pol ɔ betere be amatei, dupu deté fóló beterepó. Atétu, ɔ beterepaae wua dere so whɛ mo fea wisiyóló ɔape sóró ekei fo dua yalepó. <sup>31</sup> Téturaalu, Kótóné tɛteróló ɔaale aɔmó mole alaró Tale Yesu Kerisotamoné ala etéropóló diriyóló halaaíné ɔaalu yó mótu beterepó. Ama atéro yó mótu betepa, whɛ mené sesé dere ala inipó.

## Rom

<sup>1</sup> I așeta, Yesu Kerisoné kutó diratere wh̄i Pol-né dapó. Kótóné ama fo wisi yó maté kwęyóppóló, ą beterepaae ape yóló, ę *apospel* wh̄i sóró beteralepó. <sup>2</sup> Yesu Keriso ą waai teópatei, Kótóné kóló wh̄irapené so wh̄i tao saaire fo wisi waalopóló, yóló mulale fo ama kae muló betere *buk*-mó așeyóló mulélipakalepó. Ai fota me kae mei, Kótóné ama naalemamó erapó. <sup>3-4</sup> Ȧ mo tiki daaleteita, ti Depit-né deté wale wh̄iné deyaleteiné erapó. Mo kae beterótu betere Dęi Kepe Wisiné ą Kótóné Naalema mo doasi fotokọ bole wh̄ipóló so wh̄i feané kisipa yóppóló hąkearaleteita, ą sukąletei momó kepaayale alané eralepó. Ȧ me kae mei, dą tęteróló kaae tare wh̄i Yesu Kerisotórótípó. <sup>5</sup> Yesuné ama doi doasi muóppóló, Kótóné ąpaae matepa amamo hamokoróló dąpaae *apospel* kutó melalepó. Atéyaleteita, Juda meire fake so wh̄i fea Yesu Keriso beterepaae wóló, ąpaae kisipa tiki tiróló ama fo aqmó sukóló beteróppóló, ai fo yó maté kwęyae yóló, dą sóró beteralepó. <sup>6</sup> Diąkélé Yesu Kerisoné ą beterepaae ape yóló, ama fake so wh̄itamo touró betereiteiné mo ama so wh̄itóró beteralepó.

### *Pol Rom-paae faai yale fo*

<sup>7</sup> Yalo i dere așeta, Rom bemó betó mole Kótóné yaala sókó furaalu ą beterepaae ape yóló, sóró kae beteró betere so wh̄ipaae dapó. Térapa, dąné Aya Kótóró Tale Yesu Kerisotamoné hamokoróló tao sere alaró hosaa muni deyóló mo dua betere alatamo, dią feapaae eróppóló yae.

<sup>8</sup> Yalo folosóró dere fo i ape. Dią Talepaae tuę tiki tiró beteralepóló, i hae kwiamó betó mole so wh̄iné deté fupa yalo wosalepó. Dią fea atéró betepa, ę Yesu Keriso tuąmó bitu, ę tęteróló kaae tare Kótópaae

mo kée du beteralepó. <sup>9</sup> Kótóné ala eróturaalu, yalo hosaa tuąmó doasi ketekę buóló, ama naalemané fo wisi so wh̄i feané wosóppóló i yó mótu betere ape. Ai Kótóné keletómó, betere dokọ yalo dią kisipa keteréni, diąmó moma hąle eró taretei ama mo kisiparapó. <sup>10</sup> Atéró moma deté wou betereitei, mió mo dokonóturaalu ę dią beterepaae wóppóló, Kótóné ama tuę aleraai kisipa mupa, ti ai ala mo eróppóló du beteralepó.

<sup>11</sup> Dęi Kepe Wisiné ę tuąpaae hamokoróló erale ala wisi dią fotokọ buóló beteróppóló, yalomo dią melaai ę dią beterepaae mo wonée du beteralepó. <sup>12</sup> Ȧ dią beterepaae wonée du betereiteita, hąle meipó. Diaaq Talepaae kisipa tiki tiró betere alané ę ketekę bulóo, yalo kisipa tiki tiró betere alané diąkélé ketekę bulóo yaai kisipa mutu waai dapó. <sup>13</sup> Ne norape-ó, yalo i dere fo diąné kisipa yaasepóló diriyóló wosae. Ȧ mepaae Juda meire fake tuąpaae fóló, Kótóné ala eróló du olerótu yale kaae, dią tuąpaaekélé ai ala eraai kisipa mutu wonée du betereitei mepaae alané sesé deté wóló, miókélé ai alatóró hąle du beteralepó.

<sup>14</sup> Ȧta, Krik fo bole wh̄iró kae be fo bole wh̄itamokélé, *skul* yóló doasi kisipa sere wh̄iró *skul* ini mo hąle betere wh̄itamopaaekélé i fo wisi yó matere ala Talené ępaae dirae yóló melale kutó ereteiné taaréni, feapaae mo eraai doasi ketekę bulapó. <sup>15</sup> Atére betené, dią Rom bemó betó mole so wh̄ipaaekélé kale fo wisi yó matere ala ę wini, halaaíné yó melaai mo doasi ketekę bulapó.

<sup>16</sup> Ti ai fo wisi tuąmóta, Kótóné ama fotokọ boleteiné ai fo wosóló tuę tiki tiró betere so wh̄i fea aluyaqsóró, tao saaire fopóló kisipa mutu, ę wini halaaíné yó mótu beteralepó. Ai fo wisi folosóró Juda fake so wh̄ipaae yó melóló, nalo ti Juda meire fake so wh̄ipaae i yó mótu betere ape. <sup>17</sup> I fo wisinéta, Kótóné keletómó mo donoi so wh̄i beterate ala i ape



yóló, hakearóló yó mótu beterapó. Ti ai donoi alata, kaae sóró deté fóló kemene folepaaekélé me alané sumitei, kisipa tiki tiratere alané betā sua dapó. Ti aita, ašemó ere fo kaaepó. “Mo donoi so whīta, kisipa tiratere alanétóró bitiré faalopó,” erapó.

*Kótó fopaae butu erótu betere ala*

<sup>18</sup> Tépatei, i haemó betó mole so whīné Kótó betere kisiparutei, bitini nisiyóló ama fo wosaalo hōróló, kae kae du betere dowi alané kale bete mole mo fo wisi aluróló husirótu beterapó. Atétu betepa Kótó hepen bemó bitu, ai dowi alatamo fopaae boletei so whī feané kolópoló, hakearótu beterapó. <sup>19</sup> Ti ama ai fopaae butere alata hāle mei, Kótó ă etei kaae Tale beterapóló so whīné kisipa yópoló, amatei ă hakearóló yó mótu betalepó. <sup>20</sup> Mo take Kótóné i haeró yó mole ęla ęlatamo kaarale alimó kaae sóró bitiré wale so whīnékélé, mió i alimó betó mole so whīnékélé, Kótó ă tuamó ere ala kelené kelenénipó. Tépatei, ama aleyóló muló betere ęla ęla kilituraalu, i ere ęla ęla feata, mo ti betere Kótóné doasi fotokōné alerapóló kisiparapó. Atére betené fo tokótamo yóló taletere alimó, Kótópaae yă betere kisipa iniru yalepóló, ama kisipa felératere fokélé mo yaalomeipó.

<sup>21</sup> Ti noatepae, Kótó atimané kisipa irutei, Talepóló ama doi doasi muópoló hale horatere ala ó mo kée dere fokélé dua inipó. Téturaalu, atimané mole tuę tikikélé okoko iru, hosaakélé mo tóru yóló diliki yó falepó. <sup>22</sup> Ti atimanétei đata, tuę tiki fosó fosó yóló dotoróę fale whīrape beterapó du betepatei, atima okokoi whī alée fóló beterepó. <sup>23</sup> Atéru, sukókélé ini, ama kae ere đę wisinaale fāane Kótó betepatei, kelené kilinipóló taalóturaalu, kelené keletere ęla ęlatei, Kótó sūróló whīné naasené aletua yalepó. Ti ai aletua dere ęlata, whī ó ba, na, hupu, wuli, aita sukutua dere ęlarapetei

sūróló aleóló aso daaróló, atimané Kótópoló momatua yalepó.

<sup>24</sup> Atétu betale betené atima hosaa tuamó ekele yóló du betere dowi ala mo ti fakeyóló so ó whī hamomatamotei nópu nokole ala du betepa, Kótóné sesé ini, mo ti deté fu beterópoló taaralepó. Atétepa, hāle deté fu betale mo sonaalei dowi alané atima tikitei folokoleróló, u dorāle i dorāle du betalepó. <sup>25</sup> Atéturaalu, Kótóné mo fo wisi taaróló, kapala fotei tao tawalepó. ęla ęla fea aleyóló muló betere Tale betepatei ă aomó sukóló bitini, ama aleyóló muló betere ęla suka, kósupó, hupu, na, hasi, ni atimané talepóló aomó sukóló bitu, ai ęla ęlané hekesere ala eróló momatu betalepó. Ai ęla ęla feata, Kótóné aleóló muló betereteiné ama doi betā hale sóró horóló, mo kée fo du betenérápó.

<sup>26</sup> Atima atei ala hāle du betepa, mepaae mo sonaalei dowi alakélé ekele yóló hāle deté fu beterópoló, Kótóné seséni taaralepó. Sorape atima whītamo dere ala taaróló, so hamomatamotei dowi ala du betalepó. <sup>27</sup> Soné ai dere ala kaae, whīrapenékélé sotamo dere ala taaróló, whī hamomatamotei yaaire dowi ala atimané hosaa tuamó si kaae dukuraalu, ekele yóló du betalepó. Whīné yópoló Kótóné muló betere donoi tų mupatei taaróló, whī hamomatamotei sonaalei ala du betaleimó, Kótóné matere dowi kwia atimané tikimótóró su betalepó.

<sup>28</sup> Ai ala tómó, Kótó ă etei kaae Tale beterapó tuę ini, hāle ęla nisiyóló taae faraletéiné atima mo okokoi tuę mulóló, ené inire ala hōko deté fu beterópoló taaralepó. <sup>29</sup> Atétepa, du betale dowi ala atima tuamó fāayóló sūraletei i ape. Donoi ala ini, hōko dere alakélé, so nópu nokole alakélé, ęla ęla mo dekéro senée dere alakélé, mepaae dere sonaalei dowi alakélé, hāle yó tarepó. Téturaalu, mepaae whīné mole wisi wisi ęla ó du betere alakó enée yóló dei

tuę mutereteikélé, whị dele alakélé, hõle sere alakélé, whị dilikitere alakélé, me whịpaae dei kisipa mutere alakélé, betere dokõ hãle yó tarepó. <sup>30</sup> Tétu me whị kikiti eratere fokélé, mo hãkeamó yóló sininatere fokélé, Kótó hõróló bõe dele alakélé, fo wosóló aqmó bitini, dowãae fole alakélé, nene duraalu bopé faketerere alakélé, me whịné amatei ą doi sóró horatere alakélé, hãle du beterapó. Aita atimané tuęnétei kae kae dowi ala kaaróo, hama alimané dere fokélé woseni dowãae fóo, duraalu dapo. <sup>31</sup> Tétu, wisi tuę mutere alakélé, kisipa tiki tiratere alakélé, yaala sókó fole alakélé, kõlené sukutere alakélé, atima tuãmó mo munipó. <sup>32</sup> Kótóné ama mo donotóro taleturaalu, atei kaae ala du betere so whịta, mo ti sukópóló dae ere fo atimané tuę irutei, dowi ala hãle yó tawóo, atei kaae ala du betepa mepaae whịné kilitu, ai alata mo wisirapa yae yóo du beterapó.

## 2

### *Kótóné fo tokóló mo donotóro taletere ala*

<sup>1</sup> Atérapa, diã mepaae so whịné du betere ala taleyóló só derótu betere so whị-ó, fo tokóló taletere sukamó diã hãsókó faai kisipa mutu, me fo tokó matere alakélé mo yaalomeipó. Ti noatepae, atima du betere ala kaae diaaąkélé du betereteiné, atima só deróturaalu diãkélé ai só derótu betere ape. <sup>2</sup> Ai ala du betere so whịta, Kótóné hãle hõko taleyóló só deréni, atimané mo yale ala Kótóné mo donotóro taletu beteretei dạné kisiparapó. <sup>3</sup> Diã mo whịné mené dere ala taleyóló só derótu betere-a, atimané ai dere ala kaae diaaąkélé du betepa, Kótóné mo donotóro taletere tuãmó diãkélé hãsókó faalopóló de? <sup>4</sup> Meta, Tale ą mo wisi alatóro erótu betere Kótó bitu, diã hãsókó fóló dowi ala depa kwia hapale tokó meni yóo, diã tu wisipaae fópóló kaae taté fóo, du

betere ala diã kisipani, hãle ọla kaae aqróló faletu betere? Ọta wisi alamaaté erótu betere Tale ereteiné, diã dowi ala taaróló tu wisipaae fópóló, kaae taté fu betere ala diaaą kisipa ini airapó?

<sup>5</sup> Tépatei diaaą hosaa ọaru, dowãae fóló dowi ala hãle yó taremó Kótó ą fopaae butu, kwia melaaire ala diaaąte betapaae yóló muté ai hutu betere ape. Atéro kwia matere alata, ama mo donoyóló taletere ala hãkearatere be demó yaalopó. <sup>6</sup> Kótóné ašemó i fo erapó.

“Betã betã so whị atimané yale alamó Kótóné kwia mo donotóro melatepa saalopó,” erapó.

<sup>7</sup> Mepaae so whịné wisi alatóro hãle yó taru, Kótóné ama kae ere de wisinaalekélé, wisi doi muaaire alakélé, ątamo betãmó betó tawaaire alakélé, senée yóló wóputu betere so whịpaae Kótóné mo ti betere bete melaalo ai ape. <sup>8</sup> Téretei, mepaae so whị kale mo fo wisi wosóló aqmó bitini, atimatei hẽkese yaaire dowi ala sya fóló, du betere so whịtamo Kótó ą fopaae butu, kwia melaalo ai ape. <sup>9</sup> Atéturaalu, dowi alatóro du betere so whị fea dei fomaake kisipa muópóló, Kótóné sekęi ala folosóro Juda fake so whịpaae eróo, nalo ti Juda meire fakepaae eróo, yaalopó. <sup>10</sup> Téyaalotei, wisi ala du betere so whịpaae ti Kótóné ama kae ere de wisinaalekélé, wisi doi muaaire alakélé, hosaa muni deyóló dua betere alakélé melaalopó. Ai alata, folosóro Juda fake so whịpaae melóló, nalo ti Juda meire fakepaae melaalo ai ape. <sup>11</sup> Ti noatepae, Kótó ąta me fake so whịpaae wisi ala eróo, me fakepaaemo dowi ala eróo dumi, mo betã kaae alatóro erótua dapó.

<sup>12</sup> Mepaae so whị Kótóné ama tukóló muló betere fo tuę inipatei, dowi ala du betepa, ti ai tukóló muló betere fo hãle mupatei, Talené atima só deróló mo ti aluraalopó. Atétere kaae, mepaae so whị fea

Kótóné ama tukóló muló betere fo tuę irutei, dowi ala du betepa, ti ai tukóló muló betere fonétei só deraalo ai ape. <sup>13</sup> Ti noatepae, Kótóné ama tukóló muló betere fo hãle wosetu betere so whĩpaae mo donoi so whĩpó yaalomeitei, sya fóló erótu betere so whĩpaae ti mo donoi so whĩpó enérápó. <sup>14</sup> I dere fota mo dapó. Juda meire fake so whĩpaae kale tukóló muló betere fo mené dosayóló yó meni, atima kqleaanétei ita wisi alapó, ita dowi alapóló tuępa, ti Kótóné ama tukóló muló betere foné eraaire ala atimané hosaa tuamó asęretei hãkearatapó. <sup>15</sup> Atéturaalu, atimané me dowi ala depa, ti hosaa tuamó atimatei só deróo, me sukamó yale ala tuęnétei talerãlemó, me ala yale kisipa munitepa, ti atima só derénipó kisipa muóo, dua dapó. Atétere alané Kótóné i ala yae, i ala yaqse ere fo atima hosaa tuamó asęretei hãkearatapó. <sup>16</sup> Ti ai alata, Kótóné so whĩ feané hosaa tuamó hiróló mole alarape taletere be demótóró Kótóné Yesu Kerisopaae tale yae depa, amamo tale yaalopó. Kale fo wisi yãlo yó móturaalu me fo kae dumi, ai fotóró yó mótu beterapó.

*Kótóné tukóló muló betere fo Juda fake atimanékélé tikitua dapó*

<sup>17</sup> Térapa, diã Juda fake so whĩ-ó, yãlo i dere fo mo wosae. Diaaę kisipané diãta, Juda fake bitu, kale tukóló muló betere fopaae tuę tiki tiróló, Kótótamo fulumu yóló betamó betere so whĩpóló bopé faketu bitu de? <sup>18</sup> Kale tukóló muló betere fo tuamó mo bete mole foró doasi kisipare alatamo diaaę diriyóló kisipa sóró, Kótóné ama yaai kisipa mole ala betekélé sumó tuęruraalu, kae kae ala fea taleyóló, mo bete alata i ape du betere? <sup>19-20</sup> Ti diã feata, Kótóné tukóló muló betere fo tuamó bete mole alarape fea bulapóló kisipa mutu, keke dilikire whĩrape alisóró fóló tu yó melóo, diliki tuamó betere so whĩ demó beterópóló dęróo, okokoi kisipa mole

so whĩ donorate ala yóo, keteirape yó matere whĩ betóo erapó du bitu de? <sup>21</sup> Ti diãné ai yó mótu betere fo- a, diaaękélé sya fóló du bituraalu de? Diãné mepaae so whĩ ma duraalu, qlémi naqse du betere-a, diãkélé qlémi nukumié? <sup>22</sup> Diaaę mepaae so whĩ ma fo duraalu, nópu naqse du betere-a, diãkélé nópu nukumipóló de? Diã kapala kótópaae moma yaai aleale q̄la hõrótu betere so whĩ-ó du betere-a, diã momatere bemó muó mole q̄la qlémi sinituraalu de? <sup>23</sup> Diã kale tukóló muló betere fo tuęrapóló bopé faketu betere so whĩ-ó, diaaę ai ere fotei tukóló, Kótóné doi folokoleróló dorótumié? <sup>24</sup> Diaaę du betere alata, asęmó i ere fo kaaepó.

“Diaaę du betere alané Juda meire fake so whĩ tuamó Kótóné doi wisi mo ti doró beterapó,” erapó.

<sup>25</sup> Kale tukóló muló betere fo sya fóló erótu bitutamo, tiki sekaę tukóló sirótu betepa, ti bete mulapó. Téni, kale tukóló muló betere fo sya feni tikitu betepa, ti tiki sekaę tikinire whĩ aqrapó. <sup>26</sup> Téretei, mepaae tiki sekaę tikinire whĩné kale tukóló muló betere fotamo sya fóló erótu betepa, ti tiki sekaę tikire whĩné dere ala kaae yaalo meipóló de? <sup>27</sup> Atérapa, diã tiki sekaę tukóo, kale tukóló muló betere fokélé tuę yóo irutei, ai fo tikitu betepa, ti tiki sekaę tikinirutei kale tukóló muló betere fo sya fóló erótu betere whĩrapené diã só deraalo ai ape.

<sup>28</sup> Mepaae Juda fake whĩ hãle tó tikiné maaté dãta, Juda fakepó du betepa, ti ai whĩ ą mo Juda fake whĩ meipó. Ti mo tó tiki sekaę tikitu betere alata, me bete munipó. <sup>29</sup> Mepaae whĩ detamo ama hosaa tuamó Juda whĩ betepa, ti ą mo Juda whĩ ai ape. Aşemó ere fo maaté sya fóló mo siriró betepa, aita bete ala meipó. Dęi Kepe Wisiné hosaa tuamó siriró betere whĩta, mo siri eró beterapó. Atei kaae whĩ doi

sóro horatere alata mo whiné dumi, kótóné betá ą sóro horótu beterapó. Kótóné betá ą sóro horótu beterapó.

### 3

*Mepaae alané Kótóné eró tare wisi ala aluranénipó*

<sup>1</sup> Térapa, Juda fake kolósu, Juda meire fake kolósu depa, noa wisi alané Juda meire teraae fale? Ó atima tiki sekaş tikitere ala tuşmó noa ke wisikó bule? <sup>2</sup> Aita mo kae kae ala fea atimapaee meló bettereiné teraae falapó. Ti folosóro meló betere topo ala i ape. Kótóné mo ama fotóro atimapaee wisiyóló kaae tawae yóló, melóló atima sóro beteralepó.

<sup>3</sup> Ti mepaae Juda fake so whı ąpaee tué tiki tirénitere betené noa ala yaaloé? Ai dere alané Kótóné ama so whıpaee eró tare wisi ala doróló alurané? <sup>4</sup> Mo meipó. So whı feané dere ala taletapa, kapala fo bupatei, Kótó ą betá mo fotóro bulapó. Aita, aşemó i ere fo kaaepó.

“Naao dere fokélé mo donotóro yóo, fo tokóló taletere alakélé, naao kisipa mole ala sya furaalu mo donotóro dapó yóo, yópóló yae,” erapó.

<sup>5</sup> Dąné hoko du betere dowi alané Kótóné mo donoi ala so whiné kolópóló hąkearatepa, dąné noa fo enére? Dąné du betere alamó Kótó ą fopaae buturaalu kwia matepa, hoko ala dapó yaaloé? Ti atei kaae mutere tuéta, mo whiné mole tuépóló i dere ape. <sup>6</sup> Kótó ąta, hoko ala dumipó. Atei kaae ala wuşsóro, ti i haemó betó mole so whı featamo netéro fo tokóló tale uáé? <sup>7</sup> Mepaae so ó whiné etei kaae fo enérapó. “Yalo kapala ala du betepa, ti Kótóné ama bete mole alaró mo kae ere deş wisinaaletamo hąkearóló, mo ti fakerótu beterapó. Atétu betepatei, noatepamo Kótóné ę dowi ala dere whıpóló, só derótu betere?” enérapó. <sup>8</sup> I dere fotamo mopa, ti etei kaae fo enérapó. “Wisi

ala sókó wópóló, dą dowi ala dekéro yaalopa sael!” Dąné atei kaae hoko fo du beterapóló, mepaae so whiné dą doi doróló erótu beterapó. Mepaae whinékelé atei fo deté fupa wosalepó. Talené atei kaae so whı só derótu betere alata, mo donopó.

*Donoi whı mo betąkéle bitinipó*

<sup>9</sup> Térapa, atei kaae dere forape woseturaalu, dą noa kisipa munére? Kótóné dą Juda fake wisiyóló kilituraalu, Juda meire fake siwiyóló tao sumipóló kisipa mute? Ai ala mo dumipó. Dą Juda fakekelé, Juda meire fakekelé, fea betá alatóro ereteiné dowi alané dokóló muló beterapó.

<sup>10</sup> Aita, aşemó ere fo kaaepó.

“Donoi ala dere whı mo betąkókelé bitinipó.

<sup>11</sup> Mo betá whinékelé etei kaae Kótó beterapó kisipa muóo, mo betá whinékelé Kótó kelaai dapóló ketekę buóló kekço, mo dumipó.

<sup>12</sup> So whı mo fea tuş wisi taaróló kópaae fóló, atima feané du betere ala bete muni, mo ti doyo falapó.

Wisi ala dere whı mo betąkókelé bitinipó. Mo meipó,”

<sup>13</sup> “Atimané du betere fota, whı dou tukętepa dei kęlaa sókó woutere kaae yóo, atimané dere fokélé whı dilikóló kapala fotóro yóo, atimané kólómó du betere fokélé, whı tukó nóló sukunaterere dowi feş bole wuliné whı dóló sukunótu dere kaae, yóo du beterapó,”

<sup>14</sup> “Atimané me whı yóló sininóló só deratere foró, whı hąkesşaratere fotamo atima tuşmó fşanuraalu, hşle yótóro tarapó,”

<sup>15-17</sup> “Atima whı daai ketekę buóló kekepatamo furaalu, bekélé, ęla ęlakélé fea doróo, so whıkelé susupuróo yóló fi tikimó, nalo wale whiné atima kaketu betepa kelaalo



ai ape. Atéturaalu, hosaa muni deyóló mo dua betere ala atima mo kisipanipó.”

18 “Ai so whi atimané du betere alamó, Kótóné kwia melaalopóló witere alakélé mo dumipó,” erapó.

19 Kale tukóló muló betere fota, hãle whirapepaae dumitei, ai fo aqomó sukóló betere so whipaae dapóló kisipa mutapó. Atére betené i haemó betó mole so whi feané yale ala betakélé hasókó feni, mo donotoró taletere sukamó, ðané yale dowi alamó ðapaae wosetepa, me fokó hiréni, mo dono dapó fo betã enérápó. Téturaalu, mo betã whinékélé atei ala inipóló, Kótópaae me tokó matere fokélé mo enénipó. 20 Atéreteiné Kótóné mo betã whipaaekélé, yãta kale tukóló muló betere fo wisiyóló erótu betaletéiné donoi ala ðu betale whipó fo mo yaalomeipó. Ti ai tukóló muló betere fonéta, ða fea dowi ala dere so whitóró beterapó kisipa muópóló, ðapaae hãkearóló yó mótu beterapó.

*Tuë tiki tiratere alané donoi so whi beteratapó*

21 Tépatéi, Kótóné tukóló muló betere fo mupatei, mió ama so whi donoterere ala hãkearó betepa kelerapó. Ai ala yaalopóló, kale tukóló muló betere foró kóló whirapetamoné ašemó erapó. 22-24 Ti Juda fake ó kae fakekélé me ala kae inipó. ða fea dowi ala yó tareteiné Kótóné ama ere ðe wisinaale mo yãyãrapó. Atépatéi, ða fea Kótóné hamokoróló hãle tao sere alané donoi so whi beteralepó. Ai tao sere alata, Yesu Kerisoné ama betere bete melóló, ða dupuró beterapó. 25 Ti Kótóné Yesu sukópóló meló betere alata, so whitamó fopaae bole ala kemeróturaalu erapó. A atéró sukãle ala mopóló tuë tiki tiratere so whitamó Kótóné fopaae butere ala momó kae yaqsóró, mo ti kemeró beterapó. Ai ala ereteita hãle mei,

ama donoi ala so whi feané kolópoló, hãkearóturaalu yalepó. Ti noatepae, take bitiré wale so whiné du betale dowi alamó, kwia hapale tokó meni, ðdua kaae taté fu betalepó. 26 Ama ai ala yaleteita, mió i alimó betere so whiné ama donoyóló taletere ala kilitu, a mo donoi Tale betóo, Yesupaae kisipa tiratere so whi donoterere Tale betóo ere ala kisipa yópoló hãkearalepó.

27 Térãpa, so whi feané hãle bopé fake dere alata, noa wisi ala yale tikimó bopé fake yaaloé? Noa ala sya feleteiné bopé faketerere ala hepée faraleé? Aita, Kótóné tukóló muló betere fo sya fele alané ini, Kótópaae betã tuë tiki tiraleteiné yalepó. 28 Ti noatepae, ðané kutirimó muló bitu eró tare mo bete mole ala betã i ape. Kótóné mepaae so whipaae ðã donoi so whipó dere fota, kale tukóló muló betere fo sya fóló erótu beteremó dumipó. Tétumitei, Kótó aãpaae kisipa tiki tiratere alamó betã ðapaae mo donoi so whipó enérápó. 29 Ti Kótóta, Juda fake so whi maaté teteróló kaae taru, Juda meire fake so whi kaae tanipóló kisipa mute? Meipó. Aãta, Juda meire fake so whikélé fea teteróló kaae tare Kótó beterapó. 30 Ti noatepae, tiki sekaë tikire whiró tikinire whitamó wusuró betã kaae tuë tiki tiró betepa kilitu, atima fea ama so whi beterópóló, ai betã Kótónétóró donoróló, beterótu beterapó. 31 Tuë tiki tirae yóló ðané yó mótu betere foné Kótóné tukóló muló betere fo bete munire ðla aqrótu betere? Mo meipó. Ti ai tukóló muló betere fokélé mo bete mulapóló, ðané du beterapó.

## 4

*Abraham kisipa tiró betepa donoi whipó erapó*

1 I yale fomó, ða Juda fakené nouterere Abraham-paae Kótóné noa ala eratepa ama kolóló kisipa salepóló ðané noa fo yaaloé?

<sup>2</sup> Motamo Abraham-né du betale wisi ala kolóló, Kótóné ɔpaae mo donoi whj́pó uɔsóró, ti ɔ bopé faketera ala uɔpó. Tépatéi, whj́ betɔ́nəkélé Kótóné keletómó bopé fake dere ala mo enénipó. <sup>3</sup> Ti *buk*-mó noa fo aseýóló muló betere?

“Kótóné Abraham-paae i ala eraalopóló mulale fo wosóló, ama mopóló tué tiki tirale ala Kótóné kilituraalu, ɔpaae me alakélé muni, mo donoi whj́pó” erapó.

<sup>4</sup> Betɔ́ whj́ mené kutó dirateremó matere duputa, kɔleyóló hɔ́le mótumitei, ama diale kutómó matapó. <sup>5</sup> Ti mo whj́néta ai ala dua deretei, me whj́né ɔpaae mo donoi whj́pó yópóló kisipa mutu, me wisi ala ini, dowi ala dere so whj́ donoterere Kótópaae tué tiki tiratere kilitu, ai whj́né ama dowi ala kwia tokóló aluróló, mo donoi whj́pó dua dapó. <sup>6</sup> I dere fo kaae, Depit-nékélé asɛrapó. Me whj́né ama dítere kutó kolóló dumi, Kótóné mo donoi whj́pó dere fo wosetu, ɔ hɔ́né sukutu betera. Ai ere fo i ape.

<sup>7</sup> “Mepaae whj́né Kótóné fo tikitu betere, melaai yale kwia hɔ́le kemeróo, atimané mepaae dowi alakélé Talené ama husuróo, ere whj́rapeta, mo hɔ́né sukutu betera.”

<sup>8</sup> Mepaae whj́né ama yale dowi alamó Talené kwia mo melókélé yaalomeipó, dere fo wosetere whj́ ɔ hɔ́né sukutu betera,” erapó.

<sup>9</sup> Mepaae whj́ Talené wisiralepóló hɔ́né sukutere alata, tiki sekaɛ tikire whj́paae maaté eróturaalu, tikinire whj́paae eranénipóló kisipa mute? Mo meipó. Ai fake tamo wusurópaae betɔ́ kaae alatóró eraalo ai ape. Ti dɔ́né noa fo yó maté waleé? Abraham-né Talepaae tué tiki tiratere kilituraalu, ɔpaae me alakélé muni, mo donoi whj́pó yalepó. <sup>10</sup> ɔpaae ai fo eretei-a, tiki sekaɛ tikire whj́ betera yalepé, tikaai hɔ́le betera yaleé? Aita, tiki

sekaɛ tukóló betera ini, tikaai yalepó. <sup>11</sup> Mo take Abraham ɔ tiki sekaɛ tikaipatei, Kótópaae tué tiki tiró betere kilitu, ɔpaae mo donoi whj́pó erapó. Até itikimó, nalo ama tiki sekaɛ tukóló sirirélipakalepó. Aita, ɔ mo donoi whj́pó ere fo mo erapó yópóló, dɔ́le muló betera. Abraham ɔ ai ala ereteiné mepaae tiki sekaɛ tikinirutei Kótópaae tué tiki tiró betere so whj́né aya betera. ɔ atéreteita hɔ́le meipó. Atimané tué tiki tiró betere ala Kótóné kilitu, mo donoi so whj́pó yópóló erapó. <sup>12</sup> Ti Abraham ɔta, tiki sekaɛ tikire whj́rapené ayakélé betera. Ai ala maaté mei, ɔ tiki sekaɛ tikaipatei, tué tiki tirale ala sya fu betere so whj́né ayakélé betera.

<sup>13</sup> Kótóné Abraham-paae duraalu, “Yɔ́ró naao naalené deté faaire naaletamomó i hae tiki mo turó melaalopóló,” yóló munélipakalepó. Ai alata, Kótóné tukóló mulale fo sya fóló eraleteiné sini, Talepaae tué tiki tiratere donoi whj́pó yale alané salepó. <sup>14</sup> Ti noatepae, tukóló muló betere fopaae kisipa tiratere so whj́né ama eraalopó yóló mulale ɔlatamo supa, ti tué tiki tiratere ala ke buni yóo, Talené ama eraalopó yóló muló betere fokélé bete muni yóo, ere aɔratapó. <sup>15</sup> Ti noatepae, mepaae so whj́né kale tukóló muló betere fo sya fu bitutei, tukóló dowi ala depa, Kótó ɔ fopaae buturaalu, kwia mótua dapó. Ai tukóló muló betere fo kisipa inire whj́rapené ai fo tikitepa, ti kale fo tikitapó fo dumipó.

<sup>16</sup> Atérapa, Kótóné ama eraalopó yóló mulale fo dokonóló eratere alata, Kótó ɔpaae kisipa tiratere so whj́né ama hamokoróló hɔ́le tao sere ala sýpóló mótua dapó. Ti ama eraalopó yóló mulale fo dokonóturaalu, Abraham-né deté faaire naale senaalepaae erópóló yalepó. Ti Abraham-né naale senaleta de maaté? Aita, kale tukóló muló betere fo kaae tawae yóló, melale fakepaae

maaté eraalomeitei, Abraham-né tué tiki tirale ala sya fu betere so whípaaekélé eraalopó. Ti ąta, dą tué tiki tiró betere so whinė ayapó. <sup>17</sup> Aita, i asęre fo kaaepó. “Yąlo yą haemó betóló fale kae kae tiki daae mole so whį feané aya beteratapó,” Ti ąta, ama kisipa tirale Kótóné keletómó dąné aya beterapó. Ai Kótóta, sukąle so whį momó kepaaróo, me ala yaai teópatei, mo erapó dere Tale betóo erapó.

<sup>18</sup> Kótóné Abraham-paae eraalopó yale ala eraaire aąpa meitei, mo eraalopóló Talepaae kisipa tiki tiraletéiné, kae kae tiki daale so whinė aya alée felepó. Ti ai alata, Talené ąpaae duraalu, “Ó sąpaae kese horóló hęre dosąayae. Naao deté faaire naale senaaleta, ai ere ala kaaetóró yaalopó,” yale fo mo dokonalepó. <sup>19-20</sup> Abraham ą 100 ba fo betóló kemeyaletéiné mo ti otere yóo, soma Serakélé sere yóo erepó. Atéru, naale senaale deyaaire fotokę mo buni, atimaamo otereró seretamo betere ala diriyóló tuépatei, Talené ąpaae eraalopó yale fo mo eraalopé neyąalorópóló béyóló haepaae derepéni, mo eraalopóló ketekę buóló tué tiki mo ti tiró bitu, Kótóné doi hale horótu betalepó. <sup>21</sup> Aita hąle mei, Kótóné eraalopó yóló mulale fo ama fotokęné mo sýmó eranérápóló kisipa mutu, ama tué tiki tiratere ala mo ti fotokę bualepó. <sup>22</sup> Atéreteiné Kótóné ąpaae “Yą mo donoi whį aleróló beteratapó,” erapó. <sup>23-24</sup> Atéró donoi whípó ere fota, Abraham ą maaté tao sóró wisirótu initei, dą nalo betaaire so whįkélé wisirótu erapó. Dą tęteróló kaae tare whį Yesu ą mo ti sukąletei, momó kepaaróló beterale Kótópaae dą feané tué tiki tiratępa, ti dąpaaekélé donoi so whípó yaalo ai ape. <sup>25</sup> Ti dąné dowi ala tokóló aluraai Kótóné naalema dópóló melóo, dą me dowi alakélé muni, mo donoi so whípó yaairaaalu, ą momó kepaaróló beteróo erapó.

## 5

### *Hosaa muni deyóló hajné sukąaire ala*

<sup>1</sup> Atéreteiné dą Yesu Kerisopaae tué tiki tiró betępa, Kótóné dąpaae me alakélé muni, mo donoi so whípó erapó. Atérené mió dą tęteróló kaae tare whį Yesu Kerisoné yale alané dąró Kótótamo bóe du betaletęi kemeróló, hosaa muni deyóló dua beterapó. <sup>2</sup> Dą Yesupaae tué tiki tiró betępa, Kótóné hamokoróló hąle tao sere ala dąpaae erópóló, ama dą dapesó fóló, ai ala tuąmó sóró beteró beterapó. Tépa, dą Kótóné ama kae ere dę wisinaale tuąmó betaalopóló kisipa mutu, mo kée yóló hajtamo kaae tawóló i betere ape. <sup>3</sup> Nalo dąpaae ai eraaitere ala maaté kelaai dumi, mió dąpaae i erótu betere sekęi ala tuąmó bitukélé, mo kée yóló hajtu beterapó. Ti ai sekęi alané dą haepaae só deréni, hąle beletétóró fu betere alanétei hajtere ala kaarótu beterapó. <sup>4</sup> Atétere alané Talené ala eratere whį wisi beterótu beterapó. Atéró whį wisi bitu, take nalopaae Kótóné wisi ala eratępa kelaalopóló, dere haj kaaratapó. <sup>5</sup> Take nalopaae wisi ala kelaalopóló hajtamo kaae taté fu betaletęi, sinipóló fomo kisipa muaalo meipó. Ti noatępae, Kótóné ama yaala sókó fole ala dąné hosaa tuąpaae tepeyóló fąanalepó. Kótóné ama ai yaala sókó fole ala dąné tué dere teita, ama dąmó melale Dęi Kepe Wisiné eralepó.

<sup>6</sup> I dere fo wosae. Dą Kótó tuęniru, dowi ala du betere so whį me ala yaaire fotokę bunipa, dą tao saairaalu mo dono be dęmótóró Yesu Keriso sukąlepó. <sup>7</sup> Mępaae whį de mo donoi whį tao saai dápóló sukutere ala suka fea yó tani, betą betą sukamó maaté depa keletapó. Atétere kaae, mo donoi whį wisinaale tao saai dápóló, mępaae whį sukąairetei mo hapólurapó. <sup>8</sup> Tépatęi, Kótóné ama dąpaae yaala sókó fole ala etéró hąkearóló yó matapó. Dąné dowi ala hąle yó

tapa, ai yó tare dowi ala tokóló aluraairaalu, Yesu Keriso sukálepó.

<sup>9</sup> A sukuturaalu, sókó fele sameané dā donoi so whi betero betereiteiné take nalo Kótó a fopaae butu matere kwia dāné saqsóró, ama tao saaire ala yaalomeipóló de? Mo tao senérapó. <sup>10</sup> Take dāta Kótóné ama bóe whi betereitei, ama naalema sukuturaalu bóe firóló, betámó betero beteraipó. Mió a kepaayóló betereiteiné dākéle mo ti beteroipóló, ama ai ero betere alané mo yaalomeipóló de? <sup>11</sup> I fota, take nalo yaaire alamó maaté dumitei, mió dā teteróló kaae tare whi Yesu Kerisoné yale alané dāró Kótótamo bóe fiyóló, betámó bitu, mo kée yóló hajné sukutu beteraipó.

*Adam-né ere ala tuámó sukó, Yesuné ere tuámó kepaayóo erapó*

<sup>12</sup> Térapa, betā whiné yale alané i haepaae dowi ala wópóló tū tukiyalepó. Atéyale dowi alané sukutere ala kaaróló, so whi fea sukuté fu betalepó. Ti noatepae, so whi fea dowi alatóró du betaleiteiné. <sup>13</sup> Kale tukóló muló betere fo sókó waaí teópa, ti dowi alapi i haemó moipakalepó. Ai tukóló muló betere fo sókó waaipa, so whiné du betere dowi ala Kótóné fea taleyóló dosāanipó. <sup>14</sup> Atépatei, Adam betale alimó kaae sóró so whi sukuté wóló, Moses betale alimó betere so whikéle fea sukutere alané teteróló kaae taru, hāle sukutétóró fu betalepó. Ti Kótóné yóló mulale fo Adam-né tukóló ere dowi ala kaae, ai so whiné initei, atimakéle mepaae dowi ala hāle deté fu betepa, sukutétóró fu betalepó. Ti Adam-né yale alata, nalo waaire whi betāné yaaire alatóró suróló erapó.

<sup>15</sup> Tépatēi, Talené hāle matere ala kolósu, ama fo tukóló yale dowi ala kolósu depa, mo betā kaae meipó. Téyaleitei, Kótóné hamokoróló tao sere alaró betā whi Yesu Kerisoné hamokoróló hāle matere wisi alatamo, so whi feapaae

mo turó suralepó. Atéyale alané folosóró yale ala mo teraae falapó.

<sup>16</sup> Kale yale fo momó dapó. Kótóné hāle matepa sere alaró betā whiné yale dowi alamó sere sekei alatamo betā kaae meipó. Betā whiné yale dowi alamótei, so whi fea taleyóló só deralepó. Atépatei, so whi feané fo tukóló yale dowi ala mo dekéro yó tapa, Kótóné hāle matere alané so whi feapaae diā me alakéle muni, mo donoi so whipóló betero beteraipó. <sup>17</sup> Ti noatepae, betā whiné fo tukóló yale alamó sukutere ala ai whi tuámó sókó walepó. Atéyaleiteiné so whi feapaae sukutere ala tokó melóló, ai alané so whi fea teteróló kaae tarepó. Kótóné hamokoróló tao sere alaró hāle matere donoi doitamo sere so whita, ti betā whi Yesu Keriso tuámó mo ti betere bete sóró teteróló kaae taté fu betaalopó. Atétu sukutere alané teteróló kaae tareitei, mo ti bosené falapó.

<sup>18</sup> Atére betené betā whiné fo tukóló yale dowi alamó kwia móturaalu, so whi fea só deró beteraipó. Atépatei, me whiné ti fo wosóló mo betā donoi ala wisinaale ereiteiné so whi feapaae me ala muni, mo donoi so whipóló, mo ti betere bete mótu beteraipó. <sup>19</sup> Ti noatepae, kale yaqse yóló mulale fo betā whiné tukóló yale dowi alamó, so whi fea dowi ala yale whitóró alée felepó. Atére kaae, betā whiné fo wosóló sya fele alané so whi fea me alakéle muni, mo donoi so whi beteraalopó.

<sup>20</sup> Kale fo tukóló du betale dowi ala mo ti fakeyópóló, Talené ama mepaae folosóró melale fotamo touróló, kale tukóló muló betere fokéle melalepó. Téyalemó, dowi ala mo ti faketepe, ai ala aluraai Kótóné hāle hamokoróló tao sere alakéle mo ti fakeralepó. <sup>21</sup> Aita hāle meipó. So whi fea dowi alané teteróló kaae tapa sukuté fu yale kaae, mió dā teteróló kaae tare whi Yesu Keriso tuámó betepa, Kótóné hamokoróló hāle tao sere alané teteróló kaae



taru, dāpaae me alakélé muni, mo donoi so whīpóló, mo ti betere bete mótu betaai erapó.

## 6

*Dā dowi alamó sukóló, Yesu tuāmo momó kepaayóló betera*

<sup>1</sup> Térapa, mió dāné noa fo yaaloé? Kótóné ama hamokoróló hāle tao sere ala mo ti fake yópolópa, dā dowi ala hāle yó tawae fo enére? <sup>2</sup> Ai fo mo enénipó. Ti taketa dā dowi ala tuāmó mo sukóló molepó. Atéreteiné ai ala tuāmó dā momó kae netéro bitiré faaloé? <sup>3</sup> Ti dā fea wēi tópuale alata, Yesu Keriso tuāpaae doropóló, ā sukāle ala tuāmó tópualepóló kisipa mutumié? <sup>4</sup> Ti dā atéro wēi tópuale alata, ātamo betāmó sukóló ā tuāmó douralepó. Ti hāle meipó. Ali-mané mo kae ere dē wisinaale tuāmó bole fotokōné Yesu Keriso kepaarótu yale kaae, dākélé kisi betere bete sóró ātamo betāmó bitiré faairaalu yalepó.

<sup>5</sup> Ti Yesu sukutu yale kaae dākélé, ātamo sukutepa ti ā momó kepaatu yale kaae, dā feakélé kepaayóló betaalopó. <sup>6</sup> Ti noatepae, ai upulé ala du betale whīta, ātamo filipaa ni tómó oleróló daletei dāné kisi-parapó. Atéyale beteta, dowi alané dā momó tēteróló kaae tawaqsóró, tó tikiné dowi ala yaai bole fotokō kemerópóló, ātamo sukālepó. <sup>7</sup> Ti noatepae, mepaae sukutere whī ti dowi alané momó kae dokóló muni, teraae fóló hāle betera.

<sup>8</sup> Ti mió dā Yesu Kerisotamo betāmó sukunapóló kisipa mutepa, ti ātamo betāmó betaalopóló kisipa tiki tiró betera. <sup>9</sup> Ti noatepae, Yesu Keriso ā sukóló kepaayóló betereitei, momó kae sukāalomeipó. Sukutere alané ā tēteróló kaae tawaaire sunire ala dāné kisi-parapó. <sup>10</sup> ā sukāle beteta, dowi alamó āpaae erótu betale sekei ala mo ti kemeraairaalu, betā félitóró sukāletei ā momó kae sukāalomeipó. Atéro mió ā

betereteita, Kótóné ala eraairaalu, betera.

<sup>11</sup> ā atétu yale kaae, dowi alané diā tēteróló kaae tawaletei, mo ti kemeróló diākélé sukó, Yesu Keriso tuāmó bituraalu, Kótótamo mo betāmó betóo, erapóló kutirimó muló betae. <sup>12</sup> Térapa, diaaā mo tó tikiné ekēleyóló yae dere ala sya furaalu, du betere dowi alané diā tēteróló kaae tawaqsóró yae. <sup>13</sup> Diaaā hó naase, ó tiki fea, tó tikiné ekēleyóló du betere dowi alapaae mulaāse. Ti diāta, mo sukāle whītei momó kepaayóló betera, betā whīné ama fosói tō ó sepake me whīné kutó diyópóló mótu dere kaae, Kótóné ama eraai kisipa mole donoi ala wisinaale erópóló, diaaā hó naase, ó tikikélé mo turó Kótópaae melae. <sup>14</sup> Ti mióta, diā kale tukóló muló betere foné tēteróló kaae tare aqmó bitini, Kótóné hāle hamokoróló tao sere alané tēteróló kaae tare aqmó betera. Téreteiné dowi alané diā momó kae tēteróló kaae tanénipó.

*Take dowi alané wae sóró betereitei, mió donoi alané kutó diratere whī betera*

<sup>15</sup> Térapa, mió dāné noa fo yaaloé? Dāta, kale tukóló muló betere foné kaae tare aqmó bitini, Kótóné hamokoróló hāle tao sere alané kaae tare aqmó betera, dowi alatóro deté fu betaalopó fo enére? Mo meipó. <sup>16</sup> Yā me tēteróló kaae tare whī beterepaae fóló, ama dirae dere kutó naao dirótu betepa, ti yā ai whīné wae sóró kutó diratere whī beterapóló kisipa muae. Yātamo dowi alané wae sóró kutó diratere whī betepa, ti ai alatóro deté fóló, sukutere alapaae sókó faalopó. Yātamo Talené fo aqmó bitu, ai mo ala wisi sya fóló erótu betepa, ti donoi ala dere whī betaalopó. <sup>17</sup> Take diā dowi alané tēteróló kaae tapa, ai dowi alané kutó deratere so whī betalepó. Atépa, diāpaae kale fo wisi yó móturaalu, i fonéta

diã kaae tawaalopa, aq̄mó betae yóló yó maletai diãné wosalepó. Ai fo wisi diaaq̄ hosaa tuãmó muló bitu, ketekę buóló erótu betereiteimó yãlo Kótópaae mo kée enérapó. <sup>18</sup> Taketa, diã dowi alané dokóló muló betereitei, teraae faróló mió donoi alané wae sóró kutó diratere so wh̄i ai betere ape.

<sup>19</sup> Diã mo i hae wh̄i bituraalu, yãlo i yó mótu betere mo bete mole fo wisi diã diriyóló tuę yaaire sunireteiné kisipa yaasepóló, mo wh̄iné dere alapaae dó faróló i dapa wosae. Taketa, diãné hó naase dowi alapaae mulóló, ai alané wae sóró kutó diratere so wh̄i bitu, dowi alatóró mo ti fakeraté fu betalepó. Atétu yale kaae, mió diãné hó naase ó tiki fea Kótópaae hãle menóló, ama donoi alané wae sóró kutó diratere so wh̄i betae. Atétepa, ti Kótóné mo kae so wh̄i beteraté fenérapó. <sup>20</sup> Take diã dowi alané wae sóró kutó dirótu betale sukamó, donoi alané teteróló kaae tare tuãmó bitipó. <sup>21</sup> Mió i betere alimó haleturaalu, take diãné du betale ala kisipa fatepa, take yale ala tuãmó me noa wisi alakó bupa kelere? Take ai deté wale alané duputa, ti sukutere ala kaaró ai betere ape. <sup>22</sup> Taketa, dowi alané diã dokóló muló betereitei teraae faróló, mió Kótóné ama kutó diróppóló wae sóró beteró betere so wh̄i beteraipó. Atéró Kótóné ama kae ere wisi ala tuãmó bitiré fole duta, mo ti betó tawaaire bete sóró betaalopó. <sup>23</sup> Ti noatepae, dowi alané ama kutó diratere so wh̄ipaae matere duputa, sukutere alapó. Tépattei, ðã teteróló kaae tare wh̄i Yesu Keriso tuãmó betepa, Kótóné mo ti betó tawaaire bete hamokoróló hãle mótu beteraipó.

## 7

*So wh̄itamo dokóló betere alapaae dó faróló dere fo*

<sup>1</sup> Norape-ó, yãlo i dere fota, Kótóné tukóló muló betere fo kisipare wh̄irapepaae dapó. Wh̄i

sukuni betepa, ti kale tukóló muló betere foné teteróló kaae tare aq̄mó beteraipó ere fo diaaq̄ kisiparapó. <sup>2</sup> Betã suróló dere fo i ape. Wh̄iné dokore so ama oma sukuni hãle betepa, me wh̄itamo dokaairitei fo mulapó. Ama omatamo sukóló wulia betereimó, me wh̄iné dokotepa ti fo munipó. <sup>3</sup> Wh̄iné dokore sotamo oma betepatei taaróló wh̄i me kaetamo fupa, so wh̄i feané ai so nópu nukulapó dua dapó. Tépattei, oma sukítikimó wulia me wh̄itamo dokotepa, ti nópu nokole sopó enénipó. Ti noatepae, wh̄iné dokore ala kemeyalepó.

<sup>4</sup> Térapa norape-ó, soró wh̄itamo dokoterepaae dó faróló yale fo bete i ape. Ðã Yesu Keriso tuãmó betepa, ã mo ti dóló sukunóturaalu, ðãkélé ãtamo sukãlepó. Ti aita hãle meipó. Folosóró kale tukóló muló betere foné dokaletai mo ti kemeróló, sukóló momó kepaayóló betere wh̄iné ðã dokóló, ni du wisi oletu dere kaae, ðã tuãmó wisi ala epa kilituraalu, Kótóné ama doi doasi mulóppóló erapó. <sup>5</sup> Take ðã tó tikiné teteróló kaae tawale alimó, kale tukóló muló betere fonéitei tó tikiné ekęletere ala mo ti fakeyóppóló, sesemeralepó. Atéró sesemeratepa du betale alané ðã tuãpaae olerale duta, ti sukutere alapó. <sup>6</sup> Take tukóló muló betere foné ðã dokóló bitu, Talené ala eróturaalu, kale aseýóló muló betere fo maaté sya fóló erótu betalepó. Take até dua yale alata, ðã sukuturaalu mo ti kemeralepó. Mió kisi alata, ti Ðei Kepe Wisiné ðã fotokę bulatepa, Talené ama ala erótu beteraipó.

*Dowi alané ðã só deraai wóputu betere ala*

<sup>7</sup> Térapa, mió ðané noa fo yaaloé? Kale tukóló muló betere fo-a, dowi alapó enére? Mo meipó. Ai tukóló muló betere foné epaae dowi ala i ape yóló yó melóluq̄meisóró, ti dowi ala kisipa uãmeipó. Ti tukóló muló betere foné mené q̄la senée yóló au

naqse fo uameisóró, ti au nokoleteti dowi alapóló tué muameipó. <sup>8</sup> Ti ai tukóló muló betere foné tē mulatepa, dowi ala ę tuapaae sókó wóló, kae kae wisi wisi ęla senée yóló au nokole ala kaaralepó. Ai fo sókó waaipa, ti dowi ala sukóló mulu, so whıpaae me ala eraaire fotokę mo bunipó. <sup>9</sup> Kale tukóló muló betere fo sókó waaipa, ę mo beterepó. Téatei, kale yaqse yóló muló betere fo sókó wóló, dowi ala sukóló mupatei, kepaaróló beteraleteiné ę dóló sukunalepó. <sup>10</sup> Kale yaqse yóló muló betere foné mo ti betere bete melaalo nisi yalemó, sukutere alatei ępaae eralepó. <sup>11</sup> Kale yaqse yóló muló betere foné mulale tēmó dowi ala ę tuapaae sókó wóló, fotei dowi alané nópulu kaae tao sóró ę dilikóló dolóló sukunalepó. <sup>12</sup> Atérené kale tukóló muló betere fota, me dowi alatamo hoseké ini yóo, kale yaqse ó yae ere fokélé doni, mo donoi ala wisipóló Kótóné ama kae tukóló mulóo erapó.

<sup>13</sup> Ti kale tukóló muló betere fo wisi-a, sukutere ala alée fóló ę dóló sukunaleé? Mo meipó. Ténitei, dowi ala yało tué yópóló, dowi alané kale wisi tao sóró, ę tuámó sukutere ala kaaralepó. Atétu dowi alata, mo dowi ęlapóló so whıné kisipa yópóló, kale yaqse yóló muló betere foné hękearatapó.

<sup>14</sup> Kale tukóló muló betere fota, Kótó ę mo kepetóró bituraalu, amatei tukóló muló beterepóló, dąné kisiparapó. Téatei, ę mo hae whı betereiteiné dowi alané wae sóró kutó diratere whı i betere ape. <sup>15</sup> Yało du betere ala ęalotei kisipanipó. Ti noatepae, enére wisi alamo yało dumi, yaalo hęre alatei hęko du beterepó. <sup>16</sup> Ti yaalo hęre ala yało du betereiteiné kale tukóló muló betere fo kolósu, yało du betere ala kolósu depa, mo wisirapóló kisipa mutapó. <sup>17</sup> Ti ai alata, ęalotei kekeme nóló dumi, dowi ala ę tuámó moleteiné du beterepó. <sup>18</sup> Atéru, wisi ala mo betakélé ę tuámó munipóló kisipa mutapó. Wisi ala ę tuámó munipó

dere fota, yało mo tó tikimó wisi ala munipóló dapó. Ti noatepae, yało kisipané wisi ala enéatei, yaaire mo sunipó. <sup>19</sup> Yało yaai kisipa mole wisi alamó dumi, yaalo hęre dowi alatei yało hęle yó tarapó. <sup>20</sup> Téturaalu, yaalo hęre alatei du betepa, ti yało kekeme nóló dumi, ę tuámó mole dowi alané du beterepó.

<sup>21</sup> Ti yało du betere ala tuámó i ala epa kolóló kisiparapó. Yało wisi ala yaai kisipa mutere sukamó, dowi alakélé ę tuámó mupa kelerapó. <sup>22</sup> Ti noatepae, Kótóné tukóló muló betere fo kilituraalu, yało tué tiki tuámó mo kée yóló hękesetu beterepó. <sup>23</sup> Atéatei, yało hó naase, tiki tuámó dowi alané ama kisipa mole ala erótu betepa kelerapó. Ai alané yało tué tiki tuámó donoi alatamo bóe du beterepó. Atéturaalu, yało hó naase, tiki tuámó yó tare dowi alané ę dokóló *dipula* kaae, beterepó beterepó. <sup>24</sup> Yało tikita, dowi alané i turukée fole ape! Yało mo tó tikiné ę sukutere alapaae sıyóló só foleteti, né tao saaloé? <sup>25</sup> Ti dą teteróló kaae tare whı Yesu Keriso tuámó bitu, Kótóné ępaae erótu betere alamó mo kée du beterepó.

Atétu betepatei, yało tué tiki tuámó ti ę Kótóné tukóló muló betere foné wae sóró kutó diratere whı betóo, tó tikita ti yało yó tare dowi alané wae sóró kutó diratere whı betóo erapó.

## 8

### *Dęi Kepe Wisiné mo ti betere bete mótu beterepó*

<sup>1</sup> Térapa, mió Yesu Keriso tuámó betere so whı Kótóné fo tokóló só deratere ala mo yaalomeipó. <sup>2</sup> Ti noatepae, dowi alaró sukutere alatamo fotokęné ę dokó muló beterepó. Atéretei, Yesu Keriso tuámó betepa, mo ti betere bete matere Dęi Kepe Wisi fotokęné ę teraae faróló, hęle beteralepó. <sup>3</sup> Ti noatepae, kale tukóló muló betere foné dą tao saai yaleteti, mo tó

tikiné dere ala tuamó betereiné tao saaire sunipó. Atépa, Kótóné ama naalematoró dowi ala du betale whi aqyóló sukópóló doteyalepó. Aita hãle mei, so whiné yale dowi alamó melaai yale kwia tokóló aluraai yalepó. A atéro sukuturaalu, tó tikimó mole dowi ala ama só deróo, ai dowi alamó melaai yale kwiakélé ama tikimótei sóró aluróo yalepó. <sup>4</sup> Atéro só deraletei hãle meipó. Tó tikiné yae dere ala sya feni, Dèi Kepe Wisiné yae dere ala sya fu betere so whi dã tuapaae kale tukóló muló betere foné eraai du betale donoi ala eróló mo surópóló yalepó. Ai ala eró betere so whi dãta, ti dãné tó tikiné yae dere ala dumi, Dèi Kepe Wisiné yae dere alatóro du beteraipó.

<sup>5</sup> Tó tikiné yae dere alatóro sya fu betere so whi atimané kisipa tikikélé, ti tó tikiné hëkesere alapaetóro muló beteraipó. Tépaitei, Dèi Kepe Wisiné yae dere ala du betere so whi atimané tué tikikélé, ti Dèi Kepené yaai hëkesere alapaetóro muló beteraipó. <sup>6</sup> Tó tikiné yaaitere ala maaté kisipa mutu betere so whiãta, sukutere ala tuamó beteraipó. Tépaitei, Dèi Kepe Wisiné yae dere ala tué mutu betere so whi ti Kótótamo bóe fióló mo ti betere bete sóró hosaa muni deyóló mo dua beteraipó. <sup>7</sup> Ti noatepae, tó tikiné ekëlere ala yaai kisipa mutu betepa, ti Kótótamo bóe du beteraipó. Atétere alané Kótóné tukóló muló betere fo aqmó bitini yóo, ai fo eraaire fotokókélé buni yóo, erapó. <sup>8</sup> Tó tikiné yae dere ala sya fu betere so whiné Kótó hëkese yaaire ala mo eranénipó.

<sup>9</sup> Tépaitei, Kótóné Dèi Kepe Wisi diã tuamó betepa, tó tikiné yae dere ala sya fóló ini, Dèi Kepe Wisiné yae dere ala sya fóló du beteraipó. Mepaae whi de tuamó Yesu Kerisoné Dèi Kepe Wisi bitinipa, ti Yesu Kerisoné so whi meipó. <sup>10</sup> Naa mo tikita, dowi alané dóló sukunóo, naao kepe beteta, ti Kótóné donortere alané

kepaaróló beteroó, erapó. <sup>11</sup> Yesu Keriso kepaaróló beteraie sekéné melale Dèi Kepe Wisi diã tuamó betepa, Kótóné Naalema kepaarótu yale kaae, ai Kepepaae diã kepaaróló beteraie depa, diaaq mo tó tikikélé kepaaróló, mo ti beterepóló yaalopó.

<sup>12</sup> Térapa norape-ó, Kótóné dã tao sóró eró betere wisi alamó dãnémo apaae tokó melaaire kwia mulapó. Atéreteiné dãné tó tikiné ekëlere alané noa alakó dapaae eró betepa, dãnémo ama erae dere ala sya fóló eraaloé? Até mo enénipó. <sup>13</sup> Ti noatepae, tó tikiné yae dere ala sya fupa, ti diã mo sukãalopó. Tépaitei, Dèi Kepe Wisi fotokóné diã tao supa, ti diãné tó tikiné yaaire dowi ala diaaq doló sukunatepa, ti diã mo betaalopó. <sup>14</sup> Ti noatepae, Kótóné Dèi Kepe Wisiné alisoró fu betere so whiãta, ti Kótóné ama naale senaaletóro beteraipó. <sup>15</sup> Ti diã matepa sale Kepeta, momó wae sóró kutó diratere whi beteróló, wiratere Kepe meni, Kótóné ama naale senaaletóro aleróló beteroótu betere Kepe matepa salepó. Ai Kepe Wisiné dã tao sóró i fo yae depa, dãné fo fakeyóló, “Apa-ó! Aya-ó!” du beteraipó. <sup>16</sup> Ai Dèi Kepe Wisi dãné kepetamo touyóló betãmó bitu, dãta Kótóné ama naale senaaletóro beteraipó du beteraipó. <sup>17</sup> Mió dãtamo ama naale senaale betepa, ti Kótóné ama eraalopó ere ala wisi dokonóturaalu, Yesu Kerisopaae materetei dãkélé saalopó. Take Kótóné ama kae ere dè wisinaale tuamó dãkélé Yesu Kerisotamo betãmó beterepóló, a sekei ala su yale kaae, mió dãkélé sekei ala siré fu beteraipó.

*Kótóné ere dè wisinaale tuamó betaalopóló hãjtu betere ala*

<sup>18</sup> Kótóné mo kae ere ala wisinaale dã tuapaae hãkearóló, eratere ala ke-laai dapóló kisipa mutu, mió dapaae i erótu betere sekei ala mo sawa òla alerótu beteraipó. <sup>19</sup> Aleyóló muló betere òla òla feané Kótóné ama naale senaale i ape yóló hãkearatere



kelaai dapóló, hajtamo bitu, kele kele du beterapó. <sup>20</sup> Kótóné aleóló muló betere ɔla ɔla fea fomaakei ala tuamó beteralépó. Ai alata, atima kisipanétei ini, ai ala tuamó beterale sekéné ama kisipa mole ala sya fóló erapó. <sup>21</sup> Atéru, Kótóné aleyóló muló betere ɔla ɔla fea doróló aluraai mió dokóló mulapó. Atéretei, take Kótóné ama naale senaale dokoretei teraayóló ama kae ere de tuamó feléyóló betere ala atimakélé saalopóló kisipa mutu, hajtamo kaae tawóló beterapó.

<sup>22</sup> Kótóné aleyóló muló betere ɔla ɔla fea touyóló so naale saai sisó nóló kaketu dere kaae, take keké nale alimó kaae sóró deté waleteti, mió i betere alimókélé kaketere ala hɔle yó taretei dané kisiparapó. <sup>23</sup> Ama aleyóló muló betere mo ɔla maaté mei, da tuamókélé, Deji Kepe Wisi betereteiné dele doasi sóró kaketu beterapó. Ti aita hɔle mei, Deji Kepe Wisi folosóró ulumétere ɔla iki nukutere kaae erapó. Atéreteiné da Kótóné naale senaale aleróló dape saaire be de hapale analée yóló kaae taté fu beterapó. Ai be demó Talené da dupu yaletéiné i daale tiki taaróló, kae tiki wisi saalopóló hajtamo kaketu beterapó. <sup>24</sup> Ti Kótóné ama da tao sóró wisiróló betero betere beteta, take nalopaae eraaire wisi ala kelaalopóló kisipa mutu, hɔkesetamo kaae taté fu betero ɔpóló tao salepó. Atépetei, mepaae whiné wisi alatamo kelené kolóló tuépa, ti ai ala ama sóró tareteiné kelenée dere fo momó kae enénipó. <sup>25</sup> Tépetei, mepaae ala mió dané sóró tani, take nalo saalopóló kisipa mutu, kaae taté fu betere ala hɔni, hɔle bitiré fu betaalopó.

<sup>26</sup> Atétu betere kaae, moma yaaire fotokɔ buni béruraalu, dané hosaa tuamó ere ala kólóné enénipa Deji Kepe Wisiné da tao suraalu, akélé deletamo ketekɔ buóló, Kótópaae momarótu beterapó. <sup>27</sup> Atétu betepa, dané hosaa tuamó ere ala taletu betere Kótóné Deji Kepe Wisiné

mole kisipakélé kolóló mo tuérapó. Ti noatepae, kale Deji Kepe Wisiné Kótóné yaai kisipa mole alatóro sya furaalu, ama kae betero betere so whi tao sóró Talepaae momarótu beterapó.

*Kae kae sekɔi alané da doraɔsóro, Kótóné fotokɔné tɔteró beterapó*

<sup>28</sup> Ti noatepae, Kótópaae yaala sókó fu betere so whipaae kae kae ala erótu betere tuamó Kótóné atima tao saai wisi ala erótu beteretei dané kisiparapó. Ti ai so whita, ama kisipa mole ala eraai a beterepaae ape yalepó. <sup>29</sup> Ti noatepae, mo taketitei ama kisipare so whita, Naalema biture kaaetóro betero ɔpóló, amatei atima wisiraté faai dapóló, tukóló mulélipakalepó. Atéreteita hɔle mei, ama ne nomarape kuamó a topo naale betero ɔpóló erapó. <sup>30</sup> Mo taketitei ama kisipané a beterepaae wɔpóló yóló sóró beterale so whitóro a beterepaae ape yalepó. Atéyale so whipaae me alakélé muni, mo donoi so whipóló beteralépó. Atéro sóró beterale so whi tuapaae ti ama kae ere de wisinaale eróló mo ti suró beterapó.

<sup>31</sup> Atérapa, ama ai eró betere doasi alamó, mió dané noa fo yaaloé? Ti Kótó aɔta, dapaae me ala eraɔsóro tao sere sekɔ betepa, né dɔtamo bóe dóló só deraaloé?

<sup>32</sup> Kótóné ama naalema mepaae whiné daɔsóro sesé dere ala ini, da fea tao saairaalu, apaae eraaire ala eró ɔpóló, atimané naase tuamó mulalepó. Da tao suraalu ama naalema melale kaae, dané mepaae yaɔɔtere alakélé ama hamokoróló tao sóró hɔle melaalomeipóló kisipa mute? Meipó. Ama mo melaalopó.

<sup>33</sup> Kótóné ama so whipóló sókó sóró kae betero beteretei, né atimatamo fo tokóló só deranére? Ti Kótónétóro mo donoi so whipó du beterapó.

<sup>34</sup> Ti atimata, me alakélé muni, mo donoi so whipóló Kótónétei sóró betero betepa, né só deraaloé?

Yesu Keriso ą mo ti sukąletei, Kótóné momó kepaaróló fea ala tẹteróló betere tiki, ama turu naase demó beteralepó. Aimó bituraalu, ą só deratere ala yaqsóró, tao saaire fo Alima Kótópaae du beteralepó. <sup>35</sup> Yesu Kerisoné ąpaae yaala sókó furaalu, eratere wisi ala mo eraqsóró, né sesénére? Me sekeji alané ó hosaa tuąmó mole sekeji alané ó Yesuné doimó betepa sere susupui alané ó ąla sóku alutere alimó wote dere alané ó kuti meiyóló tiki ąle betere alané ó mepaae ą dóló sukunatere kae kae ąla ąlané ó whi mo ti dóló sukunatere alanékélé sesénénipó. Mo meipó. <sup>36</sup> I fo kaae asemókélé erapó.

“Tale-ó, ą naao ala erótu beteremó, ąpaae ąi ąaalopó dere fo betere dokọ fea ąle yó tarapó.

Ti ąata, *sipsip* hupurape daai halikané kaae duló beteralepó,” erapó.

<sup>37</sup> Ai dosąayale alarapené ą mo ti doratere ala enénipó. Mo bée dóló be torokọ falatu dere kaae, ai alarape ąané tẹteróló teraae faaire alata, ąpaae yaala sókó furaalu wisi ala erale whi Yesu Kerisoné yale ala tuąmó bitu, ti mo sımó enérapó. <sup>38-39</sup> ąlo i dere fota, mo dapóló tuę tiki tiraaire fopa wosae. Sukutere alané ó betere alanékélé, *ensel*-rapené ó dowi keperapénékélé, mió i betere alimó du betere alané ó take waaire alimó yaaire alanékélé, kae kae fotokọ bole keperapené ó są taoró betere ąlarapénékélé, mo apaae derepale dolomó betó mole ąlaró Kótóné aleóló muló betere ąla ąla featamoné, Kótóné ama yaala sókó fale ala, ą tẹteróló kaae tare whi Yesu Keriso tuąpaae tepeyóló, amamo ąpaae yaala sókó furaalu, wisi ala mo eraqsóró, ai dosąayale alarapené seséyaaire mo sınıpó.

## 9

*Kótóné ama mole kisipatóró sya*

### *fóló dere ala*

<sup>1-2</sup> ąlo i dere fota kapala mei, ę Yesu Keriso tuąmó bitu, mo dapó. ę dekené sukuturaalu, ąlo hosaa tuąmó delei ala ąle yó taretei, Deji Kepe Wisiné kolóló mo dapó du beteralepó. <sup>3</sup> ąlo no nerape Israel fake so whi atima ę betere kaae wisiyóló beterópóló tao suraalu, ę Yesu Kerisotamo betąmó betere ala tekeyóló kae beteratepa ti wisirapóló kisipa mutapó. <sup>4</sup> Ti ai Israel fake so whi Kótóné dape sóró ama naale senaale beteroó, ama kae ere ala wisinaale atimané kolópóló yó melóo, Kótóné ama so whipóló atimatamo mo dirii fo dokóló mulaté wóo, ama tukóló muló betere fokélé atimapaae melóo, momatere bemó Talené doimó mepaae alarape erótu betae yóo, ama wisi ala atimapaae mo eraalopóló, yóló mulaté wóo erapó. <sup>5</sup> Ti atimata, Israel fake kaarale whirapené deté wale so whipó. Ai fake sonéta, so whi tẹteróló kaae tawaaire whi Yesu Keriso mo whi tiki daai dealepó. Ti Yesu ąta, fea ala fea tẹteróló kaae tare Kótó betepa, ama mole doi wisinaale mo ti muó tanópóló, sóró horótu betae. Mo kée! Teyópóló yae.

<sup>6</sup> Kótóné atimapaae i ala eraalopó ere fo ąsókó felepóló kisipa mute? Mo meipó. Ti noatepae, kale whi Israel-né deyale naalerape fea betó moletei, atima Israel faketóro bitinipó. <sup>7</sup> Abraham-né deale naale senaale betó moletei, fea ama doi mole naale senaale bitini, mepaae ti ama doi munire naale senaale beteralepó. Asemó i fo mulapó. Kótóné Abraham-paae duraalu,

“Aisak-né deyaaire naale senaale maaté ti mo naao naale senaale ai ape,” erapó.

<sup>8</sup> Ai ere fo bete i ape. Abraham-né ama naale tamó dealetei, mo whiné naale senaale detere ala sya fóló deale naaleta, ti ama naale meipó. Kótóné Abraham-paae eraalopó yale fo dokonóturaalu deale naaleta, ti Kótóné ama doi mole

naale senaalepó erapó. <sup>9</sup> Ti Kótóné ama mo eraalopó yóló mulale fo i ape.

“È momó fesaae wouraaluta, mió yálo i tukóló mulatere be demótóro Sera ą naale mo sóro betepa kelaalopó,” fo ipakalepó.

<sup>10</sup> Ai maaté mei, Rebekanékélé dąné noutere Aisak-tamo betą be demó naale tamo deipakalepó.

<sup>11-12</sup> Ai kale naale tamo betą be demó deyaaipatei, atimaamoné me wisi ala ó dowi ala initei, Kótóné ama mole kisipa sya furaalu, sókó su yóló kae beteraaire ala mo ti muó tanópóló, kale sopaae i fo ipakalepó. “Naao topo naaleta, deķę naalené kutó diratere whį betaalo ai ape,”

Ti Kótóné ama so whįpóló sóro betere alata, whįné dere ala kolóló dumitei, Talené ama kisipa mole alatóro sya fóló dua dapó. <sup>13</sup> Ai fo kaaetóro asemókélé erapó.

“Yálo hosaa mo turó Jekop-paae muluraalu, Iso yálo hękeseni hóralebó.”

<sup>14</sup> Atérapa, mió dąné noa fo yaaloé? Kótó ąta, whįné du betere ala donoyóló tale dumı, hoko taletere Kótópóló kisipa mute? Mo meipó.

<sup>15</sup> Ti Kótóné Moses-paae i fo erapó. “Yálo tao saai kisipa mole whıtóro kęleturaalu tao saalopó. Ti kęletere alata, yálo kisipa mole whįpaaetóro dua dapó,”

<sup>16</sup> Ti Kótóné tao sóro erótu betere alata, whįné mole kisipa ó ketekę buóló ditere kutó kilituraalu dumitei, Kótó ą tuámó ere kęletere alané tao sóro erótua dapó. <sup>17</sup> Kale aseyóló mole Kótóné fo tuámó topo whį Feropaae i fo erapó.

“Naao du betere ala tuámó yálo bole fotokę hękearatepa, i hae kwiamó betó mole so whį feané kolóló, yálo doi sóro horópóló, Isip hae naao teteróló kaae tawae yóló yą topo whį sóro betero betere apó,” erapó.

<sup>18</sup> Ti Kótóné ama kęleaané kęleturaalu tao sere whį tao sóo, mepaae so whį hosaa taróló dowęae fole ala eraai depa, ti mo dowęae falóo, du betere apó.

<sup>19</sup> Diąkó betą whįné ępaae etei kaae fo enérápó. “Ai fotamo mo epa, Kótóné dąné yale dowi alamó dą só deratere ala, noatapa du betere? Ti atétepa ama kisipa mole ala yaqsóro, mené sesé yaairetei mo sunipó,” <sup>20</sup> Ti yą noa kaae whį bitu, Kótópaae bi kęatere fo dute? Kale doka haenétei wuti aletu betere whįpaae “Naao noatapa ę etéro hoko aleyaleé?” fo enére? <sup>21</sup> Kale wuti aletere whįné ama betą hae bula kęayóló mo ęla deyaaire wuti aleyóo, mepaae hęle hoko ęla deyaairetei aleyóo dua dapó. Ti ama ęla ereteiné ama kisané alenére ęlatóro sumó alenérápó.

<sup>22</sup> Atétere kaae, Kótó ą fopaae buturaalu ama doraai taketi bukóló kae betere so whį kwia melaai kisipa mualepó. ą atéro fopaae butu, kwia matere alaró fotokętamo so whį feané kolópóló hapale hękearóló ini, dua kaae taté fu betere alamó dąné noa fo yaaloé? <sup>23</sup> Aita hęle mei, Kótóné ama kae ere deķę wisinaale tuámó fęane wisi wisi ala ama kęletu tao saaire so whįné tuę yópóló ere alamó dąné noa fo yaaloé? Ai so whįta, Kótóné ama kae ere deķę tuámó beterepóló, taketi tukóló muló betere apó. <sup>24</sup> Atére so whįta me kae mei, dątórótípó. Ti dą Juda fake maaté ą beterepaae ape ini, Juda meire fake so whįkélé ą beterepaae ape erapó. <sup>25</sup> Yálo i dere fo kaae, Hosea buk-mókélé Kótóné ama i fo erapó.

“Mepaae yálo so whį mei, kae fake so whįpaae yálo so whįpó yóo, take hosaa muni yale sopaaetei yálo hosaa mole sopó yóo, yaalo ai ape.”

<sup>26</sup> Atére kaae, “Atima yálo so whį meipó yale tikimótei dią mo ti betere Kótóné naale senaalepó yaalo ai ape.”

27 Aisaiané Israel so whimó kisipa mutu, fo fakeyóló i fo erapó.

“Israel fake so whi mo hãle ɔla kaae betó mupatei, betã betã so whi ti aluyaqsóro tao saalo ai ape.

28 Ti noatepae, Talené i haemó betó mole so whiné yale dowi alamó kwia melairetei hãsóko feni, hapale tétitóro mo turó melaalo ai ape.”

29 Ti i bope yale ala Israel so whipaae eraai teópatei, mo take Aisaianékélé aseyóló muló beterapó.

“Hepen bemó betó mole bóe dele *ensel*-rape teteróló kaae tare Talené dã tao sóro, ama naale senaale beteroluqmeisóro, ti dã Sodom beró Komora betamo doróló wópu mulótu yale kaae uapó,” erapó.

*Israel fake so whi Talepaae kisipa tirénire ala*

30 Atérapa, mió dãné noa fo yaaloé? Juda meire fake so whi atimapaee Kótóné mo donoi so whipó yópóló, me wisi alakélé initei, Kótópaae betã kisipa tiki tiratere ala kilituraalu, mo donoi so whipó erapó. 31 Téyaletei, Israel fake so whiné kale tukóló muló betere foné erae dere ala eratepa kilitu, mo donoi so whipó yópóló, ketekẽ buóló du betaleteti, donoi so whipó yaaire dãlemó sóko fenipó. 32 Ti noatepae, atima tuẽ tiki tiratere ala ini, kale tukóló muló betere fo sya fupa saalopóló kisipa mutu wóputu betaletiné sini ipakalepó. Ti atimatei kale kotóo sóro dée nalatere kane fakemó kotóo sóro dée nukua yalepó. 33 Ti atima ai ere alata, i asemó mole fo kaaetóro erapó.

“Kotóo sóro dée nalatere kane fake Saion haemó yalotei i mulatapa kelae. Ai kane fakemó so whi kotóo sóro dée nukua yaalopó.

Mepaae so whi dené ai seképaee kisipa tiki tiratepa, ti atétere so whi hale dere alakélé mo yaalomeipó,” erapó.

## 10

1 No nerape-ó, Israel fake so whi aluyaqsóro yalo hosaamó suraalu, Kótóné tao sópóló momarótu beterapó. 2 Ti noatepae, atima Kótóné ala eraai ketekẽ boletei yalo kelené diriyóló kolóló mo kisiparapó. Tépateti, ai bole ketekẽta, ama fo bete wosóló diriyóló tuẽ iru meitei hãle du beterapó. 3 Ti noatepae, Kótóné hãle matere donoi ala atima tuéniru, atima dere wisi alamó Kótóné mo donoi so whipó yópóló kisipa mutu, wóputu betaletépó. Téturaalu, Kótóné donoi so whipóló beterótu betere aqomó sukóló bitini, dowãae fu betaletépó. 4 Ti kale tukóló muló betere foné eraai yale ala fea mo dokonóló, Yesu Kerisoné amatóro eróló kemeraletépó. Atére alata, mepaae so whi de apaae kisipa tiki tiratepa, Kótóné me alakélé muni, mo donoi so whipó yópóló erapó.

5 Kótóné mo donoi ala dere so whipó yópóló, kale tukóló muló betere fo erótu beteremó Moses-né i fo erapó.

“Me whinétamo kale tukóló muló betere fo sya fu betepa, ti ai foné erae dere ala fea hotowaró sya fóló erótu beterópóló yae,” erapó.

6 Tépateti, tuẽ tiki tiratere so whipaae me alakélé muni, mo donoi so whipó dere fo i ape. “Diaaq hosaa tuãmó etei kaae kisipa muaqsé. ‘Demaaté hepen-paae faaloé?’ ” dere fota, Yesu Keriso i haemó beterópóló dapesó dorowonére? 7 Me fo i ape. “Demaaté mo apaae derepaaloé?” dere fota, Yesu Keriso sukóló moletei i haemó beterópóló, mé whi hae dolopaae doropóló dapesó honére?

8 Até enénipa, Kótóné noa fo aseyóló muló betere? “Kale mo fo yã betere tikimó ai mole ape. Ai fota, naao kólómókélé buóo, naao hosaa tuãmókélé muóo, ai ere ape.” Ti ai fota, me kae mei, dãné diãpaae Yesu Kerisopaae kisipa tiki tiróló betae yóló yó mótu betere fotórótípó.

9 Ti ai bete mole fo i ape. Mepaae



wh̄ipaae naao k̄olónétei, “Yesu ʔta, d̄a t̄eteróló kaae tare Talepó,” yóo, ʔ mo ti suk̄aletei Kótóné momó kepaaró beterapóló kisipa tiki tiróo depa, ti so wh̄i aluyaʔsóró ama tao saalopó. <sup>10</sup> Ti noatepae, naao hosaa tuʔmó ʔpaae kisipa tiki tiróo, me alakélé muni, mo donoi wh̄ipó yóo, naao k̄olónékélé ʔ etei kaae Tale beterapó dere fo wosetu, ama ʔa aluyaʔsóró tao sóo yaalo ai ape. <sup>11</sup> Ai dere fo kaaetóro aʔemókélé erapó.

“Mepaae wh̄i de ʔpaae tuʔ tiki tiróo betepa, atére wh̄i haleróló só deraalomeipó.”

<sup>12</sup> Ti noatepae, Juda fake so wh̄ikélé, Juda meire fake so wh̄ikélé, t̄eteróló kaae tare Tale mo bet̄atóro bitu, me fake tao suraalu me fakemo sisópaae erótumipó. Mepaae so wh̄iné ʔpaae Tale-ó, ʔ tao sae depa, ti wisi ala f̄ʔane Talené hamokoróló tao sóro wisi eraalo ai ape. <sup>13</sup> Ti noatapae,

“Mepaae so wh̄i dené ʔta, etei kaae Tale beterapóló kisipa mutu, ‘Tale-ó, ʔ tao sae,’ depa, ti atétere so wh̄i mo fea aluyaʔsóró ama tao saalopó.”

<sup>14</sup> Mepaae so wh̄i atima kisipa tiróo bitinire Talepaae Tale-ó, ʔ tao sae fo netéro yaaloé? Me wh̄iné ʔta, etei kaae Tale beterapóló yóo matere fo wosentepa, ʔpaae nétéro kisipa tiki tiraaloé? Ai fo wisi yóo matere wh̄i meitepa, ti atima nétéro wosaaloé?

<sup>15</sup> Kale fo wisi yóo melale f̄ʔpóló mené dotonéni depa, ti atimanémo ai fo netéro yóo melaaloé? Ai fo kaaetóro aʔemó erapó.

“Kale fo wisi yóo maté kotere wh̄irape dore tikikélé h̄oni, koteretei kilitu mo kok̄oné sukutapó.”

<sup>16</sup> Téplatei, mepaae Israel fake so wh̄iné kale fo wisi wosóta dua yaletei, ai fo aʔmó sukóló bitinipó. Ti Aisaiané i fo aʔyóló muló beterapó. “Tale-ó, d̄ané yóo male fo némaaté wosóló tuʔ tiki tiraleé?” erapó.

<sup>17</sup> Atéplatei, kale fo wisi yóo matepa wosetere alané ti tuʔ tiki tiratere

ala kaaratapó. Ai fo wisita, Yesu Kerisoné me wh̄ipaae yóo melae dere fotóro yóo matepa so wh̄i feané wosenérapó. <sup>18</sup> Téplatei, ʔalo diʔpaae wosetere fo i ape. Ai yóo male fo atimané wosenié? Mei, mo wosipakalepó. I ere fo kisipa muae.

“Ai kale fo hae kwiamó betó mole so wh̄i feané wosópóló deté kw̄ʔalepó.

Ai fo wosóló, atimanémo i hae kwia feamó betere so wh̄ipaae yóo maté kw̄ʔóló mo s̄ʔralepó,” erapó.

<sup>19</sup> Kale yale kaae diʔpaae momó wosetere fo i ape. Israel fake so wh̄iné kale fo wisi wosóló kisipa inié? Folosóro Moses-né aʔemó Kótóné i fo erapó.

“Mo doi munire so wh̄ipaaetei ʔalo wisi ala eratepa kilituraalu, d̄apaae eróluga alatei atimaae eratapóló diaaʔ dei tuʔ muaalo ai ape.

Diʔ fopaae buʔpóló, ʔalo fo tuʔnire so wh̄ipaae wisi ala eraalopó,” erapó.

<sup>20</sup> Aisaia ʔ halaaíné daalu i fo erapó. “ʔ kelaai kekenitere so wh̄inétei ʔ kolóló tuʔ yalepó.

ʔ kisipa yaaitapóló yóo ʔlae fo ini yale so wh̄ipaaetei ʔ etei kaae Kótó beterapóló yóo malepó,”

<sup>21</sup> Téplatei, Kótóné Israel fake so wh̄imó kisipa mutu, ama i fo erapó.

“Betere dok̄o fea atima ʔalo dere fo wosóló aʔmó bitini, dow̄ʔae fu betere so wh̄i ʔalo dape saairaalu, naase bukó tapatei, atimané ʔalo dere fo woseni, mo ti dow̄ʔae fu beterapó,” erapó.

## 11

*Kótóné mepaae toróti Isarael fake so wh̄i k̄ʔleyalepó*

<sup>1</sup> Atérapa, ʔalo diʔpaae wosetere fo i ape. Kótóné ama so wh̄i h̄ʔróló mo ti taaraleé? Mo meipó. Ti ʔkélé Israel fake i betere ape. ʔta, Abraham-né deale naalené deté

wale whi Benjamin fakené deale whipó. <sup>2</sup> Atima teó deyaai patei, mo taketi Kótóné ama kisipa yale so whi hóróló mo ti taarénipó. Ti Elaijané yale ala ašemó moletei kisipa muae. Kótóné Israel fake só deróló kwia melópóló kisipa mutu, Elaijané i fo erapó.

<sup>3</sup> “Tale-ó, naao fo eraterere kóló whirape atimané dóo, yápaae moma yaai aleóló muló betere kane fakekélé fisikóló taae falóo yalepó.

Téturaalu, ę betą hásókó fóló betepa, mió atimané ękélé dóló aluraai du beterapó,”

<sup>4</sup> Ai fo depa, Kótóné Elaijapaae noa fo ipakaleé?

“Kapala kótó Baal-paae bukutiri tearó tale-ó yóló, moma initere 7,000 whikélé atimané daqsóro ępaetóro moma yópóló, yalo atima tao sóro kae beteralepó,” erapó.

<sup>5</sup> Take ai ala ere kaae, mió i alimókélé Kótóné ama kisipa mole ala sya furaalu, hamokoróló hęle tao sere alané mepaae toróti so whi amatei sókó sóro kae beteró beterapó.

<sup>6</sup> Ti ama so whi atéro kae beterale alata, Kótóné ama hamokoróló hęle tao sere alané erapó. Ti aita, whiné dere wisi ala kolóló inipó. Motamo wisi ala deremó uasóro, ti Kótóné ama hamokoróló tao sere ala hęle ęla aę uapó.

<sup>7</sup> Atęrapa, mió noa ala ere? Israel fake so whiné saai dapóló ketekę buóló kekitu betale ęla sinipó. Téyaletei, Kótóné ama so whipóló sókó suyóló kae beterale so whiné maaté salepó. Mepaae so whiné hosaa ti Talené amatei ęralepó.

<sup>8</sup> Atere ala ašemó erapó.

“Atimané kisipa tikikélé, Kótóné mo ti keyóroló okokoroó, kelenékélé me ęla kelaqsóro dilikiróo, wosęlinékélé dere fo wosaqsóro mo ti kinóo yaletei, mió i alimókélé ai alatóro hęle erapó,”

<sup>9</sup> Depit-nékélé i fo asęrapó.

“Atimané ęla nokole alata, atima daaitere he alée fóo, kotóo sóro dée nalatere kane fake alée fóo duraalu, atimatei só deróló kwia melópóló yae.

<sup>10</sup> Atima kelenékélé me ęla kelaqsóro kele mo ti dilikiróló, atimané sekę beleyóló furaalu, sisó mo ti kęae wale nisi deretei hęle yó tanópóló yae,” erapó.

*Hęle botokore ni, dęlo nitamo olekeyale fo*

<sup>11</sup> Tęrapa, yalo diępaae i dere fo wosae. Atima atéro dée naletei mo ti muó tawaleé? Mo meipó. Tęni, atima dowi ala maaté du betepa, Kótóné tao sere ala Juda meire fake so whipaae erótu beterapó. Israel fake so whiné ai ala kilituraalu, atimapaae eróluga alatei kae fake so whipaae eralepóló, atima kisipa sópóló Kótónętei eralepó. <sup>12</sup> Juda fake so whi atima Talené fo wosetere hýyóló dowi ala du betaletęiné, Kótóné ama wisi wisi ala i haemó betó mole so whipaae erótu beterapó. Ai erótu betere ala Juda fake so whipaae melaai yaletei, Juda meire fake so whipaae malepó. Ai Juda fake so whi mo turó Talepaae momó fesaae waletęimó, i haemó betó mole so whipaae waaire wisi wisi alata, take folosóro erale wisi ala bosenóló, mo dekéro fęayóló saalo ai ape.

<sup>13</sup> Dię Juda meire fake so whipaae i dere fo wosae. Ęta, dię tuęmó Talené fo erópóló *aposel* whi sóro beteró beteręteiné, ama ala yalo diępaae eróló fakerótu beterapó.

<sup>14</sup> Aita hęle mei, yalo fake so whiné dię tuęmó du betere wisi ala kaae, dękélé enée dere so whi mepaae Talené tao sópóló kisipa mutu, ketekętamó erótu beterapó. <sup>15</sup> Ti noatepae, Talené Juda fake so whi kapala hóróló sisópaae eraletęiné, i haemó betó mole so whi Kótótamo bóe fiyóló betęmó beterapó. Ai ala mo epa, ti atima dape sere be demó sukóló mole so whi kepaarótu dere kaae eraalomeipóló

de? <sup>16</sup> Ti folosóró bulatere *flawa* o k̄aae sóró kwia Talepaae matepa, ai matere kwia Talené amapóló wisiróló kae mulóturaalu, mepaae h̄ale mulaleteikélé fea amapóló kae muló betepapó. Atétu dere kaae, ni bete Talepaae matepa, Talené amapóló wisiróló kae mulóturaalu, ni tetejkélé kae ai muló betere ape.

<sup>17</sup> Ti dīata, mo d̄alo *Olip* ni tej mei, h̄ale botokore *Olip* ni tej tukó sóró mo d̄alo *Olip* ni tetejrapetamo daalópóló, mepaae tetejrape tukó faróló, t̄alemó olekeyalepó. Ti ai olekeyale ni tej horatere f̄eta, kale bete daale *Olip* tikimó kaaróló mótua dapó. <sup>18</sup> Atérapa, dīa olekeyale tetejrapené mepaae h̄ale ere tetejrape t̄eteróló bopé fakeyaq̄se. Dīatamo bopé faketepe, ti yālo i dere fo wosóló kisipa muae. Bete diriyóló daalópóló dīa tetejrapené fotok̄oró bitini, tetejrape daalópóló, betené fotok̄oró betepapó. <sup>19</sup> Ti me wh̄iné etei fo enérápó. “Ē etéró olekeyóló daalópóló, mo tetejrape tukó faralepó,” <sup>20</sup> Aita mo deretei, atima tūé tiki tiréni yaletéiné Kótóné tukó faróló, diaāq̄ kisipa tiki tiró betere alané dīa olekeyóló daalapó. Atérapa, me wh̄i t̄eteróló bopé faketepe ala ini, winé sukutu Kótó aqmó betae. <sup>21</sup> Ti noatepae, Kótóné ama d̄alo ni tetejrape k̄le duraalu bok̄ó sóró taaréni, mo tukó faralepó. Atéyale kaae, dīakélé tukó faraalomeipóló de?

<sup>22</sup> Ti Kótó āta, k̄oleturaalu taosóró wisi ala eróo, dowi ala deremó deteraayóló kwia matere alakélé yóo dapóló kisipa muae. Yesupaae kisipa tiki tiréni, haepaae derepele so wh̄ipaae Kótóné dowi kwia melóo, dīa āpaae kisipa tiró betepa ama k̄lené sukutu tao sóo yaalopó. Atérapa, dīa ama tao sere ala taaróló feni, ai wisi ala tūamó h̄ale betó tawae. Aténitepa, ti Kótóné dīakélé tukóló taae faraalopó. <sup>23</sup> Ti ai kale tukó farale tetejrape atima tūé tiki tiréni, dow̄aae fu betere ala taaróló,

momó kisipa feteyóló āpaae tūé tiki tiratepa, ti kale tukó farale t̄alemó Kótóné momó sumó olekenérápó. <sup>24</sup> Ti noatepae dīata, h̄ale botokore *Olip* ni tetej tukó sóró, d̄alo *Olip* ni t̄alemó olekeyaaitere ala mo hapólupatei olekerapó. Kale mo d̄alo *Olip* ni tej tukó farale t̄alemó momó olekeyaaitere hapólu ini, ama mo sumó olekenérápó.

*Kótóné Isarael so wh̄i tao saalopóló yale fo*

<sup>25</sup> Norape-ó, dīa bopé faketepe mepaae so wh̄i só deraq̄sóró, kinóló mole ala diaāq̄ kisipa yaasepóló, h̄akearóló i dapa wosae. Talené mepaae Israel fake so wh̄i atima hosaa mo ti t̄aró betere ala h̄ale epa, ti mepaae Juda meire fake so wh̄i Talené ama d̄ale muló betereitei fea sumótóró ā beterepaae wapa, atima hosaa t̄areitei Talené momó feteraalopó. <sup>26</sup> Atéturaalu, Israel fake mepaae turó aluyaq̄sóró tao saalo ai ape. Ai fo kaae āsemó erapó.

“Tao saaire wh̄i Saion be taaróló wouraalu, Jekop fake so wh̄iné Kótó sisópaae erale ala kemeraalopó.

<sup>27</sup> Atima aluyaq̄sóró yālo tao saalopóló muló betere dirii fo i ape.

Atimané dowi ala yālo tokóló aluraalopó,” erapó.

<sup>28</sup> Juda fake so wh̄i atima kale fo wisi h̄oróló sisópaae eratereteiné dīatamo bóe du betepapó. Atima Juda fake so wh̄iné kale wosetere fo wisitamo atéró bóe du betepatei, Kótóné ama so wh̄ipóló sorokó su yóló kae betéró betereiteiné ama hosaa mole naale senaalepóló, yaala sókó fu betepapó. Ti aita, take noumatererapepaae i ala mo eraalopó yóló mulale fo sya furaalu du betepapó. <sup>29</sup> Ti noatepae, Kótóné ama so wh̄ipaae h̄ale matere ala ama tūé feteyóló momó tok̄ó sóo, ama kutó dirai ape depa wale so wh̄ipaae, dīa fae yóló h̄okonatere alakélé yóo dumipó. <sup>30</sup> Juda meire fake so

whi diã take betale alimó Kótóné fo aqmó sukóló bitini, ama fo tikitu betalepó. Tétu betaleteti, mió Juda fake so whi Kótóné fo aqmó sukóló bitini, dowãae fóló du betale alané Kótóné diã kqlené sukutu tao saaire tũ mulalepó. <sup>31</sup> Atére kaae, mió Kótóné diã kqlené sukutu tao sale alané take atimakélé kqletu tao sôpóló, mió Kótóné fo tukóló dowãae fu beteraþó. <sup>32</sup> Atéró dowãae fu betepa, Kótóné kqlené sukutu atima mo fea tao saairaalu, fo tukóló dowi ala du betere tuãmó beteraþó kisipa muópóló, so whi fea ai ala tuãmó sóró beteralepó.

### *Kótóné doi sóró horatere ala*

<sup>33</sup> Kótóné dotoróe fóló mole tué tiki betero fea ala bete tuere alatamo ama kaepó.

Téruraalu òla òla fea tale dere alaró ama du betere alatamo né taleyóló kisipa yaaié?

<sup>34</sup> “Talené ama mole kisipa turó né kisipa ere?”

Kótóné ama du betere ala wisiyóló yópóló né yó maleé?

<sup>35</sup> Mé whiné Kótóné apaae momó tokó melópóló, me òlakó melaleé?” erapó.

<sup>36</sup> Ti noatepae, Talené so whikélé, yó mole òla òlakélé mo fea amatóro kaaró beteraþó. Ai òla òla fea ama fotokqné tetérolo kaae tapa yó mulapó. Betere qlanékelé, ere qlanékelé ama kisipa mole alatóro erópóló erapó. Atérapa, ai sekéné ama doasi doi hãle muó tanópóló yae. Mo kée! téyópóló yae.

## 12

### *Dqne betere bete turó Kótópaae hãle matere ala*

<sup>1</sup> Térapa norape-ó, Kótóné ða kqlené sukutu tao sóró erótu betere wisi ala kilitu, hupu ó na simó sukylaa daarólo Talepaae mótu dere kaae, diã mo bitutei, diaaq hó, naase, tué tikikélé, hosaakélé fea Talepaae hãle melaasepóló i dere

ape. Atétepata, Talené ala erótu mo kae so whi beterepa, ama kolóló hëkeseyóló senérápó. Ti aita, Talené diãpaae hãle eró betere alamó kisipa mutu, ama doimó mo donotóro dirótu betere kutó ai ape. <sup>2</sup> Tétu, i haemó betó mole so whiné du betere ala diãné tokóló ini, take muale dowi kisipa taaróló, mió wisi kisipa muóló betae. Atétepa, ti Talené kisi whi aleróló beteraalo ai ape. Atéró bitu, kae kae ala fea diãnétei taleyóló ita, Talené ama yaai kisipa mole alapóló kãae kolóló, tué yaalopó. Kótóné kisipa mole alata, mo ala wisinaale, ða mo whiné eratepa, ti a mo hëseke yaalo ai ape. Ama kisipa mole ala mepaae yãyãni, mo sumótóro mulapó.

<sup>3</sup> Ti noatepae, Talené hamokoróló epaae melale kutó diróturaalu, diã feapaae i dere ma fo wosae. Kótóné apaae kisipa tiki tiratere ala yópóló, diã feamó betã betã yóló qliró beteraþó. Atérapa, dere ala fea yãlotóro sumó enérápóló, me whi só deróló bopé fakeni, Talené yã tuãpaae sãratepa i kutó sumó dinérápóló kisipa muae. <sup>4</sup> Ða so whi fea mo betã tikitóro daalapó. Ai betã tikimó hó naase, kae kae tiki fea daaletei, ai tikirape feané betã kaae alatóro dumi, kae kae ala dua dapó. <sup>5</sup> Atéru ere kaae, ða fea Yesu Keriso tuãmó mo betã tikitóro daayóló beteraþó. Ða Keriso so whi fea olekeyóló betã tikitóro daaleteiné no netóro beteraþó. <sup>6</sup> Ða feané Kótóné ala erópóló, amatei hãle hamokoróló kae kae kutórape dokqralepó. Mepaae whi Kótóné kqló whi bitu, Talené fo i ape yóló yó matepa, ama tué tiki tiró betere bete mole fo donotóro sã fóló erótu beteraþóló yae. <sup>7</sup> Talené kutó diratere so whirape bipi yaqsóro, tao sere kutó meló betepa, ti ai kutótóro dirótu betae. Mepaae so whipaae Kótóné fo yó matere ala meló betepa, ti so whipaae yó matere alatóro du betae. <sup>8</sup> Mepaae



so wh̄ipaaetamo Talené ala erótu beteretei taaréni, yó tanópoló ketekę bulatere ala meló betepa, ti ketekę bulatere fotóro du betae. Mepaae so wh̄ipaae so wh̄i tao sóro h̄ale matere ala yópoló meló betepa, ti nalo kwia saai dapólo kisipa muólo meni, h̄ale sae yólo meló bet̄a yae. Mepaae so wh̄ipaae so wh̄i t̄eterólo kaae taru alísóro fole ala meló betepa, ti kisipa ai alapaetóro mulólo, mo hotowaró kaae tawae. Mepaae so wh̄ipaaetamo so wh̄i kolené sukutu tao sere ala meló betepa, ti kutiri teraae fóló, h̄aitamo tao sere ala du beterópoló yae.

*Ne nepaae yaala sóko furaalu mo alatóro erótu betae*

<sup>9</sup> No nepaae h̄ale tó tikiné maaté yaala sóko feni, hosaa tuamó mo alatóro muluraalu, yaala sóko fu betae. Atétu, dowi ala mo ti sisópaee erólo, wisi ala bet̄a botokó sóro tawae. <sup>10</sup> Diaaq no nepaae yaala sóko fóló, u tao su i tao su dere ala h̄ale yó tawae. Naao no hamomané wisi ala du betepa, naao doi haepaae derólo ama doi sóro horólo, ę dukirótu betae. <sup>11</sup> Talené ala erateretei, dekaýólo h̄oni, Dęi Kepe Wisiné diaaq kepe bete tuamó ketekę bulatepa, diaaq ama ala erótu beteretei si kaae h̄ale dó tanópoló yae. <sup>12</sup> Take nalo Talené d̄apaae wisi ala mo eraalopólo kisipa mutu, sekei ala wapakélé me ęla meipólo h̄ale belée taru, h̄ainé sukólo momatere ala bet̄a suka fea yó tawae. <sup>13</sup> Kótóné ama kae beteró betere so wh̄i mepaae ęla ęla ȳaȳatepa, naao moletei bukólo h̄ale melae. Mepaae uké wale so wh̄i naao bepaae wisi kisipatamo dape sóro ęla melólo firae.

<sup>14</sup> Mepaae so wh̄iné dīapaae kae kae sekei ala eratepa, Talepaae atima dorae fō ini, tao sae yólo wisiratere fotei yae. <sup>15</sup> H̄ainé sukutu, mo kée du betere so wh̄itamo dīakélé h̄aitere ala yóo, dekené sukutu moló du betere so wh̄itamo dīakélé moló yóo,

du betae. <sup>16</sup> Diaaq no netamo bet̄a kisipa muólo dua betóo, bopé fake dere ala ini, doi muni sóko deýólo betó mole so wh̄itamo fulumuyólo bet̄amó betóo dere ala h̄o yaose. Naaotei ȳa fea ala fea tuęre wh̄ipólo, naao kisipanétei mepaae so wh̄i só deratere ala mo yaose.

<sup>17</sup> Mepaae wh̄iné dīapaae me dowi ala eratepa, ępaae momó tokó matere ala ini, so wh̄i feané keletómó mo wisi ala maaté erótu betae. <sup>18</sup> So wh̄i featamo mo bet̄a kisipatóro muólo, naao hosaa muni deýólo betere ala enépa, ti naao dere ala mo dua bituraalu du betae. <sup>19</sup> Norape-ó, menétamo dīapaae sekei ala eratepa, kwia tokó matere ala ini, Kótó ę fopaae buturaalu, ai kwia ama melópoló taalae. Ti noatepae, Talené asēmó i fo erapó.

“Mepaae wh̄inétamo dowi ala eratepa, ti kwia tokó matere kutóta ȳalopó,” erapó.

<sup>20</sup> Atérapa, kwia tokó meni,

“Naao bóe wh̄itamo wotetepa, ti ęla melóo, w̄ei nokolepa, ti w̄ei melóo yae.

Ti naao ępaae ai eratere wisi alané ama hosaamó saalopó.

Atéro eratere ala ti ama topomó si kelerape hupó kaae horólo muaalopó,” erapó.

<sup>21</sup> Dowi alané ȳa só deraqsóro hotowaró kaae taru, wisi alanétei dowi ala t̄eterólo alurópoló yae.

## 13

*T̄eterólo kaae tare wh̄irape aqmó betae*

<sup>1</sup> So wh̄i fea t̄eterólo kaae tare *Gavman* wh̄irapené dere fo wosólo, dīa fea atima aqmó sukólo betó muae. Ti noatepae, ai wh̄irape fea atéro so wh̄i t̄eterólo kaae tanópoló, mo wh̄iné sóro beteréni, Kótónétei ai t̄eterólo kaae tare kutó melóo, ai wh̄irapekélé sóro beteróo erapó. <sup>2</sup> Atépatei, mepaae wh̄itamo ai t̄eterólo kaae tare wh̄irape aqmó bitini, bóe du betepa,

ti ai wh̄rapetamo maaté dumitei, Kótóné eró betere alatamokélé bóe dilapó. Atéró bóe dele alamó atima só deróló dowi kwia melaalopó. <sup>3</sup> Ti noatepae, mepaae donoi ala du betere wh̄rapeta, kale t̄eteróló kaae tare wh̄rape kolóló wi dumitei, fo tukóló dowi ala du betere wh̄rape ti witua dapó. Kale t̄eteróló kaae tare wh̄rape kolóló dī wini, halaainé betaai kisipa mutepa, ti wisi ala du betae. Atétepa, ti atimané ȳ wh̄ wisipóló dukiraalo ai ape. <sup>4</sup> Ti atima, Kótóné kutó diratere wh̄ bitu, dī wisiyóló beterópóló, wisi ala erótu betere wh̄rapepó. Tépatei, dī dowi ala du betepa, ti mo wi yae. Ti noatepae, ama ai tawóló kutu betere sepake h̄le tarapóló kisipa mute? Ti ̄ta, Kótóné kutó diratere wh̄ bitu, dowi ala dere so wh̄tamo fopaae buóló kwia matere ala yópóló, Kótónétei ̄ sóró beteró beterapó. <sup>5</sup> Térapa, d̄ so wh̄ fea kale t̄eteróló kaae tare *Gavman* wh̄rape aqmó betae dereteita, i betené dapó. Naa mo dere alamó kwia melóo, naa iniyale alamókélé hosaa tūamó mole kisipanétei dī só deróo yaqsóro, atima aqmó betenérápó.

<sup>6</sup> Me i alamókélé dī wituraalu, *takis moni* mótua dapó. So wh̄ t̄eteróló kaae tare *Gavman* wh̄rapeta, Kótóné kutó diratere wh̄rape bitu, betere dok̄ fea so wh̄ t̄eteróló kaae tare alatóro deté fu beterapó. <sup>7</sup> Mepaae doasi doi mole wh̄rapepaae eraaire ala mupa, ti feané mo erae. Ai alarape i ape. Atimané dīpaae *takis moni* etéro ̄lae depa, ai s̄tóró melóo, mepaae tó mó beleróló ̄lae depakélé melóo, mepaae ala t̄eteróló kaae tare wh̄ betepa, ti ai wh̄ kolóló witu, ̄ aqmó betóo, mepaae t̄eteróló kaae tare wh̄ doasi doi mupa, ti ai wh̄ mo doasi doi muópóló hale horóo du betae.

*̄ waaire be d̄ felekerapa, ne nopaae yaala sókó fu betae*

<sup>8</sup> Mepaae wh̄iné nalo tokó melaai dapóló sale ̄la kwia mupa, ti ai kwia

h̄le muó tawaqsóro hapale tokó melae. Ti yaala sókó fole ala bet̄ kwia tokó melóló kemeraaire ala meipa, ne notamo yaala sókó fole ala h̄le yó tawae. Ti noatepae, mepaae wh̄iné ama be wh̄ so wh̄paae yaala sókó fole ala du betepa, ti kale tukóló muló betere foné yae dere ala mo ai dokonatere ape. <sup>9</sup> Kale tukóló muló betere forape i ape.

“Nópu nokole ala yaq̄se, Wh̄ dóló sukunaq̄se, Qlémi naq̄se, Mené ̄la senée yóló au naq̄se,” er- apó.

Mepaae tukóló muló betere forape fea husiró betere mo topo ala i ape.

“Naaotei ȳ yaala sókó fu dere kaae, so wh̄ feapaae atéró yaala sókó fu betae.”

<sup>10</sup> Mepaae wh̄iné ama ne nopaae yaala sókó furaalu, wisi ala eratepa, ti atima doratere ala mo yaalomeipó. Atéró yaala sókó fole ala du betepa, ti kale tukóló muló betere foné yae dere ala mo turó dokonatapó.

<sup>11</sup> Mió i bitu du betere ala bete diriyóló kisiparu, yaala sókó fole ala du betae. Ti noa betené dumi, d̄ Talepaae kisipa tirale be demó kaae sóró bitiré wóló, mió d̄ tao sóró dape saaire be d̄ mo felekemó sókó walapó. Térapa, noke firetei turukó horóló kele diriyóló betae.

<sup>12</sup> Mió kale be d̄ sókó wouraalu, diliki mo felekemó kemeraai dapó. Térapa, diliki tūamó bitu du betere ala tu d̄paae mulóló, bóe daai wase dakorótu dere kaae, kale d̄ tūamó mole ala wisi dīané bopémó dak- eró betae. <sup>13</sup> D̄ d̄ tūamó kisipa wisi muóló betere so wh̄iné dere ala kaaetóro du betae. Dī so wh̄ fea fo dokóló dowi w̄i nokole alaró so nópu nokole alatamokélé, so ó wh̄ nópu nokole alaró kae kae son- aalei alatamokélé, h̄le sere alaró dei tū muóló alale sere alatamokélé momókó yaq̄se. <sup>14</sup> Ai dos̄ayale dowi alarapekélé, mepaae naa tó tikiné ek̄lere alakélé netéro yaaloé yóló tū teketu bitini, d̄ t̄eteróló kaae

tare whi Yesu Keriso betā kuti kaae deróló betae.

## 14

### *Kisipa tiró betere ala dirire whiró fotokọ buni bére whitamó*

<sup>1</sup> Kótóné i ala yae ó yaḡse fo haḡearóló inipa, me whiné ama kisipa tiró betere ala béruraalu, ama tuḡné etei kaae ala dopa yaalomeipó dere kilitu, taleyóló só deraḡse. Téní, mo nopóló dape sae. <sup>2</sup> Me whi ama kisipa tiki tiró betere alané fea ḡla sýmó nenérapóló nóo, me whiné ama kisipa tiki tiratere ala fotokọ buni béruraalu, kutómó bilitere mo ḡla maaté nóo, dua dapó. <sup>3</sup> Fea ḡla nokole whiné kutómó bilitere ḡla maaté nokole whitamó dei kisipa mutu, ḡ eróló belei aḡraḡse. Atétu dere kaae, fea ḡla nénitere whiné fea ḡla nokole whikélé só deraḡse. Ti noatepae, ai whiḡta, Kótóné ama naalepóló dape sóró beteró beterapó. <sup>4</sup> Yḡ noa kaae whi bitu, me whiné kutó diratere whi só deróló taletere ala du bitute? Ai whi ḡ teteróló kaae tare whinétóró taleyóló ḡ só deróo, só deréni yóo, enérapó. Ti noatepae, me whiné ḡ só deratere ala yaalomeitei, diriyóló beterópóló Talené betā fotokọ bu-latere ala enérapó.

<sup>5</sup> Mepaae whiné betā be deḡ Talené ama daḡe muló beterapóló kisipa muóo, me whiné mepaae be deḡkélé fea betā kaaepóló kisipa muóo du beterapó. Diḡ betā betā so whiné noa kaae be deḡ mo dono be deḡpóló kisipa mutepa, ti ai kisipatóró sya fenérapó. <sup>6</sup> Me whiné betā be deḡ mo doasi be deḡpóló kisipa mutepa, ti ḡ teteróló kaae tare Talepaaetóró kisipa mutu dapó. Mepaae whi hupu, na, ba, nukupa, ti ḡ teteróló kaae tare Talepaaetóró kisipa mutu, mo kée yóló nukulapó. Mepaae néni were whikélé Kótópaetóró kisipa mutu, mo kée yóló we dapó. <sup>7</sup> Ti noatepae, daḡó mo betā whikélé ama kisipa mole ala yaai

dapóló ama ḡḡlenétei betóo, betā whi sukutepakélé, ama ḡḡlenétei sukóo dumipó. <sup>8</sup> Daḡ betere alakélé, sukutere alakélé, ti Talené ama kele tómótóró erapó. Téraḡpa, daḡ haḡe betepa ó sukutepakélé, Talené ama so whitóró beterapó.

<sup>9</sup> Ti Yesu Keriso ḡ sukóló momó kepaayóló betereteita, ti betere so whiró sukḡle so whitamó teteróló kaae tare Tale betaairaaalu, erapó. <sup>10</sup> Aḡta, atére Tale beterapa, nao noné dere ala ó mole tuḡ tiki taleyóló, dorapóló noatepa só derótu betere? Ó diḡ mepaae so whinékélé diaaḡ no nené ere ala kolóló, diḡta, ḡ kaae mei beleipóló só derótu bitute? Ti noatepae, daḡné du betere ala Kótóné tale yópóló, daḡ fea ḡ beterepaae betā betā yóló fóló, daaneta yaalopó. <sup>11</sup> I fo aseḡyóló muló beterapó.

“Eḡta mo Tale bitu, yaḡlo i dere fo haḡsóko feni, mo yaaitere fotóró diḡpaae dapa wosae.

So whi mo fea ḡ beterepaae wóló bukutiri teḡró bitu, yaḡta etei kaae Tale beterapó fo mo yaalo ai ape,” erapó.

<sup>12</sup> Atéturaalu, daḡ so whi dokọ feané du betale ala Kótóné taletepa, daḡné yale alarape ama keletómó daalu, daḡnétei dosḡayóló eneta yaalopó.

<sup>13</sup> Téyaalopa, daḡné ne noné dere ala taleyóló u só derḡle i só derḡle du beteretei mo taalae. Téní, naao du betere alanétei naao no nené tuḡ doróló dée nalaḡsóró, naao dere ala ti tuḡ tekeyóló yae.

<sup>14</sup> Ti eḡta, Tale Yesu Keriso tuḡmó bitu, fea ḡla naairetei fo muni, featóró nenérapóló yaḡlo mo diriyóló kisiparapó. Tépatei, mepaae whi ama kisipané mepaae ḡla doreteiné naalomeipó depa, ti ai whi ḡ were ḡla mo nenénipó. <sup>15</sup> Yesu Keriso sukóló tao sale no hamoma naao ḡla nokole alané doraḡsóró yae. Mepaae naao no ne were ḡla nokoleteiné atima tuḡ tiki doróló seḡḡratepa, ti yaḡ tuḡmó yaala sóko fole ala mo

munipó. <sup>16</sup> Naa mo wisi ala depatei, me whiné naao dere ala kolóló ą dée nukupa, ti naao ą dée nanalepóló ya eraterere fo yaqsóro, naao dere ala kisipa tekeyóló yae. <sup>17</sup> Ti noatepae, Kótóné teteróló kaae tare tuámó, ęla nokole alaró *wain* weı nokole alatamo doasi bete munipó. Tépatei, Deı Kepe Wisiné ą tuąpaae erótu betere mo donoi alakélé, hosaa muni deyóló mo dua betere alakélé, hajné sukutere alakélé, i alarape feata, ti doasi bete mulapó. <sup>18</sup> Atéreteiné mepaae whı dené Yesu Kerisoné ala eróturaalu, i dosąaté wale alarapetamo du betepa, ti Kótókélé hękese yóo, mo so whınékélé wisi ala dapóló ya dukiróo yaalopó.

<sup>19</sup> Térapa, diaaę mepaae du betere alané hosaa muni deyóló mo dua betere ala epa, ti ą feané Talené ala eraté fóló, mo dirii whı betaaire ala betą ketekę buóló eróló fakeraalopa siępe. <sup>20</sup> Kótóné so whı tuąpaae erótu betere ala mepaae ęla nokole alané doraqsóro yae. Nokole ęla fea doni, nenérapó. Tépatei, naao ęla nokole alané mepaae were whı dée nalatepa dorapó. <sup>21</sup> Hupu, na, ba, *wain* weı nokole ala ó mepaae dere alanékélé, naao no dée nenérapóló kisipa mutepa ti taalae.

<sup>22</sup> Térapa, ęla nokole ala, ó wetere ala, ó kae kae be demó me ala yaqsóro ąle mole alakélé, me noa kaae ala naao mopóló kisipa tiki tiró betepa, ti yařó Kótótamo tuámó betą erópóló yae. Mepaae whiné wisirapóló kisipa muóló dere alanétei ą só derénipó depa, Kótóné wisiró beterapóló hajné sukutu beterapó. <sup>23</sup> Tépatei, mepaae whı de tuę tamo mulu, Talepaae tuę tiki tiró betere ala sya furaalu, wisirapó kisipa muni hoko nukupa, ti ai whı dowi ala dapó. Ti ąané du betere ala fea tuę tiki tiró betere alatóro sya fóló initepa, ti dowi ala dapó.

## 15

<sup>1</sup> ą tuę tiki tiratere ala fotokę

bole so whiné ą kisipa felé yaaire ala maaté ini, mepaae tuę tiki tiró betere ala bére so whiné ené inire ala tao sóro eratepa mo wisirapó. <sup>2</sup> ą dokę feané ne no hamoma hękese yópóló, wisi ala eraté fu betenérapó. Atétepa, ti ama tuę tiki tiró betere ala mo fotokę buturaalu, ą dirii whı bitiré faalopó. <sup>3</sup> Ti noatepae, Yesu Kerisonékélé amatei ą kisipa felé yaaire ala ini, ąpaae wisi ala eróturaalu ą sekę ala salepóló ašemó erapó.

“Mepaae so whiné ya faleyóló dowi fo du betaleteita, mo ępaaetóro eralepó,” erapó.

<sup>4</sup> Ti noatepae, take aseýóló muló betere fo feata hęle ini, ąané dosąayóló kisipa sópóló erapó. Aita Talené ala eró taruraalu, ama asęre foné matere ketekę ą tuámó boleteiné take ąpaae wisi ala eraalopóló hajné sukutu beterapó.

<sup>5</sup> Térapa, hęle yó tare alaró ketekętamo matere Kótóné ą Yesu Keriso sya fu betepa, ą fea mo betą kisipatóro muóló betere ala erópóló yae. <sup>6</sup> Até iruraalu, ą feané hosaa tuámó betą kisipatóro muóo, betą fotóro yóo deremó, ą teteróló kaae tare whı Yesu Kerisoné Alima Kótóné doi hale horaalopó.

<sup>7</sup> Atérapa, Kótóné doi hale ho-raairaaalu, ą teteróló kaae tare whı Kerisoné ą dape su yale kaae, diaaękélé mepaae no ne hamoma wisiyóló dape sae. <sup>8</sup> Ti noatepae yało i dere fota, kale Juda fake kaarale noumatererapepaae yóló mulale fo mo dokonóturaalu, Kótóné ama ere fo so whiné mopóló diriyóló kisipa yópóló, Yesu Keriso ą Juda fake so whiné kutó diratere whı alée felepó. <sup>9</sup> Ti Yesuné ai ere alata, Kótóné atima Juda meire fake so whı kolené sukutu tao salepóló, ama doi doasi mulópóló erapó. I dere fo kaae ašemókélé erapó.

“Atéreteiné ę Juda meire fake tuámó bitu, yało naao doi doasi mulóo, naao doimó wole fo



wisi wisi yóo, du betaalo ai ape.”

<sup>10</sup> Ai fo kaae me i ape.

“Juda meire fake so whi-ó, diákélé ama so whitamó touyóló hajné sukutu betae.”

<sup>11</sup> Kale fo kaae me i ape.

“Diá Juda meire fake so whi-ó, i haemó betó mole so whi featamo Talené doi hale sóró horatere wole forape du betae.”

<sup>12</sup> Ai fo kaae Aisaianékélé erapó.

“Jesi betemó kaayóló sókó holaaitere whiné i hae kwia feamó betó mole so whi teteróló kaae tawaalopó.

Atépa, Juda meire fake so whi atimapaee take ama wisi ala eraalopóló haj kisipa mutu, apaae tué tiki tiróló betaalopó,” erapó.

<sup>13</sup> Take dapaae wisi ala eraalopó du betere Kótópaae diáné tué tiki tiró betepa, ti ama hosaa muni deyóló dua betere alaró hajné sukutere alatamo diapaae eróló mo surópóló yae. Atéturaalu, kale Dèi Kepe Wisiné diá fotokqratepa, take nalopaae Kótóné dapaae wisi ala eratepa kelaalopóló dere haj mo ti fáyóló sùturaalu, feleyóló fópóló yae.

*Pol Juda meire fakepaae Talené fo yó male feletei*

<sup>14</sup> Yalo norape-ó, diá tuamó wisi ala fáyóo, mo fo bete turó diaaq kisipa yóo, kisipa tikikélé mo fosó fosó yóo ere ala yalo kisiparapó. Tèru, diásisi keteké bulóturaalu, ma fo u du, i du dere alakélé mo enérápóló kisipa mutapó. <sup>15</sup> Mepaae doasi bete mole forape diaaq kisipa epatei, mo ti diriyóló tué yaasepóló, ę halaaíné diapaae momó ai aseyale ape. Ti noatepa meipó. ę Juda meire fake so whi kuamó, Yesu Kerisoné kutó diratere whi bitu, ama fo wisi yó maté kweyópóló ai kutó Kótóné hamokoróló epaae hale melóló ę sóró beteralepó. <sup>16</sup> Até ereteita,

mo so whimó Talepaae momaratere whirapené kęlaa wisi wópóló simó sukulaa dalótu dere kaae, Kótóné kale fo wisi Juda meire fake so whipaae yalo erótu beteralepó. Aita hale mei, ai fo wisi wosóló sya fupa, ti Dèi Kepe Wisiné atima wisiróló kae beteraitere ala Kótóné kilitu, ita hale matere ęla wisipó yópóló kisipa mutu, du beteralepó. <sup>17</sup> ę Yesu Keriso tuamó bitu, Kótóné ama so whipaae i erótu betere mo bete mole kutópóló dukiróló hale horótu beteralepó. <sup>18</sup> Mepaae yalo initere ala diapaae yaalomeitei, Juda meire fake so whi Kótóné fo aqmó sukóló beteralepó, teteróló kaae tare whi Kerisoné ę fotokqratepa, yalo foró yale alatamo diapaae i dere ape. <sup>19</sup> Kale Dèi Kepe Wisiné ę fotokqratepa, kae kae kelemei alaró doasi sira yaaire alatamo eróturaalu, Jerusalem bemó kaae sóró yó maté fóló, Ilirikum hae kwiamó sókó felepó. Téturaalu, Kerisoné fo wisinaale mo turó yó maté kweyalepó. <sup>20</sup> Mo take yalo enée yóló muté wale kisipa i ape. So whi teteróló kaae tare whi Keriso tué inire be huluapaae kale fo wisi yó maté kweyaa yalepó. Atéyaleteita, hale mei, me whiné diyale kutó kwia kemeróló ditu dere kaae, yaaire hótapa yalepó. <sup>21</sup> I dere fo kaae asemókélé erapó.

“Ata etei kaae whipóló mené yó matepa kilini yale so whinétei ę kolóo,

etei kaae whipó depa woseni yale so whiné ama fo wosóló ę kisipa yóo yaalo ai ape.”

<sup>22</sup> ę taketitei diá beterepaae waai yalemó, ai alarapené bi bi duraalu wénipó.

*Pol Rom-paae faai tale yaleteti*

<sup>23-24</sup> Tépateti, i hae kwiamó tẹ mole be hulua dokq fea Talené fo yó maté kweyóló sùreteiné mió me kutó diyaaire tẹ munipa, ba fo dokq fea yalo diá kęle wonée du betalepó. Téyaleteitei, mió me kutó diyaaire tẹ munipa, Spen

hae kwiapaae faai wouraalu, diã keleté waai kisipa mutapó. Ti ę diã beterepaae sókó wóló, mepaae be de diãtamo ekei yóló betero, nalo ę faaire tikipaae fupa, mepaae yãyãre ęlarape diãné tao saasepóló dapó. <sup>25</sup> Até yaai waairaaalu, mió Jerusalem bemó Kótóné kae betero betere so whipi tao sene fulapó. <sup>26</sup> Ti noatepae, Jerusalem bemó Kótóné kae betero betere so whi kuamó, mepaae yolealere so whi hãle tao suraaalu, Masedonia hae kwiaró Akaia hae kwiatamomó Kótóné ama kaae betero betere so whi atima kisipanétei hekesetamo *moni* derãleta yalepó. <sup>27</sup> Atéro atima wisi kisipatamo derãleta yale *monita*, take folosóro Juda fakené atimapaae erale wisi ala kwia mulapó. Ti ai kwiata, folosóro Juda fakené Juda meire fake so whi atimané kepe tuãpaae Talené wisi ala eralepó. Atéyale alamó, Juda fakepaae momó tokó móturaalu, atimamo tao sóro yãyãre ęla matepa, mo wisirapó. <sup>28</sup> Aita, ępaae diyae yale kutó ereteiné atima haıtamo ai *moni* sere ala kolóló, ę Spen hae kwiapaae faai wouraalu diã keleté waalopó. Ti ai *monita*, folosóro dotęyale *aposel* whırapené diterer kutómó oleyale du ai ape. <sup>29</sup> ę diã beterepaae wale sukamó, so whi teteróló kaae tare whi Kerisoné eraterer wisi ala ę tuãmó fãayóló mo suratepa, diãpaae eraai waalopóló kisipa mutapó.

<sup>30</sup> Tęrapa, no nerape-ó, da teteróló kaae tare whi Yesu Keriso tuãmó betere alaró Dęi Kepe Wisiné matere yaala sókó fole alatamo ę tuãmó moleteiné diãpaae sętere fo dapó. Ti noatepae, yãlo yaaire ala yaqsóro sekei alané sesétu betęrapa, diãkélę ętamo ai seke tuãmó bitu, Kótóné ę tao sępóló momatu betae. <sup>31-32</sup> Ti ęmó momaraaitere ala i ape. Judia fake Kótóné fo woseni hãle betó mole whırapené ę daqsóro momaróo, Jerusalem bemó kae betero betere so whi tao sóro melaaire

*moni* atima wisi tuętamó sępóló momaróo du betae. Tęturaalu, Kótóné ama kisipané ętamo diã beterepaae wępóló depa, ti wóló, da fea ekei yóló sãa wisi nóló betęrępóló, momatu betae. <sup>33</sup> Tęrapa, hosaa muni deyóló mo dua betere ala mótu betere Kótó diã featamo betęrępóló yae. Mo kée. Tęyępóló yae!

## 16

### *Pol-né ama fulumu whırapepaae kęleó yale fo*

<sup>1-2</sup> Kenkria be huluamó betó mole Keriso so whiné kutó diraterer so dané ne Fibi-ta, mo so wisipó. Atęrapa, Kótóné kae betero betere so whiné mepaae so whi mo wisiyóló dape su dere kaae yóló, ękélę Tale tuãmó betere sopa, mo wisiyóló dape sae yóló i dere ape. Atęturaalu, ę me ala ó me ęlakó yãyã depa, ti diaaę ę tao sae. Ti noatepae, ęta so whi fea tao suraaalu, ękélę mo wisiyóló tao su betere sopó.

<sup>3</sup> Yesu Kerisoné doimó ętamo betãmó kutó diraterer so Pırisilaró oma Akuilatamopaae kęleó yae. <sup>4</sup> Ti atimaamo mené delepatei witerer ala ini, halaaínę ę tao su betalepó. Atęteremó, yãlokélę mepaae Juda meire fake Keriso so whinékélę, atimaamoné yale alamó Talepaae mo kée du betęrapó.

<sup>5</sup> Atimaamoné bemó tourãleta du betere Keriso so whıpaaekélę kęleó yae. Yãlo hosaa mole no Epainetus-paaekélę kęleó yae. Ti ęta, Esia hae kwiamó betó mole so whi Yesu Kerisoné doimó Keriso betaaipa, folosóro ępi Keriso betale whıpó.

<sup>6</sup> Diã tao saai kisipa mutu, depe tukó wei kutó diale so Mariapaae kęleó yae.

<sup>7</sup> ę fake whi ę yale kaae, *dipula* beterale seke Adronikus-ró ama soma Junias-tamopaae kęleó yae. Ti atimaamota, ę Yesu Keriso tuãmó betaaipa folosóro Keriso

bitu, kale *apospel* wh̄rape betere tuamó mo doasi doi mole soró wh̄itamopó.

<sup>8</sup> Tale tuamó bitu, yalo mo hosaa mole no Ampliatus-paae k̄leó yae.

<sup>9</sup> D̄a Yesu Keriso tuamó bitu-raalu, bet̄a kutó ditere wh̄i Urabanus-ró yalo mo hosaa mole no Stakis-tamopaae k̄leó yae.

<sup>10</sup> Yesu Keriso tuamó betepa, k̄aae kolóló wh̄i wisipó du betale sek̄e Apelesipaae k̄leó yae. Aristobulus-né be wh̄i so wh̄ipaaekélé k̄leó yae.

<sup>11</sup> Yalo fake wh̄i Herodion-paae k̄leó yae. Narsisus-né bemó betó mole mepaae Tale tuamó betere so wh̄ipaae maaté k̄leó yae.

<sup>12</sup> Tale tuamó bitu, mo depe tukó wei kutó ditu betale so tamó Tipaenaró Triposa-tamopaae k̄leó yae. Me yalo mo hosaa mole ne Tale tuamó bitu, mo doasi depe tukó wei kutó ditu betale so Persis-paaekélé k̄leó yae.

<sup>13</sup> Tale tuamó betepa, sókó sóró kae beró betere wh̄i Rufus-ró hamatamopaae k̄leó yae. Ti ama hamata, yalo hae kaae bitu, ̄ tao su betale sopó.

<sup>14</sup> Asinkritus, Flekon, Hermes, Patrobas, Hermas-sépi, atimatamo betó mole mepaae norapepaaekélé k̄leó yae.

<sup>15</sup> Filolokus, Julia, Nereus-ró ama nematamokélé, Olimpas-kélé, atimatamo betere Talené kae betero betere so wh̄i feapaaekélé k̄leó yae.

<sup>16</sup> Kótóné ama kae betero betere so wh̄i bitu, k̄leó yóló apuóló, dīsisitei k̄ló u tukó nuku, i tukó nuku du betae. I bemó betó mole Keriso fake so wh̄inékélé dī feapaae k̄leó i dere ape.

<sup>17</sup> No nerape-ó, dīpaae yó male mo bete mole fo wisi mupatei, mepaae kae kae h̄oko fo yó matere wh̄irapené dī betamó betereitei tekeróló, diaāq du betere wisi ala taaróló, dī dée nalaqsóró, tika kae bitu, ai wh̄irape mo hotowaró kaae

tawae. <sup>18</sup> Ti noatepae, atei ala du betere wh̄irapeta, d̄a t̄eteróló kaae tare wh̄i Yesu Kerisoné kutó diréni, atimané yaaire ala maaté ek̄leyóló du betera. Atéru, mo bete mole fo diriyóló tuénire so wh̄i dilikóló h̄ale mulóturaalu, mo felei foró dukiraterere fotamo du betere wh̄irapené dī k̄paae falaqsóró wisiyóló kaae tawae. <sup>19</sup> Dī fea Kótóné fo wosóló aqmó sukóló betó mulapó dere fo, i bemó betó mole so wh̄i feané wosalepó. Dī ai ala erapóló deté fole fo yalo woseturaalu, ̄ mo doa h̄ainé sukutu betera. Térapa, dowi ala mulapóló, só derané inire so wh̄i bitu, wisi ala bet̄a yaai, kisipa fosó fosóre so wh̄itoró betae.

<sup>20</sup> Mo hosaa muni deyóló dua betere ala mótu betere Kótóné Satan t̄eteróló, diaāq hó aqmó betera alala mo felekemó yaai dapó. D̄a t̄eteróló kaae tare wh̄i Yesu Kerisoné hamakoróló h̄ale tao sere ala dī tuapaae erópóló yae.

<sup>21</sup> ̄tamo bet̄a kutó ditere wh̄i Timotinékélé, yalo be wh̄i Lusias, Jeson, Sosipata, atimanékélé dīpaae k̄leó dapó.

<sup>22</sup> I fo as̄rale wh̄i ̄ Tertius d̄a t̄eteróló kaae tare Tale tuamó bitu, yalo dīpaae k̄leó dapó.

<sup>23</sup> ̄kélé, mepaae imó betó mole Keriso so wh̄ikélé, d̄a fea touróló ̄la nukua dere be tale Kaius-né dīpaae k̄leó dapó. I doasi be huluamó *moni* t̄eteróló kaae tare wh̄i Erastus-ró dané no Kuartus-tamoné dīpaae k̄leó dapó. <sup>24</sup> (-)

<sup>25</sup> Yesu Kerisoné yale ala i ape yóló, mió yalo yó mótu betere fo wisi diaāq wosetu betepa, Talené ama ai fonétei dī diriyóló betera, fotok̄ s̄umó bulalérapó. Atére alamó ama doi doasi muópóló yae.

<sup>26</sup> Ai ala wisita, mo take bitiré wale wh̄irapené kilini, kinóló moletei mo ti betó tare Kótóné ama fo eraterere k̄ló wh̄irapepaae i fo as̄ yae depa as̄ ipakalepó. Aita h̄ale meipó. So

whi feané i fo dosqayóló kisi pa du-  
raalu, kinóló muale ala i haemó betó  
mole so whi feané Yesu Kerisopaae  
tué tiki tiróló ą aqmó bitu, ama ala  
eraté fu beterópóló hakearó beter-  
apó. <sup>27</sup> Atére Kótó betą fea ala  
fosó fosóre bete tale beterapa, ama  
doasi doi hale muó tanópóló, da Yesu  
Keriso tuamó bitu, hale sóró horótu  
betae. Mo kée, téyópóló yae!



## 1 Korin

<sup>1</sup> Kótóné mole kisipa sya furaalu, Yesu Kerisoné ama fo yó male fópóló, ę *apospel* whi sóró beteraai, Talené ą beterepaae ape yale whi Pol-né dapó. Dąné no Sostenes dąmo wusuró bituraalu i dere ape.

<sup>2</sup> Yąlo i dere aşıta, Korin be huluamó Yesu Kerisoné sameané fokóló kae beteróló, Kótóné touró betere so whi diąpaae dapó. Dią atéro beteraleteita dowi ala ini, ama mo kae ala betą erótu beterópóló, ą beterepaae ape yalepó. Aita, dią maaté mei, hae kwia dokọ feamó betó mole so whikélé Yesu Kerisopaae tao sae du betere so whi dią ere kaaetóró erapó. Ti ai sekę ąta, dąkélé atimakélé fea teteróló kaae tare Talepó.

<sup>3</sup> Dąné Aya Kótóró dą teteróló kaae tare whi Yesu Kerisotamo tuąmó kaaróló wale hamokoróló hąle tao sere alaró hosaa muni deyóló mo dua betere alatamo, dią tuąpaae erópóló yae.

### *Talepaae mo kée dere fo*

<sup>4</sup> Ti diąta, dą teteróló kaae tare whi Yesu Keriso tuąmó betepa, Kótóné hamokoróló hąle tao su betereimó betere dokọ Kótópaae yąlo mo kée du beterapó. <sup>5</sup> Ti noatepaae, dią ą tuąmó bitu kaekae ala erópóló, ama fo yó matere alaró ai fo bete mo diriyóló kisipatere alatamo Kótóné dią mo suró beterapó. <sup>6</sup> Ti aita hąle meipó. Dąné diąpaae Yesu Kerisoné ama yale ala i ape yóló yó matere fo diaaq wosaleteiné, Talené dią tuąmó mo ala eró betepa kilituraalu, ita mo bete mole fopóló kisipa mualepó. <sup>7</sup> Atéreteiné, dą teteróló kaae tare whi Yesu Keriso hąkeamó wale kelaai dapóló, dią ketekę buóló kaae taté fu beterapó. Téturaalu, Talené ala erairetei yąyąni, kae kae ala fea erópóló Dęi Kepe Wisiné hąle matere ala dią

tuąpaae mo suró beterapó. <sup>8</sup> Atépa, dą teteróló kaae tare whi Yesu Keriso wale sukamó, dią me alakélé munire so whi beterópóló amatei dią fotokọ bulaté fóló kemene fole kwiapaae sókó faalo ai ape. <sup>9</sup> Kótóné diąró ama Naale Yesu Kerisotamo fulumu yóló betą kisipa muóló beterópóló, ą beterepaae ape yalepó. Atéyale Kótóné ama eraalopó dere ala fea hąsókó feni, motóró dokonóló erótuą dapó.

### *Keriso so whi fake tekeyale ala*

<sup>10</sup> Norape-ó, yąlo diąpaae i dere fota dą teteróló kaae tare whi Yesu Keriso tuąmó bitu, dią fake terekeni betą kisipa muóló mo betą alatóró du beterópóló, ama doimó yąlo dią tao su ma fo i dere ape. <sup>11</sup> Yąlo no nerape-ó, diąsisi arale sóró fake teketu beterapó dere fo mepaae Koloené be whiné ene wapa wosalepó. <sup>12</sup> Yąlo dere foné bete i ape. Diąkó mené duraalu, ęta Pol-né yó matere fo sya fulapó, mené du Apolos sya fulapó, mené du Sipas (Pita) sya fulapó, mené du so whi teteróló kaae tare whi Keriso sya fulapó, du betere fo yąlo wosalepó.

<sup>13</sup> Diaaq ai du betere ala-a, dą teteróló kaae tare whi Keriso terekeyóló kae kae fake betere? Dią tao saai Pol filipaa ni tó mó olerale? Dią węi tóपुरaletei-a, Pol-né fake so whi beteraai yaleé? Mo mei ai ape! <sup>14</sup> Dią mepaae so whi węi tóपुरatere ala yąlo ini, Krispas-ró Kaius-tamo betą tóपुरaleteiné mo kée fo du beterapó. <sup>15</sup> Yąlo mo kée dere fo bete i ape. Dią mepaae whiné duraalu, ęta Pol-né doimó węi tópualepó dere fo yaaire tų munéni yaletéiné dapó. <sup>16</sup> Kisipa keteyale fo me i ape. Stepanas-ró ama fake so whitamo betą yąlo węi tóपुरaletei, mepaae so whi yąlo tópurénipóló kisipa mutapó. <sup>17</sup> Ti noatepaae, dą teteróló kaae tare whi Kerisoné ę dotonaleteita, so whi węi tópurópóló ini, so whi feapaae ama fo wisi yó melópóló yalepó. Ai fota, mo

whiné mole fosó fosói kisipané yó mótumipó. Ti noa ala yaqsóró meipó. Mo whiné kisipané fosó fosóyóló yó matere foné, dā tēteróló kaae tare whi Keriso ą filipaa ni tó mó sukóló dā tao sale foné bole doasi fotokọ aluraqsóró dapó.

*Kerisota Kótóné fosó fosóre kisi-  
paró fotokqtamoné betepó*

<sup>18</sup> Ti noatepae, sukóló mo ti aluyaaire so whirapené ni tó mó sukálepó dere fo woseturaalu, bete muni hāle hōko fo nisi du betepapó. Tēpatei, aluyaqsóró tao sere so whi dānéta, Kótóné ai fo doasi fotokọ bulapóló kisipa mutu betepapó. <sup>19</sup> Ti noatepae, i fo asęyóló muló betepapó.

“Fosó fosóre so whiné kisipa tiki yālo doróo,  
mepaae so whirapené doasi kisi-  
pare alakélé yālo okoko eróló  
mo ti doróo yaalopó,” erapó.

<sup>20</sup> Dā tao saai fosó fosói kisipa mole whi-a, de betere? *Skul* yóló doasi kisipa sere whi-a, de betere? Mió i alimó bitu, du betere alané bete kisipare whi-a, de betere? Mo meipó. I haemó betere whirapené mole fosó fosói kisipata, Kótóné ama yale alané keteirapené kisipa aqróló, mo ti okokoralepó. <sup>21</sup> Ti noatepae, so whiné i haemó mole fosó fosói kisipané Kótóné ala bete kelaai kikitu betereitei, kelaqsóró Kótóné ama fosó fosóre ala sya furaalu, atimané kisipa fomaakeralepó. Atére Kótóné ama fo wisi mepaae so whiné bete muni hāle hōko fopóló faletu betepatei, ai fo wosóló tuę tiki tiratere so whi aluyaqsóró Kótó ą wisi kisipatamo tao sua yalepó. <sup>22</sup> Juda fake so whiné dere fo mopóló kisipa tirópóló, kelemei alakó erae yóo, Juda mei Krik fo bole so whiné fosó fosói kisipa bete kekitua yóo du betepapó. <sup>23</sup> Tēpatei dānéta, ti so whi tēteróló kaae tare whi Keriso filipaa ni tó mó sukále fo betā yó mótu betepapó. Atéró yó matere fo woseturaalu, Juda fake so whi atima dei tuę

mutu aita kelemei ala wisi mei, hōko alapóló atima dée nukua yóo, Krik fo bole so whiné bete munire fopóló faletua yóo, du betepapó. <sup>24</sup> Tēpatei, Juda fake so whikélé, Krik fo bole so whikélé fea Kótóné ą beterepaae ape yalepó. Atéyale so whiné dā tēteróló kaae tare whi Keriso sukálepó dere fo woseturaalu, ąta Kótóné fotokqóro ama fosó fosói kisipatamo bole bete ai ape du betepapó. <sup>25</sup> Ti noatepae, whiné Kótóné dere ala kilituraalu, bete muni kapala hōko alapó du betepatei, ai alané mo whirapené fosó fosóre kisipa teraae falapó. Mepaae whirapené Kótóné du betere ala kilituraalu, keteirapené dere ala kaae aqrápó du betepatei, ai alané mo whiné bole doasi fotokọ teraae falapó.

<sup>26</sup> No nerape-ó, diā Talené ą beterepaae ape yaleteti, take diā noa kaae so whi betepa yaleró, diaaqteitei kisipa muae. Mo so whirapené diā fea kaae kolóló, fosó fosói kisipa mole whirape ó néli whirape ó mo doasi topo whiné naale senaalerape bitinipó. <sup>27</sup> Tēpatei, i haemó mepaae doi munire alarape Kókóné tao suraalu i haemó betó mole fosó fosói kisipa mole whirapené kisipane ala sisópaae eráló haleralapó. Téturaalu, mepaae i haemó fotokọ buni bére ala tao suraalu, fotokọ bole ala só deróló haleralapó. <sup>28</sup> I haemó doi munire alakélé, bete muni hāle hōko du betere alakélé, mo inire alakélé fea Kótóné sorokó suraalu, mo doasi doi mole ala só deróló hāle ọla aqralepó. <sup>29</sup> Ti ai ere alata, noa ala yaqsóró meipó. So whi mo betānekélé, Kótóné ama keletómó bopé fakeyóló nene yaqsóró erapó. <sup>30</sup> Yesu Kerisota, dāmó fosó fosói ala melaai, Kótónéitei ą ai alané bete alée faralepó. ą tuāmó bole fosó fosói ala wisi i ape. Dā ą tuāmó betepa, Kótóné donoi so whipó yóo, ama ala erópóló sóró mo kae beteroó, dāné dowi ala Yesuné sameané dupuróló dā hāle beteroó erapó. <sup>31</sup> Atéreteiné, i fo asęyóló muló betepapó.

“Mepaae so whi bopé fakeyóló nene yaai depa, ti Talené ama eró betere alamó betá ą dukiróló bopé faketu betae,” erapó.

## 2

<sup>1</sup> Norape-ó, ę dią beterepaae wóló, Kótó ą etei kaae Tale beterapóló diąpaae yó móturaalu, whiné wosóló feléyópoló yalo fosó fosói foné ó fosó fosóre kisipané inipó. <sup>2</sup> Ti noatepae, ę diątamo betale sukamó mepaae ala yalo kisipané enépatei, me ala kisipa inire whi aqyóló beterepó. Atéru, Yesu Keriso betá etei kaae whipóló ere foró ą filipaa ni tó mó sukále fotamo betátóró, yó melaai kisipa mualepó. <sup>3</sup> Ę diątamo wóló betale sukamó, béyóló otąalere alakélé, witere alakélé iruraalu, diri furu furutamo Talené fo yó mótu betalepó. <sup>4</sup> Talené fo wisi yó móturaalu, so whiné wosóló felérapó yópoló, yalo fosó fosói kisiparó fotamoné yó menipó. Téni, Dęi Kepe Wisiné fotokóné erótu betere ala diaaq hakeamó kolópoló, yalo hąle yó betá mótu betalepó. <sup>5</sup> Ti aita, dią mo whiné fosó fosóre alapaae tuę tiki tiréni, Kótóné fotokóné erótu betere alapaae betá kisipa tirópoló yalepó.

### *Dęi Kepe Wisiné matere fosó fosói kisipa*

<sup>6</sup> Tépatei, Kótóné ama bete mole mo fo wisi dą dirii kisipa mole so whipaae yó matepa woseturaalu, ita mo fosó fosói fo wisipó du beterapó. Dąné ai yó mótu betere fota, mió i alimó betere whi ó atima teteróló kaae tare topo whirapené dere fosó fosói fo kaae meipó. Ti ai whiraperó atimané du betere alata-mota, mo hąle ąla kaae alée fu beterapó. <sup>7</sup> Dąné atei kaae fo mo yó meni, Kótóné kinóló mole fosó fosói fo betá yó mótu beterapó. Ti ai fota, dą Kótóné ama kae ere dę tuámó betterópoló, mo take sąró haetamo kaaraaipatei, mo so whiné kelaqsóró kinóló munélipakalepó. Tépatei ai ala dąpaae mo eraalopó. <sup>8</sup> Mió

i alimó betó mole so whi teteróló kaae tare topo whirapené, ai kinóló mole fosó fosói ala mo kisipanipó. Ai alatamo atimané tuę uąsóró, ti Kótóné ama kae ere dę wisinaale fąane Tale ą filipaa ni tó mó ol-eróluęmeipó. <sup>9</sup> Tépatei, i fo aseýóló muló beterapó.

“Kótóné ąpaae yaala sókó fu betere so whipaae eraaire ala ama ta leróló muló betteretei, betá whiné kelenékélé kolóo, wosélinékélé wosóo, hosaa tuámókélé mulóo mo inipó,” erapó.

<sup>10</sup> Atépatei, ai kinóló mole alarape dąné kolópoló, Kótóné dą tuámó betteró betere Dęi Kepe Wisiné hąkearalepó.

Téturaalu, so whiné hosaa tuámó mole ala taleyóló, Kótóné ama mo apaae derepale fo bete mo whiné fosó fosóre alané tuę enénipa, Dęi Kepe Wisinétei ai kinó betere alarape bete tokóló hąkearótua dapó. <sup>11</sup> Ti noatepae, me whiné mole tuę tiki né kelere? Ai whiné ama kepené betá tuęrapó. Atére kaaetóró, Kótóné mole kisipakélé me whiné tuęni, ama Kepené betá kisiparapó. <sup>12</sup> Talené dą matepa sale Kepeta, i haemó betere kepe mei, Kótóné hamokoróló hąle matere ala wisi dąné kisipa yópoló, ama dotęyale Kepetóró dąné salepó. <sup>13</sup> Ti dąné i du betere fota, mo whiné yó male fosó fosóre kisipané dumitei, Kótóné Dęi Kepe Wisiné dąpaae yó matepa, dąnémo diąpaae i dere ape. Dęi Kepe Wisiné erótu betere ala yó móturaalu, ama dąpaae etéro yó melae dere fotóró sya fóló, i du betere ape. <sup>14</sup> Kale Dęi Kepe Wisi bitinire whiné, ti Kótóné Kepené yó matere fo mo dapóló wosetumipó. Ti noatepae, ai fo bete Dęi Kepe Wisiné yó matepa, ti sųmó kisipanérapó. Kepe Wisi bitinire whiné ai fo wisi hąle hąko fo nisiyóló, bete wisiyóló kisipanénipó. <sup>15</sup> Kale Dęi Kepe Wisi betere whiné ti fea ala ama sųmó

taleyóló kisipanérápó. Tépatei, ai Kepe Wisi betere whjné ama dere ala me whjné a taleyóló só deranénipó. <sup>16</sup> Etei kaae fo erapó.

“Mé whj Talené ama kisipa kaae muluraalu, a paae naao kisipa mole alarape i ape yóló, a yó manéré?” erapó.

Tépatei, Talené sóró betero betere whj Kerisoné mole kisipa da tuamókélé mulapó.

### 3

#### *Kerisoné ala diriyóló tuéniru alale seretei*

<sup>1</sup> Norape-ó, yalo diapaae Talené fo yó móturaalu, Dei Kepe Wisi betere so whj paae yó matere fo kaae yó mané patei, di a tó tikiné ekelere ala du betere teiné, mo so whj kaae betere pó. Yesu Keriso tuamó keteirape kaae betepa, ai dalemótóro yó mótu betalepó. <sup>2</sup> Di a diri a naaire suni, keteirape kaae betepa, mo dirire so whj mó matere a na kaae meni, ketei matere awa kaaetóro malepó. Miókélé di a diri a naaire sunipó. <sup>3</sup> Ti di a ta, tó tikiné ekelere ala ha le yótóro tarapó. Ti noa betené yalo i fo de? Mepaae whjné dere ala kolóló, di a sisi u teterótu i teterótu yóló dei tu e mutere alaró arale sere alatamo ha le yó tarapó. Tétu, dia a a tó tikiné ekelere ala sya fu betere tei mo ha kearóló yó matapó. Dia a a ai du betere alata, ha le mo so whjné dere ala kaaepó. <sup>4</sup> Ti noatepae, me whjné duraalu, e Pol-né dere fo sya fulapó, mené du, e Apolos sya fulapó du betere-a, ha le mo whjné dere ala kaae dia a a kélé dumipóló de?

<sup>5</sup> Ti Apolos-a, noa whjé? E Pol-kélé noa whjé? Da mota, Talené kutó diratere whj maaté bitu, ama fo diapaae maletéiné di a paae tu e tiki ai tiró betere ape. Talené amatei kutó terekeyóló whj dok a beta beta yóló matere kaae, da mopaae malepó. <sup>6</sup> Atéreteiné, a na wae yalo biliyóo, Apolos a ti

a na wisiyóló holópóló we i deróo yaletéi, ai a na wae wisiyóló horatere alata, ti Kótóné amatóro eratapó. <sup>7</sup> Ti a na wae bilitere whj ró we i derótu betere whj tamota, mo ha le a na a rapó. A na horótu betere Kótó beta mo doasi ai ape. <sup>8</sup> A na wae bilitere whj ró we i deratere whj tamoné beta alatóro eraai kisipa mutu, kutó ditu betere pó. Atétere kutó Talené taleyóló, me whjné ama diyale kutó sutóro dupu melóo, me whjné diale kutómókélé atérótóro melóo, yaalopó. <sup>9</sup> Ti noatepae, da mota Kótóné ama beta kutó diratere whj betepa, di a ta Kótóné ama kutóro teterere betamo kaaepó.

<sup>10</sup> Kótóné ama hamokoróló e ha le tao saleteiné, fosó fosóre whjné be tétu dere kaae te yaairaaalu, kaae sóro hae eleké yalo deyalepó. Atéro deyale eleké tó mó me whjné be tétu betere pó. Atéro be teterere whj rape dok a feané hoko tēni, mo hotowaró kaae taru tēnerapó. <sup>11</sup> Ti noatepae, ai tēne be eleké taaróló, me whjné eleké kae dené nipó. Ti ai be teterere eleké ta me kae mei, Yesu Kerisopaae dó faróló erapó. <sup>12</sup> Mepaae whjné ai kale dere eleké tó mó be téturaalu, *kold kapa*, ó *silpa kapa* ó doasi *moniné* duputere kane ó ni fake ó ha ta sóku ó kape ó we dako sórotamo tétu betepa, ti Talené ama taletere be demó, whj rape dok a feané diyale kutó kaae kolóló ha kearaalo ai ape. <sup>13</sup> Ti ai be teterere whj dok a feané diyale kutó Talené ama taletere be demó, mé whjné diri a na sóro te yóo, mé whjné béi a na sóro te yóo eréro siné dóló ha kearatepa, kelaalopó. <sup>14</sup> Mé whjné te ale betamo siné dénitepa, ti ama diyale kutómó dupu wisi saalo ai ape. <sup>15</sup> Mé whjné ama te yale betamo siné dóló kemeró betepa, ti ama diyale kutómó me dupu saalomeipó. Ti a aluyaqsóro Talené tao saalotei, ama kuti ó mepaae a na a fea siné dóló tiki ha le fu dere kaae yaalopó.

<sup>16</sup> Di a ta, Kótópaae moma dere be



tɛnuraalu, Kótóné Dɛi Kepe Wisi diɔ tuámó ai betere kisipanié? <sup>17</sup> Kótópaae momatere betamo, mepaae so whiné fisikóló dorótu betepa, ti Kótóné ai so whikélé doraalopó. Ti noatepae, Kótópaae moma yópóló tɛne beta, me dowi alatamo hosekényi, mo ama alatóró erópóló kae tɛnó betere momatere be ti diátóró ai ape.

<sup>18</sup> Diaaɔtei diɔta, fea ala bete kisi- pare so whi nisi yaɔse. Mió i alimó betó mole so whiné kisipané i sekéta mo fosó fosórapó depa, ti ai whi ɔ me ala tué inire whi kaae bitu, Talené ala betɔ sya fu beterópóló yae. Atétepa, ti mo fosó fosóre whi betaalo ai ape. <sup>19</sup> Ti noatepae, i haemó betere whirapené mole fosó fosói kisipa Kótóné kilituraalu, ita bete muni hɔko alapó du beterapó. Aita, i asémó mole fo kaaepó.

“I haemó fosó fosói kisipa mole whirapené so whi dilik- itu betere alané denólótu betere alamó Kótóné atimatei daalopó,” erapó.

<sup>20</sup> Ai fo kaae me i ape.

“I haemó betó mole fosó fosóre whirapené tué tikita, me bete muni haɔle ɔla kaae aɔretei Tal- ené ama mo tuérápó,” erapó.

<sup>21</sup> Térapa, mo i hae whiné diámó meló betere ɔla ɔlakélé, take nalopaae yaaitere alakélé, fea diɔ Yesu Keriso tuámó betepa meló beterapa, mepaae whirape doiyóló bopé fake dere ala du betaɔse.

<sup>22</sup> Diɔpaae ai meló betere ɔlata, Pol ó Apolos ó Sipas (Pita) ó mió i ere hae tiki ó betere alakélé, ó sukutere alakélé ó mió du betere alakélé, ó take nalopaae yaaitere alakélé fea Talené diámó meló betereiteiné ai ɔla ɔla taleta, ti diátórótípó. <sup>23</sup> Ti diɔkélé, dɔ tɛteróló kaae tare whi Kerisoné ama so whítóró betóo, Yesu ɔkélé Kótó aqmó ama naalema betóo, erapó.

#### 4

*Dɔta Kerisoné kutó diratere*

#### *Aposel whi beterapó*

<sup>1</sup> Térapa, diɔné dɔ noa kaae whi bitu déró, i dere fo wosóló kisipa muae. Dɔta, so whi tɛteróló kaae tare whi Kerisoné kutó diratere whi bitu, Kótóné kinóló mole mo fo wisi wisiyóló kaae taru, so whi feapaae haɔeamó yó mótu beterópóló dɔ sóró beteralepó. <sup>2</sup> Téró mepaae whiné, me whipaae i kutó ó ɔla wisi mo tawae depa, ti mo wisiyóló kaae tanérápó. Nalo ama diyale kutó talené kelerálemó, hɔko dini mo donotóró dipa, ti mo wisirapó yaalopó. <sup>3</sup> Yaɔlo haɔsóko fóló yale ala diɔné ó mepaae fo tokóló taletere whirapené taletepa, ɛ whaalia inipó. I dere fota, mo dapó. ɛ haɔsóko fóló du betere ala yaɔotei tale dumipó. <sup>4</sup> Kótóné keletómó ɛ haɔsóko fóló yale ala yaɔlo hosaa tuámó munipóló kisipa mutapó. Tétu, yaɔotei ɛ taleyóló me haɔsóko fele ala munipó depa, ti ɛ me ala initere whipóló dumipó. Yaɔlo du betere alata, Talené ama betɔ taletu beterapó. <sup>5</sup> Atérapa, so whiné du betere ala taleyaai Talené tukóló muló betere be dɛ teópatei, diaaɔ me whi taleyóló só derényi, Talenétóró yópóló kaae tawae. A wale sukamó so whiné diliki tuámó kinóló du betere ala haɔkearóló dɛ tuámó mulóo, so whiné me ala yaairaalu hosaa tuámó kikiti mutu betere kisipa tikikélé haɔkearóo, yaalopó. Atétere sukamó, so whi feané yale wisi alamó Kótóné atima dupu betɔ betɔ yóló matepa saalopó.

<sup>6</sup> Atérapa ne norape-ó, Apolos dɔmoné diɔ tao saai kisipa mutu, yale ala fea, diɔpaae asémó ai deté wale fota, diaaɔ kisipa sɔpóló sɔróló yalepó. Ti noa betené mei, Juda fakené mara mole fo i ape.

“Talené asɛyóló muló betere fota, mo whiné kisipa mole alatamo touróló yaɔse,”

ere fo bete diaaɔ kisipa yaasepóló, du betere alapaae dó faróló dɔmoné yó malepó. Atéyale ala diɔné

wisiyóló kisipa depa, ti me whjné doi sóró horóo, me whjné doimo só deratere alata, bopé faketera ala yaalomeipó. <sup>7</sup> Ti noatepae, ya kolósu me whj kolósu yóló, me whj kaepó du betere-a, né kae kae yóló betera? Naao ai sóró tare ɔlata, ya mené menipóló kisipa mute? Ai ɔlatamo naao sóró tarapóló kisipa mutepa, ti naaotei salepóló kisipa mutu noatepa bopé faketu betere? Téni, diané ai mole ɔla ɔlata, mené diámó meló betera, bopé faketera ala mo taalae.

<sup>8</sup> Diaaɔ senére ɔla ó enére ala fea yaɔare nisiyalemó, diá mo sɔ ai ererapó! Diáta, ɔla ɔla fea yaɔani, mo néli whjrape ai bitirapó! Dáne diá tao sini, diá teteróló kae tare doasi topo whjrape ai bitirapó! Diá teteróló kae tare doasi topo whjrape bituásóró, ti dákélé diátamo betámó teteróló kae tare whj bitu, hɛkesetere ala du bituapó! <sup>9</sup> Ti noatepae, yaɔo kisi-pané *aposel* whjrape dáta, Korin bemó betó mole so whjné keletómó Kótónétei dá doi muni mo belei ɔla kae aɔrapó. Ti dáta, bóené be nóló so whj feané keletómó doasi hale seróló daairaalu, dokóló muló betere aɔrapó. Atére ala i haemó betó mole so whjnékélé, hepen-mó betó mole *ensel*-rapenékélé, kolópóló hakeamó hale seralepó. <sup>10</sup> Dáta, dá teteróló kae tare whj Kerisoné ala erótu, kisipa okokoi whjrape aɔpa, diáta Keriso tuámó bitu, ama ala erótu betere fosó fosóre whjrape aɔrapó! Dá fotokɔ buni, bére whjrape betepa, diá doasi fotokɔ bole whjrape ai betererapó! Diá doasi doi mole whjrape betepa, dáta belei sókótei i betó mole ape! <sup>11</sup> Take bitiré wóló, mió i betere alimókélé, ɔla meiyóló wotetamo betere alakélé, wɛi nokole dere alakélé, dowi bisinaai fi kuti deróló betere alakélé, mo doasi susupu sere alakélé, dá be meiyóló hɔko fité kotere alakélé, hále yó tarapó. <sup>12</sup> Dá naaire ɔla ó fitere bemó kisipa mutu, dáne fotokɔnétei depe

tukówei kutó ditu betera. Mepaae whjné dá só deróló faletere fo depa, atimapaae Talené diá wisirópóló yae fo betá yóo, dápaee doasi susupui ala eratepatei tokó meni, me ɔla meipóló hále bele yóo, du betera. <sup>13</sup> Mepaae whjrapené dá eratere fo depa, dáne atimapaae mo naamei fo maaté dua dapó. I haemó betó mole so whjné dá kilitu, doi muni mo dowi taae fatere ɔla kaae aɔraté waletai, miokélé ai alatóro hále yó tarapó.

<sup>14</sup> Yaɔo i aɔetu betere fota, diá hale yópóló dumitei, diá yaɔo mo hosaa mole naale senaale kaae betereiné, diá kópaae faqsóro ma fo dapó. <sup>15</sup> Diá Kerisoné ala erótu betere tuámó, kaae tare whjrape mo hále ɔla kaae betó mupatei, diané ayata dekéro bitinipó. Ti noatepae ɛta, dá teteró kaae tare whj Yesu tuámó bitu, ama fo wisi yó maletiné ɛ diaaɔ aya alée felepó. <sup>16</sup> Atéreteiné, diané yaɔo dere ala kolóló sɔrólo yaasepóló, diá ketekɛ bulóló ma fo i dere ape. <sup>17</sup> Ti noa ala yaai meipó. Yaɔo mo yaala sókó fu betere naale Timoti á diá beterepaae ai dotonaterape. Ti aita hále mei, Tale tuámó bitu, tué tiki tiróló Talené ala eró tare whj wisipó. So whj teteróló kae tare whj Yesu Keriso tuámó bitu, yaɔo du betere ala diaaɔ kisipa kete yaqsóro, ama diápaee yaalopó. Ti be hulua dokɔ feamó betere Keriso so whjpaee yó maté kutu betere foró yaɔo yó matere fotamo wusuró mo betá alatóro erapó.

<sup>18</sup> ɛ diá beterepaae waalomei nisiyóló, diá mepaae so whj doasi kisipare whj aɔyóló bopé faketu betera. <sup>19</sup> Atétu betepatei, Talené ama kisiapanétamo ɛ diá beterepaae wópóló depa, ti mo felekemó waalo ai ape. Atéro wóló bitu, ai bopé faketu betere whjrapené dere fo maaté wosaai mei, ai fo tuámókélé noa kaae fotokɔ buléro kaae kelaai dapó. <sup>20</sup> Ti noatepae, so whjpaee Kótóné teteróló kae tare aɔmó mole ala eróturaalu, mo whjné foné maaté

ini, Kótóné ama fotokḡnétóró erótua dapó. <sup>21</sup> Ẹ aipaae wouraalu, diḡ supuraai biyātamo waalopé, yaala sókó furaalu naameyóló mo dua apeloé? Diaaḡ kisipané mé alakó diḡpaae eraai ape yóló kisipa mute?

## 5

*Nópu nokole whi keriso faketamo touyóló bitini, kae beterópóló hokó falae*

<sup>1</sup> Diḡ tuḡmó, betḡ whiné ama alimané dokale sotei ḡ dokalepó dere fo wosalepó. Atéró ayané dokale sotei dokotere alata, mo nópu nokole alatóró ai dere ape. Ti Kótó tuḡ inire whínékélé atei kaae mo sonaalei ala dumipó. <sup>2</sup> Aita dowi ala du betepatei, diaaḡ kisipané wisi ala dapóló bopé faketu beterapó. Ai ala deremó, diḡ dekené sukuturaalu, atétere whi diḡtamo touyóló betaḡsóró, hokó faluḡsóró mo wisi uḡpó. <sup>3</sup> Ti ẹ diḡtamo bitini kae betepatei, ḡ fea tuḡmó mo betḡ kepetóró betereteiné ẹ diḡtamo beterapó. Ti ẹ kaae betóo, diḡ kae betóo epatei, ẹ aimó biture kaae, ai ala yale whi yḡlo mo só deró beterapó. <sup>4-5</sup> Diḡ fea ḡ tḡteróló kaae tare whi Yesuné doimó touróló betóo, yḡlo kepekélé diaaḡ kepetamo betḡmó betóo, Tale Yesuné ama matere fotokḡ sḡmó buóo epa, ti ai whi ḡ Satan-né naase tuḡmó mulae. Atétepa, ti ama tó tiki doraalotei, Tale waaire be ḡemó, ama kepe bete tao saalo ai ape.

<sup>6</sup> Ti ai whi hokó faréni, ḡḡle betepatei wisirapóló bopé faketera ala mo dorapó. Mo sawatamo ḡla yist-nétei *flawa* o bula doasi tópuratere ala diaaḡ kisipa inié? <sup>7</sup> Diḡta, kisi *flawa* o kaae ai betere ape. Térapa, yist bunire kisi *flawa* o kaae alée fóló betaasepóló, upulé *flawa* omó bulótua yale moi yist sokóló tae falae. Ti noatepae, ḡḡné yale dowi alamó Kótóné ḡḡ kwia melaai yaletei, ḡḡsókó faróló, *sip-sip* hupu male Kótópaae ḡḡle melóló sukunapó. Atéyale sekḡta me kae

mei, ḡḡ tḡteróló kaae tare whi Keriso ai ape. <sup>8</sup> Atéremó, Talepaae mo kée yóló ḡla deturaalu, take *flawa* omó bulale moi yist sokóló tae falae. Ai yist-ta, dowi tuḡ mutere alaró du betale kae kae sonaalei dowi alata-mopó. Ai ala taaróló, yist bunire otóró deóló naalopó. Tétu, u dei tuḡ mulutei tó tikiné ḡḡle sikḡli dere ala ini, Talené mo alatóró erótua betereteita, ti kale yist bunire o kaaepó.

<sup>9-10</sup> Take yḡlo diḡpaae folosóró aḡemó, nópu nokole so whiḡtamo fulumu yaḡse yale fota, i haemó betó mole nópu nokole so whi ó ḡla ḡla mo dekeró senée yóló ekeḡle du betere so whi ó me whi dilikóló ḡla ḡla su betere so whi ó kapala kótópaae momatu betere so whiḡtamo fulumu yaḡse yóló inipó. Keriso so whinétei ai dosḡayale alarapetamo du betepa, ti atétere so whiḡtamo fulumu yaḡse yóló yalepó. Ti i haemó betó mole mo so whi tuḡ mutu yḡlo i fo uḡsóró, ti mé tikikómo dowi ala munipa, aipaae bitḡ fae fo uḡé? <sup>11</sup> Yḡlo i dere aḡḡta, mepaae so whiné diḡpaae ḡta naao Keriso nopó du bitutei, nópu nokole ala ó ḡla ḡla senée yóló ekeḡle dere ala ó kapala kótópaae momatu betere ala ó whiné doi doróló eratere fo ó topo dotere wḡi mo dekeró nóló keyaa fole ala ó me whi dilikóló ḡla ḡla ḡlémi sere alakélé fea du betepa, ti ai so whiḡtamo fulumu dere ala momókó yaḡse. Tétu, betḡmó ḡla nokole alakélé mo yaḡse.

<sup>12</sup> Keriso so whi mei, belapaae ḡḡle betere so whiné dere ala taleyóló só derae fo Talené ḡḡpaae inipó. Ti taletere alata, Keriso so whi diḡsisi maaté yae erapó. <sup>13</sup> Ti ḡḡle belapaae betó mole mo so whi taletere alata, Kótóné betḡ enérápó. Térapa,

“Diḡ tuḡmó dowi ala ḡḡle yó tare whi diḡtamo touyóló betaḡsóró kae beterópóló, hokó falae,” ere fo diaaḡ kisipa yaasepóló i dere ape.

## 6

*Keriso no hamoma fo tokóló só deraqse*

<sup>1</sup> Diákó me whítamo mepaae qlamó arale supa, Kótóné kae betero betere so whi diáisi wisiranéatei taaróló Kótó tuénire whirapené tale yópóló sóró fu betere ala wisire? <sup>2</sup> Take nalopaae i haemó betó mole so whi feané dere ala, Kótóné kae betero betere so whiné taleyaalopó ere fo diaaq kisipanié? Ti diánétamo i haemó betó mole so whiné dere ala diaaq taleyópóló, Talené yóló muló betepa, ti diá tuámó ai du betere mo sawa alakélé tale enénipóló kisipa mute? <sup>3</sup> Take nalopaae *ensel*-rapené du betere ala dané taleyaalopó ere fo diá kisipanié? Ti atei kaae doasi hapólui ala dané sumó enérapa, i haemó mo sawa alatei diáisi alale sóró bóe du betere ala sumó wisiranénipa de? <sup>4</sup> Térapa, Keriso so whi diá tuámó atei kaae arale sóró bóe dupa, ti diákó mepaae doi munire so whinékéle sumó taleyóló donoranérapa, atei kaae so whi sóró beterae. <sup>5</sup> Yálo i dere fota, diá haleyópóló dapó. Talepaae tué tiki tiró betere so whi diáisi alale su betere ala taleyóló wisiraaire fosó fosói kisipa mole whikó diá tuámó bitinipa du betere? <sup>6</sup> Diáisi atéro donoreni, Kótópaae tué tiki tirénire so whiné keletómó mepaae no ne hamoma só deraairaalu, fo tokóló taletere *Gavman* whirapepaae taleyae du ai betere ape!

<sup>7</sup> Diá me dupu saai kisipa mutu, mepaae ne notamo fo tokóló só derótu betereiné, Talené ala erateretei taaróló, mo ti haepaae derepale ala hakearatapó. Mepaae whiné yápaee erale sekei alaró kapala dilikóló naao q̄la q̄la sere alatamota, dupu saai dapóló fo tekēni, me q̄la meipóló taalatepa mo wisirapó. <sup>8</sup> Aténi, diáné mepaae so whi dilikóló atimané q̄la q̄la sóo, atimapaee sekei ala eróo, du

betereteita, diaaq no nepaaetei du beteraapó.

<sup>9-10</sup> Dowi ala du betere so whi Kótóné teteróló kaae tare tuámó betaalomeipó ere fo diá kisipa munié? Nópu nokole so whi ó kapala kótópaae momatere so whi ó whiné dokore so ó so dokore whi kaae sotamo nópu nokole so whi ó whi hamomatamo ó so hamomatamotei nópu nokole so whi ó whiné tiki dotonóló *moni* sere whi ó qlémi nokole so whi ó néli whi betaai wisi wisi q̄la dekeró senée dere so whi ó wēi mo dekeró nóló keyaa fole so whi ó me whi eratere so whi ó so whi dilikóló q̄la q̄la su betere so whi fea, Kótóné teteróló kaae tare aqmó betaalopó dere fo mo nisyóló wosaqse. Aita, kapala fo dapó. <sup>11</sup> Ai dosayale alarapeta, diá mepaae whiné mo du betaletei, dá teteróló kaae tare whi Yesu Kerisoné doimó fokóló kae betero, ama so whipóló sóró kae betero, me ala muni mo donoi so whi betero, ere alata, dá kaae tare Tale Kótóné Dēi Kepe Wisiné erapó.

*Nópu nokole dowi alamó ere fo*

<sup>12</sup> Mepaae whiné duraalu, “Kae kae ala fea fo muni, yálo mo sumó enérápó,” du beteraapó. Téatei, mepaae alané dá tao sumipó. “Kae kae ala fea yaaire fo muni, yálo mo sumó enérápó,” du betepatei, mepaae alané ę teteróló kaae tawaqsóro, ai qlané wae sóró kutó diratere whi momó kaae betaalo meipó. <sup>13</sup> Mara mole fo i ape. “Mo qlata, wotetepa nóo, depeta, ti q̄la naai daayóo erapó,” Téatei, qlaró depetamo ti Kótóné doróló mo ti aluraalopó. Talené dané tiki aleyaeteita, nópu nópóló ini, ama kisipa mole ala betá erópóló erapó. Dané tikikélé Talené ama dupuyóló wisiró betereiné, amatórótípó. <sup>14</sup> Kótóné ama doasi bole fotokq̄né dá teteróló kaae tare Tale sukāletei momó kepaaróló beteralepó. A atétu yale kaae, dākélé ama kepaaróló beteraalopó. <sup>15</sup> Whiné mo tikimó



hó naase daalure kaae, diã touróló betere so whi feata, ða teteróló kaae tare whi Kerisoné tikitóro daalapóló kisipanié? Ti Kerisoné tikimó olekere so whitei, nópu nokole sotamo olekeyóló betã tiki daatere ala wisire? Aita mo enéi ala meipó. <sup>16</sup> Mepaae whiné nópu nokole sotamo fitepa, ti atimaamo mo betã tikitóro alée foletai diã kisipanié? Ti noatepae, i fo aserapó. “Atimaamo tiki betãmó touratepa, ti betã tikitóro alée faalopó.”

<sup>17</sup> Tépatéi, mepaae whi de Taletamo olekeyóló betãmó betepa, ti ai whiné keperó Talené kepetamo mo betã alatóro erapó.

<sup>18</sup> Diã nópu nokole ala tuãmó bitini, ai ala sisópaae eróló botokó fae. Mepaae kae kae dowi alata, hãle tómó maaté deretei, nópu nokole alata, mo naao tikitei doróló folokol-erótu beterapó. <sup>19-20</sup> Diãné tikita, Kótóné diã melale Ðei Kepe Wisiné momatere be tẽnapó. Talené diã melale Ðei Kepe Wisi diã tuãmó beterapóló kisipa mutumié? Ti diaaõ tiki taleta diã mei, Talené mo doasi ðlané dupurapó. Atérãpa, me noa kaae ala yaaitepa, ti Kótóné doi doasi mulatere ala betã du betae.

## 7

### *Soró whitamó dokotere ala tuãmó ere ala*

<sup>1</sup> Asemó diaaõ epaae wosale fo mió diãpaae i tokó matapa, wosae. Mepaae whi so dokotere ala taaróló, hãle betepakélé mo wisirapó. <sup>2</sup> Tépatéi, yãlo diã keletapa diã betere tuãmó nópu nokole ala mo turó fãaneteiné, whirape fea mo atimané sotamotóro betóo, sorapekélé atimané whitamotóro betóo depa, ti mo wisirapó. <sup>3</sup> Soró whitamó dokore tuãmó soné tikiñé hẽkesere ala ama omanétóro eróo, whiné tikiñé hẽkesere ala ti ama somanétóro eróo, du betae. <sup>4</sup> Ti soné tikita, amatóro mei, omané tiki yóo, whiné tikikélé amatóro mei, somané tiki yóo, erapó. <sup>5</sup> Soró whitamó

dokore tuãmó, whi ó soné ama tikiñé hẽkesere ala yaai wosetepa, hõyóló sesé yaõse. Aténi, soró whitamó atimaamosisi betã kisipa muóló, Talepaae moma yaairaalu, fo dokóló be ðẽ tukóló mulae. Atéroró beteró, tukóló mulale be ðẽ sókó wapa, kale dere kaae momó touyóló betae. Ti noatepae, diaaõ tikiñé hẽkesere ala teteróló kaae tawaaire fotokõ buni bépa, Satan-né diã dée nalaõsóró dapó. <sup>6</sup> Yãlo i dere fota, yae yóló ere fo meitei, diaaõ kisipané wisirapó depa, ti sãa fóló enérãpó. <sup>7</sup> Whi fea so dokoni ẽ ere kaae hãle betepa aikélé doni, wisirapóló kisipa mutapó. Tépatéi, whi dokõ feapaae Talené kae kae ala meló beterapó. Me whiné dere ala kae yóo, me whiné dere ala kae yóo erapó.

<sup>8</sup> Téró, whiné dokonire soraperó so dokonire whitamopaaekélé, wulia so whipaaekélé, i dere ma fo wosae. Ẽ so dokoni hãle biture kaae, diãkélé atéroró betaai depa ti doni, mo wisirapó. <sup>9</sup> Tépatéi, wotoró bitu ama tikiñé hẽkesere ala teteróló kaae tawaaire fotokõ sunipa, ti so whitamó dokaai depa ó whi so dokaai depa ti dokonérãpó. Ti noatepae, ama tikiñé hẽkesetere ala yaai ama hosaa tuãmó si duku dere kaae yaõsóró whi so dokotepa, ó so whitamó fenépa doni, mo wisirapó.

<sup>10</sup> Dokó mole so whipaae i dere fota yãlo kisipané dumitei, Talené yae yóló muló betere fo i ape. Whiné dokore so naao whi tokó falaõse. <sup>11</sup> Sonétamo whi tokóló fupa, ai so whi kaetamo dokoni hãle beterópóló yae. Téru, ama omatamo dowi kisipa mutu taaróló faai yaletai momó fesaee wóló, atimaamo yale ala fea wisiróló touyóló betae. Soné ai dere kaae, whinékélé soma tekaõsóró yae.

<sup>12</sup> Diã mepaae so whipaae iniyale fo i dereteita, Talené yae ere fo meitei, yãlo kisipa mole fo dapó. Betã Keriso noné ama soma Talepaae tuẽ tiki tiró bitinirutei, ama omatamo betere ala wisipa, ti ai so

tokó falaqse. <sup>13</sup> Sonékélé, ama whi Talepaae tué tiki tiró bitinitei sotamo betere ala wisipa, ti ai whi tokóló faai kisipa muaqsé. <sup>14</sup> Ti noatepae, tué tiki tiró betere soné oma kisipa tiki tiró bitinipatei Talené ai so kae betero betereiteiné, ama omakélé kae beteratapó. Atére kaae, tué tiki tiró betere whiné somakélé Talepaae kisipa tiró bitinipatei, Talené ai whi kae betero betereiteiné, sokélé kae betero beterapó. Ai ala uameisóro, ti diané naale senaalekélé Talené keletómó wisiyóló bitini, hãle hoko bituapó. Téuqtei, atimaamo Talepaae kisipa tiró betereiteiné, naale senaalekélé kae beteratapó.

<sup>15</sup> Tépatei, soró whitamó dokore tuamó Talepaae tué tiki tiró bitinire soné whi tokóló faai dowãae fupa, ti fópóló yae. Atétepa, tué tiki tiró betere so ó whi atimaamo dokonireiteiné, whi a so kae dokotepa ó sokélé whi kaetamo fupa wisirapó. Ti noatepae, dã soró whitamó dokóló bitu, hosaa muni deyóló mo dua beteroópóló Kótóné dãpaae ape yalepó. <sup>16</sup> Tué tiki tiró bitinire whiné dokore so-ó, naao whi mo ti aluyaqsóro tao senéretei ó tao senéniretei netéro kisipa yaaloé? Tué tiki tiró bitinire so dokore whi naakélé so mo ti aluyaqsóro tao senéretei ó tao sené iniretei netéro kisipa yaaloé?

<sup>17</sup> Tépatei, Kótóné a beterepaae ape yale whi fea me noa kaae ala epa, apaae ape itikimó, ai alatóro erópóló yae. Ai diri ma fota, diãpaae maaté dumitei, hae kwia dokó feamó betó mole Keriso so whipaaekélé du beterapó. <sup>18</sup> Mepaae whi de tiki sekaq tikipa Talené a beterepaae ape itikimó, ti ai alatóro erópóló, tiki sekaq tikinire whi aqyóló betaqse. Mepaae whi de tiki sekaq tikinipa, ti ai alatóro erópóló yae. <sup>19</sup> Tiki sekaq tikitere alaró tikinire alatamo me bete munipó. Kótóné tukóló muló betere fo sya fóló erótu betere ala betã doasi bete mulapó. <sup>20</sup> Diã so whi fea noa kaae ala du betere

tuamó betepa, Kótóné a beterepaae ape itikimó, ti ai ala tuamótóro hãle betó tawae. <sup>21</sup> Diã wae sóro kutó diratere so whi betepa, Talené a beterepaae ape itikimó, ti me q̄la meipa whaalia yaqse. Diã wae sóro kutó diratere so whi betere ala taaróló, mo hãle betaaire tũ mupa, ti wisirapa, atétóro betae. <sup>22</sup> Ti noatepae, mepaae so whi de wae sóro kutó diratere so whi bitipa, ti i kisipa muae. Talené a beterepaae ape yale sukamó, diã teraayóló hãle ai betero betere ape. Atére kaae, mepaae so whi atima kolené hãle betepa, Talené a beterepaae ape imó, ti Kerisoné wae sóro kutó diratere so whi beterapó. <sup>23</sup> Diãta, Talené ama doasi qlané dupuyóló betero betepa, hãle mo whiné wae sóro kutó diratere so whi alée fóló betaqse. <sup>24</sup> No nerape-ó, diã dokó fea noa kaae ala du betepa, Talené a beterepaae ape tikimó, ti Kótóné ama keletómó ai ala tuamótóro hãle betó tawae.

<sup>25</sup> Yãlo i dere fota kokopei whirape ó so seimale whitamó dokoteremó dapó. I fota, Talené yae ere fo dumitei, ama q̄ kq̄leturaalu tao sóro betero beteteiné yãlo dere fo mopóló diané wosenérápó. <sup>26</sup> Noa betené i fo dumitei, mió i alimó kae kae wou betere sekei alamó kisipa mutu, diã mió ai betere kaaetóro hãle betepa mo wisirapóló dapó. <sup>27</sup> Diã so dokopa, ti tokó falaai kisipa muaqsé. So dokonipa, ti so dokaai keketu betaqse. <sup>28</sup> Tépatei, diã kokopei whi so dokaai kisipa mupa, ai dowi ala dumipó. Diã seimale sorapekélé whitamó faai depa, ti aikélé dowi ala meipó. Tépatei, mió i alimó soró whitamó dokore tuamó doasi sekei ala waalopóló kisipa mutu, diãpaae ma fo i dere ape.

<sup>29-31</sup> Norape-ó, yãlo i dere fota, Talené kutó diraaire be dẽ fõlo inireiteiné dapó. Mió kaae sóro so dokore whirape, so dokonire aqyóló betóo, dekené sukutu moló du betere so whi ti whi sukuni hãle betere so

whi aqyóló betóo, mepaae hēkesenē sukutu betere so whi hēkese initere so whi kaae betóo, mepaae ɔla ɔla duputu betere so whi ti ɔla ɔla dupu initere so whi aqyóo, mepaae so whi i haemó mole ɔla ɔla sóró taru, mepaae kutó ditutei ai ɔla ɔlapaae hosaa muóo, yaqsóro yae. Ti noatepae, mió ɖané kelené i kilitu betere haeró ɔla ɔlatamota, alu deté fu beterapó.

<sup>32</sup> Yalo diɖpaae i dere fota, diɖ Talené ala eróturaalu, mepaae alatamo bipi yóló, whaali yaqsóro dapó. So dokonire whiɖa, Talené kisipa feléyópoló ama alatóro eraai kisipa mutu beterapó. <sup>33</sup> Téretei, so dokore whiɖa, ama soné kisipa feléyópoló i haemó mole alatóro eraaire kisipa mutu beterapó. <sup>34</sup> Atéreteiné ama tué mo betátóro muni, tamo mulapó. Whiné dokoni hāle biti soró seimale sotamota, Talené ama kutó diraaire kisipa betā mulapó. Téturaalu, ama tikiró kepetamoné Talené ala betátóro eraaire ketekē bulapó. Tépetei, whiné dokore sota, omané kisipa feléyópoló i haemó mole ala eraaire kisipatóro mulapó. <sup>35</sup> Yalo i dere fota, diɖ so dokaqsóro sesétu dumitei, Talené ala eróturaalu, mo betā tuétóro mulu, wisiyóló eraasepóló dapó.

<sup>36</sup> Mepaae whinéɖtamo ama dokaai tukóló beteró betere so seimale doasi ba fomó hāle bitiré faqsóro, dokaai kisipa mutepa, ti wisirapa dokópoló yae. Ti so dokotereteita, dowi ala meipó. <sup>37</sup> Tépetei, me whiné ama tuéne hēkesere so seimale mepaae whiné ɖpaae dokae yóló sēni, amatei hāle betaai dapóló kisipa mutepa, ti aikélé wisirapó. <sup>38</sup> Térapa, whiné ama hēkesere so seimale dokotepa, ti mo wisi ala dapó. Tépetei, mepaae whiné ama hēkesere so seimale dokoni hāle betepa, ti ama ai dere alané so dokore whiné dere ala mo bosenó beterapó.

<sup>39</sup> Whiné dokore so ama oma sukuni hāle betepa, ti me whiɖtamo

fenéni omatamo hāle dokorapó. Tépetei ama oma sukutepa, ama tuéne ɖ me whi kaetamo faaitepa, ti hāle whiɖtamo feni, Talepaae tué tiki tiró betere whiɖtamotóro fupa wisirapó. <sup>40</sup> Tépetei, yalo kisipané hāle wulia betere sorape kolósu, folosóro whi sukutepa kae whiɖtamo dokore sorape kolósu depa, wulia betere ala mo wisiyóló hēkesetamo beterapó. Yalo i dere fota, Kótóné Dēi Kepe Wisiné yó matepa dapóló kisipa mutapó.

## 8

### *Kapala kótópaae momatere ɔla nokolemó dere fo*

<sup>1</sup> Yalo i dere fota, kapala kótópaae momayóló hāle matere ɔlamó dapó. Mepaae bete mole alarape ɖa feané kisipa siré waleteti, mió ɖané mo diriyóló kisiparapó. Fea ala fea atima tuérapó du betepatei, atima doasi whi aqyóló bopé faketu beterapó. Tépetei, yaala sókó fole alané ti so whi wisiróló, kae beteraté fu beterapó. <sup>2</sup> Mepaaené kisipané fea ala ama bete wisiyóló tuérapó du betere whiɖa, mepaae ala mo diriyóló kisipanipó. Atétere whi fea ala turó kisipa yaaire teórapó. <sup>3</sup> Tépetei, Kótópaae yaala sókó fu betere whiɖa, Kótóné mo wisiyóló kisiparapó. <sup>4</sup> Térapa, kapala kótópaae momatere alamó i ɖapa wosae. I haemó kae kae kapala kótó sūróló aleyale ɔla me bete muni yóo, Kótóta me kae bitini, mo betátóro betóo eretei, ɖané mo diriyóló kisiparapó. <sup>5</sup> Ti noatepae, so whiné mepaae i haemó ere ɔla ɔla ó sāmó daae mole ɔla ɔla kilitu, kótórapekélé, talerapekélé, dekéro betó mulapó dua dapó. <sup>6</sup> Hāle betó mole so whiné ai fo du betepatei, ɖa Keriso so whinéɖta, Kótó me kaae mei, mo betátóro beterapóló kisiparapó. Ai Kótóta, ɖané Aya bitu, i haemó yó mole ɔla ɔla fea amatóro kaaróo, ɖakélé ama kisipa mole ala erópoló aleyóló beteróo, erapó.

Atére kaae, dā tēteróló kaae tare whī me kae bitini, Yesu Keriso mo betātoró beterao. Fea ɔla ɔlaró wisi wisi alatamo Kótóné ɔpaae aleyae depa, amatóro aleyóo, dāné betere betekélé ɔ tuamó muóo ereteiné, ama ala dāné hāle eraté fu beterao.

<sup>7</sup> Dānéta, ai alarape diriyóló kisiparetei, mepaae teó wale Keriso so whīné ti diriyóló kisipanipó. Atére so whī atima kapala kótópaae momatua yaletēi, ti dowi alapóló kisiparapó. Ti noatepae, atimané tué béruraalu kapala kótópaae matere ɔla nukupa, ti atimané tué tiki mo doraalopóló kisipa mulapó. <sup>8</sup> Atépatei, ai ɔla nokole alané dā Kótó betere felekepaae dapesó fumipó. ɔla néni wetere alanékélé dā doraalo meipó. Atére dere kaae, ɔla nokole alanékélé dā wisiyóló beteraalo meipó.

<sup>9</sup> Tépatei, naao kisipanétamo taleyóló naaitēpa ó we yaaitēpa ti wisirapó. Tétutei, naao tué sya fóló du betere alané mepaae tué tiki dirini, bére so whī dée nalaɔsóró mo hotowaró kaae tawae. <sup>10</sup> Ti noatepae, ai kapala kótópaae moma dere bemó ɔla nuku betēpa, mepaae tué tiki dirinire so whīné diā kisipa dirire so whī sya wóló, kapala kótópaae matere ɔla naalo wini, halaainé nukupa atima dée nalaalomeipóló kisipa mute? <sup>11</sup> Diā fea ala tuérapó du betereiné, kale kisipa dirinire notei dorótu beterao. Ti ai so whīta, dā tēteróló kaae tare whī Keriso sukuturaalu tao sale no nepó. <sup>12</sup> Atéro du betere dowi alané, tué tiki bére no nepaae sekēi ala eróló dorótu beterao. Atéturaalu, dā tēteróló kaae tare whī Kerisopaaekélé dowi ala erótu beterao. <sup>13</sup> Yālo atéro, ɔla nokole alanétamo no nerape dée nanóló dowi ala depa, ti ɔ hupu ó na momó kae naalomeipó. Ti noa yaɔsóró mei, yālo dere alané atima dée nalaɔsórópó.

## 9

*Mo keriso so whīné Aposel whīrape tao senérapó*

<sup>1</sup> Diaaɔ kisipané mepaae dere alarapéné ɔ dokóló muni teraae fóló bituraalu, yālo enére ala fea sumó enénipóló de? Diāné ɔta, Talené dotēyale aposel whī bitinipóló kisipa mute? Dā tēteróló kae tare whī Yesu yālo kilinipó ere? ɔ Tale tuamó bitu, diyale kutómó botokale ɔlata, ti diātoró ai betere kisipanié? <sup>2</sup> Mepaae so whīné ɔ kilituraalu, atima tao sópóló Kótóné dotēyale aposel whīpóló kisipa mutumipó. Tépatei, ɔ diā tuamó bitu yālo diyale kutó kilitu, i sekēta aposel whī mo hītipó enérapó. Ti noatepae, Talené ama fo yālo diāpaae mo wisiyóló yó maleteiné, diā tuamó ai olere du wisinaale diaaɔtei kaae kolóló, ita, Talené aposel-né yale alané erale dālepóló kisipanérapó.

<sup>3</sup> Yālo dere ala taleyóló ɔ só deraai du betere whīrapéné dere fo mo nisi yaɔsóró, diāpaae dapa wosae. <sup>4</sup> Ti dā aposel whīrapeta, Talené ama kutó dirane fae yóló dotēyalepó. Atéreteiné dāné naaire ɔlaró wēitamo mené dā tao sóro matepa dore? <sup>5</sup> Mepaae aposel whīrape ó, Talené nomarape ó Sipas-sépi atimané dere kaae, dāmokélé Talepaae tué tiki tiró betere so dokóló, sotamo wusuró Talené ala eraté kotere dore? <sup>6</sup> Mepaae aposel whīrape atima kutó dini hāle betēpa, Banabas dāmo Talené kutó diróturaalu, mo naaitere ɔla kutókélé dāmoné maaté sumó dinérapóló kisipa mute? Talené kutó diratere so whī feanétóro dinérapó.

<sup>7</sup> Bóe dele ami whīrape atimané nokole ɔlaró bóe dele ɔla ɔlatamo atimanétei dupu dua de? Mepaae whīné ama kutómó biliyale wain képi du ɔlumétepa sóro nukumié? Mepaae whī atima whaatere meme hupuné awā tepeyóló nukumié? <sup>8</sup> Yālo i deté wale fota, mo whīné mole kisipa sya fóló dapóló de?



Ti yało ai deté wale fo kaae, kale tukóló muló betere fonékélé, dumié? <sup>9</sup> Ti noatepae, Moses-né kale tukóló muló betere fo asęre tuąmókélé i fo kaaetóro erapó.

“Kale *bulmakau* hupuné *whit* o du teįya deté kuturaalu, mepaae sorokóta deretei ą nópóló, kulumu faaraęse,”

Ti Kótóné ai ere fo-a, mo *bulmakau* hupumó kisipa mutu yaleé? Mo meipó. <sup>10</sup> Ai fota, da tao saai kisipa mutu erapó. Ti noatepae, kutó sóro ęla wae bilitere whįró ęla ęlumétepa sere whįtamo nalo bukóló saai kisipa mutu, atimaamo wusuró depe tukó wei ala du beterapó. <sup>11</sup> Mepaae whįné ęla wae bilitu dere kaae, da dią tuąmó bitu, diaaę kepe bete tao sóro wisiraterere ala du betalepó. Atére kaae, mo kutómó ęla ęlumétepa sóro me whįtamo bukutu dere kaae, da wote yaęsóro mo ęla diaaę tao sóro matere ala dore? <sup>12</sup> Talené kutó diraterere whįrape tao sóro ęla matere alatamo donopa, ti da tao sóro matere alakélé mo turó donorapóló kisipa mutapó. Atéroró matere ęla dańé senéptei taaralepó. Aita hęle mei, da *moni* ó me ęla saaire kutó diterere nisiyóló, Kerisoné ama fo wisi wosaaire tu sesęyaęsóro yalepó.

<sup>13</sup> Mepaae momatere be kaae tare whįrapené momatere bepaae sóro wale ęla buki atimané nukua deretei, diaaę kisipanié? Atétere kaae, Talepaae hęle melóló simó sukulaa dalaterere tiki kaae tare whįrapenékélé, atima nenére ęla kwiapaae nukua erapó. <sup>14</sup> Atétere kaaetóro, kale fo wisi yó matepa wosetere so whįrapené, ai fo yó matere whįrape atimané yaęęare ęla ó nokole ęla tao sóro melae yóló Talené tukóló muló beterapó.

<sup>15</sup> Téptei, ę yaęęare ęla diaaę tao sóro melaaire donopatei, saalo meipó yalepó. Yało i aętu betere alata, diąné ę yaęęare ęla melópóló dumitei, ai fo wisi diaaę wisiyóló

wosópóló kisipa mutu, ę hįtamo yó mótu betalepó. Ai fo wisi yało diąpaae yó maletimó dupu salepóló, mepaae whįrapené ę eraterere fo yaęsóro kisipa mutu yalepó. Ti mepaae whįné yało hęle yó mótu betere ala seséturaalu, ę tao sóro *moni* ó me ęla melaęsóro ę miótitei sukutepa wisirapóló kisipa mutapó. <sup>16</sup> Téptei, Kótóné fo wisi yało yó materemó ę bopé faketerere ala enénipó. Ti noatepae, Talené ama erae dere fo taaréni, mo yó manérapó. Ai fo wisitamo yało yó menitepa, ti ępaae eraaire sekeį alamó mo doasi wirapó. <sup>17</sup> Mepaae whįné ai fo wisi ępaae yó melae yóló seńi, yało kisipanétei yó mótu betepa, ti yało saaire dupu wisi mulapó. Talené ępaae dirae yale kutó yało kisipané diréni, mené seęteremó dirótu betepa, ti me dupu muni, hęle erae ere fo maaté sya fu beterapó. <sup>18</sup> Ti yało ai saalopó dere dupu-a, noa ęlaé? Aita Talené fo wisi hęle yó materemó, tao sóro matere ęla saaire donopatei sinipó. Tétu, Talené fo wisi feléi kisipatamo hęle yó matere alata, ti yało dupu wisi ai ape.

<sup>19</sup> Ęta, mené wae sóro kutó diraterere whį bitinitei, yało kisipané enére ala betę du beterapó. So whį mo turó Yesu Kerisoné fake beterópóló kisipa mutu, yałotei ę atimané wae sóro kutó diraterere whį aęyóló i betere ape. <sup>20</sup> Juda fake so whį Yesu Kerisoné fake beteraai kisipa mutu, ę Juda fake betere kaaetóro betalepó. Ęta, Moses-né aęyóló muló betere foné teęteróló kaae tare aęmó bitini, ai fo sya fu betere so whį Yesu Kerisoné fake beteraai dapóló, ę ai fo sya fu betere so whį aęyóló betalepó. <sup>21</sup> Moses-né aęyóló muló betere fo tuęnire fake so whį Yesu Kerisoné fo wosóló, ama fake beterópóló, ę ai fo tuę inire whį aęyóló yó mótu betalepó. Yało i dere fota, Kótóné tukóló muló betere fo munipóló dumitei, ę Kerisoné tukóló

muló betere foné t̄eteróló kaae tare aq̄mó beteraóló dapó. <sup>22</sup> Tué tiki tiró bitutei, bére so wh̄i atima tué tiki diriyóló tiró betere so wh̄i kaae beteraai kisipa mutu, ę tué tiki bére so wh̄i aq̄yalepó. Ę so wh̄i tuámó bitu, atimané kae kae du betere alatóró sya fóló du betaleteita, ti so wh̄i mo turó aluni, Talené tao s̄ópóló kisipa mutu yalepó. <sup>23</sup> Ȳalo i du betere alata, kale fo wisi so wh̄i feané wosóló fakeróo, ai fo wisiné erótu betere wisi wisi ala ępaækélé eratepa sóo, yaai kisipa mutu du beteraópó.

<sup>24</sup> Mepaae ęla ęla saai wh̄i fea sururu yóló fotei, d̄ale muló betere tikimó sókó fole wh̄iné bet̄a dupu sua deretei, diaaq̄ kisipanié? Atétu dere kaae, ęla ęla saairaalu ketek̄etamo sururu yóló fu betae. <sup>25</sup> Atei kae kae melaa dere wh̄irape h̄ale bitini, atimané tiki fotok̄o buópóló ęla nokole alakélé, kae kae dere alakélé, hapólupatei, betere dok̄o s̄u s̄uyóló, mo wisiyóló sya fu beteraópó. Atétere wh̄irapéné su betere topo taota, sawa sukamó maaté muóló doyaalotei, d̄ané saalopóló i bope du betere ęlata, dokélé ini, mo ti muó tawaalopó. <sup>26</sup> Atérapa, mepaae wh̄i furaalu kisipa tekeyóló feni, h̄ale h̄oko t̄etamo yóló fu dere kaae, Talené ala ȳalo h̄oko erótumipó. Naase dele wh̄iné naasetamo duraalu, h̄ale h̄oko tikimó dini, mo kelepaamótóró du dere kaae, ę Talené ama d̄ale muló betere tikimó sókó faai h̄ale fu beteraópó. <sup>27</sup> Atétere kaae, ȳalo dere alakélé tikiné h̄ekesere ala h̄oko yaqsóro, ȳalo tiki ȳalotei hapólui ala tūapaee mulóturaalu, wae sóro kutó diratere wh̄i kaae, t̄eteróló kaae tarapó. Aita, noa yaqsóro meipó. Mepaae wh̄iné ępaee duraalu Talené fota, so wh̄ipaae mo wisiyóló yó maletei, ai tuámó ȳa h̄asókó feleteiné naao doimó mulale dupu saalomeipó yaqsóro dapó.

## 10

### *Dée naqsóro Isarael fakené deté wale ala dosq̄ayóló kisipa muae*

<sup>1</sup> No nerape-ó, ita noa ala yaqsóro dumipó. D̄a Juda fake firale nouterapepaae erale ala diaaq̄ kisipa yaasepóló i dapa wosae. Atima fea kitikiné ęlisóro fu betepa, ai kitikitóro sya fóló, kale doasi w̄ei k̄elakélé tuámó tukóló mo hae tiki h̄alepa atima t̄eyóló fipakalepó. <sup>2</sup> Atima Moses-tamo touyóló kitiki aq̄mó f̄oo, w̄ei k̄ela tuámó tukóló f̄oo yaleteita, atima fea Moses tuámó w̄ei t̄ópipakalepó. <sup>3-4</sup> Atima fea Talené Kepené dere ala tuámó s̄aró dorowale mo bet̄a ęlatóro n̄oo, w̄eikélé mo bet̄atóro n̄oo, yalepó. Ti noatepae, mo wh̄iné kelené kelenire Kepe atimatamo kw̄ealepó Ai Kepe tuámó ere kane fake dolomó sorokó wale w̄ei nukua yalepó. Ai betere bete matere w̄ei sorokó wale kane faketa, ti me kae mei, d̄a t̄eteróló kaae tare wh̄i Kerisotórótípó. <sup>5</sup> Téyaletei, atima mepaae turó so wh̄iné dere ala Kótóné kolóló ę h̄ekesenipó. Atéyale betené atima sisiraae fupa, so wh̄i bitini h̄ale kópu k̄aae fi tikimó h̄oko dourótua yalepó.

<sup>6</sup> Atima atéro sisiraae feleteita, tué tiki turóné dowi ala yaai ek̄ele du betale alané erapó. Mió d̄akélé atima yale kaae yaqsóro, tó tikiné ek̄elere ala d̄ané hosaa tuámó mulaqsóro kisipa mulatere fo i dere ape. <sup>7</sup> Mepaae so wh̄i atima kapala kótópaee momatu yale kaae, mió diaaq̄kélé yaq̄se. Ti noatepae, ašémó i fo erapó.

“Talené so wh̄ita, Kótó tuénire so wh̄itamo touyóló bitu, kapala kótó doi sóro horóturaalu, doasi ęla deyóló nuku betalepó. Atéturaalu, atima fea sama sóro keyaa fole w̄eikélé mo dekéro n̄oo, sotamo nópu nokole alaró kae kae dowi alatamo h̄ekese yóló h̄oko yóo, du betalepó,”

<sup>8</sup> Atima mepaae nópu nukua betale

alané, betā be demótei 23,000 so whi sukālepó. Atima atétu betale kaae, dākélé yaqsóro i dere ape. <sup>9</sup> Atima mepaae so whiné Tale kaae kelaai sū saleteiné, Talené dowi wulirape dotonóló atima dóló sisiraae faralepó. Atérapa, dānekélé Tale sū sere ala yaqse yóló dapó. <sup>10</sup> Mepaae so whi atima ālisóro fole whirapetamo dokó dokó depa, Talené whi dóló kemerótu betere *ensel* dotonóló, so whi mo turó dóló kemeralépó. Atérapa, diākélé atéyaqsóro me whitamó dokó dokó dere ala yaqse.

<sup>11</sup> Take betale so whipaae eraté wale alarape mepaae so whiné dosāyóló wituraalu kisipa sōpóló, mené aseyóló muló beterapó. Keké nale alimó kaae sóro i ala yaalopó deté wale forape mo dokonóló, mió i kemetere alimó dāpaae mo erótu betepa kelerapó. <sup>12</sup> Térapa, mepaae so whi de me dowi alané dée néni diriyóló beterapó dere so whi diā, dée naqsóro, mo wisiyóló kaae tawae yóló, dēla fo i dere ape. <sup>13</sup> Dowi ala yōpóló sū sere ala diāpaae maaté dumi, i haemó betó mole so whi feapaaekélé wua dapó. Tépatei, Kótóné so whi tao su betere ala hāle yó taru, diāpaae ai erótu betere sū sere ala mō dekéro eréni, diaaḡ belenére sūtóro erótu beterapó. Mepaae dowi ala yōpóló sū supa, diā dée néni fotokḡ buóló, ai sekḡ beleyōpóló, Kótóné ama so whi tao sere ala hāle yó tareteiné, diā wisi tikipaae sókó faaire tū munaalopó.

*Yesuné tikiró fāketamo nukuraalu, kapala kótópaae kisipa muóló detere ḡlatamo touróló naqse*

<sup>14</sup> Térapa, yaḡlo hosaa mole ne norape-ó, kapala kótópaae momatu betere ala tuāmó bitini, mo tika kae betae. <sup>15</sup> Diā fosó fosói kisipa mole so whitamó betepa, ti yaḡlo i dere fo taleyóló kisipa yae. <sup>16</sup> Talené dā wisiróturaalu, sókó farale sameatóro dā fea touyóló bitu, mo kée yóló

nukua dumié? Mo betā *bred* o bulatóro terekeyóló nuku dere kaae, Kerisoné ama tikimó erale wisi wisi ala dā feané sumié? <sup>17</sup> Ti noatepae, dā fea mo betā o bulatóro terekeyóló nokoletéiné so whi fea mo betā tikítóro daale ala hākearóló yó matapó.

<sup>18</sup> Israel so whiné du betale ala diāné kisipa muae. Talepaae momaturaalu, kapo tómó biliraterere ḡla mepaae so whinékelé nukua yalepó. Atéyaleteita, ai momaraterere ala Talené wisirateretei atimakélé sirapóló hākearó betere ala diaaḡ kisipanié? <sup>19</sup> Mo whiné naasené Kótó sūróló aletu betere ḡlaraperó ai kapala kótópaae hāle matere alatamo, mo bete mulapóló yaḡlo diāpaae du betere? Meipó. <sup>20</sup> Tépatei, Kótó tuñnire so whiné kapala kótópaae hāle matere ḡlata, mo Kótópaae meni, dowi keperapepaae mótu beterapó. Atétere ḡlatamo diaaḡ nuku betepa, ti ai keperapené du betere ala diāpaae tekaalopó. <sup>21</sup> Taletamo betā kisipa muóló, nokole wēi nukuraalu, dowi keperapetamo betā kisipa muóló nokole wēikélé touróló nenénipó. Talené doi sóro horótu detere ḡla noó, dowi keperapené doi sóro horóturaalu detere ḡlakélé nóo dere alata, wisini mo dorapó. <sup>22</sup> Ti dā ama so whi bitutei, dowi kepetamokélé fulumu du betere alata, Talené dātamo doasi fopaae buōpóló sesemerótu beterapó. Ti aīta, Talené ama bole fotokḡró dāné bole fotokḡtamo sūrāpóló de?

*Kisipa tiró betere so whiné yaaitere ala mené seséni, atima sūmó enérapó*

<sup>23</sup> Fea kae kae ala yaaire fo muni sūmó enépatei, ai dere alarapené so whi wisiyóló beterōpóló tao senénipó. Kae kae yaaire ala feata, fo muni sūmó enépatei, mepaae alané Tale tuāmó bitu kisipa tiki tiraterere ala wisiraté fumipó. <sup>24</sup> Mepaae ala duraalu, diā maaté wisiyóló betaaire alamó kisipa muni, mepaae so

whikélé wisiyóló beterópóló kisipa mutu, erótu betae.

<sup>25</sup> Hupu na dotonatare tikimó du-puteretei naairaaalu, netéyale ɔlaé yóló woseni, hoko nó betá yae. <sup>26</sup> Ti noatepae, i fo aseýóló muló beterapó.

“Í haeró ere ɔla ɔlatamo feata, Tal-ené amatórótípó.”

<sup>27</sup> Mepaae tué tiki tirénire so whiné diápaae ɔla naai ape depa, fóló naairaaalu neté yale ɔlaé yóló woseni, hoko nó betá yae. <sup>28</sup> Tépatei, mepaae whiné duraalu, “Ita kapala kótópaae momayale ɔlapó,” depa ti naqse. Ti ai whi ɔ haleturaalu, ama tué tiki doyaqsóró dapó. <sup>29</sup> Yálo i dere fota, naao kisipa sekeyóló kópaae faqsóró dumitei, yapaae ai fo yale whiné naao dere ala kilitu, ɔ kisipa sekeyaqsóró dapó. Ti yálo kisané yaaitere ala du betepatei, mepaae so whi atima tuéné yálo dere ala taleyóló ɛ noatepa só derótu betere?

<sup>30</sup> Mené ɛpaae ɔla naai ape depa ai ɔla naairaaalu, Talepaae mo kée yóló nuku beterapó. Atéro nukupatei, mepaae whiné yálo ɔla nokole alamó, ɛ noatepa só derótu betere?

<sup>31</sup> Atérapa, diaaɔ ɔla nokole ala ó wɛi nokole ala ó mepaae dere alarape fea so whiné kilituraalu, Kótóné doi betá doasi muópóló yae. <sup>32</sup> Atéturaalu, Juda fake ó, Krik fo bole fake ó, Kótóné so whi fea dée nalaqsóró me noa kaae ala depa, ti tué tekeyóló yae. <sup>33</sup> Ti yálo dere alakélé hoko dumi, so whi feané wisirapó yópóló, tué tekeyóló du beterapó. Ti noatepae, yálo du betere alata, ɛ maaté wisiyóló betaai kisipa muóló dumi, Kótóné so whi fea aluyaqsóró, wisiyóló beterópóló tao saaire ala betá du beterapó.

## 11

<sup>1</sup> Téturaalu, Yesu Kerisoné yale ala yálo sýróló du bitu dere kaae, yálo dere alakélé diáné sýróló yae.

*Talepaae momaturaalu etéro yae yóló dere fo*

<sup>2</sup> Diá Talené ala eróturaalu, dané diápaae yae yóló male alarape diaaɔ kutirimó muló, wisiyóló sya fóló erótu betereteimó, mo kée yóló yálo diá dukirótu beterapó.

<sup>3</sup> Dá whi feané topota, so whi tɛteróló kaae tare whi Keriso betóo, soné topo ti whi betóo, Kerisoné ama topo ti Kótó betóo eretei, diaaɔ kisipa yaasepóló i dere ape. <sup>4</sup> Mepaae whi dené Talepaae momatere alaró Tal-ené kóló whirapené ere fotamo yó matere sukamó, ama mo topo me ɔlané husiratepa, ti ɔ tɛteróló kaae tare topotei haleratapó. <sup>5</sup> Mepaae so dené Talepaae momaturaalu, ó Talené kóló so bitu, ama fo yó matere sukamó, kutiné ó me ɔlané ama topo husirénitepa, ti ɔ tɛteróló kaae tare topotei haleratapó. Ama topo husiréni hálepatei, Talepaae moma depa, ti ama topo niki sakere aɔrapó.

<sup>6</sup> Mepaae so denétamo ama topo niki me ɔlané husiraalo hôtepa, ti hálekeróló tikinérápó. Ama topo niki turó saketepa, ó tikinalemó ɔ halenérápóló kisipa mutepa, ti me ɔlané husiranérápó. <sup>7</sup> Ti whi, Kótóné ama kae ere dɛró asotamo sýróló alereteiné, momatere ala ó fo yó matere ala yaai, ama topo me ɔlané husiranénipó. Tépatei, so betere alata, whi tao sóro hale horaairaaalu erapó. <sup>8</sup> Ti noatepae, take soró whitamó kaarale sukamó, whi so tuámó kaani, sotei whi tuámó kaaró beterapó. <sup>9</sup> Atére kaae, Kótóné whi alereteita, so tao sýpóló ini, soné whi tao sýpóló, kisipa mutu erapó. <sup>10</sup> Atére alaró *ensel*-rape betere alata-momó kisipa mutu, sorape atima fea whi aqmó beterapóló kisipa yópóló, ama topo me ɔlané husiranérápó.

<sup>11</sup> Tépatei, Tale tuámó bitu so whi meiyóló ama wotoró betóo, whikélé so meiyóló ama wotoró betóo, inipó. <sup>12</sup> Ti noatepae, take sota whi tuámó sókó wóo, miómo soné deyóo whi deyóo du beterapó. Tépatei, ai alarape feata, Tale tuámótóro kaarótu beterapó.



13 Yalo i dere fo wosóló diaaqtei taleyae. Sorape atima topo me qlané husirénirutei, Kótópaae momatepa ai wisire? Mo meipó. 14-15 Whjné ama topo nikitamo fqloratepa, ti a hale yóo, soné ama topo niki fqloratepa, ti a dukiróo yópóló, erapó. Ti aita, ama ere alapóló kisipa yópóló, erapó. Ti noatepae, soné fqlói topo nikita, ama tiki husuróló eró beterapó. 16 Mepaae whjné tamó i dere fo woseni, hóróló dowaae fu betepa, ti atei kaae so whjpaee dané ó kae kae hae kwiamó betó mole Keriso fake so whjné kélé me ala yaaire tų kae muni, da feané mo betā alatóró yó tarapó.

#### *Talené qla nokole alamó ere fo*

17 Yalo diāpaae i ala yae, i ala yaqse yóló i dere fota, diaaq du betere alamó wisirapóló yalo diā dukiróturaalu dumipó. Ti noatepae, diā touróló du betere alané so whj só deróló dorótu betereteiné, mepaae dere wisi ala teteró beterapó. 18 Yalo diāpaae folosóró dere fo i ape. Diā tourótua dere sukamó, fea betā kisipa muni, fake tekeyóló kae kae betó mulapó dere fo yalo wosalepó. Diā tuamó ai ala mo du dapóló kisipa mutapó. 19 Diā fea betā kisipa muni, me fakené dere ala kae, me fakené dere ala kae du beteretei, Kótóné kaae kolóló, i faketa mo donorapó deretei mo so whjné kolópóló hakearatapó. 20 Diā fea betāmó touróló bitu nokole qlata, Talené ama erale alamó, ama doasi doi mulóturaalu nokole aqnipó. 21 Ti noatepae, diā atéró qla nukuraalu, so whj fea wópóló kaae tani, mepaae so whj hōko hapale nukua dapó. Diā qla betāmó bitu mepaae whj woténé sukō, mepaae whj wēi dekéró nóló keyaa fōo, du beterapó. 22 Ti diā mo qlaró wēitamo naaire mo be tēnipa de? Atétu betere alané Kótóné touróló betéró betere so whj hale qla aqróo, mepaae qla qla meire so whj halerótua yóo, du beterapó. Diaaq ai du betere alamó, yalo diāpaae noa fo

yaaloé? Aita, wisi ala dapóló yalo diā dukiranére? Mo meipó.

23-24 Ti noatepae, Talené epaae yó matepa yalo diāpaae yó male fotei, momó i dere ape. Tale Yesu dópóló eleké deale dikitamo *bred* o tao sóró Talepaae mo kée yóló, kolokó daalu yóló mótu duraalu, “Ita, yalo diā tao suraalu, matere tikipa diaaq nukuraalu, yalo yale alamó e kisipa keteréni, tué yó taru nae,” yalepó. 25 Atéró qla nóló kemetepa, qla nuku yale kaaetóró wēi belere wuti tao sóró duraalu, “I wēita, yalo sókó falaaire samea Kótóné ama so whj tao saalopóló ere kisi fo dirirótu beterapó. Térapa, diā i wēi nukua dere dokō yalo yale ala tué yó taruraalu, i ala hale deté fu betae,” yalepó. 26 Ti noatepae, betere dokō i *bred* oró wēitamo nukulétóró fu betaalopó. Atétere alané, Tale sukāle ala hakeamó yó maté fóló, a wale sukamó sókó faalopó.

27 Atérapa, mepaae so whj denétamo Talené *bred* o ó wēi kisipa tekeyóló nēnitepa, ti Talené ama tikiró sameatamo bete muni, hale qla aqratereteiné, dowi ala dapó. 28 Ai qlaró wēitamo nokole alata, doasi bete mole qlapóló kisipa muóló, folosóró a tuamó mole ala tuénétei taleyóló nukupa, ti mo wisirapó. 29 Ti noa yaqsóró meipó. Mepaae whj dené ai wēiró qlatamo nukuraalu, Talené tikipóló kisipa muóló nēni hale hōko nuku betepa, ti Talené a só deraaire ala amatei eratapó. 30 Atétu betere alané diā tuamó mepaae so whj turó fotokō buni, bé yóo, mepaae mo kisi daayóo, mepaae so whj mo ti sisiraae fōo du beterapó. 31 Tépatēi, dané hāsókó fóló du betere ala danētei taleyóló donoratepa, ti Talené da só deraalomeipó. 32 Dané du betere ala Talené ama taleyóló da i haemó hale betó mole so whj tamó touróló só deraqsóró, dané du betere dowi ala taaróló tų wisipaae fópóló donoróturaalu, ama da deké su

beterapó.

<sup>33</sup> Atérapa, yálo ne norape-ó, Talené ɔlaró weítamo nokole sukamó, so whi fea betámó tourále wapa naasepóló, kaae tawae. <sup>34</sup> Diá mepaae so whítamo wotetepa, ti mo ɔla diaaɔ bemó nóló wonérapó. Ti diá atéro fea touróló bitu, du betere ala Talené taleyóló diátei só deraɔsóró dapó. Ɛ aipaae wale sukamó, yálo i dere fo tómó mepaae diá donoratele fokélé yaalopó.

## 12

*Mepaae so whi tao sǔpóló, Deji Kepe Wisiné hǎle matere ala*

<sup>1</sup> No nerape-ó, Talené Deji Kepe Wisiné hǎle matere alarape diá tuéni, kǔló kǔló yaɔsóró i dapa wosae. <sup>2</sup> Diá Keriso betaai hǎle betale alimó, fokélé initere kapala kótoraepaae tué tiki tirǔpóló, netéro mepaae alané diá kǔpaae ǎlisóró felerópó. <sup>3</sup> Diá ai ala ereteiné yálo diápaae i dere fo wosae. Kótóné Deji Kepe Wisiné mepaae so whi fotokǔratepa, “Yesu mo ti dorǔpóló yae,” fo mo enénipó. Mepaae so whi Deji Kepe Wisiné fotokǔrénitepa, ti “Yesuta, dá tǔteróló kaae tare Talepó,” fo mo enénipó.

<sup>4</sup> Talené ama ala erǔpóló, mo betá Deji Kepe Wisinétei kae kae ala erǔpóló, so whi feapaae hǎle dokǔrótu beterapó. <sup>5</sup> Mepaae Keriso so whiné Talené ama so whi tao saaire ala kae kae mupatei, ai alarape fea tǔteróló kaae tare Tale mo betátóro beterapó. <sup>6</sup> Ai betá Kótónétóro so whi fea tuámó kae kae alarape fea erótu beterapó.

<sup>7</sup> Talené so whi mo fea wisiyóló beterǔpóló, Deji Kepe Wisiné ama erótu betere kae kae wisi ala hákearóturaalu, so whi feapaae betá betá yóló dokǔrótu beterapó. <sup>8-10</sup> Betá Deji Kepe Wisinétei, me whipaae ti mepaae Keriso so whi fosó fosóre ala yó melǔpóló melóo, me whipaae ti Kótóné mo bete mole fo tué yǔpóló, yó melaaire

ala melóo dere alata, mo betá Deji Kepe Wisinétoró erótua dapó. Me whipaae ti Kótóné doasi kelemei ala mo eraalopóló, tué tiki tiratere ala melóo, me whipaae kae kae kisi bete wisiratere ala melóo, me whipaae kelemei ala erǔpóló doasi fotokǔ melóo, me whipaae Kótóné ama kǔló whi beteróo, me whipaae ti fea dere ala taleyóló, ita dowi kepené dapó, ita Talené Kepe Wisiné dapóló kǔae kolóló tué dere ala melóo, me whipaae ti kae kae be fo dere ala melóo, dua dapó. <sup>11</sup> Ai dosǎyale alarape feata, mo betá Kepenétoró eratapó. Tétu ama kisipané enéere alatóro sya furaalu, so whi feapaae betá betá yóló dokǔrótu beterapó.

*Betá tikimótei kae kae ɔlarape daale fo*

<sup>12</sup> Mo whiné tikimó hó naase kele mepaae kae kae ɔla fea daae moletei, tikita ti mo betátóro daalapó. Atére kaae, dá tǔteróló kaae tare whi Keriso ǎ tikimó dá fea olekeyóló mo betá tikitóro daalapó. <sup>13</sup> Ti noatepae, betá Deji Kepe Wisiné dá fea wei tǔpuróturaalu, Juda fake so whikélé, Krik fo bole so whikélé, wae sóro kutó diratere so whikélé, atima kǔlené betere so whikélé, fea mo betá tikitóro alée faralepó. Até duraalu, so whi fea wei nokole depa betá wei nuku dere kaae, dá fea betá Deji Kepe Wisitóro sǔpóló malepó.

<sup>14</sup> Whiné mo tikimó betá ɔla maaté daani, kae kae ɔla fea daae mulapó. <sup>15</sup> Hóné duraalu, ɔta naase meireteiné ai tikitamo olekenipó depa, ti hó ǎ fesekée fóló kae daale? Tényi, tikimótóro olekerapó. <sup>16</sup> Woséliné duraalu, ɔta kele meireteiné tikitamo olekenipó depa, ti woséli ǎ dáae fóló, kae daale? Tényi, ǎ tikimótóro olekerapó. <sup>17</sup> Tiki turótamo keletóro daauǎsóró, ti wosetere ala netéro wuǎé? Tiki turótamo wosélitóro daauǎsóró, ti kǔlaa sere ala netéro wuǎé? <sup>18</sup> Ti tikimó daale kele, naase, hó mepaae kae kae ere ɔla fea Kótóné ama

kisipané etéro eraalopó yale alatóró eró beterapó. <sup>19</sup> Ai ɔlarape featamo betá ɔlatóró daauşóró, ti tikipó fo nétéro wuaé? <sup>20</sup> Ti hó naase, kele, kae kae ɔlarape fea daae moletei, betá tikimótóró olekéé mulapó.

<sup>21</sup> Kelené naasepaae duraalu, “Me ala yaairaaalu, ę ya ɔɔɔɔnipó,” fo enénipó! Toponékélé hópaae duraalu, “Me ala yaairaaalu, ę ya ɔɔɔɔnipó,” fo enénipó! <sup>22</sup> Atei fo ini, ɔané tikimó mepaae daae mole sawa doi munire ɔlarape meitepa, ti ɔané tiki mo wisiyóló betere ala enénipó. <sup>23</sup> ɔané tikimó daae mole mepaae kelaalo kokɔ inire ɔlarape kokɔ yópóló, ɔané aurótua dapó. ɔané tikimó daae mole mepaae keletepa haletere ɔlarapeta, ti kutiné kinótua dapó. <sup>24-25</sup> Mepaae keletepa hale initere ɔlarape, ti ɔané mo hotowayóló kinótimipó. Tépateti, Kótóné so whiné tiki aleturaalu, mepaae doi munire ɔlaraperó doi mole ɔlarapetamo dei kisipa mutu, bóe dóló fake tekeyaşóró, doi munire ɔlarapekélé Talené tao sóró doi muaaire ala eralepó. Tétu, tikimó daae mole ɔlarape betá kisipa muóló, u tao su i tao su du beterópóló, Kótóné atéro touróló daalalepó. <sup>26</sup> Ai ɔlarape betá kótamo sekę supá, ti featóró sekę sóo, mekó doasi doi mulatere ala depa, ti mepaae ɔlarapekélé fea touyóló, heketetamo mó kée yóló haj yóo, du beterapó.

<sup>27</sup> Atétere kaae, diá fea ɔa tetetóró kaae tare whi Kerisoné tikimótóró olekereteiné, diá fea ama tikitóró daalopó. <sup>28</sup> Kótóné touróló betero betere so whi tuámó folosóró Kótóné fo erópóló, doteyale *aposel* whirape sóró beteróo, ai sisópaae Kótóné fo yó matere kóló whirape sóró beteróo, ai sisópaae yó matere whirape sóró beteróo, ai sisópaae doasi kelemei alarape eraaire so whi sóró beteróo, ai sisópaae kae kae kisi bete wisirópóló sóró beteróo, ai sisópaae mepaae kae kae ala dere

tuámó bipi depa tao saaire so whi sóró beteróo, mepaae dere ala mó donotóró deté fu beterópóló sóró beteróo, ai sisópaae mepaae so whi kae kae be fo yópóló, sóró beteróo, erapó. <sup>29</sup> Ti ai so whi featóró Kótóné doteyale *aposel* whirape betere? Atima featóró Kótóné fo eratere kóló so whi betere? Meipó. <sup>30</sup> Atima featóró Kótóné fo yó matere so whi betere? Atima feanétóró doasi kelemei alarape erótua de? Mepaae so whiné kisi bete wisiratere Kótóné atima feapaaetóró melaleé? Kae kae be fo-a, atima feané du betere? ɔei Kepené yó matere kae kae be fo fetere ala feané dua de? Mo meipó. <sup>31</sup> Ti so whi fea tao saaire ala betá senée yóló ekele du betae. Talené kae kae ala eraaire tu wisi mió ɔalo diá paae i dere ape.

## 13

### *No nerapepaae hosaa muóló yaala sókó fole ala*

<sup>1</sup> ę tuámótamo so whipaae yaala sókó fole ala munirutei, Talené ala eróturaalu, mo whiné bole kae kae be fo ó *ensel*-rapené be foné du betepa, ti hale fo whaayóló so whi wisinarótu beterapó. <sup>2</sup> ɔei Kepe Wisiné ę fotokɔratepa, Kótóné kóló whirapené dere foró kinó betere fotamo fea ɔalo tuę yóo, Kótóné bete mole fo so whipaae yó melóo, mepaae hasi fosópaae ai daae mole tiki taaróló, kaepaae daane fae yaaire tuę tiki tiratere alakélé şumó yóo epatei, yaala sókó fole alatamo ę tuámó munipa, ti ę mo hale ɔla kaaené kelerapó. <sup>3</sup> ɔalo mole ɔla ɔla fea yolealere so whi tao sóró melóo, Talené ala eróturaalu mepaae so whi tao saai dapóló kisipa mutu, ɔalo tikikélé mené simó sukulaa dalópóló melóo duraalutei, yaala sókó fole ala ę tuámó munipa, ti Talené ęmó me dupu melaalomeipó.

<sup>4</sup> Mepaae so whipaae yaala sókó fu betere so whita, kae kae sekęi ala wapakélé, me ɔla meipóló dua

beleyóo, naameyóló mo dua bitu wisi ala betá eróo, du beterapó. Yaala sókó fole whiné me whiné dere ala kilitu, ẹkélé etei kaae ala enée yóló dei kisipa muóo, nene yóló bopé fake yóo, doasi whípóló kisipa mutu mepaae so whi só deróo, mo enénipó. <sup>5</sup> Yaala sókó fole so whiné, mepaae so whiné inire alamó hoko haleraterere ala ini yóo, atima kisipa felé yaaire ala maaté ini yóo, fopaae butere ala hapale ini yóo, mepaaené eraterere dowi ala kwia tokó melaaire kisipa muni yóo, erapó. <sup>6</sup> Mepaae yaala sókó fu betere so whita, dowi ala tuámó hẹkeseni, mo bete mole ala wisimó betá mo kée yóló hẹkesetu beterapó. <sup>7</sup> Yaala sókó fu betere so whiné atima ne norapepaae sekẹi ala eraqsóro sesé yóo, Talené tao saalopóló kisipa mutu, tuẹ tiki tiraterere ala taaréni, betere dokọ hẹle yó tawóo, take nalopaae Talené dápaae wisi ala eraalopóló kisipa tiróo, kae kae sekẹi ala wapakélé haepaae derepéni, betere dokọ hẹle beléetóro tawóo, du beterapó.

<sup>8</sup> Kótóné kọló whi bitu, ama fo erótu betere alakélé me sukamó taalóo, kae kae du betere be fokélé kemeyóo, doasi kisipa sere alakélé kemeyóo yaalotei, yaala sókó fole ala betá mo kemekélé ini, hẹle muótóro tawaalopó. <sup>9-10</sup> Ti noatepae, mo bete mole fo dẹné tuẹpatei, mo turó tuẹni yóo, dẹ Kótóné kọló whi bitu, ama dápaae yó male fọ dẹnemo mepaae so whipaae mo turó yó meni yóo du beterapó. Tépatei, mepaae alarape Talené ama mo turó eraterere alimó, mepaae eréni hẹle kwia mole alarapekélé fea aluraalopó. <sup>11</sup> Ẹ ketei kaae betale sukamó, yalo dere fokélé keteiné fo kaae yóo, tuẹkélé keteiné tuẹ kaae muóo, mepaae ala bete diriyóló tuẹ deté fole alakélé, keteiné dere ala kaae yóo, yalepó. Téyaleteti, ẹ doa yóló whi bitu, take ketemó deté wale ala mo ti taaralepó. <sup>12</sup> Mió dẹné i kilitu betere alata, bete diriyóló kilini, aso asore *klas*-mó kelepaa kilitu dere kaae erapó. Tépatei, nalo

kelepaa kẹaetamo duraalu, ti mo diriyóló kelaalopó. Mióta, mepaae ala dẹné tuẹretei, mepaae wisiyóló tuẹnipó. Talené ẹ mo turó diriyóló tuẹru ere kaae, take yalokélé tuẹ yaalopó.

<sup>13</sup> Mió i alimó mole doasi bete alarape i ape. Tuẹ tiki tiraterere alakélé, take nalopaae Talené dápaae wisi ala eraalopóló hẹtu betere alakélé, yaala sókó fole alakélé, ai alarape tuámó mo doasi bete mole alata, ti yaala sókó fole alapó.

## 14

*Talené kọló whiné dere foró kae kae be fotamo yópóló hẹle matere ala*

<sup>1</sup> Yaala sókó furaalu, Dẹi Kepe Wisiné hẹle matere alarape mo keteke buóló su betae. Tétu Kótóné kọló whi bitu, ama fo yó matere alata, mo doasi topo alapa, mo wisiyóló sae. <sup>2</sup> Ti noatepae, mepaae so whi dené du betere kae kae be fota, mo so whipaae dumitei, Kótópaetóro du beterapó. Atéro kinóló mole alarape ama kepe tuámó du betepatei, so whi feané ai dere fo wosóló bete tuẹni kọló kọlórapó. <sup>3</sup> Tépatei, mepaae Kótóné kọló so whiné mo so whipaae Talené fo i ape yóló yó móturaalu, so whi diriyóló beterópóló fotokọ bulóo, halaainé beterópóló keteke bulóló ma fo yóo, whaalia duraalu fomaake kisipa mutere so whi kisipa felératerere fo yóo, du beterapó. <sup>4</sup> Whi me dené kae kae be fo du betepa, ti atéterere whi ẹtei wisiyóló beteraterere ala du beterapó. Tépatei, Kótóné kọló so whiné, ti so whi feapaae Talené ere fo i ape yóló yó mótu betepa, ti Kótóné fake so whi fea diriyóló beterópóló tao su beterapó. <sup>5</sup> Diẹ so whi feané kae kae be fo depa, mo wisirapóló kisipa mutapó. Tépatei, Talené kọló whirapené dere fo diẹ feané depa, mo wisirapó. Kótóné kọló whirapené yó mótu betere alané kae kae be fo du beteretei teteró beterapó. Tépatei,



Kótóné touróló beteró betere so whị diriyóló beterópóló, kae kae be foné du beteretei bete mené feteyóló yó matepa wisirapó.

<sup>6</sup> Térapa, no nerape-ó, ẹ aipaae wóló kae kae be foné du betepa, ti yálo dią netéro tao saaloé? Tépatēi, Kótóné mepaae kinóló mole alarape diąpaae h̄k̄earóló yó matepa, ó Kótóné so whị mok̄leyaa yóló be-taqsóró ere ala bete fea yó matepa, ó Kótóné k̄óló whị bitu ama fo yó matere ala ó Kótóné bete mole fo etérópóló yó mótu betepa, ti ai alarapené dią mo s̄umó tao saalopó.

<sup>7</sup> Wole fo duraalu, mo wh̄iné aleale fó wuti ó *kita* kaae ọla *harp* wisiyóló dupa, ti so whị feané wosóló felé yaalotei, h̄ko dupa, ai hale wosetere so wh̄iné noa wole fo du dérópóló, k̄óló k̄óló yaalopó. <sup>8</sup> Atétere kaae, b́e daai haletua dere ukulumó wuti wisiyóló dini h̄ko depa, ti b́e dele wh̄irape atima b́e faairaalu, netéro siki siki yaaloé? <sup>9</sup> Diaaọ dere alakélé ai ala kaaené kelerapó. Diąné dere fo so wh̄iné kisipare foné initepa, ti ai fo bete netéro kisipa yaaloé? Atéro dere fota, so whị bitinire tikimó wotoró bitu dere fo kaae aqrapó.

<sup>10</sup> I haemó kae kae be fo buó molete, me fokó bete munire fo kae buni, mo fea bete mole fotóró bulapó. Ai be fo talerape atimané foné bete kisiparetei d̄a feané mo tuérapó. <sup>11</sup> Mepaae wh̄iné dere be fo yálo wosóló bete wisiyóló sinitepa, ti be fo kae bole wh̄iné ẹ kae be fo bole whị nisi yóo, yálokélé ai whị ą kae be fo bole whị nisi yóo, du beterapó. <sup>12</sup> Ti dią tuąmókélé atei kaae alatóró du beterapó. D̄ei Kepe Wisiné h̄ale matere ala saai dapóló, dią doasi ekele ai du beterapa, Kótóné touróló beteró betere so whị diriyóló beteratere alata, doasi bete mulapa, ketek̄e buóló sae.

<sup>13</sup> Atére betené, mepaae kae kae be fo du betere wh̄iné dere fo bete amatei feteyópóló Talepaae momarae. <sup>14</sup> Ti noatepae, yálo be fo kaené dere momata, kepené maaté du beterapó.

Tépatēi, yálo tué tikita, ti kaepaae mole aqrapó. <sup>15</sup> Térapa, yálo noa alakó yaaloé? Yálo moma duraalu, kepetamo yóo, yálo tuénékélé yóo, wole fo duraalu, yálo kepetamo yóo, tuénékélé yóo enérapó. <sup>16</sup> Naao kepetamo turóné Kótópaae mo kée yóló ą hale horótu betepa, ti naao du betere fo bete wosenireteiné, “Mo kée, téyópóló yae,” fo h̄ale netéro yaaloé? <sup>17</sup> Ti naao mo kée fo du betepatei, ai foné u whị tao sóró diriyóló beterótumipó.

<sup>18</sup> Ti dią feané kae kae be fo du betepatei, yálo kae kae be fo dere alané dią mo teraae faleteiné Kótópaae mo kée du beterapó. <sup>19</sup> Tépatēi, Kótóné touróló beteró betere so whị tuąmó, yálo ama fo yó móturaalu, so wh̄iné wosóló bete kisipa yaairétóró aporó fo kwiatamo yó matepa, ti mo wisirapó. Tēni, so wh̄iné wosóló kisipa enénire 10,000 fo kukwia kae kae be foné depa, ti netéro wosóló kisipa yaaloé?

<sup>20</sup> No nerape-ó, dią keteirapené tué kaae mutu betaqse. Dią dowi ala yaaire kisipa muni, aw̄a nokole naale senaale kaae aqyóló betae. Tétu, diąné mole tué tikikélé, mo dirire so wh̄iné tué kaaetóró muóló betae.

<sup>21</sup> Kale tukóló muló betere fo tuąmó Talené i fo dapó.

“Yálo so wh̄ipaae kae kae be fonékélé, be kaemó wale wh̄irapené k̄lónékélé i so wh̄ipaae yaalotei, yálo dere fo bete atimané mo wosókélé yaalomeipó.”

<sup>22</sup> Térapa, ai kae kae be fo du betere alata, tué tiki tiró betere so wh̄iné kolóló tué yópóló dumitei, tué tiki tirénire so wh̄iné kilitu, ita Talené me ala yaairemó dapóló kisipa yópóló dapó. Tépatēi, Kótóné k̄óló wh̄irapené ere fo i ape yóló yó mótu betere alata, tué tiki tirénire so whị tao su dumitei, tué tiki tiró betere so whị tao suraalu dapó.

<sup>23</sup> Atéreteiné Kótóné fake so whị feané kae kae be fo du beteremó,

mepaae ai be fo tuéni, kóló kólóre so whi ó tué tiki tirénire so whi diá beterepaae wóló, diaaḡ du betere ala kilituraalu, diá keyaa fole so whi aḡrapó yaalomeié? <sup>24</sup> Diá fea Kótóné kóló so whi bitu, ama fo i ape yóló yó mótu betepa, kale mo fo bete tué tiki tirénire so whi ó mepaae mo fo tuénire so whi wouraalu, so whiné dere alané ama hosaamó suraalu, ḡ dowi ala du betere whipóló mutere kisipané ḡ só deraalopó. <sup>25</sup> Talené ai whiné du betere ala taleyóló, ama hosaa tuámó kinóló mole ala hakearaalopó. Atéteremó, ḡ deraapisa fóló fió mulu, so whi feané keletómó Kótóné doi hale horóturaalu, “Kótó diá tuámó mo ai betere ape!” yaalopó.

*Talepaae mo dono tu sya fóló moma yae ere fo*

<sup>26</sup> No nerape-ó, diaaḡ kisipa yóppóló ḡané diápaae me noa fo yaaloé? Diá fea touróló bitu, mepaae so ó whiné ama kisipare wole fo yóo, mepaae so ó whiné so whi feané wosóló kisipa yóppóló, Talené fo yó melóo, mepaae so ó whiné kinóló mole ala Kótóné ḡpaae yó matepa, amamo so whipaae yó melóo, mepaae so whiné kae kae be fo yóo, mepaae so ó whiné kae be foné deretei bete feteyóo, depa mo wisirapó. Ti ai dosḡayale alarapeta, Kótóné fake so whi fotokḡ buóló beteraaire alatamo epa, ti enérápó. <sup>27</sup> Mepaae so whiné kae be foné yaaitepa, ti so whi feané dere fapo ini, sore ó tamo so whiné betḡ betḡ yóló enérápó. Atéro dere fo me so ó whiné bete feteyóló, so whipaae hakearóló yó manérápó. <sup>28</sup> Ai fo feteyaaire so ó whi bitinipa, ti Kótóné fake so whi tuámó kae kae be foné hakeamó ini, Kótópaae maaté ama kikiti depa, mo wisirapó.

<sup>29</sup> Kóló whiné Kótóné ama fo Keriso so whipaae yó matepa, ti tamo ó sore whinépi yó melóppóló yae. Atéro kemetepa, ti wosale so whiné ai fo bete kḡae kolóló hotowaró talenérápó. <sup>30</sup> Me whiné

yó matere fo wosetu betere so whi tuámó Deḡi Kepe Wisiné i fo yae yóló yó matepa, ti ai fo yó mótu betere ala kapala taaróló, ai so ó whiné fo yóppóló tḡ melae. <sup>31</sup> Ai so whi fea kisipa sóró fotokḡ buóló beteroḡppóló, Kótóné kóló so whirape atima dokḡ fea betḡ betḡ yóló Talené fo yó melanérápó. <sup>32</sup> Kótóné kóló so whi tuámó betere keperapené yaai kisipa mole ala mo donotóro yóppóló, ai kóló so whinétoró tḡeteróló kaae tarapó.

<sup>33-34</sup> Ti noatepaae, Kótóné so whi tuḡpaaae hḡko ala kaaréni, hosaa muni deyóló mo dua beterate ala kaaratare Tale beteraapó. Be hulua dokḡ feamó Kótóné ama kae betero betere so whiné du betere kaae, fo wosetere sukamó diá sorape fo tekeni, mo dua betepa wisirapó. Kale tukóló muló betere foné sorape whi aḡmó betae ere fo sya furaalu, mo dua betenérápó. <sup>35</sup> Atima ai yó matere fo bete kóló kóló depa, ti bepaae fóló atima omaraepaae wosenérápó. Ti noatepaae, so whi touró betere tuámó soné fo depa, ti aita donoi ala mei, mo hale dere alapó.

<sup>36</sup> Ti Kótóné fo-a, diá tuámó keké naleé? Ó ai fo wisi ai be huluaamó betere so whi diápaae maaté yó maleé? <sup>37</sup> Whi me dené diá tuámó ama kisipané ḡ Kótóné fo eratare kóló whi ó Deḡi Kepe Wisiné eratare kae kae ala sḡmó enérápó kisipa mutepa, ti yḡlo i aḡterere fo ti Talené ama diápaae yae dere fo dapóló kisipa enérápó. <sup>38</sup> Téni, mepaae whinétamó i aḡterere fo hale ḡla aḡróló sisópaae eratepa, ti Talené ai whikélé sisópaae eróló, hale ḡla kaae aḡraalopó.

<sup>39</sup> Térapa, no nerape-ó, mepaae so whipaae kae kae be foné ekesé yóló sesé yaḡse. Téni, Talené kóló so whiné yó mótu betere fota, ti mo doasi alapa, ketekḡ buóló yó mótu beteroḡppóló yae. <sup>40</sup> Tétu, diḡané mepaae noa kaae ala yaai depa hḡko

ini, kisipa tekeyóló mo donotóro sya fóló enérápó.

## 15

### *Yesu momó kepaayale fo*

<sup>1</sup> No nerape-ó, yálo diápaae take yó mótu betale fo wisi diaaḡ kisipa keteyaḡsóró momó yaai dapó. Kótóné ama fo wisita, bete mulapóló diaaḡ mo wisiyóló wosaletéiné, diḡ ai fo tómó daalu ḡpaae tuḡ tiki tiró beterapó. <sup>2</sup> Ai fo wisiné diḡ alu yaḡsóró tao su beterapó. Yálo diápaae yó male fo wisitamo hotowaró tao tapa, ti diḡ ai tao sere ape. Téni depa, ti diaaḡ kisipa tiki tiratere ala bete munire aḡratapó.

<sup>3</sup> Talené ai fo wisi mené ḡpaae yó matepa, aita mo doasi bete mole fopóló kisipa mutu, yálo mo diápaae yó malepó. Ai fo i ape. Kótóné aḡémó ere fo dokonóturaalu, ḡané dowi ala tokóló aluraai so whḡ tḡteróló kaae tare whḡ Keriso ḡ sukḡlepó. <sup>4</sup> Atéró ḡ douróló, sore be ḡ kemetepa, kale aḡémó ere fo dokonóturaalu, Talené ḡ kepaaróló beteralépó. <sup>5</sup> Atéró kepaayóló, Pitané ḡ kolópóló yó melóo, ai kḡlipaae ti kale 12 yó matepa wosetere whḡrapepaaekélé yó melóo, yalepó. <sup>6</sup> Atéyale sisópaae 500 bosenóló mepaae tómó beleróló, betere no nerape fea touró betere tikimó, ḡ haḡeamó sókó walepó. Até yale so whḡ mepaae sisiraae feletei, mo turó so whḡ ti haḡe betó mulapó. <sup>7</sup> Ai sisópaae Jems-paae yó male wóló, nalo ti Kótóné dotḡyale *aposel* whḡrape feapaae yó male felepó. <sup>8</sup> Mo kemerḡle wouraalu, soné naale deyaaire be ḡ teópatei, hḡko be ḡémó detu dere kaae, Yesuné ḡ i ape yóló, ḡpaae yó male walepó.

<sup>9</sup> ḡkélé Talené dotḡyale *aposel* whḡtei, mepaae *aposel* whḡrape betere aḡmó doi muni, mo belei sokótei beterapó. Ti noatepae, Kótóné fake so whḡ yálo susupuróló dowi ala erótu betaletéiné, ḡ *aposel* whḡ beteraaire sunipatei, Talené ḡ sóró beteralépó. <sup>10</sup> Tépatei, Kótóné

hamokoróló haḡle tao saleteiné ḡ etei kaae whḡ i betere ape. Ama ḡ atéró tao sale ala haḡleni, ḡ tuḡpaae mo doasi ala eró beterapó. Ai ala epa kisipa mutu, yálo diale kutóné mepaae *aposel* whḡrapené diale kutó mo bosenée felepó. Ti aita, yálo fotokḡné initei, Kótóné hamokoróló haḡle tao sere ala ḡ tuḡmó muluraalu, yalepó. <sup>11</sup> Térapa, yálo ó atimané diápaae yó male fota, me kae meipó. ḡḡ feané i yó mótu betere fo wisitóro mopóló diḡné wosóló kisipa tiralepó.

### *Sukutere whḡ momó kepaayaire fo*

<sup>12</sup> ḡané diápaae Talené fo yó móturaalu, so whḡ tḡteróló kaae tare whḡ Keriso mo ti sukḡletei, Kótóné ḡ kepaaró beterapóló yó male fo diḡné wosalepó. Atéyaletei, diḡkó mepaae so whḡné duraalu, sukḡle whḡ momó kepaayóló betaalomeipó dere fo-a, diḡné mo fo dapóló de? <sup>13</sup> Sukutere whḡtamo kepaayaalomeipó kisipa mutepa, ti so whḡ tḡteróló kaae tare whḡ Kerisokélé kepaayóló bitinipóló kisipa muae. <sup>14</sup> Keriso ḡtamo kepaayóló bitinipa, ti ḡané yó mótu betere foró diaaḡ kisipa tiró betere alatamo bete muni, haḡle ḡla kaae aḡratapó. <sup>15</sup> Ai ala tómó, Kótó ḡ etei kaae Tale beterapóló ḡané yó mótu betere fo, kapala fotei yó mótu bitirapó kisipa muae. Ti noatepae, so whḡ tḡteróló kaae tare whḡ Keriso mo ti sukḡletei, Kótóné ḡ momó kepaaró beterapóló, ḡané diápaae yó mótu betalepó. Ti sukḡle whḡ momó kepaayaalomeipó fotamo mo du betepa, ti Kerisokélé Talené kepaaró bitinipó enérápó. <sup>16</sup> Ti noatepae, sukḡle whḡtamo kepaayóló bitinipa, ti so whḡ tḡteróló kaae tare whḡ Kerisokélé kepaanipóló kisipa muae. <sup>17</sup> Kerisotamo kepaaró bitinipa, ti diaaḡ kisipa tiki tiratere alakélé bete muniru, diaaḡ du betere dowi ala tuḡmó diḡ haḡe betó tarapó. <sup>18</sup> Keriso ḡtamo atépa, ti ḡ tuḡmó betepa sukḡle so whḡkélé mo ti alurapó enérápó. <sup>19</sup> Nalo betaaire alimó ḡḡ

kepaayóló betepa, Kerisoné dāpaae wisi ala eraalopóló haṭtu beteraṭópó. Atéṭatei, mepaae so whṭiné mió i alimó maaté wisi ala kelaalopó dere fotamo mo du betepa, ti dāpaae doasi sekḗi ala eraaiteremó, mo doasi wirapó.

<sup>20</sup> Téṭatei, so whṭi ṭeteróló kaae tare whṭi Keriso ḗ sukḗletei Kótóné mo kepaaró beteraṭópó. Atéreteita, sukutere so whṭikélé kepaayóló beteraṭópóló, kutómó ḗla folosóro ḗlumétere kaae, ḗpi kepaayalepó. <sup>21</sup> Ti noatepae, betḗ whṭiné yale dowi alané sukutere ala dḗ so whṭi tuḗpaae sókó walepó. Até yale kaaetóro, betḗ whṭiné yale alané ti kepaayóló betere ala kaaratapó. <sup>22</sup> Ti dḗta, Adam-né kaarale fake ereteiné, dḗ fea sukutua dapó. Atétu dere kaae, Kerisoné ama fake so whṭi fea ti ḗ tuḗmó betereiteiné kepaayóló betaalopó. <sup>23</sup> Atéyaalotei, ai ala ḗle ḗko ini, ama mole tuṭóro sya furaalu, yaalopó. Aita, kutómó ḗla folosóro ḗlumétu dere kaae, Keriso ḗpi kepaayóló beteraṭópó. Atérené nalo ḗ fesaae wale sukamó, ti ama so whṭikélé fea ḗre kaae kepaaróló beteraalopó. <sup>24</sup> Téró, Kerisotamo bóe du betere topo whṭirapekélé, atimané ṭeteróló kaae tare alarapekélé, atima so whṭikélé, atimané bole fotokḗkélé, fea doróló kḗlipaae, ti ama so whṭi ṭeteróló kaae tare ala Alima Kótóné naase tuḗmó munaalopó. Atéteretamotóro, mo kemeyaaitere be dḗ sókó waalopó. <sup>25</sup> Ti ama ṭeteróló kaae tare ala ḗle deté fóló, ama bóe whṭi mo ti dóló kemeratere sukamó sókó faalopó. <sup>26</sup> Atéro bóe dilé fóló, mo ti kemeróturaalu, daaire bóe whṭita, ti sukutere alapó. <sup>27</sup> Ti fea ala fea Kerisoné ama ṭeteróló kaae tanópoló, Kótóné ama naase tuḗmó mulalepó. Ti ai fea alapó dereteita, ama Naalené naase tuḗmó mulale sekḗ Kótó ḗ Naalemané ṭeteróló kaae tare aḗmó bitiniretei mo ḗkhearapó. <sup>28</sup> Ai ala yóló kemetepa, fea ala

ṭeteróló kaae tawae yale Kótóné ama naalema ḗ aḗmó beteraṭópóló yaalopó. Ai alata, fea ala Kótóné amatóro ṭeteróló kaae tawaai erapó.

<sup>29</sup> Sukutere whṭi kepaayaalomeipó dere fotamo mopa, ti sukutere so whṭi wisi bepaae fópóló kisipa mutu, mepaae whṭirape wḗi tópuratere ala noatepa du betere? Sukutere whṭi kepaayaalomeipó dere fotamo mopa, ti wḗi tópuratere ala ḗle ḗla kaae aḗrapó. <sup>30</sup> Sukḗle so whṭitamo kepaanitepa, ti dḗ i kutó diyaai kae kae bóe whṭi betó mole tikipaae betere dokḗ noatepa fua wua du betere? <sup>31</sup> Ḗlo no nerape-ó, diḗ dḗ ṭeteróló kaae tare whṭi Yesu Keriso tuḗmó betepa, ama diḗ tuḗmó erótu betere wisi ala kilituraalu, Talepaae ḗlo mo kée yóló, ḗ bopé faketu beteraṭópó. Ḗlo i dere fota, mo dapó. Diḗ tao saai kisipa mutu, Talené ama fo wisi eraté kotere dokḗ ḗ mo felekemó sukḗtei ḗsókó fua dapó. <sup>32</sup> Ḗ Epesus bemó whṭi dó nokole syaae kaae ḗla aḗre whṭirapené ḗlo du betere ala seséturaalu, ḗtamo doasi bóe du betalepó. Atéyaaloteita, i haemó mole wisi wisi ḗla saai kisipa mutu, imó ti noa ḗla wisikó senére? Sukutere whṭi kepaayaalomeipó dere fo mo depa, ti diḗné yó tare mara mole fo sya furaalu,

“Dóta dḗ sukḗaireiteiné, mió betḗ ḗlaró wḗitamo mo dekeró naalopa sae!” enérapó.

<sup>33</sup> Mené diḗ kḗpaae ḗlisóro faḗsóro yae. Du betere mara mole fo betḗ i ape.

“Wisi ala dere whṭirape dowi ala dere whṭirapetamo tamoyóló betḗmó kotepa, ti atimané dowi ala ḗpaae tokó melaalopó.”

<sup>34</sup> Diḗ topo doyóló keyaa furaalu, ḗko du betere dowi ala mo ti taaróló, kisipa wisi muóló, take yale ala momó fesaae fóló yae. Ti noatepae, Kótó tuḗni ḗle betere so whṭi diḗ tuḗmó betó moletei kilitu diḗ haleya.



*Kepaayóló kae tiki daayóló be-taaire fo*

<sup>35</sup> Atépatei, mené i kaae fo enérápó. “Kale sukále so whi momó netéro kepaayaaloé? Atéro noa kaae tiki daayóló waaloé?” yóló wosenérápó. <sup>36</sup> Aita, kisipa okokoi whiné dere fo kaae aqrapó. Ti noatepae, kutómó mo q̄la wae bilitereteimó kisipa muae. Whiné bilitere q̄la waeta, haemó k̄laayóló u tuamó bole kené ti tumu sókó hotua dapó. Haemó biliteretei k̄laa initepa, ti tumu horaalomeipó. <sup>37</sup> Diaaq̄ q̄la wae bilituraalu, q̄la nokoletei mo turó bilini, *whit* ó bupi ó bes̄aae ke maaté bilitua dapó. <sup>38</sup> Atéteretei ai q̄larape huturaalu, Kótóné kisipané daalópóló yale tikitóro daatua dapó. Ai biliyale q̄larape fea mo ama tiki daaitóro hutua dapó. <sup>39</sup> Fea q̄larapené daae mole tikita bet̄a kaae mei, so whiné tiki ama kae daayóo, hupu ó na mepaae betó mole q̄larapené tiki ti ama kae daayóo, bané tiki ama kae, yané tiki ama kae, yóo erapó. <sup>40</sup> S̄amó daae mole q̄larapené tiki ama kae, haemó ere q̄larapené tiki ama kae yóo erapó. S̄amó daae mole q̄larapené tiki mo kokqi d̄e wisinaale yóo, haemó yó mole q̄larape kelaalo kokqre ala ama kae yóo, erapó. <sup>41</sup> Sukané d̄e wisinaale ama kae, wéliéné d̄e wisinaale ama kae, h̄q̄rerapené d̄e wisinaale ama kae, mepaae h̄q̄rené d̄e mo doasi yóo, mepaae h̄q̄rené d̄e mo sawa yóo, erapó.

<sup>42</sup> Sukutere whi momó kepaatukélé, atei kaae alatóro yaalopó. Mo tiki sukóló douratepa k̄laa yaalotei, kepaaratere tiki momó kae doyóló alu yaalo meipó. <sup>43</sup> Sukuturaalu, tiki tuamó hale dere alaró doasi doi munire alatamo mupa sukóló dourateretei, momó kepaaróló beterate ala ti mo d̄e wisinaale tuamó beteraalopó. Sukuturaalu fotokq̄ buni, bére ala tuamó sukutepa dourateretei, mo doasi fotokqi ala

tuamó kepaaraalopó. <sup>44</sup> Sukutepa douratere mo tó tikita, hae tiki ereteiné k̄laa dua dapó.

Téretei, momó kepaatere tikita, kepené dere ala tuamó daaleteiné mo ama kaepó. I haemó mo tiki daalure kaae, take nalo kepaayóló betaaire sukamókélé, kepené ere ala tuamó mo kae tiki daayóló betaalopó. <sup>45</sup> Atétereteiné as̄emó i fo erapó.

“Folosóro wale whi Adam a mo whi tiki daayóló sókó walepó.”

Nalo kemerótu wale whi Adam āta, sukóló kepaaturaalu, ti so whi betere bete matere kepené tiki daale whi alée felepó. <sup>46</sup> Kepe tiki daale whi folosóro sókó wéni, mo tiki daai whi folosóro wóló, ai kinipaae ti kepe tiki daale whi sókó walepó. <sup>47</sup> Folosóro wale whīta, i haené aleale whi betaleteti nalo ti hepen-mó betere whi walepó. <sup>48</sup> Haené aleale whiné ama deyóló fake firale so whīta, ti ama tikitóro daayóo, hepen bemó wale whiné ama deyóló fake firale so whi ti ama hepen tikitóro daayóo erapó. <sup>49</sup> D̄a haené aleale whiné tiki daalure kaae, hepen bemó wale whiné tiki kaae d̄akélé daayaalopó.

<sup>50</sup> No nerape-ó, yaalo dīapaae i dere fo wosae. D̄a sukutepa, ti i daale tikitamo Kótóné t̄eteróló kaae tare tuamó bit̄i faalomeipó. Atére kaae, d̄a sukóló kepaayóló furaalu, d̄ané i dorótu betere tikitamo turó feni, mo dokélé iniyaaire tiki daayóló betaalopó. <sup>51</sup> Kinóló mole ala yaalo dīapaae h̄akearóló i dapa wosae. D̄a Keriso so whi mo fea suk̄aalomeitei, betere whikélé sukále whikélé, mo fea take daale tiki taaróló, mo kae tiki daayaalopó. <sup>52</sup> Kemeróturaalu ukulumó wuti haleteretamo, d̄ané mió i daale mo tiki taaróló, d̄a mo fea kae tiki daane wale alata, epée fit̄aa du dere kaae yaalo ai ape. Ti noatepae, kale ukulumó wuti hale deretamo, sukále whi kepaayóló do initere tiki daayóo, d̄a fea i daale tiki taaróló, kae tiki daayóo yaalopó.

<sup>53</sup> Ti noatepae, doyóló sukutu betere tiki tómó dokélé ini, mo ti betere tiki kuti derótu dere kaae yóo, sukutere ala sukunitere alané husuróló aluróo, yaalopó. <sup>54</sup> Doyóló sukutere tiki tómó mo betere tiki kuti kaae deróo, sukutere ala sukunitere alané husuróo deretamo, asémó i ere fo mo dokonaalopó.

“Talené ama bóe whi dóló teteraleteiné, kale sukutere alakélé ɔla kaae nó deróló aluralepó,” erapó.

<sup>55</sup> Me asere fo i ape.

“Sukutere ala-ó, so whitamó naao bóe dóló atima teterale ala momó mule? Sukutere ala-ó, Wuliné whi detu dere kaae yóló sukunale ala-a, momó mule?” erapó.

<sup>56</sup> Wuliné whi tukó nóló sukunótu dere kaae, dowi alané dā sukópóló dua dapó. Dowi alané dā mo ti só derópóló, Kótóné tukóló, muló betere foné dowi ala fotokọ bulótu beterapó. <sup>57</sup> Atépatéi, dowi alaró sukutere alatamoné dā só deróló teteréni, dā Tale Yesu Keriso tuamó betepa, ai ala teterópóló, Kótóné ama dā fotokọ mo sumó mótu beterapó. Atétereteimó, Talepaae mo kée du betenérápó.

<sup>58</sup> Térapa, yało hosaa mole no nerape-ó, diā Talené ala tuamó betepa, mepaae sekéi ala ó dilikitere alané diā só deraqsóro, mo diriyóló betae. Ti noatepae, diā Tale tuamó bitu ditere kutóta hāle alu yaalomei, dupu saalopóló kisipa mutu, betere dokọ mo ketekę buóló ditu betae.

## 16

*Kótóné so whi tao saai moni derateremó ere fo*

<sup>1</sup> Mió i dere fota, Jerusalem bemó betó mole so whi tao saaire monimó dapó. Kalesia hae kwiamó tē mole be huluamó betó mole Keriso fake so whipaae yae yale alarape kaae, diaaqkélé yaasepóló i dere ape. <sup>2</sup> Fula dokọ kaae sere be demó, diā feané meteró moni supa,

ti kwiapaae naao sere sų dālemótóro sokósu yóló, kae mulótua yae. Ti noa yaai meipó. Ɛ aipaae wale sukamó, moni derae yaqsóro kisipa mutu i dere ape. <sup>3</sup> Ɛ aipaae wóló diātamo bitu, diaaq sóro beteratere whirape Jerusalem bemó betó mole so whiné tuę yópóló, atimané sóro faaitere asę yało eróló melaalopó. Diāné atéro hāle tao sóro matere moni Jerusalem bepaae sóro fópóló dotęyaalopó. <sup>4</sup> Dā talerālemó, epaae yaıkélé atimatamo faalopó depa, ti yało atima dapesó fenérápó.

*Pol-sépiné i ala yaai kisipa mutapóló yale fo*

<sup>5</sup> Folosóro ę Masedonia hae kwia-paae fóló, nalo ti diā beterepaae waalopó. Ti ę momó fesaae wale alata, Masedonia hae kwia tuamó tēyóló diā beterepaae waalo ai ape. <sup>6</sup> Ɛ diā beterepaae wóló hāleke sukamó ó sosóli ali turó aimó diātamo betaai kisipa mutepa, ti betenérápó. Atéro diā taaróló ę mepaae fupa, ti ę yaýare ɔla diāné melaasepólópó. <sup>7</sup> Ti noa betené meipó. Mió dā diā beterepaae wóló, mo sawa be demó maaté beteró fole hōrapó. Téreteiné, Talené ama kisipané fɔlo be demó diātamo beterópóló depa, ti ę diātamo betaai hękese dapó. <sup>8</sup> Téretei, kale *Pentikos* be demó ɔla deyaaire ali sókó waai teópa, ti ę Epesus bemó kaae tawóló betaalopó. <sup>9</sup> Ti noatepae, Talené ama doasi ke bole kutó diyaaire tē moleteiné, aimó bitu ama kutó diraalopó. Téyaalotei, ai kutó diyaqsóro sesétere whirapekélé, dekeró betó mulapó.

<sup>10</sup> Timoti aipaae wapa, diaaq apaae me sekéi ala eratepa ą wiaqsóro hotowayóló kaae tawae. Ti ata, ę dere kaae Talené kutó dirótu betere whi ai ape. <sup>11</sup> Térapa, me whiné ą dape sóro kaae tatere ala hōni, diā feané wisiyóló dape sae. Téró, ą momó fesaae waai depa, ti diaaq apaae hosaa muni deyóló hajtamo dua fae yóló, ę beterepaae wópóló

doteyae. Timoti ą ipaae momó fesaee wouraalu, ama wotoró wéni, ę beterepaae wale Keriso norapetamo wópóló kisipa mutapó.

<sup>12</sup> Mió dąné no Apolos-né dere alamó i dere ape. Yąlo ąpaae ai wale norapetamo dią beterepaae fae yaletai, tę mutere sukamó waai dapóló taralepó.

<sup>13</sup> Mené dią dilikóló kópaae falaqsóró, hotowayóló kaae tawae. Téturaalu, kale mo fo wisi wosóló, Talepaae kisipa tiratere ala tuąmó diriyóló betae. Atéru, mené diątamo bóe dupa wini, halaainé fotokę buóló betae. <sup>14</sup> Fea ala duraalu, yaala sókó fole ala tuąmó bitu yae.

<sup>15</sup> Akaia hae kwiamó betó mole so whį kuamó Stepanas-ró ama be whį so whįtamota, folosóró kisipa feteyóló Keriso betaletai, diaaq ai kisipare ape. Ai so whįta, Kótóné kae betero betere so whį tao saairaalu, mo doa ketekeę bulapó. <sup>16</sup> No nerapeó, dią atei kaae ala dere so whįró mepaae dątamo toune wóló, wisi kisipa mulu Talené kutó diratere so whįtamo aqmó dua betae yóló ma fo i dere ape. <sup>17</sup> Diaaq mole ęla kwiapaae ę tao sóró melaai yaletai, Stepanas, Fotunatas, Akaikus, atimané mole ęla ę tao sóró male waletaimó, mo hękese yalepó. <sup>18</sup> Ti noatepae, atimané ę tao sale alané yąlo kepe hękese duraalu, diaaq kepekélé hękeseyalepó. Atei kaae wisi ala dere whįrapeta, so whį feané dukiranérapó.

### *Kemerótu kęleó yale fo*

<sup>19</sup> Esia hae kwiamó betó mole Keriso fakerapené diąpaae kęleó i dere ape. Akuilaró ama soma Prisilatamonékélé, atimaamoné bepaae tourótua dere Keriso no nerapekélé Tale tuąmó bitu, diąpaae hosaa mo turó muóló kęleó dapó. <sup>20</sup> Imó betó mole no nerapenékélé, diąpaae kęleó dapó. Kótóné ama kae betero betere so whįné dere ala sya fóló, diąsisitei apuóló kóló tukó nuku betae.

<sup>21</sup> Diąpaae kęleó yóló i dere aęeta, ę Pol-né mo yąlo naasenétóró dapó.

<sup>22</sup> Mepaae whį dené Talepaae yaala sókó fole ala initepa, ti ai whį Talené mokorópóló yae. Tale-ó, yą dą beterepaae ape!

<sup>23</sup> Dą tęteróló kaae tare whį Yesuné hamokoróló hąle tao sere ala diąpaae erópóló yae.

<sup>24</sup> Ę dą tęteróló kaae tare whį Yesu tuąmó bitu, yąlo dią feapaae yaala sókó furaalu i dere ape. Mo kée, téyópóló yae.

## 2 Korin

<sup>1</sup> Èta, Kótóné ama kisipa mole ala sya furaalu, so whì tẹteróló kaae tare whì Yesu Kerisoné kutó dirópóló dotẹyale *aposel* whì Pol-né dapó.

I dere asẹta ɖané no Timoti ɖamo wusuró bituraalu, dià Akaia hae kwiamó Kótóné kae beteró betere so whìró, ai hae kwiamó tẹne Korin bemó betere Kótóné fake so whìtamopaae dapó.

<sup>2</sup> ɖané Aya Kótóró ɖa tẹteróló kaae tare Tale Yesu Kerisotamoné hamokoróló hẹle tao sere alaró, hosaa muni deyóló dua betere alatamo diàpaae erópóló yae.

*Kótóta kọleturaalu tao sóró hẹi kisipa mulatere Talepó*

<sup>3</sup> ɖa tẹteróló kaae tare Tale Yesu Kerisoné Alima Kótóné doi hẹle sóró horópóló yae. Ti ẹta, kọlené sukutere ala kaaraterere Aya bitu, sekei ala wapakélé kisipa feléróló tao su betere Kótó beterapó. <sup>4</sup> ɖané sekei alarape feata, ama tao sóró ɖa kisipa felérótua dapó. Kótóné ɖapaae ai ala erótua dereteita, mepaae so whì kae kae sekei tuámó betepa, Kótóné ɖapaae ai male kisipa feléleterere alané atimamo tao sópóló erapó. <sup>5</sup> Ti noatepae, Yesupaae erale doasi susupui ala feleyóló furaalu, ɖapaaekélé mo dekéro wou beterapó. Atétu, ɖané sekei alakélé Yesu Kerisoné tao sóró, ɖa kisipa feléleterere ala mo dekéro erateretei faturaaalu, feleyóló mepaae so whìpaaekélé fu beterapó. <sup>6</sup> ɖa sekei ala su betereteita hẹle mei, dià feléyóló betóo, aluyaqsóro tao sóo, yópóló dapó. Atétu, Talené ɖa tao sóró kisipa felératepa, ti diàkélé feléyóló betaalopó. ɖatamo Kótóné kisipa feléleterere ala depa, ti aita, dià feléyóló beterópóló dapó. ɖapaae wou betere susupui ala kaae, diàpaaekélé wapa, ti ai eraterere feléi alané ai susupui ala hẹle belée tanópóló, dià fotokọ bulatapó. <sup>7</sup> Dià

take mo wisiyóló betaalopóló, ɖané mo diriyóló kisiparapó. Ti noatepae, ɖapaae wou betere susupui ala kaae, diàkélé ai su betere ape. Atétere kaaetóro, ɖapaae erótu betere kisipa feléleterere ala diàkélé saalopó.

<sup>8</sup> No nerape-ó, ɖa Esia hae kwiamó betepa, erale sekei alarape diaaọ kisipa yaasepóló dapó. Mo doasi sekei alané ɖa só deró betaleteiné, beleyaaire mo sunipó. Atéru ɖa mo sukutere ɖalemó beterapóló kisipa mualepó. <sup>9</sup> Ita mo dapó. ɖané hosaa tuámó mo turó muale kisipata, ɖa mo sukóló mole nisi yalepó. Téyaletei, ɖapaae ai erale ala ɖané sýmó belenere nisi yaqsóro, sukẹle so whì kepaarótu betere Kótópaae kisipa tirópóló yalepó. <sup>10</sup> ɖa felekemó mo ti dóló aluraletei, ama ɖa tao su yale kaae, nalopaaekélé atérótóro tao saalopó. Tétu diaaọkélé ɖa tao sóró momarótu betepa, ti Talené ɖa aluyaqsóro tao sere ala hẹle yó tareteiné ɖa hẹtamọ ẹpaae kisipa tiró beterapó. <sup>11</sup> So whì feané ɖa tao sóró momatu betere ala mo dokonóturaalu, Talené hamokoróló hẹle tao sereteimó ɖa so whì feané ẹpaae mo kée yaalopó.

*Polo-né folosóro yaai kisipa muale ala fisikóló taarale fo*

<sup>12</sup> ɖa i haemó betó mole so whì kuamó kutukélé, dià Keriso so whì kuamó kutukélé, Kótó tuámó wale mo kae ere alaró tó tikiné ini, kisipa mo turóné dere alatamo ɖa tuámó mupa, so whì feané kelalepó. Atéro kutu yale ala ɖané kisipa faróló taletepa hoko ala ini, feané keletómó mo donoi ala yalepóló ɖa hẹturaalu, bopé fake dapó. Atétu betaletei i haemó mole kisipa sya fóló ini, Kótóné hamokoróló hẹle tao sere ala sya furaalu yalepó. <sup>13-14</sup> Ti noatepae, ɖané diàpaae i asẹ dere fota, hapóluni, diaaọ dosayóló sýmó kisipanérápó. ɖané du betere ala mepaae diaaọ kisiparetei, mepaae dià kisipanipó. Téretei, take nalopaae ti diaaọ mo turó tué



yaalopóló kisipa mutapó. Take dā tēteróló kaae tare wh̄i Yesu wale sukamó dāné diā kilitu, hāyóló bopé fake yaaire kaae, diaaḡkélé dā kilituraalu, hāyóló bopé fake yaalopóló, kisipa mutu i dere ape.

<sup>15</sup> Ai betené, ḡ mepaae faai folosóro diā betereró waairaalu, ḡla ḡla taleyóló mulalepó. Até yaleteita, yaḡlo yó matere fo tuḡmó bole wisi ala diā tamo félimó sópóló yalepó. <sup>16</sup> ḡ Masedonia hae kwiapaae furaalu, diā keleté wóo ḡ momó fesaae woukélé diā keleté wóo, yaai yalepó. Atéroró ḡ aipaae wapa, ti diaaḡ ḡ tao sóro Judia hae kwiapaae doton-aasepóló kisipa mualepó. <sup>17</sup> Yaḡlo ai muale kisipata, bete munipa ḡko yaleé? Ó i haemó mo wh̄iné kisipa kaae mulu, ḡpó téyaalopó dutei, momómo meipó du dere kaae yaleé?

<sup>18</sup> Téní, Kótóné ama yaalopó dere ala motóro du dere kaae, dāné diāpaae yó mótu betere fota, ḡpó, dutei meipó, fo kae dumipó. <sup>19</sup> Ti noatepae, diā kuamó ḡ Pol, Sailas, Timoti, dā sore wh̄irapené Kótó Naalema Yesu Keriso i kaae wh̄ipóló, diā tuḡmó yó móturaalu, ama ḡpó dutei meipó, dere fokélé erapóló diāpaae yaleé? Ai fo ini, Kótóné ama eraalopó deté wale fo fea Yesu tuḡmó dokonóturaalu, ḡpó, téyaalopó fo betā deté konapó. <sup>20</sup> Ti noatepae, Kótóné ama mo eraalopó yóló muló betere forape fea, dā tēteróló kaae tare wh̄i Keriso tuḡmó mo dokonóturaalu, ḡpó, fotóro mulapó. Atéreteiné, Kótóné doi doasi mulóló, dā Yesu tuḡmó bitu mo kée, téyópóló yae, fo dua dapó. <sup>21-22</sup> Dākélé, diākélé, dā tēteróló kaae tare wh̄i Keriso tuḡmó diriyóló beteratere alata, Kótóné amatóro dua dapó. Dā Kótóné ama so wh̄ipóló sóro beterótu, topomó *wel* wēi sūni yóo, dā mo amapóló siriróo, take dāpaae wisi ala eraalopó kisipa muḡpóló, ama Dēi Kepe Wisi dāné hosaa tuḡmó beteróo, erapó.

<sup>23</sup> Kótóné keletómó yaḡlo mo fo i

dere ape. ḡ fesaae wou ai Korin beró diā foné siré waai yaletei, dei kisipa muaḡsóro taaralepó. <sup>24</sup> Dāta, diaaḡ kisipa tiki tiratere ala tēteróló kaae tare doasi aḡyóló bitu dumipó. Tépatei, diā hāyóló beterópóló kisipa mutu, dā diātamo kutó betāmó ditu beterapó. Ti noatepae, diaaḡ kisipa tiki tiratere alané betā diā mo diriyóló beteranérápó.

## 2

<sup>1</sup> ḡ diā beterepaae waai kisipa mualetei, take yaḡlo diā deteraayóló foné supa, diaaḡ hosaa tuḡmó seḡ su yale kaae, momó yaḡsóro taaralepó. <sup>2</sup> Ti noatepae, yaḡlotamo diā foné sóro só deróló seḡi kisipa mulatepa, ti ḡ ḡḡkese yaaitere alamo, né eraaloé? <sup>3</sup> Yaḡlo diāpaae aḡyale fota, ḡ diā beterepaae wale sukamó ḡḡkesei ala eraai yale so wh̄inétei, ḡpaae doasi seḡi ala eraḡsóro yalepó. ḡ tuḡmó mole hāj diaaḡkélé saai kisipa mutu, yaḡlo dere fo mo wosóló sya fenérápóló kisipa tiralepó. <sup>4</sup> Ti noatepae, yaḡlo diāpaae aḡḡturaalu, hosaa tuḡmó doasi deḡyóló wole dua yalepó. Ita, diā dele sóro hosaa supu yópóló dumitei, yaḡlo diāpaae mo turó yaala sókó fole ala kisipa yópóló dapó.

*Dowi ala yale wh̄iné ama dowi ala kwia ḡḡle kemerae yale fo*

<sup>5</sup> Wh̄i me dené me wh̄i hosaa tuḡmó seḡi ala erélipa, ti ḡ maaté hosaamó sópóló ini, diā feapaaekélé eralepó. Aita dowi alatei, mo ti doróló aluratere ala meipó. <sup>6</sup> So wh̄i feané ai wh̄i foné sóro haleraletei supa, mió momó ini taalae. <sup>7</sup> Ai wh̄i ḡ seḡ duraalu mo ti haepaae derepaḡsóro ama yale dowi ala kwia tani, me ḡla meipóló kisipa keteróló, ḡ tao sóro ketekḡ bulóló fo wisitei yae. <sup>8</sup> Atéroró diāné yaala sókó fole ala ama kisipa yópóló, ḡpaae ḡḡkeamó yae yóló diāpaae i dere ape. <sup>9</sup> Yaḡlo diāpaae yae yale fo fea diaaḡ wisiyóló wosóló sya fuléro kḡae kelaai kisipa mutu aḡyalepó.

10 Diñétamo me whiné dowi ala kwia tani kisipa keteratepa, ti yalokélé ai whiné yale dowi ala kwia tani, hãle kemeratapó. Ai whiné me dowi alatamo itikimó, ti diã wisiyóló beterópóló tao saairaalu, yalokélé Kerisoné keletómó kemeralepó. 11 I dere fota hãle mei, Satan-né dilikóló ðané dere ala doraqsóro dapó. Ti ðata, hãle mokqleyaayóló bitini, Satan-né so whi doraai dilikitu betere ala ðané mo kisiparapó.

*Talené ama yóló muló betere fo wisi tuãmó ama kae ere de fãnapó*

12 E Troas bemó betere so whipaae ða tẽteróló kaae tare whi Kerisoné fo wisi yó melaai felemó, ai fo yó melópóló Talené tẽ doasi muló betepa kelalepó. 13 Aimó kutó diyaaai yaletẽ, yãlo no Taitus bitinire betené yãlo hosaa muni derepẽni kisipa sekẽtepa, ai so whipaae kqleó fo-maaté yóló e Masedonia hae kwia-paae felepó.

14 Tẽpatei ða Keriso tuãmó betepa, Kótóné ama bóe whi dóló tẽteróló sale qlapóló betere dokq hãkeamó hẽkesetamo dapesó fu beterapó. Atẽtere alané me qla felé kqlaa wisi woutere kaae, Kótó a etei kaae Tale beterapóló so whi feapaae yó mótu beterapó. Atẽreteimó, Kótópaae mo kée du betenérápó. 15 Kerisoné Kótópaae hãle matere qla tuãmó sókó wale kqlaata ti ðapó. Ti ai kqlaata, aluyaqsóro tao sere so whipaaekélé, sukóló mo ti aluyaaire so whipaaekélé wou beterapó. 16 Ða i fo yó matere whirapeta, mo ti alu ðu betere so whiné kqulumumó ti sini qla kqlaa kaae wóo, aluyaqsóro Kótóné tao su betere so whiné kqulumumó, ti mo betere felé kqlaa wóo, du beterapó. Atei kaae hapólui ala mé whiné sumó enére? 17 So whi feané moni saai kisipa mutu, Kótóné fo yó mótu dere kaae, ðané dumipó. Ai ala ini, Kótóné keletómó ama dotqyale whi aqyóló Keriso tuãmó bitu, mo wisi kisipatamo mo fotóro yó mótu beterapó.

### 3

1 Ðanétei ða yó matere whipóló dukiratere fo momó yaai dapóló de? Ó ðata etei kaae so whipó kisipa yópóló aseýóló matepa só fole whirapené dere kaae ðané de? Mepaae whirapené dere kaae, ða etei kaae whipó yópóló, aseko eróló diãpaae yó melaai, ó diaaq ða melópóló wosetere nisi de? 2 Aita ti diãtóro iru, ðané hosaa tuãmó asẽreteiné so whi feané kolóló dosãanérápó. 3 Diãta, ða tẽteróló kaae tare whi Kerisoné asẽreteiné diaaq du betere ala so whiné kilituraalu, ita Pol-sépiné diale kutómó oleyale dupóló hãkearatapó. Aita mo asẽtere weiné ini, mo ti betó tare Kótóné Kepe Wisiné eró beterapó. Ai asqta, mo kane fake tómó ini, so whiné hosaa tuãmótóro erapó.

4 Ai ala erémólópóló tuq tamó muluraalu dumi, Kótóné keletómó ða tẽteróló kaae tare whi Kerisoné ða fotokqratepa, mo ere alatóro halaainé dapó. 5 Ai alata, ðanétei kaayóló ipakó, ðané yalepó fo enénipó. Aita, Kótó a tuãmó ere alané ða sũratepa du beterapó. 6 Ti Kótóné ama kutó diratere whi bitu, ama so whi tao saalopóló mulale dirii kisi fo erópóló, ama fotokq ðapaae mo sũralepó. Ai fota, asqẽ ini, Ðei Kepe Wisiné eró beterapó. Ti noatepae, asqere foné ða dóló sukunateretei, Ðei Kepenéta, ðamó mo ti betere bete mótu beterapó.

*Kale kisi fo tuãmó ama mo kae ere de wisinaale fãnapóló ere fo*

7 Take Moses-né Kótóné ala eróturaalu, kane fake tómó aseýale fo yó malepó. Ai foné so whipaae sukutere alatei eralepó. Ai alata, de wisinaaletamo weipakalepó. Ai deãta, alu deté faaipatei Moses-né kelepaa deýó faleteiné, kele detq̃liru Israel fake so whiné ama kelepaa diriyóló kilini ipakalepó. 8 Mió Ðei Kepe Wisiné erótu betere alatamo wale deñé take ai alatamo wale de mo ti boseno bitinipóló de?

9 Kale tukóló muló betere fo sya furaalu du betale alané, so whi fea taleyóló só deró beterepó. Ti ai alata, Talené dę wisinaaletamo weipakalepó. Téyaletai, mo donoi so whipó dere ala tuámó wale dęné kale folosóro wale dę mo ti bosenó beterepó. 10 Ti take alatamo wale dę kolósu, mió ere alatamo wale dę kolósu depa, mió ere alané dę mo doasi ereteiné take wale dę hęle ęla kaae aęró beterepó. 11 Take mo hęleke sukamó maaté yóló alu deté fele alata, dętamo walepó. Téyaletai, mo ti deté fu betaaire alatamo wale dęta, mo doasipó.

12 Take nalopaae dę atei wisi ala tuámó betaalopóló kisipa mutu dę wini, halaainé Talené ala i erótu betere ape. 13 Moses-né kelepaaámó ere dę alu deté foletai, Israel so whiné kelaęsóro, kutiné husurótua ipakalepó. Mió dęné ai yale kaae enénipó. 14 Tépatai, take atimané kutiri hapólu ipakalepó. Atére kaae, take atimané kutiri husirale kuti miókélé hęle iru, take tukóló mulale fo dosęatepakélé, atima tuę hapólutóro yó tarapó. Ai husiró betere kutita, mené dęae faranénitei, Keriso tuámó betere alané betę dęae faranérápó. 15 Mió i alimókélé, Moses-né asęre fo dosęatu betepatei, atima kisipa tiki hapóluru, hosaakélé hęle tęre alata, kutiné kelepaa husuró betere kaae erapó. 16 Tépatai, mepaae so whi de Talepaae kisipa feteyóló wapa, ti ai husiró betere ala kuti kaae dęae fótu beterepó. 17 Tale ęta, mo Kepetóro beterepó. Talené ama Kepe betere tikimó me alané dokoni, teraae fóló hęle beterepó. 18 Mió kutiné kelepaa husirénire so whi dępaae Talené ama ere dę wisinaale erótu beterepó. Ai dę dęné kaae tapa, ti mepaae so whiné dę tuámó ai ere ala kelenérápó. Tétu, dękélé Talené ama aso kaae beterópóló, ama wisiraté fu beterepó. Ti ai dę wisi erótu betere Kepeta, Tale ętórótípó.

## 4

*Mo haené aleale wutimó doasi ke bole ęlarape derapóló ere fo*

1 Atérené, Kótóné ama dę ęęleturaalu, tao sóro melale kutó hýyóló taaréni, hęle dirótu beterepó. 2 Atéturaalu, kikiti kinóló dere alakélé, enénire halei alakélé, kapala dilikitere alakélé, Kótóné fo doróló węratere alakélé, dęné mo dumipó. Ai ala ini, Talené ama mo fo yó mótu beterepóló, so whiné hosaamó sępóló, Kótóné keletómó mo hękeamó erótu beterepó. 3 Dęné i yó mótu betere fo wisitamo mepaae so whiné wosaairetei hapóluyóló husuró betepa, ti aita mo ti aluyaaire so whi ai ape. 4 Ti mió i alimó tęteróló kaae tare kapala kótóné Talepaae kisipa tiki tirénire so whiné ai fo wisi tuámó ere dę wisinaale kelaęsóro, atimané kisipa hapóluróló husiralepó. Ti aita hęle mei, kale fo tuámó Kótóné aso kaae betere whi Kerisoné ere dę wisinaale kelaęsóro erapó. 5 Ti noatepae, dęné i yó mótu betere fota, dętei doi sóro horótu dumi, Yesu Keriso ę Talepóló ama doi sóro horótu beterepó. Atérené dę Yesuné ala eróturaalu, dię tao sóro diaaę kutó diratere whirape i betere ape. 6 Ti noatepae, “Diliki tuámó dęyó fae,” yale Kótónétóro dęné hosaa tuępaae dęralepó. Ai dęta, dę tęteróló kaae tare whi Keriso ętóró ereteiné dęné ę kaae tapa, ti Kótóné ama ere dę wisinaale kisipa enérápó.

7 Tépatai, ai bope deté wale ke bole ęlarapeta, mo haené aleyale wutirapemó deró beterepó. Ti fea ala dę tuámó kaayóló dumi, Kótóné ama fotokę dę tuępaae sęratepa dapóló, so whiné kisipa yópóló erapó. 8 Kotere tiki dokę seķei ala dępaae erótu betepatei, ai alarapené dę haepaae deróló, mo ti só derótimpó. Dę noa ala yaalorópóló kóló kóló epatei, dęné kisipa mo ti formaake inipó. 9 Talené ala erateremó, dępaae susupui ala erótu betepatei,

Talené dą taaló bitini, tao su beterapó. Mepaae so whiné dą só deróló dorótu betepatei, mo ti dorótimpó. <sup>10</sup> Yesu ą kepaaróló beterale fotokó dą tuámó mupa so whi feané hąkeamó kolópoló, ą sukąle ala dąné tikimó mupa kutu beterapó. <sup>11</sup> Ti noatepae, sukuni dą betere whirape Yesuné ala erateremó dą dóló aluranéatei, ama betere bete dąné mo tó tikimó mupa so whiné hąkeamó kolópoló, yó maté kutu beterapó. <sup>12</sup> Ti Talené ala erótu betereteiné sukutere ala dą tuámó mupatei, dią tuámóta, mo ti betere bete moleteiné dią mo beterapó.

<sup>13</sup> Asemó i fo erapó.

“Talepaae kisipa tirale betené yąlo ai fo yalepó.”

Ai fo yale whi ą kisipa tiki tirótu yale kaae, dąkélé atéru, diąpaae i yó mótu betere ape. <sup>14</sup> Tale Yesu kepaarale sekéné ą kepaarótu yale kaae, dąkélé kepaaróló ą betere tikimó ątamo touróló betąmó beteraalopóló kisipa mutapó. <sup>15</sup> Dąné dią tao su betere alata, dią mo wisiyóló beterópoló kisipa mutu du beterapó. Até dereteiné, Talené so whi hamokoróló hąle tao siré fóló, mo ti fakeraalopó. Atéturaalu, ai so whi atimanémo, Kótópaae mo kée dere fo dekéro yó tapa, ti mo kae dę fąane Kótóné doi doasi saalopó.

<sup>16</sup> Atéyaalopóló kisipa mutu, dąné ditere kutó fomo duraalu taaraalomeipó. Dąné mo tó tikita, do deté fu beteretei, dąné kepe tuąpaae ti betere dokó kisi whi aleraté fu beterapó. <sup>17</sup> Ti noatepae, dąpaae erótu betere sekęi alarapeta, hąleke sukamó maaté muaaireteiné dąné sýmó belenérápó. Ai sekęi alarapenétei, take nalo mo ti muó tawaaire dę wisinaale dąpaae eraalopó. Ai eraaire ala wisi kolósu, mió su betere sekę kolósu depa, mo hąle ąla aąrapó. <sup>18</sup> Atéreteiné dąta, dąné kelené kelere ąla kaae tani, kelenire ąla kaae tarapó. Ti noatepae, kelené keletere ąlata, mo

hąleke sukamó maaté muaalotei, kilinitere ąlata, ti mo hąle muótóro tawaalopó.

## 5

*Dą mo ti betaaire be hepen-mó erapóló ere fo*

<sup>1</sup> I haemó dą betere kapala furu be fisikó fupa, ti me ąla meipó. Ti noatepae, mo ti be Kótóné dąmó hepen-mó tęnó beterapó. Ti ai beta, mo whiné naasené tęnipó. <sup>2</sup> Ai bepaae faai dą i haemó hąle bitu, mo kuti derótu dere kaae, hepen bemó tęne be atéro derąnéé yóló doasi kisipa mutu beterapó. <sup>3</sup> Ti atei kuti deratere be dęmó, mepaae whiné dą tiki daapi hąlepa kelaalomeipó. <sup>4</sup> Dą i haemó kapala furu bemó bitu, sekęi ala beleté furaalu, i be taaróló fenée yóló doasi kisipa mutu beterapó. Ti dą daapi hąle betaai kisipa muni, dą betaaire hepen beta, kuti derótu dere kaae deranéé du beterapó. Téturaalu, mo ti betere alané sukutere ala ąla kaae nó deróló, ama tikitóro alée faalopó. <sup>5</sup> Kótóné dą atéro aleyóló beteró betereteita, ti i bope yale mo ti betaaire tiki wisi saalopóló kisipa mutu erapó. Ti aita, nalopaae eraaire ala mo turó saalopóló kisipa muópoló, Kótóné dąpaae Dęi Kepe Wisi melalepó.

<sup>6</sup> Térené, dą i haemó mo tó tikitamo hąle bitu, Taletamo betąmó bitinipó. Atépatei, take nalo Taletamo betąmó betaaire ala dąné diriyóló kisiparu whaaliani, betere dokó dąné kisipa tiró beterapó. <sup>7</sup> Dą mió i betereteita, kelené keletere ala sya furaalu ini, tuę tiki tiratere ala sya foleteiné beterapó. <sup>8</sup> Dą i daale tiki taaróló, Taletamo betąmó betaaire kisipa mupatei, ai ali sókó wai teópa, dą wisi kisipatamo kaae taté fu beterapó. Ti nalopaae ai ala mo eraalopóló kisipa mutu, dą halaainé beterapóló i dere ape. <sup>9</sup> Térapa, dą i betere tikimó ó kae tikimó betepakélé, me ąla meipó. Ti Tale ą kisipa felé yaaire ala betą dąné



doasi ketekę buóló du betenérápó. <sup>10</sup> Ti noatepae, dą tęteróló kaae tare whı Keriso so whı taleyaai betere tikimó betepa, dą so whı fea taleyóópóló, betą betą yóló daaneta yaalópó. Atépa, dąné yale ala fea hąkeamó taleyaalópó. Atéturaalu, dą mo i tiki daayóló bitu yale wisi alamó, ti wisi dupu melóo, hąko yale alamó ti dowi dupu melóo, yaalópó.

*So whıró Kótótamo bóe fıóló betámó beteratere ala*

<sup>11</sup> Térapa, so whı feané du betere alamó Talené kwia melaairetei hąsóko feni, mo yaalópóló dą wituraalu, so whıpaae dowi ala taaróló, tuę tiki feteyae yóló, dotopo du beterapó. Ti dą betere alata, Kótóné mo hąkeamó kelerapó. Atére kaae, diaaąkélé dą etei kaae whı beterapóló diriyóló kisipa eranée du beterapó. <sup>12</sup> Dąné diąpaae i dere fota, diaaą dą dukirópóló dumitei, dąné du betere ala kilitu, dią hąi yóópóló dapó. Tétu, hosaa tuámó ere ala kilini, tó tikimó ere ala kilitu betere whırapené dą erateremó, atimapaae tokó melaaire fo i dere ape. <sup>13</sup> Dątamo topo doyóló keyaa fole whırape aąpa, ti Kótóné ala eróturaalu dapó. Motamo wisi kisipa mole whırape aąpa, ti dią tao saairaalu dapó. <sup>14</sup> Dąné i du betere ala feata, Kerisoné ama yaala sóko fole ala wisiné dą ketekę bulatępa dapó. Ti noatepae, so whı mo fea tao saai betą whıtóró sukąlepó. Téturaalu, ama so whıkélé fea ątamo betámó sukąlepó. <sup>15</sup> Ti so whı fea tao saai ą sukąle alata, betere so whı maaté wisiyóló betaaire ala ini, atima tao saai sukóló kepaayale sekéné ama kisipa mole ala betą erópóló yalepó.

<sup>16</sup> Atérené dą mió i alimó kaae sóró bitiré furaalu, mepaae so ó whı i haemó mole kisipa sya fóló, etei kaae so whı beterapóló dąné tale dumipó. Ti takęta, dąné i haemó mole kisipa sya fóló, dą tęteróló kaae tare whı Keriso atéro

tale yaletęi, mió dąné momó kae dumipó. <sup>17</sup> Térapa, mepaae so whı Keriso tuámó betępa, ti ai so whı Kótóné kisi kaaróló beteró beterapó. Atétere alata, take betale ala mo ti kemeróló, mió kisi ala tuámó ai betere ape. <sup>18</sup> Atéro beteratere ala feata, ti Kótó beteremó kaayóló walepó. Dąró Kótótamo bóe du betaletęi, Kótóné Keriso sukópóló maletęiné bóe firóló touralepó. Atére kaae, mepaae so whıkélé Kótótamo bóe fıyóló dua betere ala dąpaae malepó. <sup>19</sup> Aita hąle mei, i haemó betó mole so whıné Kótótamo bóe du betępa, Kerisopaae erale alané atima yale dowi alamó Kótóné kwia melaai yaletęi taaróló, bóe firalepó. Tétu, Kótóné so whıtamo bóe fıyóló betámó beteratere fo yó maté kweyóópóló, dą sóró beteralepó. <sup>20</sup> Atérené, mió dą Kerisoné ama fo eratere whırape i betere ape. Dią so whı Kótónétamo bóe fıyóló touyóló betaaire fo ama diąpaae yaalópó yale kaae, “Kótótamo bóe fıyóló betae,” yóló Kerisoné doimó dąné diąpaae dirii ma fo i dere ape. <sup>21</sup> Yesu dowi ala inire whıtei, Kótóné ą dowi ala dere whı aąralepó. Ti aita hąle ini, dą Yesu Keriso tuámó betępa, Kótóné ama so whı donoraaire ala dokonótu, dą mo donoi so whı aleróló beteralepó.

## 6

<sup>1</sup> Dą Kótótamo betámó ama kutó diratere whı bitu, diąpaae Kótóné hamokoróló hąle tao sere ala eratepa, ai ala hąle ąla kaae dępaae mulaąsóró, diąpaae ma fo i dere ape. <sup>2</sup> Ti noatepae, ama i fo dapó.

“So whı yąlo hąle hamokoróló tao sere alimó diaaą ępaae tao sae dere fo yąlo mo wosóo, dią aluyaąsóró tao saai tukóló mulale be dęmótóró yąlo dią tao sóo yalepó,” erapó.

Yąlo diąpaae mo i dere ape. Mió i sukamóta, so whı aluyaąsóró Kótóné hamokoróló hąle tao su beterapó. Ai

ala yaaire be de me kae mei, mo miótóró i ape.

*Pol doasi seke sale fo*

<sup>3</sup> Dáne so whi tao saai erótu betere ala mepaae whirapené bete muni, hoko ala nisyóló faletu só deraqsóró, mepaae so whi Kótópaae waaire tu sesé yóló dée nalatere ala dáne mo dumipó. <sup>4</sup> Aténi, da Kótóné kutó diratere whi bituraalu ditu betere kutó diaaḡ kolóló, i whirapené mo donoi ala dapóló kisipa yaasepóló i dapa wosae. Ita doasi depe tukó wei kutópatei hāle diyó taruraalu, sekei alakélé, ḡla ḡla yaḡḡtere alakélé, whaalaa dere alakélé, wou betepatei dáne hāle belée tarapó. <sup>5</sup> Da kotere tiki dokḡ fea doasi foya dere alakélé, dóló susupuratere alakélé, *dipula* beteratere alakélé, erótua dapó. Da nokekélé wisiyóló fini, wotetamotei doasi depe tukó wei kutó hāle ditu beterapó. <sup>6</sup> Atétu, da me dere dowi alatamo hoseké ini, mo donoi kisipatóró muóo, bete mole ala mo wisiyóló kisipa yóo, me whipaae setere ala ini, wisi kisi-patamo naameiné mo dua kaae taté fío, du beterapó. Tétu, hosaa turóné yaala sókó folé ala yópóló, Deḡi Kepe Wisiné da fotokḡ eratepa, ai ala diḡ so whi feapaae erótua dapó. <sup>7</sup> Kótóné fotokḡtamo mo fotóró duraaalu, fo wisi yó mótua dapó. Tétu, Kótóné so whi donoratere alata, bóe dele whiné turu naasené tḡ tawóo, fē naasené wuti tawóo dere kaae iruraalu, ai donoi ala dáne tarapó. <sup>8</sup> Mepaae whiné dáne ditere kutó kilitu da dukiróo, mepaae whiné ti eratere fo yóo, dua dapó. Mepaae whiné dáne ditere kutó dorapóló mepaae so whipaae yóo, mepaae whiné ti mo wisi kutó ditu beterapó yóo, dua dapó. Da mo ala dere whi betepatei, mepaae whiné ti da kapala atima dilikitere whirape aqrótu beterapó. <sup>9</sup> So whi feané da kisipa epatei, da teó kisi wale whirapepaae eratere ala kaae dua dapó. Da mo felekemó sukunépatēi,

hāle bitiré fu beterapó. Da fokusóo ala yóló susupu eraletei, mo ti dóló sukunénipó. <sup>10</sup> Da dekené sukutu betepatei, betere dokḡ hēkese yó tarapó. Da fea ḡla ḡla munire whirape betepatei, dáne du betere alané so whi fea néli whi beterótu beterapó. Da ḡla ḡla munipatei, fea ḡla mole whirape beterapó.

<sup>11</sup> Korin bemó betó mole no nerape-ó, diḡtamo dáne hosaa mo turó muluraalu, dáne mole kisipa mo fea diḡpaae hākeamó ai yale ape. <sup>12</sup> Dáne diḡpaae yaala sókó fole ala dáne tao tani, mo turó erótu betepatei, diaaḡ dāpaae yaala sókó fole ala ti kinóló tao tarapó. <sup>13</sup> Diḡ yaḡlo naale senaale kaae betereteiné, diaaḡkélé dāpaae hosaa mo turó muóló, yaala sókó fole ala u mótu i mótu yaasepóló, yaḡlo diḡpaae i dere ape.

*Kisipa tiró betere so whi tirénire whitamo touyaḡse ere fo*

<sup>14</sup> Diḡ Talepaae kisipa tiró betere so whirape kisipa tirénire so whitamo touyóló, dere ala fea betámó yaḡse. Ti noatepae, donoi ala kolósu, dowi ala kolósu depa, betā ala ere? Ti demó kotere so whiró dilikitamo kotere so whitamo netéro fulumu enére? <sup>15</sup> Da tetéroló kaae tare whi Kerisoró dowi keperape tetéroló kaae tare kepe Belialtamo touyóló betā kisipa muaaloé? Tué tiki tiró betere so whiró, tué tiki tirénire so whitamo betā ala ere? <sup>16</sup> Kótóné doi hale horóló moma dere beró kapala kótó suróló aleale ḡlarapetamo mo betā ala erapóló kisipa mute? Ti noatepae, da Keriso so whita, mo ti betere Kótóné momatere be tetapó. Ai yale fo kaae asemó Kótóné i fo erapó.

“E atimatamo betámó bitu, atima fole tikipaae ekélé faalopó. Tétu, e atima tetéroló kaae tare Kótó betóo, atima ti yaḡlo so whi betóo, yaalopó.”

<sup>17-18</sup> Mo doasi fotokḡ bole Talené i fo dapó.

“Ai so whıtamo hosekéro betereitei taarólo dią kaae betae. Atéru, mepaae naqse yólo fo mulale ąla mo olaayaqse. I dere fıtamo diaaq sya fupa, ti yąlo dią dape saalopó.”

Mo doasi fotokq bole Talené i fo dapó.

“Ę ti diaaq Aya betóo, dią yąlo naale senaale betóo yaalopó,” erapó.

## 7

<sup>1</sup> Hosaa mole no nerape-ó, Talené dąpaae ai wisi alarape eraalopólo muló betere fo hąle mulapa, kae kae dowi alané diaaq tiki ó kepe doraqsóro, ai kaae dowi ala tuąmó hosekéro bitini, tika kae betaalopa sae. Atéro Kótó kolólo wituraalu, ą aqmó sukóló bitiré fóló, Talené ama mo kae ere wisi ala maaté eróló, mo ti fakeraté fu betae.

### *Pol hajné sukąle fo*

<sup>2</sup> No nerape-ó, dąpaae diaaq hosaa munire aqrapa, mióta diąné dąpaae hosaa mutere ala yaasepóló i dere ape. Ti noatepae, dąné mepaae so ó whıpaee me dowi ala eréni yóo, dąné du betere alané atima mepaae so whı dée naaire tų munéni yóo, dąné dere ala diaaq tokóló yópóló, ó diąné mepaae wisi wisi ąla saai dią dilikini yóo, yalepó. <sup>3</sup> Yąlo i dere fo dią só deraai kisipa mutu dumipó. Yąlo take yale fo kaae diąpaae dąné hosaa mo turó moleteiné dą tekeni dią sukutepa ó betepa, ti dą fea betą alatóro du betenérápó. <sup>4</sup> Diaaq yąlo i dere fo wosóló, mo sya faalopóló kisipa mutu ę whaalia ini, bopé fake yóló hajtu beterapó. Kae kae sekę dąpaae wou betepatei, dią Talepaae tuę tiróló wisi ala hąle yó tareteimó, ę haj yóló wisi kisipatamo Talepaae yąlo mo kée du beterapó.

<sup>5</sup> Dą Masedonia hae kwiapaae wóló bitu, Talené ala eratepa mepaae whinė dąné dere ala yaqsóro tų fea mo sesýalepó. Atétu, mepaae whırapené dątamo

bóe dóló hąle sóo, dąné kepe tuąpaaekélé, wituraalu whaalia yóo, yaleteiné dąné tiki sąa nalóló bitinipó. <sup>6</sup> Téyaletei, Taitus dą

beterepaae wale alané, fomoyóló haepaae doropole so whı tao sóro ketekę bulótu betere Kótónetei dą tao sóro haj dere ala eralepó.

<sup>7</sup> Ai alané maaté mei, diaaq ą tao sóro haj dere ala eratepa, amamo dąpaae ene waleteiné dą tao sóro haj eralepó. Diaaq ę kelenée du betereiteikélé, diaaq hąsóko fóló yale alamó diąné hosaamó su deķné sukutu betereiteikélé, ępaae erótu betere alamó diaaq whaalia du betereiteikélé, fea dąpaae ene walepó. Ai fo wosetu, ę tuąmó haj dere ala mo turó fąayalepó.

<sup>8</sup> Yąlo diąpaae anale ašemó ere fonétamo dią deķei kisipa moipa, yąlo atei kaae fo noatepa yaleé? yóló kisipa mutumipó. Taketa atei kisipa mó mualetei, mió ę haj kisipa mutapó. <sup>9</sup> Ti ai hajta dią deķetere alamó ini, ai fo dosąaturaalu dią sawa sukamó maaté hosaamó sóro deķyaleteiné yalepó. Atéteremó dią donoi tųpaae fole kilitu, ę haj du beterapó. Ti noatepae, diąné deķę yale alata, dąné yale foné dią mo ti doréni, Kótóné ama kisipa mole ala eraleteiné tų wisipaae feletei kisipa muae. <sup>10</sup> Kótó tuąmó kaaróló wale deķę dere alané dowi ala taaróló, Talepaae kisipa fetetere ala eratapó. Atéturaalu, kisipa fetetere alané, ti aluyaqsóro tao sere ala kaaratapó. Take deķei kisipa mualetei, yąlo mió kisipa fatepa, mo donoi ala ereteiné Talepaae mo kée du beterapó. Tépatei, i haemó kaarale deķei alané ti sukutere ala kaaratapó. <sup>11</sup> Kótó tuąmó wale deķei alané dią tuąpaae erale alarape i ape. Kótóné ala eraai butere ketekękélé, me dowi ala inipatei, hąle só deratere kapala fo so whinė mo nisi yaqsóro, ketekę buóló hąķearótu betere alakélé, dowi alatamo fopaae butereiteikélé, mené

diã doraqsóro wisiyóló kele muló betere alakélé, diã dãtamo betenée du betale alakélé, so whì wisiyóló beteropóló ketekę bulótu betere alakélé, mené dowi ala deretei hãkeamó kemerópóló, donoraai bole ketekękélé, kale dekę dere alané eralepó. Yãlo asęmó yale forape diaaę dosãayóló ai fo mo wosóló sya feleteiné mió diã tuãmó yãlo foné saai dere ala muniretei hãkearalepó.

<sup>12</sup> Take yãlo diãpaae asęmó yale fota, dowi ala dere whimó kisipa mutu, ó ai dowi ala eraterere whimó kisipa mutu inipó. Tėni, Kótóné keletómó dãné dere fo mopóló wosóló eraaire ketekę diaaętei kisipa yópóló yalepó.

<sup>13</sup> Ai alarapené dã mo tao sóro ketekę bulalepó.

Ai ketekę tómó diã feané Taitusné ama kepe tuãpaae felératerere ala eraleteiné ą mo hãtamo fesaae wale ala kilitu, dąkélé mo doa hajyalepó.

<sup>14</sup> Yãlo diã dukirótu ąpaae yale fo motóro dokonótu, ą wisiyóló dape saleteiné ę hale ini, feléi kisipa mutapó. Dãné diãpaae yó matere fo fea motóro du dere kaae, dãné diã dukirótu Taitus-paae yale fo ama mo irapóló kisipa yalepó. <sup>15</sup> Taitus aipaae wapa diã winé sukutu diri furu furu yóló, naameiné diaaę ą mo wisiyóló dape salepó. Take ama atéro ene wale fo diaaę mopóló kisipa mutu wosóló, sya fele ala mió ama kisipa duraalu, diãpaae yaala sókó fole ala mo ti fãatapó. <sup>16</sup> Yãlo i dere fo fea diaaę wosóló mo eraalopóló, yãlo kisipa tiróturaalu, ę mo doa hajiné sukutapó.

## 8

### *Hãtamo hãle matere ala yópóló ketekę bulatere fo*

<sup>1</sup> Ne norape-ó, Masedonia hae kwiamó tę mole be huluamó betó mole Keriso fakerape Kótóné hamokoróló hãle tao sóro male ala diaaę kisipa yaasepóló i dere ape. <sup>2</sup> Ti ai so whì atima kãae kelaai mepaae sekę wou betaletei,

hękesetere ala mo turó fãayóo, mepaae ęla ęla ó *moni* meiyóló yoleale betóo epatei, atimamo hamokoyóló *moni* mo dekéro deralepó. <sup>3-4</sup> Atéro mo dekéro derãleta yaleteiné sókó faai yale dãle mo ti bosene felepó. Aita, atima kęleaanétei Judia hae kwiamó Kótóné kae betero betere so whì tao saai kisipa mutu, mepaae so whinė hamokoróló hãle derale *monitamo* touróló, atima mole ęlakélé hãtamo deraai kisipa mutu, melaaire tę mulae yóló dãpaae dotopoi fo yalepó. Ti aita, so whì hamokoyóló hãle tao suraalu yale alapóló, yãlo diãpaae i dere ape. <sup>5</sup> Dãné kisipané atima sũmó enérapóló kisipa muale ala mo ti bosenóló, atimané yaai dere alakélé, ęla ęlakélé, betere betekélé, fea Talené naase tuãmó mulalepó. Atéro nalo ti atimakélé dãtamo touyóló Kótóné kisipa mole ala eraai yalepó. <sup>6</sup> Atėrené, Korin bemó betó mole so whì diãné ai ala yópóló, Taitus ą diã beterepaae fae yóló sęyalepó. Ti aita, Taitusné ama taketi kaae sóro diale kutó ereteiné, mió ą diã beterepaae wapa, Talené hamokoróló tao sere ala diaaę eróló mo ti kemerópóló yalepó. <sup>7</sup> Tėrapa, diaaę tuę tiki tiratere alakélé, fo wisi yó matere alakélé, mo bete mole ala kisipa dereteikélé, mepaae ala eróturaalu, doasi ketekę bole alakélé, dãpaae yaala sókó fu betere ala alakélé mo wisirapó. Atėtere kaaetóro hamokoróló tao suraalu, atéro hãle matere alakélé mo wisiyóló yae.

<sup>8</sup> Yãlo i dere fota, diãpaae i ala yae yóló dumi, Masedonia whırapené mepaae whì tao saai butere ketekę kolósu, diaaę butere ketekę kolósu yóló, diã tuãmó mo yaala sókó fole ala muluraalu, déro kãae kelaai dapó. <sup>9</sup> Ti noatepae, dã tęteróló kaae tare whì Yesu Kerisoné hamokoróló tao sere ala diaaę ai kisipare ape. Ti ą doasi néli whì betereitei, diã tao saai kisipa mutu, yoleale whì alée feleteiné diã néli whì beterallepó.



<sup>10</sup> Diñé yaaitere alamó kisipa mutu, diãpaae yało kisipa matere fo i dere ape. U kemeyale ba fomó mepaae kae kae be hulua Keriso fake so whiné *moni* deraaipa, diaaopi folosóro deróo yalepó. <sup>11</sup> Diaağ atéro diale kutó keteketamo kaae su yale kaae, miókélé ai alatóro deté fóló kemerae. Atéro melaai kisipa mutepa, ti diaağ mole sũtóró melae. <sup>12</sup> Diaağ mole sũtóró wisi kisipatamo matepa, ti Tale ą hękese duraalu, ama kisipa feléyaalopó. Mepaae whiné melaaitere ęla munipa, ti Talené me ęlakó menipóló dei kisipa muaalo meipó.

<sup>13</sup> Dąné kisipané mepaae whįrape atima ęla ęla mo dekéro muluraalu, dią sawa tėti moleteiné sekę tuąmó beteraai dumi, fea betą alatóro yóló betaai i dere ape. <sup>14</sup> Mió dią ęla ęla mo dekéro moleteiné, atima yaąterere ęla diñé melóo, nalo diąmo yaątepa atimané dekéro moletei dią melóo yóppóló dapó. Atéro u tao su, i tao su depa, ti mo fea betą ala yólótóro betaalopó. <sup>15</sup> Atétere alata, ašemó i ere fo kaaepó.

“Mepaae mo dekéro sale whiné ęla buki muni feni, mo sũmótóro nóo, mepaae mo tóróti sale whį wote ini, mo sũmó nóo, yalepó,” erapó.

#### *Taitus Korin bepaae dotęyale fo*

<sup>16</sup> Yało dią tao sóppóló, ę ketekę bulale Kótóné Taitus-paaekélé ai kaae ala eró betepa, Kótópaae yało mo kée du beterapó. <sup>17</sup> Atéreteiné, ą dąné fae depa waalo meitei, mo taketi dią beterepaae waai du betaleteiné waalopó. <sup>18</sup> Dąné no whį betą Taitus-tamo wóppóló dotonatapó. Ai whįta, mió wosetere fo wisi erateremó, Kótóné kae betero betere so whiné dukirótu beterapó. <sup>19</sup> Ai ala maaté mei, kale hąle melale *moni* sóro, dątamo Judia hae kwiamó betó mole so whįmó male fópóló, Kótóné kae betero betere Keriso so whiné ą sóro beteralepó.

Atéro hąle matere *monita*, Talené doi sóro horóturaalu, ai so whį tao saaire ketekę kolóppóló kisipa mutu, dąné hotowayóló tęteróló kaae tawaai dapó. <sup>20</sup> So whį tao suraalu, hąle melale doasi *moni* dąpaae diaağ hotowaró kaae tani, ęlémi serapóló mepaae whiné dą eratere fo yaqsóro kisipa mutu dapó. <sup>21</sup> Ti noa betené dumipó. Talené kele tómkélé, mo so whiné kele tómkélé, dąné du betere ala mepaae whįrapené kilitu, mo donoi ala dapó yóppóló kisi mutu, hotowayóló kaae tarapó.

<sup>22</sup> Dąné no me whįkélé atimaamoto-tamo dotonaaai dapó. ą kąae ke-lalemó, mepaae dąné yae dere ala fea ai sekéné mo keteketamo dua yalepó. Diaağ mo wisi ala yaalopóló kisipa mutu, ama take bole ketekę tómo miókélé ą Talené ala eraai mo doasi ketekę bulapó. <sup>23</sup> Taitus ąta, ętamo titiyóló kutó betąmó diyóo, dią kuamó bitu betą kutó diyóo, dere whį beterapó. Dąné no me whį tamota, ti Kótóné kae betero betere so whiné sóro betero beteraapó. Mepaae so whiné ai sekę tamóné diterere kutó kilitu, dą tęteróló kaae tare whį Kerisoné doi doasi hale sóro horatapó. <sup>24</sup> Tęrapa, Keriso fake so whį feané diaağ yaala sókó fole ala hąkeamó kolóppóló, ai sore whįrapepaae mo erae. Atétepa, ti diaağ dere alamó dąné dukurótu betere fo mopó enerapó.

## 9

<sup>1</sup> Kótóné kae betero betere so whį tao sae yóló, deté wale fo wosóló, yaaire ketekę dią bunipakó, yało diãpaae momó yaaloé. <sup>2</sup> Ti so whį tao saai diaağ bole ketekę yało mo wisiyóló kisiparapó. Dią ai ala yaai doasi ketekę boleteiné take kemeyale ba fomó kaae sóro, dią dukiróturaalu, Masedonia hae kwiamó betó mole so whįpaae dią Akaia hae kwiamó betó mole so whįmó hąle melaaire *moni* deraai du beterapó fo yało deté kwęalepó. Ai fo woseturaalu, ai be huluamó

betó mole so whi atimanékélé *moni* deraai hosaa tukalepó. <sup>3</sup> Diaaḡ ḡaḡe matere alamó ḡané diḡ dukirótu betere fo bete muni nisiyaḡsóró, kale bope yale sore norapepi aipaae dotonatapó. Yaḡo atimapaee, diḡ donoróló betepa kelaalopó yale fo diḡ tuḡámó motóró epa kolóppóló yae. <sup>4</sup> Ti noa yaḡsóró dumipó. Mepaae Masedonia whirape ḡtamo wouraalu, diḡ donoróló bitinipa kilitu, ḡané diḡ dukirale fo kapala irapó deremó, ḡḡkélé diḡkélé mo doasi hale yaḡsóró dapó. <sup>5</sup> Téyaḡsóró, kale norape atimapi folosóró diḡ beterepaae dotonatepa wisirapóló kisipa mutapó. Ti noatepae, diaaḡ hamokoróló ḡaḡe melaalopó yale *moni* deróló kemeróppóló kisipa mutu i dere ape. Ai ala depa, ti sḡteremó dei kisipatamo meni, wisi kisipatamo hamokoróló ḡaḡe melaalopó.

*Hḡaḡe matere alata, kutómó ḡla wae dekeró bilitu dere kaae dapó*

<sup>6</sup> I dere fo wosóló kisipa muae. Mepaae whiné ḡla wae sawa tóróti bilitepa, ti ḡla sere alimókélé sawatóró saalopó. Mepaae whiné ḡla wae dekeró bilitu, ti ḡla sere alimókélé mo dekeró saalopó. <sup>7</sup> So whi dokḡ betḡ betḡ sḡtepa dei kisipatamo meni, atima kisipané meteró melaai depa, ti ai sḡtóró melóppóló yae. Ti noatepae, hosaa tuḡámó ḡḡkesetamo matere whi Kótóné mo ḡḡkeserapó. <sup>8</sup> Atétu, Kótóné hamokoróló ḡaḡe tao sere ala diḡpaae sḡratepa, betere dokḡ fea diḡ mepaae noa kaae wisi ala yaai depa, ti me ḡla yaḡḡani, mo sḡmó enérápó. <sup>9</sup> Aḡḡmókélé i fo kaae erapó.

“Ama wisi wisi ḡla yoleale yóló betó mole so whimó ḡliralepó.

Ama so whi tao sóró donortere alakélé kemeni, ḡaḡe yótóró tarapó,” erapó.

<sup>10</sup> ḡla waeró mo nokole *bred* otamo matere Kótóné diaaḡ biliyaaire ḡla wae fakeróo, ḡla ḡlumétepa dekeró sóo dere kaae, Kótóné so whi tao

sóró donortere alané du wisikélé diaaḡ mo ti fakeróo yaalo ai ape. <sup>11</sup> Téturaalu, diaaḡ kae kae ala ḡuraalu, mepaae so whi hamokoróló tao sóppóló, Talené diḡ mo sḡraalo ai ape. Diḡané atéró ḡaḡe matere ḡla ḡanémo sóró kale yoleale so whimó matepa, Kótópaae atimané mo kée fo yaalopó.

<sup>12</sup> Kótóné so whi tao sóró diaaḡ ai eratere alata, atima yaḡḡtere ḡla mótua dapó. Ai maaté mei, Kótópaae doasi kée dere fokélé wḡi kaae faḡayóló felée fu beterapó. <sup>13</sup> Diaaḡ atéró Talené ala eróturaalu, mepaae so whi tao sóró erótu betere ala mepaaené kilitu, ita Kerisoné fo wisi sya fóló aḡmó bituraalu, hamokoróló tao sere ala ḡḡpaaekélé, mepaae so whipaaekélé, eratepa kelae yóló, Kótóné doi hale horaalopó. <sup>14</sup> Kótóné hamokoróló tao sere ala diḡ tuḡpaae faḡanó bettereiné Talepaae momaturaaalu, atimané hosaa mo turó diḡpaae muóló yaalopó. <sup>15</sup> Kótóné hamokoróló ḡaḡe meló betere ala wisinaale mo whiné etérápóló bete turó tokóló enénipó. Atéreteimó, ḡpaae mo kée fo du betae!

## 10

*Pol Talené kutó dirateremó kae kae eratere fo yaletai*

<sup>1</sup> ḡ diḡtamo betḡmó betale sukamó, ḡ fo kḡló kḡló yóló wire whi aḡretei, kae tikimó bitu ti wini, halaaíné aḡḡtu beterapóló ḡ eratere fo ai du betere ape. Tépateti, Talené fo aḡmó sukóló betere alaró witamo naameiné dua betere alatamo Kerisoné ḡpaae eratepa, ḡ ai ala tuḡámó bitu, ḡ Pol-né diḡpaae i yae dere fo wosóló, mo yaasepóló dapó.

<sup>2</sup> Ti ḡ diḡ beterepaae wale sukamó, mepaae so whiné kisipané ḡḡ i haemó mole ala sya furaalu, Talené ala eratere nisiyóló, ḡḡ eratere so whi ḡ halaaíné foné saḡsóró, diḡ miótitei donoróló betae yóló i dere ape. <sup>3</sup> Ti noatepae, ḡḡ i haemó ḡaḡe bituraalu dele bóeta, i haemó

mo whiné dele bóe kaae meipó. <sup>4</sup> Džané bóe dele ɔla ɔlakélé, mo bóe dele ɔla ɔla kaae meipó. Džané bóe dele ɔla ɔlata, Kótóné doasi fotokɔ fžaneteiné Kótótamo bóe duraalu, ere dirii sa fisikóló doranerapó. <sup>5</sup> Mepaae so whiné Kótó ą etei kaae Tale beterapóló kisipa yaqsóro sesé duraalu, kae kae fosó fosói foró, bete mole ɔla aqraterere alatamoné sa kaae depa, džané fisikóló dorótu beterapó. Téturaalu, dž ęęteróló kaae tare whi Kerisoné ala eraai mole kisipa kópaae faqsóro, džané tuę tiki turó Yesuné ęęteróló kaae tare aqmó mulópóló, mo hotowaró kaae tarapó. <sup>6</sup> Dią Talené fo wosóló, aqmó sukóló bitu sya fóló erótu betepa, ti mepaae ai fo wosetere hýyóló dowęae fu betere so whi fea džané só deróló kwia melaai dž siki siki yóló betenérápó.

<sup>7</sup> Diąta, mo tómó ere ala maaté kilitu beterapó. Mepaae whiné ąta, Kerisoné whi beterapó depa, ti dąkélé ąre kaae Kerisoné whitóro beteretei ama kisipa yópóló yae. <sup>8</sup> Ita, dią só deróló doraai dumitei, Keriso tuąmó diriyóló beteratere ala džané ęęteróló kaae tanópóló, Talené dąpaae melalepó. Atérené ę haleni, halaainé diąpaae hąkeamó i du betere ape. <sup>9</sup> Yąló diąpaae ašemó i dere fota, dią wiraterere nisi yaqse. <sup>10</sup> Ti noatepae, mepaae whirapené duraalu, “Ama ašemó deteraai fo du betepatei, ą woló betąmó bitu dere fota, ti kisipa inire whiné fo kaae hoko du beterapóló,” erótua dapó. <sup>11</sup> Atei kaae eraterere fo dere so whiné, dž kae tikimó bitu ašemó dere fo kolósu, dž aipaae wóló mo dere ala kolósu depa, me ala kae mei, mo betą alatóro epa kelaalopó.

<sup>12</sup> Mepaae whirape atimané ditere kutómó atimatei doi sóro horótu dere kaae džané dumipó. Ti atimané du betere ala atimatei taleyóló atimata, etei kaae whirape beterapó du beterapó. Tétu, atimané dere ala kęae kolóló u kolósu, i

kolósu du betere alata, wisi tuę mularaalu dumipó. <sup>13</sup> Atima atéptei, dąta mo džané diale kutómótóro bopé faketu beterapó. Ti džané i ditu betere kutóta, Kótóné dąpaae diyae yale dąlemótóro dituraalu, dž bopé faketu beterapó. Ai dąle muló betere kutó tuąmó diąkélé ai bole ape. <sup>14</sup> Dą fo wisi yó maté kuturaalu, dią beterepaae uąmeisóro, ti etei kaae bopé fake dere ala uąmeipó. Téptei, Kerisoné fo wisi diąpaaekélé yó male waleteiné dž mo donomó bopé fake dapó. <sup>15</sup> Džané diyale kutó mupatei, kae whiné diyale kutómó dž bopé fake dumi, mo džané ditere kutómótóro bopé faketu beterapó. Ti diąné kisipa tiró betere ala faketé fupa, dž dią tuąmó bitu ditere kutókélé mo ti fakeraai kisipa mutu, Talepaae tuę tiróló hąjtamo i betere ape. <sup>16</sup> Talené mió i wosetere fo wisi džané erateretei dią tuąmó faketei, ti dią betere tiki mo utéro betó mole so whipaaekélé yó maaté kweyaai kisipa mutapó. Mené diyale kutómóte, džané yalepóló hąle bopé fake yaqsóro, mepaae whirapené yó menire tikipaae yó maté kweyaai dapó. <sup>17</sup> Téptei, “Mepaae whi bopé fakeyaai depa, ti Talené fotokɔ ą tuąpaae sųraleteiné diyalepóló,” enérápó.

<sup>18</sup> Ti me whiné ama diale kutó amatei fopeyóló, ątei dukiratepa, bete munipó. Téptei, Talené me whiné diyale kutó taleyóló wisirapó depa, ti ai whiné kutó wisi diremó dapó.

## 11

*Aposel aqre whirapené dere alata, Pol-né dere alatamo sunipóló yale fo*

<sup>1</sup> Yąló du betere fota bete muni, hoko du betere fotei wosaasepóló i dere ape. Téptei, ai hoko fo mo taketi yąló deté wou betepa, diaaq woseté walepó. <sup>2</sup> Yąló bole ketekęta, dią dokaai tukóló beteró betere whi mo ątamótóro fulumu yópóló, Kótóné matere ketekęné yąló dią mo

wisi yóló kaae taru, ma fo i dere ape. Me whiné folokole erénire so seimale kaae betepa, Kerisoné amatóro dokópóló kisipa mutu, yálo diá tukóló beteralepó. <sup>3</sup> Tépatéi, wuliné fosó fosói kisipané Ipi dilikóló dée nalatu yale kaae, diáné tué tikikélé mené kópaae álisó faqsóro yálo doasi whaalia du beteralepó. Ti noa betené mei, diá Keriso átamotóro dokaai, betá kisipa muóló beterópóló dapó. <sup>4</sup> Ti yálo whaalia dereteita, hále meipó. Dáné diápaae Yesu á etei kaae whípóló yó maletei, mepaae whí diá beterepaae wóló Yesuta, etei kaae whí beteralepóló hoko fo yó matepa, diaaq mopóló wosetu beteralepó. Atétere kaae, take diaaq sale Dèi Kepe Wisi betepatei, me kepe kae saalopóló de? Take dáné diápaae yó male fo wisi mupatei taaróló, kisipa tiki okokore whiné dere kaae, mió diá kae yó matere kisi fo wosaai ekeletu beteralepó. <sup>5</sup> Ti ai whirape atimata, doasi doi mole *aposel* whirapepó du betepatei, atimané é teteró bitinipó. <sup>6</sup> Ti so whí feapaae Talené fo yálo fosó fosó yóló yó melópóló mené é yó menitei, bete mole fo yálo mo kisiparapó. Ai ala diánékélé kisipa yópóló, kae kae ala fea hákeamó erótu betalepó.

<sup>7</sup> Kótóné fo wisi yó móturaalu yáloitei é deróo, diá tao sóro horóo, du betalepó. Tétu, yálo diápaae *monikó* álae yóló kema ini, hále yó mótu betaletéi-a, diápaae dowi alakó erótu betaleé? <sup>8</sup> Aita, diá seké yaqsóro kisipa mutu, kae be hulua Keriso fake so whiné matere *monitei* yálo qlémi kaae sóro, é be-taaire be ó qla dupu yóló nukuraalu, diá tao saaire kutó betá dité fu betalepó. <sup>9</sup> É diátamo betale sukamó diá seké yaqsóro, é yáyátere qla diápaae álae yóló wosetere fokélé inipó. É yáyátere qlata, Masedonia hae kwia taaróló, étamo wale norapené tao sóro mótua yalepó. É me qla yáyátepatei, diá seké yaqsóro woseni, Talené kutó hále dirótóro

tawalepó. Nalopaaekélé ai alatóro enérapó. <sup>10</sup> Ti Kerisoné bete mole mo fo é tuámó moleteiné diápaae diriyóló i dere ape. É me dupu sini, ai fo wisi hále yó materemó, yálo i bopé faketera ala Akaia hae kwiamó betere whirapekó betanékelé bete munire ala aqraalomeipó. <sup>11</sup> Yálo diápaae etei kaae dere fo-a, noa betené dapóló kisipa mute? Yálo diápaae yaala sókó fole ala initepa de? Meipó. Diápaae yaala sókó fole ala é tuámó moletei, Kótóné ama mo kisiparapó. <sup>12</sup> Kae fo yó matere whirapené du betere alata, so whiné atima dukirópóló dapó. Aita, dáné dere alaró atimané dere alatamo betá ala erapó yópóló, bopé fake du beteralepó. Atei ala yaaire tú mulaqsóro dá *moni* sini, kutó hále diró tawaalopó.

<sup>13</sup> Ti ai whirapeta, Kerisoné doteyale mo *aposel* whirape mei, so whí dilikóló kapala kutó diratere *aposel* whirape bitutei, Kerisoné kutó diratere nisi yópóló, aqtu beteralepó. <sup>14</sup> Ai kaae alamó dá kilita sókó fenénipó. Ti noatepae, Satan á dè tuámó betere *ensel* aqtu betereitei, dáné kisiparapó. <sup>15</sup> Atétere kaae, ama kutó diratere whirapekélé mo donoi kutó diratere whirape aqtu betere ala kilitu, dá kilita sókó fumipó. Ti atimané ai du betere alamó saaire dowi dupu há sókó feni, mo donotóro melaalopó.

*Pol qpaae sekéi ala erateremó bopé fakeyale fo*

<sup>16</sup> Yálo yale fo kaae momó dapa i wosae. Diá mepaae whiné é kisipa okokoi whí betere nisi yaqse. Di-aaqtamo é kisipa okokoi whí beteralepó kisipa mutupa, ti é bopé fake-turaalu, okokoi whiné dere fo kaae, sawa i dapa wosae. <sup>17</sup> Fea ala yálo sumó enérapóló bopé faketuraaalu dere fota, Talené dere fo kaae meitei, kisipa okokoi whiné dere fo kaae dapó. <sup>18</sup> I haemó betó mole whirapené nene yóló bopé faketera ala feané sya fóló du betepa, ti ékélé



nene yóló bopé fakeyaalopó. <sup>19</sup> Ti fosó fosóre whị diąta, mepaae kisipa okokoi whịné du betere ala yaqsóro seséni, hẹkesereteiné yópóló, kaae tarapó. <sup>20</sup> Ti diąné mo du betere alatóro i ape. Mepaae whịné dią wae sóro kutó diratere whị beteróo, diąné wisi wisi ọla atima saai dią dilikọo, dią me ala tuẹnire whị aqróló, atimané tuẹ mole ala eróo, atima doasi doi saai dapóló dią hepée faróló atimapi folosene fóo, atimané dią okolope deké sóo, dua dapó. Ai alarape eratepa, atimapaae atékese yóló foné sini, dią hẹle betó mulapó. <sup>21</sup> Ti dẹ bẹreteiné atei kaae ala diąpaae eranénipóló, ẹ haletu i dere ape.

Kisipa okokoi whịné dere fo kaae i dapa wosae. Mepaae whị dené ama du betere alamó ẹ bopé fake yaaitapa, ti ẹkélé bopé fakenérápó. <sup>22</sup> Atima Hibru fake so whịné dere ala sya fu betere so whị betere? Atima atépa, ti ẹkélé Hibru whịtóró beterapó. Atima Israel hae tale betepa, ti ẹkélé Israel hae taletóro beterapó. Atima Abraham-né deté wale whịrape betepa, ti ẹkélé Abraham-né deté wale whịtóró beterapó. Atima Kerisoné ala eratere whị betere? Atépa, ti ẹ keyaa furaalu hoko dere fo i ape. Yalo ai kutó ditere alané atima fea mo teraae falapó. <sup>23</sup> Yalo i dere fota, topo doyóló keyaa fole whịné fo kaae hoko dapó. Atima Kerisoné kutó diratere whị betere? Atépa, ti yalo ditere kutó kolósu, atimané ditere kutó kolósu depa, atima yalo mo bosenó beterapó. Ti yalo dité wale kutó atimané diyale kutótamo sụni, ẹ mo doasi depe tukó wei kutó ditu betalepó. Ti ẹta, mo dekéro félimó *dipula* beterótua yóo, fokosoi ala yale tikimó yalo tiki mo turukée fóo, ẹ mo felekemó sinitai kepaayóo dua yalepó. Ẹpaae ai erótu betale hapólui ala kaae, atimapaae erénipó. <sup>24</sup> Juda fakené ẹ aporó félimó halika kaae ọlané yalo tikimó daletai dokọ sóro touróturaalu, 39-rópó. <sup>25</sup> Sore

fapo atimané ẹ biyané fokosói ala yóo, betẹ be demó ti kapo duné siriyóo, sore félimó ti ẹ betere wei nuku fetée fóló do yóo yalepó. Tétu ẹ doasi wei kẹla tómó ọlaae kutu betepa, be dẹ betaró diki betatamo kemeyalepó. <sup>26</sup> Ẹ betẹ bemótóro bitini, be hulua dokọ fiyósu deté kutu betalepó. Atéturaalu, doasi fole wei tikiné ẹ aluranépatai, tẹyóló fua yóo, ọlémi whịrapenékélé ẹ denépatai, atima betere tuámó fóo, mo yalo be whịnékélé ẹ denépatai fua yóo, Juda meire fake whịnékélé ẹ denépatai atima tuámó bitiré fóo, doasi be huluamó bitukélé, ipumó bitukélé, doasi wei kẹla tómó fukélé, Keriso norape aqre whịrapetamo bitukélé, ẹ mo dóló aluranépatai, bitiré fóo yalepó. <sup>27</sup> Ẹ kutó dituraalukélé depé tukó wei ala yóo, kutó ditétóro fu betereteiné nokekélé fini yóo, woteró wei nokoletamo epatei, hẹle fitua yóo, kutikélé ó sikélé meiyóló sosóliné sukóo dua yalepó. <sup>28</sup> Ai alarape tómó, Kótóné kae beteró betere Keriso fake so whị noa tumó wisi yóló betaaloé yóló, doasi whaaliala duraalu, ẹ doasi sekẹ beleté fu beterapó. <sup>29</sup> Diąkó me whị Talené ala eraaire fotokọ meiyóló bétapa, ti ẹkélé bératapó. Diąkó me whị dowi alapaae ọlisóro fóló dée nukupa, ti ẹkélé dei kisipa mutu haletapó.

<sup>30</sup> Ẹ bopé fake yaaitamo kisipa mutepa, ti ẹ tuámó fotokọ mei, béré ala so whị feané kolópóló, bopé faketera ala mo hẹkeamó yó manérápó. <sup>31</sup> Yalo i dere fota, mo kapala dumipó. Betere dokọ so whị feané doi sóro hurótu betere Tale Yesuné Alima Kótóné yalo i du betere fo mo dapóló ama tuẹrapó. <sup>32</sup> Ẹ Damaskus bemó betepa, botokó faqsóro topo whị Aretasiné be kaae tanópóló, sóro beteró betere whịné ẹ tawópóló, ama diki tare whịrape kale be bolaare dopóku tẹ dokọ sóro beteralepó. <sup>33</sup> Téyaletai, mepaae norapené ẹ yomó deyóló halika duóló deralepó. Atéyaletaita, ai be hulua

bopére dopóku sikimó, dę saai muló betere dolomó sókó faraleteiné atimané ę tani, hęsókkó felepó.

## 12

### *Pol-né ama nokené kaae kelale ala*

<sup>1</sup> Ę i bopé faketu betere ala taaréni, hęle deté fu betenérápó. Ti bopé faketera ala tuęmó me ke bunitai, Talené ępaae nokené kaae yó melale alaró kinó betere alatamo hękearaletai betę diępaae i dapa wosae. <sup>2</sup> Ita mió yale ala dumitei, i ala yóló betepa, 14-ró ba fo kemeyalepó. Ai ala kelale whį ę ama tiki turó fele ó, kepe maaté feleró ę tuęni, Kótóné betę kisiparapó. Ai whį ę Keriso tuęmó betepa, mené ó hepen bepaae dapesó huturaalu, sękélé sę taoró ere tikikélé taaróló, mo hepen bepaaetóro dapesó holale whį yęlo tuęrapó. <sup>3-4</sup> Ti ai sekęta, mo kelaalo kokęi bepaae dapesó horóló beteraletai yęlo kisiparapó. ę atéro huturaalu, ama mo tiki turó felepé kepe maaté feleró ę tuęni, Kótóné betę kisiparapó. Mené fo depa ai sekęné ama wosalemó, bete etérápóló mo hae whįné yókkélé enénipó. Ai fo hae so whįpaae uętei, yaęsóró Talené doasi fo mulapó. <sup>5</sup> Atei ala ere whįpóló kisipa mutu, ę bopé fake uętei, yęlotei ę bopé fakenépa taaróló, ę hae whį bitu, yęlo bére alarape betę dięné kisipa yaasepóló i dere ape. <sup>6</sup> Yęlo kisipanétamo bopé faketera ala yaaitepa, ti yęlo mo yale alatóro dereteiné ę topo doyóló okokoi whįné dere fo kaae uęmeipó. Ti yęlo yó mótu betale mo foró du betale alatamo dięné kęae kolóló tuę yóppóló, bopé faketera ala enépatei, ę doasi doi mole whį nisi yaęsóró taalapató.

<sup>7</sup> Talené doasi kinó betere ala ępaae hękeróló yó maletuiné ę topo whį bitu bopé fake yaęsóró, Satané dotęyale kepené dowi mu képiné kaae, ę susupuróppóló Kótónétei ai tę mulalepó. <sup>8</sup> Até yaletuiné yęlo

tikimó doasi dele supa, Talepaae ai ala tokóló taae falae yóló sore félimó yalepó. <sup>9</sup> Téyaletai ama ępaae duraaalu, “Ai sekęi ala naao sümó beleyóppóló, yęlo hamokoróló hęle tao sere ala yę tuępaae mo sęraalopó. Ti noatepae, mo whįné enéni bére ala tuęmó yęlo fotokę so whį feané kolóppóló, mo hękeamó erótua dapó,” yalepó. Atétereteiné Kerisoné fotokę ę tuęmó hęle muó tanóppóló, yęlo enéni bére alapóló tuę muturaalu, ę hęyóló bopé faketera ala taaréni, hęle yó tawaalopó. <sup>10</sup> Atéreteiné Kerisoné ala mo ti fakeraairaaalu, bére ala tuęmó bitukélé, mepaaené ę eratera fo du betepakélé, doasi sekęi ala tuęmó bitukélé, Talené ala erótu betepa sere sekę tuęmókélé, doasi hapólui ala tuęmó bitukélé hęjamo beteraapó. Tęru, mepaae bei ala tuęmó bitukélé fotokę hęle bulapó.

### *Pol-né Korin so whį doasi whaaliatu yale fo*

<sup>11</sup> Ti yęlotei ę kisipa okokoi whįné dere fo kaae yaletaita hęle mei, diaaę du betere alanétei ę ai ala dere whį aęratepa yalepó. Yęlo du betere alamó diaaę ę dukiratera fo uęsóró ti mo wisi uępó. Ti noatepae, ę belei sokótei kolósu, ai doasi doi mole *aposel* whįrape kolósu depa, atimané ę tęteró bitinipó. <sup>12</sup> Ti ę dię tuęmó bitu, me ala yaairemó dere alarapekélé, sira yóppóló eratera alarapekélé, mo whįné enénire doasi kelemei alarapekélé, fea eró taté fu betalepó. Ai alarape kilitu, ita mo *aposel* whįné dapó enérápó. <sup>13</sup> Ti ę mepaae be huluamó Kótóné touróló beteró betere so whįpaae erale ala kolósu, diępaae erale ala kolósu depa, me noa alakómo diępaae erénié? Atimapaakélé, diępaakélé, betę kaae alatóro erótua yalepó. Ti ę yęyętere ęla tao sae yaai yaletai, dię sekę yaęsóró ini, taaralepó. Kae kae Keriso so whįpaeta dua yaletai, diępaae inire ala dorapó kisipa mutepa, ti dięné kwia tani, hęle kemerae.

14 Ẹ mió sore dakeróló dià kẹle waai i du betere ape. Ẹ aimó wóló bitu, be ó nokole ọla dià seke melaalomeipó. Ti noatepae, diaaọ me ọlakó melópoló waai dumitei, dià mo no apu aleyóló betámó betaai kisipa mutu, walapó. Ti naale senaalené hama alima tao saai dapóló mepaae ọla ọla betápaee yóló mutumitei, hama alimané naale senaalemó ọla ọla mulatere dua dapó. 15 Atétere kaae, ẹ mo hẹkesetamo dià tao saairaalu yálo ọla ọlakélé, yálo betere betekélé melaalopó. Yálo diápaee mo turó yaala sókó fu betepatei, diánemo ẹpaee yaala sókó fole ala sawa tómó maaté dere-a, wisire? 16 Diaaọ ẹ hẹkese inire aọpatei, yálo diápaee me sekei ala erénipó. Tépateti, ba ó nané nale wópóló, ọla wisi mulótu dere kaae, diáné monikó ẹ melópoló kisipa mutu, yálo dià dilikále aọrapó. 17 Dià tao sópóló yálo dotẹyale whịrapené ó yálokélé dià dilikóló, diaaọ noa wisi wisi ọlakó saleé? 18 Taitus ẹ dąné no me whıtamo dià beterepaee wópóló, yálo seýóló dotẹyalepó. Até yale be demó, Taitus-né dià dilikóló mepaae ọlakó saleé? Talené ala eróturaalu, dąmo wusuró betá tué muóló, betá alatóró erótua inié?

19 Ti yálo diápaee ašetu betere fo diaaọ dosąaté waleteti-a, mené dą só deraọsóró seséturaalu dapóló kisipa mute? Meipó. Dąné i du betere fota Keriso tuámó bitu, Kótóné keletómó mo i dere ape. Dąné hosaa mole no nerape-ó, dąné i du betere ala feata, dià fotokọ buóló beterópóló dapó. 20 Ti noatepae, ẹ aipaae wale sukamó, dià mo wisiyóló betepa kelenée dere ala dià tuámó ini yóo, diánékélé ẹ tuámó epa kelenée dere ala ẹ tuámó inipa kelaalomolópoló, ẹ doasi witu beterapó. Ẹ dià beterepaee wóló kelenalemó, dià tuámó hẹle fokélé, me whịné dere alamó dei tué mutere alakélé, fopaae buóló hẹle sere alakélé, fake teketere

alakélé, dowi fopaae butu me whị yóló sininatere alakélé, kikiti eratere fokélé, dowaae fóló bopé faketera alakélé, wisiyóló bitini, họko betere alakélé, ai alarape fea dià tuámó epa kelaọsóró, ẹ doasi whaaliatu beterapó. 21 Ẹ dià beterepaee wale sukamó diaaọ ai dere ala kilitu, ẹ tẹteróló kaae tare Kótóné keletómó, ẹ momó halenérápóló wi dapó. Mo take dowi ala du betale so whịné mepaae hosekényóló du betale dowi alakélé, nópu nokole alakélé, enénire sonaalei dowi alakélé taaréni, hẹle yótóró tapa kilitu, ẹ deke yáọsóró whaalia duraalu dapó.

## 13

*Dià Yesu Kerisopaae kisipa mo tiró beterémóló diaaọte kẹae kelae*

1 Mió yálo dià sore dakeróló kẹle waai i dere ape.

“Mepaae so whịné hąsókó fóló dere alarape taleturaalu, betá whịné dere fo maaté woseni, tamo ó sore whịné i ala mo depa kelalepó dere fo wosóló, ti taleyóló donoranérápó,” erapó.

2-3 Ẹ tamo dakeróló dià kẹle wale sukamó, dowi ala dere so whịpaee etei kaae sekei ala eraalopóló diápaee yalepó. Mió ẹ kae tikimó bitukélé betá kaae fotóró momó i dapa wosae. Kerisoné du betere fo yálo mo dapóló diaaọ kisipa yaasepóló, ẹ wouraalu take dowi ala deté wale so whịró mepaae dowi ala du betere so whıtamo kwia matere ala kọleturaalu taaréni, mo melaalopó. Ti Keriso ąta, dià tuámó mole dowi alarape donoraaitere ala ą bėni, fotokọ mo turó bulapó. 4 Ti i dere fota, mo dapó. Keriso ą fotokọ buni bėre whị aọyóló, atimané ą filipaare ni tómó daleteti, Kótóné fotokóné ą mo beterapó. Atére kaae, dą fotokọ buni bėre whịrapeteti Kótó ątamo betámó bettereteiné ama fotokọ dą tuápaee sųratepa, dià

tao saai Talené kutó hãle diraté fu beteropó.

<sup>5</sup> Diã Yesu Kerisopaae tuê tiki tiró betere ala diaaõtei kãae kolóló taleyae. Aténalemó, Yesu Kerisopaae kisipa tiratere ala inipa, ti yã ă tuãmó bitinipóló kisipa muae. <sup>6</sup> Ti diaaõ dă kãae kolóló talenalemó, Yesu Kerisopaae tuê tiki tiró betere ala epa, ti diaaõ mo hãkeamó kelenérápóló kisipa mutapó. <sup>7</sup> Diã me dowi ala yaõsóró, Kótópaae suka fea dăné momarótu beteropó. I dere fota, Talené dă kãae kolóló, whi wisipó deremó so whinė dă dukirópóló dumitei, dăné hõko dere alamó só deró betere whirape aõpa, diãta mo donoi ala wisi du betere whi betaasepóló dapó. <sup>8</sup> Kale bete mole mo fotamo dăné bóe dóló me ala enéni, ai fo wisi fakeratere ala betă enérápó. <sup>9</sup> Dă fotokõ buni bépatei, diã mo doasi fotokõ buóló betepa, ti dă mo hajrapó. Dăné diãmó momarótu betere alata, diã haepaae derepeletei, momó Talené ala eraté furaalu, diã mo ti diriyóló beteropóló dapó. <sup>10</sup> Atére betené, ę diã beterepaae waai teópatei, yãlo i aõterere fo kolóló diãsisu bitu, mepaae diã tuãmó ere alarape donoraasepóló i dere ape. Ti noa yaõsóró mei, Talené ępaae ama so whi teteróló kaae tawae ere fo sya furaalu, ę aipaae wale sukamó diã deteraayóló foné saõsóró dapó. Ti Talené ę diã teteróló kaae tawópóló sóró beteraleteita, diã doróló só derópóló ini, tao sóró wisiraté fópóló yalepó.

#### *Kemeróturaalu kõleó yale fo*

<sup>11</sup> No nerape-ó, mo kemeróturaalu diãpaae kõleó i dere ape. Me hãsóko fole ala diã tuãmó muni, Talené ama ala mo donoyóló erae ere dălemótóro sóko faasepóló, hotowaró erótu betae. Aõmó yãlo diãpaae i yae dere fotóro mo wosóló, diã fea mo betă kisipatóro mulu, hosaa muni deyóló mo dua betó muae. Atétepa, ti yaala sóko fole

alaró hosaa muni deyóló dua betere alatamo, matere Kótó ă diãtamo be-taalopó.

<sup>12</sup> Diã Kótóné mo kae betero betere so whi bitu, diãsisu yaala sóko fóló, aputu betae. <sup>13</sup> Imó ętamo Talené kae betero betere so whi feané diãpaae kõleó dapó.

<sup>14</sup> Dă teteróló kaae tare whi Yesu Kerisoné hamokoróló hãle tao sere alakélé, Kótóné yaala sóko fole alakélé, Dęi Kepe Wisiné eratere u yó mótu i yó mótu dere alakélé, diã feapaae eró tanópóló yae.



## Kalesia

<sup>1</sup> Ẽta, Kótóné ama fo yó male fópóló doteyale *apospel* whi Pol-né diã Kalesia hae kwiamó tẽ mole be hulúamó betó mole Keriso fake so whipaae asẽ i dere ape. Ẽta, mepaae whirapené dotonatepa ó mo whiné kisané kekeme nóló i kutó dine fae yóló dotonatepa wéni, Yesu Kerisoró ą kepaarale Alima Kótótamoné i kutó dine fae yóló dotonalepó. <sup>2</sup> Yãlo i dere asẽta, ę wotoró bitu dumi, mepaae Keriso norape ętamo betámó betó mole whirape dã feané diã Kalesia hae kwia dokómó betó mole Keriso fake so whipaae dapó.

<sup>3</sup> Dãné Aya Kótóró Tale Yesu Kerisotamoné hãle hamokoróló tao sere alaró hosaa muni deyóló mo dua betere alatamo diã tuãpaae erópóló yae. <sup>4</sup> Mió i alimó mole dowi alané doasi fotokóné dã so whi dokoló mulaşóró, Yesuné ama betere bete melóló dupuraleteiné dã hãle fópóló eralepó. Aita, dãné Aya Kótóné kisipa mole ala sya furaalu eró beterapó. <sup>5</sup> Kótóné ama doi betã hale sóró horóló, doasi doi mo ti muó tanópóló yae. Mo kée. Teyópóló yae!

*Talené kisi fo wisita, me kaae mei mo betãtóró mulapóló ere fo*

<sup>6</sup> Yesu Kerisoné hãle hamokoróló tao sere alané Kótó ą beterepaae ape yalepó. Atéyale seké taaróló, kae kisi fo wisi wosaai hapale kisipa feteyóló fole kilituraalu, aita enei ala meitei dapóló ę kilita sókó fulapó. <sup>7</sup> Mepaae whirapené diãpaae mió wosetere kisi fo wisi i ape yóló yó matepa, ti aita kale wosetere fo wisi mei ai ape. Aita, Yesu Kerisoné mió wosetu betere kisi fo wisi me kae fotamo hosekéróló doróo, diaaę kisipakélé kópaae falóo, yaalopóló kisipa mutapó. <sup>8</sup> Dãnékélé, ó hepen bemó betere *ensel-nékélé*, Kótóné mió wosetere fo wisi take dãné diãpaae yó male kaae ini, kae fotei

fo wisipóló yó matepa, ti ai whi mo ti só deróló alu yaaire tikipaae fópóló yae. <sup>9</sup> Take dãné diãpaae yale fotei momó i dapa wosae. Whi me dené diaaę woseté wou betere kisi fo wisi kaaetóró yó meni, fo me kae yó matepa, ti atétere whi só deróló mo ti alu yaaire tikipaae fópóló yae.

<sup>10</sup> Yãlo i du betere fo ó du betere ala mo whirapené kolóló, i whiné mo wisi ala dapóló dukirópóló dépé? Kótóné kilitu mo wisi ala dapó yópóló du betere? Mo whirapené kisipa tiki felé yaaire alatamo yãlo du bituşóró, ti ę Yesu Kerisoné kutó diratere whi bituã meipó.

*Pol aposel whi sóró beteraai Kótóné ą beterepaae ape yale fo*

<sup>11</sup> Norape-ó, diaaę mo wisiyóló kisipa yaasepóló yãlo i dere fo wosae. Yãlo diãpaae yó mótu betale mió wosetere kisi fo wisita, mo whiné kisanétei kaarale fo meipó. <sup>12</sup> Ai fo wisita, me whiné depa yãlo wosóló ó me whiné ę yó matepa kisipa sóró dumitei, Yesu Kerisoné amatóró ępaae hãkearóló yó matepa kisipa yalepó.

<sup>13</sup> Ẽ take Keriso whi betaairu, Juda fakené Talepaae momatu betere ala sya fóló du betalepó, dere fo diaaę wosóló ai kisipare ape. Atétu, yãlo mo doa ketekę buóló du betale alata, Kótóné so whipaaekélé susupui ala eróo, Yesu Kerisoné ala wisikélé mo ti doróo du betalepó. <sup>14</sup> Yãlo ayarapené mara mole ala sya furaalu, Juda fakené Talepaae moma dere ala etéró yae yóló, doasi kisipare yó matere whirapené dã teó whirape yó malepó. Atétu, betere tuãmó ętamo betámó doayale Juda whirape fea betepatei, yãlo kisipa sale alané atima mo teraae felepó. Atéru, yãlo ayarapené mara mole ala mo doa ketekę buóló sya fu betale whi ę i ape. <sup>15</sup> Atétu betaletei, ę teó deyaaipa sóró kae beteraale Kótóné, ama hãle hamokoróló tao suraalu ą beterepaae ape yalepó. Tétu, Kótó ą wisi kisipatamo ama naale ę

tuamó haķearóló yó malepó. Atéyale sukamó, epaae etei ala eralepóló me whıtamo inipó. <sup>16</sup> Atéro betepa, Kótóné ama Naalema noa kaae whırópóló kóló kóló yaqsóró, amatei a ę tuapaae yó malepó. Até yaleteita, Juda meire fake so whıpaae Yesu Kerisota, etei kaae whıpóló yó maté kweyópóló kisipa mutu, eralepó. <sup>17</sup> Ai ala yale be demó, i kaae ala yaleteti noa betené yalerópóló, ę betaaipa folo sóró beterales *apospel* whırape Jerusalem bemó betó mupa kele fenipó. Aténi, epaae ai ala erale be demótóróti Arabia hae kwia-paaepi fóló, nalomo ti Damaskus bepaae fesaayóló felepó.

<sup>18</sup> Atéro bitiré fóló, ba fo sore kemetepa, ę Pita wisiyóló kisipa inireteiné kisipa yaai, Jerusalem bepaae horóló atamo betepa, 15-ró be de kemeyalepó. <sup>19</sup> Aimó atamo mepaae *apospel* whırape betepa kilinitei Talené noma Jems betá betepa kelalepó. <sup>20</sup> Yalo i asętu betere fota kapala mei, Kótóné keletómó mo i dere ape. <sup>21</sup> Atéro betale kılipaae ti ę Siria hae kwiaró Silisia hae kwiatamopaae felepó. <sup>22</sup> Até yale sukamó Judia hae kwia dokómó betó mole Keriso fake so whıné ę kolóló kisipanipó. <sup>23-24</sup> Ténitei, yalo i ala du beterałó dere fo maté atimané wosipakalepó. Téturaalu ata, take da Keriso fake so whıtamo bóe dóló susupui ala eróo, Yesu Kerisopaae kisipa tiki tiratere alakélé doróo du betale whıteı, miómo Yesupaae kisipa tiki tiraaire fo wisi so whı feapaae yó maté kutu beterałó dere fo woseturaalu, Kótóné doi hale sóró horótu beterepó.

## 2

*Mepaae aposel whırapené Pol wisiyóló dape sale fo*

<sup>1</sup> ę ba fo 14-ró betero kemetepa, Jerusalem be huluapaae momó horalepó. Até yale sukamó Banabas damo wusuró huturaalu, Taitus-kélé dapesóró da fea horalepó. <sup>2</sup> ę atéro

feleteita, yalo kqleaané feni, Kótóné yalo kisipa tiki tuapaae i ala ene fae depa felepó. Juda meire fake so whıpaae yalo yó maté kutu betere mió wosetere kisi fo wisi etéro i ape yóló, yó melaai horalepó. Téyaleteti, ai fo so whı feapaae yó meni, Keriso so whı betó mole tuamó doi mole whırapepaae maaté yó malepó. Atéro doi mole topo whırapepaae yó melaleteti, haķe meipó. Yalo take ditu betale kutókélé, mió i ditu betere kutókélé, me bete muni nisiyóló, mepaae whırapené eratere fo yaqsóró yalepó. <sup>3</sup> ętamo betere whı Taitus ata Juda meire fake whı betereiteiné apaae ya tiki sekaę tikae yóló sęnipó. <sup>4</sup> Ti aita haķe meipó. Mepaae whırape kapalatei, norape aqyóló datamo bitu, Yesu Kerisoné yale alané da teraayóló feléyóló betere ala kikiti kelaai walepó. Aita, da wae sóró kutó diratere whı beteraai kisipa mutu, yalepó. <sup>5</sup> Até yaleteti, atimané i ala yae yóló sę du betere fo wosóló, téyaalopó dere fokélé inipó. Ti aita, noa ala yópóló kisipa mutu yaleé? Mió kale wosetere kisi fo wisi diaaq wosóló ita, mo doa bete mole fopóló dię tuamó muó tanópóló yalepó.

<sup>6</sup> Jerusalem bemó doasi doi mulapó du betere whırape-ó doi munire whıta, yalo me qła meipóló kisipa mualepó. Ti noa betené meipó. Kótóné ama dané tó tikimó ere ala kolóló, ita doasi doi mole whıpóló doi mulatere ala dumipó. Ai whırapené yalo yó male fo wosetu mo dono dapóló, atimané me fo kae beleróló inipó. <sup>7</sup> Aténi, Juda so whıpaae mió wosetere kisi fo wisi Pitané sumó yó maté konérapóló Kótónétei a sóró beteratepa, kale doasi doi mole whırapené kolóló kisipa yalepó. Até yale kaaetóró, Juda meire fake so whıpaae yó maté kweyópóló, Talené ę sóró beteraleteikélé atimané kolóló kisipa yalepó. <sup>8</sup> Ti Pita Juda fake so whı tuamó *apospel* whı bitu, Talené fo yó mótu betepa, ai

ala tuapaae Kótóné ama fotokọ bulalepó. Atétu yale kaae, Juda meire fake so tuamó *apose*l whi bitu, ama fo yó mótu betepa Kótóné ẹ fotokọ bulalepó. <sup>9</sup> Jerusalem bemó betó mole so whirapené Keriso alamó be belerapó du betere whirape Jems, Pita, Jon-sépi atimané Kótóné ama ẹpaae melale hamokoróló hãle tao sale ala kilituraalu, Banabas d̄amoné mo donoi ala dapóló kisipa mutu wisiyóló dape salepó. Atéró d̄amo Juda meire fake so whi tuapaae f́oo, atima ti Juda fake so whi tuapaae f́oo, yaairaalu d̄a fea fo k̄laaróló, wisirapóló mo bet̄a kisipatoró mualepó. <sup>10</sup> Atéró, d̄amopaae i fo bet̄a yalepó. “Diaamo fo yó maté kuturaalu, ai be huluarapemó yoleale yóló betó mole so whi tao sere alakélé hãle yó tawae,” yalepó. Ti aita, yãlo ketekẹ buóló mo taketi hãle yó tare alapó.

#### *Pol-né Pita foné sale fo*

<sup>11</sup> Téro Pita Antiok be huluapaae wóló betere sukamó, ama h̄asókó fele ala yãlo ̄apaae teraae faróló, ̄a foné salepó. <sup>12</sup> Ti noa betené meipó. Mepaae Jems-né dotonatepa wale Juda whirape waai teópa, ̄a Juda meire fake whirapetamo bitu, ̄la nukua yalepó. Até yaleteti, kale whirape Antiok bepaae wale sukamó, Pita ̄a Juda meire fake-tamo ̄la bet̄amó naleteti taaróló, kae bit̄i felepó. Até yaleteita, kale tiki sekaẹ tukóló siriró betere whirapené keletómó Juda meire fake whirapetamo ̄la bet̄amó nukupa noa kisipa muaalorópóló wituraalu yalepó. <sup>13</sup> Pitané d̄a fea Keriso fake so whi mo bet̄a alatóró erapó du bitutei, ama yale alané fake tekeyóló Juda fake kae aqróo Juda meire fake kae aqróo eralepó. Ai h̄oko ala mepaae Juda fakenékélé sya felepó. Ai h̄oko ala fakeyóló Banabas-nékélé yalepó.

<sup>14</sup> Mió wosetu betere bete mole fo wisi mupatei, atimané dere ala kae depa kilitu, atima feané keletómó

yãlo Pitapaae duraalu, “Yãta Juda whitei, Juda whiné dere alatóró ini, Juda meire fake whiné dere ala kaae du beterapó. Atéyaletimo, Juda meire fake so whipaae d̄a Juda whiné mara mole ala sya f́ópóló noatepa s̄etu betere?”

<sup>15</sup> D̄ata dowi ala dere Juda meire fake whi bitini, mo Juda fake whiné mara mole ala tuamó deyale whirape bitu, i fo d̄ané mo kisiparapó. <sup>16</sup> Whi me dené kale yóló muló betere fo mo wisiyóló sya f́óló erótu betepa, Kótóné ai whipaae yã mo donoi whipó fo yaalo meipó. Téyaalo meitei, Yesu Kerisopaae kisipa tiki tiratere ala bet̄a kilitu, Kótóné mo donoi whipó fo enérápó. Atére betené Kótóné d̄apaaekélé whi wisipó yópóló kisipa mutu, Yesu Kerisopaae bet̄a kisipa tiki tiró beterapó. Kale yóló muló betere fopaae d̄ané kisipa tiróló sya fumipó. Ti noatepae, kale yóló muló betere fo sya f́óló erótu betere whipaae Kótóné me alakélé muni, mo donoi ala dere whipó fo yaalo meipó.

<sup>17</sup> D̄a Keriso tuamó bettereteiné ama d̄apaae mo donoi so whipó yópóló wóputé fu betere tuamó d̄ané du betere dowi ala h̄akearatepa, d̄ané noa fo yaaloé? Kerisoné dowi ala wisirapa, deté fae fo enére? Mo meipó. <sup>18</sup> Kale tukóló muló betere fo aqmó sukóló betere alané Kótóné keletómó, wisi ala dere whi beteraairetei mo diripa kisipa mutu, yãlotei ai t̄u mo taaralepó. Até yaleteti, yãlo momómo duraalu, kale tukóló muló betere foné d̄a wisi ala dere whi beteraalopó depata, ti Kótóné tukóló muló betere fo yãlotei tikitapóló h̄akearatapó. <sup>19</sup> Ti noatepae, kale tukóló muló betere fo mo turó yãlo kisipa yaleteiné ẹ suk̄ale whi aqralepó. Atéreteiné, kale suk̄ale whi ai fo aqmó momó kae netéró betaaloé? Meipó. Kótóné ama ala eróturaalu, ̄tamo mo ti beterópóló, kale tukóló muló betere

foné ę dóló sukunalepó. <sup>20</sup> Ęta, Yesu Kerisotamo filipaa ni tó mó taketi sukóló i mole ape. Atéyaleteiné ę momó kae bitini, Keriso ą ę tuámó beterapó. Mió haemó i betere yało mo tikita, ti ępaae yaala sókó fóló, tao suraalu ama betere bete hałe melale whı Kótóné naalemapaae kisipa tiki tiró bertereiné i betere ape. <sup>21</sup> Ti Kótóné ama hałe hamokoróló tao sere ala, yało me bete munire ęla aleróló, dępaae mulanénipó. Ti noa betené i fo du meipó. Kale tukóló muló betere fonétamo da mo donoi so whı beteróluęsóró, ti Yesu Kerisoné ama betere bete be-sekéróló, ą hałe sukąlepó fo uąpó,”

### 3

*Yesu Kerisopaae ó tukóló muló betere fopaae diaaę tuę tiki tiró berterémóló kęae kelae*

<sup>1</sup> Kalesia hae kwiamó betó mole kisipa okokoi so whı-ó! Mé whıné hosę foné diaaę kisipa tiki feteróló, dią mo ti okokoraleé? Yało diąpaae kale fo wisi yó móturaalu, Yesu Keriso filipaa ni tó mó oleralepóló yó male fo diaaę wosóló diąné kelené mo kilitu yale kaae, ai kisipare ape. <sup>2</sup> Yało diąpaae wosetere fo betą i ape. Kale Dęi Kepe Wisi saletei-a, tukóló muló betere fo sya fele tikimó salepé, mo fo wisi wosóló kisipa tiki tiraleteiné saleé? <sup>3</sup> Diąné kisipa tiki-a, noané mo ti okokoró betere? Kaae suta, ti kale Dęi Kepe Wisiné fotokęratepa kaae saletei, kemene fole kwiapaae sókó faairaalu, mo whıné bole fotokęné sókó fenérápóló kisipa mute? <sup>4</sup> Dią Yesu Kerisopaae tuę tiki tiróló ama ala eró taremó seķei ala wapatei, me ęla meipóló hałe beleté fu betaleteimó saaire dupu hałe ęla kaae taalaai kisipa mute? Ti ai doasi seķei ala beletu betaletei bete munipa hałe yaleé? <sup>5</sup> Kótóné ama dią melale Dęi Kepe Wisiró kelemei ala eraleteitamo-a, kale yóló muló betere fo diaaę sya fele betemó melalepé, kale wosetere

kisi fo wisi wosóló kisipa tiratere alamó melaleé?

<sup>6</sup> Kale whı Abraham-paae erale ala mo wisiyóló kisipa muae. I fo aseýóló muló beterapó.

“Kótóné ąpaae yale fo mo eraalopóló kisipa tiki tirale ala kolóló, i whıta me dowi ala ini, mo donoi whıpó,” erapó.

<sup>7</sup> Térapa, mepaae so whı de Kótóné fo wosóló ąpaae kisipa tiki tiratepa, ti atétere so whı Abraham-né naale senaaletóro beterapóló kisipa muae.

<sup>8</sup> Juda meire fake so whıné Talepaae kisipa tiki tirateremó, Kótóné mo donoi so whıpó yaairetei, taketi ase mó erapó. Dąné mió i wosetu betere fo wisitóro mo take Abraham-paae itéro ipakalepó.

“I hae kwia dokómó betó mole so whı fea yaąpaae eraaitere alané wisiraalopó,” erapó.

<sup>9</sup> Atére betené mepaae so whı de Talepaae kisipa tiki tiratepa, ti kisipa tiki tiratere seķę Abraham wisirótu yale kaae, atéro kisipa tirale so whıkelé Kótóné wisirótu beterapó.

<sup>10</sup> Kótóné ama tukóló muló betere fo erótu betere alapaae kisipa tiki tiró bitinire so whı fea, ti Kótóné doratere ala aqmó ai betere ape. Ti noatepa mei, Kótóné i fo aseýóló muló beterapó.

“Mepaae so whı detamo Kótóné buk-mó tukóló muló betere fo mo fea sya fóló eró tanitepa, ti Kótóné atima mo doraalopó,” erapó.

<sup>11</sup> Ti noatepaae, kale ase mó yóló muló betere fo i ape.

“Kótóné keletómó mo donoi so whıta, ti kisipa tiki tiratere alané betą bitiré fu betenérápóló,” fo erapó.

Kótóné tukóló muló betere fo eraté fu betaleteimó, mo betą whıpaekélé Talené mo donoi so whıpó enéniretei mo haķearapó. <sup>12</sup> Ti Kótóné tukóló muló betere fo sya fóló erótu betere alata, ti kisipa tiki tiratere tuámó kaatumipó. Tétumitei, kale ase mó i ere fo kisipa muae.



“Mepaae wh̄tamo tukóló muló betere fo sya fóló erótu betepa, ti ama ai du betere ala tuamótóro ą beteraté faalopó,” erapó.

<sup>13</sup> Kale tukóló muló betere foné doratere ala d̄apaae eraqsóro, Keriso ą filipaa ni tómó sukuturaaalu, d̄a tao sóro dupuralepó. Atéturaaalu, doratere ala mo turó ąpaae eralepó. Ti noatepae, ašemó i fo erapó.

“Mepaae wh̄i de ni tómó oloratepa, ti ai wh̄i Talené mo ti mokoróló doró beterapó,” erapó.

<sup>14</sup> Abraham-paae eraalopóló mulale fo mo dokonóturaaalu, eratere wisi ala Juda meire fake so wh̄inékélé sópóló kisipa mutu, Yesu Kerisoné ama d̄a tao sóro dupuró beterapó. Atéreteita, d̄ané ąpaae kisipa tiki tiratepa, ama melaalopóló mulale D̄ei Kepe Wisi sópóló erapó.

*Kótóné folosóro i ala eraalopó ere fo melóló, nalo ti tukóló muló betere fo male ala*

<sup>15</sup> Norape-ó, ȳalo dīapaae i du betere fo bete diriyóló kisipa yaasepóló, d̄ané suka fea du betere alapaae dó faróló i dapa wosae. Mo wh̄iné dirii fo dokóló muló betepa, nalo me wh̄iné ai fo tokóló aluratere ala ó me kae fotamo olokeratere ala mo enénipó. Ȳalo dīapaae i yaai dere fokélé atére kaaetórótípó.

<sup>16</sup> Kótóné Abraham-ró ama deyaaire naaletamopaae i ala mo eraalopóló ašemó yóló muló beterapó. Kótóné ama buk-mó, “Naao deté faaire naalerapepó,” fo inipó. Ai fo ūasóro ti wh̄irape feapaae erapó fo ūapó. Ai fo ini, “Naao deyaaire naalené deté faaire naalepó,” ere fota, mo bet̄a wh̄imó kisipa mutu erapó. Ai wh̄ita, Yesu Keriso ątórótípó. <sup>17</sup> Ȳalo du betere foné bete i ape. Abraham-paae mo eraalopóló dirii fo dokóló muló betepa, 430 ba fo kemeyalepó. Atéyale k̄ilipaae kale tukóló muló betere fo sókó walepó. Nalo ai sókó wale foné Kótóné folosóro yale dirii fo tokóló alurótimpó. Ai

fotamo aluratepa, ti ai fo tuamó so wh̄ipaae eraalopó ere wisi alakélé aluranérapó. <sup>18</sup> I dere fota noa betené dumipó. Kótóné nalopaae eraalopó yóló muló betere wisi ala kale tukóló mulale fo tuamó sókó wūasóro, ti Kótóné ama eraalopó yale fo tuamó sókó wūameipó. Até yaleteti, Kótóné Abraham-paae eraalopóló ere fo mo dokonóturaaalu, hamokoróló h̄ale melalepó.

<sup>19</sup> Térapa, kale tukóló muló betere fo-a, noa betené melaleé? Ai fota, so wh̄iné du betale dowi alamó kale folosóro yale dirii fotamo touró beterapó. Ai alata, mo ti eréni, Abraham-paae eraalopó ere fo dokonóló ama deté waaire naale wópóló kaae taru erapó. Ai tukóló muló betere fota, so wh̄i feané kisipa yópóló *ensel*-rapené Kótóro so wh̄itamóné tūa wh̄ipaae melalepó. <sup>20</sup> Fake tamóné tūa wh̄iné bet̄a fake maaté tao su me fakemó taalatimpó. Tépateti Kótó ąta, mo bet̄atóróti beterapó.

<sup>21</sup> Kale tukóló muló betere foné Kótóné i ala mo eraalopó yóló muló betere fotamo bóe dóló sesétu betere? Mei, ai ala mo dumipó. Kale tukóló muló betere fonétamo mo ti betaaire bete melóluqsóro, ai foné me dowi ala munire so wh̄i beterólugpó. <sup>22</sup> Téūgtei, Kótóné buk-mó aseyóló muló betere foné i fo erapó. I haemó betóló fale so wh̄i mo fea dowi alané dokóló, *dipula* bemó kaae betero beterepó. Aita, h̄ale mei, Kótóné ama so wh̄ipaae eraalopó yale ala mo dokonóturaaalu, Yesu Kerisopaae kisipa tiró betere so wh̄ipaae melópóló erapó.

<sup>23</sup> Kisipa tiki tiratere ala h̄akearóló sókó waaipa, kale tukóló muló betere foné d̄a *dipula* kaae sóro betero beterepó. <sup>24</sup> Bet̄a wh̄i me tikipaae fimó ama naale senaale me wh̄iné kapala kaae tatu dere kaae, Kótóné kale tukóló muló betere foné ama so wh̄i d̄a Yesu Keriso beterepaae ąlisóro fópóló, kapala asiri kaae tawae yóló sóro beteralépó. Ti aita

håle meitei, ðané Yesu Kerisopaae kisipa tiróló betepa, Kótóné ða mo donoi so whi beterópóló yalepó. <sup>25</sup> Mióta, kale kisipa tiki tiratere ala sókó wóló, take kale tukóló muló betere foné ða teteróló kaae taretei, momó kae kaae tani, mo kemeró beterapó.

*Kótóné naale senaaletóro beterapóló ere fo*

<sup>26</sup> Diå fea Yesu Kerisopaae kisipa tiki tiró bettereiné Kótóné ama mo naale senaaletóro ai betere ape. <sup>27</sup> Ti noa betené mei, so whi wei kemó buó ditu dere kaae, diå fea Yesu Keriso tuåmó wei tópuró beterapó. Atéreteiné kuti derótu dere kaae, Yesu Keriso diaaå ai deró betere ape. <sup>28</sup> Atéru, Juda fake ó Juda meire fake, wae sóró kutó diratere so whi ó diå mo håle betere so whi ó diå fea fake teketu betterei me åla meipó. Mió diå fea Yesu Keriso tuåmó bitu, mo betå alatóro erapó. <sup>29</sup> Diå Yesu Kerisoné ama so whitamó betepa, ti diå Abraham-né deale naale senaaletóro bettereiné Kótóné Abraham-paae eraalopó yóló mulélipakale fo motóro dokonóturaalu, eraaire wisi ala diåpaaekélé eraalopó.

#### 4

<sup>1</sup> Yålo i du betere fo bete mo whiné dere alapaae dó faróló dapa wosae. Betå néli whiné naalema alimané teraae fele mómu åla åla fea muó mupatei, kale naale å ketepa, å kaae tare whirape aqmó bitu, ama kutó diratere whi su beterapó. <sup>2</sup> Kale naale alimané teraae fele åla åla amatei teteróló kaae tawópóló tukóló mulale be ðe sókó waaipa, ti alimané sóró betterale whirapené kale åla åla fea kaae tawaalopó. Mepaae whiné kale naalekélé kaae tapa, å ai whi aqmó bitiré fu betaalopó. <sup>3</sup> Take ða atéro ketei naale senaae kaae betale alimó, i haemó ayarapené yó maté wale mara mole alané ða teteróló kaae taru, wae sóró kutó diratere whi betteraté wou betalepó.

<sup>4-5</sup> Téyaletéi, Talené ama tukóló muló betere be ðe sókó wapa, ama naale i haemó betere soné deyópóló doteyalepó. Ai naale å kale tukóló muló betere fo aqmó betere so whi dupuraairaalu, å ai fo aqmó sukóló betalepó. Atéyale alata, ða Kótóné ama naalerapetóro bitu, ama wisi wisi åla sópóló kisipa mutu erapó. <sup>6</sup> Ti noa betené meipó. Diå fea Kótóné naale senaaletóro betepa, ama naalema Yesu betale sirimó betteraire Ðei Kepe Wisi ðané hosaa tuåmó beterópóló doteyalepó. Ai Ðei Kepe Wisi ða tuåmó bettereiné ðané kólómó Alima Kótópaae “Apa, Aya-ó” du beterapó. <sup>7</sup> Atéreteiné, mió diå wae sóró kutó diratere whi momó kae bitini, mo ama naale senaaletóro bettereiné Kótóné Yesupaae eratere wisi wisi ala, diåpaaekélé eraalo ai ape.

*Pol-né Kalasia so whimó kisipa mutu yale fo*

<sup>8</sup> Kótóné ama aleyóló muló betere åla ålatei Kótópóló aqmó sukóló betepa, ai ålarapené diå wae sóró kutó diratere so whi betalepó. Atétu betale alata kapala kótó ai ape. <sup>9</sup> Taketa atéyaletéi, mió diå mo Kótó tuårapó. Tépatéi, Kótóné ama diå mo tuårapó. Atérapa, diå ai bete munire hõko alarape aqmó betaai momó fesaae fute? Diå atimané wae sóró kutó diratere so whi momó betaai de? <sup>10</sup> Ti yålo i dere fota håle dumipó. Diaaåte mepaae be ðe mo doasi bete mulapóló, be ðrapekélé, wéliérapekélé, alirapekélé, ba forapekélé, kae tukóló mulótua dapó. <sup>11</sup> Yålo diå tao saai dapóló doasi ketekå buóló du betale ala bete munire nisi erótu betepa, yålo diåmó kisipa mutu, å mo doasi whaaliatu beterapó.

<sup>12</sup> Norape-ó, i dere fo wisiyóló wosae. Take diåné du betere ala yålo suróló du betepa, diåné epaae me sekåi ala erénipó. Atéyalepa, mió diåmó yålo du betere ala suróló du betae. <sup>13</sup> E me tikipaae faai

yaletei hepo daayóló bitu, folosóró sukamó kale mió wosetere fo wisi yálo diãpaae yó maleteti diãné ai kisi-pare ape. <sup>14</sup> Ë tikimó daayale heponé diãpaae sekëi ala eraletei, diãné ë dei kelené kólóló faletere fokélé inipó. Ai ala ini, diãné ë Kótóné *ensel* aqóróló mo wisiyóló dape salepó. Ó kale Yesu Keriso a wisiyóló dapesu dere kaae, ë mo wisiyóló dape salepó. <sup>15</sup> Diaaq take du betale doasi hekesei ala mió netéyaleé? Diãné epaae doasi kqletere ala mulu, kele sokóló me whi matere q̄la uasóró, yálo kele kisi daaleteiné diãné kele sokóló ë bulóluq̄pó. Mepaae whiné wosetepa, ti diãné epaae erale ala fea yálo enérápó. <sup>16</sup> Mió yálo diãpaae mo bete mole fo yó matereteiné ë diãné bóe whi aqórótu betere?

<sup>17</sup> Ai whirapenéta, diã atimatamo touróló beteraai dapóló, doasi keteke buóló atima mara mole alarape yae yóló setu beterapó. Tépateti, atimané diãpaae ai eraai du betere alata, mo wisinipó. Ti aita, diã dqtamo betamó betereitei tekeróló, atimané dere ala sya wópóló, du beterapó. <sup>18</sup> Mepaae wisi ala yaai, kisipa mutu butere keteq̄eta, ti doni mo wisirapó. Diã qtamo betere sukamó maaté wisi ala eraai keteke buni, ë alupa diãsis bitukélé keteke buóló, ai alatóró yó tapa, mo wisirapó. <sup>19</sup> Yálo hosaa mole naale senaale-ó, Yesu Keriso diaaq betere bete tuamó sóró beteranée yóló mutere kisipané yálo hosaa betemó dere suputa, sorape naale sisó nukuraalu dere dele kaae momómo dapó. <sup>20</sup> Diaaq du betere ala yálo wosaletiné ë sekëi kisipa muóló fomo duraalu, diã neyóló tao saaloé du beterapó. Téreteiné yálo i dere hapólui fo taaróló, ë diqtamo betamó bitu, naameiné dua uq̄póló, kisipa mutapó.

*Hekaró Seratamopaae dó faróló dere fo*

<sup>21</sup> Kale tukóló muló betere fo aqmó betaai kisipa mutu betere whirape-ó, ai fo tuamó mole fo diã wisiyóló

kisipanié? <sup>22</sup> Ti noatepae, i fo aseýóló muló beterapó. Abraham-né ama naale tamo deipakalepó. Me naale ti ama kutó dirópóló wae sale soné deyóo, me naale ti ama mo soné deyóo, ipakalepó. <sup>23</sup> Kale kutó diratere soné naaleta, ti mo sorapené naale detere kaae yólótóro dealepó. Téyaletei, ama mo soné naaleta, ti mo eraalopó yóló muló betere fo dokonóturaalu deipakalepó. <sup>24</sup> I fota take mo yale alatei, mió yálo fo sale fopaae dó faróló i dapa wosae. Ai so tamota, kale dokóló mulale dirii fo tamo s̄u sóró dapó. Me dokóló muló betere dirii fo, ti Sainai hasi fosómó kaaróló sókó walapó. Ai dirii fo so kaae bitu, wae sóró kutó diratere naale senaale ditu beterapó. Ai s̄uratere sota, Hekar-pó. <sup>25</sup> Hekarta, ti Arabia hae kwiamó daale Sainai hasipaae dó falatapó. Mió tene be hulua Jerusalem-ta, ti kale Sainai hasi fosó kaae bitu, ama naale senaale tamo wae sóró kutó diratere so whitóró beterapó. <sup>26</sup> Tépateti, me kae taoró tene Jerusalem be huluata, wae sóró kutó diratere so whi kaae mei, mo be huluapó. Aita, dq̄ deale so dq̄ané haetórótipó. <sup>27</sup> Ti noatepae, i fo aseýóló muló beterapó.

“Naale senaale deni, ni daale so-ó, fo fakeyóló hekesei fo du betae.

Naale sisó nélitere so hajné sukutu betae.

Ti noatepa meipó. Ni daapa sisópaae eró betere soné deale naale mo dekéro betóo, whitamo betere soné detere naale senaale mo teraae fóo erapó,”

<sup>28</sup> Norape-ó, diq̄ta, kale Aisak detu yale kaae, ama eraalopó yóló mulale fo mo dokonóturaalu deyale naale senaale ai betere ape. <sup>29</sup> Até yale sukamó mo whiné detere kaae yóló deyale naalené D̄ei Kepe Wisiné fotok̄né deyale naalepaae susupui ala eralepó. Até yale kaae, miókélé betq̄ alatóró du beterapó. <sup>30</sup> Téretei, Kótóné *buk*-mó noa fo aseýóló muló betere?

“Kale wae sóró kutó diratere soró ama naaletamo hókó falae,” fo erapó.

Ti noatepae,

“Kale kutó diratere soné naaleró mo soné naaletamo alimané ɔla ɔla tuámó bukuraɔsórópa, hókó falae,” fo aseýoló muló beteraþó.

<sup>31</sup> Atérapa, norape-ó, ɔata kale wae sóró kutó diratere soné deale naale senaale kaae bitini, mo soné deale naale senaaleþó ai betere ape.

## 5

### *Keriso tuámó me alané dokoni, feléýoló betere ala*

<sup>1</sup> ɔa mené wae sóró kutó diratere whi kaae, dokóló muló betepa, Yesu Kerisoné teraayóló hãle beteraleteita, ama kisipa mole ala eróþóló erapó. Térapa, mepaae whirapené ɔia wae sóró kutó diratere whi beteraitepa, ai ala tuapaae momó kae bití feni, fotokó buóló diri yóló betae.

<sup>2</sup> ɔta Pol-né ɔapa, yaalo i dere fo ɔiané mo wisiyóló wosae! Mepaae whiné ɔiapaae tiki sekaɔ tikae yóló seþere fo ɔiaaɔ wosólótamo tikitepa, ti Yesu Kerisoné ɔia tao saaire wisi ala ɔiaaɔ ai tikitere ape. <sup>3</sup> Kale yale fo momó i dere ape. Whi me dené ama tiki sekaɔ tukóþóló kisipa mutepa, ti mepaae tukóló muló betere forape fea mo turó sya fóló enérápó. Mepaae ala maaté eróturaalu, mepaae alamo erénitepa, ti tu muni, ai mo dorapó.

<sup>4</sup> ɔia mepaae whiné kale tukóló muló betere fo sya fu betepa, Kótóné me dowi ala munire so whiþó yóþóló kisipa mutepa, ti Yesu Kerisotamo tekeyóló ai betere ape. Atéturaalu, Kótóné ama hamokoróló hãle tao sere ala wisikélé ɔiaaɔ ai taaló betere ape. <sup>5</sup> Téþatei ɔata, kale ɔei Kepe Wisiné fotokɔratepa, kisipa tiki tiraté fu betereþiné take nalopaae Kótóné mo donoi so whiþó yóþóló kisipa mutu, hekesetamo i betere ape. <sup>6</sup> Ti noatepae, Yesu

Keriso tuámó bitu, tiki sekaɔ tukóló siriratere ala ó siri erénitere ala me bete munipó. Kótóþaae kisipa tiki tiratere ala ɔa tuámó moletei hãkearóturaalu, mepaae no nerapepaae yaala sókó fole ala betã mo doasi bete mole ala ai ape.

<sup>7</sup> ɔia me ɔla saai sururu yóló fóló, ɔale muló betere tikimó sókó faai yaletai némo sesé yaleé? Atéro sesétu betere alata, mo bete mole fo ɔiané wosóló sya faɔsóró, ai du betere ape. <sup>8</sup> Ti ɔiapaae ai dotopoi fo du betere fota, ɔia a betereþaae ape yale seké meipó. <sup>9</sup> Wuliné apita, sawa ɔlatei fulukó furaalu, mo wuli tiki dorótu dere kaae, ai whirapené ɔiapaae yó matere foné ai du betere ape. <sup>10</sup> ɔia me kae fo woseni, yaalo i dere fo betã wosóló sya faalopóló e Tale tuámó bitu kisipa tiratapó. Mepaae whi de doasi doi mole whi ó doi munire whiné ɔiaaɔ tué tiki kóló kólóratepa, atétere whi doasi dowi kwia saalo ai ape. <sup>11</sup> Norape-ó, yaalotamo tiki sekaɔ tikae fo ɔepa, ti atimané epaae susupui ala noatepa hãle erótu betere? Yaalo atei kaae fo yó meluɔsóró, Yesu ni tómó sukãlepóló yó matere fo wosetere hóróló sisóþaae eratere ala uameipó. <sup>12</sup> ɔia kóþaae falaai du betere whirapeta, atimané tiki sekaɔ tukóló siriratere ala maaté ini, mo turó tukóló taae fatepa ti mo wisirapó.

<sup>13</sup> Yaalo no nerape-ó, me ɔlané ɔia dokóló muló betaɔsóró, teraae fóló hãle betereþóló, Kótóné a betereþaae ape yaleþó. Atéro teraaeyóló hãle betereþ beteraþa, ɔiaaɔ tó tikiné ekelere dowi ala yaaire te melaɔse. Aténi, ɔia tuámó yaala sókó fole ala duraalu, u taosu i taosu dere ala betã yó tawae. <sup>14</sup> Kale tukóló muló betere forape mo fea i doasi fo tuámó bulapó. Ai fota i ape.

“Naaotei ya yaala sókó fu dere kaae, naao be whi no nepaaekélé atéro yaala sókó fu betae,” erapó.



<sup>15</sup> Ai ala ini, yuwitamo hõle suraalu u tukósu i tukósu dere kaae depata, ti atétere alané diaaõtei diã dóló kemeraõsóró, mo hotowa yóló kaae tawae.

*Dõi Kepe Wisiné fotokõró betepa dã betepapó ere fo*

<sup>16</sup> Térapa, yãlo i dere fo wosae. Kale Dõi Kepe Wisiné yae dere ala sya fóló erótu betae. Atétepa, ti diãné tó tikiné ekõle yóló yaai du betere dowi ala mo yaalomeipó.

<sup>17</sup> Ti noatepae, ðané tó tikiné ekõle yóló du betere alané kale Dõi Kepe Wisiné eraai dere alatamo bõe du betepapó. Kale Dõi Kepe Wisinékelé ama ala eraairaalu tó tikiné eraaire alatamo bõe du betepapó. Ai ala tamo atimaamotei bõe dupa, ti diãné tó tikiné ekõle yóló yaaitere ala mo enénipó. <sup>18</sup> Tépatèi, Dõi Kepe Wisiné ama erae dere alatamo naao sya fóló du betepa, ti kale tukóló muló betere foné tẽteróló kaae tare aõmó yã betenipó.

<sup>19-21</sup> Tó tikiné ekõle yóló du betere alarape so whi feané kisiparetei dosãatapa wosae. Nópu nokole alakélé, me dowi alatamo hoseké dere alakélé, enénire mo sonaalei dowi alakélé, kapala kótó ó mepaae alarapepaae kisiãa tirótu betere alakélé, isi whiné du betere alakélé, mepaae so whitamo dei kisiãa mutu, hamoma hõratere alakélé, hõle sere alakélé, me whiné dere ala kilitu, ekélé até enée yóló dei kisiãa mutere alakélé, mo dowi fopaae butere alakélé, doasi doi mole so whipó yópóló du betere alakélé, mo turó so whi betepatei mepaae tóróti so whi fake tekeyóló betere alakélé, fake tuãmó teketerere alakélé, mepaae whiné dere wisi ala kilitu, ekélé até uãpóló dei kisiãa mutere alakélé, dowi wei nólo topo dotere alakélé, so whi fea touróló bitu dowi wei nólo du betere dowi alakélé, ai dosãayale alarapekélé, mepaae dosãani yale dowi alarapekélé, tó tikiné ekõle yóló du betere ala ai ape. Diã dowi

tupaae faõsóró, yãlo diãpaae take yale ma fo kaae momó i dapa wosae. I dosãayale dowi ala du betere so whi Kótóné tẽteróló betere ala tuãmó beterenipó.

<sup>22-23</sup> Tépatèi, niné du wisi oletu dere kaae, Dõi Kepe Wisi so whi tuãmó bitu, i alarape erótu betepa kelaalo ai ape. Ne nopaae yaala sókó fole alakélé, hosaa tuãmó hãitu betere alakélé, hosaa muni deyóló mo dua betere alakélé, mené sekõi ala eratepatèi me õla meipóló, Kótóné ama kisiãa mole ala erópóló, kaae tawóló dua betere alakélé, wisi kisiãa muóló kõlené sukutere alakélé, mepaae so whipaae wisi ala eratereteikélé, mepaae whiné ama eraalopó dere ala hãsókó feni, motóró eratereteikélé, naameyóló mo dua betere alakélé, whiné tó tikiné enée dere ala yaõsóró amatei ã tẽteróló kaae tareteikélé, i dosãayale alarape mo betãkókélé Kótóné ama tukóló muló betere foné yaõse yóló fo muló bitinipó. <sup>24</sup> Yesu Kerisoné ama dape sóró beteró betere so whiné tó tikimó bole ekõleró kisiãanètei senée dere alatamo alurópóló, ãtamo filipaa ni tómó oleró betepapó. <sup>25</sup> Dã betere beteta, kale Dõi Kepe Wisióró ai ape. Térapa, ãtamo betãmó titiyóló furaalu, ama dere ala sya fóló yaalopa siépe. <sup>26</sup> Ðanétei õta, doasi doi mole whipóló bopé fake dere alakélé, me whi dowi kisiãa muópóló sesemeratere alakélé, mepaae whiné mole wisi wisi õla kilituraalu, ekélé ai ala enée yóló, u só derótu i só derótu dere alakélé, i dosãayale alarape fea ðané yaõse yóló i dere ape.

## 6

*Dowi ala dere whi tu wisipaae fõpóló tao sae ere fo*

<sup>1</sup> No nerape-ó, mepaae whiné du betere dowi ala diãné kelené keletepa, Dõi Kepe Wisiné yae dere ala sya fu betere so whiné ai whiné ama dere dowi ala taaróló, wisi ala

momómo yóppóló dua naamei ma fo yae. Tétutei, ai alané diákélé dée nalaairaalu sū sere ala eraqsóro, hotowa yóló kaae tawae. <sup>2</sup> Yesu Kerisoné yae yóló muló betere fo eróturaalu, diā tuāpaae wou betere sekēi ala diāsisi u taosu i taosu du betae. <sup>3</sup> Me whī ā me bete muni-patei, ama kisipanē ā doasi doi mole whīpó du betepa, ti ā amatei dilikitu beterapó. <sup>4</sup> No nerape-ó, diāné ai du betere alata wisi ala dépé, dowi ala déro diaaṭtei kaae kolóló taleyae. Mepaae whīrapenē du betere ala kolósu naao dere ala kolósu yóló kaae kelaṭse. Aténi, naao ditere kutó betā kaae kolóló wisirapóló kisipa mutupa, ti ya hēkeseturaalu haīyóló betenérápó. <sup>5</sup> Ti noatepae, Talenē dā betā betā so whīné diyóppóló tukóló muló betere kutó dekani, ai kutó amatóro ditē fu beteróppóló yae.

<sup>6</sup> Mepaae Talenē fo yó matere whīné yó matere fo wosetu betere so whīné wisi wisi ḡla, mepaae bukóló kale fo yó matere whī āmo tao sóro matepa mo wisirapó.

<sup>7</sup> Mené diā dilikitere ala yaqsóro yae. Mo betānekélé Kótó faletere ala mo enénipó. Ti noatepae, mepaae whīné noa ḡla wae bilitepa, ti ama ai bilitere ḡlatóro ḡlumétepa sua dapó. <sup>8</sup> Mepaae whīné tó tikinē felé yaaitere ala sya foletiné ḡla wae kaae bilipa, ti tó tikimó kaaróló mo ti doróló aluyaaitere ala saalo ai ape. Mepaae whīné Dēi Kepe Wisiné ama du betere ala wisi kolóppóló erótu betepa, ti Dēi Kepe wisiné ai whīmó mo ti betó tawaaire bete melaalopó. <sup>9</sup> Dāné du betere wisi ala hōyóló taarēni, hāle detétóro fu betae. Ti noatepae, dāné du betere alatamo hāle yó tapa, ti ḡla ḡlumétere alimó ḡla wisi su dere kaae yaalopó. <sup>10</sup> Térapa, so whī mo feapaae dāné wisi ala erótu tao saaire tū mupa, ti tao saalopa siépe. Téturaalu, Talepaae kisipa tiki tiróló betere so whīta, ti dāné ne no mo betā fakétóro bettereiné atima wisiyóló

tao senérápó.

*Tiki sekāe tikitere alata doasi bete muni, Keriso sukāle ala betā ti doasi alapó*

<sup>11</sup> Diāpaae i ḡlatere aṣeta, yaḡlo naasenétei mo doasi yóló ai erapa kelae.

<sup>12</sup> Tó tikimó ere ala kilitu, whī wisipóló dukiraterere fo wosaai ekēle du betere whīrapenē diāpaae tiki sekaṭ tikaē yóló dotopo du beterapó. Ti ai du betere alata, hāle mei, Yesu Keriso filipaaró betere ni tómó sukālepóló yó mótu bettereimeimó, atima susupui ala eraqsóro kisipa mutu ai du betere ape. <sup>13</sup> Ai kale tiki sekaṭ tikire whīrape atima Kótóné tukóló muló betere fo feamo betere dokḡ sya fóló erótumipó. Téterei, atima ere kaae, diákélé tikimó siriratepa, atimané dere fo betā wosetapóló, atima bopé fake yaai kisipa mutu ṣetu beterapó. <sup>14</sup> Yaḡlo dere alamó ē bopé faketuraaalu, yaḡlotei yaḡlo doi hale sóro horatere ala yaalomeipó. Aténi, dā tēteróló kaae tare whī Yesu Keriso oleró betere filipaa ni betā kisipa muóló, ita mo doasi bete mole alapóló bopé fake yaalopó. Ti i haemó yó mole ḡla ḡla fea ni tómó oleróo, yaḡlo ai ḡla ḡlarape saai ekēle yaqsóro ēkélé ai ni tómó oleróo yalepó. <sup>15</sup> Tiki sekaṭ tikitere ala, ó tikinire alata, me bete munipó. Mo bete mole alata, ti Kótóné ama kae kisi kaaró betere ala betā mo bete mulapó. <sup>16</sup> Ai ala wisi sya fu betere so whī feapaae Kótóné hosaa muni deóló mo dua betere alaró kōlené sukóló tao sere alatamo eróppóló yae. Atére so whīta, Kótóné ama naale senaale Israel fake ai ape.

<sup>17</sup> Yaḡlo mo kemerótu dere fo i ape. Yesuné ama ala erateremó erale sirirape betā yaḡlo tikimó mulapa, mepaae whīné ē eróturaalu, dere kae kae sekēi ala mo sūpa taalae.

<sup>18</sup> No nerape-ó, dā tēteróló kaae tare whī Yesu Kerisoné hamokoróló hāle tao sere ala diāné kepe bete

tuꞥpaae eróπόλό yae. Mo kée.  
Téyόπόλό yae!

## Efesus

<sup>1</sup> Ẹta, Kótóné ama kisipa mole ala sya furaalu, Yesu Kerisoné fò erḗle fae yóló doteyale whi *aposel* Pol-né dapó. Yálo i dere aṣeta, diḗ Efesus be huluamó Talené kae sóró beteró betere so whi Yesu Keriso tuḗmó bitu, ama ala eró tare so whipaae dapó. <sup>2</sup> Dḗné Aya Kótóró dḗ tḗteróló kaae tare whi Yesu Kerisotamoné ḥḗle hamokoróló tao sere alaró hosaa muni deyóló mo dua betere alatamo diḗ tuḗpaae eróppóló yae.

*Keriso tuḗmó betepa Dḗi Kepe Wisiné ḥḗle mótu betere ala*

<sup>3</sup> Dḗ tḗteróló kaae tare whi Yesu Kerisoné Alima Kótóné dḗ hepen bemó naalema tuḗmó betepa kilitu, ama hepen be tuḗmó muó mole wisi wisi ala dḗné kepe bete tuḗpaae eró beterapó. Atérapa, Kótóné ama doi betḗ ḥḗle sóró horótu betae. <sup>4</sup> Ti noatepae, i haeró yó mole ḡlatamo aleyaai teópatei, dḗ ama keletómó me dowi alakélé ini, mo kae so whi beteróppóló, dḗ ama so whipóló sókó sóró Yesu Keriso tuḗmó beteralepó. <sup>5</sup> Atéreteita ḥḗle meipó. Dḗ betaaipatei dḗpaae yaala sókó furaalu, ama kisi-pane yaaire ala ḥḗsókó feni, motóró dokonóturaalu, Yesu Kerisoné yale alanétei, dḗ Kótóné ama naale senaaletóró aleróló beteraaire ala ama taketitei tukóló munélipakalepó. <sup>6</sup> Dḗ atéroró ama yaala sókó fale naale tuḗmó betepa, ama mo kae ere dḗ fḗane hamokoróló tao sere ala dḗpaae ḥḗle meló betereteiné, ama doi betḗ ḥḗle sóró horótu betae. <sup>7-8</sup> Dḗ ḗ tuḗmó betepa, Kótóné ama ḥḗle hamokoróló tao sere ala mo ti fḗaneteiné, dḗné yale dowi alamó melaai yale kwia ama tokóló aluróturaalu, ama fḗkené dḗ dupuróló beteralepó. Ai ala tómó tuḗ tiki fosó fosóre alaró fò bete diriyóló tuḗ dere alatamo mo turó melalepó.

<sup>9</sup> Atéroró, ama eraai kisipa mole ala kinóló moletei, dḗné kolóló tuḗ yóppóló ḥḗkeamó yó melalepó. Ai yó melale alarape mené ḗpaae yae yóló ṣeni, mo ama kisipa mole alatóró naalema Yesu Kerisoné eróppóló yalepó. <sup>10</sup> Ai alarape teó erótu bitutei, ama eraaire ala fea eraté fóló kemerḗle furaalu, ama tukóló mulale sukamótóró ó hepen bemó betó mole so whiró i haemó betó mole so whitamó fea betḗpaae touróló, betḗ topo whinétóró tḗteróló kaae tapa, ḗ aḡmó beteróppóló eraalopó. Ai sekḗta, ti Yesu Kerisotórotipó.

<sup>11</sup> Dḗ ḗ tuḗmó betepa, ama sókó sóró kae beteró betereteita, ḥḗle meipó. Mo taketi fea ala ama mo eraalopó yóló mulaletei motóró dokonóturaalu, dḗ mo ama naale senaaletóró beteraai tukóló mulalepó. <sup>12</sup> Atéyaleteita ḥḗle mei, Yesu Kerisoné dḗpaae wisi ala eraalopóló, folosóró ḗpaae kisipa tiró betere so whi dḗ mepaae so whiné kilitu, Kótóné ama kae ere dḗ wisinaale erapa kelae, yóló ḗ dukiróppóló erótu beterapó. <sup>13</sup> Diḗ aluyaḡsóró tao saaire mó bete mole fo wisi wosetepa, Kótóné diḗkélé dḗtamo touróló Yesu Keriso tuḗmó beteralepó. Ti ḗpaae kisipa tiki tiratepa ama so whipóló, diaḗḡ tikimó mo dirii siri mulóturaalu, ama melaalopóló tukóló mulale Dḗi Kepe Wisi mo melalepó. <sup>14</sup> Ai Dḗi Kepe Wisi melaleteita, take Kótóné dḗpaae wisi ala mo eraalopóló kisipa muḡppóló melalepó. Kótóné ama dupuyale so whi mo wisiyóló betaaire tikipaae dapesó faai ḥḗle betepa, kale Dḗi Kepe Wisi dḗtamo ḥḗle betótóró tawaalopó. Tépa, so whiné ai ere ala fea kilitu, ita Kótóné mo kae ere dḗ wisinaale erapóló, ama doi doasi mulaalopó.

*Pol-né Talepaae mo kée yóló moma yale ala*

<sup>15</sup> Atére betené diḗ Yesu Kerisopaae kisipa tiki tiró bitu, Kótóné ama kae beteró betere



so wh̄ipaae yaala sókó furaalu, wisi ala erótu beterapó depa yalo wosalepó. <sup>16</sup> Atéyale sukamó kaae sóró, Talepaae mo kée yóló, yalo diámó momaraté wou betere ala kisipa keteréni, miókélé h̄ale yó tarapó. <sup>17</sup> Yalo diámó momarótu betere ala i ape. D̄a t̄eteróló kaae tare wh̄i Yesu Kerisoné alimata, mo kae ere d̄e f̄aane Kótó beterapó. Atére Kótóné diaaḡ kepe tuḡpaae fosó fosói ala eróo, kinó betere ala h̄akearóo, yóppóló momatu beterapó. Aita h̄ale mei, ḡ etei kaae Talepóló diḡné kisipa deté f̄óppóló dapó. <sup>18-19</sup> Yalo momarótu betere ala me i ape. Kótóné ama ere d̄e diaaḡ hosaa tuḡmó daale kelené kolóppóló dapó. Take diḡpaae eraalopa ape yóló bope yale ala wisi diaaḡ kelené diriyóló kolóló tuḡ yóo, take ama d̄e tuḡmó betaai dape saalopóló kisipa mutu, kae beteró betere so wh̄ita, Kótóné ama ke bole ḡla wisipóló tuḡ yóo, d̄a ḡpaae tuḡ tiki tiró betere so wh̄i tao sóró eratere mo kae bole fotokḡkélé kisipa yóo, yóppóló momarótu beterapó. <sup>20</sup> Ti ai fotokḡta, Yesu Keriso mo ti suk̄aletei Kótóné ama momó kepaaróló betemale doasi fotokḡ kaae ai ape. ḡ atéró kepaaróló, hepen be ere tikimó ama turu naase d̄emó betemalepó. <sup>21</sup> ḡ betemale tikita, t̄eteróló kaae tare alakélé, ama t̄eteróló kaae tare tuḡmó me wh̄ipaae t̄eteróló kaae tawae yóló, sóró beteratere alakélé, doasi fotokḡ bole alakélé, doasi hae kwia t̄eteróló kaae tare alakélé, mió i alimókélé, take be-taaire alimókélé, doasi doi matere alarape fea Yesu Kerisoné ama doi mole alané t̄eteróló mo ti teraae falapó. <sup>22</sup> Fea ala feata, Kótóné Yesu Kerisoné t̄eteróló kaae tare aḡmó beteróppóló eróo, ama so wh̄iró atima tao sóró eratere alatamo fea amatóro t̄eteróló kaae tanóppóló topo wh̄i sóró beteróo yalepó. <sup>23</sup> Ai so wh̄ita, mo ama tikitóro daaleteiné fea ala du betere tuḡpaaekélé, kae kae ere ala tuḡpaaekélé, ama tikimó ere alatóro

f̄ayóló s̄uró beterapó.

## 2

### *D̄a Yesu Kerisotamo kepaaróló betemale fo*

<sup>1</sup> Ti take Kótóné yóló muló betere fo diaaḡ tukóló du betale dowi ala tuḡmó sukóló molepó. <sup>2</sup> Take diḡta, i haemó mole kae kae du betere ala sya fóló yóo, tó s̄a tuḡmó t̄e mole tiki t̄eteróló kaae tare kepené dere ala sya fóo du betalepó. Ai kepete, miókélé Kótóné fo tikitu betere so wh̄i tuḡmó bitu, ama kisipa mole alatóro eróppóló du beterapó. <sup>3</sup> Take d̄akélé fea ai ala du betere so wh̄itamo bitu, tó tikiiné ek̄leyóló dowi ala yó tarepó. Atéturaalu, tó tikiiné yaai h̄ekesetere alaró mo hae wh̄iné mole tuḡtamo maaté sya fu betalepó. Atétu, so wh̄i mo wh̄iné detu dere kaae, d̄akélé atéreteiné Kótó ḡ fopaae butu melaaire kwia senére so wh̄i beterepó. <sup>4-5</sup> D̄ané yale dowi alané d̄a sukóló mupatei, Kótó ḡ tuḡmó k̄olené sukutere ala mo f̄aanuraalu, ama d̄apaae mo doasi yaala sókó faleteiné, Kótóné so wh̄i t̄eteróló kaae tare wh̄i Kerisotamo d̄akélé kepaaróló betemalepó. Até yale alata, amatei diḡ h̄ale hamokoróló tao salepó. <sup>6</sup> D̄a atéró, Yesu Keriso tuḡmó betereiné Kótóné ḡ kepaaróturaalu, d̄akélé ḡtamo bet̄amó kepaaróló, Kótóné ama t̄eteróló kaae tare tiki hepen-mó Yesu Keriso sóró beteróturaalu, d̄akélé ḡtamo bet̄amó betemalepó. <sup>7</sup> Ti aita h̄ale mei, d̄a fea Yesu Keriso tuḡmó betereiné nalo bitiré faaire alimó Kótóné d̄apaae yaala sókó furaalu, ama h̄ale hamokoróló tao salepó. Ai ala tuḡmó mo doasi ke boletei yó maté fu betepa d̄ané kolóló kisipa yóppóló erapó. <sup>8</sup> Ti noatepae, diaaḡ tuḡ tiki tiró betere ala kilituraalu, Kótóné ama h̄ale hamokoróló diḡ tao salepó. Ti diḡnétei diḡ tao sere ala ini, Kótóné ama tao sere ala diámó h̄ale malepó. <sup>9</sup> Ti aita, noa betené meipó. Me

whiné ama erale wisi alané yalepóló, bopé fake yaqsóro yalepó. <sup>10</sup> Dá Yesu Keriso tuámó betepa, Kótóné ama fosó fosói kisipané dā kisi whi aleróló beteralepó. Atére beteta, Kótóné ama yaai kisipa mole ala wisi dāné erópóló, mo taketitei taleróló munélipakalepó.

*Keriso tuámó mo betā faketéro aleró beterapó*

<sup>11</sup> Térapa, take diā Juda meire fake deóló betepa, tiki sekaē tukóló siriró beterapó du betere whirapené duraalu, dāta tiki sekaē tikipatei, diā tikinipóló só deróló erótu betere fo diaaē ai i kisipare ape. Ti tiki sekaē tukóló sirirótu betere alata, mo whiné naasenéte i erótu beterapó. <sup>12</sup> Diā atéro betale sukamó Yesu Kerisotamo betāmó bitini, kae betale ala kisipa muae. Israel hae talerapené diā atimatamo touné waqsóro sesétepa, diā wale so whitóró bitu, Kótóné ama so whi tao suraalu, eraalopó ere ala wisi senére so whi bitinipó. Diā atéro bitu, take waaire be demó dāpaae i ala wisi mo eraalopóló tuékélé muni yóo, i haemó bituraalu Kótóné dā tēteróló kaa tarapó tuékélé muni yóo, eretei diaaē kisipa muae. <sup>13</sup> Ti taketa, diā mo tika kae betaleteti, ama fākené dupuyóló dapesó wóló, Kótó betere felekemó Yesu Kerisotamo betāmó beteralepó.

<sup>14</sup> Ti Yesu Keriso āta, hosaa muni deyóló dua betere bete Tale ereteiné so whi tekeyóló fake tamo betepa, bóe amatei firóló mo betā faketéro beteralepó. Téturaalu, ai fake tamo tuámó ere satāle fisikóló taae faralepó. <sup>15</sup> Atéro fisikaleteta, ama tikimó erale alané kale tukóló muló betere fokélé, ai fo tuámó mole forapekélé, etéro yae dere forapekélé fea tokóló aluralepó. Ama yaai kisipa mole alata ai tamo fake ā tuámó mo betā whitóró aleróló, bóe mo ti firai yalepó. <sup>16</sup> Ai kale betā tiki tuámó fake tamo wusuró betepa, ama filipaa ni

tómó erale alané Kótótamo bóe du betaleteti, touróló betāmó beteroó, kale fake tamo du betale bóekélé kemeróo yalepó. <sup>17</sup> Atéro ā wóló, diā saletómó betó mole so whiró, felekemó betó mole so whitamopaae bóe dele ala taaróló, dua betae yalepó. <sup>18</sup> Ti noatepae, dā fakeró diā faketamo fea touyóló Yesu Keriso tuámótóro bitu, Alima beterepaae sókó faaire alata, Dēi Kepe Wisiné betā fotokqratepa fenérápó.

<sup>19</sup> Ti taketa diā kelepa kilini, wale so whi betaleteti, mió diā Kótóné so whitamo touyóló be taletóro alé fóló, mo ama naale senaale beterapó. <sup>20</sup> Kótóné ama naale senaale betere beta, hāle hae tómó tēnipó. Ai be diriyóló daalópóló, mo diri eleké biliyóló, ai tómó be tētu dere kaae, *apotel* whiraperó Kótóné ama fo eratere qóló whirapetamo ti be iru eleké kaae deyóo, Yesu Keriso āta, mo doasi hulua yapo eleké kaae deyóo, erapó. <sup>21</sup> Be tētere qā qā fea hulua elekémó beleróló be diriyóló daalatu dere kaae, Talené ama yale alané dā fea ā tuámó touróló bitu, ama mo kae tēne momatere be daalópóló tēté hutu beterapó. <sup>22</sup> Atétu dere kaae, diākéle fea ā tuámó betereiteiné Kótó ā betaaire be wisi daalópóló tēté hutu beterapó. Atéro tētere bemó Dēi Kepe Wisi betereiteiné Kótó ā beterapó.

### 3

*Pol Juda meire fake tuámó kale fo wisi yó mótu betale ala*

<sup>1</sup> Atéreteiné ēta, diā Juda meire fake so whipaae Yesu Kerisoné fo wosópóló, erótu betepa *dipula* sóro beteroó betere whi Pol-né dapó.

<sup>2</sup> Kótóné ama hāle hamokoróló tao sere ala diā feané tuē yópóló, ēpaae tēteróló kaae tawae depa, kaae tarapó dere fo diāné wosetu yalepó. <sup>3</sup> Kótóné ama diā feapaae mo eraalopó yóló mulale ala take so whi feané kolóló tuēni, kinóló moleteti Kótóné ēpaae hākearóló yó

matepa, diɓpaae sawa haɓkeróló ai aseɓyalepó. <sup>4</sup> Atéyalepa, yaɓo i dere fo diɓné dosɓaturaalu, Kótóné ama so whi tɛteróló kaae tare whi Kerisoné yale ala kinóló mole bete yaɓo tuɛre kaae, diɓnékélé tuɛ yaasepóló dapó. <sup>5</sup> Ti ai beteta, mió Deɓi Kepe Wisiné Kótóné ama kae betero betere *apospel* whiraperó Kótóné ama fo eratere kóló whirapetamopaae yó male kaae, mo take bitiré wale whirapepaae haɓkearóló yó menipó. <sup>6</sup> Ti ai kinóló mole ala i ape. Juda meire fake so whiné kale mió wosetere kisi fo wisi wosóló, Yesu Keriso tuɓmó betepa, Kótóné ama Israel so whipaae melaalopóló tukóló muló betere ɓla, Juda meire fake so whinékélé sóo, diɓ ai Juda faketa mo betɓ tikitóro daayóló betoo ereteiné, atimapaee eraalopóló muló betere ala diɓpaaekélé eratepa sóo yaalo ai ape.

<sup>7</sup> Kótóné ama bole fotokɓ haɓkearóturaalu, ama hamokoróló tao sere ala ɛpaae haɓe melalepó. Atéreteiné mió kale wosetere kisi fo wisi yaɓo yó melópoló, ɛ ama kutó diratere whi sóro beteralepó. <sup>8</sup> Mepaae Kótóné so whi betó mupatei ɛ betɓ doi muni, mo belei sókótei betepa, Kótóné ama haɓe hamokoróló tao sere ala eróturaalu, ɛpaae i kutó dirae yóló melalepó. Ai melale kutóta, Juda meire fake so whipaae Yesu Keriso tuɓmó mole mo doasi ke bole ala wisi turó yó melópoló ɛ sóro beteralepó. <sup>9</sup> Tétu, i haeró yó mole ɓla ɓlatamo kaarale Kótó tuɓmó, take bitiré wale alimó kilini kinó betere ala bete mió so whi feané tuɛ yópoló, ɛpaae kaae tawae yóló ɛ sóro beteralepó. <sup>10</sup> Ama yaai kisipa mole alata etéropó. Mió ama fake so whi tuɓmó erótu betere alané hepen ere tikimó betó mole tɛteróló kaae tare keperó fea ala tɛteróló kaae tanópoló male fotokɓtamóné Kótóné ama kae kae ere fosó fosói ala haɓkearatepa tuɛ yópoló erapó. <sup>11</sup> Atéyaleteita, mo taketi Kótóné ama eraalopóló tukóló

munélipakale ala da tɛteróló kaae tare whi Yesu Keriso tuɓpaae erale alané dokonó beteralepó. <sup>12</sup> Atéro ɓ tuɓmó bituraalu, ɓpaae kisipa tiki tiró betereiteiné Kótó beterepaae faaire tu mené sesénipa, halaainé fó betɓ yae. <sup>13</sup> Térapa, diɓ tao su betere alamó ɛpaae i erótu betere sekɛi alarape kilituraalu, diɓ fomo yóló haepaae derepaɓse. Ti noatepae, ama kae ere de wisinaale diɓné mo saaireiteiné ai sekɛi alarape erótu beteralepó.

### *Efesus so whimó mamarale fo*

<sup>14-15</sup> Aya Kótóné ama ai doasi wisi ala eró betereiteiné ɛ bukutiri teɓro bitu, diɓmó momarótu i betere ape. Ti ó hepen bemó betere naale senaaleró, i haemó betere naale senaaletamó feané Aya ɓ betɓ beteralepó. <sup>16</sup> Atére Aya betere felekemó bukutiri teɓro bitu, momatu betereitei i ape. Mo kae ere ala wisinaale ɓ tuɓmó faɓnuraalu, diɓné kepe bete tuɓpaae ama Deɓi Kepe Wisiné fotokɓ bulópoló momarótu beteralepó. <sup>17</sup> Atéreteiteita haɓe meipó. Diɓ ɓpaae tuɛ tiki tiró betepa, Yesu Keriso ɓ diɓné hosaa tuɓmó betero poló kisipa mutu dapó. ɓ atéro betepa, ni feleke haepaae doropóló diriyóló daatu dere kaae, diɓ Kótóné ama yaala sókó fole ala tuɓmó betero poló dapó. <sup>18</sup> Diɓro Kótóné wisiróló kae betero betere so whitamo fea ama bulatere fotokɓné Kerisoné daɓpaae doasi yaala sókó fole ala mo turó diriyóló tuɛ yópoló dapó. <sup>19</sup> Ti ai yaala sókó fole bete turó da mo whiné tuɛnitei diaaɓ tuɛnékélé, hosaa tuɓmókélé mo diriyóló tuɛ duraalu asa yópoló dapó. Até duraalu, Kótó ɓ tuɓmó faɓayóló sure kaae, diɓ tuɓmókélé faɓayóló surópoló momarótu beteralepó.

<sup>20</sup> Ti da tuɓmó ama erótu betere fotokɓnétei, dané kisipané eranée dere alaró moma duraalu wosetere alatamo ama sumó eranérapó. <sup>21</sup> ɓ atei kaae whi betereiteiné, da Yesu

Keriso tuꞡmó ama fake so whi bitu, ama doi wisinaale mió i alimókélé, take betaaire alimókélé, hale sóró horaté fu beterópóló yae. Mo kée! Téyópóló yae!

#### 4

*Yesutamo olekeyóló mo betꞡ tik-  
itóró daale ala*

<sup>1</sup> Ẽta, Talené ala erótu beteremó *dipula* beteratepa bitu, yꞡlo diꞡpaae ma fo i dapa wosae. Diaaꞡ du betale ala taaróló, Talené ꞡ beterepaae ape depa wóló, ama so whitóró beterapa wisi ala betꞡ erótu betae. <sup>2</sup> Talené ama tẽteróló kaae tare aꞡmó bitu bopé faketera ala ini, ama eraai kisipa mole ala erópóló, naaotei yꞡ tẽteróló mo dua betae. Téturaalu, naao no netamo naameyóló dua bitu, me hꞡsóké fole ala ó me sekẽi ala eratepa hapale tokó meni, mo dua kaae taté fu betae. <sup>3</sup> Téturaalu, kale Dẽi Kepe Wisiné diꞡ Keriso so whi fea mo betꞡ kisipatóró mulóló beteró beteretei, diꞡné doróló fake tekeyaꞡse. Aténi, hosaa muni deyóló mo dua betere alané diꞡ fea dokóló mo betꞡ faketé róo beterópóló yae. <sup>4</sup> Diꞡpaae eraalopó yale wisi ala saai ape depa yale haꞡta, mo betꞡ haꞡtóró mulure kaae, dꞡ fea mo betꞡ tikitóró daayóo, Dẽi Kepe wisikélé betꞡtóró betóo erapó. <sup>5</sup> Atéru, dꞡ tẽteróló kaae tare Tale betꞡtóró betepa, ꞡpaae tuẽ tiki tiraterer alakélé, ama doimó wẽi tóputere alakélé, mo betꞡtóró erapó. <sup>6</sup> Dꞡ tẽteróló kaae tare Kótóta, betꞡtóró betepa dꞡ fea ama naale senaale beterapó. Atéru, fea ala amatóró tẽteróló kaae tawóo, mo take bitiré wale alimókélé, mió i alimókélé, take nalo waaire alimókélé, deté fu betere ala fea ꞡ tuꞡmótóró yóo, mepaae ere ala tuꞡmókélé ꞡtóró betóo, erapó. <sup>7</sup> Atéꞡpatei, Yesu Kerisoné ama kisipa mole ala sya furaalu, ama hamokoróló hꞡle tao sere ala dꞡ feamó dokóróló melalepó. <sup>8</sup> Atére betené Kótóné i fo asẽyóló muló beterapó.

“ꞡ kepaayóló mo ópaae huturaalu, wae sóró ama kutó diraterer whirape naase tamo dokóló dapesó furaalu, mepaae wisi wisi ɔla ama fake whirape ꞡliróló melalepó,” erapó.

<sup>9</sup> Ti ꞡ “Ópaae holalepó” dere fo noa betené dérópóló, diꞡ kꞡló kꞡló yaꞡsóró i dapa wosae. “Ópaae holalepó” dere fota, folosóró ꞡ mo haepaae derepelepó. <sup>10</sup> Até ró, kepaayóló momó ópaae huturaalu, fea tiki ꞡtóró sꞡróló, hepen berapekélé tẽteróló, mo ó taoró beterale sekẽta me kae mei, kale hae aꞡpaae derepele whi ꞡtórótípó. <sup>11</sup> Atéturaalu, ai sekẽné amatóró i kutórape taleróló malepó. Mepaae whirape ama fo erꞡle fópóló *aposel* doi melóló sóró beteróo, mepaae so whi Kótóné ama fo eraterer kꞡló whi sóró beteróo, mepaae so whi ti Kótóné fo wosenire so whi yó melópóló sóró beteróo, mepaae ti Kótóné so whi tẽteróló kaae tare *pasta* whi sóró beteróo, mepaae ti kale fo wisi yó matere whi sóró beteróo, erapó. <sup>12</sup> Atéyaletaita, Kótóné ama so whiné mepaae so whipaae eraaire wisi ala etéró yae yóló yó maté fu beterópóló, yalepó. Atétere alané ama so whi Kerisoné tikitóró daayóló mo dirii so whi beteraté fenérapó. <sup>13</sup> Atétu, dꞡ fea Talepaae tuẽ tiki tiró betóo, Kótóné naalema etei kaae whipóló bete mole fo diriyóló kisipa yóo duraalu, mo betꞡ fake alée fóló mo dirii so whi betaalopó. Até ró bitiré furaalu, Keriso ꞡ me ala yꞡyꞡni mo turó fꞡane whi wisinaale biture kaae, dꞡkélé até yaalopó.

<sup>14</sup> Até ró dirire whi betereteimó, keteirapené dere ala kaae dꞡ momó kae yaalo meipó. Beséró wẽi asyatamoné ni tiki upaae só fu, ipaae só wou dere kaae, u fo wosene i fo wosene yaalomeipó. Ti mepaae whirapené dowi ala yaai mole kisipa u tuꞡpaae hiró bitu, hꞡle tómó so whi dilikóló, kae kae yó matere fomó



kisipa tiraalo meipó. <sup>15</sup> Aténi, yaala sókó fóló mo bete mole fotóro duraalu, da teteróló kaae tare Topo whi Yesu Keriso tuámó doaté horóló, dané kae kae dere alakélé, fea ama dere alatomótóro syyaalopó. <sup>16</sup> A atéro betereteiné, a tuámó bole fotokóné whiné tiki feleke diritamo olekere kaae, da fea mo betá tikitóro daayóló beterapó. Atéru, Talené dápaae diyae yale kutó dirótu betepa, ti da yaala sókó fole tuámó doa deté faalopó.

*Talené dené deyóló betéro betere naale senaale kaae betere ala*

<sup>17</sup> Térapa, da fea Tale tuámó bituraalu, yalo i dere ma fo sya fóló mo erae. Kótóné fo woseni hale betere so whi atima wisi ala yaaire kisipa muniru hoko betere kaae, diakélé ai ala momó kae yaqse. <sup>18</sup> Atima hosaa taruraalu, wisi tuékélé munireteiné tikikélé dilikiyóló Kótóné mo ti betere ala tuámó bitini, tika kae beterapó. <sup>19</sup> Atéro, dowi alané hosaa tóruró betereteiné, atima dere dowi ala taalaire kisipa muni, tó tikiné feléyóló yaaire ala betá hale yó tarapó. Ai ala tómó mepaae kae kae sonaalei alakélé hale yó taté fu beterapó. <sup>20</sup> Tépatei, diá Yesu Keriso kisipa deté waleteta, atimané du betale ala sya fóló yale tikimó inipó. <sup>21</sup> Yesu Kerisoné mo bete mole fotóro mené depa diaaq wosóo, a tuámó betepa mené diápaae yó melóo, yale fo diáné wosetu yalepó.

<sup>22</sup> Take diáné du betale alamó tué muturaalu, atimané diápaae yó malepó. Tó tikiné diá dilikitepa ekeleyóló du betale alané diaaq kelaaretei tiki derakele kuti kaae sokóló taae falae. <sup>23-24</sup> Téturaalu, diaaq tué tiki kae muóló, kisi kuti derótu dere kaae, kisi whi derae. Ti ai kisi whita, Kótó tuámó mo donoi alaró kae ere de wisinaaletamo fãanure kaae yóló beterópóló, kaaró beterapó.

<sup>25</sup> Atérapa, ai du betere kapala alarape mo ti taaróló, diaaq be

whi so whipaae diá dokó feané mo alatóro erótu betae. Ti noatepae, hóró naasetamo tikimó botokó wóló, betá tikitóro daalure kaae, da Keriso so whi fea touróturaalu, mo betá tikitóro beterapó. <sup>26</sup> “Ya fopaae buturaalu, dowi ala yaqse,” Nao me whitamo atéro butere fopaae hale bupatei, be de hale kemeyaqsóro yae. <sup>27</sup> Téturaalu, diaaq betere ala tuápaae Satan-né ama tué mole ala eraqsóro tẽ mulaqse. <sup>28</sup> Mepaae qlémi nuku betale whirape ai ala mo taaróló, atima naasenétóro kutó kae dióló qla nópóló yae. Atéro ditere kutómó botokotere qla mepaae yaqã dere so whimó melópóló yae.

<sup>29</sup> Diáné dere foné mepaae whi dorqsóro nao dere fo woseturaalu, a tuámó mole sekẽ ó yaqãre ala wisiraaire fo betátóro yae. Diánétamo ai ala depa, ti ai fo wosetere so whikélé tao senérapó. <sup>30</sup> Take Kótóné diá dupuróló betéro betereteita, ópaae dapesó holaalopóló tué muópóló, me qla seperótu dere kaae, Kótóné diá ama so whipóló dale mulóturaalu, ama Dẽi Kepe Wisi diá tuámó betéro beterapó. Atérapa, diáné du betere alané Dẽi Kepe Wisi dekené sukutu sekẽ yaqsóro yae. <sup>31</sup> Téni, dei formaake kisipa mutere alakélé, hapale fopaae buturaalu dere alakélé, mo hale fopaae butere alakélé, hõle suraalu fo faketerere alakélé, eratere fokélé, mepaae so whipaae kae kae dei kisipa mutere alakélé, fea taalae. <sup>32</sup> Téturaalu, wisi tué betá muóló, wisi alatóro eróo, kolené sukutu u tao su i tao su yóo, du betae. Atéturaalu, diá Yesu Keriso tuámó betepa, Kótóné diaaq yale dowi ala kwia kemerótu yale kaae, diápaae dowi ala eratere whiné kwiakélé hale kemerae.

## 5

<sup>1</sup> Dãta, Aya Kótóné ama hosaa turó muóló, yaala sókó fale naale senaale betereteiné ama dere alatóro dané suróló enérapó. <sup>2</sup> Ti noatepae, felé kãlaa wisi Kótó beterepaae fópóló

simó sukɔlaa dalatu dere kaae, Yesu Kerisoné dɔpaae yaala furaalu, ama betere bete hɔle melóló sukɔlepó. Atéreteiné dɔ yaala sókó fole ala tuɔmó bitu, dɔné ne nopaaekélé atéro yaala sókó fu betenérápó.

<sup>3</sup> Tétu, diɔ Keriso fake so whi tuɔmó nópu nokole ala ó, mepaae hɔko alatamo hosekéróló du betere ala ó me ɔla wisi dekéro senée yóló, ekɔle dere ala mo yaɔse. Ti noatepae, ai alarapeta, Kótóné ama kae beteró betere so whiné yaaire ala meipó. <sup>4</sup> Ai dosɔayale alarape mepaae i ape. Nópu naai kisipa mutu, hɔle mulatere alakélé, tuɔ tekeyóló ini, hɔle hɔko dere fokélé, so whi tekanóló dɔ nalatere fokélé, momókó yaɔse. Ti noatepae, aita dɔné enénire alapa, Kótópaae mo kée fo betɔ du betae. <sup>5</sup> I fota, mo dapa diriyóló wosae. Nópu nokole so whikélé, kae kae dowi ala hosekéro du betere so whikélé, néli whi betaairaaalu wisi wisi ɔla dekéro senée dere so whikélé, Yesu Kerisoró Kótótamoné tɔteróló kaae tare aɔmó mole wisi wisi ala mo saalomeipó. Ai dosɔayale alarape yó tare so whiɔta, Kótó aɔmó sukóló bitu, ama doi hale sóró horéni, ai alarape aɔmó betó moleteiné, ai ɔla ɔlarape ti atimané Kótó aleró beterápó. <sup>6</sup> Térapa, mepaae whiné bete muni hɔle fo duraalu, diɔ dilikaɔsóró yae. Ti noatepae, atei kaae ala deremó, Kótó ɔ fopaae buturaalu, ama fo tukóló ai ala du betere so whipaae kwia mótu beterápó. <sup>7</sup> Térapa, diɔkélé atimané ai du betere ala yaɔsóró betɔmó touyóló bitu, mepaae dere ala momókó yaɔse.

<sup>8</sup> Ti taketa, diɔ diliki tuɔmó betaletai, taaróló mió Talené ama ere dɔ tuɔmó ai beterapa, ai dɔné deyóló beteró betere naale senaaletóro betae. <sup>9</sup> Ti noatepae, wisi niné du wisi oletu dere kaae, dɔ dɔ tuɔmó betepa, ti ai dɔné du olerótu betaalo ai ape. Kae kae wisi ala eratereteikélé, me ala muni, mo donotóro dere alakélé, kapala fo mei motóro dere fokélé, fea ti dɔné dutóro ai ape. <sup>10</sup> Téturaalu,

diɔné dere alamó Kótó ɔ hɔkese yaaire ala démóló, diaaɔtei kɔae kolóló tuɔ yae. <sup>11</sup> Tétu, diliki tuɔmó betere so whirapéné du betere alata, du wisi oletumipa atima beterepaae feni, atimané kikiti hiróló du betere alatei so whi feané kolóló tuɔ yópóló hɔkearae. <sup>12</sup> Ti noatepae, Kótóné fo tikitu betere so whi tuɔmó kikiti hiróló du betere ala mené teraatapa haletóro yaalopó. <sup>13</sup> Tétu betepatei, ai hiróló du betere ala fea dɔné hɔkearatepa, so whiné kelenérápó. <sup>14</sup> Ti dɔnéta, fea ɔla fea kolópóló dɔrótu beterápó. Atére betené i fo dapó.

“Diɔ noke fire so whirape-ó, diɔ sukóló moletei kepaayóló betepa, ti Yesu Kerisoné diɔpaae dɔraalo ai ape,” dua dapó.

<sup>15</sup> Térapa, diɔ kisipa okokore whi kaae hɔko bitini, kisipa dotoróɔ fóló mole whi biture kaae, mo hotowaró betae. <sup>16</sup> Mió dɔta, dowi ala du betere alimó i beterapa, Kótóné ama wisi ala eraaire tɔ mupa, ti ai be dɔ dokɔ fea eraté fu betae. <sup>17</sup> Atéturaalu, kisipa tiki okoko yóló hɔko bitini, Talené ama kisipa mole ala betɔ kɔae kolóló tuɔ muae. <sup>18</sup> Topo doyaai kisipa mutu *wain* wei mo dekéro naɔse. Atéro topo doturaalu, so whi feané keletómó kae kae sonaalei dowi ala kaaratapó. Atei ala ini, Dɔi Kepe Wisi diɔ tuɔmó fɔanópóló yae. <sup>19</sup> Atéro bituraalu, Kótóné *buk*-mó aseýóló muló betere wole fokélé yóo, mió betere so whi feané tuɔre wole fokélé yóo, mepaae so whipaae Dɔi Kepe Wisiné yó matere wole fokélé yóo duraalu, u yó mótu i mótu du betae. Atéro, dere wole fo diaaɔ kɔlónékélé, mo hosaa tuɔmókélé haɔtamo Talepaae feléi wole fo du betae. <sup>20</sup> Betere dokɔ fea du betere alamó, dɔ tɔteróló kaae tare whi Yesu Kerisoné doimó Alima Kótópaae mo kée! du betae. <sup>21</sup> Ti Yesu Keriso ɔta, doasi doi mole whi beterápóló wituraalu, diɔsisi me whi

aqmó bitu dere fo u wosetu i wosetu du betae.

### *Dokore so whjpaae dere ma fo*

<sup>22</sup> Térapa, whjné dokore sorape-ó, diã dã t̄eteróló kaae tare Tale aqmó sukóló biture kaae, diaaõ whj aqmó betae. <sup>23</sup> Ti noatepae, Yesu Kerisoné ama fake so whjta, ama tikitóro betepa, a topo bituraalu, atima aluyaqsóro tao su betere whj biture kaae, whj ama soné topo beterapó. <sup>24</sup> Atérapa, Yesu Kerisoné ama fake so whj a aqmó sukóló biture kaae, whjné dokore sorape diã fea ala duraalu, diaaõ whj aqmó bitu depa mo wisirapó.

<sup>25</sup> Diã so dokore whjrape-ó, Yesu Kerisoné ama fake so whjpaae yaala sókó furaalu, ama betere bete mótu yale kaae, diãné sopaae yaala sókó fóló, wisi ala erótu betae. <sup>26</sup> A atéro sukãleteita hãle mei, ama dokaaire so ama fonétei w̄ei tópuróló fokale tikimó me dowi alakélé muni, mo kae so beteralepó. <sup>27</sup> Atétu, ama so me dowi alakélé muni, ama ere ðené kelaalo mo kokõre so beterópoló du beterapó. <sup>28</sup> Atére kaae, so dokore whjrape diãné tiki wisiyóló kaae taru dere kaae, diãné so wisiyóló kaae taruraalu, yaala sókó fu betae. Mepaae whjné somapaae yaala sókó fóló, wisi alatamo erótu betepa, ti amatei a yaala sókó fu beterapó. <sup>29</sup> Whj betãnékélé ama tiki h̄oróló bóe ðele ala dumi, wotetepa ðla nóo, me ala yaqsóro amatei hotowayóló kaae tawóo dere ala so whj feané du beterapó. Atétu dere kaae, Yesu Kerisoné fake so whj amatóro mo wisiyóló kaae tarapó. <sup>30</sup> Ti noatepae, ðata ama tikitóro betereiteiné ama wisiyóló kaae tarapó. <sup>31</sup> Atére betené i fo aseýóló muló beterapó.

“Whjné ama hama alima taaróló sotamo dokotepa, ti atimaamo mo betã tikitóro daayóló betaalopó,” erapó.

<sup>32</sup> I dere fo beteta tómó muni, mo apaae derepalapó. Tépat̄ei, yãlo i

dere fo Yesu Kerisoró ama fake so whjta mo tué muturaalu dapó.

<sup>33</sup> Ti mo deretei, diã so dokore whj fea diaaõtei diãné tiki yaala sókó fu dere kaae, diãné sokélé wisiyóló kaae taru yaala sókó fóo, sorape diãkélé diaaõ whj aqmó bitu, wisi ala eróo du betae.

## 6

### *Hae ayaró naale senaaletamopaae dere ma fo*

<sup>1</sup> Naale senaale-ó, diã Talené ere fo sya fóló diaaõ hae ayané dere fo mo betã wosóló erótu betae. Ti aita mo dono ala dapó. <sup>2</sup> Diaaõ hae aya wisi doi mulópoló, diãné wisi alatóro du betae. Ai tukóló muló betere forape kaae sóro dosãaté wapa, Talené diãpaae wisi ala eraalopó ere foró tukóló muló betere fotamo s̄uru folosóro mulapó. <sup>3</sup> Diãné hae aya aqmó betae yóló muló betere fotamo sya fóló erótu betepa, “Ti diã i haemó f̄olo sukamó bitiré fóló, mo wisi alatóro deté fu betaalopó,” erapó.

<sup>4</sup> Diã naale senaale ali-ó, diaaõ naale senaale atima fopaae buópoló hasekãai ala eraõse. Aténi, atima Talené fo tuãmó doayóló naale senaale wisi beterópoló, ama fo etéro eraalopóló, ma fotamo dua yó maté fu betae.

### *T̄eteróló kaae tare whjraperó wae sóro kutó diratere whjrapetamopaae ere fo*

<sup>5</sup> Diã wae sóro kutó diratere whjrape-ó, diã Yesu Kerisoné dere fo wosóló, a aqmó biture kaae, i haemó diã t̄eteróló kaae tare whjrape kilitu wiyóló aqmó betae. Atétu, atimané yae dere fo wosóló wisi kisipatamo erótu betae. <sup>6</sup> Atétu, diã wae sóro kaae tare whjrapené diã whj wisipóló dukirópoló, atimané keletómó maaté kutó hatepaa yóló dini, atima alupakélé ó betepakélé, betã alatóro yae. Ti Yesu Kerisoné wae sóro kutó diratere whj kaae bitu, Kótóné

ama kisipa mole ala eróturaalu, diaaq hosaa tuamó keteke buóló dirótu betae. <sup>7</sup> Atéturaalu, ita mo whiné kutópóló tué muni, Talené kutópóló tué mutu, diaaq hosaa turóné keteke tamó dirótu betae. <sup>8</sup> Ti noatepae, wae sóró kutó diratere whi ó hãle mo betere whi noa kaae wisi ala ó wisi kutó dirélimó, ti alamó Talené dupu melaalopó ere fo diaaq wosóló ai kisipare ape.

<sup>9</sup> Teteróló kaae tare whirape diakélé, atimapaee i yae dere ala kaaetóro duraalu, diaaq kutó diratere whirapepaae mo wisi ala erae. Atimapaee diã i kutó wisiyóló dirénitepa, diãpaae i kaae sekëi ala eraalopó wiréli fo yaqse. Atimakélé diakélé, fea teteróló kaae tare Tale ó hepen bemó betteretei, diaaq ai kisipare ape. Ti ai sekéta, mepaae so whipaae wisi ala eróo, mepaae so whipaaemo hoko ala eróo dere Tale bitini, mo betã kaae alatóro eratere Talepó.

*Kótóné damó matere boé dele q̄la waseró sepaketamo tawae*

<sup>10</sup> Yãlo mo kemeróturaalu dere fo i ape. Diã Tale tuamó bitu, ama bole fotokó sóró betae. <sup>11</sup> Satan-né ama yaai kisipa mole dowi ala eraqsóro seséturaalu, bóe dópóló Kótóné matere q̄la q̄la taaréni, mo fea deróló siki siki yóló daayae. <sup>12</sup> Ti ai bóe dele alata, mo wutiró dikitamo sóró mo so whitamó bóe dae yóló dumipó. Dãné bóe dele alata, i haemó diliki tuamó dere ala teteróló kaae tare topo keperapetamokélé, atima doasiné i ala yae yóló, sóró beteró betere keperapetamokélé, kae kae fotokó bole keperapetamokélé bóe dóo, tó sã tuamó hepen kaae ere tikimó betó mulu, dowi ala eraai doasi fotokó butu betere keperapetamokélé, bóe dóo du beterapóló dapó. <sup>13</sup> Térapa, bóe whiné dowi ala eraaire be de wapa, diã daale tiki taaróló botokó fení, bóe whiné yãle diã tikimó sene waqsóro sesé yaaire q̄la q̄la fea, Kótóné diãmó melaletèi deróló

betae. Atéru, bóe whi wópóló siki siki yóló, kaae tawóló daayae. <sup>14</sup> Atéro fotokó buóló daalu, mo fo ti to kaae sóo, bóe whiné yãle bopémó saqsóro, bóe wase dakerótu dere kaae, Kótóné dã melale donoi ala bopémó dakeróo, Talené ala erãle faairaalu, kale kisi fo wisi hõleke be kaae horóo, mo so whiró Kótótamo bóe firóló, hosaa muni deyóló mo dua beteratere fo wisi dãné hosaa tuamó mulóo epa, diã siki siki yóló betenérápó. <sup>15-16</sup> Ai alarapetamo touróturaalu i alakélé yae. Dowi kepené dã siritu betere si dokole yãlené dã tikimó saqsóro sesé dere bóe waseta, tué tiki tiratere alapa, ai ala wase kaae fosókó tawóló daayae. <sup>17</sup> Kótóné dã aluyaqsóro tao sere alata, bóe daai derótua dere topo tao kaae deróo, kale Dëi Kepe Wisiné fosóratere sepake tawóló daayóo yae. Ai sepaketa, ti Kótóné ama fo wisipó. <sup>18</sup> Atéruaalu, kale Dëi Kepe Wisiné diã fotokóratepa, betere dokó fea kae kae dere alapaekélé, kae kae wale sekëi alamókélé, Kótópaae i ala erae yóló momakélé yó tawae. Atei kaae dere moma kutirimó mulóló tué yó taru, diã noke k̄le ini, kele diriyóló bituraalu, Kótóné kae beteró betere so whikélé fea tao sópóló momaratere ala hãle yó tawae. <sup>19</sup> Atétu, kale fo wisi yãlo yó melaaire sukamó Talené ama fo bete epaae yó melópóló emókélé momarae. Atétepa, ti e halaaíné daalu, kale fo wisi yó matereteiné Kótóné ama hiróló mole ala hãkearaalopó. <sup>20</sup> Ai fo wisi yó melópóló sóró beteró betere whitei, atima e sein képiné dokóló dipula beteró beterapó. Ti aita, epaae dirae yóló melale kutó ereteiné e wikélé ini, halaaíné daalu yó melaai dapa, emó momarótu betae.

*Kemeróturaalu k̄leó dere fo*

<sup>21</sup> Yãlo mo hosaa mole no Tikikasta, Talené ala erótu betere whi wisipó. Amata, yãlo du betere alaró e betere alatamo etérápóló, diãpaae



depa wosóló tuẹ yaasepóló, ẹ diẹ beterepaae ai dotonatere ape. <sup>22</sup> Ti ẹ dotẹyaaai dere beteta, ẹẹ betere ala diẹné kisipa yóo, diẹ keteke buópóló, ama fotokọratere fo yóo, yópóló dotonaai dapó.

<sup>23</sup> Diẹ ai be huluamó betó mole no nerape-ó, ẹẹ tẹteróló kaae tare whị Yesu Kerisoró Alima Kótótamo tuámó kaayóló wale hosaa muni deyóló mo dua betere alakélé, tuẹ tiki tiratere tuámó kaayóló wale yaala sókó fole alakélé, diẹ feapaae erópóló yae. <sup>24</sup> Ẹẹ tẹteróló kaae tare whị Yesu Kerisopaae yaala sókó fole ala yó tare so whị feapaae Kótóné hẹle hamokoróló tao sere ala erópóló yae.

## Filipai

<sup>1</sup> I dere așeta, Yesuné kutó diratere whi Pol-ró Timotitamóné diã Filipai be huluamó Tale Yesu Kerisoné kae betero betere so whirapepaaekélé, Keriso so whi țeteróló kae tare whirapepaaekélé, mepaae Keriso fake so whi sekei ala depa taosu betere whirapepaaekélé, dapa wosae.

<sup>2</sup> Dăné Aya Kótóró Tale Yesu Kerisotamo tuãmó kaaróló wou betere hãle hamokoróló tao sere alaró hosaa muni deyóló mo dua betere alatamo diãpaae erótu beteroípóló yae.

### *Mo kée yóló Talepaae momayale fo*

<sup>3-4</sup> Yało diã tuę yó taruraalu, ę țeteróló kae tare Kótópaae mo kée yóló moma yó tare dokọ ę hękesené sukutu, diã feamó momarótu beteroípó. <sup>5</sup> Ti noatepae, take ę diã beterepaae sókó wóló Yesuné mió wosetere kisi fo wisi diãtamo fea betãmó titiyóló bitu, yó maté fu betepa diaaę ę tao siré wóló miókélé ai alatóró yó tapa, mo kée yóló hajné sukutu beteroípó. <sup>6</sup> Diã tuãpaae ai erótu betere wisi ala kaarale sekénétei mo ti eraté fóló tuãmó taaréni, Yesu Keriso wale sukamó sókó fóló kemeraalopóló, yało mo diriyóló tuęrapó.

<sup>7</sup> Diã fea yało hosaa tuãmó muluraalu, diaaę du betere ala kolóló ę hękesené sukutu betere alata doni, mo wisirapóló kisipa mutapó. Ti noa betené meipó. ę *sein* képiné dokóló *dipula* bitukélé ó belapaae mo kuturaalukélé, Kótóné mió wosetere fo wisi hãle fo nisiyóló só deróló aluyașóró, mo diriyóló tuę muqópóló momó du momó du yó tapakélé, Kótóné ama hãle hamokoróló tao sere ala diã feané ępaaekélé eróo, yałokélé diãpaae eróo, du betere ala hãle yó tarapó. Ti atéro titiyóló bitu du betere ala kilituraalu, ę

hękesené sukutapó. <sup>8</sup> Yesu Kerisoné yaala sókó fu betere ala ę tuãmó muluraalu, diãtamo betenée yóló hosaamó su beteroípó. Até enée yóló mutere kisipa Kótóné kolóló ama mopó eneroípó.

<sup>9</sup> Yało diãmó momatu betere bete i ape. Kótóné ama ere alata, tómó mole nisi yașóró, ę betemó kaaróló wale ala wisinaale mo turó kisipa duraalu, diaaę yaala sókó fu betere ala mo ti fakeraté fópóló momarótu beteroípó.

<sup>10</sup> Diã até deté fu bituraalu, kae kae yaaire alarape mupatei, mo bete mole ala tuę yópóló momarótu beteroípó. Ai du betere alata, me alatamo hosekényi, mo wisi alamaaté yó taté fóló, Yesu Keriso wale sukamó me alakélé muni, mo donore so whi beteroípó yópóló, momarótu beteroípó. <sup>11</sup> Yesu Keriso tuãmó kaaróló sókó wale ala wisi nokole ęla ke bulure kae, diã tuãmó mo donoi ala wisi atéro buóló ęapa so whi feané kilitu, Kótóné ama kae ere de wisinaale mulapóló ama doi hale horaalopó.

### *Pol dipula beterales alané Talené fo yó melaairetei fakeralepó*

<sup>12</sup> Téraapa norape-ó, ępaae erale alané Kótóné mió wosetere fo wisi kejrényi, mo ti fakeraté fu betaletei diaaę tuę yaasepóló i dapa wosae. <sup>13</sup> ę Yesu Kerisoné fo erótu betale alamó, atimané ę *sein* képiné dokóló *dipula* beteraletei, topo whi bitua dere be wisimó betó mole diki tare whiraperó mo whirape featamoné kolóló kisipa yalepó. <sup>14</sup> Talené ala tuãmó betó mole mepaae norapené ę *sein* képiné dokóló *dipula* beterales ala kolóló, atima wiyóló taaréni, halainé bituraalu, Kótóné fo eraai doasi ketekę butu beteroípó.

<sup>15</sup> Tétu betepatei, mepaae whirapené dei tuę muóló alale suraalu, Yesu Kerisoné dere ala i ape yóló yó mótu betóo, mepaaené ti mo wisi tuętóró muóló yó melóo du betereitea, mo dapó. <sup>16</sup> Ai wisi

tué mulu yó mótu betere wh̄rapené kale mió wosetere fo wisi eraairaalu, ę *dipula* beteroó beteropólo tuéru, yaala sókó fóló yó mótu beteropó. <sup>17</sup> Tétu betepatei, kale dei tué mutere wh̄rapené hosaa tuámó atima doi sóró horaaire kisipa mulu, Yesu Kerisoné ala eratere aqyóló yó mótu beteropó. Ti aita h̄le mei, ę *sein* képiné dokóló *dipula* betepa, ępaae sek̄i ala eraalo nisiyóló, du beteropó. <sup>18</sup> Tépatei kapala ala depakélé, ó mo dere alakélé ó kae kae ala depakélé, aita me ęlameipa, mo doasi topo ala bet̄a i ape. Yesu Kerisoné dere ala i ape yóló so wh̄i feapaae yó mótu betere alata, mo doasi bete mulapó. Atétu betere alamó ę hajné sukutu betereitei taaréni, mo h̄le yótóro tawaalopó.

<sup>19</sup> Ti noatepae, dijané moma yó tare alaró Yesu Kerisoné dotęyale Dęi Kepe wisitamóné tao sóró erótu betereiteimó, ępaae erale ala fea deté wóló kemene wouraalu, ti ę *dipula* betereitei taaróló, h̄le f̄póló sokaalopóló kisipa mutapó. <sup>20</sup> ę betepa ó sukutepakélé Talené halaaratepa halenipó. Aténi, take bitiré wou yale kaae, mió ȳlo tikimó erótu betere ala so wh̄iné kilitu, Yesu Kerisoné doi hale sóró horateretei kelenée kisipa mutu beteropó. <sup>21</sup> Ti noatepae, ȳlo kisipané ę betere beteta, ti Yesu Keriso ętórótípó. ę sukutepakélé me ęlameipóló mo kée yaalopó. Mió i hajtu betere ala bosenóló mo doa hajné sukutu betaalopóló kisipa mutu, mo kée du beteropó. <sup>22</sup> ę etéro h̄le bitirétamo fu betepa, ti ȳlo i ditu betere kutó mo du oleraalo ai ape. Ti etei kisipa motei, t̄u tamo moleteiné mé t̄upaae faaloró ę mo diriyóló tuęnipó. <sup>23</sup> Atéro mutere kisipané ȳlo tiki tuámó tekéetamo dapó. Tépatei, ȳlo kisipané mo doasi alata, ę sukóló fóló Yesu Kerisotamo betepa, ti mo wisirapó kisipa mutapó. <sup>24</sup> Ténépatei, ȳlo dīa ȳȳare ala tao saairaalu, ę dīatamo betere ala doni, mo

wisirapó. <sup>25</sup> ę sukuni, dīa featamo betámó bitiré faaireteiné dīa hajné sukuturaalu, diaaę tué tiki tiratere alakélé mo diri deté faalopóló kisipa mutapó. <sup>26</sup> Atéturaalu, ę dīatamo betámó betereiteiné, ę kilitu Yesu Kerisoné yale ala wisimó ę dukiróturaalu hajtere ala dīa tuámó mo ti f̄ayaalopó.

<sup>27</sup> Me noa alakó ępaae eratepakélé diaaę ai du betere ala taaréni Yesu Kerisoné mió wosetere fo wisi sya fóló eratere wh̄itóro betae. Atépa, diaaę ę alupa yale ala ó ę dīa beterepaae wapakélé keleralemó me ala kae ini, mo bet̄a alatóro epa kelaalopó. Dīa fea bet̄a kisipa muóló diriyóló betóo, dīa mo bet̄a wh̄i kaaetóro bitu, Talepaae tué tiki tiratere ala etérópóló yó melóo, du betereitei ȳlo kisipa yaalopó. <sup>28</sup> Atéru, dīatamo bóe du betere wh̄rapené dīapaae kae kae sek̄i alarape eratepakélé wiyaalomeipó. Atétere ala atimané kilitu, Kótóné d̄a mo ti doróo, atima aluyaęsóró tao sóo, yaairemó dere fareyópupóló atima kisipa yaalopó. <sup>29</sup> Ti noatepae, Kerisoné ala eróturaalu, ępaae tué tiki tiratere ala maaté yópóló ini, ama doimó doasi sek̄i alakélé s̄póló melalepó. <sup>30</sup> Ti ę Kótóné ala erótu betereitei, ępaae kae kae sek̄i ala eraletei diaaę kelalepó. Miókélé bet̄a kaae sek̄etóro su beteropó dere fo diaaę ai wosetere ape. Dīapaaekélé atei alatóro erótu beteropó.

## 2

*Kerisoné ama yale ala s̄yroló enérápóló ere fo*

<sup>1-2</sup> Dīa Yesu Kerisotamo touyóló betámó betereiteiné ketekę bulatere ala eróo, ama yaala sókó fole alané d̄a haj kisipa mulóo, Dęi Kepe Wisi d̄a fea tuámó betereiteiné mo bet̄a alatóro eróo, k̄olené sukutu naameyóló mo dua betóo epa, ti ę mo doa haj yópóló, i ala yaasepóló dapó. Dīa fea Talené ala eróturaalu

kae kae tué muni, dere alakélé yaala sókó fole alakélé, keteké bole alakélé, mo betá alatóró yaasepóló dapó. <sup>3</sup> Dīaaq me ala duraalu, ɛtóróti doasi whī betaai dapóló kisipa mutu, u tɛtérótu i tɛtérótu dere ala ó me bete munipatei ɛ betá mo whī wisi beterapóló kisipa muaqsé. Tēni, naaotei yá tɛtéróló dua bitu, mepaae so whī dukiróló atima aqmó beterapó kisipa muae. <sup>4</sup> Dīaaq séle séle dere alamaaté kisipa muóló kaae tani, diǎné dere ala wisiyóló kaae taru dere kaae, mepaae so whīkélé tao sóró atima kisipa mole alakélé wisiyóló kaae tawae.

<sup>5</sup> Dīaaq hosaa tuǎmó mole kisipata, Yesu Kerisoné kisipa kaaetóró muóló betae.

<sup>6-7</sup> Ti ǎta, ama ere ala kae mei mo take betere Kótó bitu, ama ere alakélé Kótótamo betá ala eretei, atéro bitirétóró fu betaaitapóló kisipa muni, amatei ǎ belei alée fóló, mo kutó diratere whī sū betalepó.

Atéro betepa, mo so whīné ǎ kilituraalu, mo whīpóló kisipa mualepó. Atéro ama dere ala fea amatei ǎ haepaae deróló beterepó.

<sup>8</sup> Atéru, Kótóné fo aqmó sukóló bitiré fóló sukutere alapaae sókó felepó.

ǎ atéro sukuturaalukélé mo whī sukutu dere kaae ini, atimané ǎpaae kisipa tiki mo fomaakei ala eróló, filipaaró betere ni tómó sukǎlepó.

<sup>9</sup> Amatei ǎ atéro derale betené, Kótóné ǎ tao sóró fea ala fea ama tɛtéróló kaae tanópóló beteróturaalu, kae kae doasi doirape mupatei, ama doi doasi Tale mulalepó.

<sup>10-11</sup> Até yale betené mené Yesuné doi depa, hepen bemó betó mole *ensel*-nékélé i haemó betó mole so whīnékélé, i hae aqró betó mole so whīnékélé, ama doi woseturaalu, bukutiri

tɛqró bitu, Yesu Keriso ǎta Talepó yaalopó.

Téturaalu, Alima Kótóné ama ere ala wisinaale hǎkeamó mulaalo ai ape.

*Dīa tuǎmó hǎrené dɛ kaae dɛyó falǎpóló yae*

<sup>12</sup> Tɛrapa, yǎlo mo hosaa mole no nerape-ó, Kótóné ama dīa tuǎpaae eraai kisipa mole ala wisi ai erótu betere ape. Dīa ɛtamo betǎmó bitu, dīaaq yǎlo dere fo wosóló eraté wale kaae, mió ɛ alupa diǎsisi bitukélé, Kótópaae wiyóló ǎ aqmó sukóló bitu, dīa aluyaqsóró tao sere ala du wisi oleyópóló eraté fu betae. <sup>13</sup> Ti noatepae, Kótóné kisipa mole ala sya furaalu, ama fo wosóló eraaire kisipa wisiró ketekɛtamo amatei dīa tuǎpaae mo sūrótu beterapó.

<sup>14</sup> Dīa Talené ala eróturaalu, mené dere ala kilitu hǎko dapóló eratere foró fonétei u só derótu i só derótu dere alatamo momókó yaqse. <sup>15-16</sup> Ti aita hǎle mei, me alatamo hosekényi mo wisi ala maaté du betere so whī betepa kilitu, Kótóné naale senaale beterapó yópóló i dere ape. Dīa atéro betepa, mió i alimó betó mole so whī wuliné tū kaae kotereteiné atima dere alakélé mo sonaalérápó. Dīa atei kaae so whī tuǎmó bitu, mo ti betaaire fo wisi so whī feané wosópóló hǎkeamó yó mótu betepa, ti dīa ó sǎmó daae mole hǎre dɛru ere kaae, atima tuǎmó dɛrótú betenérápó. Atépa, ti Yesu Keriso wale sukamó, ɛ bopé fakeyóló halaa yaaire beteta, ti dīa tuǎmó yǎlo diale kutó hǎle ini, du wisi olerapó yópóló kisipa mutu dapó. <sup>17</sup> Atépatei, dīaaq tué tiki mo ti tiró bitu Kótóné ala eraté fópóló, Talené fo diǎpaae eraté felepó. Atéyale alata, *wain* wɛi felé kǎlaa Talené kulumupaae fópóló sipaae sunée falótu dere kaae, yǎlo betere bete dīa tao suraalu sukutepa ti me ǎla mei, diǎtamo hǎiné sukóló mo kée yaalo ai ape. <sup>18</sup> Atérapa, diǎkélé ɛ dere kaae hǎiné sukutu mo kée du betenérápó.



*Timotiró Epaparataitas-tamo dotonaai yale fo*

<sup>19</sup> Tépatēi, dā tēteróló kaaē tare whi Yesuné kisipanétamo Timoti diā beterepaaē wópóló epa, ti ā hapale wópóló dotēyaaī kisipa mutapó. Ti āta, diaaḡ du betere ala kolóló epaaē ene wapa wosetu, ē hainé sukāai dapó. <sup>20</sup> Ti Timoti āta, diā mo wisiyóló betērópóló kisipa mutu betere whipó. Ama kisipa kaaē mole whi mekókélé ētamo imó bitinipó. <sup>21</sup> Ti noatepae, i betó mole so whi feata, Yesu Kerisoné ala eraai kisipa muni, mo atimané yaaitere alamaaté kisipa mutu beterapó. <sup>22</sup> Téretei, Timotiné ama du betere ala diaaḡ kaaē kolóló kisiparapó. Ti āta, betā naale ama alimatamo kutó betāmó ditu betere kaaē, dāmo wusuró Talené mió wosetere fo wisi ketekē buóló erótu beterapó. <sup>23</sup> Atérené epaaē eraaire alapi kolóló, kīlipaaeta ti ā diā beterepaaē hapale tēti dotēyaaī kisipa mutapó. <sup>24</sup> Téró, ēkélé Talepaaē tuē tiki tiróló bitu, diā beterepaaē mo hapale waai kisipa mutapó.

<sup>25</sup> Atéyaaitei, yaḡo no Epaparataitas diā beterepaaē fesaē wópóló, mo dotonaai kisipa mutapó. Ti āta mo whi mei, dāmo betā kutó ditere whi bitu, Talené alamó bōe daai ētamo titi du betere seképó. Ti āta, ē sekē yaḡsóró, mepaaē yaḡḡare alarape tao sene wópóló diaaḡ ē beterepaaē dotēyale whi wisinaale ai ape. <sup>26</sup> Ti ama diā fea kelenéē kisipa mupatei, diaaḡ Epaparataitas ā kisiné sukóló mulapó yale fo wosaletēiné ama tuē sekēyalepó. <sup>27</sup> Ti aita mopó. A mo felekemó sukāai yaletēi, Kótóné kōlené sukuturaalu tao sale alata, āpaaē maaté erēnitei, ē dekēné sukutere ala dekaaporóló muaḡsóró Kótóné ēkélé kōlené sukutu, ā tao sóró kepaaraleteiné mo kēe dapó. <sup>28</sup> Atéreteiné, ā mo miótitei diā beterepaaē wópóló dotēyaaīraalu, kisipa mutapó. Ti hāle mei, diaaḡ ā

kolóló hainé sukō, ēkélé whaalā du betereitei sawa feléyóló betóo, yaai dapó. <sup>29</sup> A wapata, diā Talené ala tuāmó hainé sukutu bitu, kōleó yóló ā mo wisiyóló dape sae. Atéturaalu, atēi kaaē whi doasi doi muópóló hale sóró horae. <sup>30</sup> Ti noatepae, Yesu Kerisoné ala eraai wóputu bituraalu, ā mo felekemó sukāai yalepó. Ti noa betené meipó. Diaaḡ ē tao senépatēi, tao saaire tu meipa, ama ē tao sene wóló, ama betere betemó kisipa muni, sukutepakélé me ḡla meipóló ē tao sere ala betā du betalepó.

### 3

*Tó tikiné dere alamó dāné kisipa tirótumipó ere fo*

<sup>1</sup> Yaḡo norape-ó, kemeróturaalu dere fo i ape. Tale tuāmó bituraalu, hainé sukutu betae. Take yaḡo aseyale fo kaaē momó i dereteita, sekēnipó. Me alané diā só deraḡsóró seséturaalu i dere ape. Ai haḡrapené diā tukó naḡsóró mo hotowayóló kaaē tawae.

<sup>2</sup> Ti atimata, dowi alamaaté hāle yó taruraalu, whiné tikimóte i siri eróló, tiki dorótu betere whirapepó.

<sup>3</sup> Ti noatepae, take Kótóné ama so whipóló tiki sekaḡ tukóló sirirótu yale kaaē, mió dākélé ama so whipóló siriró beterapó. Dā atéró betere so whi Kótóné Deī Kepe Wisiné fotokḡratepa, ā aḡmó sukóló bituraalu, doa Tale-ó yóló hale sóró horótu beterapó. Ti dāta, me ala ó me whi kolóló bopé fake dumitei, dā tēteróló kaaē tare whi Yesu Kerisoné doi hale sóró horóturaalu, ama ere alamó dā bopé faketu beterapó. Atétu, i haemó ayarapené kae kae mara mole alaró tó tikimó du betere alatamo mupatei, ai alarape mo bete mulapóló dāné tuē tiki tirótumipó.

<sup>4</sup> E atēi kaaē tó tikimó bopé fake yaaire bete doasi mulapó. Mepaaē whi dené ama du betere alarape bete mulapóló kisipa tiki tiratepa, ti yaḡo i haemó dere alanéte i atimané du betere ala fea mo teraaē felénérápó.

<sup>5</sup> Ti ɛta, hɔko deale whi mei, yaɔ haené deóló bitiré wóló, bokó wale be de sókó wapa, ti yaɔ tikimó siriralepó. ɛta, be kae whi mei, mo Hibru be fo bole Israel whikó Benjamin fakepó. ɛta, da Hibru so whiné ayarapéné mara mole ala taaréni, mo wisiyóló sya fu beterepó. Atéro bitu, Kótóné yóló muló betere fo dosayóló bete mo wisiyóló sya fu betaletiné ɛ betá Farisi whi beterepó. <sup>6</sup> Atéruraalu, me kae kisi alané dané ayarapéné du betale ala aluraqsóró, mo keteké buóló Keriso fake so whitamo bóe dóló susupurótu betalepó. Atéturaalu, Kótóné tukóló muló betere fo yaɔ eraté fu betepa so whiné kilitu, me ala hasókó fele whipó fo ɛpaae mo inipó.

<sup>7</sup> Atétu betale whitei, take yaɔ doi muale alarape taaróló mió Yesu Kerisoné ala sya fóló eróturaalu, ai alarape fea hãle ɔla aɔralepó. <sup>8</sup> Ai alamaaté meitei, ɛ tɛteróló kae tare whi Tale Yesu Keriso ɔta, mo bete mole alané Talepóló, ɔ tué yaaitere ala doasi keteké buóló deté furaalu, mepaae ɔla ɔla fea bete muni, mo hãle taae fatere ɔla kaaené kelerapó. Ti Yesu Keriso ɔ yaɔ Talepóló sóró beteróturaalu, yaɔ tare ɔla ɔla fea taaróló, mo ti kisipa keteralepó. <sup>9</sup> Kale tukóló muló betere fo sya fóló yaɔ erótu betaletimó, Talené ɛpaae donoi whipó yópoló kisipa tirótumipó. Tényi, Yesu Keriso tuámó bitu ɔpaae tué tiki tiratere kilitu, Kótóné ɛpaae donoi whipó eranée yóló doasi kisipa mutapó. Ti ai donoi alata, Yesu Kerisopaae tué tiki tiratere betené Kótó tuámó wou beterepó. <sup>10</sup> Yaɔ hosaa tuámó Yesu Keriso mo diriyóló kisipa yaai dapó. Atéru, ɔ sukóló momó kepaayale fokó kisipa yóo, ama tikimó sale kae kae sekéi ala ɛpaaekélé eratepa sóo, ɔ mo dowi hale sóró sukutu yale kaae, ɛkélé atéro sukáai tué mutereteiné Talené ɛ mo surópoló kisipa mutapó. <sup>11</sup> Téró, ɔ momó kepaayóló mo ti betere bete su yale kaae, ɛkélé atéro

momó kepaayóló mo ti betaaire bete saalopóló kisipa mutu dapó.

### *Dɔle molemó sókó faai sururu yóló fole ala*

<sup>12</sup> Ti Talené ama ɛpaae eraai tukóló mulale alarape fea mió sóró tani, teórapó. Kótóné yaɔ du betere alakélé wisirótu betereitei mo ti wisirényi, teópó. Yesu Kerisoné ɛ tuɔpaae eraaire ala mupa, ama ɛ tawóló dape salepó. Até yaleteiné, ama ai eraaire ala hãle muaqsóró ɛ dekaýóló hãle bitini, ai ala saairaalu doasi keteké butu beterepó. <sup>13-14</sup> Norape-ó, yaɔ ai saai du betere alata, mo turó sóró tanipóló kisipa mutapó. Tépatei, yaɔ du betere ala betá i ape. Take deté wale alarape kisipa keteróló, tukóló muló betere dalemó sókó faairaalu, ketekétamo folepaaetóro fu beterepó. Aita hãle mei, ɛ Yesu Keriso tuámó betepa, Kótóné ɛpaae hepen bemó mole ala wisi saai ape eretei saairaalu, muló betere dalemó sókó faai keteké buóló fu beterepó.

<sup>15</sup> Talené ala mo diriyóló tuére so whi da fea, atei kisipatóró muóló betae. Diákó mepaae whiné yaɔ i du betere fo tuámó me fokó hasókó falapóló kisipa mutepa, ti atére alakélé diaaɔ kisipa yópoló, Kótóné hãkearaalopó. <sup>16</sup> Atéyaaipa kaae taru, dané kisipa sere dalemótóro erótu betaalopa sae. <sup>17</sup> Norape-ó, mepaae whirapéné yaɔ du betere ala kolóló sya wou betere kaae, diákélé atétóro yae. Dané yó matere fo wosóló sya fu betere so whiné dere ala kolóló tué muae. <sup>18</sup> Ti noatepae, take yaɔ diɔpaae yó maté wou betale fo kaae, miókélé diɔpaae momó woletamo i dere ape. Mepaae so whiné dere alané Yesu Keriso dóló olerale nitamo bóe du beterepó. <sup>19</sup> Ti ai whirape atima ai ala deté fóló, mo ti aluyaaire tikipaae sókó faalopó. Atima tɛteróló kae tare kótóta, ti ɔla naai ekɛlere ala ai ape. Atima haleni, mo sonaalei alatei, bete mulapóló bopé faketu

beterapó. Atimané kisipa tikikélé haemó mole alapaae mutu beterapó. <sup>20</sup> Tétu betepatei, dañé turuku beta hepen ereteiné so whi aluyaqsóro tao saaire Tale Yesu Keriso ą hepen be taaróló i haepaae wópóló, ą faairaalu ketekę buóló kaae tawóló beterapó. <sup>21</sup> Ti ai sekę tuąmóta, fea ala ama tęteróló kaae tawaaire fotokę mo turó bulapó. ą i haemó mo whiné daale tiki taaróló, ama mo kae daale ąi tiki wisinaale kaae daalópóló eraalopó.

#### 4

<sup>1</sup> Yąlo hosaa mole no nerape-ó, ąiapaae yaala sókó fóló mulu yąlo ąi mo kelenée du beterapó. Ti ąiąta, sururu yóló fóló, folosóro fole whiné topo tao suraalu, haíné sukutu dere kaae, ąiaą du betere ala kolóló ę mo haíné sukutapó. Atéyaalopa, yąlo ąiapaae ai yale fotóro sya furaalu, Tale tuąmó mo diriyóló atérótóro betae.

#### *Alale sere alamó yale ma fo*

<sup>2</sup> Yąlo ne Yuodiaró Sinteketamo-ó, ąiaamosisitei u tęterótu i tęterótu dere ala taaróló, Tale tuąmó mo betą kisipatóro muóló betaeyóló ąiaamopaae mo dirii ma fo i dere ape. <sup>3</sup> Atimaamota atęrapa, sekęi ala ętamo wusuró beletu betere whi no kamale-ó, yąlo yąpaae ai so tamo mo wisiyóló tao sae yóló i dere ape. Atimaamota, Klemen-kélé, mepaae ętamo betą kutó diterere so whikélé, ą fea Talené mió wosetere fó wisi eraairaalu, betąmó bóe belerąle fu dere kaae yale so tamopó. Ai so whiné doita, mo ti betó tare *buk*-mó asęrapó.

<sup>4</sup> Betere dokę fea ąią Tale tuąmó bituraalu, haíné sukutu betae. Momó dapa wosae, haíné sukutere ala haęle yó tawae. <sup>5</sup> Tale felekemó ai betęrapa, so whi feapaae ąiaą mo ąua naameyóló du betere ala erótu betae. <sup>6</sup> ąią mepaae ąla ó alarape netéro yaaloé? yóló whaalía du betaąse. Téni, ąiaą yąyątu betere

ala fea Kótóné erópóló, ąpaae yó móturaalu mo kée yóló, moma dere ala betą yó tawae. <sup>7</sup> Atétere betené ąią Yesu Keriso tuąmó betępa, me alané ąiaą hosaaró tuę tikitamo do-raqsóro Kótóné hosaa muni deyóló ąua betere alanétei, ąią tipi yóló kaae tawaalopó. Ai hosaa muni deyóló ąua betere ala wisinaale mo doasi sikipaae horeteiné fea so whiné tuę yaaire mo sųnipó.

<sup>8</sup> Norape-ó, mo kemerótu i dere fo wosae. Mo ala dereteikélé, wisi kisipa maaté mole so whiné dere alakélé, mo donoi alakélé, me alatamo hoseké inire alakélé, kelaalo mo kokęi alakélé, so whiné kolóló dukiraaire alakélé, ai dosąayale alarape talerąlemó, naao yaai dere alatamo betą kaae epa, ti kelaalo mo kokęreteiné dukiraaire alapóló kisipa mutępa, ai ala erótu betae. <sup>9</sup> Yąlo ąiapaae yó matepa wosale fo ó asęmó yale fo ó yąlo haęle ekei depa wosaletei, ó yąlo mo du betere ala kelené kelaleteikélé fea sya fóló erótu betae. Até depa, ti hosaa muni deóló mo ąua betere ala matere Kótó ąiątamo betaalo ai ape.

#### *Haęle tao sóro matere alamó mo kée dere fo*

<sup>10</sup> Take ąiaą ę kęleturaalu, tao sere ala deté waletęi sawa taaróló bitiré wóló, momó tao sereteiné mo kée yóló ę Tale tuąmó bitu, haíné sukutapó. Ti ita mo dapó. Take ąiaą ę tao suątei, tao saaire tu me munipa tao sinipó. <sup>11</sup> I dere fota, ę me ąla yąyątepa dumitei, mepaae kae kae sekęi alarape wapakélé me ąla meipóló, hepée taae faróló bitiré wou betaletęiné mió ę kisipa sóro asarapóló dapó. <sup>12</sup> Atéro ąla ąla sųmó mupa betere alakélé yąlo kisipa yóo, yąyąre tuąmó betere alakélé, kisipa yóo erapó. ąla sųmó nukulé fóo, munipa haęle bitiré fóo, kae kae felei ala ó sekęi ala wapakélé, faleyóló betaaire kisipa saleteiné mo sųmó haęle betenęrapó. <sup>13</sup> Ti ę fotokę mótu betere sekę tuąmó

bituraalu, ai dosqayale alarape fea yalo mo sumó enérápó.

<sup>14</sup> Tépatei, epaae wou betale sekei alarape diaaq kolóló hosaamó suraalu, da feané tikimó eratapóló kiswa muóló e tao su betale alata, mo wisirapó. <sup>15</sup> Ti ai alamaaté mei, e Masedonia hae kwia taaróló dia Filipai bemó betó mole so whi beterepaae wua yóló, kale mió wosetere kisi fo wisi yó melaai kaae salepó. Atéyale sukamó, mepaae be hulua Keriso fake so whiné e tao sóró u mótu i mótu dere ala ini, diané maaté e tao su betale ala diaaq ai kisipare ape. <sup>16</sup> Ti noatepaae, e Tesalonaika bemó betepa yayá du betale qla qla diaaq e tao sóró dotonótua yó tarepó. <sup>17</sup> Ti i dere fota, diané emó me qlakó melópoló dumitei, diaaq take saaire dupumó kiswa mutu dapó. <sup>18</sup> Diaaq Epaparataitaspaae emó melale fae yale qla qla fea yalo sumó saleteiné mió mo dekeró mulapó. Aita emó maleteti, Talepaae hãle móturaalu simó bilitepa felé kãlaa hotere kaae depa, Kótó e felé kiswa mutu beterepó. <sup>19</sup> Yesu Keriso tuamó Kótóné ama kae ere de wisinaale fãane wisi wisi qla mo turó mulapó. Atére wisi qla e tetteróló kaae tare Kótóné dia yayãretei fea mo sumó melaalopó.

<sup>20</sup> Dãné Aya Kótó aãa, ama kae ere de wisinaale tuamó betereiteiné ama doi doasi mulatere ala kemekélé ini, mo ti muó tanópoló yae. Mo kée.

*Mo kemeróturaalu kãleó yale fo*

<sup>21</sup> Yesu Keriso tuamó kae betereó betere so whipaae kãleó yae. Eãamo betãmó betó mole Keriso ne norapenkélé diãpaae kãleó dapó. <sup>22</sup> Kótóné ala erópoló ama kae betereó betere so whiné diãpaae kãleó deretei, so whi fea tetteróló kaae tare doasi topo whi Sisané bemó betere so whinéãa, mo doa kãleó dapó.

<sup>23</sup> Térapa, Tale Yesu Kerisoné hãle hamokoróló tao sere ala diané kepe bete tuãpaae erópoló yae. Mo kée.



## Kolosi

1-2 E Pol-ta, Yesu Kerisoné ala eraḷe fópóló, Kótóné ama tuénétei, *apospel* whi sóró beteralepó. I dere aṣeta, ḍané no Timoti ḍamo wusuró bitu, ḍiḷ Kolosi bemó betó mole no nerapepaae dapó. ḍiḷ Yesu Keriso tuámó betepa, Kótóné ama so whipóló kae beteró betereiteiné diaaḷ ama ala ḷale eró tarapó. ḍané Aya Kótóné hamokoróló ḷale tao sere alaró hosaa muni deyóló mo dua betere alatamo ḍiḷpaae erópóló yae.

*Talepaae mo kée yóló moma yaleteti*

3 ḍa ṭeteróló kaae tare whi Yesu Kerisoné Alima Kótópaae momat-uraalu, ḍiḷ keteréni kisipa ḷale yó taru, Kótópaae mo kée du beteralepó. 4 Ti noatepaae, ḍiḷ Yesu Kerisopaae kisipa tiki tiró bitu, Kótóné kae beteró betere so whipaae yaala sókó fu beteralepó dere fo ḍané wosalepó. 5 Diaaḷ tué tiki tiratere alaró yaala sókó fole alatamo ḷale dumitei, take nalopaae eraaire wisi ala hepen bemó mulapóló kisipa mutu du beteralepó. Ti ai eraalopó dere alata, mené ḍiḷpaae bete mole fo i ape yóló yó male fo wisi wosale betené kisipa yalepó. 6 Take mené kale fo wisi ḍiḷpaae yó matepa wosaleiteiné, Kótóné bete mole mo fo tuámó bole ama ḷale hamokoróló tao sere ala mo turó diaaḷ kisipa yalepó. Atéyale sukamó kaae sóró, ai fo ḍiḷ tuámó fakeraté fóló du wisi oleté walepó. Atére kaae i hae kwia feamó betó mole so whi tuámókélé ai fo wisi du oleyóló fakerótu beteralepó. 7 Ai fo wisita, Epapras-né ḍiḷpaae yó matepa wosalepó. Ai seké ḷata, ḍa betḷ kutó diratere hosaa mole no bitu, ḍané ḍiḷ tao saalopó yale kaae, Kerisoné ala wisiyóló eró taru, ama ḍiḷ taosu beteralepó. 8 Téru, kale ḍeḷi Kepe Wisiné ḍiḷ tuḷpaae eratere yaala sókó fole ala ḍiḷnémo mepaae

so whipaae erótu beteralepó fo ḍapaae ene walepó.

9 Atére betené, diaaḷ du betere ala ḍané wosale be ḍemó kaae saletei, miókélé ḍiḷmó moma dere ala ḷale eró tarapó. Kótóné ḍeḷi Kepe Wisiné diaaḷ kepe bete tuḷpaae mo bete mole fo diriyóló kisipa dere alaró ama kisipa mole ala eraaire fosó fosói kisipatamo ḍiḷ tuḷpaae mo ti surópóló, momarótu beteralepó. 10 Ti ḍané momatu betere alata, ḍiḷ Tal-ené ama so whi sṭótóro beterepóló du beteralepó. ḍiḷ ateḷi so whi bitu, diaaḷ du betere alakélé fea ama kisipa feléyaaire ala eraalopó. Tétu, kae kae wisi ala deremó du wisi oleyóo, Tale ḷ etei kaae Kótópóló kisipa deté fóo yaalopó. 11 ḍiḷ Tal-ené ala eraai ḷóni, ḷale eraté fóló wisi kisipatamo dua kaae taté fópóló, Talené ama kae ere ala tuámó bole fotokóné ḍiḷ suraalopó. 12 ḍiḷ Ayané ṭeteróló kaae tare aḷmó mole ḍe wisinaale tuámó, Kótóné kae beteró betere so whimó ama muló betere ḷa wisi ḍiḷkélé atimatamo betámó bitu sópóló, Ayané ḍiḷ suratepa ḷaitamo ḷpaae mo kée yaalopó. 13 Dowi kisipatamo ḷoko ṭeteróló kaae tare diliki tuámó ḍa betepa, Kótóné tao sóró ama hosaa mole naalené ṭeteróló kaae tare aḷmó beterepóló dape salepó. 14 ḍa ḷ tuámó atéro betereiteiné dowi alané ḍa dokóló mupa, ama dupuróló ḷale fópóló eralepó. Atétu, ḍané dowi alamó saai yale kwia fea ama ḷale kemeró beteralepó.

*Yesu Kerisoné ama ere alané mepaae whi ó ere ala fea bosené falapó*

15 Yesu Kerisota, mo whiné kelené kilinire Kótóné ḷ ere ala kolópóló ḷakearó betere asotóro beteralepó. Téru, ḷa ḷa fea aleyaaipatei, ḷ mo taketi ḷale bitu, fea ala ama ṭeteróló ḷ topo whi beteralepó. 16 I haemókélé, ó hepen bemókélé yó mole ḷa ḷa mo fea Kótóné Yesu Keriso tuámótóro kaarélipakalepó. ḍané

kelené kelere ɔla ɔlakélé, kelenire ɔla ɔlakélé, tɛtɛróló kaae tare doasi topo keperapekélé, atimané tɛtɛróló kaae tare alarapekélé, atima aɔmó bitu, mepaae ala tɛtɛróló kaae tare keperapekélé mepaae kutó tɛtɛróló kaae tare whɛrapekélé fea amatóro alipakalepó. Aleyóló muló betere ɔla ɔla fea Kótóné ɔpaae aleyae yóló ama naase tuámó mulatapa alipakalepó. Ti ai ɔla ɔla fea aleyóló muló betereiteita, Yesu Kerisoné ama kisipa mole alatóro erópóló erapó. <sup>17</sup> Fea ɔla fea aleyaaipatei, ɔ mo taketi haɓe bitipakalepó. Aleyóló muló betere ɔlakélé, betó mole ɔlakélé fea ɔ tuámó yó moletei, atima dokɔ feané yaai dere ala du betera. <sup>18</sup> Yesu Keriso ɔ topo bitu, da Keriso fake so whɛ ama tikitóro betepa, ama tɛtɛróló kaae tarapó. Ti folosóro ɔ sukóló momó kepaareteiné ɔakélé ɔ yale kaaetóro yaalo ai ape. Atéreteiné mió ɔ fea ala fea tɛtɛróló folosóro fale topo whɛ betera. <sup>19</sup> Ti noatepae, Kótóné ama ere ala mo turó ɔ tuámó faanópóló wisi kisipatamo eralepó. <sup>20</sup> Atéturaalu, Kótóné Yesu Keriso tuámó erale alané hepen bemókélé ó i haemókélé fea alatamo touyóló betámó wisiyóló betérópóló, ama naalema filipaa ni tómó sókó fararale sameané bóe firalepó.

<sup>21</sup> Take diɔ Kótótamo betámó bitini kae bitu, diaaɔ du betale dowi alané tué tuámóteitei Kótótamo bóe du betalepó. <sup>22</sup> Tépatei, mió Keriso ɔ mo whɛ tiki daayóló sukáleteiné bóe firóló diɔ Kótótamo betámó betera. Ti aita, Kótóné keletómó me alakélé muni, mo kae so whɛ betóo, haɓókó felepóló só deraaire bete munire so whɛ betóo, yópóló yalepó. <sup>23</sup> Ti Take diaaɔ woseté wou betale fo wisipaae kisipa tiró betereitei taaréni, miókélé ai fo tuámó diriyóló bitu, nalopaae mo wisi ala kelaalopóló haɓtamo kaae taté bu betepa, ti Talené keletómó ama kae betéro betere so whɛ ai

ape. Ai fo wisita, mepaaené diɔpaae yó matepa wosóo, Kótóné i hae kwia dokómó betéro betere so whɛ feapaae yó maté kweyóo, ɛ Pol-kélé ai fo yó melópóló kutó diratere whɛ sóro beteroo yalepó.

### *Pol ɔ so whɛ tao saaire kutó dirótu betale ala*

<sup>24</sup> Yesu Kerisoné so whɛta ama tikitóro betepa, atima tao saairaalu, ama tikimó doasi sekeɓ salepó. Ama tikimó ai sale sekeɓi ala kwia daaletei, mo ti kemeraairaalu, mió yaɔlokélé diɔpaae kale fo wisi yó mótu betere, mepaae whɛrapené ɛpaae sekeɓi ala eraleteimó mo kée du betera. <sup>25</sup> ɛta, Kótóné ama so whɛ tao sóro kutó diratere whɛ bitu, ama bete mole fo mo turó diɔpaae yó melópóló, Talené ɛ sóro betera. <sup>26</sup> Ai fota, mo taketi bitiré wale so whɛné kelaɔsóro kinóló moletei, mió Kótóné kae betéro betere so whɛné kolópóló haɓkearó betera. <sup>27</sup> Juda meire fake so whɛ tuámó kae betéro betere so whɛpaae ai kinóló mole ala, de faanu ke wisi bulapóló tué yópóló Kótóné ama kisipanéitei haɓkearalepó. Ai ke bole wisi ɔlata, diɔ tuámó betere whɛ Yesu Keriso ai ape. Ai seké diɔ tuámó betereiteiné, take nalopaae wisi de tuámó betaalopóló haɓtamo betera.

<sup>28</sup> Diɔ fea Yesu Keriso tuámó me ala haɓókó feni, mo donore so whɛ betepa, Kótóné keletómó yó melaai kisipa mutu, Yesu ɔ etei kaae whɛpóló ɔané yó mótu betera. Tétu, diaaɔ du betere hoɔko ala taaróló wisi tuɔpaae fae yóló ma fo yóo, Kótóné matere fosó fosói kisipatamo ama bete mole fo etérópóló yó melóo, du betera. <sup>29</sup> Ai ala yaalopóló kisipa mutu, Yesu Kerisoné ama kutó keteketaamo depe tukówei ala i du betere ape.

## 2

<sup>1</sup> Diɔ Kolosi bemó betó mole Keriso so whɛkélé, Laodisia bemó betó mole

so whikélé, yało kelepaa kilinire no nerapekélé, Talené tao sópóló kisipa mutu, ę depe tukówei ala du beteretei diaaę kisipa yaasepóló i dere ape. <sup>2-3</sup> Yało yaai kisipa mutere ala i ape. Atima haepaae derepéni, yaala sókó fole alané atima fea dokóló, mo betą tuétóro mulu, ketekę buóló beterópóló dapó. Aita hałe mei, mo bete mole fo sóró taru, Kótóné ama hiró betere ala wisi mo turó tuę yópóló du beterapó. Ai hiró betere ala haķearale whıta, me kae mei, Keriso ątórótıpó. Kótóné fosó fosói kisiparó bete mole ala wisi-tamo ą tuámó kinóló mulapó. <sup>4</sup> Yało diąpaae i dere fota, mepaae whıné dią dilikituraalu, kisipa tiki tiranére fo depa mo nisiyóló sya faşsóro dapó. <sup>5</sup> Ti noatepae, ęta diątamo betámó bitini, tika kae bitutei dią kisipa keteréni, yało hosaa tuámó tuę hałe yó tarapó. Yesu Kerisopaae diaaę tuę tiki mo ti diriyóló tiratere alakélé, mepaae du betere alakélé hoko ini, donotóro du beterapó dere fo yało woseturaalu, mo kée yóló ę hajné sukutu beterapó.

*Dąta mo hae whıné dere ala sya fumi, Yesu Kerisotamo betámó beterapó*

<sup>6</sup> Take diaaę Yesu Keriso dią tętéróló kaae tare Tale beterótu yale kaae, mió ama fo wosóló ą tuámó bitu, ama erae dere alatóro sya fóló erótu betae. <sup>7</sup> Atétepa, ti diaaę betere bete mo turó Yesu Keriso tuąpaae muló beteretei ni feleke haepaae durupu dere kaae yaalopó. Dią ą tuámó atéro bitu, take mepaae whırapené diąpaae yó melale mo fo bete tuę yó taru, ąpaae tuę tiki tiratere ala mo ti faketé fóló, mo dirii whı betenérápó. Talené diąpaae ai erale alarapemó kisipa mutu, mo kée dere fo dekéro yó tawae.

<sup>8</sup> I haemó doasi kisipa mole whırapené mepaae bete munire fotei, bete mole fo aęróló dią dilikóló mo fo wisi taaróló, kapala fo du betere tuámó atimatamo beteraai

wae saşsóro hotowaró kaae tawae. Ti atei kaae fota, Yesu Keriso tuámó kaayóló dumitei, mo whıné tuęre alaró i haemó tętéróló kaae tare fotokę bole kepetamoné kaarótu beterapó.

<sup>9</sup> Ti noatepae, Yesu Keriso ą mo whı tikitóro daalutei, mo Kótótóro betereteiné, Kótóné ere ala ą tuámó mo şuró beterapó. <sup>10</sup> Atétepa, diąkélé Yesu Keriso tuámó betereteiné mepaae ala yaęanı, ama ere ala dią tuámó fańanoló mo şuró beterapó. Atéru, ó şaró i haetamo tuámó betere mepaae tętéróló kaae tare keperaperó doasi doi mole keperapetamokélé, fea ama tętéróló kaae taru, ą topo whı beterapó. <sup>11</sup> Mo take bitiré wale Juda fake whıné mo tiki sekaę tukóló sirirótu yale kaae, dią Yesu Keriso tuąpaae biı wale sukamó ama so whıpóló siriró beterapó. Ti ai sirita, mo whıné naasené eréni, Keriso ą filipaa ni tómó sukąleteiné đané tó tikimó bole ekęlere ala tukóló taae faralepó. <sup>12</sup> Dią węi tópualeteita, Yesu Kerisotamo betámó douralepó. Yesu Keriso ą mo ti sukąletei momó kepaaróló beterale Kótópaae diąné tuę tiki tiró betereteiné, diąkélé kisi betere bete sópóló ątamó betámó kepaaróló betero beterapó.

<sup>13</sup> Diąné tó tikiné ekęlere ala tukóló taae falaai hałe muóo, take dowi ala du betóo, yale betené dią sukóló molepó. Tépa, Kótóné diąkélé Yesu Kerisotamo betámó kepaaróló beteróturaalu, đané dowi alamó saai yale kwia mo fea ama tokóló aluralepó. <sup>14</sup> Đané yale dowi alamó đą só deraai dapóló kwia betąpaaeróló muté huturaalu deąle dukę Kótóné Yesu Keriso filipaa ni tómó oleróturaalu mo ti doróló aluralepó. <sup>15</sup> Atéyaleteiné kale tętéróló kaae tare keperaperó doasi doi mole topo keperapetamoné tare bóe dele ęla ęla Kótóné fasó salepó. Atéro Yesu Keriso filipaa ni tómó sukuturaalu so whı feané keletómó

atima só deróló mo doasi haleralépó.

<sup>16</sup> Atérapa, mepaae whiné diá só deraairaalu, nokole ɔla ó wéi ó tukóló mole be de ó kisi wélié sókó wapa ɔla deteremó ó kutó diyaqsóró tukóló muló betere be dekélé, wisiyóló sya fumipóló só deratere fo momókó wosaqse. <sup>17</sup> Ti ai dosayale alarapeta mo ala mei, Kótóné dāpaae eraaire wisi alané aso maaté erélipakalépó. Mo bete mole ɔlata, ti Yesu Kerisopó. <sup>18</sup> Mepaae so whi tuámó bopé faketerere ala bulutei, naameyóló dua betere aq yóo, *ensel*-rape aqmó bitu, atima doi sóró horóo, du beterapó. Térapa, diá Talené muló betere ɔla wisi saasepóló, atei ala ekéle yóló du betere so whi momókó sya faqse. Atei kaae so whi atima i doasi ala kelalépóló, fɔlo sɔiyóló deté fu beterapó. Atima tuékélé Dēi Kepe Wisiné meni, hōko bete munire kae kae dowi kisipa maaté fāaturaalu, bopé faketu beterapó. <sup>19</sup> Yesu Keriso āta, tikiiné topo betepatei, atima atétu betere alané ātamo betāmó olekenipó. Dāta ama tiki bitu, ai topomó bole fotokōné tiki turó diriyóló daalópóló olekeratere feleke diriró beterapó. Atépa, ai tiki doatere alata Kótóné amatei erótu beterapó.

<sup>20-21</sup> Diá i haemó mara mole alarape tēteróló kaae tare keperapené dere fo sya fóló du betaletēi, Yesu Kerisotamo betāmó sukāle alané mo ti kemeró beterapó. Térēteiné mió diá ai ala tuámó betepapakó, “I ɔla naqse! ó I ɔla tawaqse! ó i ɔla olaa yaqse!” yóló ere fo aqmó bitu, sya fóló eraalóé? Mo meipó. <sup>22</sup> Ti noatepae, mo whiné tuénētei i ala yaqse ó i ɔla naqse yóló yó mótu betere fota, bete muni mo aluyaalópó. <sup>23</sup> Atei kaae ala du betere so whi atima kisipa mole ala sya fóló, Tale aqmó etéró betaalópóló yó melóo, bopé fake du bitutei naameyóló dua betere aqyóo, atima tikimó felé dere ala ini, mo hapólui ala maaté yóo, du beterapó.

Atére alata, fosó fosó ere fo aq̄patei, dā hae whiné dowi ala yaai ekēlere ala sesé yaaire fotokō mo bunipó.

### 3

*Kerisotamo kepaayóló betereiteiné tū wisi sya fae ere fo*

<sup>1</sup> Diāta, Yesu Kerisotamo betāmó kepaayóló beterepa, diaaq hosaa mo turó ó hepen be tuámó mole alapaetóró muló bitu, kisipa yó tawae. Ti aimóta, Yesu Keriso ā Kótóné turu naase eró betere fakeró beterapó. <sup>2</sup> I haemó mole alapaae kisipa muni, ó hepen bemó mole alapaae maaté kisipa mutu betae. <sup>3</sup> Ti noatepae, Yesu Keriso sukāle sukamó diākélé ātamo sukóló, mió diaaq betere bete Yesu Kerisotamo Kótó betere tuámó kinóló mulapó. <sup>4</sup> Diá betere bete Yesu Keriso ama ere de wisinaaletamo sókó wale sukamó, diākélé ai de tuámó betepa so whi feané ke-laalo ai ape.

<sup>5</sup> Térapa, dā so whiné tó tikiiné i haemó mole alarape yaai ekēlere ala mo ti dóló alurae. Aita, so nópu nokole alakélé, sonaalei dowi alatamo hosekētere alakélé, me ɔla senée yóló au nokole alakélé, dowi kisipa mutere alakélé momókó yaqse. I haemó mole wisi wisi ɔla senée yóló ekēleterere alata, kapala kótópaae moma dere aq̄rapó. <sup>6</sup> So whiné ai alatamo hāle du betepa, ti Kótóné fopaae buturaalu dowi kwia melaalópó. <sup>7</sup> Take diá mo hae whi doi muóló betale sukamóta, ai dosayale alarape sya fóló du betalépó. <sup>8</sup> Téyaletēi mióta, ai du betale dowi alarape derāakele kuti sokóló taae fótu dere kaae, mo ti taae falae. Ai alarape i ape. Fopaae butere alakélé, fopaae buturaalu me whīpaae eratere dowi alakélé, dei kisipa mutu me whīpaae eratere sekēi alakélé, me whi eróló doi doratere alakélé, dowi teka fokélé, mo taalae. <sup>9-10</sup> Téturaalu, diá take daayóló betale tikiró yale alatamo sókóló taae faróló, mo bete mole fo



tué siré furaalu, kisi whi aleraté fu beterapó. Ai kisi whi kaarale sekéné asotóro betepa, diasisi kapala fo yaose. <sup>11</sup> Dá mió i betere kisi ala tuámó mepaae whi Juda fake betepa ó Juda meire fake betepakélé, me ɔla meipó. Mepaae whi tiki sekaɔ tukólo siriró betepa ó siriró bitinipakélé, me ɔla meipó. Krik be fo buni, kae hae kwiamó wale whi ó me ɔla kisipani, mo belei sókó deyólo betere whikélé, kutó dirópólo wae sóro betero betere whikélé, ó wae sini mo hɔle betere whikélé, me ɔla meipó. Mo doasi bete mole alata me kae mei, dá fea tuámó betere whi Yesu Keriso ɔtóro ai ape.

<sup>12</sup> Atépa, Kótóné diɔ yaala sókó furaalu, mo kae so whi beteroópólo sókó su erapó. Térapa, mepaae so whipaae yaala sókó fu kɔlené sukutere alakélé, mo wisi ala maaté eratereteikélé, derólo mo dua betere alakélé, ama enére ala taarólo, naame yólo mo dua betere alakélé, fopaae butere ala hapale ini, sekɛi ala hɔle beleyólo kaae taté fu betereiteikélé, ai dosɔayale alarape feata, kuti derótu dere kaae yólo betae. <sup>13</sup> Mepaae whi hɔsóko fólo dere alamó sekɛ kisipa muólo, foné hapale só deratere ala ini, me ɔla meipólo kisipa keterólo, sekɛtei beleté fu betae. Ti noatepae, Talené diaaɔ dowi ala fea me ɔla meipólo kemerótu yale kaae, mepaae whiné diɔpaae me kwia muló betepa, me ɔla meipólo hɔle kemerae. <sup>14</sup> Ai alarape fea tɛteró betere doasi bete mole ala i ape. Kutiné tiki turó husirótu dere kaae, ne nopaae kɔlené sukólo yaala sókó fole ala betɔ hɔle yó tawae. Ti ai yaala sókó fole alanéta, kale dosɔaté wale wisi alarape fea tourólo dokorapó. Atére alané dá fea wisi kisipa muólo beteroópólo, mo ti sɔro betepa.

<sup>15</sup> Atéru, Yesu Kerisoné mótu betere hosaa muni deyólo mo dua betere alané diaaɔ hosaa tuámó mole kae kae ala fea taleyólo tɛterólo

kaae tanópólo yae. Ti noatepae, Talené diɔ fea ɔ beterepaae ape yólo, mo betɔ tikitóro daarólo betero betepa. Atére alata, diaaɔ mole kisipakélé mo betɔtóro muólo beteroópólo erapó. Térapa, diaaɔ hosaa tuámó Talepaae mo kée dere ala suka fea hɔle yó tawae. <sup>16</sup> So whi bemó suka fea bitu dere kaae, Yesu Kerisoné ama fo diaaɔ hosaa tuámó mo ti muólo sɔroópólo yae. Atéru, Talené ala eraairaaalu, mo wisi kisipatóro muólo, u yó mótu i yó mótu dere alakélé, tɔ wisi sya foleteti hɔsóko fólo dée naaitere tɔpaae faɔsóro, ma fo u du i du dere alakélé hɔle yó tawae. Tétu, Kótópaae wole fo duraalu, ama buk-mó aseýoló muló betere wole fokélé yóo, mió i alimó du betere wole fokélé yóo, mepaae so whipaae Dɛi Kepe Wisiné yó matere wole fokélé yóo duraalu, hɔtamó diaaɔ hosaa turóné Kótópaae mo kée du betae. <sup>17</sup> Atétu, diaaɔ mepaae dere ala ó dere fokélé fea dá tɛterólo kaae tare whi Yesu Kerisoné doi doasi mulóturaalu, ai sekéné ama doimó Aya Kótópaae mo kée du betae.

*Keriso so whi atima naale senaale-tamo wisiyólo betae yólo dere ma fo*

<sup>18</sup> Diɔ whiné dokore sorape-ó, diaaɔ dere ala mo Talené so whiné dere ala kaaetóro yaasepólo, diaaɔ whirapené dere fo wosólo aɔmó betae.

<sup>19</sup> Diɔ so dokore whirape-ó, diaaɔ sorapepaae hapólu ala ó deterai fo ini, yaala sókó fole alatóro yó tawae.

<sup>20</sup> Diɔ naale senaale-ó, diaaɔ hae ayané dere fo wosólo aɔmó betae. Atétere ala Talené kilituraalu, ɔ hɛkesetu betepa.

<sup>21</sup> Naale senaale alimarape-ó, diaaɔ naale senaale atima fomaake kisipa muaɔsóro hasekɔai ala eraɔse.

<sup>22</sup> Kutó dirópólo wae sere whirape-ó, i haemó diɔ tɛterólo kaae tare whirape aɔmó bitu, atimané erae

dere ala fea erótu betae. Atimané kisipa tiki felé yópóló, atima keletómó maaté kutó hatepaa yóló ini, betepa ó alupakélé, betá alatóró yó tawae. Atimané diápaae dirae dere kutó diróturaalu, wisi kisipa betátóró muóló, Talepaae witamo dirótu betae. <sup>23-24</sup> Diá teteróló kaae tare whíta mo whítei, yálo i ditu betere kutómó Talené dupu wisi melaalopóló, wisi kisipatamo keteké buóló dirótu betae. Ti naao ai ditere kutóta, yá teteróló kaae tare whí Yesu Kerisoné kutópóló kisipa muae. <sup>25</sup> Téretei, Talené keletómó diaaḡ me dowi alatamo depa, ti ai alamó mo dowi duputóró tokó melaalo ai ape. Ti noatepae, Kótóné taleturaalu, mepaae whírape tao sóo, mepaae whírapemo só deróo ini, mo betá kaae alatóró eraalopó.

#### 4

<sup>1</sup> Wae sóró kutó diratere whí teteróló kaae tare whírape-ó, diákélé teteróló kaae tare doasi hepen bemó beterapóló kisipa mutu, Kótóné donoi ala eróturaalu, diaaḡ wae sóró kutó diratere whírape atimakélé, diá kaae mo whítóró beterapa, wisi alatóró erótua yae.

#### *Mepaae dere alarape hotowaró duraalu moma yae dere fo*

<sup>2</sup> Diaaḡ momaturaalu, noke keleiné ini, kele diriyóló bitu, hosaa tuámó Talepaae mo kée yóló betere dokḡ fea moma dere ala hāle yó tawae. <sup>3</sup> Téturaalu, Tale Kótóné ama kinóló mole fo so whí feapaae yó melaaire tu tukjyópóló, dāpaaekélé moma dere ala hāle yó tawae. Ti ai kinóló mole foné, Yesu Kerisoné diá Juda meire fake so whíkélé tao saalopó. Atéyaaire fo wisi yó maté kutu betepa, atimané ḡ *dipula* sóró i betéro betere ape. <sup>4</sup> Talené fo yálo yó matepa, so whí feané wosóló bete mo wisiyóló kisipa yaaire fotóró yó melópóló momarótu betae. <sup>5</sup> Keriso meiyóló, hāle belapaae betere so whítamo diaaḡ mepaae ala duraalu,

Talené matere wisi kisipatamo ama ala eraaire be ḡ mepaae hāle kemeraḡsóró, ama alatóró erótu betae. <sup>6</sup> Atéturaalu, mepaae mo so whítamo diaaḡ dere fokélé, Talené hamokoróló tao sere ala mo fāyóló sūru, naao ai dere fo atima feané wosetepa, kó felé kaae dapó yópóló yae. Atéturaalu, mepaae so whíné diápaae kae kae wosetere fo depa, tokḡ melaaire fo kóló kóló ini, mo donotóró tokḡ melaalopó.

#### *Mo kemeróturaalu kḡleó dere fo*

<sup>7</sup> Yálo mo hosaa mole no Tikikas-né ḡ betere ala etérapóló diápaae yaalo ai ape. Ti ḡta, ḡtamo Talené kutó diratere whí wisinaale betepa, diá beterepaae wópóló dotēyaaai dapó. <sup>8</sup> Ḃ atéro wouraalu, dāné du betere alakélé diápaae yóo, diá fotokḡ bulatere alakélé yóo, yópóló dotonatapó. <sup>9</sup> Diaaḡ be whíkó dāné mo hosaa mole no Onesimas-kélé, Talené kutó diratere whí wisinaale Tikikas-tamo wópóló dotēyaaai dapó. Dāné imó du betere ala fea ti atimaa-moné diápaae yaalo ai ape.

<sup>10</sup> Ḃtamo betámó *dipula* betere whí Aristarkus-né diápaae kḡleó dapó. Banabas-né belema Mark-nékélé diápaae kḡleó dapó. Ai sekémó kisipa mutu yálo take diápaae yale fo diaaḡ kisiparapa, ḡ wisiyóló dape sae. <sup>11</sup> Dā teteróló kaae tare whí Yesuné yakoma Yesu doi mupatei, Jastus-pó du betere whínékélé diápaae kḡleó dapó. Talené teteróló kaae tare tuámó mole ala erótu betere whírape kuamó ḡtamo kutó ditere Juda fake whírapekó sore betá beterapó. Aita Mark, Jastus, Aristarkus atimané yálo kisipa felérótu betalepó. <sup>12</sup> Diá be whíkó Yesu Kerisoné kutó diratere whí Epapras-né diápaae kḡleó dapó. Betere dokḡ ama diámó momatu betereitei i ape. Kótóné diá fotokḡ bulóo, ama diápaae eraaire ala turó eróló sūróo, Kótóné ama kisipa mole ala mo turó diaaḡ tué yóo yópóló, keteké buóló momarótu beterapó.

<sup>13</sup> Yalo diɔpaae mo i dere ape. Ai sekéné diɔmókélé, Laodisia beró Hierapolis be huluatamomó betó mole Keriso so whɔpaaekélé, me sekɛi ala eraɔsóró, ama hosaamó suraalu kutó ditu beterapó. <sup>14</sup> Dɔné hosaa mole no *Dokta* whɔ Lukró Demas-tamoné diɔpaae kɔleó dapó. <sup>15</sup> Laodisia bemó betó mole dɔné Keriso ne nopaaekélé, kale so Nimparó ama bemó touróló bitua dere Keriso so whɔtamopaaekélé, yalo kɔleó dapó yae.

<sup>16</sup> Yalo i dotonaterere asɛ diaaɔ dosɔayóló kemetepa, ti Laodisia Keriso so whɔnékélé dosɔayópoló melae. Yalo atimapaae dotonale asɛ diaaɔkélé dosɔayae.

<sup>17</sup> Artipus-paae Talené yɔpaae dirae yale kutó diróló, mo ti kemerae yae.

<sup>18</sup> Eɛta, Pol-né dapó. Yalo diɔpaae kɔleó yóló i asɛtere fota, mo yalo naasenétóró ai erapa kelae. Eɛ *sein* képiné dokóló *dipula* beteretei kisipa keteréni, kisipatóró hɔle yó tawae. Kótóné hɔle hamokoróló tao sere ala diɔ tuámó mulópoló yae.

## 1 Tesalonaika

<sup>1</sup> I dere aseta, ę Pol-né dapó. Sailas-ró, Timotitamokélé dą fea betámó bituraalu, dią Tesalonaika be huluamó betó mole Keriso so whįpaae i dapa wosae. Dią Keriso fake Aya Kótóró Tale Yesu Kerisotamoné ala tuámó betepa, Kótóné ama hamokoróló tao sere ala wisinaaleró hosaa muni deyóló mo dua betere alatamo dią tuámó mulópoló yae.

*Tesalonaika so whį Talepaae tuę tiki tiró betepa, Pol-né mo kée yale fo*

<sup>2</sup> Dią fea dąné kutiri tuámó muó taru, mo kée yóló Talepaae moma dere ala hąle yó tarapó. <sup>3</sup> Atéró, Aya Kótóné keletómó moma yó tare alata, diaaę kisipa tiki tiró betere alané kaarale kutórapekélé, kọlené sukóló yaala sókó fole alané kaarale depe tukó wei alakélé, take nalo waaire sukamó, Tale Yesu Keriso tuámó wisi ala mupa kelaalopóló kisipa mutu, hókélé ini, hąle eró tare alamókélé, mo kée yóló Talepaae moma du betepapó.

<sup>4-5</sup> Kótóné yaala sókó fu betere norape-ó, Talené dią fopeyóló sókó suyóló beteró betereitei, dąné tuęrapó. Ti noatepae, mió wosetere kisi fo wisi dąné diąpaae Kótóné fotokótamo yó matepa diąné wosetu-raalu, hąle tó tikiné maaté wosetere ala inipó. Mo bete mole fopóló Deį Kepe Wisi dią tuámó fąayóló sųreteiné diaaę hosaa betemó salepó. Dią wisiyóló beterópoló kisipa mutu, dą diątamo betaleteti diąné ai kisipare ape. <sup>6</sup> Atéturaalu, dąpaaekélé, Talepaaekélé, dua yale dowi sekeį ala kaae, diąpaaekélé erótua yalepó. Atétepetei, me ęla meipóló hepée taae faróló, Deį Kepe Wisiné matere haįtere ala mulu, kale fo wisi mo wisiyóló wosetu betalepó. <sup>7</sup> Atére ala Masedonia hae kwiaró Akaia hae kwiatamomó Yesupaae kisipa tiróló betepapó dere fo wosetu, atimakélé, atéró betaai

dapóló kisipa mualepó. <sup>8</sup> Talené ama fo wisi, dią betere tikimó kaayóló, Masedonia hae kwiaró Akaia hae kwiatamopaaekélé yó melaté fóló fakeralepó. Atéturaalu, dią Tale Kótópaae kisipa tiki tiró betepapó dere fo hae kwia feamó betó mole so whįné wosalepó. Atéyaleteiné dąné me kae enénipó. <sup>9</sup> Ti noatepae, ai be huluamó betó mole so whį diaaę dą wisiyóló dape sale ala atimanétei mepaae so whįpaae yalepó. Dią kapala kótóné ala erótu betaleteti taaróló, ti betere Kótóné ala eraai walepó. <sup>10</sup> Atéru, ama kepaaróló hepen-mó beteró betere Naale wópóló kaae tawóló betepapó dere fokélé so whį feané wosalepó. Ti ai seké Aąa, Kótóné fopaae buturaalu kwia melaaire ala dąpaae eraęsóró, tao su betere whį Yesupó.

## 2

*Pol Tesalonaika be huluamó fo yó maté kwęale fo*

<sup>1</sup> Norape-ó, take dą diątamo sawa hąleke sukamó bitu, eraai wale ala hąsókó feni, mo eraleteti diaaę ai kisipare ape. <sup>2</sup> Take diaaę bepaae waai, Filipai be huluamó betepa erale sekeį alaró, halerale alatamo diąné kisiparapó. Tépetei, dąné Aya Kótóné dą tao su betepa, halaaíné diąpaae ama fo wisi yó mótu betalepó. Ai ala du beteremó, mepaae whįrapené dą daai ketekę butepatei, wiyóló taaréni, hąle yó matere ala betą du betalepó. <sup>3</sup> Ti noatepae, dąné diąpaae du betere bete mole fota, họko ala tuámó kaayóló ini, mopóló diaaę sya faasepóló dapó. I foné dią dilikóló me ęla saai ó dią doraaire kisipa muluraalu dumi, motóró i dere ape. <sup>4</sup> Téni, Kótóné ama fo wisi yó melópoló, dą ama fopeyóló sóró beteró betepa, ama fo wisi dąné diąpaae i yó mótu betere ape. Dąné i du betere ala, mo whįrapené kil-itu, wisi ala dapóló dą dukirópoló dumitei, dąné hosaa tuámó mole ala



k̄aae keletere Kótóné kolóló, wisir-apó yópóló du betelepó. <sup>5</sup> D̄ané dīapaae Kótóné fo yó móturaalu, dīané me ɔla ɔla saai dapóló fonétei dīa h̄ale mulóló, dilikiniyale ala dīaaqkélé kisipa yóo, Kótónékélé kisipa yóo erapó. Ti noatepae, d̄ané du betere ala feata, Kótóné ama kele tómótóro du betelepó. <sup>6</sup> Ti d̄ané i du betere alata, diaaq ó mepaae wh̄irapenékélé wosóló d̄a dukirópóló dumipó. Ti d̄ata, Kerisoné ama sóro betero betere yó matere wh̄irape bituraalu, d̄a fiyaaire be ó naaitere ɔla dīapaae tao sae yaalopóló yaleteti, dīa sek̄e yaqsóro kisipa mutu taaralepó.

<sup>7</sup> Téturaalu, bet̄a soné ama naale senaale aw̄a nópóló dua bitu dere kaae, d̄a dīatamo naameiné dua beterepó. <sup>8</sup> D̄ané dīa yaala sókó fole ala mo turó mulu, Kótóné kisi fo wisi yó matere ala maaté ini, dīa tao saai wisi kisipatamo d̄ané betere betekélé malepó. Ti noatepae, dīa d̄ané hosaa mo turó mole ne no alée feleteinépó. <sup>9</sup> Norape-ó, d̄a dīatamo bituraalu yale alarape fea kisipa muae. Kótóné fo wisi yó mótu bitu, mepaae d̄ané naaire ɔla ó be dīapaae maaté sek̄e eraalomeipóló kisipa mutu, d̄etamokélé, dikitamokélé, d̄anétei doasi depe tukó wei ala du betaleteti diaaq ai kisipare ape.

<sup>10</sup> Tétu, dīa kisipa tiki tiró betere so wh̄i tuamó d̄a betale ala dīanékelé Kótónékélé, kolóló ai kisipare ape. Kótóné ama sóro kae betero betere wh̄irapené dere ala yóo, mo donoi ala maaté dere wh̄irape betóo, me dowi alakélé munire wh̄i betóo, erepó. <sup>11</sup> Ti noatepae, wh̄i bet̄ané ama naale senaale kaae tatu dere kaae, d̄ané dīa dok̄o fea atéro kaae taté fu betelepó. <sup>12</sup> Até yaleteti dīa Kótóné ama t̄eteróló kaae tare alaró ama kae ere ala wisitamo tuamó betaai ape yalepó. Atéru, ai sek̄éné mo ama so wh̄i s̄u beterópóló kisipa mutu, d̄ané dīa fotok̄oróló ketek̄e bulatere fo yóo, sek̄e alané só de-raqsóro hajratere fo yóo, duraalu,

setere ala du betelepó.

<sup>13</sup> Téturaalu, miókélé Kótópaae mo kée yó tare alata, noa betené meipó. D̄ané dīapaae yó matepa, wosetu betale fota, mo wh̄iné fo yó matapóló kisipa muni, Kótóné ama fotóro yó matapóló hosaamó salepó. Ai fota, dīa tué tiki tiró betere so wh̄i tuamó muluraalu, ai fonétei Kótóné ama kisipa mole erótu betelepó. <sup>14</sup> Norape-ó, Judia haemó Yesu Keriso tuamó betere Kótóné fake so wh̄ipaae erale sek̄e alamó kisipa muae. Ti atimapaae ai erale susupui alata, atima Juda fakenétei eralepó. Atétu yale kaae, diaaq be wh̄inétei, dīapaaekélé ai alatóro eralepó. <sup>15</sup> Ti ai Juda wh̄irapenéta, Tale Yesu Keriso dóo, Kótóné ama k̄oló wh̄irapekélé dóló kemeróo, d̄akélé i fo wisi atimapaae yó melaqsóro h̄okó falóo yalepó. Juda fake mei, kae fake so wh̄i mo ti aluyaqsóro Kótóné tao sópóló d̄ané atimapaae kale fo wisi yó mótu betepatei, atimané sesétu betelepó. Atétere alané so wh̄i featamo bóe dóo, Kótókélé fopaae bulóo, yalepó. <sup>16</sup> Atéturaalu, atimané ai du betere dowi ala mo ti muté hutu betepa, Kótóné fopaae buóló kwia melaai doasi ketek̄e butu betale ala kemer̄ale wouraalu mo ai melale ape.

### *Pol ɔ Tesalonaika so wh̄i k̄ele fenée du betaleteti*

<sup>17</sup> Térapa norape-ó, d̄ata dīatamo bet̄amó betaai yalemó, bóe dóló foya yaletiné d̄a kae betóo, dīa kae betóo, ai ere ape. Téretei, d̄ané dīa kisipa keteró bitini, h̄ale kisipa yó tarapó. Téruraalu, d̄ané dīa kelenée yóló kisipa mutu, dīa beterepaae waaire t̄u kikitu betale s̄upó. <sup>18</sup> Ti noatepae, d̄a dīa beterepaae waii dapóló ɔ Pol-né t̄u dekéro kikitu betaleteti, Satan-né d̄a waaire t̄u seséyalepó. <sup>19-20</sup> Ti noatepae, take waaire alimó wisi ala kelaai dapóló hajné sukutere beteta, me ɔla kae mei, dīatórótípó. Tale Yesu ɔ waaire sukamó d̄a fea ɔtamo bet̄amó betó

muluraalu, noa ala epa kilitu da hajné sukóló bopé fake yaaloé? Ti atéro hajné sukóló bopé fake yaaitere alata, diatóro kilitu, doasi doi sóro hajné sukçalopó. Atéro, mepaae ɔla wisi saairaalu whi fea sururu yóló foleteti, betá folosóro sókó fole whiné topo tao sóro həkese né sinitu bopé faketu dere kaae, danékélé diá kilitu atei kaae ala yóló, mo kée yaalo ai ape.

### 3

<sup>1</sup> Téro da Atenis be hulua mó betó mulu, diá netéro beterérópóló, da whaaliatu betalepó. Tétu, dąsisi taleyóló dąmo i Atenis bemó bituraalu, Timoti diá beterepaae ai dotęyale ape. <sup>2</sup> Dané no Timoti ąta, Yesu Kerisoné mió i wosetere kisi fo wisi so whįpaae eróló fakeraté fópóló, dątamo betámó bituraalu, Kótóné kutó diratere whįpó. Ti ai seké diá beterepaae dotonatereteita, hąle meipó. Diaaɔ kisipa tiki tiróló betereitei, mió ai wou betere sekęi alarapené haepaae só deraɔsóro ą diątamo bitu, diá fotokɔ bulatere ala yópóló ai dotonale ape. <sup>3</sup> Mió da feapaae i erótu betere sekęi alarape, mené dąpaae eratepa, beleyópóló Talenétei tukóló muló betereitei diaaɔ mo kisiparapó. <sup>4</sup> Ti i dere fota kapala mei, da take diątamo bituraalu, doasi sekęi ala mo waalopóló diąpaae inié? Ai yale fo motóro dokonóturaalu yale alata, diaaɔ mo wisiyóló tuęrapó. <sup>5</sup> Atétere betemó, diąné kisipa tiki tiró betere ala netéréro, ai sekęné keęle wópóló ai dotonale ape. Ti noatepae, kópaae fópóló dée nalatere sekęné diá dée nanóló, dané diąpaae erale alarape hąle besekéróló doralemóló whaaliatapa keęle wópóló kale seké ai dotonale ape.

*Timotiné ene wale fo wosetu, Talepaae mo yaletei*

<sup>6</sup> Téyaletei, Timoti momó da beterepaae fesaae wóló i betere ape. Atéro ama diá betere alaró, diąné tuę

tiki tiróló yaala sókó fole alatamo du beterapó ene wale fo wosetu, dané mo kée du beterapó. Ai seké ą mo miótóro da beterepaae sókó wóló i fo yalepó. Betere dokɔ fea diąné da tuę yó taru, wisi kisipa muóló betóo, dané diá keęle wolée du betere kaae, diaaɔkélé da keęle fenée du beterapóló dąpaae ene wóo, yalepó. <sup>7</sup> Norape-ó, diá atétu beterapó dere fo wosaleteiné da imó bituraalu, kae kae susupui alaró, sekęi alatamo wou betepatei, diaaɔ kisipa tiki tiró beterapó, dere fo woseturaalu, dané hosaa muni deyóló, mo kée fo du beterapó. <sup>8</sup> Ti noatepae, diá Talené ala tuámó mo diriyóló bitiré waleteti, miókélé hąle betótóro tarapó, dere fo woseturaalu, mo kée yóló dąkélé hajné sukutu beterapó. <sup>9</sup> Da Kótóné keletómó bituraalu, diąné du betere ala kolóló hajné sukutere ala mo turó fąanapó. Atére alamó, Kótópaae mo kée dere fo yaairetei sųnipó. Ti noatepae, hajné sukutere ala da tuámó mo sųró beterapó. <sup>10</sup> Diaaɔ tuę tiki tiró betere tuámó, mepaae yąyąre alarape diá tao sóro yó male waai, dikitamokélé dętamokélé dané mo dirii moma yó tarapó.

<sup>11</sup> Térapa, mió da diá beterepaae waaire tųta, dané Aya Kótóro Tale Yesutamóné alerópóló yae. <sup>12</sup> Dané diąpaae yaala sókó fu dere kaae, diaaɔ yaala sókó fole alakélé, mo ti fąayóló węi feleyóló futere kaae yópóló, diąsisitei u yó mótu i yó mótu du betae. Téturaalu, mepaae so whįpaae yaala sókó fole alakélé Talené amatóro erópóló yae. <sup>13</sup> Tale Yesuró ama kae betéro betere whįrapetamo wale sukamó, dané Aya Kótóné keletómó me ala munipa kilitu, mo ama kae betere so whįpóló, Kótóné amatei diaaɔ hosaa dirirópóló yae.

### 4

*Kótóné da betere ala kilitu, ą hękeseyópóló etéro betae yóló dere ma fo*

1 Norape-ó, ðané ðiãpaae ke-meróturaalu dere fo i ape. Kótóné keletómó wisirapó yópóló, etéro betae yóló take ðané ðiãpaae yó mótu betalepó. Ai yale fo mo ðapóló ðiaaḡ wosóló eraté ai wou betere ape. Ḍa fea Tale Yesu tuamó bitu, ai du betere alatóro fakerae yóló, mió ðané ðiã ketekḡ bulatere fo i dere ape. 2 Ti noa betené meipó. Tale Yesuné fea ala amatóro sumó tḡeteróló kaae taru, ðapaae erae depa, ðanémo ðiãpaae i ala yae yóló, yó mótu betale forape ðiaaḡ ai tuḡere ape.

3 Atéreteiné, ðiã fea dowi ala mo betakélé muni, mo kae so whiã betero pólo Kótóné ama kisipa mutu betera pólo. Térené, whiné so ḡlémi nokole alakélé, soné whiã ḡlémi nokole alakélé, ðiãpaae yaḡse yóló ðapó. 4 Térapa, ðiané kisipa tiki séle séle wisiyóló tḡeteróló kaae tare ala mo so whinékélé, Kótónékélé kilituraalu, mo kae betero betere so whiã betera pólo ðukirópóló ðiané tó tiki ðiaaḡtei wisiyóló kaae tawae. 5 Kótó tuḡeni, mo ḡle betere so whiné, au nólo ḡlémi naairaalu ekḡle dere ala kaae yaḡse. 6 Ti atéro ḡlémi nuku betere alata, me whiné kelaalomeipóló kinóló naao no ḡlémi nó matere ala mo yaḡse. Atei dowi ala deremó, Talené doasi kwia melaalopó. Téyaḡsóro, atei kaae ala momókó yaḡse yóló, take ðané ðiã kisipa mulóló ma fo ai yale ape. 7 Ti noatepae, wisi alaró dowi alatamo hosekáyóló betero pólo Kótóné ḡa beterepaae ape fo ini, mo ama kae so whiã betero pólo ape yalepó. 8 Térapa, whiã me ðenétamo i du betere ma fo woseni nisiyóló ḡrótu betepa, ti mo whiné dere fo ḡrótumitei, ðiã Ḍei Kepe Wisi mótu betere Kótóné fotei ḡrótu betera pólo.

9 Téró, ðiaaḡ mo notamo dere kaae ḡkesené sinóló yaala sóko fu betere ala yópóló, Kótónétei yó male ala ðiané kisiparapó. Atérené ðané ðiãpaae me noa fo kae aḡ

yaalomeipó. 10 Ti aita, mo ðapó. Masedonia hae kwiamó betó mole Keriso norapepaae ðiaaḡ yaala sóko fu betera pólo. Tépatei, ai ala mo ti fakerae yóló ðané ðiã ketekḡ bulatere fo i dere ape.

11-12 ðiaaḡ betere dokḡ du betere ala fea mo ḡle betere whiãrapené kilituraalu, atimané i du betere alata, mo wisirapó fo yópóló yae. ðiaaḡ yaḡḡtu betere ḡla me whiné melópólópó yóló ðekayóló ḡle bitini, ðiã mo dua bitu kae ðepe tukó wei ala du betae. ðané ðiãpaae yae yóló, yó male alatóro ti sya fóló mené yaaire alamó kisipa muni, ðiaaḡ yaaire ala betḡ kisipa muóló du betae.

#### *Tale wouraalu yaaire alamó ere fo*

13 Norape-ó, sukḡle so whiã atima neté yaalorópó yóló, ḡló ḡló du betaḡsóro, ðiãpaae i ðapa wosae. Take waaire alimó mo wisi ala kelaalopó yóló kisipa muóló, ḡiné sukutu betae. Mo so whiã ai ala kisipa muniru, ðoa ðekḡné sini molótu dere kaae, ðiaaḡkélé yaḡsóro kisipa mutu ðapó. Ti atimané wole dere alata, ama kaepó. 14 Yesu mo ti sukḡletei, momó kepaayóló betera pólo dere fo ðané woseturaalu, tuḡ tiki tiró betera pólo. Atéreteiné, mepaae Yesuné ala tuamó betepa, sukutere so whiãkélé, Yesutamo betamó Kótóné ðapesó waalopó ere fomó ḡa kisipa tiki tiró betera pólo. 15 Talené ðapaae i ala eraalopóló ere fo ðanémo ðiãpaae i ðapa wosae. Tale waaire be ḡ teópatei, sinale so whiã taaróló, ḡa sukuni ḡle betó mole so whiãrapepi folosóro faalomeipó. 16 Ti noatepae, Tale ḡtóro ti ó hepen be taaróló dorowouraalu, i ala yae yóló fo fakeyóló yóo, doasi topo *ensel*-né fo yóo, Kótóné ukulumó wuti haletere ala yóo, yaalopó. Ai ala deremó, Keriso betero sinale so whiãpi turukó holaalo ai ape. 17 Atéyale sisópaae ti ḡa sukuni ḡle betó mole so whiã tokḡ sóro, sḡko tuamó atima sinale so whiãtamo hokolaayóló, fea touyóló

huturaalu, hãle tó tuãmómo Tale-tamo hokolaa yaalopó. Atéro holóló, suka fea dã Taletamo betãmó mo titóro betó tawaalopó. <sup>18</sup> Atéyaalopa, i dere foné, diã fotokõ butere ala yõpóló diãsisitei u yó mótu i yó mótu du betae.

## 5

<sup>1-2</sup> Térapa, norape-ó, waaire ali ó be dẽrape diãné kisipa inipapakó, dãné diãpaae asẽyaalomeipó. Ti noatepae, Tale waaire be dẽta, dikitamó õlémi nokole whi woutere kaae yóló waairetei, diaaõ mo diriyóló ai tuẽre ape. <sup>3</sup> Mo so whiné duraalu, “Dãpaae me ala eraalomei, mo dua beterapó,” fo du betepatei, betã soné naale saai, sisó nukutere kaae, atimapaakéké eraalopó. Téturaalu, be õla õla doratere ala mo hapale tétitóro sókó wóló, kilita eraalo ai ape. Atéyaaire alata, mo hãsóko faalomeipó.

<sup>4</sup> Téyaalotei, norape-ó, diã diliki dolomó mokõleyaayóló betepapakó, õlémi nokole whi sókó walemó me whi kilita sókó fu dere kaae, diã atéro kilita sókó faalomeipó. <sup>5</sup> Diã feata, dẽró sukutamó tuãmó betó mole so whi ai betere ape. Dãta, dikitamó ó diliki dolomó betere so whi meipó. <sup>6</sup> Térapa, dã mepaae noke fire whi kaae fió muni, kele diriyóló betere so whitóro bitu, dãnétei dã betere bete mo hotowaró kaae tanérapó. <sup>7</sup> Ti noatepae, atima dikitamó noke fitere so whita, ti fitua yóo, topo dotere wei nokole so whikéle dilikitamó nólo topo doyóló hõko bitua yóo, dapó. <sup>8</sup> Dãta, dẽtamó betere so whipa, dã betere bete dãnétei hotowayóló kaae tawóló bitiẽpe. Téruraalu, bóe daai kuti wase su dere kaae, kisipa tiki tiró betere alaró yaala sókó fole alatamó atéro sóro betaalopó. Talené dã aluyaõsóro tao saaire alamó tuẽ muturaalu hajiné sukutere alata, bóe daai deratere dirii topo tao kaae deróló betenérapó. <sup>9</sup> Ti noatepae, dã so whita, Kótó ã fopaae buturaalu, kwia melóló susupu eraai

dapóló, sóro beterenitei, Tale Yesu Keriso tuãmó betepa, tao sóro wisir-aaí kisipa mutu sóro beteralepó. <sup>10</sup> Dã tao saai ã sukãleteita, dã mo betere so whi ó sukãle so whikéle fea atamó betãmó beterõpóló kisipa mutu, yalepó. <sup>11</sup> Térapa, mió diãné ai du betere alatóro hãle yó taruraalu, diã Talené ala tuãmó mo dirii Keriso so whi betaasepóló, diãsisí u tao su i tao su yóló, ketekẽ bulatere alakéle mo ti deté fu betae.

*Mo kemeróturaalu i alarape yae yóló dere ma fo*

<sup>12</sup> Norape-ó, Talené ala tuãmó bitu, diã tẽteróló kaae taruraalu, depe tukó wei kutó ditu betere whirapené dere ma fo wosóló, atima aõmó sukóló betae yóló i dere ape. <sup>13</sup> Térapa, atima ai kutó ditu betereiteimó, diã yaala sókó furaalu, atimané doi sóro horótu betae. Atéru, diaaõ no netamó hosaa muni deyóló dua betó muae. <sup>14</sup> Norape-ó, mepaae kutó dini, dekaayóló hãle betere so whipaae dirii ma fo yóo, hãsóko fole ala yaõsóro witu, fo tekeni kekóló fi betere so whi tao sóro ketekẽ bulóo, fotokõ buni, bére so whi tao sóo, yae. Tétu, mepaae so whi hãsóko fole ala depa, hapale foné só deréni, dua kaae taté fóo, mepaae dere ala so whi feapaae eróo dua yae. <sup>15</sup> Téturaalu, mepaae so whiné yãpaae me dowi ala eratepa, naaomó ãpaae tokõ matere ala momókó yaõse. Téni, suka fea diãsisitei wisi ala yó taru, u tao su i tao su dere ala, mepaae hãle betó mole so whipaaekéké eraté fu betae.

<sup>16-18</sup> Kae kae noa kaae ala diã tuãpaae eratepakéké taaréni, hajiné sukutere alakéle, momatere alakéle, Talepaae mo kée dere fokéle hãle yó tawae. Ti noatepae, Kótóné ama kisi-pané diã fea Yesu Keriso tuãmó bitu, ai alarape yõpóló kisipa mulapó.

<sup>19-20</sup> Kale Dẽi Kepe Wisiné dó tare si surukó faréni yóo, Kótóné kóló whirapené so whipaae yó matere fo



bete munire ɔla aɔróló faleyoó du betaɔse. <sup>21</sup> Ai dere fo fea wisirémóló kaae kolóló, taleyóló mo bete mole fo maaté wosóló eró tawae. <sup>22</sup> Ai du betere kae kae dowi alané diɔ só deraɔsórópa, hotowayóló kaae taru-raalu, woleyóló betae.

<sup>23</sup> Tétu, hosaa muni deyoóló dua betere ala eratere Tale Kótóné amatei, diaaɔ betere ala mo turó wisiróló, mo kae betere so whi beterópóló yae. Ti atétere alata, diaaɔ kepekélé, asoró mo tikita-mokélé, mo turó me dowi alatamo hosekényi, mo donoi so whi bitiré fóló, dɔ tɛteróló kaae tare whi Yesu Keriso wale alimó sókó fópóló yae. <sup>24</sup> Diɔpaae ape du betere sekényi ama diɔmó eraalopó du betere ala haşókó feni, mo eraalo ai ape.

<sup>25-26</sup> No nerape-ó, Talené dɔ tao sópóló, momatere ala du betae. Aimó betó mole no nerapepaae kɔleó duraalu, dowi ala mo betakélé munire so whiné apuóló kóló tukó nokole ala du betae. <sup>27</sup> I asɛta, ai be huluamó betó mole Keriso no nerape feané wosópóló, dosɔayae yóló Talené keletómó, yało diɔpaae i dere ape.

<sup>28</sup> Dɔ tɛteróló kaae tare whi Yesu Kerisoné hamokoróló hałe tao sere ala wisi diɔ tuámó mulópóló yae.

## 2 Tesalonaika

<sup>1</sup> I dere așeta, ę Pol, Sailas, Timotikélę dę fea betamó bituraalu, dạné aya Kótóró Tale Yesu Kerisotamoné yó tare ala tuamó betere Tesalonaika Keriso so whıpaae dapó.

<sup>2</sup> Dạné Aya Kótóró Tale Yesu Kerisotamo tuamó kaaróló wou betere hãle hamokoróló tao sere ala wisiró, hosaa muni deyóló mo dua betere alatamo diã tuamó muó tawópóló yae.

*Talené eraterę alamó Kótópaae mo kée yóló moma dere fo*

<sup>3</sup> Norape-ó, dạné diãmó tuę muraalu Kótópaae betere dokó fea mo kée du betere fota, mo donopó. Ti noatepae, diaaę kisipa tiki tiróló betere alaró diãsisı yaala sókó fóló hękesenę sukutere alatamo mo ti fak-eraté fu betereiteinépó. <sup>4</sup> Tęrapa, diã tuãpaae kae kae susupui alaró sekei alarapetamo erótu betepatei, diã hýyóló dekani, Kótónę ala hãle eró taru kisipa tiki tiraté fu betere ala kilitu, dę Kótónę Keriso fake so whı betó mole tuamó kuturaalu, diaaę du betere ala atimapaae yó melóló dukirótu beterapó.

<sup>5</sup> Diã tuamó ai erótu betere ala Kótónę taleyóló dowi alamókélę, wisi alamókélę, kwia materetei mo donorapóló kisipa mutapó. Atéró, talerãlemó diã Kótónę ama tęteróló kaae tare aqmó mo sumó betenęre so whıpóló kisipa muaalopó. Ti Kótónę ama tęteróló kaae tare aqmó betaaireteimó diã doasi sekei ala su beterapó. <sup>6</sup> Kótó ęta, fo tokótamo yóló taletere ala hãsókókélę feni, mo donotóróti taleyóló dupu mótu betere Talepó. Mepaae whırapenę diãpaae me sekei ala eratepa, ti diãpaae ai eraterę ala kaae, Kótónę amamo atimapaækélę tokó melaalopó. <sup>7</sup> Téyaalotei, diãpaae mió ai erótu betere sekei ala siré fu betaqsóró, Kótónę seséyóló

feléi ala eraalopó. Dãpaækélę ai kaae alatóróti eraalopó. Ti ai alata, Tale Yesu hepen be taaróló dorowouraalu, hãle duku betere simiró ama doakale fotokó bole *ensel*-rapetamo hãkeamó dorowale sukamó so whı feanę kelaalo ai ape. <sup>8</sup> Kótó ę mo beterapóló tuę muni, dę tęteróló kaae tare Tale Yesunę mió wosetere fo wisi wosóló sya fóló erénitere so whıta, ti Kótónę dowi dupu melaalo ai ape. <sup>9</sup> Atétere so whınę saaitere duputa, kemekélę ini mo sótóró tawaaire dupu suraalu, mo ti doraalo ai ape. Ti ai so whıta, Tale betere felekemó bitu, ama ere dę wisinaale tuamó bole fotokó doasi kelaqsóró, atima kae beterópóló hókó faraalopó. <sup>10</sup> Ti ai alata, metéli yaaloé? A waaire be dęmótóró yaalopó. Ai be dęmó ama kae betero betere so whı tuamó ama ere ala wisinaale hãkearaalopó. Tęturaalu, ępaae kisipa tiki tiraté wou betale so whınę Tale kilitu, ę dukiróló sira yaalo ai ape. Dạné diãpaae yó male bete mole fo wosóló, tuę tiraté waletuinę diãkélę ai so whıtamó touyóló betaalopó.

<sup>11</sup> Ai alarape mo yaalopóló kisipa mutu, diã Kótónę ę beterepaae ape ere so whı sýtóró beterópóló, betere dokó dạné moma yó tarapó. Tęturaalu, diaaę tuę tiki tiró betere betenę kaarale mo du betere alaró, yaai kisipa mole ala wisitamo Kótónę ama fotokonę diã sýratepa, diãné mo erópóló momarótu beterapó. <sup>12</sup> I du betere momata, dę tęteróló kaae tare Kótóró Tale Yesu Kerisotamonę hamokoróló tao sere ala sya furaalu, ama diã tuamó erótu betere ala kilitu, dę kaae tare whı Yesunę doi hale horóo, diãkélę ę tuamó bitu, ama ere ala wisi hãkearóo, yópóló dapó.

## 2

*Kótótamo bóe du betere whı waalopóló ere fo*

<sup>1</sup> Norape-ó, dą tẹteróló kaae tare Tale Yesu Keriso wóló betepa, dą ą betere mó touróló betaaire alamó kisipa mutu i dapa, wosae. <sup>2</sup> Mepaae whjné diąpaae duraalu, “Pol sépiné ašemó Tale waaire be dẹ take ai wale ape,” dere fo wosóló mo dere nisiyóló tuẹ tiki tiraqse. Atei kaae fo dąné ašemókélé ó mo kólónékélé inipó. Aita, Kótóné ama kóló whjóló kapala dilikitere whjrapené dere fopa, whaalia yóló, diri furu furu yaqse. <sup>3</sup> Mepaae whjné kae kae dere alaró kapala dilikóló dere fotamo wosóló mo dapóló sya faqse. Ti noatepae, atéyaaire be dẹ waai teópatei, i haemó betó mole so whjné Tale aqmó betereitei hóróló, bóe dele ala du betaalopó. Kótóné ama yóló muló betere fo aqmó bitini, tikitú betere whjta, mió kinóló betereitei, take mo hakeamó betepa kelaalopó. Atétere whj doraai tukóló muló betere alata, mo hásókó feni, motóróti eraalo ai ape. <sup>4</sup> Ai whjné, i haemó betó mole so whjné Kótó-ó yóló momatu betere alatamo bóe dóló, ama doitei sóró horaalopó. Téturaalu, ą Kótóné momatere bemó amatei ą sóró beteróló duraalu, ęta Kótótóró hįtipó yaalopó.

<sup>5</sup> Ę diątamo betąmó bituraalu, i alarape eraalo ai ape yóló du betale fo diaaq kisipanié? <sup>6</sup> Ti ai kale whj so whj feané keletómó sókó waqsóró, mené ą sesétu betereitei, diaaq ai tuére ape. Ti atétu betereitei hąle mei, take ama tukóló muló betere be demótóróti hakearatepa kolópóló du beterapó. <sup>7</sup> Ti noatepae, kale yóló muló betere fo tikitú betere fotokqta, mió hąle yó tareitei hakeamó ini, kinóló du beterapó. Até deté fu betepatei, ą waqsóró mené sesétere ala yó tarapó. Ai sesétu betere sekęta, take nalo mené ą tokq saalopó. ą tokq saai teópa, ti ama ai sesétu betere alatóró hąle yó tawaalopó. <sup>8</sup> Atétu betepa, Kótóné kale yóló muló betere fo faletu betere sekę hakearóló sókó wapa, Tale Yesu

wouraalu kóló momunétei, dóló hepée taae falóo, ama tikimó yóló wale kokqi alané ą mo ti doróo yaalopó. <sup>9</sup> Téturaalu, kale yóló muló betere fo faletu betere sekę wouraalu, Satan-né du betere ala kaaetóróti yóló waalopó. Kapala dilikóló dere alamótei so whjné mo dapóló kisipa tirópóló, kae kae kelemei alarapekélé eróo, Kótónétei eratapóló kisipa muqópóló eratere alakélé eróo, so whj feané kolóló sira yaaitere alakélé eróo, yaalo ai ape. <sup>10</sup> Téturaalu, ai sekęné ama kae kae dowi alané, sukóló mo ti aluyaaire so whj, dilikóló kqpaae faraalopó. Atéró aluyaaí dereteita, atima aluyaqsró tao saaire mo bete mole fo woseni hqraleiteinépó. <sup>11</sup> Atétere betené atima kale kapala fotei mo nisiyópóló, Kótóné doasi fotokqi dilikitere ala dotonaalopó. <sup>12</sup> Atétepa, dowi ala mo ekęle yóló duraalu, mo bete mole fo wosóló tuẹ tiki tirénire so whj fea só deraalopó.

*Talené ala tuąmó diriyóló betae yóló dere fo*

<sup>13</sup> Tépateti, Talené ama hosaa mole norape-ó, betere dokq fea dąné diąmó kisipa muturaalu, Kótópaae mo kée du betere fota doni, mo wisirapóló kisipa mutapó. Ti noatepae, take kaae sale sukamótei dią Kótóné ama so whjóló sókó sóró kae beteró beterapó. Téturaalu, me dowi alatamo hoseké yaqsóró kale Dęi Kepe Wisinétei, dią tao sóró kae beteróo, diaaq mo fo bete wosóló kisipa tiróo, du betereiteiné Kótóné dią aluyaqsró tao su beterapó. <sup>14</sup> Dią ai ala tuąmó beterópóló, mió i wosetu betere fo wisinétei ą beterepaae ape yalepó. Atéró yale fota, hąle mei, dą tẹteróló kaae tare Tale Yesu Kerisoné ama doasi ere dę tuąmó beterópóló yalepó. <sup>15</sup> Térapa norape-ó, tuẹ tiki diriyóló bituraalu, dąné diąpaae yó male fo kólóné ó ašemó yaleteti kisipa keteréni, mo wisiyóló wosóló tuęruraalu erótu betae.

<sup>16</sup> Dã tẽteróló kaae tare Tale Yesu Kerisoró Aya Kótótamoné dãpaae yaala sókó fu beterapó. Téturaalu, ama hamokoróló hãle tao sere alanétei, dã fomoné sukóló haepaae derepaqsóró, tuẽ tiki diriraterẽ ala mo ti eró tawóo, take nalo waaire alimó wisi ala tuãmó betaalopóló kisipa mutu, hosaa muni deyóló hãiné sukóló beterópóló eróo dere alata, Talené amatei erópóló yae. <sup>17</sup> Ti ai sekẽ tamoné diã ketekẽ bulóló fotokqraterpa, wisi alaró wisi fotamo betere dokq fea yó tanópóló yae.

### 3

#### *Pol-sépi atimamó momarae yale fo*

<sup>1</sup> Norape-ó, yãlo kemeróturaalu dere fo diãpaae i dapa wosae. Dã diãtamo bitu, Talené fo mo bete mulapóló, hãle betere so whĩné wosóló mo hapale fakeraté fu yale kaae, dã i betere bemókélé ai alatóró du beterópóló, dãpaae momarótu betae. <sup>2</sup> Téturaalu, dei tuẽ mulu dowi ala du betere whĩrapené dãpaae me sekẽ ala eraqsóró momatu betae. Ti noatepae, mepaae so whĩ tuẽ tiki tiró bitinipó. <sup>3</sup> Tépatẽi, Talené ama du betere wisi ala hãle yó taru, dowi ala erótu betere sekéné diã doraqsóró, diã ama seséyóló fotokq bulaalopó. <sup>4</sup> Dã Talepaae tuẽ tiki tiró bitu, diãpaae erae dere fo diaaã wosóló mió erótu betere kaae, nalokélé hãle deté fu betenérápóló kisipa mutapó. <sup>5</sup> Diaaã hosaa ó kisipa kae alapaae muaqsóró, Kótóné ama yaala sókó fóló mole tuãmótóró muluraalu, Yesu Kerisopaae wou betale sekẽ ala ama beleté fu betale kaae, diaaãkélé ai alatóró deté fu betepa, Talenétei bete mole ala i ape yóló, yó mótu beterópóló yae.

#### *Dekayóló hãle betaqse yóló dere ma fo*

<sup>6</sup> Norape-ó, Tale Yesu Kerisoné doimó dãné diãpaae i ala yae yóló i mulatere ape. Dãné diãpaae yó mótu betale fotamo, mepaae

Keriso norapené wosóló sya fóló eréni, deka yóló hãle betó mole whĩrapetamo touyóló bitini, atima kae beterópóló diã kae betae. <sup>7</sup> Ti noatepae, dãné i du betere ala diaaã kolóló suróló du betepa, ti ai ala doni, donorapóló diaaãqtei ai tuẽre ape. Ti dã diãtamo betale sukamó deokayóló hãle bitu, mepaae whĩrapené q̄la hãle nukuani, dupuyóló nukua du betalepó. <sup>8</sup> Até yaleteita, dãné naaitere q̄lamó diã sekeyaqsóró, dikitamokélé dẽtamokélé, dãné naaitere q̄lamó kisipa mutu depe tukó wei ala du betalepó. <sup>9</sup> Dãné até dua yaleteita, diaaã dã taosóró matere q̄la nenépatẽi, dãné dere ala diaaã kolóló sya fópóló kisipa mutu yalepó. <sup>10</sup> Ti dã diãtamo betale sukamó, diãpaae i ala yae yóló, etei dirii ma fo yalepó. “Mepaae whĩtamo kutó dini, deokayóló hãle betepa, ti atétere whĩmó naaitere q̄lakó melaqse,” fo ai yale ape.

<sup>11</sup> Diãkó mepaae whĩrape kutó dini hãle bitutei, kutó ditu betere nisiyópóló dakeró beterapó dere fo dãné wosalepó. <sup>12</sup> Atei kaae so whĩpaae dã Tale Yesu Keriso tuãmó bitu, i ala yae yóló seĩ fo i dere ape. Hãle hõko betere ala taaróló, tamoyóló bitu, diaaã q̄la nokole sũtóró kutókélé atéro diyae. <sup>13</sup> Térapa, mió diã depe tukó wei kutó ditu betere norape-ó, diaaã ai du betere ala wisi taaréni, ai alatóró yó tawae.

<sup>14</sup> Mepaae whĩ denétamo dãné i ašemó ere fo sya fóló erénitepata, ti atétere whĩné noa alakó déró ke-laasepóló mo wisiyóló kaae tawae. Ti noatepae, ama dere alamó ątóró hale yópólópa, ątamo betãmó betere ala ó kotere alakélé ini, ą ama kae beterópóló diã kae betae. <sup>15</sup> Tẽtutei, ąpaae diaaã bóe whĩpaae eratere ala kaae ini, diaaã notóró beterópóló, atei ala ekese yóló ąpaae dirii ma fotei yae.

#### *Mo kemerótu kqleó yale fo*



<sup>16</sup> Téró yálo kemeróturaalu dere fo i ape. Betere dokọ fea diaaọ noa alakó yaaitepa, ti hosaa muni deyóló dua betere bete Talené diapaae eróturaalu, Tale dią featamo betamó betó tawópóló yae.

<sup>17</sup> Ita, Yálo naasenétei aseýóló diapaae kọleó dere fota, ẹ Pol-né dapó. Yálo be hulua dokọ feapaae faletua dere ase diaaọ kilituraalu, ita Pol-né naasené erapóló tuẹ muópóló dapó. Itei kaae naase daapa kilitu, ẹtóró ẹtipóló kisipa yae.

<sup>18</sup> Térapa, dané Tale Yesu Kerisoné ama ẹle hamokoróló tao sere ala wisinaale dią featamo mulópóló yae.

## 1 Timoti

<sup>1</sup> Ẹta dā aluyaṣóró tao sale Kótóró dā take mo wisiyóló betaaire bete Tale Yesu Kerisotamoné kale fo wisi erāle fae yóló doteyale whi Pol-né i asẹ dere ape.

<sup>2</sup> Ti i dere fota, Yesu Kerisoné ala tuṣmó beterópóló, yālo deyóló beteró betere naale Timotipaae dapa, ḍané Aya Kótóró Tale Yesu Kerisotamo tuṣmó kaaróló wó tare ḥale hamokoróló eratere alakélé, kōlené sukóló tao sere alakélé, hosaa muni deyóló mo dua betere alakélé, yāpaae erópóló yae.

*Tukóló muló betere fo yó matere whiṣapené dere fo wosaṣe yale fo*

<sup>3</sup> Ẹ Masedonia hae kwiapaae faairaalu, yāpaae i ala yae yóló sẹtu betale fo kaae momó dapa wosae. Mepaae whiṣapené kapala fotei Kótóné fo i ape yóló yó mótu beteretei foné sóró sesé du betaasepóló, yā Epesus be taaróló feni, aimótóró betae dere fota ḥale meipó.

<sup>4</sup> Mepaae dolṣa fo ó noutererapené doi mole alarape wosaairaalu ketekeḥ butu betaṣóró sesé du betaasepóló, dapó. Ai alarapenéta, Kótóné so whi mó betā kisipa muóló beteréni, kae kae kisipa muóló betere ala kaarótu beterapó. Atétere alané Kótóné erae dere ala erótumitei, mo kisipa tiki tiratere alané betā Kótóné kutó dirótu beterapó. <sup>5</sup> Yālo yāpaae i alarape yae yóló sẹ dere fota, noa ala yaasepóló dumipó. Dā fea yaala sókó fole alatoróti du betaai dapó. Ti ai yaala sókó fole ala kaaraterere beterape i ape. Hosaa tuṣmó me alatamo hosekényi, mo wisi alatoróti muóo, mepaae yale dowi alarape ḥakeamó yó melóló mo wisi kisipa betā muóo, tuẹ tiki tiratere alakélé tómó ini, mo ti tiróo, du betereteiné yaala sókó fole ala kaarótu beterapó.

<sup>6</sup> Mepaae whiṣapeta bete muleire fo wosaairaalu, i bete mole fo wisi taaróló ai fele ape. <sup>7</sup> Ti ai whiṣape

atimata, Kótóné kale yóló muló betere fo yó matere whi betaaitapó du beteretei, atimané yó mótu betere foró ai fo betetamo atima wisiyóló tuẹ irumeitei, ḥale foné maaté mo diriyóló kisiparapó du beterapó.

<sup>8</sup> Ti Kótóné yae yóló tukóló muló betere fo mepaae whiné mo donoyóló erótu betepa, ti doni mo wisirapó. <sup>9-11</sup> Ti Kótóné ama i ala yae yóló muló betere fota, mo donoyóló fole whiṣapené dosṣayópóló tukóló muló bitinitei, Kótóné yóló muló betere fo tukóló dowi alarape du betere whiṣapené dosṣayópóló tukóló muló beteretei ḍané kisiparapó. Ti ai whiṣapené du betere alarape i ape. Yaṣe yóló muló betere fo tikitere alakélé, tẹteróló kaae tare whiṣape aṣmó bitini ḥóratere alakélé kótó bitinipóló ama ala eraalo ḥótereteikélé, mo sonaalei dowi ala du betereteikélé, wisi ala ini, dowi alatoró ḥale yó tareteikélé, kótóné fo wosetere alaró ṣpaae momatere alatamo initereteikélé, hae aya ó mo so whi dóló sūkunatere alakélé sotamo, nópu nokole alakélé, so ó whi hamomatamotei nópu nokele alakélé, kutó diratere whi beteraai dotonóló duputere alakélé, kapala fo dere alakélé, me whiṣpaae i ala eraalopó yólótei mo erényi, dilikitere alakélé, mepaae kae kae dere alarapenékélé, Kótóné fo wisitamo bóe dóló só derótu betere ala mo dorapó. Mepaae whiṣapené yó mótu betere foró kale mió wosetu betere fo wisitamo betā alatoró epa mo wisirapó. Ti ai fota, mo wisi alamaaté erótu betere Kótóné ṣpaae naao wisiyóló kaae taru, so whiṣpaae yó melale fae yalepó.

*Talené Pol hamokoróló tao suraalu erale ala*

<sup>12</sup> Ẹ fotokṣ bulale seké ḍané Tale Yesu Kerisoné ama kutó dirótóró tawaalopóló kisipa mutu, ẹ fopeyóló sóró beteró betereteiné, yālo mo kée du beterapó. <sup>13</sup> Take ẹta, Kótóné doi doróló faletere whi betóo, ama so

whi dóló susupuratere alakélé yóo, hapale fopaae buóló hqle fo dere whi betóo epatei, Talené kqlené sukuturraalu ę tao salepó. Ti noatepae, ę ąpaae kisipa tiki tiréni yaletéiné kqló kqló iru, ai alarape hqko du betalepó. <sup>14</sup> Dą tẹteróló kaae tare Talené hqle hamokoróló tao sere ala wisinaale ępaae mo dekéro eró tawóo, ai alatamo touróturaalu Yesu Keriso tuámó kaayóló wou betere kisipa tiki tiratere alaró yaala sókó fu betere alatamokélé, ępaae eróo du betalepó.

<sup>15</sup> I fota, so whi feané wosóló mo bete mole fo dapóló tuę tiki tiraaire fopa, wosae. Yesu Keriso i haepaae waletéita, dowi ala du betere so whi aluyaqsóro tao saai walepó. Yqlo du betale dowi alané mepaae so whiné du betale dowi ala tẹteróló mo doasi dowi ala du betalepó. <sup>16</sup> Atéyale betené take yqlo du betale dowi alamó Yesu Kerisoné ama ę kwia matere ala folo hapale ini, kqlené sukuturaalu kaae taté fóló, nalo tao salepó. Ti até yale beteta, hqle meipó. Take nalo Talepaae tuę tiki tiróló, mo ti betó tawaaire bete saaire so whiné ępaae erale ala tuę muturaalu Taleta, atei kaae Tale beteraóló tuę muqóló eralepó. <sup>17</sup> Térapa, dą tẹteróló kaae tare mo doasi topo whita sukókéle ini yóo, whi betanékéle mo kilini yóo, iruraalu, mo ti hqle betó tare Kótó betqtóro betera, mo ama kae ere ala wisinaale eraté furaalu, ama doi doasi doi mulqóló yae. Mo kée! Téyqóló yae.

<sup>18</sup> Yqlo hosaa mole naale Timoti-ó, Kótóné mepaae whirapepaae yó matepa atimanémo, yq tuę muóló yale fo kaae mió yqlokélé yqpaee i ašemó dere fo wisiyóló dosayóló kisiparu sya fae. Naaotamo ai fo wisiyóló sya fóló eró tapata, ti dąné bóe whitamo bóe wisiyóló dóo, tuę tiki tiratere alakélé yó tawóo, naao tiki tuqpaee me hqsókó fole alakélé muni yóo, yaalo ai ape. <sup>19</sup> Mepaae

whirapeta, ai alarape sya fóló eréni, hqratereiné kale wqi nuku fetée fóló dotu dere kaae, atimané tuę tiki tiraté fu betale alakélé haepaae derepelepó. <sup>20</sup> Atéyale whirapekó whi tamó Haimeneasiró Aleksandatamo betera. Ai sekétamoné du betere alané Kótóné doi wisinaale doratere ala hqle deté fu betaqsóro, yqlolei Satan-né naase tuqpaee mulalepó. Ti atéyaleteita hqle meipó. Atimaamo sekqi ala suraalu, atimaamonétei yale alamó dapóló kisipa feteyóló, Kótópaee wqpoló eralepó.

## 2

### *Talené doi sóro horatere ala etéro yae yóló yó male fo*

<sup>1-2</sup> I haemó betó mole so whi feamó momaróturaalu, tẹteróló betere topo whirapemókéle, atimané mepaae alarape tẹteróló kaae tanqóló sóro betero betere whirapemókéle momarótu betae. Atéro momaróturaalu, Kótópaee me alakó erae yóló wosetere fokélé yóo, mepaae so whi Kótóné tao sqpóló momaratere alakélé yóo, Talepaae mo kée dere fokélé yóo, du betaasepóló dapó. Ti noa ala yqpoló dumipó. Dą Kótóné mo ama kae betero betere so whi bituraalu, ama ala erótu betepa mepaae whirapené bóe dóló sesétere ala yqqsóro, mo dua beteraóló momatu betae. <sup>3</sup> Ti atéro momatu betere alata doni, mo wisipa dą aluyaqsóro tao su betere Kótóné kolóló, donoi ala du betera kisiipa mutapó. <sup>4-6</sup> Ti Kótóné amata, so whi feané mo fo bete wisiyóló tuępa, aluyaqsóro tao saai du betere ape. Ti noatepae, Kótóta betqtóro bituraalu, Kótóro so whitamo tuámó betere whi Yesu Keriso qta, mo whitóro betera. So whi feané kilituraalu ita Kótónépo yqpoló, kale tukóló mulale be demótóro so whi fea sukóló aluyaqsóro tao suraalu, ama betere betené duputamoróló sukqlepó. <sup>7</sup> Atére ala bete yó melqóló, Kótóné ę sóro betero

beterapó. I du betere fota, kapala mei mo fo dapó. Juda fake mei, kae fake so wh̄ipaae kale doasi topo wh̄iné fo i ape yóló yó matere *aposolo* wh̄i betóo, Kótóné kutó dirane fae yóló dotonatepa ama kutó diratere wh̄i betóo, kale mo fo betekélé so wh̄i feané wosóló kisipa tiki tirópóló yó matere wh̄i betóo erópóló, Kótónétei ę sóró beteralépó.

<sup>8-10</sup> Yálo i dere ma fota, diá wh̄irapené Talepaae momaturaalu, momatere bemómaaté ini, kae kae h̄oko tikimókélé du betae. Atéturaalu, fopaae buóló h̄ole sere ala ini, mo ama kae beteró betere so wh̄i bitu, naase horóló Talepaae momatu beterópóló dapó. I dere ma fo kaae diá sorapepaaekélé dapa wosae. Diá Tale aqmó sukóló bitu, ama doi hale sóró horóló momatu ai heterapa, diaaq tó tikimó deraai doasi *moniné* duputere kuti ó meleke ó au yaaire *kold kapané* aleale ęla ęla ó mepaae topo niki dokotere ęla ęlapaae doasi kisipa muaqsé. Diá Kótóné fo wosetere sukamó ó momayaairaaalu, wh̄iné au nópóló deratere kuti deréni, Talené ala sya fu betere sorapené kuti derótu dere kaae yóló deratepata, ti mo so wh̄i feané kolóló mo donoi kuti deró heterapóló kisipa muaalópó. Diaaq tó tiki maaté auraa kisipa muni, tó tikiné dere wisi alané tiki tuępaaekélé aurótu betae. Ai ala epa Kótóné kilitu, kelaalo mo kokęrapó yópóló yae.

<sup>11-12</sup> Diętamo betó mole Keriso sorapené Talené ala tuę yaai dere alata, ti kaae tare wh̄i aqmó sukóló hipa fi dua beterópóló yae. Mepaae sorapené wh̄i yó matere ala ó wh̄i ęteróló kaae tatere ala ini yóo, wh̄iné dere fokélé tikini yóo yóló, wh̄irape aqmó sukóló mo dua beterópóló yae. <sup>13</sup> Ti noa betené meipó. Folosóró Kótóné Adam-pi aleyóló nalo so Ipi alipakalépó. <sup>14</sup> Wuliné soró wh̄itamo dilikęle sukamó wh̄i Adam dilikinitei, kale so Ipi dilikipakalépó. Tétepa kale

soné mo dere nisiyóló, wosóló sya feleteiné dowi ala ipakalépó. <sup>15</sup> Atépatei, sorape atimata mo kisipa tiki tiratere ala yóo, yaala sókó fole alakélé yóo, ama mo kae beteró betere sorape bituraalu, mo donoi alakélé deté fu betóo iru, naale senaale deté fu betepakélé Talené atima aluyaqsóró tao saalópó.

### 3

*Ęteróló kaae tare wh̄i disiró dikon wh̄irapetamomó dere fo*

<sup>1</sup> I dere fota, mo tuę tiki tiróló betaaire fopa wosae. Mepaae wh̄i detamo Kótóné so wh̄i ęteróló kaae tawaaire wh̄i betaai kisipa mutupata, ti ai wh̄iné mo kutó wisinaalépóló diyaa tuę mutu dapó. <sup>2-3</sup> Kótóné so wh̄i ęteróló kaae tawaaire wh̄i sóró beteraaitepata, ti i alarape sya fóló du betere wh̄i sóró beteranérapó. So wh̄i feané keletómó me alakélé ini, mo wisiyóló dua betóo, betę sotóró dokóló betóo, topo doyóló keyaa fępóló, *wain* węi mo dekéro nęlitere wh̄i betóo, mepaae ala yaairaaalu hapale ini, ęteróló mo dua kisipa tekeyóló yóo, so wh̄i feané kolóló wisi ala dere wh̄i heterapó yópóló dua betóo, uké wale so wh̄i wisiyóló dape sóró firatere wh̄i betóo, Kótóné fo yó melaa fosó fosóre wh̄i betóo, topo dotere węi nóló keyaa fenitere wh̄i betóo, fopaae buóló h̄ole sere ala hapale ini, mo dua naame yóló betere wh̄i betóo, me wh̄itamo fonétei u só derótu i só derótu yóló dokó dokó ini, mo dua betóo, *monimó* eķęle yóló hosaa fake initere wh̄i betóo epa, ti atere wh̄i sóró beterae. <sup>4-5</sup> Atéro bituraalu, ama so naale senaale mo wisiyóló ęteróló kaae tapa, naale senaalenékélé alimané dere fo wosóló mo dua bitu, ama alimané doi sóró horaaitere alamaaté du betepa, ti atei kaae wh̄i mo sumó sóró beteranérapó. Mepaae wh̄inétamo ama so naale senaale wisiyóló ęteróló kaae tawaaire



kisipa initepa, ti Kótóné so whikélé netéro wisiyóló kaae tawaaloé? <sup>6</sup> Teó wale Keriso whıteı so whı kaae tanópóló sóró beteraose. Ti noatepa meipó. Atei kaae whıné kaae taru ą so whı tetéroló kaae tare doasi whıpóló, bopé faketu betepa, Kótóné fo tokótamo yóló Satan só deróló kwia matereteı atétere whı ąkélé saqsóró dapó. Téyaqsóró, belapaae hąle betere so whıtamokélé mo dua bitu, wisi ala du betepa, ti ai whıné so whı kaae tanópóló sóró beterae. Ti noa ala yaqsóró dumipó. Ama yale dowi alamó, ą haleturaalu Satan-né hemó daqsóró dapó. <sup>7-9</sup> *Dikon* whırape sóró beteraai depata, ti u kale whırape du betere kaae, atimané dere ala so whı feané kolóló i whıta mo wisirapó depa, ti ai whı *dikon* sóró beteranérápó. Kapala fo dekaaporóló ini yóo, topo dotere *wain* weı dekeró nokole alakélé ini yóo, kapala mepaae whırape dilikóló *moni* sere ala ini yóo, hosaa tuąmó me ala muni tuę tiki tiróló bitu, take kinóló muale bete mole fo diriyóló yó tare whı sumó sóró beteranérápó. <sup>10</sup> Atéro sóró beteraai, ama dere alapi kaae kelerąlemótamo, ama ditere kutó ó dere ala hąsókó fóló me dowi ala initepa, ti Kótóné ki diyópóló sóró beterae.

<sup>11</sup> Atére kaae, kale *dikon* whırapené somarapekélé mo so whıné kilituraalu ita, mo so wisipó yópóló yae. Atimané mepaae so whı eratere fo ini yóo, *wain* weı mo dekeró néni mo tóróti nóo, fea ala duraalukélé hąko ini, mo wisiyóló yó tawóo, du betere so beterópóló yae.

<sup>12-13</sup> Diąnétamó whı betąkó *dikon* sóró beteraai depa, ti so betątóró dokóo, ama naale senaalekélé, ątamó betąmó betere so whikélé, mo wisiyóló tetéroló kaae tawóo epa, ti atei kaae whı sumó sóró beteranérápó. Ai sóró beteratere whırapené kutó mo wisiyóló dité fu betere kilituraalu, i whırapeta mo wisi ala du beterapóló doi sóró

horateremó wikélé ini, halaatere ala mo ti fakeraté fóló asane furaalu, Yesu Kerisopaae kisipa tiró betere whırape betaalo ai ape.

<sup>14-15</sup> Ęta felekemó dią beterepaae waai kisipa mutupateı, ę waaire tu mepaae alané sesépa, dią fea hąko bitini, mo wisiyóló Kótóné naale senaaletóró beterópóló i asetu betere ape. Kótóné so whı fea ti betą bemó betere sų ai betere ape. Atéro touróló betere so whıta, mo ti betó tare Kótóné kale mo fo wisi hąle muaqsóró, be mo diriyóló daalópóló hulua elekeró iru elekétamo kaae, ai dere ape. <sup>16</sup> I dere bete mole fota, so whı feané mo diriyóló tuęre fopa wosae. Kótóné ama mo doa ere ala wisinaale hąle tómó mole kwia maaté dąné kisipareteı, kinóló mole bete turó netéro kisipa yaaloé?

Ti ą mo so whıné kolópóló mo whı tiki daayóló wóo,  
so whıné ą kilitu mo whımaaté nisi yaqsóró,  
Kótótóró beterapó yópóló Dęi Kepe Wisinéteı eróo,  
*ensel*-rapenekélé ą mo kolóo,  
kae kae tiki daae mole so whınekélé ą kisipa yópóló yó maté kweyóo,  
hae kwia feamó betóló fale so whıné ama dere fo wosóló kisipa tiki tiróo,  
Kótóné ama kae ere dę tuąmó beteraai dapesó holóo, erapó.

## 4

### *Timotipaae i ala yaeró yale ma fo*

<sup>1</sup> Kale Dęi Kepe Wisiné hąkeamó yó mótu betere fo i dapa wosae. Kemeyaaire sukamó mepaae so whırape Kótópaae tuę tiki tiró betere teı taaróló, kapala dilikitere keperapené i fo yae yóló yó mótu betere whırapené dere fo wosóló sya faalo ai ape. <sup>2</sup> Ai fo yó mótu betere whırapeta, kapala fo bole whırapeteı, Talené fo yó matere whırape aąrapó. Atéro yó mótu betere whırapeta, atimané deté fu betere dowi alané haletere ala ó wıtere ala ini, atima hosaa mo

tóruyóló hãle ɔla nisiró beterapó. <sup>3</sup> Atimané mo so whĩpaae so dokotere alakélé yaqse yóo, mepaae nokole ɔlakélé naqse yóo du beterapó. Ti ai naqse yóló sesétu betere ɔlata, mo fo bete tuéruraalu Kótópaae tué tiki tiróló betere so whĩné mo kée yóló nǒpóló Kótónétei ai ɔla ɔla aleyóló muló beterapó. <sup>4</sup> Ti noatepa meipó. Kótóné aleyóló muló betere ɔla feata, dorapóló taae faréni, mo wisirapóló Talepaae mo kée yóló nenérápó. <sup>5</sup> Ti noatepa meipó. Kótóné fo dosayóló tuéruraalu moma yó tareteiné fea ɔla Talené wisiróló, ama kae tukóló muló beterapó.

<sup>6</sup> Ti yaɓa, tué tiki tiraaire fo wisi mepaae whĩrapené yó matepa wosóló, ai fo wisi tuámó doayalepó. Téyaleteiné yaɓo yaɓaae kale yale forape Kereso no nerapéné wosópóló yó mótu betepa, ti ya Yesu Kerisoné Kutó diratere whĩ wisi betaalo ai ape. <sup>7</sup> Térapa, Kótóné ala aluraairaaalu, mepaae bete munire kae kae dolɔa foró, so disirapéné bete munire fotamo du betepa, mo nisyóló sya faqse. Téni, Kótóné ala wisinaale betá ya tuɓpaae erópóló, naotei fotokɔ bulatere alatóro yó tawae. <sup>8</sup> Ti noatepaae, hãle tó tiki fotokɔ buópóló deté fu betere alata, ti sawa hãleke sukamómaaté yóló kemeyaalotei, Kótóné ama ere ala wisi ya tuámó moleteiné kae kae ala ya tuɓpaae eratepa, ai eratere ala tuɓpaaekélé, wisi alatóro erótu beterapó. Ti mió dã i haemó betere alimó mo ti betere bete sóro tawóo, take nalo waaire alimókélé wisi alatóro mupa kolóo yaalopó.

<sup>9</sup> Yaɓo yaɓaae i dere fota, so whĩ feané wosóló mopóló tué tiki tirópóló dapó. Take waaire alimó dané mo wisi ala wisi ke-laalopóló kisipa mutu, mo ti betó tare Kótópaae kisipa tiratapó. <sup>10</sup> Ti ɔta, so whĩ fea aluyaqsóro tao saaire Kótó bettereteiné mo ɓpaae tué tiki tiró betere so whĩrape betá tao su

beterapó. Atétu betere alamó tué muturaalu, dã ketekɔ buóló depe tukó wei ala i du betere ape.

<sup>11</sup> Yaɓo i yó melale forape so whĩ feané wosóló deté fu beterópóló yó mótu betae. <sup>12</sup> Mepaae whĩrapené ya teó kokopei whĩpóló kisipa mutu, naao yó mótu betere fo wosaalomeipóló faleyaqsóro, naao du betere fokélé, betere alakélé, yaala sókó fu betere alakélé, kisipa tiki tiró betere alakélé, me dowi alatamo hosekényi, mo kae betere ala Keriso so whĩ feané kolóló, mo wisirapóló naao du betere ala sya wóló du beterópóló yae. <sup>13</sup> Ẹ ya betterepaae waii teópatei, mepaae kae kae alarape fea naao taaróló, Kótóné asemó yóló muló betere fo betá so whĩ feané wosópóló hãkeamó dosayóo, so whĩ deokayóló haepaae derepaqsóro ketekɔ bulatere fokélé yó melóo, Kótóné bete mole fo i ape yóló, yó matere alakélé taaréni mo yó tawae. <sup>14</sup> Atétu bitu, kale Keriso so whĩ tétéróló kaae tanópóló sóro beteró betere whĩrapené naao tikimó naase mulóló momarótu betepa, Kótóné me whĩpaae i fo yae depa yale sukamó, Deĩ Kepe Wisiné wisi ɔla wisi yaámó hãle melalepó.

<sup>15</sup> So whĩ feané naao ai du betere wisi ala wisi fakeraté fu betteretei kolóló, mo wisirapó yópóló kisipa keterényi, ai alapaadetóro ketekɔ buóló erótu betae. <sup>16</sup> Téturaalu, naao betere alaró yó mótu betere fotamo mo hotowayóló kaae taru, naao ai yó tare ala deokayóló taaréni, hãle yótóro tawae. Ai alatamo yó tapa, ti yakélé, naao yó mótu betere so whĩkélé aluyaqsóro, tao saalopó.

## 5

*Whĩ disiraperó wulia sorapetamo, wae sóro kutó diratere whĩrapekélé feapaae i ala yae yale fo*

<sup>1</sup> Yaɓa teó whĩpa, ma fo duraalu mepaae whĩ disirape foné sóro deteraainé ini, mo naao ayapaae dere ma fo kaae dua yae. <sup>2</sup> Teó kokopei whĩrapepaaekélé, naao no apupaae

eratere ala kaaetóro eróo, mepaae so disipaaekélé mo naao haepaae dere ala kaae eróo, teó seimale sorapepaaekélé, mo naao ne apupaae dere ala kaaetóro eróo duraalu, mo wisi kisipa betá muóló erótu betae.

<sup>3</sup> Naale senaale mei, mo doasi yáya tu betere wulia sorape keteréni mo wisiyóló tao sua yae. <sup>4</sup> Tétu betá wulia soné ama naale senaale ó ama naale senaalené deale naale senaale betepata, ti ai naale senaalené Kótóné ala eróturaalu, atimané hama alima kaae tatu yale kaae, atimané auma serekélé atéro kaae tapa, ti Kótóné mo wisirapó kisipa muaalopó. <sup>5</sup> Téretei, mepaae wulia so tao saaire so whi bitini, mo yáya tu bitutei Kótópaae tué tiki tiróló, take nalo betaaire alimó wisi ala wisi kelaalopóló kaae tawóló bitu, dilikitamokélé, dętamokélé, Kótópaae tao sae yóló moma yó tarapó. <sup>6</sup> Tétu betepatei, mepaae wulia so ama tó tikiné ekęlere alamaaté du betepata, ti ai so ą mo betepatei sukune whi aęrapó. <sup>7</sup> I ala yae yóló du betere forapekélé, mo so whi feané wosóló sya fępóló yae. Ti noa yópóló dumipó. Mepaae Keriso so whiné wisi ala dumipóló eratere fo yaęsóró dapó. <sup>8</sup> Mepaae whirapenétamo ama kili whi so tao sóró kaae tani yóo, ama soró naale senaaletamokélé wisiyóló kaae tani yóo depa, ti atétere whiné Kótópaae tué tiki tiró betere ala amatei faleyóló, i wisi ala inipóló dere fo yaosóró, mo whirapené du betere alakélé tęteraasepóló dapó.

<sup>9</sup> Dię Keriso so whiné mepaae wulia betere sorape ęla ęla yáya tēpa, tao saaire fo i dapa wosae. Diaaę mepaae wulia sorape tao saairaaalu, doi mole tikimó betá wulia so 60 ba fotamo kemenipa, ti kale sorapené doi mole tikimó touróló mullaęse. <sup>10</sup> Motamo ama oma aęmótóro bitu, wisi ala erótu betale doi mole so betepa, ti ai soné doi asęnérapó. Ti ai erótu betale wisi alarapeta etérópó. Naale senaale wisiyóló kaae taté fu

betale alakélé, uké wale whirape wisiyóló dape su betale alakélé, mepaae sorapené naale senaalené di dasutu dere kaae, Kótóné so whi tao sóró erótu betale wisi alakélé, mepaae kae kae sekętere so whi tao suayale alakélé, kae kae du betere wisi alatamo touróló du betepata, ti atei kaae wulia soné doi asęnérapó.

<sup>11</sup> Tétu, mepaae wulia betere teó sorapené doi mepaae doi mole wulia sorapetamo touróló mullaęse. Ti noa yaęsóró dumipó. Atima Yesu Kerisoné kutó diraalopóló yóló mulale fo tęteróló, nalomo whi kaetamo furaalu, tikaęsóró dapó. <sup>12</sup> Atéro whitamo furaalu, folosóró yóló mulale fo tikale betené dowi dupu saęsórópó. <sup>13</sup> Ti ai alamaaté meitei, atima kutókélé dini, dekeyóló hęle bitu, mené bepe bitiré kotere alamaaté dua dapó. Atéro hęko bitiré kuturaalu, kutó ditere nisi yópóló dere alakélé, mepaae so whi eraterere fokélé, mo enénire fokélé hęko deté kutu beterapó. <sup>14</sup> Mepaae wulia betere teó sorapepaaekélé, ma fo i dapa wosae. Me whiné dię dokóló naale senaale deyóló dięné be ó nokole ęla ó mepaae ęlarapekélé wisiyóló kaae tapa, dęné bóe whi Satan-né dą Keriso fake so whi faleyóló só deraaire tu muaęsóró yae. <sup>15</sup> Mepaae wulia sorapeta, ti kale tu wisi taaróló Satan-né ala eraairaaalu, ai tu ai sya fele ape.

<sup>16</sup> Mepaae kisipa tiki tiró betere soné ama kekelé sotamo atima tuamó betepa, ti ai soné atei wulia so mo wisiyóló kaae tanęrapó. Ti noayaęsóró meipó. Kale Keriso so whirape atima mepaae kekelé meire wulia sorape tao suraaalu, kekelé betere wulia sorapetamo bipi yaęsóró, kekelé betó mole wulia sorapeta, ti atima kekelénétóro tao sua yópóló yae.

<sup>17</sup> Fo meta i ape. Kale Keriso so whi tęteróló kaae tanępóló, sóró beteró betere whirape atima Kótóné so whi mo wisiyóló dapesó fu betepata, ti

atima doi mulatere ala mo ti tó mó beleróló mo doa doi muló póló yae. Até patei, mepaae teteróló kaae tare whirape atimané diyó póló tukóló muló betere kutóta, ti Kótóné fo yó mótu betere alaró Keriso whi keteke bulatere fotamo eró tare whirape, ti mo doa doi muló póló hale sóró horótu betae. <sup>18</sup> Ti noatepae, i aseýóló muló betere fo tué muae. Kale *bulmakau* hupurapené whiti ne ó *bali* ne ke whiné nairetei sókó fópóló, teiya teiya duraalu mepaae ke naqsórópóló kulumu faaraqse. Ai dere fo kaae me i ape. Kutó diratere whiné ama diale kutómó dupu sópóló melae fo aseýóló muló betera-pó. <sup>19</sup> Térapa, me fo i ape. Beta whiné duraalu, kale teteróló kaae tare whiné i dowi ala depa kelalepó, dere fo wosaqse. Motamo, tamo ó sore whiné kelalepó depa, ti ai kale dowi ala yale whi so whi feané keletómó foné sae. <sup>20</sup> Ti noa yópóló meipó. Mepaae whirapekélé ai dere ala kolóló wiyópólópó.

<sup>21</sup> Yalo i dosayale alarape yae yóló yapaae du betere fo hasókó feni, mo eró taruraalu naao hosaa mole so whipaaemo wisi ala eróo, mepaae so whipaae kae ala eróo yaqse. Tétu, mené dere fo bete wisinipatei taleturaalu, atimané take du betale alamó kisipa mutu, miókélé i ala mo du yalepóló tao sere ala ó só deratere ala momókó yaqse. Ti i dere fota, Kótóné kele tó mókélé, Yesu Kerisoné kele tó mókélé, ama kae sóró betero betere *ensel*-rapené kele tó mókélé, yalo yapaae i ala mo yae yóló i mulatere ape.

<sup>22</sup> Mepaae whi Kótóné so whi teteróló kaae tanópóló sóró beteraai depata, ti hapale hoko sóró betereni, ama betere alapi kaae kolóló, sawa kaae taté fae. Térqlemó, ama dere alatamo mo wisipa, ti ama tikimó naase mulóló sóró beterae. Mepaae whirape dowi ala du betepa, naotamo ai ala ekese yóló sesétere fo initepata, ti yakélé ai dowi ala kwia ai sere ape. Téyaqsóró, naao

du betere wisi ala me dowi alatamo hosekeni, mo wisi alamaaté du betere whi betae.

<sup>23</sup> Téruraalu, ya suka fea daló tare kae kae kisiró depe tuámó daale kisi betetamo wisiyópóló, mo weimaaté néni *wain* weikélé sawa tėti nukua yae.

<sup>24</sup> Mepaae so whi atimané hakeamó du betere dowi alata, so whi feané kolóló tuérapó. Atéreteiné ai du betere dowi alamó fo tokótamo yóló kwia saaire be de teópatei, atima só deró betera-póló, so whi feané kolóló tuérapó. Mepaae so whi atimané kinóló deté fu betere dowi ala take fo tokótamo yóló taletere sukamó hakearatepa kelaalópó.

<sup>25</sup> Atétere kaae, mepaae hakeamó deté fu betere wisi alakélé, ti so whi feané kelerapó. Mepaae kikititi deté fu betere wisi alarapekélé ti so whi feané keletómó hiranénipó.

## 6

<sup>1</sup> Kutó dirópóló wae sóró betero betere whirape feapaae dere fo i ape. Kótóné doiró dané yó mótu betere fotamo mepaae so whiné faleýóló doka doka yaqsóró, ai whirape atima wae sóró dupuyale whi aqmó sukóló bitu, kutó mo wisióló diraté fu betero póló yae. <sup>2</sup> Mepaae wae sale whi talerapeta, ti Keriso whirapepó. Ai whirapeta, kale wae sale whirape atimané nopóló kisipa muóló, atima aqmó betere hýyóló deka kutó dini, mo doa keteke buóló dirópóló yae. Ti noatepa meipó. Atima ai ditu betere kutómó botokotere qlata, ti Kótópaae kisipa tiki tiróló betere Keriso no apunétóro naalo ai ape. Térapa, i yae yóló du betere fo yó móturaalu, mo dirii ma fo du betae.

### *Moni-mó hosaa muaqse yóló ere fo*

<sup>3</sup> Mepaae whirapenétamo kapala fotei Kótóné fo i ape yóló yó mótu betepata, ti ai whiné Tale Yesu Kerisoné yó matere fo wisiró Kótóné ala i ape yóló yó matere fotamo sya fumipó. Ti ai whiné ama dere alata, wisirapóló bopé faketu



betereteiné betā alakókélé mo kisipanipó. Ama nomarapetamo betā tué muóló bitini, mo sawa fomótei doasi fo nisyóló dóroi du betere alaró u tēterótu i tēterótu dere alatamo du betereteiné ama kisipa tiki wisini, mo dorapó. <sup>4</sup> Atéturaalu, mepaae whjné dere ala kolóló ékélé até enée yóló dei kisipa mutereteikélé, kae kae ɔlamó alale suraalu hɔle sere alakélé, me whj dei tué muópóló kae kae eraterere fokélé, me whjné me dowi ala depa kilinitei, yalemolópóló hɔletei eraterere fokélé, dua dapó. <sup>5</sup> Ti ai alarape du betere whjrapeta, mo foné bete sawakélé atima tuámó muni, mo dowi kisipatóró muluraalu atimasisitei hɔle fomaaté yó tarapó. Téturaalu, Kótóné ala erateretei doasi *moni* sere tū mole nisyóló du beterapó.

<sup>6</sup> Tépatei, Kótóné ala erótu bitu mepaae ɔla ɔla mo dekéro saaitapóló kisipa muni, téti suraalu, ita Talené matere ɔla supóló supata, ti mo doasi ala ai ape. <sup>7</sup> Ti noatepae, dɔ haené depemó beteró i haepaae wouraalu mo betā ɔlakélé tawóló wénitu dere kaae, dɔ i hae taaróló fukélé me ɔla tawóló faalomeipó. <sup>8</sup> Téyaalopa, dɔ mió bituraalukélé nokole ɔlaró deraaire kutitamo téti mupata, ti mo kée yóló wisi tué muóló betenérápó. <sup>9</sup> Mepaae so whjnétamó ɛ doasi *moni* sóró néli whj betenée yóló kisipa mutupata, ti dowi alamó dée nópóló sɔ sere alané kisipa okokoróló ɔlisóró fulapó. Téturaalu, na hemó duku dere kaae dowi alané atima dóló sukunótua dapó. Atéro doasi *monimó* ekele yóló néli whj betenée du betere alanétei kae kae hɔko alaró dowi alatamo kaaróló, so whj doakale hapisɔa sélimó durupu dere kaae, dowi alané atima betere bete mo ti doróló só derótu beterapó. <sup>10</sup> Ti noatepae, kae kae du betere dowi alata, ti doasi *monikó* senée yóló ekele du betere alané kaarótu beterapó. Mepaae so whj doasi *moni* saaitapóló keteke buturaalu, Kótópaae kisipa tiki tiratere ala

taaróló kóppaae ai fu betere ape. Ti aita, atimané yale alanétei betere bete mo doróló dei fomaake kisipa mutu beterapó.

### *Pol-né Timoti fotokɔ bulóturaalu yale fo*

<sup>11</sup> Kótóné ala erótu betere whj wisi-ó, ai du betere alarapené yɔ doraɔsóró botokó fóló i alarape sya fu betae. Me dowi alakélé muni, mo donoyóló fole alakélé, Kótóné ala wisitóró eraté fu betere alakélé, tué tiki tiróló bitu naao no netamo yaala sókó fu betere alakélé, me sekɛi ala wapatei me ɔla meipóló fotokɔ buóló Kótóné alatóró eró taru, naameyóló mo dua betae. <sup>12</sup> Atéro Kótópaae kisipa tiki tiróló bitu, ama ala erótu beteremó bóe whjné ai wisi alatamo bóe dupata, ti fotokɔ buóló du betae. So whj feané keletómó naao duraalu, Kótópaae tué tiki tiróló beterapó yale sukamó Kótóné, yɔ mo ti betere bete tuɔpaae bitj ape, yalepó. Téyalepa, ai ti betere bete mo diriyóló tao tapatei fóló, kemene fole kwiamó sókó faasepóló dapó. <sup>13-14</sup> Fea kae kae betere ɔlaró ere ɔlatamo betere bete mótu betere Kótóné kele tómókélé, Pontias Pailat betere felekemó haalainé daalu, mo donoi fomaaté yale sekɛ Yesu Kerisoné kele tómókélé, i ala yae yóló mulatere fo haşókó fole ala ó dowi ala yalepóló só deratere alakélé ini, mo hotowayóló eraté fu beteró, dɔ tēteróló kaae tare Tale Yesu Keriso wale sukamó sókó faasepóló, yɔlo yɔpaae mo dirii ma fo i yóló mulatere ape. <sup>15</sup> Tale waaire be dɛta, mené ali tanitei, Kótóné ama tukóló muló betere be demótóró waalopó. Fea ala feata, ti amatóró tēteróló kaae taru, mo wisi alamaaté fɔanuraalu i haemó betó mole doasi topo whjraperó mepaae ɔla ɔla tēteróló kaae tare talerapetamo tēteró betere Taleta ɔtórótípó. <sup>16</sup> ɔ betā mo kaayólókélé ó kemekélé ini, mo ti betó tare Kótó beterapó. ɔ ama kae ere dɛ tuámó betepa, mo whj betɔkélé, ɔ betere felekepaae

fenénipó. Mo wh̄i betané kolókélé inireteiné miókélé ʔ kelenénipó. Ai seké ʔtóró dukiróló, mo doasi fotokʔ bole doi kemekélé ini, mo h̄ale muó taté fu beterópóló yae. Mo kée! Térópóló yae.

<sup>17</sup> I haemó doasi *moni* tare néli wh̄irapené i ala yópóló, ma fo i yóló mulatere ape. Atimané ai tare doasi *monimó* bopé faketuraalu, take nalo ai *moniné* atima tao saalopóló kisipa mutu betaqsóró yae. Ti noatepae, ai *monita*, ti muó tawaaire ʔlapakó kisipa tiki tiraalomeipó. ʔla ʔla fea mótu betere beteta, ti Kótótóró beterapó. Ai Kótóné hamokoróló d̄amó ʔla ʔla fea s̄umó mótu beterapó. Atéro matere ʔla ʔla suraalu, mo kée yóló d̄a h̄ainé sukóló só tarapó. Tétu beterapa, take nalo waaire alimó d̄apaae mo wisi ala eraalopóló kisipa mutu, ʔpaae bet̄a kisipa tiki tiróló beterópóló yae.

<sup>18</sup> Atimapaae dīa doasi *moni* tare néli wh̄i biture kaae, diaaʔ du betere wisi alamaaté dīa tuamó f̄anu néli wh̄i beterópóló yae. Atéro bitu, diaaʔ tare ʔla ʔla bukóló mepaae ȳaȳare so wh̄imó hamokoróló h̄ale mótua yae.

<sup>19</sup> Atétu betere alanétei, take waaire alimó mo diriyóló beterópóló, doasi bete muaaire wisi wisi ʔla muté muté horaalo ai ape. Téyaalopa, atima mo ti betere bete mo diriyóló taru du beterópóló, i ala yae yóló yó mótu betae.

<sup>20</sup> Timoti-ó, ȳa melale ʔla wisi me alané ó me wh̄iné doraqsórópa, hotowayóló kaae tawae. Me bete munire h̄ale h̄oko fotei, so wh̄iné mo bete mole fo nisiyópóló kisipa tiraaire fo depa, aita Kótóné bete mole fotamo bóe dilapa, kisipa keteróló sisópaae erae. <sup>21</sup> Mepaae wh̄irapené ai fo mo dere nisiyóló Kótópaae tué tiki tiróló beteretei taaróló ai fele ape. Térapa, ȳalo mo hosaa mole no-ó, Talené h̄ale hamokoróló tao sere ala ȳa tuamó muó tanópóló yae.

## 2 Timoti

1-2 I dere așeta, Kótóné ama tuére ala sya furaalu, dotonale *apospel* whi Pol-né dapó. Yalo hosaa mole naale Timoti ya paae Aya Kótóro Tale Yesu Kerisotamo tuamó kaaroló wou betere kolené sukuturaalu haŕe tao sere alakélé, hosaa muni deyołó mo dua betere alakélé, ya tuamó muó tanópóló yae.

*Talené fo aqmó sukóló bitu erótu betae ere fo*

3 Yalo ayarape deale whirape me dowi ala ini, tué wisi muluraalu, Kótóné ama ala eraté wale kaae, mió yałokélé Yesu Keriso tuamó mo ti betere bete mulapóló kisipa mutu, ę ama kutó i dirótu betere ape.

Tétu dețamokélé, dikitamokélé, ya kisipa keteréni, momatóró yó taruraalu, Talepaae mo kée dapó. 4 Naao kelemó dorowou betere wole kaapemó kisipa mutu, ę haŕiné sukai ya kele wolée i du betere ape. 5 Yalo tué mutupa naao tué tiki tiratere alata, tómó ini, folosóro naao ausere Lois-ró naao hae Yunis-tamo tuamó iru yale kaae, mió ya tuamókélé mo atérápóló kisipa mutapó. 6 Atérapa, naao tikimó yało naase mulale sukamó Kótóné yapaae melale ala mo haŕe muaqsóropa, si mi holópóló flitu dere kaae, mo doa ketekę buóló erótu betaasepóló, ma fo i dapa wosae. 7 Ti noatepae, Kótóné da melale kepe beteta, wiratere kepe ménitei, da mo halaiyóló, yaala sókó fole ala yóo, da tuamó kae kae mole kisipa tiki hașókó fóló dowi ala yaqsóro, mo wisiyóló țeteróló kaae tawóo yópóló, fotokę bole kepe wisi melalepó.

8 Térapa, so whi feané keletómó da țeteróló kaae tare Talené ala etérópóló yó móturaalu, halainé erótu betae. Ama ala erótu betepa, *dipula* bemó betero betere whi ę kilitukélé hale yaqse. Téni, kale

mió i wosetu betere fo wisi yó mótu betepa, ę su betere sekę kaae mené yapaaekélé eratepa, belée tawae. Ti ai sere sekęta, Kótóné damopaae mótu betere fotokę tuamó betepa, ti sumó belenérápó. 9 Ti ai sekéné amatei da aluyaqsóro tao sóro ama kae betero betere so whi beterópóló ę beterepaae ape yaleteita, ti dané me wisi ala dere kolóló initei, Kótóné ama mo eraalopó yóló muló betere ala sya furaalu, haŕe hamokoróló tao salepó. Da atéro Yesu Keriso tuamó betepa melale haŕe hamokoróló tao sere alata, i haeró șatamo aleyaapatei meló beterápó. 10 Ai alata, da tao sere whi Yesu Keriso wale sukamó haķeamó eratepa, so whi feané kelalepó. Ti ai sekénéta, sukutere ala ama sóro mo ti aluróo, mo ti betó tawaaire ala de tuamó mupa so whiné kolóo yópóló, mió i wosetere kisi fo wisi yó mótu betereiné haķearalepó. 11 Mió i wosetu betere kisi fo wisi kae kae be huluamó betó mole so whiné wosópóló Kótóné fo i ape yóló yó melóo, bete mole fokélé yó melóo yópóló, amatei ę dotęyaairaaalu sóro beteralepó. 12 Atétu betere alamó ę sekę su betepatei, wiyóló haletere alakélé dumipó. Ti noatepae, ę tué tiki tiróló betere sekęta, yało mo diriyóló tuęrapó. Atéru, mo hotowayóló kaae tawae yale ala mió i betere alimókélé amatei kaae taté fóló, take kemene fole sukamókélé ama mo sumó kaae tanérápóló kisipa mutapó.

13 Yalo yó matepa wosale fo mo diriyóló tué mulu, naao yó mótukélé ai fo kaaetóroți yó mótu betae. Atéro yó móturaalu, Yesu Keriso tuamó bitu, kisipa tiki tiratere alakélé, yaala sókó fole alakélé, yó tawae. 14 Mené yapaae wisiyóló kaae tawae yóló melale ęla wisi me ala yaqsóro da tuamó betere Deı Kepe Wisiné ya fotokęratepa, mo hotowayóló kaae tawae.

15 Esia hae kwiamó betó mole whirape feané ę taaróló fupa,

Fikelus-ró Hermosenes-tamokélé ę ti ai forapené bete Talené ę taaróló feletei naao ai tuęre ape.

<sup>16</sup> Onesiporus-ró ama be whıtamopaae Talené kęlené sukóló tao sere ala erópoló yae. Ti noatepae, ę *sein* képiné dokóló *dipula* bemó betepa kilitu, atima wiyóló hale ini, wisi ala eraté fu betepa, ę kisipa feléyóló betalepó. <sup>17</sup> Ȧ Rom be huluapaae wóló, ę momó beterérópoló kelaai kikitu wikélé ó hókélé ini, mo ketekę buóló keketé kutu betero nalo ę kelalepó. <sup>18</sup> Take Tale waaire be demó ama kęlené sukóló tao saaire ala wisinaale ępaae erópoló yae. Dęmo Epesus bemó betepa, ama ę tao suraalu, kae kae ala eraletei naao ai tuęre ape.

## 2

<sup>1-2</sup> Tęrapa, Ȧlo naale-ó, Yesu Kerisoné hęle hamokoróló tao sere ala tuęmó fotokę buóló betae. Atéro bitu, so whı feané keletómó ęlo yó mótu betepa wosale fo naao mepaae mo wisi ala yó tare whırapepaae i kale fo wisi mo wisiyóló kaae tawae yóló soro beterae. Ti ai whırapeta, hęle whırape meitei, mo so whıpaae Kótóné fo yó melaai mo sęre whırapetóró soro beterae. <sup>3</sup> Dęta, Yesu Kerisoné soro betero betere diki tare whı wisirape sę betera, sekei ala wapakélé me ęla meipa, dęmo betęmó titiyóló bitu, hęle belée tawae. I haemó betó mole diki tare whırapené dere ala tuę muae. <sup>4</sup> Atima tęteróló kaae tare whıné kisipa tiki felęraaire alatóró yó taru, mo so whıné kae kae du betere alatamo hosekýóló dumipó. <sup>5</sup> Atétu dere kaae, mepaae whırape sururu yóló furaalu, i yae yóló muló betere fo wisiyóló sę fenitepata, ti kale folosóró fole whırapené derótua dere topo tao saalomeipó. <sup>6</sup> Kutó dituraalu, depe tukó wei ala du betere whınéta, folosóró ęlumé dere ęla amapi senęrapó. <sup>7</sup> Ȧlo i dere fo bete wosóló, noa fo betené dérópoló kisipa tekeyae. Atétepata,

ti ai forapené bete Talené ępaae yó melaalopó.

<sup>8</sup> Ȧlo i yó mótu betere kisi fo wisita, kale Depit-né deté wale whı Yesu Keriso sukóló momó kepaayóló beteraóló du betere fo mo diriyóló wosóló, kisipa muae. <sup>9</sup> Ai fo erótu betere mó, ę mo dowi ala yale whı kaae *sein* képiné dokóló *dipula* bitu, mo seke su beteraóló. Tęretei Kótóné fota *sein* képiné dokóló munipó. <sup>10</sup> Atęrapa, Kótóné sorokó su yóló kae betero betere so whırapeta, Yesu Kerisoné tao soro mo ti betó tawaaire dę tuęmó beteraóló kisipa mutu, ę kae kae sekei ala sótóró tarapó.

<sup>11</sup> I dere fota, mopóló kisipa tiraaire fopa wosae.

Dę ętamo sukutepa, ti dę momó kepaayóló ętamo betęmó be-taalopó.

<sup>12</sup> Mió i betere alimó dępaae sekei ala wapakélé, hepée tae faróló fupa, ti take nalo waaire alimókélé, fea ala fea ama kaae tare kaae, dękélé ętamo betęmó bitu, tęteróló kaae tawaalopó.

Dęnéta ę tuęnipó depa, ti amakélé dępaae diękélé ę tuęnipó fo yaalo ai ape.

<sup>13</sup> Dęnéta ama ala erótu betereitei hýyóló taalatepa, ti ama dęné dere kaae yaalomeitei, ama yó tare ala hęle yótóró tawaalopó.

Ti noatepae, ama ere ala amatei doróló me kae ala enénipó. Ama du betere ala wisitóró hęle yó tarapó.

*Kótóné ama kutó diratere whı wisipó yępóló kutó wisiyóló dirae ere fo*

<sup>14</sup> Kótóné fo wisi erótu betere so whırapené kisipa keteraęsóró yó maté fu betae. Tétu, hęle mo sawa fomótei doasi bete mole fo nisiyóló alale soro u só derótu i só derótu yaęsóró, Kótóné keletómó mo dirii ma fo du betae. Ti noatepae, atei bete munire fo wosetere whırapené



kisipa tiki dorótu betera. <sup>15</sup> Naao Kótóné kutó ditu betereitei, hoko dirateremó haleyaqósóro, mo bete mole fo wisi donotóro yó mótu betae. Atétepa, Kótóné naao ai ditu betere kutó wisiyóló kxae kolóló mo whi wisipóló dukiraterere fo yópóló, mo doa ketekę buóló erótu betae. <sup>16</sup> Kótó sisópaae eróló, hęle hoko forape wosaaitapóló faęse. Ti noatepa meipó. Atei fo du betere so whita Kótó kisipa keteróló sisópaae mulóló mo ti aluraté faalo ai ape. <sup>17</sup> Ai whirapené yó matere fota, dowi humu fakeyóló kęlaaté furaalu, whiné tiki turó dorótu dere kaae, so whi feané kisipa tiki mo ti doraalo ai ape. <sup>18</sup> Ai fo yó mótu betere whirapekó Haimeniasisró Piletus-tamo kale mo fo wisi taaróló ai fele ape. Ti atimaamoné etei fo du betera. Dę Keriso so whita, take kepaayóló betereitei, momómo kae kepaayaalomeipó du betera. Atétere foné mepaae so whiné tuę tiki tiró betere ala mo dorótu betera. <sup>19</sup> Tétepaitei, Kótóné mo ti muó tawaaire bete tukóló muló betere kapo fake tómoitei i fo aseyóló muló betera.

“Talené ama naale senaleta, ti amatóro tuęrapó.”

Fo me i ape.

“Talené ama ala erótu betere so whi feata, ti ama so whipa, dowi ala mo taaróló kae betae.”

<sup>20-21</sup> Betę néli whiné ama doakale tęne be dolomó, *kold kaparó silpa kapatamoné* aleale wisi wisi ęla muó, mepaae mo ni fakeró haetamoné aleale ęla ęlakélé muó, erapó. Atére ęla ęla mepaae mo wisi kutó maaté diyaaairaaalu bukóló kae muló, mepaae ęla ęla, ti hęle hoko kutó diyaaai saaitapóló kae muló, dua dapó. Mepaae whi dené hęle bete munire ala sisópaae mulóló, me alakélé munipa, ti mepaae kae kae wisi ala ai whiné sumó eranérapóló kisipa mutu, Talené taleyóló kae betero betera.

<sup>22</sup> Teó so whiné ekele yóló du betere dowi ala yapaekélé eraqósóro, mo hotowayóló kaae tawae. Atéro, Kótóné so whi atima hosaa tuamó mo wisi kisipa betę mulu, Talepaae momatu betere so whitamo yakélé betamó bitu, mo donoi alamaaté yó tawó, tuę tiki tiraterere alakélé yó, yaala sókó fóló hosaa muni deyóló dua betóo iru, ketekę buóló eraté fu betae. <sup>23</sup> Topo doyóló okokoi kisipa mole whirapené u só derótu i só derótu dere kaae momókó yaęse. Ti noatepae, atétere alané hęle sere ala kaarótu betereitei naao ai tuęre ape. <sup>24</sup> Ti atei kaae ala Talené kutó diraterere whiné dere ala meipa, mo yaęse. Tęni, so whi featamo mo dua naameyóló bitu, Kótóné fo wisi betę yó melatere fosó fosóre whi betae. Menétamo yapaee dowi ala eratepa, ępaae kwia tokó melaai kisipa muni, mo donoi ala betę erótu betae. <sup>25</sup> Kótóné kutó diraterere whirapetamo bóe du betere whirapepaae Kótóné fo wisi mo dua naameyóló yó mótu betae. Ti ai bóe du betere alata, hęle meipó. Satan-né ama kisipa mole ala erópóló, atima ama hemó ai daló betere ape. Atęrapa, ai yó matere fo wisi woseté furaalu, Kótóné atima kisipa tiki feterópóló dua yó mótu betae. <sup>26</sup> Atéro feteratepa, mo foné bete diriyóló tuęturaalu momómo kisipa wisi muóló, Satan-né hemó doló muaitei sokóló hęle fópóló eraalopó.

### 3

*Kemeterere be dęmó Kótó hęróló bóe daaitere ala*

<sup>1-5</sup> I dere fo mo diriyóló wosae. Kemeyaaitere alimó mo dowi sekei ala wapa so whi feané i alarape du betaalo ai ape. Atimatei atima yaala sókó fole ala yó, *monimó* ekele dere ala yó, bopé fake dere ala yó, amatei ę hale horatere ala yó, dowi teka fo yó, atimané hae aya aqmó sukóló bitini yó, mené wisi

ala eratepatei mo kée dere fo ini yóo, Kótóné ama kae beteró betere so whi bitini yóo, mepaae so whipaae yaala sókó fole ala ini yóo, me whitamó hõle saletei hapale kemeraaire tué muni, dowaae fole ala yóo, eratere fo yóo, atimané ekẽlere ala tẽteréni yóo, kõle dere alakélé ini, susupuraterere alamaaté eróo, me whipaae wisi ala eraai tué muni yóo, mo no apu nisirutei eleké deyóló dóo, yaaitere ala kisipa tekeyóló ini hõko yóo, mené kolóló dukirópóló nene dere ala yóo, tó tikiné yaaitere ala ekẽle yóló duraalu, Kótópaae yaala sókó fole ala ini yóo, atima Kótóné ala eratere whirape aqrutei ai ala eraaire fotokõ meitepa, atimanétei hõyóló taaralepó. Atei ala du betere so whitamó fulumu yóló bitini tika kae betae.

<sup>6</sup> Ai ala du betere whirapené wisi ala yaai tué munire sorapené bepaae kikiti dua sókó fóló kale sorapené kisipa tiki doróló i ala yae yóló yó mótu beterapó. Ti ai sorape atima du betere dowi alané atima só deróló atimané kisipa tikikélé beséné ni upaae só fua ipaae só wua dere kaae, kae kae dowi ala yaai ekẽle yóló du beterapó. <sup>7</sup> Atimané kale fo wisi saalópóló su betepatei mo foné bete wisiyóló kisipa mutumipó. <sup>8</sup> Take Moses-né Kótóné fo i ape yóló yó mótu betepatei, Janes-ró Jamperes-tamoné ai fotamo bóe du bitu yale kaae, ai whirapénékélé mo fotamo bóe du bitu, dowi ala yaaire kisipatóró fãanuraalu, Talepaae tué tiki tiró betaaire ala sunipa, Kótóné atima taaralepó. <sup>9</sup> Kale u whi tamopaae yale kaae, ai whirapené hõko ala du betere bete so whi feané kolópóló hãkearatepa fõlo sukamó deté fu betaalomeipó.

*Pol-né Timotipaae i ala yae yóló ketekẽ bulale fo*

<sup>10-11</sup> Tẽpatei, yãlo yó mótu betere fokélé, ẽ betere alakélé, yãlo yaai tué mutere alakélé, kisipa tiki tiró betere alakélé, sekẽ beleté fu betere

alakélé, yaala sókó fole alakélé, sekẽ ala wapatei hepée taae faróló hãle yó tare alakélé, susupui ala erótu betepakélé, kae kae su betere sekẽ alakélé, ẽ Antiok beró Ikoniam betamomó betepakélé, Listra bemó betepakélé, ẽpaae kae kae susupui ala erótu betaletei, fea naao ai tuẽre ape. Ai alarapené ẽ só deraõsóró Talené ẽ tao salepó. <sup>12</sup> I fota mo dapó. Mepaae whi detamo Yesu Keriso tuãmó bitu, Kótóné ala eraai kisipa muóló erótu betepatei mo whirapené atimapaee sekẽ ala erótu betaalopó. <sup>13</sup> Ai ala erótu betere whiraperó mepaae wisi ala du betere nisi dere whirapetamo atimatei dilikitu yale kaae, atimané mo so whikélé dilikitu beterapó. Atimané atéro du betere dowi ala mo ti faketuraalu, atima mo doraalopó. <sup>14-15</sup> Atimata ai ala du betepatei, yãta kaepa, yãpaae ai fo yó melale so whirape naao tuẽru atimané yó melale fo tuẽtóró yó tawae. Kótóné mo ama kae aseýóló muló betere fota, yã mo ketemó bitu woseté waletai naao mo tuẽrapó. Ti yã Yesu Kerisopaae kisipa tiki tiraté fu betereiné aluyaõsóró ai fonétei mo tao saaire bete wisiyóló tué yópóló, yó melanérapó. <sup>16</sup> Kótóné aseýmó yóló muló betere fo feata, ama bole fomo sókó faraletiné eró beterapó. Ti aita noa ala yópóló meipó. Kótóné ala eratere whiné kae kae wisi ala erótu beterópóló kisipa mutu, yóló muló beterapó. <sup>17</sup> Tẽtu, ai fonétei mo so whipaae yó matere ala yóo, dowi ala depa foné sere ala yóo, me hõko ala depa donortere ala yóo, Kótóné ama donoi alamaaté mo sumó wisiyóló eraté fõo enérapó.

#### 4

<sup>1</sup> Kótóné kele tómókélé, dã betere so whiró sukãle so whitamó fo tokõtamo yóló tale yaaire whi Yesu Kerisoné kele tómókélé, ã waaire be dẽró ama tẽteróló betere alatomomó tué muturaalu, yãlo yãpaae i ala yae yóló dirii fo i dere ape.

Kale fo wisinaaleta so whi feané wosópóló i ape yóló yó mótu betae. <sup>2</sup> Ai fo yó melaai tukóló muló betere be demókélé, ó mo hãle be demókélé, naao yó melaaire fo ali ali yaqsóro taleyóló kisipa muóló betae. Atétu, mepaae whirapené hásókó fupa donorate alakélé yóo, me dowi ala depa taalae yóló, foné sóro ketekę bulatere fotei yóo du betae. Atéro yó matere fo wisiyóló sya fenitepa, foné sóro hapale só deréni, dua kaae taté fu bitu, kale bete mole fo betã mo hotowayóló yó mótu betae. <sup>3</sup> Ti noatepae, mepaae whiné kale mo bete mole fo wisi yó mótu betepatei, so whiné wosetere hõraaire ali waalo ai ape. Ai fo wisi wosetere hõróló, atimané yaai kisipa mole ala sya furaalu, diãné yó mótu betere fo wosaalo hõróló atima woséliné ekęle yóló wosetu betere fo wosaaitapóló, atei kaae fo yó matere whirapepaae ape depa, atima fea wóló touraalopó. <sup>4</sup> Ti mo bete mole fo wisi atima wosetere hõróló sisópaae eróló, bete munire dolãa fo wosaairaalu ekęle yaalopó. <sup>5</sup> Ai alata mo du betaalotei, yãpaae kae kae ala wapa, furu furu ini, kisipa diri iruraalu halaaiyóló betae. Mepaae sekęi ala wapakélé belée taruraalu, kale mió wosetere fo wisi betã yó mótu bitu, Kótóné yãpaae erae yóló muló betere ala fea taaréni eró tawae.

<sup>6</sup> Ti noatepae, mo so whiné Talepaae momaturaalu, kale *wain* węi momatere kapo fake tómo sunée derótu dere kaae, yãlo betere bete mió i kemeratere ape. Ti ę i hae taaróló faaire be de mió i sókó waaitere ape. Kale bõe dale alakélé yãlo mo wisiyóló dóo, sururu yóló fóló sókó fõpóló muló betere dãlemó sókó fóo, Yesu Kerisopaae tuę tiki tiratere alakélé hãle yó tawóo yalepó. <sup>7-8</sup> Téyaleteiné mió yãlo doimó muló betere topo tao mulapó. Ti aita hãle topo tao meitei, dã feané yale alamó fo tokótamo yóló mo donotóro taletere Talené ita,

mo donoi ala du betere whi i ape yóló melaaire topo taopó. Ti aita, yãlomaaté saalomeitei, Tale waaire be de sókó wõpóló kaae taté fu betale so whi feané saalopó.

*Pol-né Timotipaae hapale ape yale fo*

<sup>9-12</sup> Fo me i ape. Yã ę beterepaae hapale waasepólópó. Ti noatepae, Demas ę i haemó du betere alamó hosaa muturaalu, ę taaróló Tesalonaika bepaae ai fele ape. Tétu, Kresens-kélé Kalesia bepaae fóo, Taitus-kélé Dalmesia bepaae fóo depa, Luk betã ętamo i betere ape. Ti Mark ęta, ę Talené kutó diratapa tao su betere whi wisipa, yã wou ę dapesó ape. Tikikas ęta Epesus bepaae fõpóló, yãlo dotęyalepó. <sup>13</sup> Tétu, yãlo bukutere kuti Troas bemó yãlo no Karpus-tamo mupa walepa, yã wou sóro ape. Yãlo bopeyóló mulale asętere sókurape sóro wou, kale hupu sekaęné aleale asętere sókurapekélé ai mulapa, taaróló wéni, mo sóro ape.

<sup>14</sup> *Kapa* diriné ęla ęla aletu betere whi Aleksandané doasi bõe dóló ępaae sekęi ala eralepó. Atéyale kwiata, ępaae Talenétei tokę melaalopó. <sup>15</sup> Ai sekéné dãné yó mótu betere fotamo doasi bõe dalepa, yãtamokélé bõe dóló me dowi ala eraqsóro mo hotowayóló kae tawae.

<sup>16</sup> ętamo fo tokótamo yóló só de-raai kaae sóro taleyale sukamó me whiné ę tao sere fo yaai ani, atima feané ę taaróló felepó. Atimané atei ala yale kwia Talené alurópóló yae. <sup>17</sup> Tépateti, Tale ętamo betãmó daalu fotokę sümó bulaleteita, kale fo wisi yãlo mo diriyóló eratepa Juda fake mei, kae fake so whi feané wosópóló eralepó. Téteremó, atimané ę mo felekemó dóló aluraleteti, Talené tao salepó. <sup>18</sup> Mepaae whirapené kae kae dowi ala ępaae eraqsóro, Talené ę tao sóro ama tęteróló betere hepen bemó ere ala wisi tuãmó beterópóló, mo wisiyóló dapesó fóló

beteraalopó. Ama doi betą mo doasi  
doi muó taté fópóló yae. Mo kée!  
Téyópóló yae.

*Mo kemerótu kọleó yale fo*

<sup>19</sup> Prisila-ró oma Akuila-tamopaaekélé,  
Onesiporus-ró ama kekelé so  
whitamopaaekélé kọleó yae.

<sup>20</sup> Erastus Korin bemó betóo,  
Tropimus ą Miletus bemó heponé  
sukóló muóo epa taaróló walepó.

<sup>21</sup> Yąta, sosóli ali waaipatei, ipaae  
hapale waasepóló dapó. Yupulus-  
nékélé, Pudens-nékélé, Linus-nékélé,  
Klodianékélé, mepaae Keriso norape  
feanékélé, yąpaae kọleó dapó.

<sup>22</sup> Térąpa, Tale naao kepe bete  
tuąmó bitu, ama hąle hamokoróló  
tao sere ala yą tuąmó sųrópóló yae.



## Taitus

<sup>1</sup> Ẹ Kótóné kutó diratere whi bitu, Yesu Kerisoné doteyale *apospel* whi Pol-né dapó. Atéro doteyaleteita hãle mei, Kótóné ama sorokó su yóló betero betere so whiné Talepaae tué tiki tiróo, kale bete mole fo tué yóo, yópóló ẹ doteyalepó. Ai bete mole mo fo wisi diriyóló kisiparu, tué tiki tiróló Talené ala eraté fu betera. <sup>2</sup> Ti tué tiki tiratere alaró mo bete mole fo diriyóló kisipare alatamota, take nalopaae mo wisi ala tuámó betaalopóló, mutere tué tó mó belerapó. Ti ai alata, kapala fo mo sawakélé eneitere Kótóné sãró haetamo kaaraai teópa, mo taketitei yóló munélipakalepó. <sup>3</sup> Dã aluyaqsóro tao su betere Kótóné ama fo wisi ẹpaae mo wisiyóló kaae taru, so whipaae yó male fae depa, yãlo yó maleteiné Kótóné ama mo eraalopóló tukóló muló betere be demótóro ama yóló mulale fo hãkearalepó.

<sup>4</sup> Taitus-ó, yãlo i dere așeta, ðamo wusuró mo betã fotóro wosóló Talepaae tué tiki tiró betere alakélé betã ala ereteiné yã yãlo hosaa mo turó mole naalepa i dere ape. Ðané aya Kótóro ðã tao sóro wisiró betere whi Yesu Kerisotamoné hamokoróló tao sere alaró hosaa muni deóló ðua betere alatamo yã tuãpaae erópóló yae.

*Atimané diyaaai yale kutórape kemerópóló Tatus Krit-mó beterae fo*

<sup>5</sup> Ẹ faairaalu, yã weiné bopéro daaló betere hae Krit-mó betero fele bete i ape. Mepaae diyóló kemeréni, kwia mupa taarale kutórape naao donoróló diyóló kemeróo, ai hae kwiamó tẽ mole be huluamó betere Keriso so whi tẽteróló kaae tawaaire whi disirape sóro betera-  
<sup>6</sup> So whi tẽteróló kaae tawaaire whi disi sóro betera, i ala ere

whi sóro beterae. Me dowi ala yalepóló só derenitere whi betóo, sokélé mo betatóro dokóo, ama naale senaalekélé Talepaae tué tiki tiró betóo, mepaae so whiné ama naale senaale hama alima aqmó bitini dowãae fóló, atimané tó tiki felé yaaire ala du betepa, só deratere fo ini yóo, dere whi sóro beterae. <sup>7</sup> Atéro betera whi, Kótóné ama dirae yale kutó tẽteróló kaae tareteiné mepaae whiné me dowi ala yalepóló só deratere fo ó mepaae whiné dere fo woseni dowãae furaalu, ama kisipa mole alatóro sya fole whi ó hapale fopaae butere whi ó *wain* weí mo dekéro nokole whi ó hapale fopaae buturaalu hõle sere whi ó doasi *moni* saai eķeleru, kapala ala du betepa, ti atẽtere whi beteranénipó. <sup>8</sup> Ai dosãayale alarape ini, uké whi wisiyóló dape sóo, wisi ala maaté yaai eķele yóo, ama tikiné eķelere ala ini, ą amatei tẽteróló kaae tawóo, ama dere ala fea mo donotóro yóo, Talené ama ala erópóló, kaae betero betere whi betóo, yaaitere alarape taleyóló mo bete mole alatóro yó tare whi betóo epa, ti so whi tẽteróló kaae tanópóló, sóro beterae. <sup>9</sup> Tẽrapa, kale bete mole mo fo mené yãpaae yó melaitei diriyóló tuẽru, mepaae so whi ketekẽ bulóo, ai fotamo bóe du betere so whi donoróo, enere whitóro sóro beterae.

<sup>10</sup> Ti hãle hõko whi sóro beterae dere fota, ti i betené dapó. Kale mo fo wisitamo bóe ðu betere whirapekélé, bete muni hãle hõko fo ðu betere whirapekélé, kapala fo yóló so whi dilikitu betere whirapekélé fea betó mole tuámó tiki sekaș tikae du betere whirape mo dekéro betó moleteiné dapó. <sup>11</sup> Atimané ðu betere alata, enénire fotei ai yó mótu betere ape. Aita hãle dumi, kapala so whi dilikóló *moni* saai ðu betera. Atéro yó mótu betere foné betã whiné ama soró naale senaaletamokélé, ama fake

whĭkélé, atima fea betā be dolomó betó moletei ai dorótu betere ape. Atétu betere ala momó kae yaqsóro, mo taalae yóló foné sae. <sup>12</sup> Ti ai Krit haemó betó mole whĭrape atimané fo eratere kóló whĭ betāné i fo erapó. “Węiné bopéro daaló betere Kiriti haemó betó mole so whĭ fea kapala fo buóo, hupu haqné dere kaae, dowi ala hakeamó hoko yóo, dekeyóló bitu ęla maaté dekéro naai ekęle yóo, du beterapó,” <sup>13-14</sup> Atimané fo eratere kóló whĭné i alarape du betepa kelalepó dere fota ti mo dapó. Térapa, Taitus-ó, naao tęteróló kaae tare so whĭ atimané tuę tiki mo diriyóló tirópóló, Juda fake so whĭné dolęa foró kale mo bete mole fo hęrale whĭrapené i ala yae dere fotamo wosaqsóro, mo deteraa yóló atima foné sóro ma yae. <sup>15</sup> Mepaae wisi tuętóró mole whĭ atimané dere alaró dere fotamokélé, mo wisiyóló du beterapó. Téretei, mepaae whĭ tuę tiki tiró bitiniru, atimané hosaa tuęmó dowi kisipa mupa, ti ama dere foró dere alatamokélé wisini, mo turó dorapó. Ti i dere fota, mo dapó. Atimané tuę tikiró hosaa tuęmó mole alatamota, wuliné api fulukó fóló ęla wisi dorótu dere kaae, dowi alané atima mo ti doró beterapó. <sup>16</sup> Ti Kótó tuęrapó du betepatei, atimané dere alané ti Kótó tuęnipóló hakeamó yó matapó. Atima mo sonaalei ala du betere so whĭ betóo, dere fokélé woseni, tikóo du bitu, wisi ala yaaire mo sęnipó.

## 2

*Sere otere ó teó so whĭpaae Talené bete mole fo etéro yó manérapóló ere fo*

<sup>1</sup> Naao fo yó móturaalu, kae kae fotamo touróló yó meni, Kótóné mo bete mole fotóró erótu betae. <sup>2</sup> Atéro yó móturaalu, mepaae hęle Keriso maaté betere whĭ disirape atimané dere ala sawa tétitóró yóo, nokole ęlakélé kisipa tekeyóló tétitóró nóo,

so whĭné atima dere ala kilituraalu, mo donoi ala dapóló doi mulóo, atimané mepaae ala yaai fopaae hapale buni, hotowaró kaae taru, tuę tekeyóló yóo, Talepaae tuę tiki tiratere alakélé, yaala sókó fole alakélé, Talené ala taaréni, hęle yó tare alakélé mo diriyóló kisiparu, erótu betere whĭtóró beterópóló, ma fo yae.

<sup>3</sup> Até dere kaae, so disirapepaaekélé, atimané dere ala Talené so whĭné dere alatóró du beterópóló yae. Téturaalu, so whĭ eratere fo ó *wain* węi dekéro naai ekęle ini, mo wisi fo maaté yó mótu beterópóló ma yae. <sup>4</sup> Téturaalu, ai so disirapenémo mepaae teó sorape atimané whĭró naale senaaletamopaae yaala sókó fole ala du beterópóló, etéro yae yóló yó manérapó. <sup>5</sup> Atimané me ala yaai fopaae butere ala hapale ini, hotowaró kaae taru, tuę tekeyóló mo wisi alatóró yóo, bemó ęla bilitere alakélé, naale senaale kaae tatere alakélé, be kaae tatere alakélé, mo kelaalo kokęi alaró hosaa tuęmó me kisipa muni, mo wisi kisipa betā muóló, atimané whĭ aqomó beterópóló ma fo yae. Ama fo yae deretei hęle meipó. Atimané du betere ala mepaae so whĭné kilituraalu, Kótóné fo bete muni nisiyóló doka doka yóló faleyaqsóro dapó.

<sup>6</sup> Whĭ disiró so disitamopaae yale fo kaae, teó whĭpaaekélé atimané mepaae ala yaai tuę tekeyóló hotowaró yópóló, ma fo yae. <sup>7</sup> Naao du betere wisi ala so whĭné kolóló, atimané tokóló yópóló, yó mótu folosóro naaopi yae. Atéro, naao yó matere fomo kae yóo, dere alakélé kae yóo ini, mo betā alatóró erópóló yae. Téturaalu, i ala tómó mole ala kaae aqréni, mo bete mole alapóló tuę muóló yó mótu betae. <sup>8</sup> Atétepa, ti naao yó matere fo atimané wosaalomeipóló, mené só deratere ala enénipó. Ti noa yaqsóro

du meipó. Yątamo bóe du betere whırapené dą hąsóko fole ala initepa kilitu, atimané yale fomó atimatei hale yópoló dapó.

<sup>9-10</sup> Atéturaalu, wae sóro kutó diratere so whırapepaaekélé atima tẹteróló kaae tare whı aqmó bitu, atimané tuę tiki felé yópoló kutó wisiyóló dirae yóló ma fo du betae. Kutó diratere whırapené atima tẹteróló kaae tare whıné dere fo woseni dowąae fóo, atimané mepaae ọla ọlakélé ọlémi sóo yaqsóro yae. Aténi, atima tẹteróló kaae tare whırapené me ọla ọlémi nokole ala ini yóo, erae dere alakélé mo wisiyóló eróo depa kilituraalu, kutó diratere whı wisipóló tuę muaalopó. Atéro atimané mepaae alarape duraalu, i dere ma fo sya fóló eratepa, ama fo woseturaalu, ama fo wisita mo bete mulapóló, Tale dukirópóló dapó.

<sup>11</sup> Ti noatepae, so whı aluyaqsóro Kótóné ama hamokoróló tao sere ala mió i alimó betere so whı feané kolópóló hąkearó beterepó. <sup>12</sup> Kótó bitini nisi yóló du betere alaró i haemó ekẹleyóló du betere alatamo yae yóló sẹtepa, ai ala mo yaalo meipó yóo, mió i betere alimó mepaae ala yaai kisipa tekeyóló yóo, mepaae dere alakélé mo donotóro yóo, Kótóné ama ala hąle eró tawóo yópoló, ai fo wisinétei dąpaae yó mótu beterepó. <sup>13</sup> Dą noa wisi ala kelaai hẹkesetamo kaae tawóló betere? Dą tao sere whı Yesu Keriso ąta, dą tẹteróló kaae tare doasi Kótó beterepóló, ama kae ere dẹ wisinaaletamo wale ala kelaairaalu, dą hąıtamo kaae tawóló i betere ape. <sup>14</sup> Dą dowi alané dokóló muló betepa, ai sekéné ama betere betené dą dupuróló ą sukąleteita, hąle meipó. Dą dowi ala mo sawakélé muni, mo ama so whıtóro bitu, mo wisi alamaaté ekẹle yóló deté fu beterepóló, erapó.

<sup>15</sup> Atérapa, ai dosąayale alarapetamo naao yó mótu betepa, ti mo wisirapó. So whıné mepaae

họko alarape taalae yóló foné sóo, du betere wisi ala taaréni keteke bulóo yae. Ti yąta, Talenétei ama ala erópóló, sóro betero beterepa, mepaae so whıné yą belei aleróló só deratepa, ai dere fo woseni, ai bete mole fo yó matere ala betą du betae.

### 3

#### *Mo wisi ala betą erótu betae ere fo*

<sup>1-2</sup> So whı tẹteróló kaae tare *Gavman* whırapero mepaae ala kaae tanópóló sóro betero betere whırapetamo aqmó betae yóló Kótóné so whıpaae ma fo yae.

Atéturaalu, atima kale tẹteróló kaae tare whırapené yae dere ala sya fóló eróo, mepaae wisi ala keteke buóo, me whı eratere fokélé ini yóo, mepaae so whıtamo naameyóló mo dua betóo, me whı hamomané kisipa seke yaqsóro dere ala kisipa tekeyóló yóo, bopé fake ini, deróló dua betóo erópóló ma fo du betae.

<sup>3</sup> Take betale alimó dąkélé kisipa okoko yóló họko bitu, ai fo wisi wosóló aqmó bitini, dowąae fóló du betale alané dą dilikitu betalepó. Atétepa, dąné tó tikiné ekẹle du betale alaró kae kae du betale feléi alatamoné dą dokóló wae sóro kutó diratere whı betero beterepó. Dąné no nené dere ala kilitu, dąkélé ai ala ené yóló dei kisipa muturaalu, dąné atima hóróo, atimanékélé dą hóróo, deté fu betalepó. <sup>4</sup> Tépteitei, dą tẹteróló kaae tare Kótóné ama ere wisi alaró yaala sóko fole alatamo hąkearale sukamótóroiti, dą aluyaqsóro ama tao salepó. <sup>5</sup> Ti ama dą tao saleteita, dąné me donoi ala depa kolóló initei, ą kọlené sukutu tao sere bete bitu, tao salepó. Téturaalu, Talené ama fokóló dą ama naale senaale deyóló beteroó, Dẹi Kepe Wisiné kisi whı aleróló beteroó erapó. <sup>6</sup> Talené ai Dẹi Kepe Wisita, dą so whı fea tao sere whı Yesu Keriso tuámó betepa, Talené dąpaae mo turó suniyalepó. <sup>7</sup> Atére alata, Talené ama hamokoróló tao sóro,

mo donoi so whj́pó ereteiné dą ai mo ti betere bete sóró taru, ama wisi wisi ala Yesumó matere kaaetóro dąmókélé matepa saalopóló hajtamo kaae taté fu beterópóló erapó. <sup>8</sup> Ai fota, mo bete mulapóló tuę tiki tiraaire fopa, mió Kótópaae tuę tiki tiró betere so whj́kélé ketekę buóló mo wisi alatóro du beterópóló, ai fo naao mo diriyóló tuęru, donotóro yó mótu betepa, mo wisirapó. Ti ai dosąaté wale alarape feata, wisi alatóro ereteiné so whj́ fea tao sóró wisiranérapó.

<sup>9</sup> Tépatēi, kisipa okokoi whj́rapené dóroi duraalu hąle hąko dere fokélé, dą deyaairaalu deté wale noutererape dosąaté wou betale alakélé, Moses-né yóló muló betere fomó alale sere alaró hąle sere alatamoné dere fo mo wosaąse. Ai alarapené, so whj́ tao sóró wisiraaire bete mo munipó. <sup>10</sup> Dią betą kisipa muóló betere ala mepaae whj́né tekeratepa, taalae yóló foné sae. Atéroró foné senaalemó, naao dere fo wosenitepa, kale yale kaae momó foné sae. Ténalemókélé mo ti wosenitepa, momó kae ini, ama enére ala deté fu beterópóló mo ti taalae. <sup>11</sup> Atétere whj́ta, dowi ala ą tuąmó fąanuraalu, dowąae fóló du betere alané amatei ą ai só derótu betere ape.

*Mo kemeróturaalu Pol-né Taitus-paae ape yale fo*

<sup>12</sup> Artemas ó Tikikas yąlo yą beterepaae ai dotonatapa, ątamo yą betere mó sóró wapa, ti yą dąmo Nikapolis be huluamó hokolaa yaalopa fae. Ti mió i waaire sosóli alita, dąmo ai bemó betepa kemeyópóló faai kisipa mutapó. <sup>13</sup> Fo tokótamo depa tao sóró fo eratere whj́ Senas-ró Apolos-tamo uké furaalu sóró faaire mepaae ąla ąlakó yąyątepa, ti atimaamo tao sóró melae yóló i dere ape. <sup>14</sup> Yątamo aimó betere dą Keriso fake so whj́ atima betere dokọ nokole ąla ó mepaae so whj́ tao saaire ąla ąla yąyąni, mo sųmó mulópóló, kutó

ketekę buóló diae yóló ma fo du betae.

<sup>15</sup> Imó ętamo betó mole so whj́né yąpaae kọleó dapó. Talepaae kisipa tiki tiró bitu, dąpaae yaala sóró fu betere so whj́paae kọleó yae. Térapa, Talené hamokoróló tao sere ala dią feapaae erópóló yae.



## Filimon

<sup>1</sup> Ẹta, Yesu Kerisoné ala yó mótu betere móte, *dipula* betero betere whi Pol, dané no Timoti damo wusoro bitu dapó. Ita, da fea beta kutó diteré whi Filimon-paae dapó.

<sup>2-3</sup> Dané ne Apiapaaekélé, da Kótóné alamó beta mó bóe belerateré whi Artipus-paaekélé, Filimon nao bepaae tourale wua du betere Keriso so whi feapaaekélé, dané Aya Kótóro Tale Yesu Kerisotamoné hale hamokoroló tao sere ala wisiro hosaa muni deyoló mo dua betere alatamo di tuamó mulópóló yae.

*Talepaae mo kée yóló moma yale fo*

<sup>4-5</sup> Ẹ tetéroló kaae tare Kótópaae momatere sukamó ya kisipa yó taru, Talepaae mo kée fo du betera pó. Ti noatapa meipó. So whi feané ya ta, Tale Yesu Kerisopaae kisipa tiki tiró betóo, Kótóné wisiróló kae betero betere so whi feapaaekélé yaala sókó fóo, du betera pó deté fole fo yalo wosetereteiné dapó. <sup>6</sup> Naao tué tiki tiratere ala mepaae so whipaae yó materetei atima tuamó mo du oleyópóló yalo ya momarótu betera pó. Atétu, Keriso tuamó mole wisi wisi ala fea dané sóro tarapóló mo diriyóló tué yaalopó. <sup>7</sup> No-ó, Kótóné wisiróló kae betero betere so whipaae naao wisi ala erótu betaletéiné, atimané kisipa felérótua yalepó. Naao atéro yaala sókó fole alané yalo hosaa diriróló, e mo doa hainé sukunótua yalepó.

*Pol-né Onesimas wisiyóló dape sópóló yale fo*

<sup>8-10</sup> Téyalepóló, damo Keriso tuamó bituraalu, yalo yapaae i ala yae yóló halaainé enépatei, taaróló yaala sókó fole ala betené yapaae dua wosera tapó. Ẹta Pol-né dapó. Ẹ otere yóló bitiré fóo, miókélé Yesu Kerisoné ala erótu betere mó *dipula* sóro betero

betóo iruraalu, yalo naale Onesimas-mó kisipa mutu wosera tapó. Ẹta, mo dirii képiné dokóló *dipula* betepa, a yalo naale aleyóló beterepó. <sup>11</sup> Take bitiré wouraalu, ama ya fasóló naao erae dere ala fea ama wisiyóló eréni, hale hoko beterepó. Atéyaletei, mió damo wusoroné dere fo wosóló, damo aomó sukóló bituraalu, erae dere ala fea ama sumó eranérapó.

<sup>12</sup> Ti ata, mo yalo hosaa mole naaletei, ya beterepaae wópóló momó dotonata pó. <sup>13</sup> Yesuné fo wisi yó mótu betaletéiné, *dipula* bemó dirii képiné dokóló betero betepa, naao e tao su betere kaae, ya betere sirimó a bituraalu, e tao sópóló etamo betaai kisipa mualetéi taaróló ya beterepaae dotonata pó. <sup>14</sup> Atéro a etamo bituátei, naao ai ala yae dere fo woseniruraalu, a yalo tanénipó. Naao apaae eraaire ala yalo ya serateremó ini, naao koleané apaae hosaa muóló wisi ala eraasepóló, naao naase tuamó i mulatere ape. <sup>15</sup> Kale seké a yatamo betaletéi, ya taaróló kae bití fele beteta, ti take yatamo beta mó mo titóro betero pó, kapala asiri kae betero tu yalepó. <sup>16</sup> I sekéta naao kutó diratere whi betepatei, ai tómó mió naao hosaa turó mole nopóló wisiyóló dape sae. Ti noatapa, ata mo whikélé betóo, Keriso nokélé betóo ereteiné a mo yalo hosaa mole notóro betera pó. Téreteiné naao a kilituraalu, apaae hosaa mo turó mulaalo ai ape.

<sup>17</sup> Atérené naotamo damo Kótóné alamó beta kutó diteré whipóló kisipa mutupa, ti naao e wisiyóló dape saai yale su a wisiyóló dape sae. <sup>18</sup> I sekénétamo me dowi ala ó naao olakó olémi sale kwia mupa, ti yalotei tokó melaalopa, epaae yae. <sup>19</sup> Ẹta, Pol-né mo yalo naasenétei i asé dapa kelae. Ai kale kwia yalotei melaalo ai ape. Ti ya betere beteta, naotei tué muae. Yalo yapaae erale ala eroluameisóro, ti ya atéro bituameipó. Atéyale

alané yǎpaae kwia mupa hǎkearóló uǎtei, me ǒla meipóló taalatapó.

<sup>20</sup> No-ó, dǎmo wusuró Talené ala tuǎmó bituraalu, yǎlo enée yóló mutere kisipa mió naaomo ǎpaae eraasepólópó. Atétepa, ti dǎmo Yesu Keriso tuǎmó bitu, yǎlo kisipa tiki felératere ala yaalo ai ape. <sup>21</sup> Yǎlo dere fo naao mo wosóló eraalopóló kisipa muturaalu, yǎpaae i asǎtere ape. Ti noatepa meipó. Yǎlo i eraasepé dere fo naao mo wosóló eróturaalu, naaomo tómó beleróló eraalopóló kisipa mutapó.

<sup>22</sup> Téró, fo meta i ape. ǘta waalopa, fiyaaire tiki betǎ donoróló mulae. Ti noatepae, naao Talepaae momayale ala Kótóné wosóló, take dǎmo wusuró betǎmó bitu yale kaae, miókélé atéró betǎmó betaai kisipa mutapó.

<sup>23</sup> Yesu Kerisoné ala erótu betepa, ǎtamo betǎmó *dipula* sóró beteró betere whǐ Epapras-nékélé yǎpaae kǒleó dapó. <sup>24</sup> ǘtamo betǎ kutó dítere whǐrape Mark, Aristarkus, Demas, Luk ai whǐrape atimanékélé diǎpaae kǒleó fo i dere ape.

<sup>25</sup> Tale Yesu Kerisoné ama hǎle hamokoróló tao sere ala wisinaale, naao kepe bete tuǎmó mulópóló yae.

## Hibru

### *Whjné Naalemané ensel-rape teteró beterapó*

<sup>1</sup> Mo take bitiré wouraalu, Kótóné fo kae kae tumó, ama kóló whjrapepaae mo dekéro félimó depa, atimanémo da Juda fakené noutererapepaae dua ipakalepó. <sup>2</sup> Téyaletei, mió i kemeratere alimó, ti Kótóné dere fo ama Naalemané dāpaae yalepó. Ti fea ɔla ɔla ai naalené amatóro sópóló yóo, sāró haetamo ó ere ɔla ɔlakélé fea ama aleyópóló, Kótóné ai sekéné naase tuamó mulóo, yalepó. <sup>3</sup> Kótóné ama mo kae ere de wisinaale ai naale tuamó deyó faletei, mo so whj feané kolópóló hakearó beterapó. So whjné ai naale kilitu, ama alima ere alatóro erapóló tuénérápó. Samó ó i haemó betere ɔla ó ere ɔla feané du betere ala hāle deté fu beterópóló, ai naalené doasi fotokɔ bole foné hāle eratétóro fu beterapó. So whj feané dowi ala fokóló kemetepa, a hepenpaae fóló, wisi wisi ala fea teteróló betere Doasi betere turu naase demó betalepó. <sup>4</sup> Atéturaalu, Kótóné a mulale doiné *ensel-rape* mulale doi teteró biture kaae, a soro beterale alanékélé, *ensel-rape* soro beterale ala mo bosenóló teraae falapó.

<sup>5</sup> Ti noatepae, Kótóné i fo erapó.

“Yata, yalo Naale betóo, e mió naao Aya alée fío, i dere ape.”

Me fo ipó.

“E ama Alima betóo, a yalo Naale betóo yaalopó,” ere fo-a, mé *ensel-paae* yaleé?

<sup>6</sup> Téró ai fo kaae, Kótóné ama topo naale betā i haepaae dapesó wouraalu, i fo dapó.

“Kótóné *ensel-rape* fea a aqmó sukóló bitu, ama doi betā hale soro horótu betae,” erapó.

<sup>7</sup> Tépatei, Talené ama *ensel-rapemó* tué muturaalu, i fo dapó.

“*Ensel-rape* ama fo erāle fópóló, besé tiki alée falóo, ama kutó diratere whjrape simi alée falóo dua dapó,” erapó.

<sup>8</sup> Tépatei, kale Naalemamó tué mutu i fo erapó.

“Kótóo, naao so whj teteróló kaae tare ala kemekélé ini, hāle yó tawóo, naao so whj teteróló kaae tawaaire alakélé, mo donoi alané kaae tawóo yaalopó.

<sup>9</sup> Naao hosaa mo donoi alapaae muóo, dowi ala ya mo hōyóo yalepó.

Atéyaleteiné, ya teteróló kaae tare Kótónétóro ya mo taoró beteróturaalu, naao fulumu whjrape ti ya aqmó beterópóló, hā fāane *wel wēi* naao topomó suniyóló, ya soro beteralepó,” erapó.

<sup>10</sup> Tétu, ama i fokélé dapó.

“Tale-ó, mo take keké nale alimó bete kaayóló fótuku mulóturaalu, haeró sātamo naao naasenétóro alerapó.

<sup>11</sup> Ai aleyóló muló betere ɔla feata, doyóló aluyaalotei, ya ti hāle betó tarapó.

Ai ɔla ɔla feata, deróló sókó fatere kuti derāakele yóló turukó fu dere kaae, doyóló mo ti kemeyaalopó.

<sup>12</sup> Whjné deró betere derāakele kuti sokóló ó me ɔla bopetu dere kaae, mió i ere sāró haetamo naao bopée soro, kuti kisi kae derótu dere kaae, kisi sāró haetamo aleyóló mulaalopó.

Téyaalotei, yata ai ere kaaetóro hāle betó taru, bitiré faaire ba fo mo kemekélé yaalo meipó,” erapó.

<sup>13</sup> Me fo i ape.

“Naao bōe whjrape fea yalo dóló teteróló, naao hó aqmó betteraaire be de sókó wópóló, ya yalo turu naase eró betere tikimó kaae tawóló betae,” ere fo-a, Kótóné mé *ensel-paae* yaleé?

14 Ti *ensel*-rape feata, Kótóné kutó diróturaalu, mo ti betaaire so whi tao sene fae yóló, doteyale keperape meié?

## 2

*Wisiyóló kaae taru, kale fo wisi wosae ere fo*

1 Térapa, da feané wosale mo bete mole fo keteróló, da kópaae faşóró ai fo kutiri mulóló, mo hotowaró kaae tawaalopóló i dere ape. 2 Ti noatepae, mo take Talené ama fo so whipaae yó melale fae yóló, *ensel*-rapepaaepi melalepó. Me whinétamo ai fo tikitepa, ó sya feni hórtepa, ti ai whipaae dowi kwia mo donotóró mótua yalepó. 3 Mió danékélétamo Talené doasi tao sere ala keteróló, hãle ɔla kaae aɔratepa, ti dákélé netéro hãsóko faaloé? Ti ai doasi tao sere alata, Talené amatóró folosóró so whipaae yalepó. Ai fo wosale so whi atimanémo, mopóló dápaae diriyóló yó melalepó. 4 Ai whirapené yó matere fo mopóló tué tiki tirópóló, atimané yó male fotamo touróló kótóné, me ala yaairemó eratere alarapekélé, kolóló siratere alarapekélé, kae kae kelemei alarapekélé fea eralepó. Atéturaalu, Kótóné ama kisipa mole ala sya fóló, Deji Kepe Wisiné hãle matere alakélé atimamó dokɔróló mo şuralepó.

*Yesu ɔ ama no nerape kaae alée fele fo*

5 Take nalopaae da bitı faalopóló i bopetu betere tikita, *ensel*-rapepaae teteróló kaae tawae inipó. 6 Tépateti, Talené fo aşere tuamó whi mené etei kaae fo erapó.

“Mo whi-a, noa kaae doasi bete mupa ɔpaae kisipa mutu betere?”

Whiné naalemakélé hosaa muóló kaae tare-a, ɔ noa doi mole whi betepa de?

7-8 Naao ɔ i haemó beterale sukamó, *ensel*-rape aɔmó beterópóló yalepó.

Téyaletei, doasi doi mole alaró, mo kae ere de wisinaaletamo ɔpaae eróló, ɔ sóró horalepó.

Téturaalu, fea ala amatóró teteróló kaae tawópóló, naaotei eralepó,” erapó.

Kótóné ai alarape fea ama teteróló kaae tare aɔmó mulaleti, mo betakókélé hãle munipó. Atére ala mió dané kelené kilinipó. 9 Tépateti, Yesupaae eró betere ala kisipa muae. Taketa, Talené *ensel*-rape aɔmó mo sawa sukamó beteraletei, ama tikimó susupu sóró sukãle betené, mió Talené ɔ topo whi beteróturaalu, doasi doi mutere alaró mo kae ere de wisinaaletamo ɔpaae eró betepa kelerapó. Aita, Kótóné hamokoróló hãle tao sere ala dápaae eróturaalu, sukutere ala dápaae waşóró, mo turó ama tikimótóró serapó.

10 Kótó ɔta fea ala bete tale bitu, fea ɔla ɔlané ama kisipa mole alatóró erópóló, aleyóló muló beterapó. Atére sekéné ama mo dekeró betó mole naale senaale aluni, mo kae ere de tuapaae ɔlısóró faaire whi Yesu ɔ mené dóló sukunópóló yalepó. ɔ atéro sekş siré fóló, asane feleteiné so whi tao saai mo şure topo whi beterapó. Ti Kótóné ɔpaae ai eró betere ala fea dané kilituraalu, mo dono ala erapóló kisipa mutapó. 11 Me alatamo hosekényi, Talené ama kae beteró betere so whiró atima fokóló kae beteratere sekétamo, Kótóné mo betɔ faketóró aleró betereteiné Yesuné atimapaae no nerape-ó yaaire ɔ hale dumipó. 12 Ama i fo dapó.

“Yalo no nerapené naao doi tué yópóló, yalo hãkeamó yóo, touró betere so whi feané keletómó naao doi sóró horóturaalu, wole fokélé yóo yaalopó,” erapó.

13 Me dere fo i ape.

“Yalo ɔpaae tué tiki tiraalopó,” erapó.

Ai fo kaae ama momó dapó.



“Èkélé, Kótóné ama ɛpaae melale naale senaalekélé, ɗa fea i betere ape,” erapó.

14 Ti Kótóné ɛpaae kaae tawae yóló melale naale senaaleta, mo hae whítóro bettereiné, ɔkélé atima daale mo tikitóro alée felepó. Aita hãle mei, sukutere fotokɔ bete tale Satan doraai yalepó. 15 Tétu, sukaɔsóro witere alané wae sóro dokóló muló betere so whi ɔ sukuturraalu, teraayóló hãle fópóló eralepó. 16 Ti ama ai ere doasi alata, *enselrape* tao saai ini, Abraham-né deté fele naale senaale tao saai yalepó. 17 Atére betené Yesu ɔ Talené ala eróturaalu, so whi kɔlené sukóló, tao sóro momaraterere topo whi bitu, so whiné du betale dowi alamó, Kótóné atima kwia melaɔsóro sesé yaairaalu, ɔ ama no nerapené daale tikitóro alée felepó. 18 Ti noatepae, sɔ sere alaró kae kae susupui alatamo siré fóló mo asareteiné, mepaae so whi dowi ala yópóló sɔ sere sukamó, atima dée naɔsóro ama mo sɔmó tao senérapó.

### 3

*Yesuné Moses tɛteró betterapó ere fo*

1 Téraɓa, dowi ala fokóló kae betteró betere no nerape-ó, ɗɔkélé ɗiɔkélé Kótóné hepen bepaae faai ape yóló mo betɔ kaae fotóro erapa, ɗiɔné tuɛ tiki mo turó Yesupaaetóro muló betae. Ti ɔta, Kótóné ama fo yó melópóló dotɛyale whi betóo, ɗamó momaraterere topo whi betóo erapóló ɗané i du betere ape. 2 Moses-né Kótóné ama fake so whi mo wisiyóló kaae taru yale kaae, Yesunékélé ɔ sóro betterale sekéné ɛpaae erae yale ala fea mo turó eraté fu betalepó. 3 Betɔ be tɛtere whiné be wisinaale tɛpa, so whiné ai be siratua ɗapó. Tépatei, ai be tɛyale whi dukiraterere foné be wisinaale tɛnapóló, siraterere ala tɛteró betterapó. Atétu dere kaae, Yesuné doasi doi mole alané Moses-né doi muale ala, mo bosene falapó.

4 Be fea tɛnetei ama kɔleaané daani, whiné tɛyóló mulótua erapó. Atére kaae, ɔla ɔla fea Kótóné amatóro aleyóló muló betterapó. 5 Ti Moses ɔ Kótóné kutó diraterere whi bitu, Talené so whi mo wisiyóló kaae taté fu bitipakalepó. Tétu, ama du betere alata, take nalopaae Talené mo eraalopóló, ama hãkearóló yó mótu bitipakalepó. 6 Tɛyaleteti, Keriso ɔ Kótóné naalematóro bitu, Talené ama fake so whi fea mo hotowayóló kaae taté fu betterapó. Atétu, take nalo waaire be ɗemó Talené ɗapaae wisi ala eraalopóló, hãtamo kaae taru, halaainé ama ala hãle eró tapa, ti ɗa Kótóné ama fake so whítóro betterapóló kisipa muae.

*Kisipa tirénire so whipaae wisiyóló kaae tawae ere fo*

7-8 Atéreteiné Ɖɛi Kepe Wisiné i fo ɗapó.

“Whi bitini hãle kópu kaae fi tikimó, Kótóné diaaɔ noutererape sɔ sóro kaae kelalemó, ama dere fo woseni, dowaae fóló hosaa tɔ ipakalepó.

Atéyale kaae, mió diaaɔkélé ama fotamo wosetepa, ɗiɔné hosaa tɔ yaɔsóro yae.

9 Diaaɔ noutererape atima atéro kulturaalu, 40 ba fo tuamó ɛ kaae kolóló sɔ siré fu betepa, yaɔ erótu betale ala atimané kilitu betalepó.

10 Atéyale betené ai alimó betale so whitamo fopaae butu, yaɔ i fo yalepó.

‘Atimané hosaa mo turó kae tikipaae muluraalu, yaɔ erótu betere ala mo tuékélé inipó,’

11 Atétepa, ɛ fopaae butu etei dirii fo yóló mulalepó.

‘Yaɔ hosaa muni deyóló dua betere ala tuamó, atima sókókélé mo waalomeipó,’ erapó.

12 No nerape-ó, ɗiɔkó mepaae whiné hosaa tuamó mole dowi alaró, mo ti betere Kótópaae tuɛ tiki tirénitere alatamo iru, Kótó

taaróló faqsóró, hotowaró kaae tawae. <sup>13</sup> Téturaalu, miópó du betere be dę kemeyaai epatei, dowi alané dią dilikóló diaaq hosaa ąaraqsóró, betere dokę diąsisi ketekę u bulótu i bulótu du betae. <sup>14</sup> Folosóró kaae suraalu, dąné tuę tiki tirale ala tuąmó taaréni, mo diriyóló bitiré fóló, kemene fole kwiamó sókó fupa, ti Keriso tuąmó mole ala dąnékélé serapó. <sup>15</sup> Kótóné ai fo ereteiné dąné u deté wale fo momó i dere ape.

“Whį bitini hąle kópu kąae fi tikimó, diaaq noutererapené Kótóné dere fo woseni, hosaa ąayóló dowąae fu betale kaae, mió diąkélé ama fo wosetepa, diaaq hosaa ąą yóló dowąae faqsóró yae.”

<sup>16</sup> Talené atimapaee yale fo wosaalo hýyóló dowąae fele so whį-a, deé? Aita, Isip hae taaróló, Mosesné dapesó fele so whįtórótípó. <sup>17</sup> 40 ba fo tuąmó, Kótóné fopaae bualeteia, detamo maaté yaleé? Aita dowi ala yaletéiné kópu kąae fi tikimó, hąle sisiraae fele so whįtórótípó. <sup>18</sup> Kótóné ama dirii malo duraalu, “Yąlo hosaa muni deyóló dua betere tikimó, atima betąkókélé mo sókó waalomeipó,” ere fo depaae maaté yaleé? Aita, ama fo tikitú betere so whįpaaetóró erapó. <sup>19</sup> Ti atima Kótóné dua betere ala tuąpaae sókó fenire beteta, Kótóné fo wosóló, tuę tiki tiréni yaletéiné erapó.

## 4

*Kótóné so whį sąą nųpóló tukóló muló betere be dę mulapóló ere fo*

<sup>1</sup> Ti Kótóné ama so whį sąą nóló bitį wųpólópó ere fo kemeni, hąle mulapó. Atérapa, ai tuąpaae bitį faairetei dą hąsókó faqsóró, witamo hotowaró kaae tawae. <sup>2</sup> Ti noatepae, mené atima Juda fake so whįpaae yó melale fo wisi dąpaaekélé yó melalepó. Atimané ai fo wosóta yaletéi, mopóló tuę tiki tiréni yale betené atima tuąmó me dukélé olenipó. <sup>3</sup> Ti ai fo mopóló mió tuę tiki

tiró betere so whį dąta, Kótóné ama sąą nokole tikipaae sókó fu beterapó. Tépatei, kisipa tirénire so whįpaae Kótóné i fo erapó.

“Atétepa, ę fopaae buturaalu, etei dirii fo yóló mulalepó. ‘Yąlo sąą nóló betere tikipaae atima wóló betókélé mo yaalomeipó,’” erapó.

Take Moses betale alimó Kótóné ai fo mo epatei, sąró haetamokélé, ere ąla ąlakélé, fea Kótóné ama aleyóló kemerélipakalepó. <sup>4</sup> Ti noatepae, wejke be dęmó Kótó ą sąą nale fo mepaae asę tuąmó eretei dosąatepa tuęnérapó.

“Kótóné ama diyale kutó fea kemeróló, wejke be dęmó ti ą sąą nalepó,” erapó.

<sup>5</sup> Kale yale fo momó i dapa, wosae.

“Atima yąlo sąą nóló betere tikipaae wóló betókélé mo yaalomeipó,” erapó.

<sup>6</sup> Atére betené mió mepaae so whį sąą nóló betaalopóló, i bopetu betere tuąmó sókó fóló beténérapó. Ti take betale so whį Talené fo wisi mené yó matepa wosetua yaletéi, ai fo aqmó sukóló bitini, tikitú betaletéiné sąą nóló betere ala tuąpaae sókó fenipó.

<sup>7</sup> Atéró bitiré fóló, mepaae ba forape keme itikimó, ti Kótóné be dę kae dąle mulóló, miópó doi mulóturaalu so whįpaae i fo yae yóló, Depit-paae ipakalepó.

“Mió ama fotamo wosetepa, ti diaaq hosaa ąayóló dowąae fu betaqsóró yae,” erapó.

<sup>8</sup> Ti noatepae, Josuané Talené so whį sąą nalóló beterólųqsóró, ti nalo me be dęmó Kótóné sąą nóló betaalopó fo uąameipó. <sup>9</sup> Atérené Kótóné ama kutó kemeróló ą sąą naleteita, take ama so whį sąą nóló beteraaire alamó kisipa mutu ereteiné, dią ai sąą nóló betere ala tuąpaae bitį fenérapó. <sup>10</sup> Ti noatepae, Kótó ą ama kutó diyóló kemeróló, sąą nóló bitu yale kaae, mepaae so whį de Kótóné sąą nóló betere tikipaae sókó fupa, ti so whįkélé atimané ditere kutókélé

taaróló, s̄aa nóló h̄ale betenérápó. <sup>11</sup> Atérapa, atima Kótóné fo tukóló dow̄aae fu betere ala s̄ya furaalu, ðákélé dée naqsóró, ai s̄aa nóló betere tikipaae ketek̄e buóló sókó faalopa siépe.

<sup>12</sup> Ti Kótóné fota, beteró betere fotok̄otamo f̄ayóló mo s̄urapó. Ai fota, tamo fakeró fosó daale b́oe dele sepakené fosókélé mo teraae falapó. Atéru, wh̄iné asoró kepetamo tuamó tekeyóló sonaae f́oo, ðiri tamo olek-ereteikélé tuamó tekeyóló sonaae f́oo, dua dapó. Atérené wh̄iné hosaa tuamó ere alaró mole tué tikitamo, Kótóné ai fonétei k̄aae kolóló tal-enérápó. <sup>13</sup> Kótóné aleyóló muló betere ɔla ɔla fea ama keletómó hiró bitini, mo fopa h̄akeamó mulapó. Atére sek̄éné keletómó, ðané du betere ala fea mo bet̄akélé hiraalomeipo.

*Yesuta Talepaae momaraterere topo wh̄i beterapó ere fo*

<sup>14</sup> Ða tao sóró momarótu betere doasi topo wh̄i Kótóné naalema Yesu ̄a s̄a tuamó f́óló hepen-mó beterapa, ama fo wisi ðané wosóló mopóló ̄apaae tué tiki tiratere ala taaréni, mo ti tiró betae. <sup>15</sup> Ti ðata, mo hae wh̄i betereiteiné mepaae sek̄ei ala ó dowi ala ýópóló s̄u supa, ðiriyóló daayaaire fotok̄o mo bunipó. Tépat̄ei, ðamó momarótu betere topo wh̄iné ai alarape fea ama hosaamó suraalu, ða tao senérápó. Ti mió ðapaae i wou betere sek̄e ó dowi ala ýópóló, s̄u sere ala fea ̄apaaekélé wua yalepó. Téyaletei, ̄a dowi ala mo bet̄akélé inipó. <sup>16</sup> Atérapa, ðapaae sek̄ei ala wale sukamó ða k̄oleturaalu, ama tao sópóló hamokoróló h̄ale tao sere ala t̄eteróló kaae tare tikipaae faaire wini, halaainé faalopa siépe.

## 5

<sup>1</sup> So wh̄imó Talepaae momaraterere topo wh̄i sóró beteraai, wh̄irape fea fopeyóló bet̄a wh̄itoró sóró beterótua dapó. Ai wh̄ita, so wh̄iró Kótótamo

tuamó bitu, so wh̄iné yale dowi ala Kótóné tokóló alurópóló, simó sukulaa dalatere alaró h̄ale matere alatamo dua dapó. <sup>2</sup> Ti k̄óló k̄ólóru, k̄ópaae fole so wh̄i ða tao saai ai tūa wh̄i ̄akélé hae wh̄itoró ereteiné naameyóló mo dua bitu enérápó. <sup>3</sup> Ti ̄akélé dowi ala dere wh̄i beterapóló kisipa mutu, ama yale dowi alapi Talené wisirópóló, simó sukulaa dalóo, nalo ti mo so wh̄iné dowi ala wisirópóló sukulaa dalóo, dua dapó.

<sup>4</sup> Mepaae wh̄i momatere topo wh̄i betaai doi sere alata, ama k̄leaané enénitei, Kótóné Eron-paae ape yóló momaraterere topo wh̄i sóró beterótu yale kaae, Kótónétóro ai wh̄i sóró beteranérápó. <sup>5</sup> Atére kaae, Keriso ̄a doasi doi saai kisipa mutu, amatei momaraterere topo wh̄i bitinipó. T̄eni, Kótóné ̄apaae duraalu,

“Ȳata, ȳalo naalepó. ̄Eta, mió naao aya alée fulapó,” erapó.

<sup>6</sup> Ai fo kaae, me as̄e tuamó i fo dapó. “Melkisedek ̄a momaraterere wh̄i bitu deté fele ala naao t̄eteróló kaae taru, momatere ala h̄ale yó taté fu beterópóló, ȳalo ȳa sóró i beteratere ape,” erapó.

<sup>7</sup> Yesu i haemó bitiré fele sukamó, ̄a sinaqsóró tao saaire sek̄epaae me sukamó ̄a wole ýoo, me sukamó ̄a tao sae yóló moma fakeyóló ýoo dua yalepó. ̄A atéro Tale aqmó sukóló betalet̄einé ama erae yóló kematere moma Kótóné wosóló, mo eralepó. <sup>8</sup> Ti ̄a Kótóné naalema bitutei, sek̄e h̄ale beleté feleteiné Kótó aqmó sukóló betere ala mo asane felepó. <sup>9</sup> Ai ala deté f́óló, ̄a momaraterere wh̄i wisi bit̄i felepó. Atétu, ama fo wosóló eratere so wh̄i fea aluni, mo ti betó tanópóló, tao su betere bete tale alée felepó. <sup>10</sup> Ti aita h̄ale mei, Kótóné ̄apaae duraalu, “Melkisedek-né deté fele ala tuamó ȳa momatere wh̄i beteratapó,” yale betené yalepó.

*Talené ala taaróló sisópaae eratepa mo wió yae dere fo*

<sup>11</sup> I bopeyale alarape dekeró molei diapaae uamó, ai fo bete di-aaq wosaaire hapólureteiné, diapaae yaairekélé dirirapó. <sup>12</sup> Ita mo fo dapó. Diq mo take kaae sóró Kótóné ama bete mole fo woseté waletéiné, mió diq Kótóné fo yó matere whirape mo sumó bituapó. Até uatei, ama bete mole fo diq tué inipa, take kaae sóró yó malepaae fesaae fóló, mené diq momó yó manérápó. Diq dirii q̄la naaire suni, keteirape mo awatoró naai ekeletu dere kaae erapó. <sup>13</sup> Mepaae so whi de awatoró ekeleyóló nuku betepa, ti ai so whi mo ketei kaae bitu, Kótóné mo donoi ala erateretei tuéni, kq̄ló kq̄lorapó. <sup>14</sup> Tépatei dirii q̄lata, disire so whiné nq̄póló muló beterapó. Atére so whi ti Talené fo wosetere dokq̄ fea ama alatoró eró tareteiné asa duraalu, dowi alaró wisi alatamo sumó k̄aae kolóló, talenérápó.

## 6

<sup>1-2</sup> Atére betené Kerisoné ala i ape yóló, teómó kaae suraalu, yó matere fo momó kae yó melaalomeipó. Até yaletéi taaróló, mió mo dirii fo diapaae i dapa wosae. Take kaae sóró yó melale fota, whirapéné be t̄eteróturaalu, folosóró iru eleké detu dere kaae yóló, yó male alarape i ape. Sukutere alapaae alisóró fole dowi ala taaróló, t̄u wisipaae fole alakélé, Kótópaae tué tiki tiratere alakélé, w̄ei tópuratere alakélé, me whi Talené kutó dirq̄póló, ama tikimó naase mulatere alakélé, sukutere so whi kepaayóló betaaire alakélé, so whi feané yale ala taleyóló mo ti muó tawaaire kwia melaalopó ere fokélé, take folosóró kaae suraalu yó maté waletéi, momó kae yó melaalomeipó. <sup>3</sup> Kótóné wisirapa, dirii fo yó melae depa, ti d̄ané mo yó menanérápó.

<sup>4-6</sup> Mepaae so whi atima diliki tuamó beteretei taaróló, d̄e tuapaae bit̄i fóo, hepen bemó mole wisi wisi q̄la atima sóró asa yóo, D̄ei Kepe Wisiné erótu betere alakélé atima

sóo, Kótóné bete mole fo tuamó bole wisi ala atima kisipa yóo, take waaire alimó t̄eteróló kaae tawaaire fotokq̄kélé atimané tué yóló asa yóo ere so whitei, Talené ala taaróló fupa, ti momó kae kisipa feteyóló fesaae wonénipó. Téturaalu, atima ai du betere alané Kótóné naalema so whi feané keletómó doasi hale seróló, q̄ filipaa ni tómó momó oler-aterere aq̄rapó.

<sup>7</sup> Hali wouraalu, wisi f̄e bulatere haemó q̄la wisiyóló holóló, ai kutó talené q̄la supa, ti ai hae tiki Kótóné wisiraalopó. <sup>8</sup> Tépatei, q̄la wisiyóló huni, mu daai képiró dowi netamo hotere hae ti f̄e buni, dowi deké bulapó dua dapó. Atére haeta, ai kutó talené doróló, kemeróturaalu simó néli biliyaalopó.

<sup>9</sup> D̄ané hosaa mole no nerape-ó, i deté wale fota, diq tuamó ere alamó dumipó. Ti diq̄ta, Talené ama so whi aluyaqsóró tao sale ala tuamó betere ala d̄ané kisiparapó. <sup>10</sup> Ti Kótó q̄ta, so whi feané du betere alarape h̄oko taleyóló kwia mótumipó. Atérapa, diaaq̄ ama kutó diratere alakélé, Kótó apaae yaala sókó furaalu, ama kae beteró betere so whi tao sere alakélé, nalo tao siré faaire alakélé, fea ama tué yó taru, kwia mo donotóró melaalopó. <sup>11</sup> Talené diq dokq̄ feapaae melaalopó yale q̄la mo saasepólópa, ketek̄e buóló mió diaaq̄ ai du betere alatoró h̄ale yó taté fóló, kemene fole kwiamó sókó fae. <sup>12</sup> Diq Kótóné ala erótu beteretei deka yóló taaréni, mepaae so whi atima tué tiki tiratere alaró sek̄ei ala wapatei, h̄ale yó tare alatamo su beterapó. Diq̄kélé ai ala yaasepóló, atimané dere alatoró s̄uróló yae.

*Kótóné eraalopó dere ala h̄asókó féni mo eraalopó*

<sup>13-14</sup> Kótóné ama eraalopó yóló mulale fo Abraham-né mopó yq̄póló, Tale q̄ t̄eteró betere Doasi me bitinipa, amatei q̄ doi yóló dirii malo duraalu,



“Yało ya wisiratereteiné, naao detere naalené deté fole naale senaalekélé doakale fake firatere ala haşókó feni, mo yaalopó,” ipakalepó.

<sup>15</sup> Atétepa, Abraham a whaaliani, dua kaae taté fóló, nalo Kótóné a paae melaalopó yóló mulale ɔla mo salepó.

<sup>16</sup> Me whiné mepaae so whipaae i ala eraalopóló mulatere fo diriróturaalu, atimané doi yóló dirii malo dumi, atima teteró betere doasi whiné doi yóló, ó Talené doi yóló malo dua dapó. Atéro dirii malo dereteita hałe mei, nalomo ai fo inipóló foné u só derótu, i só derótu yaşóró dapó. <sup>17</sup> Ti Kótóné ama eraalopó dere fo diriróturaalu, amatei a doi yóló dirii malo yaleteita hałe meipó. Ama ai eratere ala saaire so whiné ama yóló mulatere fo kisipa feteyóló taaréni, mo dokonatapó kisipa muópóló yalepó.

<sup>18</sup> Ti Kótóné ama eraalopó yóló mulale foró dirii malotamo epatei taaróló, ama kisipa feteyóló me kae ala eranénipó. Kótóné ai ala yaleteita hałe mei, da dowi alamó kwia sóró aluyaşóró, Talené tao sóró mo wisiyóló beteraalopó yale fo wosóló hosaa tuamó muló bitu, tuę tiki tiraté fu betere so whi da ketekę buópóló yalepó. Ai so whita, ti daťóró i ape. <sup>19-20</sup> Take nalo da mo wisiyóló betaalopóló haťtu betere ala mepaae sekę ó whaaliala dere alané só deróló doraşóró, ai haťtere alané da diriróló, turuku kaae derapó. Ai turukuta, haťo tikimó dini, satęle yóló kuti oleró betere tiki bosenóló, Kótóné mo kae aleyóló muló betere be ke tuamó erapó. Ai be ke tuapaae so whi nalo wópóló, da tao sere whi Yesu api folosóró sóró falapó. Ai sekęta, Melkisedek betale kaae, so whimó momaratere topo whi alée fóló, ai ala hałe deté fu beteraapó.

## 7

*Melkisedek momaratere topo whi*

### *betere fo*

<sup>1</sup> Ti Melkisedek aťa, Salem be hulua teteróló kaae tare topo whi betóo, mo taoró betere Kótópaae momaratere whikélé betóo, ipakalepó. Abraham a mepaae topo whirapetamo bóe fóló, bóe whirape dóló kemeróló momó fesaae wouraalu, tumó Melkisedek-tamo hokolaa yóló, Abraham wisiratere fo erapó. <sup>2</sup> Atétepa, Abraham-né ama bóe dóló sale ɔla ɔla naase tamo moletai dekeyóló, betę Melkisedek-mó melalepó. Melkisedek-né doi bete tamo mulapó. Folosóró doiné bete, “Donoi ala dere topo whipó,” Me doi bete, “Salem be hulua teteróló kaae tare topo whipó,” Ai doi feteyóló, “Hosaa muni deyóló dua betere ala teteróló kaae tare topo whipó,” erapó. <sup>3</sup> A deyale soró whitamóné doikélé, a kaayale noutererapéné doikélé, a deyale be dekelé, sukęle be dekelé, ašemó muni, Kótóné naalema biture kaae, a so whimó momaratere topo whi hałe betó tarapó.

<sup>4</sup> Ai sekę a doasi whipóló ere ala tuę muae. Dąné noutere Abraham-nékélé ama bóe dóló sóró wale naase tamo ɔla ɔla dekeyóló betę Melkisedek meló beteraapó. <sup>5</sup> Kótóné ama tukóló muló betere fo tuamó i ala yae erapó. Lipai fake whirapekó so whimó momarópóló sóró betero betere whirapéné mo so whiné mole naase tamo ɔla ɔla dekeyóló, betę siré kweyae yóló munélipakalepó. Ti atéro kotere whirapekélé, matere so whikélé, atima fea Abraham-né deté fele fake no nerape epatei, atima tuamókélé siré kweipakalepó. <sup>6</sup> Melkisedek-ta, Lipainé deale whi meitei, Abraham-né naasetamo ɔla ɔla dekeyóló betę a melalepó. Aťa, Kótóné wisi ala eraalopó yóló mulale whitei, ai ɔla ɔla matepa sale sekę Melkisedek-né ama foné a wisiralepó. <sup>7</sup> Ita mo dua dere alapó. Doasi whiné a aqmó betere whi ama foné wisirótua dapó. <sup>8</sup> Atétere

kaae, so whjné naase tamo ɔla ɔla dekeyóló betɔ siré fu betepatei, ai whjrape sukutua yalepó. Atéyaletai, kale doasi whj Melkisedek-né naase tamo ɔla dekeyóló betɔ ama saletei, ɔ sukɔlepó fo munipó. <sup>9</sup> Mené etei kaae fo sumó enérápó. Naase tamo ɔla ɔla moletei, betɔ dekeyóló siré kotere whj Lipai ɔ Abraham tuɔmó, ni du ke kaae bolepó. Atépa, Abraham-né ɔla ɔla dekeyóló betɔ Melkisedek-mó matepa, Lipainé amakélé meló beterápó. <sup>10</sup> Ti Melkisedek-ró Abraham-tamo hokola yaletaita, Lipai ɔ deyaai ama tikimó teó bupa yalepó.

*Melkisedek momaratere whj betale kaae, Yesukélé momaratere whj betó tarapó*

<sup>11</sup> Lipainé deale whjrape mo so whjmó momatere topo whj betere tuɔmó Kótóné tukóló muló betere fo sókó walepó. Tétu, atima ai alimó momarótu betale alané Kótóné so whj mo ti wisirólusóró, momaratere topo whj me kae waalopó fo uɔmeipó. Ti ai momaratere topo whjta, Eron-né deale naalené deté fele whj mei, Melkisedek bitu yale kaae du betaalopó, erapó. <sup>12</sup> Ti noatepae, mo so whjmó Talepaae momaratere whjrapené du betere ala taaróló, Talené me kae alatamo tukóló mulatepa, ti ai ala sumó enérápó. Meitepa, ti enénipó. <sup>13</sup> Ai ere fo dokonó betere whjta, Lipai fake mei, kae fake whjapó. Ai fake mo betɔnékélé so whjmó Talepaae simó sukulaa dalóló, momatere ala inipó. <sup>14</sup> Dɔ tɔteróló kaae tare whj Yesu ɔ Juda fakené dealepóló, so whj feané kisiparapó. Ti betɔ Juda fake whjkó so whjmó momaratere topo whj betaalopóló Moses-né asémó inipó. <sup>15</sup> Melkisedek betale sirimó, whj me kaetamo sókó hotepa, ti dɔné i deté wou betere fo bete mo hɔkearatapó. <sup>16</sup> Ti noatepae, ai whj ɔ so whjmó Talepaae momaratere topo whj sóró beteraleteita, Lipainé deté fele whjrape maaté sóró beteranérápó,

ere fo sya furaalu inipó. Ai seké ɔ tuɔmó doasi fotokɔ bulu, mo ti betó tareteiné dóló sukunaaire sunipa, Talené ɔ momaratere topo whj sóró beteralepó. <sup>17</sup> Ti ai fo kaae me asɔ tuɔmó i fo erapó.

“Yɔta, momaratere topo whj Melkisedek-né du betale ala naao tɔteróló kaae taru, yó taté fu beterópóló, yɔlo yɔ sóró beteratapó,” erapó.

<sup>18</sup> Kale folosóró yóló mulale fota, me ala yaaire suni bépa, hɔle ɔla kaae aɔróló taalatapó. <sup>19</sup> Ti noatepae, kale tukóló muló betere foné so whjró Kótótamo betɔmó wisiyóló beterópóló, mo turó wisiranénipó. Kale folosóró yale ala taaróló, mió Talené ama so whj wisiyóló beteraalopó ere foné betɔ Kótó betere felekepaae ɔlisóró fenérápó.

<sup>20</sup> Ti ɔ momatere whj sóró beteróturaalu, dirii malo yóló sóró beteralepó. Téyaletai, mepaae momaratere whjrapeta, hɔle foné maaté sóró beterótua dapó. <sup>21</sup> Téyaletai, Kótóné i seké momaratere whj sóró beteróturaalu, ɔpaae i malo yalepó.

“Talené ama kisipa feteyaalomei, yɔ so whjmó momaratere whj mo ti betó tanópóló, yɔlo yɔ sóró beteratapó,” erapó.

<sup>22</sup> Ti atéro dirii malo yaletainé Yesu ɔ Kótóné ama so whj tao saalopóló, yóló mulale fo diriraterere bete alée felepó. Ama so whj tao saalopóló kisi yóló mulale foné folosóró yale fo teraae falapó.

<sup>23</sup> Ti mo so whjmó momaratere whjrape dekéro bitiré waletai, ai whj sukutepa, me whjnémo tɔteróló kaae tatua yalemó, ai whjrapekélé fea sukutua yalepó. <sup>24</sup> Téyaletai, Yesu ɔ mo ti betó tareteiné, so whjmó momarótu betere ala hɔle yó taté fu beterápó. <sup>25</sup> Atérené Kótótamo betɔmó betaai kisipa mutu, Yesuné ama yale ala tuɔmó fu betere so whj mo ti beterópóló, Yesuné ama mo

sumó tao senérapó. Ti noatepae, ąta so whı́ró Kótótamo tuą whı́ bitu, Kótópaae atima tao sae dere fo hąle yótóro tarapó.

<sup>26</sup> Yesu ą atéro, momaratere topo whı́ bitu, dą ąąąare ala fea ama mo sumó tao sóro eranérapó. Ti ąta, Kótóné mo kae beteró betereiné mené ą só deraaire bete muni yóo, ą me dowi alatamo hosekéni yóo, dowi ala du betere so whıtamo betámó bitini, kae betóo, ó sąró hepen betamokélé fea amatóro tẹteróló kae tawóo erapó. <sup>27</sup> Mepaae momaratere topo whı́rape betere dokọ fea atimané dowi alapi kemerópóló, *sipsip* o *bulmakau* hupu simó sukųlaa daróló, nalo ti mo so whı́né dowi alamó sukųlaa dalatere ala suka fea hąle yó taté fu beterapó. Atima ai dere ala kaae, ą tuámó me noa dowi alakó mupa atéyaaloé? Ti ama betere bete Kótópaae mo betą félimótóro melóló, mo so whı́né dowi ala kwia ama tokóló aluróló wisiralepó. <sup>28</sup> Ti kale tukóló muló betere fo sya furaalu, mo hae whı́tei, momaratere topo whı́ sóro beterótua yalepó. Téyaletéi, nalo sókó wale dirii malo fo tuámó ti Talené naalema momaratere topo whı́ sóro beteralépó. Ai whı́ ąta, me alakélé mo ąąąani, so whı́ tao sere alatóro hąle yó tanópóló, Kótóné ą mo turó sųróló beteralépó.

## 8

*Yesuta momaratere topo whı́ bitu, mió kisi ere fo diriró betere Talepó*

<sup>1</sup> Dąné i deté wou betere fo tuámó bete mole mo topo fo i ape. Dą tao sóro momaratere etei kaae topo whı́ta, hepen bemó Doasiné tẹteróló kaae tare tikimó, ama turu naase eró betere demó fóló betalepó. <sup>2</sup> Take kaae sóro tẹyale momatere kuti bemó, Talené ama kae ere ala erótu beterapó. Ai beta, mo whı́né naasené tẹni, Talené amatóro tẹnapó.

<sup>3</sup> Ti mepaae mo so whı́mó momaratere topo whı́rapené Talepaae hąle matere alaró simó sukųlaa dalatere alatamo yópóló, Talené sóro beterótua dapó. Atétere kaae, mió dą tao sóro momarótu betere sekékélé, Kótó beterepaae hąle faalomei, me ọla sóro ti sumó fenérapó. <sup>4</sup> ątamo i haemó bituąsóro, ti so whı́mó momaratere whı́ bituąmeipó. Ti noatepae, Kótóné tukóló muló betere foné Talepaae hąle melae ere fo sya furaalu, mótua dere whı́rape sóro beteró beterapó. <sup>5</sup> Ai whı́rape atimata, ó hepen-mó ere mo ti momatere be sųróló, i haemó tẹne mo kuti bemó Talené ala erótu beterapó. Moses-né ai momatere kuti be tẹyaaitepa, Talené ąpaae i ma fo erapó.

“Naao ai be tẹturaalu họko tẹni, dąmo hasi fosómó bitu, ąalo ąąpaae yó melale be sųtóro mo hotowaró tẹyae,” yóló ipakalepó.

<sup>6</sup> Téyaletéi, Talené ama so whı́ tao saalopóló, yóló mulale dirii fo Yesu ą tuámó erótu beterapó. Atére kaae, i haemó mepaae momatere whı́rapenékélé ai ala du beterapó. Tépatei, mió kisi yóló mulale dirii foné take yóló mulale fo teraae falapó. Atére kaae, Yesuné Kótóné so whı́ tao sóro ditu betere kutóné atimané ditu betale kutó mo teraae falapó. Ti ai kisi dirii fo tuámóta, Kótóné ama so whı́paae eraalopóló, mulale wisi ala fąanuraalu, take yale ala mo hąle ọla aqró beterapó.

<sup>7</sup> Ti noatepae, Talené take folosóro yale dirii fotamo mo sųrapó uąsóro, ti nalo ama eraaire me dirii fo kae uąmeipó. <sup>8</sup> Tépatei, Kótóné ama so whı́fopeyalemó, mepaae hąsóko fole ala kolóló i fo yalepó.

“Ęta, Talené i dapa wosae. Take waaire ba fomó Israel so whı́ró Juda so whıtamo ąalo tao saai, kisi dirii fo kae yóló mulaalopóló diąpaae i dere ape.

<sup>9</sup> Ti mió yalo kae yóló mulaaire kisi dirii fota, take atimané nou-matererape Isip hae kwiamó betepa, yalo dapesó wale sukamó, yóló mulale dirii fo kaae meipó. Atimané yalo yóló mulale fo sya fóló eró tanitepa, yalo atima tao saai yaletai taaróló, sisópaae eralepó.

<sup>10</sup> Ẽta, Talené i dapa wosae. Ai ala yóló kilipaae Israel so whítamo yalo etei dirii fo yóló mulaalopó. Yalo tukóló mulatere fo tikaqsóró, atimané tué tiki tuámó mulóo, hosaa tuámókélé aseýóo yaalopó. Téturaalu, ẹ atima teteróló kaae tare Kótó betóo, atima ti yalo so whi betóo yaalopó.

<sup>11</sup> Atétere alimó, me whiné ama be whi so whipaae ó ama nomapaae duraalu, ‘Tale tué muóló betae’ dere fo momó kae yaalomeipó. Ti noatepae, ai be demó mepaae sókó deyóló betere so whinékéle, doasi doi mole so whinékéle ẹ mo tué yaalopó.

<sup>12</sup> Atétepa, yalo koleturaalu, atimané du betere sonaalei alaró mepaae dowi alatamomó, kwia melaai yaletai yalo kisipa keteróló aluraalopó,” erapó.

<sup>13</sup> Ti Talené ama i yóló mulaaire dirii fota, “Kisipó” doi mulóturaalu, take folosóró yóló mulale dirii fo bete muni hãle ɔla kaae aɔpa, kisi foné mió mo felekemó kemeróló aluraai dapó.

## 9

*I haemó kapala tene kuti bemó momatu betere ala*

<sup>1</sup> Take folosóró diaaɔ noutererapepaae Talené ama ala eróturaalu, ɔpaae momatere alakélé etéro yae yóló yó melóo, ama ala eraaire momatere bekélé etéro tɛyae yóló yó melóo, ipakalepó. <sup>2</sup> Atétepa, so whiné Talepaae moma yaairaa, k

kuti be tɛyóló, u tuámó be ke tamo aleyóló munélipakalepó. Folosóró sókó fole be ke ti arai kutiné satãle erapó. Ai be kemó ti *lamp* sã daalóo, ɔla mulatere ni fakeró Talené keletómó mulótua dere *bred* otamo muóo erapó. Ai be kené doita, Kótómó kae tukóló muló betere tikipó. <sup>3</sup> Me aleyóló muló betere be keta, hapólui kutiné satãle erapó. Ai be kené doita, Kótóné ama ala betã eraai mo kae tukóló muló betere tikipó. <sup>4</sup> Ai be ke tuámó felé kɛlaa wale fetera kaae ɔla biliyaaire tiki *kold kapané* aleyóló daalóo, Kótóné ama so whipaae wisi ala eraalopóló ere dirii fo aseýóló buló betere *bokis-kélé* mulóo erapó. Ai *bokis* husiróló *kold kapa* datekãró betepapó. Ai *bokis* dolomó, *kold kapané* aleale wutimó *mana* o deróló mulóo, Eronné dotó tiki asɛ sokoretei mulóo, Kótóné dirii fo asɛre kane fake tamokélé bulóo erapó. <sup>5</sup> Ai *bokis* tómó, Kótóné ama mo kae ere dɛ fãane *serupim ensel*-rape sýróló aleale ɔla me uté daayóo, me ité daayóo erapó. Ai *serupim ensel*-tamoné baase dorokó faróló so whiné dowi ala kemerãleta dere tiki husiró beterepó. Atére alarape fea bete etérapóló, mió mo turó dãné enénipó.

<sup>6</sup> I bope yale ɔla ɔla fea atéro taleyóló muló betepa, mo so whimó Talepaae momaratere whirape folosóró ere be kemó, atimané ditere kutó diyaa, hutua yalepó. <sup>7</sup> Tétua yaletai, mo u tuámó ere be kepaae ti so whimó Talepaae momaratere doasi topo whi ɔ maaté betã ba fomó, mo betã félitóró fua yalepó. Téturaalu, ai be kepaae naase hãle feni, *bulmakau-ró meme* hupu sameatamotóró sóró fua yalepó. Atétua yaletaita, Talené atima kwia melaqsóró seséturaalu, ama yale dowi alapi Talepaae melóo, nalo ti mo so whiné dowi alapóló tuéni, mo ala nisiyóló du betale dowi alamó melóo, dua ipakalepó. <sup>8</sup> Mió ai be hãle tɛpa, Kótóné mo kae ala ere be



tuapaae sókó faaire tu hãle ai kinapa kelae yóló, so whĩpaae Dẽi Kepe Wisiné hãkearóló yó mótu beterapó. <sup>9</sup>Ti take Talepaae me ọla hãle matere alaró hupu simó sukũlaa dalatere alatamoné ai ọla sóró wale so whĩné hosaa tuamó mole sekẽi ala mo ti wisiranénire ala mió i alimó betere so whĩné tuẽ yópóló, hãkearóló yó matapó. <sup>10</sup>Atéro, ọla nokole alakélé, wẽi nokole alakélé, Kótóné wisirapó yópóló, kae kae ala yóló wẽiné fokutu betere alakélé feata, mo tó tiki maaté wisiróturaalu du beterapó. Talené ama dũ tẽteróló kaae tawaaire kisi alané tó tiki maaté wisiróló ai du betere alarape fea mo ti kemeraalopó.

*Yesu Kerisoné samea sunée farale ala*

<sup>11</sup>Miό dũpaae i eró betere wisi alarape eraai, Keriso ą so whĩmó Talepaae momaratere topo whĩ bitĩ furaalu, folosóró ą doasi momatere kuti be wisimó buó dealepó. Ai beta, i haemó mo whĩné naasenékélé ó mepaae ọla ọla aleale sukamókélé tẽni, mo taketi Tale ą betere tikimó hãle tẽne bepó. <sup>12</sup>Keriso ą Kótóné ai kae tukóló muló betere tikipaae sókó faairaaalu, *meme ó bulmakau* hupu malené samea sóró feni, suka fea mo ti muó tanópóló, ama samea mo betą félimótóró melóló, ą ai be tuapaae sókó felepó. Tẽtu, so whĩ fea dowi alané dokóló mupa, ai sameané teraayóló mo ti betó tanópóló dupuró beterapó. <sup>13</sup>Mepaae whĩ dené Kótóné yaqse yóló mole fo tukóló, nalo ama ala eraai momatere bepaae faqsóró doasi fo mulapó. Atérené *meme ó bulmakau* wą hupu sameané ó *bulmakau* so utũ hupu simó biliyale fapo terepeyóló, ai yale alapi kemeranérápó. Atéro, nalo ti Talené ala eratepa fo muni, mo sumó eranérápó. Ti ai alarape feata, hãle tó tiki maaté fukuturaalu dapó. <sup>14</sup>Téyaletei, ai du betale alarape bosenóló, mo ti betere Dẽi Kepe Wisiné Keriso ą fotokqratepa, me alakélé munire betere bete

wisinaale Kótópaae hãle melalepó. Dũné hosaa tuamó mole dowi alané sukutere alapaae ąlisóró fu betepa, Kerisoné ama sameané sumó kemeranérápó. Atére beteta, mo ti betere Kótóné ama ala dũné erópóló yalepó.

<sup>15</sup>Keriso ą atéyale betené Kótóné so whĩ tao saalopóló, kisi yóló mulale dirii fo eraaire tuą whĩ alée felepó. Aita hãle mei, Kótóné ą beterepaae ape yale so whĩné ama eraalopóló mulale mo ti muó tawaaire ọla wisi sópóló yalepó. ą atéro sukale alata, folosóró ere dirii fo aqmó bitu, dowi ala du betale so whĩ dokóló moletei, teraayóló hãle fópóló, dupurótu erapó.

<sup>16</sup>Me whĩ ą sukuturaalu, ama mómu ọla taleyóló sae yóló mulatere fo kisipa muae. Ai whĩ ą sukuni hãle betepatei, ama ọla ọla hapale taleyóló sumipó. ą sukutepa, nalo ti ama yóló mulale fotóró sya fóló senérápó. <sup>17</sup>Ti noatepae, kale whĩné ama yóló mulatere fo sya furaalu, ą sukuni hãle betepa, ama ọla ọla taleyóló saalomeitei, ą sinitepa ti senérápó. <sup>18</sup>Atétu dere kaae, Kótóné ama so whĩ tao saalopóló folosóró ere dirii fota, *sipsip ó bulmakau* hupu samea sókó faraleteiné diriralepó. <sup>19-20</sup>Kótóné yae yale fo fea Moses-né mo so whĩpaae yóló kemetepa, i ala yalepó. *Bulmakau* hupu malené samearó mo wẽitamo belere tikipaae fóló, mo sonaare *sipsip* hupu nikiró *hisop* ni tetejtamomó tópuró sóró asqre sókumókélé so whĩné tikimókélé, apuralepó. Ai ala yóló kemetepa, i fo yalepó.

“Ita, Kótóné ama tukóló muló betere dirii fo sya fóló, eró tawae yóló diriróturaalu, eratere samea i ape,” yalepó.

<sup>21</sup>Ai ala kaae, Talepaae momayaairaaalu tẽne kuti bemókélé, ai be tuamó Talené ala eraai mole ọla ọlamókélé, Moses-né ai samea sóró apurótua ipakalepó. <sup>22</sup>Ita, mo dere alapó. Kótóné tukóló muló betere foné fea ọla fea Talené ama ọlapóló

dãle mulóturaalu, sameané betã fokonerapó. Samea sókó farénitepa, ti dowi ala tokóló aluranénipó.

<sup>23</sup> Hepen bemó ere ala sũróló, i haemó aleale mo ɔla ɔla Talené amapóló dãle mulóturaalu, samea dilótua yaleteti mo donorapó. Tépatei, hepen bemó mole mo alarape fokaai, ti i haemó mole ɔla bosene fale ɔla wisinaalené sũmó fokonerapó. <sup>24</sup> Ti Keriso ă sukóló kepaayóló furaalu, hepen be sũróló i haemó mo whĩné tẽyale bepaae sókó feni, mo hepen bepaaetóró sókó felepó. Atéró fóló, Kótó betere felekemó bitu, mió ă dã so whĩ tao sere tuã whĩ beterapó. <sup>25</sup> Kale momatere be tẽteróló kaae tare topo whĩta, whĩné tẽyóló ama kae tukóló muló betere be tuãpaae ba fo dokõ mo betã féli furaalu, ama samea sóró feni, hupuné samea sóró fua dapó. Ai whĩrapené dere kaae, Keriso ă hepen-paae momó fu, momó fu ini, mo betã félimótóró ama tiki Talepaae hãle melóló, sókó felepó. <sup>26</sup> Keriso ă hepen bepaae dekéró félimó fuãsóró, ti i haemó ere ɔla ɔla fea keké nale alimó kaae sóró, sekẽi ala dekéró félimó beleté fu bituãpó. Tẽni, i kemetere alimó ă Kótó beterepaae mo betã félitóró sókó fóló, dowi ala mo ti kemeróturaalu, ama betere bete Talepaae hãle malepó. <sup>27</sup> Dã so whĩta, Talené ere fo dokonóturaalu, bitiré fóló betã fapotóró sukutua dapó. Atéró sukãle kũlipaae, ti dãné yale ala Talené taleyaalopó. <sup>28</sup> Dã betã féli sukutere kaae, so whĩ feané dowi ala tokóló aluraai, Kerisoné ama betere bete Talepaae mo betã félimótóró melalepó. Atéró mió ă momó waaireteita, dowi ala tokóló aluraai waalomeitei, ă wópóló kaae tawóló betere so whĩ tao sóró mo ti wisiyóló beteraai dapesene waalopó.

## 10

*So whĩné dowi alamó Yesuné betere bete mo betã félitóró male ala*

<sup>1</sup> Kótóné tukóló muló betere fota, mo ti muaaire ala mei, take nalo waaire wisi wisi alané aso maaté erapó. Atére betené kale tukóló mole fo sya furaalu, ba fo dokõ hupu dóló moma yó tare alané Kótó betere felekemó bitũ faaire so whĩné sekẽi ala mo ti wisiranénipó. <sup>2</sup> Ai alanétamo so whĩné hosaa tuãmó mole kisipa tiki fea mo betã félitóró wisirólũqsóró, ti atima etei kaae dowi ala yalepóló, atimatei Talepaae momaratere ala dekéró yó ta uãmeipó. Ti noatepae, atima etei kaae dowi ala yalepó tuẽ muãmeipó. <sup>3</sup> Atérené ba fo dokõmó hupu dóló momatere ala hãle deté fu betere kilitu, dowi ala kemeni, atima tuãmó hãle mulapóló hãkearóló yó matapó. <sup>4</sup> Ti noatepae, wã *bulmakau ó meme* hupu sameané dowi ala tokóló mo aluranénipó.

<sup>5</sup> Atérené Keriso ă i haepaae wóló i fo yalepó.

“Hupu dóló momatere alaró hãle matere alatamo naao hẽkese inipa, naaotei ẽ mo whĩné tiki daaróló beterallepó.

<sup>6</sup> Simó sukũlaa daróló momatere alaró dowi alamó Talepaae hãle matere alatamo kilituraalu, naao kisipa felénipó.

<sup>7</sup> Atétepa yãlo duraalu, ‘Ë tẽteróló kaae tare Kótóo, kale bopeyóló mole asẽ tuãmó ere fo mo dokonóturaalu, naao kisipa mole ala eraai ẽ wóló i betere ape,’” erapó.

<sup>8</sup> Folosóró ama duraalu,

“Kótóné tukóló muló betere foné i ala yae yóló mupatei, hupu dóló simó sukũlaa dalatere alaró Talepaae matere alatamokélé, dowi alamó matere alakélé, fea naao kolóló hẽkesenipó,” erapó.

<sup>9</sup> Ai alarape yale sisópaae ama duraalu,

“Naao kisipa mole ala eraairaalu, ẽ i wale ape,” yalepó.

Atéró, folosóró hupu dóló du betale alarape tokóló taae faróló, ai sirimó

ą sukąle ala mo ti yó tanópoló eralepó. <sup>10</sup> Yesu Kerisoné ama tiki Talepaae mo betą félitóro hále melóló sukąleteiné, Talené ama kisipa mole alatóro sya furaalu, da ama so whıpóló mo kae beteralepó.

<sup>11</sup> Be dețere dokų fea momatere be kaae tare whırapené Talepaae hupu dóló momaratere ala hále yó tarapó. Atétere alané dowi ala mo ti tokóló aluranénipó. <sup>12</sup> Tépaitei, mió i bopetu betere momaratere doasi topo whı Yesuné dané dowi ala tokóló aluraairaalu, ama betere bete Talepaae mo betą félitóro hále malepó. Atéyale kılipaae ą ama alima Kótóné turu naase eró betere tikimó fóló betalepó. <sup>13</sup> Ai alarape kemeróló, mió ątamo bóe du betere whı fea ama tețeróló só deraaire ala betą Kótónétei erópoló, kaae tawóló beteralepó. <sup>14</sup> Ti noatepae, mo betą félimótóro ą sukuturaalu, Talepaae ama hále male alané wisiróló, mo kae so whı betó tanópoló yalepó.

<sup>15-16</sup> Deı Kepe Wisinékelé Talené ai ere ala dąpaae yó móturaalu, folosóro i fo dapó.

“Ai alarape yóló kılipaae yało atima tao saairaalu, yóló mulatere diri fo i ape.

Yało tukóló muló betere forape atima hosaa tuąmó mulóo, atima kisipa keteni tuę yó tanópoló yałotei eróo yaalopóló,” Talené erapó.

<sup>17</sup> Ai fo tómó me beleróló duraalu, “So whı Kótóné fo aqmó bitini, atima kisipa mole ala maaté sya fu betere alaró mepaae dowi alatamomó kwia meni, yało aluróló kisipa keteraalopó,” erapó.

<sup>18</sup> Ai dowi alarape feata, Talené mo ti kemeró betera, hupu dóló Talepaae matere ala momó kae hále noatepa yaaloé?

*Talené ala taaréni, hále eró tawae ere fo*

<sup>19</sup> Térapa, no nerape-ó, dąpaae Yesuné ama samea sókó faló

betereteiné Kótóné mo kae ere be tuąpaae faaire wini, mo halaainé sókó fenérapó. <sup>20</sup> Taketa, ai be ke satąle yóló oleró betere kuti tuąmó sókó fua yalepó. Mió Yesu sukóló ą mo ti betere bete matere kisi tu alée faleteiné ą tuąmótóro sókó fenérapó.

<sup>21-22</sup> Ai ala maaté mei, Kótóné fake so whı tao sóro, momaratere doasi topo whıkélé betera, da ąpaae tuę tiki tiróló bitu, hosaa tuąmó háıtamo Kótó betere felekepaae fenérapó. Atéturaalu, dané i dowi ala yalepóló hosaa tuąmó sekęi kisipa muteretei ama sameané fokóló feléroo, dané tikikélé mo kikisi wejné fokóo, ereteiné mo halaainé fenérapó.

<sup>23</sup> Ti noatepae, Kótó ąta, da so whıpaae eraalopó dere wisi ala hásókó fóló taaréni, mo eraalopóló dané so whıpaae du betereitei taaróló haepaae derepaalomei, háıtamo yó tawaalopa sae. <sup>24</sup> Dané no nepaae yaala sókó fole alaró wisi alatamo fakeyópoló, ketekę u bulótu i bulótu dere alatamo netéro yaaloé yóló, tuę teketu betae. <sup>25</sup> Mepaae so whı atima Keriso fake tourótua dere tikipaae wale hótu dere kaae, da momókó yaqse. Tény, Talené da dape saaire be de felekemó walapa, betere dokų ama ala erateretei taaréni, ketekę u bulótu i bulótu dere ala mo ti fakeróló deté fu bitiępe.

<sup>26</sup> I bete mole mo fo dané wosóló tuęrutei dowąae fóló, dowi alatamo hále yó tapa, ti ai ala kemerópoló Talepaae melaaire ąla me kae munipó. <sup>27</sup> Kótótamo atéro bóe duraalu, du betere dowi ala hále yó tapa, Talené fo tokótamo yóló só deraaitere alaró ai whırape dalaaire sitamo kolóló, mo wió yae. <sup>28</sup> Take mepaae whjné Moses-né aseyóló muló betere fo tukóló yale ala, tamo ó sore whjné kolóló mopó depa, ti ai whı kęletere ala ini, mo ti sinópoló dua ipakalepó. <sup>29</sup> Mepaae so whı dené Kótóné naalema belei ąla kaae aqróló teıya teıya yóo, Talené ama fo dirirale sameané fokóló kae betero betepatei, ai samea

håle ɔla kaae aɔróo, Talené ai whi  
håle hamokoróló tao supatei, ai  
ala erótu betere Kepe Wisi faleyoó  
depa, ti atétere whi ɔ kwia saairetei  
håsóko faalopóló de? Ti folosóro  
Moses-né yale fo tikitepa, dowi  
kwia mo salepó. Atéyaletei, mió ai  
alarape dere whiné saaire kwiata,  
folosóro sale kwia bosenóló mo doasi  
saalopó. <sup>30</sup> Ti noatepae,

“Kwia tokó matere ala håsóko feni,  
mo yalotei yaalopó,” yale  
sekéta, dåné kisiparapó.

Me fo i ape.

“Talené so whiné du betere ala mo  
amatóro taleyaalopó,” erapó.

<sup>31</sup> Mo ti betere Kótóné naase tuɔpaae  
foleteita, wi alapa mo wió yae.

<sup>32</sup> Diɔta, mo take bitiré wale  
sukamó, Kótóné fo woseté waletéiné  
diɔ tuamó deyoó falapó. Atéremó,  
diɔpaae kae kae sekei ala wapatei,  
diɔ wiyóló botokó feni, mo diriyóló  
betale ala kisipa muae. <sup>33</sup> Ai maaté  
mei, me sukamó diɔ so whi feané  
keletómó sóro daalóló, susupui  
alaró haleraterere alatamo eróo, me  
sukamó diɔ sere seke kaae, diaaɔ  
no nerapepaaekélé eratepa, diɔkélé  
atimatamo betámó titiyóló daalu  
beleyóo, dua yalepó. <sup>34</sup> Atére kaae,  
atimané diaaɔ ne norape *dipula*  
beteratepa, kɔle duraalu, atima  
tao sua yalepó. Atimané diaaɔ  
mole ɔlakélé fasó supa, mo ti muó  
tawaaire ɔla wisinaale saai dapóló  
håjturaalu, atima sɔpóló taalatua  
yalepó.

<sup>35</sup> Térapa, ai ala deté furaalu, di-  
aaɔ kisipa tiki tiró betereitei håle  
ɔla kaae taae faréni, mo hotowaró  
tao tawae. Atétepa, ti mo dupu  
wisinaale saalo ai ape. <sup>36</sup> Kótóné  
ama kisipa mole alatamo eratepa,  
ti ama diɔmó melaai dapóló bopere  
ɔla saasepólópa, diɔné kisipa tiki  
tiróló, diaaɔ du betere alatóro håle  
yó tanérapó. <sup>37</sup> Ti noatepae, Talené  
i fo erapó.

“Mo håleke sukamó waalopó ere  
seké ɔ waaitere be de hiliiki

faréni, ai be demótóro mo  
waalopó.

<sup>38</sup> Téyaalotei, yålo donoi alatóro  
erótu betere whita, ti kisipa  
tiki tiraterere alanétóro be-  
taalopó.

Ama kisipa tiró betere ala momó  
wotåale depa, ti ai whitamó  
yålo kisipa felé yaalo meipó,”  
erapó.

<sup>39</sup> Tépatéi, dɔ atei kaae wotåale yóló  
aluyaaire so whitamó touyóló bi-  
tini, ɔpaae kisipa tiki tiró betepa, dɔ  
aluyaɔsóro Kótóné tao serapó.

## 11

### *Kisipa tiraterere alané mo betenérápó*

<sup>1</sup> Tué tiki tiróló betere so whiné  
nalopaae yaaire wisi ala mió kilin-  
itei, take mo kelaalopóló diriyóló  
kisiparuraalu, håjtu betérapó. <sup>2</sup> Mo  
take betale so whiné atei ala deremó,  
Kótóné mo wisirapóló atima dukiró  
betérapó.

<sup>3</sup> Kótóné i ala yó fae depa, ere ɔla  
ó betere ɔla ɔlakélé fea motóro yó fi-  
pakalepó. Ti mió kelené keletere ɔla  
ɔla feata, kelere ɔla sóro aleni, ama  
fotokɔ bole fonétóro kaaró beté-  
rapóló, dɔ Talepaae tué tiki tiró  
betereiteiné mo diriyóló kisiparapó.

<sup>4</sup> Ebel ɔ tué tiki tiró bitu-  
raalu, Talepaae mo wisiyóló håle  
maleiteiné noma Kein-né male ɔla  
teterélipakalepó. Ti Ebel ɔ kisipa  
tiki tiró bitu matere ɔla Talené  
kilitu, wisirapóló ɔ dukiróló mo  
donoi whipó erapó. Ebel ɔta, take  
sukupatei, Talepaae ama kisipa  
tirale ala asemó mulu, dɔpaae håle  
du betérapó.

<sup>5</sup> Inoke Talepaae kisipa tiki tirale  
betené ɔ sukuni, itéro mo betepatei,  
Talené hepen-paae dapesó horapó.  
Mepaae whirapené ɔ kekålemó,  
Kótóné dapesó feleteiné mo koló  
fenipó. Kótóné *buk*-mó duraalu,  
Inoke ɔ hepen-paae faai i haemó  
håle bitu, Kótóné ama kisipa mole  
ala erótu betepa, ɔ mo hakesené sini-  
pakalepó. <sup>6</sup> Mepaae kisipa tirénire



so whjné Kótó ą hękese yaaire ala mo eranénipó. Ti noatepae, mepaae so whj de Kótó beterepaae wapa, ti ą mo beterapóló kisipa tiróo, Kótó ą i betere ape yóló yó melaalopóló ketekętamó kekítu betere so whj kilitu, Kótó ą mo hękeserapó.

<sup>7</sup> Talené Noapaae take naao kilini yale ala nalopaae mo eraalopó yale fo Noané mopóló kisipa tiralepó. Atéru, ą tuęmó Kótópaae mo kae wi yóló, ama naaleraperó atimané sorapetamo yóo, ama soma atimaamo yóo yóló betą aluyaqsóro, tuę tiki tiró bitu nuku alipakalepó. Atéyaleteiné ai alimó betale so whjné dowęae fóló du betale ala mo só deralepó. ą atéro tuę tiki tiratere ala Kótóné kilitu, mo donoi whjńpó yaaire doi melalepó.

<sup>8</sup> Talené nalopaae Abraham ą melaaire hae kwiapaae fńpóló, dotęyaaí ąpaae ape yalepó. Ai fo depa, ą faaire tiki kisipa inirutei, tuę tiki tiró betere alané Kótóné dere fo mo betą wosóló felepó. <sup>9</sup> Kótóné Abraham ąpaae yale fo mo eraalopóló tuę tiki tiróló, ą melaalopó ere hae tikimótei uké whj kaae bitu, kuti be torokóló tęté kutu betalepó. Ama naale Aisak-kélé, Jekop-kélé, ama ere fo dokonóturaalu, ai hae tiki saaire whjrapetei, Abraham ą yale kaaetóro deté kutu betalepó.

<sup>10</sup> Abraham-ta, ą betere haemó kisipa muni, take nalopaae dirii ęla sóro tęne mo ti bemó betaalopóló kisipa mutu, kaae tawóló bitipakalepó. Ai be tęyaaí dęle sóo, be tęyóo yale sekęta, Kótó ątórótipó.

<sup>11</sup> Abraham ą mo ti otere yóo, soma Serakélé hęle ni daayóló sere yóo epatei, tuę tiki tiró betere ala Talené kilitu, naale deyaaire fotokó bulalepó. Ti ai ala eraalopó yóló mulale sekęné fo mopóló kisipa tiki tiraleteiné yalepó. <sup>12</sup> Ai betą whjtei ą otereyóló mó felekemó sinaai du bitutei, ama deale naalené kaaróló, naale senaale mo hęle ęla kaae deté felepó. Ai naale senaleta, sęmó daale hęreró węi atikętamó kaae ereteiné dosęayaaire mo sęnipó.

<sup>13</sup> I dosęayale whjrape atima fea kisipa tiki tiratere ala hęle deté fu betepatei, sukutua yalepó. Ti atima hęle betale alimó kale melaalopóló muló betere ęla atimané sinitei, mo umó teó wou betepa, tuęné maaté kolóló mo kée deté fu betalepó. Atétu, atimané duraalu, “Dęta haemó betepatei, i hae tale mei, uké whj kaae i betere ape,” du betalepó. <sup>14</sup> Atei kaae fo dere whjrape atima mo ti betaaire hae tiki kekítu beterapóló hękearóló yó matapó. <sup>15</sup> Ti atimané atei kaae dere fotamo, take taaróló wale hae tikimó uęsóro, ti atima turuku bepóló kisipa mutu, momó fesaae fole ala uępó. <sup>16</sup> Aténi, mo ti betaaire hae wisipaae fenée kisipa mutu beterepó. Ai hae tikita, me kae mei, mo hepen betórótipó. Atéreteiné atima Kótópaae duraalu, yęta dę tętéróló kaae tare Talepó depa, ai fo wosetu Kótó ą haleni, mo dono dapó kisipa mutapó. Ti noatepae, ai be huluata atima mo wisiyóló beterępóló, ama takeki donoróló muló beterapó.

<sup>17</sup> Abraham-né kisipa tiki tiró betere ala Kótóné kęae kolóló, sę sale sukamó, Abraham ą kisipa tiró bitu, ama naalema Aisak dóló simó sukęlaa dalóló Talepaae hęle melaai yalepó. Kótóné ąpaae wisi ala eraalopó yale fo tuęrutei, ama mo betą betere naale daai yalepó.

<sup>18</sup> Take Kótóné ąpaae duraalu, “Naao naale Aisak-né detere naalené naao doi muaaire fake firaalopó,” erapó.

<sup>19</sup> Ti Abraham-né ama ai ala yaleteita, mo ti sukutere whj Kótóné ama sęmó kepaaraalopóló kisipa mutu yalepó. Até yaletei, ama naalema Aisak ą sukóló momó kepaayale whj kaae ąpa dape salepó.

<sup>20</sup> Aisak ą Talepaae kisipa tiró bituraalu, ama naale Jekop-ró Isotamo nalopaae betaaire alamó kisipa mutu, foné atimaamo wisiralopó.

<sup>21</sup> Atéyale kaaetóro, Jekop ą Talepaae tuę tiki tiró bitu, ą felekemó

sukãairaaalu, ama dotó tiki tómó tiróló daalu, naalema Josep-né naale tamo foné wisiróló, Talepaae mo kée yóló momayalepó.

<sup>22</sup> Josep kisipa tiróló bitu, a sukãaire be dę feleke depa, kale Israel fake so whı Isip hae kwia taaróló, torokó faalopóló kisipa mutu, atimapaae ama diri sóró fae yalepó.

<sup>23</sup> Isip hae kwia teteróló kaae tare topo whıné Israel so whıné naalerape dae yóló tukóló mulélipakalepó. Ai fo epatei, Moses-né hamaró alimatamo wini, Talepaae betã tuę tiki tiró bitu, ai naale wisinaale daqsóró, wélié sore tuãmó a hyó mulalepó.

<sup>24</sup> Moses doayóló Talepaae kisipa tiki tiró bitu, a topo whı Fero senaalemané naalepó yaqse yóló fo mulalepó.

<sup>25</sup> Moses a sawa sukamó maaté tó tikimó felétere dowi ala yaai kisipa muni, Kótóné so whıpaae erótu betere sekęi ala aapaekélé erópóló kisipa mutu, Talené so whıtamotei toune felepó.

<sup>26</sup> Moses a so whı teteróló kaae tare sekę Kerisoné ala erótu beteremó, faleyóló haleraterere ala kolósu, Isip haemó mole wisi wisi ęla kolósu yalemó, Kerisotamo betere ala mo doasi ke boleteiné take nalopaae Kótóné dupu wisi melaalopóló kisipa mutu, a ai ala sya felepó.

<sup>27</sup> Moses a Talepaae kisipa tiró bitu, kale Isip hae kwia teteróló kaae tare topo whı fopaae buóló, aapaee sekęi ala eraqsórópóló wini, Isip kwia taaróló felepó. Ti noatepae, aita kelené kelenire sekę ama kelereteiné, ama yaai dere ala betã hãle yó taruraalu yalepó.

<sup>28</sup> A Talepaae kisipa tiró bitu, Kótóné dotęyale whı dele *ensel*-né Israel fakené topo naalerape daqsóró, bosene fele be dęmó ęla detere alaró wã *sipsip* hupu malené samea dilaterere alatamo, Talené aapaee yae ala deté fu betalepó.

<sup>29</sup> Kótóné so whı Talepaae kisipa tiró bitu, sonaai węi kęla tuãmó tukóló, mo ere hae tiki kaaemó

atima tęyóló felepó. Tétepa, Isip fake atimakélé Israel fake yale kaae tęyóló felemó, węiné atimatei mo ti alurélipakalepó.

<sup>30</sup> Talepaae kisipa tiró bitu, Israel fake so whı węikeró be dęmó, Jeriko be hulua bopére dopóku bolaa aqró bopé yóló kutu betalepó. Atęyalemó, kale doasi dopóku ama kęleanétei kolokóló derepelepó.

<sup>31</sup> *Moni* saairaalu nópu nuku betale so Rahab a Talepaae kisipa tiró bitu, kale bóe sã fele whırape ama bepaae wisiyóló dape salepó. Téyaleteiné Talené fo tukóló dowãae fu betale so whı fea dóló kemeróturaalu, a betã hãsókó felepó.

<sup>32</sup> Atimané ai yale alarapemó yało kae me noa fo yaaló? Kale doasi doi mole kisipa tirale whırape Kideon, Barak, Samson, Jepta, Dępit, Samuel, mepaae Kótóné kęló whırapené yale alakélé fea diãpaae dekéro uętei, yaaitere be dę dekéro munipa taalatapó.

<sup>33</sup> Ai whırape atima Talepaae kisipa tiró bitu, mepaae teteróló kaae tare topo whırapetamo bóe dóló atima teteróo, so whı mo wisiyóló kaae taru donoi ala eróo, Talené atimapaae melaalopó yale ęla mo sóo yalepó. Atéró Talepaae kisipa tiró bituraalu, whı dó nokole haq *layon*-rape kulumu faaralepó.

<sup>34</sup> Whı dokole doasi simi surukó fóo, whı dele fosóı sepakekélé hãsókó fóo, dua erapó. Atima mo whı bępatei, Kótóné doasi fotokę bulalepó. Tétu, atima bóe duraalu doasi fotokęné kae kae hae kwiamó wale bóe whırape dóló mo ti kemeratepa, mepaae hãsókó fele whırape ti botokó dapo yalepó.

<sup>35</sup> Mepaae sorape atimané naale senaale ó omarape sukãletei, momó kepaaratepa atimatamo betãmó bitua yalepó. Mepaae so whı atima kisipa tiró betepa, mené doasi susupui ala eróturaalu, diã teraayóló faraalopa, Talepaae dowi teka fo yae yóló sętua yalepó. Ai ala depatei, atima sukutepa, momó kepaayóló

Taletamo wisiyóló betaalopóló kisipa mutu, atei kaae fo yaalo meipó, dua ipakalepó. <sup>36</sup> Mepaae so whị faleyóló fokosoi ala yóo, mepaae so whị ti dirii képiné dokóló *dipula* beteróo dua yalepó. <sup>37</sup> Mepaae so whị kapo duné dóo, mepaae ti ni tikitere *saw* fosóné fosóné tuamó tekéetamo yóo, mepaae bóe dele sepakené dóo, dua ipakalepó. Mepaae so whị hoko kuturaalu kutikélé nokole ọla ó bekélé meitepa, *sipsip ó meme* hupu sekaę bukutua yóo, Atima mo yoleale betepa, susupui alaró kae kae dowi alatamo eróo dua yalepó. <sup>38</sup> Atima atei kaae sekę su betale so whị kolósu, i haemó betó mole mo so whị kolósu depa, sekę sere so whịné atima mo belei aqróló teraae falapó. Sekę sere so whị atima torokó kuturaalu, kópu kaae fi tikimókélé, hasi fosómókélé, kapo dolomókélé, hae dolomókélé, hoko fité kutua ipakalepó.

<sup>39</sup> Ai dosąayale so whị atimakó mo betą whịnékélé Talené melaalopó yale ọla sinipatei, kisipa tiró betere ala kilitu, Talené mo wisirapóló atima dukiralepó. <sup>40</sup> Atimapaee erale alaró dąpaae eratere alatamo, touróló eraté fóló mo ti kemerópóló, Kótóné atimapaee erale ala bosenóló, dąpaae eraaire ala wisinaale ama tukóló mulalepó.

## 12

*Kótóné ama naale senaale kópaee fupa, donoróló deké sua dapó*

<sup>1</sup> Térapa, Kótóné doasi alarape eratepa kelalepóló u bope deté wale so whịné dą bopéroó beterapó. Atérapa, Talené atima tao sóro erale alamó kisipa tiratere kilitu, dą sururu yóló furaalu, mepaae bi pire ọla ọla taae falóo, dą hapale dée nópóló ekeleperatere dowi ala taalóo, yaalopó. Tétu, Talené muló betere dąlemó sókó faairaalu, naase hąle sururu yóló fótóro tawiepe. <sup>2</sup> Atéro furaalu, kisipa tiratere alakélé amatóro kaaeróló, mo ti

kemeratere alakélé Yesunétóro dua dapó. Térapa, dąné kelené ai sekę ątóro kikéyóló kaae tawiepe. Ti take nalopaae hajtere ala mo eratepa kelaalopóló kisipa mutu, ai sekę ą filipaa ni tómó doasi sekęi ala sóo, halei ala eratepakélé me ọla meipóló hąle siré fóo yalepó. Atéyale kịlipaae ą hepen-paae fóló, Kótóné fea ala tęteróló kaae tare tikimó, ama turu naase dęmó betalepó. <sup>3</sup> Ti take dowi ala dere whịrapené Yesutamo bóe duraalu, sekęi ala ąpaae eratepatei, hąle beleté fu betalepó. Atérapa, diąpaaekélé sekęi ala eratepa, dią fomoyóló haepaae derepaqsóro, ama ai ere alatóro kisipa muae.

<sup>4</sup> Mepaae whịrapené dowi ala fak-erótu betepa, atei kaae dowi ala dorapóló diąné sesé deremó, dią dóló samea sókó fatere ala ini, teópó. <sup>5</sup> Ti diąta, Talené ama naalepóló ketekeę bulótu, ere fo diaaę kisipa keteró beterapó. Ai fo i ape.

“Yąlo naale-ó, Talené yą donoróturaalu dóló supuratepa, ai bete munire ala dere nisi yaąse.

Aita, diaaę du betere dowi alamó dią foné sirapa, sekę duraalu, hóyóló taalaąse.

<sup>6</sup> Ti noatepae, Talené ama hosaa mulu yaala sókó fu betere so whị donoróturaalu dóló supuróo,

ama naalepóló dape sere naalerape atimané hąsóko fole alamó kwia melóo, dua dapó,” erapó.

<sup>7</sup> Diąpaae sekęi ala erótu betepa, ti aita dią Talené ama naale donoróturaalu dere alapóló kisipa mutu, beleté fu betae. Ti mé naalekó donoi tųpaae fópóló, ama alimané foné sóro dele ala dumié? <sup>8</sup> Kótóné naale senaale fea hąsóko fupa donoróturaalu, supuróló dua dapó. Dią hąsóko folemó, Talené dóló supurénitepa, ti dią ama naale senaale bitini, hoko naale senaale ai ape. <sup>9</sup> Ai fotamo olekeyóló me dere fo i ape. Dą fea kópaee

fole sukamókélé, mo hãle betere sukamókélé, sekëi ala beleyópóló fotokq bulóturaalu, i haemó betere ayarapéné dã donoróló supurótua deretei kisipa muæ. Atétere alata, atimané mo dono dapóló kisipa mualepó. Ai ala mo ti bosenóló, dãné kepe tẽteróló kaae tare Ayané dã donoróturaalu dóló supuratepa, ti ama erópóló ă aqmó sukóló betenérápó. <sup>10</sup> I haemó betere dãné mo ayarapéné dã tũ wisipaae fópóló kisipa mutu, donoróturaalu sawa sukamó maaté dóló supurótua dapó. Tépaitei, dã Kótóné ama kae ere wisi ala tuãmó beterópóló kisipa mutu, dã kópaae fupa ama donorótu beterápó. <sup>11</sup> Donoi tũpaae fópóló, supuraterere sukamó felé dumi, supu dua dapó. Téyaalotei, ai alané donoróló asa dere so whĩta, take nalopaae hosaa muni deyóló mo dua betere alaró, mo donoi alatamo atima tuãmó epa kelaalopó.

<sup>12</sup> Térapa, sekëi alané diã fótururóló Talené ala diaaq erótu beteretei haepaae derepaqsóro, bére hó naase fotokq bulatere ala du betae. <sup>13</sup> Diaaq doalére hó mo ti doyaqsóro, diã kwẽyaaire tũ mo wisiyóló aleyae.

*Kótó hqróló sisópaae eraqsóro hotowaró kaae tawae*

<sup>14</sup> So whĩ featamo bóe dóló hqle sere ala ini, Kótóné ama hosaa muni deyóló dua betere alaró ama kae ere alatamo, diã tuãpaae erópóló, ketekẽ butu betae. Ti Kótóné ama mo kae ere ala munire so whĩta, Tale mo kelaalomeipó. <sup>15</sup> Diãkó me whĩ ama hẽkesere ala sya furaalu, Kótóné hamokoróló hãle tao sere ala hãsóko faqsóro yae. Tétu, diaaq ne notamo mutere dowi hasekãai kisipa so whĩ feapaae tokóló, me whĩ doraqsóro, mo hotowaró kaae tawae. <sup>16</sup> Diãkó mepaae so whĩ nópu nokole ala ó Kótó faleyóló hqko betale whĩ Iso kaae betaqse. Ti Iso ăta, alimané mómu q̄la q̄la saaire topo naaletei, ă wotepa ai mómu q̄lané betã be demó

naaire q̄la nomatamo dupuyalepó. <sup>17</sup> Atéyale k̄lipaae kale sekéné ama alimapaae ăkélé wisiraterere fo yae yóló woletamo yaleteti, alimané ama dere fo mo wosenipó. Atétepa, ă woletamo yalemókélé, ama tuẽ tiki feteyaaire s̄uni, mo hapólu yalepó.

<sup>18</sup> Take Talené so whĩ fea touyóló bitu, kelené kolóló olaa dere hasi fosó erepó. Ai hasi fosómó si dóo, be mo diliki yóo, doasi beséró hali tikitamo wóo, mepaae mo winé sini alakélé eróo, dua yalepó. Ti diãta, atére hasi fosópaae wénipó. <sup>19</sup> Ai hasi fosómóta, ukulumó wuti hale yóo, mené fo fakeyóló depa wosóo duraalu, atima atei kaae fo wosetere hqrapa, me yaqse du betalepó. <sup>20</sup> Ti noatepae, Talené atimapaae yóló mulóturaalu,

“Ai hasi daale felekepaae so whĩ ó hupu, na ó kae kae q̄la fupa, ti kapo duné dóló sukunae,”

ere fo atima wosaletiné faalo wiyalepó. <sup>21</sup> Moses-né ai hasi fosómó mo winé sini ala du betepa kolóló, i fo erápó.

“E mo winé sukuturaalu diri furu furu dapó.”

<sup>22</sup> Ti diãta, atéyale hasi fosómó wóló bitini, mió diã betere hasiné doita, Saion-pó. Ti diã wóló ai betere tikita, hepen bemó Kótóné ama tẽteróló kaae tare doasi Jerusalem be huluapó. Ti diãta, *ensel*-rape ni sóku kaae mo dekéró touró bitu, hẽkesetu betere tuãmó wóló ai betere ape.

<sup>23</sup> Aita, Talené ama topo naale senaalepóló sóro betero betere so whĩ fea touró betere tikipó. Ti ai so whĩné doita, hepen-mó aseýóló muló beterápó. Ti diãta, so whĩ feané dere ala taletere Kótó beterepaae wóló, ama take donoróló betere so whĩné keperape betere tikimó, ai betere ape. <sup>24</sup> Diãta, ama so whĩ tao saalopóló yóló mulale kisi fo dirirale tuã whĩ Yesu beterepaae walepó. Ti ai sekéné ama samea so whĩné tikimó apuróturaalu yale foné Abelné sameané doraie yale fo tẽteró beterápó.



<sup>25</sup> Diapaae ai fo du betere seké diané sisópaae eraqsóro yae. Ti noatepae, Kótóné kutó dirale mo hae whiné so whípaae duraalu, “Diaaḡ ḡko du betere ala taarénitepa, ti Kótóné kwia melaalopó,” dere fo woseni, sisópaae eraleteiné dowi kwia matere ala atimané mo salepó. Atérapa, hepen bemó betere sekéné dere fo sisópaae erateremó, atimapaee ai erale ala mo bosenóló, dāpaae melaaire dowi kwia netéro ḡsókó faaloé? <sup>26</sup> Take Talené ama fo yalemótei hae wore ipakalepó. Téyaletei, mió ama i ala yaalopóló muló beterapó.

“Taketa, hae maaté ḡlo woreraletei, mió ti sḡró haetamo wusuró woreraalopó,” erapó.

<sup>27</sup> Momó woreraalopó dere fo bete i ape. Wore ini, dirire alaró ḡla ḡlatamo ti enópóló, Kótóné aleyóló muló betere ḡla ḡla whaaló yóló wore deretei, ti ama woreróló mo aluraalopó.

<sup>28-29</sup> Kótóné ama tḡteróló kaae tare alata, mené wore worekélé mo eranénipó. Ti dāta, atére ala tuāpaae fóló beterapa, Talepaae mo kée yóló, dā witamo ḡ aḡmó sukóló bitu, ḡkesese yaaire ala betḡ du betaalopa sae.

“Ti noatepae, dā tḡteróló kaae tare Kótó ḡta, ḡla ḡla fea doló kemeratere si sḡ beterapó,” erapó.

## 13

*Mo kemeróturaalu ketekḡ bulatere fo*

<sup>1</sup> Mepaae no netamo yaala sókó fole ala hosaa mo turóné yó tawae. <sup>2</sup> Uké wale whi diaaḡ bepaae wisiyóló dape sóró, ḡla melóló firatere ala taaréni, mo yó tawae. Ti noatepae, take mepaae whirape atima mo kḡleaa whiné *enselrapetei*, mo whi nisiyóló dape sua erapó. <sup>3</sup> Mepaae no nerape *dipula* betepa, ti diákélé atimatamo *dipula* betere aḡ yóló, atima kisipa ḡle

yó tawae. Tétu, mepaae whirapené naao no nepaae sekéi ala eratepa, diákélé ai sekḡ sere aḡ yóló, atima kisipa ḡle yó tawae.

<sup>4</sup> Soró whitamó dokotere alata, mo donoi alapa diḡ feané hale horótu betae. Whiró sotamo dokore ala folokole yaqsóro, so whi kaetamo fiyóo, whikélé so kaetamo fiyóo momókó yaḡse. Ti noatepae, atei kaae nópu nokole alaró kae kae nópu nokole alatamo du betere so whita, Kótóné taleyóló dowi kwia melaalopó. <sup>5</sup> Diḡ betere tuāmó *moni* mo doasi bete mole ḡla nisiyóló diané tuḡ tiki turó ai ḡlapaae momókó mulaḡse. Tényi, meteró ḡla ḡla mupa, ti aitóro supóló kisipa muae. Ti noatepae, Kótóné duraalu, “Ḣ diḡtamo betereitei taaróló, metikpaae mo faalomeipó. Téturaalu, ḡlo diḡ tao su betere alakélé ḡle yótóro tawaalopó,” erapó.

<sup>6</sup> Ai fo wosetu dā whaaliani, halaainé i fo dua dapó.

“Talené ama ḡ tao sóró mo wisiyóló kaae tareteiné, mo whiné ḡpaae noa kaae sekéi ala eratepa ḡ wiyaalomeipó.”

<sup>7</sup> Take Talené alamó folosóro fóló, diapaae Kótóné fo i ape yóló yó melale whirape atima Talepaae kisipa tiró bitu du betere ala kḡae kolóló, noa kaae du wisi olepa, ti ai ala diḡnekélé sḡróló yae.

<sup>8</sup> Yesu Kerisoné ere alata, take bitiré walepaaekélé, mió i betere alimókélé, nalo betaaire alimókélé, mo betḡ kaae alatóro ḡle yó tarapó.

<sup>9</sup> Térapa, mió diaaḡ wosetu betere fo wisi taaróló, kḡpaae falaairaalu, mepaae whirapené kae fo yó matepa, mo dere nisiyóló wosaḡse. Kótóné keletómó wisirapó yḡpóló, ḡpaae moma yóló nuku betere ḡlané atima fotokḡ bulóló wisiraaire fotokḡ bunipó. Tépatéi, dā fotokḡ buóló wisiyóló beterḡpóló, Talené hamokoróló tao sere ala dā tuāpaae eratepa, ai ke bole alané betḡ dā

mo wisiranérapó. <sup>10</sup> I haemó mo so whimó Talepaae momaratere whirapené dāné momatere kapo tómó bilitere ɔla naaire sunipó.

<sup>11</sup> Mo so whimó Talepaae momaratere topo whi *bulmakau* hupu samea sóró Kótópaae momaraai, mo kae tukóló muló betere be kepaee fóló, so whiné dowi ala kemerópóló ai samea dilótua dapó. Tétua deretei, mo hupuné tikita, ti so whi betere tiki taaróló, be bela demó sukūlaa dalótua dapó. <sup>12</sup> Atétere kaae, Yesuné ama sameanétóro so whiné dowi ala kemeróló, mo kae so whi beteróturaalu, ɔ doasi sekēi ala sóró doasi be hulua bolaare dopóku aqmó sukālepó. <sup>13</sup> Térapa, ama tikimó sale halei ala dāpaaekélé erópóló, be taaróló ɔ sukāle tikipaae faalopa fiépe. <sup>14</sup> Ti noatepae, dā mo ti betaaire doasi be hulua mekó i haemó tēnipó. Téretei, take dā mo ti betaaire doasi be hulua kelaai kisipa mutu, dā kaae tawóló i betere ape.

<sup>15</sup> Térapa, Yesuné dā fotokɔ bulatēpa, mo wisi ɔla Kótópaae mótu dere kaae, Kótóné ama doi sóró horatere ala suka fea yó tawaalopaae. Ti dā tēteróló kaae tare Kótó ɔ etei kaae Tale beterapóló, ama doi sóró horatere alata, kutómó ɔla wisi su dere kaae erapó. <sup>16</sup> Mepaae ɔla ɔla yaɣatere so whi tao sóró matere alaró eratere wisi alatamo kisipa keteréni, hāle yó tawae. Ti atei kaae alata, Talepaae hāle matere ɔla wisi kaaepóló Kótó ɔ mo hēkeserapó.

<sup>17</sup> Diā Keriso so whi kaae tare whirapené dere fo wosóló, atimané tēteróló kaae tare aqmó betae. Take nalo Talené atimapaee so whi netéro kaae tawaleé? yóló wosetēpa, atima etéro kaae tawalepóló tokó melaalopó. Atima kutó hēkesetamo diyópóló atimané dere fo wosóló sya fae. Ai ala initepa, ti atimakélé kisipa sekētamo dituraalu, atimané ditere kutóné diā tao sere alakélé yaalomeipó.

<sup>18</sup> Talené dā tao sópóló momarótó betae. Dāné du betere ala dānétei taleyalemó, so whi dilikitere ala me bunipó. Dāné du betere ala fea so whiné taleyóló, mo dono ala dapó yópóló, i ditu betere ape. <sup>19</sup> Yało diāpaae i dere fota, ɔ diātamo betaai hapale wópóló, momarae yóló dapó.

<sup>20</sup> Kótóné so whi tao sóró mo ti muó tawaaire fo, Yesuné ama sameané diriróló mulalepó. Atéreteiné, bōe firóló mo dua betere ala kaarótó betere Kótóné, dā tēteróló kaae tare whi Yesu ɔ momó kepaaró beterapó. Atéro kepaarale sekē ɔta, Talené *sipsip* hupurape kaae tare doasi fotokɔ bole topo whi beterapó. <sup>21</sup> Ai Kótóné ama kisipa mole ala diaaɔ mo sumó erópóló, amatei wisi wisi alaró wisi tuētamo diā tuāpaae mo sūraalo ai ape. Atétu, Kótóné ɔ hēkese yaaire ala Yesu Kerisoné dā tuāpaae erópóló yae. Ai sekéné doi doasi mulóló, hale sóró horatere ala hāle deté fu betae. Mo kée téyópóló yae.

<sup>22</sup> No nerape-ó, yało hālekeróló i dere asēta, diaaɔ wosóló kisipa yaaitere sū i dere ape. Térapa, Kótóné ala etéro erae yóló asemó ketekē bulóturaalu, i deté wou betere ma fo wosaalo hɔ yaɔse.

<sup>23</sup> Dāné no Timoti *dipula* sókó wóló beterapóló, diāpaae i dere ape. ɔ ɔ beterepaae hapale wapa, ti dāmo wusuró diā kēle waai kisipa mutapó.

<sup>24</sup> Diā tēteróló kaae tare whiraperó Kótóné mo kaae betéro betere so whi featamopaae yało kōleó dapó yae. Itali hae kwiamó wale Keriso so whinékélé diāpaae kōleó dapó.

<sup>25</sup> Talené ama hamokoróló tao sere ala diā fea tuāmó muó tanópóló yae.

## Jems

<sup>1</sup> I dere așeta, Kótóro Tale Yesu Kerisotamoné kutó diratere whi Jems-né dapó. Diã Kótóné ama 12 fake so whirapetei torokó faróló, kae kae tiki daae mole so whi kuamó betó mole no nerapepaae kōleó fo i dere ape.

*Sekei alané dāné tuę tiki tiiró betere ala kqae kolóló sų sirapó*

<sup>2</sup> Yalo hosaa mole no nerapeó, mepaae kae kae sekei alarape diãpaae wapa, ita ę kqae kelaai dapóló hajné sukutu betae. <sup>3</sup> Ti noatepae, ai wou betere sekei alarapenéta, diaaę Kótópaae tuę tiki tiró betepa kqae kólóló sų ai sere ape. Ai sų sere alanéta, diaaę du betere wisi ala taaréni, yótóroti tawópóló fotokę bulótu betereitei, diāné ai tuęre ape. <sup>4</sup> Ti atétu betere alanéitei, diaaę hosaa tuāmó wisi ala mulu, whi wisinaale beteraté fole ala tuāmó tikini, hāle deté fóló kemene fole kwiamó sókó fópóló yae. Téturaalu, me alakókélé yāyāni, mo turó sų yaalo ai ape. <sup>5</sup> Diākó mepaae so whi detamo Kótóné ala eraairaalu fosó fosói kisipa tiki wisi yāyātepa, ti mo turó mótu betere Kótópaae wosae. Atétepa, Kótóné wosóló taaréni, ę mo hamokore sekę betereiteiné diã feamó mo melaalo ai ape. <sup>6</sup> Téyaalotei, mepaae whinė Kótópaae woseturaalutamo ępaae i ala eraalopé neyālorópó yóló kisipa tamo muni, mo ępaaetóroti kisipa tiki tiró bitu wosae. Ti atei kae kisipa tamo mutere so whita, beséne wei upaae só fua, ipaae só wu- atere kaaené kelerapó. <sup>7</sup> Atei kae kisipa mutere whinė Talepaae kematere ęla mo betākókélé saalo nisi yaęse. <sup>8</sup> Ti ai sekéne ama kisipa tamo moleteiné, ama dere alarape fea diriyóló bitu ini, hāle tómó dak- eró bitu dua dapó.

<sup>9</sup> ęla ęla meiyóló hāle yoleale betere Keriso nota, doasi doi mu- lapóló hajturaalu bopé faketu betae. <sup>10</sup> Așa atétu betaalotei, fea ęla ęla tare néli whita, doasi doi muni, sókó dei beterepóló bopé faketu betae. Ti noatepae, néli whiné ama dere alata, kale hāle yó mole ne fua hapale dulukó fu dere kaae yaalo ai ape. <sup>11</sup> Atétere kaae dirii suka duraalu, suka supuné ere ęla sóku botó yóló dulukó durupuraalu, ama ere au ke- lené kelaalo kokę yaleteti dotua dapó. Atétere kaae, néli whiné ama du betere ala deté fu betepatei, alu deté fu betaalo ape.

<sup>12</sup> Whi me de ępaae doakale sekei ala wapatei, haepaae derepéni, beléetóro tare whita, Kótóné wisiró betereiteiné hajné sukutu beterepó. Ti noatepae, ai sekei alané kqae kelaai sų siré fu betero kemene folepaaekélé haepaae derepéni, diriyóló daapa, ti atétere whi sururu yóló fu folosóro sókó fole whiné topo tao su dere kaae, mo ti betere bete saalo ai ape. Ti ai betere beteta, Kótóné ępaae yaala sókó fole so whimó melaalopóló, taketi ere ęlapó.

<sup>13</sup> Me dowi ala yópóló sų seremó me whiné duraalu, ita ępaae Kótónéitei eratapó fo ekesé. Ti noatepae, Kótó ę dowi ala yópóló, me alané sų seni yóo, amakélé me whi dowi ala yópóló sų sóo, dumipó. <sup>14</sup> Tétumitei, hupu dópóló he tęnóló ama ekeęeyóló nokole ęla he dolomó mulótu dere kaae, dā so whi dokę feané hosaa tuāmó mutere kisipanéitei dowi ala yaai ekeęeyóló, au nuku beterepó. <sup>15</sup> Atéro au nóló kisipa sere alané sorape naale derótu dere kaae dowi ala kaaratapó. Atéro naale yóló ęlumétepa ditu dere kaae, ti kale dowi ala foparóló hākeamó depa kilitua dapó. Atéro kale naale doayóló mo doasi whi bitu dere kaaeta, dowi ala faketuraalu sukutere ala kaaratapó.

<sup>16</sup> Yalo hosaa mole ne norapeó, mené kapala fonéitei diã dilikaşóro

yae. <sup>17</sup> Dʒané Aya ʒ ó hepen bemó ere de wisinaale tuʒmó bituraalu, dʒ i haemó betere so whɨpaae wisi alaró wisi ɔlatamo betere dokɔ fea mo turó mótua dapó. Ai sekéné ama dere alata, whɨ sukamó daatapa aso hʒleketu, fɔlotu dere kaae dumipó. Betere dokɔ fea ama erótu betere alata, mo betʒ kaae alatóróti eró tarapó. <sup>18</sup> Dʒané kale mo fo wisi woseté fu betereiteiné, ama naale senaale beteraai dapóló, amatei dʒ sóró beteralepó. Taketi Talené ama kaaróló muló betere ɔla fea yó mupatei, dʒta folosóró doasi topo ɔla beterepólópó yóló kisipa mutu, deyóló beteralepó. Atéreteiné dʒta mo ama so whɨtóró beteralepó.

### *Dere fo wosóló taaréni, sya fae*

<sup>19</sup> Yʒlo hosaa mole no nerape-ó, i dere fo mo wisiyóló wosóló tuʒ muae. Diʒ feané kale fo wisi woseturaalu, deka ini, keteke buóló mo wisiyóló wosae. Mepaae fo yaairaalu, hapale hɔko ini, mo dua tuʒ tekeyóló yóo, me whɨné yʒ fopaae buɔpóló sesemeratere fo depakélé, kisipa tekeyóló me ɔla meipóló mo dua betóo, yae. <sup>20</sup> Ti noatapa, mo whɨné atéró fopaae butere alané Kótóné ama mo donoi naale senaale beteranée yóló mole kisipa eranénipó. <sup>21</sup> Térapa, Kótóné keletómó mo kelaalo sonaalei dowi alaró i hae kwiamó mole kae kae dowi alatamo momó kae ini, mo ti taaróló kisipa keterae. Atéturaalu Kótóné fota, dʒ aluyaɔsóró tao saaire fopa, ɔla wae hae wisimó bitu dere kaae, naao tiki tuʒpaae derepólópó mo keteke buóló sae.

<sup>22</sup> Kale fo hʒle woséliné maaté wosóló taalatapa, ti naaotei kapala yʒ ai dilikitu betere ape. Ai ala ini, ama yʒpaae erae du betere fotóróti mo eró tawae. <sup>23</sup> Mepaae whɨ dené Kótóné fo wosóta deretei, ama yae dere ala mopóló erénitepata, ti etei ala dere kaaepó. Whɨ betʒané ama kelepaa *klas*-mó fopeyóló, ʒ

faaire tikipaae fulapó. <sup>24</sup> Atéró furaalu, ama kelepaa etei daapa kelepóló kisipa yó tani, mo hapale tėti keterótua dapó. <sup>25</sup> Téretei, Kótóné ama tukóló muló betere fo dokonaletiné so whɨ dokóló moletei hʒle fɔpóló erótu beteralepó. Mepaae whɨ dené ai fo wosóló kisipa keteréni kutirimó mulóló eraté fu betepa, ti até dere whɨné ama du betere ala tuʒmó Kótóné ʒ wisiraalopó.

<sup>26</sup> Téretei, mepaae whɨ denétamo ʒ Kótóné ala erótu betere whɨpó du bitutei, ama dere fo fea wisiyóló tuʒ tekeyóló ini, dowi fotamo dekaaporóló du betepa, ti ama ai dere fonéte ʒ dilikóló, Kótóné ala erótu betereiteikélé mo hʒle ɔla kaae aleratapó. <sup>27</sup> Dʒané Aya Kótóné keletómó so whɨné Talené ala eróturaalu, kae kae alatamo hosekényi, mo donoi alata, i ape. Bokonaale naale senaaleró wulia sorapetamo sekɔ yaɔsóró tao sóo, depa, ti Kótóné ama mo donorapóló kisipa muaalopó.

## 2

### *Doi mole whɨ wisiyóló dape suraalu, doi munire so whɨ sisópaae eraɔse ere fo*

<sup>1</sup> Yʒlo no nerape-ó, dʒ tɔteróló kaae tare Tale Yesu Kerisota, Kótóné ama kae ere de wisi naale ʒ tuʒmó fʒanapó. Atéró betepa dʒ ʒpaae tuʒ tiki tiróló betere so whɨné, mepaae doasi doi mole whɨrape dape suraalu, mepaae sókóte betere so whɨrape wisiyóló dape sinitere ala yaɔse. <sup>2-4</sup> Atéturaalu, diʒ betʒpaae touratere sukamó *kold kapané* aleyale bi naasemó bulóló kutikélé kelaalo kokɔi deróló wale whɨ wisiyóló dape sóró ni fake wisimó beteroo, dowi derʒakele kuti deróló wale yoleale whɨmo tumó daayae ó ɔ betere aɔ keya tómó hɔko betae yóo, dere-a diʒ Talere kaae keke fosóru, tale du bitute? Diaaɔ atétere alanéte dowi kisipa mutu me whɨ só deratere whɨ sʒ ai betere ape.



<sup>5</sup> Yalo hosaa mole no nerape-ó, i dere fo mo wisiyóló wosae. I haemó betó mole so wh̄rapené duraalu, ai wh̄rapeta, me ɔlakélé meiyóló mo yoleale yóló beterapó dua dapó. Tépateti, ai wh̄i kisipa tiki tiratere ala mo turó yópóló Kótóné amatei sorokó su yóló kae beteró beterapó. Atéru, Kótópaae yaala sókó fu betere so wh̄rapené ti Kótóné t̄eteróló betere ala s̄pólópó yóló muló betere fo dokonóturaalu, take atimané mo saalopó. <sup>6</sup> Tépateti, diaaɔ yale alané atima yoleale yóló betere wh̄rape hale seróló só ai derale ape. Kale doasi *moni* tare néli wh̄rapené noa alamaaté diɔpaae erótua déró, diaaɔteitue tekeyae. Diɔ dilikóló diaaɔ tare ɔla sua yóo, diɔtamo fo tokótamo yóló só derótua yóo dere-a, némaaté dua de?

<sup>7</sup> Ai wh̄rapeta, diaaɔ tikimó muló betere Talené doi wisinaale dorótu betere ape.

<sup>8</sup> Da t̄eteróló kaae tare Tale doasi wh̄iné asémó yae yóló muló betere fo wisinaale i ape. Naaotei ya yaala sókó fu dere kaae, mepaae so wh̄paaekélé atéro yaala sókó fu betae. Atétu betepata, ti mo wisi ala ai du betere ape. <sup>9</sup> Tétu bitutei, me wh̄imo wisiyóló dape sóró wisi ala eróo, me wh̄imo wisiyóló dape sini yóo depata, ti kale yóló muló betere fo tukóló dowi ala ai dere ape. Atéturaalu, ai kale yóló muló betere fonéteitue só deró beterapó.

<sup>10</sup> Ti noatepaae, Kótóné yae yóló muló betere fo fea mo wisiyóló sya fóló erótu bitutei, betɔ alakó h̄asókó fóló depata, ti Kótóné yae yóló muló betere forape turó ai tikire ape.

<sup>11</sup> Ti noatepaae, fo yóló mulóturaalu, so ɔlémi naɔse dere sekénéteitue wh̄i daɔse fokélé tukóló muló beterapó. Mepaae wh̄iné so ɔlémi nokole ala ini, wh̄i dele alamaaté depa, ti ai wh̄ita kale yóló muló betere fo tikitu betere wh̄i ai betere ape.

<sup>12</sup> Mepaae wh̄inétamo i yae yóló tukóló muló betere fo sya fóló erótu betepa, ti ai wh̄i me dowi

alané só deréni, wisi kisipa betɔ muóló h̄ale fópóló eraalo ai ape. Atéro h̄ale fópóló eratere alané take waaire sukamó doasiné yóló muló betere fo kolósu d̄ané du betale alaró du betale fotamo kolósu yóló taleyaalopó. Téyaalopa, diaaɔ dere foró du betere alatamo hotowayóló kaae taru, kisipa tekeyóló du betae. <sup>13</sup> Ti noa yaɔsóró meipó. Mepaae wh̄iné me wh̄i ɔletere alakélé ini, dupumaaté saalopó du betepa, take doa Talené taletere sukamó ɔpaae ɔletere alakélé ini, ama yale dowi alamó kwia tokó mótu mo donotóro melaalo ai ape. Téyaaloteitue, mepaae wh̄i dené me wh̄i ɔlené sukuturaalu me ɔla meipóló taalatepata, ti ama yale dowi alamó dupu melaai yaleteti, t̄eteróló aluraalo ai ape.

*Tuétiki tiratere ala sya fóló mo erae*

<sup>14</sup> Yalo norape-ó, wh̄i betɔné duraalutamo ɔta Kótópaae tuétiki tiró beterapó du bitutei, ama me wisi alakó initepa, ti ama ai du betere ala wisirapóló tuétiki mute? Ateitue kaae tuétiki tiratere alané ɔ aluyaɔsóró s̄umó tao senénipó.

<sup>15-16</sup> Motamo mepaae no ó nené ama deraaire kutiró naaire ɔlatamo meipa kiliruteitue, diɔkó betɔ wh̄iné ɔpaae duraalu, “Ya mo wisiyóló fóló ɔla nóló, noke fitukélé wisiyóló fiyae,” fo duteitue, ama yaɔɔre ɔlarape tao sóró menénitepata, ti naao ai dere ala fea wisirapóló kisipa mute?

<sup>17</sup> Atérapa, naao mo dere alakélé tuétiki tiratere alatamo s̄urópóló dekaaporóló ini, tuétiki tiró betere alamaaté epa, ti ai tuétiki tiró betere ala sukóló mo h̄ale ɔla kaaené kelerapó.

<sup>18</sup> Térapa, wh̄i mené eteitue kaae fo yaalo ai ape. “Naao du ya Kótópaae tuétiki tiró beterapó fota ai dapa, yaɔkélé wisi ala erótu betereiteitue k̄aae kelaai d̄amo i ala yaalopó. Wisi ala mekókélé initeitue, naao tuétiki tiró betere ala kelaalopa, ɔpaae yó ɔlae. Yaɔkélé Kótópaae tuétiki tiratere ala naao kelaasepóló,

wisi ala eróturaalu yapaee yó melaalopó,” fo enérapó. <sup>19</sup> Mo betá Kótótóróti beterepóló, naoo tué tiki tiró betereitea, ti wisirapó. Kale dowi keperapenékélé Kótó mo beterepó kisipa muturaalu, wiyóló diri furu furu ai du betere ape.

<sup>20</sup> Kisipa tiki okoko yóló betere whirape-ó, diaaḡ me wisi alakó inituraalutei tué tiki tiratere alamaaté epata, bete muni mo hāle ḡla kaaené kelepa diriyóló tué muḡpóló, yaḡlo me noa alakó yó melaaloé? <sup>21</sup> Dāné noutere Abraham-né yale ala tué muae. Ama naale Aisak Talepaae hāle melaairaaalu, Kótópaae hāle matere ḡla sukūlaa dalaai aleyóló muló betere kane fake tómó beleralepó. Atépa Kótóné kolóló, “Aḡa, mo donoi whipó,” erapó. <sup>22</sup> Ti ama kisipa tiki tiróló betere alaró du betale alatamo touróturaalu yale ala kolóló kisipa muae. Ama yale alanétei Kótópaae tué tiki tirale ala mo turó eralepó. <sup>23</sup> Até yaleteteita, ašemó yóló muló betere fo mo dokonóturaalu erapó. Abraham-né Kótóné dere fo wosóló tué tiki tiró betepa, Kótóné kolóló i whiḡta, mo donoi whipó, fo yóló mulalepó. A atéro betere ala kilituraalu, i whiḡta Kótóné mo ama hosaa mole fulumu whi ai betere ape dua yalepó. <sup>24</sup> Ti ai yale ala tué muae. Kótóné mepaae whiné tué tiki tiró betere alamaaté kolóló, i whiḡta mo donoyóló fole whipó fo dumi, kale whiné dere alakélé kolóló i whiḡta, mo donoyóló fole whipó du beterepó.

<sup>25</sup> Até yale kaae, kale nópu nuku betale so Rahab-né kale bóe sa fele whirape ama bepaae dape sóró firóló, ai kale be hulua whiné atima daḡsóró kae tūró fḡpóló doteyale ala Kótóné kolóló i sota, mo donoyóló fole sopó yóló mulalepó. <sup>26</sup> Atérené sukune whi tuamó kepe bete bitinire kaae, Kótópaae kisipa tiki tiróló bitutei, wisi ala initepa, ti ai kale sukune whi aḡrapó.

### 3

*Hape mo hotowaró teteróló kaae tawae*

<sup>1</sup> Yaḡlo norape-ó, diḡkó me whi Kótóné fo yó matere ala wisiyóló kisipa inirutei, dā fea fo yó matere whipóló hāle hḡko yó mótu betaḡse. Ti noatepae, Talené fo yó matere whirape dāta, mepaae fo hāsókó fóló yó melótu betere mó, nalo ama taleturaalu mo doa kwia melaairetei diaaḡ ai kisipare ape. <sup>2</sup> Dā fea kae kae hāsókó fole alané dée natalua dapó. Me whiné ama dere forape hāsókó fóló dée nanénitepa, ti a me alakélé ini, mo whi wisinaale bitu, ama betere bete turó amatei wisiyóló kaae tanérapó.

<sup>3</sup> Atéruraalu, kale *hos* hupu dā whiné faai kisipa mutere tikipaae fḡpóló *hos* hupuné ama hape teteraaire dirii ḡla ḡlómó hamunótua dapó. Ai hamunale ḡlanétei, whiné kisipa mutere tikipaae fḡpóló, ama tiki turó donorótua dapó. <sup>4</sup> Meta i ape. Kale mo doakale wēi ḡlamó kotere doasi nuku tué muae. Ti ai nukuta doasi ḡla muóo, ama fole alakélé besé tiki fotokḡnétei falóo depatei, kale nuku só kotere whiné ama faai fole tikipaae fḡpóló, mo sawatamo néli fetetepa kutua dapó. <sup>5</sup> Atéru ere kaae, whiné tiki tuamó daale hapeta sawatamo ḡlatei, bopé fake duraalu ḡta doasi ḡlapó dua dapó. Mo sawatamo si kelenétei kaaróló doakale si fakeyóló dukuraalu, ḡla ḡla fea kuló dokoleteti tué muae. <sup>6</sup> Atétere kaae, dā whi tiki tuamó kae kae ḡlarape daaletei dāné hape betāta, mo si kaetóróti dukuraalu, kae kae dowi ala kaarótu betere ḡlapó. Kale wuliné api fulukó furaalu, naaitere mi dorótu dere kaae, hapenétei dāné tiki turó dorótua dapó. Kale sawa si kelenétei fakeyóló doasi si duku dere kaae, hapené whiné betere bete turó dorótu beterepó. Ai hapemó dokole si-a momó dēyaleé? Mo apaae

derepale dolomó dó tare dowi simó ai deýale ape.

<sup>7</sup> Fea kae kae betó mole na, hupu, wuli, kou, ó ba, doa wei keŋa tuámó betó mole ɔlakélé feata, whiné whaayóló bérótua yóo, mió i alimókélé whaayóló béróo du beterapó. <sup>8</sup> Téteretei, hape betata whiné dere fo wosóló aqmó beterópóló mené béránénipó. Ti hapeta, dowi ala yaai ketekę bulu, whi dóló sukunatare herei kaae buóló fāanuraalu, ama yaaitere ala taaréni hāle yótóro tarapó.

<sup>9</sup> Ti dané ɔlómó sókó wale fonétei, da teteróló kaae tare Taleró Alimatamoné doi hale sóro horótu bitutei, Kótóné ama aso sūróló aleyale so whikélé foné só deróló dorótu beterapó. <sup>10</sup> Betā ɔlómótei Talené doi sóro horatare fo yóo, whi fale yóló doi doratare fo yóo, ai du betere ape. Yaŋo norapé-ó, aita mo enei ala meitei, diaaɔ ai du betera pa taalae. <sup>11</sup> Betā wei āmalemótei, wisi weiró dowi atukų weitamó wale? <sup>12</sup> Yaŋo norape-ó, nose tikimó *Olip* du ó kae ni du oleyaaloé? *Wain* kėpimó nose du oletua de? Meipó. Dowi atukųtamo wale wei āmalemó wisi wei sókó wómipó.

*Haemó mole fosó fosói kisiparó Tale betemó wale fosó fosói kisi-patamó*

<sup>13</sup> Diākó mé whi Kótóné bete mole fo mo wisiyóló tuę muluraalu, ama kisipa mole ala eraai fosó fosóere? Atéro mole kisipa wisi, so whi feané kolópóló wisi alarape hākeamó erótu betae. Téturaalu, Kótóné tuę wisi tuámó kaaróló sókó wale mo dua hemée deyóló bitu du betere wisi alané ai fosó fosóere ala hākearatapó. <sup>14</sup> Tėpatei, diaaɔ hosaa tuámó dei kisipa muóló alale suraalu, ękélé u whi kaae doasi betaai dapó kisipa mutepa, ai wisi ala nisiyóló bopé fake yaŋse. Atėtu betereteiné kale mo bete mole fo kapala nisiyóló faletu beterapó. <sup>15</sup> Atei kaae fosó fosói kisipa mutereteita, ó hepen

bemó kaayóló dorowómitei, i haemó betere dowi keperapené mulatare kisipa ai ape. Ti ai kisipata, Deŋi Kepe Wisiné kaaréni, i haemó mo whiné kaaratare kisipapó. <sup>16</sup> Ti noatepae, ętóró doasi topo whi betaaitapóló, ama yaaitere alamaaté kisipa muóló alale su betere tuámó hāle hōko alarape duraalu, kae kae dowi alarape sókó wapa kelaalo ai ape.

<sup>17</sup> Téretei, hepen bemó kaayóló dorowou betere fosó fosói kisipa tikiné dere alata etérópó. Me kisipatamo hosekėni mo betā alatóróti yó tare alata, mo folosóro bete mole ala ai ape. Ai alané sisópaae fopaae fokélé ini, mo dua betere ala yóo, mepaae whiné tuę tiki seke yaŋsóro tuę tekeyóló dua du betere ala yóo, doasiné dere fo wosóló aqmó sukóló dua betere ala yóo, ɔlené sukóló wisi alamaaté eratare ala yóo, mepaae doa doi mole whirapepaae eratare ala kaae, hōko sókó dei betó mole so whipaaekélé betā alatóróti eróo dere alata, me kapala fotamo dekaaporóló ini, mo fotóróti buluraalu dua dapó. <sup>18</sup> Hōle sere ala taaróló, mo dua betaalopó yóló hōle filitere whirapeta, hosaa muni deóló mo dua betere ala tuámó bitu, kutómó ɔla wae wisi bilitu dere kaae du beterapó. Atéro ɔla ūlumétepa su dere kaae, so whi feané me alakélé muni, mo donoi alatóro yaalo ai ape.

## 4

*Kótóné teteróló kaae tare aqmó dua betae*

<sup>1</sup> Diā tuámó fopaae buturaalu, hōle sere alaró huri dere alatamo-a, noa betené kaarótu betere? Aita hāle kaani, kae kae alakó enée yóló ekeŋe du betere alanétei diaaɔ tuę tiki tuámó bóe dolótu betepa, hōle sere alaró huri dere alatamo ai du betere ape. <sup>2</sup> Diaaɔ mepaae ɔlakó senée yóló kisipa mutu betepatei sini yóo, diāné au nóló whi du bitutei diaaɔ kisipané senée dere ɔla mo sini yóo,

diã huri yóló fopaae buturaalu hõle su betóo, du beteraþó. Diaaõ kisipa mutere õla saaitapóló Kótópaae wosenitereteiné ai senée dere õla sumipó. <sup>3</sup> Diaaõ Kótópaae me õlakó õlae yóló wosetu betepatei, ai õla sumipó. Ti noatepaae, diãné ekõle yóló senée du betere õla saairaalu õpaae wosetu betepa ama matepa sórómo, diaaõ ekõlere ala yaai mole kisipa ama kilitu mótumipó.

<sup>4</sup> Diã i haemó kae kae du betere alatamo nópu nuku betere so whĩrape-ó, i haemó du betere alatamo fulumu du betere betené Kótó hõróló hóe du betereitei diaaõ kisipanié? Mepaae whĩ de i haemó mole alatamo fulumu kisipa mutupa, ti Kótóné hóe whĩ ai alée fole ape. <sup>5</sup> Kótóné asemó yóló muló betere fo i ape. Ðã tuãmó betere Ðei Kepe Wisiné ðã Kótóné ama dokore sopa, whĩ me kaetamo fulumu ini, õtamotóró fulumu yóló betereþóló doasi ketekõ butu beteraþó, ere fo-a bete munipa hãle aseýaleé? <sup>6</sup> Téretei, Talené ðã ama hãle hamokoróló tao su betere tómó beleróló miókélé hãle tao suatóró yó tarapó. Atétere betené i fo aseýóló muló beteraþó.

“Bopé fake du betere so whĩ atima yaai dere ala yaõsóró Kótóné sesé yóo, haemó sókó deýóló betere so whĩ ti ama hãle hamokoróló tao sóo, du beteraþó,” erapó.

<sup>7</sup> Kótóné ama diãpaae eraai kisipa mutere ala eróþóló, ama tẽteróló betere aõmó sukóló mo dua betae. Dowi ala yóþóló dée nalatere topo daale kepené diã dée nõþóló sũ sere ala ai du beteraþa, sesétu betae. Atétepata, ti diã taaróló õ botokó faalo ai ape. <sup>8</sup> Atéró diã Kótó betere felekepaae bitĩ wapa, ti õkélé diã betere felekepaae wóló betaalopó. Diã dowi ala du betere so whĩ-ó, diaaõ bólure naase wisiyóló fukutu betae. Tué tiki dekaaporóló betó mole so whĩ-ó, diãné mutere dowi kisipa taaróló, wisi kisipa betã diaaõ hosaa tuãmó muóló betó muae. <sup>9</sup> Atéró,

diaaõ du betere dowi alamó kisipa mutu, dekené sukóló moló yóló wole du betae. Diã hẽkeseturaalu ðõ nokole ala taaróló, fomaake kisipa mutu dekené sukutu moló du betae. <sup>10</sup> Atéturaalu, Talené keletómó diaaõtei mo dua sókó deýóló betepa, ti amatei diã sóró horaalo ai ape.

<sup>11</sup> Norape-ó diãsisitei eratere fo yaõse. Whĩ me denétamo ama no só deratere fo ó eratere fo depata, ti Kótóné yae yóló tukóló muló betere fotei, faleturaalu taleyóló só deratapó. Ti diaaõ atéró kale tukóló muló betere fo taletu betepata, ti atétere sukamó diã ai fo aõmó sukóló bitini, ai fotei tẽteróló taleyóló só derótu beteraþó. <sup>12</sup> I ala yae u ala yaõse yóló tukóló muló betere fo bete Tale mo betãtóróti bituraalu, so whĩ feané yale ala fea amatei taleyóló kwia melaalo ai ape. Ai sekéné amatei so whĩ aluyaõsóró tao sere ala yóo, mo ti doratere alakélé eróo enérapó. Téyaalopa, naao be whĩ so whĩ taleyóló só derótu betere fo-a, yã Tale kaae bituraalu du bitu de?

*Bopé faketuraalu, nalopaae i ala yaalopóló foné hãle hõko yaõse*

<sup>13</sup> Térapa, i dere fo mo wisiyóló wosae. Diã mepaae whĩrapené etei kaae fo dua dapó. Mió ó dó ðã me doasi be huluapaae fóló bituraalu, *moni* saai kae kae kutórape ditu betepa, ba fo betã kemeraalopó dua dapó. <sup>14</sup> Ti diaaõ dó yaaire ala tué inirutei du beteraþó. Diãné betere beteta, noa ala kaaené kelere? Hĩka epo mupa suka sókó huturaalu, epo hapale turukó falótu dere kaae, diãné betere betekélé ai ala erapó. <sup>15</sup> Ti ai yaalopó dere fo taaróló, i fo depa wisirapó. Talené ama kisipa mole alapata, ti ðã bitiré furaalu, ai ala mo yaalo ai ape. <sup>16</sup> Ti diaaõ atei ala yaalopó du betere fota, diã bopé fake duraalu dapó. Atéró du betere fo feata, ti dowi alapó. <sup>17</sup> Térapa, mepaae whĩné eranére wisi ala mupatei erénitepa, ti aita dowi ala ai ape.



## 5

*Néli whjné mepaae yolealere whjrape sekçi ala eraqse ere fo*

<sup>1</sup> Atérapa, diq doasi wisi wisi q̄la tare néli so whjrape-ó, diaaq̄ i dere fo wosae. Diq̄paae waaire sekçi alamó kisipa muturaalu, wole yóló moló du betae. <sup>2</sup> Diq̄né tare wisi wisi néli q̄larape fea q̄laaa yóló, kutikélé ero siné turukóló mo ti ai doró betere ape. <sup>3</sup> Diq̄né tare, *kold kaparó silpa kapatamokélé* hoti dakóló ai do yale ape. Take taletere sukamó kale hotinétei diq̄ só deróturaalu, diaaq̄ tiki mi mo siné kaae dukulé fu beteró kemeraalopó. Até yaaireteita, diaaq̄ wisi wisi néli q̄larape ukusituraalu, betq̄paae yóló muté hutu betaletéinépó. Atéyaaire be dq̄ teópatei, mió kaae sóró sekçe ai su betere ape. <sup>4</sup> Diaaq̄ kutórapemó yó mole q̄la qlumétepa siré kotere whjrapené saaire *moni* turó meni, mepaae kwia diaaq̄ kemei dekée sale *moninétei* diq̄ só deróturaalu, fo fake yóló ai du beterapa wosae! Ai kutómó q̄la siré kotere whjrape atimané dupu s̄unipóló dere fo Talené ama mo wosetu beterapó. <sup>5</sup> Diq̄ i haemó bitiré wale sukamó wisi wisi q̄larape diq̄maaté ekq̄leyóló nukulé ai fu betale ape. Até deté fu betaletéiné, daaire hupu whaaturaalu, seraayq̄póló q̄la wisiyóló mótu dere kaae, diaaq̄ du betale alanétei diaaq̄ tiki ai botokorótu betale ape. <sup>6</sup> Atéturaalu, diq̄ néli whjrapené me dowi ala inire whjrapetei, diaaq̄ só deróló du betaletépó. Diaaq̄ atétepa, atima sesé yaairekélé mo s̄unipó.

*Sekçi ala eratepa haepaae derepéni, hq̄le belée tawae*

<sup>7</sup> Yq̄lo norape-ó, Tale waaire be dq̄ teópa, mo dua bitu kaae taté fu betae. Kutó diteré whjné kutómó q̄la wae biliyóló sukaró halitamo wq̄póló kaae taruraalu, ama ke kutómó q̄la wisi saai kisipa mutu, kaae tawóló betere ala kisipa muae. <sup>8</sup> Atétu dere kaae, Tale mo felekemó waalopa,

diq̄kélé mo hotowayóló kaae taruraalu diriyóló betae. <sup>9</sup> Norape-ó, diaaq̄ mepaaené dere fo wosetere hóturaalu, no hamoma dokó dokó yaq̄se. Diaaq̄tamo ai ala depa, ti fo tokq̄tamo yóló diq̄kélé só deraalo ai ape. Atéro tale dere sekçe, ti mo felekemó sókó waii tq̄ serekemó ai daale ape.

<sup>10</sup> Norape-ó, take betale Kótóné q̄lóló whjrapené Talené fo erótu beteremó doasi sekçe wapa me q̄la meipóló beleté fu bitipakalepó. Atérapa mió diq̄paaekélé sekçi ala wapa, atimané yale ala kaaetóro s̄ya fóló yae. <sup>11</sup> Take betale whjrapepaae sekçi ala wou betepa, faleyóló bitu Kótóné erae dere ala yó taté fu betale whjrape atimané yale ala kisipa mutu, dq̄ mió betere so whjné atima doi hale sóró horóturaalu, Talené tao sóró wisiró betere whjrapépó du beterapó. Kale whj Job-paae kae kae sekçi ala wapatei, faleyóló bitiré fóló nalo kemene folepaae Talené q̄paae erale ala diaaq̄ ai kisipa ere ape. Tale q̄ta, q̄lené sukuturaalu, dq̄ so whj tao sere ala mo turó fq̄anapó.

<sup>12</sup> Norape-ó, ó hepen bemó betere Talené doi yóló ó i haemó ere ala doi yóló ó mepaae q̄la q̄larape doi yóló diq̄né dere fo diriróturaalu malo momókó yaq̄se. Diq̄né motóro yaaitepata, ti épó, yaalopó fotóroti yae. Motamo meipó duraalu, ti mo meipótóro yae. Ténitamo, naao yale fo fotokq̄róturaalu, kae kae fotamo dekaaporóló depata, ti ai yale fomó Kótóné yq̄ só deraalopó.

*Tuq̄ tiki tiróló dere moma*

<sup>13</sup> Diq̄kó mepaae whj detamo me sekçi alané só deraai depata, ti ai whjné Talepaae moma yq̄póló yae. Mepaae whj detamo hajné sukutu betepata, ti ai whjné Talené doi hale sóró horatere wole forape du beterq̄póló yae. <sup>14</sup> Diq̄kó mepaae whjtamó hepo daae mupa, ti amatei kale Keriso so whj tq̄eteróló kaae tanq̄póló sóró beteró betere whjrapepaae momarale wq̄póló

yae. Atima wóló ą boperóló daalu, ama tikimó Talené doimó *wel wẹi* dilóló moma erópóló yae. <sup>15</sup> Ti atima Talepaae tué tiki tiró bitu momatepa, ai whjné hepo mo wisi yaalopó. Atéturaalu Talené ą kepaaraalopó. Ai whjnétamó me dowi alakó ipata, Talené ama yale dowi ala kwia me ọla meipóló hẹle kemeraalopó. <sup>16</sup> Atérapa, diaaọ hepo bete wisirópóló, diąné du betere dowi ala diąsisitei u yó mótu i yó mótu yóló, momatere alakélé u erẹle i erẹle du betae. Mo donoi alamaaté du betere whjné dere momata, fotokọ boleteiné hẹsókó feni, dokonótu mo eraalo ai ape.

<sup>17</sup> Ti Ilaija ąkélé dą kaae mo whj bitutei, atima betere haepaae hali waqsóró ketekẹ buóló momatóró yó tawalepó. Atétu betaleteiné, ba fo sore kemeyóló doų ba fo tuąmó halikélé ani, hẹle bitiré fipa kalepó.

<sup>18</sup> Atéro bitiré fóló, momómo hali wópóló momayalemó, hepen bemó betere Kótóné hali momó anóló, atima betere haemó ere ọla ọla sokipakalepó.

<sup>19-20</sup> Yalo norape-ó, diąkó whj betą kale mo fo wisi taaróló kópaae fupa, mené ą momó dapesó wapa i dere fo kisipa muae.

Mepaae whjné atétere whjpaee no-ó, yąta kọ tųpaae ai fulapa, tų wisi i mole ape yóló yó matepata, ti atétere whjné ama noma dowi alané mo ti alutere tikipaae faqsóró tao sóo, mo dekéro yó tare dowi alakélé mo ti aluróo, yaalo ai ape.

## 1 Pita

<sup>1</sup> I dere așeta, Yesu Kerisoné doteyale *apotel* whi Pitané dapó. I fota, Pontus, Kalesia, Kapadosia, Esia, Bitinia, i dosayayale hae kwiara-pepaae dapo dapo yóló betó mole so whipaae dapó. Ti diata, Kótóné ama sókó su yóló kae beteró betereiteiné, i haemó uké wale so whi kaae ai betere ape. <sup>2</sup> Atéru, Aya Kótóné diā kaaraai teópa, ama tuéneitei mo ama so whitóró beterópóló sokósu erapó. Kótóné ama so whipóló atéro kae beterales alata, Deji Kepe Wisinéitei eró beterales. Aita, noa ala yaai ini, Yesu Kerisoné ama dere fo wosóló sya fóo, diā Talené ama so whipóló dale mulótu, Yesuné samea apuróo yópóló erapó. Kótóné ama hamokoróló hale tao sere alaró hosaa muni deyóló mo dua betere alatamo, mo turó diā tuāpaae eraté fu beterópóló yae.

*Nalo mo ti betere bete saalopóló haitamo Kótóné doi sóró horótu betae*

<sup>3</sup> Dā teteróló kaae tare whi Yesu Kerisoné Alima Kótóné doi doasi mulópóló, hale sóró horae. Ama dā doasi kōleyóló tao suraalu, kisi so whi deyóló beterales. Atétere alata, Kótóné Yesu Keriso kepaaróló beteralesiteiné, take waaire alimó dāpaaekélé Talené mo ti beteraaire ala wisi eraalopóló haitamo bitiré fu beterópóló erapó. <sup>4</sup> Atéro bitu, Kótóné dāpaae eraaire wisi alaró melaaire qlatamo hepen bemó ama mo wisiyóló kaae tarapó. Ai wisi wisi qlata aluyóló doni, mo ti hale muó tawaalopó. <sup>5</sup> Take kemetere alimó dā aluyaqsóró, Kótóné mo ti betaaire ala hakearaai donoró betere be de teópatei āpaae tué tiki tiró betepa, me alané dā dorāqsóró Kótóné ama fotokō wase kaae diru, sesétu beterales. <sup>6</sup> Mió i betere alimó, kae kae sekei alané diā kaae kólóló sū seremó dekené

sukutepatei, mió ai waaire wisi ala saai dapóló kisipa mutu, diā doasi haitu beterales. <sup>7</sup> Ti diāpaae ai wale sekei alané diaaq tué tiki tiró betere ala mo erapó yópóló, kaae kolóló sū sirapó. Doasi *moni* sere qla *kold kapa* simó biliyóló mo qla alerótu dere kaae, sekei alané diaaq kisipa tiki tiró betere ala kaae kolóló sū su beterales. Kisipa tiki tiratere ala kolósu, *kold kapa* kolósu depa, kisipa tiratere ala doasi bete moleiteiné *kold kapata*, ti doyóló mo aluyaalopó. Yesu Keriso wouraalu hakearatere sukamó, atéro tué tiki tiró betere so whi feané kilitu, ita Talené ama kae ere de wisinaaleró fotokōtamo eratapóló doasi doi mulóló, hale sóró horaalo ai ape. <sup>8</sup> Take bitiré wou diaaq ā kelené kilinirutei, āpaae hosaa muóo, miókélé kelené kilinipatei, kisipa tiróo erapó. Atéru, Kótó tuāmó bole haj wisinaale diā tuāmó fāanetei, ai bete eterales me whiné yó melaaireitei mo sunipó. <sup>9</sup> Ti noatepae, tué tiki tiraté fóló kemene furaalu, saaire kwia ti mió diaaq mo su beterales. Ti aita me kae mei, diā aluni tao sóró mo ti betaaire bete ai ape.

<sup>10-11</sup> Ai kale bopeyale tao sere alata, mo take Kótóné fo erale kōló whirapepaae kale Deji Kepe Wisiné Kerisopaae eraaire ala i ape yóló yó matepa, atimanémo mo so whipaae deté wou bitipakalepó. Ai fo dokonóturaalu, Kerisopaae sekei ala mo eróo, ai kilipaae hepen bemó doasi doi mulatere alaró mepaae wisi alatamo āpaae eróo yaleteti, mepaae ala ti eraai teórapó. Ai ala eraai teópa, kale kōló whirapené me noa alatamo touróló eraalorópóló kaae tawóo, ai ala metéli eraalo yóló kaae taru, bete kekitu betóo, ipakalepó. Ai kale kōló whirapené bopeyale Kótóné hamokoróló tao sere ala mo dokonóturaalu, diāpaae eratepa diaaq mo su beterales. <sup>12</sup> Talené ama kōló whirapepaae i fo hakearóló erapó. Diaaq ai ditu betere kutóta, diā maaté tao

saai dumi, take nalo betaaire so whikélé tao saaire kutó ai ditere ape yalepó. Mió ai kale fo wisi yó matere whirape, ó hepen bemó betere sekéné dotonale Dēi Kepe Wisiné fotokoratepa, atimanémo diāpaae yó melalepó. Ai fota me kae mei, take betale Kótóné kóló whirapené yó melale fotórótípó. Ai ala bete *enselrape* atimakélé tuę inireteiné, atima kelenée du beterapó.

*Kótóné kele tómó mo kae so whi betae*

<sup>13</sup> Térapa, diaaętei diā tęteróló kaae taru, Talené ala eraaire tuę betā muó, Yesu Keriso ą hąkeamó wouraalu diā hamokoróló tao saaire alapaae betā hosaa muó iru, siki siki yóló ama ala betā erótu betae. <sup>14</sup> Take diā mo fo bete tuęni hoko bitu, tó tikiné ekęle yóló du betale bete munire ala momó kae yaęse. Tėni, diā ą beterepaae ape yale sekę ą mo kae biture kaae, diąkélé atėru, naale senaale hama alimané dere fo mo betā wosóló, aęmó betere kaae yae. <sup>15</sup> Tėtu, diāpaae ape yale Kótó ąta, me dowi alakélé muni mo kae biture kaae, diąkélé me dowi alatamo hosekėni mo kae bitu, ama ala wisi maaté erótu betae. <sup>16</sup> Ti noatepae, aęmó ere fo i ape.

“Ę me dowi alatamo hosekėni mo kae beterapa, diąkélé ę ere kaae mo kae betae,” erapó.

<sup>17</sup> Diaaę Aya-ó, dą tao sae du betere sekę ąta, so whi feané du betere ala taleturaalu, mepaae so whi wisiyóló kolóo, mepaae so whi wisiyóló kilini yóo, dere Tale meipó. ąta mo feapaae betā kaae alatóró erótu betere Tale beterapa, diā i haemó uké wale so whi kaae bitu, ą kolóló witamo ama ala betā erótu betae. <sup>18-19</sup> Ti noatepae, take diaaę ayarapené yó tawale mepaae bete munire alarape diaaę tokóló hoko deté faęsóró, Kótóné diā dupuyóló tao salepó. Diā atéró dupuyaletėita, doyóló aluyaaire ęla *silpa kapa* ó *kold kapané* dupuni, mo whinė *sipsip*

hupu fopeyóló tikimó siri ó me ala inire hupu male Talepaae matere kaae, Keriso ą sukuturaalu sókó fele mo doasi ke bole sameanétóró, diā aluyaęsóró dupuyalepó. <sup>20</sup> Atei wisi ala Yesuné ama erópóló, haeró ere ęlatamo kaaraai irutei, Kótóné ą sókó sóró tukóló kaae beterėlipakalepó. Tėyaletėi, mió i kemetere alimó ama diā tao saai dotęyale whipóló, so whi feané ą kolópóló hąkearó beterapó. <sup>21</sup> Kótóné Yesu Keriso kepaaróló hepen bemó, mo kae ere dę wisinaale tuęmó beteró beterapó. Yesu Kerisoné ama ai yale alané diā Kótópaae tuę tiki tiró beterapó. Tėru, take nalo Kótóné diāpaae eraaire wisi alaró kisipa tiki tiratere alatamo Kótó tuęmó ai ere ape. <sup>22</sup> Diaaę mió Kótóné bete mole mo fo wosóló sya foletėimó, diąné dowi ala fea fokóló wisiró beterapa, diaaę no nepaae yaala sókó fole ala diąné hosaa mo turóné du betae. <sup>23</sup> Ti noatepae, diā Kótóné ama naale senaale deyóló beteró beterapó. Atėreteita, kęlaa yóló alutere kené deni, kęlaa initere kené derapó. Ti ai keta me kae mei, betere bete mulu Kótóné mo ti muó tare fonétóró diā kisi so whi deyóló beteró beterapó. <sup>24-25</sup> Ti noatepae,

“So whi fea i haemó betere alata, ne sélitu dere kaae yóo, atimané tikimó ere au wisinaalekélé haemó yó mole ne fua kaae yóo, erapó.

Nekélé hapale séli yóo, ne fuakélé hapale dulukó fóo deretei, Talené ama fota, ti hąle muótóró tarapó,” erapó.

Aita me kae mei, mepaae whinė diāpaae yó male fotóró ai ape.

## 2

<sup>1</sup> Atėrapa, Keriso so whi diąsisi me so whipaae dei tuę mutere alakélé, me whi dilikitere alakélé, wisire nisiyóló tó tikiné hąle sikęli dere alakélé, mepaae whinė dere wisi alamó dei tuę mutere alakélé, me whi hamoma kae kae eratere fo



yóló, só deratere alakélé, fea diã tuãmó muaqsóró yae. <sup>2-3</sup> Ti Yesu ąta, etei kaae Tale wisi beteropóló diaaą kaae kolóló ai kisiparapa, diã mo teó deyóló betere naale senaale awą naai ekęle du dere kaae, Kótóné diã aluyaqsóró tao sere ala wisi mo ti doa yópóló, Dęi Kepe Wisiné matere ęla betątóró ekęle yóló nukulé fu betae.

*Ąta mo ti betere kane epa, dąta ama sókó sóró kae beteró beteropó*

<sup>4</sup> Ti Yesu Kerisota, be hulua eleké dere kane fake kaae daalu, betere bete ątóró ereteiné, diã ą beterepaae walapó. Mo so whinėta, ai kane fake hąle ęla kaae taae fatepa, Kótóné ama ti be tętere kane fake wisipóló, ą tokó sóró kae beteralépó. <sup>5</sup> Atęrapa, whiné mo be tętu dere kaae, diã Kótóné ama ala eratere be daalópóló, diąkélé ai kane fake kaae ereteiné, ą beterepaae wóló, ai ti betere kane fake tómó olekeyóló tętu beteropó. Aita, whiné kelené keletere be meitei, Kótóné mo kae tęne momatere be daalu, diã fea ama kae beteró betere momaratere faketéró aleró beteropó. Atęró, diã Yesu Kerisoné fotokęratepa, so whiné mo ęla Talepaae hąle mótu dere kaae, Dęi Kepe Wisiné dą tuąpaae eratepa, dąnémo Talené doi hale horóló, ama ala erótua dapó. Ai alarape Kótóné kilitu, mo wisirapóló ą doasi hękesetu beteropó. <sup>6</sup> Ti noatępae, asę tuãmó Talené i fo dapó.

“Ę betere be hulua Saion-mó be tęyaai fótukuróló kane fake wisinaale yąlotei fopeyóló sókó sóró i mulatapa kelae.

Mępaae so whię detamo ąpaae tuę tiki tiró betępa, ti ai so whię hale dere alakélé mo yaalomeipó,” erapó.

<sup>7</sup> Tuę tiki tiró betere so whię diąnéta, ai kane fake wisinaale mo doasi bete mulapó, dua dapó. Tępatei, tuę tiki tirénire so whięmó kisipa mutu, i fo asęrapó.

“Be tętere whięrapené dorapóló hąle ęla kaae taae farale kane faketei, be tęyaaire kane fake wisinaale alée felepó,” erapó.

<sup>8</sup> Me fo i ape.

“Ai kane fakené whię kotóo sóró, dęe nalóo, dua dapó,” erapó.

Atęró dęe nokole alata, hąle mei, Kótóné ama fo wisi wosóló sya feni dereteiné, atima dęe nukua dapó. Aita, hąle mei, Kótóné i ala yaalopóló, ere fo dokonóturaalu dapó.

<sup>9</sup> Atima ai ala erapa, diã take di- liki tuãmó betereitei taaróló, mo kae ere dę wisinaale tuãmó betaai ape yale sekęné doi hale horópóló, diã ama sókósu yóló kae beteró beteropó. Tęru, diã tęteróló kaae tare topo whię Yesuné tuę mole ala eróturaalu, momaratere so whię betóo, ama kae betere tęteróló kaae tare ala tuãmó so whię betóo, Kótóné mo ama so whiętóró betóo, erapó. <sup>10</sup> Taketa, diã Kótóné so whię bitinitei, mió ama so whiętóró betóo, take Kótóné diã kęleyóló tao sinitei, mió ama kęleturaalu, tao sóo, erapó.

<sup>11</sup> Yąlo mo hosaa mole no nerape- ó, diã i haemó uké wale so whię kaae betęrapa, tó tikiné ekęleyóló du betere dowi ala yaqsóró, tika kae betae yóló, diąpaae mo dirii ma fo i dere ape. Ti ai dowi alanéta, diaaą tiki tuãmó betere kepetei só deróló dorótu beteropó. <sup>12</sup> Diã i haemó mo so whiętamo hosekényóló ai betęrapa, mo wisi alatóró erótu betae. Mo hąle betere so whięné diã dowi ala dapóló ai só derótu betere ape. Ai fo du betere so whię atima diąné dere wisi ala kilitu, kisipa feteyóló Talepaae wapa, Kótó dą beterepaae wale sukamó atętere so whięnéitei, ama doi doasi munaalo ai ape.

*Doasi topo whięró tęteróló kaae whięrapętamó aqmó betae*

<sup>13-14</sup> Ti Tale ąta, fea ala amatóró tęteró betęrapa, diã ama doi sóró horaai, i haemó mępaae kae kae ala tęteróló kaae tanópóló sóró beteró

betere wh̄rape aq̄mó betó muae. Téru, t̄eteróló kaae tare topo wh̄i aq̄mókélé betóo, ai sek̄éné dotonateremepaae ala t̄eteróló kaae tare wh̄irape aq̄mókélé betóo, yae. Ti ai wh̄irapeta, dowi ala du betere so wh̄imó dowi kwia melóo, wisi ala du betere so wh̄i ti dukiróo yópóló, sóró betero betera. <sup>15</sup> Ti noatepae, Kótóné ama kispánéta, diaaḡ du betere wisi alanétei, ai topo dore wh̄irapené diḡ só deróturaalu du betere h̄oko forape alurópóló kispamutapó. <sup>16</sup> Ti diḡta, dowi alané dokóló *dipula* kaae betero bitini, h̄ale betere wh̄i ai betera, atérótóro betae. Atéro h̄ale betera. <sup>17</sup> So wh̄i feapaae fo ó mepaae alarape erótu, atima mo wh̄ipóló kispamuóló, mo donoi alatóro erótu betae. Atéturaalu, diḡ fea betḡ alatóro iru, kispamutapó. <sup>18</sup> Tépetei, me wh̄i ama yale dowi alamó ḡ fokosói ala depakélé h̄ale beleté fu betera. <sup>19</sup> Ti noatepae, me wh̄i dowi alakélé inipatei, mené ḡ fokosói ala depa, ai sek̄ei alané ḡ só deréni, Kótó mo betera. <sup>20</sup> Tépetei, me wh̄i ama yale dowi alamó ḡ fokosói ala depakélé h̄ale beleté fu betera. <sup>21</sup> Diḡ Talené

sóró horótu betae. <sup>18</sup> Wae sóró kutó diratere so wh̄i-ó, diḡ t̄eteróló kaae tare wh̄irapené dere fo wosóló, atima aq̄mó betó muae. Naameyóló mo dua bitu, wisi ala dere wh̄irape aq̄mó maaté bitini, mepaae deteraa ere wh̄irape aq̄mókélé dua betae. <sup>19</sup> Ti noatepae, me wh̄i dowi alakélé inipatei, mené ḡ fokosói ala depa, ai sek̄ei alané ḡ só deréni, Kótó mo betera. <sup>20</sup> Tépetei, me wh̄i ama yale dowi alamó ḡ fokosói ala depakélé h̄ale beleté fu betera. <sup>21</sup> Diḡ Talené

ḡ beterepaae ape yaletaita, ai ala yaasepóló yalepó. Ti noatepae, ama yale ala diḡné kolóló suróló yópóló kispamutu, diḡ tao suraalu Keriso ḡ doasi sek̄e salepó. <sup>22</sup> Aq̄mó kispamutu i fo as̄erapó.

“Aḡta, dowi ala mo betakélé ini yóo, so wh̄i dilikóló kapala fo sawakélé ini yóo, yalepó,” erapó.

<sup>23</sup> Atimané ḡ só deróló mo dowi faletere ala depatei, amamo atimapaee tokó matere ala mo inipó. Aḡ doasi sek̄e suraalu, diaaḡ epaae etei kaae ala eralemó, yḡlo diḡpaae tokó mótu, i ala eraalopó fo inipó. Tokó matere ala taalaturaalu, mo donoyóló talere sek̄éné ḡ kaae tawópóló, ama betere bete Kótóné ama naase tuḡmó mulalepó. <sup>24</sup> Dḡné dowi ala yaai mutere kispata, ti wh̄i mo sukutu dere kaae sukóo, Talené mo donoi ala yaairaaalu, ti wh̄i mo biture kaae betóo, yópóló, dḡné dowi ala ama tikimó sóró, ḡ filipaa ni tómó sukalepó. Téturaalu, ama tikimó kae kae susupu saleteiné, dowi alané diḡ sukunaa yale ala mo ti kemeró betera. <sup>25</sup> Ti diḡta, *sipsip* hupu fokó fu dere kaae, take diḡ kópaae feletei, mió diḡ momó ai hupu kaae tare wh̄i aq̄mó betaai, fesaae walepó. Ai sek̄e aḡta, diḡné kepe betekélé t̄eteróló kaae tare wh̄ipó.

### 3

#### *Dokore so wh̄ipaae dere ma fo*

<sup>1-2</sup> Atére kaae, wh̄iné dokore so-rape diḡkélé diaaḡ wh̄irape aq̄mó betae. Ti noa ala yaai meipó. Diḡ dokore wh̄irape mekó Talené fo wosóló tuḡ tiki tirénipa, diaaḡtei i ala yae yóló s̄e yaḡse. Tényi, diḡné dere ala me alatamo hosekényóo, Tale mo betera. <sup>3</sup> Mepaae so wh̄iné, diḡ sorape diaaḡ tó tikimó ere au kilitu, mo kokḡrapó

yǫpóló tó tiki maaté aurótu betaqse. Kae kae ɔlané diǻné topo niki dokóo, *kold kapané aleyale* naase bi ó depa dere meleke ó oleratere kao ó doasi *moniné* duputere kuti wisinaale horóo deretei, doasi bete mole nisyóló atei kaae ɔla ɔlané aurótu betaqse. <sup>4</sup> Téní, diǻ kokǫ yǫpóló dere auta, ti mo hosaa tuǻmó erǫpóló yae. Ti aita, naameyóló mó dua betere ala naao kepe tuǻmó epa Kótóné kilituraalu, ita mo bete mole kokǫi au erapóló kisipa mutapó. Ti atei kaae kokǫi auta, doyóló alu deté feni, mo ti yó tawaalopó. <sup>5</sup> Take mo kae beteró betere sorapekélé nalo Kótóné atimapaee wisi ala eraalopóló kisipa mutu, atei kaae kokǫi au dua ipakalepó. <sup>6</sup> Ti Serané oma Abraham-paae ǻ tǻteróló kaae tare whǻ-ó yóló, oma aǫmó bitu yale kaae, mepaae mo kae beteró betere sorapekélé, atimané whǻ aǫmó bitipakalepó. Sera ǻ atéró oma aǫmó bitu yale kaae, diǻ wiyóló furu furu ini, wisi alatóró eraté fu betepa, ti Serané ama senaalerapetóró ai betere ape.

<sup>7</sup> Diǻ so dokore whǻrape-ó, sorapepaae yale fo kaae, diǻpaaekélé i dere ape. Diǻ diaaǫ sotamo betǻmó bitu, sota whǻtamo suni bérápóló kisipa mutu, tao sóró wisi ala maaté erótua yae. Ti noatepae, naao so diaamo wusuró Talené hamokoróló hǻle matere mo ti betere bete saaireteiné, diaamoné momatere ala me alané seséyaǫsóró, ma fo i dere ape.

*Mepaae sekǻi ala eratepa tokǫ meni, wisi ala betǻ erótu betae*

<sup>8</sup> Kemerótu dere ma fo me i ape. Me ɔlamó arale sóró huri dere ala ini, diǻ fea mo betǻ tuǻ muóló, dua betó muae. Atéru, me whǻ hamoma sekǻ supa, ó dekené sukutepa, ti diaaǫ hosaamókélé suraalu, kǫle yóló tao sae. Tétu, diǻtei deróló mo dua bitu, no netamo yaala sókó fu betae. <sup>9</sup> Menétamo diǻpaae dowi ala eratepa, diaaǫmo atimapaee tokǫ

melaqse. Ti noatepae, Talené ama wisiratere ala diǻné sópóló kisipa mutu, ǻ beterepaae ape yalepó. Atérapa, mené diǻ eratere fo depakélé tokǫ meni, Talepaae atimatei wisirae fotei yae. <sup>10</sup> Ti noatepae, “Diǻ mepaae so whǻ de wisiyóló hǻsetamo bitiré faai depa, ti ai so ó whǻ ama dere dowi foró kapala fotamo ini, kisipa tekeyóló mo hotowaró betenérápó.

<sup>11</sup> Tériu, dowi ala yaaire tuǻpaae feni, woleyóló wisi ala maaté du bitu, hosaa muni deyóló mo dua betae. Aita, mo doasi topo alapa, Talené diǻ tuǻpaae erǫpóló, ketekǻ butu betae.

<sup>12</sup> Ti noatepae, donoi ala du betere so whǻta, Talené wisi kisi-patamo kaae tawóo, atimané dere momakélé wosóo, dua dapó. Tǻpatei, mepaae so whǻiné du betere dowi alamó Kótó ǻ felé inipa, ama atima sisópaae erótua dapó,” erapó.

<sup>13</sup> Diaaǫ wisi ala yaai ketekǻ bupa, ti né diǻ doraaloé? <sup>14</sup> Tǻpatei, diaaǫ mo donoi ala deremótei, mené diǻpaae sekǻi ala eratepa, me ɔla meipó, Talené dǻ wisiró beterapó kisipa muae. Ti aǻmó i fo erapó. “Atima me sekǻi ala kolóló witeretei diǻné kilitu, ai alamó diǻ wiyaqse,” erapó.

<sup>15</sup> Téní, diaaǫ hosaa tuǻmó Keriso ǻta, dǻ tǻteróló kaae tare Talepóló, diǻ ǻ aǫmó sukóló betae. Atépa, mepaae whǻiné diǻpaae woseturaalu, take nalo wisi ala kelaalopóló suka fea hǻtu betere-a, noa betené de? depa, atimapaee tokǫ melaaire fo donoróló tawae. Atimané atéró wosetere fo tokǫ móturaalu, ǻkélé Talené aleyóló beteró beterapóló kisipa mutu, naameiné mo dua yae. <sup>16</sup> Ti noa yǫpóló meipó. Diǻ Keriso tuǻmó bitu, du betere wisi ala mepaae whǻiné kilitu, dei tuǻ muóló diǻ só deraalotei, nalo atimané yale ala kisipa duraalu, hǫko ala yalepóló atima haleyaalopó. Até yǫpóló diaaǫ

hosaa tuamó me ala dekaaporóló muni, mo wisi tuétamo mo alatóróti erótu betae. <sup>17</sup> Diã dowi ala deremó sekę supa, aita dukiraterere ala meipó. Kótóné ama kisipa mole ala wisi erateremó diãpaae sekę ala eratepa, ti wisirapóló kisipa muae. <sup>18</sup> Ti noatepae, donoi ala initere so whjné dowi ala kwia tokóló aluraairaalu, kale donoi ala dere sekę Keriso ą mo betą félitóró sukąletei, momó kae sukąalomeipó. ą atéró sukąleteita, diã dapesó fóló, Kótótamo betąmó beteraai yalepó. ą sukópóló dele alata, ti mo hae whj tiki daayóló betepa daletei, momó kepaayóló beteraleteita, ti mo kepené dere ala tuamó kepaaralepó. <sup>19</sup> ąkélé kepetóró bitu, kepené dere ala sya fóló, kale *dipula* beteró betere keperapepaae fo yó melale felepó. <sup>20</sup> Ti ai keperapeta, Noané nuku aleyale sukamó Kótóné fo tikitu betepa, ama atima hapale kwia matere ala ini, dua kaae taté fu bitipakalepó. Ai alimó betale so whj mo fea wejné aluróló, 8-ró so whj maaté hasókó fóló, wejné sóró kutu betepa atima aluyaqsóró, Kótóné tao serapó. <sup>21</sup> Ti take Noa betale alimó, wejné so whj aluraleteita, dą mió i alimó Yesu tuamó wej tóputere so whj aluyaqsóró, Kótóné tao saaire alapaae dó faróló erapó. Ti wej tóputere alata, tó tikimó ere bólu fokaai dumitei, dąné hosaa tuamó mole tuę tiki Kótóné ama keletómó mo wisirapó yópóló, dąle mulótu beterapó. Ti Yesu Keriso ą kepaayóló betereiteiné diã aluyaqsóró tao su beterapó. <sup>22</sup> Ai sekę ą hepenpaae fóló, Kótóné turu naase demó betepa, *ensel*-rapekélé, mepaae ala tęteróló kaae tare doasi doi mole keperapekélé, doasi fotokę bole keperapekélé fea ą aqmó sukóló betó mulapó.

#### 4

*Sekę ala wapakélé Talené ala betą hąle erótu betae*

<sup>1</sup> Tęrapa, Keriso ą mo hae whj tiki daayóló bitu, doasi sekę ala serapa, diąkélé ama muale tuę kaaetóró muóló siki siki yóló betae. Ti noatepae, mepaae whj sekę ala supa, ti ama du betale dowi ala momó kae enénipó. <sup>2</sup> Ai sekę ala sale whj i haemó hąle bituraalu, tó tikiné ekęlere dowi ala yaai kisipa muni, Kótóné kisipa mole ala eraa bitiré faalopó. <sup>3</sup> Ti noatepae, diã take Kótóné fo woseni hąle betale sukamó, mo hąle betere so whj atima kisipané yaaitere ala sya fóló du betale kaae diaąkélé du betalepó. Ti atei ala diaą sýmó yalepa, mió mo ti taalae. Ti hąle betere so whjné dere alarapeta, i ape. Hąkeamó mo sonaaiei nópu nokole alakélé, au nokole alakélé, wej dekéró nóló dere dowi alakélé, touróló ęla deteremó ęlaró wejtamo dekéró nokole alatamokélé, hąle hęko du betere kae kae dowi alakélé, kuturaalu hęko deté kotere dowi alakélé, bete muni sonaaiei kapala kótópaae moma dere alakélé, fea deté fu beterapó. <sup>4</sup> Atima beteró betere sere ęla ęlatamo hąle hęko sonaaiei ala du betereiteiné, hąle besekérótua dapó. Ai ala diąnékélé tokóló initepa, atimané diã faleyóló kae kae eraterere forape mo dekéró du beterapó. <sup>5</sup> Ti ai ala du betere so whj taleyaaire ala hasókó feni, mió betere so whjró sukąle so whjtamo taleyaaie donoró betere sekęné taleturaalu, atimapaee diąné yale ala fea yae depa, me alakó hiraaire tų muni, mo fea hąkeamó enérapó. <sup>6</sup> Atére betené, sukąle so whj atima sukąai hąle betepatei, mené kale fo wisi atimapaee yó malepó. Ti aita hąle mei, i haemó tó tikiné dere ala sya fóló, taletu betere so whj taleyóló só deróo, kepené dere ala tuamó betepa, Kótóné ama taletere ala atimapaee eraleteiné mo betóo yaalopó.

<sup>7</sup> Mió i haemó mole alarape fea kemetere be dę felekemó sókó waai



dapó. Térapa, Talepaae momatere ala mo wisiyóló yaasepóló diaaḡ kisipa mo diriyóló bitu, tó tikiné yaaitere ala yaqsóro mo hotowaró t̄t̄teróló kaae tawae. <sup>8</sup> Fea ala t̄t̄teró betere doasi topo ala i ape. Diaaḡ hosaa mo turóné diḡsisi yaala sókó fu betae. Ti noatepae, yaala sókó fole alanéta, fea dowi ala munire aḡróló husiratapó. <sup>9</sup> Diaaḡ bepaae wale uké wh̄rape dape suraalu me fo ini, mo wisi kisipatamo dape sae. <sup>10</sup> Diḡ feané kae kae wisi ala erópóló, Kótóné diḡ h̄le matere ala wisi séle séle dokḡralepó. Atérapa, Kótóné yaḡpaae noa alakó eró betepa, ti naaomo h̄le hamokoróló matere ala taaréni, so wh̄i mo wisiyóló tao sóro erótua yae. <sup>11</sup> Mepaae wh̄inétamo, Kótóné fo yó mótu betepa, h̄le h̄ko fotamo touréni, Kótóné ama mo fotóro kutirimó mulóló, mo hotowaró yó mótu betae. Mepaae wh̄inétamo Kótóné so wh̄i tao saai depa, ti Kótóné ḡ matere fotokḡné tao sóro erótua enérápó. Ti aita, diaaḡ kae kae du betere ala fea mepaae so wh̄iné kilituraalu, ita Yesu Kerisoné yale alané erapóló Kótóné doi hale sóro horópóló dapó. Ti ḡta, mo kae ere d̄ wisinaaleró doasi fotokḡtamo bole Talepa, ama doi hale horóló suka fea mo ti muó tanópóló yae. Mo kée. T̄yópóló yae.

*Kerisopaae erale sek̄i ala kaae, yaḡpaaekélé eratepa kilita sókó faḡse*

<sup>12</sup> Yaḡlo h̄osaa mole no nerape-ó, me wh̄iné diḡpaae susupui ala eratepa, aita diḡné tué tiki tiró betereitei k̄ae kilitu dere alapa, kisi ala nisiyóló diḡ kilita sókó faḡse. <sup>13</sup> T̄ni, take Kerisopaae erale sek̄i ala kaaetóro, mió diḡpaaekélé ai er- atapa, mo kée yóló h̄ainé sukutu betae. Ti noa ala yaai mei, take nalo Keriso wale sukamó, ama kae ere d̄ wisinaale h̄akearatepa kilitu, mo kée yóló doasi h̄ainé sukḡalopóló kisipa mutu dapó. <sup>14</sup> Kerisoné doi diaaḡ tikimó dakeró betereiteiné, mené diḡ faleyóló eratere fo depa, Talené

ya wisiró betepapóló kisipa muae. Ti noatepae, Kótóné mo kae ere d̄ wisinaale faane Kepe Wisi diḡ tuḡmó betero betepapó. <sup>15</sup> T̄patei, diḡkó me wh̄inétamo wh̄i dóló suku- natere ala ó, ḡlémi nokole ala ó, kaae tare wh̄irapené fo tukóló kae kae dere dowi ala ó, mené dere ala fasóló deremó diḡpaae sek̄i ala eratepa, aita Keriso so wh̄iné dere ala meipóló haleturaalu wi yae. <sup>16</sup> T̄patei, Kerisoné ala erótu betereiné, mené diḡpaae sek̄i ala eratepa, hale yaḡse. T̄ni, diaaḡ tikimó Kerisoné doi moleteiné dapa, Kótóné doi betḡ hale sóro horótu betae. <sup>17</sup> Ti noatepae, d̄ Kótóné ama naale senaale bitu du betere ala tale yaaire be d̄ kaae sere aḡrapó. Ama taleyóló kwia matere ala kaae suraalu d̄paaepi eróló, nalo kemerótu ti Kótóné ama fo woseni, dowḡae fóló tikitu betere so wh̄ipaae, mo doasi sek̄i ala eraalo meipóló kisipa mute? <sup>18</sup> I fo erapó.

“Donoi so wh̄itamo sek̄i ala su betepa, Talené ama tao saaire ala hapólupa, ti Kótóné fo woseni, dowḡae fóló dowi ala yó tare so wh̄i tao saaire ala mo doasi hapólunipóló kisipa mute?” erapó.

<sup>19</sup> Térapa, Kótóné ama kisipa mole ala erateremó, sek̄i ala su betere so wh̄i diḡ kaaróló betereitei sek̄iné ama diḡ tao saalopóló kisipa mutu, ḡpaae tué tiróló wisi ala betḡ yó tanérápó.

## 5

*So wh̄i kaae tare wh̄i disiraperó teyó wh̄irapetamopaae dere fo*

<sup>1</sup> Diḡ tuḡmó betere so wh̄i t̄t̄teróló kaae tare wh̄i disirapepaae dirii ma fo i dapa wosae. Ḳkélé diḡ ere kaae, so wh̄i t̄t̄teróló kaae tare wh̄i disi bitu, Kerisopaae erale sek̄i ala yaḡlo kelené mo kelaleteti, so wh̄ipaae yó mótu betepapó. Atéru, Kótóné ama kae ere d̄ wisinaale so wh̄iné kolópóló h̄akearatere be demó, ḡkélé ai d̄ wisinaale saaire wh̄i bitu,

diapaae dere ma fo i dapa wosae. <sup>2</sup> Kótóné ama so whi teteróló kaae tawae yóló diá sóró ai betero betera, ai so whi me ala yaqsóro mo hotowayóló kaae tawae. Me whiné diapaae i ala yae yóló setere fo woseni, Kótóné ama kisipané diaa qópóló ere ala betá tué muóló, wisi kisipatamo erótu betae. Doasi *moni* saai dapóló ekele dere ala ini, so whi hale tao saaire keteké betá bulu du betae. <sup>3</sup> Talené diapaae kaae tawae ere so whi kaae taru, diá doasi topo whi aqyóló kaae tani, mepaae Keriso so whiné diaa du betere wisi ala kolóló diá sya wópóló, wisi ala diaa qpi kaae sóró yae. <sup>4</sup> Atéro betepa, Kótóné *sipsip* hupu kaae tare topo whi á sókó wouraalu, Kótóné ama kae ere de faane doi mole topo tao diámó matepa saalo ai ape. Ti ai kokoi au wisinaale ere topo tao dokélé ini, mo ti muó tawaalopó.

<sup>5</sup> Diá teó whirape-ó, kale whi disirape Tale aqmó sukóló biture kaae, diákélé ai whi disi aqmó betae. So whi diasisi u teterótu i teterótu ini, naameyóló dua betere ala kuti kaae deróló betae. Ti noatepae, asemó i fo erapó.

“Mepaae bopé faketerere so whiné yaaitere ala Kótóné ama sesé yóo,  
naameyóló dua betere so whi ti ama hamokoróló tao sóo, dua dapó,” erapó.

<sup>6</sup> Térapa, Kótóné ama kisipa mole sukamó diá tao sóró dukirópóló, ama fotokóné teteróló betere aqmó naameyóló mo dua betae. <sup>7</sup> Diáta, Kótóné hosaa mole naale senaale betereiné, ama diá mo wisiyóló kaae tarapa, diaa ené yóló whaalia du betere sekéi ala fea ama wisi eraté fu beterópóló apaae melae.

<sup>8</sup> Diaa tó tikiné du betere ala hotowaró teteróló kaae taru, kele diriyóló betae. Kale whi dó nokole bete haq *laiyon*-né whi dóló naai keketé kutu dere kaae, diané bóe whi Satan-né diá doraaire tú keketé kutu betere-

apó. <sup>9</sup> Ai sekéné ama kisipa mole ala diapaae eraqsóro, wisiyóló kaae taru, Talepaae tué tiki tiró betere alané dirii tipi kaae yae. Ti noatepae, ai kaae sekéta, diapaae maaté mei, i hae kwia feamó betó mole diané no nerapekélé betá kaae sekétóro su betereitei diaa kisipa muae.

<sup>10</sup> Ti diá Yesu Keriso tuámó betepa, Kótóné ama hamokoróló tao sere ala, mo dekéro erótu betera. Ai ala du betere Kótóné kae ere de wisinaale tuámó betaasepóló, diá ape yalepó. Sawa sukamó diá mepaae seké siré fu betepa, atéyale sekéné diá haepaae derepéni diriyóló beterópóló, amatóro diá fotokó bulóló, mo ti suraalopó. <sup>11</sup> Ti áta, mo doasi fotokó bole Tale betera, so whi feané á dukiratere ala hale yó tanópóló yae. Mo kée. Teyópóló yae.

#### *Mo kemeróturaalu kqleó dere fo*

<sup>12</sup> Yalo kisipané Sailas áta yalo mo no bitu, Talené ala eró tare whi wisipó. Atéru, ama é tao supa, yalo diapaae mo halekeróló aseyalopó. Yalo ai yale aseta, Kótóné hamokoróló tao sere ala diané tué yópóló yó melóo, Talené ala erópóló keteké bulóo yalepó. Teyalepa, Diá ama ai hamokoróló tao sere ala tuámó diriyóló betae.

<sup>13</sup> Talené sókó su yóló diátamo betámó betero betere no nerape atima Babilon be huluamó bitu, diapaae kqleó dapó. Yesuné yale ala tuámó yalo naale sutóro betere whi Mark-nékélé diapaae kqleó dapó. <sup>14</sup> Diasisi yaala sókó furaalu, kqleó yóló aputu betae. Talené hosaa muni deyóló dua betere ala Keriso tuámó betó mole so whi diá fea tuámó mulópóló yae.

## 2 Pita

<sup>1</sup> I așeta, Yesu Kerisoné ama kutó dirópóló doteyale *apotel* whi Saimon Pitané dapó. Yesu Keriso ața mo Kótótóro bitu, ța aluyașóro tao su betere whipó. Téro, ama ere mo donoi ala sya furaalu, mo doasi ke bole betã kaae kisipa tiki tiratere ala țamókélé, diãmókélé matepa salepó.

<sup>2</sup> Kótóro ța țeteróló kaae tare whi Yesutamo diriyóló kisipa dereteiné, atimaamoné erótu betere hamokoróló țale tao sere alaró hosaa muni deyóló dua betere alatamo mo turó ța tuãmó mulópóló yae.

*Kótóné ța beterepaae ape ere fo diriyóló kisipa muae*

<sup>3</sup> Kótó sya fóló ama ala eróturaalu, fea ala yãã yașóro ama doasi fotokóné țapaae mo șuró beterapó. Ti aita, ama kae ere țaró wisi alatamo țaanu, țapaae ape yale seké ța kisipa deté fole betené su beterapó. <sup>4</sup> Ai doasi fotokó i ala țapaae eróturaalu, etei kaae bete mole alarape țapaaekélé eraalopóló muló beterapó. Ai eraalopóló ere fo wosóló, țané tuș tiki tiratepa, ti Kótó ța tuãmó ere ala wisinaaletóro țapaae tokó melóo, i haemó betó mole so whirapené ekęle yóló hoko du betere sonalei dowi ala țapaae tokó meni yóo, yaalopó.

<sup>5</sup> Atéro doasi ala ere betené, diaaq tuș tiki tiró betere ala tómó beleróló wisi ala mo ketekę buóló du betae. Ai wisi ala tómó, Talené ama bete mole fo diriyóló tuș yae. <sup>6</sup> Ai ala tómó, tó tikiné ekęlere ala yașóro țeteróló kaae tawae. Ai ala tómó, sekę ala wapakélé țale beletétóro fu betae. Ai ala tómó, Kótó tuãmó ere ala wisi șuróló du betae. <sup>7</sup> Ai ala tómó, diaaq ne no koleturaalu, hosaa muóló betae. Ai ala tómó, mepaae so whi kolené sukóló hosaa mo turóné yaala sókó fu betae. <sup>8</sup> Ti ai

alarape ța tuãmó muluraalu fakeraté fu betepa, ti ța țeteróló kaae tare whi Yesu Keriso tuș deté faalopó. Atéruraalu, ța țale bitini, Talené ala eraté fóló, ța tuãmó mo du wisi woleyaalopó. <sup>9</sup> Tépatei, mepaae whi tuãmó ai alarape munipa, ti mepaae bete mole ala ama diriyóló kilini, kele dilikirapó. Atéro, ama take yale dowi ala Talené fokóló kemeró betteretei kisipani, mo ti kisipa keteró betterapó.

<sup>10</sup> Atérapa yalo no nerape-ó, dița Kótóné ama sókó su yóló ța beterepaae ape yale so whitamo betãmó biturapa, diaaqtei hotowayóló kelae. Ti noatepae, diaaq ai alarapetamo deté fu betepa, ti ța dée nóló haepaae derepéni, mo diriyóló bitiré faalopó. <sup>11</sup> Atéro bitiré furaalu, ța aluyașóro tao sale whi Yesu Kerisoné ama mo ti mole ala țeteróló kaae tare tuãmó ța beterópóló, ama mo hękesetamo wisiyóló dape saalopó.

*Kótóné kóló whirapené așere fo*

<sup>12</sup> Kale bete mole mo fo diãné wosóló diriyóló tuș yóo, diãpaae yae yóló bope yale alarapekélé diaaq tuș yóo epatei, kisipa keteni tuș yó tanópóló diãpaae yaairetei ę hõni, țale yó tawaalopó. <sup>13</sup> ę sukãairaaalu kapala asiri haemó i daale mo tikita, kuti be fisikaai kapala asiri țenure kaae, ę i haemó kapala beterapó. ę sukãai țale bitutei, yalo i bope yale alarape diaaq kutiri tuãmó țale muó tanópóló momó du momó du deretei, mo dono dapóló kisipa mutapó. <sup>14</sup> Ti noatepae, ța țeteróló kaae tare whi Yesu Kerisoné epaae yã betere kuti be mo felekemó fisikaai dapóló, hãkeamó yó maletei yalo kisiparapó. <sup>15</sup> Yalo mió i du betere forape ę sukțtikimó diãné kisipa keteni, tuș yó tanópóló ę doasi ketekę buluraalu, așéro fotamo diãpaae i du betere ape.

<sup>16</sup> Ti ța țeteróló kaae tare whi Yesu Keriso ța doasi fotokõtamo waalopóló, țané diãpaae yó melale

fota dāné kekeme nóló hāle dolāa fo kaae inipó. Ama mo kae ere ala wisinaaletóro dāné kelené mo kelaletēi diāpaae yalepó. <sup>17</sup> Ti Alima Kótóné ama mo kae ere dē wisinaale tuāmó naalema betepa kolóló, i fo yalepó. “Āta, yało hosaa mo turó mole naale ai ape. Ama du betere alamó ę mo doasi hękesené sukutu beterapó,” erapó. Alimané ai fo yaletēiné, ą tuāmó mo kae ere dē hąkearóturaalu, ą doasi doi mulatere ala yalepó. <sup>18</sup> Ai fota, ama kae ere hasi fosómó dā Yesutamo bituraalu, hepen bemó Kótóné ai fo deretei mo dānétóro wosalepó.

<sup>19</sup> Ai hasi fosómó yale fo wose-turaalu, take betale Kótóné kóló whįrapené yale fo Yesu tuāmó mo dokonatapóló dāné mo diriyóló kisi-parapó. Diliki tuāmó dęró betere są dęyó taru ere kaae, diaaą kisipa ai kóló whįrapené ere fopaaetóro muló bitu, diāné hosaa tuāmó be dęyó hotu dere kaae yóo, hįka dęyó tare hęre kolóo yaaipatei, ti ai eró betere alapaaetóro kelené kikéyóló kaae tapa mo wisirapó. <sup>20</sup> Ai deté wale forape tómó, me doasi bete mole dirii fokélé i dapa wosae. Kótóné ama kóló whįrapené yale fo asę tuāmó molete, atima kisipané kekeme nóló inipó. <sup>21</sup> Atimané yale fota, mo whįné kisipa sya furaalu kaaróló ini, Dęi Kepe Wisiné kale kóló whįrape fotokęratepa, so whįpaae Kótóné fo i ape yóló yó maaté kweyalepó.

## 2

*Kemeratere be dęmó so whį dilikóló kępaae falatere whįrape mo ti dowi kwia saalopó*

<sup>1</sup> Téyalete, atéyale alimó Kótóné fo yó matere kóló whįrape nisi yópóló kapala fo yó matere kóló whįrapekélé beterepó. Téyale kaae, mió dią tuāmókélé atéro kapala fo yó matere whįrape betaalopó. Ai whįrapené Talené fo yó matere aqyóló, so whį dilikóló doraaire fotei yó melaalo ai ape. Téturaalu, atima

dupu yale sekéné atima tęteróló kaae tapatei, atima Talené dupu yóló tęteróló kaae tanipó yaalo ai ape. Atétere betené atima kwia móturaalu, dóló aluraaire tu atimanéte, aletu beterapó. <sup>2</sup> Atimané ai du betere mo sonaalei ala dią mepaae so whįné sya fóló yaalo ai ape. Atéremó, mepaae belamó hāle betere so whįné mo bete mole fo sya fole ala faleyaalopó. <sup>3</sup> Atéro kapala fo yó mótu betere whįrapené diaaą ęla ęla saairaalu, dią dilikóló kapala seraai fo atimanéte, kekeme nóló yaalo ai ape. Atimané atei kaae yale dowi alamó, atima fea só deróló mo ti doraairaalu Tale ą noke fini, kwia melaai ama taketi taleyóló muló beterapó.

<sup>4</sup> Ti noatepae, *ensel*-rapekélé dowi ala depa Kótóné kęle duraalu bokó sini, dowi kwia saaire dolopaae taae deralepó. Aita hāle mei, Talené ama taleyaaire be dę sókó waai teópa kaae taru, dowi diliki tuāmó bitiré fu beterópoló, mo apaae derepale osono dolomó *dipula* beteró beterapó. <sup>5</sup> Mo take betale so whįrapekélé, Kótóné kęle duraalu dowi kwia matere ala bokó sóró taarénipó. Kótóné ama mo donoi ala i ape yóló yó mótu betale seké Noaró mepaae węikeró so whįtamo betą Kótóné tao sipa kalepó. Téyalete, ai so whįné Kótóné fo wosóló sya feni dowęae fu betepa, Kótóné mo doasi węi anóló so whį fea doróló alurélipakalepó. <sup>6</sup> Atéro bitiré fóló, nalo Kótóné Sodom be huluaró Komora be huluatamo siné doló kemeróló, kili alée faralepó. Kótóné ai ala eraleteita, nalo betaaire so whįnékélé ama fo wosóló sya feni dowęae fu betepa, atei kaae kwia melaalopóló tuę yópóló eralepó. <sup>7</sup> Téyalete, Sodom be huluamó betó mole so whį Kótóné dóló aluróturaalu, Lot sinaęsóró ama tao salepó. Ti Lot āta, mo donoi whį bitu, ātamo betó mole so whįné kae kae du betere sonaalei dowi alaró Talené fo woseni tikitu betere



alatamo kilituraalu, ʔ hasekʔa kisipa mutu felé yóló bitinipó. <sup>8</sup> Ti ʔtamo betó mole so whjné yaʔse ere fo tukóló, dowi ala dó mió yóló hʔle yó tapa kolóo, dowi fokélé wosóo du betaleteiné, mo donoi ala du betale whj Lot ʔ felé kisipa muni, ama hosaa tuʔmó deletamo bitiré fu betalepó. <sup>9</sup> Até yale ala kilituraalu, dowi ala du betere so whj Kótóné kwia melóo, ama ala erótu betere so whj sekʔi alané só deraʔsóró tao sóo, dere ala Tale ʔ mo asaru mo donotóró dua dapó. Atéró kwia matere ala taaréni, hʔle yó taté fóló ama taletere be demó sókó faalopó. <sup>10</sup> Ti ama kwia matere alata, mepaae dowi ala yaai ekʔle du betere so whjró Talené ama tʔteróló kaae tare aʔmó betere hʔyóló dowʔae fu betere so whjʔtamo, ti Talené mo doasi hapólui ala erótu betaalopó. Ai ala du betere so whjrape mo halaainé atima bopé fakeyóló nene duraalu, Talené ama kae ere de ʔʔane *ensel*-rape faletu beteraʔpó.

<sup>11</sup> Téʔatei, *ensel*-rapené bole fotokʔné ai kapala fo yó mótu betere whjrapené bole fotokʔ tʔteró beteraʔpó. Atére *ensel*-rape Kótóné keletómó mo kae ere de ʔʔane sekʔrape faleyóló só derótimpó. <sup>12</sup> Ai kapala ala yó matere whjrapené mole tuʔ tikita, mo whjné mole tuʔ tiki kaae muni, mepaae betere ʔla hupu ó haʔ atima tuʔ muni hʔle hʔko betó mole kaae, ai whjrapekéle atérapó. Ti na huputa, whjné dóló nʔpóló Talené aleyóló betero beteraʔpó. Ai whjrapené i kale sekʔrapené bole doasi fotokʔ bete tuʔ iniruraalu, atima Tale doka doka yóló eratere fo dua dapó. Whjné hʔle hʔko betó mole ʔla naró huputamó dóló nuku dere kaae, ai ala du betere whjrape Kótóné dóló aluraalopó.

<sup>13</sup> Aita mepaae so whj do-rale alamó, Kótóné atima kwia melaalopó. Atimané tó tikimó feléyaaire dowi ala ekʔleyóló, be deʔtamotei hʔkeamó du beteraʔpó.

Atéró du betere alané, diʔtamo touyóló bitu ʔla deyóló nokole sukamó, diaaʔ doiró du betere wisi alaʔtamo folokoleróló dorótu beteraʔpó. <sup>14</sup> Ai so whjrape atima nópu naaire tuʔ muluraalu, me so ó whj kelené kolóló au nukua dapó. Atei kaae dowi ala ekʔleyóló du betereitei mo kemekélé ini, hʔle yó tarapó. Mepaae whj wisi ala yaaire tuʔ meiyóló, bére so whj dowi ala yʔpóló, atimané ʔlisóró fua dapó. Mepaae so whj dilikóló wisi wisi ʔla sua yaleteiné ai ala atima mo asarapó. Ai ala du betere whjrape ti Talené mo doróló mokoraairaaalu, tukóló muló beteraʔpó. <sup>15</sup> Ai whjrapeta, kale Beor naalema Balam dowi hʔko ala duraalu doasi *moni* saai ekʔle du yale kaae, atimakélé donoi tuʔ taaróló kʔpaae felepó. <sup>16</sup> Ti Balam ʔ tuʔ tuʔmó keyaa fole whj kaae fu betepa, ʔ faʔsóró sesé duraalu, ama *donki* hupunéitei mo whjné fo kaae yóló ʔ foné sipakalepó. Atéyaleteita, Balam-né ama yale dowi ala hʔkearótu yalepó.

<sup>17</sup> Ti ai whjrapené du betere alata, mo fole weʔi dikʔtu dere kaae yóo, dirii suka dere alimó sʔko dilikitepa hali waai dapóló whjrape hʔseke yóo du betepatei, beséné hali kaepaae sóro fu dere kaae atimané dere alakélé atérapó. Atétu betere whjrape atima diliki tuʔmó mo ti betó tanʔpóló, Talené tukóló muló beteraʔpó. <sup>18</sup> Ai whjrape atima me bete munipatei, wisi ala dapóló atimatei doi sóro horóló, bopé faketu beteraʔpó. Kapala ala tuʔmó betó mole so whjʔtamo touyóló betaleitei, mo dótitoró ai ala taaróló wale so whj tó tikiné ekʔlere ala sya fóló dowi ala yʔpóló, ai whjrapené atima kapala dilikóló ʔlisó fulapó. <sup>19</sup> Ai whjrapené mo so whjpaee dané dere fotamó diaaʔ wosóló sya fupa, ti diʔ mené kutó diratere so whj betaalo meipó du beteraʔpó. Ai fo du betere whjrape atimatei, mo sonaalei dowi alané wae sóro kutó diratere whj

beteró beterapó. Mepaae whıtamo me alané ą teteróló kaae taru ąlısóró kutu betepa, ti ą ai alané wae kutó diratere whı ai betere ape. <sup>20</sup> Tėru, mepaae so whı i haemó mole mo sonaalei dowi alané dokóló muló betepa, ą aluyaqsóró taosóró teteróló kaae tare whı Yesu Keriso tuę yaletėné, atima teraayóló ąle beteralepó. Atėretei taaróló, take du betale dowi alapaae momótamo fesaae fupa, ti mió betere alané take betale ala teteróló ą mo ti dorótu beterapó. <sup>21</sup> Mepaae so whı Talené ala eróturaalu, donoi tu sya feni ąle ąko betepa, ti dorapó. Tėpatei, mepaae so whıpaae Kótóné ama yae yóló kae muló betere fo wisi mené atimapaae yó matepa tuę yóló, donoi tu sya feletei taalóo, kale fo wisikélé ąle ąla kaae taae falóo depa, ti ai so whı atima betere ala mo turó dorótu beterapó. <sup>22</sup> Ai so whıné du betere alata, i mara mole fo tamoné sųratapó. “Yuwiné ama soraatei momó nukua dapó,” Me i fokélé erapó. “Hupu biki biki epa mené ą wėi fokoteretei momó fesaae fóló biki biki dua dapó,” erapó.

### 3

#### *Tale waaire be de*

<sup>1</sup> ąlo mo hosaa mole no nerape-ó, mió ąlo diąpaae tamo dakeróló i aų dere ape. Folosóró yale aųró mió i dere aųtamota, diąné kutiri tuąmó wisi ala yaaire tuę ąle muó tanópóló, diaą kisipa disiróturaalu, dapó. <sup>2</sup> Ti ąle meipó. Kótóné take mo kae beterale kóló whırapené yale foró, ą alu yaqsóró tao sóró teteróló kaae tare sekėné ama *aposel* whırapepaae yae yóló yó melale fotamo, diaą kisipa keterėni, tuę yó tanópóló dapó.

<sup>3</sup> ąlo diąpaae folosóró dere fota, nalo kemetere alimó tó tikiné du betere dowi ala sya furaalu, Tale faletu betere so whı wóló, Talené ala eratere so whı faleyaalopó. <sup>4</sup> Tėturaalu, atimané etei kaae fo

yaalo ai ape. “ą waalopóló, tukóló muló betere fo-a metėli yaaloé? ąné ayarape sukąle alimótei kaae sóró wóló, Kótóné ama kaarale ąla ąla fea me ala kae ini, kale alatóró ąle erapó,” yaalopó. <sup>5</sup> Tėpatei, folosóró Kótóné ama foné sųró haetamo kaarėlipakalepó. Kótóné hae aleturaalu, wėi tuąmó hae sókó holae depa, wėi betąpaae maane fóló, hae sókó holipakalepó. <sup>6</sup> Ai alimó ere hae tikiró ąla ąlatamo fea Talené ama fonėtei belere wėi anóló dorae depa, mo dorėlipakalepó. Ai yale ala fea atimané tuęrutei, dowąae fóló ai fo sisópaae erótu beterapó. <sup>7</sup> Ti Kótóné ama ąla ąla kaarale fonėtei, mió i alimó ere sųró haetamokélé siné doló aluraalopóló tukóló muló beterapó. Tėtu, Kótó tuęni ąróló betó mole so whıkéle, Talené taleyóló kwia mótu siné doló aluraaire be de sókó wópóló, ąla ąla kaarótu yale kaae, ai fonétóró ąle mulóló, kaae tarapó.

<sup>8</sup> Tėrapa, ąlo hosaa mole no nerape-ó, i ala betą kisipa keterėni, diaą kutiri tuąmó muó tanópóló yae. Talené ala eróturaalu, 1,000 ba fo kolósu, betą be de kolósu depa, me ala kae ini, mo betą alatóró erapó. Kótóné ama keletepa 1,000 ba fota, betą be de kaae aųrapó. <sup>9</sup> Mepaae so whıné kisipanėta, Talené ama eraalopó yóló mulatere ala kese kese dere nisi dapó. Ti ąta atéro kese kese dumi, so whı mo betąkókélé aluyaqsóró kisipa mutu, diaą du betere dowi ala taaróló, fea ą beterepaae wópóló, ama dua kaae taté fu beterapó.

<sup>10</sup> Tėretei, Tale ą momó fesaae waaire be deąta, ąlėmi nokole whı wou dere kaae yaalo ai ape. Sųró sųmó yó mole ąlatamo aluróturaalu, doasi be sapalaa hale kaae yóo, haeró haemó yó mole ąla ąlatamo fea siné doló kemeróo, yaalopó. Tėturaalu, i haemó yó mole ąlakélé fea siné doló kemeróló, hae tiki mo ąlėraalopó. <sup>11</sup> Ti ąla ąla feata

atéró aluraalopa, diã noa kaae so whi betaai kisipa mute? Ti diãta, Kótóné ama mo kae beteró betere so whi ereteiné ama ala erótu betepa mo wisirapó. <sup>12</sup> Diã atéró mo kaae so whi bitu, Kótóné tukóló muló betere be dę kelenée yóló ketekę butu betere alané, Tale waaire be dę hapale felekeratapó. Atétere be dęmó, sãmó ere ęlaró i haemó yó mole dirii ęla ęlatamo, mepaae siné doló węi kaae alée faraalopó. <sup>13</sup> Téyaalotei dãta, Talené ama haeró sãtamo kisi kae aleyaalopó ere fo tuę muturaalu, ai donoi ala mole be kelaai dapóló ketekętamó kaae taté fu beterapó.

<sup>14</sup> Atérapa, yãlo hosaa mole no nerape-ó, diãta ai alarape kelaai kaae tarapa, Tale tuãmó bitu, me só deraaire ala ó haletere ala ini, ama bóe firó betereteiné, ętamó betãmó betaai kisipa mutu, ketekę buóló mo dua betae. <sup>15</sup> So whi atimané du betere dowi ala taaróló, Tale ę beterepaae wópóló ama kaae taté fu betereteita hãle mei, so whi aluyaęsóró tao saairaalu kaae tarapó, kisipa muae. Ti i fo kaae, dãné hosaa mole no Pol-paae Kótóné fosó fosói kisipa matepa amakélé asęrapó. <sup>16</sup> Pol-né so whipaae dotonale asęmó me fo kae ini, yãlo i du betere fo kaaetóró erapó. Ama yale asęrape tuãmó mepaae ere fo bete tuę yaaire mo hapólurapó. Mepaae mo kóló kólóre so whiró Talené ala tuãmó diriyóló bitinire so whitamóné, Kótóné mepaae asę tuãmó ere fo węrótu dere kaae, Pol-né asęre fokélé atimané bete tokóló donotóró yó meni, węrótu beterapó. Atétere alané atimatei doraaire tu aletu beterapó.

<sup>17</sup> Térapa, yãlo hosaa mole no nerape-ó, i ala yaalopóló bope yale ala diaaę wosóló ai tuęrapa, Kótóné tukóló muló betere fo aqmó bitinire so whi kópaae fu betere alané diã ęlisóró faęsóró, mo hotowaró kaae tawae. Ti noa yaęsóró meipó. Diã Kótóné ama bete mole ala tuãmó mo

diriyóló beteretei taaróló, haepaae derepaęsóró dapó. <sup>18</sup> Tépatei, dã aluyaęsóró tao sóró tęteróló kaae tare whi Yesu Kerisoné hamokoróló hãle tao sere alaró ę kisipa deté fole alatamo diã tuãmó mo ti fakeraté fu betae. Mió i betere alimókélé, take betaaire alimókélé, ama doi hãle muó tanópóló, sóró horótu betae! Mo kée, téyópóló yae!

## 1 Jon

### *Mo ti betere bete mole fo*

<sup>1</sup> Mo take keké naale alimótei kaae sóró bitiré wale whi, diápaae hakearóló i dere ape. Ai whiné ama dere fo dané mo wosóo, kelenékélé mo kolóo, dané wisiyóló fopeyóló naasenékélé olaa yóo, yalepó. Dané i dere fota, ai mo ti betere fo bole whi Yesu diá kóló kóló yaqsóro hakearóló dapó. <sup>2</sup> Ai kale mo ti betere bete áta, Alimatamo betóló dá beterepaae hakearóló sókó wapa, dané mo kelalepó. Atéro hakearale wapa dané kelale mo ti betere bete á i ape yóló, dané mió diápaae yó i matere ape. <sup>3</sup> Diákélé dątamó betá kisipa mutu dere ala fea touyóló yaai dané kelale alaró wosale fotamo yó i matere ape. Até du betere alata, ti dąsisi maaté bitu ini, Alimaró Naalema Yesu Kerisotamokélé dá fea touyóló, betá kisipa mutu dere ala du beterepó. <sup>4</sup> Dané i asę dereteita, haį dere ala dá tuámó mo ti fąayópóló du beterepó.

### *Talené ama ere dę tuámótóro betae*

<sup>5</sup> Ama dąpaae yó male fo diápaae hakearóló i dapa wosae. Kótó áta mo dętóro fąanuraalu, á tuámó diliki ere ala mo sawakélé munipó. <sup>6</sup> Dą diliki tuámó bitutei, haį foné maaté dąta Kótótamo mo betá kisipa mutu, dere alarape du beterepó depata, ti kale mo fo bete dané hosaa tuámó muniruraalu kapala fo du beterepó. <sup>7</sup> Tépaitei, Yesu á Talené dę tuámó biture kaae, dąkélé ai dę tuámó betepa, ti ne notamo mo betá kisi-patóro mutu, dere ala fea du beterepó. Atétepa, ama Naalema Yesu Kerisoné fąkené dané dowi ala fea fokóló aluró beterepó.

<sup>8</sup> Dané duraalutamo dá tuámó dowi ala me munipó depata, ti kale mo fo dá tuámó muniruraalu dątei ai dilikitu betere ape. <sup>9</sup> Dané

yale dowi alatamo kemerae yóló Kótópaae hakeamó yó matepa, ti ama eraalopó ere fo hasókó feni, ama mo donoi ala sya furaalu, dané du betere dowi ala tokóló aluraalopó. Téturaalu, dá fea dowi alatamo hosekéro betaqsóro, ama fokóló mo ti aluraté fu betaalopó. <sup>10</sup> Dané duraalutamo, dąta dowi ala mekélé munire so whi beterepó depata, ti Kótó á kapala fo bole sekę aqratapó. Atétere alané Kótóné ama mo fo dá tuámó sóró mulalénipó.

## 2

<sup>1</sup> Yalo hosaa mo turó mole naale senaale-ó, diá me dowi ala yaqsóro kisipa mutu, asę i dere ape. Tépaitei, whi me detamo dowi ala depata, ti ai dowi alané dá só deraqsóro, mo donoi ala du betere whi Yesu Kerisoné, tao sere fo ama Alima Kótópaae du beterepó. <sup>2</sup> Dané du betere dowi alamó Kótó á fopaae butu, melaai yale kwia dąpaae melaqsóro sesé duraalu, Yesuné ama tikimó seróló á sukálepó. Atére alata, dané du betere dowi ala maaté sóró aluraai initei, i hae kwiamó betó mole so whiné dowi alakélé tokóló kemeraai yalepó.

<sup>3</sup> Dané ama ere fo wosóló sya fu betepa, ti Yesu Keriso á mo diriyóló kisiparapóló tuę mutapó. <sup>4</sup> Whi me dené duraalu, yalo á mo wisiyóló kisiparapó du bitutei, Kótóné ere fo wisiyóló sya feni depata, ti kapala fo du betereiteiné kale mo bete mole fo ai whi tuámó munipó. <sup>5</sup> Tépaitei, me whi dené Kótóné ama fo sya fóló eró tapata, ti atétere whi tuámó Kótóné ama yaala sókó fole ala fąayóló mo sųró beterepó. <sup>6</sup> Dą á tuámó betere ala etéro kęae kolóló kisipa enérapó. Whi me dené duraalu, áta Kótó tuámó beterepó depata, ti ai whiné ama dere alakélé Yesuné yale ala kaaetóro enérapó.

<sup>7</sup> Yalo hosaa mole no nerape-ó, yalo diápaae yae yóló i asętere fota, kisi fo kae dumipó. Mo take kaae sale alimótei, Kótóné yae yóló muló



betepa diaaḡ woseté wale fotórótípó. Ti ai yóló muló betere fota, take dāné diāpaae yó matepa, diaaḡ woseté walepó. <sup>8</sup> Tépatēi, Kótóné yae yóló muló betere kisi fo yaḡo diāpaae i aṣe dere ape. Ti ai yae yóló dere foné du ḡ tuāmó muóo, diḡ tuāmókélé muóo epa so whīrapené kilitu, aita mo alapó enérápó. Ti noatepae, doasi dē sókó wóló dēró betereiteiné diliki kemeraté fu beterapó.

<sup>9</sup> Whī me dené ḡta dē tuāmó beterepó du bitutei, ama Keriso no ne hōróló bōe du betepata, ti ai whī ḡ diliki tuāmó hāle ai betere ape. <sup>10</sup> Whī me dené ama ne nopaae yaala sókó fole ala mupa, ti ai whī ḡ dē tuāmó betereiteiné me alané ḡ dée nalatere ala mo enénípó. <sup>11</sup> Téretei, whī me de ama no ne hamoma hōróló bōe du betepa, ti ai whī ḡ diliki tuāmó bitu ḡ kotere alakélé, diliki tuāmótóró kutu beterapó. Atéreteiné ḡ kotere tiki ama kelené kelenénípó.

<sup>12</sup> Yaḡo hosaa mole naale senaale-ó, diaaḡ yale dowi ala fea Yesuné ama yale alané hāle sóró kemeró beterepóló diāpaae aṣe i dere ape.

<sup>13</sup> Ayarape-ó, mo take keké nale alimó hāle betó tare seké diaaḡ kisiparapóló yaḡo diāpaae aṣe i dere ape.

Diḡ teó whīrape-ó, dowi Satan-tamo bōe dóló Talené fotokōné diaaḡ ḡ tēteró betepa, yaḡo diāpaae i aṣe dere ape.

Yaḡo hosaa mole naale senaale-ó, Aya diḡné kisipareiteiné yaḡo diāpaae i aṣe dere ape. <sup>14</sup> Ayarape-ó, mo take kaae sale alimó hāle betere seké diḡné kisipareiteiné yaḡo diāpaae aṣe i dere ape.

Teó whīrape-ó, diḡ doasi fotokō buóo, diḡ tuāmó Kótóné fo muóo, diḡné dowi Satan doló tēteróo, ereteiné yaḡo diāpaae aṣe dapó.

*Haemó mole ḡla ó alapaae hosaa muóló yaala sókó fu betaḡse ere fo*

<sup>15</sup> I haemó mole ḡla ḡlapaae ó dere alarapepaae hekesetu hosaa mo turó mutu betaḡse. Whī me detamo ai ala du betepa, ti atétere whī tuāmó Aya Kótóné yaala sókó fole ala munipó. <sup>16</sup> Ti noatepae, i haemó mole alarape i ape. Whīrapené ekḡleyóló du betere dowi alakélé, kelené kolóló au nokole alakélé, mepaae du betere alaró ḡla ḡlatamo mole doasi néli whīpóló bopé faketu betere alakélé, fea Aya betereimó kaayóló wómitei, i haemó kaaróló du beterepó. <sup>17</sup> I haeró haemó muó mole ḡlakó senée yóló ekḡle dere alatamota keme yaalotei, Kótóné ama kisipa mole ala sya fóló erótu betere so whīta sukókélé ini, mo ti hāle betó tawaalopó.

*Kerisotamo bōe dóló kapala fo yó matere whī waalopóló ere fo*

<sup>18</sup> Yaḡo hosaa mole naale senaale-ó, mió dḡ mo kemetere sukamó beterepóló kḡae kolóló kisipa yaaitere ala i ape. Kale Kerisotamo bōe dele whīrape wou beterepó dere fo diaaḡ wosalepó. Ti ai whīrapeta, mió wóló i betere ape. Atétere ala kilituraalu, kale kemetere suka felekemó walapóló kisipa muaalopó.

<sup>19</sup> Ai whīrape atima take dḡtamo betaletēi, dḡ taaróló fele beteta, dḡ fake meiru yalepó. Motamo dḡ faketóro uḡsóró, ti dḡtamo fea betḡmó betó mulapó. Té uḡtei, atima dḡ taaróló fele betené atima mo betḡ whīkókélé dḡkó meipóló hḡkearalepó.

<sup>20</sup> Tépatēi diḡta, dowi ala mo betḡkélé munire whī Yesu Kerisoné ama so whīpóló Dēi Kepené dḡle muló betereiteiné kale mo foné bete diḡ feané ai kisipare ape. <sup>21</sup> Yaḡo diāpaae i dere aṣeta, kale mo foné bete diḡ kisipanipóló dumipó. Tépatēi, ai fo diaaḡ mo turó kisipa yóo, ai fo tuāmó kapala fo mo sawakélé buni yóo, eretei diaaḡ kisipa epa dapó. <sup>22</sup> Doasi kapala fo du betere whī de? Yesuta, Kótóné so whī tēteróló kaae tare whī meipóló bōe du betere whīpó. Atétere

wh̄jta, Alima Kótóró Naalema Yesu Kerisotamo bitinipóló faletu betere wh̄j ai ape. <sup>23</sup> Wh̄j me dené Naalema bitinipóló sisópaae eratapata, ti Alimakélé bitinipóló sisópaae eratapó. Mepaae wh̄j denétamo Naalema mo beteropóló kisipa tiratepa, ti atétere wh̄jné Alimakélé mo beteropóló kisipa tiratapó.

<sup>24</sup> Térapa, mo take kaae sale alimótei, diaaḡ woseté wale fo diḡ tuḡmó muó tanópóló yae. Ai fo diḡ tuḡmó muó tapa, ti diḡ Naalemaró Alimatamo tuḡmó betó tawaalo ai ape. <sup>25</sup> Ai ala tuḡmó betepa, ama dāpaae mo eraalopóló ere fo i ape. Sukutere alakélé ini, mo ti betó tawaalopó erapó.

<sup>26</sup> Yālo i dere aḡeta, diḡ dée nalaaairaalu, kópaae ḡlisóró fu betere wh̄jrapené du betere ala diaaḡ kisipa yópóló i dere ape. <sup>27</sup> Diḡ tuḡmóta, Dēi Kepe Wisi taketi betero betereiteiné, diḡ yó melaaire wh̄j me kae yaḡanipó. Ti noatepae, kale Dēi Kepe Wisiné fea ala bete diḡpaae yó mótu beteropó. Ai Dēi Kepe Wisiné diḡ tuḡmó ai eró betere dāleta kapala mei, mo ti eró betepa, ama diḡpaae yó matere fo sya furaalu, Yesu Keriso tuḡmó betó tawae.

### *Kótóné naale senaalepó ere fo*

<sup>28</sup> Térapa, yālo hosaa mole naale senaale-ó, Yesu Keriso fesaae wale sukamó dā hale dere ala ini, halainé betepa kolópólópa, diḡ Yesu Keriso tuḡmó betere ala hāle yó tawae.

<sup>29</sup> Diaaḡ kisipané Yesu Keriso ḡta, donoi ala du betere wh̄j wisinaale beteropó kisipa mutupa, ti mepaae so wh̄jné du betere wisi ala kilituraalu, ita Kótóné naale senaale beteropóló kisipa muae.

## 3

<sup>1</sup> Dāta, Kótóné ama naale senaale ereiteiné, Aya Kótóné dāpaae mo doasi yaala sókó fale ala muluraalu erapa kelere! Ai fo ereiteiné dā mo ama naale senaaletóró i betere ape. I haemó betó mole so wh̄jné Kótó

tuḡnireiteiné atima dākéle tuḡnipó.

<sup>2</sup> Yālo hosaa mole no nerape-ó, dāta Kótóné mo ama naale senaaletóró beteropó. Take nalopaae dā noa kaae so wh̄j betaaloró mió dā kisipanipó. Téplatei, ḡ sókó wale sukamó mió ere ala kaaetóró yóló wapa dāné kelaaireiteiné, dākéle ḡ kaaetóró alée fóló betaalopóló kisipa mutapó. <sup>3</sup> Take nalopaae atei ala mo yaalopóló, Yesupaae kisipa tiki tiratere so wh̄j feata, Yesu ḡ me dowi alatamo hoseké inire wh̄j wisi biture kaae, atimakélé dowi alatamo hoseké inire so wh̄j betaairaalu, atimanétei taletu beteropó.

<sup>4</sup> Mepaae so wh̄j de dowi ala du betepa, ti yaḡse yóló Kótóné tukóló muló betere fo tikitu beteropó. Ti dowi alanéta, Kótóné tukóló muló betere fo munire aḡratapó. <sup>5</sup> So wh̄jné du betere dowi ala tokóló aluraai Yesu Keriso waleteti diaaḡ ai kisipare ape. Ti ḡta, dowi ala mo sawakélé munire wh̄jipó. <sup>6</sup> So wh̄j de Yesu Keriso tuḡmó betepa, ti atére so wh̄j dowi ala du betaalo meipó. Mepaae so wh̄j de dowi ala hāle deté fu betepa, ti ai so wh̄jné ḡ kolókéle ini yóo, kisipakélé ini yóo, erapó.

<sup>7</sup> Yālo hosaa mole naale senaale-ó, mepaae wh̄jrapené diḡ dilikóló kópaae ḡlisó faḡsóró yae. Mepaae wh̄j de mo donoi ala du betepa, ti Yesu Keriso ḡ mo donoi wh̄j biture kaae, ai wh̄jkelé atéro beteropó. <sup>8</sup> Wh̄j me detamo dowi ala du betepa, ti Satan ḡ tuḡmó bitu yae depa du beteropó. Ti noatepae, take kaae sale alimótei Satan ḡ dowi ala bete tale bitu, so wh̄j dowi ala yópóló sesemeraté wou betalepó. Kótóné Naalema wale beteta, Satané ai du betere ala doraai walepó.

<sup>9</sup> Mepaae so wh̄j de Kótóné ama ala tuḡmó deyóló betero betepa, ti ai so wh̄j dowi ala deté faalo meipó. Ti Kótóné wisi ala kaaratere ke ḡ tuḡmó boleteiné me dowi yó tanénipó. Ti noatepae, Kótóné atima deyóló betero betereiteiné. <sup>10</sup> Ita Kótóné naale senaale ó Satan-né

naale senaalepóló k̄aae kolóló tué yaaitere ala i ape. Mepaae so wh̄i donoi ala initepa ó no nepaae yaala sókó fole ala initepa, ti atétere so wh̄i Kótóné naale senaale bitinipó.

*Ne notamo yaala sókó fu betae ere fo*

<sup>11</sup> Diaaḡ mo take kaae sale alimótei, kaae sóró woseté wale fo i ape. Ḍané ne no hamomatamo yaala sókó fole ala du betenérápó. <sup>12</sup> Kale wh̄i Kein ḡ dowi kepené yae dere ala sya furaalu, ama noma dóló sukunótu yale kaae, diaaḡkélé atei kaae ala yaḡse. Ti noa betené Kein-né ama noma dóló sukunaleé? Ama yale ala do yóo, nomané yale alamo dono yóo, yale betené no-matei dalepó. <sup>13</sup> Yḡlo no nerape-ó, i haemó betó mole so wh̄iné diḡ h̄óróló bóe dele ala depa, ai noa ala du dérópóló, diḡ kilita sókó faḡse. <sup>14</sup> Ḍaḡta, ne no hamomapaee yaala sókó fole ala du betereteiné sukutere ala tuḡmó betaletei taaróló, mo ti betere ala tuḡpaae fóló beterapóló kisipa muaalopó. Wh̄i me de yaala sókó fole ala initepa, ti atétere wh̄i sinitere ala tuḡmó h̄ale beterapó. <sup>15</sup> Wh̄i me dené ama no ne h̄óróló bóe dupa, ti atétere wh̄i ḡ wh̄i dele wh̄ipó. Wh̄i dele wh̄irape tuḡmóta, mo ti betere bete muniretei diaaḡ ai kisiipare ape.

<sup>16</sup> Yaala sókó fole alané bete Ḍané kisipa yaaire ala i ape. Yesu Kerisoné Ḍa tao suraalu, ama betere bete h̄ale melóló sukḡlepó. Até du yale kaae, Ḍanékelé Ḍané betere bete ne no tao suraalu h̄ale melóló sukunérápó. <sup>17</sup> Wh̄i me de fea ḡla s̄umó muluraa-lutei, ama no k̄letu mepaae yaḡyḡre ḡla taosóro meni depa, ti atétere wh̄i tuḡmó Kótóné yaala sókó fole ala nétéró muaaloé? <sup>18</sup> Yḡlo hosaa mole naale senaale-ó, Ḍané h̄ale tó k̄lóné ó foné maaté yaala sókó fole ala ini, hosaa tuḡmó mo alatóro muluraalu, me wh̄i tao sóró eraterere ala yaalopa sae. <sup>19-20</sup> Ḍanétamo ai ala

du betepa, ti Ḍa mo fo tuḡmó beterapóló kisipa yaalopó. Ḍa ḡsókó fole alané hosaa tuḡmó seḡné mo ti só deraḡsóro, ne nopaae yaala sókó fole ala depa Talené keletómó hosaa muni deyóló dua betere ala enérápó. Ti noatepae, Kótóné fea ala ama tué iruraalu, Ḍané hosaa tuḡmó mole seḡi alarape fea ama t̄eteró beterapó.

<sup>21</sup> Yḡlo hosaa mole no nerape-ó, Ḍané hosaa tuḡmó mutere kisipané Ḍa só derénitepa, ti Kótóné keletómó halaainé diriyóló daanérápó. <sup>22</sup> Ḍané ama yóló muló betere fo wosóló sya fóo, ama kisipa mole alakélé eróo, du betereteiné Ḍané mepaae yaḡyḡtere ḡla ḡpaae wosetepa, ti ama mo melaalopó. <sup>23</sup> Ama yae yóló muló betere fota i ape. Kótóné ama Naalema Yesu Kerisopaae kisipa tiki tiró bitu, Ḍané ne nopaae yaala sókó fu betepa, ti aita ama Ḍapaae yae yóló muló betere ala ai sya fole ape. <sup>24</sup> Mepaae wh̄i de Kótóné ama yae yóló muló betere fo sya fu betepa, ti atétere wh̄irape Kótó tuḡmó betóo, Kótó ḡkélé atima tuḡmó betóo, erapó. Tale Ḍa tuḡmó beterapóló tué dere alata, ama Ḍa tuḡmó beteralé Ḍei Kepe Wisiné yó matepa, Ḍané ḡ kisiipanérápó.

## 4

*Kótóné dotḡale Keperó kae keperapetamo k̄aae kolóló tué yaaitere ala*

<sup>1</sup> Yḡló hosaa mole no nerape-ó, kae kae keperape fea so wh̄i tuḡmó ai betó mulapa, ai keperapené dere fo wosóló mo dapóló kisipa tiki tiraḡse. Aténi, ai keperapeta Kótóné dotonatepa walepé wh̄i me kaené dotonatepa walerópóló mo wisiyóló k̄aae kolóló tale yae. Ti noatepae, Kótóné fo eraterere k̄lóló wh̄ipóló dilikitere wh̄irape i hae kwiamó mo dekéró wóló ai betó mole ape. <sup>2</sup> Kótóné dotonale Kepe méró k̄aae kolóló kisipa yaai dere alata, i ape. Mepaae wh̄irapené

duraalu, Yesu Keriso ąta, Kótótei mo whinė tiki daayóló walepó dere keperapeta, ti Kótóné dotonale Kepe ai ape. <sup>3</sup> Atépatei, Yesu Kerisota Kótótei mo whinė tiki daayóló wénipó dere keperapeta, ti Kótóné dotonale keperape meipó. Aita, Yesu Kerisotamo bóe dóló so whi dilikitere whinė keperape waalopó depa take diąné woseté waletei, mió i haepaae mo wóló ai betere ape.

<sup>4</sup> Yąło hosaa mole naale senaale-ó, diąta Kótóné ama deyóló beteró betere naale senaaletóró ai betere ape. Atéru, dią tuąmó betere Kepené bóe dóló ama bole fotokóné ai kapala fo du betere whįrape tuąmó betere keperape tẹteró beterapó. <sup>5</sup> Ti ai whįrape atimata, i haemó kaayóló bettereatiné atima kisipakélé i haemó mole kisipatóró mulapó. Atérené, haemó betó mole so whinėkélé atima dere fotoró wosóló sya fu beterapó. <sup>6</sup> Dąta, Kótó tuąmó kaayóló bettereatiné, mepaae Kótó kisipare so whinė ti dąné dere fo mopóló wosetu beterapó. Tépatei, Kótó tuąmó bitinire whįrapenéta, ti dąné dere fokélé mopóló wosetimipó. Ti ita mo fo dere Kepe Wisiró kapala fo dere kepetamo taleyóló kisipa yaai dere ala ai ape.

*Kótóné dąpaae yaala sókó fu dere kaae, dąnékélé mepaae so whįpaae yaala sókó fae*

<sup>7</sup> Yąło hosaa mole no nerape-ó, dąné ne notamo mo yaala sókó fole ala du betaalopa sae. Ti noatepae, yaala sókó fole alata, Kótó tuąmó kaayóló walapó. Ne nopaae yaala sókó fu betere so whi feata, ti Kótóné deóló beteró betere naale senaale bitu, Kótó mo diriyóló kisiparapó. <sup>8</sup> Mepaae whi de tuąmó yaala sókó fole ala munipa, ti atétere whinė Kótó mo tuęnipó. Ti noatepae, Kótó ąta yaala sókó fole ala bete ereteinépó. <sup>9</sup> Kótóné dąpaae yaala sókó fóló mole ala hąkearóturaalu, ere ala i ape. Dą ą tuąmó beterópóló, ama mo betą betere Naale i haepaae

wópóló dotęyalepó. <sup>10</sup> Kótóné ama yaala sókó fole alané bete i ape. Folosóró dąné Kótó ąpaae yaala sókó fole ala inipó. Ténitei, amapi dąpaae yaala sókó furaalu, dąné dowi ala kwia tokóló aluraai, ama Naalemané betere bete hąle melóló sukópóló, dotonalepó. <sup>11</sup> Yąło hosaa mole no nerape-ó, Kótóné amapi kaayóló dąpaae yaala sókó fole ala hąle yó tareteiné, dąnékélé ne notamo mo yaala sókó fole ala depa ti mo wisirapó. <sup>12</sup> Mo betą whinė Kótó kolókélé inipó. Ténitei, dąné ne nopaae yaala sókó fole alatamo du betepa, ti Kótó dą tuąmó bitu, ama yaala sókó fole alakélé dą tuąmó mo sųró beterapó.

<sup>13</sup> Ti ama Kepe Wisi dą tuąmó bettereatiné, Kótó ą dą tuąmó betóo, dą ą tuąmó betóo, erapóló dąné kisiparapó. <sup>14</sup> Alima Kótóné ama Naalema i hae kwiamó betó mole so whi aluyaqsóró, tao sere whi beterópóló dotonale ala dąné mo kelalepóló, hąkearóló so whįpaae i du betere ape. <sup>15</sup> Mepaae so whi denétamo Yesu Kerisota Kótóné naalemapóló diriyóló kisiparu, mepaae so whįpaae hąkeamó yó matepa, ti ai so whi Kótó tuąmó betóo, Kótókélé ai so whi tuąmó betóo erapó. <sup>16</sup> Atéru Kótóné dąpaae yaala sókó fole ala dąné tuęreatiné, ąpaae hosaa muóló tiró beterapó.

Ti Kótó ąta yaala sókó fole alané bete Tale beterapó. Whi me de yaala sókó fole ala tuąmó betepa, ti atétere whi Kótó tuąmó betóo, Kótó ąkélé ai whi tuąmó betóo, erapó. <sup>17</sup> Dą Kótó tuąmó atéro betepa, yaala sókó fole ala dą tuąmó mo turó fąayaalopó. Atéro bitu, take kemetere alimó fo tokóló taletepa dą wikélé ini, mo halaaainé daayaalopó. Ti noatepae, Yesu Keriso ą ama Alimané kisipa mole ala erótu betale kaae, dąkélé i haemó hąle bitu, Yesuné ama kisipa mole ala erótu bettereatiné dą ą kaaetóró beterapó. <sup>18</sup> Yaala sókó fole ala du betere so whi tuąmó witere ala mo sawakélé bunipó. Tépatei,



witere wh̄ita ama du betere alamó dowi kwia saalopóló kisipa mutu dapó. Ti atéro witere so wh̄i tuámó Kótóné yaala sókó fole ala f̄ani teórapó. Ai ala epatei, Kótóné yaala sókó fole ala f̄aturaalu, witere ala alurótu beteraapó.

<sup>19</sup> Folosóro Kótóné amapi d̄apaae yaala sókó faleteiné d̄ané āpaaekélé, ne nopaaekélé yaala sókó fu beteraapó. <sup>20</sup> Wh̄i mené duraalu, ā Kótópaae yaala sókó fu beteraapó du bitutei, ama no ne h̄oróló b̄oe du betepa, ti ā kapala fo dere wh̄i ai ape. Ti noatepae, wh̄i me dené ama kilitu betere no nepaae yaala sókó fole ala initepa, ti kelepaa kilinire Kótópaae yaala sókó fole ala mo enénipó. <sup>21</sup> Ti Kótóné d̄apaae yae yóló muló betere fo i ape. Kótópaae yaala sókó fu betere so wh̄inéta, no nepaaekélé yaala sókó fu betenéraapó.

## 5

### *Yesu Keriso Kótóné Naalemapóló kisipa tirae ere fo*

<sup>1</sup> Yesuta, Kótóné so wh̄i t̄eteróló kaae tare wh̄i Kerisopóló kisipa tiki tiratepa, ti atétere so wh̄ita, Kótóné deyóló betero beteraapó. Mepaae so wh̄i Alimapaae yaala sókó fole ala du betepa, ti atétere so wh̄iné ama naale senaalepaaekélé yaala sókó fu beteraapó. <sup>2</sup> D̄ané Kótó āpaae yaala sókó furaalu, ama yóló muló betere fo sya fu betepata, ti Kótóné ama naale senaalepaae yaala sókó fu beteraapóló d̄ané kisipa enéraapó. <sup>3</sup> Kótóné ama yóló muló betere fo sya fóló ai fo aqmó mo dua betere alata, ti Kótópaae yaala sókó fole alané bete ai ape. Ai fo sya foleitea, mo hapólunipó. <sup>4</sup> Ti noatepae, Kótóné deyóló betero betere naale senaalené i haemó mole alatamo b̄oe dóló t̄eteró beteraapó. Ti aita, Yesu Keriso mo beteraapóló d̄ané kisipa tiki tiró betereiteiné i haemó mole ala fea mo ti dóló t̄eteró ai betere ape. <sup>5</sup> Noa ala ere so wh̄iné i haemó mole alatamo b̄oe dóló t̄eteró betere?

Yesu Keriso āta, Kótóné Naalemapóló kisipa tiki tiróló betere so wh̄iné maaté ai ala t̄eteró beteraapó.

<sup>6</sup> Yesu āta Kótóné Naalemapóló h̄akearaterere alata, w̄eíró sameatamo tuámó walepó. Āta, mo w̄eí tuámó maaté w̄éni, samearó w̄eítamo tuámó walepó. Kale D̄ei Kepe Wisi ā mo foné bete betereiteiné, amakélé Yesu āta, Kótóné Naalemapóló yó mótu beteraapó. <sup>7</sup> Até yale alata, sore ɔlarapené etéro h̄akearóló yó matapó. <sup>8</sup> Kale D̄ei Kepenekélé, w̄eínékélé, sameanékélé, i sore ɔlarape atima feané mo bet̄a fotóró dua dapó. <sup>9</sup> Mo wh̄iné etei kaae ala depa kelalepóló dere fo d̄ané wosóló mo dapóló kisipa tirótua dapó. T̄epatei, Kótóné ama Naalené ere alamó kisipa mutu, h̄akearóló ere foné mo wh̄iné dere fo t̄eteróló teraae falapó. Ti noatepae, Kótóné āta, mo foné betereiteiné. <sup>10</sup> Kótóné Naalemapaae kisipa tiki tiró betere so wh̄iné hosaa tuámó, Kótóné ama h̄akearóló dere fo mopóló kisipa mutapó. T̄epatei, mepaae wh̄iné Kótóné dere fo wosóló tūe tiki tirénitepa, ti atétere so wh̄iné Kótó ā kapala fo bole seké aqrapó. Ti noatepae, Kótóné āta ama Naalepó, dere fo wosóló tūe tiki tirénitereteiné. <sup>11</sup> So wh̄i feané wosóló kisipa tiki tirópóló, Kótóné h̄akeamó ere ala i ape. Kótóné ama mo ti betere bete d̄a meló beteraapó. Ai ti betere beteta, ama Naalema tuámó mulapó. <sup>12</sup> Kótóné Naalema Yesu Kerisotamo bet̄amó titiyóló betere so wh̄ita, mo ti betere bete sóró tarapó. Ama Naalematamo titiyóló betenire so wh̄ita, mo ti betere bete sóró tanipó.

### *Yesu Kerisoné ala tuámó betae yóló mo kemerótu dere fo*

<sup>13</sup> Ȳalo i dere as̄eta, Kótóné Naalema Yesu Kerisoné doimó bitu, āpaae kisipa tiki tiró betere so wh̄ipaae mo ti betere bete d̄ané sóró tarapóló kisipa yaasepóló i dere ape. <sup>14</sup> D̄a witere ala ini, Kótó betere felekepaae fóló h̄alaainé wosaai dere

ala i ape. Də́nétamo ama kisipa mole ala eraai me ɔlakó kematepa, ti ama mo wosetua dapó. <sup>15</sup> Də́né wosetere ala ama mo matapóló kisipa tiratepa, ti ɔpaae noa ɔlakó wostepa ama melaalopó.

<sup>16</sup> Me whjné ama no netamo sukóló mo ti alu enénire dowi ala du betere keletepa, ti Kótóné ama betere bete melópoló Talepaae moma eranérapó. Yə́lo i dere fota, alu enénire dowi ala dere so whjmó kisipa mutu dapó. Tépaitei, mo ti sukutere tikipaae falaaire dowi alata, ti ama kae mulapó. Ai aluyaaire tikipaae faaire dowi ala dere so whjmó momarae yóló dumipó. <sup>17</sup> Kótóné yóló muló betere fo tikitere alata, ti ai dowi ala ai ape. Tépaitei, mepaae dowi alané so whj sukutere tikipaae ɔlisó fumipó.

<sup>18</sup> Kótóné deyóló beteró betere so whjta, dowi ala hə́le deté fumipóló də́né kisiparapó. Ti ai so whj me ala yaqsóró, Kótóné ama deyóló beteró betere Naalené mo wisiyóló kaae tareteiné, dowi kepené ɔ doranénipó. <sup>19</sup> Də́ta, Kótóné ama naale senaaletóró beteretei də́né kisiparapó. Tépaitei i haemó betó mole so whjró yó mole ɔla ɔlatamo dowi kepené tɛ́teróló kaae tare aqmó mulapó. <sup>20</sup> Kótóné Naalema Yesu Keriso i haepaae waleteti, də́ so whj feané ɔ tuəmó mole ala bete kisipa yóo, də́né Kótó ɔkélé mo alané betepóló kisipa yóo, yópoló waleteti də́né tuérapó. Də́ta, mo alané bete tale Naalema Yesu Keriso tuəmó beteraipó. ɔ́ta me kae mei, Kótótóro bitu, mo ti betere bete talepó.

<sup>21</sup> Yə́lo hosaa mole naale senaaletó, diə́ Kótó taaróló, i haemó kae kae betó mole kapala kótópaae faqsóró, mo wisiyóló kaae tawae.

## 2 Jon

<sup>1</sup> I dere așeta, Kótóné so wh̄i t̄eteróló kaae tare wh̄i disiné Talené sókó sóró kae beteró betere soró ama naale senaaletamopaae dapó. ̄ Talené mo ala tūamó bitu, yālo dīapaae yaala sókó fu beterapó. Ti ai alata, yālo maaté ini, mo fo bete tūere so wh̄inékélé bet̄a kaae alatóró du beterapó. <sup>2</sup> Ti noatepae, mo fo bete Tale miókélé d̄a tūamó bitu, take nalokélé hāle bitiré faaireteiné dīapaae yaala sókó fu beterapó.

<sup>3</sup> Atérapa, d̄a mo foró yaala sókó fole alatamo tūamó betepa, Alima Kótóró ama Naalema Yesu Kerisotamo tūamó kaaróló wale hamokoróló tao sere alakélé, k̄olené sukutere alakélé, hosaa muni deyóló dua betere alakélé, d̄a feapaae erópóló yae.

<sup>4</sup> Aya Kótóné d̄apaae erae yóló muló betere mo fo naao naale senaalené sya fóló erótu beterapó dere fo woseturaalu, ̄ mo doa hāiné sukutu beterapó. <sup>5</sup> Térapa, yālo hosaa mole so wisi-ó, yālo yāpaae duraalu ne no hamomatamo d̄a yaala sókó fole ala enérápóló i așetere ape. Ti ai yae yóló muló betere fota, kisi fo kae mei, mo take kaae sale alimótei woseté wale fotórópó. <sup>6</sup> Yaala sókó fole alané beteta i ape. Kótóné ama yóló muló betere fo aqmó bitu, sya fóló erótu betere alapó. Mo take kaae sale alimótei diaāq woseté wale foné duraalu, ne no hamomapaae yaala sókó fu betae erapó.

<sup>7</sup> Yesu Keriso i haepaae mo wh̄iné tiki daayóló wénipóló, so wh̄i dilikóló kapala fo yó matere wh̄irape mo turó i haemó s̄u ai ere ape. Atétere wh̄irape atimata, so wh̄i dilikóló Yesu Kerisotamo bóe ai dele ape.

<sup>8</sup> Atérapa, diaāq diale kutómó saaire dupu wisi aluni, turó saasepóló mo hotowayóló kaae tawóló betae.

<sup>9</sup> Mepaae wh̄i de so wh̄i t̄eteróló

kaae tare wh̄i Kerisoné yó matere fo taaróló, kae fo wosetepata, ti atétere wh̄i Kótómó bet̄amó bitinipó. Tépat̄ei, wh̄i me de Kerisoné yó matere fo mopóló wosóló eró tapa, ti até dere wh̄i Alimaró Nalematamo fea bet̄amó ai betere ape. <sup>10</sup> Mepaae wh̄itamo dīa beterepaae wóló mo fo yó meni, kae fo yó matepa, ti atétere wh̄i naao bepaae dape sere ala ó k̄leó dere fokélé yāq̄se. <sup>11</sup> Mepaae wh̄iné atétere wh̄i ama bepaae wisiyóló dape supata, ti ai wh̄iné ama du betere dowi ala yópóló, ketek̄e ai bulatere ape.

<sup>12</sup> Yālo dīapaae yaaire fo mo turó mupatei, naasené *fas*-mó aș̄ dere h̄t̄epa, taalatapó. Ti noatepae, ̄ dīa beterepaae wóló kelepaa k̄aetamo yóló bitu ekei fo depa, hāi dere ala d̄a tūamó mo fāayóló s̄urópóló kisipa mutu dapó.

<sup>13</sup> Kótóné sókó sóró kae beteró betere so naao hamané naale senaalené dīapaae k̄leó, dapó.

### 3 Jon

<sup>1</sup> I dere așeta, Keriso so wh̄i țeteróló kaae tare wh̄i disi mo fo tuamó bitu, yało hosaa muóló, yaala sókó fu betere no Kaius-paae dapó.

<sup>2</sup> Yało hosaa mole no-ó, yało yaámó Talepaae momarótu betere ala i ape. Naa kepe bete tuamó wisi ala irure kaae, naao tó tikimókélé me kisi daani, mo wisiyóló bitu, mepaae dere ala fea yópóló kisipa mutu, momarótu beterapó. <sup>3</sup> Mepaae Keriso norape ę beterepaae wóló, ya mo bete mole fo tuamó bitu, ai fotóró eraté fu beterapó dere fo wosaletiné, ę doasiné hajné sukutu beterapó.

<sup>4</sup> Yało naale senaale dī mo fo tuamó bitu, ai fo sya fóló erótu beterapó dere fo woseturaalu, dere hajné kae kae alamó dere haj mo bosené falapó.

<sup>5</sup> Yało hosaa mole no-ó, mepaae naao tuénire wh̄irapekélé, Talené ala eróturaalu, Keriso norapepóló tao su betere alata, mo wisirapó. <sup>6</sup> Ya tuamó yaala sókó fole ala mulu, ai wh̄irape wisiyóló dape sale fo atimané i betó mole Keriso so wh̄ipaae ene walepó. Térapa, me sukamókélé atéro Talené kutó diratere wh̄irape ya beterepaae wapa, Kótóné ama hamokoróló matere ala sya fóló, atimané yaȳa dere ęla șumó melóló, atima faaire tikipaae fópóló yae. Aita, mo wisi ala dapó. <sup>7</sup> Ti atima be taaróló, Talené doi eraté kotepa, Tale tuénire so wh̄iné atima ya ȳatere ęla tao sere alakélé inipó. <sup>8</sup> Atérapa, d̄a fea touyóló Talené mo bete mole fo eróturaalu, atei kaae wh̄irape mo wisiyóló dape sóró, tao sere ala depa mo wisirapó.

<sup>9</sup> Keriso so wh̄ipaaeta, fea fo așeyóló dotonaletéi, ai so wh̄i țeteróló kaae tawaai ekele du betere wh̄i Diotrepes-né d̄ané dere fo mopóló woseni, dowaae felepó. <sup>10</sup> Atérapa, ę aipaae wapa, ti ai

sekéné d̄ané doi doróló folokolerótu betere fo dīpaae yaalopó. Ai ala maaté mei, mepaae Keriso norapekélé wisiyóló dape sini yóo, mepaae wh̄iné dape saai kisipa mutupa, ti ai so wh̄i atima Keriso so wh̄itamo touyóló betașsóró h̄okó falóo, du beterapó.

<sup>11</sup> Yało hosaa mole no-ó, atei kaae dowi ala șuróló ini, mepaae dere wisi ala ti șuróló yae. Mepaae wh̄i de wisi ala du betepa, ti Kótóné ama wh̄itóro beterapó. Mepaae dowi ala du betere wh̄iné ti Kótó mo kolókélé inipó. <sup>12</sup> Demitrias-né du betere ala so wh̄i feané kilitu, ę mo wh̄i wisipó du beterapó. Kale mo fonékélé, ama wisi ala dapóló h̄akearótu beterapó. Ti ama dere ala d̄anékelé mo wisiyóló kolóló, mo bet̄a kaae fotóró dapó. D̄ané kelale ala dīpaae i deretei, motóro dapóló kisipa muae.

<sup>13</sup> Yało dīpaae yaai dere fo dekéro mupatei, așemó dere h̄otepa taalatapó. <sup>14</sup> Ti noatepae, ę dī beterepaae wóló, dītamo kelepa k̄aetamo yaai, mo felekemó waai kisipa mutapó.

Kótóné hosaa muni deyóló mo dua betere ala dī tuamó mulópóló yae. Imó betó mole ne norapénékelé dīpaae mo doa k̄leó dapó. Aimó betó mole no nerape atima dok̄ feapaae mo doa k̄leó, dapó yae.



## Jud

<sup>1</sup> I dere așeta, Yesu Kerisoné kutó diratere wh̄i Jems-né noma Jud-né dapó. Talené ă beterepaae ape yóló, Alima Kótóné hosaa muóló yaala sókó fóo, Yesu Kerisoné dapesene waai wisiyóló kaae tawóo, ere so wh̄ipaae dapó.

<sup>2</sup> Ti Kótóné k̄oleturaalu h̄ale tao sere alakélé, hosaa muni deyóló dua betere alakélé, yaala sókó fole alakélé, mo turó diă tuamó mulóppóló yae.

*Kótó h̄oraterere wh̄irapené dere alamó dowi tikipaae faaire ala*

<sup>3</sup> Yalo hosaa mole mole no nerape-ó, dă fea aluyașsóró Kótóné tao sere ala bete diăné tuę yóppóló, așeyaai ketekę bualepó. Téyaleteti, Talené ama kaae betero betere so wh̄ipaae tuę tiki tiratere fo mo wisiyóló kaae tawae yóló, mo betă félimótóró melalepó. Ai fo wisi tokóló aluróló mené kae fo depa, taalae yóló foné saasepóló i dere ape. <sup>4</sup> Ti noatepae, mepaae wh̄irape kikiti wóló diă kuamó betereiteiné dapó. Ai wh̄irape atimané mió ai du betere ala yaai teópa mo taketitei, Kótóné só deró betera póló așemó erapó. Ti atimata, Kótóné ala erénitere wh̄irape bitu, Kótóné hamokoróló tao sere ala h̄ale ęla așróló, nópu naaitere ala fo muni yae du betera póló. Atéturaalu, dă teteróló kaae tare mo doasi Tale Yesu Keriso betatóró betepatei, atima ă așmó betaalo h̄oróló ama doi doróló faletu betera póló.

<sup>5</sup> Mió yalo i yaaitere fo fea diaaș tuępatei, mo diriyóló tuę yaasepóló, momó i dapa wosae. Talené ama so wh̄i Isip hae kwiamó betepa, ama tao sóró dapesó waleteti, nalo ama dere fo wosóló tuę tiki tiréni yale so wh̄i mo ti dóló sisiraae faralepó. <sup>6</sup> Meta, Kótóné mepaae *ensel*-rapepaae kaae tawae yóló melale kutó taalóturaalu, atima betere tikikélé taaralepó.

Atétepa, atima Kótóné dirii *sein* képiné dokóló diliki tuamó mo ti *dipula* betero betera póló. Aita h̄ale mei, Talené ama taleyaaire doasi be de șókó wóppóló, kaae taru betero betera póló. <sup>7</sup> Meta, Sodom beró Komora betamokélé, ai be hulua tamo felekemó tę mole doasi be huluarapekélé, doró betereitei kisipa muae. Ai berape hulua mó betó mole so wh̄iné nópu nokole alaró kae kae sonaalei dowi alatamo mo dekéró h̄ale yó tapa, Talené kwia melalepó. Mió i alimó betere so wh̄iné ai yale ala tuę muóló, nalo waaire alimó Talené dowi kwia matere so wh̄i mo ti dó tare simó beteratepa, doasi dele saalopóló kisipa muóppóló erapó.

<sup>8</sup> Ai ala ere kaaetóró, yalo diăpaae yale kapala fo yó matere wh̄irape atima nokené i ala kelalepó du bitutei, nópu nokole alané atimané tikitei doróló folokoleróo, doasi teteróló kaae tare wh̄irape așmó bitini dowaae fóo, hepen bemó betere sekęrapekélé faleyoó, du betera póló. <sup>9</sup> Tétepatei, doasi topo *ensel* Maikel ă halaaainé Satan-paae etei kaae só deratere fo inipó. Moses-né tiki sini né saaloé yóló atimaamo seș seș yaleteti, Maikel-né Satan foné sóró só deréni, “Talené amatei yă foné sóró, só deróppóló yae,” fo betă erapó. <sup>10</sup> Topo *ensel*-né atei faletere fo dumitei, diă tuamó ai betó mole wh̄irape atima diriyóló tuę inire alarape fea faletu betera póló. Tétu, atima topo daanire ęla hupu ó yuwiné dere ala kaae, tó tikiiné ekęleyóló h̄ale h̄oko du betere ala atima mo wisiyóló kisiparu, dere alanéitei atima mo dorótu betera póló.

<sup>11</sup> Ai wh̄irape atima doló sukunaaire tuęni, h̄ale h̄oko du betere alata, Kein ă dowaae fóló noma du yale kaaetóró ai du betere ape. Kale wh̄i Balam ăkélé doasi *moni* saai ekęleyóló kôpaae fu yale kaae, ai wh̄irapekélé tuę tekeni, *moni* saai dapóló ekęle duraalu ai fele ape. Kale wh̄i Kora-kélé Kótóné sóró betera le topo wh̄i Moses

aqmó betere h́oyóló dow̄æae fupa, Talené atima doló alurótu yale kaae, ai wh̄irapekélé atéro doraalopó. Téyaalopa ai wh̄irape atima wiyó yae!

<sup>12</sup> Ai wh̄irape atima haleni, Keriso so wh̄i dīasisi yaala sókó furaalu, ɔla deyóló nokole sukamó atimakélé Keriso wh̄irapepóló halainé, dītamo ɔla betámó nukua dapó. Ai wh̄irape tūámóta, i ala kaae erapó. Tūmó kapo fosó ó ni serake kikití holó tare kaae, dī doraaire ala atima tūámó bulapó. Meta, *sipsip* hupu kaae tare wh̄irapené hupurape wisiyóló kaae tani, ɔla atima maaté nuku dere kaae ai wh̄irapené du betere ala atérápó. Hali waairaaalu, s̄ako diliki deretei halimo wéni, bes̄éné kae tikipaae só fu dere kaae dua dapó. Meta, ni du woletere alimó keler̄alemó, du betakélé woleni, ama felekekélé haepaae derepéni yóló h̄ale tómó beleru, kale ni mo ti sélitu dere kaae atimané dere alaró betere alatamo atérápó. <sup>13</sup> Meta, doasi w̄ei dokole sukamó dakeró ɔla ɔla holopetamo sóró wóló w̄ei fókum mulótu dere kaae, mo sonané yóló halei alatei, atima mo halainé du beterapó. Meta, s̄amó h̄ore h̄oko kutu dere kaae, atima mo dowi diliki dolomó atéro beterópóló, eró beterapó.

<sup>14-15</sup> Adam-né deale naalené deté feletei dos̄aturaalu, apo mi dakoróló deale wh̄i Inokepaae Kótóné i fo yae yóló ipakalepó. “Talené ama kae beteró betere *ensel*-rape mo h̄ale ɔla kaae ̄tamo ai walapa kelae. So wh̄i feané ama ala eréni, kae tū sya fóló dowi ala duraalu, Tale faleyóló deteraire fo du betaleteimó, taleyóló só deraai waalopó,” erapó. <sup>16</sup> Ai wh̄irape atima Kótóné ala sya faalomeipóló, doka doka yóló faleturaalu, tó tikiné ek̄elere ala sya fóló dowi ala du beterapó. Tétu, atimatei doi sóró horóló bopé faketu beterapó. Mepaae so wh̄iné atimamó me alakó erópóló kisipa mutu, foné so

wh̄i h̄ale mulóló dukiraterere fo du beterapó.

*Kótóné ala erótu beteretei taaréni, h̄ale eró tawae*

<sup>17</sup> Tépatei, yālo hosaa mole no nerape-ó, dā t̄eteróló kaae tare wh̄i Yesu Kerisoné dotonale *apose*l wh̄irapené take nalopaae i ala yaalopóló, dīpaae yó melale fo tūé muae. <sup>18</sup> Ai wh̄irapené dīpaae i fo yalepó. “Take kemeterere sukamó Kótóné ala faletu betere so wh̄i atima tó tikiné ek̄elere ala sya fóló, dowi ala maaté du betaalopó,” erapó. <sup>19</sup> Ti ai ala du betere wh̄irape tūámó D̄ei Kepe Wisi bitini, mo hae wh̄iné mole tūéró dere alatamo maaté sya furaalu, dī tūámó fake tekerótu beterapó.

<sup>20</sup> Tépatei, yālo hosaa mole no nerape-ó, dī Talené ama so wh̄i bitu ̄paae tūé tiki tiró beteretei mo ti fakeyópóló, ama mo kae ere fo wisi sya fóló erótu betóo, D̄ei Kepe Wisiné dī fotok̄ratepa Talepaae moma yóo, du betae. <sup>21</sup> Dā t̄eteróló kaae tare wh̄i Yesu Kerisoné k̄letu, tao sóró mo ti betere ala tūpaae dapesó faaire be d̄e kaae taru, dī Kótóné yaala sókó fole ala tūámó betó tawae.

<sup>22-23</sup> Atéru, mepaae so wh̄i kisipa tamo muluraalu tūé tiki tiraterere ala wot̄alepa, k̄letu tao sae. Téturaalu, mepaae mo felekemó sipaae faaitere so wh̄i atima aluyaqsóro tao sóo, suk̄ale wh̄iné yei kuti bukaalo h̄otu dere kaae, mepaae so wh̄i atimané tó tikimó ek̄leyóló du betere sonaalei ala dīpaae tekaqsóro, wiyóló tika kae bitu k̄leyóló tao sóo yae.

*Kótóné doi doasi mulatere fo*

<sup>24</sup> Dī d̄e naqsóro tao senére sek̄éné doi doasi muópóló, hale sóró horae. Ti dī ai sek̄éné ama kae ere d̄e tūpaae dapesó fóló, me alakélé muni mo doasi h̄ā f̄anuraalu ̄tamo betámó betenérápó. <sup>25</sup> Dā t̄eteróló kaae tare Tale Yesu Keriso tūpaae erale alané so wh̄i aluyaqsóro tao su beterapó. Atére Kótó mo bet̄atóro

beterapa, ama doi doasi mulae. Tétu,  
mo kae ere de fane alakélé, ama  
mo kae ere ala wisinaalekélé, doasi  
fotokokélé, fea ala tetéroló kae tare  
betekélé, mo apaaetóro erópóló yae.  
Mo take keké nale alimókélé, mió i  
betere alimókélé, nalo betaaire al-  
imókélé, ama doi doasi hale muó  
tanópóló, sóro horótu betae. Mo kée,  
tépóló yae!

## Kinóló mole ala hąkearaleti

<sup>1</sup> I dere fota, Kótóné Yesu Kerisopaae mo felekemó yaai dere alapa, naao kutó diratere so whjné tuę yóppóló, kinóló moletei hąkearóló yó melae, yóló malepó. Ai fo Yesuné wosóló, ama kutó deratere whj Jon beterepaae *ensel* dotonalepó. <sup>2</sup> Atétepa, Jon-né ama kelale ala so whj feané tuę yóppóló, amamo aseyalepó. Ai fota me kae mei, Kótóné dere foró Yesu Kerisoné ama yale alatamo etérapóló yó male fopó. <sup>3</sup> Take i ala yaalopóló i asęere fo hąkeamó dosąatu betere whj Kótóné wisiró beterepa, hajné sukutu betéróppóló yae. Ai dosąatere fo wosóló, hosaa tuąmó mulatere so whjkélé, wisiró beterepóló hajné sukutu betenérápó. Ti ai yó male alarape dokonóló yaaire be de mo felekemó sókó waai dapó.

*Talené doi hale horatere foró kęleó dere fotamo*

<sup>4</sup> ęta, Jon-né Esia hae kwiamó betó mole węikeró Keriso fake so whjpaae dapó.

Miókélé betóo, takekélé bitiré wóo, nalo waaire alimókélé hąle betóo, yaaire sekęró kale tęteróló kaae tare doasi betere tiki felekemó betere węikeró keperapetamo tuąmó kaaróló wale hamokoróló hąle tao sere alaró, hosaa muni deyóló dua betere alatamo diąpaae eróppóló yae. <sup>5</sup> Ti Yesu Kerisoné yó matere fota, ama mo kelale alatóró du beterepó. Ti ąta, mo sukąletei kepaayóló betaaire so whjmó, tu aleróló folosóró fóló betere whjpó. Atéturaalu, i haemó betó mole topo whjrapekélé mo fea amatóró tęteróló kaae tarapó.

Ai sekęné amatóró diąpaae yaala sókó furaalu, da dowi ala tuąmó betepa, ama sameanétei teraayóló hąle fóppóló eró beterepó. <sup>6</sup> Téro

da ama tęteróló kaae tare aqmó sóró beteróló, Alima Kótóné ama ala eróppóló, so whjmó momaratere whj sóró beteralepó. Tęreteiné, ai sekę ama mo kae ere ala wisiró doasi fotokątamo mo hąle muó tanóppóló yae! Mo kée, tęgóppóló yae!

<sup>7</sup> I dere fo wosae! ą ó hepen bemó ere sąkotamo wapa, so whj mo feanékélé, take ą duraalu wutiné deyale whjrapenékélé, kelaalo ai ape.

Atéteremó, i hae kwia feamó betóló fale so whjné doasi wole u yaalopó.

Ti ai alata, motóró yaalo ai ape. Mo kée, tęgóppóló yae!

<sup>8</sup> Téro Tale Kótóné duraalu,

“ęta, *Alaparó Omekatamopó*. Ai fo feteyóló, kaae sereteiró kemeratereteitamota, ti mo ętórótipó. Take bitiré waleteikélé, mió betereiteikélé, take nalo betaaireiteikélé, ętóró bitu, fea ęla ęla tęteróló kaae tare sekę ętórótipó,” yalepó.

*Whjné Naalema aqpa kelale fo*

<sup>9</sup> ęta, diaaq no Jon-né dapó. Da fea Yesu tuąmó bitu, sekę sere alakélé, ama tęteróló kaae tare aqmó betere alakélé, hńni hąle belée tare alakélé, da fea betąmó deté fu betere whjpó. Yesuné yale ala i ape yóló yó melóo, Kótóné fo eróo, yalemó atimané ę weiné bopéro daaló betere hae Patmos-mó beteralepó. <sup>10</sup> Atéro betepa, Talené be deńmó Deį kepe wisiné fotoką tuąmó bitu, yało kęlipaae doasi fo fake ukulumó wutiné hale kaae depa wosalepó. <sup>11</sup> Atéro dere foné duraalu, “Naao keletere ala fea bopeyóló mole sókumó aseyóló, węikeró Keriso fake so whjpaae falae. Ai berape i ape. Efesus, Smerna, Perkamum, Taiyatira, Sardis, Piladelpia, Laodisia, i dosąayale be huluamó betó mole Keriso so whj feapaae aseyóló falae,” yalepó.



12 Ai fo du betepa, né déro sisópaae fetée fóló kelalemó, *kold kapané* aleale wẹikeró są dirirape kelalepó. 13 Atépa, ai są dirirape duku betere tuą dolomó whị betą Whịné Naalema kaae daapa kelalepó. Atéru, deróló sókó fatere fọloi kuti deróló, *kold kapané* aleale toné ai kuti tẹteróló bopémó sepa kelalepó. 14 Ama toporó nikitamota, mo yako kaae dẹ wisinaale yóo, ama kekekélé si mi kaae holóo, depa kelalepó. 15 Ama hóta, ti *brons kapa* siné dóló whaare kaae yóo, ama dere fokélé, wẹi dou kẹaturaalu dere hu kaae depa wosalepó. 16 Ama turu naasené wẹikeró hẹrerape tawóo, ama kọlómó bóe dele sepake fosó tamo daai sókó wóo, ama kelepaaekélé, sukané dẹ kaae yóo, epa kelalepó.

17 Yąlo ą kilituraalu, ẹ ama hó aqmó sukąle whị kaae deraapisa fóló molepó. Atéro mupa, ama turu naasené ẹ wolaa yóló duraalu, “Yą wiyąqse. Kaae sereteikélé, kemetereteikélé, mo ẹtórótípó. 18 Ẹta, mo ti betere sekẹpó. Ẹ take sukąletei, momó kepaayóló mo titóro betó tarapó. Tẹruraalu, sukutere alaró sukąle so whịtamo betere tų ki yąlo i tare ape.

19 Tẹrapa, naao kelale alakélé, mió i alimó keletere alakélé, nalo betaaire alimó yaaire alakélé aseya. 20 Yąlo turu naasemó mupa, naao kelale wẹikeró hẹreraperó *kold kapané* aleale wẹikeró są dirirapetamo kelale bete i ape. Kale hẹrerapeta, ti u wẹikeró be huluarapemó betó mole Keriso so whị tao sọpóló, dotonale wẹikeró *ensel*-rapepó. Kale wẹikeró są dirirapeta, ti wẹikeró be huluamó betó mole Keriso so whịpó,” yalepó.

## 2

*Efesus Keriso so whịpaae aseýóló farale fo*

1 “Efesus be huluamó betó mole Keriso so whị tao sọpóló doteyale *ensel*-paae i fo aseýóló falae.

Turu naasené kale wẹikeró hẹrerape taruraalu, *kold kapané* aleale wẹikeró są dirirape daae mole tuámó kutu betere sekéné dere fo i ape. 2 Dią hókélé ini, mepaae du betere alarape yąlo tuẹnipóló de? Dią hókélé ini, depe tukó wei ala hąle yó tare alakélé, kale dowi ala yó tareteikélé, whịrape diątamo betámó betaqsóro hókó fatu betere alakélé, yąlo tuẹrapó. Mepaae whịrapené duraalu, ‘Dąta, Talené dotonatepa wale *apotel* whịrapepó,’ dere fomó, diąné atima kąae kolóló duraalu, ‘Diąta kapala fo bole whịrapepó dere alakélé kolóló, yąlo mo tuẹrapó.’ 3 Dią yąlo so whị betepa, mepaae sekẹi ala ó faletere alarape wou betepatei dią hẹyóló dekani, yąlo doimó hąle yó tarapó. 4 Tẹpatei, yąlo keletepa wisinire ala betą i ape. Take kaae suraalu diaaą yaala sókó fu betale ala mió taaló beterapó. 5 Tẹrapa, take diaaą yaala sókó fu betale ala taaróló, mió dią haepaae ai derepalapa kisipa muae. Atétu, diaaą kisipa tiki feteyóló take du betale ala momó yae. Dią ai alatamo initepa, ti ẹ dią beterepaae wóló diąné dẹrótu betere są yąlo tokó saalopó. 6 Tẹretei, diaaą du betere alamó yąlo i yaaitere fo betą mo wisirapó. Nikolas whịrapené hótú betere kaae diaaąkélé atétu beterapó. 7 Mepaae whị me de wosẹli daapa, ti Dẹi Kepe Wisiné kae kae Keriso so whịpaae du betere fo feané wosọpóló yae. Whị me de tų wisipaae faai fupa, me sekẹi alané sesé depakélé hepée taae faróló wale whịta, Kótó betere kelaalo mo kokọi tikimó daale kepaayóló mo ti betaaire ni du wisi nọpóló yąlo melaalopó,” yalepó.

*Smerna Keriso so whịpaae aseýóló farale fo*

8 “Smerna be huluamó betó mole Keriso so whị tao sọpóló dotonale

*ensel*-paae i fo aseyóló falae.

I dere fota, kaae sereteiró kemerale foleteitamóné bete Tale ą mo ti sukąletei, momó kepaayóló betere sekéné dapó. <sup>9</sup> Diąpaae kae kae sekęi alarape wou bituraalu, yoleale yóló betere ala yąlo tuęretei, doasi dirii ąla wisinaale betą diąné sóró tareteiné, dią doasi néli whį kaae ai betere ape. Mepaae so whį atima Juda fakepó du betereitei kapala fo dapó. Ti atimata, Satan-né fo wosetere fake bituraalu, dią erótu betere fo yąlo kisiparapó. <sup>10</sup> Diąpaae sekęi ala waaiремó wiyąqse yóló, ma fo i dapa wosae. Dią betere ala kaae kelaairaalu, Satan-né dią mepaae so whį *dipula* beteraalo ai ape. Atéró *dipula* betero betepa, sekęi ala siré fu bituraalu, naase tamo be dęrape kemeyaalopó. Dią dupakélé me ąla meipóló, tuę tiki tiraté fu betepa, ti atétere whįrapemó bóené whį dolóló kemeratere whįné deratere topo tao su dere kaae, yąlo mo ti betere bete melaalo ai ape. <sup>11</sup> Mepaae whį de wosęli daapata, kale Dęi Kepe Wisiné Keriso fakerapepaae i dere fo wosópoló yae. Whį me de tu wisipaae faai fełalemó sesétepakélé, hepée taae faróló wapata, ti atétere whį ą tamoróló sukutere alané doraalo meipó.”

*Pergamum Keriso so whįpaae aseyóló farale fo*

<sup>12</sup> “Perkamum be huluamó betó mole Keriso so whį tao sópoló dotonale *ensel*-paae i fo aseyóló falae.

Fosó tamo daale bóe dele sepake tare sekéné dere fo i ape. <sup>13</sup> Diąta, Satan-né ama tęteróló kaae tare tikimó betereitei yąlo kisiparapó. Dią atéró bitutei, yąlo doimó du betere ala taaręni, hąle yó tarapó. Take yąlo ala erótu betale whį Antipas dale alimó, diąné epaae tuę tiki tiratere ala taaręni, hąle yó tawaletеi yąlo tuęrapó. Ti diąta,

Satan betere be huluamó ai betere ape. <sup>14</sup> Tépatei, diaaq dere mepaae ala yąlo keletómó wisinireitei i ape. Dią betó mole kua dolomó, mepaae so whį Balam-né hąko yó mótu betale ala kaae du betere-apó. Balam-né Balak-paae Israel fake so whį dowi ala yópoló, etéro yae yóló yó melalepó. Balak-né Israel fake so whį kapala kótópaae moma yóló matere ąlaró nópu nokole alatamo yópoló, ąlisóró fipakalepó. <sup>15</sup> Atétu betere kaae, dią mepaae whįrapekélé Nikolas whįrapené yó matere ala sya fu betereapó. <sup>16</sup> Térapa, diaaq ai du betere ala taaróló, kisipa tiki feteyóló betae. Diątamo ai ala initepa, ti ę dią beterepaae hapale sókó wóló, dią ai ala du betere whįrapetamo yąlo ąlómó sókó wale sepakené bóe daalopó. <sup>17</sup> Mepaae whį de wosęli daapata, kale Dęi Kepe Wisiné Keriso fakerapepaae du betere fo wosópoló yae. Whį me de tu wisipaae faai fenalemó sesétepakélé, hepée taae faróló wapa, ti atétere whįmó yąlo hyó muló betere mepaae *mana* o nópoló melaalopó. Téturaalu, kisi doi aseyóló muló betere dęi kane fakekélé melaalopó. Ai kane fakemó asęre doita, hąle mo whįné tuę yaalo meitei, ai kane fake sere whįné maaté tuę yaalopó.”

*Taiyatira Keriso so whįpaae aseyóló farale fo*

<sup>18</sup> “Taiyatira be huluamó betó mole Keriso so whį tao sópoló, dotonale *ensel*-paae i fo aseyóló falae.

I dere fota, Kótó Naalema ama kele mo si kaae dó taru, hąlekekélé kale *brons kapa* siné dóló kasa kasa kaae ere sekéné dapó. <sup>19</sup> Diaaq yaala sókó fole alakélé, diaaq tuę tiki tiratere alakélé, yąlo doimó mo so whį tao sóró erótu betere alakélé, sekę wapatei beléetóro tare alakélé, diaaq mió du betere alané take kaae suraalu yale ala bosene faletei,

fea yąło tuęrapó. <sup>20</sup> Tépateti, kale so Jesepel ą fópóló mo taketitei hókó faréniyólópó. Ai soné amatei ą Kótóné fo eratere kóló sopó du beterałó. Téturaalu, ama yó matere fonétei, yąło kutó diratere whįrape nópu nokole ala yóo, kapala kótópaee momatere ąła nópóló ąlisóró fóo, du beterałó. <sup>21</sup> Ai soné nópu nuku betere ala taaróló, kisipa feteyóló wópóló kaae taté fu betepatei, wéni mo dowąae fu beterałó. <sup>22</sup> Até du betereiteiné, ą dele sóró fitere tikimótóró fiyó mulópóló, taae deraalópó. Téturaalu, ątamo nópu nuku betere whįrapekélé kale soné atimapaee yó melale dowi ala taaróló, tuę tiki feteyóló anitepa, ti atimakélé kale so dere kaae, dele sópóló taae deraalópó. <sup>23</sup> Ai soné ama naale senaalekélé sinópóló, yąło mo ti daalópó. Ai ala depa, Keriso fake so whį feané kilitu, ęta, so whįné hosaa tuąmó mole alaró tuę tikitamo taleyóló, atimané yale alamó mo donotóró tokó matere Tale beterałóló kisipa yaalo ai ape. <sup>24</sup> Dią mepaae Taiyatira be huluamó betó mole Keriso so whį kale soné yó matere fo wosóló sya feni yóo, Satan-né mo apaae derepale kinóló mole ala kisipa sini yóo, ere so whįpaee yąło sekęi ala kae eraalo meipó. <sup>25</sup> Téyaalomeipa, ę wale alimó sókó faasepóló, diaaq ai du betere wisi alatóró hąle yó taté fo betae.

<sup>26</sup> Whį me de tu wisipaae faai fenalemó, me sekęi alané sesé depakélé, hepée taae faróló, kemene fole kwiamó sókó fupa, ti atétere whį i hae kwiamó betó mole so whį fea teteróló kaae tanópóló, yąło sóró beteraalópó.

<sup>27</sup> Asemó ere fo i ape.

‘Topo whįné tatere *aiyon kapa*-né aleale dotótiki taru, haené aleale wuti derąketu dere kaae, yąło bóe whįrape ai ala yaalópó,’ erapó.

Yąło Ayané ę so whį teteróló kaae tanópóló sóró beterotu yale kaae, yąłokélé dią sóró beteraalo ai ape. <sup>28</sup> Atéró sóró beteratere so whįpaee hįka be dęteretamo dęyó tare hęrekélé, yąło melaalópó. <sup>29</sup> Mepaae so whį me wosęli daapata, kale Dęi Kepe Wisiné Keriso fakerapepaee i du betere fo wosóló tuę muópóló yae,” yalepó.

### 3

#### *Sardis Keriso so whįpaee aseýóló farale fo*

<sup>1</sup> “Sardis be huluamó betó mole Keriso so whį tao sópóló dotęyale *ensel*-paee i fo aseýóló falae.

Kótóné węikeró kepe tawóo, węikeró hęrerape tawóo, ere whįné dere fo i ape. Diąné du betere ala yąło kolóló kisiparapó. Mepaae so whįné dią kilituraalu, i Keriso faketa, Kótóné ala eraai noke fini, mo doa ketekę bulapóló dukiróturaalu, diaaq doi só kutu beterepó. Téretei dią yąło keletepa sukąle whį aąrapó. <sup>2</sup> Dią fire whįrape-ó, turukó horóló betae! Diaaq du betale wisi ala fea sisiraae fóló betą betą betereitei felekemó sukąai dapa, fotokó buóló daayae. Ti noatepae, ę teteróló kaae tare Kótóné keletómó diaaq erótu betere ala mo turó kemeróló, ama muló betere dąlemó sókó fenipó. <sup>3</sup> Térapa, diąné take wosóló tuęre fo kisipa muae. Ai fo aqmó sukóló bitu, kisipa feteyóló ai fo sya fóló erótu betae. ę waaire be dę dią kisipani, mokųleyaa yóló betó mupa, ę ąlémi nokole whį kaae, sókó waalo ai ape.

<sup>4</sup> Téyaalotei, dią Sardis bemó betere whįrape kuamó betą betą so whįné deró betere kuti mo wisiyóló kaae tare tikimó, bólukélé inipó. Ai whįrapeta, dęi kuti deróló ętamo kwęyaalópó. Ti noatepae, atima dere ala wisireiteiné ai ala yaaire mo sųrapó. <sup>5</sup> Whį me de tu wisipaae

faai fenalemó, sesé depakélé hepée taae faróló wale whįta, ti u kale so whįné deró betere đei kuti kaaetóro deraalo ai ape. Ai whįné ama doita, mo titóro betó tare *buk*-mó moletei yąlo helekókéle yaalo meipó. Tėni, yąlo Ayaró ama *ensel*-rapetamoné keletómó daalu, ita yąlo whįpóló, yó melaalopó. <sup>6</sup> Mepaae whį de woséli daapa, ti kale Đei Kepe Wisiné Keriso fakerapepaae du betere fo wosóló tuę muópóló yae,” yalepó.

*Filadelpia Keriso so whįpaae aseýóló farale fo*

<sup>7</sup> “Filadelpia be huluamó betó mole Keriso so whį tao sópóló dotęyale *ensel*-paae i fo aseýóló falae.

I dere fota mo fo bete Tale dowi ala betakélé muni, kae betere sekėné dapó. Take betale whį Depit-né *kı* mió yąlo i tare ape. Yąlo kinatere tu me whįné tukįyóo, yąlo tukwę mulatere tu mené kinóo, enėnipó. <sup>8</sup> Dıaađ du betere ala yąlo kisiparapó. Dıđ faaire tu yąlo ai tukwę muló beterapa kelae. Ai tuąta, whį mené kinatere alakélé mo enėnipó. Dıđ fotokę sawa bulutei, yąlo fo hąle eró tarapó. Tėru, mepaae so whįné yąlo doi yóló, dıđ Talenė so whįé yóló wosetepa, dıđné meipó inıteretei yąlo mo kisiparapó. <sup>9</sup> Mepaae whį atımata, Juda fakepó du betepatei, Juda fake mei, kapala fo du beterapó. Ai so whįta, dowi Satan-né fo wosetere fake ai ape. Atıma dıđ beterepaae wóló, dıaađ hó ađmó deraapısa fóló fıó muluraalu, i so whįta Yesunė yaala sókó fole ala mulapó yópóló, dere ala yąlo eraalopó. <sup>10</sup> Yąlo dıđpaae sekęi ala wapakélé hąle eró tawae yale fo dıaađ wosóló eró tawalepó. Tėjaleteinė i haemó betó mole so whį fea sų sóró kęae keletere sekę wale sukamó, dıđpaae waqsóro yąlo sesé yaalopó.

<sup>11</sup> ę mo felekemó walapó. Bóe dóló tęteratere whįné sere topo

tao dıaađ saairetei, mené saqsóro dıđné tęteróló kaae tanópóló male ęla wısi mo hotowayóló kae tawae. <sup>12</sup> Whį me de tu wisıpaae faai fenalemó, sesé depakélé hepée taae faróló wapa, ti atėtere whį ę tęteróló kaae tare Kótónė momatere be hulua eleké sų deyaalopó. Atėtere sekę ą ai be taaróló fókélé mo yaalomeipó. Ai whįné tikımó ę tęteróló kaae tare Kótónė doıró ama be hulua doıtamo aseýaalopó. Ti ai be hulua doita, kısı Jerusalem-pó. Ai be huluata, ę tęteróló kaae tare Kótó betere hepen be taaróló, dorowaalo ai ape. Ai whįné tikımó yąlo kısı doıkélé aseýaalopó. <sup>13</sup> Mepaae whį de woséli daapa, ti kale Đei Kepe Wisiné Keriso fakerapepaae i dere fo wosóló tuę muópóló yae,” yalepó.

*Laodisia Keriso so whįpaae aseýóló farale fo*

<sup>14</sup> “Laodisia be huluamó betó mole Keriso so whį tao sópóló dotonale *ensel*-paae i fo aseýóló falae.

I dere fota, Mo kée, tėjaópóló yae! dere bete Tale bitu, mo ala yó taruraalu, ama kelale ala i ape yóló hąkearóló yó mótu beterapó. ąta, Kótónė aleyóló muló betere ęla ęla fea tęteróló kaae tare sekėné dapa wosae. <sup>15</sup> Dıđné du betere alata yąlo tuęretei, sirii ala ó supui ala meiyóló, hąle tuąmó beterapó. Ai tamo ala me taaróló betą alatóro uąsóro ti mo wısi wuąpó. <sup>16</sup> Ti dıđta, supukélé meiyóo, sirikélé meiyóo, yóló hı fale ęla kaae epa kilitu, yąlo kólómó hamuóló soraae falatere ęla kaae soraae faraalo ai ape. <sup>17</sup> Dıđné duraaalu, ‘Dąta, wısi wısi ęla mole nėli whį bettereteinė mo betą ęlakélé yąyąnipó,’ dua dapó. Tėretei, Tale Kótónė dıđ keletepa, mo sonaalei so whį betepa kilitu, kęlerapó du beterapó. Dıđta, yolealere alakélé, kele dilikire alakélé tiki



daapi hąle betere alakéle, epatei, diaaę kisipané wisire nisi dapó. <sup>18</sup> Yąlo i dere ma fo wisi wosóló, i sore ęla diąné ętamo dupu yae. Siné biliyaetikimó wisiyóló sókó wale *kold kapa* supa, ti dią mo doasi néli whį betaalo ai ape. Dią tiki hąleretei, kinóló deį kuti sóró bukae. Diaaę kele dilikiretei wisiyópóló, yąlo i tare *mula mula* sóró dilae.

<sup>19</sup> Yąlo yaala sókó fale so whį atima kae kae dowi ala depa kilitu, tų wisipaae fópóló donoróturaalu, yąlo atima foné sóró dekésu beterapó. Térapa, yąlo diąpaae dowi ala taalae du betere fo mopóló, tuę tiki feteyóló Tale Kótóné alamó ketekę buóló betae. <sup>20</sup> Ęta, tų sókó walemó daalu, tų du beterapó. Whį me denétamo yąlo dere fo wosóló tų tukutepa, ti ę ą betere tuąpaae wóló, ątamo ęla betámó nóo, ąkélé ętamo ęla betámó nóo, yaalo ai ape.

<sup>21</sup> Ę tų wisipaae folemó seķę alané sesé depatei, hepée taae faróló, yąlo Ayané ęteróló kaae tare tikimó ątamó betámó betalepó. Atére kaae, diąkélé tų wisipaae fole ala kilitu sesé depatei, hepée taae faróló wapa, ti yąlo ęteróló kae tare tikimó ętamo betámó sóró beteraalopó. <sup>22</sup> Mepaae whį de woséli daapa, ti kale Deį Kepe Wisiné Keriso fakerapepaae i dere fo feané wosóló tuę muópóló yae,” yalepó.

## 4

### *Hepen-mó ęteróló kaae tare tiki*

<sup>1</sup> Ai alarape yóló kemetepa kelalemó, hepen be tų tukwę fóló molepó. Atéru, folosóro ukulumó wuti hale kaae yóló fo yale whįnétóro ępaae duraalu “Yą ipaae holae yalepó. Yą hotopa, ti i alarape yóló kemene fupa, nalo yaaire ala yąlo yąpaae yó melaalopó,” yalepó. <sup>2</sup> Tétepa, mo ai fapotóro Deį Kepe Wisiné ę fotokęratepa kelalemó,

hepen bemó ę daalepaae anóló, ęteróló kaae tare topo whį betere *sea* tómó doasi beterepó. <sup>3</sup> Ai *seamó* betere doasi kolóló, *jasparó kanilian* kanetamoné kasa kasa kaae ere doasi beterepó. Ti ai sekę ą betere tikita, sikipa douné bopéroló beterepó. Ai sikipa douąta, *emerald* kane kasa kasa kaae epa kelalepó. <sup>4</sup> Kale ęteróló kaae tare doasi betere tiki bopéroló, <sup>24</sup> whį disirape <sup>24</sup> *sea* dokęyóló betó molepó. Ai sekęrape atimané deró betere kutita, mo deį wisinaale deróo, atimané topomókélé ęteróló kaae tare doasiné deró betere *kold kapané* aleale topo tao deróo epa kelalepó. <sup>5</sup> Ai kale doasi betere tikimó epée fitąa duraalu, be sapalaa yóo, ęteróló kaae tare doasiné kutiróo beterepaae anóló, węikeró są dirirape dó diliki yóo, erepó. Ai są dirirapeta, Kótóné węikeró keperapepó. <sup>6</sup> Atéroló kelalemó, kale ęteróló kaae tare *sea* mole hosaamó węi kęla wisinaale belerepó. Ai węita, *klas* kasa kasa kaae erepó.

Kale ęteróló kaae tare doasi betere tuámó, Kótóné aleale douřó betere ęlarape ai doasi bopéroló betó molepó. Ai kale douřó betere ęlané tikimó hosaapaaekélé sisópaaekélé mo fea keletóro daae molepó. <sup>7</sup> Kale douřó betere ęlarapené ere ala i ape. Kolosale ęlata, ti *laiyon* kaae beterepó. Kolosale noma ęla ti hae dukęyaa i só kotere *bulmakau* wą hupu kaae beterepó. Dou noma ti whįné kelepaa kaae daai ęla beterepó. Dou ti sikimó sę kotere ba dukaa kaae beterepó. <sup>8</sup> Ai douřó ęlarape atima dokę fea baase apomiró daalepó. Atimané tikimó ere kaae baase aęrókélé keletóro daae molepó. Ti ai sekęrape atima deątamokélé dikitamokélé etei fo hąle yótóro tarapó.

“Mo doasi fotokę bole mo kae betere Tale Kótó ą take biteré wóo, miókélé, nalo waaire alimókélé ątóro hąle betó tawaalopó fo,”

momó du momó du, du betalepó. <sup>9</sup> Ai doųró betere ęlarape atima kale tętéróló kaae tare doasi betere tikimó bitu ama ere doakale doi mole Talepae mo kée yóló dukiratere fo du betepa, kale tętéróló kaae tare 24 whį disirapekélé i ala dua dapó. Atima betere searape taaróló, haemó deraapisa fóló mulu, kale tętéróló kaae tare doasi betere tikimó mo ti betó tare Talepae mo kée yóló, ą aqmó sukóló bitua dapó. <sup>10</sup> Ai 24 whį disirape atimané deró betere topo taorape sókó su yóló, tętéróló kaae tare doasi betere tiki felekemó mulóló duraalu,

<sup>11</sup> “Dą tętéróló kaae tare Tale Kótóo, fea ęla naaotóro aleyóló muló beterapó.

Aita naao kisipa mole alatóro sya furaalu, kaaró betereteiné takekélé miókélé, atima hąle betó tarapó.

Naao fotokóné ai alarape epa yą doasi doi mulatere alakélé, naao doi hale horatere alakélé, dąné yąpaae mo sýmó eranérápó,” dua dapó.

## 5

### *Bopeyóló muló betere asęre sókuró Sipsip hupu maletamomó ere fo*

<sup>1</sup> Téro yąlo kelalemó, kale tętéróló kaae tare doasi ą seamó bitu, betą bopeyóló mole sóku utékélé itékélé asęretei, ama turu naasené tarepó. Ai asę mo whįné kelaqsóro, kinóló węikeró dirii ęlané diriróló datekąró betepa kelalepó. <sup>2</sup> Atépa, mo doakale fotoką bole *ensel*-né fo fakeyóló duraalu, “I bopeyóló mole asę datekąró betere ęlarape mé whįné dąayóló teraanére?” yalepó. <sup>3</sup> Térené ó hepen bemókélé, i haemókélé, hae aęrókélé, ai bopeyóló muló beteretei teraayóo, u tuąmó asęyóló mole fokélé kolóo yaaire whį mo betąkókélé bitinipó. <sup>4</sup> Kale bopeyóló muló betere ęla teraayóo, tuąmó asęyóló muló betere fo kolóo, yaai

sųre whį mo betąkélé bitinipa kilitu, ę dekené sini wole du betalepó. <sup>5</sup> Atétu betalemó, kale whį disirapekó betąné ępaae duraalu, “Wolekesé. Juda fake tuąmó wale *Laiyon*-ta, Depit kaayale bete ai walapa kelae. Ai sekéné ama bóe whį dóló tętéro betereteiné kale bopeyóló mole asę datekąró betere węikeró ęlarape ama betą sýmó tukóló dąanérápó,” yalepó.

<sup>6</sup> Atétepa kelalemó, betą *sipsip* hupu male tętéróló kaae tare doasi betere tuąmó daalepó. Ai *sipsip* hupu maleta, whįné daletikimó sukąle nisi erepó. ą doasi betere tuą dolomó, kale doųró betere ęlaraperó 24 whį disirapetamoné ą bopéróló daae molepó. Ai tuąmó daale *Sipsip* hupu malené topomó węikeró sekéro węikeró kelerapetamo daae molepó. Ai sekéro keperapetamota, Kótóné i hae kwiamó betó mole so whįpaae dotonale węikeró keperapepó. <sup>7</sup> Ai seké ą wóló, kale bopeyóló muló betere asęre sóku, kale tętéróló kaae tare tikimó betere doasiné turu naasené tapa salepó. <sup>8</sup> Kale sekéné asęre sóku sóro tapa kilitu, doųró betere ęlaraperó kale tętéróló kaae tare 24 whį disirapetamo atima kale *Sipsip* hupu male daale felekemó deraapisa fóló fió molepó. Ai whįrape atima doką feané *kita* kaae ęla *harp* tawóo *kold kapané* aleale okopoi nukurape tawóo, erepó. Ai nukurape tómó simó bilitepa felé kęlaa wisi wale ęlarape belerepó. Ti ai felé kęlaa wisi wale ęlata, Kótóné ama so whįpóló kae betéro betere so whįné momatere fopó. <sup>9</sup> Téro atimané kisi wole foné duraalu,

“Yąta, ai bopeyóló muló betere asęre sóku teraayaaire mo sųrapó.

Ti noatepae, yą dupa sókó fele sameané Kótóné so whį beter-  
aai, kae kae fakekélé, kae kae  
be fo bole so whįkélé, kae kae  
tiki daale so whįkélé, kae kae  
*Gavman*-né tętéróló kaae tare

so whįkélé, i dosąayale fak-  
erape tuąmó mepaae so whį  
naao sameané dupuralepó.

<sup>10</sup> Naao dupurale so whį atimata,  
Kótóné tẹteróló kaae tare  
aąmó betóo, Kótóné ala  
eróturaalu moma yóo, yópóló  
naaotei sóró beteralepó.

Atéyale so whį atimané i hae  
kwia fea tẹteróló kaae tawaalo  
ai ape,” yalepó.

<sup>11</sup> Téró yało kelalemó, kale doasi  
betere sea bopéróló douró betere  
qlarape daayóo, ai sisómó 24 whį  
disirape daayóo, ai tẹ faróló *ensel-*  
*rape* mo ni sóku kaae (100,000,000)  
wó mulu, i wole fo du betepa wos-  
alepó.

<sup>12</sup> “Tẹteróló kaae tare fotokókélé,  
mepaae wisi wisi qlakélé,  
fosó fosói kisipakélé, fo-  
tokókélé, doasi doi mole  
alakélé, ama ere ala wisi  
hąkearatereteikélé, ama doi  
sóró horatere alakélé, fea  
dąné ąpaae eratepa, kale dale  
*Sipsip* hupu malené mo sųmó  
senérápó,” du betalepó.

<sup>13</sup> Téró, Kótóné hepen bemó  
aleyóló muló betere qlakélé, i  
hae tómó betó mole qlakélé, hae  
aąró betó mole qlarapekélé, wẹi  
tuąmó betó mole qlarape feané kóló  
betąpaae touróló i wole fo du betepa  
yało wosalepó.

“Kale tẹteróló kaae tare *seamó*  
betere sekéró *Sipsip* hupu  
maletamo dukiróló hale hor-  
atere alakélé,

doasi doi mulatere alakélé,  
ama ere ala wisi hąkearaterere  
alakélé,

fotokó bole alakélé,

betere dokó fea atimaamopaae  
eraté fu beterópoló yae!” du  
betalepó.

<sup>14</sup> Atétu betepa, kale douró  
betere qlarapené duraalu, “Mó  
kée, téyópoló yae,” fo dekeró yó  
tawalepó. Atimané ai fo depa, kale  
24 whį disirape deraapisa fóló mulu,  
Talené doi sóró horótu betalepó.

## 6

### *Diriróló kinó betere qlarape*

<sup>1</sup> Téró, kale *Sipsip* hupu malené  
bopeyóló mole asęre sóku diriróló  
kinó betere wẹikéró ąla betą tukóló  
teraatepa kaae taremó, ai douró  
betere qlakó betąné “Ape!” dere  
fo be sapalaa dere kaae yalepó.

<sup>2</sup> Atétepa kelalemó, betą dęi *hos*  
hupu ę daalepaae anóló mo tumó  
daalepó. Ai *hos* hupu tómó betere  
whįné diki tawóo, doasi tẹteróló  
kaae tare whįné deratene topo tao  
mené ą maletai deróo erepó. Atéró  
deróló, bóe whį dóló torokó falaai  
mo doakale ketekę buló felepó.

<sup>3</sup> Kale *Sipsip* hupu malené kolos-  
ale noma kinóló datekąró betere  
ąla tukóló dąayalemó, kale kolosale  
noma betere ąlané, “Ape!” yalepó.

<sup>4</sup> Teró me *hos* hupu sókó wapa ke-  
lalemó, mo si mi sonaa kaae erepó.  
Ai hupu tómó betóló wale whįpaae,  
i haemó mole so whį hosaa muni  
deyóló dua betere ala fasó sóró, bóe  
dóló u du i du yópóló, mené fotokó  
ąmó malepó. Téturaalu, ąpaae doasi  
bóe dele sepakekélé mené melalepó.

<sup>5</sup> Téró, kale *Sipsip* hupu malené  
doų noma ąla tukóló dąayalemó,  
kale doų noma betere ąlané du-  
raalu, “Ape!” yalepó. Atétepa  
kaae taremó, dilikii *hos* hupu wóló  
ę daalepaae anóló daalu, betą sekę  
dąle sere ąla *skel* tarepó. <sup>6</sup> Atétepa,  
yało wosalemó, kale douró betere  
qlarape kuamó whįné fo kaae yóló  
duraalu, “Betą whį betą be dęmó  
kutó diteremó sere *moniné whit* o  
betą *lita ó bali* o sore *lita* wuti  
senérápó. Tęrapa, nokole *Olip wel*  
węiró *wain* węitamó betą doraąsóró  
hotowaró kaae tawae,” yalepó.

<sup>7</sup> Téró, kale *Sipsip* hupu malené  
doų kinó betere ąla tukóló teraatepa  
kaae taremó, doų betere ąlané  
duraalu, “Ape!” yalepó. <sup>8</sup> Atétepa  
kelalemó, ę daalepaae anóló betą  
sini tiki daale *hos* hupu daalepó.  
Ai *hos* hupu tómóta, sukutere ala

bete tare whį beterepó. Ai *hos*-né sisómó sukutere ala betepa, ai hupuné kįlimó sukutere so whį betere tiki ama doi *Hedis* wou betalepó. Ai whį tamopaae, hae kwia feamó betóló fale so whį dópóló fotokọ bulalepó. Ti so whį daaireteita, atimaamoné bóe dele sepakenékélé, wote alinékélé, doakale hepo alinékélé, i haemó betó mole syaae kaae ęlanékélé, dilé kwęyópóló fotokọ sųmó melalepó. Atéró dilé kuturaalu, douró fake betereitei betą fake duraalu, sore fake beterópóló taaraalopó. I hae kwia feamó betóló fale so whį atéró dilé kwęyóló kemerae, yóló fotokọ sųmó matepa tarepó.

<sup>9</sup> Téró kale *Sipsip* hupu malené apo kinó betere ęla tukóló teraatepa kaae taremó, momatere kapo daale aqmó keperape betó mupa kelalepó. Ai keperapeta, Kótóné fō yó matere alaró Yesu Keriso etei kaae Talepóló yó matere alatamo deremó, mepaae whįné dale keperapó. <sup>10</sup> Ai sekęrape atimané fo fake yóló duraalu, “Mo fo fąanuraalu betere bete tale bitu, fea ala tęteróló kaae tare Tale-ó, i haemó betó mole so whįné dowi alaró dą duraalu sókó farale sameatamomó tale yóló kwia melaaire be dę wópóló meteró felimó kaae tawóló betaaloé?” yalepó. <sup>11</sup> Atéró atima dokọ feamó deróló sókó fatere dęi kuti melóló duraalu, “Dią betą kutó diratere norape atimakélé mené dópóló sawa kaae tawae. Ti noatepae, i dosąayale daaire whįrape fea sųmó dóló kemeréni teópó,” yalepó.

<sup>12</sup> Yąlo kaae taremó, apomiró datekąró betere ęla tukóló teraayalepó. Atéró teraateremó, doakale bao yóló, suka mo ti diliki yóo, wéliékélé mo samea betąae fo erepó. <sup>13</sup> Sųmó daae mole hęrerapekélé, doakale beséné nose du hara torokó derótu dere kaae torokó deralepó. <sup>14</sup> Sąta, asętere sóku bopetu dere kaae bopeté fóló alune felepó. Hae kwia feamó daae mole hasi fosórapekélé, węiné tukóló boperó

betere haerapekélé, daale tiki taaróló, kae tikipaae daane felepó.

<sup>15</sup> Hae kwia fea tęteróló kaae tare topo whįrapekélé, atima betale sirimó betaaire naalerapekélé, diki tare whįrape tęteróló kaae tare topo whįrapekélé, néli whįrapekélé, bóe dele fotokọ bole whįrapekélé, wae sóró beteratere whįrapekélé, kęleaané betó mole whįkélé, kapo dolopaae hyó muni fóo, kapo beléli dolopaae hyó muni fóo yalepó. <sup>16</sup> Atima atéró fóló bituraalu, hasi fosópaaekélé, kapo fakepaaekélé duraalu, “Kolokó dorowouraalu dą tęiyane dere ape. Ti noatepae, tęteróló kaae tare tikimó betere sekęné kelepaaró *Sipsip* hupu maale-tamoné fopaae bole alatamo dąné kelaqsóró kinae. <sup>17</sup> Ti noatepa meipó. Atimaamoné doakale fopaae butu kwia matere be dę ai sókó wale ape. Atétere be dęmó de daanére? Mo daayókélé enénipa wiyae,” du betalepó.

## 7

### 144,000 so whį sirirale fo

<sup>1</sup> Ai ala yóló kįlipaae i douró hae kwiamó douró *ensel* dokọ yóló daapa kelalepó. Atéró daalu, haepaaekélé, doasi węi kęlapaaekélé, besę tiki waqsóró, atima dokọ feané sesétu beterepó. <sup>2-3</sup> Atéró, *ensel* me kae suka hoteró ę daalepaae wou betepa kelalepó. Ai *ensel*-né mo ti betere Kótóné siriró betere ęla tarepó. Ai *ensel*-né haekélé, węi kęlakélé, doraaire fotokọ bole douró *ensel*-rapepaae fo fakeyóló duraalu, “Kótóné kutó diratere so whįné kutirimó siripi eraaipa, hae tikikélé, węi kęlakélé, nirapekélé, hapale doréni kaae tawae,” yalepó. <sup>4</sup> Ai sirirale so whį dosąatepa yąlo wosaleti i ape. 144,000 so whįta, Israel fakerapetórótípó.

<sup>5-8</sup> Juda fake dosąayóló sirirale so whį dokọ sóró touróturaalu 12,000-rópó.



Ruben-né fake touróturaalu  
12,000,  
Kad-né fake touróturaalu 12,000,  
Aser-né fake touróturaalu  
12,000,  
Naptaliné fake touróturaalu  
12,000,  
Manasené fake touróturaalu  
12,000,  
Simeon-né fake touróturaalu  
12,000,  
Lipainé fake touróturaalu  
12,000,  
Isakar-né fake touróturaalu  
12,000,  
Sepulun-né fake touróturaalu  
12,000,  
Josep-né fake touróturaalu  
12,000,  
Benjamin-né fake touróturaalu  
12,000-rópó.

*So whį hąle ąla kaae deį kuti deróló daae mole fo*

<sup>9</sup> Ai ala yóló kemetepa kese far-alemó, so whį mo hąle ąla kaae daae molepó. Ai daae mole so whįta, betą be huluamó maaté wenipó. Kae kae *Gavman*-né tẹteróló kaae tare so whįkélé, kae kae tiki daale so whįkélé, kae kae be fo bole so whįkélé, kae kae fake so whįkélé, kale tẹteróló kaae tare tikimó mole *searó Sipsip* hupu maletamo betere hosaamó daae mupa kelalepó. Atéró daae mulu, deį deróló sókó fatere kutirape deróo, olóu dąarape tawóo erepó. <sup>10</sup> Téró, ai daae mole so whįne doasi fo fakeyóló duraalu,

“Tẹteróló kaae tare *seamó* betere Kótóro *Sipsip* hupu maletamoné dą mo ti aluyaqsóro tao su betere beteta, mo atimaamotórótípó,” yalepó.

<sup>11</sup> Ai daae mole *ensel*-rape fea, tẹteróló kaae tare doasi betere tikikélé, kale whį disirapekélé, kale douró betere ąlarapekélé, bopéróló daae molepó. Tẹteróló kaae tare doasi betere *sea* molepaae fetée fóló, Kótó betere aqmó deraapisa fóló fió mulu duraalu,

<sup>12</sup> “Mo dapó.

Téyópoló yae! yóló, hale sóró ho-ratere alakélé, mo deį ala wisikélé, tuę tiki fosó fosó yóló dotoróę fole alakélé,  
mo kée du betere alakélé,  
doakale doi mulópoló du betere alakélé,  
fea ala yaaire fotokę sımó bole alakélé  
dą tẹteróló kaae tare Kótópaae betere dokę fea yó tanópoló yae.

Mo kée. Téyópoló yae!” du betalepó.

<sup>13</sup> Téró, kale tẹteróló kaae dili yó mole whį disirapekó betane ępaae woseturaalu, “I deį fọlo kuti deró betere so whįrape-a, demaaté? Mopaae wale so whįę?” yóló wosalepó.

<sup>14</sup> Ti fo depa ąlo ąpaae tokó mótu duraalu, “Doa whį-ó, naao ai tuęre ape,” depa, kale sekéné ępaae duraalu, “I daae mole so whį atimata, doasi sekeį ala hąle beleté waletéin atima deró betere kutikélé *Sipsip* hupu male sameané fokale tikimó mo deį ai erapa kelere? <sup>15</sup> Atéyale tikimó,

“Tẹteróló kaae tare Kótó ama *seamó* betepa, atima ą beterepaae kese anóló bitu, ama momatere bemó mole ala dętamokélé, dikitamokélé, hąle erótu betepapó. Até du betepa, tẹteróló kaae tare doasi ą betere tikimó bituraalu, ama atima wisiyóló beterópoló, kuti be tẹnótu betaalopó.

<sup>16</sup> Atéru, wote dere alaró weį nokole dere alatamo momó kae yaalomei ai ape.

Suka supunékélé, mo hąle supunékélé atimané tiki mo doraalomeipó.

<sup>17</sup> Ti noatepae, tẹteróló kaae tare doasi betere tuámó daale *Sipsip* hupu maleta, hupu kaae tare whįne dere kaae, atima mo wisi yóló kaae tarapó.

Atima dape sóró mo ti betere bete tuąmó wó tare węi nópóló ąlisóró faalo ai ape. Atéro betepa, Kótóné atima kelemó dorowou betere wole kaape fea helekóló kópuraalopó,'” yalepó.

## 8

*Węike diriróló kinó betere ąla tukóló teraąyale fo*

<sup>1</sup> Téro, kale *Sipsip* hupu malené kinó betere węike ąla tukóló teraąyalemó, ó hepen bemó fo mo sawakélé ini, ąle hipa fi betepa suka kele 30-minit kemeyalepó.

<sup>2</sup> Atépa kelalemó, Kótó betere felekemó daae mole węikeró *ensel*-rapepaae ukulumó wuti betą betą yóló melalepó.

<sup>3</sup> Atéro kelalemó, me *ensel*-né *kold kapané* aleale okopoi nuku tarepó. Ai nuku tómóta, felé ąlaaa wale fetera kaae ąla belerótua dapó. Ai ąla só wóló, simó sukųlaa daróló momatere tikimó daapa, si keletómó biliratepa felé ąlaaa wisi wale ąla mené ąpaae mo dekéro malepó. Ai felé ąlaaa wale ąlaró Talené kae beteró betere so whinė dere momatamo touróló, doasi betere *sea* molepaae anóló, *kold kapané* aleale momatere tikimó, Talepaae melaai sóró walepó. <sup>4</sup> Téro, kale felé ąlaaa wisi sukuli kaae, *ensel*-né naase taaróló, Kótó beterepaae holalepó. <sup>5</sup> Téro, kale *ensel*-né okopoi nuku taruraalu, kale momatere tikimó duku betere si kelerape ąaae sóró nuku ąanóló, i haepaae taae deralepó. Téyalemó, epée fitąa yóo, doasi be sapalaa dorowóo, bao doasi yóo yalepó.

*Kale węikeró ukulumó wutirapené haleraletai*

<sup>6</sup> Węikeró *ensel*-rape ukulumó wuti haleraai donoróló daae molepó.

<sup>7</sup> Kale kolosale *ensel*-né ama ukulumó wuti haleraalemó, hali *ais* kane kaae alée fóló dorowóo, simiró sameatamo hosekýóló dorowóo,

yalepó. Atéyaleteiné hae kwia sore moletei betą siné dukuraalu, tamo hae kwia ąle muni felepó. Nirapekélé atétóro yalepó. Nerapeta, fea siné doló sukųlaa dalepó.

<sup>8</sup> Téro, kale kolosale noma *ensel*-né ama ukulumó wuti haleraalemó, doasi hasi fosó kaae ąla siné doló kuló di węi ąla tópaee taae deralepó. Atéyalemó, ai węi ąla sore maanetei, tamo ąle belene furaalu, betą samea alée felepó. <sup>9</sup> Węi ąla tuąmó sore betere ąla fake betą dóló sukunóturaalu tamo betepa taaralepo. Doasi węi tómó kotere nukukélé tamo mupa taalóturaalu betą fake doralepó.

<sup>10</sup> Téro, doų noma *ensel*-né ama ukulumó wuti haleraalemó, sąmó daale doasi ąre betą i haepaae si kaae dukulé dorowóló, doasi fole węiró ąmale węitamo tópaee dorowalepó. Atéyale tikimó, sore fake maanetei betą fake doróturaalu, tamo taaralepó. <sup>11</sup> Ai dorowale ąrené doita, Hakesąapó. Ai hakesąare węirape nale tikimó, mo dekéro so whį sisiraae felepó.

<sup>12</sup> Téro, kale doų *ensel*-né ama ukulumó wuti haleraalemó, suka ke sore fake ąretei, betą fake dalemó dilikiyalepó. ąrekélé, wéliékélé atétóro yalepó. Be ątamokélé tamo fake ąpatei, betą fake dilikiyóo, dikitamokélé, tamo fake sawa ąpatei, betą fake mo ti diliki yóo yalepó.

<sup>13</sup> Téro, ąlo kaae tapatei, betą dukaa ó są tuąmó sę kutu bitu fo fakeyóló duraalu, “Kale ąle bitį fale sore *ensel*-né ukulumó wuti haletepa, i haemó betó mole so whįpaae sekei ala waaiemó mo doasi, ‘Wió yae! Wió yae!’ I haemó betó mole so whįrape-ó, dią mo wió yae!” du betalepó.

## 9

<sup>1</sup> Téro, kale apo *ensel*-né ama ukulumó wuti haleraalemó, take ó sąmó i haepaae tokó dorowale ąrepaae mo apaae derepale wosono dolo tų ki

mené ąpaae matepa kelalepó. <sup>2</sup> Téro, ai sekéné mo apaae derepale wosono dolo tukjyalemó, kutó néli bilitepa, hotere sukuli kaae sokalepó. Atéro holale sukuliné sukaró sątamo kinóló, be mo dilikiyalepó. <sup>3</sup> Téro ai sukuli dolomó, ero nusurape haepaae dorowalepó. Atimané whj tukó nukupa dotopo deretei, tų serekené tukó nukupa dere kaae yópoló, mené ą doasi fotokų melalepó. <sup>4</sup> Ai erorapepaae i fo yóló mulalepó. “I haemó yó mole nerape ó mepaae ere ąlarape ó nirape momókó doraąse. I hae kwiamó betere atima kutirimó Kótóné siri erénire so whj maaté tukó nae,” yóló mulalepó. <sup>5</sup> Ai ero nusupaae melale fotokųta, so whj mo ti sukópoló tukó néni, doasi dele sóró kaketu beterópoló, aporó wéliémó tuąmó turukóló nukulé fu betae. Atétepa, dere dotopota, tų serekené tukó nukupa, dere kaae yaalopó. <sup>6</sup> Atétere sukamó, so whj fea sukąaitere tų kekąalotei, sukutere ala kelaalomeipó. Atima mo ti sukunée deté fu betaalotei, ai tuąmó sukutere ala mo muaalomeipó.

<sup>7</sup> Téro, kale ero nusurape kelalemó, bóe dęle faairaalu, *hos* hupurape donoróló biture kaae erepó. Atimané topomóta, kale tųteróló kaae tare doasiné deró betere *kold kapané* aleale topo tao kaae deróo, atimané kelepaakélé mo whjné kelepaa kaae daayóo erepó. <sup>8</sup> Téro kale ero nusurapené topo niki kélé, sorapené niki kaae daayóo, atimané sekékélé *laiyonné* seké kaae daayóo epa kelalepó. <sup>9</sup> Atimané bopémó yąle sene waąsóró, *aiyon kapa* wase kaae dakeró beterepó. Atima burą furaalu dere sépi haleta, *hos* hupuraperó atimané sįyóló só kotere ąlatamo bóe daai furaalu, dere diri fake hale kaae yalepó. <sup>10</sup> Atima disalené whj tukó nukupa dere dotopota, tų serekené tukó nukupa dere kaae dapó. Atimané so whj tukó nukuraalu, fę dée daalater

dotopomó kaketé fu betepatei, wélié aporó kemeyaalopó. <sup>11</sup> Atima tųteróló kaae tare topo whjta, mo apaae derepale wosono dolomó betere *ensel* daalopó. Ai *ensel*-né ama doi Hibru foné Apadonipó. Krik foné Apolijonipó.

<sup>12</sup> Folosóró waaire sekémó, wió yae yale ala kemeyalepó. Téptei, tamo waai hąle mulapó.

<sup>13</sup> Téro kale apomi *ensel*-né ama ukulumó wuti haleralemó, Kótó betere felekemó *kold kapané* aleale momatere tiki kwia dokómó daaté fale sekęrapemó sókó wale fota, mo whjné dere fo kaae depa wosalepó. <sup>14</sup> Atéro yale foné kale ukulumó wuti tare apomi *ensel*-paae duraalu, “Kale doasi Yupretis fole węimó dokóló muló betere douró *ensel*-rape hąle fópóló sókó daalae,” yalepó. <sup>15</sup> Atima ai douró *ensel*-rapeta, ba fomókélé, wéliémókélé, be dęmókélé, sukakelemókélé, mo tukóló mulóló donoró betere be dęmótóró i hae kwiamó betó mole so whj sore fake beteretei, betą fake dópóló dotonalepó. <sup>16</sup> Atéro, bóe daai kale *hos* hupu tómó betóló fele whjrape fea, dokų sóró touróturaalu, 200 *milion*-pó (200,000,000) depa wosalepó.

<sup>17</sup> Yąlo nokenaró dere kaaené i ala epa kelalepó. Kale *hos* hupu tómó betó mole whjrape atima bopémó sere bóe wase mo si kele kaae sonaa yóo, mepaae sukutą yóo, mepaae ti *sulpa* kaae, whé yóo, erepó. Ai *hos* hupuné topota, mo *laiyonné* topo kaae daalepó. Ai hupurapené kólómó, simiró sukulitamokélé, si dokole kane *sulpa*-kélé atimané kólómó sókó walepó. <sup>18</sup> Ai sore ąlarape atimané kólómó sókó wouraalu, i haemó betó mole so whj sore fake beteretei tamo taaróló, betą fake dóló kemeralepó. <sup>19</sup> Ai *hos* hupurape atimané fotokųta, kólóró disaletamomó bulapó. Atimané disalerape mo wuli tiki kaae daalu, ama disale kwiamó topo daalopó.

Ainé so whį tukó nukupa, doasi dele sua dapó.

<sup>20</sup> Kale whį dele ọlané dóló mepaae taarale so whį atima naasené aleale kapala kótópaae tuę tiki tiratere ala taaréni, hąle yó tarepó. Ti ai kapala kótórapeta, *kold kapanékélé, silpa kapakélé, brons kapanékélé*, mo kaponékélé, ninékélé, aleyóló daaló betepatei, atima kotere ala ó, wosetere ala ó, keletere alamo dumipó. <sup>21</sup> Atimané whį dele alakélé, kae kae hosó fokélé, nópu nokole alakélé, ọlémi nokole alakélé fea taaróló kisipa feteni, hąle yó tarepó.

## 10

*Asęre sóku belekąa male doasi fotokọ bole ensel-né dąae faróló tare fo*

<sup>1</sup> Téró, me doasi fotokọ bole *ensel* hepen be taaróló, i haepaae dorowou betepa yąlo kelalepó. Ai sekéné ama kutita, mo sąkotóro deróo, ama topo tó sikimó sikipa doų filipaa yóo, ama kelepaakélé, mo suka dę kaae yóo, ama hąleke tamokélé, doasi ni tikimó si dukutere kaae dó tawóo erepó. <sup>2</sup> Ai sekéné ama naasené belekąamale asęre sóku dąae faróló tarepó. Ama turu hąleke doasi węi kęla tómo daalóo, fę hąleke hae tómo daalóo epa kelalepó. <sup>3</sup> Atéru, ai sekéné ama dere fo faketa, *laiyon*-né keterę kaae yalepó. Ama atéro fo faketeremó, węikeró be sapalaané whinė fo kaae depa wosalepó. <sup>4</sup> Atéro węikeró be sapalaané yale fo yąlo asę yaai yalemó, ó hepen bemó sókó wale foné duraalu, “Kale węikeró be sapalaané yale fo asęni kinae,” yalepó.

<sup>5</sup> Take me hąleke węi kęla tómo daalóo, me hąleke hae tómo daalóo, epa kelale *ensel*-né ama turu naase ó hepen-paae horó beterepó. <sup>6</sup> Atéru, sąró hepen-tamokélé, haekélé, węi kęlakélé, ai sore tikimó ere ala ó mole ọlatamo, fea aleyale mo ti betó tare Talené doi yóló malotu duraalu, “Kaae taté fole ala momó

kae yaalomeipó. <sup>7</sup> Tépateti, nalo kale węike *ensel*-né ama ukulumó wuti hale yaaire be dę teópa kaae taru, i ala yaalopó. Kótóné kinóló mole ala i ape yóló ama kutó diratere kóló whįrapepaae deté wale fo dokonóturaalu, mo eróló kemer-aalopó,” yalepó.

<sup>8</sup> Téró, take hepen bemó sókó wapa wosale fonétei ępaae momó duraalu, “Kale węi kęlaró haetamomó hó daaló betere *ensel*-né dąae faróló tare asęre sóku sene fae,” yalepó.

<sup>9</sup> Atétepa, ę kale *ensel* daalepaae fóló, naao ai tare asęre sóku kwia sawakó ęmale melaalóe yóló wosalepó. Tétepa ępaae duraalu, “Tao sóró nae. Atéro nukupa, naao kólómóta, meke fę felé kaae yaalotei, depe tuąmó feléni doyaalopó,” yalepó. <sup>10</sup> Atétepa, kale asęre sóku sawatamo ama naasené tapa, yąlo tao sóró nalemó, kólómó meke fę felé kaae yaleteti, depe tuąpaae bitį durupuraalu, yąlo depe mo doyaalopó. <sup>11</sup> Téró, ępaae duraalu, “Kae kae tiki daale so whįkélé, kae kae *Gavman*-né tęteróló kaae tare so whįpaaekélé, kae kae be fo buó mole so whįpaaekélé, kae kae tęteróló kaae tare topo whįrapepaaekélé, mo so whįpaaekélé, Kótóné eraaire ala i ape yóló, momó yó melae,” yalepó.

## 11

*Kótóné yaaire ala i ape yóló yó matere whį tamoné yale ala*

<sup>1</sup> Téró, dąle sere ọla kaae, kape siki mené ępaae melóló duraalu, “Yą fóló, Kótópaae momatere beró Talepaae simó sukųlaa dalatere tiki-tamo dąle sene fae. Téturaalu, ai be tuąmó touróló bitu, Kótóné doi sóró horótu betere so whįkélé dokọ sae,” yalepó. <sup>2</sup> Tépateti, kale momatere be bolaare tipi tuą betą dąle saęse. Ti noatepae, ai belata, Juda meire fake so whįmó meló betereiteinépó. Kótóné ama mo kae tęne be hulua wisinaale Juda meire fakené folokol-eróló, hąko kutu betepatei, 42 wélié



kemeyaalopó. <sup>3</sup> Téro, yąło du betere ala yó matere whį tamo yąło fotokọ matepa, atimaamo dekemó deratere yei kuti deróló, Kótóné diąpaae dere fo i ape, yóló yó maté kutu betepa, 1,260 be dęrape kemeyaalopó. <sup>4</sup> Ti ai sekę tamota, i hae kwia fea tęteróló kaae tare Tale betere felekemó daale *Olip* ni tamo kaae daayóo, są diri tamo kaae daayóo erapó. <sup>5</sup> Mepaae whį denétamo atimaamo doraai du betepa, ti atimaamoné kọlómó sókó wale siné atima dó sóró mo ti aluraalopó. Mepaae whį dené ai sekę tamo doraai kisipa mutepa, ti atimané ai dere alamó atimatei sukąalo ai ape. <sup>6</sup> Kale sekę tamoné bole fotokọ etérópó. Kótóné atimaamopaae dere fo mo so whįpaae yó matere be dęmó, hali waqsóró kinaaire fotokókélé sųmó bolepó. I haemó belere węikélé samea alée falóo, yaaire fotokókélé sųmó buóo, erepó. I haemó betó mole so whįpaae kae kae dowi sekęi alarape atimaamoné hękesere be dęmó sųmó eranérápó.

<sup>7</sup> Atimaamoné kelale ala yó maté fóló kemerateremó, mo a dolopaae derepale wosono dolomó betere dowi syaae kaae ọla sókó huturaalu, bóe dóló atimaamo tęteróló mo ti sukópóló daalo ai ape. <sup>8</sup> Téro, ai sekę tamoné tiki doasi doi mole be hulua tų hąkeamó muaalopó. Ai be huluamótóro atimaamo tęteróló kaae tare Tale filipaa ni tómó oleróló dalepó. Ai be huluapaae dó faróló, Sodom beró Isip haetamo kaaepó. <sup>9</sup> Atimaamoné tiki atéro hąle mupa, kae kae tiki daale so whįnékélé, kae kae fake so whįkélé, kae kae be fo bole so whįnékélé, kae kae *Gavman*-né tęteróló kaae tare so whįnékélé, sore be dę kemeyóló dou be dęné suka tuąmó kęleta yópólópa दौरaęse. <sup>10</sup> I hae kwia feamó betóló fale so whįné duraalu, “Atimaamo Kótóné kọló whį bitu, dą dóló susupurótu betale sekę tamo ti mulapa kelae yóló doka doka yaalopó. Téturaalu mo kée yóló,

atimasisi wisi wisi ọla u mótu i mótu du betaalopó,” yalepó.

<sup>11</sup> Tétu betaalotei, sore be dę kemeyóló dou be dęné suka tuąmó daapa, Kótó betemó sókó wale fomo atimaamoné tiki tuąpaae bių derepaalopó. Téturaalu, kale sekę tamo turukó holóló daane hotere kilitu, kale so whį atima winé sukóló diri furu furu yalepó. <sup>12</sup> Atéro turukó holóló daapa, ó hepen bemó atimaamopaae fo fake yóló duraalu, “Ipaae holae!” deremó, atimaamoné bóe whįrapené kaae dilikiyó mupatei, hepen-paae huturaalu, sąko dolomó buó deyalopó.

<sup>13</sup> Até yale sukakelemótóro doasi bao duraalu, naase tamo be hulua eretei betą kolokó doropuraalu, aporó kemeyóló, me naase douro be hulua fake hąle erepó. Ai bao yaletiné be kąturaalu, dóló kemerale so whį fea dokọ sóró touróturaalu 7,000 so whįpó. Até deremó, dini hąsókó fele so whį atima winé sukutu, ó hepen bemó betere Kótó mo daalapóló doi sóró horótu betalepó.

<sup>14</sup> Kale kolosale noma wió yae yale sekę wóló kemeyaletei, dou noma wió yae yale sekę betą mo felekemó waalo ai ape.

### *Węike dakeróló ukulumó wuti hale yaleteti*

<sup>15</sup> Téro, kale węike *ensel*-né ama ukulumó wuti haleralemó, ó hepen bemó atimané doasi fo fakeyóló duraalu,

“Take i hae mené tęteróló kaae taretei, fasó sóró mió dą tęteróló kaae tare Taleró ama so whį tęteróló kaae tare whį Kerisotamoné tęteróló kaae tarapó.

Ai sekęné ama kaae tare ala kemeni, hąle yó tawaalopó,” yalepó.

<sup>16-17</sup> Téro Kótó felekemó betere 24 whį disirape, atima tęteróló kaae

taru betere sea taaróló, haemó de-raapisa fóló mulu Kótóné doi sóró horóló duraalu,

“Mo doasi fotokq bole Tale Kótóo, yąta take bitiré wóló, miókélé hąle betereteiné dąné yąpaae mo kée dapó.

Ti noatepae, naao doasi bole fotokqné tẹteróló kaae tare ala kaae salepó.

<sup>18</sup> I hae kwia feamó betó mole so whiné fopaae butu betepa, naao fopaae bole ala sókó walepó.

Sukąle so whikélé, naao kutó diratere kqló whirapekélé, naao kae beteró betere so whikélé, yąpaae wiyóló naao doi sóró horótu betere so whikélé, mepaae doi munire so whi ó doi mole so whi fea tale yóló kwia melaaire be dę sókó wóló i mole ape.

Ai be demótóró i hae dorótu betere so whikélé kwia melóló, doraaalópó,” yalepó.

<sup>19</sup> Atéyale kılipaae Kótóné hepen-mó tene momatere be tų tukwę fóló molepó. Atépa kelalemó, ai be tuąmó ama so whi tao saalopóló, mo dirii fo aseyóló muló betere bokis molepó. Tėru, epée fitąa yóo, be są kili kili yóo, doasi sapalaa dorowóo, bao doasi yóo, ais kaporó doasi besę tikitamo dorowóo yalepó.

## 12

*Dowi wuli disóró betą sotamoné yale ala*

<sup>1</sup> Mo doasi bete mole ala yaaiemó, me alapaae dó faróló hepen-mó epa kelale ala wisinaale i ape. Betą soné ama deró betere kutita, ti mo sukatoróti deróo, ama hó aqmó wélié daayóo, 12 hqerape ama topo tao deróo, epa kelalepó. <sup>2</sup> Tėró kale soné ama ere naale ąlumétepa saairaalu, kakóló sisó nuku beterepó. <sup>3</sup> Tėró kale dere kaae, hepen-mó me alapaae dó faaróló depa kelaleteti me i ape. Sonaai wuli doasi disó kaae betepa kelalepó. Ama topo weikeró

daayóo, sekę naase tamo daayóo, weikeró toporapemó doasi tẹteróló kaae tare topo whiné deratere topo tao kaae deróo, yó molepó. <sup>4</sup> Ai sekėné ama disale fépo yaletikimó, sąmó daae mole hqerape tamo fake hąle daapatei, betą fake haepaae torokó dorowalepó. Atėró, kale soné ere naale seretamotóró tao sóró nó deraairaalu, mo felekemó melaa yóló beterepó. <sup>5</sup> Atépatei, kale soné naale só mulalepó. Ai naalenéta, *aiyon kapa* fake nópulu tawóló daalu, i hae kwia kae kaemó betóló fale so whi ama tẹteróló kaae tawaalopó. Kale soné ama naale seretamotóróti mo hapale Kótóné tao sóró ama tẹteróló kaae tare doasi betere tikimó ątamo betąmó titiyóló beterepó. <sup>6</sup> Tėró kale so ą whikélé bitini, hąle wópu mole haepaae botokó felepó. Ai haeta, kale so ą naale detepa, 1,260 be dę tuąmó mené ą wisiyóló kaae tawópóló, Kótóné tukóló mulale tikipó.

<sup>7</sup> Atėró, ó hepen bemó doakale bóe du betalepó. Maikel-né ama *ensel*-rape ipaae kąayóo, kale disó kaae wuliné ama *ensel*-rape upaae kąayóo, yóló bóe du betalepó.

<sup>8</sup> Téyaletei, Maikel-ró ama *ensel*-rapetamoné fotokqné kale disó kaae wuliró ama *ensel*-rapetamo doló tẹteróló hepen-mó betere alakélé mo ti kemeralepó. <sup>9</sup> Atėró, kale disó kaae wuli i haepaae sóró taae deralepó. Ai wulita, mo taketi bitiré walepó. Ama doita, bóe dele dowi kepe ó Satan-pó. Ai sekėnétóró, i hae kwia feamó betó mole so whi, dowi tųpaae ąlisóró fu beterepó. Ai sekėró ama *ensel*-rapetamo i haepaae taae deralepó.

<sup>10</sup> Tėró, hepen bemó etei fo fakeyóló depa wosalepó.

“Dą tẹteróló kaae tare Kótóné tao sere alakélé, fotokq bole alakélé, ama so whi tẹteróló kaae tare alakélé, ama sóró beteró betere whi Kerisoné tẹteróló kaae tare alakélé, mió wóló mulapó.

Ti noatepae, betere dokọ Kótóné keletómó dąné ne norape dętamokélé, dikitamokélé só derótu betere seké ąkélé sóró taae deró beterańpó.

<sup>11</sup> Kale *Sipsip* hupu malené samearó Talené atimané betere bete tuąpaae erótu betere alatamo hąkeamó yó mótu betaleńpó.

Atétu betereńmó, atima dupakélé wiyóló taaréni, Kótóné ala betą hąle eraté fu betaleteiné, ne norapetamo bóe du betale seké mo ti dóló tęteraleńpó.

<sup>12</sup> Atéremó, hepen be tuąmó betó mole whı dią mo kée yóló hąiné sinitu betae.

Tépatei, ą hepen be taaróló diątamo haepaae bitı dorowaleńpó, dią haemó betó mole so whıró doasi węi kęla tuąmó betere so whıtamo dią fea ‘Wió fo du betae!’

Ti noatepae, ai sekéné ama yaaire ala doa be dęmó yaalo meipóló kisipa mutu, ą doasi fopaae butapó,” yaleńpó.

<sup>13</sup> Kale dowi disó kaae wuli ą i haepaae sóró taae deró betepa kisipa mutu, kale naale deale so daai sya feleńpó. <sup>14</sup> Ai so ą bitı fıńpóló, Talené taketi donoróló muló betere whıkéle bitini, hąle wópu mole tikipaae sé fıńpóló, doakale dukaané baase tamo ą melaleńpó. Atéró fıló betepa, wuliné ą me ala yaąsóró mepaae whırapené ą mo wisiyóló kaae taté fıló, ba fo sorené doų ba fo tuąmó tukóló kemeróńpóló maleńpó. <sup>15</sup> Kale so atéró fupa, ą só fıńpóló dowi wuliné ama kólómó doasi fotokı węi tiki siriyó analeńpó. <sup>16</sup> Atéyalemó, kale so tao suraalu, haenétei kıló hąsóró holóló, ai węi tiki nó deraleńpó. <sup>17</sup> Atéteremó, disóné kale so-tamo mo doakale fopaae buturaalu, ai soné ama mepaae naale senaale-tamo bóe daai feleńpó. Ti aita, Kótóné ama yae yóló muló betere foró, Yesuné ama yale alatamo mopóló erótu betere naale senaaletamopó.

<sup>18</sup> Téró, kale disó kaae wuli ą fıló, węi fıókumó daaleńpó.

## 13

*Doasi węi kęla tuąmó sókó holale syaae kaae ęla*

<sup>1</sup> Téró ai węi kęla tuąmó syaae kaae ęla sókó hotepa kelalemó, topo węikeró daayóo, sekęrapekélé naase tamo daayóo, ereńpó. Ai sekęrape tómó tęteróló kaae tare doasiné deratere topo taorape deró betereńpó. Ai toporape dokómó Kótó faletere doirape aseńyóló dakerótua yó moleńpó. <sup>2</sup> Ai syaae kaae ęlata, mo *leapat* kaae ańrutei, ama hęleke ti *beané* hęleke kaae daayóo, kılókéle, *laiyonné* kıló kaae daayóo ereńpó.

Téró, kale wuli disóné fotokıkélé, ama tęteróló kaae tare alakélé, fea ala yńpóló, sóró beteroń betere alakélé, ai kale węimó sókó holale ęlapaae maleńpó. <sup>3</sup> Ai kale syaae kaae ęlané toporapekó betąmó, mo ti sukunei tę daayaletai, momó duniyale siri mupa kelaleńpó. Atére ala kilitu i hae kwia feamó betó mole so whı feané “Haió” yóló siraturaalu, kale syaae kaae ęlané ama dere alapaae tuę tiki tiróló sya feleńpó.

<sup>4</sup> Ai kale disó kaae wuliné kale syaae kaae ęlané doasi fotokı ala yńpóló sóró daalateré ala kolóló, so whı feané ai kale disó kilituraalu, “Ąta mo doa Taletóró,” hıtipó yóló, atima ą daale ańmó sukóló bituraalu, ama doi hale horaleńpó. Atétu yale kaae, “I kale węimó sókó horale syaae kaae ęlatamo de sųre? Ątamo mené bóe dele alakélé mo enénipó,” yóló dukirótu betaleńpó.

<sup>5</sup> Téró, ai kale syaae kaae ęlané bopé fake dere fokélé, Kótó faletere fokélé, so whı tęteróló kaae tare alakélé, yńpóló mené ą fotokı sųmó melaleńpó. Ai seké ą ai ala yńpóló sóró beteratepa, eraté fu bituraalu, 42 wélié tuąmó eróló kemeróńpóló tę melaleńpó. <sup>6</sup> Ama kılómó dere foné Kótó eratere fokélé, Kótóné doi hęko eróló faletere fokélé, Kótóné ama

hepen bemó ątamo betere whįrape faletere forapekélé du betalepó. <sup>7</sup> Téturaalu, Kótóné atima dowi ala kemeróló kae beteró betere so whįtamo bóe daairaalu, ketekę buló só deraaitepa seséni, ama yaaire ala betą yópóló taalalepó. Kae kae fakekélé, kae kae tiki daae mole so whįkélé, kae kae be fo bole so whįkélé, tęteróló kaae dilikiyó mole hae kwiarapekélé, mo fea ama tęteróló kaae tanópóló mené ąpaae fotokę malepó. <sup>8</sup> I hae kwia feamó betó mole so whįné, kale syaae kaae ęla aqmó sukóló bitu, “Yąta Talepó,” du betaalo ai ape. Ti atimata, kale *sipsip* hupu malené mo ti betó tare *buk*-mó doi asęnire so whįpó. Ti ai *Sipsip* hupu maleta, i hae kwia keké naaipatei, dópólópó yóló muló betere hupu malepó. <sup>9</sup> Mepaae whį de wosęli daapata, ti i dere fo wosóló tuę muópóló yae.

<sup>10</sup> Whį me detamo bóe duraalu, wae sóró *dipula* beteraalopóló tukóló muló betepa, ti mo atétóró yaalopó.

Whį me de bóe whįné bóe dele sepakené dópólópó yóló muló betepa, ti mo sepakenétóró daalopó.

Até yaaiemó, Kótóné kae beteró betere so whįpaae sekęi alarape wapakélé, haepaae derepéni, diriyóló bitu, Talené ama ala betą ketekę buóló eró tawae.

*Hae tuqmó sókó holale syaae kaae ęla*

<sup>11</sup> Téro yąlo kelalemó, hae dolomó syaae kaae ęla me sókó horalepó. Ai sekéné ama topomóta, *Sipsip* hupu malené sekę kaae daalutei, ama dere fo wosalemó, kale wuli disóné fo kaae yalepó. <sup>12</sup> Kale haemó sókó horale syaae kaae ęlapaae folosóró węimó sókó horale sekéné ama tęteróló kaae tare ala melalepó. Atétepa, nalo wale sekéné ama tęteróló kaae taru, kale folosóró wale sekéné doi eróturaalu, i haemó betó mole so whį feané kale sukętei tokóló

doasi siri mole sekępaae Tale-ó, yóló doi sóró horópóló sętu betalepó. <sup>13</sup> Ai kale sekéné amatei mo doakale kae kae kelemei alarape eróturaalu, so whį feané keletómó sikélé ó hepen be taaróló i haepaae dorowópóló erótua yalepó. <sup>14</sup> Kale folosóró wale sekéné doi doasi mulópóló mené ą fotokę sumó matepa, kae kae kelemei alarape erótu betalepó. Téturaalu, i hae kwiamó betó mole so whį fea dilikóló kópaae falatua yalepó. Téro, kale haemó sókó holale sekéné i haemó betó mole so whįpaae duraalu, sepake daayale tikimó doasi siri mole sekéné ama doi doasi muópóló, ama aso sųróló aleale ęla daalae, yóló mulalepó.

<sup>15</sup> Téro, kale folosóró wale sekę sųróló aleale ęlané fo yópóló, fomo bulaaire fotokę mené haeró sókó holale sekępaae malepó. Atépa, i hae kwiamó betó mole so whįné ai asopaae, Tale-ó yóló doi sóró horénitere so whį dópóló, haemó sókó horale sekéné fotokę sumó bulalepó. <sup>16</sup> Ai sekéné, doasi doi mole whį ó doi munire whįpaaekélé, néli whį ó yoleale whįpaaekélé, hąle kęleaané betó mole whį ó wae sóró kutó diratere whįpaaekélé, atimané turu naasemó ó kutirimó siri erópóló yae yóló so whį feapaae sęyalepó.

<sup>17</sup> Ai siritamo munipa, ti ęla dupu dere alakélé, ó dotonatere alakélé, mo yaalo meipó. Ti ai siritu, kale syaae kaae ęlané ama doi ó ama doipaae fó faróló ere *nambapó*.

<sup>18</sup> Ti etei alata, mo hąle whįné tuęyaalo meitei, mo tuę tiki fosó fosó yóló dotoróę fale whįné betą sumó taleyóló bete tuęnérapó. Whį me detamo, ama tuę tiki fosópa, ti kale syaae kaae ęlané *namba* taleyóló bete tuęnérapó. Ti ai *nambata*, mo whįné *namba*-pó. Ai sekéné ama *nambata* 666-pó.

## 14

*Sipsip hupu maleró 144,000 so whįrapetamoné yale ala*



1 Téro yąło kelalemó, ę daale felekepaae anóló Saion hasi fosómó kale *Sipsip* hupu male daapa kelalepó. Aimó 144,000 whįrapekélé, atima betąmó daae molepó. Ai whįrape atimané kutirimóta, kale hupu malené doikélé, Alimané doikélé aseyóló dakeró beterepó. 2 Téro yąło wosalemó, hepen bemó sókó wale haleta, węi dou kąatu dere hu kaaeró be sapalaa dorowale hale kaaetamo depa wosalepó. Meta, *kita* kaae ęlarapené dere hale kaae depa wosalepó. 3 Téro, u kale whįrape atimané kale tęteróló kaae tare doasi betere tikipaaekélé, ą bopéróló betó mole douró betere ęlarapepaaekélé, whį disirapepaaekélé, kese anóló daae muluraalu, kae kisi wole fo du betalepó. Ai wole fota, hąle mo whįné tuę yóló enénipó. I haemó dowi kwia saqsóró Kótóné tao sóró dupurale 144,000 whįrapené betą tuę yóló enérápó. 4 Ti ai daae mole whįrapeta, sorapetamo folokolei ala initu detere kaae, i haemó mole alatamo hosekénire whįrapepó. Ti noatepae, atimané betere ala folokole yaqsóró ó me alatamo hoseké yaqsóró mo hotowayóló kaae tawaleteinépó. Ti ai whįrapeta, *Sipsip* hupu malené dere ala sya fóló erótu beterapó. Ai whįrape atimata, hąle mo so whį kuamó betó mupa, dupuróló Kótóró *Sipsip* hupu maletamopaae kale kutómó folosóró ęlumé dere ęla, Talepaae hąle matere kaae yóló melale 144,000 whįrapepó. 5 Atimata, kapala fo sawakélé muniru, me hąsókó fole alakélé inire whįrapepó.

### *Sore ensel-rapené yale ala*

6 Téro yąło kelalemó, *ensel* me kae ó sąmó sę kutu betepa kelalepó. Ai sekénéta, mo titóróti hąle betó tawaaire kisi fo wisi, i hae kwia feamó betó mole so whįpaae yó melaairaaalu, tarepó. Ti ai fota, betą fake so whįpaae maaté yó melaai mei, kae kae *Gavman*-né tęteróló kaae tare so whįpaaekélé, kae kae

fake so whįpaaekélé, kae kae be fo bole so whįpaaekélé, kae kae tiki daae mole so whįrapepaaekélé, yó melaaire fo wisipó. 7 Téro ama fo fake yóló duraalu, “Kótópaae winé sukuturaalu, ama doi betą doasi doi muępóló erae. Ti noatepae, ama fo tokótamo yóló taleturaalu, kwia melaaire suka kele i sókó wale ape. Tęrapa, ą aqmó sukóló bituraalu, ‘Aya Tale doasi-ó,’ yóló, ama doi betą sóró horótu betae. Ti amata, hepen beró sątamokélé, haekélé, doasi węi kęlakélé, fole węirapekélé aleyóló muló betereiteinépó,” yalepó.

8 Ai fo yale *ensel* folosóró fi tikimó, *ensel* me kae nalo sya fu bitu duraalu, “Kolokóló dorowóló a mole ape. Doakale doi mole Babilon be hulua kolokóló dorowóló mulapó. Ti ai nópu nokole so Babilon-néta, ama nópu nokole alané aleale keyaa fole *wain* węi hae kwia kae kaemó betó mole so whį feané nępóló melótua yale so, mió kolokó dorowóló ai mole ape,” yalepó.

9-10 Téro kale dere kaae, ai *ensel* tamo fi tikimó, *ensel* me kae sya fu fo fakeyóló duraalu, “Mepaae whį detamo, kale syaae kaae ęlapaae ó ama aso kaae ęlapaae, ‘Doa Tale-ó,’ yóló aqmó sukóló bitu, atima kutirimó ó naasemó, ai ęlané siri eró betere whįrape ama doakale fopaae buló kwia matere węi nępóló melaalo ai ape. Ai *wain* węi mo węitamo hoseké ini, mo *wain* węitóró Kótóné fopaae butu kwia melaairetei, wutimó tepeyóló mulapó. 11 Atéro atima duku bituraalu, hotu betere sukulita, mo hąle holótóró tawaalopó. So whį de kale syaae kae ęlaró ama aso kaae ęlatamoné, doi sóró horóó, ama doi mole siri sóó, ere so whį atima dętamo ó dilikitamokélé, są nóló betere ala mo yaalomeipó,” yalepó. 12 Kótóné kae beteró betere so whįné, ama yae yóló muló betere fo aqmó sukóló bitu, Yesuné ala eraté fu betaalopó. Ai tuąmó i kale bope yale sekęi alarape wa-

pakélé, haepaae doropóló taaréni, hąle beleté fu betereteiné ai ala mo sųmó eranérápó.

<sup>13</sup> Téró, hepen bemó i fo depa ąło wosalepó. “I fo aseyae. Mo mió kaae sóró Taletamo betąmó betere so whį sukutepa, ti atima Talené mo wisiró beterápó,” yalepó. Kale Dęi Kepe Wisiné duraalu, “Mo dapó. Ti atimané depe tukó wei ala du beteretei taaróló, sąa nóló bituraalu, atimané yale alamó dupu saaire ala felekemó yaalo ai ape,” yalepó.

#### *Haemó yó mole ąla ųlumétepa turukóló saairetei*

<sup>14</sup> Téró ąło kelalemó, ę daalepaae anóló mo dęi sąko tómó, whįné naalema kaae betepa kelalepó. Ama topomó, tęteróló kaae tare doasiné deró betere *kold kapané* aleale topo tao deró bituraalu, ama naasené ąla ųlumétepa turukó suatere hekemée wei fosói sepake tarepó. <sup>15</sup> Tépa, me *ensel* momatere bemó sókó wóló, kale sąko tómó betere seképaae fo fakeyóló duraalu, “Naao tare sepakené kale ųlumére ąlarape turukóló sae. Ti noatepae, mió ąla ųlumépa saaire be dę i sókó wale ape,” yalepó. <sup>16</sup> Tétepa, kale sekéné tare sepakené i haemó ųlumé yó mole ąlarape fea felesé yóló turukó salepó.

<sup>17</sup> Téró, me *ensel*-nékélé, hekemée wei sepake fosói tawóló, hepenmó tęne momatere bemó sókó walepó. <sup>18</sup> Atépa, Talepaae matere ąla sukųlaa dalatere tikimó si kaae tare *ensel* sókó wóló, kale sepake tare *ensel*-paae fo fakeyóló duraalu, “Naao ai tare sepake fosóné i haemó yó mole *wain* képi durape ųlumérapa, sepemó tukóló siré kwęae,” yalepó. <sup>19</sup> Tétepa, kale *ensel*-né ama sepakené i haemó yó mole *wain* képi du felesé yóló turukó siré kwęyóló, kale képi du dętere doasi tikipaae taae derale fae. Ti kale képi du dętere tikita, Kótóné ama fopaae bole ala kwia melaairaaalu, dętu betere tikipó. <sup>20</sup> Doasi be hulua aąró *wain* węi dętere tikipaae

taaе deratepa, atimané tęiya tęiya yaletikimó, samea doasi sókó felepó. Atéro sókó fele sameata, węi kaae dukulé holóló, *hos* hupuné ąło aąmó depa sale dąleta, 300 kilomita sųpó.

## 15

### *Węikeró ensel-rapené węikeró doasi sekęi alarape tapa kelaletei*

<sup>1</sup> Téró ąło kelalemó, hepen bemó mo doasi bete mole ala wisinaale yaairemó dere ala epa kelalepó. Ai kale kelale alata, i ape. Węikeró *ensel*-rape dokę mo kemeróturaalu so whį feapaae dowi sekęi ala melaaire węikeró tapa kelalepó. Ai kemeróturaalu dere fota, ti Kótóné ama fopaae buóló kwia melaaire alarape mo ti kemeróturaalu, i węikeró alarapené kemeraalopó. <sup>2</sup> Téró ąło kelalemó, *klas*-ró sitamo hosekéróló aleale węi kęla kaae belerepó. Ai węi fóku dęmóta, so whį mo fea hąle ąla kaae daae mupa kelalepó. Ti aimó daae mole so whįta, kale syaae kaae ąlaró ą sųróló aleale asotamokélé, ama doimó sere *namba*-kélé, ai alarapetamo bóe dóló tęteróló wale so whįpó. <sup>3</sup> Kótóné ai daae mole so whįpaae male *kita* kaae ąlarape taruraalu, Kótóné kutó diratere whį Moses-ró kale *Sipsip* hupu maletamo doląanóló du betale wole fo i ape.

“Mo doasi fotokę bole Tale Kótóo, naao du betere alata, mo doasi sira yaai dere ala du beterápó. Take keké nale alimó kaae sóró bitiré waletaikélé, mió i alimó bitiré faaireteikélé, tęteróló kaae tare Tale-ó, ąąta, naao ere alatóro sya furaalu, mo dono taletu beterápó.

<sup>4</sup> Tale-ó, whį me de ąąpaae winé sukutu, naao ere alamó naao doi doasi muaalomeipóló de? Betą whįkélé ąą kaae bitini, ąąta dowi alakélé muni, mo kae betere Talepó.

Kae kae hae kwiamó betó mole so whį ąą beterepaae wóló, ąą

aqmó sukóló bitu, Doa Tale-ó yóló dukirótu betaalo ai ape.

Ti noatepae, naao mo donoyóló taletu betere alarape take hiróló mualetei, mió so whį feané kolópoló hąkeamó muló beterapó,” yalepó.

<sup>5</sup> Ai alarape yóló kemetepa kelalemó, ó hepen-mó momatere be tu tukwę fóló molepó. Ai momatere beta, Kótóné ama so whį tao saalopóló dirii fo muló betere kuti bepó. <sup>6</sup> Téro kelalemó, kale wẹikeró *ensel*-rape atimané wẹikeró sekęi alarape tawóló ai momatere bemó sókó walepó. Atimané deró betere kutita, mo de tekée fóló kasa kasai *linen* kuti deróo, *kold kapané* dokale to atimané deró betere kuti tẹteróló bopemó sóo, epa kelalepó. <sup>7</sup> Téro, kale douro betere ęlarapekó betané kale wẹikeró *ensel*-rapepaae *kold kapané* aleale wẹikeró okopoi nukurape dokęralepó. Ai nukurapemó, mo ti betó tare Kótóné ama kwia melaaire fopaae butere ala fąayóló molepó. <sup>8</sup> Kótóné ama ere ala wisinaale hąkearaterere alaró ama doasi fotokętamóné momatere be dolomó sukuli kaaróló fąaneteiné, whį fókélé mo enénipó. Kale wẹikeró *ensel*-rapené tare wẹikeró dowi sekęi alarape melóló kemenipatei, ai be dolopaae folo hapale honénipó.

## 16

*Kótóné fopaae bole ala belere okopoi nukurape*

<sup>1</sup> Téro yęlo wosalemó, momatere bemó sókó wale foné kale wẹikeró *ensel*-rapepaae fo fakeyóló duraalu, “Kótóné fopaae buluraalu kwia melaaire ala okopoi nukumó beleróló diaaq ai taretei, haepaae sunée deręle fae,” yalepó.

<sup>2</sup> Ai fo depa, kale kolosale *ensel* fóló ama tare okopoi nukumó belere ęla sóró fóló, haepaae sunée deralemó, kale syaae kaae ęlané siri eróló, ama aso aqmó sukóló betó mole so whįné tikimó, dotopo yóló mo doasi dele

su betaaire sonaalei humu fulu deralepó.

<sup>3</sup> Téro kolosale noma *ensel*-né ama tare okopoi nukumó belere ęla doasi wẹi kęlapaae sunée deralemó, kale wẹi mo sameatóró alée felepó. Ai sameata, mo ti sukęle whįné samea kaae hękoloipó. Até yaletikimó, wẹi kęla tuamó betó mole ęlaraperó ere ęlarapetamo mo fea sisiraae felepó.

<sup>4</sup> Téro, kale dou noma *ensel*-né ama tare okopoi nukumó belere ęla, doasi fole wẹiró amale wẹirapetamopaae sunée deralemó, samea alée felepó. <sup>5</sup> Téro yęlo wosalemó, kale doasi fole wẹirape kaae tare *ensel*-né duraalu,

“Naao taletere alata, mo donotóró tale yóló kwia materetei mo wisirapó.

Ti noatepae, yęta takekélé betóo, miókélé betóo iru, dowi ala mo betękélé munire Tale beterapó.

Téru, fo tokętamo yóló tale yóló kwia matere alata, mo donoyólótóróti ai yale ape.

<sup>6</sup> Ti noatepae, naao kae beteró betere so whįró naao fo eratere kóló whįrapetamo dale kwia tokę móturaalu ai sókó fele samea nępóló materetei, mo donorapó,” yalepó.

<sup>7</sup> Téro yęlo wosalemó, Talepaae moma yóló simó sukęlaa dalatere tikimó etei fo yalepó.

“Mo doakale fotokę bole Tale Kótóné, yęta mo fotóró bulu, naao tale yóló kwia matere alakélé mo donotóró dapó,” yalepó.

<sup>8</sup> Téro, kale dou *ensel*-né ama tare okopoi nukumó belere ęla suka betepaae sunée deralemó, siné so whį dolo baalu sorokó faaire fotokę mené sųmó melalepó. <sup>9</sup> Atéro dokole si supuné atima tiki turó baalu sorokó felepó. Até dere supumó, Kótóné doi doróló ę eratere fo du beterepó. Atimapaae atei kaae susupui ala eratepatei, atimané du betere dowi ala taaróló, tuę tiki fetenipó. Téruraalu, Kótóné

doi doasi muǵpóló eraaire alakélé hǵyóló, dowąae fu betalepó.

<sup>10</sup> Kale apo *ensel*-né ama tare okopoi nukumó belere ǵla, kale syaae kaae ǵlané tǵteróló kaae tare tikimó sunée deralemó, ai hae kwia fea dilikiyó felepó. So whı́ supumó atéro kakutu bitu, atimané hapetei turukóló nuku betalepó. <sup>11</sup> Atimané tikimó daae mole humu dotoporó siné dale deteraatamomó kakutu bituraalu, hepen bemó betere Kótóné doi doróló, tekani fo du betalepó. Tétu, atimané yale dowi ala taaróló tuǵ tiki feteyóló betaalo hǵyóló, dowi ala yaaitei dowąae fu betalepó.

<sup>12</sup> Kale apomi *ensel*-né ama tare okopoi nukumó belere ǵla doasi fole Yupretis wǵipaae sunée deralemó, kale suka hoterepaaeróló tǵteróló kaae dilikiyó mole topo whı́rape waaire tú mulóturaalu, kale wǵi tiki dikǵlepó. <sup>13</sup> Téro ǵalo kelalemó, sore dowi keperape sepéerape kaae beterepó. Ai dowi kepe atima, me wuli disóné ǵlómó sókó wóo, me syaae kaae ǵlané ǵlómó sókó wóo, me Kótóné fopóló kapala fo yó matere whı́né ǵlómó sókó wóo, yalepó. <sup>14</sup> Ti ai keperapeta, kae kae kelemei alarape erótu betere sekǵrapepó. Doa fotokǵ bole Tale Kótóné ama tukóló muló betere doasi be demó, Taletamo bóe daaire whı́rape mei ǵaǵsóró, i hae kwia feamó tǵteróló kaae dilikiyó mole topo whı́rapepaae bóe daalopa ape yóló, dape siré kutu beterepó.

<sup>15</sup> “Térapa ǵta, ǵlémi nokole whı́ kaae waalo ai ape! Atéyaalopa, whı́ me de noke fió muni turukó holóló bitu, ama deratere kuti ǵ betere tikimótóróti muló betae. Atétere whı́ ǵ Tal-ené wisiró beterepóló hǵjné sukǵalo ai ape.

Ti noa ǵaǵsóró mei, ama tiki daapi hǵle furaalu hale ǵaǵsóró dapó,” yalepó.

<sup>16</sup> Téro, atima fóló kale topo whı́rape dape siré kwǵyóló, Israel

fake so whı́né Hibru foné doi muló betere, Armakedon haepaae tourǵle walepó.

<sup>17</sup> Téro kale wǵike *ensel*-né ama tare okopoi nukumó belere ǵla ǵa tó tuǵmó sunée deralemó, kale momatere be tuǵmó tǵteróló kaae tare doasi betere tikimó fo fakeyóló duraalu, “Mió ai kemeyale ape!” yalepó. <sup>18</sup> Ai fo yalemó, epée fitǵa yóo, be ǵa kili kili yóo, doasi sapalaa dorowóo, mo doasi bao yóo, yalepó. Take i haemó betale so whı́né etei kaae bao depa mo kilinipó. <sup>19</sup> Ai bao duraalu, kale doasi be hulua tekeyóló sore fake daane fóo, i hae kwia feamó tǵ mole doasi be huluarapekélé kolokóló doropóo, yalepó. Kótóné kale doasi doi mole Babilon tuǵ muturaalu, ama dowi fopaae bole *wain* wǵi wutimó tepeyóló, kale so nǵpóló melalepó. <sup>20</sup> Wǵiné bopéróló daae mole hae kwia fea daani, alu yó molepó. Doasi daae mole hasi fosórapekélé kelalemó daani, aluyó molepó. <sup>21</sup> Ó ǵamó doasi *ais* kapo du kaaené whı́rape tǵiya yaai dorowalepó. Ai dorowale *ais* kanerape sekǵ dǵleta, 50 *kilogram*-pó. Atimapaee atei mo dowi sekǵi ala erateremó, Kótó eróló tekani fo du betalepó.

## 17

*Syaae kaae ǵla tómó betere somó yale fo*

<sup>1</sup> Téro, kale wǵikeró okopoi nuku tare *ensel*-rapekó betǵ ǵ beterepaae wóló duraalu, “Kale wǵirape tómó betere doasi doi mole nópu nokole soné dere alamó, kwia melaairetei ǵalo ǵapaae yó melaalopa ape. <sup>2</sup> Ai sota, i hae kwia fea tǵteróló kaae tare topo whı́rapetamo nópu nuku betalepó. Téro, kale soné i hae kwiamó betó mole so whı́kélé, nópu nokole *wain* wǵi melale tikimó topo doyóló keyaa fu betalepó,” yalepó.

<sup>3</sup> Téro, ǵ kale Dǵi Kepe Wisi tuǵmó betepa, *ensel*-né so whı́kélé bitini hǵle kópu kǵae fi tikipaae



beleyóló sóró felepó. Aimó bituraalu kelalemó, betą so mo sonaaı syaae kaae ęła tómó beterepó. Ai syaae kaae ęlané ama tiki turó, Kótó aęratere doirape aseyó boperóo, weikeró toporape daayóo, naase tamo sekęrape daayóo, epa kelalepó. <sup>4</sup> Kale soné ama kutita, mo sonaaıró sukutaıtamo deróo, ama aure ęlarapekélé, *kold kapané* alealeteiné hęre hęre yóo, mo doasi *moniné* sere kasa kasai kaneró du dui meleketamo sóo, erepó. Ama naasené tare *kold kapané* aleale wuti dolomó kelaalokélé mo sonaaılei ęlaraperó ama nópu nokole alané bólutamó deyóló fąanó beterepó. <sup>5</sup> Ama kinóló mole doi kutirimó asęretei i ape.

DOASI BABILON-TA, NÓPU NUKU  
BETERE SORAPERÓ I HAEMÓ MOLE  
KELAALO MO SONAALEI  
ALARAPETAMONÉ HAMAPÓ.

<sup>6</sup> Téro yąło kelalemó, Kótóné ama kae beteró betere so whı atimakótei, mepaae Yesuné yale ala i ape yóló yó melateremó dale so whıné samea naletikimó kale so ą topo doyóló keyaa fu beterepó. Atétere ala kolóló, ę sira yale supó. <sup>7</sup> Atétepa, kale *ensel-né* ępaae duraalu, “Yą noatepa siratu bitute? Ai weikeró topo daayóo, naase tamo sekę daayóo, ere syaae kaae ęlaró ama sisó tómó betere sotamoné kinóló mole ala bete yąło yąpaae hąkearóló yó matapa wosae. <sup>8</sup> Naao kelale syaae kaae ęlata, take betaleti, mió bitinipó. Téptei, take mo apaae derepale wosono dolomó sókó holóló, ą doraai dąle muló betere tikipaae faalo ai ape. Mepaae so whı i haemó bitu, atimané doi take keké nale alimótei mo ti betere *bukmó* munipó. Atére so whıné kale syaae kaae ęła kilituraalu, doasi sira yaalopó. Ti noatepae, take ą betepa kolóo, mió bitini alu yóo, nalo momó sókó wóo dereteinépó.

<sup>9</sup> Naao ai kelale alata, mo kisipa tiki fosó fosóyóló dotoróę fale whıné betą bete tokóló kolóló tuęnérapó. Kale weikeró toporapeta, ti kale

soné ama ero dée daalóló betere weikeró hae durapepó. <sup>10</sup> Me beteta, ti kale tęteróló kaae tare weikeró doasi topo whırapepó. Ai weikeró whırapekó, aporó whırape atimané tęteróló kaae tare ala kemeyalepó. Até yóló betą whıné tęteróló kaae tare ala betą hąle erapó. Atépa, nalo me whı wouraalu, ama tęteróló kaae tare ala sawa sukamó maaté kaae tawaalopó. <sup>11</sup> Ai kale syaae kaae ęła take betaleti, mió bitinipó. ąta kale tęteróló kaae tare weikeró doasi topo whırapekótei, ąkélé atimatamo touróturaalu bokówalerópó. Ai weikeró topo whırapetamo betąmó betereitei, ą doraai tukóló muló betere alapaae fu beterepó.

<sup>12</sup> Naao kelale naase tamo sekęrapené beteta, naase tamo tęteróló kaae tawaaire doasi topo whırapepó. Ti mió atimané tęteróló kaae tawaaire ala sini, téyópó. Take atima doasi doi muępóló mené sóró beteraalopó. Atéro sóró beteratepa, kale syaae kaae ęlatamo betą bitu, sawa sukamó tęteróló kaae tawaalopó. <sup>13</sup> Atima fea mo betą kisipatóró muóló, kale syaae kaae ęlapaae naaotóro kaae tawae yóló, fotokęró tęteróló kaae tare alatamo melaalopó. <sup>14</sup> Ai fakerape atima touyóló kale *Sipsip* hupu maletamo bóe daalopó. Téyaalotei, kale *Sipsip* hupu malené atimatei dóló tęteraalopó. Ti noatepae, ąta i haemó betó mole talerape tęteróló kaae tare Tale betóo, mepaae hae kwia tęteróló kaae tare topo whırape tęteróló kaae tare topo whı betóo, erapó. Atéru, ą sya fóló ama ala eró tare so whıta, ti ątamo betąmó betaalopó. Atimata, ama ape yóló sókó su yóló, kae beteró betere so whıpó,” yalepó.

<sup>15</sup> Téro, kale *ensel-né* ępaae duraalu, “Kale nópu nokole so betere weırapené beteta, i ape. Kae kae tiki daae mole so whıkélé, kae kae touró betere fakekélé, kae kae *Gavman-né* tęteróló kaae tare so whıkélé, kae kae be fo bole so whıkélé

mo fea tó mó, ai so ą betera pó.  
<sup>16</sup> Kale syaae kaae ąlaró naase tamo sekérapetamoné kale nópu nokole so hóróló, bóe daalopó. Atéturaalu, ama kuti fea sorokóló taae faróló tiki daapi hąle betepa, ama tiki mi fea sorokóló nóló diri hąle simó sukųlaa dópóló biliraalopó. <sup>17</sup> Ti noatepae, kale naase tamo sekérape atima fea fo dokóló betą tuę mutu, atima teteróló kaae tare fotokọ kale syaae kaae ąlapaae melaalopó. Até yaaire alata, Kótóné ama eraalopó yóló muló betere fo dokonótu mo erópóló, atima tuąpaae bulaalopó. <sup>18</sup> Naao ai kelale sota, i haemó betó mole topo whįrape teteróló kaae tare doasi doi mole be huluapó,” yalepó.

## 18

### *Babilon kolokóló derepele fo*

<sup>1</sup> Ai ala yóló kemetepa, me *en-sel* hepen bemó dorowou betepa kelalepó. Ai sekéné, fea ala ama teteróló kaae tawóló beterópóló, mené ą sóró beteró betera pó. ą tuąmó ere kokóné sini dę wisinaale i hae kwia feapaae dęralepó. <sup>2</sup> Téro, kale sekéné mo doasi fo fakeyóló fotokųiné duraalu,

“Ai kolokó dorowóló mole ape! Kale doasi doi mole be hulua Babilon kolokóló dorowóló mulapó.

Ti ai sota, dowi keperape betere be alée fóo, mepaae kae kae dowi keperaperó hąkolo yóló kelaalo mo sonaalei barapetamo, betere tiki alée fóo erapó.

<sup>3</sup> Ti noa betené mei, hae kwia kae kaemó betó mole so whį ai soné ama nópu nokole ala tokóló yateiné *wain* węi nóló, keyaa fu dere kaae du betalepó.

I hae kwiamó betó mole so whį teteróló kaae tare topo whįrapekélé, kale sotamo nópu nukua yalepó.

Ai soné ama doasi nélire alané, i hae kwiamó ąla ąla dotonóló

duputu betere so whįné *moni* mo dekeró širé feleteiné nélí whį betalepó,” yalepó.

<sup>4</sup> Téro hepen bemó me i fo depa wosalepó. “Yąlo so whį-ó, ai sotamo betere so whį kua dolomó betteretei taaróló sókó ape.

Ama du betere dowi alarape diąpaae tokó melóturaalu, ama saaire dowi sekei alarape diąkélé saqsórópa, taaróló ape.

<sup>5</sup> Ti noatepae, ai soné Kótóné yóló muló betere fo tikale dowi ala muté holóló, hepen bepaee sókó horapó.

Atéremó, melaaire dowi kwia Kótóné keteréni, kisipa hąle yó tarapó.

<sup>6</sup> Kale soné ama melatua yale węi ąpaae tokó mótu, ama male sų tó mó me beleróló ątei nópóló melae.

<sup>7</sup> Kale so ą doasi doi mulapóló, wisi wisi ąla dekeró nuku betale sųtóró, susupui alaró dekené sukutere alatamo sópóló melae.

Ama tuę tiki tuąmó bopé fake dere ala bulu, ‘Ęta, mo doasi teteróló kaae tare topo so bettereteiné ę wulia so betepapakó woletere ala enénipóló,’ kisipa mutu betera pó.

<sup>8</sup> Atéreteiné, mo betą sukamó ama sópóló dąle muló betere sekei alarape hąsókó feni, mo saalo ai ape.

Ai alarapeta, i ape. Sukutere alakélé, dekené sukuturaalu wole yaaire alakélé, wotené sukutere alakélé, tiki siné dóló sukųlaa dokole alakélé, ai ala fea mo amatóró saalo ai ape.

Ti noatepae, ai somó dowi kwia melaaire Tale Kótóta, mo doasi fotokọ bole bete Talepó,” yalepó.

<sup>9</sup> Ai sotamo nópu nokole ala yóo, ama wisi wisi ąla sóo, du betere teteróló kaae tare topo whįrapené ai kale so dukuraalu, hotere sukuli

kelalepó. Atétepa, atima kale so dekené sukóló woletu betaalopó.

<sup>10</sup> Kale so atéro duku bitu, susupu sóró kaketu betere alamó, atima wituraalu, tika mo umó daae mulu, i fo yaalopó.

“Mo doa wió! Doasi doi mole be hulua-ó, wió yae!

Doasi fotokq bole be hulua Babilon, ya doraalopóló tukóló muló betere alata, betą sukakelemótóró mo ti doróló ai kemeyale ape.”

<sup>11</sup> I hae kwia feamó ęla ęla dotonóló duputua yale whırapené kale so dokole kolóló, dekené sukuturaalu, moló-u yaalopó. Ti noatepae, atimané ęla ęlarape take yale kaa whırapené momó kae duputimipó.

<sup>12-13</sup> Atimané atéro dotonótu betere ęla ęlarape i ape. *Kold kapa, silpa kapa*, doasi *moni* sere kasa kasai kanerape, meleke kaae, du dui ęla, *linen* kuti wisinaale, sukutąi kuti, *silk* kuti, sonaaı kutikélé, fetera kaae ęla *sitron* nikélé, hupu sekéné aleale kae kae ęlakélé, doasi *moni* sere nikélé, *brons kapa, aiyon kapa*, be tetere kane fake wisinaalekélé, *sinamon* fetera kaae ęlaró mepaae kae kae fetera kaae ęlatamokélé, simó bilitepa felé ęlaa wale ni sekaę kaae ęla mura ni fekélé, *frenkensense* ni fekélé, *wain* weikélé, *Olip* ni duné aleale *welkélé*, *flawa* wisinaaleró *whit*-tamokélé, *bulmakau* hupuró *sipsip* huputamokélé, *hos* hupuró ama sęyóló só kotere ęlatamokélé, wae sóró kutó diratere so whıró hąle mo betere so whıtamóné tikiró asotamokélé dupu yaalopó.

<sup>14</sup> Atimané i fo yaalopó. “Naao senée du betale ni du mo ti aluyalepó. Naao wisi wisi ęlaró néli butukutu betale ala wisinaaletamo aluyaletéiné momó kae kelaalomeipó.” <sup>15</sup> Téró, ai kale dosąayale ęla ęlarape dotonóló néli botokó fu betale whırape atima kale so doasi susupu sóró kaketu betere alamó, atima wituraalu, tumó daae

mulu, dekené sukóló fakeyóló etei wole fo yaalopó.

<sup>16</sup> “Doasi wió yae! Doi mole doasi be hulua-ó, ya tuąmó betó mole so whıné aure ęla ęlarape i ape. *Linen* kuti wisinaalekélé, sukutąi kuti, sonaaı, *kold kapa*, doasi *moni* sere kaporó du dui melekerapetamoné au wisinaale yóló néli whı betaletei, mió wió yae.

<sup>17</sup> Doasi *moni* sere wisi wisi ęla fea hąleke sukamótóró doyóló ai kemeyale ape.

Doasi weı nuku só kotere so whıkéle, ai nukumó kotere so whıkéle, nuku tuąmó kutó ditere so whıkéle, *moni* saaire kutó ditere so whıkéle, mo fea tumó kese anóló daae muaalopó.”

<sup>18</sup> Kale so dukuraalu hotere sukuli kolóló, atimané i fo yaalopó. “Atei kaae doi mole doasi be hulua wisinaaleta, me kae mei, mo betątóró tenapó,” <sup>19</sup> Atétepa, dekené sukuturaalu, atima hae diyóló, etei wole fakeyóló du betaalopó.

“Wió! Doasi doi mole be hulua-ó, wé! naao teyae.

Ai soné doasi weı nuku talerape atima *moniné* doasi néli whı beteralépó.

Téyale sotei, hąleke sukamó ą mo ti doyalepó.

<sup>20</sup> Ó hepen bemó betó mole doasirape-ó, ai sopaae eratere alamó dią hąiné sukutu betae. Kótóné dowi ala kemeróló kae beterale so whıkéle, *aposel* whırapekélé, Kótóné fo eratere kóló whırapekélé, hąiné sukutu betae.

Ti noatepae, ai soné diąpaae erale sekeı alamó, kwia Kótóné ąpaae tokq melalepóló, dią hąiné sukutu betae.”

<sup>21</sup> Téró, doasi fotokq bole *ensel*-né mo doasi kane fake tao sóró doasi weı ęla tópaae taae deróló duraalu, “I doasi kane taae derótu dere kaae, kale doi mole Babilon

be hulua kolokó dorowóló,  
mo ti doratere be, momó kae  
tęyaalomeipó.

<sup>22</sup> Yą tuąmó *kita* kaae ọlané halekélé,  
wole fokélé, fó wutiné haleró  
*kapané* aleale ukulumó  
wutiné haletamo momó kae  
wosaalomeipó.

Be tẹtere ala ó nuku wisir-  
atere ala ó kae kae fosó  
fosótere whịrape mo feata,  
Babilon yą tuąmó mo kolókélé  
yaalomeipó.

*Whiti* o du derąketuraalu, kane  
fakené halekélé, momó kae  
wosaalomeipó.

<sup>23</sup> Kale *lamp* sọné dẹrọtu beteretei,  
momó kae dẹraalomeipó.

Soró whịtamo dokóló ọla detu-  
raalu, hẹkese detere fo momó  
kaae wosaalomeipó.

Naao ọla ọla dotonóló duputua dere  
whịrapeta, i haemó doasi doi  
mole whịrapepó.

Naao isi whịné dere alané  
kae kae *Gavman*-né tẹteróló  
kaae tare aqmó betó mole so  
whịkélé, fea kọpaae ąlisóró fu  
betalepó.

<sup>24</sup> Kale so tuąmó, Kótóné fo eratere  
kọlọ whịrapekélé,

Kótóné ama kaae beteró betere  
so whịkélé,

bóené mepaae i haemó betó mole so  
whị dale sameakélé ą tuąmó  
mupa kelalepó,” yalepó.

## 19

### *Talené doi hale sóró horópoló yae!*

<sup>1</sup> Ai ala yóló kemetepa wosalemó,  
ó hepen bemó so whị mo hąle ọla  
kaae wó muluraalu fo tiki whaa du  
betalepó. Atéró duraalu,

“Talené doi hale sóró horae.

Mo ti aluyaqsóró tao sere  
alakélé, ama ere alané doasi  
doi mole alakélé, fotokọ doasi  
bole alakélé, bete Tale dąné  
Aya Kótó ątórótipó.

Ti noatepae, ama taleyóló só der-  
atere ala họko ini, mo alatóró

sya furaalu, dono taletua  
dapó.

<sup>2</sup> Atéturaalu, kale doasi doi mole  
nópu nokole soné ama du  
betale alané i haemó betó  
mole so whị kọpaae faróló  
doralepó. Até yale alamó,  
Kótóné ama kutó diratere  
whịrape dóló sókó fale  
sameamó kwia tokọ malepó,”  
yalepó.

<sup>3</sup> Téro atimané momómo fo fakeyóló  
duraalu,

“Talené doi hale sóró horae.

Kale so duku bituraalu hotere  
sukuli tukókélé ini, hąle  
holótóróti tarapó,” yalepó.

<sup>4</sup> Ai fo deremó, kale 24 whị disirap-  
eró kale douro betere ọlarapetamo  
kale tẹteróló kaae tare doasi betere  
tikimó deraapisa fóló fió mulu fo  
fakeyóló duraalu,

“Mo kée, Talené doi hale sóró  
horópoló yae!” yalepó.

<sup>5</sup> Tétepa, kale tẹteróló kaae tare  
doasi betere tikimó sókó wale foné  
duraalu,

“Talené kutó diratere so whịrape-ó,  
dią ąpaae winé sukóló, doasi  
doi mole so whịró doi munire  
so whịtamo feané dą tẹteróló  
kaae tare Kótóné doi hale sóró  
horótu betae,” yalepó.

<sup>6</sup> Tétepa yąlo wosalemó, so whị mo  
hąle ọla kaae wó muluraalu dere fo  
tiki whaata, mo doasi weị dou kątu  
dere hu kaaeró doasi be sapalaa dere  
kaaetamo yóló duraalu,

“Talené doi hale sóró horae.

Dą kaae tare doasi fotokọ bole  
Kótóné ọla ọla fea amatóró  
tẹteróló kaae tareteiné ama  
doi hale sóró horae!

<sup>7</sup> Dą fea hąiné sukóló hẹkeseturaalu,  
ama doi doasi muópoló hale  
sóró horaalopa siépe.

Ti noatepae, kale *Sipsip* hupu  
malené so dokaaire be dẹ sókó  
wapa, kale sekéné dokaaire  
soné ama auyaaire ọla ọla  
donoróló muló beterapó.



8 Kale so ą derópóló, fokó fale deį *linen* kuti wisinaale melalepó,” yalepó.

Ti ai kale deį *linen* kuti wisinaaleta, Kótóné ama kae betere so whırapené du betale mo donoi alapaae dó faróló erapó.

9 Tétepa, kale *ensel*-né ępaae duraalu, “I fo aseęyae. Kale *Sipsip* hupu malené so dokaairaału, ęła deyaalopa ape,” yóló dape sere so whı mo doa hajné sinópóló yae. Téro ama duraalu, “Ita, Kótóné ama kęłómó sókó wale fotóró dapó,” yalepó.

10 Até deremó, ę ama hó aqmó deraapisa fóló fió mulu, ąpaae moma yaai yalepó. Atéyalemó, ama duraalu, “Atékese! Ęta, yąró Yesuné yale ala mopóló eró tare so whırapetamo dą betą kutó diratere sekępó. Térapa, Kótó aqmó sukóló bitu, ąpaae betą moma yae. Ti noatepae, Yesuné yale ala etérópóló yó matere alané Kótóné kóló whırapené dere fo fea bete hąkearótu beterapó,” yalepó.

*Deį hos hupu tómó betą sekę whı betepa kelale fo*

11 Téro yąło kelalemó, hepen be tu tukwę fóló, deį *hos* hupu ę daalepaae anóló daalepó. Ai hupu tómó betere whı mo foné betetóró bitu, Talené ala eró tare Sekępó dua dapó. Ai sekęnéta, fo tokóló taletere alaró bóe dele alatamo, mo donotóró dua dapó. 12 Ama keleta, mo si mi kaae buóo, ama topomó kale teteróló kaae tare doasiné deró betere topo taorape deróo, erepó. Ama tikimó aseęóló muló betere doita, mo whı betąnékélé tuęni, ama betą tuęrapó.

13 Ama deró betere kutita, samea belere dolopaae deróló sókó sale kuti deró beterepó. Ai sekęné ama doita, ti Kótóné fopó. 14 Hepen bemó bóe dele *amirape* atimané deró betere kutita, mo fokó fale tikimó deį *linen* kuti wisinaale deróló, deį *hos* hupurape tómó betóló, kale sekęné sisómó wó tarepó. 15 I hae

kwia feamó betó mole so whıtamo bóe dóló teteraaıraalu, bóe dele fosói sepake ama kęłómó sókó wapa kelalepó. “Amata, *aiyon kapané* aleale nópulu taru, haemó betó mole so whı fea ama teteróló kaae tawaalopó,” Ai sekęnéta, mo doasi fotokę bole Kótóné dowi fopaae buló, kwia melaaire *wain* kępi du węi dętere tikimó tęiya tęiya du beterapó. 16 Ama deró betere fłoi kutiró *fasatamomó* etei doi aseęepó.

TĘTERÓLÓ KAAE TARE WHıRAPE KAAE  
TARE DOASI BETÓO,  
I HAEMÓ DOASI ęLA ęLA TALERAPE  
TĘTERÓLÓ KAAE TARE TALE BETÓO,  
erapó.

17 Téro yąło kelalemó, betą *ensel* suka ke tómó daalu, kale sikimó sę kotere barapepaae fo fakeyóló duraalu, “Kótóné ama doasi ęła deyaalopa, dią fea betąpaae tourąle ape. 18 Ti hąle mei, Kale teteróló kaae tare doasi whırapekélé, diki tare whırapené topo whırapekélé, mo doasi fotokę buló bóe dele whırapekélé, *hos* hupuraperó ai hupu tómó betóló kotere whırapetamokélé, mo hąle betere so whıraperó wae sóró betere so whırapetamokélé, mo doasi doi mole whıraperó doi muni hąle betó mole so whırapetamokélé, i dosąayale so whırapené tiki mirape dią naasepólópa, tourąle ape,” yalepó.

19 Téro yąło kelalemó, kale *hos* hupu tómó betóló wale whıró ama bóe dele *amirapetamo* atima daae molepaae, kale syaae kaae ęlaró hae kwia fea teteróló kaae dilikiyó mole doasi topo whırapetamokélé, atimané bóe dele whırapekélé touyóló, bóe daai wou betepa kelalepó. 20 Téyaleti, kale syaae kaae ęlaró, Kótóné ama kęłó whıpóló kapala fo yó matere whıtamo tawóló dokóló mulalepó.

Ti ai kale kapala fo yó matere kęłó whıné kale syaae kaae ęlané doi doasi muępóló kae kae kelemei

alarape erótu betalepó. Ti ama ai kelemei alarape yó melaletikimó, syaae kaae ọlané siri sóo, ama aso aomó sukóló bituraalu, dukiraterere fo yóo, du betale so whįrape kọpaae fọpóló dilikitu betale whįpó. Téro, ai kale dokóló mulale seké tamo, betepatei doasi *sulpa* si duku betere wẹi kẹla belerepaae taae deralepó. <sup>21</sup> Téturaalu, atimaamoné bóe dele whįrapeta, kale *hos* hupu tómó betóló wale whįné kọlómó sókó wale sepakené mo fea dóló muó mupa, barapené tiki mi nóló depe watamo fua yalepó.

## 20

### *1,000 ba fo tuąmó yaaire ala*

<sup>1</sup> Téro ọlọ kelalemó, ó hepen bemó *ensel* dorowou betalepó. Ai sekéné ama naasenéta, mo apaae derepale osono dolo tų kinaaire kiró mo doasi *sein* kẹpitamo tarepó. <sup>2</sup> Ai *ensel*-né kale wuli disó botokọ sóró tawalepó. Ai disóta, mo taketi bitiré wale wulipó. Ama doita, Satan ó Kótótamo bóe du betere dowi kepepó. A dokóló muló betepa 1,000 ba fopi kemeraairaaalu dokalepó. <sup>3</sup> Téro, *ensel*-né kale wuli disó tawóló, mo apaae derepale osono dolopaae sóró taae deróló, tų kinóló diriraterere ọlané mo ti diriralepó. Ti aita hẹle mei, i hae kwiamó betó mole so whį ama momó kae dilikóló kọpaae falaosóró, 1,000 ba fo tuąmó hẹle beteralepó. Ai ba forape kemetepa, kılipaae sawatamo sukamó maaté a sókó daalóló, hẹle beterópóló eraalopó.

<sup>4</sup> Téro ọlọ kelalemó, tẹteróló kaae tare doasi betere searapemó fo tokọyóló taletere whįrape betó molepó. Aimó, Yesuné yale alarape i ape, yóló yó matere foró Kótóné fotamo yó materemó, depa tikale so whįné keperapekélé, betó mupa kelalepó. Ti ai so whįrapeta, syaae kaae ọlaró ama asotamo aomó sukóló bitu, dukiraterere fo ini yóo, ama siri atimané

kutirimó ó naasemó dakeraterere hẹ dua yóo, yale so whįrapené keperapepó. Ai sekẹrape atimata, kepaayóló bituraalu, Yesu Kerisotamo betamó 1,000 ba fo tuąmó tẹteróló kaae taté fọpóló sóró beteralepó. <sup>5</sup> Téro, kale hẹle sukẹle whįrape atima hapale kepaani, 1,000 ba fo kemeyale kılipaae, ti kepaayóló betó muaalopó. Ti aita, folosóró kepaayóló betereiteipó. <sup>6</sup> Ai kale folosóró kepaayóló betere so whįta, Kótóné ama kae sóró beteró betereiteimó, mo hainé sukóló betó mulapó. Tamo dakoróló sukutere alané atimapaae me sekẹi ala eranénipó. Tényi, atima Kótóró Yesu Kerisotamopaae momaraterere so whį bituraalu, ątamo betamó tẹteróló kaae taté fóló 1,000 ba fo kemeyaalopó.

### *Satan doasi dele tuąmó beteraaire fo*

<sup>7</sup> Téro ai kale 1,000 ba fo kemetepa, Satan a *dipula* beteraletei fọpóló sókó daalaalopó. <sup>8</sup> A atéro sókó daalatepa furaalu, i hae detene fale doųró kwiamó betó mole Kok fake so whįró Makok fake so whįtamokélé dilikóló, dape siré kwẹyóló bóe daai, betapaae tourẹle waalopó. Ti ai so whį, fea touróturaalu, wẹi atiką sųpó. <sup>9</sup> Ai tourale *amirape* atima, delaapemó daayóló doasi mulure hae tiki mo sųróló wou, Kótóné ama so whį betere tiki boperóló betó molepó. Ai so whį betere tikita, ti Kótóné ama yaala sókó fóló mole be huluapó. Atima atéro be naai boperẹle wóló betó molemó, ó hepen bemó si sókó dorowóló atima mo fea doló kemeralepó. <sup>10</sup> Ai kale siné doló kemeraale so whį dilikẹle Kótótamo bóe du betere dowi kepe ąta, kale *sulpa* si dó tare wẹi kẹla belerepaae taae deralepó. Take kale syaae kaae ọlaró Kótóné ama kọló whįpóló kapala fo yó male whįtamo taae derale kaae ąkélé atéro taae deralepó. Atima atéro bituraalu, dikitamokélé, dẹtamokélé, doakale dele doasi sóró

kaketu betere alata kemekélé ini, hąle yótóróti tawaalopó.

*Sukąle so whıtamo fo tokóló tale yaaire fo*

<sup>11</sup> Téro, kale tẹteróló kaae tare doasi betere deį sea kolóo, ai sea tómó betere seké kolóo, yalepó. I haeró sątamota, ai kale doasi kilitu botokó feletei, kinaaire tiki meipó. <sup>12</sup> Téro yąlo kelalemó, take sisiraae fele doasi doi mole so whı ó doi munire so whı, doasi betere tikipaae anóló daae molepó. Atima atéro daae mole tuąmó, buk-rape dąae faróló muó molepó. Me dąae faróló mole buk-ta, mo titóróti betó tare buk-pó. Take kale sisiraae fele so whırape atimané yale alarape fea kale buk-rapemó aseýóló moletei, kolóló taleyalepó. <sup>13</sup> Kale weį nóló sisiraae fua yale so whıta, doasi weį kęlané dotonale holóo, mo sukutere so whırape fóló betere bemó betó mole so whıkéle, ti ai benétei dotonale wóo, sukutere alané tao tare so whırapeta, ti ai alanétei dotonale wóo yalepó. Atéro wóló betó mupa, atima dokọ feané yale ala donotóró taletua yalepó. <sup>14</sup> Téro, kale sukutere alaró sukąle so whırapetamo betó mole tiki kale doasi si duku betere weį kęla belere dolopaae taae deralepó. Ti ai si duku betere weį kęlapaae taae deraleteita, tamoróló sukutere tikipó. <sup>15</sup> Téro, mo ti betere buk-mó doi munire so whı kale si dó tare weį kęla dolopaae taae deralepó.

## 21

*Kisi Jerusalem be*

<sup>1</sup> Téro yąlo kelalemó, me i ala erepó. Take mole haeró hepen betamokélé kemeróturaalu doasi weį kęlakélé kemeralepó. Téturaalu, kisi hepen beró haetamo sókó wóló mupa kelalepó. <sup>2</sup> Téro yąlo kelalemó, dowi ala betąkéle munire kisi Jerusalem be hulua wisinaale, Kótó betere hepen be taaróló dorowou be-talepó. Ai be huluané ama ere alata,

so seimale ą whıtamo dokaai kolóló kokóné sukı kuti wisinaale derótu dere kaae erepó. <sup>3</sup> Téro yąlo wos-alemó, kale tẹteróló kaae tare doasi betere tikimó fo fakeýóló duraalu, “Mió, Kótó ą betere be dorówóló so whıtamo muóo, ąkéle atimatamo betóo, yaalopó. Atéru, atima ama so whıtóro betepa, Kótó atimatamo betámó bitu, atima tẹteróló tare Tale betaalopó. <sup>4</sup> Atéro, so whı feané wole kaae ai sekéné helekóló kópuraalopó. Tétu, sukutere alakélé, dekené sukóló wole dere alakélé, moló hu dere alakélé, dele sere alakélé, momó kae yaalomeipó. Ti noatepae, folosóro yale alarape fea mo ti kemeró betereiteinépó,” yalepó.

<sup>5</sup> Téro kale tẹteróló kaae tare tikimó betere doasiné duraalu, “Fea ọla fea yąlo kae kisi aletu betera-pó! Téra-pa, yąlo i yale fo naao aseýae. Ti noatepae, i dere fota, mo yaai dere ala dapóló diaaq tué tiki tiranérápó,” yalepó.

<sup>6</sup> Téro ama ępaae duraalu, “Ai alarapeta, fea ai yóló kemeyale ape. Ęta, Alaparó Omekatamo bituraalu, kaae sereteiró kemeratereteitamo, mo ętórótipó. Whı me de weį nokole depa, mo ti betó tare tikimó wó tare weį me ọlané dupuni, hąle nópóló yąlo melaalopó. <sup>7</sup> Whı me de ą tu wisipaae faai fełalemó, sesétepakélé hepée taae faróló wale whıné i ọla ọlarape fea take ama saalopó. Téturaalu, ę ą tẹteróló kaae tare Kótó betóo, ą yąlo naale betóo yaalopó. <sup>8</sup> Téretei, atimapaee me sekeį ala eraqsóro witu, ę taaróló fele so whıkéle, whıné so-tamo dere ala kaae yóló whı hamo-matamotei dowi ala du betere so whırapekéle, whı dele whırapekéle, nópu nokole so whıkéle, kapo nipaae momatere alaró herei whétamoné whı dele so whıkéle, kapala fo dere so whıkéle, mo fea atima betaaire tikita, sulpa si duku betere weį kęla ai ape. Ti aita, atima tamoróló sukąaire alapó,” yalepó.

9 Mo kemeróturaalu melaaire wẹikeró sekęi alarape belere nuku tare wẹikeró *ensel*-rapekó betąné ępaae duraalu, “Kale *Sipsip* hupu malené dokaaire so, yało yaąpaae yó melaalopa, kelaai ape,” yalepó. 10 Ai fo deremó, Dęi Kepe Wisiné ę fotokę bulatapa, kale *ensel*-né mo doasi sokore hasi fosópaae beleyóló sóró holalepó. Atéro sóró holóló betero bituraalu, dowi ala mo betąkélé munire be hulua Jerusalem, Kótó betere hepen be taaróló ai dorowou beterapa, kelaie yóló yó malepó. 11 Tétépa yało kelalemó, ai kale be huluata, Kótóné ama ere dę wisinaale dęyó faralepó. Atéro ere dęta, mo doasi *moni* duputere kanené kasa kasare dę kaae erepó. Mo hałe kaponé ere dę kaae mei, *jasp*a kanené dę kaaetórótípó. Mo hųkulukélé ini, *klas* kasa kasa kaae yó fi *jasp*a kane wisinaalené ere dę kaaepó. 12 Ai be huluata, doasi dopóku ópaae horóló deyóló boperó beterepó. Ai dopóku tuąmóta 12-tų dolorape móo, ai tų kaae diliki yóló 12-*ensel*-rape daa yóo, ai tų serekemó 12-Israel fakené doirape asę yóo, erepó. 13 Ai dopókumó suka hoterepaaeróló tų sereke sore muóo, suka doropolepaaeróló tų sore muóo, *saot* dępaeróló sore muóo, *norti* dępaerólókélé, sore muóo erepó. 14 Ai kale be hulua boperóló dere dopóku 12-ró kapo fakerapené mukuté mulaté horepó. Ai 12 mukuté mole kane fake tómó, kale *Sipsip* hupu malené sóró betero betere 12 *aposel* whįrapené doi asęrepó.

15 Ętamo kale fo yale *ensel*-né kale be huluakélé, dopóku dereteikélé, tų serekerapekélé fea sųróló dąle saairaalu *kold k*apané aleale dotó tiki tarepó. 16 Ai be huluata etéro tęyóló muló beterepó. Filipaaró beterekeiné dąleró doló faló beterekeiné dąletamota, ti mo betą kaaetórótípó. Kale sekęné ama dąle saai tare dotó tikiné

be hulua sųróló dąle saleteita, doló faló betereiteikélé, filipaaró betereiteikélé, ópaae horeiteikélé, mo betą kaaetóro 2,200 *kilomit*apó. 17 Téro kale dopóku hapólu eretei ama dąle saleteita, 65 *mit*a-pó. Ti ai *ensel*-né ama dąle sere alata, me kae mei, mo whįné dere kaaetóro yalepó. 18 Ai kale be hulua boperóló dere dopókuta, *jasp*a kanené aleyóo, be huluata, ti *kold k*apa wisinaalené aleyóo erepó. Ai kale *kold k*apata, hųkulukélé ini, mo kasa kasa yó fipó. 19-20 Ai be hulua boperóló dere dopóku mukuté mulaté hore kapo fakerape aurairaalu, mo doasi *monin*é duputere kae kae kasa kasai kanerapené auró beterepó. Folosóro kaae suraalu, muló betere mukuté *jasp*a kanené auróo, 2 ti *sapaia* kanené auróo, 3 ti, *kalsitoni* kanené auróo, 4 ti *emerald* kanené auróo, 5 ti *sadoniks* kanené auróo, 6 ti *kanilian* kanené auróo, 7 ti *krisolait* kanené auróo, 8 ti *berl* kanené auróo, 9 ti *topas* kanené auróo, 10 ti *krisopres* kanené auróo, 11 ti *jasint* kanené auróo, 12 ti *ametes* kanené auróo, erepó. 21 Kale ai dopóku 12 tų serekerapeta, 12- du dui meleke *perl*-né alée molepó. Ai tų sereke dokęta, mo betą *perl* doasiné alée mulapó. Be hulua tuąmó fale tųta, *kold k*apa wisinaale mo kasa kasai *klas* kaaené aleyóló molepó.

22 Ai be hulua tuąmó Kótópaae momatere be betą kilinípó. Ti noatepae, doasi fotokę bole Tale Kótóro kale *Sipsip* hupu male ati-maamota, ti ai be hulua tuąmó ere momatere betórótípó. 23 Ai be hulua mó Kótóné ama ere alané dęró kale *Sipsip* hupu malené dętamo eró beterekeiné, suka dęró wélié dętamo mo yaąą inípó. 24 Ai be hulua mó dęyó fale dęné, i haemó betó mole so whį fea diliki dolomó kutu betaąsóro, ai dęné dęraalopó. I haemó tęteróló kaae tare topo whįrape, atima mo kelaalo kokęné sini ala wisinaale sóró wóló ai be tuąmó mulaalopó. 25 Ai be hulua tuąpaae



faaire tyrape kinókélé ini, mo hąle tukwę faróló muló betaalopó. Ti noatepae, aimó diki dere ala muni, dętoró yó tareteinépó. <sup>26</sup> Kae kae hae kwiamó betó mole so whjné doasi doi mutere alaró, kelaalo kokęi ala wisinaaletamo sóró wóló ai be hulua tuąmó mulaalopó. <sup>27</sup> Dowi ala mole whj ai be hulua tuąmó sókó faalomeipó. Halei ala dere whjiraperó, kapala dilikitere so whj betąkélé ai be hulua tuąpae mo sókó faalomeipó. Kale *Sipsip* hupu malené mo ti betere *buk*-mó doi mole so whj betą ai be huluamó fóló beaalopó.

## 22

### *Mo ti betó tawaaire węi*

<sup>1</sup> Téró, kale *ensel*-né ępae mo ti betó tawaaire fu betere kikisi węi kelaai ape yóló yó melalepó. Ai fole węita, Kótóró kale *Sipsip* hupu maletamoné tęteróló kaae tare doasi betere tikimó sorokó wóló, ai be hulua tuąmó fale ty seraa fu betepa kelalepó. <sup>2</sup> Ai węi fóku uté dęró, ité dętamomó mo ti betó tare ni daalepó. Wélié dokę fea ai niné du oletua dapó. Ai niné ama sókuta, i hae kwiamó betó mole so whj tuąmó mole kae kae sekęi alarape fea i ni sóku fotokęné sųmó wisiranérápó. <sup>3</sup> Take so whjné yale dowi alamó Kótóné erale sekęi ala ai be huluamó momó kae muaalomeipó. Kótóró *Sipsip* hupu maletamoné tęteróló kaae tare tiki ai be huluamó mupa, ama kutó diratere so whjné ama erae dere ala erótu betaalopó. <sup>4</sup> Atimané ama kelepaa kolóo, ama doi atimané kutirimó asę yó fóo, yaalopó. <sup>5</sup> Aimó be dikitere ala momó kae muaalomeipó. Atima suka dę ó są dękélé, yąyątere ala mo enénipó. Ti noatepae, atima dę tuąmó beterópóló Tale Kótóné ama ere dęné dęró betaalopó. Atéró bituraalu, betere dokę fea atimanékélé, fea ala fea tęteróló kaae taté fu betaalopó.

<sup>6</sup> Tale ąta, ama kóló whjrapené keperape tęteróló kaae tare Kótó beterápó. Atéru, mo felekemó eraaitere ala ama kutó diratere so whjpaae ene fópóló, ama *ensel* atima beterepae dotęyalepó, yalepó.

### *Yesu walapóló ere fo*

<sup>7</sup> “Ę mo felekemó waalo ai ape. Kótóné i ala eraalopóló i *buk*-mó asęre fo eró tare so whjta, Kótóné atima wisiralepóló, hajné sukutu beaalopó ai ape,” yalepó.

<sup>8</sup> I yale forape wosóo, yale alarape kolóo, yale whjta ę Jon-pó. I alarape yó male kęlipae ai yó male *ensel* daale tikimó ąpae moma yaai deraaipisa fóló fió mualepó. <sup>9</sup> Tęyalemó, ama ępae duraalu, “Atékese! Ęta tale mei, dąmo wusuró Talené kutó diratere whjópó. Nonaaorape Kótóné kóló whjrapekélé, kale i *buk*-mó mole fo eró tare so whjkélé, dą fea betą kutó diratere fakepó. Tęrapa, Kótó aqmó sukóló bitu, ama doi betą sóró horótu betae,” yalepó.

<sup>10</sup> Téró, kale dere kaae ępae momó duraalu, “Kótóné i ala eraalopó ere fo hąkearóló i *buk*-mó asęyóló muló betere fo kinóló mułaęse. <sup>11</sup> Dowi ala du betere so whjta, atima ai alatóró yó tanópóló yae. Kae kae mo kelaalo sonaalei dowi ala du betere so whjta, ti ai alatóró du beterópóló yae. Mo donoi ala wisi du betere so whjta, ti atimané ai du betere wisi alatóró yó tanópóló yae. Me dowi alatamo hosekény, Kótóné ama kae beteró betere so whj ti atima ai betere kaaetóró betó tanópóló yae,” yalepó.

<sup>12</sup> “I dere fo wosae, ę mo felekemó waalo ai ape!

So whj dokę feané yale alamó tokę melaai yąlo i tare duputa, ę wouraalu melaalo ai ape.

<sup>13</sup> Ęta, *Alaparó Omekatamopó*. Folosóró kaae sóró betaleteiró, kemerąle foloteitamota ętórótipó.

Ọla ọla fea keké nale betekélé, fea ala touróló kemeratere betekélé, ti mo ętórótipó.

- 14 Deróló sókó fatere fłoi kutu fokotu betere so whįta, Kótóné wusiró beterapa hąiné sukutu betae.  
Ti atétere so whį be dopóku tų serekemó doasi be hulua-paae sókó fóo, mo ti betere ni du tokó nóo, yaairetei, mo sųrapó.
- 15 Kale dopóku aqró haqrape betó mulapó.  
Ai haqrapeta i ape. Whéró hereitamóné whį dele alakélé, kae kae hosq fō ó isi whįné dere alakélé, nópu nokole alakélé, whį dele alakélé, kapala kótóraperó keperapeta-mopaae momatere alakélé, kapala fo yóló whį dilikąai ekęle du betere alakélé, i dosąayale alarape du betere so whį atima feata, dopóku aqró betó mulapó.
- 16 Ęta, Yesupó. I kelale alarape Keriso fake so whįné dosąayóló tuę yópoló, diąpaae yó male fae yóló yąlo *ensel* dotęyalepó.  
Ęta, Depit kaayale beteró ama deté fele naalené naaletamopó.  
Atéru, hįka be dęteretamo dęyó tare hęrepó,” yalepó.
- 17 Kale Dęi Kepe Wisiró whįné dokaai du betere sotamoné duraalu, “Ape,” du beterapó. Mepaae i dere fo wosetere so whįnékélé “Ape,” yópoló yae. Mepaae whį de węi nokole depa, ę beterepaae wópoló yae. Mepaae whį dené węi nenée du betepa, mo ti betó tawaaire węi dupuni, hąle sóró nale wópoló yae.
- 18 Kótóné i ala eraalopóló, *buk*-mó asęre fo wosetu betere so whį feapaae dirii ma fo i dapa wosae. Mepaae so whį denétamo i *buk*-mó mole fo tómó me kae beleróló depa, ti Kótóné i *buk*-mó bopetu betere sekęi alarape ai so whįpaae mo turó eraalo ai ape. 19 Mepaae whį dené Talené i ala eraalopóló *buk*-mó mole fo mepaae kwia tokóló aluratepa, ti Kótóné atétere whįmó melaalopóló i *buk*-mó bopeyale mo ti betere ni du nóo, kae tęne be hulua-mó beteróo, yaaı yale alatamo ama fasó saalopó.  
20 I kale asęyóló muló betere alarape kelale whįné duraalu, “Mopó. Ę felekemó walapó,” fo dapó.  
Tétepa duraalu,  
“Mo kée Tęyópoló yae.  
Tale Yesu-ó, yą ape,” dapó.  
21 Tale Yesuné hąle tao sere ala wisinaale Kótóné so whįpaae wópoló yae. Mo kée. Tęyópoló yae.

## Read the New Testament daily

### January

date	Scripture
1	Matyu 1:1-2:12
2	Matyu 2:13-3:6
3	Matyu 3:7-4:11
4	Matyu 4:12-25
5	Matyu 5:1-26
6	Matyu 5:27-48
7	Matyu 6:1-24
8	Matyu 6:25-7:14
9	Matyu 7:15-29
10	Matyu 8:1-17
11	Matyu 8:18-34
12	Matyu 9:1-17
13	Matyu 9:18-38
14	Matyu 10:1-23
15	Matyu 10:24-11:6
16	Matyu 11:7-30
17	Matyu 12:1-21
18	Matyu 12:22-45
19	Matyu 12:46-13:23
20	Matyu 13:24-46
21	Matyu 13:47-14:12
22	Matyu 14:13-36
23	Matyu 15:1-28
24	Matyu 15:29-16:12
25	Matyu 16:13-17:9
26	Matyu 17:10-27
27	Matyu 18:1-22
28	Matyu 18:23-19:12
29	Matyu 19:13-30
30	Matyu 20:1-28
31	Matyu 20:29-21:22

### February

### March

date	Scripture
1	Matyu 21:23-46
2	Matyu 22:1-33
3	Matyu 22:34-23:12
4	Matyu 23:13-39
5	Matyu 24:1-28
6	Matyu 24:29-51
7	Matyu 25:1-30
8	Matyu 25:31-26:13
9	Matyu 26:14-46
10	Matyu 26:47-68
11	Matyu 26:69-27:14
12	Matyu 27:15-31
13	Matyu 27:32-66
14	Matyu 28:1-20
15	Mark 1:1-28
16	Mark 1:29-2:12
17	Mark 2:13-3:6
18	Mark 3:7-30
19	Mark 3:31-4:25
20	Mark 4:26-5:20
21	Mark 5:21-43
22	Mark 6:1-29
23	Mark 6:30-56
24	Mark 7:1-23
25	Mark 7:24-8:10
26	Mark 8:11-9:1
27	Mark 9:2-29
28	Mark 9:30-10:12

date	Scripture
1	Mark 10:13-31
2	Mark 10:32-52
3	Mark 11:1-26
4	Mark 11:27-12:17
5	Mark 12:18-37
6	Mark 12:38-13:13
7	Mark 13:14-37
8	Mark 14:1-21
9	Mark 14:22-52
10	Mark 14:53-72
11	Mark 15:1-47
12	Mark 16:1-20
13	Luk 1:1-25
14	Luk 1:26-56
15	Luk 1:57-80
16	Luk 2:1-35
17	Luk 2:36-52
18	Luk 3:1-22
19	Luk 3:23-38
20	Luk 4:1-30
21	Luk 4:31-5:11
22	Luk 5:12-28
23	Luk 5:29-6:11
24	Luk 6:12-38
25	Luk 6:39-7:10
26	Luk 7:11-35
27	Luk 7:36-8:3
28	Luk 8:4-21
29	Luk 8:22-39
30	Luk 8:40-9:6
31	Luk 9:7-27

date	Scripture
1	Luk 9:28-50
2	Luk 9:51-10:12
3	Luk 10:13-37
4	Luk 10:38-11:13
5	Luk 11:14-36
6	Luk 11:37-12:7
7	Luk 12:8-34
8	Luk 12:35-59
9	Luk 13:1-21
10	Luk 13:22-14:6
11	Luk 14:7-35
12	Luk 15:1-32
13	Luk 16:1-18
14	Luk 16:19-17:10
15	Luk 17:11-37
16	Luk 18:1-17
17	Luk 18:18-43
18	Luk 19:1-27
19	Luk 19:28-48
20	Luk 20:1-26
21	Luk 20:27-47
22	Luk 21:1-28
23	Luk 21:29-22:13
24	Luk 22:14-34
25	Luk 22:35-53
26	Luk 22:54-23:12
27	Luk 23:13-43
28	Luk 23:44-24:12
29	Luk 24:13-53
30	Jon 1:1-28



date	Scripture
1	Jon 1:29-51
2	Jon 2:1-25
3	Jon 3:1-21
4	Jon 3:22-4:3
5	Jon 4:4-42
6	Jon 4:43-54
7	Jon 5:1-23
8	Jon 5:24-47
9	Jon 6:1-21
10	Jon 6:22-40
11	Jon 6:41-71
12	Jon 7:1-29
13	Jon 7:30-52
14	Jon 7:53-8:20
15	Jon 8:21-30
16	Jon 8:31-59
17	Jon 9:1-41
18	Jon 10:1-21
19	Jon 10:22-42
20	Jon 11:1-53
21	Jon 11:54-12:19
22	Jon 12:20-50
23	Jon 13:1-30
24	Jon 13:31-14:14
25	Jon 14:15-31
26	Jon 15:1-27
27	Jon 16:1-33
28	Jon 17:1-26
29	Jon 18:1-24
30	Jon 18:25-19:22
31	Jon 19:23-42

date	Scripture
1	Jon 20:1-31
2	Jon 21:1-25
3	Aposel 1:1-26
4	Aposel 2:1-47
5	Aposel 3:1-26
6	Aposel 4:1-37
7	Aposel 5:1-42
8	Aposel 6:1-15
9	Aposel 7:1-29
10	Aposel 7:30-50
11	Aposel 7:51-8:13
12	Aposel 8:14-40
13	Aposel 9:1-25
14	Aposel 9:26-43
15	Aposel 10:1-33
16	Aposel 10:34-48
17	Aposel 11:1-30
18	Aposel 12:1-23
19	Aposel 12:24-13:12
20	Aposel 13:13-41
21	Aposel 13:42-14:7
22	Aposel 14:8-28
23	Aposel 15:1-35
24	Aposel 15:36-16:15
25	Aposel 16:16-40
26	Aposel 17:1-34
27	Aposel 18:1-21
28	Aposel 18:22-19:12
29	Aposel 19:13-41
30	Aposel 20:1-38

date	Scripture
1	Aposel 21:1-16
2	Aposel 21:17-36
3	Aposel 21:37-22:16
4	Aposel 22:17-23:10
5	Aposel 23:11-35
6	Aposel 24:1-27
7	Aposel 25:1-27
8	Aposel 26:1-32
9	Aposel 27:1-20
10	Aposel 27:21-44
11	Aposel 28:1-31
12	Rom 1:1-17
13	Rom 1:18-32
14	Rom 2:1-24
15	Rom 2:25-3:8
16	Rom 3:9-31
17	Rom 4:1-12
18	Rom 4:13-5:5
19	Rom 5:6-21
20	Rom 6:1-23
21	Rom 7:1-14
22	Rom 7:15-8:6
23	Rom 8:7-21
24	Rom 8:22-39
25	Rom 9:1-21
26	Rom 9:22-10:13
27	Rom 10:14-11:12
28	Rom 11:13-36
29	Rom 12:1-21
30	Rom 13:1-14
31	Rom 14:1-23

date	Scripture
1	Rom 15:1-21
2	Rom 15:22-16:7
3	Rom 16:8-27
4	1 Korin 1:1-17
5	1 Korin 1:18-2:5
6	1 Korin 2:6-3:4
7	1 Korin 3:5-23
8	1 Korin 4:1-21
9	1 Korin 5:1-13
10	1 Korin 6:1-20
11	1 Korin 7:1-24
12	1 Korin 7:25-40
13	1 Korin 8:1-13
14	1 Korin 9:1-18
15	1 Korin 9:19-10:13
16	1 Korin 10:14-11:1
17	1 Korin 11:2-16
18	1 Korin 11:17-34
19	1 Korin 12:1-26
20	1 Korin 12:27-13:13
21	1 Korin 14:1-17
22	1 Korin 14:18-40
23	1 Korin 15:1-28
24	1 Korin 15:29-58
25	1 Korin 16:1-24
26	2 Korin 1:1-11
27	2 Korin 1:12-2:11
28	2 Korin 2:12-17
29	2 Korin 3:1-18
30	2 Korin 4:1-12
31	2 Korin 4:13-5:10

date	Scripture
1	2 Korin 5:11-21
2	2 Korin 6:1-13
3	2 Korin 6:14-7:7
4	2 Korin 7:8-16
5	2 Korin 8:1-15
6	2 Korin 8:16-24
7	2 Korin 9:1-15
8	2 Korin 10:1-18
9	2 Korin 11:1-15
10	2 Korin 11:16-33
11	2 Korin 12:1-10
12	2 Korin 12:11-21
13	2 Korin 13:1-14
14	Kalesia 1:1-24
15	Kalesia 2:1-16
16	Kalesia 2:17-3:9
17	Kalesia 3:10-22
18	Kalesia 3:23-4:20
19	Kalesia 4:21-5:12
20	Kalesia 5:13-26
21	Kalesia 6:1-18
22	Efesus 1:1-23
23	Efesus 2:1-22
24	Efesus 3:1-21
25	Efesus 4:1-16
26	Efesus 4:17-5:2
27	Efesus 5:3-33
28	Efesus 6:1-24
29	Filipai 1:1-26
30	Filipai 1:27-2:18

date	Scripture
1	Filipai 2:19-3:6
2	Filipai 3:7-4:1
3	Filipai 4:2-23
4	Kolosi 1:1-20
5	Kolosi 1:21-2:7
6	Kolosi 2:8-23
7	Kolosi 3:1-17
8	Kolosi 3:18-4:18
9	1 Tesalonaika 1:1-2:9
10	1 Tesalonaika 2:10-3:13
11	1 Tesalonaika 4:1-5:3
12	1 Tesalonaika 5:4-28
13	2 Tesalonaika 1:1-12
14	2 Tesalonaika 2:1-17
15	2 Tesalonaika 3:1-18
16	1 Timoti 1:1-20
17	1 Timoti 2:1-15
18	1 Timoti 3:1-16
19	1 Timoti 4:1-16
20	1 Timoti 5:1-25
21	1 Timoti 6:1-21
22	2 Timoti 1:1-18
23	2 Timoti 2:1-21
24	2 Timoti 2:22-3:17
25	2 Timoti 4:1-22
26	Taitus 1:1-16
27	Taitus 2:1-14
28	Taitus 2:15-3:15
29	Filimon 1:1-25
30	Hibru 1:1-14
31	Hibru 2:1-18

date	Scripture
1	Hibru 3:1-19
2	Hibru 4:1-13
3	Hibru 4:14-5:14
4	Hibru 6:1-20
5	Hibru 7:1-19
6	Hibru 7:20-28
7	Hibru 8:1-13
8	Hibru 9:1-10
9	Hibru 9:11-28
10	Hibru 10:1-18
11	Hibru 10:19-39
12	Hibru 11:1-16
13	Hibru 11:17-31
14	Hibru 11:32-12:13
15	Hibru 12:14-29
16	Hibru 13:1-25
17	Jems 1:1-18
18	Jems 1:19-2:17
19	Jems 2:18-3:18
20	Jems 4:1-17
21	Jems 5:1-20
22	1 Pita 1:1-12
23	1 Pita 1:13-2:10
24	1 Pita 2:11-3:7
25	1 Pita 3:8-4:6
26	1 Pita 4:7-5:14
27	2 Pita 1:1-21
28	2 Pita 2:1-22
29	2 Pita 3:1-18
30	1 Jon 1:1-10

date	Scripture
1	1 Jon 2:1-17
2	1 Jon 2:18-3:2
3	1 Jon 3:3-24
4	1 Jon 4:1-21
5	1 Jon 5:1-21
6	2 Jon 1:1-13
7	3 Jon 1:1-14
8	Jud 1:1-25
9	Hąkearaleti 1:1-20
10	Hąkearaleti 2:1-17
11	Hąkearaleti 2:18-3:6
12	Hąkearaleti 3:7-22
13	Hąkearaleti 4:1-11
14	Hąkearaleti 5:1-14
15	Hąkearaleti 6:1-17
16	Hąkearaleti 7:1-17
17	Hąkearaleti 8:1-13
18	Hąkearaleti 9:1-21
19	Hąkearaleti 10:1-11
20	Hąkearaleti 11:1-19
21	Hąkearaleti 12:1-18
22	Hąkearaleti 13:1-18
23	Hąkearaleti 14:1-20
24	Hąkearaleti 15:1-8
25	Hąkearaleti 16:1-21
26	Hąkearaleti 17:1-18
27	Hąkearaleti 18:1-24
28	Hąkearaleti 19:1-21
29	Hąkearaleti 20:1-15
30	Hąkearaleti 21:1-27
31	Hąkearaleti 22:1-21

*December*